

續修四庫全書

《續修四庫全書》編纂委員會編

續修四庫全書



上海古籍出版社

三〇〇・史部・正史類

清史稿五百三十六卷(卷四百五十至卷五百三十四)

趙爾巽等撰

.....

—

2287/10

清史稿

列傳二百三十一

黃體芳

宗室寶廷

宗室盛昱

張佩綸

鄧承修

徐致祥

黃體芳字漱蘭浙江瑞安人同治二年進士選庶吉士授編修日探討掌故慨然有經世志累遷侍讀學士頻上書言時政得失晉豫飢請籌急賑整吏治清庶獄稱旨時議禁燒鍋裕民食戶部覈駁體芳謂燒鍋領帖部獲歲銀三萬因上董恂奸邪狀坐鑄級光緒五年三月惠陵禮成主事吳可讀為定大統以尸諫詔言同治十三年十二月初五日降旨嗣後皇帝生有皇子即承繼大行皇帝為嗣吳可讀所奏前旨即是此意於是下羣臣議體芳略言即是此意一語止有恪遵更有何議迺激烈者盛氣力爭巽畏者嗚嚙不吐或忠或謹皆人臣盛節而惜其未明今日事勢也譬諸士民之家長子次子各有孫而自祖父母視之則無異然襲爵職必歸之長房者嫡長與嫡次之別也又如大宗無子次

清史稿

列傳二百三十一

宗止一嫡子然小宗以嫡子繼大宗不聞有所吝者以仍得兼承本宗故也唯君與民微有不同民間以嫡子繼大宗則大宗為主本宗為兼天潢以嫡子繼帝系則帝系為主本宗可得而兼親不可得而兼若人君以嫡子繼長支則固以繼長支為主而本宗亦不能不兼蓋人君無小宗即稱謂加以區別亦於本宗恩義無傷此兩宮意在嗣子承統慈愛穆宗亦即所以慈愛皇上之說也今非合兩統為一統以不定為豫定就將來承繼者以為承嗣似亦無策以處之矣試思此時既不專為穆宗計既正名為先帝嗣子豈有僅封一王貝勒者乎即不專為皇上計古來天子之嗣子豈有以不主神器之諸皇子當之者乎即僅為穆宗計皇上可如民間出繼之子乎即僅為皇上計穆宗可如前明稱為皇伯考乎夫奉祖訓稟懿旨體聖意非僭先帝今上皆無不宜非悖明其統而非其人非擅論統系辨宗法正足見國家億萬年無疆之麻非干犯忌諱此固無意氣可逞亦無功罪可言也疏入詔存毓慶宮自是劾尚書賀壽慈飾奏俄使崇厚誤國洪鈞譯地圖舛謬美使崔國英赴賽會失體皆人所難言直覺震

清史稿

卷四五〇

中外七年遷內閣學士督江蘇學政明年授兵部左侍郎中法事起建索還琉球經費越南議十一年還京劾李鴻章治兵無效請救曾紀澤過歸練師忤旨左遷通政使兩署左副都御史奏言自強之本在內治又歷陳中外交涉得失後卒如所言十七年乞休二十五年卒子紹箕紹第並能承家學而紹箕尤瞻雅紹箕字仲弢光緒六年進士以編修典試湖北首侍講擢庶子京師立大學堂充總辦究心東西邦學制手訂章程遷侍讀學士歷充編書局譯書局監督出為湖北提學使東渡日本與其邦人士論孔教輒心折歸未幾卒

清史稿

列傳二百三十一

宗室寶廷字竹坡隸滿洲鎮藍旗鄭獻親王濟爾哈朗八世孫同治七年進士選庶吉士授編修累遷侍讀光緒改元疏請選師保以崇聖德嚴官寺以杜干預覈實內務府以節糜費訓練神機營以備緩急懿旨嘉納大考三等降中允尋授司業是時朝廷方銳意求治詔詢吏治民生用人行政寶廷力抉其弊諤譔數百言至切直晉豫飢應詔陳言請罪己并責臣工條上救荒四事曰察釐稅開糧捐購洋米增糶局復以災賑賑劇請行分貸法畿輔旱日色赤市言訛誠建議內嚴防範外示鎮定以安人心歷遷侍講學士以六事進曰叨黜陟專責任詳考詢嚴程限去欺蒙慎赦宥稱旨五年轉侍讀學士初德宗繼統嗣文宗懿旨謂將來生有皇子即繼穆宗為嗣內閣侍讀學士廣安請頒餼券被詞責至是穆宗奉安惠陵主事吳可讀堅請為其立後以尸諫下廷臣議寶廷謂恭繹懿旨之意蓋言穆宗未有儲貳即以皇上所生之子為嗣非言生皇子即時承繼也言嗣而統賤焉矣引伸之蓋言將來即以皇上傳統之皇子繼穆宗為嗣也因皇上甫承大統故渾涵其詞留待親政日自下明詔此皇太后不忍歧視之慈心欲以孝弟仁讓之休歸之皇上也廣安不能喻故生爭於前吳可讀不能喻故死爭於後竊痛可讀殉死之忠而廣安惜其遺摺之言不盡意也可讀未喻懿旨言外之意而其遺摺未達之意皇太后早鑒及之故日前降旨時即是此意也而可讀猶以忠佞不齊為慮誠過慮也宋太宗背杜太后明景帝廢太子見深雖因佞臣妄進邪說究由二君有自私之心迺者兩宮懿旨懸於上孤臣遺疏存於下傳之九州載之國史皇上天生聖人必能以皇太后之心

為心請將前後懿旨恭呈御覽明降諭旨宣示中外俾天下後世咸知我皇太后至慈皇上至孝至弟至仁至讓且以見穆宗至聖至明付託得人也如是則綱紀正名分定天理順人情安矣因赴內閣集議意微不合謹以上聞又奏廷臣謂穆宗繼統之議已駭於皇太后前降懿旨之中將來神器所歸皇上自能斟酌盡善固也然懿旨意深詞簡不及此引伸明哲異日皇上生有皇子將繼穆宗為嗣乎抑不即繼乎不即繼似違懿旨即繼又嫌迹近建儲就令僅言繼嗣不標繼統之名而臣民亦隱以儲貳視之是不建之建也而此皇子賢也固宗社福如其不賢將來仍傳繼統乎抑舍而別傳乎別傳之皇子仍繼穆宗為嗣乎抑不繼乎即使仍繼穆宗是亦不廢立之廢立也豈太平盛事乎至此時即欲皇上斟酌盡善不亦難乎廷議之意或以皇上親政皇子應尚未生不難豫酌一盡善之規然國君十五而生子皇子誕育如在微簾之前又何以處之乎與其留此兩難之局以待皇上何如及今斟酌盡善乎且懿旨非皇上可改此時不引伸明哲將來皇上雖斟酌盡善何敢自為變通乎此未妥者一也廷

清史稿

列傳二百三十一

三

議又謂繼統與建儲文義似殊而事體則一似也然列聖垂訓原言嗣統之常今則事屬創局可謂意在存穆宗之統與無故擅請建儲者有間文義之殊不待言矣今廷議不分別詞意漫謂我朝家法未能深知則日前懿旨即是此意之謂何臣民不更滋疑乎此未妥者又一也疏入詔藏毓慶宮其他俄使來議約朝鮮請通商均有所獻納七年授內閣學士出典福建鄉試既蒞事還朝以在途納妾自劾罷築室西山往居之是冬皇太后萬壽祝嘏賞三品秩十六年卒子壽富庶吉士庚子拳匪亂殉難自有傳

宗室盛昱字伯熙隸滿洲鎮白旗肅武親王豪格七世孫祖敬徵協辦大學士父恆恩左副都御史盛昱少慧十歲時作詩用特勤字據唐闕特勤碑證新唐書突厥純特勤為特勤之誤疑是顯名光緒二年進士既授編修益厲學討淵經史輿地及本朝掌故皆能詳其沿革累遷右庶子充日講起居注官閩浙總督何璟巡撫劉秉璋收降台匪黃金滿盛昱劾璟等長惡養奸請下吏嚴議發金滿黑龍江新疆安置尙書彭玉麟數辭官不受職劾其自便身圖啟功臣驕

蹇之漸浙江按察使陳寶箴陛見未行追論官河南聽獄不慎能免佩輪劾其留京干進寶箴疏辯盛昱言其曉曉失大臣體請再下吏議朝鮮之亂也提督吳長慶奉北洋大臣張樹聲檄率師入朝執大院君李堯應以歸時詫為奇勳盛昱言出自誘劫不足言功徒令屬國寒心友邦騰笑宜嚴予處分俾中外知非朝廷本意為講官未半載數言事士論推為譽謬十年遷祭酒法越構費徐延旭唐炯坐失地逮問盛昱言速問疆臣而不明降諭旨二百年來無此政體并劾樞臣怠職太后怒罷恭親王奕訢等而詔醇親王奕譞入樞府盛昱復言醇親王分地禁崇不宜嬰以政務其夏命廷臣會議和戰大局盛昱主速戰力陳七利謂再失事機噬臍無及盛昱為祭酒與司業治麟究心教士之法大治學舍加膏火定積分日程懲游惰獎樸學士習為之一變十四年典試山東明年引疾歸盛昱家居有清譽承學之士以得接言論風采為幸二十五年卒張佩綸字幼樵直隸豐潤人父印塘官安徽按察使卒於軍佩綸成同治十年進士以編修大考擢侍講充日講起居注官時外侮亟累疏陳經國大政請救

清史稿

列傳二百三十一

四

新疆東三省臺灣嚴戒備杜日俄窺伺晉豫飢饉輸早迺引祖宗成訓請上下交儆條四日以進曰誠祈曰集議曰恤民曰省刑恭親王奕訢遭讒構復請責王竭誠負重上嘉納之通政使黃體芳繼陳災狀語稍激絀議佩綸力爭被宥尋丁憂服竟起故官時琉球已亡法圖越南亟佩綸曰亡琉球則朝鮮可危棄越南則緬甸必失因請建置南北海防設水師四大鎮又薦道員徐延旭唐炯知兵堪任邊事並招致劉永福黑旗兵為己用是時吳大澂陳寶琛好論時政與寶廷鄧承修輩號清流黨而佩綸尤以糾彈大臣著一時如侍郎賀壽慈尙書萬青藜董恂皆被劾去光緒八年雲南報銷案起王文韶以樞臣掌戶部臺諫爭上其受賂狀上方意任隆密迺援乾隆朝梁詩正還家侍父事請令引嫌乞養不報又兩疏劾之遂罷文韶而擢佩綸署左副都御史督侍講學士明年法越構衅佩綸章十數上朝廷始遣兵征土寇綴敵勢法人不便其所為伴議和而陰使人攻陷南定佩綸請乘法兵未集救粵督遺水師護越都而樞臣狃和局慮佩綸梗議令往陝西按事已而法果襲順化脅越與盟越事益壞使

歸命在總理各國事務衙門行走十年法人聲內犯佩倫謂越難未已黑旗猶存萬無分兵東來理請毋能成敗戎心上懸之詔就鴻章議遂決戰令以三品卿銜會辦福建海疆事佩倫至船廠環十一樓自衛各管帶白非計斥之法艦集戰書至衆聞警謁佩倫亟請備仍叱出比見法艦升火始大怖遣學生魏瀚往乞緩未至而礮聲作所部五營潰其二營殲焉佩倫遁鼓山麓鄉人拒之曰我會辦大臣也拒如初翼日逃至彭田鄉猶飾詞入告朝旨發帑犒之命兼船政嗣聞馬尾敗止奪卿銜下吏議閩人憤甚於是編修潘炳年給事中萬培因等先後上其罪狀時已坐薦唐炯徐延旭視職至是再論成居邊釋還鴻章再延入幕以女妻之甲午戰事起御史端良劾其干預公事命逐回籍庚子議和鴻章薦其諳交涉詔以編修佐辦和約既成擢四五品京堂稱疾不出三十四年卒何如璋字子錢籍廣東大埔同治七年進士選庶吉士授編修以待讀出使日本歸授少詹事出督船政承鴻章旨和議敵至猶嚴諭各艦毋妄動及敗藉口押銀出奔所如勿納不得已往就佩倫彭田鄉佩倫慮敵蹤跡及之給

清史稿

列傳三百三十一

五

如璋出士論謂閩事之壞佩倫爲罪魁如璋次之如璋亦遣成後卒於家鄧承修字鐵香廣東歸善人舉咸豐十一年鄉試入貢爲郎分刑部轉御史遭憂歸光緒初服闋起故官與張佩倫等主持清議多彈擊號曰鐵漢先後疏論閩姓賭捐大乖政體關稅侵蝕嬰害庫帑以考場積弊陳七事糾正之吏治積弊陳八事肅澄之又劾總督李瀚章失政左副都御史崇勳無行侍郎長敘等違制學政吳寶楨葉大焯布政使方大湜曷易圖鹽運使周星譽諸不職狀會邊警糾彈舉朝慢弛請召還左宗棠柄國政逾歲彗星見則又言宗棠莅事數月未見設施而因推及寶璽王文韶之昏託請罷斥回天意是時文韶方嚮用權任轉重會雲南報銷案起又嚴劾之仍不允久之遷給事中時朝鮮亂平琉球案未結上言簡知兵大臣駐烟臺厚集南北洋戰艦番巡留吳長慶軍成朝互犄角越南亂作法人變順化復請詔百官廷議定國是皆不報十年越事益壞首劾徐延旭唐炯失地喪師趙沃黃桂蘭擁兵偵事宜肅國憲其夏法人願媾和承修聯合臺諫上書極言和議難恃旋與司業潘衍桐密上問敵五策並

劾李鴻章定和之疏嫉劉永福敢戰言之憤絕亡何法果敗盟侵臺灣籠籠臣議和戰未決於是承修再陳三策法所恃爲援者西京東貢我若師分三路亟攻越南彼將自救不暇策之上也分兵爲守敵至則戰敵退不追老師糜餼利害共之策之中也若慮餽運阻不敢言戰則其禍不勝言矣是謂無策補鴻臚寺卿充總理各國事務大臣自此陳說兵事章凡十三上多見採納嗣以中允樊恭煦獲譴上疏管教坐鑄秩明年赴天津佐鴻章與法使巴特納商和約定新約十款還乞歸省未出都命赴廣西與法使會勘中越分界至則單騎出關會法使浦理變浦理變欲先勘原界承修據約先欲改正界限不相下乃陽以文淵保樂海甯歸我而陰電其駐京使臣詆承修違約爭執謂非先勘原界勢將能議朝廷不獲已許之承修遂有三難二害之電奏略言附界居民不願隸法先勘原界慮滋事變難一保樂牧馬游勇曠盛道路梗阻難二原界碑折十有存五峻崗聳嶽瘴雨炎翳人馬不前難三且原界既勘彼必颺去新界奚論駭文淵俱不可得閉門失險戰守兩難害一文淵既失北無寸地關內通商勢將迫脅越既不存粵將焉保害二疏入不省十二年法人別遣狄隆狄塞爾來會適法官達魯倪思海至者蘭爲越人擊殺狄使懼又恥而諱其事堅請按圖畫界朝旨報可於是首議江平黃竹白龍尾各地割隸越承修指圖籍抗爭狄使不能屈欲分白龍尾牛之左歸我而右歸越承修以其地爲欽海外戶法得之則內備防城外斷東興思勸是無欽廉也議久之暫與定約三條猶未決而狄使竟以兵力驅江平黃竹居民內徙朝廷慮敵邊畔命先勘欽西至桂省全界承修遂與訂定清約語詳邦交志十三年具約本末以上復官十四年謝病歸主講豐湖書院讀書養母十七年卒於惠州

清史稿

列傳三百三十一

六

徐致祥字季和江蘇嘉定人咸豐十年進士選庶吉士授編修督中允典試山東累遷內閣學士督順天學政遭憂去服闋起故官光緒十年法越構兵德璉琳以和議進朝旨未決致祥上三策謂決戰宜速任將宜專軍勢宜聯閩事棘言何璟張兆棟無幹濟才而薦楊岳斌張佩倫堪重任頗嘉納時議築鐵路致祥聞而惡之痛陳八害並請力闢邪說亟修河工上責其誕妄璉三級越二年

鐵路議再起又再阻止之先後封事十數上而倦倦於抑奄寺治河工為時論所美歷典福建廣東鄉試十八年授大理寺卿連劾樞臣禮親王世鐸山西巡撫阿克達春而糾彈張之洞尤不遺餘力尋命視學浙江有嚴名中日之役我師敗績上奕劻李鴻章誤國狀請逮葉志超衛汝貴等寘之法而罪馮子材劉永福以征討名號庶可振國威作士氣會山東教案起德使海靖勸李秉衡職致祥曰昔歲罷劉秉璋今茲罷李秉衡是朝廷黜陟之大權操之敵人也為請願全國體母憊敵私念國是不振亂未有已迺援引聖祖篤信朱子垂為家法往事請舉行經筵以輔聖德皆不報秩滿還朝遷兵部右侍郎二十四年上違豫衆情驚疑復以輔導君德之說進是時國家多故聖嗣尙虛致祥為重國本計略言昔宋真宗取宗室子養之宮中逮仁宗既生即遣歸邸厥後仁宗高宗理宗皆踵行之有子而遺養子歸邸者真宗是也無子而即以養子傳授神器者仁宗之於英宗高宗之於孝宗理宗之於度宗是也今以宗社繫託之重臣民屬望之切深維至計取則前朝慎選近支宗室兄弟之子數人擇親擇賢

清史稿

列傳二百三十一

七

入侍禁中止以為子不以為儲格遵家法既可默察其賢否徐以俟皇子之生則皇上未有子而有子皇太后未有孫而有孫而穆宗付託之大業亦繼承有屬矣迺未幾果有立溥儀為大阿哥事二十五年卒

論曰體芳寶廷佩綸與張之洞時稱翰林四諫有大政事必具疏論是非與同時好言事者又號清流黨然體芳寶廷議承大統惟惟忠愛非佩綸等所能及也承脩以搏擊為能致祥以誕妄受責君子譏之唯盛昱言不安發潔身早退庶超然無負清譽歟

清史稿

列傳二百三十一

吳可讀

朱一新

屠仁守

安維峻

文悌

江春霖

吳可讀字柳堂甘肅皋蘭人初以舉人官伏羌訓導道光三十年成進士授刑部主事晉員外郎遭憂去主講蘭山書院會撤拉番蠢動被命佐團練服闋起故官遷吏部郎中轉御史各國使臣請親禮久未決可讀請免拜跪時論魁之烏魯木齊提督成祿誣民為逆擊殺多人虛飾勝狀為左宗棠所劾可讀繼陳其罪有可斬者十不可緩者五尋速問職上諭斬廷臣請改監候可讀憤甚復疏爭請斬成祿以謝甘民再斬臣以謝成祿語過懇直被訶責鑄二級歸復掌教蘭山踰年穆宗崩德宗續業起吏部主事五年穆宗奉安惠陵自請隨赴襄禮還次蘄州宿廢寺自縊未絕仰藥死於懷中得遺疏則請為穆宗立廟也其言曰罪臣聞治不諱亂安不忘危危亂而可諱忘則進苦口於堯舜為無疾

清史稿

列傳二百三十一

一

呻吟陳隱患於聖明為不祥舉動罪臣前因言事獲譴蒙我先皇帝曲賜矜全免臣以斬而死以囚而死以傳訊觸忌而死犯三死而未死求生而再生則今日罪臣未盡之餘年皆我先皇帝數年前所賜也欽奉兩宮皇太后懿旨以醇親王之子承繼文宗顯皇帝為子入承大統為嗣皇帝俟嗣皇帝生有皇子即承繼大行皇帝為嗣我皇上仁孝性成承我兩宮皇太后授以寶位將來千秋萬歲時必能以我兩宮皇太后今日之心為心而在廷之忠佞不齊即衆論之異同不一以宋初宰相趙普之賢而猶首背杜太后以明大學士王直之為舊臣而猶以黃玠請立景帝太子一疏不出我輩為愧賢者如此邊問不肯舊人如此奚責新進名位已定者如此況在未定惟有仰求我兩宮皇太后再降諭旨將來大統仍歸大行皇帝嗣子嗣皇帝雖百斯男中外臣工均不得以異言進如此則猶是本朝子以傳子之家法而我大行皇帝未有子而有子即我兩宮皇太后未有孫而有孫異日繩繩揖揖相引於萬代者皆我兩宮皇太后所自出而不可移易者也彼時罪臣即欲有言繼思降調不得越職言事今逢

我大行皇帝奉安山陵恐積久漸忘則罪臣昔日所留以有待者今則迫不及待矣謹以我先皇帝所賜餘年為我先皇帝上乞數行懿旨惟望我兩宮皇太后我皇上憐其哀鳴勿以為無疾呻吟不祥舉動則罪臣雖死無憾尤願我兩宮皇太后我皇上體聖祖世宗之心調劑寬養忠厚和平之福任用老成母

爭外國之所獨爭為中華留不盡母創祖宗之所未創為子孫留有餘罪臣言畢於斯命畢於斯謹以大統所繫上聞吏部奏請朝詔憫其忠子優卹下羣臣議遂定以繼德宗之統為穆宗之子無異論可讀臨歿遺書與其子之桓謂出

海防策語至切要典湖北鄉試稱得士十一年轉御史連上封事言論侃侃不避貴戚內侍李蓮英漸著聲勢逾歲醇親王奕譞閱海軍廷英從一新憂之而適值山東患河燕晉獨閩患水遂以遇災修省為言略曰我朝家法殿取宦寺世祖宮中立鐵牌更億萬年昭為法守聖母垂簾安得海假采辦出京立寅重典皇上登極張得喜等情罪尤重譴配為奴是以綱紀肅然罔敢恣肆迺今夏巡閱海軍之役太監李蓮英隨至天津道路諱傳士庶駭愕意深宮或別有不得已苦衷匪外廷所能喻然宗藩至戚閱軍大典而令刑餘之輩廁乎其間其將何以詰戎兵崇體制況作法於涼其弊猶貪唐之監軍豈其本意積漸者然也聖朝法制修明萬無慮此而涓涓弗塞流弊難言杜漸防微亦宜垂意從古閣宦巧於逢迎而昧於大義引援黨類播弄語言使宮闈之內疑貳漸生而彼得售其小忠小信之為以陰竊夫作福作威之柄我皇太后皇上明目達聰豈有跬步之地而或敢售其欺順事每忽於細微情易溺於近習侍御僕從罔非正人辨之宜早辨也疏上太后怒詰責疏言苦衷何指一新曰臣所謂不得已

苦衷者意以親藩遠涉內侍隨行藉以示體恤昭慎重也顧在朝廷為曲體在臣庶則為創見風聞北洋大臣以座船迎醇親王王弗受而太監隨乘之至賊人觀聽一不謹慎流弊遂已至斯臣所為不能已於言也詔切責降主事乞終養歸張之洞督粵建廣雅書院延為主講一新博極羣書洞知兩漢及宋明諸儒家法務通經以致用諸生有聰穎尚新奇者必導而返諸篤實正大語具所著無邪堂答問中卒年四十有九

屠仁守字梅君湖北孝感人同治十三年進士選庶吉士授編修光緒中轉御史時政出多門仁守因天變請修政治條上六事曰杜諛卸開舉蔽慎動作抑近習軫民瘼重國計而歸本於大公至正敬天勸民疏上不省又以海軍報効雜進無次僥倖日多仁守痛陳五弊資敘不計弊一名器冒濫弊二勸懲倒置弊三求益得損財計轉虧弊四馴僭朋侵莫可究詰弊五五弊既滋迺生三患患病民患妨賢患賄紀綱法度特以自海軍衙門達之奉懿旨行之母或敢貿然入告遂使謗騰衢路而朝廷不聞患伏隱微而朝廷不知羣小得志龍賂滋張若不停止即承平無事猶或召亂況時局孔艱乎疏入詔從之權貴益側目十五年太后歸政仁守慮僉人譏構兩宮易生嫌隙疏請依高宗訓政往事凡部院題本尋常奏事如常例外省密摺廷臣封奏仍書皇太后皇上聖鑒俟慈覽後施行並請太后居慈甯宮節游觀詔嚴責革職永不敘用既歸主講山西令德堂二十六年兩宮西狩起用五品京堂授光祿寺少卿尋卒吳兆泰字星階籍麻城與仁守友善互相厲以道義光緒二年進士閱十年以編修考授御史時國防廢弛海軍尤不振朝廷迺移其費修頤和園兆泰上疏力爭略謂畿輔奇災嗷鴻遍野僭仆載塗此正朝廷減膳徹樂之時非土木興作之日乞罷園工以慰民望以光繼列祖列宗儉德太后怒罷其官歸里後歷主龍泉經心書院講席充學務公所議長宣統二年卒其先有何金壽者字鐵生籍江夏同治元年一甲二名進士授編修出督河南學政還充日講起居注官光緒二年晉饒上儲糧平糶策越二年畿輔旱金壽曰此樞臣可盡彈也迺援漢代天災策免三公為言請罷樞臣回天意越日命下恭親王奕訢等五人並罷職留任

清史稿

列傳二百三十一

二

清史稿

列傳二百三十二

三

直聲震一時五年復遷陳時弊斥言中外臣工皆庸沓侃侃不撓上以所奏為
社積習特宣示忤當軸意出知江蘇揚州府未出都會崇厚與俄定約救下廷
臣議金壽引西國上下議例請資衆論折強敵逾歲到官錄築隄功賜三品服
八年秋積雨中隔病卒貧不能歸葬總督左宗棠等上其事於朝謂有古循吏
風云

安維峻字曉峯甘肅秦安人初以拔貢朝考用七品小京官光緒六年成進士
改庶吉士授編修十九年轉御史未一年先後上六十餘疏日韓登起時上雖
親政遇事必請太后意旨和戰不能獨決及戰屢敗世皆歸咎李鴻章主款于
是維峻上言李鴻章平日挾外洋以自重固不欲戰有言戰者動遭呵斥准軍
將領望風希旨未見賊先退避偶見賊即驚潰我不能激勵將士決計一戰乃
俯首聽命于賊然則此舉非議和也直納款耳不但誤國而且賣國中外臣民
無不切齒痛恨而又謂和議出自皇太后太監李蓮英實左右之臣未敢深信
何者皇太后既歸政若仍遇事牽制將何以上對祖宗下對天下臣民至李蓮

清史稿

列傳二百三十一

四

英是何人斯敢干政事乎如果屬實律以祖宗法制豈復可容唯是朝廷受李
鴻章囑咐不及詳審而樞臣中或係私黨甘心左袒或恐決裂姑事調停李鴻
章事事挾制朝廷抗違諭旨唯冀皇上赫然震怒明正其罪布告天下如是而
將士有不奮與賊人有不破滅者即請斬臣以正妄言之罪疏入上諭軍國要
事仰承懿訓遵行天下共諒乃安維峻封奏託諸傳聞竟有皇太后遇事牽制
之語妄言無忌恐開離間之端命革職發軍臺維峻以言獲罪直聲震中外人
多榮之訪問者萃于門餞送者塞于道或贈以言或資以贖車馬飲食衆皆為
供應抵戍所都統以下皆敬以客禮聘主講論才書院二十五年釋還遂歸里
三十四年起授內閣侍讀充京師大學總教習宣統三年復辭歸越十有五年
卒維峻崇樸實尚踐履不喜為博辨尤嚴義利之分歸後退隱柏崖杜門著書
隱然以名教綱常為己任每談及世變輒憂形於色卒抑鬱以終著有四書講
義詩文集

文倬字仲恭瓜爾佳氏滿洲正黃旗人以筆帖式歷戶部郎中出為河南知府

改御史光緒二十四年變法詔下禮部主事王照應詔上言尚書許應騫不為
代奏御史宋伯魯楊深秀聯名劾以守舊迂謬阻撓新政應騫明白回奏復
奏稱珍惜名器物色通才並辭連工部主事康有為請罷斥驅逐奏上以抑格
言路首違詔旨禮部尚書侍郎皆革職實照四品京堂文倬以言官為人指使
黨庇報復紊亂臺諫遂上疏言康有為向不相識忽踵門求謁送以所著書籍
閱其著作以變法為宗而尤堪駭詫者詎辭孔子改制謂孔子作春秋西狩獲
麟為受命之符以春秋變周為孔子當一代王者明似推崇孔子實則自申其
改制之義乃知康有為之學術正如漢書戲助所謂以春秋為蘇秦縱橫者耳
及聆其談治術則專主西學以師法日本為良策如近來時務知新等報所論
尊俠力伸民權興黨會改制度甚則欲去拜跪之禮儀廢滿漢之文字平君臣
之尊卑改男女之外內直似只須中國一變而為外洋政教風俗即可致富
強而不知其勢小則羣起鬪爭立可召亂大則各便私利賣國何難曾以此言
戒勸康有為乃不思省改且更私聚數百人在輦轂之下立為保國會日執途

清史稿

列傳二百三十一

五

人而號之曰中國必亡必亡以致士夫惶駭庶衆搖惑設使四民解體大盜生
心藉此以集眾匪徒招誘黨羽因而犯上作亂未知康有為又何以善其後曾
令其將忠君愛國合為一事勿徒欲保中國而置我大清於度外康有為亦似
悔之又曾手書御史名單一紙欲臣倡首鼓動衆人伏闕痛哭力請變法當告
以言官結黨為國朝大禁此事萬不可為以康有為一人在京城任意妄為徧
結言官把持國事已足駭人聽聞而宋伯魯楊深秀身為臺諫公然聯名庇黨
誣參朝廷大臣此風何可長也伏思國家變法原為整頓國事非欲敗壞國事
譬如屋宇年久失修自應招工依法改造若任三五喜事之徒曳之傾倒而曰
非此不能從速恐梁棟毀折且將傷人康有為之變法何以異是此所以不敢
已於言也疏上斥回原衙門行走太后復訓政實文倬知府旋授河南知府二
十六年兩宮西狩文倬迎駕擢貴西道乞病歸卒

江春霖字杏村福建莆田人光緒二十年進士選庶吉士授檢討二十九年轉
御史首論都御史陸寶忠干烟禁不宜為壘長劫親貴及樞臣疆臣章凡數十

上德宗季葉袁世凱出督畿輔入贊樞廷權勢傾一時春霖獨論列十二事謂
洪範有言臣之有作威作福其害於爾家凶於爾國左氏傳云受君之祿是以
衆黨有黨而爭命罪孰大焉今世凱所爲其心即使無他其跡要難共諒歷攷
史册所載權臣大者貽憂君國小者禍及身家竊神器之徒姑置勿論即功
在社稷如霍光李德裕張居正亦以權寵太盛傾覆相尋今不獨爲國家計宜
加裁抑即欲使世凱子孫長守富貴亦不可無善處之法嗣是糾彈世凱及慶
親王奕劻父子連上八疏皆不報然朝貴頗憚之宣統改元醇親王載灃既
攝政其弟載洵載瀾分長軍諮海軍兩用事春霖謂古者鄭龍共叔失教旋譏
漢驕厲王不容終病載在史册爲萬世戒二王性成英敏休戚相關料不至蹈
覆轍而慎終於始要宜杜漸防微又謂景皇帝以神器付之皇上冲齡踐阼軍
國重事監國攝政王主之治同其樂亂同其憂國之不保家於何寄篇末又言
監國歲未及週物議沸騰至於此極臣不禁爲祖宗三百年國祚效賈生痛哭
流涕長太息矣明年又劾江西巡撫馮汝駉殿狀效宋臣包拯七上彈章末

清史稿

列傳二百三十二

六

復言是非不明請將前後章奏明詔宣示敕部平議語至懇直被詞責復劾奕
劻老奸竊位多引匪人非特簡忠良不足以贊大猷挽危局詞連尙書徐世昌
侍郎楊士琦沈雲沛總督陳夔龍張人駿巡撫寶壽等十數人朝旨再責
之令回原衙門行走春霖遂稱疾歸越八年卒
論曰有清列帝家法最嚴迨至季世創制垂簾於是闕寺漸肆而親貴權要亦
聲勢日著雖有直言敢諫之士無補危亡亦盡其心焉而已可讀尸諫幸靈孤
忠一新仁守維峻先後直言皆以語侵太后獲罪文倂言政結黨實敗黨爭而
春霖連劾權貴言尤痛切當國者終於不悟又有太監寇連才上書泣諫請太
后歸政廢頤和園且言不爲祖宗天下計獨不自爲計終以違制被刑以死建
言又何得以閹官少之類無可歸故附見於此

清史稿

列傳二百三十三

郭嵩燾

崇厚

曾紀澤

薛福成

黎庶昌

李鳳苞

洪鈞

劉瑞芬

徐蕤朋

楊儒

郭嵩燾字筠仙湖南湘陰人道光二十七年進士選庶吉士適憂歸會粵寇犯
長沙竹園藩奉詔治軍嵩燾力贊之出贛事巫江忠源乞師國藩國藩遣之往
從忠源守章門是時寇艘集饒瑞分泊長江因獻編練水師議忠源聽之令具
疏請救湖南北四川製戰艦百餘艘嗣以贛被圍久船非可剋期造迺先遣巨
筏列礮其上與陸師夾擊寇引去厥後用以塞湖口者即此筏也湘軍名大顯
論功授編修還朝入直上書房咸豐九年英人犯津沽僧格林沁撤北塘備嵩
燾力爭之議不合辭去同治改元起授蘇松糧儲道遷兩淮鹽運使庫儲竭諸

清史稿

列傳二百三十三

一

軍仰餉准饒者數十萬嵩燾躬自掣驗配置各營提督李世忠擁重兵行私姦
亡誰何益遣人捕治之連政迺明年署廣東巡撫寇偏陽山亟使張運蘭擊
卻之詔安陷饒平大埔警與總督瑞麟遣將防邊追入詔安城殺數千人軍稍
振是時金陵克罷釐捐議起嵩燾陳說利害凡千餘言事遂寢僞森王侯玉山
避匿香港恃英爲護符官吏莫能捕嵩燾授公法與爭執以歸論斬而瑞麟遠
張其功以率兵往捕聞嵩燾力止之不可英人大患數移牒詰責初毛鴻寶督
粵事皆決於幕寮徐灝瑞麟繼至灝益橫嵩燾銜之上疏論軍情數劾遂灝
並自請能斥事下左宗棠宗棠言其迹近負氣被詞責左郭本姻家宗棠先厄
於官文罪不測嵩燾爲求解順並言於同列潘祖蔭白無他始獲免至是宗
棠竟不爲疏辨嵩燾念事皆絲督撫同城所誤遂歲解職遂上疏極論其弊不
報光緒元年授福建按察使未上命直總署擢兵部侍郎出使英國大臣兼使
法英人馬加理入滇邊遇害嵩燾疏劾岑毓英意在朝廷自能其職藉籍外人
口也而一時士論大譁謂嵩燾劾外嵩燾言既不用英使威妥瑪出都邦交幾

裂嵩養又欲以身任之上言交涉之方不外理勢勢者人與我共可者與不可者拒理者所以自處勢足而理直固不可違勢不足而別無可恃尤恃理以折因條列四事以進而郎中劉錫鴻者方謀隨嵩養出使慮疏上觸忌過之比嵩養始補上而事已無及既莅英錫鴻為副使益事事齟齬之嵩養不能堪乞病歸主講城南書院未幾而俄事棘崇厚以辱國論死羣臣多主戰徵調騷然嵩養於是條上六事曰收還伊犁歸甘督嚴議曰遣使議還伊犁當赴伊會辦曰直截議取暫聽俄人駐師曰駐英法公使不宜遣使俄曰議定崇厚罪名當稍準萬國公法曰廷臣主戰止一隅見富強酌情理之平上嘉其見確已而召曾紀澤使俄卒改約嵩養雖家居然頗關心君國朝鮮亂作法越韓開皆有所論列逮馬江收恭親王奕訢等去位言路持政府益亟嵩養獨憂之嘗言宋以來士夫好名致誤人家國事託攘外美名圖不次峻擢泊事任屬變故與遷就倉皇周章失厝生心害政莫斯為甚是疏傳於外時議咸斥之及庚子禍作其言始大驗而嵩養已於十七年卒矣著有禮記質疑四十九卷大學中庸質疑

清史稿

列傳三百三十三

二

三卷訂正家禮六卷周易釋例四卷毛詩約義二卷級邊徵實二十四卷詩文集若干卷其弟崑養字意城以舉人參張亮基戎幕與宗棠俱李開方擾湖北自懷慶折而南武昌夜半得報亟調師會魏公頭驟遇寇寇出不意大擾亂遂斬開方殲其軍報至亮基始知之崑養恒以是自喜駱秉章撫湘崑養從國藩東征宗棠援浙軍資並倚之由國子監助教歷加四品卿後劉峴討黔崑養久引疾歸力起贊軍事苗將平又辭去光緒八年卒

崇厚字地山完顏氏內務府鑲黃旗人河督麟慶子道光二十九年舉人選知階州歷遷長蘆鹽運使咸豐十年署鹽政疏請停領餘引代銷滯引依永平低價會僧格林沁治畿輔水田又勸墾葛沽鹽水沽沃鹵地四千二百餘畝明年充三口通商大臣又明年遷大理寺卿仍留津與英法重修租界條約同治改元以兵部侍郎參直隸軍事尋署總督時葡萄牙遣使入京乞換約崇厚牒請總署標勿受法使哥士耆緩頰始莅津朝命崇厚承其事次年諭退冀州竄匪坐失機被責已而丹使踵葡例拒如初復命為全權大臣訂約五十五條通商

章程九款自是而荷而日而比而意而奧皆遣使求取並為延款語具邦交志復建議設北洋機器局城南分局城壕礮臺與郡城遙相峙五年貸款墾海河北岸首那家沽訖臥河河中洩為渠闢稻田可五百頃手訂試墾章程於是兩岸為沃野九年津郡民教失和被議事寧朝廷遣使修好命充出使法國大臣是為專使一國之始然事畢即返歷署戶部吏部侍郎光緒二年署奉天將軍疏請擇地設官置寬甸懷仁通化三縣增邊關兵備道升昌圖為府改八家鎮為縣徙經歷駐康家屯改梨樹城為廳徙照磨駐八而城其通判知縣並加理事同知銜兼治蒙民議行先後疏論吉林積弊請辦馬賊懲案博清積訟覈荒地除金匪又以私墾圍場者眾為懲寬其既往已墾者量丈升科未墾者擇地安插仍留隙地以講武稱旨四年俄界回寇擾邊與其外部格爾斯合力禁止其秋授出使俄國大臣加內大臣銜普左都御史明年赴俄初左宗棠進兵伊犁乘俄土戰爭要俄人退去庫爾札俄人多所挾求至是崇厚抵利伐第亞謁俄皇達使命貿然與訂和約一自嘉峪關巡西安漢中達漢口俄有通商權一

清史稿

列傳三百三十三

三

自松花江至伯都訥貿易自由一自蒙古及天山南北輸入商品不課稅金一自西伯利亞至張家口歸俄敷設鐵道一自陝甘至漢口既權常稅其雜稅概免一嘉峪關科布多哈密吐魯番烏魯木齊庫車置領事官一凡俄國臣民旅華許攜銃器一伊犁城及附近地凡俄所有土地及建築物不在還付例約成朝野譁然於是修撰王仁堪洗馬張之洞等交章論劾上大怒下崇厚獄定斬監候以徇俄人請貸死仍羈禁吏遣曾紀澤往俄更約爭回伊犁南路七百餘里嘉峪關諸地緩置官十年崇厚輸銀三十萬濟軍釋歸遇太后五旬萬壽隨班祝嘏朝旨依原官降二級賞給職銜十九年卒年六十有七

曾紀澤字劫剛大學士國藩子少負雋才以蔭補戶部員外郎父憂服除襲侯爵光緒四年充出使英法大臣補太常寺少卿轉大理寺六年使俄大臣崇厚獲罪去以紀澤兼之先是俄乘我內亂據伊犁及回部平迺舉以還我議定界通商崇厚不請旨遽署押所定約多失權利因詔紀澤兼使俄議改前約俄以崇厚罹大辟怫甚紀澤慮礙交涉請貸崇厚死上許之論監禁紀澤迺疏言伊

擊一役辦法有三曰戰守和言戰者謂左宗棠等席全勝之勢不難一戰臣竊謂伊犁地形巖險俄爲強敵非西陲比兵戎一啟後患滋長東三省與俄毘連根本重地防不勝防或欲游說歐邦使相牽制是特戰國之陳言耳各邦雖外和內忌而協以謀我則同敦肯出而相助言守者則謂伊犁邊境若多糜巨帑以獲之是驚荒遠潰腹心也不如棄而勿收不知開國以來經營西域者至矣聖祖世宗不憚勤天下力以征討之至乾隆二十二年伊犁底定腹地始得安枕今若棄之如新疆何說者謂姑紓吾力以俟後圖不知左宗棠等軍將召之使還乎則經界未明緩急何以應變抑任其逍遙境上則難於轉餉銳氣坐銷是今日之事戰守皆不足恃仍不外言和亦有辦法三曰分界通商償款其小者也即通商亦較分界爲輕何以言之西國定約之例有常守不渝者亦有隨時修改者不渝者分界是也此益則彼損是以定約之時其難其慎修改者通商是也若干年修改一次條文之不善商務之受損正賴此修改之年可以換約固非彼族所得專也俄約經崇厚議定俄君署押今欲全數更換勢所不

清史稿

列傳二百三十三

四

能臣愚以爲分界既屬常守之局必當堅持力爭若通商各條惟當去其太甚其餘從權應允俟諸異日之修改庶和局可終保全不然事機決裂必須登罪致討此戰之說也廟堂勝算固非使臣所敢議也不然暫置伊犁勿論此守之說也是邊界不可稍讓而全境轉可盡捐臣亦未敢以爲是也再不然姑先爲駁議俟不得已時酌量允之此和之說也是迺市井售物嘗試之術非所以敦信義取遠人也蓋準駁貴有一定之計勿致後日迫於事勢復有後允之條今臣至俄都但言兩國和好自應遣使通誠至辨論公事傳達語言係使臣職分俟接奉本國文牘再行商議如此立言庶不至見拒隣邦貽國羞辱臣爲下唯

構衅紀澤與法抗辯不稍屈疏陳備禦六策十年晉兵部侍郎與英人議定洋藥稅釐歲增銀六百餘萬明年還朝轉入總理各國事務衙門調戶部兼署刑部吏部各侍郎十六年卒加太子少保諡惠敏子廣鑾左副都御史廣銓兵部員外郎

薛福成字叔耘江蘇無錫人以副貢生參曾國藩戎幕積勞至直隸州知州光緒初元下詔求言福成上治平六策又密議海防十事時總稅務司赫德喜言事總署議授爲總海防司福成上書力爭迺止八年朝鮮亂張樹聲代李鴻章督畿輔聞變將檄總署奏請發兵福成慮緩則蹈琉球覆轍請速發軍艦東渡援之亂定以功遷道員十年授署紹台道法蘭西收盟搆兵越南詔綠海戒嚴甯波故浙東要衝也方是時提督歐陽利見賴金雞山楊岐珍賴招寶山總兵錢玉興分守要隘諸將故等夷不相統攝巡撫劉秉璋檄福成綜營務調護諸將築長城釘鐵樁造電綫清問諜絕嚮導與窺伺其南洋援臺三艦爲法人追襲駛入鎮海口復令其合力守禦謀甫定而寇氛逼矣再至再卻之卒不得逞

清史稿

列傳二百三十三

五

而去十四年除湖南按察使明年改三品京堂出使英法義比四國大臣歷光祿太常大理寺卿留使如故未幾坎巨提來乞師坎故疆摩回部自英滅克什米爾遂爲所屬近且築路貫其境坎拒之戰弗勝迺求援朝旨使福成詰其故福成晤英外部沙力斯伯里詢知其防俄心切遂與訂定會立坎曾以釋嫌怨因具選立本末以上並陳英俄互爭帕米爾狀請趣俄分界冀英隱助已而被命集議演繹界綫商務先是曾紀澤使英謀將南掌揮人諸土司盡爲我屬議未決而歸至是福成繼之始變前規稍拓邊界訂定條約二十款語具邦交志福成任使事數年恆倦倦於保商疏請除舊禁廣招徠其爭設南洋各島領事官尤持正義英人終亦從之又以英法教案牽涉既廣條列治本治標機宜甚悉其將歸也復撮舉見聞上疏以陳大指謂宜厲人才整戎備濬利源重使職爲棄短集長之策二十二年歸至上海病卒優詔賜卹卒後半載而中英訂附款致將福成收回各地割棄泰牛論者惜之福成好爲古文辭演述平易曲盡事理尤長於論事紀載著有庸菴文編筆記海外文編出使英法義比日記浙

東籌防錄

黎庶昌字莼齋貴州遵義人少嗜讀從鄭珍游講求經世學同治初元星變應詔上書論時政條舉利病甚悉上嘉之以廣貢生授知縣交會國藩差序國藩素重鄭氏接庶昌延入幕歷署吳江青浦諸邑兩筭權關稅驟進光緒二年郭嵩濂出使英國調充參贊歷比瑞而與諸邦著書以撮所聞見成西洋雜誌晉道員七年命充出使日本大臣值議琉球案及華商雜居事其外部井上馨持其堅庶昌翻復辨論卒如所議明年日本將襲朝鮮庶昌電請速出援師為先發制人計師至日艦知有備還言歸於好中國古籍經戎燼後多散佚日藩族弄藏富庶昌擇其足翼經史者刊古逸叢書二十六種中法易約條列七事進尋遭憂歸服闋仍故官十七年除川東道川俗故開德既莅事設學堂倡實業建病院整武備商百廢具舉中東事起庶昌曰日本蓄謀久矣朝鮮猶其外府也戰固難勝讓亦啟侮適值布告列邦議以維持屬國願東波排難當事者弗納及戰事殷財誦庶昌首輸萬金請按職列等差亦不報二十一年詔陞見駐

清史稿

列傳二百三十三

六

渝法領事聞其將去留辦教案代者多方困之避疾遂去官未幾卒川東民建祠瀉郡祀之馬建忠字眉叔江蘇丹徒人少好學通經史憤外患日深乃專究西學派赴西洋各國使館學習洋務歷上書言借款造路設海軍通商開礦興學儲材北洋大臣李鴻章頗稱賞之所議多採行累保道員光緒七年鴻章遣建忠赴南洋與英人議鴉片專售事建忠以鴉片流毒中外騰謗當富禁於征不可專重稅收時英人持正議者亦以強開煙禁責其政府引以為恥聞建忠言雖未能遂許皆稱其公八年朝鮮始與美國議約鴻章奏派建忠往蒞盟約成英法先後遣使至建忠介之皆如美例成約日本駐朝公使屢調結約事建忠祕不使預聞日人滋不悅建忠歸而朝鮮亂作庶昌以聞時鴻章以憂去張樹聲權北洋大臣令建忠偕海軍提督丁汝昌率兵艦東渡觀變建忠抵仁川日本海軍已先至建忠設辭緩之而亟請速濟師代定亂朝命提督吳長慶率三千人東援建忠先定誘執首亂之策偕長慶汝昌往候大院君李是應滅賜從示坦率及是應來報謁建忠遂執之強納諸與交長慶夜達兵輪而汝昌

護送至天津復擒亂黨授朝鮮國王復其位日使雖有言而亂已定亦無如何皆建忠謀也於是長慶統軍留駐其隨員袁世凱始來佐營務及建忠歸而維新黨之亂又作日軍先入交涉屢失機其後卒致全敗建忠憤後繼失人初謀盡毀譟東行錄以記其事建忠博學善古文辭尤精歐文自英法現行文字以至希臘拉丁古文無不兼通以泰西各國皆有學文程式之書中文經籍雖皆有規矩隱寓其中特無有為之比擬而揭示之遂使學者論文因於句解知其然而不能知其所以然乃發憤刊為文通一書因西文已有之規矩於經籍中求其所同所不同者曲證繁引以確知中文義例之所在務令學者明所區別而後施之於文各得其當不唯執筆學為古文詞有左宜右有之妙即學泰西古今一切文學亦不難精求而會通焉書出學者皆稱其精推為古今特初之作又著有適可齋記言記行等書

清史稿

列傳二百三十三

七

李鳳苞字丹厓少聰慧究心歷算之學精測繪丁日昌撫吳知其才資以貨為道員歷辦江南製造局吳淞炮臺工程局繪地球全圖並譯西洋諸書日昌為船政大臣調充總考工朝議遣生徒出洋加三品卿派為監督光緒三年率赴英法兩國分置肆業明年賜二品頂戴充出使德國大臣旋兼使奧義荷三國往來數千里周旋各國聯絡邦交時建議興海軍並命督造戰艦十年法越構毀暫署法使法事決裂遂奉命回國歸過澳門澳門自明中葉久為葡萄牙人稅居及是葡人私議欲攘為己有鳳苞寓書部臣乞請旨與葡人定約免後患部臣懼生事寢其議後一年葡人遂據其地論者惜之既覆命有旨發往直隸交李鴻章差遣令總辦營務處兼管水師學堂未幾以在德造艦報銷不實被議革職十三年卒著有四裔編年表西國政聞彙編文藻齋詩文集等其他音韻地理數學皆有論著未成

洪鈞字文卿江蘇吳縣人同治七年一甲一名進士授修撰出督湖北學政歷典陝西山東鄉試遠侍讀視學江西光緒七年歷遷內閣學士母老乞終養嗣丁憂服闋起故官出使俄德奧比四國大臣曾兵部左侍郎初喀什噶爾續勘西邊界約中國圖學未精乏善本鈞莅俄以俄人所訂中俄界圖紅綫均與界

約符私慮英先發通譯成漢字備不虞十六年使成備之歸命直總理各國事務衙門值帕米爾爭界事起大理寺少卿延茂謂鈞所譯地圖畫蘇滿諸卡置界外致邊事日棘迺痛勅其貽誤狀事下總署察覆總署同列諸臣以鈞所譯圖本以備考覈非以為左證且非專為中俄交涉而設安得歸咎於此圖事白而言者猶未息右庶子準良建議帕地圖說紛紜宜求精確於是鈞等具疏論列謂內府與圖一統志圖紀載漏略總署歷辦此案證以李鴻章譯寄英國與許景澄集成英俄德法全圖無大紕繆而嚴諸準良所奏則歧異甚多欽定西域圖志叙霍爾干諸地則總結之曰屬喀什噶爾叙喇楚勒葉什勒庫勒諸地則總結之曰屬喀什噶爾西境外文義明顯原奏謂其曰境外者大小和卓木舊境外也曰屬者屬今喀什噶爾為國家自闢之壤地也語近穿鑿喀地正北東北毘俄七河正西倚俄費爾干其西南鑄居者帕也後藏極西曰阿里西北循雪山巡挪格爾坎巨提訖印度克什米爾無待北涉帕地設俄欲羅喀英欲偏阿里不患無路原奏謂二國侵奪拔達克山安集延而終莫得通斯於

清史稿

列傳一百三十三

八

邊情不亦聞乎中俄分界起科布多塔爾巴哈臺伊犁訖喀西南烏仔別里山口止並自東北以達西南原奏謂當日勘界自俄屬薩馬干而東實以烏仔別里西口為界今斷以東口大乖情勢案各城約無薩馬干地名惟浩罕安集延極西有薩馬爾干明史作撒馬兒罕久隸俄與我疆無涉當日勘界並非自西而東亦無東西二口之說不知原奏何以傳訛若此謹繪許景澄所寄地圖以進並陳扼守葱嶺及爭蘇滿有礙約章狀先是坎巨提之役彼此爭其間我是以有退兵徹卡之舉英乘隙而使阿富汗據蘇滿至是俄西隊出與阿戰東隊且駁駁偏邊境總署復具籌辦西南邊外本末以上鈞附言自譯中俄界圖知烏仔別里以南東西橫亘皆是帕地喀約所謂中國界綫應介乎其間今日俄人爭帕早種因喀城定約之年劉錦棠添設蘇卡意在拓邊無如喀約具在成事難說唯依界圖南北經度斜綫自烏仔別里徑南尚可得帕地少半尋按故址已稍廓張俄阿交關揣阿必潰俟俄退兵可與議界當更與疆臣合力經營爭得一分即獲一分之益上皆嘉納十九年卒子優鈞嗜學通經史嘗

譚元史釋文證補取材域外時論稱之

劉瑞芬字芝田安徽貴池人以諸生從李鴻章軍援上海檄主水陸軍械轉運時初用西式槍礮皆購自外洋瑞芬考驗精審應時解濟准軍遂以善川西洋利器名累保道員督辦松滬釐捐光緒二年權兩淮鹽運使准北荐饑流民就食揚州瑞芬築圩城外構棚分宿計口授食所全活六萬餘人旋授蘇松太道租界以黃浦南北分華洋船埠洋人時侵南岸瑞芬丈量南北中分為界設水利局委員董其事洋人亦就範焉擢江西按察使遷布政使十一年改三品京堂命充出使英俄等國大臣授太常寺卿遷大理仍留使改駐英法義比初俄人覬覦漠河金礦瑞芬亟達總理衙門願讓先自開辦英既占緬甸能其朝貢瑞芬執故事與爭乃如舊英復侵西藏瑞芬力爭於其外部追還印度入藏之師乃別議藏印條約事具邦交志瑞芬久事外交有遠見朝鮮亂初起即上書言朝鮮毗連東三省關係甚重中國能收其全土改行省上策也次則當約英美諸國共議保護庶免強鄰獨占存藩屬以固邊陲總署寢其議不行其後果

清史稿

列傳一百三十三

九

如所言十五年召授廣東巡撫十八年卒郵如制子三世珩字棠卿光緒二十年舉人累至道員歷辦江南商務官報學務工程湖北造幣等事旋擢度支部參議加三品卿條議幣制中外稱其精確未及行而辛亥變起遂歸寓上海丙寅年卒嗜古富藏書校刊古籍尤精有眾學軒叢書貴池先哲遺書玉海堂宋元槧本叢書及曲譜曲品等

徐壽朋字進齋直隸清苑人本籍浙江紹興以廩貢生納質為主事請習外情佐津海關辦交涉光緒二年以道員充美日使館二等參贊時華人備於洛士丙冷者多被虐殺壽朋佐使臣鄭藻如索償詞鋒義屈未竟會開秘魯使館移充駐秘參贊攝行公使事秘故虐遇華工益苛其例壽朋與秘廷辨論多所補救駐外久辦理交涉常服遠人晉二品秩還國適李鴻章督畿輔辟居幕府疏薦其練吏治熟邦交召見奏對稱旨二十四年授安徽徽甯池太廣道遷按察使未半載徵還命以三品京堂充韓國全權議約大臣既至與其外部朴齊純議定商約十三條語具邦交志初韓本為我屬國貢獻不絕自馬關定新約認

為獨立自主遂以壽朋膺使命是為中韓立約之始其秋除太僕寺卿約成改充出使韓國大臣奏設漢城總領事惠保僑民始復自治權二十六年聯軍入京鴻章被命議和奏調壽朋佐議壽朋習西國語言文字徐起應付卒能不失鴻章本意逾歲議定和約十二款復力請回鑾遷外務部左侍郎尋病卒予優卹

楊儒字子通漢軍正紅旗人以監生納貢為員外郎銓兵部舉同治六年鄉試久之出為常領道母憂服闋除溫處道調徽甯池太道光緒十八年改四品卿出使美日秘三國大臣補太常寺少卿與英外部葛禮山續定華工條約歷通政使副使左副都御史留使如故二十二年調使俄奧和三國越二年晉工部侍郎仍駐俄二十六年拳亂作聯軍入津沽電命儒遞國書乞俄調解京師陷車駕幸西安俄伴議撤兵而潛使人詣關東掠吉林黑龍江地達營口北儒至黑海行宮與婉商俄允還地而不允撤保路兵將軍增祺遠與訂密約九款多失權利上責其謬妄下嚴旨仍令儒與俄議儒與商更約俄堅拒儒正色曰既

清史稿

列傳二百三十三

十

言保我自主何兵權利權命官權而不予界既稱不利土地何以東三省不為中國版圖俄窮於應始允別立正約上聞而嘉之授為全權大臣逾歲俄交草約十二款趣畫押東南士民甚激昂各國亦騰口舌朝旨命再商改儒責其外部食言語激切俄人勉為改數事而仍未平準儒數往謁拒不見見則第趨畫諾語竟即起不容儒致一詞儒憤出及階踏傷右足乞假赴德與療治俄留之且因其病篤命駐華公使戢耳詩與李鴻章在京協定儒復請代不許調戶部明年正月卒予優卹

論曰中國遣使始於光緒初嵩燾首膺其選論交涉獨具遠識崇厚擅定俄約誤國甚矣紀澤繼之抗議改正其時國勢猶足自申焉至儒爭密約竟以憤死終不能挽救公理尚可恃乎福成庶昌諸人並嫻文學各有著述討論修飾皆美使才也馬建忠定亂濟變策奇制勝亦有足多故並附於篇

清史稿

列傳二百三十四

- 丁寶楨 李瀚章
- 楊昌濬 張樹聲
- 衛榮光 劉秉璋
- 陳士杰 陶模
- 李興銳 史念祖

丁寶楨字稚璜貴州平遠人咸豐三年進士選庶吉士母喪里居遵義楊隆喜反斥家財募壯士八百捍鄉里戰始不利繼獲大勝服闋會苗教盛起巡撫蔣爵遠奏留軍特旨授編修增募至四千人復平越獨山諸城十年除知岳州府始罷遣所募兵虧饟巨萬迺陳五百金案上語衆曰與諸君共事久今庫饋訕徒手歸奈何衆泣曰公毀家紓難我等敢他求乎遂去越歲調長沙有客軍數千以無主將譁變立請大府貸發三萬斬五人事遂定同治二年擢山東按察使會曾格林沁治兵魯豫間令擊河北宋景詩旋劾其擅議招撫部議降三級

清史稿

列傳二百三十四

一

又明年遷布政使曾格林沁戰歿曹州坐法再干議皆得恩旨留任於是言者復推他款彈之事下曾國藩國藩白其無罪巡撫閻敬銘夙高其能至是乞休舉以自代遂拜巡撫之命時捻趨海滋李鴻章建議築膠萊河寶楨會軍燈之六年東捻走濰河東軍王心安築壘方成而隄牆未竣長驅渡河寶楨以聞上怒鴻章交部議寶楨亦褫職留任先是東軍守濰河本皖將潘鼎新汛地皖軍甫南移而北路遽失詔斬心安寶楨抗辯迺有心安而責鴻章寶楨復屢疏相詆於是上益責鴻章忌刻縱寇矣明年西捻趨定州近畿震動寶楨聞警即馳至東昌率騎旅千精卒三千齎五日糧倍道北接捻遂南潰是役也朝廷遣宿衛之旅出國門備寇統兵諸將皆獲譴讓而上獨以寶楨一軍猝出寇前轉戰雄任深祁高肅間復饒陽功最盛數降救褒嘉加太子少保寶楨治軍善乘勢不主畫疆自守以故諸軍會集東西二渠率皆就殲山東而其誅安得海事尤著人口安得海者以奄人侍慈禧太后頗用事八年秋乘樓船緣運河南下旗幟殊異稱有密遣所過招納權賄無敢發者至泰安寶楨先已入告使

騎捕而守之安得海猶大言謂汝輩自速辜耳傳送濟南寶楨曰官豈私出非制且大臣未聞有命必詐無疑奏上遂正法河決郟城侯家林運道梗河臣議大年興工寶楨謂宜及水涸時力疾請自任水醫隨植立不退費半功倍又塞銅瓦廂決口駐買莊聞日本構衅遂密陳海防計請築山東烟臺威海登州礮臺設深口製造機器局從之光緒二年代吳棠署四川總督至即嚴劾貪墨吏澄庸官方建機器局修邵江隄裁夫馬以恤民革陋規以恤吏又改鹽法官運商銷置總局瀘州其井甕分置廠局鹽岸分置岸局歲增帑金百餘萬而捐商奸吏不便所為爭中以蜚語於是臺諫交章糾奏寶楨已坐隄毀銷秩矣而言者復劾停機器局視監工成縣龍茂道丁士彬灌縣令陸葆德職而尤斷斷爭鹽務上以川鹽有成效勿為動已而成都將軍恆訓覆覆隄工亦據及鹽運病商民流弊大寶楨抗辯上慮寶楨惑浮言敕勿易初念尋予寶楨寶楨彌自警易益興積穀嚴督捕治蜀凡十年初莅事時郭內月有盜劫至是誅匪幾盡聲為道不拾遺十一年卒官贈太子太保諡文誠子山東四川貴州建祠寶楨嚴

清史稿

列傳二百三十四

二

剛有成其初至山東也價格林沁方變捻淄川頗貴倨見司道官不設坐寶楨投謁告材官啓王坐則見否則能左右皆大驚王服其強為改容加禮敬銘聞之大稱異至之日親送於郊自是事無大小皆咨寶楨而後行至今言吏治者常與沈葆楨並稱尤勸清操喪歸僚屬集賻始克成行云子五人體常尤著名官廣東布政使

李瀚章字筱泉安徽合肥人大學士鴻章兄也瀚章以拔貢生為知縣餘湖南署永定調益陽改善化曾國藩出治軍檄主饑餉累至江西吉南贛甯道調廣東督糧道就遷按察使布政使同治四年擢湖南巡撫時粵逆李世賢等聚福建分犯贛南窺兩楚貴州苗匪教匪又闖入楚界而寇軍潰卒復竄湖湘三路告警瀚章至則道前江蘇按察使陳士杰壁郴州防閩賊前雲南按察使趙煥聯壁岳州防叛卒閩賊旋引去叛卒犯江西不得逞則折入湘犯攸縣陷安仁興寧副將張義貴擊走之士杰率軍會剿遁入粵卒就殲焉先是瀚章遣總兵周洪印敗黔匪於邊界又越境解銅仁圍因奏言懸軍深入兵家所忌請救新

任貴州布政使兆琛緩赴任專治軍事與楚軍合從之遂遣已革知府李元度進剿思南石阡教匪兆琛洪印進剿清江台拱苗匪所向克捷苗教復蟻結連竄兇州鳳凰廳各軍屢擊皆大破之黔匪遂不敢窺楚境自盜起國藩及胡林翼治師不主畫疆自守瀚章久習楚軍既受任即出境討賊亦其風類也六年調撫江蘇未至署湖廣總督七年調浙江再署湖廣總督旋授光緒元年調四川明年還督湖廣瀚章性簡靜吏事久習知民情偽務與休息其督湖廣最久前後四至皆與弟鴻章更迭受代其母累年不移武昌官所人以為榮尋遭憂去官家居六年再起授漕運總督未幾移督兩廣粵俗舊有閩姓捐四成助饑巡撫馬丕瑤議革之會日本構衅瀚章請循舊收繳備海防時論大譁遂以疾歸又數年卒諡勤恪子十人經畬翰林院侍講

清史稿

列傳二百三十四

三

取花園港縱火燔其棚會天雨止其秋規龍游昌濬禦寇蓮塘破之又敗之孟塘寇逸李世賢聞警遣悍黨赴救中路寇方攻劉培元營昌濬自山下擊寇大潰遂知衢州府明年師偏龍游城南築三壘寇夜奔昌濬踰之湯溪城拔授糧儲道與蔣益澧合兵萬三千戰餘杭城西北寇益浚濠樹壘拒師昌濬攻北門寇出戰會諸軍擊之寇卻昌濬連夷五卡次日攻林清塘去城北十里汪海洋老巢也昌濬規寇壘阻水慮日暮為寇乘酒退師又明年規武康復其城進略湖州寇竄泗安梅溪昌濬自箴頭進桐嶺扼之北攻安吉追寇至孝豐遇湖州敗寇復與徽合攻之降者七千餘人輒解散浙西平遷鹽運使累擢布政使九年除巡撫巡視鎮海口條具見聞陳大信謂宜師敵伎鍊勁旅修築礮臺上嘉納之是時朝廷方銳意求治詔舉賢才昌濬以糧道如山四人應力薦甘肅知縣陶模才器遠大卒如所言坐餘杭葛畢氏案褫職光緒四年起佐新疆軍事數遷至漕運總督十年法人擾海疆朝旨以閩事亟命宗棠為欽差大臣主軍務昌濬與穆圖善佐之張佩綸則會辦也閩浙總督何璟自以不諳兵事請

解職遂命昌濬代之昌濬未至軍而佩綸已通事下宗棠昌濬覆奏入上責其袒護移督陝甘加太子太保昌濬性和巽而務為姑息督甘日左右通回匪莫能制槍械反資寇遂釀成湟中河狄亂昌濬檄各路募土勇助戰守電令提督雷正綰往河州鎮懾張永清往西寧策應蘇員喚往巴燕戎甘都堂駐防並具起事顛末以上事聞嚴旨責其庸賸迺能官二十三年卒釋處分嗣以魏光燾請予甘肅建祠

張樹聲字振軒安徽合肥人粵寇擾皖北以廩生與其弟樹珊樹屏治團殺賊復越境出擊連下含山六安英山霍山潛山無為而太湖一役以五百人陷陣擊退陳玉成眾數萬功尤盛復力行堅壘清野法其時劉銘傳周盛波潘鼎新輩皆相繼築堡聯為一氣皖北破碎獨合肥西鄉差全曾國藩檄守蕪湖調無為遷知府同治元年從李鴻章授上海鴻章立淮軍與銘傳等分領其眾從克江陰晉道員鴻章親視婁門程學啟軍遣樹聲援蕪口破謝家橋逐北至齊門又敗之黃埭學啟遂偏城而軍於是婁門寇道始絕二年攻無錫金匱擊寇芙蓉

清史稿

列傳二百三十四

四

蓉山大破之奪獲戰艦器械不可稱計賜號卓勇巴圖魯予三品服樹聲乘勝趨常州逾歲攻河干二十餘營盡破之城拔進復浙江湖州詔以按察使記名四年署江蘇徐海道尋授直隸按察使赴大名督防務九年調補山西越二年擢漕運總督署江蘇巡撫十三年實授漕總督母憂歸光緒三年起授貴州巡撫適廣東總兵李揚才據靈山構匪擾越南朝旨調樹聲撫廣西治之事甯權總督先後剿平西林苗匪武宣積匪八年鴻章喪母歸葬樹聲攝直督任值朝鮮亂作日使花房義質將兵五百入王京迫朝議約樹聲飛檄吳長慶等赴之遂成約尋盟而還於是長慶等宵攻亂黨悉殲其渠亂迺定樹聲奏令長慶暫戍朝上嘉其能加太子少保明年還督兩廣會法越構兵即以法人侵逼狀上聞遽北甯陷自請解總督職專治軍報可復坐按事不實革職留任未幾病卒諡靖達子直隸江蘇及本籍建祠樹屏自有傳樹屏以收復江蘇各州縣積助至副將從征捻駐周家口戰數捷捻平擢提督賜號額騰額巴圖魯赴晉防河光緒二年徙守河曲保德會皖軍赴援烏魯木齊甘肅流賊曹洪照竄後山樹屏

適奉檄詣省聞警乘大雪追擊之事定賜頭品服授太原鎮總兵移防包頭調大同十三年乞休既歿鴻章狀其績以上予優卹太原建祠

衛榮光字靜澗河南新鄉人咸豐二年進士選庶吉士授編修九年湖北巡撫胡林翼奏調赴軍隨荊州將軍多隆阿攻剿黃州各郡轉戰入安徽平賊畢白餘克太湖潛山捷入以侍講待簡林翼督師勦賊榮光從常以少擊眾林翼卒乃還京供職道經新鄉適山東竄匪入境遂與知縣丁士選集團捍衛同治元年入都補翰林院侍講明年擢侍講學士疏陳剿匪防河事宜是年授濟東泰武臨道署山東鹽運使按察使四年捻首賴文光張總愚竄山東巡撫閻敬銘奏委榮光督辦河防榮光以賊無見糧利速戰堅諭各軍嚴守因賊賊乘夜偷渡榮光然礮擊之諸軍繼進賊大敗六年卸運使任仍兼署按察時賊勢復振巡撫丁寶楨督師出境省城兵單饑竭榮光募民團助守賊屢逼城下卒不能犯旋以父憂歸十二年起江安糧道署按察使光緒元年授安徽按察使遷浙江布政使護理巡撫母憂歸服闋授山西巡撫八年調江蘇臺灣道劉淑被重

清史稿

列傳二百三十四

五

劾詔刑部尚書錫珍往按復命榮光赴臺會鞠榮光言撤總營務開支浮冒罪當死然其治事疏節閭閻政頗便民故臺地番民至今有尸祝者請從寬典其持法嚴而能恕皆此類十二年調浙江巡撫再調山西以疾乞休十六年卒於家
劉秉璋字仲良安徽廬江人參欽差張芾軍敘知縣咸豐十年成進士選庶吉士授編修同治元年李鴻章治兵上海調赴營洋將戈登所練常勝軍故駐滬滋驕准軍初至服陋械絀西弁或侮笑之秉璋語眾曰此不足病也願吾曹能戰否耳明年從克常熟太倉鴻章使別募一軍圖嘉善分寇勢遂提兵五千赴難克楓涇西塘遷侍講進攻張涇匯約水師夾擊彈丸貫膺下不少卻卒克之規平湖其曾陳殿選降於是乍浦海鹽澈浦皆反正又明年與程學啟攻嘉興乘璋入東門燔藥庫寇賊亂眾乘之城拔進取湖州攻吳淞南潯所向摧靡浙西平賜號振勇巴圖魯歷侍講學士四年授江蘇按察使從曾國藩討捻時捻騎颯疾國藩與鴻章皆主圍制策秉璋力贊之破捻豐沛宿遷南追至倉

家集擒大潰又敗之淮南長驅蒙城檢西走自此檢分東西國藩令秉璋軍豫西專剿東檢與提督劉勳俱其冬追入鄂六年除山西布政使未上檢自孝威小河溪竄河口鎮與勳軍追之勳軍前鋒遇伏總兵張遵道戰死勢益熾秉璋橫截之始奔豫七年鴻章代國藩督師議扼運甓檢海隅秉璋駐運西檢撲灘河將自沂莒窺江淮乘璋亟渡河詣桃源會浙軍扼清江亡何賴曾率殘騎數千至追破之淮城事密被賞賚父憂歸服闋起江西布政使光緒元年擢巡撫以母老再乞終養六年遭喪至九年再起撫浙會法越構衅綠海戒嚴秉璋躬履鎮海令綠岸築長埔置地雷悉所有兵輪五梭輔以紅單師船據險設防十一年法艦入蛟門令守備吳杰轟拒之傷其三梭越數日復入虎蹲山北再敗之法將迷祿中礮死然猶浮小舟潛窺南岸復令總兵錢玉興隱卒清泉嶺下突擊之敵兵多赴水死逾歲擢四川總督川境竄遠外接番夷內叢奸宄秉璋曰盜賊蠻夷何代蔑有以重兵臨之幸而勝不為武不幸而不勝餽械轉資寇是真不可為矣故督蜀八年歷平萬縣茂州川北秀山土寇其大小涼山

永貽母憂乞終養以防遏上游為己任數卻寇四年論功加布政使銜時江南既定而廷軍所降寇復叛自湖北金田入郴數千里無與逆戰者士杰要擊之寇大潰賜號剛勇巴圖魯十年母喪服闋除山東按察使光緒元年到官多所平反晉福建布政使未上會巡撫文格被劾詞連士杰能免尋以臺灣軍務命署福建按察使六年遷布政使明年擢撫浙江巡海口增築鎮海笠山港及定海乍浦礮臺八年移山東緣海設防吳大澂會辦北洋防務至登州烟臺見廣武軍壁壘頗采其法而增損之奏請頒行各海口而忌者中以蜚語至劾其海防草率事下尚書延煦左都御史祁世長得白海防軍罷而士杰亦病矣數請乞休始允十八年卒於家子省城及本籍建祠

陶模字方之浙江秀水人同治七年進士改庶吉士散館授甘肅文縣知縣調皋蘭左宗棠為總督方征回又創建貢院兵工諸役並作模躬自料量民不知擾遷秦州直隸州歲旱流徙饑民數十萬屬集出積俸並割公使銀四萬餘金設粥廠不足貸金益之修養濟院增義田恤養婦州南籍水醫城堙模為築隄

沼三百五十丈植美藻楊柳蓄鱗介取其利以時繕完署甘州府知府龍屬縣
供億宗棠奏模治行第一調補迪化州編修廖壽豐薦模器識宏遠堪備闕奇
時回久亂民戶寥落模和輯漢回耕者復聚時議定賦則模謂經畫窮塞當通
周官一易再易之義令民以二畝當一畝徵其六緩其四宗棠采其議邊民始
有久居志慙署蘭州府蘭州道按察使調直隸按察使陝西布政使護巡撫光
緒十七年授甘肅新撫巡撫當葱嶺西有地曰帕米爾乾隆間為我軍鋒所及
高宗嘗勅銘焉葱嶺東南有小部落曰坎巨提歲納貢於我模未至新疆俄侵
帕米爾謀通印度英攻破坎巨提中外方議戰模謂將士能戢土匪未能禦強
敵軍資百物運自內地數月乃達俄英鐵軌瞬息可至新疆與俄相接幾五千
里增兵十倍未足固當民窮財匱之時不可輕言戰惟當購機噐擴電綫飭邊
將嚴為備戰坎巨提故會無令北走而撫其流民與駐俄英使臣合爭議未定
俄曰防英英曰防俄莫可究詰明年二國兵益進將吏咸憤激請戰終不許於
是奏請廢黜坎巨提故會英人亦立其弟買實提艾孜木令鎮撫部民歲納

清史稿

列傳二百三十四

八

貢如故事坎巨提事乃定而俄兵在帕米爾意圖測模以邊防無效自請罷斥
不允廷議將以帕米爾為三國斷脫英垂諸俄猶不可陳兵相持模取德意志
兵法練邊軍選幼童百餘以測算諸法將徐推之各軍見將佐必以惜勞苦
寶槍彈為戒初俄人借巴爾魯克山以處所屬哈薩克期十年山饒水泉林木
富塔城西北廣袤數百里至是期滿無還意模爭之逾年乃如約俄商及附英
諸部至新疆皆不稅模曰是獨苦吾民為奏請普免焉繼回文字語言不相通
漢民愚之貨金輒取重息至賣鬻妻子以償模為之規定章程令讀書習漢語
於是回族欣欣向化矣羅布卓爾古菖蒲海也荒沙無垠巨新疆中部模議開
徑路自新疆之南青海西藏之北噶斯烏蘭達布遜阿爾達托古茲尼蟒依訥
大雪山之陰迂回出入分道測繪得金鐵煤諸礦數十百計欲開採利民以紓
於貧工不克舉乃於羅布卓爾北四百餘里築蒲昌城南百四十里設屯防局
回民徙居成村落其後設置營縣實自模開之二十年日本略朝鮮議決戰
師屢敗甘肅提督董福祥先以祝嘏在京募兵備戰河湟回族聞亂思蠢動二

十一年春撤拉河州西寧大通諸回先後反西寧回曾劉四伏尤悍模遣將接
巴燕戎格與總督楊昌濬合疏請命福祥帥師西援夏平番回亦變河西諸府
東不能通省會則西乞援新疆模奏陳回亂日亟部遣諸將羅平安成哈密牛
允誠守安西玉門趙有正屯肅州而於哈密置東防營務處以道員潘效蘇護
諸將諸亂回遣其徒出關煽新疆回部九月綏來回發難以有備旋定迪化回
應之模詢知秀民與牙役密相結捕斬六人而亂弭十月回逼甘州上罷昌濬
以模署陝甘總督命入關剿撫時福祥將甘軍渡洮魏光燾將湘軍臨洮水模
策東路兵大集回且西竄乃遣兵分駐天山北迪化鎮西為中權而繕完防禦
天山以南諸要隘後路既設備乃將馬步八營馳入關道經沙漠至吐魯番城
回王瑪木特來會勛以大義至哈密校閱各軍令繼回與焉模以有正兵寡戒
毋輕出有正喜功出攻察漢俄博永安二城皆下二十二年元夕薄北大通營
敗歸模遣涼州成軍赴援二月入關羣回斂聚山南模至蘭州視事令效蘇督
諸將略北大通營破所領十大莊堡戮其酋殲數千人諸回氣奪會光燾亦定

清史稿

列傳二百三十四

九

西寧諸回自水口陝西竄青海模令效蘇等出塞陳兵玉門諸山徑毋縱賊出
平地青海蒙古積弱久怵回悍告急朝議令光燾福祥二軍追逐模以師行絕
域糧芻車馱重為民累內地空虛為禍滋大奏寢其議新疆將吏慮回更西竄
亦告急朝議令提督鄧增出青海張俊防北路模策賊非至玉門敦煌掠食不
能遽犯新疆復請能移軍議而令增屯肅州為聲援光燾將湘軍還陝西以與
福祥不相能也賊自青海犯玉門允誠等擊卻之模令玉門軍赴西安五月賊
大至劉四伏奪路求食諸將力戰金蘭益匹馬陷陳大敗賊於牛橋降斬各數
千人飢凍死破中者過半四伏以千數騎遁中道伏發就禽於是徙降回塔里
木河濱計口授田關內外悉平論功實授總督方日事之初起也和戰議不決
模言國強弱視人才人才不足和戰皆不足恃即戰勝亦無益因言天下事當
變通者非一如減中額停捐例汰冗員令京官升遷不出本部司員分類治事
刪棄舊案破除旗兵積習禁士大夫食鴉片分設算學藝學科目廢武科變操
法擇勤舊子弟游學各國培植工藝尤願皇上鑒天災之屢警念民困之莫蘇

懷內政之宜修知外患之難弭毋始勤終怠毋狃目前而忘遠慮時中外諸臣條奏多言變法祛積習模言推行宜漸根本宜急衆聞其嗜利之輩以期富強止於舊法外增一法不得謂之變法於積習外增一習不得謂之祛積習欲求富強當先崇節儉廣教化恤農商其指意大率類此模督陝廿數年銳欲開礦製械興學廣教皆以用不足不能盡舉累疏乞罷二十六年述職入覲道疾留陝西俄調補兩廣總督兩宮西幸迎謁蒲州再乞休不允乃力疾上官二十七年疏請裁減宦官略言宦官干政史不絕書我朝家法嚴明從未有內監預聞政事然除弊如除莠留其芽孽終恐發生宜大加裁汰內廷差使悉可改用士人定宮府一體之制永不再選內監非唯一時盛事實亦千古美談別疏言變通政治宜務本原本在朝廷必朝廷實能愛國愛民乃能以愛國愛民責百官必朝廷先無自私自利乃能以不自私不自利望天下轉移之道一曰除弊蔽一曰去畛域一曰務遠大朝廷當以身作則克己勝私否則雖日言變通無由獲變通之效粵故多盜模定清鄉章程信賞必罰凡練軍分屯許所在州縣

清史稿

列傳三百三十四

十

節制一歲中捕斬名盜千餘人欽廉肇羅諸屬盜數皆次第削平模謂民貧思亂非殺可止令府縣設勸工廠囚不至死者令入廠教養廣東名饒富然取諸民者已重於他行省歲不足五百餘萬則取之賄規仍不足則貸之外人模賂民力已屈追呼不得寬欲有所興革皆坐中沮迭疏請疾甫受代九月卒於廣州贈太子少保諡肅模自爲諸生食貧力學與平湖優貢生顧廣譽震澤諸生陳壽熊吳江舉人沈日富以道義相助既通籍大學士閻敬銘總督楊昌濬皆嘗論薦不以告模模亦不謝也儉約自將不立崖岸恂恂卑下將吏爭爲川而無敢以私干者卒後蘭州迪化皆允建專祠

李興銳字勉林湖南瀏陽人粵寇亂以諸生治鄉團曾國藩治軍東下檄主軍精駐祁門江南飢民就食者萬計興銳慮爲寇乘先期結筏以濟獲安全叙知縣數薦知府同治四年唐義訓金國琛兩軍頓徽州素饒譁變興銳聞之單騎叩其壁諭之曰若輩不遠千里從軍討賊爲富貴計耳奈何自戕爲使寇知之而逼吾後吾無噍類矣饒不給答在臺期以三日逾期請殺我衆曰唯命迺濟

訪主謀者三人白國藩修之事定金陵既克儲平餘銀四十餘萬日擊戎燼後僵屍蔽野因出所餘購義祠一區衆暴骨瘞之八年調直隸補大名府海陞道員乞終養國藩再督兩江檄綜營務與彭玉慶規訂水師營制國藩卒李宗羲代督亦頗信仗之時日本窺臺灣江海戒嚴興銳言於宗羲躬履江陰狼山吳淞崇明擇險設守始倡綠海築礮臺議光緒改元綜辦上海機器製造局博采西國新器增建鐵船礮廠鳩工庀材閱十稔規模備遭喪去官服竟命偕鴻臚寺卿鄧承修往勸中越邊界十二年充出使日本大臣會遊疾未上居三年補天津道旋調山東東海關道威海爲日人所據居民惶恐興銳建議勘地分界主客互守閭市獲安堵其辦交涉獨條理精整事可許者一諾輒立辦遇所不可則抗辯廣坐常服遠人遷長蘆鹽運使歷福建按察使布政使二十六年擢撫江西拳匪作項民相率不靖旬日間毀教堂數十掠教民財產積案二千餘興銳劾能疏防官十餘人限三月定讞償卹費八十餘萬唯節饒以彌罅漏和議成償款累百萬仍以節饒資摺注猶不足則取之土藥釐權絕不

清史稿

列傳三百三十四

十一

累民間毫末署南贛鎮申道發統軍驕蹇不奉法首劾罷之軍紀始肅興銳事國藩久論治壹循軌跡重實行是時上方鄉新政適以十事上曰開特科整學校課官吏設銀行鑄銀幣維國法立保險修農政講武備而歸本於用人爲安內攘外之策言至深切旋移撫廣東二十九年署閩浙總督閩自軍興局所林立有善後濟用勸捐稽覈稅釐諸目叢弊益甚興銳受事裁諸局所併爲財政局事權始一於是釐定常備軍制汰虛冗節浮費而閩事稍稍振矣諭該調署兩江旋病卒諡勤恪

史念祖字繩之江蘇江都人刑部尚書致儼孫念祖幼穎異好讀兵家言論冠入貲爲通判從喬松年軍解蒙城圍有功僧格林沁戰歿曹州捻益熾皖北糜沸念祖率師復英山克高圩雉河集者張洛行老巢也英翰守之陷重圍誓必死念祖計出之而自駐其地期以二十日相見城下適爲均糧法數卻寇營坐堞上彈琵琶教士卒歌寇出視皆驚歎一日聞槍礮聲知援至與寇戰迺令居民登陣守別選銳卒四千分道夾擊縱橫掃盪寇大潰謁英翰止諭二日云數

保道員同治六年移師鳳陽時檢會李允謀窺廬鳳詣五河就李世忠念祖訓知之計說世忠縛以獻錄送壽州實之法晉按察使授滕縣既捷師還寇踰萬里其後迺掘深溝布機械陰徙去追騎多墜死人服其智略直東平賜號捷勇巴圖魯八年除山西按察使年未及三十也上慮其資名輕與直隸按察使張樹聲易官令會國藩察覆稱念祖明爽厲當成大器宜稍緩任事遂解職留直差序十年左遷甘肅安肅道主關內外糧餉給食不乏征西軍倚以集事頗見賞於左宗棠光緒四年晉按察使多所平反理愈應鈞等殺降回疆忤宗棠意再被劾去十年起雲南按察使歷貴州調補雲南布政使時總督岑毓英督師出關需餉亟而巡撫張凱嵩與有郅念祖為陳公私利害請以地丁錢漕受巡撫指麾釐金雜稅供總督兵餉復為貨商款備糧械英德之密薦其賢二十一年授廣西巡撫桂故多匪至則選卒逐捕痛繩以法匪皆斂跡坐失察職罪罷免三十一年賞加副都統銜命赴奉天隨將軍趙爾巽治賑尋督三省鹽務及財政局奉省吏治不飭冒憲毀貨弊風相踵念祖佐爾巽力扶其弊錫荷

清史稿

列傳二百三十四

十一

息煩歲入倍徙并年奏績上嘉之晉記名副都統爾巽移獨徐世昌代之又勅罷宣統二年卒爾巽先後上其功復巡撫原官郵如制

論曰寇亂初平安民保土自以吏治為先然非負文武幹用如寶楨諸人亦不易言効也寶楨政尚威猛瀚章治參清靜而昌濬則不免于姑息樹聲有智略秉璋稱綜覈榮光士杰皆善于用兵而疏于行政與銳重實效念祖好行權模獨識議宏遠能見本原此十人中雖治績不必盡同其賢者至今猶挂人口庶幾不失曾左之遺風歟

清史稿

列傳二百三十五

丁日昌

下寶第

涂宗瀛

黎培敬

崧駿

崧蕃

邊寶泉

于蔭霖

饒應祺

惲祖翼

丁日昌字禹生廣東豐順人以廩貢生治鄉團數卻潮州寇選瓊州府學訓導錄功叙知縣補江西萬安善折獄坐吉安不守罷免參會國藩戎幕復官李鴻章治軍上海機主機器局積助至知府江甯既下除蘇松太道鴻章倚以辦外交事有鈞韓徐起應付率皆就範調兩淮鹽運使准鹽故弊數至則禁私販糾貧吏鬪運道歲入驟增同治六年擢布政使授巡撫江南戎燄後庶政不粗日昌集流亡除豪猾設月報詞訟册定錢漕科則下其法各省又以州縣為親民官疏請設局編刻牧令諸書八年奉敕訓勉臣工日昌條上六事曰舉賢才汰

清史稿

列傳二百三十五

一

虛冗益廉俸選書吏輪漕粟變武科言合旨要遺憂歸光緒元年起授福建巡撫兼督船政辭不允既莅事會墜兩城內水逾丈躬散賑口煦手拊卵翼備至全濟災民數十萬眾咸泣念曰活我者丁中丞也時臺灣生番未靖遂力疾渡臺自北而南所至扶服蟻伏惟鳳山轄境悉芒社及獅頭龜教諸社素梗化遣兵討平之為立善後章程皆遵約束中路水埔六社不諳樹藝履漢民代耕謂之租賸復令有司計口給銀米教之耕作廣設義學教之識字又罷臺屬漁戶稅擬築鐵路開礦產移關稅釐權造船械事民漸喁喁望治矣還閩移疾去吏民啼泣遮道四年疾稍開被命赴福州理烏石山教案先是道光間英人就山築室傳教疆吏不能爭以山在城外飾詞入告厥後占地愈廣閩人忿幾釀變日昌撫閩與力爭議易以城外電局空地未及行遽解職英人占如故閩人不能忍眾聚燬教堂英使責難亟至是命日昌往按鈞稽舊案獲教士侵地左證與英領事往復詰辯卒徒教堂城外閩人鑲石刊績焉逾歲還里明年詔加總督銜令駐南洋會辦海防水師統歸節度復命充兼理各國事務大臣以疾辭

不許八年卒郵如制日昌性孝友撫吳日母黃年九十矣迎養署中備慕如兒時兄寢疾藥饋躬侍兄止之則引李勣焚鬚事為喻好藏書成持靜齋書目五卷世比之范氏天一閣黃氏百宋一廬云子五人惠康最著好學多泛覽有丁徵君遺集

下寶第字頌臣江蘇儀徵人咸豐元年舉人入質為刑部主事累遷郎中浙江道監察御史軍興官吏多避罪冒功奏請檢視各省兵糧數目攻守要害及失陷收復時日功罪以資稽覈其有獲罪之員藉事開復保升宜嚴定限制又言苗沛霖王來鳳乍服乍叛宜專意主剿上皆聽之同治元年遷禮科給事中劾江北水師總統黃彬侵竄通賊督辦軍務侍郎勝保貪窳提督成明擁兵同州蕙無戰志一時推為敢言擢順天府丞遷府尹捕巨盜王景輝等五年乞開缺養親不允出為河南布政使擢福建巡撫時粵寇初平游勇土匪肆掠疏請就地正法報可九年再乞終養許之光緒八年起湖南巡撫平江方雪璣龍陽曹小湖安鄉周萬益張景來皆盜魁也陰結徒黨號哥老會寶第悉賞之法署

清史稿 列傳二百三十五 二

湖廣總督法人侵越南詔借巡撫彭祖賢治江防築礮臺田家鎮南北岸各三座繪具圖說上之時議建樊口石閘寶第以謂樊口內有梁子諸湖袤延八百里水皆無源江入其中瀦為巨浸以民情論重在堵江水之入不在洩內水之出以地勢論江水驟失此洄瀾八百里地則下游隄防必致沖決請緩建石閘而漸除樊口內窪田額賦得旨允行十一年還湖南巡撫任法人款成寶第上言各國通商因利乘便須具臥薪嘗膽之志為苞桑陰雨之謀因條上求才裕饒船政器械四事又言國家財用歲出大宗莫如兵勇並設直省旅綠各營兵額七十七萬每年薪糧銀一千數百萬兩養兵既多費饒尤巨兵多則力弱饒巨則國貧粵逆初起金田僅二千人廣西額兵二萬三千土兵一萬四千乃以三萬七千之兵不能擊二千之賊廣西兵不可用他省可推其後髮捻田苗等匪悉賴湘淮管勇勘定綠營戰績無聞大亂甫夷伏莽未盡兵不得力勇難驟撤于是歲支勇糧一千餘萬賦入有常豈能堪此耗費查綠營馬兵每月一兩九錢戰兵一兩四錢守兵九錢零月似無多必謀別業遂弛專操軍情驛變調

發遷延臣擬請裁額併糧以兩額挑養一兵如額兵一萬半為駐守半赴巡防互相遷成共習辛勤常則計日操演變則隨時援應副參任營官都守充哨弁室家無累而後紀律可嚴此宜變通營制者一也兵擬減額原設將弁亦應核減綠營將弁歲領廉俸雜項職大者可抵白兵數十兵小者亦抵十餘兵自來積弊隱匿空糧攤扣月餼左右役使無非額兵裁汰之概自非將弁所樂擬請先裁將弁以併營營兵必多乃漸裁兵老弱事故缺出停補俟空千名即補精壯五百綠營不足簡撥營勇作為練軍不啓兵衆之疑自無阻撓之慮此宜逐漸辦理者又一也目前兵尙未練勇已議裁若欲節餉則裁勇不足資緩急裁兵為有備而無患下部議行十四年擢閩浙總督兼管福建船政十八年以疾解職卒於家寶第有威重不為小謹駟從甚盛所至誅劔姦猾扶植良愿民尤感之子緒昌戶部七品小京官

清史稿 列傳二百三十五 三

院歲所下獄輒逾百數宗瀛為立條教尤首悔懲誨告並嚴定審理功過章程弊乃稍革晉布政使仿朱子社倉法建立長沙府倉光緒三年拜廣西巡撫苗徭獠獯悍梗化檄所屬廣建學塾刊孝經小學諸書使之誦習又自撰歌詞以勸戒之時晉豫大旱移撫河南割取俸餘萬二千金助振招流亡給籽種老穉無依者設廠收養強有力者任工作世與曾國荃振曾並稱云七年調湖南巡撫撫標兵譁變懲四人而事定及擢總督又有武漢教匪之亂捕誅數十人亦遂安堵言官先後糾彈事下彭玉麟坐才力竭蹶經吏議無何御史陳啓泰劾宗瀛務封殖仍下玉麟按覆玉麟後白其誣時左宗棠督江南欲規復淮鹽減川引宗瀛以減川增淮關川省數十萬鹽丁運夫生計因抗疏力爭言按年減運則未運者將盡化為私縱使湖北置兵徵循而巫峽流急鹽船下駛瞬息百里兵少力不能制多恐滋生事端且鄂饑無著下拂輿情上虧國帑辭愷切未幾稱疾乞休歸初宗瀛從廷棟講學為刊遺集以理學稱家居十餘載以徐延旭獲譴追坐舉主下部察議二十年卒年八十三

黎培敬字簡堂湖南湘潭人咸豐十年進士選庶吉士授編修同治三年出督貴州學政阻寇弗能進迺從劉嶽昭借軍數十竟達貴陽時總督勞崇光巡撫張亮基不相協軍事益壞培敬上書言狀朝廷始獲聞邊事黔苗擾疆誦寂寥培敬曰士氣不伸人心所絳不靖也於是出入寇氛按試州縣雖危不緩期貴州士民始復知文教道黔西晤道員岑毓英與語知其諳戎事遂請以滇中軍屬之培敬秩滿以太常寺卿石贊清薦命權布政使其時寇患方亟賊酋潘名榮守龍里久不下培敬曰今附郭百里倉廩猶實不因為資若轉藉寇吾屬必為所虜矣因說提督出城取龍里逾歲克之旋復貴定名榮遁去黔軍克捷自此始詔嘉之予實授綵是東定都勻北靖開修南平陳喬生西除林自清莅黔數載境內悉平光緒改元擢巡撫繼曾璧光後益嚴吏治以上疏請釋前總督賀長齡處分並予諡建祠錫秩罷歸五年起四川按察使時丁寶楨督蜀課吏嚴培敬至資栢山郊迎曰此吾貴州賢使君也培敬以巡撫降官絕無愠意孜孜治事實積數薦其賢六年擢漕運總督漕督雖閑職然應任培敬督

清史稿

列傳二百三十五

四

不以自污公費所餘以之修驛館建兵房增書院發錢興釋奠禮器官煤利濟諸局亦廣續告成人無敢干以私七年授江蘇巡撫未上疾作遂告歸明年卒優詔賜卹諡文肅子貴陽清江浦建祠
崧駿字鎮青瓜爾佳氏滿洲鎮藍旗人咸豐八年舉人由兵部筆帖式累遷郎中同治六年出知廣東高州府以憂解服除起授山東沂州府歷廣西按察使直隸布政使漕運總督光緒十二年巡撫江蘇調浙江所至興利除弊以南糧改折色吏民交困並減旗營民糧織造匠糧令州縣糶價以供漕弊乃革十五年浙患水浸奏請免漕發帑振之而於京協諸餉仍從容籌解復集買購米實倉儲杭嘉湖三府暨蘇松常太諸水源自於潛天目山附近若溪南北二湖為分洩地歲久淤塞用工賑法招集流民疏濬之其杭嘉湖紹諸塘岸堰廂靡不次第修治民賴其利十七年卒於官崧駿以清廉自矢於國計民生服念不忘撫江浙績尤著民請祠之得旨俞允子昆敬戶部郎中
崧蕃字錫侯崧駿弟也咸豐五年舉人初入賞為吏部郎中光緒五年京察一

等簡四川鹽茶道屢署按察使保薦卓異十一年授湖南按察使遷四川布政使十七年擢貴州巡撫廣西寇陸亞瀾煽亂西林與貴州接壤崧蕃遣將扼册亨要隘邊患遂平調雲南巡撫擢雲貴總督檢視防營缺額積弊劾副將雷家春並自請議處革職留任二十六年奏請陞見值拳匪亂命留京會辦城防事旋扈駕至太原飭還本任行次調陝甘總督於城南建立大學堂分兩齋東齋考文西齋講武而修濬甯夏七星渠尤為民所利賴寧郡隄工創自乾隆時魚鹽之利甲通省後漸湮廢中衛縣令王樹相素講求水利崧蕃檄令勘工自七星渠上接白馬通灘疏濬通深百八十餘里灌田六萬餘畝磽确變為沃壤逃亡復業又以渠水分自黃河勢洶湧春夏山水驟發與黃流渾合泥沙雜下旋濬旋塞乃倣古人暗洞激水法凡傍山之渠架油松成洞覆以石板山水流石上而渠水潛行洞中又度地勢築高隄導山水使入黃河並於渠口築進水退水兩壩使黃流曲折入渠不致沖漫工竣數經暴水卒不圯設農務局招墾荒地如平羅涇源諸縣先後報墾數百千畝舊有機器局漸次擴張凡興作實

清史稿

列傳二百三十五

五

事求是不惟其名三十一年調閩浙總督未上以疾卒追贈太子少保子外務部主事豫敬以員外郎補用
邊寶泉字潤民漢軍鑲紅旗人同治二年進士授編修十一年補浙江道監察御史大學士李鴻章總督直隸奏清苑麥秀兩歧寶泉疏論之曰祥瑞之說盛世不言臣來自田間麥有兩歧常所親見地氣偏厚偶然致此何足為異漢章之時以嘉穀芝草改元章和何敵猶據經義而折宋由袁安至馬端臨文獻通考乃舉歷代祥瑞統曰物異夫祥且為異今以無異之物而謂之祥可乎上年畿輔水災甚鉅訖今沒水田廬猶未盡出永定河甫經疏工北岸又潰邊軍未撤民困未蘇鴻章身膺重寄威望素隆當效何敵之公忠懲宋由袁安之導媚皇上御極之初庶吉士嚴辰散館考試曲意頌揚奉旨嚴飭今鴻章為督撫大吏非草茅新進可比乃亦務為粉飾於治道人心關繫尤鉅應請降旨訓飭是時鴻章又以永定河合龍奏獎工員勞動奏上而河復決寶泉又疏請撤銷保案鴻章新建大功寶泉再疏彈之鴻章亦不以為忤天下兩賢之遷戶科給事

中先是都御史胡家玉疏陳丁漕積弊語侵巡撫劉坤一坤一覆奏家玉通賦未完且私書屬託公事實泉復劾坤一籍詞箝制地方長吏此端一開放天下輕視朝廷之漸疏入坤一下部議處光緒三年出為廣西督糧道再遷布政使九年擢陝西巡撫尙書閣銘議陝西收放糧米改徵折色實泉持不可以謂穀數有定今改折色所收必有減於昔而民始樂從所放必加多於前而兵乃足用入不敷出一時強為彌補後將何所取價昔歲大饑終賴道倉儲粟多所全活今並此而去之恐饑饉洊臻益無可恃上聽其議十二年調河南巡撫移疾歸二十年即家起閩浙總督閩鹽運課積八十餘萬前任奏報率皆飛瀝他項為挹注實泉至盡發其覆乃有停釐補課之奏船政舊設大臣後以總督兼之實泉特疏請復故制且條上造船購料延教師籌經費四事而不私其權人嘉其廉讓二十四年卒於官贈太子少保

清史稿

列傳二百三十五

六

崇厚被逮有為之游說者復嚴疏劾之且劾樞臣畏愆欺罔六年授贊善累遷中允八年出為湖北荊宜施道是秋淫雨漢水溢檄所屬開倉振濟又浚紫貝淵上游改闢為塘疏支流洩積潦水患始息新荊州書院設經義治事兩齋生徒雲集講舍至不能容禽斬盜魁李人奴等餘黨屏息宜昌民教構訟法領事袒教民挾兵艦至蔭霖不為動後卒無事英商漏宜昌關稅既覺乃納賄請免不許請補稅許之英商歎其廉十一年擢廣東按察使廣東素多盜至白晝劫掠衢市蔭霖言於總督張之洞奏請就地正法報可順德廉生簡明亮有學行緣事繫獄察其枉立出之十二年遷雲南布政使丁母憂服闋改授台灣布政使未行會弟編修鍾霖以前在籍與蔭霖同辦賑務為姦商湯連魁誣控獲譴蔭霖具疏辨詔遣大臣即訊頗得連魁行賄狀然蔭霖猶坐是落職廢居京師二十二年日本戰事起命往奉天襄依克唐阿軍請募兵二萬自效詔許募萬人分四軍與民團相應授明年和議成總督張之洞山東巡撫李秉衡交章論薦詔賞三品頂戴署安徽布政使至則清釐田賦杜絕欺隱增墾田萬八千餘畝

樽節庫儲至二百萬金二十三年德人索膠州灣又脅朝廷罷李秉衡蔭霖奮然曰是尙可為國乎上疏極論王大臣不職因附陳修省五事不報二十四年擢湖北巡撫之洞為總督頗主泰西新法蔭霖斷爭議以為救時之計在正人心辨學術若用夷變夏恐異日之憂愈大之洞意迂之然仗其清正使治吏事湖北財賦倚釐金蔭霖精心綜核以舉劾為激揚歲入驟增數十萬二十七年調撫河南時兩宮西狩德法兵日謀南下而河北莠民往往仇殺教民蔭霖檄彰衛懷道馮光元捕誅首惡數人德法兵至順德聞教案已結乃還二十八年調湖北會詔裁缺改廣西廷議蔭霖不善外交復降旨開缺假居南陽三十年卒蔭霖晚歲益潛心儒先性理書雖已貴服食不改儒素朱子書不離案側時皆稱之

清史稿

列傳二百三十五

七

饒應祺字子維湖北恩施人幼穎悟好學試作渾天儀旋轉合度年十二入邑庠益究心經世學咸豐九年粵寇石達開自湘鄂犯蜀道恩施應祺率鄉團助城守由候選訓導議敘國子監學正同治元年舉於鄉揀選知縣援例為主事分刑部父卒廬墓側服闋陝甘總督左宗棠檄參軍幕以克金積堡巴燕戎格諸處功擢知府光緒三年署同州知府時秦晉亢旱赤地千里飢民洶洶遮道不得前應祺諭之曰此來賑汝飢耳譁變者殺無赦乃捐俸錢為官紳倡弛重糶禁旬日得糧七十餘萬石又截留他省糧運以助不繼復為招流亡定墾章程給牛種蠲雜稅歲稍轉教民興水利勸樹植設義倉行保甲又規復登書院創修府志文化蔚興士民為立生祠左宗棠疏薦應祺守絕一塵才堪肆應請以道府簡補十年授甘肅知府陝西自軍興兵差旁午設里局董之凡四十一廳州縣大困上命巡撫邊寶泉赴陝查辦疏留應祺理其事應祺督道路衝僻定收支之數分別兵流掃浮汰冗歲省數十萬兩是年冬抵甘肅任賑飢勸學設織紡局孤嫠所革徵草之弊復七勛一束舊章十一年遷蘭州道瀕行士民攀轅留行多泣下者旋署按察使嚴槍檢為婚之禁禽督署差弁及鄉人楊營弁置之法手訂清理庶獄章程以詔羣吏視其功過而黜陟之十五年調新疆喀什噶爾道改鎮迪道兼按察使銜十七年署新疆布政使十九年實授新疆

兵燹後民物凋弊地多荒棄伊犁故腴壤回屯舊八千戶四不存一應祺建議伊犁將軍給新裁錫伯索倫兵牛糧使之屯種給新裁察哈爾厄魯特兵羊馬使牧放並招致關內災民按丁授地實行寓兵於農之法羅布渚爾者舊史所稱星宿海也漢為且末尉犂塔羌諸國地東西廣千六百餘里南北袤千里或數百里自陽關道梗其地遂成甌脫應祺建議巡撫築蒲昌城設英格可力善後局卡克里克屯防局招徠漢回客糧通置驛建堡濬渠教以耕織又請改防軍為標營定額征糧石每年折色之法畫一錢法俄領事原議駐吐魯番後求移駐省垣將軍巡撫難之應祺謂此不必爭我所應爭者洋商稅則須與華商一律同時議定新省毘連英俄陸路進口地不一北道伊犁南道喀什應設關各以本道為監督塔城烏什葉爾羌應設分卡歸各道兼轄均如議行南路初設領署應祺貽書伊塔喀什兩道曰交鄰之道莫先於自治我之用人行政使彼族聞而敬服則遇事不至以非禮相要此為折衝禦侮第一要義飲食往還平時貴以情誼相聯至華洋訴訟必先得華民是非曲直實情而後與之爭

清史稿

列傳二百三十五

八

庶可關其口而奪之氣一詞稍為彼將執以相例而全案皆虛矣情以需之理以盾之又其次也新疆向受協餉每苦缺絀應祺開源節流數年庫儲逾百萬二十一年河堤回塌亂蔓延甘涼諸郡其別股萬餘謀西竄上命應祺署新疆巡撫應祺檄提督牛允誠防安西玉門諸處拒寇境外回會劉四伏果寶玉門之昌馬遇允誠軍戰數不利盡棄輜重踰雪山西逸應祺遣參將李金良要之紅柳峽生禽劉四伏降其眾八千安置於羅布渚爾設軍鎮撫同時庫車回謀起事寄遠回亦以爭新教相仇殺洵思變應祺皆先期撲滅故四伏無內應卒就殲上嘉其功實授巡撫應祺以新疆僻處國西北隅密邇強俄士卒眾而器械窳生齒繁而司牧少不足以固吾圉乃購快槍萬枝於德國而設機器廠製造子彈奏設左右翼馬隊為游擊師又開辦於闐塔城金礦墾荒田開渠井廣興實業凡有利於民生者皆次第舉自是地利盡闢兵備有資較初建行省時迥異矣拳匪亂起俄兵自薩馬進逼邊卡應祺會總督魏光燾伊犁將軍長庚仿東南各省與各領事結互相保護之約俄兵乃退講成應祺應詔陳言略

謂古今中外治法務在求實舊章非無可守守之不以實成法亦具文新法非不可行行之不以實良法亦虛飾心之實不實宜於行事之實不實驗之逾年設詔武備學堂編立常備編備巡警各軍應祺主操練用新法器械用新式人惟求舊必樸實動奮久於戰陣者方可入選上疏極論之並謂中國習洋操三十年一敗於日本再敗於聯軍為務虛名而貽實禍之證所言皆切中時弊而尤斷斷於界約不少遷就帕米爾高原國境也有高宗御製平寇碑立於蘇滿英俄交觀其地而俄人先竊據之應祺官布政使時商之巡撫以理退俄兵遣軍戍焉俄人悔失計日聒於總署要我撤兵應祺持不可謂我自守門戶其理直我退則英必至英來則俄又必爭是息事而益多事也後竟如應祺言坎人求租種沙車屬喇斯庫穆荒地應祺謂坎本我屬宜示懷柔其在玉河卡倫外者可允其租墾納賦比於華人其在玉河東北屬邊內者宜卻之防後患總署與英使議界約以坎部讓與印度而塔墩巴什帕米爾及喇斯庫穆全境皆讓與中國應祺抗言喇本我地不得謂之讓而俄人轉謂中國以喇地讓與英人

清史稿

列傳二百三十五

九

利益宜均以兵威相脅應祺勸屬嚴備邊而以讓租原委及讓約界限詳論之俄人始無辭應祺官西疆久關地安民屢請建官設治以資鎮撫二十八年復疏言新疆自光緒四年改建行省土地日闢戶口日繁原設州縣轄境遼遠非增設府廳不足治理西四城喀什喇爾道疏勒州為極邊重要請升為府距府百八十里之排素巴特地屬唐伽師城改為伽師縣莎車地廣而腴英商屬集請升為府南為澤勒善河增設澤善縣府西南色勒庫爾為古蒲鞏國實坎巨提出入要路又與英俄接壤請設蒲鞏分防通判距于闐縣四百里之洛浦莊增設洛浦縣嗎喇巴什廳為古巴爾楚地改為巴楚州東四城阿克蘇道溫宿州為南疆要衝請升為府舊城巡檢升為溫宿縣距縣四百八十里之柯爾坪增設柯坪縣丞焉耆府南六百三十里布告爾分防巡檢為古之輪台請分設輪台縣卡克里克縣丞其地為古塔羌國改設塔羌縣庫車廳土地廣沃請改為州南沙爾雅增設沙雅縣北路阜康縣之濟木薩縣丞富庶逾於縣舊驛名孚遠升為孚遠縣距吐魯二百四十里之關展巡檢地為古鄯善國升

爲鄞善縣昌吉縣所屬之呼圖壁巡檢向收錢糧請改爲縣丞計升設府三改直隸州二增通判一縣九縣丞二又奏增設鄉試中額二名會試中額一名暨各府學官學額先後皆議行是年調安徽巡撫行抵哈密病卒賜卹如例

俾祖翼字叔謀江蘇湖陽人同治三年舉人以知縣累至道員再攝武昌道教匪王覺一約期起事祖翼時營務乘夜率親兵掩捕之總督涂宗瀛疏保祖翼有濟變才光緒十五年授督糧道調漢黃德道兼江漢關監督以襄河漲發易壞舟創設製樊報水電樹牌鳴鉦各船備禦水至遂無患督按察使擢浙江布政使祖翼以州縣徵糧照舊折價近年錢貴銀賤民力不支乃重定銀價設櫃徵收不得假手書役人稱其惠尤盡心水利於嘉興開泖河疏港建閘以資蓄洩於杭州浚上塘河臨平喬司等處農田三十餘萬畝皆獲灌溉之利上虞南塘舊以土築水至輒決采衆議改建石塘千一百丈始免水患二十六年北京拳亂報至祖翼獨起抑阻匪陷江山常山衛民復毀教戕官英國欲以兵艦赴浙祖翼亟遣員馳往鎮撫獲員犯抵償潛消兵衅會兩江湖廣總督與各國

清史稿

列傳二百三十五

十

訂約保護南疆電詢浙省巡撫劉樹棠方臥病祖翼即逕電以浙省附約人心以安旋擢巡撫以浙省防練各營積弊疏請整飭略言浙省水陸防練各營數逾制兵陸續添募餉實不敷而統領各營哨不願操練緝捕爲何事汲汲焉唯浮冒剋減食弊自肥術愈出而愈奇勇日雜而日弱盜日防而日多今將盪滌宿垢而作新之立法自上責在督撫臣任事即通飭各營與之更始以後如有貪劣將弁仍敢浮冒剋減決不姑容擬先勸其廉恥而兼課其材武一面飭州縣查保甲辦團練以輔制兵之不逮一而遴委廉幹道府酌帶哨勇分往浙東西抽點名糧認眞校閱遇有大股盜匪督率營縣搜拿務絕根株總期合散爲聚化惰爲勤堪備一日之緩急雖然管衛小疾疏解足矣受病既深斷非猛劑不治天下之病無一不根於利統領管哨聞見已慣謂夫督撫所能操以繩其下者撤之而已參之而已撤之則又顧而之他參之則已飽颺而去且未幾而又資緣開復矣未幾而以將才調用矣惟督以峻法務去泰甚庶有以振暮氣而戢貪風或震於各國一時之強幾謂全恃火器不知其本原仍在臨財廉與

清史稿

卷四五四

士卒同甘苦否則未戰先潰火器徒以齋寇直自伐耳可否請旨飭下兵刑各部采臣治亂用重之議嗣遇將弁職證確鑿者分別輕重嚴定參革追繳倍計斬絞之例庶軍心一振於時局或有裨益疏入詔飭各省著爲令未幾丁母憂歸卒卹如例浙人請立祠祀之

論曰疆吏當承平時民生吏治要在因地制宜而已日昌寶第皆以尙嚴著績效宗瀛蔭霖飾之以儒術亦後先稱治培敦有爲有守崧駿兄弟所至盡職實泉勵清操祖翼能濟變並有可稱至應祺官關隴新疆垂四十年邊地初闢治蹟爛然實心實政其勞亦不可沒云

清史稿

列傳二百三十五

十一

一一三

清史稿

列傳二百三十六

錫良

周馥

陸元鼎

張曾敫

楊士驥

馮煦

錫良字清弼巴岳特氏蒙古鎮藍旗人同治十三年進士用山西知縣歷任州縣有惠政光緒初晉大旱錫良歷辦振務戶必清查款必實放民皆德之二十一年山東巡撫李秉衡奏調補沂州知府擢充沂曹濟道抵任值單縣大刀會滋事亟率隊往張示諭衆祇擒首要搜獲盟單當衆焚之匪黨感畏皆散調山西冀甯道晉按察使調湖南擢布政使二十六年拳亂召福京師危急錫良以湖廣總督湖北湖南巡撫會委統率鄂湘軍隊入衛迎駕山西立授巡撫時和議未定洋兵闖入晉邊錫良念兩宮幸陝和局固應兼顧而保晉衛秦亦不容忽乃通令各軍嚴行防守別遣委員出境備師相機因應幸保無事和約定旨始弛防調湖北巡撫復開缺旋授河南河道總督以事簡奏請裁歸巡撫兼理詔

清史稿

列傳二百三十六

一

允行調補河南巡撫兼管河工豫省吏治久隳劾去道府以次數十人政紀肅然泌陽教案事起立派兵馳捕首犯被擄難民無分民教一律撫恤調熱河都統熱河本就蒙地設治向沿舊習不講吏事尤患多盜錫良首請改制設立求治局綜理吏治財政開辦團場荒地以興墾務整飭巡防專意緝捕匪風始戢又以熱境地廣官少奏請升朝陽縣爲府並增設阜新建平隆化三縣熱河自此始有吏治二十九年擢閩浙總督調署四川時方議借外款修川路錫良力主自辦集紳會議奏設專局招商股籌公股復就通省田租歲抽百分之三名爲租股數年積至千萬以上股款之多爲中國自辦鐵路最二十九年廷議整飭藏事藏人疑懼駐藏幫辦鳳全被戕錫良飛檄提督馬維祺督兵進剿並令建昌道趙爾豐率師繼進遂克巴塘仍飭爾豐進討裏塘裏屬桑披寺築礮謀抗拒爾豐以長圍困守六閱月斷其汲道始攻克破桑寺既平諸番懾服於是自打箭爐以外直至察木多巴裏鄉城德格等處均改縣治擴地至數千餘里且興墾開礦設學廣教番人漸知向化矣三十三年調雲貴總督滇省軍政久

廢器械尤缺乃創練陸軍設講武堂添購槍炮舊有防營一律改編自是滇省始有新軍滇多煙產土稅爲收入大宗錫良毅然奏請禁種各省煙禁之嚴唯滇爲最滇南連越越匪竄入河口戕官擾境立飭山隊分路截剿數日而定滇西土司以數十計日漸恣橫宣慰使刁安仁曾遊東洋外人稱以王爵尤驕妄聞有改土歸流之議輒思蠢動錫良先派員詢察曉以利害並令應襲各土司迅辦承襲以安其心刁安仁聞而畏感遣其弟至痛哭自陳改悔邊境得以無事宣統元年授欽差大臣調東三省總督東省自日俄戰罷俄佔北邊日踞南境局勢日危錫良蒞任即疏陳東三省逼遼京畿關係大局遼東租借之約十三年即滿期請朝廷主持上下一心以天下全力赴之以贖回遼東半島爲歸否則枝枝節節爲之恐其不能及也疏入不省錫良又以東三省兩隣分據非修大支幹路不足以貫串脈絡因擬修錦州至瑛珲鐵路須橫貫南滿東清必非日俄所願尤非密借強國外款不能取均勢而策進行適美國財團代表遊歷來奉遂與密訂借款包修草約三日議定電奏請旨速正式簽定即日俄

清史稿

列傳二百三十六

二

再爭已落後着乃部議梗緩復機事不密事竟報罷及日俄協約東事益急錫良以救亡興政均非款莫辦再請商借二千萬兩以千萬設銀行其餘半以移民興墾半以開礦築路仍不省錫良慮東省危急情形朝廷尙未深悉乃請入覲面陳時醇親王監國攝政籌備立憲廷議方注重集權錫良先疏請實行憲法歷陳立憲精神在貴賤上下胥受治於法律先革其自私自利之心若敷衍培克似是而非財力凋敝人心渙漓九年立憲終恐爲波斯之續又以近年重臣親貴出洋考察徒飾觀聽見輕外人疏請停派並慎選親貴實行留學再疏諫中央集權以爲朝廷分寄事權於督撫猶督撫分寄事權於州縣無州縣即督撫不能治一省如必欲以數部臣之心思才力統治二十二行省則疆吏咸爲贅旒風氣所趨軍民解體設有緩急中央既耳目不及外省則呼應不靈爲患實大均不報至是入都而陳監國語尤切直不省如故告罷又不允其時朝鮮爲日併錫良以事勢益迫欲固民心先厚民力當以防匪爲名設立清鄉局籌備預備巡警部以兵法實即民兵奉人慮患思痛爭先應募期年得數萬人

全省皆兵未幾防疫事起疫起俄境沿東清鐵路逐處傳染未決旬蔓延奉吉黑三省俄日羣思干涉錫良以防疫純屬內政嚴起防治三月而疫絕十一國醫士來奉考察開萬國鼠疫研究會於省署錫良主議咸起頌之錫良督東嚴吏治肅軍制清理財政整頓鹽務籌辦八旗生計頗著成績唯目睹內憂外患日危一日顧所以爲東邊計者既多未如志而朝政日非民心日去又無以挽救屢稱病乞罷三年始允解任調理武昌變作召入覲廷議本以錫良赴山陝督師並請獨領一軍衛京畿顧有人蒸之乃改授熱河都統力疾赴任遜位詔下以病勢難支乞罷允之臥病六年堅拒醫藥卒年六十有六諡文誠錫良性清剛自官牧令即挺立無所倚嫉惡嚴所莅止遇不職官吏劾治不少恤非義之財一介不取於權貴尤一無饋遺故遇事動相牽制云

周馥字玉山安徽建德人初侍李鴻章司文牘累保道員光緒三年署永定河道初天津頗患水馥迭治津沽入海金鐘河北運筐港減河及通州潮白河設文武汛官資防守並言天津爲九河故道不洩則水患莫瘳請就上游開減河

清史稿

列傳二百三十六

三

而開屯田南運下游分水勢部議格不行後提督周盛傳開興濟減河屯田小站實本馥議丁艱服除署津海關道朝鮮初通商馥與美提督薛裴爾議草商約保衛之首稱朝鮮爲中國屬邦固以防侵奪也而樞府削之馥私歎曰分義不著禍始此矣九年兼署天津兵備道俄真除津海關道中法事起鴻章命赴海口編民船立國防鴻章之督畿輔也先後垂三十年創立海軍自東三省山東諸要塞皆屬焉用西法製造器械輪電路礦萬端並舉尤加意海陸軍學校北洋新政稱盛一時馥贊畫爲多醇親王校閱海軍嘉其勞擢按察使再署布政使築永定河北岸石堤衛京師蘆溝南減水石壩工尤鉅自是河不溢中日開釁馥任前敵營務處跋涉安東遼陽摩天嶺之間調護諸將收集散亡糧以不匱和議成乃自免歸鴻章疏薦之授四川布政使至則課吏績廣銀幣積糧儲虛教案易生釁撰安輯民教示頒郡縣未幾拳亂作八國聯兵內犯鴻章爲議和大臣總督直隸馥亦調直隸布政使先隨鴻章入都理京畿教案數月事稍定始赴保定受布政使印先是法兵至保定戕前布政使廷雍遂踞司署及

聞馥來列隊郊迎入署久之觀其設施無聞首乃徐引去鴻章卒遂護直督俄擢山東巡撫詔留津檢路事時和議雖成外國兵壁天津踞津檢鐵道設都統治民政屢爭莫能得至是馥竟以片言解之馥撫山東值河決利津薄莊議徙民居不塞薄莊俾河流直瀉抵海沿河設電局備石工訖十餘年河不爲災德踞膠州灣築鐵道達省治因佔路側礦山馥奏開濟南周村商埠相制制德人意沮自撤膠濟路兵還五礦馥既膺疆寄則益欲大有爲凡所以阜民財淪民智者次第興舉天子嘉之擢署兩江總督移督兩廣三十三年請告歸越十四年卒諡愨慎直隸山東江南士民皆祠祀之

陸元鼎字春江浙江仁和人同治十三年進士以知縣即用分山西改江蘇光緒二年權知山陽有姦豪民交通胥役略人口行竄捕輒先遁元鼎黎明起盛儀從謁客中道折至民家破門入縛治其姦取出所略女婦數十人各放歸騷聲雷動補江寧以髮歸服除坐補原缺調上海法蘭西人擊殺縣人沈兆龍傷隱不見法領事不承擊殺元鼎曰時計表墜地有鋼條內斷而磁而未損者與

清史稿

列傳二百三十六

四

此何以異領事語塞如泉焚教堂檄元鼎往視教士聲言議不諧當以兵戎見元鼎曰如泉非軍艦所能至也不爲動抗議十餘日乃定償銀四千無他求是時江南北焚教堂十餘所次第定議悉視如泉移知泰州城河久淤熱歲旱民苦無水元鼎浚治之又移徙市廛迫河濬者雖巨室無所徇下河斜豐港故有隄在泰州境者六十里入東臺境隄庫水至勿能禦元鼎增高至十丈廣如之而豐其下以信工竟按察使檄東臺治隄與泰州接元鼎又助工十有一里自是兩境無水患轉調上元援例以道員候選兩江總督劉坤一疏薦元鼎才任方面二十一年授惠潮嘉道調江蘇糧道濠按察使陸見溫語移時論及前歲日本構戰我軍槍彈多與口徑不合以故敗帝因諭樞臣戒督撫審軍實且曰母謂語由元鼎使督撫生芥蒂也江陰焚教堂縣吏捕首事者上之按察上海領事謂逮捕者非首犯駐京公使言於總督令領事往會鞠元鼎曰會鞠有專官按察使署非會鞠所領事言不會鞠當觀獄也元鼎持不可領事曰其如總署指揮何元鼎曰慎守國憲官可辭法不可撓領事怏怏去樞臣聞而嘉之曰

不爾又為故事矣尋署布政使護巡撫二十九年遷清運總督調湖南巡撫時方在告廣西匪起窺湖南貴州匪逼靖州元鼎力疾赴官籌邊防與總督張之洞會奏以堵為防不如以助剿為防於是募勇令提督劉光才防西路令衛永道莊辰良入貴州而道員黃忠浩佐之辰良攻下龍貫喇忠浩亦大敗悍賊於同樂又令提督張慶雲助擊廣西四十八峒亂徐定朝命雲南布政使劉春霖移湖南率所部滇軍助湘防元鼎言滇軍不可用已而後營果叛體陵會匪謀叛事洩自承革命語連日本留學生元鼎誅二人囚一人他無所株連人心大定徵兵之議起也元鼎已調撫江蘇上言南人柔脆其應徵者多市井無籍不勝兵當專選江北淮徐諸府不當限區域部議格不行其後逃亡相屬如元鼎言二十九年京察開缺另簡明年召入京奏對語及江浙爭滬杭鐵道事元鼎力言士民忠愛無他心上為動容命以三品京堂候補佐辦資政院事俄乞歸宣統二年卒於家

清史稿

列傳三百三十六

五

張曾敷字小帆直隸南皮人同治七年進士以編修出知湖南永順府地屬苗疆號難治斥資募勇戢盜悉寘之法吏之尤貪汚者彈劾之徙知廣東肇慶府有惠愛督撫交章論薦光緒二十年除福建鹽法道閩鹽踊貴私運繼起為嚴立規約奏免全釐以恤商而正課亦饒遷按察使歲餘病免越二年再起召見奏對稱旨皇太后獎其明慎即日授四川按察使未到官遷福建布政使調廣西桂故瘠區又分任庚子賠款益不支曾敷改釐章嚴比較裁冗費能不急官吏用以不繼二十九年拜山西巡撫日俄衅作日軍進駐遼南曾敷建議關要地為商埠別與日本密訂協守同盟之約聲明不干內治所慮者俄為日敗必將取償於我伊犁隣近藩封亦漸外嚮故亟宜籌餉練兵有備無患而庫張鐵路可緩辦以伐其謀言頗扼要馬賊劉天祐等擾後套曾敷調集各軍討平之三十一一年調撫浙江時浙西鹽梟煽熾嘉湖統將吳家玉陰與梟通都司范榮華尤不法曾敷便道之官或勸以兵從曰是速之叛也遂輕騎巡嘉郡召家玉入謁諭以禍福家玉不敢動徐檄他將領其眾而羈之甬東倭榮華等梟漸斂迹浙路交涉久未決草約逾期英領事猶堅執之曾敷據約立爭事乃定三

十三年頒下法律大臣沈家本試行訴訟法曾敷言中國禮教功用遠在法律上是以前親之義載於禮經漢儒說論語亦謂綱常為在所因此各省所同浙不能異者也浙西梟匪出涉浙東寇盜滋治亂國用重典猶懼不勝驟改從輕何以為治此他省或可行而浙獨難行者也於是逐條駁議之是年秋瑾案起秋瑾者浙江女生言革命者也留學日本歸為紹興大通學校教師陰謀亂曾敷遣兵至校捕之得其左驗論重辟黨人大譁調撫江蘇俄調山西稱疾歸家居十四年卒年七十九

清史稿

列傳三百三十六

六

楊士驥字蓮府安徽泗州人光緒十二年進士選庶吉士授編修保道員補直隸通永道擢按察使遷江西布政使復調直隸三十一年署山東巡撫河貫東省千餘里淤高而堤薄歲漫決為巨害士驥以為河所以歲決者河工員吏利興修又因以遷擢也乃定章程歲安瀾官奏敘弁兵支款如例河決官嚴參不得留工効力弁兵依律論斬身巡河堤厲賞罰自是數年山東無河患曹州多盜行清鄉法嚴督捕德兵違約屯膠高久不撤數月盜少賊會各國撤京津兵士驥與德官議遂盡撤駐路德兵二十三年代袁世凱為直隸總督世凱為政首練軍籌款尤多興革務樹威信北洋大臣遂為中外所屬目士驥承其後一切奉行罔有違財政日竭難平為繼而周旋因應常有餘時頗稱之明年入覲時議修永定河士驥閱河工疏言全河受病一由下口高仰宜洩不暢一由減壩失修分消無路蘆溝橋以下舊有減壩年久淤閉宜折修并挑減河因請撥帑四十六萬餘兩詔下部議宣統元年德宗梓宮奉移西陵詔所需不得攤派民間士驥慨然思革百年之弊疏曰國初因明季加派紛繁民生彫敝屢降旨申禁科累近畿繁劇供億多不能盡革故田賦較各省輕而歲出差徭逾於糧銀之數新政迭興學堂巡警諸費無不取給於民諭納之艱日以加其擬官紳合查常年應官差徭實係公用者酌定數目折交州縣自辦不得濫派折錢胥役書差官給津貼庶積弊一清上下交益疏入優詔答之五月卒贈太子少保諡文敏士驥少孤露起家幕僚至於專閩與人無迂舉皆稱其通敏云馮煦字夢華江蘇金壇人光緒十二年一甲三名進士授編修登疏代表奏請

圖自強敦大本行實政德宗嘉納典湖南鄉試稱得士二十一年以京察一等授安徽鳳陽知府鳳屬連年水澇煦單騎按部逐一履勘以被災之重輕定給振之多寡人需實惠並屢平反疑獄總督劉坤一以心存利濟政切先勞疏保兩嶺鳳穎六泗道二十七年遷山西按察使調四川廣安州有聚眾謀毀學堂者獲四人擬照土匪例正法煦白大府請按而後誅以去就爭至免冠抵几不得請不止旋署布政使復調安徽兼署提學使三十三年擢巡撫時國是日非海內外黨人昌言革命巡撫恩銘被刺衆情惶惑煦繼任處以鎮靜治其獄不株連一人主散脅從示寬大人始安復疏言今者黨禍已亟民生不聊中外大臣不思引咎自責合力圖強乃粉飾因循苟安且夕貽誤將來大局防危日甚一日挽救之方唯以數名實明賞罰爲第一義而其要則在民爲邦本一言有尊主庇民之臣川之勿疑有誤國殃民之臣刑之毋赦政府能使天下自治則天下莫能亂政府能使天下舉安則天下莫能危根本大計實係於此疏入大臣權倖多忌嫉之明年遂罷宣統二年江皖大水復起爲查振大臣出入災

清史稿

列傳二百三十六

七

區規定辦法施及豫東未一年凡振三十九州縣放款至三百餘萬後復立義振會連年水旱兼有兵災遠而推至京直魯豫湘浙無歲不災無災不振蓋自洩官訖致仕逮於老與荒政相終始衆稱善人聞國變痛哭失聲越十有五年卒年八十五煦居官廉而好施平素講學以有恥爲的重躬行實踐文章爾雅晚境至鬻文自給云

論曰光緒初督撫權重及其末年中央集權復多設法令以牽制之吏治不可言矣錫良彊直負重安內攘外頗有建樹馥諸紳士驥通敏元鼎辦交涉曾敷論法律並能持正煦善治振與荒政相終始民爲邦本善哉言乎錫良初疏諫集權樞廷轉相箝制及事變起大勢所趨皆一如所言世尤服其先見云

清史稿

李鶴年

文彬

列傳二百二十七

任道鎔

許振禕

吳大澂

李鶴年字子和奉天義州人道光二十五年進士由編修改御史轉給事中父憂歸服除命赴河南襄辦軍務同治元年授常鎮通海道署河南按察使調直隸授布政使四年擢湖北巡撫調河南時捻匪由山東南竄鶴年以爲十餘年來賊屢擾歸陳南汝間即去而他竄必假道於豫乃增募兩軍各萬餘人一日殺軍宋慶統之一日嵩武軍張曜統之更以馬隊屬善慶與兩軍爲犄角於是宋慶等軍大破張總愚睢州鶴年親赴陳留杞督戰任賴各逆復乘虛北擾鶴年以賊蹤無定防河尤急賊果犯中牟以有備不得逞乃於省治西決隄引水南流擾及長垣鶴年飛檄水陸各軍沿隄剿堵賊西走湖北麻城黃岡詔飭宋慶一軍越境會剿履賊無算鶴年自駐許州策應賊竄裕州慶擊敗之善慶及

清史稿

列傳二百三十七

准軍劉銘傳大敗賊贖任柱被戕死賜鶴年頭品頂戴七年奉命督師出境馳抵磁州捻犯近畿更由滑濬等處沿河東趨坐防堵不力再議處豫軍告捷賞還頂戴總愚溺死捻匪平照一等軍功議敘十年擢閩浙總督明年陞見賜紫禁城騎馬旋署福州將軍兼署巡撫詔詢海防事宜覆奏言海防之策莫重於練兵籌餉製器用人四端四者之中以用人爲急務而尤在專其責成沿海疆臣固責無旁貸第無統率大員仍恐意見紛歧臨事推諉上聽其議光緒元年調河東河道總督兼署河南巡撫七年授河南巡撫仍兼河督十年坐審辦盜犯胡體安連疏抗辨部議革職以祝嘏恩賞降二級職銜十三年署河督疏言黃河分流自宋時河決澶州分爲二派明築黃陵岡始合爲一河性上漫則下淤今兩路皆淤急宜疏支河以預籌宣洩報可逾年鄭工復決發軍辜效力未幾釋歸並賞三品銜十六年卒宣統元年開復原官鶴年有知人鑒少與文祥同學相淬厲及居言職駁疏劾肅順跋扈而奏起曾國藩於家謂必能辦賊拔宋慶張曜統豫軍後皆爲名將治豫久多善政豫人刻石頌之始任河督黑

岡隄潰不絕如縷鶴年親督工二十餘晝夜險工克濟德宗嘗詢李鴻藻以善治河者鴻藻舉鶴年上亦識前事之枉也故再任河督其卒也豫民有流涕者三子葆恂博學多文尤知名

文彬字質夫納喇氏內務府滿洲正白旗人咸豐二年進士授戶部主事十年以員外郎隨扈幸熱河明年遷郎中出知山東沂州府拾匪逼府城會師攻拔賊巢禽匪首孫化詳等敘功以道員用同治四年隨布政使丁寶楨敗賊滕縣臨城驛更繞赴東平防賊北竄補充沂曹濟道撫按察使收復海豐掖布政使十年署巡撫補漕運總督再署巡撫旋還任光緒五年督漕北上因請陸見並與河督李鶴年巡撫周恆祉會商運河事宜通籌河道寬深改設運口導引衛河設立隄壩繪具圖說以進略謂現時北運口在張秋南八里廟與南運口斜對相距二十餘里黃流至此雖收束而溜勢散漫歧歧甚多大抵溜勢近南則北口淤墊近北則南口淺阻故漕船出南運口入黃後必東北行二十里至黃溜匯一之史家橋再南行二十里至八里廟北運口汛水大漲方能入運今擬

清史稿

列傳二百三十七

二

移北運口於史家橋北六里黃河西岸由阿城橋東隄開河一道至陶長堡爲出黃入運口門築壩灌塘則黃水不至奪溜可免牽挽之難黃運之間自賈工合龍後每伏秋大雨水無所洩民間低地有積水數年不得耕種者若將賈水引歸一塘不惟蓄水濟運又可涸復民田運口既定即可導引衛河自直隸元城集東三里衛河曲處鑿新河一道經直隸之南樂山東之朝城至張秋南之蕭口油洞入運計衛高于運九丈餘長百五十餘里導以濟運勢如建瓴更有大小二丹水亦可由衛濟運凡建四壩二壩及挑河築隄估銀七十六萬較之借黃濟運旋挑旋淤者相去遠矣又嘗借兩江總督吳元炳奏復淮流故道略謂淮水匯四十餘河淤於洪澤湖楊莊以下雲梯關爲入海故道餘波入運濟漕遇旱復蓄淮流由運河分入淮揚各屆洞以溉民田自洪澤湖不能蓄水張福引河又不通暢每遇盛漲運河一綫東隄其勢岌岌億萬衝溢不至以裏下河爲壑不止論者謂必設法束水然與其上游議堵何如下游深通因條上疏濬楊莊以下舊河入海故道未幾卒有詔褒錫兩江總督劉坤一以文彬遺愛

在民請建專祠清江浦允之子延煜舉人四川鹽茶道延熙舉人九江知府延燧進士武昌知縣延照舉人禮部員外郎

任道鎔字筱沅江蘇宜興人拔貢考授教職咸豐中在籍襄辦團練除奉賢訓導以籌餉勞晉秩知縣鎔當陽多善政調江夏同治二年擢知順德府畿南匪起行堅壁清野法修治城壁屢擊賊於沙河平鄉間會捻衆北犯道鎔率練勇守沙河夜與賊遇揮衆奮擊矛傷及身不退賊徐引去晉秩道員沿河自廣平入久淤塞道鎔與鄰郡合濬又濬郡北響水河復民田萬餘頃總督曾國藩李鴻章迭薦之十一年調保定尋擢開歸陳許道別河工積弊驗工料必以實嘗冒風雨搶護中河險工四晝夜始定光緒元年署按察使授江西按察使省獄羈囚四百餘人道鎔便宜訊決三月而清四年遷浙江布政使調直隸直隸自軍興州縣報銷未清又數值謁陵大差交代糾葛道鎔分別新舊案定限清結裁革州縣攤捐實發養廉銀以郵吏勸屬縣積穀備荒七年擢山東巡撫疏陳營務廢弛易置統將以綠營額餉練新軍責郡縣勸捐捕泰山沂水之間驛路

清史稿

列傳二百三十七

三

崎嶇發卒開治平坦行旅便之旋以保獎已革知府潘駿羣被議又以失察編修林國柱預報起復被劾職降道員家居久之二十一年起河道總督故事河督開封濟甯並設行署自成豐時常駐開封山東河事由巡撫專治至是復改議河督駐濟甯而河南巡撫兼治河道鎔言官吏不相屬則令難行不如仍舊便報可時河患多在下游河督專司上游事簡道鎔務節費歲以餘帑還司庫二十六年拳匪起河南姦民乘機煽亂道鎔處以鎮靜練河標三營助省防次年調浙江巡撫承國威新挫後民教相鬩案多未結持平訊決之籌集債款衡其緩急民不重困二十八年乞病歸逾三年卒於家年八十三許振禕字仙屏江西奉新人咸豐初以拔貢生參曾國藩戎幕追楚軍困於江西都邑相繼陷振禕借內閣中書鄧輔翰募鄉兵擊賊進賢東鄉旋復吉安敘功以同知銓選同治二年成進士授職編修出督陝甘學政時河州降回復叛而西甯諸郡回漢民亦日相仇殺試事久停不舉振禕始按試各郡多錄降人子弟補行八次歲科試入學者數千人回民大服建味經書院於涇陽廣置書

籍以化其獷俗又請陝甘分闈鄉試各設學政允之總督左宗棠以謂邊氓長治久安之效胥基於此父憂歸光緒二年起故官八年授彰德懷道減屬縣差徭費歲二十餘萬豫修裏河隄防淮海各鹽區得免水患十六年擢河東河道總督築榮澤大壩胡家屯米童築各石壩河賴以無患其要尤在嚴稽察不私財權令七廳徑赴司庫支領故積弊除而工堅十一年遷廣東巡撫禁賭開姓粵民利賴之二十四年裁廣東雲南湖北三巡撫缺振禱調內用乞假歸逾年卒附祀江蘇河南曾國藩祠

吳大澂字清卿江蘇吳縣人同治元年秋彗星見西北詔求直言大澂方為諸生入都應京兆試上書言致治之本在與儉舉廉不言理財而財自裕若專務剝克罔恤民艱其國必敝後六年成進士授編修穆宗大婚典禮隆縟疏請裁減繁費直聲震朝右出為陝甘學政奏以倉頡列祀典允之又薦諸生賀瑞麟楊樹椿篤志正學給瑞麟國子監學正銜樹椿翰林院待詔銜士風為之一變時詔修頤和園大澂復言時事艱難請停止工作疏入留中光緒三年山陝大

清史稿

列傳二百三十七

四

饑奉命襄辦賑務躬履災區查勘全活甚眾左宗棠曾國荃李鴻章等交章論薦四年授河北道時比歲荐饑貧民減價鬻田十不得一巡撫涂宗瀛飭荒歲賤價之田准取贖然往往為勢家所持以故失業者眾惟大澂能判決如巡撫指六年詔給三品卿銜隨吉林將軍銘安辦理西北邊防大澂周歷要隘始知琿春黑頂子地久為俄人侵占因請頒舊界圖將定期與俄官抗議未得旨時有韓效忠者登州人備於復州侯氏負博進通往吉林夾皮溝地產金在甯古塔三姓東萬山環繞廣袤七八百里流冗嘯聚其中亡慮四五萬咸受效忠約束效忠嚴而不擾眾服其公允屢抗大軍不出大澂單騎抵其巢留宿三日勸效忠出效忠猶豫意難之大澂曰我不疑若若乃疑我耶對曰非敢疑公某負罪久萬一主兵者執前事為罪某死不恨辜公意奈何大澂挺以自任遂與效忠出奏給五品頂戴子七品係登舉有平寇功授參將七年授太僕寺卿法越事起會辦北洋軍務駐防樂亭昌黎十年遷左副都御史俄命使朝鮮定其內亂鹽運使續昌副之至則日本使臣井上馨避不肯見而挾朝鮮左議政金宏

集於議政院索償兵費三十萬大澂謂續昌曰是蔑我也立率兵至議政院排闥入責數宏集柄國敗壞國事今定約稍不慎便滋異日紛非所以靖國也宏集唯唯井上馨亦氣懾減索兵費十一萬而去十一年詔赴吉林會同副都統伊克唐阿與俄使勘界即所侵琿春黑頂子地也遂授成豐十一年舊界圖立碑五座建銅柱自篆銘曰疆域有表國有維此柱可立不可移於是侵界復歸中國而船之出入關門江者亦卒以通航無阻十二年擢廣東巡撫葡葡牙使界至澳門香山總署與立約通商畫澳門歸葡轄大澂持不可條上駁議不報十四年鄭州河再決上震怒視河督李鶴年職以大澂代之是年冬河工合龍大澂力居多澂盛負時譽會海軍議起以醇親王奕訢為總理大澂素與王善治河功成實授河道總督加頭品頂戴大澂遂疏請尊醇親王稱號禮節疏入孝欽顯皇后震怒出醇親王元年所上預杜妄論疏頒示天下大澂幾得嚴譴以母喪歸乃已十八年授湖南巡撫朝鮮東學黨之亂也日本與中國開釁朝議皆主戰大澂因自請率湘軍赴前敵優詔允之二十一年出關會諸

清史稿

列傳二百三十七

五

軍規復海城而日本由間道取牛莊魏光燾往禦戰不利李光久馳救之亦敗僅以數騎免大澂憤湘軍盡覆拔劍欲自裁王同愈在側格阻之同愈以編修參大澂軍事也光燾請中軍法大澂歎曰余實不能軍富自請嚴議退入關奉革職留任之旨乃還湖南尋命開缺二十四年復降旨革職永不敘用二十八年卒年六十八大澂善篆籀能官後貧甚售書畫古銅器自給著有古籀補古玉圖攷權衡度量攷恆軒古金錄齋詩文集論曰河患日棘而河臣但歲歲安瀾即為奇績久未聞統全局而防永患求治難矣鶴年以善治河稱文彬論治河改運口復淮流亦頗有識道鎔別河工積弊務節減振禱督工嚴盡革中飽尤以勤廉著皆足收一時之效然徒治標非治本計也大澂治河有名而好言兵才氣自喜卒以虛僞收惜哉

清史稿

列傳二百三十八

李朝儀

段起

丁壽昌

曾紀鳳

鐵珊

桂中行

劉含芳

游智開

李用清

李金鏞

金福曾

童兆蓉

李朝儀字藻舟貴州貴筑人道光二年進士授直隸平谷縣歷署饒陽三河咸豐初遷大興京縣署南路同知補東路同知皆有治聲時海防戒嚴察甯河北塘大沽諸礮臺工堅費核平餘銀鉅萬悉以入官晉秩知府十年署順德德匪北竄朝儀率鄉勇出禦嚴陣以待礮折大旗迄不動益使游騎左右馳突為疑兵賊來則擊之退則寂守久之賊引去同治四年署廣平敗賊馬疇橋悉收難民入城料賊必復至儲糧械為城守備已而賊眾數萬果逼城不敢犯城獲全

清史稿

列傳二百三十八

五年補大名馬學孟者故捻黨也善戰有勇力既投誠充團總滑內黃數縣民多附之其黨有殺人者遠近因傳學孟叛矣朝儀馳入其居曉譬利害學孟悟而泣願繳械請罪遂夷其寨赦勿問後朝儀與賊戰得學孟力故不收八年授永定河道署按察使先後任河道八年勤於職守痛革河工積弊課兵種柳資工用焉遼山東鹽運使尋擢順天府尹京畿廢薄朝儀廉勤率之捕劇盜抑豪強絕請託期年風習一變光緒七年卒官朝儀治河績尤著民立祠固安祀之

段起字小湖湖南清泉人初入資助饒敘道員咸豐初佐廣西左江道王普相幕數陳兵事普相薦諸巡撫勞崇光俾將百人從解全州圍別寇鄧正高乘虛襲永州窺衡州起單騎馳諭降其眾貴州叛苗犯懷遠起討平之奉檄率所部援江西謁曾國藩於軍中曾未之奇也時賊踞建昌久不下起夜率四百人撲其壘克之乘勝復德安國藩乃納其軍七年從劉騰鴻李續宜攻瑞州騰鴻戰死起亦被重創卒克之八年援浙解衢州圍還攻景德浮梁並克之明年陳

王成犯景德起扼其衝賊不得逞出家財募勇遣別將率以援浙數有功巡撫王有齡疏調起赴浙將水陸軍會以前功加鹽運使銜留江西以道員補用十一年李秀成犯廣豐遂圍廣信起嬰城固守伺閒出擊賊敗之賊遂引去加布政使銜同治元年授江西督糧道仍留治軍二年克鄱陽彭澤給胡松額巴圖魯名號三年始赴任時軍事漸定議撤兵起條上兵弁安置之策巡撫沈葆楨疏請頒行武職借補及收標考課著為令四年鮑超軍素饑譁潰起聞變馳視遇前隊傷頗有識者大呼曰段糧道也皆棄兵拜起反覆開營變乃定尋兼署按察使江西閩浙之交有山綿亘千里故為盜藪久封禁賊未平時民往往入山避亂久之生息日繁至是或頗言粵寇餘孽窟穴其中詔三省會剿起疑之輕騎周歷詢訪悉其狀檄大吏疏請弛禁民德之立生祠祀焉六年以疾歸邑大饑傾貲振贖全活逾萬家光緒二年再授江西督糧道調江南徐州道六年兩廣總督張樹聲調治海防擢廣東鹽運使八年卒於官

清史稿

列傳二百三十八

丁壽昌字樂山安徽合肥人少為里塾師粵寇擾淮南遂集里中子弟勸以兵法築寨自保同治初率偏師從李鴻章東征轉戰蘇松間由知縣晉秩知府隨潘鼎新攻浙江克乍浦掘乍浦同知又隨克嘉興晉道員進攻湖州戰於晟舍鎮賊憑河為險壽昌見水破其兩壘諸軍隨擊立克之湖州賊遂不振論功加按察使銜六年率師從劉銘傳剿捻迭敗之黃安鄧州城南竄沐陽霖兩平地水數尺捻曾任化邦竄渡沐水而西壽昌先解衣率將士徒涉伐木為梁濟軍既濟乃斷梁眾知無退路奮擊破賊追斬化邦贖檢城下詔以道員簡放加布政使銜又戰濰縣禽捻酋李芸等給西林巴圖魯勇號記名按察使八年天津民教構釁命壽昌率銘軍四千馳赴津沽備非常遂署天津道尋實授時人情洶懼謠言繁興壽昌處以鎮靜扶良詰姦屬境安堵救火會董積憤西教適大火相約不救教堂壽昌聞警奔赴略無眈域會董感其誠乃施救築家園河隄將比壽昌親執畚立水中眾益奮築隄獲全設廠以賑流民廉龐藩瀾悉有程式會遭父喪士民奔走籲留者萬人堅請終制服除詔赴天津總理營務兼充海防翼長光緒四年署津海關道擢按察使署布政使以勤慎稱六年卒官賜

郵贈太常卿於天津建立專祠

曾紀鳳字擘民湖南邵陽人以諸生從軍海保知縣駱秉章督四川調領湘果後管同治元年石達開竄踞敘州雙龍場分軍陷高縣紀鳳從按察使劉嶽昭赴援戰城下克之又迭敗之弔黃樓羅家均涉水先驅奪賊壘連營三十與橫江為犄角紀鳳燬橫江西岸賊巢遂薄雙龍場計招賊黨為內應而潛軍襲其後遂開奔燕子灘遂於橫河半渡擊之遂竄演境三年從克正安進圍綏陽屢戰有功曾知府尋調廣東又調貴州並任軍事十年與總兵鄧千勝克麻哈禽楊阿保曾道員十一年會諸軍剿平苗民之梗化者貴州下游東西驛道苗在其南漢民在其北自咸豐時行旅阻隔垂二十年至是始通紀鳳辦理善後自黃平以上歷清平平越麻哈貴定二百餘里建礮七十分立四屯各設屯官戍卒六百分守之墾荒供餼責以巡緝姦宄無所容流民間風踵至十二年古州苗叛援清江旁寨響應紀鳳率礮兵會諸軍進剿禽其酋長撫良苗百數十寨黔疆略定賜黃馬褂光緒元年授貴西道巡撫黎培敬深倚之薦可大用

清史稿

列傳三百三十八

三

權按察使曾布政使十三年調雲南布政使剿猓黑及大壘寨夷加頭品頂戴因請以其地改土歸流邊隅以安十五年乞養歸尋卒儲裕立字鶴樵湖南靖州人從軍貴州累保知縣同治初苗亂賊迭克天柱清江曾知府十年署古州同知兵後調勅羣苗伺釁出沒裕立修戰備撫遺黎民氣漸復仍統軍先後收復台拱丹江凱里諸城擢道員光緒三年下游肅清論功賞黃馬褂督治善後築城堡百二十七建義塾百三十九八年思南灾裕立往賑備歷灾區日稽錢粟出入無假借實惠及民時遵義焚教堂民情洶洶裕立馳往撫諭與法人往復詰難事得解尋署貴西道再歷貴東糧儲二十一年卒賜卹如例

調蘭州議建貢院與陝西分試自光緒紀元始是年署甘涼道武威永昌鎮番三邑共一渠民爭水械鬪久不決鐵珊為開支渠別子母水設插刊石立均水約輪日灌溉民大悅為立祠渠上地宜牧因畜羊三千頭歲以蕃息用給貧民無告者十三年擢河陝汝道禽巨盜李復岐等實諸法建陝州書院以課士文風始振閩鄉城北濱河南臨澗水歲屢圯議築石壩殺水勢艱於鑿運竟得石圍底鎮激湍中工遂成十六年夏淫雨河漲陝城不沒者數版民謂官能捍忠恃以不恐鐵珊復築石堤四月畢工身親其役竟以勞卒士民請建專祠詔賜卹

桂中行字履真江西臨川人先世賈貴州遂占籍鎮遠為諸生成同間積軍功為知縣安徽署合肥蒙城阜陽會國藩率師征捻檄中行察勘蒙城圩寨蒙城故捻藪也中行單騎歷諸圩曉以利害擇良幹者為圩長堅壁清野寇無所掠禮接耆老賢士從詢方略得通捻姦民簿記之誅其魁桀數十人豪滑斂迹歲餘威化大行民陷賊及遠徙者相率還歸以功曾知府調江蘇莞揚州正陽監

清史稿

列傳三百三十八

四

惟光緒元年署徐州以祖母憂去官三年宣城建平民教閱焚毀教堂總督沈葆楨強起中行往治中行謂民倡亂當治如律然民所以亂由教堂侵其地今當令民償教堂財而教堂還民地持數月卒如中行議內艱歸服闋檄治皖南聖務皖南兵燹後客民占墾不輸賦至是清丈田畝無問主客客民噪捕斬其魁乃聽命三歲事竣增賦鉅萬九年補徐州值水災興工賑修隄埝二百餘又濬邳州艾山河築宿遷六塘埝水患除民以不饑治徐十二年課農勸士盜賊衰息擢岳常澧道數月遷廣西按察使復調湖南二十年卒中行所至有聲官江南最久民尤愛戴之附祀徐州曾國藩祠

劉含芳字蘇林安徽貴池人同治初李鴻章率師東征從克蘇州司運糧械後隨征捻積功至道員鴻章督直隸命含芳治軍械天津得西洋利器省覽機括久之悉通其意鴻章方拓北洋軍備於西沽建武庫廣收博儲以肄將士擴充機器製造兩局募工做構創設電氣水雷學堂編立水雷營皆以含芳董其役光緒七年詔求人才以鴻章薦交軍機處存記時海軍初立造船塢旅順含芳

兼領沿海水陸營務處十四年署津海關道授甘肅安肅道留治海防尋調山東登萊青道監督東海關十九年始之任含芳自隨鴻章至天津凡十四載屯旅順十一載至是雖領一道猶隸於北洋二十年遼東兵事起海陸軍屢挫旅順威海相繼陷登萊青道駐煙臺敵軍日逼俄報軍艦沒於劉公島甯海亦陷敵前鋒距煙臺十餘里時巡撫李秉衡亦駐師煙臺西國諸領事言巡撫在則敵攻之急於租地不便巡撫乃退萊州領事復言含芳含芳曰巡撫大臣也可去某守土吏去何之今死此矣因置鴛兩孟案上與其妻郝盛服坐待意氣堅定民恃無恐有潰卒數千持兵噪呼求食含芳單騎馳諭處以空營重為編伍不願留者厚給遣之費數萬金皆出私錢初西人聞潰卒其戒嚴俄而散遣殊出不意咸稱道之和議成大臣奏遣渡海勘收還地始威海旅順大連灣皆荒島含芳殫心力營構十餘年所成之險塞悉灰燼矣因憤慨流涕以疾乞歸卒贈內閣學士

游智開字子代湖南新化人咸豐元年舉人揀選知縣同治初李續宜巡撫安徽調司釐權以廉平稱四年署和州知州日坐堂皇決事又時出巡四境延見父老問其疾苦親為諸生考校文藝剖析經旨教以孝弟廉讓期年治化大行禁官吏勢完糧賦為民病築瀕江隄防自督工役費節而隄堅補無為州署泗州治盜尤嚴曾國藩稱其治行第一移督直隸調智開署深州興義學減浮征民大悅補深州俗建訟姦民居間交構痛懲之風稍稍息十一年擢知永平府一車一蓋周歷下邑得其情偽有事牧令未及報輒已聞知一日侵晨馳至邊安獄獄吏方私繫囚求賂即拘吏至縣庭笞之令錯愕驚起書院築城垣修郡志皆事舉無糜濫瀕海產鹽貧民資以衣食部牒禁私販疏官引智開上言民間少一私販即多一馬賊永平行官引不便事得寢有巨室以析產構訟久不決智開坐便室呼兩造至不加研鞠自咎治郡無狀變起骨肉望族如此况齊民乎訟者流涕請罷李鴻章疏陳智開清勤端嚴足厲末俗光緒六年擢永定河道員弁無敢離工次者左宗棠議改永定河道以南岸為北岸智開以數百里城垣廬墓遷徙不便力爭而止十一年擢四川按察使攜一僕乘輿入

蜀清釐獄訟兩署布政使護理總督十四年遷廣東布政使署巡撫劾貪墨吏不避權要嚴賭禁卻聞姓賭商規餽尋以老乞休二十一年起廣西布政使地瘠少蓋藏務積穀備荒歉閱三年因病罷歸卒於家所至各省俱請祀名宦祠李用清字澄齋山西平定州人同治四年進士改庶吉士出大學士倭仁門散館授編修安貧厲節日研四子書朱子小學旁稽掌故於物力豐瘠尤所留意大婚禮成加侍讀銜十二年丁父憂徒步扶柩返葬服闋入都仍課生徒自給光緒三年記名御史會山西奇荒巡撫曾國荃欽差大臣閣敬銘奏調用清襄賑務騎一驢周歷全境無間寒暑一僕荷裝從凡災情輕重食糧轉輸要道悉紀之册深窮病源以為首省聖粟花田彌望無際必改花田而種五穀然後生聚有期元氣可復上書國荃詳論之國荃疑晉新荒禁烟效緩且全國未禁徒歛怨說竟不行賑竣卻保獎還京傳補御史引見有日矣法越事萌芽張樹聲以廣西邊防奏調樹聲督兩廣復調廣東任海防釐權洗手奉職七年授惠州知府境故多盜喜博喜私鬪用清推誠化之俗乃稍革八年遷貴州貴西道明

年超擢布政使署巡撫實倉儲興農利裁冗員劾缺額之提鎮禽粵匪莫夢弼等實諸法巡閱所至召士子講說經傳將吏環聽相與動容黔地土瘠多種罌粟暢行湘鄂贛粵諸省用清奏陳禁種之法分區限年時自出巡刈剷煙苗言者疑其操之過急十一年秋有旨來京候簡召對猶痛陳罌粟疾國殃民狀冀可挽回萬一旋命署陝西布政使荒燹之後休養生息仍嚴煙禁十四年復命來京候簡遂以疾歸主講晉陽書院凡十年用清嚴於自治勇於奉公藩黔時庫儲六萬餘年餘存十六萬陝庫三十萬再期六十餘萬矣所至尤措意桑棉織組營濬三源縣龍渠溉田千餘畝俸入不以自潤於黔以購粟六千石於陝購萬石備不虞鄭州河決捐工需二萬兩二十四年卒子貴陽扶柩歸以毀瘍同縣李希蓮字亦青咸豐十年進士授戶部主事再遷郎中性節儉官京曹三十年車馬履敝不顧訕譏英法兵入都曹司多走避希蓮听夕詣署無間以忤肅順乞假歸同治元年起原官時軍興餽絀希蓮條陳開源節流數端恭親王奕訢覽之雲南報銷案發同僚有穢職遣戍者希蓮獨無所染光緒中出為江西

清史稿 列傳三百二十八 五

清史稿 列傳三百二十八 六

廣饒道除濫稅復徵額捐山東鹽運使調長蘆緊邊貴州按察使陝西布政使
戊戌政變希廷頗憂大亂將起與總督陶模議籌建陪都及兩宮西幸人始服
其先見云

李金鏞字秋亭江蘇無錫人少爲賈以試用同知投効淮軍光緒二年准徐災
與浙人胡光鏞集十餘萬金往賑爲義賑之始後遂賑直隸山東皆躬其役五
年晉秩知府調直隸修西淀隄吳大澂督防吉林金鏞任彈春招墾事界外蘇
城溝墾戶數千苦俄人侵略相率來歸咸得奠居海參威既通商俄人援例要
請東三省要地設領事嚴拒之又力爭八道河民被俄焚掠抵俄官於法將軍
銘安以爲才疏留吉林任用中俄界約自瑚布河口循琿春河至圖門江口以
海中之嶺爲界嶺以西屬中國距江口二十餘里立土字碑界圖疎略致嶺西
之罕奇毛琛崴等鹽場置綫外俄復於黑頂子地私設卡倫距江口幾百里矣
大澂使金鏞會勘據約爭還侵地重立界碑署吉林知府整錢法開溝墾灘丁
於地以蘇民困九年署長春應通判廳境爲蒙古廓爾喀地初招流民領墾

清史稿

列傳二百三十八

七

納租久之墾逾所領謂之夾荒民懼增稅因出錢免丈量刻石紀之至是蒙旗
復牒理藩院請丈金鏞挾碑文謁將軍爲民請命曰誠知清丈則公與某各有
所得然如民何將軍聞之愕然奏能其事創建書院厚其廩餼購書數千卷資
學者誦習捕斬劇盜苗青山等境內又安不時巡歷鄉僻呼召父老爲講孝弟
力田金鏞性坦易口操南音所至民愛而憚之以功晉道員俄侵佔精奇里河
四十八旗屯地在黑龍江岸東金鏞爭還補丁屯至老瓜林百七十餘里劃河
定界漠河者在愛理西三面界俄地產金俄人覬覦之北洋大臣李鴻章議自
開採以金鏞任其事陸路山墨爾根入水運由松花江入各行千餘里僻遠無
人披斬荆棘於萬山中設三廠兩年得金三萬事事與俄關涉艱阻百端又開
廠於黑龍江南岸札伊河旁之觀音山皆爲北徽名礦集商貨立公司流冗遠
歸商販漸集收實邊之利焉十六年病卒工所贈內閣學士子漠河建祠
金福曾字若人浙江秀水人以諸生從軍先侍祖父衍宗溫州教授任壽團練
助城守旋隨官兵勦清金處協守獨松關解杭州圍李鴻章器其才克蘇州檄

辦善後檢事起往贊徐州道張樹聲軍務檢衆北竄出防大名丁憂歸福曾積
功已至知縣服闋赴江蘇歷署婁南滙吳江諸邑所至興學校課農桑理冤獄
禁溺女勸墾沙田開濬河道多善政民有去思光緒初河南山西大疫吳人謝
家福等倡義賑集四十餘萬金推福曾董其事四年秋至河南分賑洛陽等十
二州縣新安澗池災尤重福曾創立善堂恤養掩骼收贖子女購車馬若干輛
代疲民應役開渠澗製龍骨車興水利又濬洛陽宜陽廢渠貫通伊洛灌田二
萬頃五年賑山西虞鄉等十縣事竣移賑直隸時直隸水患方急持以工代賑
之策七年疏大清河濬中亭河培千里隄福曾先援例以道員候選至是鴻章
督直隸奏留總辦籌賑局福曾以淀地淤塞爲清河受病之源清丈東淀無糧
地釐定葦租規復堡船八年濬東淀河道修築天津三河頭隄九年築子牙河
隄展寬正河又別開支河王家口以洩盛漲十年畿東大水福曾疏青龍灣減
河入七里海疏筐兒港減河入塌河淀並出北塘海口又開滙水各河以洩武
清寶坻窪區積水十一年濬饒陽滹沱河十二年濬四女寺南運減河兩署永

清史稿

列傳二百三十八

八

定河道塞決口於下口別開新道又就大清河合流處別濬新河水定河水始
直達天津海河山東河決數爲災鴻章輒檄福曾往助工賑親至蘇浙募資會
浙西大水巡撫崧駿復疏留福曾治工賑于是杭嘉湖三府各河次第疏濬會
廷議濬餘杭南湖以福曾董其役明年工竣直魯又告災福曾已臥病猶力疾
籌賑濟十八年卒鴻章等疏請優卹贈內閣學士福曾廉公好義歷辦工賑十
餘年無日不勞身焦思治行卓然及其歿士民同聲惜之熊其英字純叔江蘇
青浦人以貢生就訓導家福集金賑河南其英請行始事濟源濟源山僻小縣
也災尤劇多方補苴次第以及他邑其英親履窮僻稽察戶口不避風雪食惟
麥粥麪餅菜羹與飢民同苦初頭病瘍足病濕醫少愈仍從事不肯休遂卒於
衛輝巡撫上聞詔許被賑各州縣立祠祀之家福字綬之吳縣人世以行善爲
事聞豫省災呼籲尤切義聲傾動聞者風起自上海蘇揚及抗湖願助賑者衆
日資錢至家福門或千金或數千金不一年得銀四十三萬有奇凡賑二十七
州繼其英往者七十四人家福才識爲時重於創辦電報及推廣招商輪船局

事多所策畫李鴻章尤賞之嘗疏薦稱有物與民胞之量體國經野之才金福曾亦聞而歎許焉家福歷保至直隸州知州卒不仕時又有吳江紳富沈中堅鬻田三十頃親往山西賑災亦義行之尤著者

童兆蓉字少美湖南甯鄉人同治六年舉人從軍陝西積功晉知府光緒三年署榆林歲履便宜發倉復運粟於包頭甯夏單騎臨賑既而大疫延榆綏道及榆林令皆遽歿代者不至兆蓉一身兼攝三官比戶存問為具醫藥全活甚眾六年署延榆綏道屬郡荒僻士饑民貧為拓學舍購書勸課教民樹藝畜牧治榆溪河開渠溉田民利之八年授興安知府汰胥役禁私錢總兵余虎恩販錢為利獲而燬之稅胥索賈人金榜治幾死民間婚娶苟簡為定禮制禁淫祀首昭忠節孝祠以正民志安康令徵糧苛急民聚而譁兆蓉往撫諭總兵及釐局挾前嫌誣為激變遂解任尋得白署漢中逾年還本任川匪擾境擒斬其渠賊潰走調西安攝督糧道定徵糧改折上下稱便二十六年擢浙江溫處道先署杭嘉湖明年乃之任值拳匪亂後瑞安民楊茂奶與教堂積釁浙東法國主教趙保祿尤橫挾兵船至溫州必欲殺楊兆蓉力爭曰彼法不當死我不能殺人以媚人卒拒之以此名聞閩風為災賑難並舉民不乏食三十一年卒於官論曰光緒初各省重吏治監司大吏下逮守令皆一時之選朝儀以下諸人或禦亂保民或治盜清訟或興學勸業或救災恤災莫不以民生為重承兵燹後辛苦凋殘之人得生存以至今日者實賴於此民亦勞止汽可小休惠此中國以為民送誠知本哉

清史稿

列傳二百二十八

九

清史稿

列傳二百三十九

洪汝奎

楊宗濂

史樸

沈保靖

朱其昂

宗源瀚

徐慶璋

棚光典

陳通聲

潘民表

唐錫晉

婁春蕃

洪汝奎字琴西湖北漢陽人道光二十四年舉人咸豐初考取官學教習期滿以知縣用參督國藩軍事同治初海保至江南道員總理糧臺供應防軍及他省協餉又籌還西征洋債出入逾二千萬綜核名實不避嫌疑光緒中沈葆楨為兩江總督尤倚任之葆楨治尚威猛因疾在告輒疏請汝奎代治事聲望益起會詔求人才大臣交章論薦五年特擢廣東鹽運使調兩淮裁冗費建義倉濬揚州城河方欲大有為而江甯三牌樓之獄起先是有棄尸三牌樓竹園旁

清史稿

列傳二百三十九

一

汝奎令參將胡金傳偵獲僧紹宗等仇殺謝姓男子又稱薛姓名亦屢易汝奎請覆訊葆楨以會匪自相殘即置大辟逾三年得真盜周五沈鮑洪等殺朱彪事時地悉合事聞命尚書麟書侍郎薛允升往江南即訊金傳坐濫刑失入治如律汝奎失察褫職遣戍葆楨以前卒免議於是朝旨申戒各行省慎重刑獄並禁嗣後武員毋庸會鞫汝奎至戍所未幾赦歸還病卒宣統初總督端方疏陳其治行復原官

楊宗濂字藝芳江蘇無錫人咸豐末以戶部員外郎在籍治團練時錢鼎銘乞師於曾國藩宗濂偕行及李鴻章以援師東下宗濂率舊部為軍導屢著戰績劉銘傳進剿江陰宗濂率濂字管守楊舍賊來犯宗濂領沙團擊卻之沙團者起於江岸集眾自衛以技勇名賊皆畏之攻無錫宗濂任前鋒與賊酋黃子澄鏖戰夜奪北門入拔其城合攻常州宗濂督戰西門架浮橋獨騎先進馬驚逸墮河躍起易騎再進揮兵肉薄登遂擒陳坤書江南平隨鴻章移師勦捻總理營務處軍興所至索官車吏民交困宗濂創立軍營行軍所需預為儲峙隨時

無不備諸軍仿其制皆稱便積功擢道員同治十一年權湖北荆宜施道被劾罷鴻章創北洋武備學堂奏起宗濂總其事成材甚衆光緒十六年授直隸通永道時畿輔大潦宗濂主振事假便宜發帑糶復大治水利修潮白青龍蘆運北運通惠永清各河疏渠樹防關膏腴數萬頃士民刊碑頌德以憂歸再起爲山西河東道歷權布政使按察使邊長蘆鹽運使二十六年聯軍犯天津宗濂督慮勇登陣固守飛丸裂左脛血流如瀉猶裹創治軍城陷巷戰又傷右股命駐保定督糧旋隨鴻章入都議和事定賞三品京堂未幾以病乞休卒

史樸字蘭畦直隸遵化州人以進士用知縣分廣東惠來乳源南海等縣所至有威惠潮陽盜鄭段基殺前令樸蒞任立捕誅之首羅定知州留省捕刺盜劉亞才及餘盜九百並置諸法粵省海盜久爲患樸航海往勦降盜魁張十五仔等盡散其黨數千有不受撫者勦平之樸知府勦英德土匪遇伏佛岡沒深澗畢木得不死賊踵至斃之曰史公也爭引出跪進飲食樸責以大義數且誓誓絕粒賊益敬畏羅拜咸泣願縛渠自效會救至昇之歸詔革職仍令自効匪

清史稿

列傳二百三十九

二

平復故官粵東匪起省城戒嚴守備德馨連破沙灣麥塘新甯各賊巢賞孔雀翎知肇慶府梧州被圍督兵往援拔其衆還軍封川且戰且守會英人陷廣州大府不逞西顧樸與賊相持五閱月大小數十戰殺賊數千人其後賊大至會提督崑壽水陸並進大戰封川江口連捷殲賊軍遂復梧州晉道員再權肇羅道同治二年移廣州攝按察使旋署糧儲道樸在粵前後垂四十年善治盜尤善用人南海隸爲盜誣特出之後督捕得其死力撫瓊盜易名入伍多死敵省圍乏餉出勸募立集百萬金賊初起獨主撫及踞梧則主勦皆得其機宜光緒二年以籌解西征協餉加鹽運使鄉舉重達賞二品服四年卒史克寬字生原安徽六合人咸豐年與兄克諧辦鄉團禦賊太湖陷克諧殉克寬從克太湖宿松解六合圍以國子監典簿保知縣同治初劉銘傳勦捻移征西回皆挾克寬與俱爲司饋運及營務處叙功擢知府光緒中李鴻章督畿輔檄董工程局掌河事治漕汴於獻縣朱家口闢減河三十里循子牙河故道入海鴻章上其績狀因奏任清河道民立石頌其德旋以他事被劾奪職遂歸

沈保靖字仲維江蘇江陰人咸豐八年舉人父燿登湖北通判武昌陷賊被害保靖出入賊中免遺骸三載始得死事狀得賜卹立祠李鴻章督師上海招募幕事積功至道員同治十一年授江西廣饒九南道時英使訂約燕台議於江西湖口輪舟停泊起卸貨物保靖以有碍九江關稅務力爭之總署卒廢約擢按察使攝布政使光緒七年遷福建布政使法越事起方事急城閉錢米歇業居民洶洶將爲亂保靖出諭發庫款三十萬以濟市面人心始定以他事被劾奪職旋復官遂不復出所著有讀孟集說韓非子錄要怡雲堂內外編等

朱其昂字雲甫江蘇寶山人同治初從軍攻南瀛城賊願降要一人入盟無敢往者其昂毅然請入受其降城始下旋納贖爲通判累至道員北洋大臣李鴻章頗奇其才福州船政造軍艦不適用奏改商船其昂與其弟其詔親議官商合辦請設輪船招商局鴻章上其事遂檄爲總辦御史董傳翰劾以力小任重下鴻章查覆仍力贊其成於是官商合力開局集股並收併外人所設旗昌輪船公司以保航權數年成效大著光緒初直晉災其昂輸私財力任賑撫以勞

清史稿

列傳二百三十九

二

致疾鴻章特委權津海關道越三日卒詔優卹贈光祿寺卿其詔字翼甫納贖爲知縣累至道員歷充江浙漕運事輪船招商局既成復請以額定漕運費給輪船代爲海運局基始固再權永定河道時出巡河堤上下務盡其利弊遇伏汛暴漲營三晝夜不交睫親督弁兵搶護始免潰決民皆德之擴充天津電報學堂成材益廣時方議辦海軍醫學堂其詔復捐自置天津法租界地四十畝爲校址以成之其急公好義類如此未幾卒贈內閣學士宗源瀚字湘文江蘇上元人少佐幕游保至知府光緒初官浙江歷署衢州湖州嘉興府事敏於吏事判牘輒千言在湖州濬碧浪湖興水利時太湖漫港淤塞前守楊榮緒疏濬無功會有疏陳治法者下郡源瀚乃議大興工役所規畫甚備榮緒回任卒成之補嚴州兵後調做多溫台客民寄壑習於剽劫廉治其魁遺散歸者六千人治嚴五載煦嘔山民穿渠灌田引東西湖以洩新安江之暴漲旱潦不害每巡行田野勸民力穡調審波通商事繁有戈鋌者素豪指爲英國領事主文牘積爲姦利病民源瀚發其罪狀牒上大吏及南北洋大臣逐

鯤海外法國兵船犯浙洋源瀚從甯紹台道薛福辰籌海防多所贊畫數有功
晉道員署杭嘉湖道二十年日本構兵調溫處道沿海戒嚴處以鎮靜清內匪
捕誅盜渠十餘人疆圍晏然又三年卒於官源瀚優文學尤精輿地所繪浙江
輿圖世稱之

徐慶璋字璵齋浙江山陰縣人初佐都興阿戎幕累保知縣歷任奉天寬甸蓋
平義州晉興京同知所歷多善政常微行市中遇有訟爭者輒為剖其曲直而
遣之倡修養濟院收養貧民興俗春耕運慶璋集村氓語以農事不可違時之
義眾承其訓有早種一天早收十天之諺至今誦之光緒二十年由鳳凰廳調
遼陽知州值中日戰亟省東南各縣相繼淪陷僅遼陽為盛京門戶賴先事籌
備募餉練兵號鎮東軍沿邊設防自遼陽而岫巖海城復縣二千六百村士民
編團數萬人以遼南岫岫徐珍為練長勅以兵法日兵至慶璋語眾曰敵迫矣
援師未集汝等自為計毋與我借亡我死分也眾咸奮皆請殺敵遂迭敗日兵
俘百數十人戰守歷五越月長順依克唐阿方督戰皆倚以為重屢詔嘉獎是

清史稿

列傳二百三十九

四

時州西連年水災復募款捐濟全活無算慶璋才而負氣其平日為政寬猛兼
施眾畏之如秋霜愛之如冬日有徐青天之稱和議成擢甘肅慶陽知府遷甘
涼道積勞致病卒於官徐珍字聘卿遼陽人剛正多勇略日軍犯遼珍獨率民
團守吉洞峪扼險堅持敵不得逞慶璋既屬以練長會將兵者忌之飭散團眾
防務遂弛而吉洞峪鄉團之名乃著于中外事定以抗敵出力保用縣主簿率
匪亂作珍復辦民團聯數百村有匪即剿捕不分畛域匪攻慶堡及荒溝先
後剿平之日俄之戰珍殿守中立不稍假藉總督趙爾巽嘉珍功以辦團成績
上有上不支官款下不取民財徒以忠義之故護衛鄉團保全無算之語歷保
至知府武昌變起土匪假革命名嘯聚煽亂爾巽知珍義勇委充巡防營幫統
分防遼陽海城岫巖本溪四城地方賴以安謐尋以巡防改編陸軍遂辭職卒
後州人建專祠祀之
柳光典字禮卿安徽合肥人父德模見循吏傳光典幼慧八歲能詩隨父官江
南所師友多當代名儒聞見日擴名亦日起其論學務明羣經大義而以六書

九數為樞紐治六書則必求義類以旁通諸學識雙聲以明假借性強記有口
辯尤熟於目錄掌故有所論難據該洽莫能窮也光緒九年進士授檢討典
貴州鄉試與其副不相下以狂倨見譏然榜發稱得士充會典館圖繪總纂精
密勝於舊中東兵起發憤上書不報遂乞假歸總督劉坤一聘主尊經書院講
席光典念國勢弱在列諸人惟鄂督張之洞有大略又嘗所從受業師也因往
說之洞慎選才俊習武備為異日革新庶政之用之洞聽之卒不果而聘為兩
湖書院監督二十四年敘會典館勞以道員發江南創辦江寧高等學堂大學
士剛毅按事江南司道百餘人同詣謁獨延光典密室縱談圖事語切直剛毅
大憾即議裁高等學堂光典力爭不能得拂衣去坤一兩解之檄赴鹽城丈樵
地樵地者故鹽場葦蕩也年餘得可耕之地七萬五千頃收入荒價亦鉅萬領
正陽關督銷局歲增銷官引百數十萬會之洞代坤一為總督以江南財匱用
不足議增貨釐光典謂增新釐則病商毋甯整齊鹽課之洞因奏陳兩淮鹽課
衰旺謂北鹽視正陽銷數南鹽視儀棧出數光典為江南治鹽第一督正陽既

清史稿

列傳二百三十九

五

有績請使主儀棧期三年成效必可視詔允之光典既莅事以輪船駐大江三
要區首金焦次三江口次沙漫洲輔以兵艇私梟斂迹始儀棧出數不足四十
萬引比三年增引十餘萬歲益課釐銀百五十餘萬乃益增募緝私兵隊日夕
訓練成勁旅又於十二圩設學堂建工廠遂隱然為江防重鎮二十二年授淮
揚海道加按察使銜實應饑民劫米令潛逃適光典舟至剴切諭解之而揚州
亦以饑民劫米告訢知猾胥陰煽眾即禽治胥大吏怒將窮其獄以光典言得
免運河盛漲光典先分檄河員增修隄而自泊舟高郵守視壩工迭出大吏
以故事視節候測水檄啟壩不為動歷月餘啓二壩七月杪乃啟三壩下河六
縣獲有秋建言淮海災區廣宜寬籌賑金不宜設粥廠使災民腐集費不貲且
生事與布政使繼昌議不合會奉檄入都參議改定官制遂去任後江北賑事
欵絀而費糜一如光典言三十四年命赴歐洲監督留學生諸生不樂受約束
輒相訾謗餘謝職歸詔以四品京堂候補充京師督學局長宣統二年赴南
洋提調勸業會卒於江甯

陳通聲字蓉曙浙江諸暨人光緒十二年進士改庶吉士授編修出為松江知府鹽集久為患通聲到官密致其黨為導帥健卒策疾騎踵百餘里掩其魁捕之實諸法松窪下數苦潦濬支河三十餘並籌歲修費數萬金以澤農以憂歸卒禍起暨俗素強與教仇不逞者轉相煽惑眾至千餘城鄉約期將為亂通聲獨命與往喻之望與眾遇勢洶洶前衡深寸許正告之曰吾楓橋陳某也來活爾為指陳利害眾悟且泣皆羅拜爭棄械而走而城中莠民忽起通聲促官守閉城捕其魁五人斬以徇事立平縣北江藤村賭窟也每歲十月吳越賭徒紛集一擲累千金破家者無算通聲請於大吏屆時縣官蒞郵坐禁著為例數百年敝俗至此而革服除以勞邊道員入參政務練兵稅務諸政三十二年授川東道川東盜藪也蒞任未浹旬開縣寇萬餘踰旁縣立平之次年黔中盜魁劉天成結獨邊通寇撓川南防軍數為所敗省檄練軍七營勦之寇至委械去通聲立募精勇數百人部以兵法疾馳赴援未匝月生縛天成歸江北廳產煤礦脈綿延數百里至合州奸民私售龍王洞於英商外務部與訂租約胥

清史稿

列傳二百三十九

六

江北廳礦產授之復要展拓至石牛溝且蔓及兩川川人憤將與英商角通聲力爭之英領事並密屬川人收石牛溝左右地英商以無他地可得得清與洞猶石田也恫喝百端不為動卒以賤值贖回治渝兩載大吏交章論薦遠引疾歸當軸數招之謝不出著有明逸民詩崎廬稗說及詩集等
潘民表字振聲江蘇陽湖人同治十二年舉人光緒初數募金賑直隸河南山西諸行省十五年山東河決凡賑歷城齊河臨邑齊東濟陽惠民商河青城濱濇化海豐陽信蒲臺十三州縣閱四年始竣災民無歸者眾民表於歷城臥牛山建屋五百間窩棚千間居之使植桑麻興耕織疾病婚嫁皆有資助別建工廠百間義塾八所設教養局董之因其規畫歷十年之久多有藝成自給者乃以經費改設蒙養學堂十九年賑山西大同邊外豐鎮諸廳亦做臥牛山成法收集教養之尋以州同就職山東署恩縣補平度權泰安知府二十八年河決利津詔頒內帑十萬大吏檄民表去任專賑事督道員發陝西莞農工商曠局民表諭同官縣士質宜磁建磁窑同官與大利資竭將中輟請兼監屋監權以

羨餘助磁業仍不給且虧稅計無所出竟仰藥死時論惜之民表瘁於賑務二十餘年每遇災設呼賑奔走置身家不顧敝衣草履躑躅泥塗面目黧黑非人所堪資斧悉自負及服官俸入悉以償賑債充賑用自義賑風起或從事數年由寒儒而致素豐如民表之始終無染歿無餘資者蓋不數觀嚴作霖字佑之丹徒人以儒生奮起司賑事自光緒二年始至三十年歷賑山東河南山西安徽江蘇直隸廣西奉天陝西數行省每兼濬河修隄以工代賑作霖性強毅赴事勇決綜覈無糜費久而為人所信故樂輸者眾其施賑不拘成法隨時地而取其宜當時疆吏以義賑可矯官吏拘牽延緩積習樂倚以集事作霖不求仕進輒辭薦剋僅受國子監助教銜數被溫詔嘉焉積賑餘資興揚州鎮江兩郡善舉及歿子良沛出二十餘萬金為恤養保節備荒等用成其遺志云
唐錫晉字桐卿無錫人父文源閩門列粵難積尸滿井亂平錫晉拾親骨瀝血取驗誓奉遺訓力行善光緒初聞豫省災始募義賑十四年以恩貢授安東縣教諭時准徐海大水錫晉棹小舟往賑憂勞甚鬚髮為白明年安東撈益募金

清史稿

列傳二百三十九

七

振之冬復振山東沿海諸郡災為置常平倉二十六年兩宮西狩關中大饑人相食錫晉募金四十萬往振歷二州八縣艱困不少阻災區廣振款且匱乃單車詣行在請於大學士王文韶得二十萬金益之事竣返安東坐劾安東知縣貪殘同落職兩江總督端方等奏復錫晉官改銜長洲後以輸金助振保道員三十二年湘中災官紳復以振事屬秋淮浦被水流氏數十萬洶眾噓遣勿散咸曰有司行振不足恃必得唐公時錫晉臥病猶強扶而至眾見其來雖曰吾生矣乃各還歸待振遂以無事宣統三年方籌振江皖而武昌變起錫晉憂憤病日劇越歲卒錫晉治振自乙亥至辛亥凡三十有七年其振地為行省八山西河南江蘇山東以及陝西湖南東至吉林西至甘肅其振款過百萬以上義振之遠且久無過錫晉歿後眾思其德受振各省咸請立祠祀之
婁春蕃字椒生浙江紹興人以貢生納質為同知歷保道員久參北洋幕府李鴻章尤重之常倚以治繁劇春蕃熟諳直隸水利永定河常歲決思預防以時消息之河不敷病長蘆鹽商久困增釐春蕃務為寬大課裕而商不撓尤精

刑律審覈維慎直省遂無冤獄拳亂作力主勦辦為總督裕祿草奏痛陳邪術萬不可信戰時萬不可開以一服八決無倖理裕祿初頗信之不能堅持卒致敗裂匪以通敵誣紳富請搜殺春蕃力阻多保全事亟春蕃首請召鴻章北上停戰議和及聯軍猝至同僚皆走春蕃獨留不去艱苦謀措柱至一月之久鴻章至復參和議約成辭優保辛亥事起人心惶惑春蕃夙夜籌慮獨為地方謀保安焦勞益甚猝病卒春蕃敦節操有經濟才自鴻章延入直幕先後垂三十年歷任總督如王文韶榮祿袁世凱楊士驤端方陳夔龍等皆敬禮之雖不樂仕進未親吏治而論治佐政留意民生各郡縣皆奉為圭臬歿後直人思其德公請附祀鴻章祠

清史稿

列傳二百三十九

八

論曰各省監司能著聲績者大抵多起於守令蓋親民之效焉及兵事興而有軍功募職捐例開而有輸餉助振雖其初不必盡親吏治而以實心行實政流愛於人民之感之亦豈有異自汝奎宗濂以至錫晉春蕃諸人德惠在人後人稱之至今不可敬哉

清史稿

列傳二百四十

榮全 升泰
善慶 恩澤
銘安 恭鐘
慶裕 長庚
文海 鳳全
增祺 貽穀

榮全關佳氏滿洲正黃旗人一等威勇侯那銘嗣子咸豐元年襲爵授二等侍衛從征山東以功遷頭等遠直乾清門十一年出為塔爾巴哈臺領隊大臣歷喀喇沙爾辦事大臣伊犁參贊大臣同治五年以鑲紅旗蒙古副都統署伊犁將軍明年調烏里雅蘇臺參贊大臣時疆回變陷伊犁榮全機遣兵入藉口代為收復榮全內籌守禦外示羈縻又以索倫蒙古被兵民多亡入俄境為請擇地安插分部護之八年朝旨以新疆各城多與俄接壤命榮全會俄官依三年

清史稿

列傳二百四十

勦辦西北記約建設烏屬界鄂博先是塔城和約兩國分界自恰克圖西北踰烏梁海首沙濱達巴哈訖浩罕邊界繪畫地圖識以紅綫至是集議烏克克卡倫仍依舊界惟自東北沙濱達巴哈至西南賽留格木山柏郭蘇克壩補牌博八明定界限所謂烏里雅蘇臺界約是也九年坐烏魯木齊城陷職留任十年俄遣柯福滿將軍占領庫爾札噶收烏魯木齊詔榮全赴伊犁收回城池榮全遂自烏城西進至霍博克賽里直抵塔爾巴哈臺會天大雪止舍險歲與俄官布呼策勒傅斯奇集議色爾賀鄂魯勒榮全向之索還俄官陽言請命本國而陰遣兵襲取瑪納斯駭駭欲東犯榮全不獲已返塔城是時俄人據伊犁可千餘人滋驕橫索倫錫伯苦之十二年錫伯窘益甚榮全濟以銀俄官及出阻之榮全曰為我屬地我自濟之與俄奚涉焉驕駭之俄官詞屈上聞而嘉之會回搆安集延擾動上命榮全進攻瑪納斯綴寇勢遂復其官十三年白彥虎犯上馬橋榮全遣軍敗之沙子山光緒二年師克瑪納斯南北二城榮全數有功尋召入京歷兼護軍統領右翼前鋒統領五年卒恤如制喜昌字桂亭葛濟

勒氏滿洲鎮白旗人世居吉林亦以防俄著初從軍征拉果功至協領河內之役以少勝衆功尤盛晉副都統西拉平賜頭品秩充西寧辦事大臣光緒六年調烏里雅蘇臺參贊大臣時中俄有違言俄軍屯吉林邊壤朝命喜昌佐防務因上言輝春爲兵衝要地宜練馬隊二千步隊八千資守禦踰歲抵輝春相度地勢迺專屬伊克唐阿防守事而自率所部頓磨夷石阨雙城紅土巖來路上避之和議成授庫倫辦事大臣條上邊防六事尋謝病歸十七年卒予易州建祠

升泰字竹珊卓特氏蒙古正黃旗人入質爲員外郎餘戶部出知山西汾州府有政聲回寇擾境錄守城功晉道員除河東道歷浙江按察使雲南布政使光緒七年賞副都統銜充伊犁參贊大臣尋授內閣學士明年署烏魯木齊都統與俄羅斯定阿爾泰山邊界俄人遇事齟齬升泰執原議不稍讓始受約束十三年改充駐藏幫辦大臣時藏人築卡隆阿爲印度所收上命辦事大臣文碩令藏人徹卡文碩謂爲藏地無可徹嚴旨責焉以升泰代之而藏人誓復仇願

清史稿

列傳二百四十

二

兵帕克里將痛擊印軍升泰搜集乾隆五十二年舊檔哲孟雄受偏廓爾喀達賴以日納宗給之以雅拉木支兩山爲界持示藏人藏人曰地雖予哲今哲通英宜收回升泰敷止之不從英使原構和朝旨令升泰赴邊界與印官議約十四年印軍收哲全境藏兵又敗咱利亞東朗熱並失隙愈深羣思報復升泰敷賤止之仍不從會天寒印官趨升泰赴議而藏人請代索哲孟雄布魯克巴侵地否則傾衆一戰升泰仍百計諭藏僧戒藏番毋妄動及至邊布部長遣兵千七百人護衛升泰慮爲英口實謝去并乞印綬封典升泰允代請諸朝既與英政務司保爾會於納蕩索藏債兵費升泰曰哲爲藏屬索費無名英人又在布境及後藏于堪修路藏人益大震英官要求甚奢升泰力折之藏人漸就範升泰敷要英撤兵英不可升泰以大雪封山運糧無所退駐仁進岡英人既掠哲地復竊其部長土朵朗思置之噶倫細招印度廓爾喀游民墾荒廷議以哲事無從挽救慮梗藏議論升泰勿問藏哲舊界本在雅拉支木後商人往來咱利爲新開捷徑升泰議以咱利山分藏哲界以符前案其印哲界在日喜曲河擬

約中註明哲部長母挈兩孫赴升泰營泣訴丐中朝作主升泰無如何英人又欲易置其部長升泰力阻之士朵朗思謂願棄此居春不升泰弗許慮英責言也十五年春藏兵撤退升泰請總署達英使電印軍速撤速既撤而英人猶久不訂約升泰上疏略謂聞藏人言與有仇之英議和不若與無仇之俄通好設藏番果與通款英俄必互相猜忌後患方長乞告英使電趣印督速定藏約又言與英初次會議英人欲至藏貿易告以番情疑詐始許退至江孜力言再四又許退至帕隘臣力諭藏番通商萬不能免始出結遵辦今英慮他國援以爲請忽議中止在藏人固所深愿在俄人亦不能有所干求惟日後防範宜嚴未可再涉疏懈入夏至今曠日持久請敕總署牒英使速議結十六年以升泰爲全權大臣與印督定約八款自布坦交界支莫擊山起至廓爾喀邊界止分藏哲界哲境歸英保護所謂藏印條款是也語詳邦交志十八年卒於仁進岡事聞優詔賜卹

清史稿

列傳二百四十

三

善慶張佳氏滿洲正黃旗人黑龍江駐防初從勝保征捻積勳至協領賜號濟特固勒忒依巴圖魯克鳳陽副都統論復定遠功晉頭品服同治元年追捻至靈璧平宿州寇城創發乞病去踰歲朝旨以捻事棘命選吉林黑龍江騎旅赴皖軍抵河南張之萬疏留連收粵寇於南陽及湖北陽邛灘鮮花鎮坐所部兵馬疲瘠職仍留軍四年授吉林雙城堡總管以戰功復故官即於軍前除杭州副都統再坐營馬侵踏民田褫職追擊賊大回集被宥六年與劉銘傳勦東捻敗之濰縣松樹山捻奔嶺榆追及之銘傳自當賴文光而令善慶當任柱任柱殊死鬪善慶令騎旅下馬結陣疾擊之尸山積猶進不止會大霧杳冥不見人銘傳分軍襲其後善慶率隊大呼衝殺槍礮兩空降人潘貴升斬任曾於陣善慶乘勢追擊斬賊千餘級論功賞黃馬褂賴曾勢益蹙阻瀾河弗能達迺據壽光王胡城銘傳等分左右進善慶與溫德勒克西拒之追至鳳凰臺爲他將所敗就縛於揚州予騎都尉世職七年西拉平張總愚自沈於河餘匪爲善慶等所殲晉二等輕車都尉赴本官擢杭州將軍杭州駐防自克復後崑蕩規復營制連成重建營壘善慶至籌設漸備光緒改元調級遠城歷甯夏江寧

召還授正紅旗漢軍副都統駐師通州十一年充御前侍衛佐海軍事務十三年出為福州將軍次年卒子建祠設勳敏柏梁字研香瓜爾佳氏滿洲正白旗人杭州駐防父麟瑞咸豐末陣亡乍浦見忠義傳柏梁少從其叔父鳳瑞出隸李鴻章軍轉戰江浙攻太倉州柏梁自南門先登復攻蘇州戰於黃天蕩陣斬悍目攻嘉興宜興江陰金壇柏梁皆有功改隸勝保軍戰江北屢捷累保至協領賞花翎杭州克復調歸駐防補協領承歷任將軍辦理營務善慶尤倚任之光緒中駐防初設洋槍隊以柏梁充全營翼長兼掌兵司規畫營制均照新軍式訓練紀律肅然叙勞以副都統記名入覲奏對稱旨以曉暢戎機訓練出力賞頭品服駐防衛有旗倉久為兵燹柏梁請撥款重建旋授乍浦副都統乍浦駐防營燬於粵亂副都統駐杭州柏梁在任歲至乍浦巡視海防以勞卒賜卹如制

恩澤字雨三噶奇特氏蒙古鑲藍旗人荆州駐防光緒初以佐領從金順出關克黃田復烏魯木齊諸城擢協領其秋回寇奔呼圖壁追擊之大潰又厄之頭

清史稿

列傳二百四十

四

屯河白彥虎益岩進攻瑪納斯轟潰城垣數丈恩澤先登諸軍繼之城拔晉副都統歷權巴里坤烏魯木齊領隊大臣以劉錦棠薦除吉林副都統移彈春二十年日本敗盟與將軍長順籌戰守迺治團練築臺設疑兵敵知有備引兵去尋署將軍其時東山馬賊猖獗伯都訥烏拉教匪乘機竊發擾官街白旗屯恩澤聞警率師分擊之夷其堅堡又遣提督雲春等搜東山逸匪明年調黑龍江督邊防先後疏請改練洋操招墾荒地賑恤窮乏俄而鬍匪據觀音山南北圍謀劫金廠恩澤調知之嚴備以待已寇果至營官王槐林等迎擊大敗之別遣將大搜山林自是首觀音山訖烏蘇里滿卡千餘里無寇蹤又以機力溝素窟匪留兵鎮攝之上以為能降救褒嘉二十五年卒於官子黑龍江及立功省分建祠

銘安字鼎臣葉赫那拉氏內務府滿洲鑲黃旗人咸豐六年進士選庶吉士授編修除贊善累遷內閣學士歷泰陵總兵倉場侍郎同治十三年調盛京刑部德宗續業充頒詔朝鮮正使光緒二年勘事吉林條上四事曰剿馬賊禁賭博

設民官稽荒地上睦之命署將軍吉省武備久弛寇盜充斥銘安在任嚴治盜復募獵戶為礮勇號吉勝營先後檄統領穆隆阿協領金福分道追剿斬賊甚眾益練西丹步隊八百入山窮搜寇勢漸蹙已復捕治東山逸匪禽誅金廠黨魁軍威大振默念吉省幅輳四五千離斷非十數委員能濟事且旗員未諳民治請破積習調用漢官部臣尼之銘安抗疏力爭始命允五年實授又言盜賊雖平餘孽未靖亟宜增置民官畫疆分治先後奏改伯都訥同知長春通判理事為撫民置知府巡道各一賓州五常同知二雙城通判伊通知州敦化知縣各一並請無分滿漢又奏弛秧漫禁免山獸貢增各旗義學士民利賴之東北與俄接壤舊設卡倫無兵駐守迺遣將分扼要塞並築營伯力紅土崖雙城子守以重兵因上安內攘外方略稱旨長春號難治銘安稔知鍾彥才奏請除通判部臣以違例請下吏議銘安盛氣抗辯上兩解之然銘安終不自安引疾去尋坐失察屬吏受賄降三級二十三年上以治吉有功部臣感念復故官明年鄭舉重逢加太子太保宣統三年卒年八十四詔優卹諡文肅

清史稿

列傳二百四十

五

恭鏗字振魁博爾濟吉特氏滿洲正黃旗人大學士琦善子以任子授吏部主事累遷郎中兼內務府銀庫員外郎充總理各國事務衙門章京出為湖北荆宜施道論捕獲江陵教匪功加按察使銜同治十年擢奉天府府尹坐事降光緒三年賞二等侍衛充烏魯木齊領隊大臣越二年遷都統先是陝回阿渾安明客參將索煥章家煥章者前甘肅提督索文子也素著異志成卒朱小桂告變提督業普冲感煥章言誣斬小桂及煥章反烏城陷業普冲被害至是恭鏗廉得實請予平反尋索文榮典分別卹小桂業普冲及赴援殉難諸臣人心稱快賜頭品秩九年除西安將軍病免十二年署黑龍江將軍疏請舉辦漠河金礦杜俄人覬覦又建議墾荒十利曰儲國帑濟民食嚴保衛便輯綏裕經費富徵收集商賈益釐稅廣生聚實邊備詔不許十四年實授明年移杭州入覲道卒天津詔優卹子瑞激自有傳

慶裕字蘭圃喜塔臘氏滿洲正白旗人以繙譯生員考取內閣中書充軍機章京兼總理各國事務衙門行走從文祥赴奉天剿匪還補侍讀出知湖北鄖陽

府追錄平捻功晉道員光緒元年擢奉天府府尹歷遷至漕運總督調河東河道九年除盛京將軍明年法越構衅慶裕巡視沒濟營旅順口大連灣諭示居民曰有能殺敵立功禽獲奸細者賞又遵旨增練蘇拉千人食饌旅兵五百上言整頓旗營兼顧海防今日多一兵即有一兵之用異日補旗兵即可裁客兵之饑所費者少所繫者重詔嘉許之朝鮮亂作檄提督黃仕林等扼隘口以營口爲兵衝要地運石塞海口設電綫達省城建議籌邊籌餉機宜附陳宜變通者三事一道府年終加考一推廣薦舉卓異一崇府尹品秩行巡撫事議行十一年安東十二州縣告災慶裕籌賑撫卹民獲甦是秋盛雨遼河大凌河暴長田禾被淹發倉以濟設粥廠牛莊田莊壘收養之明年金州蝗旱魃爲虐又明年興京水被賑如初十九年授熱河都統道孫河牛壁店上流民被災就食狀並請變通盜案稅額章程又使吏捕小泉黑役爲害鄉里者頗著政聲二十年調福州將軍閩海關沿製舊規吏胥因緣爲奸上敕其整理既至鈎稽糾剔獨苛息煩弊風盡革其秋卒於官郵如制

清史稿

列傳二百四十

六

長庚字少白伊爾根覺羅氏滿洲正黃旗人以縣丞保知縣伊犁將軍榮全調充翼長時白彥虎糾西甯回匪寇烏垣進圍哈密安集延曾帕夏並僞元帥馬明衆合烏魯木齊古牧地昌吉瑪納斯呼圖壁漢回撲犯沙山子與爲遙應勢張甚長庚奉榮全檄領練勇赴援而烏魯木齊都統景廉所遣黑龍江營總伊勒和布兵亦至兩軍夾擊殲擒殆盡平解沙山子圍旋贊都統金順戎幕總理營務積勳至道員光緒六年授巴彥岱領隊大臣未幾丁母憂服闋入覲上召見垂詢西北情形長庚手繪輿圖奏陳邊事以阿爾泰山宜設防守伊犁邊防宜籌布置糧金等境宜開屯田漢北草地宜善撫綏及哈薩克應仿例編爲佐領等條以對邊伊犁副都統十四年命充駐藏大臣行次襄塘值隙對番族叛長庚暫住領般多廉知覺由番官肆虐釀成邊員授以機宜調集漢土官兵聲罪致討殲渠宥脅嚴懲藏官事乃就緒議者遂欲收其地仍歸川轄長庚以瞻對自乾隆以來叛服靡常勞師糜餉同治初年西藏底定奉旨將瞻對劃歸達賴喇嘛派堪布管理今若踐田奪牛使朝廷失信於衛藏恐所得小而所失大

乃爲詳定善後章程與將軍岐元川督劉秉璋等同上藏亂遂定擢伊犁將軍時伊犁當大亂後萬端待理長庚至多所規畫愆嶺西有帕米爾者即唐之波謎羅也東距疏勒約一千四百里乾隆二十四年將軍富德窮追回酋一至其地立碑記焉然稱之爲葉什勒庫爾未明言帕米爾三字嘉道以來久未顧問碑亦湮沒咸同後俄人遽以哈薩右中各部與浩罕八部設土耳其斯坦斜米七河費爾干等省甚至塔城西之舊雅爾城阿克蘇之察林河卡倫同就淪胥蔥嶺東有坎巨提者一名乾竺特其都城曰棍維與哪喀耳隔水相望在莎車州西南約二千里其西北可通帕米爾坎民貧而多盜其酋縱掠鄰郡英人責言牒告我政府坎酋又交通俄人英使臣以割分帕地請政府恐俄爭拒弗許時英俄各以兵壓境長庚致書新疆巡撫陶模謂屬地當爭邊地當守兵費萬不可開況能戡土匪之將士未足以禦強敵軍中所資仰給內地及濱江海各省數月乃達而俄境鐵軌已至薩瑪爾干英屬鐵軌已至北印度之勞爾運速迴殊又新疆南北路與俄地犬牙相錯者幾五千餘里雖兵倍加不敷防守

清史稿

列傳二百四十

七

且俄若以輕兵由齊桑斯克走布倫托海犯鎮西哈密即可梗我咽喉當此民窮財匱之時尤不可輕戰只能備豫不虞徐圖轉圜毋以小忿遂起大釁增兵徒增民困陶模以爲然卒如長庚議又伊塔之間有巴爾魯克山者西連俄界南逼精河西南與博羅塔拉接壤爲伊塔要道泉甘土沃久爲俄人垂涎自借與俄後俄人視爲己有先是北路劫盜多窟此山擾行旅前副都統額爾慶額請租借期滿索回總署以俄使有續借之請函詢情形長庚詳陳利弊謂此山關係重大急應收回隨遣員赴塔城與俄領事會商堅持人隨地歸之約卒收回二十年甘回作亂官軍兜勦賊不能得志於甘欲循白彥虎故事西竄新疆由伊犁通俄境長庚諜知遣兵扼守珠勒都斯等地賊不能越遂就禽於羅布淖爾二十二年命兼鎮藍旗漢軍都統二十六年拳匪肇亂俄人調兵入伊犁庚與俄領事交涉凡教堂及俄人財產力任保護諭令退兵人心乃定調成都將軍未之任奉電旨飭赴阿爾泰山查勘界址旋內召授兵部尚書三十一年復授伊犁將軍疏陳伊犁應辦事宜並言籌餉練兵必合新疆全省籌畫將軍

事權不屬莫若裁去新編巡撫伊犁將軍增設總督兼管巡撫事宜庶呼應靈而事權一又籌擬北方與屯置省事宜請築西安至蘭州歸化至包頭包頭至古城各鐵路皆不果行宣統元年遷陝甘總督三年武昌事起西安等處繼之前陝甘總督升允奉命督辦軍務事略定遜位旨下長庚乃將總督印交布政使趙惟熙而去越四年卒諡恭厚

文海字仲瀛費莫氏滿洲鑲紅旗人以繙譯舉人考取內閣中書充軍機章京遷侍讀光緒九年轉御史建言培養人才宜令中外大臣杜徇情勵廉恥以植其本上嘉納焉十二年巡視北城以兄文治授詹事依例迴避調戶部郎中十四年出知貴州安順府調貴陽所莅有聲二十二年數遷至按察使尋加副都統充駐藏辦事大臣既至即上言叛番雖靖餘孽猶存兵未可罷愿自任剿辦二十五年呼圖克圖第穆構巴康刺麻用邪術咒詛達賴文海曰此關風化不可不有以懲之也迺奏請奪其名號已而野番出掠博窩地為川藏孔道行旅苦之官軍入昂多往捕彼即扼縮隆岡來路喇嘛強莫能制文海率眾進擊別遣

清史稿

列傳二百四十

八

通番語者繞道叩其壁宣播朝威反覆開諭於是上博窩業魯第巴宿木宗中博窩兩茹寺下博窩蒲隆瓊多諸寺皆相率乞款附數月而事定賜頭品服未幾逆疾請入川療治卒於塗依例賜卹予入城治喪

鳳全字菲堂滿洲鑲黃旗人荆州駐防以舉人入貢為知縣餘四川光緒二年權知開縣至則使吏捕仇開正開正故無賴痛以重法繩之卒改為善李氏為邑豪族其族人倚勢所為多不法鳳全直法行治雖豪必夷以故人人備恐歷成都綿竹補蒲江署崇慶州一如治開舉治行第一擢邛州直隸州二十三年調資州大足縣余蠻子亂起其黨唐翠屏等構眾入境鳳全迺治城防設開練練鄉勇聯客軍謀定寇至亟遣軍間道襲擊戰太平場捕斬略盡復越境搜治餘黨不兩月而事寧州屬患水被民多失業設法賑濟之全活甚眾再以治行聞調署瀘州二十八年權知嘉定府緣江會匪嘯聚既莅事舉團練嚴治通匪土豪居民莫敢玩法無何拳匪延入蜀嘉定當水陸衝郡中一夕數驚鳳全內固人心外嚴拒守管提一旅師四出游弋匪不敢近故隣境多破碎惟嘉郡差

全各國僑民多樂就之錄是名大著岑春煊性嚴厲喜彈劾屬吏鮮當意獨亟賞鳳全一再論薦遂成綿龍茂道特加副都統三十年充駐藏幫辦大臣行抵巴塘見土司侵細民刺麻尤橫恣久蔑視大臣鳳全以為縱之則滋禍後且嬰患因是有暫停剃度限定人數之議刺麻街之深遂潛通土司嗾番匪播流言阻墾務漸至戕害勇燔教堂勢洶洶鳳全率衛兵五百人往至紅亭子伏突起戰良久被害事聞予建祠設威感繼室李佳氏留成都聞變率子忠順馳入打箭爐辨遺骸隨喪歸省垣祠既成迺賜將軍總督以下官及文武士紳告靈安主慨然曰吾可以見先夫於地下矣事畢夜赴荷池死獲附祀鳳全清操峻特號剛直然性忤急少權變不能與番眾委蛇故終及難云

清史稿

列傳二百四十

九

治罪軍制肅然二十六年拳匪亂作副都統晉昌率眾附和增祺不能阻遂啟戰費奉省自日還遼南旅順大連既轉歸俄租復築鐵道沿路皆駐俄兵戰累挫蓋平熊岳先後失守增祺先以敵強兵脆大局不支連電上達並照會旅順俄水師提督營口俄領事磋商停戰不果俄兵遂抵省城諸軍皆潰增祺奏請恭奉盛京大內尊藏聖容太廟册寶山城俄兵至招增祺還商議善後增祺往旅順與俄議訂奉天交地暫約九條以荒謬交嚴議詔革職尋仍留任諭楊儒向俄外部商改以吏治兵權不失自主為要二十八年交收東三省條約始成俄兵駐奉數年遇事強橫無復公理增祺隱忍周旋憂勞備至至是駐兵始退未幾復有俄日之戰朝旨守中立增祺嚴飭文武官吏堅明約束並告兩國主兵者勿得犯中立日兵迫省亟勸俄兵先退日兵官始入城省城幸免戰禍三十年冬諭增祺賑撫東三省難民並發內帑三十萬賑之明年懿旨復發內帑三十萬賑恤增祺招集流亡商民復業頗留意吏治先後增設洮南海龍遼源開通靖安西安西豐等府縣凡牧廠園場及蒙荒逐漸放墾奉省財政素絀徵

惟一切向無定章咸豐後始辦貨釐光緒初始辦鹽釐增祺銳意清理籌辦糧酒烟藥各稅明定規章變通鹽法就廠徵稅歲入漸增尤嚴治盜以增官設治為弭盜清源之本三十一年以憂免二十三年授署夏將軍改正白旗蒙古都統宣統元年遷廣州將軍兼署兩廣總督三年調京仍授都統兼弼德院顧問大臣旋去職越八年卒諡簡愨

貽穀字鶴人烏雅氏滿洲鎮黃旗人光緒元年舉人以主事分兵部首員外郎十八年成進士選庶吉士授編修累遷內閣學士兩宮西幸貽穀聞警步行追及宣化流涕入對隨扈西安授兵部左侍郎屢召詢時政直言無隱上皆嘉納明年扈駕還京兵部公署已燬假柏林寺為廨舍貽穀朝夕泣事如在行在時是冬山西巡撫岑春煊奏晉邊察哈爾左右翼及西北烏蘭察布伊克昭兩盟荒地甚多請及時開墾派大員督辦詔以貽穀為督辦蒙旗墾務大臣貽穀有經濟才艱貞自勵既奉命銳以籌邊殖民為己任其督墾地界綿延直晉秦隴長城河套凡數千里統籌全局擬陳開墾大綱規畫至詳疏入報可並加理藩

清史稿

列傳二百四十

十

部尚書銜節制秦晉隴沿邊各廳州縣旋復授綏遠城將軍事權始一貽穀首重官墾立墾務局設東路公司官商合辦初辦察哈爾右翼改舊設押荒局為豐寧墾務局旋分為豐鎮寧遠兩局清查舊墾招開生荒派員丈勘繪圖酌留蒙員隨地畝及公共牧廠其餘乃悉開放之牛羊羣地錯處左右翼間直隸山西民戶頻年互爭貽穀親往勘之由固爾班諾爾中分界址其爭始息繼放察哈爾左翼地為留牧廠隨缺與右翼同移正黃旗牛羊兩羣於商都牧羣又移駙馬羣於驃馬羣籌撥直晉邊廳學田烏蘭察布伊克昭兩盟夾河套為部落烏拉特三公杭錦達拉特數旗尤逼近套其地恃河渠灌之自元明以還渠盡湮廢或並古道不存貽穀躬蒞其地相度修通長濟永濟兩大幹渠又疏濬塔布河五加河老郭諸渠增鑿枝渠數十子渠二百餘道水利始興先後六年始自察哈爾兩翼八旗而推之二盟十三旗以及土默特綏遠右衛與駐防馬廠各地凡墾放逾十萬頃東西二千餘里絕塞大漠蔚成村落業皆稱之復以時創設陸軍置槍礮器械築營壘興警察立武備陸軍學校及中小蒙學校數

十所創工藝局婦女工廠資送綏遠學生出洋或就北洋學堂肄業建設興和陶林武川五原東勝五廳練巡防馬步十營修繕綏遠城垣塔城外溝渠建築蒙地郵屯植樹造林勸課園圃果實蔬菜暇輒就田間耕夫婦豎問疾苦或策單騎馳管壘召士卒申儆之教之以習勤崇儉戒嗜好勤動如訓子弟不率者乃罰譴之方其治河套墾地蒙人時起抗阻台吉丹丕爾攘其旗主地戕文武官吏貽穀請於朝誅之衆始帖伏三十四年貽穀勅歸化城副都統文哲輝侵吞庫款而文哲輝先以敗壞邊局蒙民怨恨劾貽穀命軍機大臣鹿傳霖等往查傳霖以已革布政使樊增祥等為隨員奏復褫貽穀職逮京下法部勘問三年不能決卒坐誅丹丕爾事譴成川邊宣統三年赴成方經鄂武昌變起直隸總督陳夔龍奏請進止詔改易州安置國變後嘗自歎曰昔姜嫄譴成宣城衛自號宣城老兵吾其終此矣即死必葬於是丙寅年卒晉邊官紳念其德請昭雪釋處分遂葬易州白楊村成其志信動字懷民鈕祜祿氏滿洲鎮黃旗人以蔭生累至浙江布政使署巡撫代貽穀為綏遠城將軍督辦墾務踵其遺規

清史稿

列傳二百四十

十一

益動遠略頗禮致賢才思有所建樹功未竟而遽能辛亥後久病卒

論曰將軍都統職視專圻西北邊疆大臣與之並重非才足當一面者不能任也榮全升泰以下諸人或多戰績或著邊功或勤旂務或兼民治所至皆能盡其職多有可稱故並著於篇

清史稿

列傳二百四十一

劉錦棠

張曜

劉典

金順

穆圖善

文麟

劉錦棠字毅齋湖南湘鄉人松山從子也從松山討捻積助至同知直隸州從入陝復同州朝邑釋省城圍擢巡守道同治七年左宗棠西征從克懷遠鎮邊還定綏德賜號法福浚阿巴圖魯進軍甘肅攻金積堡夷旁近七寨破靈州九年擊馬五寨松山戰死詔加三品卿銜接統其軍軍新敗偏裨自恃為宿將滋驕錦棠禮誦之喪懸吳忠堡或請徙它處錦棠不可曰櫬在軍可繫將士心宗棠貽書為列堅守退頓二策錦棠謂不力戰則靈州不保必勦力致死而後軍可全於是一戰禽馬五再戰破河狄軍復振是時馬化龍燄日熾三決水困我軍錦棠三拒之不獲遂糧且匪率其子耀邦乞款附錦棠曰諾令若先繳馬械不應再引馬連水入湖會大風從西北起濤濤堤岸勢洶涌錦棠囊土以禦化

清史稿

列傳二百四十一

一

龍計益窘哀詞乞耕墾錦棠知其詐隱卒下橋永甯洞又敗去乘勢下蔡家橋克東關化龍度不得脫於是三蹕軍門乞撫矣錦棠白宗棠請進止迺徙陝回化平川而分置甘回於靈州諭功子雲騎尉世職賞黃馬鞋十年誅化龍父子生致馬八條置喪所樹而祭之遂與喪歸明年度隴攻西甯次碾伯平戎驛先破小峽遣軍奪南北兩山圍解道員郭襄之率男婦二萬縲負來迎是役也提湘軍八十營院攻九十里往往徹夜不休露立冰天雪窖中詔嘉之十二年克大通斬叛官馬壽遠陝回為旌善五旗餘徒平涼秦安清水白彥虎奔肅州方湘軍之定西甯也宗棠緣事責錦棠盛氣辨銜之以故徇肅州未下亦不召及錦棠至又大喜為夸其軍以厲衆錦棠計誅馬天祿殺土回客回立盡關隴平權西甯道明年破河州獲閃殿臣伏誅迺合諸將燈回於賈家集郭家嘴殲焉光緒元年出關時彥虎走依安集延帕夏阿古柏助之勢復熾二年至阜康與金順計事議先攻古牧道將分壁木壘河而自領軍軍九營街度戈壁之水伴掘井以懈敵陰遣精騎襲奪黃田通汲道收古牧地錦棠策烏城寇必駭奔復

自將精兵走之遂復烏魯木齊迪化子騎都尉世職三年春諭嶺西南攻達板寇引湖水術城泥深及馬腹錦棠周城徹循誠各營警備列燧如白晝轟擊之彈落燧聲響若然人馬碎裂迺下令軍中日能縛獻服異服者賞於是愛伊德爾呼里以下皆就俘愛伊德爾呼里猶華言大總管也且釋降回數千給賞糧縱歸或請其故曰俾歸為我宣播朝威也吾欲以不戰勝之自是破吐魯番托克遜南路門洞開阿古柏如失左右手亦被執飲藥死賞雙眼花翎已而彥虎據開都河西岸覬入俄師抵曲惠與余虎恩分擊彥虎亦決水以阻錦棠入喀喇沙爾城廬舍漂沒迺徒和碩特帳房河東數百戶實後路復庫爾勒會軍中患飢乏下令掘窖糧獲數千石以濟連下庫車拜城其南纏回苦安集延淫暴久重以彥虎奔擾益不堪命且夕望我軍如時雨比至各城阿奇木伯克阿渾玉子巴什各攜銅幣持牛羊來犒師抵阿克蘇錦棠先入城受降舉回皆扶服聞彥虎奔烏什亟遣旌善旗渡河復其城於是東四城俱下詔晉三品京卿值喀城守備何步雲告亟遂大舉出師令虎恩黃萬勳分道進取而自率師徑

清史稿

列傳二百四十一

二

搗葉爾羌並克之彥虎遁入俄錦棠進定英吉沙爾遣董福祥收和闐西四城亦下錫二等男四年錦棠既定喀城以次巡歷葉爾羌和闐凡西人僑居其地者英乳目喇伯十餘人印度溫都斯坦五千餘人咸服其勇略稱為飛將軍云方彥虎之入俄也俄人處之阿爾瑪圖錦棠猶致書圖爾齊斯坦總督謂將入境搜捕宗棠勸止之俄復徙之托呼瑪克其秋彥虎又遣黨犯烏什邊驟入格爾品錦棠扼之瑪喇爾巴什別遣將要其歸路大敗之未幾安集延入又破之玉都巴什是歲補太常寺卿轉通政使五年安夷復搆布魯特內犯戰烏帕爾捕斬二千餘級自是邊寇頗息警維時俄據伊犁宗棠疏請崇其秩資鎮撫詔佐軍事俄益增兵守納林河已宗棠入都上以此專屬任錦棠關外事命嘗欽差大臣徒頓哈密益治軍邊除真八年和議成錦棠策善後請設新疆行省省置巡撫布政使加領道按察使銜道府州縣視內地立城垣壇廟學校驛傳又廣屯田興水利南疆歲徵賦至二十餘萬石九年擢兵部右侍郎加尙書銜旋除新疆巡撫仍行欽差事十一年進駐烏魯木齊奏省參贊大臣改置

都統設喀什噶爾阿克蘇巴里坤提鎮各營復增道府廳縣徙分防官駐要塞
南北郡縣之制始定先是錦棠以祖母老病累疏乞歸省不許十三年申前請
始俞允錦棠悉召諸部會長大酺遂發所過黃童白叟望風相攜負以迎往往
擁車數日不得走十五年加太子少保銜明年晉太子太保二十年晉錫一等
男會弟肅以山西按察使入覲垂詢近狀欲強起之適中日有違言電旨趣召
未行而病作朝廷書問日數至疾革時猶喃喃呼舊校指述邊事未幾卒年五
十一事聞震悼諡襄勤子建祠

張曜字朗齋其先上虞人改籍大興既復隸錢塘生有神力幼嘗持竿結陳部
勒羣兒無敢譁者少長依倚嫻騎射孫賀孫宰固始適豫檢起集剛勇三百屬
之檢款至時已昏隴獻策謂伏軍城外彼不知衆寡可以計走也夜半檢縱掠
轟擊退僧格林沁追檢亟遙見火光詢知爲隴部召與語甚悅命從軍積勳爲
知縣權知固始皖檢來犯嬰城守寇駭駭西去亡何李秀成又構檢入圍城三
匝捍禦七十餘日城獲全上嘉其功賜號霍欽巴圖魯咸豐十年擢知府先後

清史稿

列傳三百四十一

三

遭憂仍留軍討皖檢屢捷晉道員明年除河南布政使是時陳大喜張鳳林各
樹幟延擾數千里隴謂寇援斷師未能驟克寨中患飢乏多猜貳宜廣設購募
聞其黨逆縱降者爲內應檢適竄風諭各寨皆款服鳳林爲降計禽之同治元
年御史劉毓楠劾其目不識丁詔改總兵二年大喜走阜陽戰秦宜樂皖檢復
入隴虛華莊失亟歛兵退以銳師宵加之殲渠率時張總愚走鄂陵臨穎欲西
隴拒之嵩山麓令不得西攻大金店援寇四起遣總兵保英略中路爲寇乘隴
手刃退縮者士氣奮卒敗之攻太子望寨久相持隴曰檢詭悍守山口阻
我進兵坐爲所綴非策也問道出奇擊之總愚西北走鎮平追殺黑龍集犯南
陽又戰郤之三年檢會宛南總愚赴盧氏曠野寇入豫隴扼之使不能合次橋
川寇自西北至狙伏以擊寇奔楚隴浮渡丹江追越郢西百四十里會陝楚軍
至而還四年僧格林沁軍麻城驕騎失利隴赴難七戰皆克僧王既戰死臺臣
劾其養寇遺患巡撫吳昌壽按覆事白隴假歸葬親踰年准北檢益亟朝旨趣
復出隴遂部合新舊選鋒嵩武軍厥後軍氣大振論者謂爲湘淮軍後勁云

清史稿 卷四六〇

六年出頓許州八里橋任柱等見隴大譏賊走梁山寇與合五日至鉅野渡運
而東隴與總兵宋慶往馳之當是時李鴻章議防運河北首安山訖沈家口隴
等至今慶築長培慶留副將蔣東才參將李承先二軍屬隴隴以沈家口黃運
交匯調黃河水師入運助守河防運自此始久之總愚陷陝綏德分擾米脂
朝命防河北檢濟河入晉犯吉州鄉甯平蒲告警檄隴還豫而檢已自絳州曲
沃入偃豫疆隴迺追敗之湯陰七年檢東走扼晉州西北路折而南諸將謀逐
之隴謂賊勢未燼遠南奔必有深謀迺卷甲北趨出其前二百里至饒陽果遇
檢檢不敢擊錯愕去潛渡漳沔亟引兵至河干未渡者殲焉濟漳次清化檢伐
木爲矛又擊破之長驅滄州劉松山軍運東隴自南夾擊檢披靡追至臨邑初
李鴻章遣郭松林自臨邑築牆局之馬頰河虛西南以餌敵速隴馳至檢不肯
深入走濟陽鴻章知計不售使隴趨武定遇檢於濱州始敗退會天大雨河暴
漲諸將慮檢東逸謀扼徒駭河隴自博平守至東昌誘檢入河套與慶合擊之
檢衆陷泥淖中死者枕藉自是總愚不復能軍逐北往平殺其黨且盡騎能屬

清史稿

列傳三百四十一

四

者十餘人耳總愚自度不得脫迺沈於河論功賞黃馬桂子騎都尉世職八年
詔趣左宗棠赴涇州責金順以邊外事命隴自古城西進爲後路軍次蘭扇破
回於察漢綽爾又敗之紅柳樹阿拉善圍解抵纏金調知甯夏西岸白石嘴山
至中衛陝回屬集遣將要擊之回遁走金順赴沙金托海與議進兵事方將鼓
行而西而甯夏降回復叛圍郡城遂倍道應赴敗之城下俄而陝回入賀蘭山
隴赴河北南破淡渠集圍納中聞拔其壘與金順夾渠而軍殲守賊殆盡會金
積撫局成通昌通貴乞款附獨王家曠不下隴怒破其堡屠之攻剋納家寨河
西無悍寇詔屯之兼顧阿拉善旗是爲甯郡河北之師九年授廣東提督仍留
軍明年加雲騎尉世職白彥虎據肅州徐占彪攻弗克請益師宗棠檄隴頓金
積助之上以爲勇賞雙眼花翎十三年彥虎亡命出嘉峪關窟烏魯木齊哈密
城南北附之俄羅斯方擁伊犁巴里坤且岌岌朝命總防討亟援哈密剋日
出關師行乏水草絕幕二千餘里餽餉艱阻於是議立屯田十三年出屯大興
水利墾荒地二萬畝歲獲數萬石濟軍光緒二年師規南路西取七克騰木崗

四五

展魯及魯克沁臺勝金台哈拉和卓城降繯回萬餘遂復吐魯番明年拔烏魯木齊彥虎遁入俄俄歸伊犁宗棠疏薦堪重任六年詔贊軍事命移駐喀什噶爾兼轄西四城籌善後所至勦立義塾回風曠曠至是頗聞絃誦聲十年入關防直北實巡撫銜叙邊功晉秩頭品明年除廣西巡撫未行前所部治都城河加尙書銜旋命赴山東勦河諭歲至壽張調撫山東東省河患日深躍蒞任首重河工以黃運並淤非總濬通海不為功時王家園等處先後漫口先議疏濬海口挑淤培埝並增築徒駭河兩岸隄工以防汎濫然後挑挖全河參用西法以機船疏運凡南北兩岸隄口門一律籌辦疏上皆從之又先後築王家園姚家口張村股河大寨西紙坊高家套各決口復改濬韓家垣以洩尾閘莫不身親其事計一歲中奔走河上幾二百日有言河務者雖布衣未僚皆延致諮詢唯恐失之民或遇災常籌粟賑濟復建海岱書院於青州紺洙泗書院於曲阜士民德之十四年被命襄辦海軍明年晉太子少保命會閱南北洋海軍至煙臺聞台灣巡撫劉銘傳稱疾去則抗章請行優詔答之十七年方駐河干督

清史稿

列傳二百四十一

五

工疽發於背回省就醫遂卒疾革時猶貽書鴻章首言山東為北洋門戶亟宜治礮籌備不虞次言新疆軍精部令裁營清釐緩不濟急恐失信外域貽君父憂遺疏入上震悼贈太子太保諡勤果予建祠雕魁梧備儆自少從戎不廢書史字法撫顏平原書疏雅馴猶餘事管鑄目不識丁四字印佩以自厲甯夏平築樓面黃河對賀蘭山顏曰河聲嶽色日嘯詠其中人謂有羊叔子登峴風居官垂四十年不言治產事性尚義所得廉俸輒散盡尤禮賢下士士爭往歸之其修道路開廠局精製造凡有利於民者靡不畢舉死之日百姓巷哭失聲喪歸且傾城以送以兩世職併為男附子端本襲官南詔連道劉典字克齋湖南甯鄉人少伏滄山與羅澤南友善以學相期許齋匪亂集眾保鄉邑叙訓導參左宗棠戎幕轉戰江西善察形勢營輕騎調敵管夜率所部劫殺數獲奇捷李秀成欲以長圍困宗棠斷會軍糧輒典敗浮梁又破之樂平婺源饒道始達祁門積助至直隸州知州宗棠撫浙典以偏師討衛嚴同治改元破馬金街進克遂安遷知府擊花園港世賢通超授浙江按察使世賢謀據

金華分黨撥龍游湯溪蘭谿眾號數十萬典還軍援衢力據上游悉夷東南北寇聖明年收蘭谿諸軍亦下三城浙東告甯宗棠規杭州策江皖邊圍安方可一意進取迺令典將五千人道嚴出皖南當是時新復郡縣糧饋不屬典持印票空文向民間貸糧糧遇寇遮擊而屯溪而黟縣所莅風靡民望典軍如時雨以故壺漿塞塗沈葆楨謂其截擊寇眾功不在克省城下江皖既平賜號阿爾剛阿巴圖魯其秋父憂歸三年詔起督師典募新軍八千次貴溪世賢入閩陷漳州汪海洋亦陷龍巖勢復熾典進汀連號西路軍遇海洋新軍輕進收績還保連城四年再戰斬寇萬餘進復龍巖南靖世賢為高連陞所躐奔粵宗棠麾下壯士騎從者八百餘人馳之典至南雄語其將黃少春曰尾寇而追非計也寇返奔亟必不久據嘉應當走粵閩邊左軍孤遇寇必不支迺持二句糧取道大嶺脊晨夜應赴抵大埔先宗棠一日遂會師復嘉應晉二品服予世職事甯乞歸省五年宗棠徙督陝甘起典甘肅按察使旋賜三品卿佐軍事典自紫荊關入值檢竄渭北迺駐潼關備涇而軍扼其南渡七年詔署陝西巡撫初宗棠援

清史稿

列傳二百四十一

六

晉以征回事屬典與以關中戎備寡調提督周達武壁隴汧順後路至總前敵師于則舉將益禮自代朝旨弗許尋復有是命典遂進駐三原調度諸軍軍大振明年與宗棠定三路剿回策已復念民事重入省治善後集流亡舉屯牧恤艱阨革差徭又以其時洛鄭白舊渠關中漸叫嗚望治矣惟銳然以減餽自任諸軍舊欠各餉十給其七士卒不無怨望云又明年再乞歸省光緒元年復命佐宗棠軍務典辭以疾詔能其行時譚鍾麟督西征饒事力言司左軍後路非典莫屬朝旨迺趣赴甘於是典三起討賊矣二年至蘭州宗棠以善後界之凡整軍節餉以及生聚教誨有裨於民生久遠者咸殫心厥事至關外平定亦嘗指陳方略贊畫功多經營新疆凡三年卒於軍次詔視侍郎賜卹諡果敏予江浙陝甘建祠典秉性清嚴貴後自奉儉約楊昌濬嘗詣典環堵蕭然一如寒素寓書宗棠共稱之弟倬雲少隨典讀書長沙典主鄉團倬雲以廩生治軍書從援浙領偏軍戰常陷堅李汪二酋奔竄扼臨江使不得西敘知縣龍巖既復會糧營軍士乏食為貸隣邑以濟民德之建生祠將軍庫克吉泰檄赴陝值連陞

營哥匪謀變戕主帥倬雲馳入殲其渠餘衆悉定再遷知府時慶陽大飢人相食倬雲與屯政立賑局流民懷集假歸適會匪亂連下龍陽益陽詔用道員越法事起赴閩綜營務署按察使以捕海盜名晉二品秩授汀漳龍道與曹榮建書院調郵隄防諸政次第舉尋謝病歸二十九年卒卹如制

金順字和甫伊爾根覺羅氏滿洲鎮藍旗八世居吉林少孤貧事繼母孝初從征山東授驍騎校嗣從多隆阿援湖北復黃梅賜號圖爾格齊巴圖魯移師安徽克太湖歷遷協領掛車之役將騎旅直搗中堅當者輒靡同治二年從討陝回連下羌白王開賜頭品秩復渡渭敗之零口三年漢南回奔鳳翔趙禮哈擊卻之授鎮黃旗漢軍副都統調西安時羣寇集陝南陝回導至澧河金順禦之斬虜多回入鄂傍山西走復率馬隊邀擊敗之四年攻甯夏南門奪其礮臺已聞寇集黃河兩岸率師分路進陣斬其酋孫義保等寇稍卻明年調甯夏副都統七年復甯條梁聞榆林警遂迎擊五龍山大破之迫至邊外禿尾河馬隊忍寒裸涉要之金難離回大潰復遣將破之葭州八年平級德朝旨以邊外事屬

清史稿

列傳二百四十一

七

之四月回犯花馬池遣部將富勒琿馳救回自烏拉爭渡奔札薩旗金順自將出邊回已遁迺率師道札薩郡王咨拉旗自包頭迤西濟河而進會天酷暑暫頓什巴爾臺就水草與張曜期會沙金托海七月自中灘鼓行而西而甯夏回復叛迺兼程赴援敗之於城外無何甘回納萬元等迎戰漢渠復與曜從東繞擊回走納中開迨至龍王廟南悉拔其東南各壘殲守賊殆盡九年金積撫局成獨王家瞳未下率其弟連順分兵迎擊數獲勝自是連順無役不從積助至金州副都統金軍頗有聲明年克之賞黃馬褂又與曜破納家寨河西悍黨殲焉甯夏平擢烏里雅蘇臺將軍尋以赴鎮番未報職命即日赴肅州既至頓北崖頭奏調隴軍助擊時烏魯木齊提督成祿猶訴軍糧乏難赴哈密詔金順接統其軍十二年左宗棠至軍約期並進金順發地雷東北角城潰乘隙奪據其上自是老弱扶服者相繼城拔復故官烏魯木齊都統景廉駐古城與金順齟齬宗棠奏言金順寬和為羣情所附詔率所部二十營赴之規烏城於是遂發出關數十里至瀚海吏士忽不行詢之則曰先鋒營駐有所議金順知有變

疾馳視手刃六人以徇曰敢留者視此軍以次行瀚海既過迺列六尸祝之曰難賦不飽佐以野蔬天下無若西軍苦此行度戈壁之水草吾非不知但不忍汝六人如全軍何如國家何如關內生靈何聞其言者無不激揚道授正白旗漢軍都統明年至古城與景廉會師一日演礮漢回觀者數千人景軍指敗堵烟筒為的擊之再烟筒無恙所部礮隊總兵鄧增參將張玉林曰是何足擊請卷旗卓之為的增先測視請於金順再測視既竟礮響旗飛若剪霞空際已而玉林亦爾觀者譁譁聲震遠近回聞之氣奪尋命佐新疆軍務光緒改元代景廉為都統二年軍阜康劉錦棠赴軍所商進止議先攻古牧迺輕騎襲黃田通汲道克之連下烏魯木齊迪化昌吉呼圖壁諸城直逼瑪納斯斬其偽帥馬興南北二城以次皆下賞雙眼花翎予世職調伊犁將軍七年詔接收伊犁按圖劃界十一年二月軍標譚雙五月再變並謀戕官伊犁地本極邊協饒乖時軍多疲饑金順取眾將領營官相率蒙蔽而總督譚鍾麟劾其上下縱恣民怨沸騰為陳籌饒易人之策於是上召來京以錫綸代之道肅州病卒身後不

清史稿

列傳二百四十一

八

名一錢幾無以為飲察萊廠金喪始歸部伍縞素步行五千里至京者達二百人云事聞贈太子太保設忠介子建祠妻託莫洛氏婚甫踰月屬事繼母撫諸弟遂出轉戰二十餘年至新疆迺遣使往廷謂使者曰太夫人老矣甯能涉萬里吾義不得獨行且彼處有姬侍宗祧不墜吾又何求竟不往時論賢之增字錦亭籍廣東新會年十七從軍積助至游擊西征之役領開花礮隊平金積取河州並以善用礮知名方是時錦棠治兵西甯寇堅壁自守而牧馬湟水北岸增隔水轟擊寇駭愕踰山遁增馳之先以輕騎當寇乍戰伴北寇易之悉眾下山我師以巨礮環擊大潰俄援寇至壁平戎驛錦棠不與戰而使增據山上俯擊寇備礮威退湟北增復隔河擊之皆走錦棠攻高寨急昇大礮列北山上使增測準寇壘發礮子六十餘墻壁皆裂賜號伊博德恩巴圖魯規肅州城高厚踰常制增築礮臺臨城關轟潰十餘丈繼復築礮臺街口裹創力戰卒擊退之首總兵從金順出關以戰功擢提督金順舉將才稱增精究礮術除伊犁鎮調西甯光緒二十一年解循化圍回渡河趨巴燕戎格增追至亂思觀會札什巴

陷分三路擊之城拔六月西甯回韓文秀等犯增管增分軍迎擊遇伏將卻增手刃先退者以徇衆皆躍馬陷陣寇潰時西甯南北西川大通碾伯丹噶爾皆叛增聞警馳歸守郡城八月哆吧寇來襲城薄小橋增將出拒或勸沮之增曰寇氛甚惡不力退之是示弱也且主帥不出將士孰肯用命遂往短兵接人百其氣大敗之自此寇望見鄧軍旗輒不戰而遁明年克川北營城關內外平授固原提督既至會甘軍搜治海城叛回閱三年海城回田百連復叛遣將討平之卒亂作車駕西狩召赴行在回鑾節度隨扈諸軍首領品服旋回任三十一年卒於官詔附祀宗棠祠其時隨金順征回著績者又有托雲佈果權劉宏發曹正興托雲佈瓜爾佳氏滿洲鑲藍旗人初從軍勦髮捻賜號綽勒郭爾圖巴圖魯攻寧夏釋平羅圍襲擊黃河兩岸數有功累遷協領坐事免金順請留軍自贖被擊竄寇於榆林復官進拔蘇家燒房納中間晉副都統時寇據金積其旁堡砦並險固托雲佈充前鋒大小數十戰寇稍卻克王家曠賜頭品服平通昌各寨賞黃馬褂自是從出關迭克名城即於軍前授青州副都統瑪納斯

清史稿

列傳二百四十一

九

之役血戰六十餘日天山以北告寧子雲騎尉世職光緒十一年創發乞歸賞食全俸十八年卒予優卹果權莫得里氏滿洲正藍旗人吉林駐防驍騎校從副都統福珠里出師伊犁以戰功累遷協領瑪納斯既復金順薦署伊犁錫伯營領隊大臣頓車排子屯田詔念前勞晉副都統賜號志勇巴圖魯光緒十七年調充東三省練兵行營翼長校閱吉林邊練各軍二十七年授呼蘭副都統卒卹如制宏發黃陂人正興隕西人自同治初久從金順軍復肅州進新疆屢有功後皆官至提督而宏發軍過玉門安西官民尤翕頌贊置云

穆圖善字春巖那拉塔氏世居黑龍江齊齊哈爾隸滿洲鑲黃旗家貧事親孝初以驍騎校遷參領從征直魯晉豫所向有功援安徽迭克城隘賜號西林巴圖魯同治元年從多隆阿入陝道鄧州遇粵寇陳得才敗之紫荊關擢西安右翼副都統時回氛熾率步旅陝洛水北岸半修營半出擊寇寇始奔亡何捻酋姜泰林犯武關夜襲多軍穆圖善設伏敗之追羣寇入鄂境悉驅出西河口二年再入陝攻高陵先登裏創力戰下之賞黃馬褂寇渡涇據南岸穆圖善泗水

而濟寇大潰三年多隆阿圍整屋中礮病篤疏薦穆圖善賢遂命署欽差大臣其夏擢荊州將軍與劉蓉會辦陝事粵寇據樓觀黑水西駝峪蒼遺蕭慶高趨鄂穆圖善率師助擊賊店子頭敗績七月擊破大峪西堡進攻樓觀先是得才入鄂穆圖善遣二十八營赴援無統帥至是奏請穆圖善往湖北詔勿許令移師赴甘既至與將軍都興阿議定先規甯夏十一月檄杜嘎爾爾慶額等攻破清水堡諭歲訓知羣寇元日椎牛置酒必不誠穆圖善奪城南礮臺連燬其寨已復慮寇乘春漲決渠下灌分兵扼城東南尋調甯夏將軍主甘肅軍事嗣以甯夏諸軍久不得要領責之五年收靈州初回寇馬兆元攻陷州城馬朝清計誅之禁靈回無滋事逮甯夏失道且梗塞朝清者化龍也至是親詣穆圖善哀詞乞款會州紳亦請置官乃使豐紳等往招撫州事定聞華亭回竄慶陽復遣軍擊走之城圍解明年署陝甘總督值歲大饑人相食迺馳書阿拉善王令運蒙糧至河北與軍民交易食適濟是時米拉溝既下河洮狄道西甯回皆反正而南八營李得昌各部乞擇地安插上慮回情叵測敕穆圖善嚴備之穆

清史稿

列傳二百四十一

十

圖善令降回繳械遣范銘赴洮張瑞珍赴蕭何城王得勝赴靜寧辦撫事自是頗感撫議已復使曹熙等赴河州回羈之遺黨潛襲省城聲款附穆圖善率輕騎往中伏奔還遂圍城五日楚軍將彭楚漢等破之而東鄉回峒負如故穆圖善親督諸軍敗之十一月攻州城弗克還蘭州會傅先宗敗回禮縣彭忠國敗回安定穆圖善迺令進規渭源而自從金縣進七年正月克之迺使諸將會攻狄道南北兩山相盜中有平川寨卡林立先宗等一鼓破之毀其寺軍威大振於是穆圖善赴前敵北莊牟佛提率男婦三千人乞降受之師旋復叛穆圖善再渡河直搗黑山頭太子寺寇斷我糧餉戰數失利不獲已退保狄道明年狄城糧盡又退至秦州寇乘之師潰朝旨令穆圖善甘軍受左宗棠節度初穆圖善狙撫議羣回叛服靡恒而所部百數十營皆徵糧民間清水守將敖天印以橫暴激民變遂防軍殺縣役提督黃金山率所部戰狄道康家巖敗潰北入皋蘭四出淫掠穆圖善迺遣潰勇屯甯夏而嘗報放軍於朝教軍亦力詆之於是宗棠調度諸軍先秦州固饑源遂赴涇州受總督印穆圖善既卸事猶日歷四

鄉勸民修堡塞置軍械蘭人甚德之詔仍駐蘭州統西路軍化龍黨崔三構河
狄回出擾輒收去十年河州賊襲陷皋蘭西古城再敗之長驅北山兔窟寇大
潰其冬會左軍渡河連克要塞寇退扼大東鄉師聚而殲之論功予世職光緒
元年召署正白旗漢軍都統會吉林馬賊竄巴彥蘇蘇命權將軍捕治之漸散
其黨與明年道員舒之翰獲譴罪及舉主視職又明年起授青州副都統擢察
哈爾都統五年出爲福州將軍法人爭地越南分兵艦窺閩疆詔參宗棠軍事
出駐長門警師設伏擊沈法艦一艘既而防軍潰法人登岸擄戰伏起轉敗爲
功以故閩事壞獨免議十一年詔授欽差大臣會辦東三省練兵事明年以積
勞卒於軍諡果勇子黑龍江安徽甘肅建祠蘭民且樹碑誌德焉杜嘎爾哈勒
斌氏滿洲正藍旗人黑龍江駐防初從都興阿征粵寇積助至佐領賜號莽賚
巴圖魯嗣以京口副都統從討甘回規審靈頗能以少擊衆寇竄寶豐克張家
村紅柳堡深入沙磧背水成軍旬日間城復攻奪郡斬虜多即於軍前調官甯
夏甯城回增建寨棚首城南訖納家崗與金順誘城東寇出數敗之乘勝破護

清史稿

列傳二百四十一

十一

城隍清水堡尋隨都興阿赴奉天調補正藍旗蒙古副都統歷察哈爾坐事免
光緒六年起授烏里雅蘇臺將軍撫士卒卹蒙部十四年創發乞休明年卒諡
武靖額爾慶額字誦堂格何恩氏隸滿洲鎮白旗墨爾根城駐防以驍勇聞歷
遷至委參領清水堡之役賜號法福靈阿巴圖魯會諸軍克狄道授黑龍江副
總管剿金縣竄匪擢涼州副都統命佐關外軍事統領吉黑騎旅頓西湖令寇
不得西烏城回自奎屯敗退安集海擊卻之光緒二年聞白彥虎搆瑪納斯南
北二城回擾糧道與總兵馮桂增參將徐學功約期會師大河廠額馮二軍先
行徑薄北城而南城回涌至桂增負傷墜馬寇昇入城額爾慶額憤甚先登陷
陣斬寇無算因士卒傷亡多止戰屆期學功至距城十餘里見額爾慶額被創
還遂率所部救之金順責其援不力宗棠曰額爾慶額等輕進貪功咎由自取
且先夕進攻學功何能豫知耶歷古城領隊大臣科布多幫辦大臣命偕參贊
大臣升泰勘界以奎峒山爲科塔兩城外蔽哈巴河南流入中國與俄官抗爭
始得展地定界新疆底定督頭品秩十二年調伊犁伊犁設副都統自此始在

任七年興辦屯田軍民輯睦十九年卒卹如制豐紳字漢文吳扎拉氏隸滿洲
正白旗吉林駐防都興阿督江北軍檄守揚州以戰功歷遷至協領克寶豐取
甯夏數獲勝穆圖善遣往靈州招撫馬化龍就撫穆圖善上其功曾副都統尋
護甯夏將軍時伏莽未靖自甯城至靈州隘口數十爲商旅來往孔道豐紳詰
奸禁暴行旅使之先後平陝匪西河橫城堡補官錦州擢黑龍江將軍坐事褫
職光緒間起故官歷綏遠城江甯中日事起出駐通州事甯回任二十四年卒
詔優卹予建祠御史彭述劾其侵冒奪卹典

文麟字瑞圃兀扎拉氏滿洲正藍旗人道光二十二年考取內閣中書遷侍讀
咸豐八年出爲甘肅蘭州道調鎮迪同治四年回竄據古城文麟上防守奇臺
狀上嘉其知大體濟木薩者回衆屯糧地也文麟潛遣練勇攻克之獲糧萬數
千石索煥章竄瑪納斯分掠阜康吐魯番迪化文麟分兵扼三臺要隘上疏乞
濟師詔令嚴守濟木薩援未至而哈密奇臺相繼淪失亟與巴里坤領隊大臣
訥爾濟合兵進擊聞寇集東路使佐領恆昌先進敗於奎蘇而自請赴前敵上

清史稿

列傳二百四十一

十二

怒訶責之下部議坐擅離職守降二級調川詔以藍翎侍衛充哈密辦事大臣
文麟遂率所部收復城垣馬金貴白彥虎先後圍攻瀕危者數矣文麟拊循士
卒卒能以餓軍驅強敵俾繼回轉危爲安五年遭母憂改署任明年肅州回竄
玉門戰紅柳灣敗之回復大舉犯城關文麟督軍嚴守伺間出擊圍解迺爲籌
耕種葺廬舍訓練軍士且戰且屯服闋以頭等侍衛補本官益招哈密首孔
才至以其練勇二百編入伍籍遣往古城與屯修堡復收徐學功散勇二千餘
任耕戰於是古田濟木薩屯政大舉令充裨將自是數與妥明馬明白彥虎相
攻殺所向皆捷十二年肅城回數出關犯哈密東山文麟令魏忠義出駐塔爾
納沁堡分扼各隘剿撫馬賊擒回馬五十九旋魏軍大失利文麟飛章自劾被
宥益感奮率所部進擊力保危城降救褒嘉加副都統銜明年彥虎援肅州潰
退安敦玉文麟使騎旅追之彥虎遁入山肅州平詔張曜等馳赴哈密會文麟
進剿光緒二年卒文麟治軍數載無私蓄與士卒同甘苦故人皆願爲盡命
及其沒也閭閻慟哭失聲明春富勒銘額先後狀其績以上予褒卹附祀新疆

哈密專祠明春巴羽特氏隸蒙古正紅旗初從勝保平河北補前鋒校征陝回
 隸多隆阿麾下以戰功數遷副都統擢肅州壓城爲壘與回相持者半載追藍
 得全被重創肅州回出掠安西玉門敦煌明春馳逐三城間二月圍悉解授哈
 密幫辦大臣光緒二年擢辦事大臣時南疆平肅疆民悉還故土明春爲晰地
 畝給貨糧勸使復業凡治道路繕隄防興水利有裨民生久遠者靡不具舉民
 德之至今猶虔祀云十二年卒卹如制富勒銘額佚其氏隸滿洲鎮白旗古城
 駐防烏魯木齊陷古城大恐富勒銘額出與寇戰數被創事亟如烏里雅蘇臺
 乞援弗應城破全家殉焉富勒銘額適在外得免於難憤詣文麟軍所願從殺
 賊紅柳灣之役以功擢防禦回擾安西設計抗禦斬虜多並搜治西山逸匪盡
 殲之解敦煌圍晉頭品秩賜號堅勇巴圖魯充古城協領西陲告甯置屯田修
 兵房以都統恭鐸光緒十四年授伊犁副都統時游勇構哈薩克回寇邊富
 勒銘額遣軍捕其酋餘燼悉平十六年署將軍增卡倫整營制索倫錫伯察哈
 爾額魯特兵卒咸復游牧舊業十九年徙塔爾巴哈臺參贊大臣練軍興屯收
 清史稿 列傳二百四十一 十三

還巴爾魯克山清界置卡其治復放伊犁屹然成重鎮二十三年乞歸二十九
 年卒卹如制學功烏魯木齊農家子好技擊值回亂結健兒數十掠回莊貨貨
 以自贖遇漢民力護之雖邊外悍回皆已憚之矣厥後附者益衆集五千人精
 鍊馬隊每戰突陣驟若風雨回見之輒走學功先後陣斬偽帥馬泰阿奇木馬
 仲仲子人得襲偽職與安明積不相能安明復以黨攻之安會帕夏適約學功
 破吐魯番進攻烏魯木齊下之安明走殺來數日死帕夏遂據烏垣初帕夏以
 學功善戰故與交驩冀藉其力王哈密以南八城歸獻朝廷已知其無遠略且
 百戰未得一階益輕之令還綏來南山於是學功大恚屢攻烏城其民人時降
 學功時投人得轉輸屬役迄不得息同治七年俄人構土回纏頭將襲烏垣聲
 赴綏來易市駱駝馬數千載貨鈔至石河去綏來八十里學功以騎旅截之俘
 數十人餘縱還自此俄人不敢東窺十二年彥虎率悍回數千分掠烏垣綏來
 學功復橫截之殺數百人奪駱駝五百彥虎勢益孤學功既任職但承大將風
 指異於初起血戰時矣後與孔才並官至提督孔才哈密人

論曰從左宗棠立功西陲最名者湘軍中稱二劉豫軍中稱羅之數人者投袂
 攘難不數月廓清萬里雖張靈班超奚多讓焉金順穆圖善提塞北健兒橫行
 玉門金嶺間其志尤壯文麟名出二人下而招團興屯兼任畊戰不煩國家一
 兵遂定西邊其功亦足並傳云

清史稿 列傳二百四十一 十四

清史稿

列傳二百四十二

董福祥

金運昌

黃萬鵬

余虎恩

桂錫桓

方友升

董福祥字星五甘肅固原人同治初回亂作風邪汙瀆寇氛殆遍福祥亦起安化與其州人張俊李雙良蹂躪陝甘十數州縣騷擾花馬池犯綏德魏榆林潰勇飢民附之衆常十餘萬嗣爲劉松山所敗其父世猷降福祥亦率衆乞歸款迺簡其精銳者編爲董字三營福祥居中營後居左雙良居中從攻金積堡福祥雙卡後被創不少卻破其禮拜寺頓板橋寇來爭與蕭章開夾擊敗之金積堡平超授都司十一年從劉錦棠至礪伯趨峽口與陝回禹得彥雀三大戰破之進擊白彥虎於高家堡焚其壘而還己而僞知府高桂源構彥虎圍西甯撲雙良營福祥又大敗之圍解遂游擊徙守向陽堡城復討平河州叛回積功至提督光緒元年從出關戰天山會大風畫晦吏士弗敢進福祥率衆先登一鼓

清史稿

列傳二百四十二

殲之又破之木壘河古牧地進復烏魯木齊諸城及瑪納斯南城是時彥虎猶據開都河西岸覬入俄福祥自阿哈布拉綠塗置哨壘至曲惠而營士卒儲薪草濬井泉以俟錦棠軍至破之復喀喇沙爾是冬克和蘭南置西四城告甯縣是董軍名震西域論功賞黃馬褂世職賜號阿爾杭巴圖魯安夷既就撫布魯特酋阿布都勒哈誘之復入寇色勒庫爾北走庫倫福祥馳之抵空谷根滿步卒足重輿迺健者乘驃隊從騎旅及之木吉寇方解鞍秣馬驚起依山而陣倭敗之福祥縱兵搜捕復斬二百餘騎自此寇不敢犯邊授阿克蘇總兵駐防喀城未幾而所部索饑譁變戕官胡登花或請擊之福祥曰營勇與叛勇有約如昏夜響應將奈何不如閉城守彼勢孤必自斃也越三日悉爲兵民禽獻乃分別誅宥之事定領倭及夏辛酉移駐葉爾羌和闐十六年擢喀什噶爾提督二十年加尙書銜台德讓膠澳命率廿軍入衛明年西甯碾伯又告警督師還抵狄道河州馬永林叛渡洮戰卻之連破高家集三甲集道始通事密調甘肅福祥自請援西甯又明年克上下五莊乘勝復大通多巴朝命駐西甯專剿

撫以魏光燾二十七營屬之會巴燕戎格劉四復奔關外福祥亟遣騎踵之拔卡爾岡先後夷海城治諸麻甘州南山寇保關內外及青海悉平加太子少保二十三年入覲命領武衛後軍召對福祥曰臣無他能唯能殺外人耳榮祿頗信仗之拳亂起日本書記杉山彬出永定門福祥兵殺之於是董軍圍東交民巷攻月餘不下敵兵自廣渠門入福祥走彰儀門縱兵大掠而西兩宮西幸充隨扈大臣和議成外人堅欲誅福祥李鴻章曰彼箱西陲軍寄久慮激回變當緩圖之迺褫職錮於家榮祿在西安綜大政福祥移書讓之略謂辱降旌旌任公指使命攻使館祥猶以殺使臣爲疑公言僇力攘外禍福同之祥本武夫恃公在上故敢効奔走今公執政而祥被罪祥死不足恤如軍士憤懣何榮祿得書置不答三十四年卒其子天純輸銀四十萬濟帑復官俊字傑三金積堡之役與福祥並授都司規西甯余虎恩困峽口俊力戰解之連破小峽濶家清從攻河州肅州以戰功歷遷至副將賜號倭興巴圖魯光緒初從征西陲復烏魯木齊擢總兵錦棠令入關募軍於是成定遠三營先後從克東西四城晉提督

清史稿

列傳二百四十二

安夷復叛倭倡議主剿衆論譁起錦棠獨蹇之寇竄庫倫倭追至木吉分三路入戰良久手刃執紅旂悍卒寇愕走進至卡拉阿提會日已入止舍天未曙整軍復進日午及之寇不能反拒槍矛所至屍相填藉抵黑子拉提達坂止餘數十騎踰山入俄境不復追是役四晝夜馳八百餘里凡禽愛伊德爾呼里二人安夷所謂大通哈也胖色提以下數十人猶華言營官賜頭品服黃馬褂授西甯鎮總兵調伊犁二十一年代福祥爲喀什噶爾提督尋還甘肅二十五年入都充武衛全軍翼長兼統中軍踰年卒諡壯勤予建祠倭好舞刀所部衣幟皆白色時稱雪張云辛酉字庚堂籍山東鄆城初從僧格林沁討捻宗棠西征從討陝回積勛至守備攻金積襄創力戰稱驍果規肅州充前鋒拔塔爾灣黃草塢關內大定數遷至游擊師出關下阜康襲黃田破古牧無役不從進規南路攻托克遜彥虎子小虎殊死守師行不得志獨辛酉率游軍數戰略有斬禽達坂之役與余虎恩輕騎先涉列城左山岡比回覺悉力轟拒師少卻辛酉斬先退者數人迺止卒大破之邊副將賜號振勇巴圖魯從錦棠復庫車至拜城履

冰抵上銅版回出盪辛酉驪馬徑前生禽貂衣賊一人回驚走遂下阿克蘇是時帕夏奔葉爾羌彥虎奔烏什錦棠專力討彥虎令俊進擊辛酉自西會之濟胡馬納克河行戈壁八十里破寇什城東城拔擢總兵易勇號霍伽春南豈平賞黃馬褂逸寇犯三臺辛酉隱勁騎冲亮罕山誘之出伏起短兵接斬其酋賽屹塔黑振江俄而安曾阿里達什寇邊從錦棠出屯玉都巴什辛酉率二百騎為前驅怒馬陷陣斬執旗賊奪其旗以歸寇大潰追至畢勒套格殺其黨且盡西陲告寧乞歸養甲午之役率師鎮登州即於軍前授廣西右江鎮治軍如故尋徙鎮登州拳亂作充武衛軍先鋒左翼長從李秉衡禦敵未戰而潰後除雲南提督未到官卒郵如制

金運昌字景亭安徽盱眙人少孤遭寇亂總兵郭寶昌之母曹氏撫之從姓郭既長入貨為守備從寶昌征髮捻積助至游擊論河防功賜號勉勇巴圖魯平畿南摺總兵晉勇號銜額西捻平遷提督復姓金氏從寶昌卓勝軍還陝同治八年寶昌創發運昌代領其眾調防綏德時湘軍已剿金積堡運昌自清澗

清史稿

列傳二百四十一

三

至分所部略其西北毀長牆馬化隆勢蹙遣黨擾北山冀斷湘軍糧餉一自河西道葉昇堡屬劉松山一自山西道花定屬運昌並達靈州回既陷定邊運昌所部多南人雜食青稞膏粱患腹病左宗棠調寶昌來援以河防不能赴是時陝回陳林禹彥祿等十三營益以本地土回號稱十餘萬卓勝軍孤立其間幾無日不戰明年正月軍益飢疲至殺馬為食回且決渠灌我壘會風濤大作運昌晝夜立水中激厲將士列楫囊土禦之回不得逞適劉錦棠等越渠橫出回大潰因議夾河築壘護饒道兩日壘成回至運昌戰卻之湘軍開溝築隄以防水運昌壁近甕園冰忽解回迺悉秦渠設卡運昌越渠擊之回收入堡越二日堡回悉眾出騎寇越板橋步寇決渠水南下運昌軍阻水錦棠分三路泗水與合并力轟潰其眾未幾回復運昌石築卡於北環以長隄欲引馬連水以困我運昌亟令軍士攜鉏鑿夷其卡而還四月陳林率眾出花定掠食運昌使提督王鳳鳴禦之敗之輒并鎮同時葉昇堡道亦通軍威復振七月克馬家兩寨值新麥熟運昌與錦棠分刈並糜粟割之回來爭輒敗走遂築壘蔡家橋橋跨秦

渠內設卡外障水馬化隆前所為阻遏官軍者也至是決水反灌破壘三卡十有一乘勢下秦壩關逼東關議掘濠築壘久困之與錦棠分段興工三日畢迺事遣兵分守之遂合金積圍日略血數次戰不少休陳林降運昌以西林河州未下宜稍示寬大強者編籍弱者就糧羣回多乞款馬化隆勢蹙亦束首歸命於是甯靈悉定論功賞黃馬褂駐紮金平甘回馬勝福亂晉頭品服徒駐包頭數請於宗棠愿西征光緒二年宗棠請救准勇出關助剿報可明年夏行抵烏魯木齊命署提督越二年實授口外經喪亂後戶口減耗運昌與水利課農桑建橋梁皆割俸自任之其斥巨款賑饑苗實秉義母郭曹氏命李鴻章為請於朝特建坊旌異之十一年謝病歸逾年卒郵如制入祀卓勝軍昭忠祠姜王氏馬氏張氏先後仰藥殉節皆獲旌

黃萬鵬字博九湖南甯鄉人本籍善化初從曾國荃援贛積助至都司從克江寧歷遷總兵賜號力勇巴圖魯拾入鄂犯德安萬鵬馳救大敗之又破之安陸會師新洲於是夾擊大破虜摺提督左宗棠西征調赴陝署漢中鎮總兵同

清史稿

列傳二百四十二

四

治十一年從攻西甯抵碾伯戰硤口回潰走圍解明年從劉錦棠克向陽堡進圍大通降之選降眾立旌善五旗馬隊屬萬鵬領之隨攻肅州事甯賜頭品服十三年河州閃殿臣復叛萬鵬率崔偉等進擊敗之城南二十里鋪寇竄買家集官軍攻弗克萬鵬從姚家嶺馳下合攻燔其堡更勇號為伯奇光緒二年出關時土回馬明據古牧白彥虎聞官軍至自紅廟子與合師夜襲黃田且日聞古牧角聲起萬鵬與余虎恩馳擊寇騎卻之語詳余虎恩傳烏魯木齊諸城既復追至池墩而還捷入賞黃馬褂北路略定逸寇多亡匿東南山谷萬鵬復與虎恩取道大小鹽池墩至柴窩略有斬禽八月金順攻瑪納斯南城弗勝錦棠檄萬鵬助擊掘隧以攻寇死拒矢貫萬鵬臂拔之更疾戰與諸軍大破之三年攻克達坂乘勝取托克遜至小草湖遇伏圍萬鵬數匝萬鵬率隊盪決所向披靡錦棠軍繼至寇大潰詔予雲騎尉世職是役帕夏知不免飲藥死彥虎遂奔開都河西岸七月師至曲惠錦棠自向開都河而令萬鵬道烏沙塔拉傍博斯騰淖爾西行出庫爾勒之背彥虎攝軍威已先期遁詢知會繼回走布告爾亟

行四百里追及之戰良久大敗其衆九月馳抵托和奈再敗之收庫車進駐拜城履冰夜行至銅廠諸軍直搗之寇愕走萬鵬長驅察爾齊克臺西斬數千級越二日夜抵扎木臺稍憩即引兵阿克蘇城未至城數里見西南塵埃起會傑報彥虎走烏什噶安集延走葉爾羌絳追師錦棠迺舍安夷而令萬鵬專追彥虎阻河漲不能濟時彥虎止隔河十里許造飯掩襲可禽也而我師遽返錦棠大怒責令復進於是萬鵬渡胡馬納克河行戈壁八十里獲其後隊馬有才進拔烏什而彥虎已走喀什矣東四城俱下詔改騎都尉世職當是時伯克胡里據喀什攻漢城彥虎至助之勢益張守備何步雲告急錦棠檄萬鵬道布魯特與虎恩期會喀城萬鵬倍道應赴緣雪山千餘里每以旣鋪地濟師十一月抵城北麻古木虎恩亦抵城東牌素特寇誦騎歸曰大軍至矣於是二巨酋走回城北進擣之則又宵遁萬鵬向西北追彥虎至愛及槽與賊後隊遇生擒偽元帥馬元斬其副白彥龍次日追至恰哈瑪納爲布魯特人所阻彥虎遂奔俄新疆平改授二等輕車都尉四年凱旋乞歸省越二年仍赴新疆治軍南北

清史稿

列傳二百四十二

五

山邊防教平晉頭品秩歷權喀什回城協副將阿克蘇巴里坤各鎮總兵新疆提督又襲其叔登和世職併爲二等男爵二十四年徵入京創發卒於道予建祠子鉞道員襲爵
余虎恩湖南平江人少孤貧喜讀書初從曾國藩討粵寇積助至副將同治初從劉松山征捻暨之沙海西擢總兵賜號精勇巴圖魯張總愚與回匪合攻破金渠銀渠又敗之耶縣晉提督寇自宜川渡河陷山西州縣又從劉軍追復之易勇號奇軍博軍獲鹿適郭松林被圍虎恩銳身馳救圍解繞道長驅騎寇雖森騁遇戰輒披靡上念陝事棘命左宗棠舉將才適薦松山部將尤異者十數人虎恩與焉寵以頭品服令赴陝軍靈州既克松山進兵板橋蔡家橋有頃回敗走虎恩騎旅突之驟若風雨回不得歸下其村寨三十餘金積平假歸十一年命募軍赴甘劉錦棠攻西甯虎恩率軍至陝口周覽形勢寇出拒被因卒擊卻之錦棠覘回勢盛赴平戎驛造橋濟湟自督師築壘北岸令虎恩築南岸未成馬營灣寇突至虎恩盡擊之錦棠亦敗湟北寇於是西甯告甯論功賞黃馬

掛隨攻肅州軍南門與諸將討平之除陝安鎮總兵光緒二年從出關宗棠慮戈壁糧餉艱阻虎恩請身任之迺絕幕而西抵哈密取餘糧踰天山遞送巴里坤古城邊既實黃田破其卡忽古牧寇壓師而陣虎恩亟自山馳下與寇騎戰良久會董福祥軍助擊中路寇大潰遂合圍帕夏遣悍黨來援虎恩率騎旅列山崗嚴陣以待復麾軍截其歸路斬關直入城拔度烏垣寇且他遁以次下烏魯木齊迪化及偽王城子雲騎尉世職明年踰嶺而南從錦棠趨柴窩去達坂二十里夜初鼓虎恩率騎旅九營衝枚疾走大通哈引湖水衝城泥深及胫虎恩所部掠淖進依山爲陣斬寇謀十餘騎回方臥未覺也平旦始大驚悉衆出據險轟拒師屹立不動海古拉援至虎恩又截之隘口援騎返奔追逐數里斬百餘級虎恩策城回盼援不至必遁預隱兵以待寇出悉就禽達坂復乘勢下托克遜予騎都尉世職踰月規南路師次曲惠虎恩取道烏沙塔拉入庫爾勒城地闊無人食且盡乃掘窖糧數萬石濟師遂與諸將下庫車凡六日馳九百里已而喀什噶爾告急錦棠令虎恩自巴爾楚取中路爲正兵黃萬鵬自烏

清史稿

列傳二百四十二

六

什道布魯特爲奇兵仍歸虎恩節度師抵巴爾楚會天寒冰雪凝冽而喀城警報且日至迺兼程應赴軍士人人自奮各以俘白酋取首功爲利日中虎恩至城東牌素特夜半時抵喀什漢城下左右止百餘騎從迺整兵以俟平明步兵至寇騎開城出盡虎恩率衆大戰刺殺回酋王元林會萬鵬亦至復其城虎恩西追伯克胡里令桂錫植率騎旅自開道疾馳而自率步旅繼之前後夾擊生禽余小虎馬元於陣繼復獲金相印父子相印者引安集延侵占南路也於是新疆南路平降救襄嘉改予一等輕車都尉歷駐烏什葉爾羌和闐赴本官十一年謝病歸越六年出統湘軍駐岳州以能捕盜名併二世職爲二等男爵二十六年授喀什噶爾提督未上留統武衛中軍十營拳亂起諸將多崇奉之獨虎恩則否福祥攻使館虎恩與論事榮祿前謂福祥軍實不足敵外人福祥大怒欲殺虎恩榮祿以身翼蔽之迺免令出防獲鹿未幾仍還湘三十一年創發卒於家郵如制附祀宗棠松山祠
桂錫植山東曲阜人從軍討捻數遷至游擊咸豐十一年張總愚領餘衆與陳

大喜合勢張甚錫楨追至河間裏創力戰寇大敗錫楨名始著同治七年從左宗棠征陝回數獲勝檄守同官明年提督高連陞屯宜君親兵丁玉龍匪首也構回為亂夜圍營帳統帥錫楨聞警亟自同官馳援擊却之復追剿金鎖關米子窩會楚軍將丁賢發等至拘玉龍誅之城獲全遷參將從克固原三營斬其酋楊文治進陝中衛四百戶回會馬光明自固原東北入同心城復大敗之又降元城回海生春十年規河州錫楨自中衛靖遠南搜會甯游匪亡何肅州降回叛甘涼戒嚴錫楨遂還軍肅州明年略東關克其大卡一寇出拒擊退之先是肅回敗倚朱家堡黃草壩塔爾灣文殊山各堡互犄角誓死守徐占彪攻弗克至是誘之出錫楨隱卒深林俟寇過半橫截而出諸軍繼之寇大潰肅州西南墩堡悉平進屯沙子壩去肅城三里肅回啟南門出邊錫楨率騎旅突陣回奔入城諸軍衝殺連克四壩十一堡東面寇壘亦盡賜號精勇巴圖魯十二年從出關錫楨率四百騎歸額爾慶節度進古城光緒二年攻阜康宗棠慮寇北竄令錫楨扼沙山馬橋備要擊等會諸軍復烏魯木齊北路略定唯瑪納

清史稿

列傳二百四十二

七

斯南城久未下宗棠以劉錦棠軍單檄錫楨助擊與諸軍轟潰之斬其酋韓金農更勇號業普肯摠總兵進規南路三年從錦棠攻克達坂乘勝復吐魯番晉提督規喀什噶爾錫楨統馬步二千餘人自阿克蘇取道巴爾楚克瑪納巴什直抵喀城東牌素特會黃萬剛軍亦至麻古木彥虎與伯克胡里潰逃遂復西四城論功賞黃馬褂回疆告甯晉頭品秩加賜呢銀額勇號五年乞歸葬親道陝創發險歲卒宣統改元巡撫恩壽狀其績以上子優卹

方友升湖南長沙人咸豐末從軍剿川寇積助至守備克太平力戰殲彈洞脇繇是以饒勇名同治七年討陝回克鳳翔岐山嘗從行有所衝陷入關隴隸劉松山麾下金積堡之役師失利會友升購馬張家口速歸無收馬者或勸之去弗聽驅馬數千入左宗棠軍宗棠大器之迺編所購馬為西征靖營隊屬領之遣赴河州攻剿三甲集太子寺十一年會攻肅州其關城阻濠濠深三四丈古所謂酒泉也徐占彪乘回懈濠濠進攻友升先登諸軍蟻附上奪東關回入城死守占彪築城南二卡回來爭友升率騎旅下馬巷戰彈貫脛及脊骨創甚猶

大呼殺賊水漿不入者七日衆咸奮克之捷入晉副將賜號哈魯阿巴圖魯十三年從克巴燕戎格署領夷營游擊自是別為一軍幟色黃每戰從後擊殺當者輒靡寇見黃旗隊輒相戒無犯云光緒改元關隴平擢總兵從劉錦棠出關三年攻克達坂托克遜進復吐魯番晉提督以次下阿克蘇烏什庫車及天山南北二路論功賞黃馬褂賜頭品秩五年安集延布魯特寇邊徑抵烏魯克怡提友升先進烏爾爾覘虛實越數日報寇驕已入烏帕拉特獲寇謀訊知其乘夜襲營諸軍備往擊大破之友升與楊金龍分左右入軍士皆奮迅超躍寇不能成陣還遁俄羅斯八年入關遭母憂歸十年法越事起出頓懇祥進攻文淵陷重圍彈傷手斷筋親軍五百止存二十七騎卒潰圍出朝廷宥其敗且嘉勞之復諒山長慶予世職除廣東南韶連鎮總兵十三年入覲上視傷痕為惻然尋解任中日失和領三千人北上守山海關拳亂作復率師入衛駐山西固關二十七年調浙江衢州鎮設講武堂以新法訓練其衆並修復柘水故道民德之三十二年創發卒卹如制

清史稿

列傳二百四十二

八

論曰初討陝回福祥以降軍効力名震西域何其悍也運昌統卓勝軍萬鵬領旌善營與虎恩錫楨友升轉戰甯肅皆以驍勇名各著奇績其勇略亦有可傳焉其後福祥終以驕妄敗助亂啟釁竟免顯戮豈非倖歟

清史稿

列傳二百四十三

馬如龍

和耀曾

楊玉科

蔡標

夏毓秀

何秀林

楊國發

張保和

馬如龍雲南建水人本名現回中世族以勇聞咸豐間滇回復擾如龍以武生起激江自立為偽帥時杜文秀僭號大理如龍遣使與通授以偽職不受始有却亦據有新興昆陽晉甯呈貢嵩明羅次易門富民入寇省城勢駭盛同治元年巡撫徐之銘復主撫議提督林自清臨陣宣播朝威招之歸款如龍自稱三世効忠愿反正岑毓英單騎往諭如龍益心折與盟南門外悉反侵地朝旨破格授如龍總兵楊振鵬等分署六營武職是時臨安獨據撫局如龍怒率師鼓行而南戰失利署臨元參將梁士美奪其旗鼓如龍被創仆左右負以奔總督潘鐸嚴檄其撤兵如龍阻於士美軍弗能達明年授鶴慶鎮會回弁馬榮據省

清史稿

列傳二百四十三

城鐸被害如龍聞警即致書士美約共釋私仇雪公憤士美許諾期相見臨安城下如龍貽士美洋槍士美亦還勁勇助如龍如龍迺星夜旋軍與毓英共擊之斬馬士慶馬有才於陣榮宵遁遂代自清署提督武定陷如龍遣參將馬青雲等馳援守備夏毓秀先登克之連復十餘城文秀聞而忌之致書馬德新痛斥如龍自殊同教如龍亦遍馳書迨西回民歷數文秀狂悖及德新不諳大義勸勿為所惑德新入省申割地媾和議如龍力止之事遂寢其秋攻克尋甸禽馬榮解省伏誅毓英攻曲靖回懼願執馬聯升以獻乞貸死如龍馳至軍前力為請命許之剖榮尸祭鐸迨東平詔加提督銜賜號效勇巴圖魯五年命主選西軍事圖大理以振鵬攻賓川副將李惟述攻鎮南陷通鎮總兵楊盛宗取道四川攻永北署騰越鎮田仲興攻蒙化護普洱鎮李錦文攻威遠並受如龍節度六年如龍軍次祿豐迨大理回入前場關遣總兵合國安副將楊先芝大破之振鵬性陰鷲不甘為如龍下至是聞勞崇光卒叛志遂決而國安先芝亦懷二心日與寇使往還軍心迺解體無何楚雄大姚相繼告警時如龍駐定遠軍

數夜驚羣目或擁兵觀望或臨陣先奔或竟為寇充鄉導如龍知勢已去迺稱疾還省自是文秀遂輕視如龍矣七年大舉犯省城如龍以回練不足恃迺專倚漢兵守城斥私財三萬金米三千石濟軍晨夜登陣守擊寇梁家河破之寇稍卻初振鵬之叛也約國安等為內應至是國安謀刺如龍事覺誘誅之先芝等頗自危會如龍出大西門擊寇戰方酣先芝等遂倒戈回刃如龍幾不免亟馳入益兵禦守於是馬世德馬文照馬葵等相率叛歸文秀偪南城據江右館人心大震適惟述馬忠援師至勸其與毓英協力如龍然之踵軍門上謁毓英推誠慰勞勸以報國如龍益用命俄而文秀遣悍黨數萬出賓川如龍分部兵二千禦之武定附省回久閉門不戰突出奪大虹山二壘如龍親擊之拔其一毓英攻激江馬自新率眾往援未至如龍謂知之遣馬興勳馳入壘兮計斬自新外援頓絕激江既下又分兵攻城外賀家村小魚村下普坪並克之八年與毓英攻江右館寇轟拒洞穿如龍甲卒大破之先後連克武定羅次更勇號法什尙阿已而激江再陷城外寇勢復熾毓英攻城南巨壘如龍方臥病聞槍礮

清史稿

列傳二百四十三

聲力疾赴前敵攻克五花寺羊神廟乘勝徂江右館如龍先登彈中腹踣地昇之歸毓英上聞賜內府丹藥予實授復與毓英分軍攻安甯各隘寇歸路羣回益蹙其曾段成功蔡廷棟先獻款如龍扶病出城與毓英嚴兵以待成功等率五千人伏地請罪南關告甯遣兵攻克西壩時毓英克江右館俘虜多如龍躬詣寇營勸回自相斬獻省城圍始解餘匪併入土堆師攻昆陽亟回會赴省乞撫振鵬畏殊猶嶮負如龍渡滇池至遣將執悍目馬似良陰散其枝黨聲某日還振鵬出送捕治之昆陽平毓英攻土堆如龍率師來會縱火攻之省城外遂無遺寇九年如龍出督新興軍田仲興戰死如龍亦被創斷東溝因之拔其城遂統全軍赴河西擊東溝溝分大小二寨合國治馬成林分居之並背山面田勢險奧踰歲先攻小東溝盡選河西壯勇助擊回懼縛國治乞降受而誅之進取大東溝如龍陷陣為槍所中創甚越三月小差直抵龍門村奮擊破之全演底定賞黃馬褂十三年調湖南光緒四年創發乞歸如龍性豪縱雲南提篆日惟娛聲色巡撫賈洪詔彈之置勿問既閑廢徙居四川重慶益不自檢每

宴客招妓侑酒琵琶聲中輒抗慨道少年時事云十七年卒郵如制

和耀曾雲南麗江人父鑑大理城守營都司咸豐二年太和回謀亂往覘之被殺詔贈雲騎尉世職耀曾襲矢復仇毀家募士與賓川廉生董文蘭會師洱河兩克大理及鄧川上關以義勇著遠近爭歸附楊玉科張潤並隸麾下後皆為名將總督吳振斌薦其才署中營守備十年權維西協左營都司明年大理回來犯敗之於橋頭已而祿豐昆陽陷復率把總高聯甲戰石鼓大破之乘勝攻克麗江留土弁王天爵駐守而自引兵規鶴慶寇乘隙再陷麗城耀曾軍失利退守石鼓同治元年再克之遷參將徙順曲靖夷卡耶寇巢略昭通戰公雞山龍洞師弗勝與護昭通鎮楊盛宗往援斬其酋所朝陞副將徙守富平八年城陷祿職速問尋以克楚雄祿豐資勿治留軍自贖十年克激江復官明年攻進西連破蒙化趙州上下關於是大理藩離盡失是冬穴地道轟其城拔之又明年取大小圍埂積助曾記名總兵賜號達春巴圖魯自是與玉科定錫臘下順甯破雲州擢提督進克小猛統大吏以叛產予其殘廢部伍固辭弗獲迺斥

清史稿

列傳二百四十三

三

家財遣之歸而以其地佐書院餐錢及資興費並選開敏子弟集靡字延師課讀又與李惟述克騰越全滇平賞黃馬褂檄署永昌協永昌自遭喪亂比戶凋殘耀曾至撫流亡除苛擾革姦暴教之治生民漸復業時烏索賊柳映蒼復叛奉檄與總兵徐聯魁等會擊十三年克之以次削平土司諸地光緒二年參將蘇開先誘練軍譚變據騰越王道士與合順雲豪奸悍卒乘機竊發永昌練日李朝應之掠施甸迤西大穰岑毓英以耀曾諳究邊情奏署騰越總兵耀曾為固本計先赴永昌調圍守隘率師追討擊潰李朝餘黨悉平總督劉長佑謂其不即至勅之鐫二級論克順雲功免議權漢中鎮總兵六年詔各省督撫舉將才毓英以耀曾應擢授鎮遠鎮鎮十六年節虛糜糜儲積為置營田建兵房製器械軍政大治復以其餘設義塾平道路勸農桑士議謂有儒將風二十三年卒民感其德請附祀毓英祠麗江亦建祠致祭焉
楊玉科字雲階寄籍麗江其先居湖南善化既貴還本籍同治初從和耀曾討回岑毓英征曲靖誅拔之命領百人為前鋒積功至守備四年署維西協李祖

裕叛殺把總陳聰毓英慮生變檄玉科代之玉科至刺殺祖裕宣諭部眾皆扶服遂克麗江鶴慶縣是顯名俄而杜文秀來援擁眾可二十萬玉科所部止數千人屢戰弗勝二城復陷玉科潰圍出走永北六年從克鎮雄長驅豬供符海馬姑與有功敘游擊七年西寇環逼省城玉科繞四川會理間道襲元謀馬街規武祿抄其後克之進平羅次八年平柯渡可耶遷副將賜號勳勇巴圖魯乘勝規嵩明下尋甸毓英奏令主三姚軍事連復大姚浪鄧省城圍解擢總兵明年破姚州土城被巨創益開地道三十餘穴雷發北城陷遂拔禽偽將馬金保藍平貴三姚平擢提督勇號瑚松額無何州西警復令主大理麗江軍事發全師速援寶鄧遂敗寇雲南驛其冬克長邑村進規鍊鐵禽偽都督楊占鵬於是大理北路定權開化鎮總兵十年春克賓川初永昌之陷也玉科為偽將馬

雙元所得見其人可用勸歸命與訂交屬異時得志相援手縱之歸至是約為內應克之署提督攻大理小關邑寇詐降設座禮拜寺約玉科往比入心動命移座動如故命再移有間地雷發得不死玉科怒手刃四人雙元銳身護之出

清史稿

列傳二百四十三

四

竟復其地踰歲連下漾濞趙州進規大理其地東臨洱海西倚蒼山自文秀竊據內築土垣包偽禁城其中玉科掘隧以攻轟潰東南城諸軍陷隙入寇死拒復塞地雷破之頓蓮花池益師五千環攻城文秀開壁出盡親擊之敗退飲毒不即死其黨蔡廷棟昇以獻氣息僅屬割其首解送省城毓英至廷棟伴乞款陰埋地雷於行館迎玉科玉科諾之潛至偽府據礮樓大呼兵士爭血戰毓英隱卒城外度玉科已連乘夜梯登兩軍既合巷戰竟日寇披卻越數日奪門走克偽都獲文秀家屬及廷棟等百三十人捷入賞黃馬褂予騎都尉世職十二年克錫臘順甯移師協取雲州再予一騎都尉全滇告甯改一等輕車都尉明年入覲垂詢滇池戰狀視傷痕惻然光緒改元還署任賜頭品服晉錫二等男是時滇邊野夷殺英官馬嘉理英公使訴於朝朝旨趣捕急玉科搜獲而通四腊都等十五人鑲送省城伏誅諭定會鄧川羅洪昌謀亂襲州城遂移師馬甲邑克東山禽渠率二年移廣西右江鎮創發乞解職疏甯上適蘇開先陷騰越勢岌岌玉科力疾視師不百日悉平之被賞資三年徙廣東高州鎮六年署陸

路提督坐其姪汝樹仇殺知府孔昭鈞錫三級尋復十年法越事起率師出關
扼觀音橋法軍至設三伏敗之聞谷松警亟往援而敵已乘虛入數戰皆利明
年法以重兵入關教民應於內玉科曰吾百戰餘生今得死所矣開關搗賊中
敵亡諸軍皆潰至無人收其尸李秉衡莅關迺歸其喪妻牛氏殉焉追贈太子
少保設武愍子大理鎮南關建祠統英所部多驍將玉科外首推李惟述惟述
起錦江紳團營與和耀曾施方略謀所以綴寇故省城獲保無事速馬榮敗回
衆走城外猶留頓弗去毓英患之召惟述計誅其悍將故隨惟述一日天
嚮明惟述率千人入其壁悍將方沐詰所來惟述曰奉上官檄討野夷不識路
徑故來問悍將指畫以示惟述從其背擊殺之大呼曰爲兵者出前門從逆者
出後門回衆驚散省城遂無寇蹤累助至都司補鶴麗鎮游擊克楚雄遷參將
署維西協與經歷鍾念祖分攻廣通南安下之補順雲協署開化鎮總兵仍留
駐其地無何寇涌至城再陷惟述慮殘民伴議和卒以計脫歸坐免是時省城
復震馬如龍專倚漢兵守城惟述分領其衆內誥奸宄外禦強敵省城復安論

清史稿

列傳二百四十三

五

功復故官從毓英攻楊林寇敗潰然猶堅守小偏橋十里舖冀斷我糧饒惟述
乘勝克一撮縷蕭家山又與岑毓寶攻克石虎岡師道始達進平羅次復楚雄
軍勢大振已而州西又告急毓英謂西軍弛律咎在諸將不和迺以大理麗江
軍事屬玉科而屬惟述以雲蒙趙惟述遂攻克鎮南鎮南爲大理屏蔽寇以全
力死守至是拔之寇益蹙上念其苦戰賜珍物迺西川兵類歲飢曠先是惟述
遣軍攻雲南久弗克彌渡亦旋得旋失嗣與玉科謀迺檄諸軍毋浪戰期秋穫
整軍屆期果大破雲南驛分兵略彌渡並克之又與玉科會軍蒙趙杜文秀者
故永昌繫初匪大小圍堦其據大理也圍堦回實助之玉科圖取大理惟述亦
統兵克大圍堦而小圍堦猶據壁自保踰歲肅克之檄署騰越鎮收其地進攻
烏索未下遭憂歸不復出久之卒於家初玉科嘗殺仇持其首謁毓英意詰責
即爲變毓英笑勿問且善撫之惟述性曠直業驃馬初不知希榮貴及奉上賞
白玉搬指適與指合迺驚歎天子聖神益效忠無貳志所設市肆悉以巴圖魯
號名之其榮幸朝命如此平演楊李功爲多而玉科用兵則尤神於出沒云

蔡標字錦堂貴州威甯人家貧落魄無以自資入滇設湯餅肆宜良以膽略稱
久之充練目從岑毓英軍克宜良路南補把總同治二年馬榮據省城毓英堅
守藩署誓與城存亡標領死士數十人潛至叩門入毓英驚喜標問有軍械否
曰有標曰寡不敵衆奈何當爲公募兵遂往宜良路南鳩集舊部得千人毓英
賴以成軍藩署獲全標之力也及馬如龍至標率衆力戰榮敗走從征迤東西
連下十餘城進規曲靖寇襲潘文元營標率三百人頓陶家屯阮後路張保和
燧寇至海壩標分兵要之寇潰入城克曲靖守備賞花翎五年毓英西征標
引兵從時鎮雄降寇復叛漆維新據砦子山李開甲據砦砦山毓英策先攻角
奎令標爲前驅抵雄塊寇出拒大破之連拔二山斬二逆明年從攻豬供等與
諸將直搗中堅下之移師海馬姑奪紅巖尖山乘勝薄其柵標勇先登諸軍
鼓譟繼進禽渠率凱旋擢游擊七年署鎮雄營參將會杜文秀偏省垣標出宜
良湯池略七旬未幾武定敵勸連告警復與楊國發攻富民綴寇勢寇攻楊林
亟標往援連破小街白龍橋巨壘壘甫得旋復失勢益熾標入自長坡寇殊死
戰不可收翼日自石子河踰文筆山而下佯北誘寇入攻克東山寺盡夷楊林
寇壘八年春援師宗政破洛紅甸豆溫鄉拔其城於是嵩明富民相繼收復省
城始安明年威甯陳大桿據紅崖楊紹貴等據香爐山四出剽掠越境助擊
誘執陳曾鏢送州城吳奇忠亦破香爐山事甯撫標總兵十一年諸軍環攻大
理偽城標略其南力戰一晝夜克之南門寇欲竄下關標復自城追出截擊之
無倖免者督提督十二年移攻雲州抵猛朗望見寇壁堅緻標曰此宜先絕外
援也迺遣陸純綱等扼邦蓋內弄而自率師克猛朗殲其酋丁雁甲論功賞黃
馬褂檄署鶴麗鎮總兵全師抵城下標攻北門段瑞梅等自東南梯而下轟擊
之盡殲又先後平永北賓川妖匪騰越烏索降匪開化大窩子竄匪更勇號額
爾克光緒二年入覲道貴州毓英留統威甯練軍阮守要隘已復平梵淨山餘
匪桐梓會匪湖南董倒寨回匪七年毓英移撫福建標率滇軍渡臺詔補雲南
開化鎮仍駐臺北踰歲赴本官十年法越事起標募舊部出關宣光臨洮數戰
皆利其守富良江徧掘地營法礮不能中空軍駐河內者遂不爲所窺著有地

清史稿

列傳二百四十三

六

管圖說甚明哲十三年署雲南提督毓英檄治標黑山軍事標率師前進併力
合攻夷緣江百數十里誅其魁張春發拓地千五百里二十年錄平永北夷匪
廣南游匪功賞雙眼花翎頭品服越六年再入覲會兩宮西幸即赴行在隨扈
入陝抵西安廷旨命招舊部尋坐約束不嚴褫職詔念前功予留任明年還滇
以所部罷弱解遣之釋處分三十一年徙廣東瓊州鎮次年卒附祀毓英祠予
威甯建祠瑞梅字春堂籍劍川有勇略年十六從軍隸毓英麾下戰常陷堅攻
豬供柯河渡大理並冒險進歷龍陵營參將維西永昌協副將同治十三年入
覲賞黃馬褂予雲騎尉世職擢記名提督尋署騰越鎮總兵光緒間以邊兵亂
城陷隨復之後卒於官

夏毓秀字琅溪雲南昆明人少以義勇著滇回亂以堡長從軍充選鋒昆明被
圍久糧餽阻絕道殣相望毓秀率團勇助擊餽道始通補千總師克路南祿豐
積助至守備同治二年卒毓英引兵西遣毓秀略富民禽其酋馬富富馬榮弟
也乘勝克嵩明陸涼武定署參將毓英慮元謀回撓後路使毓秀要之攻克附
清 史 稿 列傳二百四十三 七

城巨壘偪攻縣城截其糧路寇患飢乏棄城走進復馬街三年回會李芳園陷
白井擊卻之規曲靖師屢失利毓秀至寇狂數勝易視之且登城作謾語毓秀
憤甚率死士先登疾擊之寇大潰合兵下霑益馬龍明年補提標右營游擊統
領四十八堡民兵七年西寇陷祿豐毓秀收績退安甯分兵扼腰站祿勝踰歲
寇涌至再敗毓秀退入省城坐免官已而寇大舉分道入馬如龍出大西門禦
之參將楊先芝等倒戈相嚮毓秀被重創又明年攻楊林擊破十里舖復官毓
英規安甯毓秀自箠耶繞出碧雞關下潛師襲大小普坪克之進取獨樹舖會
岑毓寶復其城九年論克廣通南安功遷副將十年攻東溝寇出拒敗之師深
入毓秀陷重圍巡路危陔棄馬步戰身受十數刃如龍馳救昇歸壁暈眩死有
問蘇將校環泣毓秀慨然曰丈夫以身許國馬革裹尸固大快事奚悲為聞者
莫不感奮創小差整軍復進卒夷寇壘擢總兵賜號利勇巴圖魯移攻雲州寇
築礮環城誓死守師久攻不下毓秀先分兵奪礮孤城危棘寇無固志遂拔之
以次復騰越及大小猛統十三年入覲上垂視傷痕慰勞備至益感激願用命

會創發乞歸光緒二年赴四川統領省標十營七年松潘番蠢動數擾邊命署
總兵治之既至禽首惡撫良懦番民以安其地固荒服設學額百餘年多為他
邑人所占謳誦益寂寥毓秀方夷大難即選應穎子弟入署讀書斥私財建書
院廣延名宿崇化厲賢至是始聞弦歌聲九年實授在鎮十載培堤岸濬溝洫
儲倉廩士民德之至建生祠以祀二十年朝鮮亂起日軍侵奉天毓秀自請赴
前敵比入京而和議成會鹿傳霖出督四川奏毓秀自隨於是再莅松潘鎮任
初甘肅循化番族拉布浪寺夙強悍數越界侵掠毓秀初莅鎮遣兵防守安撫
餘衆而拉部擅命如故既復任遂率將士出關克礮十餘禽渠率斬以徇諸夷
諸夷皆扶服莫敢恟息蜀邊甯靜擢提督巴塘西三巖野番數入邊商旅苦之
號稱夾城毓秀率衆入其部落招誘首領宣播朝威勳以禍福利害諸番皆束
首歸命晉頭品秩二十六年授貴州提督會拳亂作亟統兵入衛抵蒲州車駕
西幸命率師駐韓侯嶺許專摺奏事明年調湖北命分所部留守太原毓秀以
三子瑞符領六營詣防而自率全軍隨扈北上尋移廣西踰歲行次廣東總督

清 史 稿 列傳二百四十三 八

陶模奏署陸路提督九月還湖北宣統二年創發卒於官諡勇恪毓秀性忠樸
不治家人生產治軍數十年布衣蔬食見者不知其為專閫云
何秀林雲南宜良人少從岑毓英軍攻羅川襲定遠略曲靖每戰必克累功至
守備討豬供箐寇悉銳出圍攻姜飛龍前營毓英往援令秀林策應於是夾擊
大破虜復進擄中堅禽其酋陶新春合師剿克海馬姑遷游擊同治七年西寇
圍省城從毓英自宜良七旬破大小石壩麻苴新村進取大樹營鎭道達移師
呈貢敗管甯昆陽援賊拔其城遷副將賜號效勇巴圖魯攻激江迭克要隘直
薄城下城寇遁毓英攻西北二門秀林助之張元林敗入城官軍梯而登馬忠
入西門秀林入東門元林懼仰藥死激江平與李廷標協守楊林八年寇犯邑
市舊縣防軍告亟秀林赴之連破馬家冲前街邑市會廷標亦往援馬龍兩軍
以無主將失和寇蹈瑕入楊林秀林聞警馳還厲衆堅守而都司楊桐等先潰
秀林遂陷重圍李惟述援軍弗能至秀林力盡潰圍出被巨創退保宜良北屯
楊林陷坐免秀林營員何裔韓傷重幾死猶攜文卷以行與秀林收集潰兵赴

省助戰大板橋之役與有力焉其秋攻易門與署知縣周廷獻克西門大小龍口及黃泥堆斷樵汲分兵伴攻西北誘寇出而遣將潛襲西南秀林督軍衝入寇惶恐乞撫秀林弗許卒大破之復故官無河粵寇陷祿豐秀林約練目丁同義反正同義倒戈以應秀林分軍奪門入禽渠率城遂復晉總兵九年師攻激江秀林破城外五山巨壘寇掘地爲營師久無功秀林詐退隱卒誘之回營馬敏功等墮其計並殞於陣館驛遂無遺寇進克婁分權提督明年補普洱鎮總兵光緒十年法越事起從統英出關統三千六百人駐興化法軍退宣光勸兵而進丁槐軍西南秀林軍東南攻大寺大寨破之城內法軍開壁出盡秀林所部中彈數十人戰益力法軍馳入壁城外壘柵林立礮臺密布秀林數攻城爲所絆迺開地道轟潰之於是攻城無所阻遂偪城而軍十一年法軍數萬來援劉永福軍潰秀林遣馬維祺往救堅守地營敵不得逞已而維祺亦被困秀林至法軍遁解去周視各營傷亡既衆不獲已退頓城下策敵必猛攻豫窖地雷以待敵果至雷發法軍死傷枕藉秀林酒從容集殘軍退保同安圖再舉和議成能成移臨元鎮十六年卒

清史稿

列傳二百四十三

九

楊國發雲南建水人討雲南貴州匪以戰功數遷至守備咸豐十年冬署提督中有謀攻富民國發長左翼諸生張執中導之出麥廠間道克黃土坡永安莊入城圍攻之寇棄城走遷都司賜號果勇巴圖魯明年進剿祿豐及廣通各井皆下之同治二年從岑毓英西征連下十餘城直趨楚雄國發先克古山寺雙橋巨壘飛炬焚之奪東門入城克會大姚告警國發領兵赴救破賊桃花村合城圍知縣朱士遠舉火應約期啓關大姚平移攻鎮南以寇援大至撤還省三年權元新營參將與諸軍拔曲靖並復霑益馬龍再遷至副將四年廣西州土寇嘯亂殺游擊陳萃知縣李瑞枝國發率師討之斬其酋張顯境賴以安越三年西寇圍楚雄亟國發從開道入與守將李惟述日夜鏖戰經月餘攻不剋糧盡援絕城陷國發冒圍出仍繞道還省七年寇分路大舉一自富民據城西一自安甯據城西南統英入援遣國發院楊林俄而李芳園等悉衆來犯勢張甚國發告亟統英使蔡標赴之與國發破小街白龍橋旋爲寇所乘地復失

清史稿

卷四六一

乘勢偪城下縛草束薪累積如堵牆列槍礮其上俯擊城中謂之柴碼兵將士損折過半國發不獲已再告亟請援師統英自將兵破之撤國發署普洱鎮總兵頓師桃園接應諸路八年尋甸回圍馬龍國發至會諸軍戰卻之夜將半進掩賊營乘風縱火燬烟張天盡焚其壘圍解轉圍逐北連破十里鋪小偏橋長坡六十餘里遷總兵規彌勒竹園村馬世德構開廣回來援國發破之趙林寨十年攻雲南縣與惟述會軍普溯分道入國發迭克要害寇竄觀音寺國發麾兵擊之又毀七燭直薄城下與惟述軍合十一年轟裂城垣三十餘丈相繼而登巷戰一晝夜拔之留所部守其地秋徙鎮下關進圍榆城先後克大小圍埂擢提督賞黃馬褂更勇號綽勒欽十三年再權普洱鎮光緒七年統英撫福建國發率師駐臺北明年還雲南十年從統英援越南宜光臨洮每戰皆克予優敘二十六年卒附祀統英祠予本籍建祠

清史稿

列傳二百四十三

十

張保和雲南師宗人初從岑毓英討回寇積功至守備同治六年越境討豬供箐屢獲勝寇竄海馬姑復與蔡標等合擊之攻大寨悍酋張項七死拒保和執矛以刺噴馬毀其首寇氣懾諸軍乘之大捷遷游擊明年西寇圍省城統英入自曲靖遣保和爲前鋒攻克石虎岡馳救邵甸破之移師楊林迭克要害皆揮矛衝陣所向輒靡寇見保和旗幟即反奔無敢與抗者數負重傷裹創力戰氣不少沮先後攻克呈貢甯甯富民嵩明大小百餘戰未嘗一挫省圍解遂副將賜號揚勇巴圖魯署楚雄協規昆陽道都司陳貴等自津徑取河西鄉而自率師攻仁和街越牆而入手刃悍寇數人一鼓克之河西亦平於是城圍合保和揆形勢謂宜先克海口因勸兵以進村民爭迎附二十餘寨皆下遂復州城署開化鎮總兵九年春攻彌勒竹園馬世德赴救保和迎擊之身先陷陣彈貫鼻及眼血盈面士卒憤激卒大破之連克上下壩竹園平赴本官更勇號曰剛安進取茂克戰數捷阿迷大莊望風靡奪後山增築礮臺俯瞰其寨日夜轟擊之汲路絕寇駭乞降保和許之收器械捕惡黨徒降回大莊十一年以次復田心日者鄉時趙發攻漢兮未下保和自開化馳剿直抵馬街破上下兩寨徒降回新興擢提督十二年論克騰越功賞黃馬褂授鶴麗鎮總兵十三年開化大

五九

窩子土夷復叛毓英收撫之檄保和再莅開化鎮任發兵二千責千總李瑤等戍其地瑤等縱兵凌虐於是土夷大憤踰歲光緒改元回酋馬河圖與漢民閔保和欲樹功與署知府姚嘉驥修張其事請調兵數千發饟巨萬剋期大舉毓英廉得實斥之保和怒迺罷成以失守聞毓英遣何秀林進擊保和調將至宵入燔數寨稱克復毓英迺罷保和明年調湖南永州鎮三年卒保和在滇將中以智勇著功亦盛其卒也年未四十時人惜之
論曰滇回初起勢頗盛自如龍反正其氣始衰然非有以善馭之勦撫兼施滇事亦未易定也耀曾善于結土玉科神于用兵標等皆善攻堅而毓秀忠樸兵後能崇儒興學尤稱知本民建生祠以祀之宜哉

清史稿

列傳二百四十三

清史稿

列傳二百四十四

蔣東才 字東才

李南華 兄子

董履高 字履高

牛師韓

曹德慶

馬復震

程文炳

方耀 字耀

蔣東才字軼衆安徽亳州人咸豐初捻酋張洛行圍城築礮臺高阜俯擊城中東才兄遇害憤甚迺創義團爲官軍前驅會城中糧盡東才殺馬饗士與同邑劉廷李承先夜縋城出襲燬之寇遁四年投豫軍英翰器其才俾充哨長戰毫北被巨創卒禽其渠南道團練大臣毛昶熙檄領東震營累助至守備商邱寇之據金樓也東才築土爲山頓其上寇來襲輒敗去縱兵乘之遇伏礮石雨空東才方解衣激戰寇突出襲我後東才回矛決盪大殲其衆寨拔同治二年規汝寧夜獲羅卒東才迺服寇裝效口號奪門入諸軍踵之夷巨壘乘勢下南陽息縣又敗之商邱大小集數遷至副將七年張總憲北犯東才攻以火殪寇千

清史稿

列傳二百四十四

餘又截擊任柱等黃河徒駭間管總兵賜號威勇巴圖魯徙守運河捻平擢提督明年赴陝征甘肅竄匪並敗退波羅營以西馬賊更勇號額騰額十二年從克肅州賞黃馬褂事寧假歸光緒初統領豫軍先後疏浚賈魯河京師內外城河除甘肅涼州鎮總兵仍留豫十三年黃水暴長力護鄭州以下隄工救難民二千餘風雨能勞遂疾困篤卒於工次優詔賜卹予開封亳州建祠廷既解毫圍旋奪西境兩河口補千總從宋慶駐守宋集同治間從攻懷遠平高邱積功至參將任柱等擄榮澤將圖北又從慶迎擊夜率壯士襲其營寇南走廷截之光州誅其酋張顯復破張總愚於饒陽臨邑擢總兵西捻平晉提督賜號額騰依巴圖魯八年入陝平綏德賜秩頭品寄夏既寧賞黃馬褂光緒四年卒於洛陽祀亳州承先字光前少英敏好讀明戚繼光書毫平赴歸德擊高州匪拔汝寧寨與有功同治間攻張岡匪首孫葵心來援圍承先數匝冒圍出裏創力戰敗之遷都司進解光州圍連敗之上蔡祥符守黃河降中牟寇馮增再遷副將張總愚竄畿南又從慶敗之饒陽賜號節勇巴圖魯長驅玉林鎮戰良久中

矛浴血陷陣大捷逐北濟陽直登之黃河晉號志勇擢總兵錄守運河功晉提督光緒十四年河工成遣散夫役近數萬為奸民所惑嘯聚朱仙鎮提督董明禮被圍巡撫倪文蔚議勸承先止之曰用兵必有潰歸歸陳各屬不能安枕矣且河工夫役數十萬設有牽動患更大迺單騎往撫杖其前者數人餘皆愕錯受部勒十七年署河北鎮總兵自同治八年至是凡三攝矣尋補歸德鎮四月卒卒民感之建祠以祀

李南華字孟莊安徽蒙城人咸豐初粵寇陷江甯淮北捻蠡起南華治團衛鄉里擊擒數獲勝累助至守備捻入境率死士百人拒之斬悍賊百餘進討羣捻七戰皆捷遷游擊賜號猛勇巴圖魯同治改元平治北先是苗練沛霖跨有長淮既輸款髮捻大誅練之異己者羣練帖伏獨南華與抗剿除其黨沛霖怒遣張建猷等圍蒙南華破之馬家店再至再敗之尋就撫明年復叛築壘蒙城東南斷我糧運南華會總兵王才秀擊卻之沛霖深慚長濠謀久困南華誓死守數出戰負重創力疾攻之尸山積會糧絕令眾潛取之以為食一夕皆盡寇大

清史稿

列傳二百四十四

二

賊出奇兵夜襲之奪其輜重以歸斬賊不可稱計價格林沁入城見家食人肉南華竟體創痕深歎異之唐訓方上其功超擢總兵未幾統全軍駐守懷遠三年徙臨淮壽州聞任柱入蒙境亟還軍而捻又竄豫巡撫喬松年移撫陝奏自隨張總愚擾關中率帥馳擊之陝事定稱疾去久家居慷慨好義值歲飢嗷毀家紓難誦聲如沸焉光緒二十四年土寇牛世修倡亂渦陽南華聞警率練勇赴援會各軍擊退之明年巡撫鄧華熙疏薦其才令綜鳳嶺六泗團練參皖北軍事數獲劇盜在蒲欽跡調赴豫權河北鎮總兵尋補福建汀州鎮二十八年卒鄉人思其德願建家廟祠報可其兒子得勝佐治鄉團亦頗力沛霖之亂戰常陷堅累遷參將賜號奮勇巴圖魯蒙國解救練為軍俾得勝領之轉戰直魯蘇豫瀕有功克宿遷邳城擢總兵補安慶協副將直東平晉提督更勇號曰剛安移軍江甯平土寇胡志瑞亂仍歸於卒十七年卒郵如制附祀英翰祠董履高字仰之安徽合肥人咸豐末粵寇亂治練衛鄉里同治元年春李鴻章治軍上海履高隸麾下從援北新涇四江口師攻常熟弗克履高率敢死士數

百先登拔之連克昭文歷遷至守備二年從克江陰無錫金匱移師浙江時寇屬集嘉善江浙道梗西塘勢險與寇據為嘉善犄角殊死鬪履高率眾泗濟直海壘下礮彈掠肩過弗少顧諫而上手刃數悍賊奪獲而舞氣百倍寇驚亂拔西塘旋克嘉善江浙師始相應四年師復宜興荆溪嘉定溧陽履高每戰必克追擊金壇寇斬敵數千餘黨星散五年援湖州破廣德晉游擊鴻章征捻檄履高出淮城次車橋鎮遇寇擊敗之寇截淮關稅銀一日夜馳數百里奪還時捻曾張總愚竄陝西任柱賴文光竄山東履高東西馳逐夷阮谷拔齒莽當者輒靡捻集麻城光山固始間編木為城實土其中然礮俯擊眾莫敢偪履高率千人夜掘隧曳木入裏擊之盡殲擢副將事甯假歸省親九年募淮軍赴晉防河以功晉總兵光緒三年蒙古草地馬賊竄起移師防歸化包頭沙漠平衍寇騎颯疾日營數遇以寡擊眾月餘討平之母憂去五年起署涿州協副將鬱林大竹根故盜數官軍莫能制履高至潛易裝調其地遷勁卒數百距寇巢十里外而軍伴示怯寇易之不誠備忽大風雨履高銳師宵加之擊殺數百人寇奔遁

清史稿

列傳二百四十四

三

九年法越策蟬移嶺南甯龍州備築應明年再署涿州協思革生莫夢弼構苗匪廣黔各匪據五岡以叛五月深入苗疆禽夢弼誅之事遂定擢提督賜號奇車伯巴圖魯調署新太協仍駐龍州十月徙屯枚與法軍血戰數晝夜左足中礮幾斷當軸遠易之諒山遂陷年餘創平除慶遠協尋謝病歸十五年補廣西左江鎮總兵履高紀能捕劇盜鄉民感之為立主生祀焉二十五年調直隸正定時拳民始萌孽月朔望說法愚民履高督兵禽其渠魁以法餘皆股栗匪卒不敢入境明年畿輔大亂獨正定晏然歷江蘇淮揚鎮貴州安義鎮袁世凱疏留北洋練軍三十一年除壽春鎮淮流盛漲城不沒者數尺履高晨夜徹備修補救護城得無虞三十二年冬巡視泗州防營擊馬舊創發假歸越二年卒詔優卹予建祠董全勝字凱臣江蘇銅山人同治初以把總隸李鴻章軍充馬隊官攻無錫全勝率敢死士為軍先擒偽湖王黃子隆城遂克復金匱宜興荆溪溧陽常州嘉興皆有功累擢守備移勦捻賊擾福山甯海諸地全勝分防吳家閘潛山賊背夾擊斃無算賊南竄復敗之莒州沐陽迫抵海州境賊創亡略

盡賴檢六塘河之戰斃賊尤夥東檢平擄遊擊賞花翎張總愚竄畿南全勝敗之安平賊偷渡滹沱河全勝追勦偽懷王邱得才一支殆盡賊趨天津全勝冒兩急馳繞截賊前賊回竄高唐南走陵縣臨邑適黃運漲賊既困於水又屢受巨創不能軍西檢肅清擄升參將駐津沽管練軍營率所部開濬陳家溝抵北塘鹹河百餘里歲溉稻田無數光緒十四年以塞永定河決口功升副將北運河紅廟漫口全勝率軍堵塞詔以總兵記名二十二年王文韶督直隸擢充天津練軍翼長兼帶中營職隊二十五年卒年六十卹如例全勝治軍四十年與士卒同甘苦故臨陣咸為效命又善以寡擊衆身經數百戰未嘗一挫收鴻章恒稱之

牛師韓安徽涇陽人父斐然官知府在鄉治團練師韓隨父擊賊數挫之稱牛家團練營咸豐八年投皖軍破趙家海州城集收撫各圩十一年髮捻各寇竄擾睢甯師韓以少擊衆克周堂積助至守備同治二年苗沛霖據鳳台與捻首張洛行互犄角數百里寇寨林立蒙城被圍久士卒無見糧城幾潰英翰方牧

清史稿

列傳二百四十四

四

宿州亟赴援而悍黨斜趨西南將襲我後適師韓率騎旅至戰卻之又出奇兵通譚道已而英翰以鳳嶺道統蒙老諸軍與捻相持數月師韓常以騎兵摧寇鋒援師韓至復選卒潰圍會援軍賊寇數十飛彈傷額創力戰寇黨殲焉圍解先是英翰計禽洛行及其子喜義子王宛兒夜獻僧格林沁軍先遣師韓單騎詣大營乞兵迎解穿寇壘而過比寇覺馳劫之不及張魯竟駢跡時師韓年甫冠也再遷至游擊嗣從英翰剿髮寇戰霍山黑石渡大敗之未幾陳得才藍長春等構黨號十萬游弋英霍潛太開帥韓請英翰剿撫兼施不及旬日降者踵接得才窮蹙自裁而長春猶岫負帥韓苦戰嬰十餘創屹不動旋監逆伏誅餘衆悉平張總愚合賴文光任柱窺蒙宅圍雉河集師韓聞警率師直薄寇營內外夾擊遂解重圍擢參將賜號信勇巴圖魯六年任柱竄山東截之於郟城又擊退宿遷連河悍賊東檢平超擢總兵更勇號曰達春七年西檢竄直隸問英翰請馳兵汴梁入衛畿輔檄師韓率騎旅三千會援尋命駐黃河以南備守禦師韓日與豫捻鏖戰所向輒捷長驅山東境復與諸軍截之恩縣捻驚走

躍至鹽山海豐馳四晝夜抵高唐檢涌至將犯運河會天大風師韓趨上風逆擊寇大潰西檢平賞黃馬褂英翰疏稱其好謀能斷堪勝提鎮任檢曾宋景詩通誅復以計禽僂之督提督賜秩頭品光緒元年授河南歸德鎮總兵十五年調河北鎮遭父憂去二十年日韓構畔授甘肅甯夏鎮命入衛駐軍檢關事定還本官二十一年河湟回蠢動師韓赴之次西南聞平戎驛被圍久亟入大峽距駟四十里悍回數千恃險負命師韓以四百人制之血戰竟日賊敗潰復大峽其小峽寇亦遁旋創發卒於軍當其赴援時陰兩彌旬山巡警噤行帳無所用士卒有假居旅舍者提督董福祥劾之議奪職師韓未及知而已疾終事聞詔復故官總督周馥狀其績以上予原籍建祠

曹德慶安徽涇江人粵寇蹂躪練團保境嗣從官軍克柘皋三河被重創改隸淮軍吳長慶麾下同治改元李鴻章督兵上海檄德慶探賊盡得其虛實大破賊新橋時總兵程學啟被圍復從長慶疾擊之圍解自是官軍連下十餘城德慶戰常陷堅積助至守備水陸軍規蘇州德慶一軍為游兵蘇城既下從克無

清史稿

列傳二百四十四

五

錫金匪移師援浙助擊平湖乍浦海鹽據寇棄城走瑛城寇來犯迎擊敗之彈貫右臂裹創克嘉善攻嘉興從劉銘傳克常州徇下宜荆溧太嘉諸邑皆參將再從郭松林援浙克湖州援閩克潭浦東檢平擄總兵防直東連河銘傳因西檢黃運問德慶領所部橫擊之西檢平督提督賜號烈勇巴圖魯師旋駐守江蘇歷揚州徙浦口會天旱天長盱眙鹽泉扇亂禽其渠陳紅慶誅之解遣脅從數萬人發粟賑飢駐江陰建議築鵝臬嶼及下關礮臺光緒二年統淮揚水師疏濬赤山湖埂蕩金陵諸河道十年法越岬起移軍防吳淞增築南石塘獅子林礮臺曾國藩疏薦其設防要隘不避艱險授狼山鎮總兵留防如故皖北飢輸巨金助賑詔旌之十六年罷戍赴本官時通海裏下河縱橫數百里梟寇出沒民苦之德慶盡法懲治姦宥寢息二十七年卒卹如制從祀長慶祠

馬復震字心楷安徽桐城人曾祖宗樸祖瑞辰父三俊均見儒林傳復震年十六襲雲騎尉以祖若父均死于賊誓欲殺寇投詩曾國藩行營國藩奇其才遂檄令增募兵號淮勇初國藩治團練長沙號湘勇李鴻章募兵皖北以淮勇繼

之然初不稱准勇淮勇之名實自復震始國藩因祁門復震扼祁門樞根嶺次
年會軍禦寇石門橋又從攻徽州拔統領唐義訓於重圍迭克黟縣徽郡又大
捷屯溪嚴市以解徽州圍大捷孔燕以克績溪祁門復震性剛不能下人人或
譏之國藩國藩稍戒飭之復震頗責望國藩謂不當用人言戒我適不我知
也會左宗棠率師征浙調復震從攻餘杭比戰皆捷餘杭既克追寇至遂安開
化馬金湖州既克追寇至鉛山縣坊湖鎮常為諸軍選鋒積功至副將宗棠奏
其血性過人膽識堅定又好學知書請改文職格於例以總兵隨宗棠剿捻陝
西復震自初入軍即誓死滅賊捻平年三十始歸娶事母孝友愛諸弟甚至生
有奇姿醜辨不平往往至於大醉泣下輒歌詩以自遣海疆日益多事朝廷圖
自強創造火輪兵船鴻章任湖廣總督遂委復震管帶操江船則益研求西國
水師兵法鴻章督直隸調巡北洋時國藩為兩江總督仍令往來南北且合疏
薦復震沈毅有為足勝海疆專閩光緒三年簡授陽江鎮總兵已前卒月餘年
未四十於是鴻章念其積勞久且與淮軍及海上兵船復震皆首其事迺奏請

清史稿

列傳二百四十四

六

優卹著有我園詩鈔又嘗從寇中攜父殘稿出展轉兵間卒請宗棠序而刊之
為馬徵君遺集

程文炳字從周安徽阜陽人初結鄉團自衛年十八投袁甲三軍領馬隊為選
鋒戰輒冠其曹洵升至守備從克定遠破湖溝寇圩補潛山營游擊同治二年
率所部二千人駐蒙城會苗沛霖構捻來犯相持八閱月大小百十戰數獲勝
已而捻酋葛小年擁眾可數萬殊死鬪蒙圍益急與布政使英翰內外夾擊大
敗之僧格林沁軍至誅沛霖文炳會諸軍擒小年等駢俘之皖北始稍靖四年
夏任柱賴文光復入皖英翰頓雉河集與寇相持五十餘日饑瘁不繼兵疲饑
文炳邀擊之軍士戰稍卻語所部曰此生死呼吸之際汝輩尚不力耶軍令在
不汝怨策馬陷陣將弁繼之呼聲振天寇披靡追戰至夜分左臂中矛傷裏創
力戰寇憚之援至因大破虜論功擢總兵五年補貴州清江協副將駐軍皖北
朝命英翰撫皖初文炳以軍事與英翰不相能至是稱疾不出英翰之母賢諸
將自史念祖以下均母事之英翰以母命召文炳至則拜牀下誓相前隙共生

死比出即檄統前敵師于是時捻騎飄忽成流寇李鴻章既定圍河策文炳統
皖軍萬五千人與總兵張得勝等進擊東捻勢蹙任柱死其黨四散大呼文炳
名求降鴻章速降卒問故僉曰昔皖北善後程公以身家保鄉人今我輩窮而
乞憐必能拯我其信義乎人如此英翰上其功擢提督六年西捻張總愚北犯
詔文炳率師入直會剿逾歲敗之漳沱河各軍至捻狂奔爭先渡河棄驛馬質
糧河干文炳下令軍中日速濟追賊收取物者斬於是皖軍先渡躍賊而南斬
馘無算西捻平賞黃馬褂還駐毫十二年授江西九江鎮總兵光緒二年移疾
去明年奏曾大饑捐巨貲佐袁保恆辦賑濟民獲甦五年起署壽春鎮旋補官
南贛九年擢湖北提督綠營廢弛久文炳既受事實行加餉抽練法軍容一振
莅官十載遭本生繼母憂終喪會中日戰事起詔趣赴京至則命統皖軍駐守
徽江西勤王軍受節度赴彰衡備守禦又明年提督長江水師目睹船械窳
敝迺購商劉坤一張之洞改用快槍調師船二百編為游擊備策應又以師船

清史稿

列傳二百四十四

七

舊礮不能擊遠與綠江各省籌易快礮增饟益師軍威始壯宣統二年卒年七
十有七先是詔疆閩諸臣條陳時政文炳洞見新軍廢結具疏未上俄病篤命
繕入遺摺中分編兵籍節餉增額製造器械變操法五事上嘉其老成謀國
下所司行優詔褒卹予本籍及立功省分建祠設壯勳
方耀字照軒廣東普甯人咸豐初隨其父原治鄉團所部多悍勇嗣投官軍征
土匪有功補把總自是連克清遠廣甯德慶截擊連州竄匪總督黃宗漢疏薦
謀勇冠軍敘都司賜號展勇巴圖魯九年髮寇陳四虎侵廣甯土匪四應耀入
自英德會水師抵三峽沈賊船水路始通進解陽山圍擊退婆娑黃陂各匪匪
奔韶州復大破之十年從克仁化南雄總督勞崇光倚以破賊令援贛連下安
遠平遠十一年援閩疆下武平永定時偽興王陳金缸陷信宜數犯高州耀還
軍助擊大敗之同治二年肇羅寇氛熾客匪眾至十餘萬耀與副將卓興以所
部八千人夾擊之迭破巨壘焚其屯糧其黨鄭金斬金缸以降鄭金即鄭紹忠
也高州平竹副將三年赴平遠八尺城坐縣城失守進兵連誤暫視職時髮寇

丁太陽分據武平耀自平遠進逼奮擊退之又設伏誘敵乘勝徑斫賊營大潰城賊亦驚走遂克武平而丁賊猶據永定負固不下耀進圍之訓知賊將赴金砂隱卒以待賊至伏起賊返奔追襲之奪城外礮樓土壘俯瞰城中日夜下擊賊尸山積啓東門遁復故官四年僞康王汪海洋竄大埔耀還軍扼守遇僞侍王李世賢血戰三晝夜以少擊衆大敗之復與紹忠會師入閩連克平和詔安長樂鎮平而餘匪嘯聚和平者勢猶盛耀以無備再視賊旋收嘉應復官七年授南韶連鎮總兵調署潮州潮俗故悍械鬪奪效以爲常甚且負嶼築寨拒兵抗糧耀以爲積匪不除民患不息迺創爲選舉清鄉法先辦陸豐門案明正其罪潮人始知有官法陬獨日結會戕官謝章恃險擅命並捕治之潮民遂按堵暇輒釐占產征通賦丈沙田潮稅歲增鉅萬又禦水患以保農田建書院以育俊秀士民頌之總督瑞麟狀其績以上賞黃馬褂光緒三年調署陸路提督五年還本官治潮州南澳碣石軍事九年法越構兵充海防全軍翼長改署水師提督越二年實授督率師出壽盜穴廣惠安謐十七年卒卹如制耀身矯捷

清史稿

列傳二百四十四

八

履山險若平地眼有異光暮夜擊槍靡弗中以故粵中諸匪咸憚之紹忠籍三水始隨金缸爲寇既自贖提督崑壽許領其衆爲一營號安勇克廣西岑溪賞都司銜始更名永定大埔之役與有功數遷至副將權維定協寇據嘉應其黨譚光明等殊死戰紹忠扼守長沙城寇至擊卻之城寇悉衆出併力追擊禽渠率城拔以次征肇慶思平諸匪賜號敢勇巴圖魯平五坑客匪更勇號額騰伊自是察匪所向捕之不二年擢提督補潮州鎮總兵光緒二年搜治欽州靈紹積匪晉秩頭品五年攻克瓊州僑臨賞黃馬褂十年權陸路提督粵故多匪山忠頗善治之攻剿徧粵境轉戰閩桂匪爲斂跡十五年授湖南提督十七年還綜廣東水師二十年加尙書銜越二年卒卹如制鄧安邦廣東東莞人以勇目積功至守備同治三年從耀等克武平四年汪海洋陷鎮平圍平遠安邦赴援抵城下飢疲甚雜食薯芋卒解城圍再敗賊大拓超竹嘉應陷與諸軍截殲之晉游擊賜號銳勇巴圖魯參將光緒三年補清遠營游擊明年匪首歐就起襲據佛岡廳安邦約紹忠內外合攻復其城獲就起寘之法十二年授湖州鎮

總兵十四年卒

論曰自髮捻起各省興團練淮皖爲盛實淮勇之始也東才以下諸人初皆起鄉團其後或隸豫軍或隸淮軍皆先後著戰績爲時所稱方耀以粵團歸官軍善戰兼謀勇尤善治盜民多感頌茲故並著之

清史稿

列傳二百四十四

九

清史稿

列傳二百四十五

徐延旭

唐炯

何璟

張兆棟

徐延旭字曉山山東臨清人咸豐十年進士出知廣西容縣師克潯州與有功累晉知府同治九年除知梧州光緒三年遷安襄荆邯道八年晉廣西布政使命督辦海防得專奏事時法人謀占全越巡撫張之洞侍讀張佩綸先後疏薦堪軍事會南定陷朝命出鎮南關與提督黃桂蘭道員趙沃籌防未行越官劉永福戰勝懷德府紙橋狀其績以上九年出關至北甯而還順龍州被命為巡撫救越永福規河內延旭上部署防守狀略云固廣西邊疆必守北甯固雲南邊疆必守山西左軍前鋒分駐北甯浦球去城止十二里一旦有事援之則無辭於法聽之則有慙於越不如徙軍入城城固我儲糧屯戍所也並簡銳扼浪泊湖北岸為山西聲援別募勇百人扼月德江與陸軍相表裏附請吏部主事唐景崧留軍初法人犯順安越未敗遽乞和延旭奏言越人倉卒議和或謂因

清史稿

列傳二百四十五

故君未葬冀緩須臾或謂因廢立嫌疑朋與黨禍越臣黃佐炎等錄寄和約越誠無以保社稷中國又何以固藩籬劉永福見駐山西法人擬益師往攻請無微兵用警戎備越王阮福昇嗣位遣使告哀並懇允其請關乞封復具和約二十七條及黃佐炎稟上之樞府左宗棠檄前布政使王德榜募勇扼桂邊朝命受延旭節度其冬力疾再出關駐諒山趨軍進取分襲海陽嘉林繼敵勢並請撥船嚴扼海口斷其出入諒仍力守北甯於是令左軍黃桂蘭右軍趙沃協防其地適山西陷延旭猶慮兵力薄復遣使入關募勇通舊五十餘營厚集於此隨令廣間諜安地營禁擾民嚴冒饑饉然沃等皆寡識桂蘭尤侈汰與越官張登壇日事宴樂登壇故通法嗣以有卻洩其事上命延旭罷登壇或囚而殺之延旭以力不能制而止日唯籌軍火濟師以為兵力厚可恃以無恐桂蘭復希風指侈談部下能戰延旭益信之遂六上書請戰上不許敕保守未失陷地母貪功十年法軍陷扶良三路攻北甯桂蘭潰奔太原李鴻章電奏失守延旭猶上言西聯滇軍東防江口北甯斷無他虞上責其飾詞會岑毓英抵保勝部署邊

清史稿

卷四六四

六五

外各軍遂命延旭軍屬之初延旭之任西撫也未及兩月亦知桂蘭等未可恃嗣以臨敵易將操之急易生變以故語誠備至而桂蘭等且縱兵剽殺越民不堪命忿滋甚是役也羣反噬城迺陷延旭上其欺飾狀並自糾請治罪上怒詔革職留任法軍乘勝入芹驛關復命力扞之毋再失延旭以景崧護軍收殘兵更約束令駐屯梅時諒江朗山狼甲相繼屠潰諒山教民且羣焉思動延旭鑒覆轍嚴禁防軍向越官索夫米有伐一草一木者斬越民仍不知感適德榜至勸延旭勉自支振圖再舉於是更嚴勸粵軍仿楚勇制力求後效而速問之命下吏議斬監候改戍新疆追論舉主之洞佩綸均被詞責延旭未出都病卒子坊自有傳

唐炯字鄂生貴州遵義人道光二十九年舉人訓方子訓方督師金口炯馳數千里省視越夕難作倉皇奉遺疏請曾國藩得代奏武昌復求遺骸歸葬桐梓亂民起治鄉團禦之服闋入賞為知縣銓四川咸豐六年署南溪值滇寇李允和蠢動藍朝柱應之陷敘州吏士皆恐炯迺訓練兵壯晝夜徵循人心稍靖有

清史稿

列傳二百四十五

為寇所獲者縱之還曰為我語唐青天決不犯南溪一草一木炯領兵偏甲黃樓單騎入營諭以利害朝柱款附允和改犯健為炯馳救壁不動俟其懈乘之寇狂奔自相轉藉旋與楚軍解成都圍八年檄署綿州事時鄂彭軍事棘調還省防守炯謂得黑窩盜虛實請限八日畢迺事果如所言除知夔州未上諭月允和圍綿城炯掘壕登陴民助資糧炯居城三月不下誓死守援至圍始解已而湘黔軍閩州署略乘章劾罷之事白仍治軍同治改元統安定營會石達開圍涪州與劉嶽昭期會師擊走之其夏石黨窺兼江炯聞警馳援燔其壁寇潰大破之長甯以疾還成都乘章詢寇勢時寇退滇邊聲入黔炯曰此誘我軍東下耳彼必走夷地乘虛入川甯越宜警備俄而寇入紫地復請遣唐友耕軍大渡河扼之達開返西岸退為猓夷所窘食盡乞降梟誅之明年權綬定府區邑為八路路若干場場若干寨置寨總行記善惡法月朔上其簿親判之又立書院二社學八十餘境內稱治下其法他縣越二年赴陝佐治營田檢首張總愚犯新豐大敗之六年四川總督崇實命率師入黔黔患貧瘠崇實先問以理財

策烟曰理財莫若節用莫若裁勇裁勇莫若撥貲崇實然其言遂以軍事屬之連破偏刀水上太平黃飄白堡禽斬王超凡劉儀順降潘人傑唐天佑皆積寇也又克平越魏安黃平清平麻哈邊道員賜號法克精阿巴圖魯嗣為吳棠所劾還蜀光緒四年丁寶楨督四川令佐治鹽筴旋補建昌道六年署鹽茶道條上善後六事謂發引必先新後舊徵稅必先課後引收發鹽引責成鹽道改代引張責成州縣繳殘則限期辦公則優給公費議行凡百餘年引目渾殺款項轉轄諸弊至是盡革語具鹽法志八年張之洞張佩綸先後奏薦堪軍事於是擢雲南布政使烟率川軍千人駐關外滇軍悉歸節度既莅事裁夫馬治廠務併釐卡清田糧民困少蘇法人奪我越南被命赴開化防守即於軍前除巡撫誤聞將議和亟還省履任上大怒獲職逮問刑部定讞斬監候久之上意解三歷秋審赦歸左宗棠臚其治行上於朝命成雲南交岑毓英差序十三年賞巡撫銜督辦雲南礦務借日本礦師躬履昭通東川威甯銅鉛各廠疏陳變通章程又歷請減免貴州鉛課豁免雲南礦廠官欠民欠並報可惟經營

清史稿

列傳二百四十五

三

十五年惟歲解京銅百萬斤為時論所譏三十一年謝病歸三十四年以鄉舉重達晉太子少保諭歲卒年八十郵如制

何璟字小宋廣東香山入父曰愈見循吏傳璟道光二十七年進士選庶吉士授編修轉御史咸豐七年英人陷廣州總督葉名琛獲譴罷而巡撫柏貴等罪相埒譴弗及時論譁然璟迺分別上其謬誤狀明年英艦入津沽疏陳戰守要略先後抗論外務疏凡八上遷給事中十年出為安徽鳳道同治二年遷按察使檢至與總兵喻吉三隨方應禦寇不得逞四年督湖北布政使遷歲到官值黃陂飢饉民就食江漢便宜發帑金濟之九年擢福建巡撫歷山西江蘇遭父憂服闋起閩浙總督光緒三年備日本議起治海防飭戎政其夏患水禮日坐城上督拯難民凡閱七晝夜釀金值之水退濬洪塘江導支流入海後患稍殺五年兼署巡撫時日本議廢琉球數以兵艦浮閩滬環以臺灣地當要衝基隆尤扼全臺形勝迺調集輪船增募兵勇建築礮臺備不虞九年法越事起海防戒嚴環令總兵張得勝等分扼諸郡提督孫開華等分扼臺澎並檄楊在元

署臺灣鎮助防守明年又上福厦臺登船募卒狀上皆屬之已而會辦軍務張佩綸至事皆專決視璟等若屬吏又嚴劾在元貪謬璟坐疏忽于吏議以是益畏事之不敢為異同佩綸調舟師衛船局璟亦以礮布衛署自衛廷旨以閩事亟諄諄諭固守速戰書至璟告佩綸曰明日法人將乘潮攻馬尾矣佩綸弗聽舟師大挫璟欲馳援而臨浦無舟可濟株守省城卒致閩事日壞然猶左袒廣勇雖逃不問頗為時嘗議迺飛章自劾而廷旨已先召還京尋御史亦劾其闕冗部議褫職十四年卒

張兆棟字友山山東濰縣人道光二十五年進士銓刑部主事累遷郎中出知陝西鳳翔府莅事三月而回寇竊發適募鄉兵捍之無何城被圍寇且掘長濠圖久困兆棟晨夕登陴慰勞守者寇滋潰西南城蟻附上兆棟躬冒矢石戰甚力寇不得逞益固結紳民督堅守閱十有六月援師至圍始解超授四川按察使咸豐四年調廣東遷布政使左宗棠治軍嘉應饑餓阻絕兆棟殫心籌畫給食不乏歷安徽江蘇皆稱職九年擢漕運總督時運河久廢不緝兆棟慮海警

清史稿

列傳二百四十五

四

阻漕為上治河濟運狀稱旨十一年再調廣東粵俗嗜博聞姓害尤烈疏請禁止報可而總督英翰曲徇商人請弛其禁兆棟劾之落職遂兼攝總督事禁益嚴終其任粵吏無敢言聞姓者光緒四年母憂歸服闋起福建巡撫十年法越事起法艦窺臺閩張佩綸命會辦閩防軍務兆棟畏其饒曲意事之日謁如衙參佩綸虛飾勝狀詔發萬金犒兆棟軍兆棟且疏劾大員謀遁意指何璟也朝旨令據實以聞已而事亟已亦微服匿民間數日略定復出任事璟罷兆棟兼總督朝廷諭馬尾失守罪褫職十二年卒於閩宣統元年復官論曰法越初構變誠時務者爭上書抗慨言戰未及旬時延旭敗退廣西炯乘關外新安行營何璟兆棟張佩綸之氣勢怯懦而無所主事急皆遁方其互相汲引不恤舉國事以輕試及其敗也其黨益肆言焚聽而此數人者遂得保首領以沒朝廷固寬大亦失刑甚矣

清史稿

列傳二百四十六

馮子材

蘇元春

王德榜

馬維祺

孫開華

歐陽利見

馮子材字翠亭廣東欽州人初從向榮討粵寇補千總平博白賜號色爾固楞巴圖魯改隸張國樞麾下從克鎮江丹陽嘗一日夷寇壘七十餘國樞拊其背曰子勇余愧弗如積助至副將國樞歿代領其眾取溧水擢總兵同治初將三千人守鎮江時江北諸將多自置卡榷釐稅子材曰此何與武人事請曾國藩遣官司之所部可二萬饑恆詘無怨言莅鎮六載待士有紀綱士亦樂為所用寇攻百餘次卒堅不可拔事甯撤廣西提督賞黃馬褂予世職赴粵平羅肅移師討黔苗克全茗威墟九年出鎮南關攻克安邊河陽凱旋再予世職光緒改元赴貴州提督任七年還廣西明年稱疾歸越二年法越事作張樹聲斬其治剛練遣使往趣駕比至子材方短衣赤足攜童叱犢歸啟來意卻之已聞樹聲

清史稿

列傳二百四十六

賢詣廣州適張之洞至禮事之請總前敵師于衛粵桂逾歲朝命佐廣西邊外軍事其時蘇元春為督辦子材以其新進出已右恆怙恒聞諒山警亟赴鎮南關而法軍已焚關退龍州危棘子材以關前隘跨東西兩嶺備險與迺今築長牆萃所部扼守遣王孝祺勸軍軍其後為犄角敵聲某日攻關子材逆料其先期至迺決先發制敵潘鼎新止之羣議亦不欲戰子材力爭親率動軍襲文淵於是三至關外矣宵薄敵營斬虜多法悉眾分三路入子材語將士曰法軍再入關何顏見粵民必死拒之士氣皆奮法軍攻長牆亟次黑兵次教匪礮聲震山谷槍彈積陣前厚寸許與諸軍痛擊敵稍卻越日復浦至子材居中元春為承孝祺將右陳嘉蔭將左子材指麾諸將使屹立遇退後者刃之自開壁持矛大呼率二子相榮相華躍出搏戰諸軍以子材年七十奮身陷陣皆感奮殊死關關外游勇客民亦助戰斬法將數十人追至關外二十里而還越二日克文淵被賞賚連復諒城長慶禽斬三晝五晝兵總各一乘勝規拉木悉返侵地越民苦法虐久聞馮軍至皆來迎爭相犒問子材招慰安集之定勦蕩北圻

策越人爭立樹馮軍幟願供糧餉作鄉導北甯河內海陽太原競響子材亦毅然自任於是率全軍攻耶甲分兵襲北甯而能戰詔下子材憤請戰不報迺擊軍還去之日越人嘯泣遮道子材亦揮涕不能已入關至龍州軍民拜迎者三十里命督辦欽廉防務會辦廣西軍務督太子少保改三等輕車都尉十三年討平瓊州黎匪降救襄嘉調雲南提督稱疾暫留二十年加尚書銜值中日失和命募舊部至江南待調發和議成還防二十二年赴本官二十六年入省籌防會率亂作請募勁旅入衛上嘉其忠勇止之逾歲調貴州二十八年病免明年廣西土寇繼起岑春煊請其出治團防方募練成軍率二子以進而遊疾困篤未幾卒年八十六諡勇毅子建祠子材軀幹不逾中人而朱顏鶴髮健捷雖少壯弗如生平不解作欺人語發憤躬自監視偶稍短即罪司軍情者治軍四十餘年寒素如故言及國樞輒潸潸淚下人皆稱為良將云王孝祺本名得勝安徽合肥人初入淮軍以敢戰名從李鴻章規三吳積助至守備又從張樹聲克常昭諸城釋平湖圍歷遷副將論克宜荆深嘉常功擢總兵賜號壯勇巴圖魯從援浙連下湖州長興是時樹聲弟樹珊攻湖北德安陣亡坐失主將貶秩戰敗東捻復故官西捻平晉提督更勇號為博奇旋赴山西防河大搜馬賊值晉飢斥家財以濟民德之賊所竄匿輒先詢以告事甯賜頭品秩光緒六年樹聲督兩廣奏自隨歷署潮州碣石總兵九年徙右江鎮主欽廉防務明年潘鼎新來乞師領勦軍赴龍州而鼎新已遁迺從子材詣鎮南關截潰勇皆製文淵入街心馬踏亟易騎率死士繞山後擊崖上破二壘俄而法軍分路入直攻關前隘復自後路仰擊敵稍卻李秉衡集諸將舉前敵主帥孝祺曰今無論湘粵准軍宜並受馮公節度乘衡稱善右路者西嶺也其部將潘瀛祖曾裸體衝入敵陣故傷亡獨多至日暮孝祺擊敗之奪三壘而還攻諒城瀛執轅先登併力克之城復收太原子世職明年授北海鎮總兵二十年賞雙眼花翎逾歲謝病歸越四年卒卹如制陳嘉字慶餘籍廣西荔浦從蘇元春征黔苗累助至副將賜號訥思欽巴圖魯平六洞擢總兵調赴湖南守寶慶鼎新撫廣東嘉引兵從抵思恩值土寇嘯亂計禽其魁英思弼誅之法越之役率鎮南軍出關扼谷

清史稿

列傳二百四十六

二

松敵至礮甚猛退頓堅老已而戰船頭陸岸皆捷法軍據紙作社師設伏誘之
嘉出挑戰敵悉眾迎拒戰方酣元春隱兵起斬法將四人兵二百八十餘捷入
賞黃馬褂授貴州安義鎮總兵未幾法軍大舉寇堅老慶戰數晝夜被重創仆
地左右掖之去既覺麾刀叱退仍奮擊敗之逾歲法軍薄長墻左路即東嶺嘉
爭其二壘宗漢繼之七上七下嘉被創者四氣不少沮孝祺自西來援合擊之
遂奪還以次復文淵諒山進規谷松力疾赴前敵詔嘉之賜頭品秩予世職創
發卒於軍年未五十設勇烈蔣宗漢籍雲南鶴慶同治初回寇入境方居憂其
曾馬金寶信令受先鋒印伴以終制辭潛歸里至江干無舟可濟追騎將及仰
天祝曰苟得留身報國當建此橋果得浮槎以免既貴成金龍橋巨數百丈行
旅至今賴之初隸楊玉科麾下每戰輒為先鋒從攻積供其下有吳家屯為
寇儲糧地備與阻宗漢問道得大溜口率死士百緹幽鑿險忍飢抵壁下置藥
桶設伏線潛出約師火發大敗之縣是知名又從玉科迭下各郡邑積助至副
將賜號著勇巴圖魯戰小圍垣勒馬挺矛當者輒靡岑毓英見而歎曰真虎將

清史稿

列傳二百四十六

三

也大理平權提督黃馬褂攻錫臘順寧皆先據要險設伏敗敵人皆謂其善
謀云事寧更勇號圖桑阿克雲州署騰越鎮總兵攻克烏素授順雲協副將光
緒改元英繙譯官馬嘉理入滇邊抵戶宋河遇害坐疏防銜秩付鞠明年復騰
越起副將五年靖遠平復故官法越之役率廣武軍出關功與嘉理和議成賜
頭品秩除貴州遵義鎮總兵二十年賞雙眼花翎二十六年署提督調雲南越
二年還貴州予實授明年卒予建祠
蘇元春字子熙廣西永安人父德保以廩生治鄉團禦寇被害州人建祠祀之
元春誓復仇從湘軍同治初隨席寶田援贛皖粵累功至參將假歸六年領中
軍征黔苗破荆竹園賜號健勇巴圖魯連克要隘更號銳勇八年統右路軍值
思州苗犯鎮遠復擊卻之進復清江擢總兵黃飄之役黃潤昌戰死元春馳救
亦敗退于吏議克施乘復故官九年攻施洞拔九股河又改法什尙勇號蒞
台拱苗遁走督提督明年復丹江凱里軍威益振賞黃馬褂以次下黃飄白堡
驛道始通逾歲循清水而南所至輒靡惟烏鴉坡猶負固復自東南破張秀眉

若殘苗將北走黔軍遇之河干元春麾軍馳之截寇為二斬數千級降三萬餘
人苗皆悉平元春留頓其地撫降眾論功予雲騎尉全演底定賜頭品秩光緒
初平六兩及江華搖被賞資十年和議中變法人大舉攻桂軍潘鼎新薦其才
詔署提督遂率毅新軍駐谷松取陸岸慶戰五晝夜上嘉其勇命佐鼎新軍再
予騎都尉規紙作社敵緣江築壘夜將半師設伏誘之其左樹木幽深元春隱
兵其中敵至於是夾擊大破虜既而法人犯谷松師連戰失利敵燬鎮南關元
春出隴禦禦之不克退幕府當是時自南甯至桂林居民大震鼎新能免遂命
主廣西軍事十一年法人寇西路元春趨九封截之迺引去俄攻關前隘失三
壘元春亟馳救詰朝助子材阮中路大捷語具子材傳長驅文淵元春踵至詞
知敵據驅驢城乘其未整列逐之敵奪門走進阮觀音橋而停戰詔下諸軍分
頓關內元春駐懋祥居中調度和議成授提督晉三等輕車都尉又改額爾德
蒙額勇號還龍州其南曰連城號天險建行臺其上暇輒取健兒練技之授以
兵法西四十里即關崇山相銜一道中達元春相形勝築礮臺百三十所屬統

清史稿

列傳二百四十六

四

將馬盛治鎮之鑿險徑關市場民種僅竹復自關外達龍州創建鐵路百餘里
增兵勇設製造局屹然為西南重鎮加太子少保晉二等輕車都尉二十五年
入覲命赴廣州灣劃界前後鎮邊凡十九年閱時久師律漸弛兵與盜合而為
一蔓滋廣朝命岑春煊督兩粵治之御史周樹模劾元春冠饒縱寇救春煊按
覆春煊謂不斬元春無以嚴戎備詔奪職逮訊初湘軍舊制軍饟月資衣食外
餘存主將所備緩急餘酒給之名曰存饒元春莅邊凡所設施不足移十二
萬濟之刑部擬以斬監候獄急元春請以應領公款十六萬備抵償於是部再
疏其狀謂其父死難例得減詔成新疆元春軀幹雄碩不治生產然輕財好士
能得人死力嘗與法人接獨持大體金龍崗者安平土州地為中越要隘法將
據之與爭不決而游勇萬人恒出沒為法患法莫能制其總督入關來求助元
春悉召至賞遺之金龍七隘卒歸隸法商李約德為寇所掠總署虛設以屬
元春元春簡驕從詣山下寇聞送之出時元春已積逋二十萬或勸其請諸朝
元春歎曰吾任邊事致外人蹈絕險尚敢欺朝廷要重利乎卒不可法感其義

贈寶星既入獄年已六十矣無子幕士董翻左右之法總統聞其狀急電公使
端貴等謀緩頰喜具以告元春曰法吾仇也死則死耳藉仇以乞生是重辱
也君為我謝之居戌四年御史李灼華疏其冤事下張人駿廉得實請釋歸而
已卒於迪化貧無餘新彊布政使王樹相為治其喪宣統改元復官子承賜成
所生馬盛治字仲平籍廣西永安以孝著初隨席寶田征黔苗積功至游擊賜
號壯勇巴圖魯苗疆平更勇號哈豐阿邊副將從克六阿福擢總兵越事急遂率
師出關時宜光太原牧馬潰勇索饒譁變盛治輕騎往撫汰弱留強軍紀以肅
逾歲法人悉銳至腹背受敵盛治具謀糧間道繞敵前與元春諸軍夾擊之遂
復南關克文淵諒山長慶瀕有功賞黃馬褂光緒十二年除柳慶鎮總兵仍統
邊軍佐元春築礮臺設庫市賞雙眼花翎二十一年會辦中越界務連破西林
鬱林諸匪皆提督二十八年移署左江鎮南甯各屬故盜戢至即麾軍搜剿寇
聞風遁遂撤所屬練團築卡壁清野寇大困其酋黃和順等猶負官軍攻
隨賴遇伏槍彈兩至盛治被重創衆掖之出旋卒盛治居邊十七年元春倚如

清史稿

列傳二百四十六

五

左右手元春尚寬而盛治濟以嚴邊境賴以寧蓋卒年五十八設武烈子思恩
南甯建祠

王德榜字朗青湖南江華人咸豐初粵寇擾境與兄吉昌毀家起鄉兵戰數利
五年援江西攻奉新吉昌戰死德榜領其衆誓復仇七年論克瑞州功敘經歷
州同明年從將軍福興援浙復衛處各城擢知州又明年從援安徽克婺源還
直隸州知州援例加道員其夏殲賊浮梁景德鎮十年平廣信寇遁入浙徒防
玉山歸左宗棠節度十一年李世賢李秀成先後來犯並擊卻之賜號銳勇巴
魯圖同治改元所部譁變又不稟宗棠命私越境駐廣豐機職留軍尋還浙世
賢犯遂安出常山華埠截之會宗棠耀兵龍游令阮全旺世賢遣賊賊分道馳
救德榜自右路夾擊皆愕走城寇猶未下逾歲偪城南築三壘寇夜遁復官移
師浮梁連下崇光陽溪諸渡三年釋廣信圍其秋復東鄉長驅江山玉山廣豐
鉛山所至皆下擢按察使是時世賢合汪海洋出入江廣邊連陷龍巖南靖漳
州德榜將二千五百人馳援合劉典軍為西路軍攻莒溪克之四年春授福建

按察使復古田攻南陽師少卻俄而海洋率黃白號悍黨可二萬列田壠典先
入德榜為承奮擊之寇返西岸德榜追至下車海洋下馬痛哭其黨挾之走黃
白號衣者海洋所蓄死士號無敵至是喪失過半矣四月邀擊世賢於安溪進
攻烏頭門復漳城馳大埔郭揚維率四千人降乘勝克南靖易勇號曰達沖阿
遷布政使十月援嘉應嶺塔子壩與諸軍環偪之追寇寇返奔時宗棠軍大埔
麾下止八百人勢岌岌亟召德榜阨三河埔地當潮州要衝皆山道絕澗德榜
至察地勢度寇必不往且主帥軍孤懸寇直犯必不支迺請當中路卒與典軍
出寇前遏之十二月復嘉應誅海洋捷入賞黃馬褂六年遭父憂歸十年八月
宗棠征河州回德榜詣軍所綜營務時黑山壘林立勢張甚德榜率二千人自
狄道渡洮以石鼓墩左拂黑山右扼邊家灣形便控駕迺築二壘其上與諸軍
痛擊寇壘悉平進駐迤南三甲集率騎越山南下大破之剿東鄉抵陰窪泉遇
伏下馬督戰寇潰迭克要害寇併入謝家坪十一年傅先宗戰歿新路坡德榜
接統其軍申明紀律誅將弁先潰者六人士氣復新羌地曠風患狼往往百十

清史稿

列傳二百四十六

六

成羣夜入幕帳噬人德榜令將士習獵搜捕狼患滅甘肅既平撫降回十餘萬
添狄道河渠獲沃壤百餘畝降救褒嘉賜頭品秩光緒元年母憂解職六年
再赴新疆以舊部駐張家口七年入京教練火器健銳諸營兼與畿輔水利十
年越南事亟率師赴難抵龍州募新軍入營號定邊軍單騎詣諒山謁徐延旭
陳方略令提督張春發分兵駐朝陽山半隴山左右何秀清等駐驅驢城通饒
道而自領兵赴鎮南關北甯陷權廣西提督戰豐谷敗蘇元春不往援德榜銜
之以故元春敗於谷松亦不往救德榜自負湘中宿將與督師不洽潘鼎新責
其戰不力劾罷之以所部屬元春九月復被命赴那陽進偪船頭戰數捷明年
軍油隘法軍犯長埔出師夾擊據文淵對山鏖戰數日殺傷略當越日陳嘉爭
東嶺三壘德榜擊其背克之是日晨出甫谷敵援至衝截為二部將蕭德龍及
春發戰最勇殲法軍百餘人獲糧械無算敵被截大潰已復合諸軍攻諒城法
軍既驅驢城地故有德榜舊壘且級平明德榜殲其六畫兵總一諸軍繼之
城復谷松敵勢仍悍又殲其二畫兵總一於是法人大潰悉返侵地復故官被

賞贊尋移疾去十五年授貴州布政使十九年卒卹如制張春發字蘭陔江西新喻人初隸劉松山麾下充探騎瀕有功累遷至副將賜號傑勇巴圖魯從征陝回規甯靈戰常陷堅摧總兵金積堡寇決渠掩我師春發開溝築隄引流反灌破堡二百餘更勇號曰哲爾精阿復巴燕戎格及河州晉提督光緒二年從劉錦棠取迪化連克瑪納斯達坂托克遜黃馬褂進復西四城予世職五年安集延布魯特入寇春發度幕趨博斯塘特勒克搗其巢逐北至俄境法越策絆從德榜奪東嶺法援大集彈入右額賁左額裏創力戰大捷除廣西右江鎮總兵署廣東陸路提督賞雙眼花翎二十一年平永安長樂匪予實授二十六年調湖北逾歲徙雲南魏光燾劾其營務廢弛論成三十二年張之洞白其誣復官綜兩江營務宣統三年病免旋卒春發治軍嚴管云兵佚則賊情以故朝夕躬訓練暇輒使涪河流平道路然木訥寡文疏酬應同官先施者恒不答禮且往往氣凌其上卒以此叢忌蕭得龍籍湖南藍山咸豐初從援贛浙積助至提督調赴閩克南陽漳州攻嘉應寇遁追扼北溪大敗之賜號博奇巴圖魯光緒

清史稿

列傳二百四十六

七

緒初移師甘肅克東鄉太子寺越事危棘與法人戰南關殺傷略相當奪東嶺三壘功最賞黃馬褂事甯署莊浪協副將創發卒於官子優卹
馬維祺字介堂雲南阿迷人少從岑毓英軍征回寇積功至都司捕盜尤有名越南事亟又從毓英出關以偏裨當一路法越之戰演軍多有功而以維祺及覃修綱吳永安為著師攻宜光垂克法援大集團劉永福軍維祺親身馳救鏖戰二晝夜擊卻之從攻臨洮功最遠副將賜號博多歡巴圖魯光緒十三年襲攻猓黑間道濟瀾滄江賊驚潰斬其酋張登發關地千里晉總兵頻年越匪亂騷擾各州邑設方略治之邊境以安二十四年除廣東潮州鎮越四年擢四川提督仁壽彭山土寇起焚教堂殺教民勞洵洵岑春煊諭其嫻武略軍事一以屬之用兵數月以次戡定三十一年打箭爐關外秦凝寺喇嘛謀叛率師討平之會巴斯登動殺駐藏大臣鳳全川邊大震維祺剿撫兼施克要密禽渠率賜頭品秩黃馬褂趙爾巽督川改編巡防軍奏充翼長訓練士卒創設將弁學堂軍民綏戢宣統二年卒卹如制覃修綱籍廣西西林隸毓英麾下與維祺齊名

征回有功累遷至參將賜號勤勇巴圖魯從克雲州晉副將更勇號曰隆武宜光之役修綱獨扼夏和清波分兵取嘉喻關復招越民九千分頓要隘級法軍緬旺前接山西興化後達十州三猛為敵所據出不意襲克之次年永福戰失利軍潰退修綱仍堅持不動戰臨洮斬其二將夜半時率死士短兵搏擊法人大敗乘勝復各郡縣北圻諸省皆響應修綱出奇兵直搗越南中部而奉命能戍事甯賞黃馬褂署川北鎮總兵仍留演歷權普洱開化諸鎮坐事免光緒二十五年起甘肅西甯鎮留演如故三十一年卒予建祠並毓英祠附祀修綱性忠勇官開化久有惠政士民感頌因寄籍文山云吳永安籍雲南廣西州毓英部將中稱驍果以征回功累遷至副將賜號尚勇巴圖魯從克激江擢總兵平館驛晉提都更勇號曰額特和賞黃馬褂毓英撫福建奏署臺灣鎮未之官憂歸起治雲南邊防法人浮小舟渡沱江永安乘其半濟擊敗之趨宜光留三營扼守而自開道還興化合岑軍既而諸軍攻宜光與修綱分扼要隘取家喻關攻臨洮戰益利予優敘和議成署昭通鎮討平武定夷匪補鶴龍鎮光緒十九

清史稿

列傳二百四十六

八

年卒附祀毓英祠
孫開華字庶堂湖南慈利人少從軍從鮑超援江西戰九江小池口傷右臂援湖北再被創池驛之役夾擊敵積助至守備同治初轉戰皖贛間遷副將克句容金壇賜號擢勇巴圖魯以次攻金溪南豐新城甯都瑞金並下之晉總兵廣東嘉應亂敗賊黃沙嶺降者十餘萬擢提督五年除漳州鎮總兵仍北行追擒入楚其秋赴本官總督文煜累疏薦其才十二年總督李宗羲治江防設建慶建匪諸營廈門與臺澎對峙勢險要開華以超舊將被命治廈門海防募勇成捷勝軍赴臺北蘇澳營辦開山詔署陸路提督光緒二年率師東渡顧基隆顧北路其時後山阿綿納社番畔服靡恆開華領所部抵成廣澳量地勢察番情進駐水母丁悍番分路迎拒開華摩軍屢戰陣斬數人餘敗潰師入高埃直搗其巢潰番併入阿綿其地水湍急奔獻巖崗礮臺錯列備奧岫開華轟擊之縱以火箭復邊道攻其後番駭走遂克之禽其魁馬腰兵等梟於市九日三捷論功賞黃馬褂四年建慶軍統將宋國永卒開華接統其衆會加禮苑巾老

耶畔據鵠子城師攻不克總督何璟以軍事棘令開華進新城許便宜行事開
華浮戰艦入自花黎襲攻後山背四日悉夷諸社斬二百數十級番乞款縛姑
乳斗玩以獻寘之法臺北平被賞賚明年內渡再署提督秋復渡臺九年回任
已復出辦臺北防務十年法人來犯時劉銘傳主軍事銘傳故准軍宿將知開
華幹略檄守滬尾初法艦八艘至開華度其必登岸令諸將分伏礮臺後露宿
以待部署甫定而敵彈雨盆烟燄蔽天倭嶽而前開華見勢猛分路截擊自夜
至午卻而復前者數四臺既燬短兵接戰開華銳身入手刃執旗卒奪其旗以
歸諸軍士見之氣益奮斬敵二千餘級法人遁走歐洲諸國以失國旗爲至辱
捷入予世職拜幫辦軍務之命和議成還本官旋予實授十九年卒諡壯武子
道仁亦官福建提督同時守滬尾者朱煥明爲最著煥明籍安徽合肥初從銘
軍征粵寇積功至游擊平東捻邊副將西捻犯畿疆攝之滄州德平戰數利晉
總兵光緒元年臺灣生番騷動從唐定奎往討連破竹坑山內外獅頭擺提督
法越之役法軍分道犯滬尾煥明當北路被重創戰益力開華直入擊退之旋

清史稿

列傳二百四十六

九

移師臺北平番社軍嘉義鹿港土寇數千薄城煥明率三百人與戰殞於陣事
聞附祀定奎祠蘇得勝亦籍合肥從銘軍討捻積功至游擊戰常陷堅賜號勳
勇巴圖魯屢遷提督法艦寇臺灣從銘傳守臺北戰基隆大捷記名海疆總兵
更勇號曰西林滬尾告警銘軍回援於是基隆再失速滬尾既復得勝還駐六
堵規基隆全軍會月眉山曹志忠將左劉朝祐將右得勝居中敵至左路擊卻
之逾歲法益兵攻志忠營得勝領數百人往援戰失利提督梁善明陣亡右師
亦潰月眉復不守而得勝已先營六堵築城十餘里諸軍獲安相持月餘和議
成始開港旋補建甯鎮仍留防滬尾數勳生番感瘴成疾光緒十六年卒於軍
妻徐氏絕食殉焉郵如制妻獲旌章高元亦合肥人初入淮軍累至副將銘傳
檄爲騎旅先鋒轉戰魯皖安邱之役以功擢總兵賜號奇車巴圖魯征臺灣晉
提督法越事作署澎湖鎮總兵銘傳檄援滬尾滬尾基隆既復論功更勇號年
昌阿除登萊青鎮中日失和詔赴前敵駐蓋平日軍來攻戰挫遂退德軍艦襲
膠澳被幽旋脫歸稱疾能拳亂作起署天津鎮徙重慶以病免卒年七十一

歐陽利見字廣堂湖南祁陽人咸豐初入長沙水師轉戰贛皖間積功至游擊
同治改元爲護王陳坤書據太平以兵艦衝尾西上環泊花洋上馴渡期水陸
並進利見領一軍爲前鋒兼程赴難坤書陽令陸路悍黨擊我師船而陰結筏
自下游竊渡利見調知之率所部長驅乘風浪衝其筏爲二寇大困倚河築壘
矢堅守我師水陸分道進利見駛入花山擊其背運明戰良久寇陣不少動援
軍至始退利見進次馬音街會水師將李朝斌偏花津而陣步騎助之寇潰翼
日復戰陸師將周萬傳遇伏被創利見銳身馳救苦戰竟日焚象山寇舍而寇
艘聚泊小丹歸護新市鎮利見進石白湖轟擊之獲其船十二艘遂參將四年
攻巢縣信城東門而軍適彭毓橘軍至燔其筏毀浮橋寇入城利見先登克之
遂與寇軍復舍山四日連下三城功最賜號強勇巴圖魯調補狼山鎮游擊克
嘉定邊副將下太倉崑山新陽管總兵是時花涇港寇壘林立與吳江震澤寇
相犄角利見率師破之毀其船二十艘城寇援絕乞降於是蘇浙路梗蘇寇無
固志李鴻章督師合圍利見引兵從迭克要害寇宵遁城復晉提督三年攻嘉

清史稿

列傳二百四十六

十

興利見率謝世彩等與陸師夾擊慶樂先登自城上發巨礮轟之城寇賊亂城
遂拔以次下長興坤書據常州鴻章舉兵西使利見造浮橋渡濠四面環攻坤
書就禽中吳大定除淮揚鎮總兵四年捻至曲阜東南走濰縣渡運東北走蘭
山南走郊趨贛榆青口圖南下朝廷憂裏下河詔備淮揚防於是利見率礮艦
四十艘泊清江兼治精臺七年黃河暴漲利見乘流至德州運防迺固捻雖屢
挫然渡運之謀未已盤旋河東上下利見復下駛援應與諸軍環擊捻益不支
事甫賞黃馬褂更勇號曰奇車伯光緒六年調福山鎮明年擢浙江提督十年
法艦寇福建浙江戒嚴鎮海爲浙東門戶利見以三千五百人頓金雞山防南
岸提督楊岐珍以二千五百人頓招寶山防北岸總兵錢玉興以三千五百人
爲游擊師威遠靖遠鎮遠三礮臺守備吳杰領之而元凱超武二兵艦泊海口
備策應諸將皆受利見節度利見實以兵備道薛福成爲謀主迺量形勢設防
禦免軍實清問謀杜嚮導申紀律勸客將布利器部署甫定而敵氛已偪法人
狙馬江之役頗輕浙防利見督臺艦兵縱礮擊之法主將坐船被傷數以魚雷

突入皆被擊退法艦併力猛進又沈其一敵計窮相持月餘終不得逞事後知
主將孤拔於是役殞焉上嘉其功賜頭品秩十五年病免二十一年劉坤一被
命援奉天奏調利見赴軍力疾北行卒於道年七十一
論曰法越之役克鎮南復諒山實為中西戰爭第一大捷摧強敵揚國光子材
等之功也開華等復滬尼利見等守鎮海與維祺等偕劉永福之拔宜光並傳
榮譽當時挾戰勝之威保臺復越亦尚有可為獨怪當事者為臺灣難保之說
以自餒其氣致使關外雖利而越南終非我有能戰詔下軍民解體至今聞者
猶有恨焉

清史稿

列傳二百四十六

清史稿

列傳二百四十七

左寶貴 * * * * * 永山
鄧世昌 劉步蟾 * * * *

左寶貴字冠廷山東費人咸豐初隸江南軍營令當前敵陣既接旗兵中礮殲
寶貴持其輟衝鋒入大捷絲是知名獲苗沛霖克金陵頗有功後以游擊從僧
格林沁討捻積助至副將光緒初尚書崇實巡視奉天吉林奏自隨既至斬高
希珍於土門誅宋三好於石砬子邊外東北廟溝金宮四捕黨圍大舉復捕治
之餘燼悉平賜號鏗色巴圖魯曾記名提督授高州鎮總兵仍留奉天平朝陽
教匪賞黃馬褂雙眼花翎駐濟陽二十年朝鮮亂起日本進兵朝議既決戰衛
汝貴馬玉崑豐紳阿各率所部往禦之寶貴自奉天來會是為四大軍慮海道
梗迺繞道自遼東行渡鴨綠江入平壤是時葉志超虛飾戰勝狀電李鴻章入
告遂拜總統諸軍命於是汝貴玉崑軍南門外大同江志超部將江自康軍北

清史稿

列傳二百四十七

門外小山寶貴任城守未止舍日軍猝至寶貴與豐紳阿擊卻之敵退龍岡分
道來攻又敗之志超迺聚全軍為嬰城計時寶貴扼元武門日軍大隊至志超
將潰圍北歸寶貴不從以兵守志超勿令逸寶貴狂於捕馬賊之功頗輕敵日
軍舉礮散置山巔謀者以告若弗聞登城指麾中礮踏猶能言及城下始殞其
部將負屍開城走遇日軍又乘之於是諸軍皆潰事聞贈太子少保諡忠壯予
騎都尉兼一雲騎尉世職子國樹襲弟寶寶寶清先後於直隸奉天勦匪陣亡
永山袁氏漢軍正白旗人黑龍江駐防吉林將軍富明阿子黑龍江將軍壽山
弟以蔭授侍衛歸東三省練軍中日戰起從將軍依克唐阿軍率黑龍江騎旅
駐摩天嶺永山臨敵輒深入為士卒先與日軍戰數有功連殲其將既克龍灣
乘勝渡草河規鳳凰依克唐阿策襲其城檄永山為軍鋒借壽山分率馬步隊
深入攻之抵一面山距城八里張左右翼各據一坡以待永山為右翼尤得地
勢敵作散隊伍什什冒死前復以大隊橫衝我左翼左翼潰右翼亦不支乃
相繼退永山獨為殿遇伏連受槍傷洞胸踣復強起督戰大呼殺賊而逝事聞

設壯愍子建祠奉天

鄧世昌字正卿廣東番禺人少有幹略嘗從西人習布算術既長入水師學堂精測量駕駛光緒初管海東雲艦檄循海口日本窺臺灣扼澎湖基隆諸隘補千總調管振威艦以捕海盜邊守備李鴻章治海軍高其能調北洋從丁汝昌赴英購鐵艦益詳練海戰術八年朝鮮內亂復從汝昌泊仁川為吳長慶陸軍後距事甯遂游擊賜號勇巴圖魯管揚威快艦往來天津朝鮮冬寒冰互巡視尋復海防尋充經遠致遠靖遠濟遠四船管務處兼致遠管帶十四年臺灣生番畔以副將從汝昌往討戰坤南毀其礮寨擄總兵時定海軍經制借補中軍副將而以汝昌為提督其左右翼總兵則閩人林泰曾劉步蟾也汝昌故不習海戰威令不行獨世昌以粵人任管駕非時不登岸閩人咸嫉之二十年夏日使朝絕海道鴻章令濟遠廣乙兩船赴牙山遇日艦先擊廣乙受殊傷轟濟遠都司沈壽昌守備楊建章黃承勳中礮死濟遠逃日艦追之管帶方柏謙暨白蟻追益亟有水手發礮擊之折日艦瞭樓柏謙虛張勝狀退塞威海東西兩

清史稿

列傳二百四十七

二

口世昌憤欲進兵汝昌尼其行不果已而日艦集大連灣窺金州我國海軍迺大發泊鴨綠江大東溝以鐵艦十當敵艦十有二汝昌乘定遠居中列諸船左右張兩翼日艦魚貫進據上風汝昌令轟擊距遠不能中日艦小連掉靈倏分

條合彈兩空集定遠被震大轟仆世昌見帥旗沒慮軍心搖亟取致遠轟擊之戰良久定遠擊沈其西京丸我之超勇燬焉世昌乘致遠最猛鸞與日艦吉野浪速相當吉野日艦之中堅也戰既酣致遠彈將罄世昌誓死敵將士知大勢敗陣稍亂世昌大呼曰今日有死而已然雖死而海軍聲威弗替是即所以報國也眾適定世昌遂鼓輪怒駛欲猛觸吉野與同輩中其魚雷鍋船裂沉世昌身環氣圍不沒汝昌及他將見之令馳救拒弗上縮臂出圍死之其副游擊陳金揆同殉全船二百五十人無逃者經遠管帶總兵林永升超勇管帶參將黃建寅揚威管帶參將林履中並殞於陣事聞世昌設壯節餘皆優卹世昌既死諸船或沈或逃遂不復成軍世昌臨戰以忠義相激厲死狀尤烈世與左寶貴並稱雙忠云永升等忠義有傳

劉步蟾侯官人幼穎異肄業福建船政學堂卒業試第一隸建威船檄循南北

洋資實練同治十一年會考閩廣駕駛生復冠其曹自是巡歷海岸河港所莅輒用西法測量臺灣地勢番部風土尤諳習為圖說其晰光緒改元赴歐學槍礮水雷諸技還留福建叙守備以丁寶楨李鴻章論薦游擊會辦北洋操防十一年赴德國購定遠艦維時海軍初立借才異地西人實為管帶步蟾副之已而西人去頗能舉其職十四年以參將赴歐領四快船歸還副將賜號強勇巴圖魯擢右翼總兵二十年中日戰起海軍浮泊大東溝日艦至督攝諸藝士禦之慶戰三時許沈敵艦三艘運送銘軍八營得以乘閒登岸論功晉記名提督易其勇號曰格洪額明年戰威海中彈死步蟾通西學海軍規制多出其手顧喜引用鄉人視統帥丁汝昌蔑如也時論責其不能和衷致值事然華人明海戰術步蟾為最先雖敗挫殺敵甚眾上嘉其忠烈詔優卹其左翼總兵林泰曾亦籍侯官同為船政學堂卒業生管領遠戰大東溝發礮敏捷士卒用命撲救火彈甚力機管礮位無少損賜號霍春助巴圖魯駛還威海艦觸礁受傷憤恨蹈海死副將左翼中營游擊楊用霖廣東大鵬協右營守備黃祖蓮並殉焉優卹各如制祖蓮等忠義有傳

清史稿

列傳二百四十七

三

戴宗騫字孝侯安徽壽州人少以廩生治鄉團捻曾苗沛霖數陷州宗騫潛結各圩寨以攜貳其黨同治初謁李鴻章上平捻十策深器之遂留參戎幕積助

至知縣十一年治南運河隄工時畿輔興水利計臣慮饑誦議裁兵宗騫上書略謂津沽為九河故道漳衛交匯水蘊衍溢宜闢減河洩其勢斯枝河分其漲俾准練軍治之則兵農合一事半而功倍鴻章以其議上聞遂命董其役成稻田六萬餘畝著海上屯田志紀其事光緒八年中俄失和吳大澂被命佐吉林邊務奏宗騫自隨大澂兼攝屯政宗騫為治道路築礮臺設江防徙直東流民假子產業分部護之塞外灌莽千里馬賊為民患宗騫曰此屯政蠶也率將士步馳八九百里獲渠率王林等駢誅之又以緣邊荒戶籍殘耗客民渙居不相顧因令屯聚一處略仿內地保甲杜絕姦宄復設製造局採金廠行之期年商民輻湊大澂上其績狀還知府八年徙防洋浦河兩海口遭母憂歸鴻章疏

留宗寤請終制弗許時興海軍練水師開軍港檄防威海十三年詣軍所壁金

繞頂山分紮軍駐南岸級軍駐北岸明年建兩岸海臺各三南曰趙北嘴鹿角

嘴龍廟嘴北曰北山嘴黃泥崖祭祀臺後路分築陸臺四南岸口較闊更建日

島地阱礮臺屹然為東防重鎮十七年校閱海軍禮成論功晉道員威海地瘠

士氣衰更斥資立義塾延名師至是始開編誦聲二十年夏日艦來攻率師禦

之傷其艦四艘再至再敗之既而旅順大連相繼淪沒威海勢益孤電請北洋

山東益師久弗應其冬連失文登甯海時宗寤守北岸分統劉超佩守南岸宗

寤與約寇至互相應歲除大風雪戰橋頭集級軍大因銳身救之出險歲日軍

至輒敗去折而南宗寤往援而超佩踰險遁三臺拱手讓敵反訴巡撫李秉衡

誣宗寤背約宗寤抗辯願復三臺贖罪迺募敢死士奪還二臺唯龍廟嘴未復

日軍倏大集二臺仍不守宗寤退歸登祭祀臺所部卒譁變宗寤伴弗省行數

武槍齊發材官追斬一人眾散走宗寤既登迺無一從者夜宿藥庫丁汝昌詣

籌戰守策宗寤曰級軍已西去孤臺危棘恐資敵汝昌令燬臺強掖之下宗

清史稿

列傳二百四十七

四

寤念南北各有地阱臺此其勢尚可為迺詣劉公島就副將張德山德山無戰

守志宗寤飲金死威海師遂燔鴻章以死事聞詔優卹復以秉衡請贈太常寺

卿

論曰中東之戰陸軍皆遁寶貴獨死平壤海軍皆降世昌獨死東清中外傳其

壯節並稱雙忠及日兵入奉永山獨死鳳城敵遂長驅進矣旅大既失威海勢

孤步增宗寤皆先後誓死士氣如此豈遂不可一戰此主兵者之責五人雖敗

猶有榮焉

清史稿

宋慶

馬玉崑

列傳二百四十八

依克唐阿

長順

宋慶字祝三山東萊州人家貧落魄聞同里宮國勳知亳州往依為奴幸捻孫

之友偽就撫慶察其意叵測請擊之國勳壯其志署為州練長之友降遂接統

其眾號奇勝營薦授千總自是守宿州剿豫匪釋鳳陽圍保徐泗後路踰三歲

擢至總兵賜號毅勇巴圖魯既貴過毫謁所主仍易僕斷服執事上禮益恭人

傳為美談同治改元唐訓方撫安徽裁臨淮軍而以三營屬慶毅軍自此始三

年苗沛霖圍蒙城慶絕其饋道會僧格林沁軍至轟擊之寇背遁苗酋死慶為

安撫餘眾自壽州正陽關所莅皆下兩淮告甯調赴豫時張曜為翼長慶往訪

詳詢地勢寇情躍喜曰諸將無問及此者君來豫之福也遂與交驩明年授南

陽鎮總兵無何曹州賊勢熾慶被困鄧州刁河店會糧罄勢且不敢迺令部將

馬玉崑率壯士三百潛出立營通饋軍氣復振寇迺解去已而張總愚決河

清史稿

列傳二百四十八

圖北犯慶據隄迎擊敗之西走而任柱賴文光復竄豫湘軍將劉松山助慶軍

盡驅入楚疆豫略平巡撫李鶴年因增練兩大軍令隴領嵩武軍而以毅軍專

屬慶六年與隴扼黃河慶捻至山東眾而殲之論功賞黃馬褂更勇號格洪額

時總愚南擾河津偃解州詔慶與隴分守河北踰歲捻竄畿疆慶率師入衛轉

戰雄任祁高問與諸軍大破之總愚赴水死予二等輕車都尉授湖南提督八

年左宗棠西征慶引兵從抵神木再戰再捷明年秋命參哈爾副匪事旋移督

四川皆在軍進領十三年河狄撫回因殿臣叛楚軍戰失利時慶駐涼州奉檄

往援三日馳五百餘里抵沙泥站眾縛其渠以獻誅之事遂定光緒元年師還

六年徙防旅順十餘年軍容稱盛醇賢親王奕譞被命巡閱款為諸軍冠親解

袍服贈之兩宮眷遇優渥加太子少保尚書銜二十年中日失和慶統毅軍發

於旅順與諸軍期會東邊九連城軍未集而平壤已失廷旨能總統葉志超以

慶代之慶與諸將行數相若驟稟節度多不悞以故諸軍七十餘營散無有紀

又坐守江北一月以待日軍過義州慶顧中路九連城嚴誠備日軍渡鴨綠江

戰失利直趨鳳凰城退扼大高嶺旅順圍亟朝命嘉士成守之救慶往援顧蓋平慶嶺金州不得進而旅順已失慶退守熊岳自請治罪被宥未幾復州又失日軍西陷海城慶亟赴之擊敵賊王寨前軍方勝後隊訛傳敵拊背駭潰復退守田莊臺遼陽益危慶凡五攻城弗能拔朝廷思倚湘軍命慶與吳大澂佐劉坤一軍慶率徐邦道馬玉崑兵萬二千人頓太平山戰卻之大激敗入關慶方以三萬人駐營口聞警還扼遼河北岸而日軍盡以所獲礮列南岸猛攻慶軍潰而西於是遼河以東盡為日有矣詔褫職留任二十四年徙守山海關入覲釋處分和議成留豫軍三十營屬之賜名武衛左軍駐錦州二十八年卒晉封三等男予建祠諡忠勤子天傑五品京堂慶爵慶從戎久年幾八十短衣帕首蹣跚冰雪中與士卒同甘苦人以爲難云呂本元安徽涇州人初隸李鴻章軍隨剿粵匪擒匪轉戰蘇皖魯豫各省援鄂援陝屢立功歷保總兵賞強勇巴圖魯勇號鴻章總督直隸調入直光緒初授四川重慶鎮仍留統盛軍馬步各營中日戰起檄本元統隊出關兼程至安州平壤失從宋軍退守大高嶺本元令

清史稿

列傳二百四十八

二

各軍夜樹旂各要隘廣設疑兵互二百餘里敵至疑頓不前乘其疲襲擊之復與並軍敗之分水嶺議成還直二十六年拳禍起署天津鎮撫直隸提督統准練各軍剿匪受彈傷事平賞黃馬褂調浙江勳訓練尤嚴治盜常親督隊入山搜剿連斃匪首浙省議裁綠營本元贊畫始就緒宣統二年病乞罷尋卒徐邦道四川涪州人初從楚軍討粵寇積助至參將還本籍籌防解城圍還副將越境援陝西漢中賜號冠勇巴圖魯旋坐漢中失守褫職嗣從副將楊鼎勳援蘇再援浙閩以戰功釋處分同治六年從劉銘傳剿平東捻復官明年張總愚犯滅河邦道嚴扼橋口大敗之更勇號鏗僧額邊總兵署江蘇徐州鎮光緒四年擢提督調駐天津軍糧城授正定鎮東事起慶以旅順守將赴防九連城李鴻章別令姜桂題等守旅順邦道助之日軍入魏子窩邦道語諸將曰金州若失則旅順不可守請分兵禦之諸將各不相統莫之應邦道自率所部趨大連灣是時銘軍分統趙懷益守其地邦道至固請兵迺分步旅隨邦道行日軍大集遂占金州進備大連懷益奔旅順越十日日軍來爭旅順諸將相顧無措邦道

率殘卒至慎甚思自效請增兵不許請械許之迺率衆拒戰土城子挫之日軍大至迺退道員費照喚先一日通諸將亦奪民船以濟蓋日軍未至而旅順已墟矣邦道奔復州依慶詔褫職慶令守蓋州邦道自牛莊移師還而蓋平亦已失合章高元擊之弗勝桂題往援邦道請夜搗蓋平桂題辭諸軍皆退營口邦道迺從慶擊敵太平山與玉崑力戰卻之俄仍敗潰復與湘軍將李光久攻海城亦弗克遂退踰歲卒復官予優卹

馬玉崑字景山安徽蒙城人以武童從宋慶攻捻積功至都司賜號振勇巴圖魯任柱等困慶登州玉崑銳身馳救圍立解繇是以驍果名檢平擢總兵剿秦隴回數獲勝更勇號曰博奇既克肅州賜頭品服嗣從金順出嘉峪關連下烏魯木齊昌克瑪納斯禽其渠黑瞎子天山南北告甯賞黃馬褂予世職玉崑居西域先後十餘年收復名城以十數暇輒使部下屯墾闢地利李鴻章疏薦將才謂可繼宋慶光緒間調赴直隸二十年補授山西太原鎮會日朝構蚌玉崑統毅軍赴援次平壤壁南門外大同江日軍來攻玉崑守東岸血戰久援至敵

清史稿

列傳二百四十八

三

敗去已而元武門失葉志超令其速徵軍迺歸平壤日軍占蓋平諸將皆退營口玉崑從慶頓太平山日軍猛攻之玉崑戰最力擊退其衆無何日軍大集慶陷重圍墜馬負創玉崑扶圍入翼之出傷亡殊多轉戰田莊臺咸立寨以千餘人抗強敵屹然自全二十五年擢浙江提督明年調還直隸適拳匪肇亂聯軍入寇玉崑統武衛左軍禦之初戰天津繼戰北倉相持月餘卒以無援退車駕西幸命隨扈又明年還京加太子少保二十八年朝陽土寇竊發玉崑倍道應赴破其卡生禽首惡鄧萊峯誅之三十四年病卒贈太子太保子二等輕車都尉諡忠武

依克唐阿字堯山扎拉里氏滿洲鑲黃旗人吉林駐防以馬甲從征江南移師討捻敗張洛利於大回村濼溪口屢著戰績積勳至佐領同治初馬賊陷伊通依克唐阿以少襲衆斬其酋劉果發等又破之昌圖攻克劉家店復長春廳遷協領賜號法什尙阿巴圖魯搜捕殘匪獲白陵河焦西平晉副都統十一年補官黑龍江光緒五年移呼蘭呼蘭設副都統自此始明年母憂歸時俄人以議

改伊犁條約有違言烏里雅蘇臺參贊喜昌夙諗依克唐阿請戰術請就近募獵戶守彈春會吉林戒嚴依克唐阿遂募兵五千擇隘分守而自率師駐其地彈春故重鎮其東南海參崴俄尤數窺伺廷議設副都統鎮之於是又改調彈春十年被命佐吉林軍事十五年擢黑龍江將軍二十年日朝戰起依克唐阿請率軍自効乃進威鏡道繞赴漢城迎擊上嘉之左寶貴軍失利平壤日軍西進命移駐九連城尋以日軍渡江來攻復令徙上游禦之依克唐阿與戰於蒲石河連克蒲石河口古樓子宋慶退駐大高嶺依克唐阿孤軍不能獨守遂退寬甸宋軍南援旅大嘉士成軍接防乃定夾攻之約依軍由寬甸繞進賽馬集迎擊日軍先戰懸羊矧子連勝之草嶺河通遠堡草河口日軍大集橫斷依兩軍士成亟趨分水嶺附其背依軍還擊之陣斬一中尉又西而東大戰於金家河軍稍挫日軍先已占鳳凰城依克唐阿謀襲之分左右翼以進戰一而山敵來爭左翼潰右翼統領永山遇伏死依克唐阿保餘軍退詔革職圖後効諭歲海城陷遼西危棘詔責長順守遼陽依克唐阿助之發帑金五十萬濟依

清史稿 列傳二百四十八

四

軍既至議以攻為守迺集諸將置酒取刀刺臂血攬而飲之相矢以死依軍遂進取海城軍騰繫堡耿莊數戰弗勝會榮和至軍亟趨之出榮和先進北路奪三卡其左樹木幽深令隱兵備抄襲而自列陣曠野伏槍以待日軍據山巔轟擊我師彈落積雪中潰不發我師還擊仆者衆再發再仆衆爭傍山出伏槍具舉死以百數榮和所部募自寒邊外善避擊傷者恆少所謂東山獵戶也是役以千人抗日軍數千故依軍聲譽遠出諸軍上罷戰詔下日人將歸我遼東依克唐阿力請三路分兵鎮撫稱旨又條上練兵隊築礮臺造鐵路製槍械開礦產治團練六事朝旨以礦政尤要敕妥籌開採又明年晉頭品秩授鑲黃旗漢軍都統其秋出為盛京將軍既莅事糾貪墨整營制漸分釐稅歲增餉銀數十萬復徵還金州奉軍杜俄人藉口境內稱治二十五年卒諡誠勇予建祠依克唐阿勇而有謀性仁厚不嗜殺每有俘獲不妄戮一人轉戰吳皖魯豫先後救出難民以十數萬計至今人戶祝之初與長順訂兄弟交長順兄事之及議遼陽戰守語不協依克唐阿毅然獨任其難曰孰使我為兄也者其雅量如此榮

和字育堂二等侍衛官至副都統戰後所部育字營多驍縱命李秉衡查辦革職治罪長順字鶴汀達呼里勒貝爾氏隸滿洲正白旗世居布特哈起家藍翎侍衛隨文宗車駕狩熱河會馬賊陷朝陽從大學士文祥討平之嗣復從侍郎勝保征捻轉戰直魯皖豫以驍勇稱同治元年解潁州圍以功遷二等多隆阿主陝西軍事調赴軍至潼關大敗寇衆賜號恩特赫恩巴圖魯進攻咸陽馬家堡被巨創援至又大破之咸陽復首領等三年悍回馬化隆據南夏分其黨駐清水堡成角師久攻不下長順曰不先剿其羽翼城未可克也迺自靈州襲清水堡乘勝取南夏拔之晉副都統賜頭品服時長順年未四十而戰常陷堅每當兵潰時或抄襲其後或橫阻其前俾潰者得整列以是常轉敗為勝其旗幟尙白寇望見之輒呼曰小長將軍至矣相與戒勿犯其為寇所憚若此六年移師蘭州時省城戎備寡回衆數千突來犯長順率百人隱小溝出不意疾擊之寇愕走又敗之平番皋蘭狄道既復規取河州連破太子寺高家集被賞資八年授

清史稿 列傳二百四十八

五

鎮紅旗漢軍副都統越二年出署烏里雅蘇臺將軍坐事免光緒二年復官左宗棠調赴甘肅歷署巴里坤領隊大臣哈密幫辦大臣初新疆南路勘界議起當事者與俄使相持久不決至是長順陟峻巖披蒙茸獲見高宗御書界碑俄使始無異辭迺定明年假歸歷授正白旗漢軍都統內大臣十四年出為吉林將軍既莅事賑菑荒維園法均釐權澄吏治清盜源整旗務境內一切皆治辦又規修吉林通志書成上之二十年日軍陷海城遼陽危朝命長順往援節制奉天各軍並嚴詔遼陽有失唯長順是問時潰軍紛集遼城下署知州徐慶璋方閉城不令入軍大閱會長順領百騎至斬關者一餘令還駐沙河先是長順被命以軍五千分隊應赴先至者令壁本溪湖自輕騎入遼陽亂既定日軍謀者亦不知其止百騎也第歸言某將軍至日軍遂止弗前進陽乃保已而進攻海城戰數日弗勝長順奏趨宋慶會師詔不許湘軍將陳湜至又請劉坤一令合攻亦未果及日軍繞道復攻遼陽適慶璋守岢峒峪長順與依克唐阿回援得無恙和議成請疾歸二十五年復起吉林將軍率亂作俄羅斯內犯奉天黑

龍江皆主戰長順獨持不可又上言拳匪不可恃東省鐵路隨地皆駐俄兵宜善爲羈縻甯嚴守以待戰毋先戰以啟衅上嘉其老成持重奉吉軍事悉屬之戰衅既開奉黑皆罹災而吉林安堵人服其先見日俄之戰守中立獨無所犯三十年卒贈太子少保予一等輕車都尉諡忠靖入祀賢良祠長順幹賴而鬚眉灑然富膽略恒持短矛單騎穿賊陣爲士卒先往往以少制衆以奇制勝兼謀勇一時稱良將云

論曰中日之戰淮軍既覆湘軍隨之唯豫軍強起支撐慶與玉崑先後失利亦不復能自振焉東三省練軍自成軍後終未當大敵而依克唐阿長順一奮其氣遂保遼陽而無失中外稱之喪師辱國者數矣此固差強人意者哉

丁汝昌字禹廷安徽廬江人初隸長江水師從劉銘傳征捻積勳至參將檢平賜號協勇巴圖魯督提督光緒初留北洋差序赴英國購兵艦歷法德各營學廠局還綜水師八年朝鮮與美議互市請蒞盟汝昌與道員馬建忠東渡監約既而朝軍譁變焚日使署遂率濟遠揚威二艦赴仁川漢城護商而日軍已先至汝昌還請益師隨統七艦以濟薄王京與吳長慶及建忠謁李應豈執以歸九年授天津鎮總兵會越南南定陷乘兵艦往江平及欽州白龍尾徼循海口賞黃馬褂十四年定海軍經制命爲海軍提督軍故多閩人汝昌以淮軍寄其上恆爲所制總兵以下多陸居軍士亦去船以嬉又值部議停購船械數請不獲蓋海軍廢弛久矣二十年賞加尙書銜朝亂再起汝昌欲至濟物浦先攻日艦將啓行總署電柅之逮日艦縱橫海上海軍始集大東溝鴨綠江口定遠爲

汝昌座船戰既酣擊沈其西京丸一棧已致遠彈藥盡被擊總兵鄧世昌戰死自是連喪五艦不復能軍汝昌猶立望樓督戰忽座船礮震暈而仆昇以下汝昌鑒世昌之死慮諸將以輕生爲烈因定海軍懲勸章程李鴻章上之著爲令旅順陷汝昌渡威海是時兩軍相去二百二十餘里朝士爭彈之視職逮問鴻章請立功自贖然兵艦既弱坐守而已逾歲日軍陷榮城分道入衛汝昌亟以木牌塞東西兩口復慮南岸三臺不守礮資敵欲毀龍廟嘴臺礮陸軍統將戴宗騫電告鴻章責其通敵誤國不果毀待援師不至迺召各統領力戰解圍會日暮大風雪汝昌盡毀綠岸民船而南北岸已失日艦入東口猛攻定遠受重傷汝昌命駛東岸俄沈焉軍大震競向統帥乞生路汝昌弗顧自登靖遠巡海口日艦宵入口門擊沈來遠威遠衆益恐道員牛勳炳等相嚮泣集西員計議馬格欲以衆挾汝昌德人瑞迺爾潛告曰衆心已變不如沈船夷礮臺徒手降計較得汝昌從之令諸將同時沈船不應遂以船降而自飲藥死於是威海師燬焉事聞諸將皆被卹汝昌以獲譴典弗及宣統二年海軍部立舊將請賜卹

始復官

衛汝貴字達三安徽合肥人從劉銘傳征捻累遷至副將晉總兵事平授河州鎮李鴻章薦其樸誠忠勇留統北洋防軍歷授大同甯夏諸鎮均未之官統防軍如故光緒二十年日朝戰起率馬步六千餘人進平壤臨行鴻章誠以屏私見嚴軍紀至牙山退成歡與日軍相見尋復趨平壤合大軍與副都統豐紳阿頓守城南江岸平壤朝舊京也聞我軍至爭攜酒漿以獻而軍士多殘暴掠財物役丁壯淫婦女汝貴軍尤甚殺義定朝民衆滋忿復使軍將八萬運家軍大譁連夕自亂互相蹈藉時馬玉崑血戰大同江浮舟往援敵稍卻元武門嶺失即竄走鴻章方據葉志超牒奏捷俄而安東風凰陷踰走岫巖岫巖陷走奉天朝士交章糾其罪詔罷職逮問汝貴治淮軍久援朝時年已六十矣其妻貽以書戒勿當前敵汝貴遇敵輒避走敗遁後日人獲其贖管引以戒國人明年鏢送京師按實論死其弟汝成官至總兵援旅順六統帥不相轄汝成與趙懷益爭殿鴻章函責之逮日軍至委桂題等猶力禦而汝成已先遁詔速治未蹤

清史稿

列傳二百四十九

二

獲逃籍其家後不知所終

葉志超字曙青安徽合肥人以淮軍末弁從劉銘傳討捻積功至總兵戰淮城被創仍奮擊卻之遂北天長又敗之汊河賜號額圖渾巴圖魯規南樂戰德平間瀕有功檢平留北洋光緒初署正定鎮總兵率練軍守新城為大沽後路後徙防山海關李鴻章薦其優智略予實授十五年擢直隸提督越二年熱河教匪亂志超率師討之平建昌連克榆林沈家窩館貝子廟釋下長泉圍進攻烏丹城禽其渠李國珍磔之賞黃馬褂世職二十年朝鮮乞師鴻章令選練軍千五百率太原總兵聶士成頓牙山志超遲留不進鴻章責之不得已啓行而日軍已據王京要隘牙山兵甚單駐朝商務委員袁世凱數約志超電請北洋發戰艦赴仁山增陸軍駐馬坡鴻章始終欲據條約恐增兵為彼藉口勿許並戒志超毋啓衅亡何高陞商輪運兵近豐島被擊沈士成謂志超曰海道既梗牙山絕地不可守公州背山面江勢便利戰而勝可據以待援不勝猶得繞道出也志超從之日軍偏成歡士成以無援收趨公州就志超而志超已棄公州開

道出漢陽東士成追及之當是時大軍集平壤迺卷甲而趨之二日始至志超以成歡一役殺傷相當鋪張電鴻章鴻章以聞獲嘉獎賞銀二萬犒軍拜總統諸軍之命志超意甚滿日置酒高會徒築壘礮為守日軍調至大同江為我軍逐去遂以屢捷入告時統帥居城中日軍夾江而陣兩岸相轟擊東南二路戰少利志超莫敢縱兵趨回城日軍乘間以濟據山阜左寶貴出禦之被巨創志超將私逸寶貴不從以兵監之寶貴自守元武門嶺矢必死登城指麾為礮所中而殞志超亟樹白幟乞能戰日人議受降請帥兵歸弗許迺潛向北走朝兵銜之刺骨於其出城時槍擊之死者不可稱計日軍復要之山隘兵潰回旋不得出擠而死者相枕藉諸將盡委械而去於是朝境內無我軍矣志超奔安州士成謂安地備險與可固守弗聽巡定州亦棄不守趨五百餘里渡鴨綠江入邊始止焉事聞奪志超職鴻章請留營効力弗許次年械送京師下刑部鞫實定斬監候二十六年赦歸歲餘卒

清史稿

列傳二百四十九

三

法汝貴志超喪師失地遺臭隣邦視然求活終不免於國典何其不知恥哉

清史稿

唐景崧

劉永福

列傳二百五十

唐景崧字維卿廣西灌陽人同治四年進士選庶吉士改吏部主事光緒八年法越事起自請出關招致劉永福廷旨交岑毓英差序景崧先至粵謁曾國荃暨其議資之入越明年抵保勝見永福為陳三策謂據保勝十州傳檄而定諸省請命中國假以名號事成則王此上策也次則提全師擊河內中國必助之饒若坐守保勝事敗而投中國策之下也永福從中策戰紙橋敵潰為作檄文布告內外檄出遠近爭響應越嗣君為法魯莫能自振景崧乘間勸內附永福意猶豫景崧曰子能存亡繼絕即所以報故主也且阮福時已斃無背主嫌永福載之內三易國王欲靖亂源莫如道師直入順化扶翼其君以定人心若不為藩服計不妨直取為我有免歸法奪否則首鼠兩端未有不敗者也十年駐興化會北寄告急毓英令景崧導永福往援初桂軍黃桂蘭等方守北寄劉團被

清史稿

列傳二百五十

困山西坐視不救永福憾之深至是景崧力解之始往並勸桂蘭離城擇隘而守弗聽景崧輕騎入諒山與徐延旭量戰守適扶良警請還偏劉軍行至郎甲涌球陷阻弗達回諒謂延旭曰寇深矣亟宜收潰卒定人心備糧糧集軍械分兵守險以保茲土於是令綜前敵營務阮巴塘領敵再至再卻之廣軍氣稍振會張之洞令其募勇入關迺編立四營號景字軍為規越廣軍之一朝廷賞加五品卿景崧遂取道牧馬行千二百里籌壑深岫多瘴厲人馬顛隕不可稱計既至數挫敵鋒毓英高其能復以潘德繼演軍屬之兵力迺登厚進頓三江口逾月法人攻劉軍吳鳳典督景崧率談敬德馳救大捷敵既退遂先薄宣光城外地故荒服迺督軍開山斬道首龍州訖館司創設臺站演桂道始建已而軍其南門敵開壁出邊疾擊之逼城而壘槍彈兩空攻益力是時天霧雨饑饉絕吏士無人色逾歲演軍丁槐攻城桂軍雖飢疲然猶據山巔轟擊法人殊死嗣不可收毓英慮其斷後授令勿拚孤注於是退頓牧馬有旨罷戰遂入關論宜光獲勝功賞花翎賜號霍伽春巴圖魯晉二品秩除福建臺灣道十七年遷布

政使二十年代邵友濂為巡撫臺灣自設巡撫首任劉銘傳治臺七年頗有建

設詳銘傳傳銘傳去友濂繼之丈地清賦改則啟徵迭平番亂建基隆砲臺及景崧蒞任日韓啟釁亟起籌防永福方鎮南澳景崧自與永福共事積不相能迺徙永福軍臺南而自任守臺北未幾而李文奎變作文奎故直隸匪從淮軍渡臺居景崧麾下為卒有副將余姓者緣事再革之文奎忿甚即撫署前斬其頭護勇內應爭發槍將入殺景崧景崧出叛卒見而怖之斂刃立並告無事景崧慰之翻令文奎充管官出駐基隆於是將領多離心兵浸驕不可制割臺議起主事邱逢甲建議自主臺民爭贊之迺建民國設議院推景崧為總統和議成抗疏援贖還先例請免割不報命內渡臺民憤迺決自主製藍旗上印綬於景崧鼓吹前導紳民數千人詣撫署景崧朝服出望闕謝罪旋北面受任大哭而入電告中外有迺奉正朔永作屏藩語置內外部軍部以下各大臣命陳季同介法人求各國承認無應者無何日軍攻基隆分統李文忠敗潰景崧命黃義德頓八堵遠馳歸詭言獅球嶺已失八堵不能軍且日人懸金六十萬購

清史稿

列傳二百五十

總統頭故還防內亂景崧不敢詰也是夜義德所部譁變平旦日軍果占獅球嶺潰兵爭入城城中大驚擾亂客勇士勇互仇殺尸遍地總統府火發景崧微服挈子遁附英輪至廈門時立國方七日也二十八年卒

劉永福字淵亭廣西上思人本名義幼無賴率三百人出關粵人何均昌據保勝即取而代之所部皆黑旗號黑旗軍同治末法人陷河內法將安鄴構越匪黃崇英謀占全越擁眾數萬號黃旗越王諭永福來歸永福遂繞馳河內與法人抗設伏以誘斬安鄴覆其全軍法人大舉入寇永福軍瀕挫越人懼迺行成而授永福為三宣副提督轄宣光興化山西三省設局保勝榷釐稅助餉有黃佐炎者越駙馬以大學士督師永福數著戰功匿不聞永福銜之越難深國王責令佐炎發兵六調永福不至然越王始終思用之光緒七年法人藉詞前約互市紅河會越王逐永福越王伴調解而陰令勿徒法大怒逾歲入據河內永福憤請戰出駐山西巡諒山謁提督黃桂蘭乞援助會唐景崧至而陳三策永福曰微力不足當上策中策勉為之朝旨賞十萬金犒軍永福入質為游擊戰

懷德紙橋陣斬法將李威利越王封一等男既又敗之城下法人決隄掩其軍越人具舟拯之出退順丹鳳與法人水陸相持苦戰三日部將黃守忠攻最力敵大創迺浮艦攻越都懸萬金購永福越乞降永福欲退保勝黑旗軍皆憤懣守忠自請以全師守山西功不居罪自坐永福迺不復言退無何聞法軍至遂出駐水田中而軍已能困及戰大潰退保興化九年法人要議越事岑毓英力言土寇可驅永福斷不宜逐上慰之命永福相機規河內並濟以餉十年毓英次嘉喻關永福往謁毓英極優禮之編其軍為十二營法人聞之改道犯北甯永福馳援巡永祥金英法教民梗阻擊卻之比至粵軍已大潰永福奪還扶朗猛球礮臺俄北甯失力不支再還興化復以糧餉艱阻改壁文盤洲大灘候進止毓英奏言永福為越官守越地分所應為若界以職將來邊徼海盜皆可驅策於是擢提督賞花翎而李鴻章堅持和議猶責其騷動已和局中變上令永福軍先進法人擾宜光永福嘗地雷待之連日隱卒以誘敵不敢出復徒營偏城三戰皆利敵援至毓英遣水師派河而上永福夾流截擊奪其船二十餘艘

清史稿

列傳二百五十

三

斬馘數十級法人愕走逾月法艦入同意毓英遣將分伏河東西永福居中策應兩岸轟擊敗之復以全力扼河道十一年法軍攻左城守忠失同章不守諸軍敗挫永福退浪泊停戰詔已下未至猶大捷臨洮論勝宣臨功賜號依博德恩巴圖魯和議成法人要逐如故張之洞令永福駐思欽不肯行景崧危詞脅之乃勉歸於粵授南澳鎮總兵二十年中日衅起命守臺灣增募兵仍號黑旗景崧署巡撫徙其軍駐臺南及臺北陷景崧走臺民以總統印綬上永福永福不受仍稱幫辦日艦駛入安平口擊沈之攻新竹相持月餘兵疲糧絕永福使使如廈門告急並電綠海督撫乞助饒無應者而臺南土寇為內間引日軍深入破新化陷雲林撥苗粟轟嘉義孤城危棘永福猶死守日臺灣總督樺山資紀貽書永福勸其去峻拒之日軍迺大攻城城陷永福亡匿德國商輪日軍大搜不獲內渡後詔仍守欽州邊境後卒於家永福骨瘦柴立而膽氣過人重信愛士故所部皆盡死力云

論曰清初平定臺灣用兵數十載始入版圖甲午議和遽許割讓天下莫不同

憤焉臺民奮起擁景崧為總統建號永清此實國民自主之始七日遽亡景崧初說永福王越乃自為之竟不可以終日雖有知慧不如乘勢豈不然哉永福戰越名震中外談黑旗軍輒為之變色及其渡臺已多暮氣景崧又不與和衷卒歸同敗此不僅一隅之失也惜哉

清史稿

列傳二百五十

四

清史稿

列傳二百五十一

李端棻

徐致靖

陳寶箴

曾鈺

楊深秀

楊銳

劉光第

譚嗣同

林旭

康廣仁

李端棻字苾園貴州貴筑人同治二年進士選庶吉士授編修為大學士倭仁尚書羅敦衍所器十年出督雲南學政值回寇亂後荒服道且前使者試未徧端棻始一一按臨文化漸振光緒五年轉御史以叔父朝儀官京尹迴避改故官累擢內閣學士十八年遷刑部侍郎越六年調倉場前後迭司文柄四為鄉試考官一為會試副總裁喜獎拔士類典試廣東實梁啟超才以從妹妻之自是頗納啟超議娓娓道東西邦制度維時康有為上書請變法兼及興學二十二年端棻遂疏請立京師大學凡各省府州縣備設學堂分齋講習並建藏書

清史稿

列傳二百五十一

樓儀器院譯書局廣立報館選派游歷生二十四年密薦康有為及譚嗣同堪大用又以前衙門則例語涉紛歧疏請刪訂上尤善之詔趣各長官定期期革前做摺禮部尚書未幾有為等敗端棻自疏檢舉詔職成新疆中道遊疾留甘州二十七年秋歸主講貴州經世學堂二十三年卒宣統元年從雲南貴州京朝官請復官

徐致靖字子靜江蘇宜興人寄籍宛平光緒二年進士選庶吉士授編修累遷侍讀學士父憂服闋二十三年起故官致靖嘗憂外患日迫思所以為獻納計子仁鑄時以編修督湘學倡新學書告致靖學康有為致靖遂上言國是未定請申乾斷示從違藉以規上意未幾詔果求通才於是致靖奏有為堪大用並及梁啟超黃遵憲等又連上書請廢制藝改試策論省冗官酌置散館復以邊患棘宜練重兵力薦袁世凱主軍事上皆然其言救依行罷斥禮部尚書許應駘等阻遏言路遂命致靖權右侍郎八月太后復出訓政參預新政諸臣皆獲罪致靖視職坐繫等定永遠監禁仁鑄亦罷官戾子聯軍陷京師致靖始出獄

待罪詔赦免卒年七十五

陳寶箴字右銘江西義甯人少負志節詩文皆有法度為曾國藩所器以舉人隨父偉琳治鄉團禦粵寇已而走湖南參易佩紳戎幕軍來鳳龍山閣石達開來犯軍飢疲走永順募糧糧至不絕守益堅寇稍引去寶箴之江西為席寶田畫策殲寇洪福瑱事甯敘知府超授河北道創致用精舍選選三州學子延名師教之遷浙江按察使坐事免湖南巡撫王文韶薦其才光緒十六年召入都除湖北按察使署布政使二十年擢直隸布政使入對時中東戰亟見上形容憂悴請日讀聖祖御纂周易以期變不失常他所陳奏語甚多並稱旨上以為忠命治精臺專摺奏事馬關和約成立泣日殆不國矣明年以榮祿薦擢湖南巡撫撫幕有任職者植黨私利至即重治之直隸布政使王廉為關說據以上聞廉獲譴覆按史念祖被劾事盡暴其任用非人狀念祖遂視職絲是有仇直聲湘俗故開德寶箴思以一隅致富強為東南倡先後設電信置小輪建製造槍彈廠又立保衛局南學會時務學堂延梁啟超主湘學湘俗大變又疏請釐

清史稿

列傳二百五十一

正學術及練兵籌款諸大端上皆嘉納敕令持定見毋為浮言動並特旨褒厲之是時張之洞負盛名司道咸屏息以伺寶箴初縮鄂藩遇事不合獨與爭無私撓之洞雖不憚無如何也久之兩人深相結凡條上新政皆聯銜而鄂撫譚繼洵反不與會康有為言事數見效寶箴素慕曾胡薦士因上言楊銳劉光第譚嗣同林旭佐新政上方詔求通變才遽擢京卿參新政於是四人上書論時事無顧忌寶箴又言四人雖才恐資望輕視事過易厚得厚重大臣如之洞者領之疏上而太后已出訓政誅四京卿罪及舉主寶箴去官其子主事三立亦革職並燬湘學所著學約界說劄記答問諸書初而鄉已革道員周漢以張揭帖攻西教為總督所治寶箴至漢復刊帖傳布寶箴令燬之漢燬燬帖者寶箴怒下之獄舊黨恨次骨然喜新之士亦以此翕然稱之寶箴既去諸所營構使於民者雖效益已著皆廢毀無一存云卒年七十黃遵憲字公度嘉應州人以舉人入贊為道員充使日參贊著日本國志上之朝旋移舊金山總領事美吏嘗藉口衛生逮華僑滿獄遵憲徑詣獄中令從者度其容積曰此處衛生顧右

於僑居邪美吏謝遠釋之歷湖南長寶鹽法道署按察使時實為巡撫行新政遵憲首倡民治於眾曰亦自治其身自治其鄉而已由一鄉推之一縣一府一省以迄全國可以成共和之邦治臻大同之盛軌于是略仿西國巡警之制設保衛局凡與民利民瘼相麗而為一方民力能舉者悉屬之領以民望而官輔其不及焉尋解職奉出使日本之命未行而黨禍起遂罷歸著有人境廬詩草等

曾鈺字懷清喜搭臘氏滿洲正白旗人父慶昫甯夏將軍以任子為工部主事累遷郎中充軍機章京轉御史光緒九年出為陝西督糧道西同各屬農民納糧例繳省倉道途艱遠多弊實設法清釐之民稱便三補士風模倣執事苦窳延長安柏景偉成陽劉光賈主關中書院督課實學士論翕然又設置桑局聘織師教以煮凍織染法歲出絲帛均齊豫十三年遷按察使明年母憂解職服除起故官俄遷甘肅布政使二十四年調直隸迴避留本任擢湖北巡撫慨然曰時艱至此猶可拘成法不變耶於是假陝甘總督印上陳補官製度支訟

清史稿

列傳二百五十一

三

獄四事宜變通成例厚植國本侍讀學士貽穀光祿寺少卿張仲忻彈其亂政詔職職始曾鈺官京朝家貧僻居陋室及任外臺孜孜民事不顧問有無既閒廢出入皆徒步陝民恆歲釀金濟之後益困至敝衣露下都市未幾卒宣統改元總督端方為奏復原官

楊深秀字儀村本名毓秀山西聞喜人少穎敏諳中西算術同治初以舉人入賞為刑部員外郎假歸值督大饑開教館命籌賑深秀條上改革差徭法因少蘇光緒十五年成進士就本官遷郎中轉御史嘗言時勢危迫不革舊無以圖新不變法無以圖存二十四年俄人會割旅順大連灣深秀力請聯英日拒之詞甚切直時朝廷銳意行新政而大臣恆多異議深秀迺與徐致靖先後疏請定國是又以取士之法未善請參酌宋元明舊制釐正文體下其議於禮部尚書許應騷心非之未奏也會議經濟特科務減額於是深秀合宋伯魯彈其阻撓上令應騷自陳奏上勅康有為資綠要津請罷斥詞連深秀上不之詰也御史文倬劾深秀傳布有為所立保國會並暴有為交通內外狀德宗責以代

人報復反獲咎深秀益感奮連上書請設譯書局派王公游歷各國並定游學日本章程皆報可又請試庶官日番二十人料簡貞實而汰其庸愚能老不諳時務者係是廷臣益側目湖南巡撫陳寶箴圖治甚急中蜚語深秀為剖辨之上以特旨褒賞寶箴適得行其志八月政變舉朝惴惴懼大誅至獨深秀抗疏請太后歸政方疏未上時其子獻田苦口諫止深秀厲聲叱之退俄被逮論棄市深秀性鯁直嘗面折人過以此叢忌官臺諫十閱月封事二十餘上稿不具存惟獄中詩三章流傳於世著有虛聲室稿聞喜縣新志

楊銳字叔暉四川綿竹人少雋慧督學張之洞奇其才招入幕肄業尊經書院年最少嘗冠其曹優貢朝考得知縣之洞督兩廣從赴粵光緒十一年舉順天鄉試考取內閣中書二十四年之洞薦應經濟特科又以陳寶箴薦與劉光第譚嗣同林旭並加四品卿充軍機章京參新政召見銳面陳興學練兵為救亡策稱旨七月禮部主事王照上封事尚書許應騷等格不奏上聞震怒盡罷尚書侍郎六人革職朝臣皆不自安上手詔密諭銳云近日朕仰觀聖母意旨不欲退此老耄昏庸大臣而進英勇通達之人亦不欲將法盡變朕豈不知中國積弱不振非力行新政不可然此時不惟朕權力所不及若強行之朕位且不能保爾與劉光第譚嗣同林旭等詳悉籌議必如何而後能進用英達使新政及時舉行又不致少拂聖意即具奏候朕審擇不勝焦慮之至銳復奏言太后親聖大位授之皇上皇上宜以孝先天下遇事將順變法宜有次第進退大臣不宜太驟上是之已而太后再訓政詔言新政者皆予重誅銳既下獄自揣實無罪謂即訊不難白次日遠詔與光第等同棄市宣統改元銳子慶和繳手詔於都察院請代奏始傳於世

清史稿

列傳二百五十一

四

劉光第字斐村四川富順人光緒九年進士授刑部主事治事精敏因獄獄忤長官遂退而閉戶勤學絕跡不詣署家素貧而性廉介非舊交雖禮饋弗受獨與楊銳善通周官禮及大小戴禮記其應召也亦以陳寶箴薦然非其素志將具疏辭川人官京朝者力勸之一日召見力陳時危民困外患日迫亟宜虛懷圖治上稱善惟時言路宏啓臣民奏事日數百計光第竟日批答箴議可否以

待上裁退語所親曰吾終不任此行當亟假歸矣未一月而禍作光第自投獄
臨刑協辦大學士剛毅監斬光第託曰未訊而誅何哉令跪聽旨光第不可曰
祖制雖盜賊臨刑呼冤當復訊吾輩縱不足惜如國體何剛毅默不應再詢之
曰吾奉命監刑耳他何知獄卒強之跪光第崛起自如楊銳呼曰裴村跪跪違
旨而已迺跪就戮著有介白堂詩文集

譚嗣同字復生湖南瀏陽人父繼洵湖北巡撫嗣同少倜儻有大志為文奇肆
其學以日新為主視倫常舊說若無足措意者繼洵素謹飭以是頗見惡嗣同
迺游新疆劉錦棠幕以同知入貨為知府銓江蘇陳寶箴撫湖南嗣同還鄉佐
新政梁啟超倡辦南學會嗣同為之長屆會期集者恆數百人聞嗣同慷慨論
時事多感動二十四年召入都奏對稱旨擢四品卿軍機章京四人雖同被命
每召對嗣同建議獨多上欲開懋勳設顧問官令嗣同擬旨必載明前朝故
事將親詣頤和園請命太后嗣同退謂人曰今迺知上絕無權也時榮祿督畿
輔袁世凱以監司練兵天津詔擢世凱侍郎召入覲嗣同營夜詣世凱有所議

清史稿

列傳二百五十一

五

明日世凱返天津越晨太后自頤和園還宮收政權啟超避匿日本使館嗣同
往見之勸嗣同東遊嗣同曰不有行者無以圖將來不有死者無以酬聖主卒
不去未幾斬於市著有仁學及莽蒼蒼齋詩集等唐才常字佛塵少與嗣同齊
名稱瀏陽二生兩湖學堂高材生也聞嗣同死憂憤屢有所謀每言及德宗常
泣下二十六年兩宮出狩才常陰結富有會謀舉事號勤王將攻武漢被獲僂
慨言無所隱請就死遂殺之

林旭字啟谷福建侯官人年十九舉本省鄉試第一後試禮部值中日構衅糾
同試者上書論時事不報入貨為內閣中書時康有為倡言變法先於京師立
粵學會以振厲士氣而獨學浙學陝學閩學諸會繼之旭為閩學會領袖又充
保國會會員榮祿先為福州將軍雅好閩士及至天津延旭入幕俄以奏保人
才召見操土語上不盡解退繕摺上稱善遂命與譚嗣同等同參機務詔諭多
旭起草及變起同戮於市年二十有四著有晚翠軒詩集妻沈葆楨孫女聞變
仰藥不死以毀卒

康廣仁名有溥以字行有為弟少從兄學有為上書請改革廣仁謂當先變科
舉庶人才可出其後能鄉會試制藝而歲科試未變廣仁激厲言官抗疏論之
得旨俞允於是廣仁語有為今科舉既廢宜且南歸興學專教育俟養成多數
有用才數年後迺可云改革也有為不忍去及初聞變廣仁復趣有為歸有為
走廣仁被逮在獄言笑自如臨刑猶言曰中國自強之機在此矣

清史稿

列傳二百五十一

六

論曰戊戌變法德宗發憤圖強川端棻等言召用新進百日維新中外震仰黨
爭遽起激成政變銳光第嗣同旭及深秀廣仁同日被禍世稱六君子皆悲其
志內爭不已牽及外交其後遂釀庚子排外之亂終致危亡此亦清代興衰一
大關鍵也

清史稿

徐桐

趙舒翹

英年

毓賢

剛毅

啓秀

裕祿

列傳二百五十二

徐桐字蔭軒漢軍正藍旗人尚書澤醇子道光三十年進士選庶吉士授編修坐修改中卷千磨勘能職咸豐十年特賞檢討協修文宗實錄同治初命在上書房行走奉懿旨番講治平寶鑑入直弘德殿累遷侍講學士先後疏請習政事勤修省成大學衍義體要以進數擢至禮部侍郎念外人膺集京師和議難恃宜壹意修攘剛自強因條上簡才能結民心裕度支修邊備四策光緒初授禮部尚書加太子少保主事吳可讀請豫定大統以尸諫桐與翁同龢等謂其未悉本朝家法當申明列聖不建儲訓俾知他日紹膺大寶之元良即爲承繼穆宗之聖子揆諸前論則合準諸家法則符疏入詔存毓慶宮備覽時崇厚

清史稿

列傳二百五十二

擅訂俄約下羣臣議迺條極其不可行者曰伊塔各城定界曰新疆蒙古通商曰運貨運至漢口曰行船直入伯都訥六年廷議徇俄人請將赦崇厚罪桐力持不可謂揆度機要在樞廷折衝俎豆在總署講信修睦在使臣赦之而彼就範猶神國事若蚌端仍不能弭反失刑政大權推原禍始宜肅國憲又言今日用人之道秉忠持正者爲上宅心樸實者次之若以機權靈警諸曉各國語言文字遽目爲通才而責以鉅任未有不憤且蹶者不報歷充翰林院掌院學士上書房總師傅十五年以吏部尚書協辦大學士晉太子太保二十二年拜體仁閣大學士桐崇宋儒說守舊惡西學如歸門人言新政者屏不令入謁二十四年政變後太后以其耆碩望優禮朝請令近侍扶掖以寵之有豫師者字錫之內務府漢軍進士官至烏魯木齊都統以講學爲桐所傾服方太后議廢帝立端王載漪子溥儀爲大阿哥桐主之甚力實皆豫師本謀也既而桐被命照料益親載漪各國不嫌載漪等所爲漪甚圖報復二十六年義和拳起殺仇外載漪大喜導之入都桐謂中國當自此強矣至且親廷之然及其亂時

仍被劫掠袁昶許景澄之死舉國稱冤而桐則曰是死且有餘辜時其子承煜監刑揚揚頗自得承煜字楠士拔貢以戶部小京官晉遷郎中累官刑部左侍郎已聯軍入桐倉皇失措承煜請曰父廷拳匪外人至必不免失大臣體蓋殉國兒當從侍地下耳桐迺投縊死年八十有二矣而承煜遂亡走爲日軍所拘置之順天府尹署與啟秀俱明年正月正法命下日軍官置酒爲饌傳詔旨承煜色變口呼冤痛詆西人不已翼日備輿送至菜市監刑官出席禮之已昏不知人矣尋就戮和議成視桐職奪卹典旋論棄市以先死議免

剛毅字子良滿洲鎮藍旗人以筆帖式累遷刑部郎中諳悉例案承審浙江餘杭縣民婦葛畢氏案獲平反按律定擬得旨嘉獎出爲廣東惠潮嘉道邊江西按察使調直隸邊廣東布政使調雲南光緒十一年擢山西巡撫請設課吏館手輯牧令須知諸書分講習詔飭行各省治套外屯田建分段開渠設官三策明年移撫江蘇蘇患水侵先後濬蘆蕩河吳淞江以工代賑民德之調廣東二十年召授軍機大臣補禮部侍郎二十四年以工部尚書協辦大學士疏陳實

清史稿

列傳二百五十二

倉廩嚴保甲罷不急官二十五年按事江南及廣東諸省迭疏請籌長江防務籌餉練兵清理財政及整頓地方一切事宜詔皆飭行二十六年拳亂作命趙舒翹及剛毅馳往近畿一帶查辦解散及還京復命而宣戰詔已先下矣匪集都城肆焚殺時方稱義民亡敢誰何載漪等復疏言雪恥強國在此一舉又盛推拳民忠勇有神術可用太后愈信之因命剛毅載助統之比於官軍然匪專殺自如勿能問且擾禁城日焚劫不止詔各軍營會拳正法盡拆所設神壇並諭責剛毅董福祥親自開導勒令解散卒不能阻各國聯軍入犯兩宮西狩剛毅扈行至太原車駕欲之西安又從道遯疾還至侯馬鎮死其後各國請懲禍首以先死免議追奪原官

趙舒翹字展如陝西長安人同治十三年進士授刑部主事遷員外郎諫河南王樹汶獄承旨研辦獲平反巡撫李鶴年以下譴謫有差居刑曹十年多所察定其議服制及婦女離異諸條能傳古義爲時所誦光緒十二年以郎中出知安徽鳳陽府皖北水潦割俸助賑課最摺浙江溫處道再遷布政使二十年擢

江蘇巡撫捕治太湖匪曾葉子春餘黨股栗復爲籌善後策弊風漸革明年改訂日本條約牒請總署重民生所言皆切中是時朝廷矜慎庶獄以舒翹諳律令召爲刑部左侍郎二十四年晉尙書督辦礦務鐵路明年命入總理各國事務衙門充軍機大臣卒匪據涿州舒翹被命馳往解散匪衆堅請禡提督聶士成職剛毅踵至許之匪既入京攻使館聯軍至李秉衡兵敗太后乃令王文韶與舒翹詣使館通殷勤爲議款計文韶以老辭舒翹曰臣望淺不如文韶卒不往旋隨扈至西安聯軍索辦罪魁乃禡職留任尋改斬監候次年各國索益亟西安士民集數百人爲舒翹請命上聞賜自盡命岑春煊監視舒翹故不袒匪又痛老母九十餘見此慘禍頗自悔恨初飲金更飲以鴆久之乃絕其妻仰藥以殉

啟秀字穎之庫雅拉氏滿洲正白旗人以孝聞同治四年進士選庶吉士散館改刑部主事累遷內閣學士光緒五年授工部右侍郎調盛京刑部吉林將軍銘安被彈劾啟秀白其誣轉戶部論者以按銘安事多徇其攻甚力命崇綺覆

清史稿

列傳二百五十二

三

按無左驗免議東省練新軍倚饒京師閱敬銘掌戶部方規節帑未應也啟秀力言始獲請歲發四十萬濟之二十年拜理藩院尙書中日和議成將換約啟秀疏請條約宜緩發先商諸各國杜後患不報啟洪上達木林達爾達克鑒朝陽覆轍自請增練蒙軍言者論其苛派蒙衆謀不軌啟秀爲訟其冤赦漢王雖奪扎薩克秩而其子獲嗣以故大得蒙衆心充總管內務府大臣二十四年授禮部尙書疏陳釐正文體倡明聖學命充軍機大臣兼總理各國事務衙門啟秀端謹有風操爲徐桐所賞自政變後桐最被盼遇欲引參機務乃舉啟秀自代已而拳亂作董福祥攻使館不下啟秀薦五臺僧禦敵頗附和之逮兩宮狩西安啟秀以母病弗克從日本軍拘啟秀及徐承煜嚴守之承煜桐子也朝旨禡職而各國猶言罪魁不可縱明年正法命下日軍官置酒爲饒席次傳詔旨啟秀神色自若曰即此已邀聖恩矣肅衣冠赴菜市啟秀宅近日本權領地日官與語當善其家第曰厚意可感他無復言遂就戮

英年字菊儕姓何氏隸內務府爲漢軍正白旗人以貢生考取筆帖式累遷耶

中兼護軍參領光緒中歷奉宸苑卿左翼總兵正紅旗漢軍副都統工部右侍郎調戶部卒匪亂作以英年載瀾副載助剛毅統之載助等出示招致義民助攻使館英年弗能阻匪益橫任意戕殺官民聯軍既陷京師兩宮幸西安英年充行在查營大臣旋授左都御史行次猗氏知縣王寶供張不備疏劾之款成各使議懲首禍英年禡職論斬羈西安獄尋賜自盡

裕祿字壽山喜塔臘氏滿洲正白旗人湖北巡撫崇綸子以刑部筆帖式歷官郎中出爲熱河兵備道累遷安徽布政使同治十三年擢巡撫年甫踰三十前江南提督李世忠本降寇能職家居所爲橫恣裕祿疏請誅之會以事詣安慶召飲署中酒行出密旨墜衆縛斬之而仍郵其家人以是高其能光緒十三年遷湖廣總督調兩江復還鄂廷議修鐵路起蘆溝訖漢口下羣臣議裕祿力陳不可忤旨十五年徙爲盛京將軍十七年熱河奸民騷動燬教堂殺蒙人裕祿會師朝陽擊平之予優敘二十年秋朝鮮亂起奉天戒嚴坐安東鳳凰失守數被議明年調福州改授四川總督二十四年召爲軍機大臣禮部尙書兼總理

清史稿

列傳二百五十二

四

各國事務衙門會徵榮祿入樞廷遂代之督直隸義和拳起山東入直境初義和會源出八卦教乾坎二系衆黨直魯間爲臨清部生文餘孽後稱團專仇教裕祿初頗持正論主剿捕其酋姚洛奇寘之法踰歲開州傳舉烽言匪復至禽渠率斬以徇居無何毓賢撫山東縱匪散入河間深冀而裕祿承風指忽主撫袁世凱方將武衛軍語裕祿蓋不請嚴旨捕治裕祿曰拳民無他伎緩則自消激則生變且此委瑣事何煩瀆天聽邪已而毓賢去世凱代之自興兵疾擊以故匪不敢近山東而紛紛入畿疆矣吳橋知縣勞乃宣禁傳習爲書上裕祿格不行時直隸官吏多信拳布政使廷杰獨力主勦辦嚴定州縣查緝拳匪懲戒辦法遽奉詔開缺回京匪愈橫張德成居獨流稱舉國第一壇曹福田爲津匪魁二人者炫神術爲安妖言相煽誘裕祿不之問已復致書請饒二十萬自任滅外人裕祿馳檄召之於是二人出入節署與裕祿亢禮當是時津城拳匪至可三萬人呼嘯周衢市又以紅燈照榮衆每入夜家家懸紅燈謂迎仙姑頃之各國兵艦大集匪猶羣聚督轅求槍礮裕祿命詣軍械所任自擇盡攫以去

而聯軍絡繹登岸索大沽礮臺裕祿懼疏告急請救重福祥來援聯軍索益堅提督羅榮光不允戰失利而裕祿且上天津團民殺敵狀於是朝廷以團民為可恃宜戰詔書遂下而不知大沽已先數日失矣裕祿又報大捷盛張拳匪功發帑金十萬犒團更薦德成福田於朝飾戰狀獲賞頭品秩花翎黃馬褂事急官軍戰車站敗績裕祿退保北倉閏三日城陷德成福田挾貨走卒繫而罪之裕祿飛章自劾詔革職留任諭月北倉失裕祿又退楊村遂自殺和議成奪職廷雍字邵民滿洲正紅旗人以貢生累官直隸布政使裕祿死護總督聯軍入保定被執並及諸士紳各軍訊其事雍曰保紳夙從令可釋事皆由我今至此斧鉞由汝奚問為遂見殺郡人尚多哀之

清史稿

列傳二百五十二

五

河務擢代之既莅事護大刀會尤力匪首朱紅燈搆亂倡言滅教毓賢令知府盧昌詒按問匪擊殺官軍數十人自稱義和拳毓賢為更名曰團團建旗幟皆署毓字教士乞保護置勿問匪浸熾法使詰總署迺徵還至則謂端王載漪莊王載助大學士剛毅盛言拳民忠勇得神助俄拜山西巡撫之命於是拳術漸被山西平陽府縣上書言匪事毓賢痛斥之匪益熾毓賢更命製鋼刀數百賜拳童令演習其會出入撫署款若上賓居無何朝旨申命保教民毓賢陽遵旨行下各縣文書稠疊教士咸感悅未幾又命傳致教士駐省城曰縣中兵力薄防疏失也教士先後至者七十餘人迺局聚一室衛以兵時致蔬果一日毓賢忽冠服拜母泣不可止曰男動國事不復能顧身家矣問之不語遽出坐堂皇呼七十餘人者至今自承悔教教民不肯承迺悉率出斬之婦孺就死呼號聲不忍聞聯軍既陷天津毓賢請勳王未及行朝旨趣之再兩宮已西幸毓賢遇諸塗遂隨扈行和議成聯軍指索罪魁中外大臣復交章論勳始視職成新疆十二月行抵甘肅而正法命下時李廷簫權甘督廷簫籍湖北黃安以進士累

官山西布政使嘗附毓賢縱匪至是得旨持告毓賢毓賢曰死吾分也如執事何廷簫慮譴及元日仰藥死蘭州士民為毓賢呼冤將集眾代請命毓賢移書止之其母留太原年八十餘矣一妾從行令自裁踰數日伏誅未殊連呼求速死有僕助斷其頸為斂而葬之論曰戊戌政變後廢立議起患外人為梗遂欲仇之而庚子拳匪之亂乘機作矣太后信其術思倚以鋤敵而立威王公貴人各為其私羣奉意旨不敢違大亂遂成及事敗各國議懲首禍徐桐等皆不能免廷君之惡孽由自作然刑賞聽命於人何以立國哉

清史稿

列傳二百五十二

六

清史稿

列傳二百五十三

徐用儀

許景澄

袁昶

立山

聯元

徐川儀字筱雲浙江海鹽人由副貢生入貢爲主事官刑部咸豐九年舉順天鄉試同治初充軍機章京兼直總理各國事務衙門累遷鴻臚寺少卿以憂歸光緒三年起太僕寺少卿遷大理寺卿直軍機如故擢工部侍郎始能直旋充總理衙門大臣歷兵部吏部侍郎授軍機大臣二十年加太子少保日朝構衅舉朝爭議和戰樞臣孫毓汶被劾能翁同龢繼入主戰益力用儀論事與同龢忤遂出樞廷並解總署事二十四年皇太后再訓政復直總署總署密薦太常寺卿袁昶會許景澄奉使還被命同人署二十六年拳禍起先是上以行新政爲中外所推而儲嗣久虛載漪既用事陰謀廢立慮外人爲梗聞拳民有神勇仇西教欲倚以集事召入京遂縱恣不可制用儀請嚴禁遏不聽俄使德使克林

清史稿

列傳二百五十三

一

德川儀駭曰禍始此矣言於慶親王奕劻厚欽之各國兵艦至津沽詔廷臣集議和戰用儀景澄昶及尙書立山內閣學士聯元並言奸民不可縱外衅不可啟而載漪等主戰甚力在廷大臣率依違不決用儀以太后命詣使館議緩兵當事者益目爲奸邪景澄昶先被害用儀知不免意氣自如七月既望遽發拳匪捕之於家擁至莊王邸用儀不置辯第曰天降奇禍死固分耳遂與立山聯元同乘市越三日聯軍入京而兩宮西狩十二月詔滿雪復故官宣統元年追諡忠愍浙人祠之西湖與景澄昶並稱三忠

許景澄字竹質嘉興人同治七年進士選庶吉士授編修明習時事大學士文祥以使才薦光緒六年詔使日本遭父憂未行服闋補侍講法越之役條上籌備事宜上褒納十年出使法德意和奧五國大臣兼攝比國使務時海軍初創從德國購造鐵艦未就景澄躬歷船廠鉤稽輯上外國師船表又言海軍宜定屯埠膠州灣設鐵甲礮船大沽口轉侍讀母憂歸十六年充出使俄德奧和四國大臣累遷至內閣學士先是俄兵游獵常越界侵及帕米爾地景澄爭之俄

援舊議定界起烏什別山自此而南屬中國其西南屬俄人則欲以薩雷閣

勒爲界相持三載俄始允改議其帕界未定以前各不進兵以保和好因著帕米爾圖說西北邊界地名考證爲他日界約備攬工部侍郎是時俄德迫日人還遼東景澄曰俄謀自便德圖償報事故從此多矣疏請分遣兩使從之二十三年調充德國使臣會俄建西北利亞鐵道謀自黑龍江達海參崴朝議拒之迺更名商辦許中國投資五百萬所謂東清鐵路公司也詔景澄綜其事力阻路綫南溢稽察運船毋漏稅已而俄人索租旅順充頭等公使會駐俄使巨楊儒定議俄都事竣移疾歸召授總理各國事務大臣兼禮部侍郎調吏部充大學堂總教習管學大臣意大利索我三門灣景澄抗言爭之事廼寢未幾拳禍作景澄召見時歷陳兵衅不可啟春秋之義不殺行人圍攻使館實背公法太后聞之動容而載漪等斥爲邪說聯軍逼近畿景澄等遂坐主和乘市宣統元年追諡文肅

清史稿

列傳二百五十三

二

袁昶字爽秋桐廬人從劉熙載讀博通掌故光緒二年進士授戶部主事充總理各國事務衙門章京十八年以員外郎出任徽甯池太廣道誠察屬抑胥吏多所興革擴中江書院齋舍課以實學建尊經閣購書數萬卷汰常關耗費歲萬八千金悉還諸公定專條納新關穀米出口稅歲羨數十萬督修蕪湖西南濱江圩隄自大關亭至魯港延袤十二里更穿築新隄三百七十丈自是蓄洩有資田廬完固民歌誦之膠州事起下詔求言昶條列時政二萬餘言以德突據膠灣其禍急而小俄自西北至東北與我壤地相錯蒙喀四十八部將折入異域其禍紆而大宜及今預練勁旅痛革吉奉華靡風習自頃兵力不能議戰要不可不謹守我朝八旗初制文武不分途京外不分途人皆兵官皆將故人才盛國勢強承平日久文法繁密諸臣救過之不暇於是相率爲鄉愿而舉國之人才廢矣金田洪楊之亂其始一小民耳猶窮全國之力僅而克之況諸國互肆蠶食之心有不乘吾敝而攻吾之短者哉夫敵國外患爲股憂啟聖之資苟得其人母拘以文法則理財練兵防海交隣之策可次第就理上親書其綱要於册下中外大臣議行二十四年遷陝西按察使未到官擢江甯布政使

調直隸未幾內召以三品京堂在總理衙門行走授光祿寺卿轉太常寺卿時財用匱乏議整釐稅則極言釐金明病商實病民不可議增義和團起山東屠戮外國教士利與許景澄相善廷詢時陳奏皆憤慨上執景澄手而泣連上二疏力言奸民不可縱使臣不宜殺皆不報復與景澄合上第三疏嚴劾釀亂大臣未及奏已被禍疏稿為世稱誦追諡忠節江南人祠之蕪湖祀嘗慨士鮮實學輯農桑兵醫輿地治術掌故諸書為浙西村叢刻

立山字豫甫土默特氏蒙古正黃旗人光緒五年以員外郎出監蘇州織造歷四任迺得代論修南苑工賜二品服累遷奉宸苑卿總管內務府大臣正白旗漢軍副都統戶部侍郎二十年加太子少保盜竊南壽宮物坐失察鑄職留任二十六年擢戶部尚書立山久典內廷同列嫉其寵眷會拳禍起聯軍至天津廷臣集議御前載漪盛推拳民可用立山適在側太后謂汝言如何立山曰拳民雖無他然其術多不驗載漪怒曰用其心耳奚問術立山必與外人通請以立山退外兵立山曰首言戰者載漪也臣主和又不諳外事不足任載漪益仇

清史稿

列傳二百五十三

三

之因其宅隣教堂適中以蜚語謂藏匿外人竟論死宣統元年追諡忠貞

聯元字仙衡崔佳氏滿洲鎮紅旗人同治七年進士選庶吉士授檢討累遷侍講大考左遷中允再陟侍講以京察出知安徽太平府調安慶兩薦卓異署滁和道遷廣東惠潮嘉道汕頭者通商要衝也姦人倚英領事為民暴聯元裁以法良善獲安二十四年擢安徽按察使入覲改三品京堂在總理衙門行走又明年補內閣學士拳民仇西教載漪剛毅助之勢益橫日夜圍攻使館不能下大臣負清望者徐桐崇綺皆謂民氣可用聯元與崇綺爭論帝前謂民氣可用匪氣不可用聯軍既陷大沽載漪等猶意主戰聯元謂甲午之役一日本且不能勝況入強國乎儻戰而敗如宗廟何載漪斥其言不祥七月十七日斬西市昭雪後予諡文直順天府奏請立山聯元合祠宣武門外而聯元祖居寶坻更於其地建專祠焉

論曰清代優禮廷臣罕有誅罰拳禍既起忠諫大臣駢首就戮豈獨非帝意哉觀用儀諸人所論事勢利害昭昭如此迺終不能回當軸之聽何其昧焉世傳

大節並號五忠不數日而遂昭雪允哉

清史稿

列傳二百五十三

四

清史稿

李秉衡

羅榮光

鳳翔

列傳二百五十四

崑士成

壽山

李秉衡字鑑堂奉天海城人初入資爲縣丞遷知縣光緒五年除知冀州歲飢發倉粟不給州俗重紡織布賤爲金求遠遷易糧歸而裁其價以招民民獲甦越二年擢知永平府部議追論以案貶秩李鴻章上其理狀請免議不獲時稱北直廉吏第一以張之洞薦超授浙江按察使未到官移廣西十年平峒寨亂督二品秩明年法人假越事寇邊秉衡主龍州西連局是時財賦戰士不得餉蹂躪輿斷無人過問秉衡益節儉汰浮費無分主客軍給糧不絕戰郵功實力從厚復擬設隘局治負傷軍士身自拊循之日數四雖未弁亦延見殷殷以殺敵報國護撫命下雖孱若輩動與馮子材分任戰守諒山之捷彭玉麟等疏言兩臣忠直同得民心亦同功最盛予優敘重申前命爲護撫整營制舉賢

清史稿

列傳二百五十四

能贊遣越南游衆越事漸告甯新任巡撫沈秉成莅官適乞病去二十年東事棘召爲山東巡撫至則嚴紀律杜苞苴以威海旅順兗鎗北門遂率師駐煙臺聞旅順不守劾罷丁汝昌與照燠等以警威海守將既而日軍浮三艦窺登州秉衡悉萃精兵於西北而榮城以戎備寡爲日軍所誘而獲時論詬之其時大刀會起主仇教勢漸張二十三年會衆戕德國教士德使海靖要秉衡職編修王廷相力爭之徙督四川海靖請益堅迺罷免於是秉衡隱安陽居三年剛毅入樞廷薦之起入都廷相慕其名往訪遂訂交朝命秉衡詣奉天按事奏廷相自隨既至糾不職者數人皆廷相微服所詢知者還會御史彭述疏請整飭長江水師詔使秉衡往秉衡固辭太后責勉之遂行歲餘卒禍作枋事者矯詔趣戰電各省諸疆臣失厝商之鴻章於是定督保東南約秉衡與焉無何又請募師入衛至京入覲太后力主戰遂命統張春發陳澤霖夏辛酉萬本華四軍出屯楊村河西塢戰纒合張萬二軍先潰澤霖自武清移壁聞敵聲軍皆走秉衡不得已退通州疾書致各將領述諸軍畏葸狀飲金死事聞優詔賜卹諡忠

節聯軍索罪魁請重治以先死免議詔褫職奪卹典廷相字梅岑直隸承德人本籍山東少幼學以孝稱光緒十三年進士以編修督山西學政口外七廳游

飢有司匿不聞爲上流民殘弊狀獲賑如腹地二十三年轉御史政言事時宗室覺羅官學久廢不緝廷相謂培材宜自近始請依八旗官學新章求實際議行國用患不足計臣議加賦廷相力申李鴻藻議爲民請命事遂寢二十四年元日日食疏請勸修省條上七事而尤以進賢退不肖爲國家治亂之源因劾張蔭桓媚外人交近待並以浙江學政徐致祥秩滿調安徽外似優隆內實屏絕嚴旨下吏議救還原衙門行走爭亂起秉衡出禦聯軍廷相從及敗尋秉衡不遇還至倉頭橋赴河死子履豐拯之不及從之遇救免贈五品卿子世職賞履豐主事

崑士成字功亭安徽合肥人初從袁甲三軍討捻補把總同治初改隸淮軍從劉銘傳分援江浙閩皖累遷至副將東捻敗賜號力勇巴圖魯擢總兵西捻平晉提督光緒十年法人據基隆率師渡臺灣屢戰卻敵還北洋統慶軍駐旅順

清史稿

列傳二百五十四

十七年海軍大閱禮成晉頭品秩調統蘆臺淮練諸軍擊熱河朝陽教匪禽斬其酋楊悅春賞黃馬褂易勇號曰巴圖魯阿明年授山西太原鎮總兵仍留蘆臺治軍請單騎巡邊歷東三省俄羅斯東境朝鮮八道圖其山川阨塞著東游紀程踰歲日韓亂起隨提督葉志超軍牙山聞高陞兵艦燬語志超曰海道梗牙山不可守公州背山面江勢便利從之士成邁先諸軍發次成歡遇伏迷失道史士無人色士成見二鶴立岡阜語衆曰彼處無隱兵也遂出險往就志超志超已棄公州行追及之士成議趨平壤合大軍而鴻章檄令內渡以故平壤陷得免議志超速問宋慶接統諸軍遣士成守虎山未幾銘軍潰諸軍皆走士成猶悉力以禦日軍大集力不支退扼大高嶺是時遼西危棘士成請奇兵出敵後截其餽道諸帥不從迺自率師偏雪裏站而陣除夕置酒飲將士預設伏以待日軍果來襲大敗之分水嶺斬日將富剛三造優詔褒勉授直隸提督和議成還駐蘆臺北洋創立武衛軍改所部三十營爲前軍與宋慶董福祥袁世凱並爲統帥慶福祥用舊法訓練世凱軍仿日式士成軍則半仿德式是爲武

衛四軍二十六年拳匪亂戕總兵楊福同命士成相機勦辦匪焚黃村即坊鐵軌士成阻止之弗應擊殺數十人其黨大恨訴諸朝旨訶責士成時匪屬集天津可二萬遇武衛軍輒辱士成檢勒部下毋妄動榮祿慮激變馳書慰解之士成覆書曰匪害民必至害國身為提督境有匪不能勦如職何適鬱鬱駐楊村觀變會英法諸國聯軍至士成三分其軍一護鐵路一留蘆臺而自率兵守天津連奪陳家溝跑馬廠八里臺徑攻紫竹林喋血八晝夜敵來益眾燃毒烟礮我軍稍卻士成立橋上手刃退卒願諸將曰此吾致命之所也驗此一步非夫矣遂殞於陣腸胃洞流詔賜卹閱二載以世凱言贈太子少保諡忠節建專祠

羅榮光湖南乾州人初隸曾國藩麾下補把總同治初李鴻章規三吳從西將華爾克青浦攻南橋鎮柘林直搗其巢大敗之乘勝復沙川金山邊守備又從西將戈登釋常昭圍以次下太倉崑山諸邑累擢參將攻常州先登城復遷副將賜號果勇巴圖魯除狼山鎮右營游擊蘇軍分援浙皖閩連克湖州長興廣

清史稿

列傳一百五十四

三

德潭州潭浦諸城與有功擢總兵六年東捻擾魯疆榮光以偏師游弋淮南北敗捻於連東捻回竄江淮分寇海沱宿並擊退之明年西捻窺滑澤我師蹙之榮光戰數挫而勇氣彌厲鴻章謀困之黃運間緣河築長壘榮光壁當敵衝相持凡三閱月會霖雨寇多陷淖死榮光復踰之東北勢益蹙張總愚自沈於河事甯晉記名提督自是徙防金陵武昌西安凡二年移駐天津補大沽協副將光緒七年創設水雷營選各營將士演習兼授化電測量諸學既而北塘山海關相繼設皆受成於榮光醇親王閱北洋軍以其教練有方薦授天津鎮總兵位漸顯服食儉約若老兵然二十六年擢喀什噶爾提督未之官而拳亂起八國兵艦入寇榮光守大沽礮臺大沽水深廣河道繁曲曲有臺備險與外兵懼其勢弗敢進榮光備益嚴迺就款使人言於裕祿謂第得四五艘入口護僑商無他意裕祿許之榮光聞而大驚力阻而敵艦已踵入將及臺遽出礮仰擊榮光再謁裕祿乞發戰令諜者已報臺燬榮光憤極歸拔刀殺眷屬曰毋令辱外人手遂出赴難一僕隨之不知所終他日得其尸臺下僕尸亦在焉沒三

日而天津陷時年六十有七

壽山字眉峰袁氏漢軍正白旗人黑龍江駐防吉林將軍富明阿子以父任為員外郎兼襲騎都尉世職遷郎中光緒二十年日軍犯奉天自請赴前敵充步隊統領弟永山領馬隊數與日軍戰復草河嶺克連山關進薄鳳凰城敵援至永山歿於陣壽山被重創以敢戰兼領領邊軍馬隊降救褒嘉官軍既克海城壽山領七十騎詣遼南詢敵勢遇之湯阿子搏戰槍彈入右腹貫左臂出戰愈猛敵稍卻馳還壁血縷縷滿衣袴上嘉其勇遂知府賞花翎二十三年調充鎮邊軍左路統領徙駐黑龍江城越二年除知開封遺缺府未之官值東北邊防亟超改黑龍江副都統明年春入覲垂詢邊情甚悉命佐將軍恩澤治軍疏請增募十五營調諸邊事者十餘人躬詣上海購軍械自長崎海參崴伯利循海歸潛度形勢備戰守新軍成而恩澤卒於任朝命代之既莅事鏗奸弊明賞罰圖要塞手訂行陣操法頒之各將領使番上授以方略雖未弁亦接見籍記備器使二十六年夏拳亂作俄軍數千聲為保護哈爾濱鐵軌紛集海蘭泡

清史稿

列傳一百五十四

四

乞假道壽山曰敵偏我我假敵道如大義何拒之遂檄愛理副都統風翔禦北路呼倫貝爾副都統依興阿爾西路通肯副都統慶祺東路各嚴誠備毋浪戰並牒俄勿進兵願負保路責而俄軍已分道進重以鐵路土工可十餘萬索值倡罷工揚言與俄為難壽山亟下令軍中曰保鐵路護難民全陸前違者殺無赦復使統領吉祥約富拉爾基監工蓋爾肖甫入城俾釋疑懼而蓋爾肖甫迺擊殺工人肖甫壽山猶強為容忍也慎導俄民出境籍錄其財物備還然俄軍不為止入寇愛理及黑河屯華人被迫赴水者屍蔽江下三姓呼倫貝爾又紛紛告警壽山亟電吉林將軍長順會攻哈爾濱然猶屬其語俄總監工謂若罷兵願以全家質富是時諸路軍皆潰敗北路統領崇玉營官德春瑞昌西路統領保全東路營官保林並陷陣死於是俄遂偕齊齊哈爾省城既而聞聯軍媾和迺遣同知程德全往商和議而自守軍覆則死之義命妻及子婦先裁手縊遺疏猶惓惓於舉政並致書俄將領屬勿戕民閱日具衣冠飲金臥柩中不死呼子西丹慶恩擊以槍不忍手頭機動彈出中左脅猶不死更呼材官

擊小腹仍不死呼益厲又擊之氣始絕先是詔責其開邊衅部議奪職後以總督徐世昌請復官予騎都尉兼雲騎尉世職附祀富明阿祠族孫瑞昌充此路營官俄陷黑河與統領崇玉同戰歿

鳳翔字集庭漢軍鑲黃旗人吉林駐防累官協領光緒二十一年中日事起將軍長順赴奉督師鳳翔任餽餉給食不乏尋擢愛琿副都統二十六年俄將固畢迺脫爾來假道壽山令愛琿誠備俄軍已自黑龍江下駛翼日俄官廓米薩爾名闊利士密德者浮軍艦至鳳翔遣軍拒之三道溝闊利士密德來謁中前請弗允類怒去令舟師擊我而我師已先發殲其軍官二闊利士密德被重創奔還海蘭泡旋卒於是黑河軍與海蘭泡俄軍相轟擊者數日鳳翔令統領王仲良率騎旅三百渡江擊之始小挫繼獲大勝俄軍緣江遁師往馳之會其軍艦泊江岸載歸閱二日又渡江來擊卻之遲明又率步旅六千自五道河濟右岸始覺而勢已不可遏我師敗績崇玉殞於陣愛琿陷壽山聞之亟令鳳翔回

清史稿

列傳二百五十四

五

也長驅而入唯士成阻之俄兵之侵龍江也乘隙以進唯壽山拒之固知必不能敵誓以一死報耳榮光爭大沽鳳翔守愛琿雖已無救於大局而至死不屈外人亦為之奪氣何其壯哉

清史稿

列傳二百五十四

六

清史稿

列傳二百五十五

崇綺

延茂

色普徵額

王懿榮

宗室寶豐

宗室壽富

宋承庠

崇綺字文山阿魯特氏蒙古正藍旗人大學士賽尚阿子以穆后父貴升隸滿洲鎮黃旗初爲工部主事坐其父出師無功職成豐四年粵寇謀犯畿輔充督練旗兵處文案事甯敘兵部七品筆帖式英吉利兵艦窺天津錄守內城功擢主事嗣遷員外郎同治三年將軍都興阿以崇綺諳兵事奏自隨兵部疏留是歲成一甲一名進士立國二百數十年滿蒙人試漢文獲授修撰者止崇綺一人士論榮之九年遷侍講出典河南鄉試充日講起居注官十一年詔册其女爲皇后錫三等承恩公歷遷內閣學士戶部吏部侍郎光緒二年充會試副考官補鑲黃旗漢軍副都統會河南旱大吏匿不報爲言官所劾上命借侍郎

清史稿

列傳二百五十五

邵亨豫按問廉得實巡撫李慶翔以下皆獲罪四年吉林駐防侍衛倭輿被盜誣控詔與侍郎馮譽駿往獄尋命崇綺署將軍專治之倭輿額控如故事下侍郎志和覈覆得誣告狀崇綺自劾被宥五年出爲熱河都統御史孔憲毅疏稱其忠直宜留輔不許七年調盛京將軍九年謝病歸旋授戶部尚書再調戶部復乞休初穆宗崩孝哲皇后以身殉崇綺不自安故再引疾二十六年立溥儀爲大阿哥嗣穆宗迺起崇綺於家俾署翰林院掌院學士溥儀傳傳於崇綺再出與徐桐比而言廢立甚得太后寵恩眷與桐埒義和團起朝貴崇奉者十之七八而崇綺亦信仰之事敗隨榮祿走保定居蓮池書院自縊死榮祿以聞賜奠醮入祀昭忠祠諡文節崇綺妻瓜爾佳氏先於京師陷時預掘深坑率子散秩大臣葆初及孫員外郎廉定筆帖式廉容廉密監生廉宏分別男女入坑生瘞閨門死難各獎卹有差二十七年命以曾孫法亮嗣廉定襲爵志鈞亦三等承恩公滿洲鑲黃旗人充散秩大臣聞警設醴祭先率妻子皆衣冠對縊於中堂卹如例諡貞愍

延茂杜氏內務府漢軍正白旗人同治二年進士銓禮部主事光緒八年歷遷至鴻臚寺少卿上言八旗官學廢弛宜變通章程再遷內閣侍讀學士中法構衅疏言我國士夫多憤外勢請自今慎選使才令其考察彼國政治利弊圖其山川夷險隨時奏聞又言名將必知地利而後可行師廟堂必知地利而後可取將今宜北起盛京南踰嶺廣合臺瓊爲一氣復自滇粵邊外訖越南全境分繪兩圖更令諸疆臣各繪所轄地圖上測緯度下準方斜俾知相距里數爲軍事之用上覽其議十三年除奉天府府丞越四年入爲大理寺少卿二十四年由駐藏辦事大臣擢吉林將軍以倉廩災上章自劾明年徵還再授黑龍江將軍未行而拳禍作聯軍入都借弟延芝守安定門城陷圍室自焚死贈太子少保諡忠恪妻並諸姊妹女子子皆獲旌

色普徵額舒穆魯氏滿洲正白旗人咸豐十年賊竄畿疆以健銳營前鋒校從大學士瑞麟往討襄創力戰旋從僧格林沁勦捻斬馘其衆同治初又從都統

穆騰阿軍畿南光緒三年遷參領八年軍政課最授鑲紅旗漢軍副都統充神機營專操大臣二十四年徙駐南苑二十六年擢寧夏將軍未行拳亂起命守

清史稿

列傳二百五十五

正陽門晝夜徵循不少休聯軍攻城中斃死贈太子少保諡壯恪子騎都尉兼雲騎尉世職
王懿榮字正誦山東福山人祖兆琛山西巡撫父祖源四川成綿龍茂道懿榮少幼學不屑治經生藝以議敘銓戶部主事光緒六年成進士選庶吉士授編修益詳練經世之務數上書言事十二年父憂解職服闋出典河南鄉試二十一年大考一等遷侍讀明年入直南書房署國子監祭酒會中東戰事起日軍據威海分陷榮城登州大震懿榮請歸練鄉團和議成還都特旨補祭酒越二年遭母憂終喪起故官蓋至是三爲祭酒矣前後凡七年諸生翁服二十六年聯軍入寇與侍郎李端遇同拜命充團練大臣懿榮面陳拳民不可恃當聯商民備守禦然事已不可爲七月聯軍攻東便門猶率勇拒之俄衆潰不復成軍迺歸語家人曰吾義不可苟生家人環膝泣勸厲斥之仰藥未即死題絕命詞壁上曰主憂臣辱主辱臣死於止知其所止此爲近之擲筆赴井死先是懿榮命

浚井或問之笑曰此吾之止水也至是果與妻謝氏寡媳張氏同殉焉諸生王杜松等感金瘞之事聞贈侍郎諡文敏懿榮泛涉書史嗜金石翁同龢潘祖蔭並稱其博學熙元直隸總督裕祿子光緒十五年進士由編修累遷至祭酒聯軍入方家居守制聞變借嫂富察氏妻費莫氏仰藥以殉贈太常寺卿諡文貞越三年社松等以兩祭酒大節昭著願請隆報得旨附祀監署唐韓愈祠宗室寶豐字蘇年隸正藍旗好讀書有清尚光緒十五年進士選庶吉士授編修歷遷至侍講二十五年立溥儀爲大阿哥命直宏德殿並賞高廣恩四品京堂同授大阿哥讀明年兩宮西幸寶豐以隨扈不果憤甚誓死職自題絕命詞曰忠孝節廉本平天性見利思義見危授命嗚呼寶豐不失其正飲金死贈太常寺卿

宗室壽富字伯亦隸正藍旗侍讀寶廷子泛覽羣籍尤諳周官禮太史公書旁逮外國史通算術工古文詩詞光緒十四年成進士選庶吉士嘗憤國勢不振八旗人才日衰著勸八旗官士文立知恥會大旨警頑傲厲以自強浙江巡撫

清史稿

列傳二百五十五

三

廖壽豐疏薦壽富才學堪大用命赴日本考政治既還著日本風土志四卷獻上召見痛陳中國積弊及所宜興宜革者漏三下始退上器之政變作遂杜門壽富性故矜貴不通刺朝列及拳亂起適上書榮祿言董福祥軍宜託故令離畿甸然後解散岑民謂董爲禍根拳其枝葉耳榮祿不省妻翁內閣學士聯元既以論拳匪誅家屬匿其宅衆以壽富重新學亦指爲袒外患甚或勸之他往曰吾宗親也甯有去理耶城陷壽富自題絕命詞並貽書同官曰國破家亡萬無生理乞赴行在力爲表明侍已死於此地雖講西學未嘗降敵遂與弟右翼宗室副管壽蕃及一妹一婢並投縊死贈侍講學士壽富刻苦孤峭實廷罷官早家貧甚性癖泉石壽富事父能委曲以適其意旨著有搏虎集宋承庠字養初江蘇華亭人由拔貢考取小京官銓工部光緒四年舉於鄉選主事八年充總理衙門章京選員外郎轉御史二十六年巡視京城聯軍入遼望城內火光燭天自言主辱臣死義無可逃疾書一紙遣家人曰宗廟宮殿已付一炬敵人殘忍不共戴天讀聖賢書惟有捐軀報國而已我得死所妻子勿

以我爲念時已仰藥口不能言越一日卒贈四品卿銜王鐵珊字伯唐安徽英山人光緒十五年進士銓兵部主事居久之母年老欲歸省會拳亂作知都城必危遂不去悉舉貲斧寄母獨留百金復分其半助邑館貧不能歸者其人謂盍不借南日時勢至此不能出力抗敵已負朝廷若更引身遠辟何以爲人且在京爲大清官在籍踐大清土國苟不保家將焉屬其人知其隱蓄死志強之行不可兩宮既西狩遂伏案作書寄弟略云身非武職恨不能執干戈衛社稷官非臺諫又不獲效忠言維國是如都城不保義不偷生所恨居官以來未能事母長負此不孝之罪耳書畢蕭衣冠拜默坐室中聞內城陷自縊死遺書友人治後事謂某非死節不忍見國事敗壞耳事聞贈員外郎又追贈道員蔭一子入監讀書以知縣用

論曰國都既陷主辱臣死此大義也崇綺久著清節終以一死自明延茂等見危授命義不苟生色普徵額等執干戈衛社稷死猶不瞑至今皆凜凜有生氣焉

清史稿

列傳二百五十五

四

清史稿

列傳二百五十六

恩銘

端方

松壽

趙爾豐

馮汝駉

陸鍾琦

恩銘字新甫于庫里氏滿洲鎮白旗人錦州駐防以舉人納質為知縣累至知府光緒十一年權知兗州晉道員二十一年改官山西二十六年署按察使尋匪擾晉恩銘請巡撫毓賢陰送教士出境弗聽兩宮西幸毓賢率師赴固關恩銘兼攝撫藩事車駕至太原召見奏對聲淚俱下補歸綏道先是口外七廳殺教士四十餘教民二千餘待撫者眾且亟到官後即發帑金倉粟濟之會聯軍至大同民駭走復令教士風諭並與執事迺引兵去二十八年調直隸口北道時經爭亂後十三廳州縣教民洶洶報復宣化華教士且強逼民入教恩銘患之與西教士反覆辨論始允約束民教始安遷浙江鹽運使二十九年調兩淮管江蘇按察使辦鹽務如故杜私販恤煎丁歲增國課三十萬時論欲請

清史稿

列傳二百五十六

改場坑為公司並創煤煎輪運議恩銘力陳其弊事迺寢授布政使錄山西協讓功首頭品服三十二年署安徽巡撫修廣濟圩賑皖北水苗民德之紅蓮會匪自贖入燬建德教堂同時楚民寄居霍山者亦與教堂啟衅匪黨乘之勢漸熾恩銘分軍援剿並勅有司之釀禍者地方以靖是時廷議行新政銳意興警察於是承上指整頓巡警學堂適王之春薦道員徐錫麟才遂畀以會辦復念政劇財匱援例清丈緣江洲地按年收科墾牧與樹藝並舉朝旨又以民刑事訴訟法參用東西律下其議督撫恩銘慮皖北民悍為擇其不便者六事具以報明年夏巡警學生卒業恩銘詣校試驗錫麟乘閒以鎗擊之被重創知縣陸永頤銳身救護先殞錫麟令經歷顧松閉校門不從亦斃之從者負恩銘還署遂卒事出贈太子少保諡忠愍予皖省建祠賞騎都尉兼一雲騎尉世職子咸麟襲恩銘既死錫麟亦被獲錫麟者浙江山陰人就學日本以貴為道員志在謀縮軍隊便起事倉卒發難卒被禽倭閱數年復有孚琦鳳山被刺事孚琦字模孫西林覺羅氏隸滿洲正藍旗以工部筆帖式充軍機章京累官郎中三遷

至內閣學士光緒二十八年授刑部右侍郎三十二年出為廣州副都統頗以興學為己任嘗設八旗工藝學校整麗中小各學堂明年權將軍軍事故簡孚琦慮即偷惰日必讀書臨池暇輒躬執勞役宣統二年再攝將軍篆明年春赴城東燕塘勘旗地兼閱試演軍用飛機有溫生才者隸革命黨事暗殺會日將暮伏道左俟其至轟擊之遂殞命生才被執論棄市事聞上閱惻愷愍命鳳山代之鳳山字禹門劉氏隸漢軍鎮白旗以繙譯舉人襲佐領充驍騎營翼長印務章京累遷參領總辦東安巡捕分局聯軍入京法人在其轄境刃傷商民縛致總局請毋少貸論如律擢副都統訓練近畿陸軍著聲績除西安將軍仍留治兵事宜統初改練軍歸部節度始解兵柄三年授廣州將軍未行而武昌事起香港為粵民黨敢謀攻省城眾阻其勿往曰吾大臣也不可奉詔遂毅然去將至時總督及布按以下官皆不敢出迎或勸宜微服先入城毋蹈爭將軍覆轍鳳山不可日午與衛導行抵南城外黨人匿市壓擊擲炸彈屋瓦摧壓從者死十餘人街石寸寸裂奪得鳳山屍焦爛無完膚事聞贈太子少保

清史稿

列傳二百五十六

二

設勸節子騎都尉世職
端方字午橋托忒克氏滿洲正白旗人由蔭生中舉人入質為員外郎遷郎中光緒二十四年出為直隸朔州道京師創設農工商局徵還筦局務賞三品卿銜上勸善歌稱旨除陝西按察使晉布政使護巡撫兩宮西幸迎駕設行在調河南布政使擢湖北巡撫二十八年攝湖廣總督二十年調江蘇攝兩江總督尋調湖南志興學賞遣出洋學生甚眾逾歲召入覲擢閩浙總督未之官詔赴東西各國考政治既還成歐美政治要義獻上議改立憲自此始三十二年移督兩江設學堂辦警察造兵艦練陸軍定長江巡緝章程聲聞益著宣統改元調直隸隆裕太后梓宮奉安端方乘輿橫衝神路農工商部左丞李國杰劾之坐違制免既而御史胡思敬又彈其貪橫凡十罪事下張人駿覆奏入以不治崖檢被訶斥因已罷官貨勿問三年命以侍郎督辦川漢粵漢鐵路時部議路歸國有而收路章程湘川不一致川人大譁川鄂為黨人所萃乘機煽發端方行次漢口岑春煊方授川督端方力詆之命率師往按尋詔代攝其事所過

州縣輒召父老宣諭威德至資州所部鄂軍皆變軍官劉怡鳳率衆入室語不遜端方以不屈遇害端方性通脫不拘小節篤嗜金石書畫尤好客建節江鄂燕集無虛日一時文采幾上希畢阮云弟端錦字叔綱河南知府赴東西各國考路政著日本鐵道紀要從兄入川變作以身蔽其兄極口贊軍士無良同被殺事聞贈端方太子太保諡忠敏端錦諡忠惠其時轉饒官劉燧荊州駐防舉人都司赫成額並赴水死

松壽字鶴齡滿洲正白旗人以蔭生官工部筆帖式累遷郎中出爲陝西督糧道光緒二十一年晉山東按察使明年調江西晉江甯布政使二十四年擢江西巡撫越三載移撫江蘇歷河南加尙書銜所莅皆稱職二十八年召爲工部右侍郎兼正藍旗蒙古副都統尋授熱河都統疏陳續修礦章四條允行復以地控蒙部號難治條上吏治軍政興學理財方略甚悉又召還拜兵部尙書明年調工部又明年出爲察哈爾都統三十三年授閩浙總督居官垂二十年不務赫赫名然律己以廉臨下以寬爲時論所美宣統三年秋鄂湘江浙新軍踵

清史稿

列傳二百五十六

三

雙閩軍乘之將舉事使人要松壽令繳駐防營軍械斥之遂決戰初獲勝繼迺大挫憤甚飲金以殉事聞贈太子少保予二等輕車都尉世職諡忠節

趙爾豐字季和漢軍正藍旗人父文穎見忠義傳爾豐以鹽大使改知縣選山西靜樂縣永濟清獄治盜匪絕跡躬捕蝗始免災擢河東監掣同知護河東道以憂去二十六年聯軍入晉邊山西巡撫錫良檄總督務處嚴防密偵以策退之錫良遷河道總督調委河工累保道員復從至熱河錫良督川疏薦其才權永甯道時會匪爲患爾豐受任即親出巡勦凡八閱月誅巨匪百餘人民始安業三十一年駐藏大臣鳳全被害於巴塘錫良以爾豐爲建昌道會提督馬維祺往討維祺軍先發爾豐從之遂克巴塘爾豐接辦善後移兵討鄉城匪退喇嘛寺據碣死守爾豐斷水道圍攻番衆悉降於是爾豐建籌邊議錫良以聞加爾豐侍郎充川滇邊務大臣爾豐會錫良暨雲貴總督丁振鐸奏陳改流設官練兵招舉開礦修路通商興學諸端廷議准撥開邊費銀百萬兩三十三年錫良移任去爾豐護四川總督於是進策邊事凡前所奏陳皆以次舉察吏尤嚴

多所舉劾僚屬肅然川南邊地多匪移興文縣於建武移永甯縣於古蔭時外人議輸運入川爾豐令川商自辦淺水輪以阻之是爲川江駛輪之始三十四年以爾豐兄爾巽督川改爾豐駐藏大臣仍兼邊務專邊藏事爾豐以經營全藏宜以殖民爲主特慮恩信未孚藏人疑阻請仍責駐藏大臣聯豫駐守而自巡視邊藏先以巴塘爲根據寓邊民於兵墾漸及藏地又與爾巽會奏設安康道改打箭爐爲康定府設河口縣裏化廳同知稻成縣貢噶嶺縣丞巴安府三壩廳通判定鄉縣鹽井縣詔促爾豐出關因就成都駐防旗兵中選練西軍三營自隨藏人聞之衆兵三崖以阻爾豐至打箭爐適德格土司爭襲構亂乃請旨往辦迭敗之贈科麻木追奔至卡納沙漠地衆悉降爾豐分其地爲五區設登科府德化白玉兩州石渠普同兩縣置邊北道德格地大包有春科高日兩土司遂與靈蔥土司之耶吉嶺等地並改歸流宣統元年朝意務懷柔藏人采爾巽議以經營西藏責聯豫督辦溫宗堯改爾豐專任邊務駐巴塘爲藏聲援劉察木多乍了歸邊轄川軍協統鍾穎率新軍三千入藏被困察木多爾豐

清史稿

列傳二百五十六

四

聞報立馳往援鍾穎軍出並驅勦類伍齊碩般多洛隆宗邊境各部落逆番殆盡三十九族波密八宿等部咸納款而江卡藏兵忽抄邊軍後路犯巴塘爾豐分兵擊敗之乘勢收江卡貢覺桑昂雜瑜四部落於是爾豐軍越丹達山而西直抵江達距藏都拉薩僅六日程矣二年達賴喇嘛聞川軍將至逃入英屬印度爾豐請乘勝一舉平藏革教易俗廷意不欲開釁阻之爾豐上疏力爭略言我國幅員遼闊強鄰環伺屬地多有侵佔自革達賴喇嘛阿旺耶結叛逆不惟藏人搖動卽外人覬覦之心亦因而愈熾今我兵雖已入藏然阿旺耶結已入英手英人必挾以圖藏若再姑容將成大患臣因一面由巴塘進兵攻破南墩一面由察木多進兵貢覺桑昂曲我兵所到番人親附卽洛隆宗碩板多等亦皆遠來輸誠備陳藏中苛虐情形懇懇內屬臣初意務在保境息民並無開疆拓土之念唯桑昂曲宗屬地雜瑜與探羅野番接壤時有英人潛伏探羅之南爲阿撤密西爲波密英人若得雜瑜卽可直接波密由上布入藏與印度聯成一片則波密不可不收入版圖其勢至迫請及此將邊兵所到之地概收歸

邊並兩商聯豫以烏蘇里江以東隸邊以西屬藏疏入樞府以外交責言為慮
 聯豫亦不允劃界然邊軍所得江達以內地爾豐已逐漸改流早成轄境矣爾
 豐巡視各地經貢覺乍了江卡三部落羣以討三崖為請三崖者野番也地險
 人悍三部落苦其侵掠嘗合攻之反為所敗官軍久不能討爾豐策三崖四周
 皆已改流必為我用遂派知府傅嵩林率兵五路進攻苦戰兩月盡克上中下
 三崖全境設官治之初藏人占贖對爾豐屢請收回廷議責聯豫贖久不得
 要領至是邊地略定獨贖對為藏有梗塞其中爾豐乃決以策取之三年爾豐
 調署四川總督因薦嵩林以道員用代理邊務大臣同行閱邊繞道北路先至
 孔撒麻書設甘孜委員靈葱白利倬倭東科單東魚科各土司繳印改流并受
 色達及上羅科野番降贖對民皆聞風請附爾豐乃檄番官曰贖對原係川屬
 朝廷前以賞藏設官征糧光緒二十年贖人叛藏則藏已失贖川兵取贖則贖
 為川有乃藏人久占不歸迄今又十餘年矣厚歛橫征民不堪命應將贖對仍
 獻朝廷以表恭順藏官畏爾豐威獻戶籍去贖對民歡呼出迎爾豐遂入贖對

清史稿

列傳二百五十六

五

設官治之野番俄落色達均望風降又波密自言其先為入藏漢兵別成部落
 爾豐前至察木多波密呈驗所產棉布糧食證明確由漢出并述其地與白馬
 崗接壤在英藏間力請內附及爾豐師還聯豫忽遣兵攻之大敗乞援至是爾
 豐派鳳山由巴塘率邊兵二千往與聯豫參贊羅長裕軍共克波密并取白馬
 崗爾豐至打箭爐收明正土司地及魚通冷邊沈邊咱里等土司印皆改流計
 爾豐所收邊地東西三千餘里南北四千餘里設治者三十餘區詳土司傳會
 川亂起爾豐還省初商辦川漢鐵路公司集股銀二千餘萬忽奉旨收歸國有
 咸大譁倡保路同志會好事者爭附和勢張甚爾豐至成都察亂已成思弭解
 集司道聯名電奏請變更收路辦法不允商民罷市同志會捧德宗神牌衝入
 督署與護兵相持頗有死傷全省騷動廷寄飭拳禍首正法爾豐不得已捕會
 首蒲殿俊等九人拘之其黨圍攻省城兵皆川產不用命督辦川漢鐵路大臣
 端方奉命援川滯重慶劾爾豐操切詔仍回邊務大臣以岑春煊代為總督
 武昌變作春煊阻不得往端方至資州遇害資政院劾爾豐罷黜待罪而朝旨

已不能達川重慶兵變會匪繼起軍民環請獨立爾豐遂讓政權於殿俊殿俊
 自稱都督防軍復變殿俊走匿全城無主商民請爾豐出定亂因揭示撫輯愛
 兵而標統尹昌衡率部入城自為都督羅綸副之以兵攻督署擁爾豐至貢院
 爾豐罵不絕口遂被害

馮汝駉字星巖河南祥符人光緒九年進士選庶吉士散館授戶部主事充軍
 機章京累遷郎中出知四川順慶府遭母憂去服闋起山東青州知府調直隸
 大名三十一年遷湖北鹽法道明年調安徽徽甯池太道遷甘肅按察使未幾
 晉陝西布政使擢浙江巡撫二十四年移撫江西整稅務省不急官稱治辦朝
 議方厲行新政迺復察民情量財力從容施設士民安之宣統元年御史江春
 霖上其溺職徇私狀事下安徽巡撫朱家寶覆得自坐疏忽于吏議奪俸三
 月三年武昌變起下游皆震南昌軍相應和魯汝駉為都督號獨立峻拒之贖
 人故感其賢導之出至九江迺仰藥以殉詔旨軫恤諡忠愍

清史稿

列傳二百五十六

六

子也鍾琦少幼學以孝稱光緒十五年進士以編修辦直隸賑災徐桐亟賞之
 拳禍起桐感為鍾琦持異議弗聽聯軍入同年王懿榮熙元寶豐輩先後皆殉
 節鍾琦聞之泣閣戶自經遇救獲免二十九年除江蘇督糧道越五載遷江西
 按察使調湖南察吏嚴定州縣結案功過章條月計勘案數與其鞫訊狀限期
 報司絲是獄鮮積滯再移江蘇多平反宣統改元首布政使三年擢山西巡撫
 到官未踰月而武昌難作鍾琦語次子敬熙曰大事不可為矣省垣倘不測吾
 誓死職汝曹讀書明大義屆期毋效婦仁害我又曰生死之事父子不相強任
 汝曹自為之但吾孫母使同盡以斬宗祀敬熙知父意決入告母母曰汝父殉
 國吾惟從之而已敬熙以事亟赴京語其兄光熙偕還晉鍾琦取新軍嚴至是
 調兩營赴南路時九月七日也夜發餞將以翼日行而遲明變作新軍突入撫
 署鍾琦出堂皇僕李慶雲從陛之弗去且挺身出先被戕鍾琦叱曰爾輩將反
 邪語未竟遽中鎗而殞光熙奔救亦被擊死叛軍入內室其妻唐氏抱雛孫起
 並遇害詔褒其忠孝節義萃於一門予諡文烈妻唐旌表光熙本名惠熙字亮

臣少從盛昱游厲學鍾琦造危疾嘗割股和藥以進光緒三十年成進士選庶
吉士東渡日本學陸軍卒業歸授編修擢侍講贈三品京堂設文節
論曰恩銘遇刺實辛亥之前蓋亂機已久兆矣武昌變起各行省大吏惴惴
自危皆罔知所措其死封疆者唯松壽鍾琦等數人或慷慨捐軀或從容就義
示天下以大節垂絕綱常庶幾恃以復振焉

清史稿

列傳二百五十六

七

清史稿

列傳二百五十七

志銳

良弼

宗室載穆

文瑞

恒齡

樸壽

謝寶勝

黃忠浩

志銳字公穎他塔拉氏世居扎庫木隸滿洲正紅旗陝甘總督裕泰子父長敬
四川綏定府知府志銳幼穎異光緒六年成進士選庶吉士授編修與黃體芳
盛昱輩相厲以風節敷上書言事累遷詹事擢禮部右侍郎中東事起上疏畫
戰守策累萬言慮陪都警自請募勇設防稱旨命赴熱河練兵未踰月以其妹
璋珍兩妃貶貴人降授烏里雅蘇臺參贊大臣釋兵柄遂迂道出張家口策馬
踰天山西絕幕所巡臺站輒周咨山川風俗宗教著詩記事居數年將軍長庚
令赴邊外釐中俄積案凡六閱月結千餘起前後五上疏籌西北防務發強隣
狡謀中富軸忌左遷索倫領隊大臣領隊例不得專摺奏事居則鉤稽地形阨

清史稿

列傳二百五十七

一

塞出則徵循鄂博卡倫冀得當以報又數年改授甯夏副都統疏請發帑二十
萬濬城外故渠獲沃壤數千頃頻上疏多言人所不敢言宣統二年遷杭州將
軍明年調伊犁將軍加尙書銜入覲條上弭邊患禦外侮機宜甚悉又力陳新
政多糜費請省罷壹意練兵救危局並請邊地練兵費百萬部議止予二十萬
抵新疆聞武昌變或勸少留不可踰月到官日討軍士而申傲之已蘭州軍譁
變甯夏繼之伊犁協統楊纘緒以兵叛夜據南北軍器庫攻將軍署羣議舉志
銳爲都督峻拒之迫詣商會亦弗從起發鎗擊之遂遇害其僕呂順奔走營棺
斂撫尸號慟亦爲叛軍所戕又武巡捕官劉從德四川人教練官春勳京旗人
並及於難事聞贈志銳太子少保諡文貞志銳夙負奇氣守邊庭踰十稔自號
爲窮塞主工詩詞熟察邊情懼禍至無日其赴伊犁也以手書徧告戚友言以
身許國不作生入玉門想其致命遂志蓋已定於拜疏出國門日云
良弼字寶臣紅帶子隸鑲黃旗大學士伊里布孫少孤事母孝幼學留學日本
陸軍學校畢業歸入練兵處歷陸軍部軍學司監督副使補司長時新設禁衛

軍任第一協統領兼領白旗都統濛軍諮府軍諮使平日以知兵名改軍制練
新軍立軍學良弼皆主其謀尤留意人才自將師以至軍士莫不延納思所有
建樹頗為時忌武昌亂起各省響應朝論紛囑王公貴人皆氣餒莫知所為良
弼獨與三數才傑朝夕規畫外聯羣帥內安當國思以立意弭革命圖救大局
上下皆恃以為重時袁世凱來京方議國體人心不安甚矣一日良弼議事歸
及門有人遞擲炸彈三日而卒事聞震悼優卹如例其後官紳請立祠於北京
祀之良弼剛果有骨氣頗自負雖參軍務無可與謀常以不得行其志為恨日
有憂色及遇刺醫初謂可療忽有進以酒者遂死死未旬日而遜位詔下時皆
悼之

宗室載穆字敬修隸滿洲鎮藍旗幼勤郡王允禛五世孫祖綿翔鎮國將軍父
奕雲一等侍衛記名副都統載穆年二十除三等侍衛累遷頭等兼辦事章京
以杭直忤上官意數歲不遷光緒二十六年拳亂起兩宮西幸痛哭自盡者再
遇救獲免三十二年授太原城守尉明年有詔遞裁駐防分遣歸農適倡農桑
清 史 稿 列傳二百五十七

勸女工興學校比去管旗民男婦務耕作嫻織紅者達二百人省城門有八舊
閉其二阜城門當汾水衝河決土壘不能通車馬羣議閉之載穆曰此汾西數
十村入城孔道也請於舊門南開新門民稱便秩滿將入覲巡撫丁寶楨疏留
之報可宣統三年簡京口副都統鄂難作緣江戒嚴載穆繕城郭備軍士設練
兵處定營防城守章程晝夜徹徹漢民雜居者皆按堵已而新軍徒頓鐵道
旁運械械者綴屬載穆知有異遣使如江甯告急弗應江蘇巡撫程德全號獨
立傳檄鎮江防營通蘇軍全城益怖懼於是官紳集議定滿漢聯合策約
毋戰且要旗營繳軍械載穆知事不可為罷會大勸語左右曰吾上負朝廷所
欠止一死耳左右環跪請繫眾心維危局翼日鎮紳楊邦彥詣軍門趨繳械不
許會新軍入據漢城旗營大譁迺進旗衆而語之曰駐防兵單糧儲竭吾戰死
甘如飴願糜吾民肝腦膏鋒刃吾奚忍若曹其徇衆議紓急禍吾身為大臣且
天潢親也宜効死是時驍騎校萬選力爭請毋止戰不見用頓足大哭印班德
需亦憤甚曰大局休矣吾寧死以報國載穆嘿不語迺繕遺疏手自緘印遣佐

領良才賞至京師復草遺書致商會猶殷殷以七千人生命相屬隨行四僕皆
遺歸有李順者去後返朝夕侍其側偶退休詰朝入寢室則已自經死矣郡人
哀之殮歛如禮且為置田安厝焉將軍鐵良上聞命駭覆死事江甯失鐵良走
宗人府亦無奏報故褒贈之典弗及云萬選德需並殉先是驍騎校同源以旗
人將失所忍死爭旗產至是迺語家人曰吾可以從殉國諸公後矣沐浴整衣
冠不食而死萬選字子昭蒙古敖漢氏著有易注筆諫金石賞心火龍攻戰略
諸書德需字雨田同源字子清並蒙古人

文瑞鈕祜祿氏滿洲鎮紅旗人世襲男爵充頭等侍衛出為馬蘭鎮總兵中日
之役喜峰口迫近戰地策守禦邊內匪轄境以寧坐陵樹蟲災免頃之被宥除
歸化城副都統兼署綏遠將軍拳匪亂延蒙旗蔓教案紛糾文瑞至與外人推
誠商榷償款獨輕緩民德之調青州念旗民乏生計為闢工廠興學校編制軍
隊滿城一切皆治辦移成都未之官擢西安將軍與學勳工為治復放青州議
辦移墾授田法未及行而鄂變作西安新軍應之先據漢城緣塗縱火烟燄張
清 史 稿 列傳二百五十七

天疾越南街遇新軍前騎戈什哈數人被擊死紆道歸與左翼副都統承燕右
翼副都統克蒙額籌應變策遣軍士晝陣而守兩軍合戰自申及亥不少休翼
日味爽新軍分攻東南門旗兵多傷亡文瑞督攝益力未幾新軍請停戰會議
遣協領葆鈞往迄未得要領復貽書新軍反覆開喻亦不答而新軍又兩路夾
攻旗營火器竭漸不支日方午東門破進滿城終夕巷戰旗兵死者二千餘人
餘皆屠殺麾下壯士從者十餘及其子熙麟而已於是環請引避圖恢復文瑞
慨然曰吾為統兵大員有職守不能戡亂重負君恩惟有死耳適口授遺疏趨
熙麟書之命乘間達京師而自從容整衣冠赴井死幕僚秦鶴鳴飲之承燕同
時投井死克蒙額字哲臣滿洲鎮藍旗人先請巡撫發新式軍械遲不應激戰
三晝夜力竭陣亡
恆齡字錫九舒穆魯氏滿洲正藍旗人武勳王楊古利後裔少嗜學嫻武幹尤
熟中外兵家言以附生官筆帖式遷驍騎校累擢佐領旗營久習竊情罕知兵
事迺創編新軍設講武堂教之拳匪亂作湘人旅荊者被煽動燔沙市登船及

稅關領事署外國僑民多逃避勢岌岌恆齡率二百人往鎮撫誅首要宥脅從外人避難者護持之事軍政課最將軍紳哈布疏綜營務恆齡條上四事曰設警察興學校釐財政練常備軍並奏行設八旗高等學堂陸軍小學堂俾任校事顧其時風氣開墜款無所出遂走謁總督張之洞而陳規畫獲助萬金始成立猶不足省新軍陋規益之歲以爲常於是訂章條甄材穎走書幣聘海內名儒分科教授校風肅然學部曹司攷察稱荆州第一旋領振威新軍調督練處參議總辦陸軍小學將軍恩存總督陳夔龍交章論薦宣統改元調充熱河練軍統領汰老弱補闕額中嚴紀律凡兩閱月獲匪首葛蘭亭等推功將校二年授海軍副都統朝陽紳民願留變龍上聞廷議以西陲邊要趣到官既莅事首嚴烟禁開渠屯田久無效設方略整飭之三年遭父憂令甲旗員百日服除即視事恆齡固請終制解職去奉父喪於萬縣抵宜昌鄂亂作道塗阻絕將軍連魁疏請參軍事上命署荆州左翼副都統恆齡援粵經從戎義憤然任城守而援絕饑饉兵人疲饑則譁變迺斥家財餵之流泣誓衆令毋擾沙市啟外鮮

清史稿

列傳二百五十七

四

時方患癘劇裏創策騎出晝夜微循血痕猶濡縷然無何事益亟外城失恆齡晨起公服端坐堂上發手槍洞胸而殞家人得其與弟恆廣子裕文書曰吾家世受國恩宜竭力圖報今城既失義當死所憾者老母在堂忠孝不獲兩全第吾母有子能盡忠亦甚得我死汝曹能闔門殉節固善否則善事吾母以補吾不孝之罪母以吾死狀令老人知也恆齡死數日連魁與右翼副都統松鶴開門納民軍荆州遂失事聞上震悼諡壯節參謀長德需自經死恩需亦自經家人救之憤不欲生後數日卒

樸壽字仁山滿洲鎮黃旗人光緒二十年舉人吏部主事累遷郎中卒亂起聯軍入城首與各國謀保商民出爲山西歸綏道簡庫倫辦事大臣三十二年召授鎮藍旗滿洲副都統遷正黃旗漢軍都統明年除福州將軍整旗務嚴烟禁專志訓練得精卒四千人宣統三年省城民軍起率防軍與擗火器猛利民軍幾不支然民軍雖被創輒隨時募集防軍以猛鬪故傷亡多卒敗潰樸壽被執受挫辱不屈遂支解之棄尸山下其死狀爲最烈云事聞贈太子太保子二等

輕軍都尉世職諡忠肅

謝寶勝字子蘭安徽壽州人初隸金順麾下從征西陲嗣隨宋慶馬玉崑克肅州及關外諸城積助至都司以事與玉崑左乘冠服走博克達山爲黃冠光緒十五年玉崑提督畿輔鳩集舊部獨偉視寶勝招之出敦促備至寶勝慨然曰玉崑知我者義不忍卻迺棄黃冠詣軍所獻方略二十一年朝鮮告警從出關與日軍數十戰勇敢躍倫等玉崑弟陷重圍銳身救之出和議成憤甚復爲道士裝繼跡京師白雲觀如是者數年卒亂作柴洪山統武衛護軍榮祿檄領前路後營已留河南更名精銳軍領左營尋堯豫北軍忌者中以蜚語巡撫吳重熹疏辨其冤上卒優容之駐軍河陝汝最久將士積相畏服軍麾所指紀律肅然累遷至副將宣統改元授河北鎮總兵明年移南陽河陝汝軍仍受節度寶勝益威奮尤嚴治盜所莅毋擾民恆短衣執械先士卒或宵行數十里僞爲小商調虛實村民通匪者憚其至嘗置毒飲水處寶勝則自攜水盃懷麥餅食盡忍飢渴以爲常以是寇鮮漏網洛陽張黑子嵩縣王天縱汝州董萬川尤驚

清史稿

列傳二百五十七

五

悍張董並計禽之天縱懼不敢出豫西數十州縣皆按堵而南陽王八老虎猶岌負寶勝至移書期決鬪會天大雪前期五日潛師薄其巢賊不誠據中庭轟拒寶勝奮身入衆繼之火其廬卒就縛寘之法自是南陽無遺寇寶勝短軀幹目光炯炯能攝人視盜如仇待士卒若子弟勞無愆賞遇喪亡則卹尤厚餉饋無所受無兼衣餘食統兵十餘年而負責鉅萬巡撫寶榮上聞中旨敕司庫償九千餘金異數也三年移師嵩縣值鄂亂作亟還籌戰守其時襄樊已應和土寇處處颯起豫南與陝鄂壤地接市言訛誠日數至檢勒部曲日夕巡徼不休支振數十日而襄樊軍圍入士民與通欵將內訂諸將意沮成莫能奮惟都司姚銳雲慷慨願從戰無何新野陷大吏飛檄戒毋妄動寶勝憤激赴校場與衆誓死守而府縣官已委印綬去翌日元旦獨朝服詣萬壽宮行禮痛哭不能止俄傳南軍入烟燄翳天各營亦以食盡而潰不得已退頓裕州比至城皆樹白幟矣迺止舍至夕而遜位詔至召將卒厲以忠義麾之去夜半時屏僕從肅衣冠嘔血數升以槍自擊死平旦將卒趨視皆哭失聲以大纛裹屍昇至獨頭

鎮欽之竊雲陝西人舊為多隆阿部將後從寶勝軍隸營務處亦為民軍所戕

黃忠浩字澤生湖南黔陽人通經術嗜讀儒先性理書以優貢生入貫為內閣中書主沅州講席銳意地方利弊建西路師範學堂勸民植桑育蠶尤顯志饒業陳寶箴趙爾巽先後撫湘設鑛局及公司採平江金鐵常有水口山鉛礦至今稱厚利皆其謀也光緒二十一年以東事籌防募鄉勇五百人入鄂守田家鎮廠臺總督張之洞一見重之調領武靖營駐洪山二十三年治軍長沙統毅安軍軍故征苗舊旅日久窳敝不可用寶箴納其議別募威字新軍俾主之二十六年之洞撤募師勳王二十八年徙駐岳州緝新匪寇平之再入貫為道員赴日本參觀大操歸益詳練戰術知兵名大著明年爾巽檄綜湖南營務處統忠字旗五營其冬母憂去職踰歲廣西降匪陸亞發陷柳州湘邊大震起忠浩率所部援桂直搗梅寨用少擊衆寇大創降救褒嘉寇奔福祿村村故猛地箐壑深阻中有危壁垂縷縵容一人行忠浩迺短衣芒屨徒步深入會天酷暑

清史稿 列傳二百五十七

六

變為瘴癘兵士死相繼忠浩亦逆膨疾然治軍勤如故寇卒不敢近捷上授狼山鎮總兵請終制改署任道員授總戎特例也是時岑春煊駐桂林檄與議軍事奏署右江鎮服闋予實授未幾乞假去再至湖北爾巽留綜營務處兼統全省防軍荆襄水師受節度宣統二年從爾巽入川署提督乞歸三年京師開全國教育會忠浩與焉爭鐵路國有為非計議大涪洞庭湖紆湘苗論侃侃無所撓還長沙值巡撫余誠格新莅官黨人謀日亟誠格慮新軍有異志以中路巡防十營屬之不就誠格下席揖請至再不獲已始受事甫三日鄂亂起九月朔新軍變將入城協統蕭良臣遁防軍為內應忠浩方晨謁隨誠格出撫諭至再勢洶洶不可遏要誠格為都督誠格從問道出召水師水師亦變誠格投江左右援之不得死忠浩猶留署火起護弁強之出及門遇亂兵被執脅降不從劫之走刃傷臂及股至小吳門城樓遂遇害家人奉喪歸葬綠塗設奠者數百里繼忠浩死者有楊讓梨讓梨字邵欽籍湘鄉少與王錫子詩正讓梨與友善詩正援臺灣戰失利嘗負之以免軍中咸壯之積助至守備轉戰新疆河州西

甯敦有功累擢參將賜號鏗色巴圖魯既還長沙隸忠浩麾下宣統二年補鎮軍鎮標中軍游擊明年武漢事起忠浩電調援長沙次辰州聞省城亂迺辰龍關誓死守軍兵故悍銳為民軍所憚時總兵周瑞龍持兩端其子瓚齋金至將以餌軍兵哨弁李鳳鳴潛告讓梨得為備瑞龍稱疾檄讓梨還代以他將讓梨迺上書責以大義滅親辭激昂且傳檄捕瓚瓚遁已而瑞龍降道府官委印綬去讓梨痛哭犒遣軍士獨權小舟至清浪灘躡身入水舟子泐出之讓梨志甚曰奚活我為瓚出代其軍遣人追繫讓梨及其子傳孔鍊送長沙巡常德遇龍璋巡按西路勸之不屈遂斬之臨刑蕭衣冠北嚮拜觀者萬餘人皆泣下傳孔釋還有陳其者讓梨從子壻也當讓梨被縛時其即奮起擊縛者仆一人攢刃交下傷其首斷一足並死之

論曰辛亥之變各省新軍既先發難防管不能獨支而京外旂兵久無軍備又多被殘困死行陣者自家室可數志鈞等權輕勢孤艱難措柱思以一隅挽全局及事不可為乃以死報志節皎然可敬亦可哀矣

清史稿 列傳二百五十七

七

清史稿

盛宣懷

瑞澂

列傳二百五十八

盛宣懷字杏蓀江蘇武進人以諸生納質爲主事改官直隸州知州累至道員
 督贊置輪船招商局開探湖北煤鐵礦李鴻章頗信任之英商擅築鐵軌首冠
 巡寶山訖吳淞上海道數阻弗聽宣懷與英官梅輝立折辦價銀二十八萬有
 奇始歸於我光緒五年署天津道時鴻章督畿輔方嚮新政以鐵路電報事專
 屬宣懷宣懷以英丹所設水陸綫漸侵內地迺集資設津滬陸綫建電報學堂
 並援萬國公例與爭始克嚴定條款會訂水綫和接合同於是與輪船招商同
 爲商辦兩大局八年英法德美議立萬國電報公司增造自滬至香港水綫整
 利權宣懷復勸集華商自設緣海各口陸綫以絕覬覦十年署天津海關道會
 法越構設海防急迺移金州礦質治蘇浙閩粵電綫便軍事而部議指爲含混
 科以降級調用左宗棠爲言於上事下南洋大臣曾國荃等上其績狀始改留
 任十二年授山東登萊青道法領事林椿詣煙臺與訂越南北圻綫約朝旨既
 報可矣而張之洞執言不可行宣懷曰今瓊春海蘭泡欲接俄綫俄方有挾求
 法既許接綫彼必易就範且英丹皆與約矣拒法總署然之果不數年而俄約
 成十八年除眞滬上織布局廠災宣懷籌設華盛總廠復任滬漢冶鐵廠虧耗
 於是之洞賞其才與王文韶交薦之遂擢四品京堂督辦鐵路總公司入覲奏
 言築路與練兵理財育才互爲用並請開銀行設達成館稱旨補太常寺少卿
 與比訂貸款草約二十四年詔起造粵漢路宣懷建議貸美款歸自辦具改歸
 商辦本末以上而言者盛毀其所爲遲滯被訶責宣懷具報曲折上乃慰而勉
 之宣懷自請解職仍留京會議洋貨稅則已而徐桐劾兩局有中飽適剛毅按
 事南下銜命察覆宣懷具以實對奏上被溫旨二十六年拳禍作各國兵艦紛
 集江海各口宣懷倡互保護電粵江鄂閩諸疆吏獲同意遂與各領事訂定辦
 法九條世所稱東南保護約款是也又電奏請下密詔平亂發國電書懲禍
 首卹五忠所言動關大計事甯加太子少保除宗人府府丞明年充辦理商稅
 事務大臣以和約既成償費過鉅迺奏豫籌四策而注重加稅復以借款稱息

清史稿

列傳二百五十八

一

清史稿 卷四七七

清史稿

列傳二百五十八

二

負累劇請婉商各國分攤免息嗣與各國商加稅免釐議垂成英忽中海厥後
 宣懷數續議仍無效是歲奏設勸業總公司越二年而有爭粵漢廢約事滬甯
 蘇杭甬踵之衆大譁詔禁宣懷干預命唐紹儀代督兩局宣懷遂奏罷鐵路總
 公司後四年浙路事益棘上終以宣懷請路政復召見問籌策宣懷言既借款
 不應令商造既商造不應再借款民情可用不願用之恐激變上是之拜郵傳
 部右侍郎命甫下而浙路總理湯壽潛因言宣懷短請離路事壽潛獲譴宣
 懷亦不復久居中仍命詣滬辦商約宣統改元奏言推廣中央銀行先齊幣制
 附陳辦法成式逾歲命充紅十字會會長先是日俄戰爭宣懷與呂海寰等謀
 加入瑞士總會中國有紅十字會自此始既拜命入都時朝廷方整麗幣制遂
 敕還郵部本官參與度支部幣制事晉尙書數上封事凡收回郵政接莞驛站
 規畫官建各路展拓川藏電綫釐定全國軌制稱新政舉而以鐵路收爲國
 有致召大變世皆責之先是給事中石長信疏論各省商民集股造路公司弊
 害宜敕部臣將全國幹路定爲國有其餘枝路仍准各省紳商集股自修諭交
 部議宣懷復奏言中國幅員廣袤邊疆遼遠必有縱橫四境諸大幹路方足以
 利行政而握中樞從前規畫未善致路政錯亂紛歧不分枝幹不量民力一紙
 呈請輒准商辦乃數載以來粵則收股及半造路無多川則倒帳甚鉅參迫無
 着湘鄂則開局多年徒供坐耗循是不已恐曠日彌久民累愈深上下交受其
 害應請定幹路均歸國有枝路任民自爲曉諭人民宣統三年以前各省分設
 公司集股商辦之幹路應即由國家收回亟圖修築悉廢以前批准之案川湘
 兩省租股並停能之於是有鐵路國有之詔並起端方充督辦粵漢川漢鐵路
 大臣宣懷復與英德法美四國結借款之約各省聞之羣情疑懼湘省首起抗
 阻川省繼之湘撫楊文鼎川督王人文先後以聞詔切責之諭嚴行禁止儻有
 匪徒從中煽惑意在作亂者照懲治亂黨例格殺勿論宣懷又會度支部奏收
 回辦法請收回粵川湘鄂四省公司股票由部特出國家鐵路股票換給粵路
 發六成湘鄂路照本發還川路宜昌實用工料之款四百餘萬給國家保利股
 票其現存七百餘萬兩或仍入股或興實業悉聽其便詔飭行四川紳民羅繪

一〇一

等二千四百餘人以收路國有盛宣懷端方會度支部奏定辦法對待川民純用威力未為持平不敢從命人文復以聞再切責之趙爾豐等復奏川民爭路激烈請仍歸商辦不許川亂遂成而鄂變亦起大勢不可問矣資政院以宣懷侵權違法罔上欺君墮附政策釀成禍亂實為誤國首惡請罪之詔奪職遂歸後五年卒宣懷有智略尤善治振自成豐季葉儀輔被水雷關是而晉邊而淮徐海而浙而鄂而江皖皆起募款籌振撫因討測受苗之故益究心水利其治小清河利尤溥唯起家實業善畜藏稱富亦往往冒利被口語云

瑞激字莘儒滿洲正黃旗人大學士琦善孫將軍恭鏜子以貢生官刑部筆帖式邊主事調陞戶部員外郎出為九江道有治聲移上海道滬地交涉繁瑞激應付縝密頗負持正名尤顯意警政建總局廓分區設學堂練馬巡中外交誦其能光緒三十三年授江西按察使邊江蘇布政使時江浙梟匪蠢動出沒滬杭孔道釀成巨案侍郎沈家本建議辦清鄉朝命瑞激主蘇松太杭嘉湖捕務六屬文武受節度瑞激添募水師購置兵輪仿各國海軍制編成聯隊禽獲巨

清史稿

列傳二百五十八

三

魁夏竹林聲為匪徒飲述宜統改元稱疾乞解職溫旨慰留總督端方密薦其才邊巡撫既莅事澄吏治肅軍紀嚴警政條具整飭本末以上上嘉納命署湖廣總督踰歲到官旋實授勳能巡警道馮啟鈞勸業道鄒履和湘民飢變復糾彈前祭酒王先謙主事葉德輝道員孔憲毅阻撓新政狀中旨分別懲革絲是威望益著其時朝廷籌備立憲瑞激希風指凡置警興學設諮議局立審檢廳一切皆治辦名流如張謇輩咸與交驩而懿親載澤方用事則又為其姻姪聲勢駸駸出南北洋上三年七月被命會辦川漢粵漢鐵路居無何督辦端方上言鄂境鐵路收歸國有詔嘉之越月武昌變起先是黨人謀亂於武昌瑞激初聞報憂懼失措漫不為備惟懸賞告密得黨人名冊多列軍人名左右察知偽造請銷毀以安眾心瑞激必欲按名捕之獲三十二人誅其三輒以平亂聞詔嘉其引忠初萌定亂俄頃命就擒獲諸人嚴鞫並緝逃亡於是軍心騷動翌日遂變瑞激棄城走詔革職仍令權總督事戴罪圖功並令陸軍大臣蔭昌督師往討薩鎮冰率兵艦程允和率水師援之而瑞激已乘兵艦由漢口而蕪湖而

九江且至上海矣黨軍推陸軍第二十一混成協統領官黎元洪稱都督置軍政府既占武昌復取漢陽據漢口乃起袁世凱為湖廣總督督辦勦撫節制長江水陸各軍副都統王士珍副之召蔭昌還命軍諮使馮國璋總統第一軍江北提督段祺瑞總統第二軍俱受世凱節制國璋與黨軍戰於漢口水陸夾擊復漢口連克漢陽指日下武昌而世凱授總理內閣大臣遽令停攻復起魏光燾督湖廣士珍暫權段芝貴護又命祺瑞攝之時瑞激已久遁上海始以失守武昌潛逃出省偷生喪恥詔逮京下法部治罪而瑞激不顧也瑞激居上海四年病卒

清史稿

列傳二百五十八

四

論曰辛亥革命亂機久伏特以鐵路國有為發端耳宣懷實創斯議遂為首惡鄂變猝起瑞激棄城走當國優柔不能明正以法各省督撫遂先後皆不顧走者走變者變大勢乃不可問矣嗚呼如瑞激者豈以罪首尚何辭哉

續修四庫全書 史部 正史類

清史稿

列傳二百五十九

陸潤庠

世續

伊克坦

梁鼎芬

勞乃宣

沈曾植

陸潤庠字鳳石江蘇元和人父懋修精醫見藝術傳潤庠同治十三年一甲一名進士授修撰光緒初屢典試事湖南陝西皆再至入直南書房海瀾侍讀出督山東學政父憂服闋再遷祭酒典試江西以母疾乞養歸二十四年起補祭酒擢內閣學士署工部侍郎兩宮西巡奔赴行在授禮部侍郎充經筵講官擢左都御史管理醫局典順天鄉試充會試副總裁署工部尚書三十二年充釐訂官制大臣已而工部裁省以尙書兼領順天府尹事明年授吏部尚書參預政務大臣謂捐例開仕途雜膺民社者或不通曉文義因訂道府以下考試章程試不及格者停其分發設仕學館教習之潤庠爲陸賡後嘗奏進文集參以時事大意謂成規未可墨守而新法亦須斟酌行之若不研求國內歷史以爲

清史稿

列傳二百五十九

變通必至窒礙難行且有變本加厲之害宣統元年協辦大學士由體仁閣轉東閣大學士充弼德院院長皇帝典學充毓慶宮授讀兼顧問大臣疏陳曲阜篤生聖人之地今新建曲阜學堂必須闡明經術提倡正學若雜聘外人異言異服喧賓奪主將來聖教漸滅亦朝廷之憂又陳釐訂官制宜保存臺諫一職說者謂既有國會不須復有言官豈知議員職在立法言官職在擊邪議院開會不過三月臺諫則隨時可以陳言行政裁判係定斷於事後言官則舉發於事前朝廷欲開通耳目則諫院不可裁諸臣欲鞏固君權則亦不可言裁即使他時國會成立亦宜使該院獨立勿爲邪說所淆又言游學諸生於實業等事學成而歸者寥寥可數而又用非所學其最多者惟法政一科法政各國歧異悉就其本國人情風俗以爲制今諸生根柢未深於前古聖賢經傳曾未誦習道德風尚概未聞知襲人皮毛妄言改革甚且包藏禍心倡民權革命之說判國家與君主爲兩途布其黨徒潛爲謀主各部院大臣以爲朝廷銳意變法非重用學生不足以稱上旨遂乃邪說流行徧播中外久之必致根本動搖民生

清史稿 卷四七八

清史稿

列傳二百五十九

望炭又疏陳財用枯竭請酌停新政謂今日之害先由於督撫無權漸而至於朝廷無權庫儲之困難寇賊之充斥猶其顯而易見者也鎮兵之設也所用皆未經歷練之學生縮略則紙上空談作用則徒取形式甚至持不擊同胞之謬說一旦有事督撫非但不能調遣甚且反戈相向其不可用明矣則莫如停辦鎮兵仍取巡防隊而整理之審判之立也所授皆未曾聽訟之法官黑白混淆是非倒置舊時諳諫之老吏督撫不得用之散遣州縣捕役以緝盜責之巡警巡警無能也且不過省會及通商口岸有巡警豈能分佈鄉間將來必至徧地皆盜人民無可控訴則莫如停辦審判仍以聽斷緝捕歸之州縣諮議局之設也所舉皆不諳掌故之議員逞臆狂談箝制當道督撫莫能禁之於是借籌款之名魚肉鄉里竊自治之號私樹黨援上年資政院開議竟至執手漫罵藐視朝廷以辦給爲通才以橫議爲輿論蜩螗沸羹莫可究詰則莫如停辦國會仍以言事責之諫院學堂之設也所聘皆未通經史之教員其沿用教科書僅足啓發蒙蔽廢五經而不讀禍直等於秦焚暑假星期毫無拘束彼血氣未定者豈不結黨爲非又膳學費百倍於前致使貧寒聰穎之士流進身無路則莫如停辦中小學堂仍用經策取士凡此皆於財政有關而禍不備在財政使不早爲之所必至權柄下移大局不可收拾疏上多不報時建設立意內閣宰輔擁虛名而已武昌兵變官軍既克漢陽武昌且夕下而新內閣又成立總理大臣袁世凱議修和息戰禍取隆裕太后懿旨頒示天下改建國體於是遜位詔下矣潤庠以老賸辭授讀差奉懿旨仍照料毓慶宮給月俸如故授太保越二年病卒年七十五贈太傅諡文端潤庠性和易接物無崖岸雖貴服用如爲諸生時遇變憂鬱內結於胃而外不露及病篤竟日危坐瞑目不言亦不食數日而逝

世續字伯軒索勒豁金氏隸內務府滿洲正黃旗光緒元年舉人以議叙主事歷內務府郎中擢武備院卿授內閣學士二十二年爲總管內務府大臣兼工部侍郎二十六年各國聯軍入京兩宮西狩適遭父喪命留京辦事即日縗墨請聯軍請保護宮廷日爲宮中備飲饌並保壇廟首理藩院尙書調禮部兩宮

一〇三

回鑾賞黃馬桂轉吏部兼都統內務府三旗甲米向歸吏胥代領折價名曰米折所得甚微世續商之倉場飭旗丁自領米賦實惠繁呈四書圖說特旨褒嘉三十年以吏部尚書協辦大學士尋授體仁閣大學士三十二年命為軍機大臣歷轉文華殿大學士充憲政編查館參預政務大臣念八旗生計日艱奏設工藝廠俾習工藝身家德宗崩議繼體世續獨言國事艱危宜立長君不能用宣統改元以疾乞休三年復起原官仍兼總管內務府大臣及議遜位世續首贊之太后令磋商優待條件授太保接修崇陵工程加太傅丁巳復辟懼禍及力阻之事變亟入宿衛並以殮服自隨頻年以經費拮据支持尤苦纂修德宗實錄始終其事及書成已病不能起矣辛酉年卒年六十九增太師諡文端

伊克坦字仲平瓜爾佳氏滿洲正白旗人西安駐防光緒十二年進士以編修歷至都察院副都御史充滿蒙文學堂監督有請達海從祀文廟者伊克坦以達海制定國書繙譯經史有功聖教允宜附祀即為代奏略言學官立於漢京而配享實始於唐代宋元以來迭有增祀大率以闡明聖學有功經訓為斷漢

清史稿

列傳二百五十九

三

儒許慎特因說文解字功在經籍專隆升附我太祖高皇帝太宗文皇帝指授文臣創立國書傳譯經史宣布文教尤極千古未有之盛夫國書字體創自文臣額爾德尼及噶蓋等而仰承聖意彙集大成詳定頒行者實唯儒臣達海達海以鑿造貞元之佐擅閩通著述之才歷相兩朝瞻言百里其初奉命詳定國書重加圈點發明音義又以國書漢字對音未全於十二字頭之外有所增加而國書之用乃廣復定兩字切音之法較之漢文切音更為精富而國書之制乃備繙譯經典昭示羣倫功不在傳經諸儒下崇德十年既蒙賜諡文成康熙九年復奉賜文立碑隆德報功永受恩澤旋有學士阿理瑚奏請從祀文廟禮臣復奏以為創造國書一藝之長不當從祀未經議准查達海詳定國書字體實稟太宗指示而成作者為聖述者為明非唯羽翼六經抑且昭示百世部議謂僅一藝之長實未深知大體達海於聖經有表章之力於後學有津逮之功方今宗學旗學兼重國書並奉旨特設滿蒙文學堂於京師奉省亦經奏立八旗滿蒙文中學堂揆諸古者釋奠祭師之誼達海應得附祀核與漢儒許慎從

祀之例亦屬相符仰懇俯准達海附祀文廟並請敕建專祠於盛京以昭矜式查盛京東門外尚有達海墓墓後荒蕪碑刻剝落並請敕下所司修治看護用示朝廷崇尚實學蓋念儒臣之至意又代陳典學事宜略言伏讀雍正三年世宗憲皇帝諭帝王御宇膺圖成資典學我聖祖仁皇帝天聖聰明而好古敏求六十餘年孜孜不倦又嘉慶二十四年仁宗睿皇帝諭帝王之學在於貫徹天人明體達用以見諸施行與經生尋章索句者不同仰見列聖相承重視典學之至意我皇上睿哲性成聰明天縱冲齡踐祚洪業肇基當此春秋典學之時實為聖敬日躋之始伏維監國攝政王蕙陶德性輔養聖躬慎選侍從左右將護亦既淵冲翁受法戒靡遺唯是皇上一念之張弛係萬機之治忽一朝之規制係薄海之觀瞻有不得不慎之又慎者謹為我皇上詳晰陳之一請崇聖學易端蒙養禮重師教書述遜敏詩頌緝熙聖學精微非尋常科學範圍之所能及宋儒有言帝王之學與儒生異尚與我仁宗睿皇帝典學之諭用意正符今我皇上典學之初應定教學科目自應會通今古融貫中西不可拘於舊例

清史稿

列傳二百五十九

四

伏乞簡派儒臣詳細籌訂鑒成憲酌時宜毋徒陳進講之空文母虛循延英之故事庶足以開張聖聽裨益實聰以立聖學聖治之基一請擇賢傳舊制師傅向以大臣選充期於老成典型成就君德然或入官從政講學非其所長老師大儒潛德隱而勿耀而教育精深尤非研究有素不能取益擬請敕下內外大臣各舉所知勿拘資格略仿乾隆十四年詔舉經學人員成例擇其品端學粹教育卓著成績者請旨召用隆以師傅之任分門講教而仍派大臣總司其成俾專日講於經總不必更勞以職事其任彌專其責彌重其效彌速使天下曉然於尊師崇儒之意庶儒林有所矜式而聖德日進高明矣一請肅規制古者聖王教習必選端方正直道術博聞之士與之居處是以習與智長化與心成我皇上毓德方新始基宜固舊制選派內監伴讀似不足以肅學制而廣箴規擬請改選王公大臣之賢子弟朝夕侍從教學相長並參考學校制度建設講堂陳列圖書彝器觀摩肆習以收敬業樂羣之效以上三事僅舉大剛我皇上今日之言動起居罔有勿敬即異日之立政敷教罔有勿臧此尤根本之至計

不可不謹之於漸而慎之於始者也伏念朝廷廣勵人才振興教育旣使學子爭自濯磨皇上典學伊始益宜宏茲遠謨以慰天下士民之望宣統三年伊克坦與大學士陸潤庠及侍郎陳寶琛同奉命直毓慶宮朝夕入講遇事進言憂勤彌甚丁巳復辟潤庠已前卒寶琛為議政大臣伊克坦一不爭權位日進講如故及事變誓臨危以身殉伊克坦忠直有遠識主開誠布公集思廣益而左右慮患深務趨避時復相左伊克坦憂鬱遂久病日寄於酒癸亥卒年五十有八益文直

梁鼎芬字星海廣東番禺人光緒六年進士授編修法越事亟疏劾北洋大臣李鴻章不報旋又追論妄劾交部嚴議降五級調用張之洞督粵聘主廣雅書院講席調署兩江復聘主鍾山書院又隨還鄂皆參其幕府事之洞銳行新政學堂林立言學事惟鼎芬是任拳禍起兩宮西幸鼎芬首倡早進方物之議初以端方薦起用直隸州知州之洞再薦詔赴行在所用知府發湖北署武昌補漢陽撫安襄鄆荆道按察使署布政使奏請化除滿漢界限三十二年入覲面

清史稿

列傳百五十九

五

劾慶親王奕劻通賄請月給銀三萬兩以養其廉又劾直隸總督袁世凱權謀邁眾城府阻深能詭人又能用人自得奕劻之助其權威遂為我朝二百年來滿漢疆臣所未有引用私黨布滿要津我皇太后皇上或未盡知臣但有一日之官即盡一日之心言盡有淚淚盡有血奕劻世凱若仍不悛臣當隨時奏劾以報天恩詔責引疾乞退兩宮升遐奔赴哭臨越日即行時之洞在樞垣不一往謁也明年聞之洞喪親送葬南皮及武昌事起再入都直隸總督陳夔龍薦以三品京堂候補旋奉廣東宣慰使之命粵中已大亂道梗不得達遂病嘔血兩至梁格莊叩請景皇帝暫安之殿齋宿寢殿旁瞻仰流涕及孝定景皇后升遐奉安崇陵恭送如禮自願留守陵寢遂命管理崇陵種樹事旋命在毓慶宮行走丁巳復辟已臥病強起周旋事變憂甚逾年卒諡文忠徐坊字梧生山東臨清州人巡撫延旭子少納質為戶部主事光緒十年法陷諒山延旭逮問下刑部獄坊侍至京師入則慰母出則省延旭於獄橐餽之事皆自任之布衣蔬食言輒流涕延旭成新疆未出都卒坊扶柩歸葬徒行泥淖中道路歎

為孝子二十六年奔赴西安行在明年扈駕返以尚書榮慶薦超擢國子丞鄂變起連上五封事俱不報遷位詔下遂棄官旋命行走毓慶宮坊已久病力疾入直未幾卒諡忠勤

勞乃宣字玉初浙江桐鄉人同治十年進士以知縣分直隸查涿水禮王府園地力請減租蘇民困光緒五年初任臨榆日晨起坐堂皇治官書啓重門民有呼籲者立親訊之使閹者不能隔吏役吏役不能隔人民其後居官二十餘年皆如之曾國荃督師山海關檄司文案歷南皮等縣畿輔州縣遇道差成科於民有定額而官取其贏乃宣任蠡縣值謁陵事竣贏支應錢千餘緡儲庫備公用任完縣購書萬餘卷皮尊經閣任吳橋創里塾農事畢令民入塾授以弟子規小學內篇聖諭廣訓諸書歲盡始能先是寧津奸民陳二糾黨為州郡害土人稱曰黑團勢甚熾管至南皮劫殺乃宣會防營掩捕擒陳二及其黨數人磔於市黑團遂絕二十五年義和拳起山東蔓延於直東各境乃宣為義和拳教門源流考張示曉諭且申請奏頒禁止不能行景州有節小廷者匪首也號能

清史稿

列傳百五十九

六

降神乃宣飭役捕治縱士民環觀既受笞號呼不能作神狀梟示之匪乃不敢入境明年拳黨入京乃宣知大亂將作適調吏部稽勳司主事遂請急南歸浙撫任道鎔延主浙江大學堂尋入江督李興銳幕端方周馥繼任咸禮重之周馥從乃宣議設簡字學堂於金陵初甯河王照造官話字母乃宣增其母韻聲號為合聲簡字譜俾江浙語音相近處皆可通三十四年召入都以四品京堂候補充憲政編查館參議政務處提調宣統元年詔撰經史講義輪日進呈疏請造就保姆輔養聖德二年欽選資政院領學通儒議員法律館奏進新刑律乃宣攝其妨於父子之倫長幼之序男女之別者數條提議修正之授江甯提學使三年召為京師大學堂總監督兼學部副大臣遜位議定乞休去隱居涿水時士大夫多流寓青島德人財禮賢立尊孔文社延乃宣主社事著共和正解丁巳復辟授法部尚書乃宣時居曲阜以衰老辭卒年七十有九乃宣諡服儒先踐履不苟而於古今政治四裔情勢靡弗洞達世目為通儒著有遺安錄古籌算考釋約章纂要詩文稿

沈曾植字子培浙江嘉興人光緒六年進士用刑部主事事親孝母多疾醫藥必親嘗終歲未嘗解衣安臥遂通醫遂員外郎擢郎中居刑曹十八年專研古今律令書由大明律宋律統唐律上溯漢魏於是有漢律輯補晉書刑法志補之作曾植為學兼綜漢宋而尤深於史學掌故後專治遼金元三史及西北輿地南洋實邊沿革充總理衙門章京中日和議成曾植請自借英款創辦東三省鐵路時俄之章特西比利亞鐵路尚未建議也不果行母憂歸兩湖總督張之洞聘主兩湖書院講席卒亂啟曾植與盛宣懷等密商保護長江之策力疾走江鄂決大計於劉坤一張之洞而以李鴻章主其成所謂畫保東南約也旋還京調外交部出授江西廣信知府曾植為政知民情偽而持之以忠恕故事治而民親歷署督糧道鹽法道權安徽提學使赴日本考察學務三十二年署布政使尋護巡撫值江鄂皖三省軍會操太湖而適遭國郵羣情愴民一口數驚城外礮馬兵又譁變曾植聞之登城守禦檄協統余大鴻馳入江防楚材兵艦擊燬東門外礮兵壁壘黃鳳岐奪回菱湖嶼火藥局一日而亂定曾

清史稿

列傳二百五十九

七

植在皖五年重治人而尚禮治政無鉅細皆以身先其任學使廣教育設存古學堂又興實業創造紙諸廠會外人要我訂約開銅官山鑛曾植嚴拒之未幾貝子載振出皖境當道命藩庫支巨款供張曾植不允遂與當道忤宣統二年移病歸遜位詔下痛哭不能止丁巳復辟授學部尚書事變歸臥病海上壬戌冬卒年七十二著有海日樓文集

論曰辛壬之際世變推移莫之為而為其中蓋有天焉潤岸世續諸人非濟變才而鞠躬盡瘁始終如一亦為人所難者也乃宣曾植皆領學有遠識惓惓不忘卒憂傷憔悴以死嗚呼豈非天哉

清史稿

張勳

康有為

列傳二百六十

張勳字少軒江西奉新人少孤貧投効廣西軍預法越之戰累保至參將日韓毀敗隨殺軍防守奉天袁世凱練兵小站充管帶拳匪亂作統巡防營防勳叙功擢副將黃壯勇巴圖魯兩宮回鑾隨扈至京諭留宿衛授建昌鎮總兵擢雲南提督改甘肅皆不赴日俄戰後調奉天充行營翼長節制三省防軍賞黃馬褂旋命總統江防各軍駐浦口調江南提督武昌變起蘇州獨立總督張人駿將軍鐵良方與眾籌戰守有持異議者勳直斥之翌日新軍變勳與戰於雨花臺大破之江浙軍合來攻糧援皆絕乃轉戰退而屯徐州完所部人駁鐵良走上海命勳為江蘇巡撫攝兩江總督賞輕車都尉遜位詔下世凱遣使勞問勳答曰袁公之知不可負君臣之義不能忘袁公不負朝廷勳安敢負袁公世凱歷假勳定武上將軍江北鎮撫使長江巡閱使江蘇都督安徽督軍及建號勳首起抗阻並請優待皇室保衛官廷世凱卒各省有所謀羣集徐州推動主盟

清史稿

列傳二百六十

一

勳於是提兵北上叩謁宮門遂復辟連下詔令首領復政諭云朕不幸以冲齡繼承大業榮榮在疚未堪多難辛亥變起我孝定景皇后至德深仁不忍生民塗炭毅然以祖宗創垂之重億兆生靈之命付託前閣臣袁世凱設臨時政府推讓政權公諸天下冀以息爭弭亂民得安居乃國體自改共和以來紛爭無已迭起干戈強劫暴斂賄賂公行歲入增至四萬萬而仍患不足外債增出十餘萬萬而有加無已海內嚮然喪其樂生之氣使我孝定景皇后不得已遜政恤民之舉轉以重苦吾民此誠我孝定景皇后初衷所不及料在天之靈惻痛難安而朕深居宮禁日夜禱天傍徨泣不知所出者也今者復以黨爭激成兵禍天下洶洶久莫能定共和解體補救已窮據張勳等以國本動搖人心思舊合詞奏請復辟以拯生靈各等語覽奏請詞懇切實深痛懼既不敢以天下存亡之大責遂輕任於眇躬又不忍以一姓禍福之憂言置兆民於不顧權衡重輕天人交迫不得已允如所奏於宣統九年五月十三日臨朝聽政收回大權與民更始自今以往以綱常名教為精神之意法以禮義廉恥收潰決之人

心上下以至誠相感不徒恃法守為維繫之資政令以懲愆為心不得以國本為嘗試之具況當此萬象虛耗元氣垂危存亡絕續之交朕臨深履薄固不敢有樂為君稍稍有縱逸爾大小臣工尤當精白乃心滌除舊染息息以民瘼為念為民生留一分元氣即為國家延一息命脈庶幾危亡可救感召天庥所有與復初政亟應興革諸大端條舉如下一欽遵德宗景皇帝諭旨大權統於朝廷庶政公諸輿論定為大清帝國君主立憲政體一皇室經費仍照所定每年四百萬元數目按年撥用不得絲毫增加一懷遵本朝祖制親貴不得干預政事一實行融化滿漢畛域所有以前一切滿蒙官缺已經裁撤者概不復設至通婚易俗等事並著所司條議具奏一自宣統九年五月本日本日以前凡與東西各國正式簽定條約及已付借款合同一律繼續有效一民國所行印花稅一項應即廢止以紓民困其餘苛細雜捐並著各省督撫查明奏請分別裁撤一民國刑律不適國情應即廢除暫以宣統初年頒定現行刑律為準一禁除黨派惡習其從前政治罪犯概予赦免僅有自棄於民而擾亂治安者朕不敢赦一

清史稿

列傳二百六十

二

凡我臣民無論已否剪髮應遵照宣統三年九月諭旨悉聽其便凡此九條誓共遵守皇天后土實鑒臨之次諭議立意設內閣外官暫照宣統初年官制辦理其現任文武大小官員均照常供職先後命官以勳及陳寶琛劉廷琛等為內閣議政大臣次則內閣閣丞萬繩材胡嗣瑗大學士為瞿鴻禨升允顧問大臣趙爾巽陳夔龍張英麟馮煦等各部尚書梁敦彥張鎮芳雷震春沈曾植勞乃宣等侍郎李經邁李瑞清陳曾壽王乃徵陳毅顧瑗等丞參辜鴻銘生章棫黎洪枝梁用弧等都御史張曾敷副都御史胡思敬溫肅並召鄭孝胥吳慶坻趙啟霖及陳邦瑞朱益藩等均來京又以勳兼直隸總督北洋大臣仍留京各省督撫提鎮皆就現任者改之命下各省多不應而馬廠師起稱討逆軍傳檄討勳勳自請罷斥及攻都城勳與戰以兵寡不支荷蘭公使以車迎入使館旋赴津居久之卒年七十溢忠武勳元爽好客待士卒有恩所部數萬人無一斷髮者世指為辨子軍臨戰盡納家屬妻子女別室不聽避蓋自慰負國誓骨肉俱殉及事外人破戶劫之始脫云張彪字虎臣山西榆次人以武生歸撫

標巡撫張之洞器賞之權外委隨調鄂至兩江時新練陸軍充管帶監修江陰江防礮臺復還湖北充護軍管帶光緒二十三年奏派赴日本考查軍政歸督修漢口後湖隄工嗣漢陽兵工廠累保副將賞壯勇巴圖魯勇號兼常備軍鎮統授松潘總兵留充陸軍第八軍鎮統制官南北新軍會操於彰德賞花翎再會操太湖更勇號曰奇穆欽宣統二年擢湖北提督加陸軍副都統三年新軍變總督瑞澂棄城走彪率衛隊巷戰自夜至日午不能支退召水師瑞澂劾以構變潛逃詔革職圖後効復充湘豫鄂援軍總司令率殘軍保漢口禁衛軍及北洋軍南下督隊先驅屢有克捷既復漢陽還原官官軍請改共和要彪署名力卻之遂稱病去東渡日本歸寓津築張園自隱乙丑迎蹕駐園供張服用夙夜唯勤丁卯秋病篤見駕臨視已不能起強啟目含淚而逝年六十八康有為字廣廈號更生原名祖詒廣東南海人光緒二十一年進士用工部主事少從朱次琦遊博通經史好公羊家言言孔子改制倡以孔子紀年尊孔保教先聚徒講學入都上萬言書議變法給事中余聯沅劾以惑世誣民非聖無法請焚所著書中日議款有為集各省公車上書請拒和遷都變法格不達復獨上書由都察院代遞上覽而善之命錄存備省覽再請督羣臣以定國是開制度局以議新制別設法律等局以行新政均下總署議二十四年有為立保國會於京師尚書李端芬學士徐致靖張百熙給事中高燾曾等先後疏薦有為才至是始召對有為極陳四夷交侵覆亡無日非維新變舊不能自強變法須統籌全局而行之偏及用人行政上欵曰奈掣肘何有為曰就皇上現有之權行可變之事扼要以圖亦足救國唯大臣守舊當廣召小臣破格擢用並請下哀痛之詔收拾人心上皆聽之自辰入至日辰始退命在總理衙門章京上行走特許專摺言事旋召侍讀楊銳中書林旭主事劉光第知府譚嗣同參預新政有為連條議以進於是詔定科舉新章罷四書文改試策論立京師大學堂譯書局興農學獎新書新器改各省書院為學校許士民上書言事諭變法裁廢事府通政司大理光祿太僕鴻臚諸寺及各省與總督同城之巡撫河道總督糧道鹽道並議開懋勳殿定制改元易服南巡遷都未及行以抑格言

清史稿

列傳二百六十

三

路首違詔旨盡奪禮部尚書侍郎職舊臣疑懼羣起指責有為御史文悌復痛劾之上先命有為督辦官報復促出京上雖親政遇事仍承太后意旨久感外侮思變法圖強用有為言二月維新中外震仰唯新進驟起機事不密遂致害成時傳將以兵圍頤和園劫太后人心惶惑上殊諭銳等籌議調和有朕位且不能保之語語具銳傳於是太后復垂簾盡罷新政以有為結黨營私莠言亂政褫職逮捕有為先走免逮其弟廣仁及楊銳等下獄並處斬復以有為大逆不道構煽陰謀頒誅諭宣示並籍其家懸賞購捕有為已星夜出都航海南下英國兵艦迎至吳淞時傳上已幽廢且被弑行有為草遺言誓以身殉將蹈海英人告以訛傳有為始脫走亡命日本流轉南洋遍遊歐美各國所至以尊皇保國相號召設會辦報集資謀再舉屢遇艱險不少阻皆結富有會起事江漢皆為官兵破獲誅其黨連詔大索毀所著書閱其報章者並罪之初太后議廢帝稱病徵醫久閉瀛台且夕不測有為聞之首發其謀清議爭阻外人亦起責言兩江總督劉坤一言君臣之分已定中外之口難防始能廢立拳匪起以滅洋

清史稿

列傳一百六十

四

人殺新黨為號太后思用以立威遂肇大亂凡與有為往還者輒以康黨得奇禍宣統三年鄂變作始開黨禁戊戌政變獲咎者悉原之於是有為出亡十餘年矣始謀歸國時民軍決行共和廷議主立憲而有為規虛君共和之議以中國帝制行已數千年不可驟變而大清得國最正歷朝德澤淪浹人心存帝號以統五族弭亂息爭莫順於此內閣總理大臣袁世凱徇民軍請決改共和遂下遜位之詔有為知空言不足挽阻思結握兵柄者以自重頗遊說當局數年無所就丁巳張勳復辟以有為為弼德院副院長勳議行君主立憲有為仍主虛君共和事變有為避美國使館旋脫歸上海甲子移宮事起修改優待條件有為馳電以爭略曰優待條件係大清皇帝與民國臨時政府議定永久有效由英使保證並用正式公文通告各國以昭大信無異國際條約今政府擅改條文強令簽認復敢挾兵搜宮侵犯皇帝侮辱後妃抄沒寶器不顧國信倉卒要盟則內而憲法外而條約皆可立廢倘能立國乎皇上天下為公中外共仰豈屑與爭實為民國羞也明年移蹕天津有為來觀謁以進德修業親賢遠佞

為言丁卯有為年七十賜壽手疏泣謝歷叙恩遇及一生艱險狀悲憤動人時有為懷今感舊傷痛已甚哭笑無端自知將不起遂草遺書病卒於青島有為天資瑰異古今學術無所不通堅於自信每有粗論常開風氣之先初言改制次論大同謂太平世必可坐致終悟天人一體之理述作甚多其著者有孔子改制考新學偽經考春秋董氏學春秋筆削大義徵言考大同書物質救國論電通及康子內外篇長興學舍萬木草堂天遊廬講學記各國遊記暨文詩集等其門人張伯楨為彙刊萬木草堂叢書

論曰光宣兩朝世變迭起中國可謂多故矣其事皆分見於紀傳斷代為史辛亥以後例不能詳唯丁巳復辟甲子移宮實為遜位後兩大案而動與有為又與清室相終始亦不可遂沒其人明末三王及諸遺臣史皆勿諱今仿其體並詳著於篇庶幾考有清一代之本末者有所鑒焉

清史稿

列傳一百六十

五

清史稿

列傳二百六十一

吳三桂

吳三桂字長伯江南高郵人籍遼東父襄明崇禎初官錦州總兵三桂以武舉承父蔭初授都督指揮襄坐失機下獄擢三桂總兵守甯遠洪承疇出督師合諸鎮兵三桂其一也師攻松山三桂戰敗夜引兵去松山破承疇降三桂坐鑄三秩收兵仍守甯遠三桂祖大壽甥也大壽既降太宗令張存仁書招三桂不報順治元年李自成自西安東犯太原甯武大同皆陷又分兵破真定莊烈帝封三桂平西伯並起襄提督京營徵三桂入衛甯遠兵號五十萬三桂簡閱步騎遣入關而留精銳自將為殿三月甲辰入關戊申次豐潤而自成已以乙巳破明都遣降將唐通白廣恩將兵東攻深州三桂擊破之降其兵八千引兵還保山海關自成脅以書招之令通以銀四萬犒師道別將率二萬人代三桂守關三桂引兵西至深州聞其妾陳為自成將劉宗敏掠去怒還擊破自成所遣守關將道副將楊坤游擊郭雲龍上書睿親王乞師王方西征次翁後三桂

清史稿

列傳二百六十一

使至明日進次西拉塔拉報三桂書許之自成聞三桂兵起自將二十萬人以東執襄置軍中復遣所置兵政部尚書王則堯招三桂三桂留不遣越四日王進次連山三桂又遣雲龍齎書趣進兵師夜發踰甯遠次沙河明日距山海關十里三桂遣邏卒報自成將唐通出邊立營王遣兵攻之戰於一片石通敗走又明日師至關三桂出迎王命設儀仗吹螺偕三桂拜天畢三桂率部將謁王王令其兵以白布繫肩為識前驅入關自成兵橫亘山海關列陳以待王令諸軍向自成兵而陳三桂兵列右翼之末陳定三桂先與自成兵戰鬥數十合及午大風塵起咫尺莫能辨師噪風止武英郡王阿濟格豫郡王多鐸以二萬騎自三桂陳右突入騰躍摧陷自成方立馬高岡觀戰詔曰此滿洲兵也策馬下岡走自成兵奪氣奔潰遂北四十里即日王承制進三桂爵平西王分馬步兵各萬隸焉令前驅遂自成三桂執則堯送王所命斬之自成至永平殺襄走還明都塔襄家乘明都西走命三桂從阿濟格逐自成至慶都屢戰皆勝自成走山西乃還師世祖定京師授三桂平西王册印賜銀萬馬三明福王由松稱

清史稿 卷四八〇

帝南京使封三桂薊國公又遣沈廷揚自海道運米十萬銀五萬犒師三桂不受尋遣其侍郎左懋第都督陳洪範等使於我復齎銀幣勞三桂三桂仍辭不年克延安鄜州進攻西安自成以數十萬人迎戰三桂督兵奮擊斬數萬級自成出武關南走師從之自襄陽下武昌自成走死師復東徇九江八月師還賜緇朝衣一襲馬二命進稱親王出鎮錦州所部分屯甯錦中右中後中前屯諸地三桂疏言丁給地五响各所房屋灰燼地土磽薄請增給並為坤雲龍及諸將吳國貴高得捷等請世職屬吏童達行等乞優擢又以父襄母祖氏弟三輔並為自成所殺疏乞賜卹並如所請三桂辭親王下部議許之三年入覲賜銀二萬五年命與定西將軍墨爾根侍衛李國翰同鎮漢中六年明宗室朱森澤攻階州三桂與國翰督兵擊斬之有王永強者為亂破延安榆林等十九州縣延綏巡撫王正志靖遠道夏時芳死之復陷同官定邊花馬池三桂督兵克宜君同官擊斬七千餘級進克蒲城宜川安塞清澗諸縣誅永強所置吏定邊

清史稿

列傳二百六十一

榆林府谷皆下八年入覲賜金册印時明桂王由榔稱帝居甯甯張獻忠將孫可望李定國等皆降於明率兵擾川北諸郡縣命三桂偕國翰率師討之九年七月三桂與國翰遣兵西撫漳臘松潘東拔重慶進攻成都明將劉文秀棄城走復進克嘉定駐軍絲州文秀及王復臣復自貴州向四川招標擁為助陷重慶進破敘州三桂屢戰不利文秀復臣圍巡按御史郝浴於保甯浴趨三桂等赴援擊斬復臣文秀引兵走浴疏劾三桂擁兵觀望狀三桂搗疏中親冒矢石語劾浴冒功浴坐謫徙三桂敘功歲增俸千子應熊尚主為和碩額駙授三等精奇尼哈番加少保兼太子太保十四年可望反明攻由榔定國禦之可望敗走長沙來降詔授三桂平西大將軍與國翰率師徇貴州時大將軍羅託經略洪承疇等出湖南將軍卓布泰等出廣西三道並進三桂等發漢中道保甯順慶次合州破明兵收江中戰艦定國遣其將劉正國楊武守三坡紅關諸隘石壺關者尤險峻明兵阻關三桂令騎兵循山麓步兵陟其巔以礮發其伏明兵驚潰遂下遵義克開州會羅託等已克貴陽卓布泰亦自都勻安遠入信郡王

一〇九

多尼將禁旅至國翰還師遵義尋卒三桂馳與羅託等會於平越揚老堡議分道進兵三桂自遵義出天生橋聞白文選據七星關遂繞出烏撒土司境次霑益多尼師進曲靖敗文選卓布泰師進羅平敗定國十六年正月由榔奔永昌二月三桂與尚善卓布泰合軍克雲南會城破文選王龍關取永昌由榔走緬甸師渡潞江定國設伏磨盤山調知之分八隊迎擊斬殺過半取騰越追至南甸乃振旅自永昌大理姚安還明將馬寶李如碧高啟隆劉之復塔新策王會劉備馬惟興楊武揚威高應鳳狄三品等及景東蒙化麗江東江東川鎮雄諸土司先後來降多尼卓布泰等師還留固山額真伊爾德卓羅等分軍駐守而詔三桂鎮雲南命總管軍民事諭吏兵二部雲南將吏聽三桂勦陟定國求出由榔緬甸軍孟良元江土司那嵩與降將高應鳳舉兵應定國三桂督兵自石屏進圍元江逾月擊斬應鳳自焚死收其地為元江府十七年戶部疏言雲南俸餼歲九百餘萬議檄滿洲兵還京裁綠旗兵五之二三桂謂邊疆不甯不宜減兵力是時三桂已陰有異志其藩下副都統楊申說以先除由榔絕人望

清史稿

列傳一百六十一

三

三桂乃疏言前者密陳進兵緬甸奉諭若勢有不可慎勿強務詳審斟酌而行臣籌畫再三竊謂渠魁不滅有三患一難李定國白文選等分住三宣六慰以擁戴為名引潰衆肆擾其患在門戶土司反覆惟利是趨一被煽惑偏地烽起其患在肘腋投誠將士尙未革心萬一邊關有警若輩乘隙而起其患在腹理且兵糧取之民間無論各省餉運愆期即到演召買民方懸磬米價日增公私交困措糧之難如此年年召買歲歲輸將民力既盡勢必逃亡培養之難又如此惟及時進兵早收全局乃救時之計下議政王大臣會戶兵二部議令學士麻勒吉侍郎石圖如雲南諸三桂機宜乃決策進兵命內大臣愛星阿為定西將軍率禁旅南征三桂所部五丁出一甲甲二百置佐領積數十佐領以吳應麒吳國貴為左右都統分統之七月三桂疏請部勒降兵分置十營營千二百人以降將為總兵馬寶李如碧高啟隆劉之復塔新策將忠勇五營王會劉備馬惟興楊威吳子聖將義勇五營十月又疏請置援剿四鎮以馬甯沈應時王輔臣楊武為總兵皆允之三桂請拊循南甸隴川千崖蓋遠車里諸土司頒敕

印復檄緬甸令執由榔以獻定國文選屢攻緬甸求出由榔緬甸頻年被兵患苦之使告師破定國等請以由榔獻十八年三桂遣使緬甸刻期令於猛卯迎師遣副都統何進忠及應時審等率師出騰越道隴川三月至猛卯緬甸又與定國戰道阻既緬甸使至迎師會瘴發進忠等引還三桂以馬乃土司龍吉兆稱兵應定國遣寶起隆及游擊趙良棟等討之攻七十餘日破其寨斬吉兆以其地為普安縣九月瘴息三桂與愛星阿及前鋒統領白爾赫圖都統果爾欽遜塔等督兵攻大理復出騰越道南甸隴川至猛卯分兵二萬遣南輔臣別取道姚關鎮康孟定又慮蠻暮猛密二土司助定國阻我師後留總兵張國柱將三千人屯南甸為備十一月會師木邦文選毀錫箔江橋走茶山定國走景線三桂令甯等以偏師逐文選而與愛星阿趨緬甸復檄令執送山榔十二月師進次舊晚坡距緬甸都六十里緬甸使告請遣兵進次蘭鳩江濱扞衛乃遣白爾赫圖將百人以往緬甸逐執由榔及其母妻等送軍前甯等逐文選及於猛卯文選以數千人降師還康熙元年捷聞詔進三桂親王並命兼轄貴州召愛星阿率師還四月三桂執由榔及其子以弓絞殺之送其母妻詣京師道自殺定國尙往來邊上伺由榔消息三桂令提督張勇將萬餘人戍普洱沅江為備未幾定國走死猛臘三桂招其子嗣興以千餘人降明亡二年遣會等攻隴納山蠻破巢斬渠三年遣之復及總兵李世耀率兵出大方烏蒙攻水西土司安坤烏撒土司安重聖並擊斬之以其地設府隴納曰平遠大方曰大定水西曰黔西烏撒曰威甯四年奏裁雲南綠旗兵五千有奇五年復遣兵攻土司祿昌賢於隴箐取其寨數十進東悉定設府曰開化州曰永定三桂初以開關迎師位望出諸降將孔有德耿仲明尙可喜輩右有德專征定湖廣徇廣西李定國破桂林殉焉可喜與仲明子繼茂分兵定廣東福建而三桂功最高雲貴初定洪承疇疏用明黔國公沐英故事請以三桂世鎮雲南三桂復請敕雲南督撫受節制移總督駐貴陽提督駐大理據由榔所居五華山故宮為藩府增華崇麗繕沐天波莊田七百頃為藩莊假潯渠築城為名重權關市籠鹽井金銅鑛山之利厚自封殖通使達賴喇嘛互市北勝州遼東參四川黃連附子就

清史稿

列傳一百六十一

四

其地採運官爲之蠶收其直貨財充溢貨諸富買謂之潘本權子母斥其羨以
餌士大夫之無藉者擇諸將子弟四方賓客與肆武備謂以儲將帥之選部兵
多李自成張獻忠百戰之餘勇健善鬥以時訓練所轄文武將吏選用自擅各
省員缺時亦承制除授謂之西選又屢引京朝官各省將吏用以自佐御史楊
素蘊疏論劾三桂摘疏中防微杜漸語請旨詰素蘊素蘊覆奏言防微杜漸古
今通義事遂寢六年三桂疏言兩目昏昏精力日減辭總管雲貴兩省事下部
議如各省例歸督撫管理文吏由吏部題授雲貴總督卅三元雲南提督張國
柱貴州提督李本深交章陳三桂勞績請救仍總管得旨王以精力日減奏辭
若仍令總管恐其過勞如邊疆遇有軍事王自應經理尋進應熊少傅兼太子
太傅命赴雲南視疾仍還京師三桂益欲攬事權構釁苗蠻藉事用兵私割中
甸界諸番屯牧通商互市迨三元乞歸養甘文焜代爲總督不附三桂三桂詐
稱邊寇檄赴勦比至又稱寇退檄使還藩屬將吏士卒糜俸餼鉅萬各省輸稅
不足徵諸江南歲二千餘萬則連章入告羸不復請稽核是時可喜鎮廣東

清史稿

列傳二百六十一

五

繼茂子精忠鎮福建與三桂並稱三藩而三桂驕恣尤甚十二年二月上遣侍
衛吳丹扈塞立勞三桂賜御用貂帽圍龍裘青蟒狐腋袍束帶亦遣使賀可喜
可喜旋疏引疾乞歸老下部議請併移所部七月三桂亦疏請移藩並言所部
繁衆昔自漢中移雲南閱三歲始畢今生齒彌增乞賜土地視世祖時分界錦
州寧遠諸區倍廣庶安輯得所聖祖察三藩分鎮擅兵爲國患得三桂疏下議
政王大臣會戶兵二部議奏諸王大臣度三桂疏非由衷遽議遷徙必致紛紜
議移藩不便獨尙書米思翰明珠謂苗蠻既平三桂不宜久鎮議移藩便乃爲
二議以上一議移三桂山海關外別遣滿洲兵戍雲南一議留三桂鎮雲南如
故上曰三桂蓄異志久撤亦反不撤亦反不若及今先發猶可制也遂命允三
桂請移藩並諭如常用滿洲兵仍俟三桂奏請遣發卽令侍郎折爾肯學士傳
達禮齊詔諭三桂三桂初上疏度廷議未卽許冀慰留久鎮九月詔使至三桂
大失望與所部都統吳應麒吳國貴副都統高大節及其婿夏國相胡國柱謀
爲亂部署腹心扼關隘聽人不聽出與使者期以十一月己丑發雲南先三日

丙戌巡撫朱國治脅之叛不從榜殺之遂召諸總兵資起隆之復足法會屏
藩等舉兵反自號周王天下都招討兵馬大元帥蓄髮易衣冠幟色白步騎皆
以白氈爲幟執折爾肯傳達禮按察使李興元知府高顯辰同知劉崑不爲三
桂屈具楚毒徒置瘴地國柱及總兵杜輝柯鐸布政使崔之瑛等皆降三桂傳
檄遠近並致書平南靖南二藩及貴州四川湖廣陝西諸將吏與相識者要約
響應遣馬寶將兵前驅向貴陽李本深謀應之文焜馳書告川湖總督蔡毓榮
並趣折爾肯傳達禮從官郎中黨務禮員外郎薩穆哈主事辛珠筆帖式薩爾
圖速還京師告變三桂遣騎追之辛珠薩爾圖爲所殺文焜率數騎趨鎮遠鎮
遠副將江義已得三桂檄以兵圍文焜文焜死之寶兵至巡撫曹申吉總兵王
永清皆降十二月黨務禮薩穆哈至京師三桂反聞上以荊州咽喉地卽日
遣前鋒統領碩岱率禁旅馳赴鎮守尋命順承郡王勒爾錦爲甯南靖寇大將
軍率師討三桂分遣將軍赫業入四川副都統馬哈達擴爾坤駐軍兗州太原
備調遣並停撤平南靖南二藩王大臣等請速應熊治罪命暫行拘禁三桂兵

清史稿

列傳二百六十一

六

陷清浪衛統榮遣總兵崔世祿防沅州三桂兵至以城降復進陷辰州十三年
正月三桂僭稱周王元年部署諸將楊寶應陷常德夏國相陷澧州張國柱陷
衡州吳應麒陷岳州偏沅巡撫盧震棄長沙走副將黃正卿參將陳武衡以城
降襄陽總兵楊來嘉舉兵叛卽陽副將洪福舉兵攻提督佟國瑞擊破之走保
山寨皆應三桂受署置三桂自雲南至常德具疏付折爾肯傳達禮還奏語不
遜上命誅應熊及其子世霖諸幼子貧死入官六月命貝勒尙善爲安遠靖寇
大將軍與勒爾錦分道進兵是時雲南貴州湖南地皆入三桂通番市以茶易
馬結僱難助戰伐木造巨艦治舟師採銅鑄錢文曰利用所至掠庫金倉粟資
軍用勒爾錦師次荊州三桂遣劉之復王會陶繼智等屢以舟師攻勢陵勒爾
錦遣將屢擊敗之未卽渡江尙善師次武昌以書諭三桂降置不答三桂傳檄
所至反者四起提督鄭蛟麟總兵譚宏吳之茂反四川巡撫羅森降將軍孫延
齡以有德舊部反廣西精忠反福建河北總兵蔡祿反彰德三桂勢益張又遣
使與達賴喇嘛通好達賴喇嘛爲上書乞罷兵上弗許先後遣經略大學士莫

洛大將軍康親王傑書貝勒董額等四出征撫將軍阿密達擒誅之上趣尙善攻岳州三桂使吳應麒廖進忠馬寶張國柱柯鐸高起隆等分道拒戰又遣兵窺江西循江達南康陷都昌復自長沙入袁州陷萍鄉安福上高新昌諸縣上命安親王岳樂爲定遠平寇大將軍徇江西簡親王喇布爲揚威大將軍鎮江南時王輔臣已爲陝甘提督復以甯羌叛應三桂莫洛死之三桂遣其將王屏藩入四川與吳之茂合軍助輔臣上復趣尙善速攻岳州尙善疏請益兵未即進十四年正月上命岳樂自袁州取長沙岳樂遣兵先後克上高新昌東鄉萬年安仁新城諸縣復進克廣信饒州夏國相堅守萍鄉攻之不下上以岳樂師向湖南命喇布移鎮南昌三桂遣將率兵七萬禦羅三千防醴陵築木城以守又於岳州城外掘濠三重環竹木爲扉於洞庭湖峽口植叢木爲柵阻舟師陸軍築壘皆設鹿角重疊阻騎兵乃自常德赴松滋駐舟師虎渡口截勒爾錦尙善兩軍使不相應揚言將渡江攻荊州決隄以灌城分岳州守兵據彝陵東北鎮荆山令王會揚來嘉洪福等合兵陷穀城執提督馬胡拜攻鄖陽均州南

清史稿

列傳二百六十一

七

澤勒爾錦遣貝勒蔡尼守彝陵與都統宜理布等力禦之疏請益兵上責勒爾錦逗遛不許是歲察哈爾布爾尼叛上遣大將軍信親王鄂札副將軍大學士圖海擊破之十五年三桂遣兵侵廣東授之信招討大將軍時可喜已病篤之信遂降三桂別遣其將韓大任高大節將數萬人陷吉安上命喇布固守饒州岳樂攻萍鄉力戰破十二壘斬萬餘級國相引兵走乃克之師進復醴陵瀏陽復進攻長沙三桂遣胡國柱益兵以守馬寶高起隆自岳州以兵會三桂自松滋移屯嶽麓山爲長沙聲援又令大任高大節自吉安分兵犯新淦屯泰和復陷萍鄉醴陵斷岳樂軍後上嚴趣喇布援岳樂乃自饒州進復餘干金谿攻吉安大節將四千人來拒戰於大覺寺以百騎陷陳師左次螺子山大節復以少兵力戰喇布及副將軍希爾根倉卒棄營走師敗績會大任與大節不相能大節怏怏死喇布遣兵復圍吉安大任不敢出戰勒爾錦以三桂去松滋率兵渡江取石首遣貝勒察尼攻太平街三桂兵壘師敗績退保荊州是歲大將軍大學士圖海代董額征陝西輔臣降上令將軍穆占將陝西兵赴荊州康親王傑書

自浙江下福建精忠降之信亦遣使詣喇布降延齡聞亦願降三桂使從孫世琮襲桂林執而殺之掠柳州橫州平樂南寧十六年尙善分兵送馬三千益岳樂軍三桂邀奪於七里臺復遣兵援吉安與喇布軍相持穆占自岳州進與岳樂夾攻長沙克之三桂所遣援吉安諸軍皆引去大任棄城走吉安乃下三桂自嶽麓徙衡州分兵犯南安韶州並益世琮兵掠廣西十七年岳樂復平江湘陰三桂將林興珠率所將水師降穆占攻永興拔之並下茶陵攸鄧安仁興甯郴宜章臨武藍山嘉禾桂陽桂東十二城喇布亦與江西總督董衛國率師逐大任及於甯都大任敗走福建詣傑書降三桂遣馬寶胡國柱等攻永興都統宜理布護軍統領哈克山出戰死穆占與碩岱等力守是歲三桂年六十有七兵興六年地日蹙援日寡思竊號自娛其下爭勸進遂以三月朔稱帝改元昭武以衡州爲定天府置百官大封諸將首國公次郡公亞以侯伯造新歷舉雲貴川湖鄉試號所居舍曰殿瓦不及易黃以漆梁之構蘆舍萬間爲朝房築壇衡山行郊天卽位禮將吏入賀是日大風兩草草成禮而罷俄病噎八月又病

清史稿

列傳二百六十一

八

下利噤不能語召其孫世璠於雲南未至乙酉三桂死寶國柱攻永興方急聞喪自焚其壘引軍還衡州世璠應熊庶子留雲南奔三桂之喪至桂陽其下擁稱帝改號洪化倚方光琛郭壯圖爲腹心光琛三桂所署大學士壯圖封國公三桂初起兵其下或言宜疾行渡江全師北向或言直下金陵扼長江絕南北運道或言宜出巴蜀據關中塞殺函自固三桂皆不能用屯松滋與勒爾錦夾江而軍相持皆不敢渡江決戰既還援長沙晚乃欲通閩粵道糾精忠之信復叛攻永興未下而死吳國貴復議舍湖南北向爭天下陸軍出荆襄趨河南水軍下武昌掠舟順流據江左諸將俱重乘演黔馬寶首梗議乃罷上以勒爾錦頓兵荊州不進時尙善卒貝勒察尼代爲安遠靖寇大將軍攻岳州吳應麒守堅久未下詔將親征聞三桂死乃罷諸軍分道並進並救招撫陷賊官民察尼屯君山不能斷湖道至是造烏船百沙船四百餘配以兵三萬水師始成軍以貝勒鄂爾統之用林興珠策以其半泊君山斷常德道以其半分泊扁山香爐峽布袋口諸地陸軍屯九貴山斷岳州衡州道水陸綿亘百里岳州饑竭

援窮應麒與諸將江義巴養元杜輝駕巨艦二百乘風犯柳林嘴察尼令水師
掉輕舟越敵艦發礮擊之毀過半兵皆入水死應麒復將五千人犯陸石將軍
鄂訥前鋒統領杭奇率師擊之應麒敗走杜輝有子在師中通使約降事泄應
麒殺輝諸將日構隙陳華李超王度冲等以舟師降應麒收殘卒挾輜重潰圍
奔長沙胡國柱亦棄城與俱走察尼率師自岳州進克華容安鄉湘潭衡山諸
縣勒爾錦聞三桂死率師自荆州渡江三桂所部勒水師泊虎渡上游陸師屯
鎮荆山皆潰走分兵定松滋枝江宜都石門慈利澧州進克常德喇布率師入
衡州進取祁陽耒陽復進克寶慶是時吳國貴自衡州退屯武岡與馬寶俱吳
應麒自岳州退屯辰州胡國柱自長沙退屯辰龍關相犄角力守穆占師進克
永明江華東安道州復進取永州岳樂師自衡州復常寧攻武岡國貴以二萬
人據楓木嶺拒戰岳樂令林興珠與提督趙國祚督兵奮擊國貴死兵潰貝子
彰壽等遂至木瓜橋大破之武岡下上召岳樂還京師彰壽代爲定遠平寇大
將軍令與穆占議進取是歲將軍莽依圖等師徇廣西世琮走死十九年春將

清史稿

列傳二百六十一

九

軍趙良棟自略陽破陽平關克成都王進寶自鳳縣破武關取漢中王屏藩走
保寧師從之戰於錦屏山薄城屏藩自殺保寧下進克順慶將軍吳丹提督徐
治都自巫山克夔州重慶楊來嘉譚宏先後降察尼攻辰龍關山間道毀破之
克辰州楊寶蔭崔世祿皆降章泰師克沅州吳應麒胡國柱走貴陽上召勒爾
錦察尼還京師趣彰壽與穆占蔡毓榮等自沅州喇布自南寧吳丹趙良棟自
遵義三道並進世琮令應麒與王會高起隆夏國相合兵入四川掠瀘州敘州
進陷永寧譚宏復叛陷夔州上復趣彰壽速下貴陽命費塔爲平南大將軍盡
護廣西諸軍吳丹坐不援永寧罷命趙良棟盡護四川諸軍仍三道入雲南世
琮召會起隆國相自四川還援貴陽令馬寶胡國柱等掠四川十月彰泰師克
鎮遠世琮將張足法等敗走復進取平越克新添龍里二衛勦貴陽世琮與應
麒等奔還雲南貴陽與安順石阡都勻諸府並下世琮所署侍郎郭昌邱元總
兵戚世遠齊聘金文燾等率將吏百數十人兵一千三百有奇詣彰泰軍降師
復進世琮所署總兵蔡國昌平遠知府鄭開樞等以平遠降戰於永寧至難公

背世琮兵焚盤江鐵索橋走普安土司龍天祐永甯土司沙起龍禮廷試造浮
橋濟師二十年春世琮以高起隆爲大將軍與夏國相王會王永清張足法等
將二萬人拒彰泰復陷平遠屯城西南山上穆占與提督趙賴進擊破之起隆
等走會降復取平遠彰泰師進次安南衛世琮將線絨巴養元鄭旺李繼業以
萬餘人屯盤江西坡爲象陳師初戰爲絨等所敗越二日彰泰令總兵白成功
等進擊戰於沙子哨力門自午至酉師分隊奮進絨等夜走遣都統噶圖等逐
之至臘茄坡再戰絨等退保交水城克新興所普安州黔西四大定諸府皆下斬
世琮所署巡撫張維堅費塔師自田州進次西隆州世琮將何繼祖以萬人屯
石門坎守隘費塔督兵分隊進攻奪隘復安籠所繼祖退至新城所復與世琮
將詹養王有功等合兵二萬人屯黃草壩爲象陳堅守費塔督兵進力戰奪壩
二十二獲養有功俘兵千餘復進破曲靖取交水城絨等復走遂克馬龍州易
龍所揚林城彰泰師亦至兩軍會於嵩明二月進攻雲南會城屯歸化寺世琮
遣將胡國柄等將萬人爲象陳拒戰彰泰費塔督兵進擊大破之斬國柄及裨

清史稿

列傳二百六十一

十

將九俘六百餘追之薄城世琮將張國柱李發美等先後降臨安姚安大理鶴
慶麗江諸府悉下世琮召馬寶胡國柱夏國相等還救雲南上諭趙良棟等分
兵邀擊寶等寶自尋甸至楚雄屯烏木兵潰與巴養元趙國祚鄭旺李繼業耶
應璧等詣姚安降國柱自麗江鶴慶入雲龍州窮蹙自縊死夏國相自平越敗
後走廣西總兵李國傑遣兵圍之亦與王永清江義等出降世琮授趙良棟
師自夾江克雅州復建昌渡金沙江次武定復進次緜竹九月進與彰泰費塔
諸軍合時圍城已數月未下良棟議斷昆明湖水道主速攻督兵薄城圍之數
重線絨等謀執世琮及郭壯圖以降世琮與壯圖皆自殺十月戊申絨等以城
降穆占與都統馬齊先入城籍賊黨執方光琛及其子學潛從子學範磔於軍
前戮世琮尸傳首京師世琮所署將吏一千五百餘兵五千有奇皆降雲南貴
州四川湖廣諸省悉平上令宣捷詔赦天下二十一年春從議政王大臣請析
三桂骸傳示天下懸世琮首於市磔馬寶夏國相李本深王永清江義親屬坐
斬斬高啟隆張國柱巴養元鄭旺李繼業財產妻女入官三桂諸將馬寶王屏

潘最驍勇善戰實初為流賊降明桂王由榔為將桂王奔南甸寶隆於三桂為忠勇中營總兵三桂反率兵前驅盡陷貴州至湖廣南境諸郡縣封國公再入廣西一入四川敗走姚安詣希福軍降至是死屏藩亦三桂所倚任代高啟隆為忠勇左營總兵三桂反令入四川為王輔臣聲援自秦州退守保甯敗我師蟠龍山十九年師克保甯自殺諸專閫大將叛降三桂助亂者雲南提督張國柱貴州提督李本深總兵王永清副將江義四川總兵譚宏吳之茂湖廣總兵楊來嘉廣東總兵祖澤清而陝西提督王輔臣兵最強亂尤劇國柱副將來降從續順公沈永忠下湖南又從可喜定廣東累遷至提督三桂反授以大將軍封國公陷衡州圍長沙戰岳州皆國柱力師圍世璠乃自大理出降本深明總兵高傑甥傑死以提督代將降於豫親王多鐸授三等精奇尼哈番累遷至提督三桂反授以將軍彰泰師克貴陽出降永清以黔西鎮義以鎮遠協戕文焜先後附三桂至是同死洪初以明將降累遷至總兵三桂反與四川提督鄭蛟麟總兵吳之茂合謀叛蛟麟明都司自松山降三桂使犯漢中戰敗復出降

清史稿

列傳二百六十一

十一

洪獨力戰屢攻郎陽三桂授以將軍封國公洪死子天祕走萬縣久之始出降送京師是年五月磔死之茂與屏藩合軍援輔臣攻秦州力戰敗走松潘還與屏藩守漢中城下就擒送京師誅之來嘉初以鄭錦將降授總兵三桂反與副將洪福同叛三桂授以將軍來嘉屢攻南漳福屢攻均州勒爾錦帥渡江福先降來嘉敗走巫山復走重慶城下出降送京師未至死澤清大壽子以高州叛降三桂尚之信降澤清亦降俄復叛命之信討之克高州獲澤清及其子良楨送京師磔死輔臣初為盜號馬鶴子從姜瓖為亂降於英親王阿濟格尋以侍衛從洪承疇南征事承疇謹除總兵三桂留授授勳右鎮從入緬甸破桂王遷提督三桂反招使叛輔臣以聞授三等精奇尼哈番官其子繼貞經略大學士莫洛自陝西入四川以輔臣從次甯羌魯擊殺莫洛反三桂授以大將軍固原定邊臨洮蘭州同州諸將吏悉附大將軍貝勒董額討焉輔臣保平涼久不下大學士圖海代將督兵力攻乃出降詔復官爵加太子太保授靖寇將軍從圖海駐漢中輔臣內不自安與其妻妾縊獨不死圖海師還偕至西安一夕死

上不深罪但命停世襲龍繼貞官收精忠靖南王繼茂子順治中繼茂遣入侍世祖授以一等精奇尼哈番尚肅親王豪格女封和碩額駙康熙十年繼茂卒襲爵十二年疏請撤藩許之遣侍郎陳一炳如福建料理三桂反命仍留鎮召一炳還三桂以書招精忠精忠與潘下都統馬九玉總兵曾養性江元勳參領白顯忠徐文耀王世瑜王振邦蔣得鉉等謀應三桂獨九玉以為不可養性等皆贊之十三年三月發兵反養性督范承謨不屈執而幽之並及其實從眷屬巡撫劉秉政降精忠自稱總統兵馬大將軍蓄髮易衣冠鑄錢曰裕民通寶以養性顯忠元勳為將軍分陷延平邵武福甯建甯汀州諸府約三桂合兵入江西贛湖州總兵劉進忠擾廣東又招鄭錦發兵取沿海郡縣為聲援浙江總督李之芳聞亂出駐衢州遣副將王廷梅等四出禦戰上命將軍寶塔出浙江將軍希爾根出江西創精忠爵爵討仍遣郎中周襄緒借精忠護衛陳嘉猷齎敕招撫精忠留之軍中養性與林冲徐尚朝馮公輔沙有祥等將萬餘人出仙霞關陷江山平陽游擊司定猷縛總兵蔡朝佐以城降渡飛雲江攻瑞安不下移

清史稿

列傳二百六十一

十二

師攻溫州總兵祖宏勳以城降巡道陳丹赤永嘉知縣馬珙死之精忠授宏勳將軍眾至十萬陷樂清天台仙居嵊縣而寧海象山新昌餘姚諸縣土寇競起養性請於精忠官其渠使屯大嵐山擾紹興寧波破黃巖總兵阿爾泰降分兵犯金華精忠與其將周列王飛石榮明等陷廣信建昌饒州復合玉山永豐土寇東犯常山陷開化壽昌淳安遂安諸縣別遣兵攻徽州婺源祁門上令康親王傑書為奉命大將軍貝子傅喇塔為寧海將軍率師下浙江又以岳樂喇布兩軍為聲援將軍寶塔師次衢州養性自常山來犯寶塔同之芳遣兵擊卻之副將軍大寅戰常山斬精忠將張宏洪起元戰紹興復嵊縣鮑虎戰淳安擒飛石明復壽昌遂安養性尚朝等以五萬人攻金華副都統瑪哈達總兵陳世凱等與戰於木道山斬二萬餘級養性走天台十四年養性復以步騎數萬攻金華遣其將朱飛熊率舟師水陸並進傅喇塔擊斬飛熊養性退屯茂平嶺巡道許宏勳擊破大嵐山土寇斬其渠傅喇塔督兵自開道出茂平嶺背養性兵潰復黃巖樂清養性走保溫州傅喇塔督兵合圍瑪哈達擊敗尚朝公輔有祥等

復處州穆赫林擊敗林冲復仙居喇布以兵助將軍額楚定徽州婺源祁門將軍希爾根亦復建昌饒州岳樂師次南昌諭精忠精忠以護書答之上復遣其弟衆忠齋救諭降至衢州精忠拒不納精忠母周氏阻精忠母叛精忠不聽周氏憤死精忠攻衢州戰屢敗以馬九玉爲將軍率兵屯江山而鄭錦兵至據泉漳諸地與精忠構殺尙可喜請援上令喇布自江西下廣東精忠遣其將邵連登等擾建昌進攻撫州贛州三桂兵陷袁州吉安相犄角阻師行尙之信亦叛十五年春傳喇塔自黃巖進攻溫州力戰屢破敵學養性憑江拒戰累月未能薄城上趨傑書自金華至衢州下福建八月傑書與資塔之芳督兵擊九玉戰於大溪灘九玉敗走克江山招仙霞關守將金應虎降遂入關拔浦城鄭錦兵侵興化將及福州精忠勢漸蹙謀出降先使人戕承讓及其客嵇永仁等傑書師進次建陽書諭降精忠答書請宣詔赦罪師復進克建甯次延平精忠遣其子顯祚及襄緒嘉猷出迎師傑書使齋教宣示精忠乃出降請從軍討錦自效傑書以聞詔復爵以其弟昭忠爲鎮平將軍駐福州命精忠從軍討錦錦敗還

清史稿

列傳二百六十一

十三

臺灣乃移師趨潮州進忠出降令精忠駐焉養性在溫州屢出戰傳喇塔督兵擊破之養性墮水復入城困守精忠降亦降仍爲藩下總兵十六年遣顯祚入侍授散秩大臣藩下參領徐鴻弼等使赴兵部具狀許精忠降後尙蓄逆謀昭忠亦以鴻弼等狀聞上留中未發十七年上令精忠還福州以其祖及父之喪還葬是秋三桂死傑書疏請誅精忠上諭曰今廣西湖南四川俱定賊黨引領冀歸正者不止千百驟誅精忠或致寒心宜令自請來京庶事皆實貼十九年精忠請入覲上以九玉爲總兵轄藩下兵昭忠衆忠又疏劾精忠上乃下鴻弼等狀令法司按治緊精忠於獄遣衆忠赴福州宣撫所部是歲之信以悖逆誅二十年雲南平二十一年法司具獄上上諭廷臣欲寬之大學士明珠奏精忠負恩謀反罪浮於之信乃與養性顯忠元勳進忠文耀世瑜振邦得茲並磔於市顯祚宏勳等皆斬乘政速詣京師道死尙之信平南王可喜子順治中可喜遣入侍世祖以可喜力多入侍可喜元子順治中可喜之子可喜之子可喜佐軍事之信酣酒嗜殺可喜老病營別宅以居號令自擅十二年可喜用其客

金光策上疏請以二佐領歸老海城而以之信襲爵留鎮光浙江義烏人佐可喜久以捕佛山亂民江賜勳功授鴻臚寺卿銜屢以之信暴戾狀告可喜爲可喜謀冀得見上自陳上以可喜疏下部議令併移所部遣尙書梁清標如廣東料理三桂反命可喜仍留鎮召清標還總兵劉進忠以潮州叛可喜遣次子之孝率兵討之上授之孝平南大將軍而命之信以討寇將軍銜協謀征剿鄭錦遣兵助進忠總兵祖澤清復以高州叛孫延齡將馬雄引三桂將董重民李廷棟王宏勳等陷雷廉二郡之孝退保惠州十五年春可喜病益劇之信代治事三桂招可喜藩下水師副將趙天元總兵孫楷宗相繼叛之喜遂降三桂遣兵守可喜藩府戒毋白事殺光以徇能之孝兵使侍可喜可喜以憂憤卒三桂授之信招討大將軍輔德公旋進號輔德親王而以重民爲兩廣總督駐肇慶謝厥扶者故艇戶以繪船數百附馬雄天元之叛厥扶實誘之三桂亦授以將軍使與重民水陸相援應屢檄之信出兵之信賂以庫金十萬乃不復相促迫之信旋遣使詣喇布軍具疏請立功贖罪上敕慰諭之十六年之信復疏請救趣

清史稿

列傳二百六十一

十四

喇布軍入廣東之信密獻重民所部兵噪索饑乘間擒重民擊敗厥扶走入海乃遣副都統尙之琰迎師疏言閩屬歸正並請敘藩下總兵王國棟長史李天植等襄贊功時方多故而可喜有大勳上優容之命之信襲平南親王國棟等復舊職之信使入貢上諭曰昔爾先人在時屢獻方物比年事變信使弗通每念爾先人忠貞不二爲國忘家朕甚愍焉王克承先志遣使遠來朕見物輒念爾先人王其安輯粵東以繼爾先人未盡之志賞獻細務勞人費事今當暫止是年秋三桂遣其從孫世琮據廣西巡撫傅宏烈率師討之復梧州潯州規取桂林之信令總兵尙從志以三千人從上令之信自韶州進取宜章柳州永州之信不赴將軍莽依圖攻韶州擊敗三桂將馬寶胡國柱等上命之信移師梧州又不赴十七年春上以莽依圖深入廣西命之信策應之信仍以高雷廉三郡初定疏請留鎮省城上乃命發兵應莽依圖之信遣國棟率兵赴宜章及三桂死之信乃請自進廣信命爲奮武大將軍從師並進十八年天元出降之信疏請誅之師進次橫州自言病作遽還上命以所部從莽依圖並進之信令藩

下總兵時應運率以往及莽依圖將攻桂林留應運守南甯三桂兵據武宣之信又疏言海寇宜防將召應運還上復諭趣之十九年春之信乃自將攻武宣之信與之孝不相能以之孝嘗典兵不欲其居廣州疏請遣還京師之信殘暴猜忌醉輒怒執佩刀擊刺又屢以鳴鏑射人楷宗叛復降上貸其罪之信杖殺之護衛張永祥為之信齋疏請京師上召見授總兵之信故阻抑復屢辱以鞭筆怒護衛張士選語忤射之殘其足諸護衛皆不平國棟與副都統尙之璋總兵齊天祚密謀圖之信巡撫金偽疏言之信凶殘暴虐猶存異志臣察其左右俱義憤不平因密約都統王國棟等共酌機宜之信旦夕就擒乞救議行誅以爲人臣懷二心者戒國棟亦上疏自述與偽之璋天祚合謀圖之信又代之信母舒氏胡氏疏言之信怙惡不悛有不臣之心恐禍延宗祀乞上行誅上諭趣之信出師之信既赴武宣承祥士選詣京師告變上遣侍郎宜昌阿以巡視海疆至潮州諭將軍賚塔移師並令總督金光祖提督哲爾肯副都統金榜選總兵班際盛傳詔逮之信之信與光祖榜選際盛等攻克武宣之信入城光祖等

清史稿

列傳二百六十一

十五

屯城外得國棟檄合兵圍城傳詔逮之信之信就逮還廣州上疏自辨上令削爵逮詣京師藩下兵駐廣西訛言師至雲南即分置城守衆情恟懼上命宜昌阿賚塔宣慰諭七月宜昌阿將以之信赴京師天植怒國棟發難白之信母與之信弟之節之璜之瑛召國棟議事伏兵殺之賚塔率兵捕治天植自服造謀之信不與聞護衛田世雄言之信實使天植殺國棟獄上上命賜之信死之節之璜之瑛天植皆斬舒氏胡氏貸其罪並母籍沒世雄以不先發坐杖流上復諭宜昌阿曰之信雖有罪其妻子不可凌辱當護還京師又令察能之信諸虐政所部十五佐領改隸漢軍駐防廣州之信初叛提督嚴自明附之自明明參將降從總督孟喬芳征撫陝甘又擊張獻忠破桂王有功授三等阿哈尼哈番之信遣攻南康敗走南安先之信降授鑾儀使病死孫延齡漢軍正紅旗人父龍從孔有德來歸授二等阿思哈尼哈番從有德廣西有德以女四貞字延齡及有德死事龍亦戰死加拖沙喇哈番以延齡襲四貞尙幼還京師孝莊皇后育之宮中賜白金萬歲俸視郡主長命仍適延齡有德所部諸將線國安功

最高國安與有德同起事借來降從入關西破李自成南破桂王累擢廣西提督駐南甯李定國陷桂林盡殺其孥國安與總兵馬雄全節力戰復桂林走定國累加太子太保征蠻將軍封三等伯統有德舊部駐桂林康熙五年以老乞休上以延齡有德塔四貞生長軍中習騎射通武事乃授延齡鎮守廣西將軍代國安統有德舊部予四貞郡主儀仗偕赴鎮延齡漸驕縱十一年御史孟一士劾延齡擅除武職兵部既駁奏延齡復疏請恣肆不臣上命申禁十二年所部都統王永年副都統孟一茂參領胡同春李一第等列延齡縱兵殃民狀牒總督金光祖光祖以聞上遣侍郎德洪按治得實請逮延齡治罪特命寬之三桂反上授延齡撫蠻將軍起國安都統時節已前卒雄代國安爲提督命與巡撫馬雄鎮合謀勦禦十三年二月延齡舉兵反殺永年一茂同春一第幽雄鎮及其眷屬詔奪官爵聲討延齡乃上疏言光祖雄誘永年等謀害上審其誣諭尙可喜與光祖籌策進攻延齡自稱安遠大將軍移牒平樂梧州諸郡雄與總兵江義亦以柳州叛應三桂國安病死延齡招致萬羊山土寇與所部合設

清史稿

列傳二百六十一

十六

五鎮鎮兵二千俄又自稱安遠王慶陽知府傳宏烈當三桂未反疏發諸不軌事謫成蒼梧延齡既叛授以將軍宏烈說延齡迎師四貞尤力勸之十六年延齡遣宏烈迎師江西三桂謂知之使從孫世琮率兵逼桂林執殺延齡四貞督兵禦戰世琮乃留其將李廷棟成桂林出掠平樂潯州橫州南甯宏烈還至平樂延齡將劉彥明徐洪鎮徐上遠等擒斬廷棟與國安子成仁並出降四貞還京師雄亦從定國南征有功授二等阿思哈尼哈番既與義叛義偕嚴自明攻南康敗走雄旋病死維谷子承蔭出降進伯爵授左江總兵十九年二月復叛給宏烈登舟襲破其營殺之六月復降詣京師論死義奪官放還原籍論曰聖祖初親政舉大事書殿柱即首三藩可喜乞歸老曷嘗言撤藩撤藩自廷議實上指也三桂反精忠等響應東南六七行省皆陷寇上先發兵守荊州阻寇毋使遠北分遣禁旅屯太原兗州江甯南昌首尾相顧次第漸進千里赴門而師不勞三桂白首舉事意上方少諸王諸將帥佐開國者皆物故變起且恒援及聞上從容指揮軍報迅速闕外用命始歎非所料制勝於廟堂豈不然

欺上不欲歸各建議撤藩諸臣三桂等奉詔能鎮亦必曲意保全之惜乎三桂等未能喻也

清史稿

列傳二百六十一

十七

清史稿

洪秀全

列傳二百六十一

洪秀全廣東花縣人少飲博無賴以演卜游粵湘間有朱九疇者倡上帝會亦名三點會秀全及同邑馮雲山師事之九疇死衆以秀全爲教主官捕之急乃往香港入耶穌教藉抗官旋借雲山傳教至廣西居桂平時秀全妹婿蕭朝貴及楊秀清韋昌輝皆家桂平與相結納貴縣石達開亦來入教秀全嘗患病詭云病死七日而蘇能知未來事謂上帝召我有大劫惟拜上帝可免凡會中人男稱兄弟女稱姊妹欲人皆平等託名西洋教自言通天語謂天父名耶和華耶蘇其長子已爲次子嗣是輒臥一室禁人窺伺不進飲食歷數日而後出則謂與上帝議事衆皆駭服復造寶話眞言諸僞書密爲傳布潛蓄髮藏山菁間嗾人分赴武宣象州藤縣陸川博白各邑誘衆入會初粵西歲饑多盜湖南雷再浩新寧李沅發復竄入爲亂粵盜張家福等各率黨數千四出俘劫秀全乘之與楊秀清創立保良攻匪會練兵籌餉歸附者益衆桂平知縣誘而執之

清史稿

列傳二百六十一

搜獲入教名冊十七本巡撫鄭祖琛不能決遂釋之秀全既出獄秀清率衆迎歸招集亡命貴縣秦日綱林鳳詳揭揚海盜羅大綱衡山洪大全皆來附有衆萬人馮雲山讀書多智計爲部署隊伍攻守方略以歲值丁未應紅羊之讖遂乘勢倡亂於金田禱鄭祖琛職起前雲貴總督林則徐爲欽差大臣往督師則徐薨於途以兩廣總督李星沅代之赴廣西剿寇竄平南恩旺城副將李殿元擊却之復回撲巡檢張鏞不屈死仍遁金田星沅檄清江協副將伊克坦布往攻被圍陣亡星沅檄鎮遠總兵周鳳岐往援戰一晝夜斃寇數百圍始解上以寇勢日熾命前漕運總督周天爵署廣西巡撫乃請提督向榮專勦金田咸豐元年秀全僭號爲天王縱火焚其城盡驅衆分擾桂平貴武宣平南等縣入象州上命廣州副都統烏蘭泰會討以大學士賽尚阿爲欽差大臣率都統巴清德副都統達洪阿馳防烏蘭泰至象州三戰皆捷疏言粵西寇衆皆烏合惟東鄉僭號設官易服蓄髮有大志兇悍過羣盜實腹心大患周天爵主滾營進逼驅諸羅浚洞盡殲之向榮不謂然檄貴州鎮總兵秦定三移營大林堵北竄

象州道定三亦不奉命四月秀全自大林逸出走象州犯桂平新城賽尙阿增調川兵募鄉勇合三萬人分兵要隘一日戰七勝斬捕二千寇仍遁新城七月竄紫金山山前以新城爲門戶後以雙髻山猪仔峽爲要隘巴清德與川楚鄉勇出其後上下奪雙髻山寇大潰屯風門均向榮率諸軍三路攻之陣斃章昌輝弟章亞孫章十一等始遁走我軍追之會大雨軍仗盡失閏八月寇分二路東走藤北犯永安陷之遂僭號太平天國秀全自爲天王妻賴氏爲后建元天德以秀清爲東王軍事皆以決蕭朝貴西王馮雲山南王韋昌輝北王石達開翼王洪大全天德王秦日綱羅亞旺范連德胡以晃等四十八人任丞相軍師僞職時官軍勢勝寇知不可敵有散志秀清獨建策封王以羈縻之勢燼而復熾九月大軍移陽朔會攻永安賊分屯莫家村烏蘭泰建中軍旗於秀才嶺上植一紅蓋下埋地雷誘敵燔殺四千大軍乘之遂克莫家村二年正月大兵圍永安燬東西礮臺二月石達開分兵爲四敗我軍於壽春營進破古東沖小路關僞丞相秦日綱由水竇屯仙回嶺烏蘭泰分兵夾擊斃寇數千擒僞天德王清

則張三十六燈他船稱是數十里火光不絕如晝遂東下十一月陷漢陽十二月攻武昌時楊秀清司軍令李開芳林鳳詳羅大綱掌兵事值武漢二江屆冬水涸乃擄船作浮橋環以鐵索直達省城分門攻之向榮馳至約城內夾攻巡撫常大淳慮城啓有失不許地雷發城遂陷秀全出令民人蓄髮束冠巾建高臺小別山下演說弔民伐罪之意三月上以賽尙阿久無功授兩廣總督徐廣縉爲欽差大臣時石達開攻武昌廣縉逗留岳州不敢進上責其罪更以向榮爲欽差大臣日夜攻之急寇棄武昌駕船東下衆號五十萬資糧軍械子女財帛盡置舟中分兩岸步騎夾行進向九江下黃州武昌蕪水等十四州縣抵廣濟縣下武穴鎮兩廣總督陸建瀛率兵二萬餘船千五百艘上溯遇寇不戰而走前軍盡覆建瀛狼狽還金陵寇薄九江而下收官軍委乘礮仗破安慶巡撫蔣文慶死之寇奪銀米無算水陸並進抵金陵沿城築壘二十四具戰船起新州大勝關進逼至七洲里止晝夜環攻掘地道城守兵潰亂建瀛易服走爲寇所戕將軍祥厚偕副都統崔隆武等守滿城二日城陷皆死之城內男女死

洪大全檣送京師礮之市時大雨如注烏蘭泰提精卒入山山路滑寇乘我軍陣未定短兵衝突遂大敗秀全從楊秀清謀由孫山馬嶺間道徑撲桂林烏蘭泰率敗卒追之城南將軍橋受重創卒於軍三月賊徑趨廣西省城向榮先一時繞道至省寇踵至已有備相持不能拔解圍而北馮雲山羅大綱先驅陷興安全州將順流趨長沙浙江知縣江忠源禦之蓑衣渡馮雲山中礮死寇退走道州道州俗悍多會匪所至爭爲效死勢復張六月陷江華寧遠嘉禾七月陷桂陽州江忠源躡至一戰走之趨彬州蕭朝貴以膽智自豪謂羣寇遲悞又調長沙守兵單可襲而取也乃率李開芳林鳳詳由永興茶陵醴陵趨長沙設幕城南八月蕭朝貴攻南門官兵擊之瘞尸埋老龍潭後起出梟其首秀全聞朝貴死自郴州至督攻益急九月掘隧道攻城屢不獲遂十月秀全於南門外得僞玉璽稱爲天賜魯衆呼萬歲遂夜渡湘水由回龍塘竄寧鄉抵益陽協民船數千出臨資口渡洞庭陷岳州城中舊儲吳三桂軍械至是盡以資寇寇入長江旬日間奪五千艘始捕貨財盡驅之滿載秀全駕龍舟樹黃旗列巨礮夜

者四萬餘聞童子三千餘人洩守城之忿秀全既破金陵遂建僞都擁精兵六十餘萬羣上頌稱明代後嗣首謁明太祖陵舉行祀典其祝詞曰不肖子孫洪秀全得光復我大明先帝南部疆土登極南京一遵洪武元年祖制軍士夾道呼漢天子者三頌登極制誥大封將卒王分四等侯爲五等設天地春夏秋冬六官丞相爲六等殿前三十六檢點爲七等殿前七十二指揮爲八等炎水木金土正副一百將軍爲九等炎水木金土九十五總制爲十等炎水木金土正副一百監軍爲十一等前後左右中九十五軍帥爲十二等前後左右中四百四十五師帥爲十三等前後左右中二千三百七十五旅帥爲十四等前後左右中一萬一千八百七十五卒長爲十五等前後左右中四萬七千五百兩司馬爲十六等又自檢點以下至兩司馬皆有職同名目其制大抵分朝內軍中守土三途朝內官如掌朝門左右史之類名目繁多日新月異軍中官爲總制監軍軍帥帥旅帥卒長兩司馬凡攻城略地皆以國宗或丞相領軍而練士卒分隊伍屯營結壘接陣進帥皆責成軍帥由監軍總制上達於領兵大帥以

清史稿

清史稿

取決焉其大小相制臂使指應統系分明其得馭衆之道守土官爲郡總制州縣監軍鄉軍帥鄉帥旅帥鄉卒長鄉兩司馬凡地方獄訟錢糧由軍帥監軍區畫而取成於總制民事之重皆得決之自都金陵分兵攻克府廳州縣遂即其地分軍立軍帥以下各官而統於監軍鎮以總制監軍總制受命於僞朝自軍帥至兩司馬爲鄉官鄉官者以其鄉人爲之也軍帥兼理軍民之政師帥旅帥卒長兩司馬以次相承皆如軍制此外又有女官曰女軍師女丞相女檢點女指揮女將軍女總制女監軍女軍帥女卒長女管長卽兩司馬也共女官六千五百八十四人女軍四十四女兵十萬人而職同官名目亦同總計男女官三十餘萬而臨時增設及恩賞各僞職尙不在此數也其軍制每一軍領一萬二千五百人以軍帥統之總制監軍監之其下則各轄五師帥各分領二千五百人每師帥轄五旅帥各分領五百人每旅帥轄五卒長各分領百人每卒長轄四兩司馬每兩司馬領伍長五人伍卒二十人共二十五人其陣法有四曰牽陣法凡由此至彼必下令作牽陣行走法每兩司馬執一旗後隨二十五人

清史稿

列傳二百六十二

四

齊偃瞬息千里皆伏地不見敵軍見前寂無一卒詭異徘徊賊伏半時忽一旗立千旗齊立急趨撲敵往往轉敗爲勝其營壘或夾江夾河浮筏阻山據村市及包敵營爲營動合古法每數營必立一望樓瞭敵守城無布帳每五梁架木爲板屋木牆土牆亦環皮板屋地當敵衝則澆重濠築重牆濠務寬深密插竹簽重牆用雙層板片約以橫木虛其中如複壁中填沙石壘土築二重牆築物無定或密排樹株或積鹽包糖包及水浸棉花包異常堅固其攻城專恃地道謂之鼉翻土營而外又有木管金管組織諸匠各營以指揮統之其總制至兩司馬皆如土營之制立水營九軍每軍以軍帥統之但未經訓練不能作戰專以船多威敵而已其旗幟亦有差等僞東王黃綢旗紅字綠線方一丈以下皆黃綢旗紅字而以綠別如僞西王白綠僞南王紫綠僞北王黑綠僞翼王藍綠其尺丈長闊則以五寸遞減豫王燕王皆黃綢尖旗紅字水紅綠國宗黃綢尖旗紅字其綠視何王國宗卽從何色皆長闊八尺侯黃綢尖旗長闊七尺八寸丞相黃綢尖旗長闊七尺五寸檢點黃綢尖旗長闊七尺以上皆紅字水紅綠

清史稿

列傳二百六十二

五

百人則間卒長一旗五百人則間旅帥一旗二千五百人則間師帥一旗一萬二千五百人則間軍帥一旗軍帥監軍總制乘輿馬隨行一軍盡一軍續進寬路則令雙行狹路單行魚貫以進凡行軍亂其行列者斬其牽線行走時一遇敵軍首尾蟠屈鉤連頃刻彗集收則聞鼓金方退仍牽線以行不得斜奔旁逸曰螳螂陣乃三隊平列陣也中一隊人數少兩翼人數多其法視敵軍分幾隊卽變陣以應之如敵軍僅左右隊卽以中隊分益左右亦爲兩隊如敵軍前後各一隊則分左右翼之前鋒爲一隊以後半與中一隊合而平列爲前隊接應如敵軍左右何隊兵多則變偏左右翼以與之敵如敵軍分四五隊亦分爲四五隊次第迎拒其大陣包小陣法或先以小隊警敵後出大陣包之或詐敗誘敵追伏兵四起以包敵軍窮極變化至於損左益右移後置前臨時指揮操之司令兵士悉視大旗所往而奔赴之無敢或後曰百鳥陣此陣用之平原曠野以二十五人爲一小隊分百數十隊散布如星使敵軍驚疑不知其數之多寡敵軍氣餒卽合而攻之曰伏地陣敵兵追北至山窮水阻之地忽一旗偃千旗

兩司馬黑輜至金陵始建宮室毀總督署復擴民居以廣其址役夫萬餘窮極奢麗雕鏤螭龍鳥獸花木多以金爲之僞王皆建僞府馮雲山蕭朝貴早授首其子亦襲封建府其宗教制度半效西洋日登高殿集衆演說與人民以自由權解婦人拘束定僞律六十二條最爲慘酷然行軍嚴搶奪之令官軍在三十里外始準擄劫若官軍在前有取民間尺布百錢者殺無赦於安慶大星橋設椎關撥礮船十艘環以鐵索木筏橫截江濱以防偷漏九江蕪湖及沿江州縣岔河小港地當衝要者一律設立僞卡徵收雜稅此其建國大略也既都金陵欲圖河北羅大綱曰欲圖北必先定河南大駕駐河南軍乃渡河至皖豫一出否則先定南九省無內顧憂然後三路出師一出湘楚一出漢中疾趨咸陽以徐揚席捲山左再出山右會獵燕都若懸軍深入犯險無後援必敗之道也且既都金陵宜多備戰艦精練水師然後可戰可守若待粵之拖苦成集長江則運道梗矣今宜先備木筏堵截江面以待戰艦之成猶可及也秀清方專政不納乃遣僞丞相林鳳詳李開芳羅大綱曾立昌率衆東下秀全詔之曰師行間

清史稿

列傳二百六十二

六

道疾趨燕都無貪攻城奪地廢時日大綱語人曰天下未定乃欲安居此都其能久乎吾屬無類矣二月林鳳詳等陷鎮州揚州令吳如孝等留守分據浦口瓜州諸隘向榮既復武昌羅冠而東抵金陵軍孝陵衛是謂江南大營都統琦善亦以欽差大臣率直隸陝西黑龍江馬步諸軍揚州城外是謂江北大營三月向榮破通濟門寇壘占七橋壘奪獲鍾山圍殲寇無算遂移大營逼城而軍四月漕運總督楊殿邦進攻揚州毀城外木城土壘東路寇悉避入城琦善勝保先後督攻五戰皆捷風詳留立昌踞揚城驅婦女及所劫貨財運回金陵率二十六軍北竄分擾滁州踞臨淮關陷鳳陽府其酋朱錫珪黃益芸等別率悍黨犯浦口攻六合知縣溫紹原率鄉團拒之夜火其營寇遁回金陵五月大兵圍揚州殺敵逾萬勝保自揚州躡其後力攻鳳陽寇遁河南楊秀清遣僞丞相古文元由浦口竄亳州借林鳳詳陷永城犯開封省官兵擊破之又敗之汜水寇奔黃河渡口溺死無算楊秀清遣僞豫王胡以冕陷安慶又遣僞丞相賴漢英石祥貞攻九江湖口進圍南昌湖北按察使江忠源馳援江西入城固

守鳳詳等自汜水敗退犯鄭州燹陽六月圍懷慶以地道攻城不克鎮江寇出城撲我軍戰北固山下伏寇縱火七營皆被焚鄧紹良退守丹陽都司劉廷鏞等督潮勇馳援寇退入城復獲丹徒鎮劉廷鏞復擊退之向榮檄總兵和春與劉廷鏞紫徒陽連河之新豐鎮寇始不敢南竄常州獲安寇之圍懷慶也立木柵爲城深溝高壘我兵相持幾至六旬訥爾經額親督諸將分五路攻壘毀其木柵斃敵曾古文元鳳詳受重創解圍而遁河北肅清八月鳳詳竄山西陷平陽直抵洪洞竄直隸踞臨洺關擾至深州賴漢英等解南昌圍入湖北踞田家鎮之半壁山九月踞入楚要隘水陸並進陷黃州其竄深州者旁擾樊城十月竄天津踞靜海屯獨流楊柳青諸鎮漢陽之寇分股北竄一陷孝感黃坡諸縣一由應城犯德安府爲防兵所遏合衆退黃州秦日綱等陷安徽桐城舒城侍郎呂賢基死之舒城既失賊遂徑撲廬州陷之廬州者安徽文武大吏之所倚寓以爲省治者也十一月秀全以揚州鎮江攻圍急遣賴漢英等領江西衆糾合儀徵黨援揚州又令安徽甯國灣沚進薄高淳湖鏡伺東塘圍解鎮江之圍

清史稿

列傳二百六十二

七

我軍均擊退之寇復由三汊河進撲死戰不退揚州寇曾立昌突出與賴漢英同竄瓜洲上以寇擾長江非立水師不能制其死命乃命在籍侍郎曾國藩練鄉勇創水師討寇初寇圍南昌城外寇壘僅文孝廟數座官軍屢攻不能克郭嵩燾偶獲諜訊之則寇皆舟居其壘則環三面築牆而虛其後專蔽舟楫而已嵩燾因與江忠源議曰東南州縣多阻水江湖遇風一日可數百里官軍率由陸路躡寇其勢常不及長江數千里之險獨爲敵有且寇上犯以舟楫而官軍以營壘禦之求與一戰而不可得宜寇勢之日昌也忠源即具疏請飭湖南湖北四川仿廣東拖船式各造戰艦數千飭廣東製備礮位以供戰艦之用並交曾國藩督帶部署奉旨允行國藩遂治戰船於衡湘至是始成共募水勇四千分爲十營募陸勇五千亦分十營以塔齊布爲軍鋒國藩親統大軍發衡州水陸夾江而下初鎮江揚州儀徵瓜州四處寇互相應援不得破十二月琦善以揚州寇退瓜州勢孤督軍攻復儀徵乘勝追抵瓜州楊秀清遣胡以冕率黨十餘萬攻廬州巡撫江忠源晝夜抵禦以衆寡不敵城陷死之四年正月黃州寇

張道高會總督吳文鎔出其不意襲之會大雪罷戰越數日秀清分兵設伏山崗命其黨率城軍撲營文鎔拒戰伏起火發十三營皆潰文鎔死之賊乘勝遂陷漢陽二月揚州軍進剿瓜州總兵羅騰龍陣亡寇遣偽將孫寅山陷太平府踞爲巢自瓜州結壘屬於江以達金陵往來不絕秀清復遣石祥貞會漢黃寇黨溯江而上陷岳州溯流至銅官渚逼近長沙會國藩邀之靖港而寇已由間道襲湘潭副將塔齊布率兵千三百同水師血戰五晝夜斃寇數萬論者謂微此戰寇湖湘源以達粵直下金陵首尾一江相貫注大局不可支矣是月參贊大臣僧格林沁攻克獨流寇巢靜海寇復竄據阜城僧格林沁攻毀堆村連村林家場三處寇壘禽殺偽指揮監軍以下一百餘人悉遁入城秀全念河北不能支遣皖黨山豐豆工偷渡黃河竄山東金鄉進撲臨清州冀抒阜城之困三月寇以地雷陷城尋爲我軍攻復竄冠縣縣城復據曹縣築木城拒守四月勝保破其巢追至漫口支河逼溺水偽丞相曾立昌許宗揚皆溺死偽副丞相陳世保已先於冠縣燒斃悉數殲除踞阜城者即於是日全股南竄入連鎮僧格

清史稿

列傳二百六十二

八

林沁及勝保會軍合剿破之誅林鳳詳復破之高唐州馮官屯生禽李開芳磔之京市河北肅清是後不復北犯我軍遂無後顧憂初長江爲寇往來道荊州當四路之衝至省道梗特召荊州將軍官文統軍討寇時沔陽安陸荊門監利京山天門均陷進窺荊州雲南普洱營游擊王國才奉調至一戰敗之重鎮始安並克復監利宜昌寇遁洞庭湖合股犯常德府先是李侍賢常與陳玉成李秀成謀解金陵圍犯江西福建偽啟王梁成先犯陝西後與捻合欲犯湖南河南而陳玉成志在武昌漢陽乃領一隊入梁子湖達武昌渡江分犯以全力圍武昌六月陷之並踞漢陽巡撫青麟自縊不死棄城走尋正法秀全以秦日綱留守武昌授玉成爲殿右十八指揮還陷田家鎮破廣濟黃梅連陷九江升爲殿右三十檢點楊秀清雖在軍而金陵之事一決於己驛騎絡繹多稽時日向榮軍孝陵衛稱江南勦旅秀清身之既克武昌遂馳還金陵命石達開代守武漢官文自荊州下勦克沔陽初寇欲先取長沙踞上游爲破竹之勢而韋志俊略湘潭不得志退踞岳州築壘毀橋意圖久抗我軍水師設伏誘敗之七月復

清史稿

列傳二百六十二

九

岳州寇由城陵磯來犯我軍分五路迎擊斃偽丞相汪得勝等二人獲船七十六艘賊千餘人塔齊布陣斬悍酋偽丞相曾天養閏七月寇奔城陵磯塔齊布策馬率湘勇直入毀營十三斃二千人陸軍既勝會國藩飭李孟羣率水師追剿荆河東西兩岸寇壘悉夷自此由荆入川由岳州入湘門戶始固初武昌失陷上以楊需代總督台勇克京山安陸復天門生禽孔昭文等正法餘皆下竄踞沔陽州仙桃鎮是月破其巢並收復下游孝感黃州麻城諸縣寇悉竄黃州時金陵寇分股嘯聚於太平府與鎮江遙爲應援向榮分兵四隊擊之斃其偽國宗章得玲偽檢點陳贊見偽將軍李長有偽總制吳春和遂復府城楊秀清日率戰圍軍不利三路皆潰退入城謂韋昌輝等曰江南大營不走吾輩無安枕日矣現其勢方銳不可敵也當乘其能徐圖之金陵寇以乏糧驅婦女之老而無色者出城聽其自散盡取年十五以上五十以下之婦女指配給衆不從則殺之守志者多自盡死者萬計八月總督楊需收復黃州府屬蕪水廣濟羅田諸縣會國藩自克岳州後議乘勝東下先與塔齊布會攻崇陽克之生禽偽丞相金之亨等十一人惟廖二逃竄復旬結餘黨重失縣城國藩親督水陸諸軍攻武昌漢陽寇守城之法不守陣而守險洪山花園兩路皆精銳所在大軍自螺山下勦楊載福等率水師羅澤南率陸師三路同進連克寇壘焚毀敵船數千李孟羣塔齊布進薄武昌寇宵遁楊昌泗亦攻漢陽克之黃州府城武昌縣均收復九月提督和春敗寇廬江禽偽監軍任大綱等十七名下游知官軍分路進剿乃由田家鎮糾黨六千餘一由興國分抄大冶以拒武昌軍一踞興國以拒金牛軍羅澤南馳至興國敗之克州城塔齊布赴大冶擊斃千餘彭玉麟楊載福抵蕪州燒寇船九十餘艘十月楚軍攻牛壁山寇置橫江鐵鎖四道攔以木牌徧列槍礮楊載福等率水師至田家鎮會陸師進攻乘風縱火破其壘燔舟一萬有奇陳玉成棄蕪州竄廣濟聯合秦日綱羅大綱等分扼要隘塔齊布渡江追之收復廣濟寇退踞黃梅黃梅爲湖北江西安徽三省總匯之區寇死拒以萬餘守小池口抗水師以數萬拒大河埔以萬餘紮北城外又以數千游弋聯絡之塔齊布與羅澤南登山下擊兜殺陳玉成縋城而逸遂克黃

梅玉成自請罪而秀成反加偽勳號曰成天裕時捻匪起粵寇與之聯合或令分擾或令前驅以牽制我軍秀成由廬州踞舒城並扼桐城大小二關阻我南路之師二關為安慶通衢屢復屢失京堂袁甲三檄參將劉玉豹舉人臧紆青等戰奪兩關斬其目吳鳳珠等十二名進抵桐城廬江寇糾安慶黨來援我軍兜戮殆盡而潛山援寇復至臧紆青歿於陣十一月國藩進軍九江玉成自黃梅敗後復糾安慶新到之眾踞孔龍驛小池口與對岸九江相向連李孟羣七戰七捷塔齊布與羅澤南等由北岸進至淮港進攻孔龍驛破土城縱火焚街市寇無得脫者小池口寇聞之亦遁乃調陸軍攻九江水師乘勝攻湖口大網趨救大戰梅家洲燈小河解船沙洲橋壘十二月蕭捷三率水師馳入鄱陽湖內追至大姑塘石達開聯船為卡斷其後捷三不能返遂與外江水師隔絕達開潛以小舟馳襲國藩坐船國藩跳入羅澤南營以免大軍之攻九江也敗寇收合潰散分三道東陷黃梅值歲除潛至廣濟火楊需大營需突圍出不敢入武昌走保德安五年正月江蘇巡撫吉爾杭阿克上海縣縣自三年秋陷於清 史 稿 列傳二百六十二

賊至是始復秀全令皖寇大舉犯湖北中道自小池口沿江陷黃蘄復分黨從富池渡江西陷興國通城崇陽咸甯通山且掠江西武甯甯所至魯衆以行湖北巡撫陶恩培甫蒞任數日時總督在外未及議守備城中兵僅二千徵兵半途聞警皆潰去湖北江西方千里旬日騷然矣始寇之起所行無留難其踞省府脅取民財米行道掠人夫不用則遣還未嘗增衆及屢敗乃結土寇屯城鎮頗收拔悍鷙者而任用石達開陳玉成等極稱得人之盛自漢口進襲河上犯漢川擾沔陽進犯武昌踞漢陽府城沿江築壘並於漢陽下南岸蕭高築礮臺以阻下游之師時江西寇入腹地陷饒州國藩親至南昌修整內湖水師與羅澤南陸軍相依二月章國宗等攻陷武昌巡撫陶恩培等死之寇溯漢江而上以岳家口仙桃嶺為老巢上以胡林翼巡撫湖北國藩進吳城鎮屢書與議東南大勢以武昌據金陵上游宜厚集兵力為恢復計四月陷德安府楊需退走襄陽上襪其職以官文為湖廣總督國藩屯南康思整軍出江謀進取然寇已由都昌陷饒州別由東流建德窺樂平屯景德鎮東犯祁門休甯諸處而湘軍僅

萬餘人水陸分為四李孟羣等水師回援武昌塔齊布留攻九江羅澤南入江西攻饒州國藩收蕭捷三水師三營屯南康羅澤南奔走往來克廣信府收景德寇之踞徽州者與土匪相結據險以抗我軍浙軍出境擊寇復徽州乘勝克休甯黟縣婺源生禽偽將軍兩司馬等八名秀全命北固山鎮江瓜州金山四路約期進犯揚州托明阿伏兵九洲洲迎擊破之斷鐵鎖船練焚船三百諸路寇被創而遁饒州之寇分據樂平德興弋陽江西軍率水陸師往剿寇出五隊來撲不克而奔郡城立復秀全以金陵山三山為濱江要區以精卒守之水師不能上駛托明阿督水師總兵吳全美沿江掃蕩焚船二百餘艘拖岩快蟹等船二十五艘大小礮八十餘尊生禽偽先鋒陳長順等六十一名吳全美乘勢上山踞平營卡江西蕭清水師始棹行無阻五月秀全謀襲金口斷楚軍糧道林翼督軍屢戰斬其偽丞相陳大為等進屯紙坊逼省城小東門寇潛自他門出掠林翼建議先攻漢陽扼沮口蔡店要隘絕竄湘之路開潯江隄以水師腹背攻之則漢陽可破而鄂省咽喉已通不難併力於武昌矣初寇由府河入

湘所過州邑悉殘破無完土復為官文伏軍所狙擊分途潰退六月收復雲夢應城二城者府河出入要道也寇失之大恐我軍進攻德安斷其出入寇始不敢窺伺荆襄七月塔齊布卒於軍寇陷義甯國藩遣羅澤南出奇兵復之寇嚴守襄河蔡店上通德安下達漢鎮互為應援十二月彭玉麟克蔡店水陸並進毀襄河鐵索浮橋蹋平南岸敵巢而下游塘角漢陽大別山營壘焚毀殆盡德安之寇益蹙林翼既克蔡店而漢川為蔡店後路寇據此游行衝突德安亦資以通聲氣林翼與官文會軍克復漢川武漢首尾始聯絡一氣蕪湖之陷幾二載矣江皖往來道梗寇以為上下關鍵水則聯艦陸則礮臺我軍屢攻不能拔是月向榮督軍分道擊之縣城始復楚南軍亦攻復湖口都昌八月按察使李孟羣守金口崇甯寇句結武昌城黨分道來撲陸營失守林翼亦敗於麥山退保大軍山寇勢復熾分擾漢陽並繞道襲陷漢川九月官文林翼檄調羅澤南援武漢澤南上書請率所部以行謂得武昌乃可控制江皖屏蔽江西而後內湖外江聲息可通攻九江始操勝券國藩從之乃部署援師五千人自義甯趨

通城寇聞我軍至桂口分衆來援設木城重濠自固澤南會軍克之進攻崇陽桂口寇退入崇陽密約通山來援桂口與湖南江西湖北交界形勢與衍米糧充足僞偽丞相鍾曾義常敗後踞此修土木城跨山引澗袤斜六里欲踞一隅以擊三省之師伺隙而動澤南移得勝之兵先奪是隘進克崇陽焚寇壘馳赴羊樓司扼敵上竄十月克復廬州州陷已三年矣守之者爲僞豫王胡以晃與我軍大小數百戰死傷萬餘皆受創而去是月始克之其據德安者衆不過數千恃武漢爲下游奧主襄府二河羣賊衆我軍勝東挫西疲於奔命至是官文督兵力戰守城寇黨陸長年馬超羣潛赴大營投誠約爲內應值大風雨放火開門納師遂復其城時寇之牽制我軍者三路自隨州至襄陽爲北路武昌上下爲南路漢川中路尾潛沔首德安爲尤要屢收屢陷官文督軍分四道齊集漢川克之遂率兵東下與林翼合謀武漢石達開自安慶率三萬人上援武昌澤南會林翼夾攻連克蒲圻咸寧至金口會攻武昌破城外敵壘駐軍洪山寇之踞武昌者城外大壘八小壘二林翼與戰澤南襲之破大壘一小壘二李

清史稿

列傳一百六十二

十二

孟羣亦薄攻漢南與官文軍相聲援水師往來南北燒敵船都興阿以馬隊護之羣帥輯和寇益不得逞漢陽城外自他山沿河而下敵船林立上游入江之梁子湖下游金牛鎮羣寇赴援水陸各軍督勇犁集掃穴武漢外患至此盡除秀全以瓜鎮屢挫敗圖往援十一月出龍脖子等處向榮飭張國樞收之仙鶴門甘家巷又戰七霞街僞丞相周少魁等四十名追至石埠橋敵二千餘逃入城不敢復出秀全於對江九洲築石壘深濠悉銳守之爲金陵屏蔽寇竄江北以此爲出路屢攻之未下也六合知縣溫紹原克其壘後復爲寇據同治二年始復之瓜州鎮江一水相望兩城往來無阻並時有合竄揚州圍北犯意揚州軍與瓜州相持已二年餘托明阿以日戰無效諭士民築長圍於瓜州之北以扼之至是圍成寇水路分撲大敗去奪其輝船生禽僞參護鄭金柱等十名吉爾杭阿既克上海移軍鎮江是月營小九華山又於黃鶴山京畿嶺築城置礮臺以逼之並爲地道轟城寇死拒不得入十二月無爲寇糾合安慶蕪湖諸黨東下圍解鎮江之圍蕪湖下至揚州沿江汊河套港皆寇通敵向榮

檄水師派江會攻敗之神塘河又敗裕溪口援寇於陶陽浦生禽僞檢點趙元發僞將軍王化興等數十名十二日秀全遣李秀成等援鎮江我軍禦之石埠橋尋由江州下竄下蜀街先是楊秀清調上游蕪湖江北和舍及廬州衆還江甯統以李秀成及僞丞相陳玉成僞春官丞相涂鎮興僞夏官副丞相陳仕章僞夏官正丞相周勝坤取道棲霞石埠而豫遣城寇四出絀我軍向榮大營存兵不敷分布檄蕪湖鄧紹良分軍爲張國樞秦如虎應援令吳全美以師船攻大勝關以分敵勢明安泰嚴堵秣陵關咨吉爾杭阿等守丹陽以固蘇常要隘初澤南既去江西石達開乘虛復入義寧敗江西官軍陷新昌瑞州臨江袁州安福分宜萬載江西湖北隔絕軍勢不能復振曾國藩飛調副將周鳳山統九江全軍往援遇寇樟樹鎮以鈎連槍敗其籐箆手並會水師燬敵船新淦寇聞風竄走遂復其城六年正月石達開陷吉安乃由湖北入通城達開悍而多詐肆掠江西不急犯省城不直指南康先旁收郡縣偏置僞官迫其土民劫以助逆因糧因兵愈蔓愈廣其陷瑞州者爲僞檢點賴裕新先陷袁州者爲僞裕王

清史稿

列傳一百六十二

十三

胡以晃先攻臨江後攻吉安者爲僞春官丞相張遂謀廣東土匪入江西者以周培春黨爲衆又匪目葛耀明鄧象等均於瑞州入達開大股之中匪目王義潮劉夢熊分屯吉安泰和亦與達開合併爲一達開久居臨江爲上下適中之地凶悍之衆皆萃於此南則窺伺贛州南安以通粵匪北則踞守武甯新昌以通九江達開進攻南昌周鳳山以九江全軍守樟樹鎮時達開衆才數千餘乃張燈火山谷間爲疑兵率敢死士乘夜來襲我軍不戰而潰鳳山走南昌國藩亦移軍省城秀全益以皖贛諸事付達開尋陷進賢東鄉安仁破撫州未幾建康南昌相繼失澤南念國藩艱危日夜憂憤督戰益急秦日綱嬰城待援士卒多傷亡陰穴城爲突門會達開率九江援黨至開城迎之澤南要之突門寇出直衝澤南軍澤南三退三進軍幾潰槍丸中左額收軍還創發而殺以李續賓領其衆續賓初建議分屯竊曾絕寇糧既代澤南仍屯洪山以游兵巡蕪湖塘角間古隆阿率萬人來援武昌約城寇舉燧爲識林翼謀知伴舉火城寇出陷伏大敗達開援衆號十萬林翼分水陸力戰焚敵船七十平八十壘武昌寇大

窘城守益固而江西請師日數至義甯寇復犯崇通九江寇合興國大冶土寇自武昌縣進至葛店謀襲巡撫大營林翼以江西待援分軍四百人以國藩弟國華統之率劉騰鴻劉連捷等道義甯收咸甯蒲圻崇陽通城上高湖南所遣援軍將劉長祐收萍鄉蕭啟江收萬載國藩命李元度收東鄉周鳳山等收進賢劉子淳收豐城五月畢金科將千人防饒州陷旋收復黃虎臣將三千五百人攻建昌遇寇死六月彭玉麟收復南康七月劉騰鴻至瑞州戰寇走之是時江西列縣陷者四十餘城廣東和平土寇犯定安定遠信豐長甯上猶崇義等郡省城不能救軍報數月不相聞瑞州居江湖之衝有南北城中隔一河劉騰鴻援南城章昌輝自臨江來援至北城遽挑戰騰鴻乘其弊攻之從北岸渡河抄其後南城兵角其前寇大敗至是江湖路通自長沙以至南昌無道梗憂寇自陷吉袁瑞臨諸府大修戰船議秋問圍攻省城瑞臨寇船出而下湖口寇船入而上困我水師復於生米口築立堅壘七月由松湖帶戰船三十餘艘陸寇千餘將抵瑞河口我水師偵知豫釘排楫寇甫至我軍衝入縱火焚之復

清史稿

列傳二百六十二

十四

堵城寇於臨江口焚其船學生米口之寇聞之亦遁八月劉騰鴻等收臨川偽指揮黃某收復靖安安義寧都土寇襲陷建昌鉛山貴溪圍廣信浙將饒廷選赴援寇遁走時江西寇勢浩大黨類衆多欲以全力困江西自去年十一月至本年二月以石達開爲主三四五月以黃玉崑爲主六七月以章昌輝爲主九月則林啟容瑞州則賴裕新湖口則黃文金撫州則三檢點建昌則張三和袁州則李能通皆劇寇也統計江西境內近十萬人九月國藩視師瑞州李元度以撫州不克饑益繼乃分軍略旁縣募糧且分寇勢遂收宜黃復崇仁是日城寇出攻江軍林原恩敗死元度突圍免撫州軍俱潰元度移屯貴溪十月復陷宜黃崇仁分陷金溪福建援軍將張從龍援建昌軍潰特詔起黃冕知吉安府率軍往以國藩弟國華爲軍主當是時江西軍分爲四湘軍最強國藩居水軍中劉長祐屯袁州派隊攻克分宜援寇路絕十一月僞將李能通敗西門納官軍袁州復國荃收安福江西諸軍稍振初武昌久不下林翼謂戰易攻難以分兵牽寇斷其援路爲要是月唐訓方等敗石達開於葛店寇增召戰艦復犯葛

店蔣益澧總六營往逆戰克之追奔至樊口合水師燔其船入武昌縣城石達開憤樊口之敗大集黨萬餘由廣濟蕪水黃岡至漢鎮密約僞丞相鍾某堅守以待官文獲其僞謀令都興阿多隆阿馬步兜擊寇大潰我軍乘勝攻黃州不能克舒興阿舒保等將馬隊四百人渡江寇於青山魯港間增十三壘相持水陸合擊破之追奔至葛店寇懼於騎軍乃大奔自是水陸馬步相輔軍勢日盛益募陸軍五千水軍十營增長圍困之武昌漢陽同克復擊斃僞丞相鍾某僞指揮劉滿生僞僞將軍師帥旅帥兩司馬五百餘名武昌寇分七隊突門出生禽僞檢點古文新等四人斃先鋒悍黨八百餘死兩萬有奇蓋武漢自五年三月失守至是已二十餘月矣尋復武昌黃州興國大冶蕪州民兵復蕪水廣濟黃梅陳師九江城下十二月國藩至九江勞軍議統水師決取九江以聯絡內外乃派千總張金璧等復建昌李續賓追寇東下復瑞昌進攻九江派軍復德安劉長祐由袁州赴分宜寇退踞新喻溁遇之寶山降將李能通匹馬衝陣寇退入城我軍隨之入寇出東門遁湖南援軍將劉拔元等收永甯永新蓮花

清史稿

列傳二百六十二

十五

應崇義上猶寇陷鎮江至是四年矣是年京口爲張國樑所迫秀清命四僞丞相李秀成陳玉成陳仕章涂鎮興往援秀成欲一人渡江潛往京口約兵夾擊無敢應者玉成乃夜乘小舟潛越水寨縱兵擊國樑軍秀成登高見城中兵出遣鎮興仕章當敵而自率奇兵繞國樑軍後擊之乘勝擊丹徒和春敗走遂渡瓜州攻揚州陷之托明阿軍潰退北路詔德興阿代領其軍僞顧王吳如孝守鎮江分兵踞高資吉爾杭阿檄知府劉存厚扼之金陵寇大恐秀清遣悍黨數萬出句容來援吉爾杭阿中敵死存厚翼其屍不得出亦戰死向榮急遣張國樑會救克之秀成以揚州孤懸江北留守不便遂棄去竄回金陵當是時向榮張國樑負衆望江南勁旅然頻年征戰餽餉乖時士卒常忍饑赴敵頗缺望又分兵四出所部兵力過單楊秀清知可乘請於秀全定夾攻大營之策五月密約李如孝率鎮江寇自東而西附大軍之背金陵寇自西而東與相應更命溧水金柱關諸寇旁出橫截秀清自率勁旅出廣濟門先遣賴漢英率紫荊山諸黨攻七橋壘以挑之向榮張國樑率常勝併力截殺漢英忽少卻向榮益策

大軍赴敵吳如孝以鎮江黨突薄之大營空虛守兵驚散向榮見大營火起退無所據軍立潰寇數路乘之大軍死傷偏地國樑獨以身翼榮出稍收敗卒退保丹陽寇築壘圍之向榮以病不能進乃以軍事付國樑一慟而絕向榮既死寇舉酒相慶頌秀清功秀全益深居不出軍事皆決於秀清文報先白其府刑賞黜陟皆由之出諸僞王上如章昌輝石達開雖同起草澤比於裨將大營既潰南京無圍師秀清自以為功莫與京陰謀自立脅秀全過其宅令其下呼萬歲秀全不能堪因召章昌輝密圖之昌輝自江西敗歸秀清責其無功不許入城再請始許之先詣秀全秀全詭責之趨赴僞東王府請命而陰授之計昌輝戒備以往既見秀清語以人呼萬歲事昌輝伴喜拜賀秀清留宴酒半昌輝出不意拔佩刀刺之洞胸而死乃令於衆曰東王謀反吾陰受天王命誅之因出僞詔廢其屍咽羣賊令閉城搜僞東王黨獲焉東黨恟懼日與北黨相鬪殺東黨多死亡逃匿秀全妻賴氏曰除惡不盡必留後禍因說秀全詭罪昌輝酷殺子杖慰謝東黨召之來觀可聚殲焉秀全用其策而突以甲圍殺觀者東黨

清史稿

列傳二百六十二

十六

殆盡前後死者近三萬人時石達開在湖北洪山黃玉崑在江西臨江聞亂趨歸達開頗誦讓昌輝昌輝怒將併圖之達開縋城走寧國昌輝悉殺其母妻子女秀全責以太過昌輝負誅秀清功大不服率其黨圍攻僞天王府秀全兵拒敗之昌輝遁渡江為避者所獲縛送金陵磔之夷其族傳首甯國甘言召達開回既至或謂達開兵衆功高請留之京師解其兵柄否則又一楊秀清也秀全心動乃命如秀清故事輔朝政達開危懼不自安其黨張遂謀曰王得軍心何鬱鬱受人制中原不易圖易入川作立德成鼎足之業達開從之乃還走安徽約陳玉成李秀成借行二人不從益不能還金陵於是始起事諸悍黨略盡乃以僞春官正丞相蒙得恩為正掌率調度軍事僞成天豫陳玉成為右正掌率僞合天侯李秀成為副掌率兵事專屬秀成玉成均聽蒙得恩節制而內政則秀全兄弟僞安王洪仁發僞福王洪仁達操之時我軍自克復廬州寇黨竄踞三河分營金牛一路壁壘相望屢抗我師八月和春督軍乘夜踰濠火其藥局梯城而入寇倉皇奪門出追斃之巢湖生禽僞指揮張大有僞將軍秦標盛等

十一名殲賊五千餘江南軍克復高淳九月擊敗句容溧水二城近金陵為犄角金陵聞其敗氣阻大營始安巢縣者寇之老巢也其水陸連營無數所掠糧餉悉輸金陵巡撫福濟與編修李鴻章督軍攻復之廬州所屬州邑以次肅清七年正月湖南援軍吳坤修克安義靖安與民團會攻奉新寇棄城遁武昌之陷也曾國藩遣彭玉麟援鄂及石達開竄江西連陷瑞臨袁吉建撫諸郡又檄玉麟赴援尋國藩以父喪歸上命彭玉麟協同載福調度軍事九江為江西重鎮皖楚咽喉寇力爭天險滙踞九江而以對岸黃梅之小池口為外蔽進以犯湖北退以擾章皖游行掉臂防不勝防大軍自達九江宿松諸會衆數十萬城於小池口以遏官軍圍上竄是月寇分三路入犯距黃梅縣城數十里知縣單瀚元請空城誘入都與阿從其計伏軍四起殲之寇棄城走截斬其僞擣天侯陳某僞大王塔鍾某會某三名小池口寇聞之喪膽乃築堅城為固守計復於段窰楓樹坳獨山鎮諸處依山砌石為壘數十引水浚濠阻我軍東下都與阿遣鮑超多隆阿王國才等分攻悉平其壘四月王成犯湖北衆號十萬李續

清史稿

列傳二百六十二

十七

寶璧小池鮑超移屯黃梅遇其衝分途迎擊大破之軍威始振五月李續寶攻九江掘長濠因寇設伏敗之馬宿嶺茶嶺諸處越旬餘安慶寇來援合城寇三萬蜿蜒數里我軍水陸會剿連戰皆捷閏五月王成復犯湖北大小二十五戰亡七千有餘時蕪黃一路寇猖甚蕪州諸軍並控賴舒保力戰水師左光培扼巴河得免上竄官文令唐訓方增軍守要約都興阿力扼黃梅嚴防後路以是黃州上下烽火不絕而武漢帖然無恙六月續寶凌長濠合水師力攻九江宿松太湖羣寇糾合皖省饑民十餘萬乘虛圍武漢且解九江之圍寇據黃梅廣濟蕪州蕪水分四路進大小五十餘戰死萬餘而勢不稍衰初小池口之捷也潯陽湖口立望廓清及皖寇上援九江陸軍梗阻而上游水師又難驟撤楚軍馬隊不及萬寇所竄伏崎嶇泥淖馬隊幾無可施惟將士一心屹然不為所撼楊載福李續寶督水陸上援多隆阿鮑超攻賊章司牌敗之十里鋪寇造浮橋河中東通北湖西達武穴續寶渡江平南岸寇屯水師復焚寇艇燬浮橋寇不得逞七月黃梅寇以弱兵守壘而以強悍驍勇者偏伏村落多隆阿偵知約鮑

超直衝村落斃五千餘而其在蕪黃者仍不下數萬官文督軍五路進攻杜其上竄禽渠補穴蕪黃路通尋又大破皖寇於黃岡蕪水界克復瑞州我軍直抵小池口小池口與潯城隔江對峙為江皖入楚衝途寇壘石為城深溝高壘胡林翼以寇饑正衰約諸軍先拔小池口親督唐訓方李續宜等由蕪水達黃梅坡下建礮以塞宿松上竄之路偵知城內糞具已毀於礮炊煙斷熄乃令水陸環攻射火入城我軍乘亂而登寇盡殄滅全楚始一律肅清江西軍復東鄉東鄉隸蕪州寇踞之以為蕪州保障復陷萬年諸縣八月將軍福興冒雨進攻縱火平塘絕寇竄路平塘者附城往蕪州之衝也寇果棄城而遁初寇踞石鐘山守湖口兩岸致水師隔絕九月克湖口連破梅家洲礮石鐘山寇巢瘴萬餘內湖外江至今三載始合載福以取九江當先援彭澤彭澤南有小孤山寇築城其上以守彭澤為九江援載福會軍攻克縣城盡掃小孤山寇巢下游巨險悉夷大軍回向九江十二月長祐會攻臨江府拔之寇竄湖北興國州復為續賓所殲餘眾僅二百皆覓水而逸寇之自楚北敗竄回皖也糾合河南捻匪

清史稿

列傳二百六十二

十八

撲廬州及巢縣柘皋我軍進平柘皋寇壘火巢湖派河兩子鋪寇船寇蹤遂絕先是江南水師提督李德麟率紅單船入皖寇過之繁昌縣峽口不得上七閱月矣載福督師東下焚奪陳玉成所派戰船略盡連日焚華陽鎮復望江東流疾趨安慶破樅陽大通鎮進克銅陵馳入峽內與紅單船合寇望風瓦解逼泥以偽城李成謀擲火焚之斬戮過當時江西寇糾黨一萬餘由浮梁建德都昌鄱陽竄湖口而宿松太湖寇憤九江之敗糾黨五六萬廣集於楓香驛仙田鋪等處聲勢相依官文檄唐訓方壁陳固蕪州門戶多隆阿鮑超等迎勦太湖李續宜會水師分三路直搗蕪寇二萬餘寇勢大挫江南大營之退駐丹陽也秀成踞句容屢出窺伺正月國樑獨率精卒問道抵城下毀其外壘斃寇千數百名寇不敢復出二月金陵安慶寇偵溧水勢蹙糾眾至郎山築壘為援和春乘寇營未定邀而敗之寇渡河復結四壘江南軍三路敗其眾合兵攻溧水城前後平寇壘二十六座殲二千斃偽靠天侯以下十餘名移營已及一年戰功此為最烈四月瓜州以我軍圍攻久勢頽危乃出背城計水陸並撲戰土橋西

里鋪不勝復以戰艦分兩路進一沿港助勢一渡江他擾均為我水師所殲寇之聚溧水者屢招援黨攻大營死萬餘復於郎山築壘數十以抗我軍五月總兵傅振邦破其外壘繼以火攻城副將虎坤元乘內亂斬守城悍酋而入遂復其城溧水既克和春進規句容與溧水相犄角寇結外援聲勢尚壯國樑會軍圍攻而自帥親兵衝入刺黃衣悍目數名寇奔潰和春進衝內濠國樑首先登城寇尸山積閏五月二十五日收復縣城九月鎮江寇出城至甘露寺巡撲大營和春迎勦敗之寇欲西竄接應金陵國樑密於高資增營扼塞寇亦築壘運糧河北國樑遣參將余兆青等毀其礮臺而自率親兵渡河會水陸諸軍慶戰六晝夜沈巨船十餘艘削壁壘二生禽魏長仁等六名斬俘無數寇之踞瓜州者並聯金陵近接鎮江阻官軍進勦之路歷五年矣適南岸寇援創於和春德興阿乘其隙檄大軍踰城而入遂下瓜州十二月國樑大捷於瓜州南岸陣斬偽王奪壘十七遂圍鎮江秀全四遺眾援均為虎坤元所破國樑督軍攻四門壞垣奪復其城逸出者沿江搜殺近萬人惟李如孝潰圍遁入金陵復竄聚安

清史稿

列傳二百六十二

十九

慶而潛山太湖之寇又陷霍山旋退出欲從羅田麻城上竄踞獨山西河口為營官文調馬步軍兼程馳防豫皖交界之處以固楚疆八月皖寇糾豫捻謀接金陵犯商固擾光州六安窺伺隨東一路而太湖渡石牌等處寇黨連營三十里眾六七萬乘我軍度歲竄近蕪州尋又竄荆橋好洪坡諸處多隆阿迎勦敗之仙田鋪風火山追抵太湖連營宿太以扼寇衝而秦日綱遣其黨北趨避實擊虛謀犯蕪州蕪水六安之寇亦併力上竄陷英山縣分七路竄羅田羅田知縣崔蘭馨連日鏖戰收復英山守備梁洪勝等督楚軍禽偽丞相韋朝綱寇出黃花嶺竄楚境楓樹坳等處都興阿遣將往南陽河迎擊寇築壘北岸我軍潛伏北岸山谷中而列陣南岸寇渡河而南我軍邀擊之乘勝北渡寇陣山腰潰寇踵至伏兵起斃寇無數楚軍勢大振宿太諸營始紓後顧憂時秀全大會諸黨飭陳玉成為前軍主將以潛太黃宿為根據敵我上游楚師楊輔清為中軍主將以殷家滙東流為根據敵我中路官軍李侍賢為左軍主將李秀成為五軍主將二月和春攻破林陵關關為金陵南面外蔽寇所嚴守者也二月和春

率張國樞等圍攻金陵會秀全張筵飲羣黨酒流丸墜秀全膝下羣駭愕秀全曰予已受天命縱敵兵百萬彈丸雨下又將如予何況和春非吾敵也諸將弄彼如小兒特供一時笑樂耳奚恐為初寇屢伺我軍懈悉銳出犯冀解其圍而兩花臺爭之尤力和春嚴為防倣寇果由兩花臺攻大營大敗之和春張國樞作長圍困寇度地勢險夷溝而垣之鑿山越水周城百餘里諸營大小相維絕寇應援秀全大懼誠各門嚴備潛結學於壽德州屢突長圍不克死者枕藉富是時石達開在蜀楊輔清竄閩林紹斌敗於湘林啟榮圍於九江黃文玉坐困於湖口張朝爵陳得才孤守皖省陳玉成坐守小孤山華陽鎮一帶穆陵又陷金陵老巢援殆絕而糧食尙充足上游諸州縣皆為寇據呼吸可通故寇雖危蹙而未遽顛覆我軍屢圍金陵玉成多方抗拒而秀成出陷杭州以擊圍師之肘我軍不動玉成乃自潛山太湖下江浦伺官軍之虛悉眾攻大營以冀解圍蘇常相繼而陷四月李續賓楊載福會攻九江九江為金陵犄角南岸肅清專力攻九江城寇被圍久以數千人搜城植蔬種麥供軍食其守愈暇頻傷攻

清史稿

列傳三百六十二

二十一

城軍士闢地道成城破而復完楊載福督水陸十六營攻四門地雷再發城崩百餘丈諸軍躍登斃寇萬六七十人出城者水師扼之俘斬無遺林啟榮李興隆均敗死礮其屍九江既克寇黨無固志楚南軍先後收復新滢崇仁下撫州克安樂宜黃安豐新城諸縣收復建昌國荃攻吉安旁克吉水萬安二縣於是江西陷城收復八九矣寇黨畏懼金陵寇亦窮蹙秀全力圖外擾乃命寇將竄皖南北及閩浙諸省冀大軍分援以牽我師玉成句結捻首張洛行囑瞎子衆數十萬人踞麻城四門築五十八壘溝壘重疊據險自固而安慶暨英霍諸寇又陷黃安英霍漢陽德安取道北竄官文燾續贛上援以紓麻城之患先是秀全命賴漢英掠江西皖寇入福建陷政和縣邵武府遂陷浦城分擾建寧五月我軍克復黃安麻城斬偽丞相指揮數十人追至商城並進剿太湖潛山英山霍山諸寇其黨竄踞東安者圍為江南北營勢和春督軍立復縣城金陵寇愈形危蹙急思潰竄和春派水師分剿繁昌毀其堅壘土橋進破峨橋魯港等處城寇憤出太平神策門分犯大營張玉良馮子材等陷陣敗之寇退遂攻金川

清史稿

卷四八一

門悉毀東北城外壘柵石達開乃自廣豐陷江山縣金華衢州處州三府屬邑焚掠殆徧浙軍敗之壽昌七里亭六月寇竄全椒滁洲九洲洲等處浙軍大敗之進克武義永康常山江山開化縉雲宣平衢園亦解寇悉竄處州之周天受督軍克復會同寇延延猖獗所復各城旋失又陷松溪崇安建陽等縣建寧府亦被圍浙江巡撫晏端書檄將馳援閩省又出師江山界剝浦城寇巢是時上以浙閩寇並起乃起曾國藩率江西湘軍援浙旋命改援閩國藩自鉛山進軍寇大懼圖牽制之計分萬餘人犯江西圍廣豐玉山入踞安仁閩軍遂克光澤收建陽解順昌圍連復松溪政和宣化崇和破浦城老巢復邵武府閩省肅清國藩移軍弋陽親督水陸各軍克復安仁縣城八月克吉安禽偽先鋒李雅鳳偽丞相霍明海正法江西列城皆復進攻太湖前月寇陷廬州巡撫翁同書告急於續賓官文以太湖方血戰有功疏留之時寇於東岸及楓香鋪小池驛東山頭各築營壘續賓等分段攻城焚其火藥庫寇眾駭散遂克太湖乘勝抵潛山潛山石碑為南北要衝寇屢集黨與援應抗我東征之師都興阿等營

清史稿

列傳三百六十二

二十一

北門彰法山馬步並進寇敗潰斃七八千遂復縣城我軍分二路平上下石碑老巢九月玉成自潛太會九洲洲羣寇下江浦伺官軍之虛疾攻浦口以冀解金陵之圍我軍進退爭一橋遂大挫和春派兵來援寇分軍綴之仍力撲浦口江北大營遂失陷迭陷江浦天長儀徵並分攻六合德興阿通揚州賊破南門入揚州陷進犯邵伯縣國樞率軍渡江會北軍克復府城移攻儀徵亦克之亟引兵救六合阻於寇不得驟進寇穿地道陷城補用道溫紹原赴水死寇渡江陷溧水築壘江藍埠諸處為扼要持久計十月和春遣總兵張玉良攻復溧水寇夾攻高古山大營國樞怒馬陷陣斃寇五六千合兵追抵江寧鎮燬卡壁數十座小丹陽以至采石磯老巢悉平初勝保率皖軍攻天長捻首李昭壽以部眾二千降勝保奏請賞給花翎三品銜賜名世忠使為內應遂克縣城大軍之入皖也克復桐城舒城二縣寇悉遁三河都興阿會水師盡掃安慶城外寇壘續賓追至三河玉成秀成侍賢連江浦六合廬江眾又乞援捻匪招賴壽光州羣盜合十餘萬圍官軍三重眾寡不能敵續賓死之潰軍至桐城前留防四城

一一七

軍潰不旬日桐舒潛太復陷郡興阿收潰卒由石牌駐軍宿松進剿黃泥管寇
 眾敗之復督鮑超多降阿大戰荆橋陳家大屋平三十餘里軍勢復振玉成退
 還太湖以為舒桐已得而宿松不破則安慶之守不固與秀成謀再舉秀成知
 不可敵不欲從而玉成屢言有妙策始與分道來犯卒受大創而退玉成留軍
 太湖而自還安慶秀成率黨還巢黃山是時江西寇復闖入閩界蹂躪樂縣
 並陷浦城永吉建陽順昌寧化長汀等城國藩入閩軍建昌諸陷城以次復寇
 復竄回江西惟連城尙聚萬餘復陷景德東流謀竄湖口九江等處國藩檄調
 道員張運蘭倍道馳赴景德鎮屢戰皆捷初寇踞景德鎮勢倏熾熾江右要衝
 之區恣行無阻國藩添派其弟國荃率湘軍五千八百赴鎮助運蘭攻剿寇夜
 襲艇師劉于濇然火彈拋燒解卡無數寇棄鎮竄浮梁國荃等水陸進攻復浮
 梁寇走建德北去江西稍定十一月江南大營援軍直隸通永鎮總兵戴文英
 戰死甯國灣止次日幫辦皖南軍務浙江提督鄧紹良大營陷死之甯郡設防
 三百餘里皆鄰寇巢近則蕪湖青陽繁昌銅陵遠則無為和州滁州渡江即至

清史稿

列傳二百六十二

二十二

而祿口秣陵溧水敗寇句合太平金柱關東西梁山黨眾潛山太湖舒桐及樅
 陽土橋敗黨皆以甯國為通藪防軍僅七千有奇又多調援他處寇眾兵單故
 及於敗國藩疏陳目前緩急宜先攻景德鎮保全湖口上是其議胡林翼先以
 丁母憂回籍會三河變起朝旨迫起督師十二月渡江駐黃州時寇之踞南安
 者有五支一為偽翼府宰制陳亨容傅忠信何名標一為偽渠帥蕭壽瑣蔡次
 賢一為偽尙書周竹坡一為偽軍略賴裕發一為偽承宣劉逸才張遂謀衆七
 八萬將由南康犯贛州築偽城於新城設卡壘踞郵莊綿亘二十餘里九年正
 月國藩檄蕭啟江設伏赤石斯敗寇克新城進破南康池江小溪鳳凰城長江
 墟寇壘並克崇義南安進解信豐之圍二月江浦薛三元獻城降進克浦口陣
 斬偽天福洪方偽立天豫莫興寇覘李世忠擊高旺乘虛再陷浦口世忠回軍
 再克之浦口肅清李秀成急率悍賊七八萬來犯踞烏衣鎮汊河秀成復要陳
 玉成自廬州來援烏衣鎮屬滁州江浦交界鎖鑰寇意在斷絕浦管餉道為張
 國樞擊敗寇與閩浙餘寇皆趨柘桂所謂石達開三十萬衆後圍寶慶者也玉

成由六合犯廬州布政使李孟羣被執不屈死之三月糾安慶黨圍撲定遠護
 城營築壘數十以困我師勝保襲破其壘秀成東走而黨衆日增國樞於定
 遠縣西築十里長牆禦之其北路自九里山至浦口三四十里寇壘殆徧我軍
 日戰副將鄭朝棟張占魁皆沒於陣時浦口後路滁州來安皆困於寇世忠自
 浦口繞道回援勝保撤烏衣汊口防軍還定遠其地復為寇踞和春慮江北軍
 單遣馮子材渡江援應玉成度江浦浦口未可力爭分黨援六合又謀趨天長
 揚州渡江攻南營後路並襲北營於是寇衆四五萬東趨六合蔓延來安盱眙
 諸境四月玉成圍揚州提督德安擊寇天長失利歿於陣勝保率軍進戰石梁
 互有死傷還屯舊鋪扼盱眙前路捍北犯駐汊泗軍為寇困先後突圍出和春
 遣張玉良安勇分六合軍赴防揚州以固清淮門戶時池州青陽寇逼石碓窺
 灣沚當塗蕪湖寇分壁青山亭頭逼黃池我軍敗盱眙汊泗及天長寇天長寇
 分竄六合並踞儀徵江干東溝圍撲紅山窺其地距六合二十里旁通瓜埠為
 大營餉道咽喉五月鞠殿華督軍破平六合東路王子廟太平集寇壘初六合

清史稿

列傳二百六十二

二十三

儀徵連界二十里寇壘四十餘阻糧道至是六合廓清時六合以北天長以南
 寇屬集數萬餉道危急由烏家集繞犯各軍之背世忠退保滁來寇趨舊鋪直
 犯盱眙圍勝保於桑樹都與阿力戰解之尋舊鋪寇犯紅子橋勝保及穆騰阿
 馳援而寇已分犯盱眙故無城倉猝遂失六月勝保攻克盱眙追創之磨
 臍天台諸山揚州諸軍安勇等聞天長寇回竄六合赴儀徵截擊大破於沙河
 大小銅山玉成憤甚圖報復率死黨攻來安世忠守城伏壯勇於兩門外自督
 軍衝入寇營寇乘虛襲城伏起攔擊世忠返隊夾攻寇大敗夜走滁州世忠由
 水口焚燒寇壘寇大潰糾合捻匪圍定遠再敗再進我軍衆寡不敵遂失陷七
 月玉成率死黨攻來安犯滁州世忠擊之稍却尋復糾衆圍來安並分屯城西
 北卓家集等處寇壘幾徧世忠偵寇志已驕潛伏兵挑戰偽敗寇笑官軍怯而
 世忠又環謀之寇不為意惟槍聲絕續作備而已世忠驟起鳴角而前火其營
 破二十八壘會勝保解其圍世忠還滁州八月敗寇西竄陷霍山江長貴等擊
 敗太平郭郵宏潭踞寇尋竄石埭陷烏石隴防營游擊黃金祥退屯楊谿河自

去歲三河失陷寇造偽城高二丈餘礮眼星列環以深濠格籤密布與太湖互
相接應兼通糧道石牌鎮隸安徽懷甯當宿望潛太之交爲由皖入楚要衝官
文以偽城不拔終礙東征乃令多隆阿統馬步軍會攻拔偽城擊斬霍天燕石
廷玉等四十七名並拒敗潛山安慶援寇僞顧王吳如孝者寇之最悍者也自
鎮江逸出至皖北糾捻沿淮肆擾尋撲盱眙之清塘爲格蘭額等槍斃斷其首
衆南潰九月擾霍山下符橋六安防軍盧又熊等擊敗之破毛坦廠寇壘而廬
州安慶寇同犯六安乃引軍還盱眙天長寇犯揚州參將艾得勝雙喜等敗死
司徒廟玉成率大股自甘泉山西竄儀徵陳板橋進援六合圍李若珠壘馮子
材禦之失利退屯段要口寇踞紅山竄斷李若珠營後路餉運不通十月若珠
自八埠牆陳家集潰圍出中數創退屯揚州死傷馬步軍二千八百餘人石棟
夏郵寇分股糾青陽寇萬餘竄臨涇縣查郵防軍副將石玉龍敗死南山嶺適
周天受至自甯國督天孚等力擊之寇退還查郵王浚破平陶美鎮寇壘陣斬
僞丞相孫瑞亨鎮距秣陵關二十餘里盧又熊克霍山寇自太平蕪湖犯甯國

清史稿

列傳二百六十二

二十四

陷黃池高州鎮總兵蕭知音敗退新豐鎮玉成及秀成自天長六合糾大股窺
伺江浦分屯南北兩岸張國樑渡江遣水師破壽德州寇壘水師曹秉忠破六
合紅山竄瓜埠寇七壘彭常宜敗寇於儀徵泗源溝時寇衆悉踞揚州西北尋
陷江浦防軍壘周天培死之大軍退保江浦寇乘勢東伺揚儀西逼江浦南窺
溧水勢復熾寇自洪楊內亂鎮江克復秀全兇燄久衰徒以陳玉成往來江北
旬結捻匪擾廬州浦口三河等處迭挫我師曾國藩以爲廓清諸路必先攻破
江甯欲破江甯必先駐重兵於滁和而後可去江甯之外屏斷蕪湖之糧道欲
駐滁和必先圍安慶以破陳玉成之老巢兼擣廬州以攻陳所必救誠能攻圍
兩處略取旁縣備多力分不特不敢悉力北竄齊梁並不敢一意東顧江浦六
合蓋寇未有不悉力以護其根本者也於是定四路進兵之策國藩任第一路
由宿松石牌以窺安慶多隆阿鮑超任第二路由太湖潛山以取桐城胡林翼
任第三路由英山霍山取舒城調回李續宜任第四路由商固以規廬州以後
平寇之策皆不出此十一月涇縣查村寇犯吳正熙壘不利而章家渡亦爲我

軍所挫揚州寇踞甘泉山馬德昭破其壘國樑督軍攻江浦寇壘不下寇掘地
道攻城王良遣將縋城出焚其壘填窪地道寇築壘磨盤洲我軍四路蹙之寇
衆大敗狂奔北門寇營亦同時攻破其陳家集等處之寇竄回天長南路之寇
潛窺溧水皆爲防軍擊退江長貴克太平郭卹查卹敗寇竄涇縣北路副將榮
陞連破石柱坑盤臺寇卡寇竄董家村白茅塘犯萬級黃柏兩嶺榮陞會徽
軍破之獲其巢寇又竄擾河西爲參將朱景山等所敗副將吳再升遂乘勝進
剿黃池南岸牛頭山寇壘北岸寇糾衆來援分兵拒之寇多死傷北岸寇潰走
渡河我軍遂收南岸池州守城寇章志俊獻城於楊載福其部下古隆賢等不
從回撲府城城復陷桐潛寇援太湖將襲天堂後路余繼昌會軍圍分路敗之
槎水販陣斬僞漢天侯拱天豫二名寇奔潰十二月侍賢山蕪湖金柱關率大
股犯甯國與黃池北岸寇合勢連日分擾黃岡橋牛頭山等處再犯西河蕭知
音熊廷芳退走寒亭寇圍游擊冉正祥壘都司李培基馳援始解玉成以定遠
舒城廬州寇衆北犯壽州翁同書令副將尹善廷率精銳馳援挫寇於東南兩

清史稿

列傳二百六十二

二十五

路時玉成以楚師甚盛欲圍西竄六合拒楚師因北犯壽州以牽掣我軍尋自
江浦回援安慶太平糾合捻首襲得樹張洛行等分道上犯衆號十餘萬多隆
阿鮑超將疑學禦之潛山連破靈港寇壘蕪湖寇進犯宣城灣沚周天受禦之
不得逞乃分衆四竄我軍亦分拒於海南渡浮橋口清水潭鹽官渡寇退踞許
卹埠進犯西河朱景山等創之增軍守東西兩岸寇迭窺灣沚我軍渡河擊之甯
國西北寇鋒稍斂先是銅陵青陽寇常犯南陵涇縣之交我軍扼守雲嶺蘇嶺
而設伏朝山要三里甸參將方國淮出奇擊之寇屢犯三里甸陷國淮壘復竄
越雲嶺陷觀嶺防營天受調金友培清弋江寇北走南陵陳大富擊之寇復退
入涇境自玉成回援安慶後秀成獨屯浦口寇勢已孤時金陵困急援兵皆不
至秀成以玉成兵最強請加封王號寄圖外秀全乃封玉成英王賜八方黃金
印便宜行事然玉成雖專閫寄而威信遠不如秀成無遊調者李世忠因致書
秀成曰君智謀勇功何事不如玉成今玉成已王而君尙爲將秀全之憤憤可
知矣吾始反正清帝優禮有加以君雄才胡爲鬱鬱久居人下盍從我遊乎時

偽兵部尚書莫仕葵以勦軍在秀成營書落其手閱之大驚以示秀成秀成曰臣不事二君猶女不更二夫昭壽自為不義乃欲陷人耶仕葵曰吾知公久矣乃代奏之秀全命封江阻秀成兵並遣其母妻出居北岸止其南渡仕葵曰如此則大事去矣乃借蒙得恩林紹璋李春發入偽宮切諫曰昭壽為敵行間王奈何墮其計自壞長城京師一綫之路賴秀成障之玉成總軍數月不能調一軍其效可觀矣今宜優詔褒勉以安其心臣等願以百口保之秀全悟召秀成入慰之曰如卿忠義而誤信謠傳朕之過也卿宜釋懷戮力王室即進封偽爵為忠王榮千歲寇自楊韋構殺秀全以其兄弟仁發等主持偽政偽幼西王蕭有和蕭朝貴子也秀全尤倚任之而以一偽將畜秀成不與聞大計至是首偽爵為王乃大悅以為秀全任已漸專不料其疑已也浦口當金陵咽喉要地迫於大軍而糧援無措南渡時見秀全問計秀全語以事皆天父排定奚煩計慮又與仁發等謀留其助守金陵秀成不可曰官軍既以長圍困我當謀救困法俱死於此無益也渡還以黃子隆陳贊明屯浦口親赴上游糾合皖南蕪湖甯

清史稿

列傳二百六十二

二十六

國死黨謀間道犯浙江分江南大營兵力還解長圍之困其志固不在浙也連日援太湖寇捻攻鮑超潛山小池驛營壘不克楊輔清古隆寶用內應陷池州韋志俊突圍屯泥灣收合散亡移屯香口迭收寇於八都坂栗樹街俘斬偽將軍陳松魁等二十餘人是年秀全大封諸王初秀全定都金陵一切文武之制悉由偽東王楊秀清手定是時為秀全建國極盛時代其宮室制度第一為龍鳳殿即朝堂也主議政議戰諸大事每有大事鳴鐘擊鼓會議秀全即升座張紅帳諸王丞相兩旁分坐依官職順列賊將則侍立於後議畢鳴鐘伐鼓退朝第二說教臺每日午秀全御此衣黃龍袍冠紫金冕垂三十六旒後有二侍者持長旗上書天父天王太平天國臺式圓高五丈階百步說教時官民皆入聽其有意見者亦可登座陳說文左上武右上士民由前後路直上立有一定之位第三軍政議事局軍事調遣糧餉器械總登所秀全自為元帥當日偽東王為副元帥北王翼王為左右前軍副元帥六官左右副丞相為局中管理各科員中分軍馬軍糧軍械軍衣軍帳軍船軍圍軍俘軍事諸科又有糧餉轉

運局文書管理局前鋒告急局接濟局皆屬軍政議事局內以六官左右副丞相領之其最尊者為軍機會商局長初以偽東王領之遇有戰事籌畫一切則偽東王中坐諸王丞相天將左右坐立各手地圖論形勢然後出師秀清死偽翼王領之石達開去後李秀成領之秀成東入蘇杭則有名無實虛懸其位矣其時寇之武備頗詳盡自諸偽王內訌人心解體秀全以為非不次拔擢無以安諸將之心然自此大封之後幾至無人不王而丞相天將之職多攝行於是各持一軍勢不相下而調遣諸王者僅陳玉成一人故八年以前寇之用兵攻守並用八年以後不過用攻以救守戰局遂至日危以底於亡十年正月偽匡王偽奉王偽襄王糾合偽攝王自南陵犯涇縣灣游擊王熊飛退走寇遂蔓延黃邨焦石埠進攻副將李嘉萬援師為揚名聲所敗斬偽岡天燕賴文禾寇竄踞黃柏嶺其黨尋大至陷涇縣揚名聲等退走旌德寇踵至明日亦陷我軍還守甯國是時秀成自率悍黨數千已由甯國縣間道犯廣德張國樑督水陸諸軍渡江期大舉克浦口八壘黃子隆陳贊明遁攻九洲洲克其老巢焚之寇

清史稿

列傳二百六十二

二十七

自咸豐四年築壘九洲洲內蔽江甯外通大江踞為南北水陸要區江甯長圍成後浦口九洲洲皆克勢大困秀成由皖犯浙分我兵勢而諸將又以寇在陷阱無能為役習為驕佚戰志漸消故有閏二月大營失敗之禍太湖寇捻分四股來犯我軍知府金國琛會集諸軍敗之仰天庵高橫嶺生禽悍目藍承宜向擾害蕪黃者寸磔之金國琛等復敗寇捻於潛山廣福寨王成率襲得樹張洛行來援乘霧移營於羅山衝白沙畝與城寇相通以圖牽綴我軍諸軍會擊寇大敗禽斬偽庶天侯麥烏宿偽軍師汪遂林等明日鮑超等進攻小池驛當東路蔣凝學等攻羅山衝當西路多隆阿居中路策應羅山衝寇繼來撲疑學連破衝口攻入內山馬隊繼之寇大敗值東南風作以火焚之燬壘百有數十寇奪路狂奔斃偽丞相葉榮發偽將軍舒春華等城寇謀宵遁伏軍四起擊之是役也殲寇二萬餘益惶懼竄入潛山多隆阿督軍尾擊克其城秀成侍賢等至廣德詐為清軍陷之抗湖蘇常並震巡撫羅遵殿調徵甯防軍援剿廣德以保兩浙門戶張芾遣周天孚馳防長興四安鎮鎮距廣德四十里當蘇浙之

交和春遣水陸軍來會秀成留陳坤書陳炳文守廣德自率譚紹光陳順德吳定彩等馳攻四安鎮陷之和春遣水師會攻江甯上下兩關七里洲寇謝茂廷壽德州寇秦禮國遣使詣大營乞降江甯西北各門皆瀕大江洲堵錯互寇踞上中下三關築壘於壽德七里各洲與北岸九洲洲遙相倚藉九洲洲既克茂廷禮國約舉火為號於是上下關同日而克國樑增入壘於江東門增四壘於安德門毛公渡南北岸關隘悉為我奪寇益大困秀全檄諸寇解金陵圍時秀成在皖與其部下謀曰清軍精銳悉萃金陵城下其餉源在蘇杭今金陵城外長濠已成清軍內圍外禦張國樑又嗜嗜善戰攻之難得志不如輕兵從間道急搗杭州杭州危蘇州亦必震動清軍慮我絕其餉源必分師奔命以救我關大營虛還軍以破圍師則蘇杭皆我有也乃自率數千精卒以行連陷安吉孝豐長興諸縣以其弟侍賢犯湖州自率悍黨陷武康間道踰嶺犯杭州預結捻首張洛行魏瞎子等使內擾清淮以分江皖兵力上命和春兼辦浙江軍務而以張玉良總統援浙諸軍玉良分大營兵勇五分之二禦之秀成攻杭州以地

清史稿

列傳二百六十二

二十八

雷崩清波門陷之巡撫羅遵殿等均死難秀成之破杭州也祇一千二百五十先鋒諸處援兵不知虛實聞城破皆潰走追張玉良援軍至屯武林門秀成曰中吾計矣自以兵少乃多製旗幟作疑兵潛退出城委之而去玉良與將軍瑞昌會擊立復省城三月秀成回竄餘杭陷臨安旋為李定泰克復孝豐武康寇亦退走時秀成及侍賢回廣德楊輔清亦自池州來會李定泰等會圍廣德寇已分走建平陷之連陷東塘高淳復詐為官軍陷溧陽自是江南大營後路驟急蘇常俱大震和春馳檄張玉良等還救常州熊天喜等克廣德而楊輔清陷溧水詐為官軍襲金壇為周天孚等所敗棄壘西竄句容亦陷句容當大營後路餉道所必經且與丹陽鎮江接壤為常州門戶和春遣副將梁克勳赴援不及續遣副將張威邦由淳化進剿何桂清遣將分防丹陽鎮江瓜州冀通大營至蘇常水陸道路馬德昭等出屯郡城三十餘里下弋橋堵溧陽宜興各路寇內犯米興朝自廣德進軍克建平閏二月寇自昌化出於潛分犯分水陷而旋復進陷淳安秀成約會諸將同議救金陵之策秀成與侍賢由淳化輔清由溧

水退秣陵關玉成亦自江浦渡江來會江甯寇爭出築壘接應斯時大營四面受敵而良將勁兵調援浙西者一萬三千人淳埔宜興防軍又調去一千有奇大營空虛糧路又截斷乃改月餉積四十五日始一發兵勇皆怨心漸携貳時羣寇麇集和春急調張玉良回援何桂清留之不遣寇至雄黃鎮我軍禦之不克輔清山林陵關至南門玉成由江甯鎮至頭關板橋善橋諸寇皆集南岸秀成由姚巧門進紫荊山尾陳坤書劉官芳由高橋門而來侍賢由北門紅山而至輔清由雨花臺玉成由板橋善橋連日攻撲長圍國樑與王浚分督諸將力禦十五日夜雷雨雹雪大寒總兵黃靖副將馬登富守備吳天爵戰死大營火起全軍潰陷和春許乃釗退走鎮江再退丹陽旋馳書趣國樑亦至留馮子材守鎮江國樑語和春曰六年向帥大營失陷退扼丹陽彼時京口未復今東門之限在於鎮江舍此不守是導寇而東也和春卒不能用而宜興同時亦失陷寇勢大張而秀全於戰士不及獎敘終日亦不問政事只教人認實天情有昇平之局仁達仁發忌秀成功曠秀全下嚴詔飭秀成率所部限一月取蘇常

清史稿

列傳二百六十二

二十九

寇掠金壇四鄉大書於壁曰攻野不攻城野荒城自破我軍屯六門日與賊戰互有勝負秀成自句容攻丹陽國樑開南門酣戰秀成命力士瀾入我軍潰卒中碎擊國樑被創大呼入尹公橋下而死秀成入丹陽命收國樑屍曰兩國交兵各忠其事生雖為敵死尚可為仇乎以禮葬之下寶塔和春奔常州寇踞其後何桂清聞變跳走是月楚軍援皖南會克太平建德石埭三縣涇縣張希會同周天受等進毀白華宴公堂一路寇壘直抵城下斬關直入遂復縣城四月天長六合寇乘金陵大營退守分三路進犯一由陳家集圍揚城一由東溝窺瓜州一由僧道橋編後偷渡襲邵伯皆為我軍所截擊不敢逞乃築壘僧道橋圍久踞我軍分左右中三路疾趨會攻毀二壘焚木城積屍枕藉寇合股退踞陳家集揚州與鎮江相為唇齒李若珠杏艇師陳泰國等分扼各口寇大逼常州張玉良由杭郡率軍先至築營寨大小四十餘悉為所破常州陷玉良敗走無錫秀成率所部精卒潛出九龍山附高橋之背玉良軍大敗無錫陷敗走蘇州和春創胸至蘇州濟墅關而卒玉良連敗之師不能復戰寇薄蘇州玉良退

走杭州長洲元和兩縣廣勇李文炳何信義開門迎秀成入踞之巡撫徐有壬等同殉難秀成踞蘇後改北街吳氏復園為偽府秀成踞蘇十有一日出偽示安民城廂內外凡收屍八萬二千餘具而從者猶盛稱秀成愛人不嗜殺也寇踞蘇城復恣意擄掠民競團練為自保計江皖援浙諸軍以次克復諸城遂會剿淳安寇敗遁入徽州境蘇寇陷吳江犯平望浙江防軍潰江長貴負傷遁走仁和塘棲鎮副將張守元亦潰於清杉橋嘉興危急杭省大震侍賢燒嘉興南門入踞之王良攻嘉興西南兩門陳坤書陳炳文求救於蘇適青浦周文嘉與洋軍戰來告急秀成乃先援青浦擊退洋軍直攻上海不克遂應嘉興之援由松江浦邑而回戰取嘉興平湖順至嘉興連戰五日分一股上石門斷王良來路兵多降者王良回杭州五月貴池青陽寇犯涇縣總兵李嘉萬等敗死楊名聲退至太平黃花嶺寇陷廣德米興朝軍潰奔孝豐再退歛北鎬嶺外初涇縣廣德同時告警周天受遣援皆不及而參將丁文尚守涇又退走寇遂由三谿竄旌德孫郵廣德寇伺甯國天受擊却之寇由甯國縣東岸至旌德與涇縣

清史稿 列傳二百六十二 三十

合勢嘉陷定薛煥尋克之收太倉寇攻鎮江陷青浦松江寇之守江甯也以安慶廬州為犄角以太平蕪湖為衛護蕪湖之南有固城南潯丹陽白諸湖上可通甯國之水陽江清弋江下則止於東壩掘東壩而放之則可經太湖歷蘇州以達於婁江蕪湖孤懸水中寇守之則易官軍攻之則難是以踞五年血戰不退而黃池灣沚屢次失利皆以我無水師寇堅忍善守官軍圍攻屢年往往因水路無兵不能斷其接濟今蘇州既失面面皆水寇若阻河為守陸軍幾無進攻之路城外幾無立營之所則欲攻蘇州須立太湖水師使太湖盡為我有而後西可通甯國之氣東可附蘇州之背因建淮陽甯國太湖速立水師之策寇陷江陰王良連以礮艇破嘉興三塔普濟二寺平新陸寇壘移營逼西門南門破壘七平望鎮者浙江之嘉興湖州江蘇之吳江總匯處也寇踞沿河六里橋梅堰諸處徧築壘密釘排柵扼險以阻江浙之路湖州趙景賢毀沿河寇壘分軍進克平望會軍於米市湖盡燬礮臺巢穴進圍嘉興寇既陷松江遣其黨窺上海薛煥乘其不備直搗南門而入殺黃衣目十三名奪船七十餘艘

立復府城自松江至上海沿途團練截殺殆盡六月楊輔清糾旌德太平大股犯甯國寇自長興竄陷安吉王有齡遣彭斯舉赴援遇於孝豐失利退走昌化寇直犯於潛陷之杭省大恐寇復由黃渡再陷嘉定糾土匪進踞南翔鎮逼上海四十餘里再陷平望蘇州嘉興寇勢復合於潛寇連陷臨安餘杭分擾富陽吳雲會洋將華爾攻青浦急偽甯王周文嘉乞援於蘇州秀成率大股親援我軍敗績寇收槍礮乘船再犯松江陷之江陰寇分黨築壘申港掠船謀北渡李若珠飭艇師破燬之偽丞相方得勝遁王良以地雷崩嘉興南門城垣寇嚴拒不得進劉季三等連克餘杭臨安浙西寇回竄孝豐突犯建德七月秀成毀松江城堞率偽會王蔡元隆偽納王郝永寬北犯上海號十萬焚掠泗涇七寶民團禦之多死傷寇屯徐家匯薛煥督文武登陣固守寇詐為官軍賺城城上謂知創却之洋輪之泊黃浦江者升開花礮於桅發之寇始敗退孝豐寇陷廣德游擊黃占起江國霖戰死江長貴突圍退至安吉米興朝奔四安未幾趙景賢復廣德寇再陷踞之寇復陷江陰楊庫汛城逼常熟二十餘里黃浦輪船洋兵

清史稿 列傳二百六十二 三十一

以開花礮測擊上海寇壘六發創及秀成是夜秀成解圍還青浦時嘉興寇告急遂趨浙江初副將陳汝霖率民團救松江迫上海解圍洋將華爾會守松江賜號常勝軍秀成陷嘉善陷平湖錫齡阿兵勇皆潰寇旋去收之寇陷金壇知縣李淮守百四十餘日糧盡援絕川兵通寇殺參將周天孚陷之李淮等皆戰死丹陽寇糾黨六七千由新豐等處分道撲水師謀掠舟北渡並沿河築壘架礮轟射周希濂督艇師乘煙霧對擊寇不支遁回丹陽王良攻嘉興兩月不下先後集兵三萬有奇而蘇常以北無牽掣之師松江青浦之寇可直入嘉興常州宜興之寇可直入長興建平廣德之寇可直入安吉甯國涇縣之寇可直入於潛寇前自長興逕逼省垣雖經擊退並立復數城而廣德遂至不守迫收復廣德而嘉善平湖又復失陷寇處處牽制我軍近復添築營壘礮臺又偷劫五龍橋頭卡多方悞我軍實有能之不堪之勢秀成以嘉興圍急率大股來援王良督戰五日勝負未決秀成分股上趨石門謀斷大營後路地形多支河塘路絕無可歸我軍懼奔王良負創疾馳還杭省賊既解嘉興之困復陷石門分兩

路直通杭省一趨塘棲民團禦之退掠新市一趨臨平吳再升敗之轉走海甯彭斯舉等擊斬頗眾寇悉退還石門未幾石門寇亦退再升進駐石門馬德昭由臨平長安相繼前進八月寇陷昭常再攻平湖嘉善陷之是時秀成自嘉興還蘇州奉秀全偽詔趨還江甯令經營北路初咸豐三年林鳳祥李開芳北犯不返秀成未敢輕舉適江西湖北匪目四十餘人具降書投秀成邀其上竄自稱有眾數十萬備調遣秀成覆書尤之留陳坤書駐守蘇州自返江甯請先赴上游招集各股再籌進止秀全大怒責其違令秀成反復爭辯堅執不從秀全卒不能強於是取道皖南上竄江鄂秀成之在偽京與諸黨會議也曰曾國藩善用兵將士聽命非向張可比將來七困天京必屬此人若皖省無他故尚不足慮一旦有失則保固京城必須多購糧食為持久之計秀全聞之責秀成曰爾怕死我天生真主不待用兵而天下一統何過慮也秀成歎息而出因與蒙得恩林紹璋等再三計議會以秀成之策為然因議定自偽王侯以下凡有一命於朝者各量其力出家財廣購米穀儲公倉設官督理之俟關乏時平價出

清史稿

列傳二百六十二

三十二

糶如均輸故事以為思患預防之計洪仁發等相謂曰此亦一權利也因說秀全用鹽引牙帖之法分上中下三等上帖取米若干石中下以次遞減此帖即充偽樞府諸偽王祿秩收入後無須撥解而稍提其稅入公大半皆入私橐商販非執有帖者粒米不得入城犯者以私販論罪如是則法可行而利可獲矣洪氏諸偽王乃分售帖利上帖售價有貴至數千金者及商販至下關驗帖官皆仁發輩鷹犬百端挑剔任意勒索商販呼籲無門漸皆裹足而諸偽王侯又因成本加重售價過昂不願多出資金米糧反絕秀成言之秀全請廢洪氏帖秀全以詰仁發以奸商每借販米為名私代清營傳遞消息設非洪氏誰能別其真偽此實我兄弟輩之苦心所以防奸非以罔利也秀全信其言置之不問秀成憤然而去寇陷甯國提督周天受等死之甯國之陷也玉成與賴裕新古隆賢楊輔清四面圍擊周天受戰守七十餘日軍中食乏餉阻不能達寇破竹塘廟埧諸壘副將朱景山等皆戰死旌德太平兩軍力單不能救寇乘勢盡掃城外諸壘城陷天受遂遇害甯國既失南陵孤懸總兵陳大富苦守閱半

載國藩檄令自拔山城遣水師迎之難民從者十餘萬寇再陷太倉玉成糾合江甯丹陽句容寇十餘萬自九洲洲新江頭掠船二百餘日夜更番意圖乘虛下竄為軍團所敗竄六合鎮江寇船駛入丹徒諫壁兩鎮港口為水師李新明擊退馮子材尋進解鎮江城圍侍賢率寇四萬出廣德攻陷徽州署皖南道李元度潰走開化寇趨祁門甚急國藩檄邀連屯霍縣趣鮑超自太平還屯漁亭以捍大營徽州既失杭嚴兩府防務益急寇之踞蘇城也同時城邑陷者數十江陰居大江尾閘狼山對岸再陷於寇寇踞之以窺江北人心皇然九月通州知州張富年等會水師攻復其城上月玉成率悍寇二十餘萬進陷白鵝橋尹善廷壘旋至馬廠集犯東津渡黃鳴鑾擊却之至是圍取壽州內東肥河跨山越谷盤行抵淮河兩岸聯營櫛比餘黨竄入姚家灣揚船欲水陸會攻巡撫翁同書派礮艇沿河截擊寇乘霧息水入小港為黃慶仁圍殺復以步騎撲北關城上彈丸雨下夜縱火焚寇壘皆燼城圍立解寇竄南路一還定遠山一走廬江一赴六安徽州寇自潛安竄陷嚴州進踞烏龍嶺江甯寇糾九洲洲寇船二

清史稿

列傳二百六十二

三十三

百餘艘下竄儀徵我軍大敗之東溝副將格洪額會破盱眙竹鎮集寇屯禽斬偽檢點汪王發等會乘忠破青浦寇於米家角攻城三日不下乘忠中創參將李廷舉攻寶山羅店寇敗併嘉定旋再竄羅店踞之寇攔入壽昌金華兵圍復之旋再陷再復十月寇自淳安擾及威坪兵團禦之回竄蜀口徽州北路寇竄至杞樟里逼昌化昱嶺二十里先是江西瑞金廣昌新城瀘溪大股寇窺伺福建汀州邵武防軍力禦之遂折竄建昌而瑞金一股竄踞福建之武平尋陷汀州兇焰甚張旬容寇至鎮江湯岡築壘馮子材擊之不下甯國寇直趨四安破長興長橋卡防分竄廣坤梅谿嚴州寇連陷桐廬新成蘇州寇分股撲金山我軍擊敗之遂克楓涇鎮寇復糾蘇常大股襲廣富林圍犯松江守將向奎軍單敗退曾秉忠回援寇竄寶山羅店都司姜德設伏敗之還青浦玉良克嚴州新城寇竄陷臨安初壽昌被陷金華知府程兆綸督民團復之桐廬亦同時收復於是寇眾悉趨富陽副將劉貴芳總兵劉季三敗死城遂陷旋收復煨江口浮橋侍賢復糾集臨安寇陷餘杭逼杭州省城侍賢由嚴州還顧徽州瑞昌等敗

寇秦山亭古蕩觀音橋追至留下寇棄壘走省城解圍遂復餘杭待賢不得志於杭州自餘杭直犯湖州建昌寇問道犯鉛山河口鎮踞之福建浦城崇安浙江衢州常山開化邊防皆急時徽州寇自深渡街口下窺天長防軍會水師大破於三河衢陽等處是股為天長葵天玉陳天福會合秀成黨三萬餘眾將謀渡河分擾淮陽秀成竄皖南踞羊棧嶺陷黟縣鮑超大創之城立復再破之盧郵陣斬偽丞相吳桂先秀成受傷遁徽州國藩飭將屯守盧郵距黟縣二十五里是時待賢自嚴還徽補清盤踞旌德環二百里皆寇秀成復由江蘇上犯越嶺肆擾我軍疾馳百餘里力戰兩日驅出嶺祁門大營始安趙景賢大破賊解湖州城圍湖州自三月以來迭被賊困此趙景賢第二次解圍也先是寇踞楊家莊為老巢以礪山仁黃山為犄角焚掠雙林諸鄉鎮蔓延長興四安太湖景賢會軍先攻礪山仁黃以孤老巢之勢我軍踞仁黃燈楊家莊敗寇西窺天長寇掠下五莊舟船數百艘欲犯湖路我軍克河口鎮復創之石谿竄廣豐道員段起禦之寇問道走玉山多隆阿李續宜會軍大破桐城寇陳玉成襲得樹

清史稿

列傳二百六十二

三十四

於挂車河鶴墩香鋪街等處平寇壘四十餘寇退奔舒城安慶者江表之咽喉實平吳之根本也寇援安慶水陸阻梗不能直抵江甯玉成眷屬悉在安慶城中邀合髮捻十餘萬人圍解城圍多隆阿李續宜雖力挫之仍分屯廬江桐城復糾集下游江甯蘇常援寇並力上犯逼近樅陽桐城鄉鄙耽耽以伺我軍之際將挾江南寇勢全力謀楚軍時屆冬令安徽城河水涸道路紛歧我軍四路告急之書應接不暇皖南浙江之寇分三大枝竄入江西祁門各營圍裹於中勢頗危急湖南道州寇亦竄江西寇既陷吳勢必全力犯楚此其深謀詭計故安慶一城寇以死力爭之左宗棠之入景德也聞南贛寇分黨由貴溪過安仁直撲饒景遺軍迎敗之周坊寇竄陷德興踞之十一月宗棠進克德興寇奔婺源又克之十日內轉戰三百餘里寇驚為神速彭斯舉解玉山城圍寇竄衢境犯常山與兵圍戰敗走開化埠楊輔清自池州率黨竄陷東流進陷建德水師收東流而建德防軍潰退國藩遣唐義訓馳擊至利涉口寇築壘河洲列隊以待並以馬隊扼拒各卡我軍分東西兩路緣山上立破其卡前軍夾擊河洲寇

後軍抄其背寇敗走我軍復分為三進攻寇出東門逸遂復其城寇復陷彭澤闌入浮梁越一日復之寇趨馬影橋通湖口王麟督水陸軍力擊之遂收彭澤寇宵遁陷都昌鄱陽我師馳至都昌擊退寇復之休甯寇犯上谿口陷副將王夢麟壘屯谿寇犯江灣陷副將楊名聲壘古隆賢賴裕新糾大股犯羊棧桐林二嶺張運蘭會軍擊之寇由新嶺退去犯婺源國藩督飭鮑超大破於黟縣盧郵別軍繞出羊棧斷寇歸路寇沿崖逃走追軍反出其前迫之墜崖死無算而休甯城寇以鮑超回剿景德由藍田擾及小溪一帶張運蘭擊敗之別股屯鄭家橋者進逼漁亭我軍兩路抄擊寇狂奔斃黃世瑚等復敗上谿口寇追至馬全街而還自是嶺外寇不敢輕入玉成率眾萬餘犯桐城樅陽我軍鎮靜固守寇踞七里亭章志俊扼樅陽街口李成謀昇三版入蓮花池護衛營卡寇不得逞寇再犯景德鎮宗棠敗之鮑超進扼洋塘宗棠進扼梅源橋寇自下游糾大股屯洋塘對岸我軍大破之偽定南主將黃文金負創西奔時祁門三面皆寇僅留景德鎮一路以通接濟寇盡銳攻撲欲得甘心焉時國荃圍安慶寇勢

清史稿

列傳二百六十二

三十五

漸窮十二月玉成糾約秀成輔清及捻匪併力西犯其大股寇捻俱從南岸渡江而北會於無為廬江以圖急援懷寧桐城勢甚猖獗多隆阿等會於樅陽一帶布署戰守皖南寇大股竄孝豐又別股由昌化竄分水嘉興踞寇備具礮船意圖南下寇勢蔓延浙東西同時告警十一年正月傅忠信譚體元汪海洋洪容海各挾眾數萬棄石達開歸秀成驟增眾二十萬勢大熾由石埭分兩路趨祁門防軍皆敗江長貴援大洪唐義訓迎戰歷口斬偽驛天豫古得金寇潰走常山富陽新城臨安皆為我軍所克解廣信之圍寇竄鉛山弋陽貴溪金谿漸逼建昌秀成自去冬犯皖南夥縣羊棧嶺不得志竄浙江常山江山等處今春以全力攻玉山轉圍廣豐犯廣信志在踞守要地以通徽浙之路犯建昌作浮橋渡河以大股屯水東環城築二十餘壘以浮橋通往來江西寇黃文金犯景德鎮左宗棠鮑超敗之石門洋塘斃許茂材林世發文金踰贛宵遁銅陵援寇與敗匪合復入建德分踞黃麥鋪諸處鮑超督諸軍乘勝壓之斃寇萬計追至建德會師水收復縣城誅林天福秀成梯攻建昌參將富安等縱火具創

退之復潛爲地道修子城備之寇船犯太湖陷東西山全湖失陷湖州北路七十二漫港橫被竄擾太湖巨浸也襟帶蘇常湖三郡港口紛歧多至百餘自蘇常陷後沿湖要隘多爲寇有去冬間寇船自湖州出湖迭犯西山角頭等處爲副將王之敬職船所敗然所部不滿十艘募民船佐之卒以衆寡不敵敗死二月王成圖援安慶糾合拾首襲瞎子率五萬人攻松子關成大吉兵僅二千五百寇多二十倍分兩路抄官軍後大吉令參將王名滔從左側山橫截而出陣斬瞎子寇驚潰復選悍黨分五路進再戰再敗拾散亡三萬人初王成圖與瞎子犯松子關而自率悍黨十餘萬從霍山之黑石渡襲余際昌營於樂兒嶺相持四晝夜力竭而潰遂抵英山入蕪水襲陷黃州分黨取蕪州樓麻城闖入黃安黃坡孝感雲夢諸縣並陷德安府隨州勢益猖獗武昌戒嚴秀成聞王成攻國荃久不下分攻蕪黃廣濟欲國藩赴援以分兵力秀成歎曰英王誤矣正使國藩得全力以攻皖彼豈暇救此間城哉彼有長江之利而我無戰艦安能絕其糧道不能以我攻浙救京師爲例也王成屯孝感而以德安雲夢隨州三

清史稿

列傳二百六十二

三十六

處爲長蛇陣窺伺荆襄官文飛調李續宜舒保彭玉麟率水陸諸軍回救侍賢竄踞休甯城築壘上溪口河郵石田小富等處與休甯屯溪之寇互爲犄角國藩以休城不克徽郡難圖祁門終屬危地撤朱品隆等進攻焚諸壘寇夜遁收復縣城左宗棠進剿婺源寇破侍賢於清華街而城寇忽分黨由中雲竄入樂平界宗棠親率數營屯柳家灣扼其衝寇敗退而援寇漫野至返旆殺復大潰而去侍賢糾徽州悍黨圍王開林於婺源甲路越三日潰圍出還景德秀成率黨竄撫州爲知府鍾岐等擊敗竄宜黃復糾土匪陷遂安國藩遣大富防禦德宗棠進軍鄱陽次鮎魚山聞寇偷渡昌江圍合圍景德旋移駐金橋寇竄平湖分由西路樺根嶺北路禾黍嶺進犯副將沈寶成當西面江長貴出北路拒之國藩復檄朱品隆由祁門馳援殲寇越嶺而逃宗棠擊破於樂平范家郵陣斬偽謝天義黃勝才偽姚天福李佳普等侍賢率數萬衆潛匿於牛嶺柳家灣回龍嶺翌日齊進景德鎮陳大富戰死陷之金魚橋坐營後路已絕遂移屯樂平初國藩至皖南設糧臺於江西以景德鎮爲轉運寇之窺祁門者屢遭挫敗

遂悉銳再犯景德鎮絕大軍餉道至是陷之國藩度糧路已斷惟急復徽州可通浙米親至休甯攻徽寇不克仍屯祁門而寇環攻不已誓以身殉宗棠大破寇於樂平斬敵數萬侍賢遁圍建昌撫州攻之不下遂陷吉安大軍旋復之乃進陷瑞州於是祁門之路始通三月我軍克新淦解麻城圍繁昌荻港蕪湖魯港寇皆敗走民團克雲夢收應城黃安黃坡金國琛會水師克孝感進攻德安逼城爲壘嘉興寇竄陷海鹽平湖宗棠敗寇於龍珠桃嶺寇渡吉水海灘陷吉安復爲知府曾詠等攻復寇由吉安東犯分股竄峽江與新喻賊合併屯陰岡嶺臨江告警王成分股守德安隨州率綴我軍率悍黨由蕪州黃廣回宿松進太湖大營後路繞趨宿松桃花鋪巡竄石牌逼安慶集賢關築壘未幾桐城廬江爲章王林紹璋爲千王洪仁玕等率二萬自新安渡至橫山鋪練潭一帶連營三十餘里至馬踏石竄安慶與王成會解城圍多隆阿分擊敗之王成闖入集賢關攻圍師各壘復於蕪湖兩岸築壘阻水師進攻楊福道軍昇礮船入湖毀寇船復復立壘湖堦使寇不敢逼水陸大營多隆阿自桐城挂車河進攻

清史稿

列傳二百六十二

三十七

安慶援寇林紹璋等於練潭橫山逼蕪菜子湖無數黃文金糾蕪湖寇及捻二萬築壘天林莊二十餘座謀入安慶城多隆阿誘斃二千國荃圍師不少動水師焚奪寇船斷其接濟以困城寇侍賢自廣信竄常山陷之入踞江山旋由常山分股犯衢州先是福建援師自衢防回援汀州軍勢驟孤故寇乘虛回竄又別股由開化白沙關竄玉山童家坊爲難民呼城破創之常山寇復至會攻城詐爲援兵奮力擊之退屯三里街七里街潛掘地道道員王德榜縋城出大破之寇還常山遂安寇直抵淳安港口副將余永春中創敗退茶園寇踵至再退桐關嚴州大震四月國藩自祁門移駐東流多隆阿擊敗王成棄壘遁屯集賢關國藩復撥鮑超一軍胡林翼撥成大吉一軍同赴安慶初王成即蕪湖北岸築壘十三城寇葉芸來出城接應亦築五壘於南岸以隔國荃與其弟貞幹之師國荃掘長濠包寇壘於長濠之內王成前阻圍師後受鮑成兩軍夾攻計窮遁去猶死守關內外寇壘又於隨州德安各留悍寇牽制我兵官文派軍攻德安築長圍困之秀成踞義甯州武甯縣逼近湖南北邊境官文派軍分守興

國及崇通山治四縣寇妻脅七八萬人一由苦竹南樓二嶺犯通城一由蛇箭嶺犯通山我軍眾寡不敵均被闖入直抵崇陽之白霓橋其窺伺興國之寇撲余際昌營官軍戰失利退大冶寇隨至大冶並擾武昌官文咨調李續宜等屯東湖站紙坊一帶相機進剿秀成自孝豐竄四路陷長興壽昌分犯三里亭千家郵復自瑞州分竄西路連陷上高新昌北路陷奉新擾義安以阻援師連日曾秉忠等水陸諸軍破走乍浦平湖寇於金山各隘金山與浙之平湖水陸交錯薛煥與乘忠商籌平湖一日不復松江屬一日不安謀越境會攻平湖再圖乍浦當陳玉成之退走也多隆阿已進軍磨盤山遣溫德勒克西曹克忠金順等分途尾追玉成復糾合林紹璋洪仁玕黃文金及格天義陳時永捻首孫葵心共三萬餘併力上犯築八壘於挂車河峽尖迤西基盤嶺率黨破山內黃山舖團卡仍出山外調黃文金四千餘人伏山內自率悍黨分道進犯我壘多隆阿分軍設伏於基盤嶺老梅樹街而自率馬步各軍分道拒戰寇後隊忽自亂老梅樹街伏騎乘之勢不支玉成督敗黨抵敵而項家河寇壘為舒亮伏兵

清史稿

列傳二百六十二

三十八

襲焚烟焰突起寇大驚敗奔桐城八壘悉平燒山內寇館數十處斃八千餘上命左宗棠幫辦軍務寇越衢州陷龍游連陷湯谿金華紹興寧波皆大震寧紹為浙東完善之區寇垂涎已久金華既陷勢將內犯寇犯丹徒水軍敗之毀寇浮橋曾秉忠自金山攻青浦寇堅壁不出敗嘉善援寇於章練塘寶山防軍姜德攻嘉定以分寇勢都興阿敗天長六合竄寇於揚州西北鄉盡毀甘泉山寇壘秉忠自金山洙涇率礮船進破白虎頭金澤鎮寇巢直抵浙境敗西塘援寇進毀俞滙卡寇退入嘉善金華寇分股陷蘭谿武義五月鮑超成大吉破集賢關外赤岡嶺寇壘三殲寇三千餘僞屈天豫賈仁富僞傅天安李仕福僞垂天義朱孔棠等皆伏誅大吉回援武昌餘一壘超獨破之禽斬劉增林增林陷蘇常為前鋒自恃其勇欲以孤壘遏官軍既伏誅國荃軍勢自倍國藩之移東流也皖南寇度嶺內空虛糾眾由方干嶺樟樹衛防軍而入潛陷黟縣築壘西武嶺等處窺伺祁門張運蘭等克黟縣寇併入盧郵十都增壘抗拒我軍克其七壘寇悉駢跡徽州寇聞之竄走宗棠追剿侍賢至廣信以建德再陷竄入鄱陽

視田街急回景德寇宵遁宗棠截之大戰柵樹嶺寇走建德後河遂復縣城連蘭進攻徽州復之汀州寇由江西瑞金回竄時江西寇竄江山進陷遂昌秀成以一股踞瑞州義甯武甯分三路犯湖北連陷南岸興國崇陽通城大冶通山武昌咸甯蒲圻寇鋒逼武昌省城官文李續宜會遣水陸軍分道進剿胡林翼亦自太湖移軍還省先援南岸再圖蕪湖之竄擾江西者自去冬以來前後凡五大股其由皖境竄入自北而南者三股一曰黃文金連陷建德鄱陽六縣一曰李侍賢連陷浮梁景德等處此二股均經左宗棠擊退未能深入江西腹地一曰李秀成連圍玉山廣信廣豐三城又深入內地圍建昌撲撫州均未破竄入崇仁樟樹嶺吉安峽江並踞瑞州府城分竄奉新靖安武甯義甯各州縣又竄入湖北之興國大冶蒲圻崇通等處此北三股也其由兩廣竄入自南而北者二股一曰廣東股其渠有周姓許姓上年由仁化樂昌闖入江西與李秀成聯合圍攻廣信南豐建昌各城連陷湖口興安婺源經左宗棠攻克德安兩城遂歸併徽州一曰廣西股其渠為朱衣彭大麟本石達開之餘黨也由江

清史稿

列傳二百六十二

三十九

西竄出湖南經過南贛陷福建之汀州回竄江西蹂躪寧都建昌河口等處其前隊已由婺源竄浙後隊尚留撫州此南二股也五大股中又分為三支四支忽分忽合時南時北國藩令鮑超回援江西由九江直搗建昌先保江西省城瑞州及各縣踞寇逼近南昌毓科留張運桂等扼屯城外劉于濤屯安義堡後營屯生米丁峻屯臨江皆為省垣西路屏蔽李續宜克武昌寇陷松陽處州永康縉雲縉雲既復寇竄永康宗棠遣軍克建德國藩移屯婺源婺源者界江皖浙三省之衝也賴裕新合汀州寇犯德興分黨踞九都之新建遣軍敗之寇渡江竄浙江開化華埠德興婺源清游擊黃載清克遂昌松陽踞寇亦聞風遁載清進攻宣平克之寇竄武義處屬肅清金華知府王桐等克永康寇併趨金華江陰常熟寇由海壇竄壽星沙大肆焚掠六月曾國荃會水師破蕪湖北岸十三壘南岸五壘斬敵九千餘寇之踞湖北咸甯蒲圻通城者我軍均克復寇由武昌犯建昌金華寇出擾曹宅等處李元度克義甯張玉良等率水陸軍圍攻蘭谿不下寇偵嚴州軍單築壘女埠下竄嚴州陷之尋為張玉良所復寇陷

上高樓萬載知縣翁延緒等克復武甯水師李德麟等擊毀黃山黃田石牌三
港寇船壽星沙寇退回江陰蘇州寇樓青浦李恒嵩自北薛山移屯塘橋以固
松江門戶嘉定寇糾蘇州寇犯上海我軍禦於真如寇渡河竄華漕奪踞參將
王占魁壘薛煥遣軍奪還寇走南翔再敗退嘉定時江水盛漲國藩檄楊載福
圖池州牽制南岸載福攻十日不能下乃率李成謀二營至舊縣偵北岸無爲
瀕江壘寇避水移神塘裏河駛擊破之進攻州城陳玉成楊輔清死力抗拒還
軍次大通敗青陽寇還屯黃石磯七月玉成糾輔清衆十餘萬自無爲州犯英
山繞宿松徑攻太湖爲救援安慶計寇排隊山岡作長蛇勢復有寇數萬自龍
山宮對岸至塔下袤延二十餘里分路誘我軍我軍堅守不動夜大雨賊洶湧
潮進城中飛丸隨雨落至晨圍始解玉成乃自小池驛進至清河高樓嶺欲結
桐城寇包裹我軍以解安慶之圍攻撲六晝夜玉成輔清接梓鼓督軍揮刀砍
不前者我軍奮擊大挫其鋒玉成輔清率大隊竄至高河鋪馬鞍山桐城圍復
合安慶圍師悉平城外諸壘秀成自竄踞瑞州分陷上高新昌奉新等縣以瑞

清史稿

列傳二百六十二

四十

州爲老巢官文檄元度會軍攻克新昌奉新上高敗寇均趨瑞州乃遣游擊賀
接華等會軍直搗郡城攻復之官文以德安寇謀窺荆襄派水陸諸軍節次嚴
剿寇堅守有冒死突出者諸軍擊潰寇不得入城寇復出抄我軍後以援前寇
乃斷其歸路寇奔河西伏兵四合架梯入立復府城程學敏克安慶北門外三
石壘北門寇路已絕德安寇竄河南信陽轉犯羅山光山商城兵圍截擊退奔
皖境鮑超督諸軍大破豐城西北岸寇壘東岸屯寇驚潰劉于濬乘之收樟樹
鎮初超自九江進軍秀成聞風遠遁率瑞州奉新清安安義之寇先分萬人擾
撫州令玉成率悍黨二萬攻豐城而自領大隊由臨江踞樟樹沙湖豐城一帶
綿亘百餘里先一日超至豐城對河值寇在樟樹爲浮橋陣山岡超分中後左
右四隊齊進寇搖旗迎拒戰一時許大敗敵八千餘人八月克安慶城外四
僞王竄集賢關安慶既復東南之勢益促水軍進克池州乘勝下剿復銅陵縣
時僞右軍劉官才方盤踞池州與安慶相犄角內則堅守石埭太平阻徽師進
兵之路外則上犯德建鄱陽爲江省北邊之患今與安慶相繼而下皖南軍勢

益張國荃與多隆阿會議以桐城爲七省要道安慶咽喉寇死守待援玉成尙
擁衆數萬徘徊於集賢關內外謀與桐城合併乃會軍進擊玉成輔清皆大敗
越山而逃遂復其城宿松黃梅蘄州廣濟相繼下多隆阿進屯蘄州曹家渡扼
下游敗寇以絕黃州寇援李續燾等會同水師進攻黃州寇築壘浚濠以抗我
軍將擬學令投誠劉維楨服寇衣僞爲援衆復遣玉成僞文誘寇出而設伏以
待寇果出爲我軍所殲立復黃州時秀成竄出豐城踞白馬寨遣黨攻撫州鮑
超馳至撫圍立解寇走貴谿得廣東新寇合大衆據湖防河口勢甚洶湧超分
五路應之踴毀七十餘壘進復鉛山國藩移駐安慶省城初侍賢攻嚴州兩月
不能下乃於烏石方門二灘連環築壘逼近外濠城內糧盡援絕副將羅大春
受重傷率將士突北門出城遂陷秀成自桐廬新城進陷餘杭寇之竄貴谿者
聞鮑超自撫州至豫遁走初聞寇三起與花旗廣匪先後由建昌竄至廣信與
秀成併爲一路鮑超會屈蟠大破廣信寇壘立解城圍秀成敗走鉛山築七壘
與城寇相守禦超踵至悉覆其壘渡河攻城克之秀成竄圍廣豐不克分竄玉

清史稿

列傳二百六十二

四十一

山築壘十餘復爲道員王德榜所破秀成全股悉自江西竄犯浙境一由玉山
陷常山一由廣豐犯江山龍游踞寇同時出擾衢州危迫是月知府張詩華克
復瀘谿興安各城福建援軍張啟煊擊寇浦江失利陷之寇直犯五指山金華
大股踵至米興朝等迎擊失利義烏東陽相繼不守啟煊退守諸暨辟水嶺寇
至再潰九月寇陷處州大軍之破安慶也無爲州寇馬玉棠妻子居安慶曾國
荃生致之密諭玉棠獻無爲城無爲居皖北形勢控金陵引蕪湖爲寇必爭之
路附近泥汊口神塘河諸處石壘星列以阻我軍曾國荃會同水師抵泥汊口
壘高難仰攻乃令築寨安營而自率勁旅迅赴楊家橋鳳凰頸決隄斷寇歸路
寇大恐遁入城越日攻神塘河寇亦遁歸乘勝直抵城下至是玉棠事洩僞頂
王朱王陰幽之玉棠黨舉兵攻王陰我軍乘之寇大潰斃僞豫侯丞相等城立
復秀成由臨浦陷蕭山再由蕭山塘路竄杭州陷諸暨紹興府城分竄新昌嵊
縣上虞餘姚均先後失守國荃連破連漕鎮及東關鎮鎮在無爲含山之界外
瀕大江內連巢湖寇糧皆屯於此上濟安慶廬州下輸金陵爲南北鎖鑰僞巨

王洪某率眾五六千並礮船數十守之寇失此益膽落十月楚軍克復隨州湖北自黃州德安復後惟隨州以孫檢援應援及襄陽恐堅死抗官文擊退豫檢復用降將劉維柏取黃州計誘寇出城敗之克復州城多隆阿收舒城廬江李續宜部將蔣凝學屯六安霍山宗棠屯婺源張運蘭等屯徽州李元度新軍出廣信寇悉赴浙江而皖南寇聚保廬州宗棠議大舉援浙浙寇猖獗全省糜爛逼近省垣上命曾國藩管轄江蘇安徽江西浙江軍務秀全見各省攻討賊劇迭克名城金陵唾手可下乃大懼令秀成侍賢分途竄擾分我兵力秀成竄浙江營陷各郡邑直至餘杭浙省戒嚴寇從塘路抵杭州撲武林門外賣魚橋踞我營卡寇隊尋大至運糧道阻提督張玉良來援與城軍夾守寇乃自海潮寺至鳳凰山環木柵實土其中為堅壁使城外隔絕日以槍礮轟城玉良攻木柵中礮死內外兵益懼而城中久乏糧人多餓死自蕭山諸暨等城陷後援兵路絕寇尋陷奉化台州十一月由慈谿犯陷鎮海台州寇分股陷黃巖甯波會同輔清由浙江嚴州遂安險嶺回竄徽州復蔓延衢屬開化其謀在深入江皖腹

清史稿

列傳二百六十二

四十二

地阻我援浙之師宗棠於廣德奉督辦浙江軍務之命以寇圍徽郡當入浙後路遣軍至婺源會防軍援剿輔清大舉分犯徽州休甯兩敗於屯谿竄遂趨南路巡逼嚴郡而秀成已陷杭州滿城亦相繼失守輔清率甯國寇圍攻徽州休甯兩城偽成天安竄休甯之屯谿尋又竄宣歙十二月總兵張運桂堅守徽城待援乘間出擊破寇壘寇復踞屯谿市街潛口一帶以絕徽軍糧道國藩調總兵朱品隆馳赴休甯與唐義訓先破屯谿街口寇卡毀河邊四壘進平石橋潛口寇巢尋派軍護糧赴徽寇由萬安街分股包抄我軍奮擊之寇不敢退張運桂以嚴市街為寇踞糧道梗阻與休甯軍會商兜剿燬寇十餘壘輔清受傷值除夕大雪寇掠無所得悉遁去圍立解是月提督李世忠克復天長六合寇自八年踞六合屢攻不下黃雅冬思反正潛約世忠先削其外壘而已為內應世忠自滁州至六合遂大破寇壘斬馮懋林直造城下黃雅冬倒戈縱火拔關我軍擁入城禽斬衝天福林國安頂天燕江玉城擊天福魏正福五十餘人皆悍黨也詔黃雅冬更名朝棟世忠以黃朝棟密約天長寇陳世明為內應朝棟

所部未盡離髮詐為援寇進城下世明拔關納軍遂克之是歲汀州寇竄陷連城分竄上杭江西寇復闖入武平境時寇謀分股一圖窺龍巖一由清流寧化擾延平邵武總督慶端以延平為全省關鍵馳往駐紮克連城進攻汀州創洪容海克之而江西續竄武平之寇亦為副將林文察等擊敗國藩疏請飭慶端嚴守浦城俾寇不得由閩境竄江西同治元年正月是時浙蘇兩省膏腴盡為寇有全浙所存尚有湖州海甯兩城又孤懸賊中獨衢州一府尚可圖存國藩疏薦福建延邵建甯道李鴻章署理江蘇巡撫別立一軍由滬圍蘇以圍攻金陵屬曾國荃以浙事屬左宗棠於是東南寇勢日就衰熄世忠攻江浦約劉元成單玉功為內應殺偽報王偽王宗操天福等七十餘名立復江浦至浦口復克其城自江浙兩省寇糾眾數十萬併力東犯連陷奉賢南匯川沙等廳縣烽火徧浦東逼上海各隘防軍遇寇輒潰走寇既為法船所擊退踞天馬山陳防橋復為李恒嵩所破敗入青浦城中其浦東大股踞高橋欲斷我要隘美人華爾白齊文撲寇巢毀其壁進攻浦東浦南大破之尋嘉定青浦寇進逼七寶以

清史稿

列傳二百六十二

四十三

窺上海圍防軍郭太平營薛煥督軍解其圍甫還軍寇復大至李鴻章率湘淮軍援江蘇營上海城南黃翼升統水師相繼至宗棠出嶺攻開化楊輔清糾眾踞張郵銀坑石佛嶺窺伺衢州連戰走之陣斬藍以道開化肅清九洲洲寇竄江浦浦口和州分黨犯橋林二月嘉善平湖寇水陸犯金山涑涇七日陷之松江上海俱震東梁山偽愛王黃崇發西梁山偽親王某裕谿口偽善王陳觀意糾合雍家鎮寇分股上竄五顯廟水家郵湯家清水師李成謀登岸破之斬黃崇發初宗棠既克開化進軍常山璞石偵李侍賢賊壽昌蘭谿寇糾遂安恭天義賴連總犯開化馬金謀長圍困我宗棠回攻遂安乘援寇未集先剿克之三月李元度敗寇於江山碗窯再敗小青湖援寇江山賊進陷峽口閩軍曾元福坐踞之連營數十里宗棠自常山遣軍進剿林文察之克遂昌也寇併聚松陽蔓延雲和景甯尋以次擊退進規處州破寇松陽平港頭寇壘寇奔處州碧湖上年國藩檄鮑超平青陽城外寇壘作長圍困之偽王奉古隆賢潛糾浙江死黨三萬餘人進撲銅陵分我軍勢超率援軍盡掃橫塘等處百餘卡二十六壘

古隆賢偵知大軍北出陰統涇太悍寇築九壘於青陽猪婆店門我師以通糧道適超凱旋進逼青陽克之國荃既募勇回安慶國藩飭令攻取巢縣含山和州西梁山等處以爲欲制寇死命先自巢始遂進屯縣城東北劉連捷等赴望山岡以扼南路寇乘我壘未定來犯拒敗之初寇踞江岸以北上援廬州下衛江甯分布堅城拒守要塞通上下之氣杜我進兵要路至是攻破巢縣銅城關雍家鎮旋收巢縣復含山再會水師大破裕溪口寇屯寇之踞金陵也以全力扼東西梁山兩山對峙大江至此一束水急流洄視小孤山尤爲形勝國荃以此關爲金陵鎖鑰循江上逼西梁山而陣寇走江州水陸爭起搏擊遂克之自是金陵重鎮已失其半僞匡王賴文鴻竄繁昌縣糾約踞寇撲我三山峽營曾貞幹乘寇未逼督軍分道馳剿寇大亂旋其渠吳大雷遂克繁昌蕪湖援寇潛屯魯港以圖抗拒貞幹會同水師奪其船百餘艘夷三壘十餘卡餘悉遁蕪湖貞幹督各軍馳抵南陵立復其城鮑超既克青陽議先取石埭太平以固徽州之防繼取涇縣以達甯國之路乃分軍五路由龍口直抵石埭寇矢石交下

清史稿

列傳二百六十二

四十四

總兵婁雲慶從西北二門攻入立復縣城寇大懼糾集南陵援寇大至屯甘棠鎮阻我師我軍分三路進擊破十七壘遂復太平禽斬僞主將徐國華等二十七人先是超攻青陽時有僞佐將張遇春率衆萬餘乞降超納之令暫屯景德三谿至是太平賊寇將北走張遇春驟起殲之超回軍挾之進攻涇縣復其城遂東渡清弋江進規甯國李侍賢自陷常山與龍游寇同撲衢州總兵李定泰等敗之復常山解衢州之圍宗棠馳至常山攻克招賢關以通衢州糧道其撲江山之寇檄李元度會攻石門花園港寇巢毀十四壘寇勢不支乘夜向台州潛遁是時楊輔清由淳化犯遂安宗棠自常山進屯開化圖之尋遣劉典進攻遂安輔清退走淳安昌化竄皖南犯甯國四月儀徵寇敗後竄擾沙漫洲等處水師擊走之揚境肅清浙軍會民團克復台州仙居黃巖太平寧海縉雲樂清慈谿等縣禽斬延天義李元棟僞王李洪練李遇茂僞主將李尙揚尋進克甯波府鎮海青田二縣台處寇上竄溫州踞太平嶺及任橋羅谿尋分竄瑞安張啟煊管陷退守縣城楚皖軍會克廬州秀成竄擾蘇常玉成則盤踞皖楚之交

自大軍克復安慶玉成率黨自石牌而上調宿松黃梅之寇同至野雞河欲赴湖北德安襄陽招集其黨羣曾不從乘夜由六安走廬州衆漸散秀全復督責甚切玉成懼力守廬州不敢走皖楚諸軍困之日盼外援而顧郡解圍後僞扶王陳德才西竄僞天將馬融和隨張洛行遠遁外援遂絕多隆阿與皖軍張得勝設伏誘賊出戰兩軍合擊寇大敗遂克府城誅僞官二百十三名玉成奔壽州尚有死黨二千以苗沛霖陰受僞封往乞援沛霖縛之獻穎州勝保大營並禽僞導王陳士才僞從王陳德僞統天義陳聚成僞天軍主將向士才僞皮天義陳安成僞禱天義梁顯新及親隨僞官二十餘並正法秀成聞玉成死頓足歎曰吾無助矣玉成兇很亞楊秀清而戰略尤過之軍中號四眼狗自玉成伏誅楚皖稍得息肩而金陵勢益孤矣民團克甯海象山奉化李世忠大破寇於六合八步橋寇竄滁州來安又大敗寇勢大餒華爾等克柘林謀搗金山衛知府李慶琛攻太倉秀成率僞聽王陳炳文僞納王鄒雲官來援逼青浦李恒嵩失利退走塘橋嘉定寶山皆震寇別隊由婁塘攻陷嘉定英法二提督及我

清史稿

列傳二百六十二

四十五

軍突圍走上海鴻章飭軍駐法華鎮扼滬西寇遂踰青浦逼松江秀全自竄踞金陵以東西梁山爲鎖鑰以蕪湖爲屏蔽而尤以金柱關爲關鍵自國荃破太平府彭玉麟破金柱關黃翼升往襲東梁山一戰而下貞幹循江進克蕪湖提督王明山等復攻破烈山石壘未逾三日上下要隘悉爲我有從此上而甯國下而江甯寇均失所恃矣國荃進軍江甯鎮屯板橋潛襲秣陵關進破大勝關三汊河直抵雨花臺軍焉江北浦口六合敗寇悉聚江邊李世忠燧之渡還九洲洲江北肅清五月僞什天安吳建瀛統衆南匯與淋天福劉二林屢爲秀成養子所凌至是來降我軍整隊入城秀成養子方踞金山衛來犯復糾川沙寇回撲復爲我軍所敗直逼沙川寇由海塘竄出遂復川沙進攻松江寇逼泗涇防軍游擊林叢文敗退北門華爾由青浦回援鴻章令程學啟扼虹橋分青浦松江後路寇陷湖州福建糧儲道趙景賢拔刀自刎賊奪之囚一年餘秀成禮待之極厚終日罵不絕口譚紹光舉槍一擊而殞初寇圍逼松江鴻章以松江扼青浦東西之中爲最要地自赴新橋令程學啟時出兵縱寇寇初營西

門妙嚴寺土城華爾以破毀之寇復據之增築礮臺環合四門常勝軍戰寇
 資福濱城軍乘夜分門出擊寇竄遁乃簡精卒破天馬山寇營突入青浦盡焚
 艦重寇死戰併力守松江其分屯廣福林及泗涇之寇鴻章進擊敗之寇遁入
 營斷橋以拒劉銘傳等克奉賢陳炳文部雲官等率眾數萬圍新橋程學啟營
 填濠拔鹿角學啟不及以槍礮禦礮石擊之寇藉屍登濠學啟開壁突擊寇
 始卻而分股踰新橋逼上海鴻章將七營往援大破之追至新橋學啟大呼夾
 擊寇解圍遁陳炳文部雲官皆負傷竄走進軍泗涇寇大潰盡燒其壘廣福林
 塘橋寇亦退上海松江俱解嚴初李世忠遣軍自六合通江集南渡連破石埠
 橋龍潭東陽寇壘悉遁旬容自是九洲洲寇外援盡絕秀全遣江甯寇大攻
 石埠橋曾玉梁壘世忠遣義子李顯發往援入壘會守陳坤書自句容進攻龍
 潭東陽諸壘守軍黃國棟等退併石埠而寇攻益急顯發會水師力戰盡平其
 壘解石埠圍時李秀成自松滬敗還謀連合抗湖寇眾救援江甯秀全遣悍黨
 二萬攻大營國荃設伏敗之連日宗棠督軍攻衢州東南北三路寇壘皆盡初

清史稿

列傳二百六十二

四十六

秀全以大軍驟逼城下日出撲犯輒被創趣浙會李侍賢蘇曾李秀成還救江
 甯而宗棠攻衢州與李侍賢相拒遂安龍游問鴻章新克松江廳縣秀成奔命
 未遑乃與諸黨議曰曾國荃兵力厚集於金陵為久困之計我勢日蹙不如先
 圍甯國太平斷其後路我軍勢既振敵乃可圍也秀全以久困慮糧不繼仍促
 其入援秀成不得已乃先遣悍黨數萬自蘇西援時甯國餘寇竄併江甯屯於
 淳化鎮者亦不下二萬餘六月宗棠自衢州進軍龍潭侍賢自遂安敗後復糾
 合金華及溫處悍黨分屯南岸湖鎮羅埠北岸蘭谿之永昌太平祝家堰諸葛
 郵孟塘油埠裘家堰宗棠駐潭石望距城十五里遣睦金城台劉培元駐城西
 圭塘山屈蟠王德榜駐紮金旺崔大光駐城北對河茶圩劉典駐高橋先是李
 侍賢偵我軍平衢州寇壘將進軍龍游糾黨潛趨蘭谿嚴淳乘虛襲遂安為就
 糧江浙斷我餉道計宗棠遣軍大破之寇由壽昌退還金華七月我軍進敗龍
 游寇毀蘭谿油埠寇屯陣斬偽驍天義鄧積士等宣平處州餘姚壽昌均以次
 收復是時楊輔清糾眾十餘萬竄浙甯國府城復分黨屯聚剛山寒亭等處阻

清史稿

列傳二百六十二

四十七

我進兵之路鮑超飭將卒撲寒亭寇出巢猛拒總兵宋國永橫躍入陣伏起扼
 歸路寇驚潰平寒亭管家橋楠家甸獅子山寇館數十處寇壘三十五座偽衛
 王楊雄清糾合餘眾遁回甯郡輔清聞寒亭戰敗即糾黨繞城結壘延三十餘
 里鮑超進壁烏紗鋪飭婁雲慶設伏望城岡以輕兵誘寇寇以我兵真直壓山
 岡而下我軍張兩翼却之寇見旌幟遍山谷誤為援寇反嗣中伏我軍復斷其
 後斃無算望城岡及抱龍岡十數郵皆平寇復陰結別股築壘堅拒鮑超率各
 軍逼壘而營各偽王出大隊於南北兩門夾攻鮑超分軍進博寇敗走浮橋我
 軍焚橋截殺無得脫者寇復收餘燼再戰再敗輔清單騎脫走立收甯國府縣
 二城初輔清聞超軍至數遣使乞援於江甯秀全遣偽堡王洪容海率悍寇赴
 之容海者石達開死黨也既至攝超威乞降超許之而郡城已克容海奔廣德
 襲獻州城率眾六萬就撫復本姓童江甯援寇大舉犯甯分二十餘隊牽制各
 軍而以銳卒突兩花臺國荃拔卡縱擊大破之解圍去潘鼎新等會克金山衛
 城地界江浙為浦東門戶至是一律肅清是月鴻章督諸軍會攻青浦克其城

譚紹光方踞湖州聞青浦已失恐官軍逼其後乃合嘉湖蘇崑寇犯松滬西北
 進窺青浦學啟會水師擊却之寇攻北簪山壘不獲遂東趨攻北新涇北新
 涇為上海西路之蔽防軍大戰却之寇分竄法華逼上海鴻章調諸軍自金山
 衛青浦松陵回援悍寇二萬圍官軍學啟戰逾時寇大潰北新涇之寇憑河據
 壘伏左右以待我軍鴻章親督陣與學啟軍合盡毀寇營紹光遁嘉定上海危
 而復安八月寇陷慈谿華爾復之受創尋卒煉縣新昌寇陷奉化閏八月奉化
 寇窺甯波宗棠飭蔣益澧等進平蘭谿裘家堰寇壘斃偽元天福萬興仁偽走
 天福劉茂林等羅埠踞寇偽戎天義李世祥乞降益澧攻羅埠世祥應之破五
 壘湖鎮寇聞之遁我軍渡河破五星街此皆龍游湯谿要衝也益澧屢攻湯谿
 不下軍多死傷宗棠進營新涼亭逼龍游城五里飭益澧由羅埠進攻湯谿劉
 典屯扼油埠湖鎮以堵蘭谿金華援寇九月鴻章會常勝軍攻嘉定克之紹光
 及偽聽王陳炳文復糾援寇十餘萬分道自太倉崑山來犯北由蟠龍鎮至四
 江口圍據黃渡以當青浦南由安亭至方泰鎮圍入南翔尋我軍卻寇南翔寇

乃於三江口四江口立左右大寨設浮橋潛渡因我水師而青浦西北洋新涇趙屯橋白鶴江寇益蔓延擾及重固鎮張堰距青浦十餘里黃翼升率水師自青浦出衝敵舟寇扼白鶴江不得進別隊犯黃渡李鶴章會擊敗之時四江口久被圍紹光屯吳淞江口炳文踞南岸鴻章督諸軍至黃渡分三路進擊自辰至未屢衝不動鴻章督戰益急諸軍逾濠直逼寇營學啟敵傷胸復創疾戰寇由南岸潰而北四江營守將皆衝圍而出寇退崑山我軍毀其浮橋石卡殆盡斃數萬夷壘二百座寇自是不復窺松滬悉力堅守崑山太倉尤為蘇州門戶寇所必爭者也齊國再陷寇復由句容進薄鎮江壁湯岡馮子材督軍破湯岡九壘寇歸青山老巢乘勝拔之竄還句容初偽護王陳坤書糾眾四五萬圍犯金柱關彭玉麟禦之花津五戰皆捷尋寇以戰艦數百從東壩拖出我軍毀其浮橋寇乃不敢渡河至是悍寇結筏偷渡屢逼金柱關我軍水陸大舉敗之花山寇遁上駟坡而水師已先毀浮橋寇回戈轉關諸軍合擊殲萬餘其黨頭等處尙延袤百餘里我軍環攻焚其壘花津清山象山石磯諸寇巢悉數平

清史稿

列傳二百六十一

四十八

毀自是蕪湖金柱關六十里之間寇蹤以絕時大營軍士患疫方稍止秀成親率十三偽王號稱六十萬集金陵東自方山西至板橋鎮旗幟林立直逼我軍營壘尤趨重於東西兩隅曾貞幹等擊敗之小河邊城寇援寇尋由東西兩路進攻分黨趨洲上抄出猛字等營後我軍分路擊退之寇之圍逼西路者歷六晝夜為我軍擊敗寇悉向東路逼營而陣潛通地道百計環攻各軍將士負牆竄立擲火球擊寇寇負板蛇行而進填濠欲上我軍叢矛擊刺寇拽尸復進抵死不退飛彈傷國荃頰血流交頤仍裹創上濠守禦待賢自浙東來援急攻吉後營敵臺國荃引軍馳救寇來益眾用箱匱實土排砌濠間暗鑿地道我軍以火箭攢射隨出銳卒擊之賊鋒稍挫遂毀西路寇壘東路之寇環逼不已嘉字吉後兩營地道轟發寇擁入壩口我軍分路衝出決戰壩口以內之寇誅戮無遺濠外寇復舉旗督戰各營同出抄殺寇精銳悉挫折復於東路別開地道西路決江水淹絕連料之路貞幹在高坡增築小營令水師駐雙廟護餉道我軍凡破寇地道五處寇計益窮國荃乘勢進拔十餘卡破東路四壘西南諸壘

望風驚潰追至南路牛首山一帶平壘數十座搜剿至方山之西南花臺守衆句結城寇絕我軍歸路我軍左右盪決寇分路而遁重圍始解是役也秀成自蘇侍賢自浙先後圍攻大營四十六晝夜國荃率諸將居圍中設奇破之弟貞幹力顧餉道將士殫目糧而皮肉幾盡大營解圍後秀成仍屯秣稜關六郎橋一帶侍賢謂秀成曰今江北方空虛出其不料馳攻揚州六合括其糧以濟軍復分兵攻圍藩於安慶彼必分軍馳救我今屯秣稜漂水之師乘虛擊之鮮不濟矣秀成納之別遣偽納王郝永寬偽對王洪元春等自九洲洲渡江竄越江浦浦口者五六萬洪元春陷巢縣含山和州遂踞連漕鎮銅城廂東關各隘知無為州米足兵單徑撲州城提督蕭慶衍攻連漕銅城會彭玉麟水師焚毀三石卡進破連漕鎮連獲陶家帶崑山岡寇壘繞出銅城廂後廂口寇衝圍而出岡東廂西寇皆遁走國荃遣軍守東西梁山顧江隘令李昭慶帶五營自蕪湖北渡援無為以保皖南各軍運道國藩調李續宜毛有銘移防廬州賴文鴻古隆賢等自廣德甯國竄入旌德總兵朱品隆敗之解圍去其攻溧縣之寇亦被

清史稿

列傳二百六十二

四十九

援軍擊退先是昌化寇率眾數萬竄入績溪窺絕旌德防軍糧路唐義訓會浙軍克之十月我軍連復上虞嵊縣新昌宗棠屢攻龍游湯谿蘭谿嚴州諸處破壘卡三十餘惟附城諸壘不可破寇以死守城穴牆開礮軍士多傷亡龍游湯谿兩城為金華要道必兩城下後路清而後可攻金華蘭谿一水直達嚴州必蘭谿下餉道通而後可收嚴郡此三城者所請如骨之硬在喉也十一月寇竄太平夥縣進陷祁門將窺同江西饒州景德宗棠恐阻糧路檄軍助剿未至而祁門已克魏喻義攻嚴州嚴州形勢外通懷甯內達杭州宗棠援浙謀首下嚴州而寇在三衢圍犯江西斷我餉道乃先清衢郡飭劉典攻蘭谿以分寇勢寇偽朝將譚富與蘭谿譚星為兄弟互相首尾喻義屯銅關據險設卡譚富糾桐廬浦江諸寇屢來犯喻義伏兵鐘嶺脚殲寇前鋒寇竄還閉城固守是夜我軍梯城而入殲寇萬餘立克府城焚船三百餘艘獲偽印二百九十三顆餘棄械投誠是時紹興偽首王范汝增偽戴王黃呈忠偽梯王練業紳率大股由諸暨東陽義烏永康西竄金華號稱十萬以援湯谿龍游分黨竄武義林文察敗

之丹陽句容寇竄鎮江馮子材督軍大破於丁郵薛郵諸處寇踞常熟昭文二縣以窺江北距城十八里有福山者為江南重鎮與江北狼山鎮對峙由江入海之鎖鑰也二縣守寇錢桂仁駱國忠董正勤與太倉曾錢壽仁密通款我軍李鶴年攻城寇約內應國忠夜飲桂仁酒就座斫殺偽馮天安錢嘉仁偽連天福姚得時以城降明日會水師周興隆破平福山濬白徐六溇諸海口寇壘進規太倉而蘇州內應事泄譚永光悉眾爭常熟招江陰無錫寇六七萬來會又令楊舍寇乘隙陷福山官軍固守常昭十二月寇圍而攻之團勇潰周興隆告急鴻章遣援而江陰楊庫寇已竄福山各口阻援師遣常勝軍及水師攻福山口河西寇壘不下寇攻常熟急西北門營壘已失常勝軍阻寇福山不得達李鶴年攻太倉寇援甚眾亦難驟進鴻章增調浦東軍由海道繞赴福山會師援剿鶴年等自望仙橋進攻太倉敗之時將益澄攻湯裕不下劉勳會攻蘭谿寇壘亦失利劉典合水陸進攻寇堅伏不出龍游湯裕援寇適大至乘間西趨擾江皖益澄等迎擊湯裕援寇於金華白龍橋大創之偽扶王陳德才偽端王藍

清史稿

列傳二百六十二

五十

成春偽增王賴文光偽顧王梁成富偽主將馬融初皆陳玉成悍黨也玉成命北犯牽掣官軍而得才見廬州被圍急欲南援為防軍所扼奔竄於河南湖北山陝之間與諸捻合遂成流寇二年正月秀成調集常州丹陽諸寇屯江甯下關中關號二十萬自九洲陸續渡江意欲假道皖北竄擾鄂疆截斷江皖各軍運道圖解江甯之困蓋近攻不如取遠勢也既渡江陷浦口李世忠退入江浦偽匡王賴文鴻偽奉王古隆賢偽襄王劉官方糾合花旗廣寇數萬圍涇縣鮑超自甯國馳援誘之入伏寇敗還壘而壘已為我軍所焚寇大奔立解城圍及還軍而西河寇乘虛犯壘見超輒倉皇遁去蔣益澧康國器克湯裕金華寇恃湯裕龍游蘭谿三城為犄角我軍攻湯裕寇勢漸蹙偽朝將彭禹蘭詣營乞降益澧令內應誘誅偽天將李尙揚等八名是夜彭禹蘭啟西門納軍殺九千餘城寇遂盡偽戴王黃呈忠偽首王范汝增偽梯王練業紳自白龍橋退奔金華龍游寇聞風而遁左宗棠收之劉典收蘭谿高連陞等收金華而武義永康東陽義烏浦江皆相繼收復浙東寇從於潛昌化越叢山關竄皖南績溪復

踰箬嶺歸旌得并句容太平大股屠集石埭謀西上建德大震江西饒州九江邊亦急劉典等克諸暨譚星自浦江敗後竄踞桐廬宗棠飭劉培元會水軍合擊之遏其西趨蔣益澧乘勢進攻紹興提督葉炳忠會英法軍克之敗寇萬餘與桐廬寇沿江築壘抗拒我軍水陸合攻遂復桐廬蕭山寇亦竄走浙東肅清左宗棠遣益澧進攻杭州先是楊輔清糾合羣黨嘯聚西河紅楊樹麒麟山一帶十餘萬人以一大股抄出高祖山先以一小隊繞過山背揚言上犯溇縣實欲圍鮑超老營二月寇分三四萬眾圍高祖山八營鮑超分軍三路伏兵於芥山傍以斷其後戰逾時寇譁亂奔近芥山伏起寇駭懼遂平高嶺周家橋馬家園小淮黨諸壘寇之由河西遁入溇泚者為水師擊敗併入梅嶺麒麟山鮑超遣將分攻之積屍若阜並收復仰賢圩各處餘分道竄逸偽懷王周逆等糾眾竄至句容城外會合丹陽偽效天義陳曾圖由九洲洲北渡馮子材扼橋據險分隊進攻直趨牧馬口沿郵十餘里卡林立官軍直突吃不稍動守備李耀光陣斬執旗寇搗中堅官軍無不以一當百立燬牧馬口敵卡東湖寇亦敗

清史稿

列傳二百六十二

五十一

潰進毀南路柏林郵老巢斬陳曾馬下卽四眼狗玉成之叔也寇駭奔向西南竄走皖西寇犯休甯分掠建德西侵江西鄱陽彭澤東擾池州圍青陽續由江浦縣新河口迤邐西竄巢全椒之間南岸則金柱關時踞皖南寇約有二起一為胡黃古賴諸寇即踞寧國太平石埭旌德者也一為花旗此廣東匪前由廣東湖南江西入浙皖者也一為譚星即蘭谿抗官軍者也徽防諸軍紛紛告警當會國藩之視師東下也寇攻常熟益澄譚紹光又益以礮船二百艘突地攻城降將駱國忠悉力扼守鴻章遣軍攻太倉崑山分寇勢別遣英將戈登助剿福山會潘鼎新等水陸軍奪石城夜毀城壘翌日寇入西山而福山火起乃開門悉銳出擊寇盡潰禽斬悍酋孝天義朱衣黠常熱昭文城圍立解太平踞寇圍祁門江西軍王沐敗寇於徽州屯谿草市寇再敗於嚴寺街長林潛口等處死近萬人退奔休甯藍田一帶西通漁亭未幾寇復進踞潛口祁門防軍禦之彭縣漁亭太破之陣斬偽天將劉官福寇之初起也禁令嚴明聽民耕種故取江南數郡之糧出金柱關江北數郡之糧出裕谿口並輸江甯今耕者廢業

煙火斷絕寇行無人之境而安慶蕪湖廬州甯國東西梁山金柱關裕谿口暨浙之金華紹興山川筋絡必爭之地寇悉喪失我軍足制其死命昔年寇之所至築壘如城掘濠如川近乃日近草率羣酋受封至九十餘王之多各爭雄長敗不相救識者知其亡無日矣寇復由甯國繞出青陽分擾建德東流三月由東流犯江西彭澤進逼祁門由建德窺饒州犯梅林營壘劉典督軍敗之遂大破潛口寇屯徽州休甯解嚴乃赴漁亭會克黟縣斬偽約天義古文佑追寇出嶺外平寇壘二十餘嶺內一律肅清太倉踞寇偽會王蔡元隆詐降郊迎我軍至城下伏起槍傷李鶴章程學啟殿軍而退鴻章檄戈登會攻太倉克之黃文金合許家山各處寇十餘萬山祁門進逼與參將韓進春血戰四時陣斬偽孝王胡鼎文羣寇奪氣寇攻廬州犯舒城李秀成將由舒城六安上竄一出黃州一出漢口擾犯湖北擊我南岸之師以援北岸擊我下游之師以援上游皆爲解金陵圍計也湖北爲數省樞紐曾國藩調成大吉回屯蕪口檄永帥赴武漢嚴防秀成來犯石澗埠進逼我軍晝夜猛攻相持不下寇復於前營增百壘層

清史稿

列傳二百六十二

五十二

層合圍彭玉麟派隊來援會軍夾擊盡平羣壘秀成遁走其犯廬江舒城者悉敗走悍寇馬融和自豫問道犯桐城我軍敗之三里街遁往孔城與秀成合而爲一秀成遣偽富天豫張承得等圍六安敗死六安者淮南要衝也餘寇走廬州鮑超追擊會攻巢縣先破東關銅城橋二隘遂克其城金山和州相繼皆下李侍賢自金陵敗遁糾悍黨數萬屢犯金柱關花津上廟渡萬頃湖涂家渡及燕子磯伏龍橋護駕墩灣並黃池諸處寇壘皆爲我軍所覆自是寇不敢輕渡西岸通溧水丹陽一帶四月水師楊政謨襲破杭州開口寇船登岸進毀望江門寇壘寇大震急招新城寇還救將益澄進攻富陽富陽一城爲杭州上游關鍵賊嚴防禦船壘相輔杭州援寇屯新橋與城寇相爲犄角秀成令陳炳文等舍蘇州常昭急援富陽並糾蘇常嘉興悍黨由餘杭趨臨安竄新城擾富陽軍後路魏喻義等督兵進擊寇復乘霧分道攻撲新城大敗向臨安遁走偽慕王諱紹光僞來王陸順德等率大股犯太倉雙鳳鎮攻崑山後路圍解城圍我軍鏖戰三晝夜破之僞天將夏天義率悍黨數萬久踞崑山新陽縣城鴻章率督

程學啟戈登會水師大破崑山寇壘二十四斃萬餘有正義鎮者爲蘇城援崑山必山之路學啟攻之破石壘二寇見歸路已斷奪路狂奔遂進克同城崑山新陽王沐自黟縣回援景德寇敗於陳家畝包家墩竄安甯嶺外時江甯攻圍久百計欲解城圍既分股由徽甯窺伺江西由含和一帶圍犯湖北而由湖北下竄之捻自蕪水分爲四枝一回竄黃州一撲宿松越潛太以撲廬桐寇捻句合兇縱甚張此皆李秀成所規畫也我軍克復福山後江陰縣屬揚庫汛爲江邊險要寇糾衆死守以蔽江陰我軍水陸會攻斬趙尙林等立復汛城而湖北蕪西塘市屯寇均棄壘遁無錫常州我軍克復建德連復巢含和三城於是皖北寇全遁皖南寇勢亦衰初秀成自六安敗後率衆東竄言回救蘇州國荃急爭江甯老巢攻其必救使城下之寇不暇遠趨蘇郡而北岸之寇亦不敢專注揚州乃率軍分六路併進潛襲兩花臺及紫寶南門石壘肉薄登城遂奪兩花臺乘勝猛攻東西南各卡九壘皆克之羣寇潰奔我軍追擊於長干橋燈入水者無數未幾城寇出又敗退斃六千餘寇勢從此衰減秀成在江北聞兩

清史稿

列傳二百六十二

五十三

花臺失益惶懼又以崑山新克蘇州亦受逼乃與諸僞王改圖南渡於是天長六合來安次第解圍而寇之分踞喬林小店者冒雨掠舟喧闐不絕五月浦口寇棄城遁走而江浦寇忽獻書乞降鮑超等察其詐引軍急進水師次江浦浦口兩城寇盡燬之入江江北肅清曾國荃連日破平下關草鞋夾燕子磯收寶金圩距蕪湖金柱關百里內已無寇蹤進攻九洲洲寇之在中關者附城爲壘卒不稍動其堅踞九洲洲者下有列船上有僞城羣礮轟發不息復於東西南三面分伏洋槍隊伺間出擊我軍多損傷彭楚漢等負創角戰乘風縱火夜二鼓撲牆而入衆殲無一脫者九洲洲既克謀者謂浙軍攻富陽滬軍攻蘇州江甯亦宜速合圍使備多力分國藩亦主合圍制敵爲上策秀成南渡後連營於江陰無錫數十里聲言援江陰攻常熟鴻章督諸軍攻破七十五壘顧山以西寇皆盡寇自失九洲洲下關江上接濟已斷糧食漸乏謀赴蘇州嘉興力圖接濟秀全以城圍日逼留秀成共守老巢援蘇州六月秀全遣黨出儀鳳門

犯鮑超營出太平門犯劉連捷營不克而退七月犯下關亦為我軍擊卻八月國荃攻印子山破其石壘陣斬偽佩王馮真林明日破七橋壘石壘一土壘三偽梯王練茶發伏誅國荃調江浦浦口防軍別募萬人為火舉圍城之計是日程學啟會水師逼婁封規取蘇州初建德南竄寇敗於汪邨偽匪王賴文鴻創而墮馬羣寇衛之通越二日復敗於分流水塔曹家渡自是浮梁北路稍靖先是黃文金糾合諸酋由皖入江分擾鄱陽浮梁祁門都昌境內每為我軍所扼不得深入乃折而西趨湖口分三路上路由文橋中路由梧桐嶺下路由太平關而文橋寇勢最盛文金親踞其中尋自文橋撲犯聖山大營江忠義會諸軍直前迎擊破其七壘文金竄皖南江西肅清文金繞越池州圍青陽八月富陽寇與新橋寇互相犄角抗我圍師蔣益澧督諸軍日夜轟擊先破寇援毀倚城大學及大小諸卡城寇不支逃入新橋城立復我軍復由雞籠山繞出新橋併力追殺寇壘悉數焚夷江陰踞寇日久負嶠我軍攻之勢漸蹙是月陳坤書及湖武齊區五大股眾十餘萬分道來援百數十里自江邊東至山口沿途紮

清史稿

列傳二百六十二

五十四

木城十餘其中營壘大小百餘守禦堅固我軍水陸分攻郭松林潛自山後礮而入縱橫衝突銘傳直搗中堅寇大潰有內應者夜三鼓梯城而入偽廣王李愷順墜水死遂克其城秀成自江甯返蘇謀解城圍與程學啟戈登戰蘇州寶帶橋敗北奔至盤門我軍毀沿途諸卡秀成率大股來爭我軍力擊敗之初寇於婁門外附城築十九壘學啟屯外跨塘礮力不能及寇壘乃移壁永安橋城中出夷人百餘發炸礮助之未幾寇分門大出水陸軍力禦寇敗退學啟以寇壘既多且固不得前而城東南寶帶橋為太湖鎖鑰寇立石營一土營三悉力拒守遂謀先破之以挫其勢乃分水陸軍為三路先破土營寇棄壘走石營亦旋潰秀成親率援師抵禦學啟督軍卻之我軍攻無錫賊敗之芙蓉山偽湖王黃子濬出拒再敗走刃及其肩幾成禽郭松林追及城下破平西北兩城壘積寇船百餘艘將益澧既克富陽移師杭州康國器趨餘杭偽歸王鄧光明偽寇王陳炳文偽享王劉曾及偽朝將汪海洋於附城要隘築壘樹柵自前倉橋女兒橋老人坂東塘西谿埠觀音橋三墩直至武林門北新關橫至古蕩連營四

十餘里以拒我軍海洋自杭州上援餘杭為我軍擊敗寇旋由前倉渡河結壘西葛村我軍再擊走之我軍攻杭州江干十里街破街口寇壘我水陸軍大舉攻青陽初黃文金在都昌湖口等處戰敗而東遂略地池州直薄青陽城外近城半里環築六十六壘又數里築七十餘壘會國藩調水陸軍進攻江忠義督所部渡河從山後緣巖而上驟攻寇壘寇糾眾抄我軍後路忠義揮眾蕩決寇敗若潮湧平一百三十餘壘殄萬餘寇遁歸石埭一帶城圍立解李侍賢林紹璋等合股內犯由無錫南門至坊前梅邨三十里高橋大股亦分眾七八千人擾至西高山出芙蓉山後城寇出北門犯塘頭東亭官軍分路迎剿設伏誘擊寇大亂敗走陸寇殲誅迨盡奪寇船六十餘民船五百餘秀成自蘇州率偽納王鄧雲官偽來王陸順德偽趙王黃章桂偽祥王黃隆芸偽紀王黃金愛來援進逼大橋角營夷酋白齊文以輪船大礮為寇前驅李鶴章以連珠噴筒破之寇水陸皆敗斃萬餘別股犯蕪山亦敗走秀成子及宿祥王黃隆芸皆溺死秀成頓足大哭程學啟再敗寇於齊婁封三門追至護城河邊始斂軍九月杭州

清史稿

列傳二百六十二

五十五

城寇大出由蠶頭山鳳凰山九耀山雷峯塔犯我軍新壘蔣益澧督諸軍迎擊大破之我軍進壁天馬山南屏山翁家山時杭寇凶狡者以鄧光明汪海洋為最陳炳文次之其計以杭州為老巢以餘杭為犄角均賴嘉興湖州之援便資其接濟嘉興入杭之路則在餘杭故我軍議先克餘杭扼截嘉湖之路以並合圍蔣益澧一軍逼紮鳳山清波各門扼其西面餘杭一城已圍其東南而北路無重兵兩城之寇往來如故寇自大橋角戰敗勢漸蹙秀成糾無錫溧陽宜興賊八九萬船千餘艘泊運河口而自率悍黨踞金匱縣后宅連營互進李鶴章謂寇以河為固不宜浪戰宜結營制之我軍壘敗坊前梅村安鎮鴻山之寇而寇之大股全集西路志在保無錫以援蘇州郎中潘增璋進攻蠡口黃埭之策程學啟乃與戈登攻破蠡口進擊黃埭毀其四壘禽斬偽天將萬國鎮五龍橋者在寶帶橋西五里由澹臺湖鮎魚口達太湖以通浙之要隘也學啟率戈登會水師先後破寇六營於是我軍紮永安橋而婁門路斷紮寶帶橋而葑門路斷克五龍橋而盤門太湖之路又斷寇乃句結浙黨圍撲吳江以擾我後學啟

率水陸軍擊破嘉湖援寇禽斬偽貴王陳得勝及悍黨四十餘追至平望斷其橋從此攻蘇之軍無牽掣之患偽平東王何明亮等以劉典屯積溪不克上犯徽歙遂由甯國千秋關竄浙江陷昌化擾於潛其前竄廣德者復折踞孝豐劉典遣軍出績溪昱嶺關接剿江甯軍自攻克江東橋上方橋而城東數隘未下近城者曰中和橋曰雙橋曰七橋變稍遠者曰方山土山曰上方門高橋門迤南則爲秣陵以至博望鎮皆金陵外輔也國荃以東路未平不能制寇死命令諸軍東渡提督蕭衍慶過河破五壘城寇出爭擊退之遂克上方門高橋門雙橋門右路方山土山之寇亦棄壘而奔七橋變踞寇倉皇欲遁而城中忽出大股來援兩軍相搏總兵蕭孚泗乘夜縱火寇冒火突出遂克七橋變其博望鎮總兵朱南桂已先五日襲取之博望鎮既失則秣陵關之勢孤七橋變既失則中和橋之勢孤總兵伍維壽等南略秣陵關寇棄壘奔潰自是鍾山西南無一寇巢偽奉王古隆賢詣朱品隆降收復石埭太平景德三城徽州肅清餘寇竄踞寧國廣德孝豐之間勢甚渙散宗棠飭劉典由昌化於潛趨臨安進剿孝豐

清史稿

列傳一百六十二

五十六

爲規取湖州之地十月易開俊克寧國縣城自是東壩黎立新上書請爲內應建平張勝祿上書請獻城池鮑超等遂合趨東壩繞壘環攻楊輔清從亂軍中逸出寇立獻偽城東壩既克建平張勝祿等即於是日斬偽跟王藍得仁舉城降而溧水寇楊英清亦繳械降遂收二城國荃克淳化鎮解縣龍都湖墅三岔鎮等隘燬寇壘二十餘江寧城東南百里內寇巢略盡蘇州軍自黃埭攻泖墅關破王瓜潭觀音廟寇壘直抵泖墅擊走偽來王陸順德進毀十里亭虎邱楓橋寇皆遁踞至圓門寇大恐李鶴章敗寇無錫鳴城橋破西倉寇壘直抵茅塘橋李侍賢調常州陳坤書來援城寇黃子澄出迎我軍縱擊敗之秀成聞泖關已失退屯北望亭謀返蘇州老巢坤書還走常州侍賢通宜興溧陽我軍乘之下寇壘百餘鴻章督軍攻婁門寇蘇州四年自我軍連克要隘乃於胥封婁等門馮河築壘數十婁門外石壘尤堅至是我軍由南北岸而進秀成等突出婁門拒戰程學啟與常勝軍分隊以應援寇遁入城水師會攻婁門外寇壘二十餘皆下我軍連克齊盤門各壘三面薄城寇衆恟懼而秀成及譚紹光猶固守他營部雲官等皆有貳心密請於鴻章乞反正許之學啟戈登單舸見雲官等命斬秀成紹光以獻而雲官不忍殺秀成許圖紹光秀成覺之涕泗握紹光手爲別乘夜率萬人自胥門出走嘉善部雲官殺譚紹光率僞比王伍貫文僞康王汪安均僞甯王周文佳僞天將范起發張大洲汪環武汪有爲開齊化門迎降鴻章受之雲官等未獲髮要總兵副將等官並請自領其衆屯守盤齊胥閘四門程學啟慮其不可制密請於鴻章誅之立復蘇省秀成以輪船炸礮越無錫水師北竄十一月李鶴章克同城無錫金匱追禽黃子隆與子德懋並誅之劉秉章等攻浙西平湖寇陳殿選獻城乞降連日午浦賊熊建助海鹽殺浦賊皆反正十二月秀成留蘇州敗黨分布丹陽句容間自率數百騎潛入江寧太平門苦勸秀全棄城同走秀全侈然高座曰我奉天父天兄命令爲天下萬國獨立眞主天兵衆多何懼之有秀成又曰糧道已絕饑死可立待也秀全曰食天生甜露自能救饑甜露雜草也秀成以秀全戀老巢不肯去非口舌所能爭乃貽書溧陽約李侍賢銳意走江西初寇自咸豐十年破江寧長圍迭陷

清史稿

列傳一百六十二

五十七

蘇常嘉湖上竄江西湖北擄脅潰兵游匪以百萬計盡得東南財賦之區日以強大自去歲屢戰屢敗各城精銳散亡不下十萬今年春夏間竄皖北我軍截殺解散又十數萬其自九洲洲過江僅存四五萬人秀全驚惶失措賴秀成回江寧主持守局而秀成以蘇州爲分地事急回援今巢穴已失黨羽又孤踉蹌而走隨行僅兩萬餘人欲赴金陵解圍無術力勸秀全突圍上竄回粵以圖再舉常州陳坤書溧陽李侍賢皆聽秀成爲進止而杭州陳炳文係安徽人鄧光明湖南人聞秀成有回粵之謀皆不願從秀全亦屢勸不聽國荃自四月間掘地道至是始成而寇附城築牆號月圍下穿橫洞以防隧道故城崩而猶阻月圍橫洞不能克劉銘傳進攻常州西路奔牛踞寇邵志倫羅墅灣踞寇夏登山萬錫階石橋灣踞寇張邦振皆詣我軍乞降收衆萬六千人惟孟河賊尙踞汛城輒出犯降人學銘傳一鼓下之潘鼎新克嶼城李鴻章等破常州東門南門石壘明日張樹聲傍城東北築壘破小門土門連日嘉興桐鄉石門寇犯嶼城海甯寇犯澈浦海鹽僞璋王林紹章自句容援常州均爲我軍擊走程學啟克

平望鎮平望東連嘉興西接湖州南通杭郡為蘇浙樞紐浙寇精銳多聚守此今被我軍攻克嘉興藩籬已失踞寇奪氣寇犯鎮江甘棠橋張文德學馮子村等助擊破之斬李秀成養子偽岡天義黃曾十二月偽會王蔡元隆獻城降左宗棠受之改名元吉海甯瀕海為杭州東北屏蔽元吉擁眾致攻杭之師未能合圍今幡然附款杭州之勢益孤東北兩面圍漸合嘉興賊偽榮王廖發受呈降書程學啟慮有狡謀誠軍嚴備杭州踞寇偽聽王陳炳文遣人詣降而無降書宗棠趣蔣益澧攻城益急秀成會李侍賢犯江西既以深陽至饒州浮梁數百里處處乏食慮裹糧越為難因趨侍賢持二十日糧道長興廣德寧國入江西先踞映區待已於是侍賢遣黨西竄行甚疾曾國藩遣軍屯休寧沈寶楨遣軍屯婺源玉山拒之四月川督駱秉璋破賊天全生禽偽翼王石達開於市石達開避禍出奔自樹一幟歷犯浙江福建兩湖兩廣諸省並擾及滇黔蓄意入川以圖竊據至是為川軍禽戮凡偽五王前後皆誅滅矣三年正月蔣益澧

清史稿

列傳二百六十二

五十八

飭降人蔡元吉襲桐鄉不下桐鄉為杭嘉要道益澧遣將分屯東北門偽朝將何培章來降遂收桐鄉令培章率降眾屯烏鎮雙橋阻杭嘉道絕糧湖杭寇皆來爭擊走之我軍進屯嘉興聯絡蘇師規復郡城廣德寧國寇竄犯浙江昌化副將劉明珍不知寇眾寡進擊劍矛退扼河橋寇尋分黨一竄徽州績溪一竄淳安謀渡威坪河進窺遂安時侍賢上犯冀衝過徽州就食江西其大勢趨重遂安擾及開化馬金街其地與休寧婺源常山玉山接壤王開琳自徽州進遂安連破寇於中州昏口黃少春馳入縣城敗寇遂安城北燈入郭郵嚴之寇後隊仍由章郵竄昏口少春擊破之新橋開琳復繞出昏口敗之其竄往開化華埠僅千餘侍賢句合黃文金及廣德餘黨由甯國上竄陷績溪退踞雄路孔靈等處圍撲徽州唐義訓自徽州出茶吳山鋪敗之毀雄路寇館援寇至我軍奮擊再破之縣城立復鴻章派郭松林戈登等攻宜興荆溪寇開城出拒槍子傷松林右肘我軍屯三里橋與常勝軍會擊偽代王黃精忠由溧陽來援拚死相撲我軍屹立不動以洋槍排擊之寇死傷相繼無退志我軍三路包抄寇始

奪路狂奔城寇勢益不支開西門而逸遂復兩縣城是城瀕太湖西岸當江浙衝道為常郡後路自是常郡寇益蹙蘇州無錫之防益固戈登進圍溧陽溧陽為李侍賢老巢又江寧後路要隘常州金壇在其北句容丹陽值其西長興廣德當其南面面寇巢前與鮑超東壩溧水之師相隔絕後距李鴻章常州軍亦稍遠孤軍深入李鴻章戒戈登慎進止尋溧陽會吳人杰降戈登復其城郭松林等進攻金壇敗偽列王古宗成偽襲王劉官方於楊巷是時常州陳坤書合丹陽句容之寇十餘萬由西路繞出常州之北日犯我軍李鶴章督軍擊敗之寇以我軍城圍日緊分犯江陰常熱無錫以圖分我兵勢李鶴章撤圍師堅守勿戰別調軍援三縣李鶴章等尋解無錫城圍江陰守將駱秉忠與楊鼎勳等內外夾攻寇亦敗走乃並趨常熱北自楊舍福山南自顏山王莊數十里皆寇黃翼升會同城軍夾擊克王莊顏山陳市寇壘追殺二十餘里寇由大河回撲常熱水師截之首尾不能相顧掩殺無算常熱之圍立解初秀成入江甯說秀全出走不聽秀成憂糧食不繼遣黨百計偷運國荃約楊岳斌水陸巡邏遇

清史稿

列傳二百六十二

五十九

奸民運米入城輒奪之秀成遣養子李士貴率黨數千出太平門赴句容接糧入城伏兵要之寇棄糧走國荃銳意合圍江甯城延互百餘里自我軍駐師兩花臺奪取附近諸隘東西南三面為官軍所據惟鍾山石壘未克城北兩門尚未合圍秀成自將出鍾山南攻朱洪章營敗退登山沈鴻賓等挾火毬箭擲壘中寇突火跳遂克鍾山石壘寇所署偽天保城者也國荃分檄諸將屯太平門洪山北固山寨神策門餘元武湖阻水為圍於是江甯四面成包舉之勢寇援及糧路皆絕二月寇以運糧路絕日驅婦孺出城以謀節食城西北多園圃豫種麥濟饑初程學啟進攻嘉興破小西門北門寇營殲除淨盡偽天將劉得福慕天義賈慕仁而湖州寇屢竄南木壇邱四亭子新陳思犯盛澤平望以圖嘉興不得逞又犯盛澤圍王江涇後路營亦為我軍所敗而城守甚固我軍多傷亡又遇雨不能進攻學啟急思復嘉興分門攻擊增築月牆寇拚死抗拒又以地雷巨礮轟塌城垣百餘丈擊毀礮臺賊爭負土填城闕湖州賊又自新陸來援學啟會軍猛攻肉薄登城丸創其首部將大憤縱橫刺射寇眾潰遂克嘉

興偽榮王廖發受偽挺王劉得功皆伏誅援寇黃文金還湖州寇之分竄江西者盤經我軍殺殺闖入金溪道員席寶田由安仁馳擊復其縣城寇由瀘溪趨建昌寶田會軍敗之寇蔓延於新城南豐提督黃仁翼進攻新城克之餘竄入福建建寧縣境南豐之寇亦經寶田擊敗斬偽天侯張在朋寇棄舉狂奔退至城下合圍攻之將益澧克杭州康國器等同日收餘杭寇分竄德清武康等處宗棠飭軍分路進取三月維大春等各率所部撲擊環攻降人楊芸桂開門迎納官軍援賊回關擊之敗走德清寇慶戰四時亦大敗武康德清皆復我軍進逼石門踞寇鄧光明降其副竄孝義之寇亦殺殺無算鮑超等會克句容偽漢王項大英偽列王方成宗皆伏誅偽守王方海宗遁金壇寶堰寶堰南距金壇城四十五里北達丹陽方海宗與舉偽顯王袁得厚合謀阻進兵之路鮑超攻之閉壘不出乃負草填濠一躍而入寇向金壇丹陽遁去鮑超進攻金壇設伏茅山大敗追寇城寇喪膽敵南門遁走遂復其城收寇二三千屯踞南渡偽植王林得英約會常州西路孟河呂城諸寇欲由金壇歸併廣德同踞南渡鴻

清史稿

列傳二百六十二

六十

章檄道員吳毓芬等會水陸軍分三路夜襲其巢陣斬林得英及秋天安黃有才等殄寇殆盡其攻丹陽者為鎮江揚州防軍援寇一由常州運河一由江陰孟河大至詹啟綸張文德會擊敗之援寇退屯丹陽東北一帶丹陽一城多聚巨曾偽然王陳時永為陳玉成叔父偽來王賴桂芳為洪秀全妻弟因其內閣我軍乘之陳時永創仆斬之其黨自縛賴桂芳及偽廣王李愷驛偽列王金友順偽梁王凌郭鈞偽都王周林保並偽義安福燕豫諸目獻軍前乞降皆駢誅遂克其城至是常州鎮江各屬俱告肅清寇自德清武康石門克後李侍賢及偽聽王陳炳文偽康王汪海洋等仍堅踞湖州是時浙江惟湖州長興安吉三城未下湖州寇於附城二三十里修築堅壘復於長興安吉各隘連營數十里相為犄角高連陞擊之於湖州境寇分竄昌化分水防軍劉明珍斬數百李侍賢繞越老竺嶺竄皖南績溪復間道走歙西竄屯溪陳文炳汪海由歙北竄浙境分犯淳化遂安遂安防軍擊歙南小川竄寇敗還楊唐義訓等進剿失利於是嶺內徧地皆寇微休祁野岌岌難保寇前隊由龍灣婺源竄江西後

之續至者絡繹不絕國藩調石埭青楊防軍入嶺援微檄鮑超率全軍援江西陳坤書之踞常州四年矣自蘇軍力攻以炸礮毀城寇死守取舊棺敗船堵城闕以槍礮拒我軍時城西寇壘二十里夾河環列劉銘傳等攻破十四壘餘壘皆不戰而潰而河干寇壘二十餘又為張樹聲等所破於是寇西道皆絕惟小南門西門附城十餘壘我軍復擊平之陳坤書塞門不納敗黨恐官軍奪入悍賊皆死城下城圍既合築長牆伏奇兵備大舉水陸軍發礮轟城風煙迷漫寇如墜霧中俄城壞數十丈寇以人塞缺口炸丸迸裂人與磚石齊起天際旋旋散旋集蓋蘇省各路敗寇積年廬聚於此猶圖萬死一生計也鴻軍益揮軍迫登我軍借藤牌噴筒直前寇傾火藥以長矛格刺軍士十墜六七隄生陽突入禽陳坤書周盛波偽偽列王費天將戰城上良久寇大潰縋城出者復為我軍所殲我軍亦死亡千數百人常州之失以咸豐十年四月初六日越四年而復日月皆不爽亦一奇也陳坤書凌遲處死梟示東門時常州敗寇竄徽州我軍擊破之餘竄江西圍玉山副將劉明珍等陣斬珊天安等斃寇二千李侍賢越

清史稿

列傳二百六十二

六十一

金谿犯撫州河東灣猛攻東門為我軍擊退忽突起攻橋環呼城中內應黨亂我軍劉于淳礮斃多名餘遁金谿城圍立解偽列王林彩新竄江西弋陽我軍追抵湖西揮軍抄擊寇敗竄黃沙港對岸楊家坡寇黨從上游渡寇千餘來援諸軍沿河截擊慶戰逾時寇始斃多落水死侍賢等先後由浙犯徽由徽入江西江陰陽舍及常州城外之寇由丹陽湖州上竄徽南其酋為林彩新及偽麟王朱某偽爵潘忠義等從昌化進老竹嶺闖入歙境唐義訓伏兵鍾塘嶺後以五營進遇寇大戰伏起殲其前鋒時金國琛等行抵富陽隔河而屯寇眾列山岡上下我軍俟寇涉水將半突出奮擊唐義訓尾而至夾擊之寇不支遁向黃山小路我軍馳抵五弓橋再敗寇因循河埋伏兵寇正渡時伏突起寇大驚亂生禽林彩新等十名陣斬潘忠義等十四曾死亡者二萬餘人是月洪秀全以金陵危急服毒死羣酋用上帝教殮法綉緞裹屍無棺槨瘞偽宮內祕不發喪其子年十六襲偽位秀全生時即號其子為幼主或曰日本名天貴福其刻印稱洪福旁列真王二文誤台為瑣其稱洪福瑣以此然諦觀印文實真主二小字

非真王也時湖州寇方竄湖濱楊渡大錢口潘鼎新分軍屯南潯而寇恃長興
 為聲援長興在湖州西毗連宜興溧陽及廣德州宗棠貽書鴻章移嘉興之師
 助攻長興鴻章遣諸軍分道往取水師入夾浦口五月鼎新進紮吳淞水師破
 平夾浦石壘鼎新連破吳淞股瀆郵毀其卡壘郭松林毀長興城東上莘橋跨
 塘橋寇學湖州廣德四安寇率數萬分路來援依山築壘綿亘林谷松林等擊
 湖州援寇劉士奇擊廣德四安援寇寇壘悉平毀燬萬餘人而湖北廣德寇
 復添撥大股折回我軍乘賊喘息未定合力痛剿追殺二十餘里寇乃遠遁
 我軍乘夜攻城以炸礮轟塌城垣十餘丈松林等首先衝入遂復長興縣城江
 西貴溪盛源洞等處寇分踞小巷一帶築壘修卡我軍飭礮船馳赴黃土墩以
 槍礮擊之寇倉皇敗竄水陸諸軍撲卡而入禽斬多名寇大潰貴溪寇壘一律
 肅清浙軍進規湖州攻復孝豐縣城生禽偽威王陳榮斃千餘是月偽扶王陳
 德才等合檢竄擾孝感雲夢等縣上以江甯垂克而河南捻犯麻城皖城深入
 江西恐擊全局趨國荃迅取金陵國荃進攻鍾山龍脖子寇所稱地保城也我

清史稿

列傳二百六十一

六十二

軍自得偽天保城後城寇防守益嚴是城扼建要害尋為李祥和所破國荃築
 礮臺其上日發巨礮轟擊居高臨下全城形勢皆在掌中六月十六日國荃飭
 諸軍發太平門地雷塌城垣二十餘丈前敵總兵李臣典朱洪章等九人先登
 諸將分門合力攻克江甯省城獲偽玉璽二方金印一方是夜寇自焚偽天王
 府秀成携秀全幼子從城垣倒口遁去並以己馬與之乘以行國荃令閉門封
 缺口搜殺三日斃寇十餘萬凡偽王以下大小酋目約三千餘最後城西北隅
 清涼山伏寇數千出與官軍死戰卒殲之其偽天王府婦女多自縊及溺城河
 而死國荃派馬隊追至純化鎮生禽偽烈王李萬才其自城破後逸出者洪秀
 全之兄偽巨王偽幼西王偽幼南王偽定王偽崇王偽璋王悉為馬隊殺斃蕭
 孚泗搜獲李秀成及洪仁發洪仁達於江甯天印山搜掘洪秀全屍於偽宮戮
 而焚之國藩親訊秀成等供讞成駢誅於市七月鮑超連克東鄉金谿楊岳斌
 等連克崇仁宜黃潘鼎新會克湖州楊昌濬等克安吉斬偽駙馬列王王徐朗
 寇併竄廣德長興守軍吳毓芬克四安鎮劉銘傳克廣德初秀全幼子自江甯

出亡悍黨衛至州城至是城克偽昭王黃文英等挾之走甯國八月唐義訓等
 敗湖州餘寇於歙縣殲曾目偽幼孝王等九人連日劉光明等大破寇於昌化
 淳安偽堵王黃文金偽借王譚體文伏誅李遠繼挾秀全幼子奔江西廣信於
 是浙江平初秀全幼子及黃李諸酋由甯國趨昌化之白牛橋譚曾及偽樂王
 之子莫桂先偽首王范汝增等由甯國趨淳安威坪約同竄徽境衆尙十數萬
 劉光明擊白牛橋寇黃曾中礮死弟文英代領其衆踰西奔黃少春斬譚體
 元於洪橋併誅莫桂先等曾百五十餘人劉明珍率所部由淳化上趨值黃文
 英李遠繼來犯明珍借魏喻義等分兵禦之創黃文英於陣李遠繼挾秀全幼
 子遁至徽歙之交寇由建口渡河我軍乘其半濟擊之大潰斬偽列王邱國文
 等收降卒六千餘餘黨向績溪而逸其已渡建口者竄至遂安黃少春等復擊
 走之偽列王劉得義蕭雅泗等率二萬人投誠洪氏勢益孤乃由遂安昏口遁
 走開化竄入江西九月鮑超擊偽康王汪海洋於甯郡大破之禽斬偽朝將王
 金瑞等百二十餘人席寶田追剿湖州逃寇大殲於廣昌白水嶺禽偽干王洪

清史稿

列傳二百六十一

六十三

仁玕偽郵王洪仁政及偽昭王黃文英皆伏誅沈葆楨克甯都會昌練勇克瑞
 金寶田追寇於石城游擊周家良搜獲秀全幼子於黃谷檻致南昌省城誅之
 各路官軍截剿餘寇殆盡於是洪氏遂滅
 論曰秀全以匹夫倡革命改元易服建號定都立國逾十餘年用兵至十餘省
 南北交爭隱然敵國當時竭天下之力始克平之而元氣遂已傷矣中國危亡
 實兆於此成則王敗則寇故不必以一時之是非論定焉唯初起必託言上帝
 設會傳教假天父之號應紅羊之讖名不正則言不順世多疑之而攻城略地
 殺戮太過又嚴種族之見人心不屬此其所以敗歟

清史稿

列傳

循吏

清初以武功定天下日不暇給世祖親政始課吏治詔嚴舉劾樹之風聲聖祖
 平定三藩之後與民休息拔擢廉吏如于成龍彭鵬陳瑄郭琇趙申喬陳鵬年
 等皆由縣令游歷部院封疆治理蒸蒸於斯為盛世宗綜覈名實人知奉法乾
 隆初政循而勿失國家豐亨豫大之休蓋數十年吏治修明之效也及後權相
 用事政以賄成益國病民亂萌以作仁宗矯之冀滌瑕穢道咸以來軍事興而
 吏治疏同治中興疆吏賢者猶能激揚清濁以彌縫其間然保舉日濫捐例大
 開猥雜不易爬梳末造財政紊亂新令繁興簿書期會救過之不遑又邊調不
 時雖有潔已愛民者亦不易自舉其職論者謂有清一代治民寬而治吏嚴其
 敝也奉行故事實政不修吏道媮而民生益蹙迨紀綱漸隳康雍澄清之治邈
 焉不可見觀此誠得失之林也明史所載以官至監司為限今從之尤以親民
 為重其非由守令起家者不與焉

清史稿

循吏傳一

循吏一

白登明

字宗堯 任辰日

宋必達

任辰日

張沐

任辰日

陳汝咸

任辰日

繆燧

任辰日

姚文燮

任辰日

駱鍾麟

任辰日

趙吉士

任辰日

張璠

任辰日

江皋

任辰日

邵嗣堯

任辰日

崔華

任辰日

劉榮

任辰日

陶元淳

任辰日

廖冀亨

任辰日

佟國璽

任辰日

陸師

任辰日

白登明字林九奉天蓋平人隸漢軍鎮白旗順治二年拔貢五年授河南柘城
 知縣時大兵之後所在萑苻嘯聚登明治尚嚴肅禽諸盜魁按以法境內晏然
 憫遺黎荒殘多方招撫停止增派河夫設條以勸耕讀十年考最擢江南太倉

知州釐賦稅除耗羨雪諸冤獄訪察利弊所捕發輒中隣境有冤抑赴懇上官
 輒願下州為理海濱居民因亂蕩析登明召民開墾復成聚落是年九月海寇
 犯劉河堡登明盡力守禦寇不得逞遂退十六年海寇破鎮江由江甯敗走急
 攻崇明巡撫蔣國柱治兵策應欲遣告師期莫敢前登明獨駕一艘夜半往繼
 城入衆知援至守益力寇乃遁劉河北支有朱涇者宋范仲淹新塘遺跡也久
 淤塞登明請於上官疏鑿五十里巡按李森先知其能復令大開劉河六十里
 於是震澤在北諸水悉導入海早潦有備為一郡利先是寇急時需餽無出以
 雲南協餉應之卒為大吏所劾落職州民列治狀請留弗得坐廢二十餘年康
 熙十八年會臺灣用兵福建總督姚啓聖巡撫吳興祚素知登明代為入質疏
 薦起授高郵知州值歲旱蝗繼而大水湖漲決清水潭築隄禦之嚴禁胥吏尅
 減役者踴躍從事次年復災再請蠲賑勸富民分食全活無算時三藩初平軍
 檄猶繁登明與民約凡供億驛夫聞吹笳而免奪民時上官有所徵調不輕
 給然皆諒其清廉亦無相督過者以積勞卒官貧無餘資州人醵金以殮入祀

清史稿

循吏傳一

循吏一

白登明

字宗堯 任辰日 湯家相任辰日于宗堯皆與登明相先後云家相字泰瞻山西趙城人順治六年進士八年授常熟知

縣潔已愛民釐剔耗蠹撫恤凋殘善政具舉前令被劾逮問家相左右之力白

其誣以是忤巡按御史時江南通賦數百萬嚴旨奪各官職家相坐免士民爭

先輸納不踰宿而額足且以治狀訴大吏請留勿獲既而給事中周之桂疏上

其事十三年起授湖北南漳縣縣居萬山中寇盜窟穴時出肆掠戕官人成危

之家相下車即令堅壁清野寇大至家相謂同城守備曰寇衆我寡當效羅士

信破盧明月法可勝密授方略寇果墮伏中遂擒其魁黨馬成孫信輩斬首數

百級寇大創遠遁於是招流亡修學校教養兼墾田六百餘頃築永泉八觀

諸糧民賴其力邑以大治疆吏交章薦之以病乞歸辰且字千之浙江蕭山人

順治十三年進士康熙初授上海知縣清苦自勵敏於聽斷數決疑獄豪猾斂

迹催科以時不大用鞭朴百姓感其仁輸納恐後瀕海防軍將撤密請行期故

邀軍主歡飲宣期須少緩次日令下促急行乃厚其牛酒道上勞軍軍無敢

遷延他顧居民帖然黃龍浦為吳淞江入海要口建開屢圯故事修開必築壩費不貲辰日仿浙人為梁法度基廣狹約丈尺伐石識其甲乙下之水使善洩者厝之悉中程復廣左右護隄約水就道十閱月而工成不病役不糜帑邑人頌之縣田沒水者六千畝賦額未除輸者率破家前令屢勸虛實質亂至是巡撫幕天顏疏請復勘辰日喜曰是吾志也日往來泥沙中按舊冊履丈釐其荒者閱二月費皆自辦俸不足出銀劍棉布償之籍上得減除額征有差十八年舉博學鴻儒放還故官復以良吏薦入為給事中論事切直改大理寺丞母憂歸旋以前廷推事註誤落職卒於家宗堯字二魏漢軍正白旗人廣西總督時曜子以廢入監讀書康熙七年授常熟知縣年甫十九興利除弊勇於為治老於吏事者勿速也時漕政積弊糧皆民運往往破家宗堯議定官收官兌之法重困得甦其徵糧則戒期令各自輸肯吏莫由上下其手民便之興文教戡豪強救荒療疫皆以誠懇馳擊出之四年如一日以勞致疾卒於官年二十有二耳民為罷市釐金發喪遂葬之虞山南麓題其阡曰萬民留葬

清史稿

循吏傳一

三

宋必達字其在湖北黃州人順治八年進士授江西寧都知縣土瘠民貧清泰懷德二鄉久罹寇民多遷徙地不治請盡蠲通賦以來之二歲田盡闢縣治瀕河夏雨暴漲城且沒橋於神水落按故道疏治之自是無水患康熙十三年耿精忠叛自福建出攻掠旁近地江西大震羣賊響應寧都故有南北二城南民兵必達曰古有保甲義勇弓弩社民皆可兵也王守仁破宸濠嘗用之矣如其法訓練得義勇二千及賊前鋒薄城下營將必達議事曰衆寡食乏奈何必達曰人臣之義有死無二賊本烏合掩其始至可一鼓破也營將遂率所部進賊少却必達以義勇橫擊之賊奔已而復率衆來攻巨礮墮雉堞輒擊補其缺隨方備禦益堅會援至賊解去或言於巡撫縣堡若多從賊巡撫將發兵必達刺血上書爭之乃止官軍有自汀州還者婦女在軍中悲號聲相屬自傾囊計口贖之詢其姓氏里居護之歸縣初食准鹽自明王守仁治贛改食粵鹽其後苦銷引之累必達請以粵額增准額商民皆便卒以粵引不中額被論罷職寧都人哭而送之餞貽皆不受間道赴南昌中途為賊所得脅降不屈繫旬有

七日忽夜半有數十人持兵踰垣入曰宋爺安在吾等皆寧都民擁而出乃得脫既歸里江西總督董衛國移鎮湖廣見之歎曰是死守孤城者耶吾為若咨部還故職且以軍功敘必達遜謝之既而語人曰故吏如棄婦忍自媒乎褐衣疏食老於田間寧都人歲時祀之越數年滇寇韓大任由吉安竄入寧都境後令萬礮生踵必達鄉勇之制禦之卒保其城云陸在新字文蔚江南長洲人康熙五年以策論取士在新夙講經濟遂得舉除松江府教授諸生以質行為先其以金贄者却之用不足知府魯某分俸助之巡撫湯斌察其廉勤以卓異薦是歲江南七府一州諸長吏被薦者獨在新一人時以此服斌之知人二十年擢江西廬陵知縣嚴重有威境內貼然誓不以一錢自污錢穀耗羨革除都盡傍水設五倉便民輸納建問苦亭於衙西訪求民隱時裏糧歷山谷間勞苦百姓軫其災患而導之於善召諸生考德論藝如為校官時設四門義學刻孝經小學頒行之二十六年江溢民多溺在新急出錢募民船往救躬自倡率出入洪濤中全活無算以受前官虧帑盈萬無所抵憂卒初赴官時子孔奐在

清史稿

循吏傳一

四

京師覽然曰吾父此行必殉是官矣亟從之卒之日書數篋以歛廬陵人為罷市三日請祀名宦祠長洲人亦以鄉賢祀之張沐字仲誠河南上蔡人順治十五年進士康熙元年授直隸內黃知縣縣苦賦役不均沐令田主自首不丈而清嚴行十家牌法奸宄斂迹大旱自八月不雨至明年九月民飢甚沐力籌賑捐資為倡勸富民貸粟官為書其數俟秋穫取價人爭應之民免轉徙沐為政務德化令民各書為善最樂四字於門以自警著六諭數言俾人各誦習反覆譬喻雖婦孺聞之莫不欣欣嚮善五年坐事免十八年以左都御史魏象樞薦起授四川資陽縣途出內黃民遮道慰問日行僅數里既抵任值吳三桂據瀘州相去數百里羽檄如織城中人戶不滿二百沐入山招撫量為調發供夫驛不缺演事平以老乞休沐自幼勵志為聖賢初官內黃講學明倫堂講業恒數百人湯斌過境與語大悅遺書孫奇逢稱其任道甚勇求道甚切沐因以禮幣迎奇逢至內黃講學俾多士有所宗仰及在資陽供億軍興之暇猶進諸生誨導不倦退休後主講汴中兩河之士翕然歸

之多所成就年八十三卒沐之自內黃罷歸也值登封令張燠興書院借耿介同講學爲文紀其事一時稱盛燠字耀如江蘇長洲人以官學教習議敘知縣康熙十七年授登封縣單騎之任途中與登封吏同宿逆旅吏不知也至縣三日拜獄誓不取一錢不枉一人衙前樹巨石鐫曰永除私派設櫃民自封投無羨折招集流亡督之耕種相其土宜課植木棉及諸果實大修學宮復嵩陽書院宋四大書院之一也延耿介爲之師導諸生以程朱之學自縣治達郊鄙立學舍二十一所課童子以時巡閱正句讀導之以揖讓進退之禮問策蹶歷諸郊問所苦有小爭訟輒於阡陌間決之西境有呂店者俗好訟燠察里長張文約賢舉爲鄉約俾行化導澆風一變里長申爾瑞負課且受杖路拾人輸稅金反之嘗受責不利人財燠義之旌其門鄉民高鵬舉死妻孟年少舅欲強嫁之孟哭夫墓將自縊燠適微行問其故給以銀米勸還家而免其徭歲時存問俾終其節縣故多胥役時獄訟日夥燠無所容諸胥多自引去其更番執事者退則操耒耜爲農以在官無所得錢也開募嶺二百里復古轅轅路建古賢

清史稿

循吏傳一

五

令祠修郵公墓崇禎末爲令守城抗賊死者也在官五年民知向方生聚日盛大書官清民樂於門耿介嘗歎曰年來嵩洛間別一世界矣二十二年以卓異荐擢廣西南甯通判去之日民遮道哭立祠於四鄉肖像祀焉榜曰天下清官第一至南甯未幾乞歸母喪服除赴京師卒

陳汝成字華學浙江鄞縣人少隨父錫徽講學證人社黃宗羲曰此程門之楊迪朱門之蔡沈也康熙三十年會試第一成進士選庶吉士散館授福建漳浦知縣民好訟嚴懲訟師無敢欺者縣中賦役故資戶長主辦版籍混淆吏緣爲奸汝成躬自編審人丁各歸現籍糧戶自封投納用滾單法輪催以三百戶爲一保第其人口多寡供役五年一編丁而役法平吏胥以不便撓之大吏搖惑汝成毅然不回奸人無所施技民樂輸將賦無逋負俗輕生多因細故服斷腸草死挾以圖財力懲其弊令當刑者掘草根贖罪禁昇神療病曉示方證自製藥以濟貧者毀學宮伽藍祠葺故儒陳真辰周瑛高登諸人所著書表章之歸誠書院乃黃道周講學地爲僧據逐而新之無爲教者男女羣聚茹蔬禮佛齋

其居爲育嬰堂西洋天主教要大吏將於漳浦開堂卻止之修文廟造祭器時會邑中士紳於明倫堂講經史性理諸書設義學延諸生有學者爲之師修朱子祠教養兼施風俗爲之一變會大水驟漲幾及城堞與錢登城多爲木筏渡一人與錢三十人皆以錢助拯活者數千多方撫卹雖災不害土寇伏七里洞將入海發兵擊之走山中密招賊黨誘禽其渠曾陸等餘黨悉散又禽海盜徐容盡得賊中委曲赦其罪責以招撫諸盜歸誠海氛遂清汝成任漳浦凡十有八年大吏因南靖多盜調使治之縣民請留不得構生祠曰月湖書院歲時祀之汝成至南靖諸盜自首就撫開示威信頌聲大作四十八年內遷刑部主事擢御史疏言商船出海掛號無益徒以滋累又言海賊入內地必返其家下海劫掠責之巡哨官未下海之蹤迹責之本籍縣令當力行各澳保甲會海盜陳尙義乞降汝成自請往撫聖祖命郎中雅奇偕汝成所薦阮蔡生往尙義率其黨百餘人果就撫通政使參議五十二年奉使祭炎帝神農帝舜陵並頒寶駐防兵徧歷苗疆審度形勢撫馭之策歷鴻臚寺少卿大理寺少卿五十三

清史稿

循吏傳一

六

年命赴甘肅賑荒徒步窮鄉感疫卒於固原漳浦士民聞之奔哭於月湖書院釀金置田歲祀不絕著有兼山堂遺稿漳浦政略諸書

繆燧字雲隴江蘇江陰人貢生入賞爲知縣康熙十七年授山東沂水縣時山左饑朝使發賑將購米濟南燧以路遠往返需日且運費多不便請以銀給民自買當事以違旨勿聽燧力爭以因地制宜之義代草疏奏請得允既而帑金不足傾囊以濟之游饑之後民多流亡出私錢爲償逋欠購牛種招徠復業因捕劇盜已獲復逸被議歸尋復官三十四年授浙江定海縣故舟山也設治未久百度草創海水不宜穀築塘岸以禦鹹蓄淡修復塘堰百餘所田日增闢繕城濬濠葺學宮建祠廟役繁而不擾地瘠民貧完賦不能以時踰限者先爲墊解秋後輸還舊有望稅出自漁戶網捕之地後漁塗被占苦賠累爲請罷之地故產鹽無籠戶鹽運使屢檄設廠仰盤官爲收賣燧持不可請仿江南崇明縣計丁銷引歲完鹽稅銀四十二兩有奇著爲例學額多爲外籍竄冒援宜平縣例半爲土著半令他縣人認墾入籍以充賦又以土著不能副額擴建義學增

廉頗以鼓舞之文教興焉民間日用所需多航海市諸郡城關胥苛索請永禁立石海關海嶼為盜藪隨監司歷勘凡羊街下八盡山花腦玉環牛邊牛韭諸島權度要害措置之盜風頓戢同歸域者海上死事諸人瘞骨處捐貲修葺建成仁祠以勸忠義歷權慈谿鎮海鄞縣及寧波府事皆有惠政擢杭州府同知未任五十六年卒於定海士民援唐王漁宋趙師且故事留葬衣冠奉祀於義學名之曰蓉浦書院蓉浦燧自號也遺愛久而不湮光緒中復請祀名宦祠燧任定海前後二十二年賜四品頂戴賜御書後雖擢官迄未離任時朝廷重守令循良多入於其職陳汝成治漳浦十有八年陳時臨治汝陽亦二十年一邑利病無所不知視如家事故吏治蒸蒸日上云時臨字二成浙江鄞縣人少從陳錫嘏學得聞證人書院之教家貧游京師三藩之變從軍敘功授湖南城步知縣父憂歸廬墓三年康熙三十年起授河南汝陽縣兵亂之後風俗大壞民不知喪禮時臨為斟酌古今所可通行者衰絰漿飲之風以息楊埠有支河久淤濬復其舊民獲灌溉之利河南諸縣多食蘆鹽獨汝寧一郡食淮鹽蘆商欲

清史稿

循吏傳一

七

并之時臨謂蘆鹽計口而授不問其所需之多寡以成額給之是厲民也吾不能謂河南盡革其害反徇商人意以害境內乎力爭得止巡撫徐潮亟稱之於是前後諸大吏皆以為循吏當令久任數報最數留之時臨亦與民相安於無事後擢兵部主事官家蕭家臨行百姓扶老載弱相送數十里逾年以病乞歸卒

姚文燮字經三安徽桐城人順治十六年進士授福建建寧府推官建寧俗號獷悍以睚眦讎殺者案山積文燮片言立剖未數月囹圄為空有方秘者殺方飛熊前令已讞定大辟文燮鞠得飛熊初為盜管殺秘一家既就撫秘乃乘間復讎不可與殺平人等秘得活大吏謂文燮明允凡疑獄輒委決之有武弁被殺株連眾文燮僅坐數人罪大吏駭曰此叛案何遽輕率文燮曰某所據初報文及盜供也蓋鄉民逐盜奔適遇之從騎未至為盜所殺而盜逸營中執為民叛殺亦文燮檢得初報文而盜亦獲自供殺弁故得其情時耿氏建藩其下多估勢虐民貸民錢而奪其妻女文燮悉使計發為捐募代償贖歸百數奉檄主

丈田事建寧郡皆山民依山鑿田每陡峻不能施弓繩文燮授吏勾股法計田廣狹增減為畝區畫悉當值邊海修戰船或擬按戶口出錢文燮上陳疾苦籌款以代民乃安秩滿報最康熙六年詔裁各府推官去職八年改直隸雄縣知縣渾河泛溢浸城文燮修城築隄造橋利涉者邑貢狐皮為民累條上其弊獲免地近京畿膏腴多園佔為旗產文燮為民爭之旗人請於戶部遣司官至牽繩量地繩所及民不得有文燮拔刀斷繩司官見其剛直詞稱遜未幾有旨退地還民團練屯丁以資守望盜賊屏迹報墾地蠲耗羨減鹽引恤驛政附循瘡痍民慶更生擢雲南開化府同知攝曲靖府阿迷州事吳三桂叛文燮陷賊中密與建興將軍林興珠有約為賊所覺被繫乘隙遁謁安親王岳樂軍中王以聞召至京賜對詢軍事甚悉演寇平乃乞養歸黃貞麟字振侯山東即墨人順治十二年進士十八年授安徽鳳陽推官嚴懲訟師閭閻大旱禱雨未應貞麟曰得無有沈寃未雪上天和乎於禱雨壇下立判諸大獄三日果雨江南通賦案興蒙城懷遠天長盱眙各逮紳民百餘人繫獄候勘獄不能容人

清史稿

循吏傳一

八

皆立貞麟曰彼通賦皆未驗實忍令僵死於獄乎悉還其家及訊則或舞文吏妄為注名或誤報或續完悉原而釋之保全者五百家河南優人朱虎山游食太和髮長數寸士猶范之諫與管姓有隙誣以藏匿故明宗室謀不軌事發江寧推官不敢問以委貞麟貞麟力白其誣逮至京師復勘刑鞠無異乃釋管姓而治之諫罪穎州民吳月以邪教惑眾株連千餘人貞麟勘多愚民無知止坐月及為首者捕人索財於水姓不得指為月黨追至新蔡殺之鄉人來救並誣為月黨撫鎮發兵圍之繫其眾至鳳陽貞麟廉得實懲捕而盡釋新蔡鄉人其理枉活人類如此旋以他事解官得白康熙九年改授直隸鹽山知縣地瘠而多盜立法牌甲互相救護有警一村中半守半援盜日以息清里役逃亡者悉與豁除不期年流民復業數百家十二年旱謂父老曰大吏使勘災者至供給惟官是責不費民一錢及秋徵吏仍以舊額進貞麟曰下輸上易上反下難待准蠲而還之反覆問民必受損立令除之又永革雜派陋例民皆感惠內擢戶部山西司主事山西聞喜丁徭重力請減之監督京左右翼倉因失察侵盜罷

職卒於家

駱鍾麟字挺生浙江臨安人順治四年進士副榜授安吉學正十六年遷陝西
熱屋知縣為政先教化春秋大會明倫堂進諸生迪以仁義忠信之道增刪呂
氏士約頒學舍朔望詣里社講演訪耆年有德孝弟著聞者見與鈞禮歲時勞
以粟肉立學社擇民間子弟授以小學孝經飭保伍修社會茲獄明決所案治
即勢豪居間莫能奪人畏而愛之縣城去渭不十里鍾麟行河畔知水勢將南
侵議自覽家寨迤東開復故道衆難之康熙元年夏大雨渭南溢且及城齋沐
臨禱自跪水中幸雨止水頓減徙而北流者數里兼攝興平鄂兩縣興平豪右
分爲部黨前令不能治廉得其狀收案以法奏最內遷北城兵馬司指揮復出
爲西安府同知八年擢江南常州知府常州縣賦重科條繁多吏緣爲奸鍾麟
立法鈎稽清逋吏受成事而已屬邑歲例餽漕羨三千金鍾麟曰利若金如吾
民何峻却之諸漕卒咸歛手奉法初鍾麟在盤屋以師禮數造李頤廬至是創
延陵書院迎顯講學率僚屬及薦紳學士北面聽問爲學之要顯曰天下之治

清史稿

循吏傳一

九

亂在人心人心之邪正在學術人心正風俗移治道畢矣鍾麟書其言終身誦
之已而江陰靖江無錫諸有司爭禮致顯顯爲發明性善之旨格物致知之說
士林蒸蒸向風吏治亦和九年大水發倉廩勸富人出粟賑民無荒亡十年夏
大旱葛衣草履步禱不應責躬籲天言知府不德累民涕泣並下尋丁母憂士
民乞留不可既歸連遭父喪以毀卒郡人論賢有司知治體必首推鍾麟先鍾
麟守常州者祖重光崔宗泰皆有名其後有祖進朝政聲尤著重光官至天津
巡撫宗泰奉天人順治初授松江府同知以敏幹稱擢常州知府政尚嚴厲善
鈎距吏民驚爲神明十三年大兵征閩過郡久駐人情恒擾宗泰先期儲儲備
悉備具有游騎入村落逐婦女溺水死宗泰夜叩營門白將軍縛置之法時時
單騎巡行遇小有剽奪隸傳呼崔太守來皆引避去民得安堵令甲府漕以推
官監兌推官儒而衛弁橫宗泰自請於漕督檄之監兌盛駭從帶刀鞭臨倉弁
卒悚懼竟事無譁尋以事左遷福建延平府同知後乞免歸進朝亦奉天人以
廢監起家康熙二十三年由部郎擢授常州知府有惠政以失察鑣級去士民

清史稿

卷四八二

呼頤於巡撫湯斌請留進朝斌上疏言進朝履任未一載操守廉治事勤臣私
心重之頃緣失察法實事降調常州五縣士民輒號泣罷市赴臣請留日不下
數千人臣諭以保留例已久停士民謂常州四十年未有愛民如進朝者其減
絲輕耗興學正俗戢奸除暴息訟安民窮鄉僻壤盡沾惠澤朝廷軫念東南如
江甯府知府于成龍特恩超擢吏治不變進賢操守才幹可與成龍頡頏而獨
以一省被謫士民攀留言之泣下臣不知進朝何以感人之深如此臣受事四
日始獲法實是受事之日已爲失察之日且當候處分何敢代人瀆奏惟臣蒙
恩簡畀封疆大任屬吏之敗檢者得糾劾之廉能者不能爲之一言非公也民
情皇皇如是而不爲之解慰安輯非仁也畏罪緘默而使輿情不上聞非忠也
敢據情陳奏章下部議格不行聖祖諭曰設官原以養民湯斌保奏祖進朝清
廉百姓同聲懇留可從所請以勸廉吏進朝復任未幾以老疾乞免民恆思之
不置云

趙吉士字天羽安徽休寧人寄籍杭州順治八年舉人康熙七年授山西交城

清史稿

循吏傳一

十

知縣縣居萬山中地產馬饒灌木時禁民間牧馬停南堡村木廠民因往往去
爲盜武弁路時運食而擾民民殺時運作亂與大同叛將姜瓖合連破諸邑及
瓖誅餘盜匿山中吉士到官定先撫後勦之策有投撫者給示令招其黨調知
羣盜陰事選鄉兵得技優者百人令紳戶家出一丁與民均役分夕巡城行保
甲法匿賊者連坐隣盜相戒不入境時交城多抗賦河北都者賦倍他都吉士
往諭朝廷德意勗以力耕勿爲盜衆悚息日暮寢陶穴中聽訟左右多賊黨吉
士陽若勿知詰朝深入察其形勢最險者曰三坐屋東西兩葫蘆川繞其下塞
葫蘆口則官軍不得登吉士默識之而還交山賊楊芳林芳清等時出肆掠九
年春吉士入山勸農撫養瓖卒惠崇德詢得二楊所在命二卒立擒至杖繫
之賊渠任國鉉鍾斗等糾衆尾之不敢發會有陝西叛弁黃某入葫蘆川與國
鉉合吉士謀間之遣山民持書付國鉉等僞誤投黃所黃得書疑國鉉等率衆
去國鉉等既失黃弁無所恃有投誠意靜樂盜李宗盛踞周洪山道其黨趙應
龍劫清源吉士遣惠崇德入山說國鉉等令獻趙應龍可免罪國鉉與宗盛約

一五三

應龍縛付崇德應龍恨為所賣盡發諸盜陰謀吉士會兵勦宗盛復遣崇德往說國鉉等使無動遂擒宗盛賊黨益渙十年廷旨下總督治羣盜期盡勦絕吉士曰交山劇賊不過十餘人其它率烏合一聞勦恐山中向化之民畏罪自疑反為賊用今靖安堡初復請協兵三百以駐防為名尅期入山可一戰禽也靖安堡者近葫蘆口三十里昔以屯兵吉士就廢壘新築之守備挑順率兵至縣吉士約期進屯先期七日置酒大享客夜半席未散吉士上馬會師疾驅四十里至水泉灘分三隊一襲東葫蘆一襲西葫蘆自借挑順進駐東坡底為兩葫蘆要道東西賊援並絕國鉉等為內應呼曰官兵入山矣兩葫蘆賊皆走上三坐匡吉士遣人至匡下語之曰汝等良民毋為賊脅官且按戶稽丁不在即以賊論衆乃稍稍去僅存二百餘人分兵要賊去路賊四竄被獲頗衆分搜巢穴縱降賊質其妻子俾捕他賊以自贖入山旬有六日盜悉平乃召山中民始終不附賊者三十七家資以羊酒立為約正其素不與徭役者千四百三十家編其籍入都圖自後交山無賊患吉士初患山路險阻命每都具一圖麟比為

清史稿

卷一百一十一

十一

大圖召父老詢徑途曲折注之以次及永寧靜樂麟縣諸山每獲賊善遇之因得諸賊蹤迹上官知其能不拘以文法用卒成功治交城五年百廢具舉內遷戶部主事監揚州鈔關糧戶科給事中忌者劾其父子異籍被黜尋補國子監學正四十五年卒祀交城名宦祠

張瑾字去瑕江南江都人康熙二年舉人十九年授雲南昆明知縣時吳三桂初平故軍衛田隸藩府者徵租量豐歉收之事平沿為額民不能供又軍興後官司府署器用皆里下供應而取給於縣故昆明之徭尤重於賦瑾請於大吏奏減其賦不可乃蠲盡荒地招流亡給牛種游其徵以濟軍衛之賦一年墾田千三百餘畝三年得萬餘畝又均其徭里蠶無科派奸民無包收諸侵漁弊皆絕民舊供縣公費日十金瑾曰吾食祿於君不食備於民革之總督曰陳仲子之廉能理劇乎又問今家幾何人對曰子一客與僕各二闌之信皆驚異自公費除而上之取給者亦減昆明池受四山之水夏秋暴漲怒流入閘河沙石壅塞水乃溢浸瀕池田歲勞民力濬之晉寧州境毘於昆明受東南諸箚之水舊

迹有河道入江上官議鑿之以通閘河瑾按地勢為圖白之曰閘河獨受昆明之水已不能吐納沙石旁溢為害豈可更受晉寧水乎且其地高若建嶺沙石犖確尤甚殆不可治臺司持之堅則指圖爭曰高下在何忍陷民於死總督范承勳曰令言是也議遂寢縣有止善春登利城諸里田均窪錯出不早則潔瑾廉得旁近有白沙馬盤清水三河可資蓄洩年久湮塞率民濬治三月河復田以常稔大小東門外舊皆市兵後為墟盜賊窟其中為創造室廬以居流亡移城中驛馬羊諸市實之貨摩牧場相比盜遂絕迹安阜園者故藩園也請耕之以食孤貧廢疾而無告者是時上官多賢者每倚信瑾兵備道欲以流民所墾田牧馬求之期年不與久亦稱其直將軍僕殺人按察使置酒為請陽諾之退而正其罪巡撫僕子謀奪士人聘妻即縣庭令士人行合禮判曰法不得娶有夫之婦婦乘我輿墜我馬役送之歸有奪者治其罪時人作歌詩以傳之初至滯獄以百數斷訖皆當後一省疑獄輒付瑾治屢有平反居三年病卒士民圖其像藏之請祀名宦祠

清史稿

卷一百一十二

十二

江星字在涓安徽桐城人順治十八年進士觀政刑部父病乞養歸喪除授江西瑞昌知縣故事歲一巡鄉堡校戶籍飲與馬費泉罷之縣城近河孺岸善崩屢決改道環城無陸民病汲泉出俸金率先衆力築堤壅塞水復其故形勢益壯民居遂蕃三藩叛縣界連湖南土寇乘間起星曰吾民緣飢寒出此迫之則走藉寇飭鄉保長開諭撫安而密督丁壯巡察屢擒其魁盜遂息居七歲考最遷九江府同知尋擢甘肅鞏昌知府大軍入蜀治辦軍需值歲除檄徵驛馬千匹芟芻器具取具倉猝泉策畫便宜供應無缺士卒驕悍所過漁奪百姓泉遇輒縛送軍主斬以徇絲是肅然越四歲調廣西柳州時新收嶺西兵猶留鎮軍中多掠婦女泉白大吏檄管帥籍所掠送郡資遣凡數百人軍餉不繼士譁噪將變泉馳諭緩期趣臺司發餉應期至軍乃戢郡民王績緒故官家子經亂產為四奴所據隻身寄食僧舍泉詰得之悉逮捕諸奴奴懼納二千金乞免伴受之訊伏罪乃出金授績緒命奴從歸盡還其產柳人歌誦之太和殿大工興使者采木民大恐長老言故明采木於此僵仆谿谷橫藉不可數舉曰上命

也何敢匿諱使者至令民前導自控騎借使者往視巨木森挺絕巖下臨深谷下騎掖使者攀援以登崖益峻無側足所使者昨舌曰是不可取還奏免役民譁呼戴恩德尋被薦提學四川以母喪解官服闋補陝西平慶道副使遷福建興泉道參政以事左遷旋以恩復職卒於家阜於廣西聲績最著其後稱張克疑賈僕克疑字偉公山西聞喜人康熙十八年進士選庶吉士改刑部主事累遷郎中有獄連執政族人諸司莫敢任克疑請獨任之內務府以其人出使爲辭克疑鉤提益急牒問奉使何地歸何期力請部長入告事雖格聞者肅然出爲廣西平樂知府猶獲雜居盜不可詰克疑至浹月以信義服苗酋獲巨盜二人斃其一宥其一責以偵緝終其任盜不敢窺調廣東潮州屬縣賊盜起或稱明裔衆千餘人克疑疾馳至其地命吏士速據白葉山設疑兵賊不敢逼會夜半大風起簡健卒二百斫其營呼曰大兵至矣城中鼓噪出兵以助之賊奔祁山要擊之斬其渠魁二人衆散乞降巡撫將上其功克疑曰此盜耳而稱明裔興大獄株連多恐轉生變乃以盜案結郡有大豪狀親迎者於路而奪

清史稿

循吏傳一

十三

其妻克疑微行迹而得之獄成當大辟監司以督撫命爲之請曰稍遲緩之當有以報克疑曰吾官可罷獄不可寬也卒實諸法或假親王命以開礦縛執之其人出龍牌克疑命繫之獄以牌申大府情既得立杖殺之丁父憂歸遂不出年七十六卒樸字素庵直隸故城人貢生康熙二十三年授廣西柳州同知有政聲思明土屬負固抗官大吏知其能調任思明治之夜遣健卒潛入山焚賊寨遂出降署思明知府土田州岑氏母子相爭土目陸師等構之以爲利殺人千餘樸至切諭母子俱感泣師等衆謀不軌先攝以兵單騎往曉以禍福乃聽命建明倫堂設義學代完寒士通糧民立生祠奉之擢貴州平越知府呈誤去官樸在廣西管條上邊事巡撫彭鵬奇其才四十年詔舉廉吏鵬特疏薦授江南蘇州知府與吏民相見以誠屏絕請託政聲大起四十六年聖祖南巡幸蘇州嘉其清廉爲吳中最擢江常鎮道吳民數千人遮道請留賢守御書宜民區額賜之調蘇松常鎮太糧儲道布政使參政仍兼管蘇州府事從民願也革四府徵糧例規積弊一清忤總督噶禮據事劾之四十九年去官留吳門三年

歸里卒

邵嗣堯字子昆山西猗氏人康熙九年進士授山東臨淄知縣有惠政以憂去十九年服闋補直隸柏鄉興水利減火耗禁差擾民安之縣人大學士魏裔介爲同寮會試座主家人犯法嚴治之不少貸又有旗丁毒毆子錢家入縣庭勢洶洶嗣堯不稍屈繫之獄移文都統訊主者主者不敢承具論如法值歲饑或言勸積粟家出粟嗣堯曰人惟不積粟故歲饑則束手吾方斬令積粟家獲厚利何勸爲已而獨粟者衆歲不爲災有言開濬陽河通舟楫者巡撫于成龍使嗣堯往相度嗣堯力持不可謂此河旱潦不常未可通舟楫即或能通恐舟楫之利歸商賈挑濬之害歸窮民矣事遂寢盜殺人於縣界立捕至置之法或毀於上官以酷刑奪職尙書魏象樞奉命巡視畿輔民爲申訴事得白于成龍復薦之補清苑嗣堯益感奮自勵屢斷疑獄人以包孝肅比之二十九年尙書王鵬翮嗣堯清廉慈惠行取擢御史三十年出爲直隸守道持躬清介苞苴杜絕遇事寔發機激勢要憚之所屬州縣肅然奉法三十三年江南學政缺聖祖諭

清史稿

循吏傳一

十四

曰學政關繫人材朕觀陸隴其邵嗣堯操守學問俱優若以補授必能秉公校士革除積弊時隴其已卒遂命嗣堯以參議督學江南既蒞事虛衷衡校論文宗尙簡質著四書講義傳示學者甫試三郡以積勞遂疾卒身無長物同官欽資致賻乃得歸葬士民思之爲立祠肖像以祀焉聖祖澄清吏治拔擢廉明近畿尤多賢吏如彭鵬陸隴其及嗣堯當時皆循名上達聞於天下鵬及隴其自有傳又有衛立鼎高蔭爵新讓治績亦足媲美立鼎字慎之山西陽城人康熙二年舉人授直隸盧龍知縣地富兩京孔道驛使旁午供張棹構悉自營辦不以擾民先是縣中徵糧勺抄以下皆用升合量納草以銀代仍抑價買諸民間立鼎令輸戶舍納奇零統歸斛斗徵草則以本色輸民甚便之興行教化獎拔士類不變其俗尤以清廉著稱尙書魏象樞及侍郎科爾坤奉命巡畿內至盧龍已治具不肯食僅啜一飯曰令飲盧龍一杯水耳吾亦飲令一杯水諸大獄悉以咨之立鼎引經準律象樞大稱善于成龍之巡撫直隸也嘗迎駕於霸州奏舉循吏以立鼎陸隴其並稱嗣堯巡撫格爾古德以事至盧龍謂立鼎曰令之

苦無異秀才時秀才徒自苦今令苦而百姓樂非苦中之樂乎疏薦立鼎治行第一靈壽令陸隨其次之內遷戶部郎中秩滿授福建福州知府以年老致仕歸教授鄉里以倡論道學為事年七十有六卒諡節字子和奉天鐵嶺人隸漢軍康熙初謁選授直隸靈壽知縣縣多旗屯居民田之半佃者倚勳貴為奸利持吏長短河數決孟嘗村歲比不登民大饑陰爵至曰吾未暇理他政且活民倉有粟二萬石請發以賑贖再上不許請解官乃許之五千石陰爵曰若今歲又惡民不能償二萬石五千石等死耳吾且活吾民乃盡發之更出帑五百金貸民種麥夏旱蝗起捕蝗盡秋又大霖雨河暴溢率吏民冒風雨捍禦堤完而歲大熟民乃安某甲以財雄諸佃多為不法誣諸生為奴而籍其田按治得實置之法豪猾憤服莫敢犯令於是設義倉置鄉學尊禮賢士民大和悅調三河一以簡易為治或問之曰前令已治矣何紛更為前令彭鵬也聖祖校獵至三河問父老高令與彭令孰賢對曰彭廉而教高廉而和上稱善擢順天府南路同知于成龍問以捕盜方略條上三事略言盜旗屯為通逃藪請嚴保甲首實

清史稿

循吏傳一

十五

之令使無所匿而平日能使之衣食粗足則可不至為盜成龍雖之會丁父艱歸成龍總督南河築界首隄以屬陰爵隄成上南巡閱工召見賜克食起復補湖北德安府同知累擢四川松茂道直隸口北道皆有惠政卒於官子其倬官至大學士自有傳讓字益庵河南尉氏人康熙十八年進士授浙江宣平知縣早災請蠲甚力巡撫張鵬翔以為賢父憂去服闋授山西汾西會親征漠北供張杜絕擾累民力不足請以正賦辦治行取擢御史數上疏言察吏安民實行教養聖祖諭曰朕御極四十年惟冀天下黎庶盡獲安全邊疆無事如祈讓所言必令家給人足無一人凍餒此非朕所可必者恐其不過徒為大言義者錢珏衛既齊亦曾為此言及後用為大吏皆不能自踐其語祈讓曾為縣令其所為能如是乎通州驛馬事繁著調為通州知州果能如所言朕即超用上意欲試之也許其便宜啟奏讓布衣廐馬之官皇莊旗莊恣肆病民繩以法不少貸私錢私鑄悉禁止時禁河捕魚誣累平民讓分別治之奸商藉權貴勢謀專賣麥豆及設薑肆牟利並拒絕上聞皆慰之會學政更替命九卿舉所知上曰朕

清史稿

循吏傳一

十六

亦舉一人命以僉事督學廣西逾年調浙江除弊務盡教士先德行而後文藝值南巡召對褒獎曰汝不負朕舉朕將用汝為巡撫讓以母老乞終養賜御書天麻堂額以榮其母尋母喪以毀卒

崔華字蓮生直隸平山人順治十六年進士康熙六年授浙江開化知縣政務寬平建塾校藝士爭嚮學縣舊有里總主賦稅橫派滋擾除之又以虛糧為累請豁於上官未竟其事十三年耿藩亂作縣南墾戶多闖人豎旗以應城守千總吳正通城陷城露刃相逼華從間道出檄召十六都義勇鄭大來夏祚等涕泣開諭立聚萬人躬冒矢石閱五日城遂復總督李之芳上其事詔嘉之時閩寇方熾分三路犯浙衢州當中路之衝縣城再陷慘掠尤甚民無叛志華率兵退保遂安圖恢復時出有所擒斬大兵扼衢州久與賊持十五年春始遣將由遂安復開化至秋大破賊軍浙境漸清流亡初集積逋尤多華圖上遺黎困苦狀乞為請命盡蠲十三年至十六年額賦贖民之流徙者俾得完聚疫癘盛行廣施藥餌全活無算先後論功十九年擢江南揚州知府值湖河並漲屬縣被災者衆華加意撫恤二十三年命九卿舉中外清廉之吏廷推七人外吏居其三華為首焉擢署兩淮鹽運使軍興商困乃權宜變通令先行鹽後納課務與休息商力甦而賦亦無缺先是湖南諸府因兵燹引三十九萬有奇至是有請補行蠲引者華以兩淮浮課重又帶加斤若補蠲引必致額售者滯銷課力言不便事得寢三十一年遷甘肅莊涼道未行卒准商祠祀之周中鉉字子振浙江山陰人康熙中為江南崇明縣丞崇明故重鎮兵籍千人欲預取軍食於官不獲殺刃譁噪官吏咸避匿中鉉獨挺身前宣布順逆利害咸切聳動衆皆投械散擗華亭知縣民有被誣殺人久繫獄中鉉立出之而坐其質殺人者提標兵庇盜前令莫敢問中鉉捕治置諸法境內又安四十四年秋大窪雨以風水驟溢漂斃縣廩具衣棧棺樁救卹之又為請賑蠲租活民甚衆雍正四年以催科不及格罷縣民萬數遮言上官聞於朝得復職時左都御史朱軾被命修海塘知中鉉賢悉以事付之塘成丁母憂民復留中鉉先已擢松江知府至是予假治喪還視府事五年議浚淞婁諸水以中鉉署太倉知州董其役六

年二月築壩於陳家渡一再潰與千總陸某晝夜冒險指揮倉卒覆其舟既歿而築台事聞贈太僕寺少卿當申銓令華亭時奉寶猶隸境內後析為縣中銓適為知府至是民懷其澤奉以為奉賢城隍之神歲時祈報著靈異長洲王芭孫為廟碑紀其事道光七年巡撫陶澍復濬吳淞江疏請立廟江干

劉榮字弢子山東諸城人康熙二十四年進士三十四年授湖南長沙知縣以廉明稱時訛言裁兵撫標千人環轅門大噪榮為開陳大義預給三月餉示無裁意眾乃定總督吳瑣以循良薦之三十七年擢陝西寧羌知州關中大饑漢南尤甚州無宿儲介萬山中艱於輓運榮請貸隣邑倉粟約民能負一斗至者予三升不十日輓三千石大吏下其法賑他邑咸稱便又奉檄賑洋縣移粟沿漢而下榮先徧歷審勘旬期給發數日而畢謂洋令曰此粟貸之官倘民不能償吾兩人當代任比秋大熟洋縣民相勉還粟不煩催督始寄羌地苦凋瘵榮為均田額完通賦補棧道修旅舍安輯招徠期年而廬舍萃集山多樹葉民未知蠶遣人旋鄉里齋蠶種莠善蠶者教之人習其利名所織曰劉公綢士苦無

清史稿

循吏傳一

十七

書為召賈列肆分購經籍建義塾親為講解四十一年擢甘肅寧夏中路同知未赴母憂去以代民完賦負累不能行屬弟代售遺產不足弟並以已產易金償負民聞之爭輸金為助卻不受服闋補長沙府同知入覲奉溫旨試文藝於乾清門即日擢山西平陽知府裁汰陋例蠲除煩苛訟牘皆立剖決之四十八年九卿應詔舉廉能吏以知府被舉者惟榮與陳鵬年二人四十九年擢直隸天津道副使迎駕浚津詔許從官恭瞻親洒宸翰榮因奏兄果昔官河間知縣奉清廉愛民之褒乞賜御書清愛堂額上允之歷江西按察使四川布政使五十五年上詢九卿本朝清介大臣數人求可與倫比者九卿舉四人榮與焉駕幸湯泉又以榮治狀語諸從臣會廷推巡撫共薦榮上嘉納之以四川用兵未經調五十七年卒於官兄果官山西太原府推官有聲改河間知縣康熙八年駕幸河間問民疾苦父老陳果治狀召見褒之卒祀名宦榮子統勳孫備曾孫銀之並為時名臣自有傳

陶元淳字子師江蘇常熟人康熙中舉博學鴻詞以疾不與試二十七年成進

士廷對論西北賦輕而役重東南役均而賦重願減浮額之糧罷無益之費閱者以其言懸置二甲三十三年授廣東昌化知縣到官首定賦役均糧於米均役於糧裁革雜徵自坊里供帳始相率以力耕為業縣隸瓊州與黎為界舊設土舍制其出入吏得因緣為奸元淳立撤去一糧量定法度黎人便之城中居人舊不滿百家至此戶口漸蕃元淳時步行間周咨疾苦煦嫗如家人瓊郡處海外軍將多驕橫崖州尤甚元淳嘗署州事守備黃鎮中以非刑殺人游擊余虎縱不問且貪索黎人獻納元淳廉得其狀列欵以上虎私以金賄之不得造蜚語揭之總督石琳下瓊州總兵會訊元淳申牘曰私揭不應發審鎮臣不應侵官必挫執法之氣灰任事之心元淳當棄官以全政體不能蒲伏武臣貽州縣羞也初鞠是獄鎮中令甲士百人佩刀入署元淳據案怒叱曰吾奉命治事守備敢令甲士劫持是藐國法也鎮中氣懾疾揮去卒定讞論罪如律哇人為語曰雖有余虎不敵陶公一怒而總督卒因元淳備置坐不檢驗失實會赦免復欲於計典黜之巡撫蕭永葆初授事曰吾初下車便劾廉吏何以率屬

清史稿

循吏傳一

十八

為言於總督乃已元淳自奉儉約在官惟日供韭一束喜接諸生講論至夜分不倦屢乞病未果竟以勞卒於官昌化額田四百餘頃半淪於海賦不及二千浮糧居三之一民重困元淳為浮糧考屢請於上官乞豁除無應者乾隆三年元淳子正靖官御史疏以入告竟獲俞旨免焉

廖翼字子瀛海福人康熙二十九年舉人四十七年授江蘇吳縣知縣值歲旱留漕賑饑不足自貸金易米以濟士人感其誠相率捐助賑以無乏吳中賦額甲天下縣尤重翼亨減火耗用液單民皆稱便知收漕弊多拘不法者重治之凡留難勒索錫斛淋尖高麗重飾諸害掃除一清太湖中有蘆洲或墾成田或種蓮養魚官吏輒假清丈增糧名以自利翼亨曰湖蕩偶爾成田未可久持今增其賦朝廷所得幾何而民累無盡期一無所問初翼亨莅任時有吳人語之曰吳俗健訟然其人兩粥一飯肢體薄弱凡訟宜少準速決更加二字曰從寬翼亨悚然受之收詞不立定期民隱悉達嘗自謂訟貴聽聽之明乃能速決而無冤抑在吳三年非奸盜巨猾行杖無過二十蓋守此六字箴也有岸

生授徒鹽商家自刎死勸得實或有誘其受賄者冀亨無所避卒釋鹽商勿罪
 東山巡檢報鄉人弑父屠嫂未遂自盡冀亨方乘二燭閱其詞燭無風齊滅知
 有冤剋日渡湖往驗大風舟幾覆從者色變冀亨曰縣官伸冤理枉而來神必
 佑之何懼須臾抵岸訊得父故殺狀巡檢得賄誣報俱論如律冀亨既有聲於
 吳他縣疑獄往往令推治會有宜興知縣誣揭典史故勘平民為盜刑夾致死
 冀亨奉檄按驗知縣者總督鳴禮之私人也或告宜少假借冀亨不為動檢課
 骨無傷原揭皆誣獄上鳴禮屢駁詰再三審卒如冀亨議以是忤總督時巡撫
 張伯行以清廉著深契冀亨布政使陳鵬年尤重之而鳴禮不懌於伯行尤惡
 鵬年四十九年鵬年被劾並及冀亨以虧帑奪職逾年鳴禮敗冀亨始復原官
 以病不赴選及卒吳人祀之百花書院冀亨歿後家留於吳入籍嘉定曾孫文
 錦嘉慶十六年進士由翰林出為河南衛輝知府有惠政祀名宦文錦子惟勳
 道光十三年進士亦由翰林為貴州鎮遠知府撫苗有法終貴陽府
 修國璫字信侯奉天人隸漢軍籍康熙三十年由筆帖式授山東文登知縣縣

清史稿

循吏傳一

十九

俗愚悍有勸治宜嚴峻者國璫曰為政在誠心愛民興利除害化導之而已嚴
 峻非民之福也副將某以睡妓餽餉軍大噪夜半斬關出屯東郊國璫聞變單
 騎往諭曰吾與軍民同疾苦有冤當訴我何妄動為衆猶洵國璫當砲立曰
 吾不忍見爾曹族誅請先試若砲衆動色曰公廉明軍何敢犯然事已至此奈
 何國璫力任保全究其故得實縛妓扶之衆泣拜而散副將尋被劾去歲饑奸
 民騷動國璫歷村墟給賑撫諭捕治凶渠民賴以安邑豪宋某以隣婦貸錢不
 償息殺之吏役得賂皆為豪掩又以千金賄國璫國璫怒覆驗婦有重傷鞫得
 其情置豪於法邑故瀕海副將林某縛商船之泊島嶼者數千人指為寇國璫
 訊釋之別捕誅盜四十餘人五十年擢山西澤州知州歲稔發常平倉以貸
 民社期輸還無爽又減耗羨革陋規省徭役平物價民情大悅國璫嘗以論事
 忤太原知府某某嫉人誣揭之坐罷任州民鳴鐘鼓罷市欲詣闕既而得白留
 原任時平陽民變巡撫檄國璫以兵往國璫曰是速之亂也單騎馳赴民皆頷
 手曰修公至吾屬無慮矣乃安堵受撫五十九年以疾乞免後以所屬高平令

虧帑被逮責償萬金民感其惠捐金投州庫代償其半云
 陸師字麟度浙江歸安人少負文名康熙四十年進士授河南新安知縣修學
 校集諸生治經童子能應試者免其徭民興於學響馬賊李國玉為患久捕誅
 之巡鹽使者下縣取鹽犯四十人師曰律以人鹽並獲始為犯今勸犯止二人
 何濫為父憂歸在途有六七騎挾弓矢驅牛車載婦女三十餘人言歸德饑民
 某將軍買以歸者也師叱止之令官還婦女於其家白將軍收其騎卒或謂已
 去官胡忤將軍師曰知縣一日未出境忍以饑民婦女媚將軍耶服闋補江蘇
 儀徵有盜引良民為黨師親馳往捕見城器滿地言有暴客食此不償值因而
 鬪毀詰其人狀與盜符事得白春徵勸富戶先輸秋則減其耗令自封投櫃故
 事驛夫臨時取給鋪戶倉猝滋擾一切禁革但令戶日賦一錢歸驛商賈以安
 揚州五縣饑大吏令縣各以五千金糴穀備賑具舟車往則虛而歸師察知府
 意欲縣官借補所虧也力爭於是五縣皆得穀以賑卻鹽商例餽固請乃籍其
 入以修學宮具祭器樂舞浚泮池植桃李其上修宋文天祥祠又以其餘建倉

清史稿

循吏傳一

二十

廉潔治園質庫書票故有月無日勿論久近皆取一月息師辭其歲餽令視
 他縣月讓五日舊有豬稅下令蠲除之課最行取擢吏部主事升員外郎掌選
 有要人求官力持不可督山東礦務條上開採無益罷其役還擢御史巡河諭
 獄皆稱職康熙六十一年河督陳鵬年疏請以師為山東袁沂曹道未到官卒
 祀名宦祠號鑑字明水浙江錢塘人早與同郡杭世駿齊名雍正初以拔貢就
 選籍授江蘇甘泉知縣縣新以江都析置故脂膏之地鑑恥為俗吏一以子惠
 黎元振興文教為己任故某侍郎子與有舊入謁有所屬拒之有同城官為大
 吏所昵令伺察屬吏者有挾而請又拒之巨室延飲又拒之於是大江南北盛
 傳甘泉令不近人情鑑益自刻苦無一長物縣境邵伯埭受高寶諸湖之水地
 卑下鑑謂當於農隙運土築高埂沿隄為防以徐議溝洫隄上即植桑興蠶事
 其西境地高洩不雨即龜坼宜每一里為水塘以蓄之如是則高下之田俱
 無患大吏趨之然不能行邵伯埭下有芒稻河設閘洩水尤要值大水泛溢鑑
 冒雨至呼閘官洩之閘官以鹽漕為言不可會總河嵇曾筠視河至鑑直陳厲

聲訶開官會錫即令啓闢又用鑑言定鹽漕船過湖需水不過六尺過即啓闢無得藉口蓄水爲民田患每歲晏江都之鰥寡孤獨多入甘泉部中西湖聖因寺僧明慧者侍前在內廷法會恩寵干求徧於江浙一日以書幣關白鑑杖其使而遣之事流傳上聞世宗召明慧還京錮不許出當是時甘泉令聲聞天下在任六年以父憂去官貧至無以葬河南巡撫尹會一故爲揚州守雅與鑑善招之欲使主大梁書院以修脯助葬遂卒於河南鑑洪深經術能摘先儒之誤顧書多未成所成者毛詩疏說闡明李光地之說爲多

陳惠榮

茂復傳

閻堯熙

藍鼎元

葉新

陳慶門

周人龍

童華

李渭

謝仲玩

牛運震

邵大業

周克開

汪輝祖

劉大紳

陳惠榮字廷彥直隸安州人康熙五十一年進士授湖北枝江知縣修百里洲隄除轉餉雜派雍正三年遷貴州黔西知州父憂歸服闋署威甯府未幾威甯改州補大定知府烏蒙土司叛東川鎮雄附之惠榮赴威甯防守城陴頽圯倉猝聚米桶質土石比次整築墉堞屹然賊焚牛衝鎮去城三十里惠榮日夜備戰賊不敢逼總兵哈元生援至賊敗走尋以母憂去官服闋授江西上饒九南道九江大孤兩關銅弊盡革之乾隆元年經略張廣泗疏薦擢貴州按察使時羣苗交煽軍事方殷古州姑盧朱洪文諸叛案惠榮治鞠詳慎重輕咸稱其情衆心始安及苗疆漸定駐師與屯將吏多以刻急見能二年貴陽大火惠榮謁經略曰天意如此當竭誠修省苗亦人類曷可盡殺廣泗感動戒將吏如惠榮言四年署布政使疏言黔地山多水足可以疏土成田小民難於工本不能變瘠爲腴山荒尤多流民思墾輒見撓阻桑條肥沃亦不知蠶繅之法自非牧民者經營而勸率之利不可得而興也今就鄰省雇募種棉織布飼蠶紡績之人擇地試種設局教習轉相仿效可以有成應責各道因地制宜隨時設教一年必有規模三年漸期成效詔允行乃給工本築墉堰引山泉治水田導以蓄洩之法官署自育蠶於省城大興寺繅絲織作使民知其利六年疏陳課民樹杉得六萬株七年貴筑貴陽開州咸甯餘慶施秉諸州縣報墾田至三萬六千畝

開野蠶山場百餘所比戶機杼相聞蕙榮據以入告數被溫旨嘉獎又大修城郭壇廟學舍廣置栖流所收行旅之病者益囚糧冬寒恤老疾嬰孤之無衣者親課諸生勗以爲己之學設義學二十四於苗疆風氣丕變十一年遷安徽布政使振鳳嶺水災流移獲安十二年卒於官蕙榮在貴州興蠶桑爲百世之利時遊義知府陳玉擊山東歷城人到郡見多檉樹土人取爲薪炭玉擊曰此青萊樹也吾得以富吾民矣乃購歷城山蠶種兼以蠶師來試育五年而蠶大熟獲繭八百萬自是遊網之名大著正安州吏目徐階平亦自浙江購繭種仿玉擊行之正安亦大食其利遵義鄭珍著檉繭譜以傳玉擊遺法

萬復傳字衣亭順天寶坻人原籍江蘇深陽康熙四十八年進士授浙江錢塘知縣悉除諸無名錢曰官足給養殮而已有金三者交通上官署爲姦利立逮杖斃之一時大快五十八年大旱復傳勸實上狀上官欲寢之固爭曰律有捏災匿災並當劾某今日請受捏災罪時同城仁和民千人跣走圍署曰錢塘爲民父母仁和獨不父母我耶上官感動竟以災聞開倉行賑復傳設粥廠二十

清史稿 新史傳二 二

有七微行規視治胥吏之侵擾者帑不費而賑溥駐防營卒馳躡民田便宜懲治輒縛而鞭之治績上聞世宗特召引見擢溫州知府故事貢柑歲期至織造封園民以爲累復傳第取足供貢不使擾民府境私鹽充斥設三團集隨戶平其直私販息官鹽不督自行天台山東南有山曰玉環在海中總督李衛欲開田設治檄復傳往勘以徒費無益陳請罷之衛怒檄他吏往意必行時山中田僅二萬畝乃割天台樂清兩縣民田隸玉環經費不足則捐通省官俸又加關津一切雜稅以給之弛山禁漁者往來並稅曰塗稅既而漁者不入山者度關納稅亦徵其塗稅復傳爭曰是重稅也具牘凡七上衛益怒以爲阻撓玉環墾田事蜚語頗聞劉統勳奉使視海塘過溫州語之曰君與李官保兩雄不相下不移不屈君之謂乎尋擢溫處道會銅商積弊敗露復傳持法又揭劾知府尹士份不職士份反誣以阻商誤銅大吏故嫉之遂并劾復傳解任總督趙宏恩質訊坐失察關吏舞弊奪職會高宗登極詔仍留浙江辦銅事竣例得復官以親喪歸遂不出家居三十餘年卒年九十有四蔣林字元楚廣西全州人康熙

五十四年進士選庶吉士授檢討直南書房十年不遷大將軍年羹堯欲辟爲幕僚林急告歸尋調戶部郎中出爲福建邵武知府以事解職詔發浙江歷杭州嚴金華三府在杭州值織造隆昇建議改海門尖山海口別開河以固海塘林極言不可曰能使海不潮則役可興否則勞民傷財萬無成理上書督撫俱不省雍正十二年三月夜牒下索杭夫萬五千人合旁郡無慮數萬人期三日集海上林又爭曰田蠶方亟期會迫萬一勿戢奈何必不得已俟蠶功畢隆昇怒督益急以抗旨脅之四月送役往面詰以工不可成狀隆昇益怒留林督役以困之冒雨無循泥深沒脛役人感其誠咸盡力隆昇復虐使動以捶撻衆屢譁噪微林事幾殆役迄無成隆昇得罪去乾隆初召至京入對即日擢長蘆鹽運使龔時院司歲各費數萬緡林率以儉歲費百緡而已羨餘悉歸公居四年以親老乞養高宗曰世乃有不願久爲長蘆運使者耶久之卒於家

閻堯熙字涑陽河南夏邑人原籍山西太原康熙四十五年進士五十二年授直隸藁城知縣涑淳常以秋溢築隄樹木楛以捍其衝夾岸種柳隄固水不爲患雍正元年調南宮擢晉州知州州瀕滹沱河河決徙道蕩析民居堯熙爲籌安集民免於患扶携老稚來謝堯熙曰此朝廷恩我何與令望闕拜人給百錢以資裹糧散錢十萬咸感泣曰眞父母也怡賢親王奉使過境聞其名奏循良第一擢山東青州知府未之官改授浙江嘉興俗健訟良儒不得直訟府下縣或不理奸猾益無忌堯熙始至日受狀三百比對簿自請息者二百餘庭折數十各得其情豪民張某稔惡訊實杖殺之民皆稱快屬縣賦重名目糾紛里胥因緣爲姦民完如額官不知民亦不自知官累以缺賦課殿去堯熙巡行清理民始知額歲無通賦海鹽縣塘工不就總督李衛聽浮言欲開引河洩潮堯熙言涵水入內河田皆傷非特壞廬舍糜帑金已也議遂罷營弁緝私鹽縱其梟持他人抵罪堯熙言其誣總督不聽庭爭再三總督乃自勘釋之愈以賢堯熙累擢湖北按察使四川布政使皆持大體有惠政乾隆七年卒於官堯熙質直好面折人過雖上官不少避然勇於從善在川藩多得成都知府王時翔之助人兩賢之時翔字臬謨江蘇鎮洋人爲諸生績學未遇雍正六年世宗重選守

清史稿 新史傳二 三

令命中外官各舉一人同州人沈起元官興化知府以時翔應詔即授福建晉江知縣時福建吏治頹廢遣使按視多更諸守令有司頗尚操切晉江民好訟時翔至曰此吾赤子忍以盜賊視乎一以寬和為治坐堂皇响响作家人語曲直既判令兩造釋盆相對揖由是訟者日衰觀風整俗使劉師恕按泉州委時翔鞫疑獄二十餘事語人曰晉江長者決獄又何精敏也尋調政和又調甌甯擢漳州府同知駐南勝南勝民族居峒中多械鬪有賴唱者糾眾奪犯匿險自固時翔親入山諭之曰汝諸賴萬人奈何庇一人而以死殉耶為我縛唱來即無事唱不得已自縛出治如律瀨子坑民葉揚煽亂時翔謂緩之可一紙定或張其事大吏檄入山勦之事平意不自得乞病歸乾隆元年以薦起山西蒲州府同知擢成都知府以廉率屬善審機要錢價騰布政使榜平其直市大譁時翔方在假召成邵華陽二令曰市直當順民情抑之錢閉不出奈何言於布政撤其榜錢價尋平議徙涼州兵於成都拓駐防城當奪民居二千家時翔檢故牘請曰城故谷兵三千見兵一千五百尚虛其半第出見所侵地足矣奚拓為

清史稿

新史傳二

四

已而涼州兵亦不果徙成都當康熙時人希穀賤旗兵利得銀至雍正以後生聚多穀貴又願得穀或徇其意令民受銀購穀給兵未幾漢兵亦欲仿行時翔曰旗兵例不出城語與土人殊故代購漢兵皆土著奚代為二事亦賴布政力主其議得止至七年江南湖廣災巡撫奏運蜀米四十萬石濟之湖廣急米來領運江南則否巡撫乃檄下縣餽運船楫蔽江商賈不通成都薪炭俱絕時翔謂江南運可緩徒病蜀獨運楚而聽商人自運江南時堯熙既歿竟無用其言者時翔在成都屢雪疑獄時稱神明九年卒

藍鼎元字玉霖福建漳浦人少孤力學通達治體嘗泛海攷求閩浙形勢巡撫張伯行器之曰藍生經世之良材吾道之羽翼也康熙六十年臺灣朱一貴倡亂鼎元從兄南澳鎮總兵廷珍率師進討多出贊畫七日臺灣平復從廷珍招降人殄遺孽撫流民綏番社歲餘始返著論言治臺之策大意謂土地有日闢無日蹙經營疆理則為戶口貢賦之區廢置空虛則為盜賊倡亂之所山高地肥最利墾闢利之所在人所必趨不歸之民則歸之番與賊即使內亂不生寇

自外來將有日本荷蘭之患不可不早為措置時議者謂臺灣鎮當移澎湖鼎元力言不可大吏採其說見諸施行鼎元復為臺灣道條十九事曰信賞罰懲訟師除草竊治客民禁惡俗儆吏胥革規例崇節儉正婚嫁興學校修武備嚴守禦教樹畜寬租賦行墾田復官莊恤澎民撫土番招生番後之治臺者多以為法雍正元年以選拔入京師分修一統志六年大學士朱軾薦之引見奏陳時務六事世宗善之尋授廣東普甯知縣在官有惠政聽斷如神集邑士秀異者講明正學風俗一變調權潮陽縣事歲荐飢多通賦減耗糧除苛累民爭趨納妖女林妙貴惑眾竄之法籍其居建棉陽書院以竹監司罷職總督鄂彌達疏白其誣徵詣闕逾年命署廣州知府抵官一月卒鼎元尤善治盜及訟師多置耳目劾捕不稍貸而斷獄多所平反論者以為嚴而不殘志在經世而不竟其用著鹿洲集東征集平臺紀略棉陽學準鹿洲公案傳於世

葉新字惟一浙江金華人康熙五十一年順天舉人從蠡縣李塔受業立日譜自檢尤嚴義利之辨雍正五年以知縣揀發四川授仁壽縣有與隣縣爭地界

清史稿

新史傳二

五

者當會勘鄉保因闖人以賄請新怒悉下之獄勘畢各按其罪由是吏民斂手奉法署嘉定州故有沒水田多通賦新視曠土可耕者召民墾闢以新科抵賦額舊通悉免時仁壽探木部匠倚官為暴民勿堪糾眾相抗縣以雙告檄新往治之抵匠頭及首糾眾者於法餘釋不問遷印州知州再遷夔州府同知署龍安及成都知府又署瀘州知州訟者至立剖決滯獄一空治瀘兩載俗一變焉新自授夔州同知閱五載始一蒞任尋又署保寧順慶兩府擢雅州知府母憂歸乾隆十年服闋補江西建昌修旴江書院招引文士與講論學術復南城黃孝子祠以勸民俗十三年南豐令報縣民饒令德謀反令德好拳勇令以風聞遣役往偵誤探其讎謂謀反有據遂逮令德適他往乃逮其弟繫獄令德歸自詣縣受刑誣服雜引親故及隣境知識為同謀追捕蔓及旁郡新得報集諸囚親鞫株連者已七十餘人言人人殊新詰縣役捕令德弟狀役言初至其家獲一篋疑有金寶匿之及發視無所有棄之野令聞意篋有反迹訊以刑妄稱發篋得簿劄納賄毀之矣令謂實然遂逼令德誣服新於是盡釋七十餘人縲絏

命隨往南昌戒之曰有一通者吾代汝死矣及至七十餘人則皆在謁巡撫其
道所以巡撫愕不信集才能之吏會勘益難逮諸所牽引卒無據而巡撫已於
得報時遽上奏朝命兩江總督委官就職新為一一剖解得白所全活二百餘
人十七年調贛州有贛縣搶奪拒捕之獄值改例新舊輕重懸殊新謂事在例
前當依舊比爭之不得復以審都民獄事與同官持異同不得直謝事閉門候
代上官慰諭不從遂以任性被劾免歸欣然曰今而後可無疚於心矣家居十
餘年卒施昭庭字筠瞻江蘇吳縣人康熙五十四年進士授江西萬載知縣地
僻多山客民自閩粵來居之累年積三萬餘人號曰棚民溫尚貴者臺灣逸盜
也亦處山中雍正元年福建移捕盜黨急尚貴謀為變始昭庭之至也以棚民
為慮厚禮縣人易廉野使偵之廉野積粟貸棚民不取息或免償得棚民心其
才者嚴林生羅老滿從廉野游蔽得山中要領尚貴將舉事廉野以聞昭庭林
生老滿率勇敢三百人待之尚貴有衆二千肆掠昭庭曰賊易破也然慮其擾
傍縣撫賊謀使誑尚貴趨萬載乃張疑兵於山徑賊不敢入山官道來預設伏

清史稿

循吏傳二

六

蕭赫中伺賊過突出擊殺賊數中伏疑駭逆擊之一戰獲尚貴尚貴起二日而
敗又二日而撫標兵至棚民與市人積嫌事起道路洶洶指目棚民昭庭以
免死帖與諸降者取棚民不從賊者結狀兵至搜山不戮一人巡撫初到官張
其事入奏既見縣申狀不合欲改之昭庭不可又謂棚民匪盜從亂今雖赦之
必驅歸本籍昭庭曰棚民種植口給非刀手老瓜賊之比歷年多生齒衆間與
居民爭訐細故不必深懲今亂山臺灣逸盜而平盜悉資棚民力請賑戶口編
保甲泯其主客之形寬其衣食之路長治久安於計便總督查弼納許之巡撫
尋亦悟如昭庭策棚民乃安事聞世宗諭九卿曰知縣以數年心力辦賊巡撫
到官幾日豈得有其功耶獨下總督疏議叙以主事知州用尋引疾歸卒於家
陳慶門字容剛陝西藍屋人雍正元年進士從鄂王心敬講學養親不仕母王
趣之乃謁選七年授安徽廬江知縣修建文廟規制悉備大濬城濠置義田二
百畝有奇贈養獨立社倉四所積穀以貸平民縣民舊習止知平疇種稻高
阜皆為棄壤因市牛具仿北方種植法躬督墾闢遂享其利尋著無為州事州

瀕江上下二百里率當水衝前人築壩四常沒於水慶門於鮑魚橋鮑魚口二
處樹椿編竹實土為垣坡又取亂石填壩水中水停沙淤久而成洲民免墊溺
之患又署六安州舊有水塘議者欲墾塘以為田將絕灌溉之利慶門力言於
上官事乃寢十一年擢亳州知州俗悍好羣鬪倚彘役表裏為奸慶門廉得其
魁黨先後杖遣數百人又好訟仿古鄉約法使之宣導排解動於聽斷日決數
十事不數月澆風一變州瀕湖地窪下川秦中收淀之犖法督民挑濬地下者
漸高水歸其壑農田賴焉母憂歸乾隆元年服闋以大臣薦補四川達州知州
境環萬山歲常苦旱教民種早稻始無艱食之憂隣郡巴州桑柘素饒乃買桑
偏植教以分繭繅絲之法獲利與巴州等時川東多流民官廩不給遂釐別映
田之被隱占者為義產以贖之全活甚衆建宜漢書院聘名流教授文風漸振
未幾乞病歸著仕學一貫錄世以儒吏稱之

周人龍字雲上直隸天津人康熙四十八年進士授山西屯留知縣興學賑荒
有聲調清源境內洞淵嶽峪諸河入汾常有水患濬渠築堰民賴之歷忻州直

清史稿

循吏傳二

七

隸州知州蒲州知府蒲都瀕黃河水邊徙無常山陝兩省民隔河爭地訟數
十年不結人龍請於大吏曰臨河灘地當以河為界河東遷則山西無地之糧
歸陝西河西遷則陝西無地之糧歸山西糧隨地起不缺正賦因地納糧無累
民生山陝沿河二千餘里凡兩省湮沒之地令地方官照糧查地按地過糧除
鹵城者照例題請免徵其餘水退之地招令沿河民認糧承種庶事無偏枯爭
訟可息夫吏從其議至今便之雍正初有言丁糧歸地便於無力之丁不便於
有田之家人龍駁之略曰有田者尚以輸納為艱豈無田者反易君子平其政
焉得人人而悅之今不悅者不過紳衿富戶而大悅者乃在貧無告之小民
若因其控告而不行則豪強得志而窮民終於無告此議在當日未行則已耳
今行之數年勞難中止窮民狂於數年樂利必不安於一旦變更且富民少而
窮民多不當以彼易此議上事乃定以髮去官服闋補湖北安陸數月擢江西
督糧道未行江水決鍾祥三官廟隄及天門沙溝垸招集鄰縣民諭以利害同
築禦踴躍荷畚鍤至者數萬人親冒風雨率以施工或勸其已遷官何自苦人

龍曰助夫由我招至我去即散矣伏汛一至民何以堪閱兩月工成安陸人尸祝之江西漕糧徵運素多弊嚴立規條宿蠶一清乾隆十年乞病歸卒

童華字心樸浙江山陰人年未冠為諸生長習名家言出佐郡邑治雍正初入貨為知縣時方修律例大學士朱軾薦其才世宗召見命察賑直隸樂亭盧龍兩縣報饑口不實華倍增其數怡賢親王與朱軾治管田水利至永平問澤河形勢華對其晰王器之尋授平山知縣邑災不待報遽出倉粟七千石貸民擢真定知府權按察使以前在平山發粟事部議免官特詔原之怡賢親王奏以華理京南局水利華度真定城外得泉十八疏為渠溉田六百畝先後管田三百餘頃滏陽河發源磁州州民欲獨擅其利自春徂秋閉閘蓄水下游永年曲周滴涓不得時改州歸直隸以便控制華建議仿唐李泌明湯紹恩西湖三江南開遺規計板放水數縣爭水之端永息華又以北人不食稻請發錢買水田穀運通倉省漕費民得市稷黍以為食從之調江蘇蘇州會清查康熙五十一年以來江蘇負課千二百餘萬巡撫督責急速捕追比無虛日華固請寬之

清史稿

初世傳二

八

巡撫怒曰汝敢逆旨耶對曰華非逆旨乃遵旨也上知有積欠不命嚴追而命清查正欲斷其來應查其委曲或在官或在役或在民或應徵或應免了然分曉奏請上裁乃稱詔書意今奉行者不顧名思義徒以十五年積欠立求完納是暴征非清查也今請寬三月限當部居別白分牒以報巡撫從其請乃盡釋獄繫千餘人次第造冊請奏時朝廷亦聞江南清查不善下詔切責如華言浙江總督李衛嘗捕人於蘇華以無牒不與衛怒蜚語上聞世宗召見責以沽名干譽對曰臣竭力為國近沽名實心為民近干譽上意解命往陝西以知府用署肅州佐經略鄂爾泰屯田事鑿通九家窩五山引水穿渠溉田萬頃以忤巡撫被劾罷官乾隆元年起福州知府調漳州頗好長生術招集方士習丹家言復効能歸數年卒華剛而忤時屢起屢蹶在蘇州民德之尤深以比明知府況鍾當世宗治畿輔管田時所用者多一時賢守令有黃世發名與華相煇云世發字成憲貴州印江人康熙三十五年舉人授直隸肅寧知縣舊例錢糧加一二作耗銀世發亦收之而不自用雜派畝銀三四錢悉除之縣有役事若修學

校繕城垣及上官別有權派即以耗銀應河問府檄修府城親齎餼糧出錢雇役不以撥社甲視民如家人教以生計坑曠荒地令穿井耕種綠城植桑柳樹萬株凡水車蠶箔糞灌紡績悉為經畫復闢城廢地穿池種稻以導之建社學教以孝親敬長贖官田九十餘畝以其租為學者膏火旬三日集諸生講學會文士有自隣縣來學者雍正三年水災大吏遣官履勘世發不能得其意被劾罷士民呼籲挽留特詔復官加四品銜已晉授按察使兼直隸管田觀察使巡行勸民農桑察水利可興者所至剴切宣諭民多興起修隄墾田變汗下為沃壤最後開易州水峪田經營年餘以勞卒

李渭字棗淮直隸高邑人父兆齡康熙中官福建閩清知縣以廉能稱渭康熙六十年進士授內閣中書遷刑部主事雍正二年出為湖南岳州知府詔許密摺奏事忤大吏左遷武昌府同知未之任丁母憂服闋授四川嘉定知府復以爭冤獄忤上官渭曰吾官可棄殺人媚人不為也奉檄賑重慶水災多所全活父憂歸後補河南彰德萬金渠源出善應山環府城入洹河灌田千數百頃山

清史稿

初世傳二

九

水暴發易淤渭履勘濬治增開支河建閘啓閉定各村分日用水歲以有秋漳河當孔道舊設草橋於臨漳道回遠移於豐樂鎮行旅使之雪武安民班某誣殺族兄獄林縣富室殺人死賂屍屬以病死報渭驗屍骸骨盡碎治如律舉卓異乾隆九年擢山東鹽運使時議增鹽引渭以增引則商不能賠必增鹽價商民且兩病持不可十二年山東大水大吏檄渭勘災至益都博興樂安諸縣餓卒載途而有司先以未成災報已入告難之乃請以借作賑異日免追民乃蘇十三年就遷按察使折獄平嘗曰古人言求其生而不得今俗吏移易獄詞何求生不得之有然如死者何此婦寺之仁非持法之正尋遷安徽布政使禁革徵糧長單差催法以杜詭奇調山東墾荒令客民帶完舊欠免鄰保代賠逃戶之累民便之為政持大體不吝出納不輕揭一官馭吏嚴而不念舊過十九年卒於官子經芳乾隆中官至湖南施南知府亦廉謹守其家風

謝仲玩字孔六廣東陽春人雍正元年舉人登明通榜初官長甯教諭乾隆初擢授湖南常甯知縣岐却餽遺履鄉自裹行糲嚼生菜蔬供饌月兩課士以節

行相勸勉調平江再調衡陽前令李澎徵漕米浮收斛面糧儲道謝濟世發其奸時巡撫許容方以浮收誣劾濟世總督孫嘉淦亦徇巡撫意故濟世與澎並免言官論奏朝命侍郎阿里衮往按署糧道倉德又因布政使函屬改換衡陽浮收詳文據以上揭詔責切究事急澎則盡出賄賂簿以脅上官阿里衮重興大獄欲出澎浮收罪與濟世俱復官仲玩乃重治澎丁役以決罰過當被劾罷官逾年特起為衡山知縣以謝巴陵獄巡撫與按察使互奏奉旨引見擢荊州府通判又以歸州縱盜兇良之獄自巡撫按察以下皆被重譴仲玩承審時堅不會印特旨召對擢常德府同知歷署襄陽寶慶宜昌武昌永順岳州永州七府知府護永郴桂道正躬率屬屏絕請託暇輒延耆士論學不倦仲玩官湖南先後三十年長於折獄大吏倚重歷奉檄勦獄二百餘多所平反以直懸名乾隆三十七年在永州議改准引食粵鹽格於例不行遂以目疾請告解組日貧如故卒於家李大字立齋山東安邱人雍正十三年舉人乾隆九年餘授湖北棗陽知縣改湖南益陽居官自奉儉約勤於吏事益陽人不知蓋大本教之

清史稿

循吏傳二

十

樹桑後賴其利調長沙遷寶慶府理藩同知所隸通通水峒有苗僧行賈臨桂知縣田志隆見之意為賊黨吳方曙者從馬朝桂謀叛時方繪圖懸購者也僧畏刑誣服又訊朝桂所在妄言在峒中廣西巡撫定長立上奏率兵出命大本從行大本曰僧言真偽不可知大兵猝至苗必駭且生變請潛訪之既而白僧言實妄巡撫疑未釋復欲以兵往大本力諫乃止後廷訊苗僧果誣如大本言橫嶺峒苗乏食籲官求粟大本多方賑之復為苗民籌生計請於上官曰橫嶺峒自逆渠授首安插餘苗因惡其人故薄其產每口授田才三十積至四十積每積上田獲米六升中田五升下田四升得米無多又峒田稍狹者盡與保率極惡者方界苗民歲入不足男則斫柴易米女則剝麻為粉給口食年來生齒日繁材木竭米價益昂飢饉愁嘆深可憐憫恐不可坐視而不為之所見有人官苗田一千三百四十八畝舊募漢民佃種出租供饒奸良不一屢經陶汰請視苗民家貧丁衆者書諸簿有漢佃應除者即書簿之苗丁次第受種出租如故則苗民得食而饑亦無虧乃補救之一端議上不許後巡撫陳宏謀見之曰

此識時務之言也將陳其事會他遷未果二十一年題請升授知府因病足歸卒於家

牛運震字階平山東滋陽人雍正十一年進士乾隆元年召試博學鴻詞不遇尋授甘肅秦安知縣開九渠溉田萬畝縣北玉鍾峽山崩塞河水溢為災連震率丁夫開濬凡四日夜水退緣山步行以錢米給災戶縣衆曰西固去治二百餘里輸糧苦運艱多積運震許以銀代納民便之先是巡檢某誣馬得才兄弟五人為盜前令弗察得才自刎死其兄馬都上控令又誘而斃之獄其三人者將解府運震鞫得其情昭雪之又清水縣某令冤武生杜其陶父子謀殺罪上官檄運震覆治驗死者得自刎狀以移屍罪其陶而釋其子他訟獄多所平反官秦安八年患農通商暇則行視郊野鑄農具教民耕耨稱貸販褐戶不求其息設隴川書院日與諸生講習民始向學兼攝微縣又攝兩富縣差舍於三縣之中曰大門鎮以聽訟微縣多虎募壯士殺虎二十六道始通調平番值縣境五道峴告饑捐粟二百石以賑民感之人輸一錢製衣銘德運震受衣返幣

清史稿

循吏傳二

十一

固原兵變四掠督撫皆至涼州檄召運震問方略運震請勿以兵往但屯城外為聲援令城內擄出亂者游擊某執三百餘人衆汹懼運震請釋無辜入城慰諭斬三人監候四人餘子杖徒有差反側遂安有忌者據前受萬民衣事劾免官貧不能歸留主皋蘭書院教學得士心及歸有走千里送至瀟橋者運震居官不假手幕下事輒自治所至嚴行保甲門爭訟獄日即於少遇人干訟必嚴懲治盜尤嚴曰邊鄙風俗疵悍不如此則法不立令不行民不可得而治且與其輕刑十人不如重處一人而九人畏是懲一而怨九也罷官歸後閉門治經搜考金石所著經義史論文集及金石圖皆行於世嘗主晉陽河東兩書院所造多名雋士世稱空山先生張甄陶字希周福建福清人舉鴻博補試未合格罷大學士朱軾侍郎方苞薦修三禮辭而請受業於苞乾隆十年成進士時方許極言直諫甄陶對策因極陳時務選庶吉士授編修尋改授廣東鶴山知縣歷香山新會高要揭陽皆劇邑所至有聲疆田疇修隄圩弛蛋戶蠹規之禁增建書院社倉平反冤獄詰捕盜賊為政務無佛逆於民以夏去官服除起授雲

南昆明弗獲於上官坐事免主講五華書院尹壯圖錢澧皆其弟子復移掌貴州貴山書院課士有法總督劉藻疏薦詔加國子監司業銜晚以病歸闈主龍峯書院以經義教闈士於是咸通漢唐注疏之學在滇時著經解百餘卷方甄陶之補外人咸惜之大學士陳世倌贈以明呂坤呻吟語甄陶讀其實政錄而慕之在粵作學實政錄見其書者咸曰循吏之言也

邵大業字在中順天大興人舊籍浙江餘姚雍正十一年進士乾隆元年授湖北黃陂知縣初到官投訟牒者至不移晷決遣立盡吏人一見問姓名後無不識衆莫敢弄以事有兄弟爭產訟皆頌白貌相類令以鏡鏡而問曰類乎曰類則進與爲家人語曰吾新喪弟獨不得如爾兩人白首相保也二人感動能去蛟水壞城當壞處立誓以殉水驟止振溺舖飢完隄岸民得免患總督以其名上聞會父憂去服闋授河南禹州知州調睢州頻澇請賑賑民以免患涇惠濟河以俸錢更直擢江南蘇州知府松江盜獄久不決株連疲斃者衆奉檄鞠治見羣犯皆斷脛折踝蹙然曰爾等亦人子迫飢寒至此尤茹刑顛倒首從

清史稿

循吏傳二

十二

誣連非罪人何益於爾有盜幡然曰官以人類待我我不忍欺獄辭立具兼署蘇松太道尋攝布政使事大吏交章薦十六年高宗南巡御舟左右挽行名假鬚絳大業語從臣除道增絳必病民非所以宣上德意遂改單絳會積雨治吳江帳殿未就總督劾大業觀望及乘輿至則供備已具然大業卒因左遷尋授河南開封知府屬縣封邱民被控侵占田畝及勘丈非侵占而畝浮於額大業考志乘河南賦則自明萬曆改併中地十畝作上地七畝下地十畝作上地三畝上官以昔爲下則今則膏腴議加賦大業曰此河衝淤積百姓以墳墓田廬所易之微利也今日爲退灘淤地異日即可爲沙壓水衝冬春播種夏秋之收穫不可知上年河決屋宇未盡葺流亡未盡復遽增歲額何以堪旋從部議試種三年次年果沒入水乃止未幾以河溢降江南六安州知州又以盜案錮級引見再還江南署江甯府二十八年授徐州知府府城三面瀕黃河西北隅尤當衝雖有重隄恃韓家山埽爲固大業按視得蘇公舊隄起城西雲龍山迄城北月隄長三里溼爲民居復其舊越歲韓家山埽幾潰民恃此隄以無恐復浚

荆山橋河於水利宣洩規畫盡善治徐七年間有水患不病民三十四年坐妖匪割辦事罷職謫戍軍臺數年卒大業所至以勸學爲務因黃陂二程子祠建義學葺睢州洛學書院集諸生親爲之師焉

周克開字乾三湖南長沙人乾隆十二年舉人十九年以明通榜授甘肅隴西知縣調寧朔縣屬寧夏府並河有三渠曰漢來唐延大清皆引河入渠灌田唐延渠所經地多沙易漫克開治之使深狹又頗改其水道渠行得安渠有石資洩水於河以備旱澇民謂之暗洞時暗洞崩塞渠水不行上官欲填暗洞而竭唐延入漢來以便寧夏縣之引河寧夏利而寧朔必病克開恐夏秋水盛無所宣洩時新水將至不可待克開請五日爲期取故渠及廢閘之石晝夜督工五日而暗洞復兩縣皆利大清渠長三十餘里鑿自康熙間久而石門首尾壞民失其利克開亦修之皆費省而工速再以卓異薦擢固原知州父憂去服闋補洮州尋擢貴州都勻知府從總督吳達善侍郎錢維城治貴州逆苗獄用法有失當者力爭無少遜調貴陽亦以強直忤巡撫宮兆麟因公累解職引見復授

清史稿

循吏傳二

十三

山西蒲州知府調太原清釐積獄修復風峪口堤堰障山潦導之入汾民德之擢江西吉南嶺寧道署布政使以王錫侯書案被議高宗知其賢發江南以同知用會南巡克開署江甯府迎駕授江西九江知府尋擢浙江糧儲道時巡撫王亶望貪黷屬吏多重徵以奉上官克開至誓不取一錢請於巡撫約與之同心亶望姑應之心厭克開乃奏克開才優請移治海塘於是調杭嘉湖道會改建海岸石塘總督欲徙柴塘近數百丈以避潮克開曰海與河異讓之則潮必益侵無益也乃止年餘以督工勞瘁卒克開在甯朔治水績最著生平治獄多平反禮儒士嘗以私錢與書院沒餘資天下稱清吏當時守令以興水利者者又有鄭基康基淵言如泗後有周際華基宇築平廣東香山人以諸生入貢爲知縣乾隆間銓授安徽鳳臺縣東鄉有通川三日黑濠曰溼泥曰喬溝匯潁上蒙城諸縣水以達淮歲久盡涸秋潦輒成巨浸侍郎裘日修奉使治潁潁諸水獨不及鳳臺基具牘陳利害及工事甚悉日修允其請基察土宜穿故渠三河交暢潁上游諸水以通匯流不逾時工成魯松灣地遠淮而卑賴惠源捐俸

倡築隄障遂成膏腴調定遠舉卓異擢壽州知州安豐塘古芍陂也塘圯基審
 覈舊制繕復之為水門三十六為閘六為橋一其旁則為場為堰為圩啟閉以
 時汗萊盡闢嘗循行阡陌見沙地磽确多不治教民種薯預佐菽麥俾無曠土
 壽州不知蠶織而地多椿櫟可飼蠶購蠶種教民飼之農桑並興其後遇旱獨
 鳳臺壽州秋成稔於他縣以水利修也遷泗州直隸州知州振水災飢而不害
 擢江蘇淮安知府淮安為衆水所聚於城東濬泗市河於北開漁濱山字河於
 西開護城河壅滯悉通民便之基博覽前史於河渠水利圖經丹鉛始徧施行
 輒有成效乾隆四十一年擢江南守巡道命甫下而卒基淵字靜溪山西興縣
 人乾隆十七年進士歸班銓授河南嵩縣知縣舊傍伊水有渠十一久湮絕基
 淵按行舊址勸民修復山澗諸流可引溉者皆為開渠渠身高下不一者分段
 設閘以蓄洩之田高渠下者則教為水車引溉凡開新舊渠十八灌田六萬二
 千餘畝巡撫上其事優詔議叙尋以憂去服闋授甘肅鎮原調臬隨擢肅州直
 隸州知州洪水渠岸峻易崩基淵度勢於南石岡引鑿渠口以避沖陷之害野

清史稿

循吏傳二

十四

猪溝有荒田無水久廢基淵詢訪耆舊加寬柳樹開龍口別開子渠界荒田為
 七區招民佃種區取租十二石給各社學名曰新文渠州東南九家窩鑿山後
 渠開屯田舊駐州判主之久之田益薄瘠民租入不足支官役基淵請汰州判
 改屯升科為籌歲修費民於是恆產基淵治官事如家事博求利病在嵩縣
 植桑教蠶出絲甲於他邑以無業之地建社學二十二所在肅州開郊州廢灘
 種楊十餘萬株徧諭鄉堡種樹薪樵取給建社學二十一所又於金佛清水兩
 鄉建倉以免徵糧借固民房之累革番民採買需索皆有實惠四十四年擢江
 西廣信知府卒於官如泗字素園江蘇昭文人言子七十五世孫乾隆二年高
 宗臨雍如泗以賢裔陪祀賜恩貢生充正黃旗官學教習十四年銓授山西垣
 曲知縣城濱黃河修石隄以捍水堯河故有數渠復於上游濬之分以溉田民
 稱言公渠調聞喜涑水湍急舊渠多圯別濬新渠食其利者五村舉卓異擢保
 德直隸州知州新疆軍興徵調過境值款該如泗經畫曲當民無所累陝西巡
 撫明德聞其能而薦之乞養歸父喪除補解州白沙河在城南地如建嶺南決

則害鹽池北決則壞城如泗請於大吏用鹽帑修築兩岸石堰長五里又挑運
 渠本以護鹽池民田不能灌漑故事商民分修商盡諉之於民力爭乃仍舊貫
 二十九年擢湖北襄陽知府如泗愛士恤民而治盜賊在解州民間夜不閉戶
 襄陽素為盜藪聞其至盜皆遠遁三十四年因失察屬員罷職尋以皇太后萬
 壽祝嘏復原官遂不出嘉慶十一年卒於家年九十一光緒中祀名宦際華字
 石藩貴州貴筑人嘉慶六年進士內閣中書親老乞改教職歷遊義都勻兩府
 教授以薦擢知縣道光六年授河南輝縣百泉出縣北蘇門山衛河之源也其
 西諸山水經縣南入衛曰峪河其北諸澗水歷縣東入新河曰東石河新河者
 自縣北鑿渠引衛河至縣南復入衛又稱玉帶河皆資疏洩利灌漑時並淤塞
 遇水輒苦漂溺際華履視溝渠出俸錢率民釀資潞峪河修紅石堰疏新河鑿
 東石河六十餘丈堅築其岸諸渠綺交脈注潞患以息課民種桑四萬株教之
 育蠶他樹亦十五萬株於是邑有絲絮材木之利蘇門故多名賢祠宇咸新之
 修明祀事以厲風教焉陝州直隸州知州自澤池入陝道硤石五十餘里險

清史稿

循吏傳二

十五

惡為行旅所苦際華別開平道往來者便之迴避改授江蘇興化縣當裏下河
 之下游水患尤急際華議開欄江壩以洩湖河之水鹽官及商皆力爭以為壩
 開則水南下溜急於鹽舟牽挽不便際華曰彼所爭者十四里牽挽之勞以較
 揚州東七縣田廬場廛之漂溺獨免賑恤之煩費輕重何如總督林則徐聽其
 議調江都兼署泰州毀淫祠百餘區改為義學則徐疏薦之尋告歸卒於家先
 是輝縣及興化民皆不習織際華輒自出資置織器教之轉相授於是二縣有
 衣被販賣之利至今賴之輝縣請祀名宦祠
 汪輝祖字龍莊浙江蕭山人少孤繼母王生母徐教之成立習法家言佐州縣
 幕持正不阿為時所稱乾隆二十一年成進士授湖南寧遠知縣縣雜俗積
 通而多訟前令被許去點榮益肆挾持又流丐多強橫輝祖下車即捕其尤驕
 餘黨出境民納賦不及期手書諭之曰官民一體聽訟責在官完賦責在民官
 不勤職咎有難辭民不奉公法所不恕今約每旬以七日聽訟二日較賦一日
 手辦詳稟較賦之日亦兼聽訟若民皆遵期完課則少費較賦之精力即多聽

訟之功夫民感其誠不逾月而賦額足治事廉平尤善色聽援據比附律窮者通以經術證以古事據漢書趙廣漢傳鉅法斷縣民匡學義獄據唐書劉蕡傳斷李蕭兩氏爭先隴獄判決皆曲當而心每欲然遇匪人當予杖輒呼之前曰律不可道然若父母膚體奈何行不肖虧辱之再三語罪人泣亦泣或對簿者反代請得免卒改行爲善良每決獄縱民觀聽又延紳耆問民疾苦四鄉廣狹肥瘠人情良莠皆籍記之寄遠例食准鹽直數倍於粵鹽民食粵私大吏遣營弁偵捕輝祖白上官以鹽愈禁則值愈增私不可縱而食淡可虞請改准引爲粵引未及報輝祖即張示鹽不及十斤者聽偵弁謂其縱私輝祖揭辨總督畢沅嘉之立弛粵鹽禁時偉其議兩署道州又兼署新田縣皆有惠政以足疾請告時大吏已疏調輝祖善化又撤訊隣邑獄囚足疾久不赴疑其規避奪職歸里閉戶讀書不問外事值紹興西江塘圯巡撫吉慶輝祖任其事帑節工堅時稱之舉孝廉方正固辭免輝祖少尙氣節及爲令持論挺特不屈而從善如轉圜所著學治臆說佐治藥言皆閱歷有得之言爲言治者所宗初通籍在

清史稿

循吏傳二

十六

京師待銓主同郡茹敦和論治最契同時朱休度並以慈惠稱敦和字三樵浙江會稽人初嗣婦翁李爲子占籍廣東乾隆十九年成進士歸本宗授直隸南樂知縣慎於折獄以片紙召兩造立剖曲直當咎者薄責之民輒感悔自新擇清白謹愿者充社長里正令密陳利弊以次行之縣當豬龍河之衝察河源委於開州清豐之間審地形高下因勢利導水不爲患地多茅沙鹽鹹教以土化之法廣植雜樹鄉民以麥稽編笠爲生敦和勸種桑調大名漳水患劇旁有渠河敦和謀開渠以殺其勢適內遷大理寺評事不及上請乃手書揭城門勸民刻期集河干親爲指示民具畚鍤來者以萬計經旬而渠成後利賴之尋復出爲湖北德安府同知署宜昌知府緣事降秩卒祀直隸名宦祠子葵以一甲一名進士官至兵部尙書休度字介斐浙江秀水人乾隆十八年舉人官饒縣訓導以薦授山西廣靈知縣值大荒疫流亡過半休度安撫招徠糧糶舊未清履勘勸耕一年而荒者墜三年而無曠土糧清賦辦獲優叙尤善決獄對把子妻張以夫出飢欲死易姓改嫁郭添保疑郭爲賂賈詰朝手刃所生子女二而自

劉休度詣驗婦猶未絕目郭作聲曰販販察其無他情諭定把子乃歸衆曰汝欲知婦所由死問朱爺休度語之狀並及其家某事把子泣曰我歸愆期至此勿怨他人矣稽首去薛石頭借妹觀劇其友目送之薛怒刃傷其左乳死自承曰早欲殺之死無恨越日復詰之曰一刀何即死也薛曰刀時不料即死曰何不再刃薛曰見其血出不止心惕息何忍再刃遂以誤殺論減戍休度嘗曰南方獄多法輕情重北方獄多法重情輕稍忽之失其情矣待人以誠人亦不忍欺周知民情訴曲直者數語處分民皆悅服數年圍圍一空舉卓異嘉慶元年引疾歸縣人懇留不得乞其壺山垂釣小像勸諸石歿後祀名宦休度博聞通識尤深於詩以其鄉朱彝尊錢載爲法任校官時採訪遺書得四千五百餘種撰總目上諸四庫大學士王杰爲學政任其一人以集事時盛稱焉

清史稿

循吏傳二

十七

餘人以工代賑兩月竣事無疾病逃亡者既又撤辦河工稽料三百萬大紳以時方收斂請緩之大吏督責益急將按以罪請限十日民間爭先輸納未即期而數足一日巡行鄉間有於馬後議穀賤銀貴開徵期迫者大紳顧語之曰俟穀得價再輸未遲也語聞於大吏怒其擅自緩徵遣能吏代之民慮失大紳爭輸賦代者至已畢完大吏因責徵累年通久倘不足終以代者受事民益恐晝夜輸將不數日得三萬餘兩初大紳以忤上官意自劾求去民環署泣留相率走訴大吏適大吏有事泰山路見而諭止之不得去至是密自申請民知之已無及乃得引疾歸五十八年病起仍發山東補文登值新城修城大吏徇士民請檄大紳督工逾年始竣尋以曹縣舊獄被讞能職遣戍新城曹縣民爲捐金請贖得免歸嘉慶五年有密薦者詔以大紳操守廉潔兼有才能辦理城工渡船二事民情愛戴引見復發山東攝福山補朝城大水大紳以災報大吏駭減其分數民感大紳雖未獲減徵亦無怨謗者大紳又力以病求去移攝青州府同知尋擢武定府同知捕蝗查賑並著勞勩以母老終養歸遂不出卒祀名宦

祠大神素講學能文章在官公暇輒詣書院課士嘗訓諸生曰朱子小學為作聖階梯入德塗軌必讀此書身體力行庶幾明體達用有益於天下國家之大於是士知實學風氣一變吳煥彩字蘊之福建安定人乾隆二十五年進士授山東范縣知縣民苦充牌頭吏列多名進以次需索煥彩革其弊清河水溢為災其岸左高右卑因開五頃窪以瀉其東南築福金堤以防其西北歲得麥田四萬畝墾地民苦納租欲請免而格於例代輸租之半教之種番薯民困乃紓三十九年壽張逆匪王倫作亂距范縣四十里煥彩修城籌守禦力清保甲凡村落大小人民賢愚可指數有孟興雙者與黃昌吉等有隙上變列三十餘人朝命侍郎高樸與巡撫往察治使者出牒示煥彩曰某已死某為某之父某之子皆良民呼之即至使者欲以兵往煥彩曰兵至愚民非死即走無可訊咎將誰執煥彩夜抵村中呼告之皆呼冤煥彩曰惟無其事必出就訊亟從我去不然禍立至民皆裹糧從使者按籍少二人煥彩曰一已死一外出已命其兄招之言未畢有跪門外者則已來矣訊之皆誣遂坐告變者巡撫曰知縣者知一

清史稿

循吏傳二

十八

縣事君可謂之知縣矣知縣者民之父母君可謂之民之父母矣以卓異薦擢湖北鶴峯知州地本苗疆改流未久奸宄雜居煥彩勤於聽訟積弊一清土司族裔每借祖墳詐人財懲治之澆風自息民樸陋不知書設義塾資以膏火至五十三年始有舉於鄉者後以病歸鶴峯請祀名宦范縣亦為建生祠年逾八十卒紀大奎字慎齋江西臨川人乾隆四十四年舉人充四庫館賸錄五十年議叙知縣發山東署商河會李文功等倡邪教誘民為亂訛言四起大奎集縣民諭以禍福皆驚悟鄰郡惑者聞之亦相率解散補邱縣歷署昌樂棧霞福山博平民皆敬而親之父憂歸嘉慶中復出授四川什邡縣或謂什邡俗強梗宜示以威答曰無德可懷徒以威示何益奸民吳中友據山中聚眾積業講清涼教大奎躬率健役夜半擣其巢獲忠友餘眾驚散下令受邪書者三日繳予自新民遂安擢合州知州道光二年引疾歸年八十卒祀合州名宦邵希曾字魯齋浙江錢塘人乾隆五十四年舉人嘉慶中官河南知縣歷權通許盧氏鄆陵西華沈邱太康扶擣准寧新鄉皆有聲滑縣教匪之役司糧臺及匪平訊鞠俘

虜治餘匪凡良民被脅者皆得釋保全甚眾晚授桐柏民苦盜令村集建棚巡更鄉數家出一人為門夫有警環集無事歸業訪捕強暴者繩以法積匪率遠徙慎於折獄皆速結訟日以稀朔望莅學集諸生講論增書院膏火親課之如師道光六年邑人王四杰始登進士第自明初以來所未有募錢萬緡建義學凡經塾三蒙塾十五擇其秀者入書院肄業文教興而悍俗漸化在任十年民安之老病大吏不令去卒於官

清史稿

循吏傳二

十九

清史稿

列傳

循吏三

張吉安

龔景瀚

蓋方泌

李廣芸

伊秉綬

狄尙綱

李文耕

劉體重

張琦

劉衡

姚東之

王肇謙

桂超萬

張吉安字迪民江蘇吳縣人乾隆四十二年舉人六十年大挑知縣發浙江時

清治各縣虧空責彌補富陽令俾敬獨不奉上官意旨檄吉安往攝印署事至

則士民羣集乞留敬吉安見之默然徒手返白蠶司曰俾敬賢吏乞保全之且

州縣賦入有常經前官不謹致虧責彌補於後來者恐開培克之漸方今楚豫

清史稿 循吏三 龔景瀚

奸民蠱起皆以有司貪殘爲口實宜用讀書人加意拊循乃無形之彌補耳聞

者迂其言委攝縣丞及杭州府通判吉安自以不諧於時乞改教職上官留之

嘉慶二年署淳安尋調象山海盜由閩擾浙沿海窮民業魚鹽者多以米及淡

水火樂濟盜且爲嚮導吉安革船埠商漁之稅嚴禁水米出洋盜漸窮蹙值颶

風覆盜艇泗至岸悉爲舟師所獲提督李長庚歎曰牧令盡如張象山盜不足

平也又建議縣境南田爲海中大島宜如明湯和策封禁以斷盜翼非山當海

盜之衝石浦昌國兵力皆薄請增兵以資鎮懾事雖見格後卒如所議四年署

新城漕倉設省城民輸折色縣官浮收運丁需索習以爲常吉安平其折價不

及舊時十之六七民感之五年署永康蛟水猝發田廬蕩析爲棚廠以棲災民

阻水者其舟讓之溺者具棺厝之不待申詳報可所以振卹者甚至上官或斥

其有違成例巡撫阮元素重之悉如所請六年調署麗水竭誠禱雨旱不爲災

縣多山民處險遠者艱於赴愬吉安輒巡行就山寺謝獄成樂其便八年署浦

江值水災奸民糾衆掠富室伐墓樹鄰邑咸煽動吉安曰非法無以止奸民非

米無以安良民良民安則奸民氣散請運兵米所餘以振之民心漸定乃擒首

惡治如律補餘杭九年春兩傷禾糶倉穀以平米價又運川米千石濟之十年

復被水分鄉設廠煮粥以振規畫詳密竟事無擁擠之擾邑多名區次第修復

之懲訟師勤聽斷修志尊學文教不振在餘杭七年引疾歸遂不出歿後永康

士民請祀名宦建立專祠當時吏治積弊有南漕北賑之說南利在漕相率諱

災督撫藉詞酌劑置災民於不問苟有切求民瘼者轉不得安於位吉安官浙

前後幾二十年所莅多災區皆能舉職在新城減漕之三四時論尤以爲難北

賑之弊亦然同時江蘇知縣李毓昌以不扶同侵賑致禍仁宗優卹之重懲諸

貪吏蓋欲以力挽頹風云毓昌字泉言山東即墨人嘉慶十三年進士以知縣

發江蘇十四年總督鐵保使勘山陽縣賑事親行鄉曲鈎稽戶口廉得山陽知

縣王仲漢冒賑狀具清册將上揭仲漢患之路以重金不爲動則謀竊其册使

僕包祥與毓昌僕李祥顧祥馬連升謀不可得遂設計死之毓昌飲於仲漢所

夜歸而渴李祥以藥置湯中進毓昌寢苦腹痛而起包祥從後持其頭叱曰若

清史稿 循吏三 龔景瀚

何爲李祥曰僕等不能事君矣馬連升解己所繫帶縊之仲漢以毓昌自縊聞

淮安知府王毅遣驗視之報曰尸口有血穀怒杖驗者遂以自縊狀上其族叔

李太清與沈某至山陽迎喪檢視其籍有殘稿半紙曰山陽知縣冒賑以利昭

毓昌毓昌不敢受恐負天子蓋上總督書稿諸僕所未及毀去者喪歸毓昌妻

有噩夢啟棺視面如生以銀鍼刺之毓黑李太清走京師訴都察院命逮王毅

王仲漢及諸僕至刑部會訊山東按察使朱錫爵驗毓昌尸惟胸前骨如故餘

盡黑蓋受毒未至死乃以縊死也仁宗震怒斬包祥賓顧祥馬連升極刑剖李

祥心祭毓昌墓毅仲漢各論如律總督以下貶謫有差贈毓昌知府銜封其墓

御製忠詩命勒於墓上毓昌無子詔爲立後嗣子希佐賜舉人太清亦賜武

舉

龔景瀚字海峯福建閩縣人先世累葉爲名宦曾祖其裕康熙初以諸生從軍

援江西瑞州府通判滇閩變起率鄉勇爲大軍嚮導擢吉安知府時府城爲逆

將所據大軍駐螺子山其裕供餉無乏城復撫瘡痍多惠政後官河南懷慶知

府濬順利渠引濟水入城便民終於兩淮鹽運使歿祀瑞州吉安懷慶名宦祠
祖嶸初仕浙江餘杭知縣治縣民殺僕疑獄為時所稱擢直隸趙州直隸州知
州濬河興水利再擢江蘇松江知府濬海賑崇明災黎全活甚眾官至江西廣
饒九南道單騎定萬年縣匪亂歿祀饒州名宦祠父一發乾隆十五年舉人官
河南知縣歷宜陽密縣林縣虞城四縣治獄明敏能以德化在虞城值水災勸
於賑卹朝使疏治積水釀為惠民永便諸渠一發與災民共勞苦治稱最以病
去復起補直隸高陽擢雲南鎮南知州歿祀虞城名宦祠景瀚承家學幼即知
名大學士朱珪督學激賞之乾隆三十六年成進士歸班銓選四十九年授
甘肅靖遠知縣未到官總督福康安知其能檄署中衛縣判牘如流見者不知
為初仕也七星渠久淤常苦旱景瀚築石壩遏水入渠始通流又濬常樂鎮靜
諸渠重修紅柳溝環洞及減水各屆溉田共三十萬畝民享其利五十二年開
平涼地瘠瘠缺米粟景瀚請隣邑無遺糶又當西域孔道車馬取給商賈鹽引
勅派於民官吏強買煤炭皆為民病一切罷之山是商賈輻輳食貨流通修柳

清史稿

福慶傳三

三

湖書院與諸生講學文風漸振五十五年署固原州漢回雜處時構衅景瀚密
偵諸堡積匪境內以安五十九年遷陝西邠州知州嘉慶元年總督宜縣巡
邊調景瀚入軍幕遂從勦教匪以功擢慶陽知府宜縣總轄三省從入蜀幕府
文書皆屬景瀚尋調蘭州仍在軍充翼長景瀚從軍久見勞師糜餉流賊仍熾
因上議備陳調兵增兵募勇三害勦賊四難謂先安民然後能殺賊民志固則
賊勢衰使之無所裹脅多一民即少一賊民居奠則賊食絕使之無所撈掠民
有一日之糧即賊少一日之食用堅壁清野之法令百姓自相保聚賊未至則
力農貿易各安其生賊既至則閉柵登陴相與為守民有恃無恐自不至於逃
亡其要先慎簡良吏次相度形勢次選擇頭人次清查保甲次訓練壯丁次積
貯糧穀次籌畫經費如是行之有利反復數千言切中事理嗣是被兵各省
舉仿其法民獲自保賊無所逞成效大著論者謂三省教匪之平以此為要領
五年始到蘭州任七年送部引見卒於京師其後續編皇清文頤仁宗特出其
堅壁清野議付館臣載入祀蘭州名宦祠自其裕至景瀚四世皆祀名宦海內

稱之景瀚子豐毅官湖北天門知縣亦有治績不隳家聲焉

蓋方泌字季源山東蒲臺人嘉慶初以拔貢就職州判陝西署漢陰廳通判
石泉知縣三年署商州州同治州東百里曰龍駒寨寨之東為河南南出武關
為湖北路四通多林莽山徑易憑匿時川楚教匪屢由武關入陝西方泌始至
民吏掃地赤立賊曾張漢潮擁眾至乃置藥糶中誘賊劫食多死遂西走大軍
乘之漢潮由是不振方泌集眾謀曰賊雖去必復來若等逃亦死守不得耕種
亦死我文官無兵若能為吾兵當全活爾眾曰惟命乃築堡聚糧戶三丁抽一
得三千人無丁者以財佐糧糧兵械親教之戰辰集午散無廢農事四年賊屯
山陽鎮安將東走河南迎擊敗之又擊賊於鐵峪鋪賊據山上而伏其半於溝
乃分兵窮伏奪據東山上數乘懈擊之賊背遁後賊由雒南東逸方泌馳至分
水嶺問道走鐵洞溝出賊前伏待之賊錯愕迎戰遂敗斬首數百鄉兵名由是
大振自武關至竹林關鄉兵皆請隸龍駒寨五年知州困於賊方泌馳百九十
里至北灣賊驚曰龍駒寨兵至矣時賊屯州西及雒南山陽各萬餘人欲東出

清史稿

福慶傳三

四

方泌勸鄉兵二萬列三大營以待會官軍至夾攻賊大敗幾盡殲是役枕戈而
寢者五十日游擊某誣以事解職大吏直之得留任賊遂相戒無過商州八年
授盤屋知縣猶時時入山搜賊又獲寧陝倡亂者四十餘人境內甫定捐俸賑
饑旌死節婦河灘馬廠鹽法皆區畫久遠擢寧陝廳同知仁宗召見問商州事
甚悉擢四川順慶知府渠縣民變大吏屬以兵方泌曰此賽會人眾至各相驚
疑訛言橫興非叛也捕十二人而變息調成都母憂歸闕授福建延平尋調
臺灣兩署臺灣道屢謝大獄皆眾眾洶洶稍激則變方泌一以理諭蔽罪如法
道光十八年卒史紹登字倬雲江蘇溧陽人大學士貽直之孫以騰錄敘布政
司經歷發雲南乾隆六十年署文水知縣時滇鹽歸官辦民苦抑配紹登弛其
禁釋通課者數百人閱三載配鹽之五十七州縣悉改商辦以文山為法貴州
苗亂距文山尚數郡紹登策其必至集胥役健者親教技擊以備之嘉慶元年
苗竄鄰境之邱北潛與文山獵獐通紹登謂不救邱北文山獵獐必不靖親率
三百人往人授刀一鐵鑊三十既至當者輒仆邱北廓清而總督勒保勦苗失

利被圍於貴州黃草坪巡撫江蘭檄紹登往援至則賊圍數重內外不相聞七戰皆捷乃達黃草坪會貴州援兵亦至此紹登上謁總督曰若文官亦遠來問我耶紹登陳解圍狀不信紹登請視賊尸鏹傷者文山民壯所擊若刃傷請伏冒功罪總督初欲劾之勘實乃已巡撫聞紹登忤總督大懼令所用軍費不得入報銷以是虧帑二萬尋兼署蒙自縣事兩城相距三百里交趾賊僂福結粵匪犯文山紹登馳一晝夜入城率民壯出剿禽其渠喇卡悉復撤雲州知州仍留文山任四年初彭齡來為巡撫性好奇開化總兵因蒙自變時怯懦為民所輕銜紹登證之遂以虧空劾士民刊章臚紹登政績設懸金至三萬彭齡聞之悔以完虧奏留任餘金無可返建開陽書院焉七年署維西通判廳民恒乍糊為亂巢險不可攻紹登廉得巢後巖壁陡絕阻大溪乃以篋為梯募善泅者繫繩巖樹對岸急引如笮橋攀援以登壯士三百人從之賊大驚亂擒賊淨盡九年卒

清史稿

循吏傳三

五

十五年進士授浙江孝豐知縣調德清再調平湖下車謁陸隴其祠以隴其曾宰嘉定而已以嘉定人宰平湖奉隴其為法盡心撫字訓士除姦邑中稱神明嘉慶三年九卿中有密薦之者詔詢巡撫阮元元奏廉潔守潔才優久協輿論為浙中第一良吏引見以同知升用五年金華處州兩郡水災金華苦無錢處州苦無米廉潔奉檄於恩賑外領銀二萬便宜為之以銀之半易錢運金華加賑人百錢而錢價平又以銀之半運米至處州減價糶轉運而米亦賤升處州府同知調嘉興海防同知署台州府尋擢嘉興知府正己率屬無敢以苞苴進者治漕持官民軍三者之平上官每用其言十年水災減糶有實惠賑民以粥全活者眾以繼母憂去官服闋補福建汀州調漳州俗悍多械鬪號難治廉潔召鄉約里正問之曰何不告官而私鬪為皆曰告官或一二年獄不竟竟亦是非不可知先為身累廉潔曰今吾在獄至立剖有不當更言之無所徇護為我告鄉民後更有鬪者必禽其渠焚其居毋恃賄脫眾皆唯唯退已而有鬪者廉潔立調兵捕治悉如所言民大懼廉潔日坐堂皇重門洞開怒者直入命

役與俱召所當治者限時日不至則杖役至則立平之釋去即案前書獄詞無一錢費民皆懼呼曰李公活我漳屬九龍嶺多盜下所屬嚴捕擒其魁十數商旅坦行故事獲盜當甄敘悉以歸屬吏尋擢汀漳龍道二十年擢福建按察使署布政使逾年實授廉潔守漳州時龍溪縣有械鬪令儒不治署和平令朱履中內狡而外樸廉潔誤信之請以移龍溪久之事不辦始稔其詐泊署布政使改履中教職履中虧鹽課恐獲罪具揭於總督汪志伊巡撫王紹蘭謂虧帑由道府婪索督撫密以聞解廉潔職質訊廉潔之去漳監造戰船工未竣留僕督率之僕假履中洋銀三百圓詭以墊用告廉潔如數給之僕匿不以償福州知府涂以翰鞠之阿總督意增其數為一千六百逼令自承辭色俱厲廉潔終不肯諛服虛為獄吏所辱遂自經事聞命侍郎熙昌副都御史王引之往按其獄得白上以廉潔操守清廉眾所共知其死由汪志伊固執苛求而成於涂以翰勒供凌逼視志伊職永不敘用以翰履中俱譴成黑龍江紹蘭亦以附和革職廉潔家不名一錢歿無以殮鹽法道孫爾準與之善為經紀其喪初志伊亦重

清史稿

循吏傳三

六

廉潔曾薦舉之及擢布政乘新輿上謁志伊諷以戒奢廉潔曰不肖為大員不欲效布被脫粟之欺罔志伊素矯廉潔其語又以遇事抗執嫌益深及獄起履中忽自承妄奸諉原揭為其僕竊印志伊怒必窮詰之論者謂漳廠修船例由龍溪縣墊款藩司發款至道乃償之非贓私也廉潔猶急負清名慮涉嫌不承而志伊峻待紳士不理於眾與廉潔善者或以飛語中之方治獄使者至閩士民上書為廉潔訟冤咸泣祭奠踵接於門為建遺愛祠熙昌等據情奏請賜額表揚仁宗以大員緣事逮問當靜俟國法若此心愾然橫遭冤枉亦應據實控告朝廷必為昭雪乃效匹夫溝瀆之諒殊為褻急不應特予旌揚士民追思惠政捐資立祠斯則斯民直道之公聽之

伊秉綬字墨卿福建寧化人乾隆五十四年進士授刑部主事遷員外郎嘉慶三年出為廣東惠州知府問民疾苦裁汰陋規行法不避豪右故練刑名大吏屢以重獄委之多所矜恤陸豐巨猾肆劫勒贖秉綬設方略縛其渠七人戮之六年歸善陳亞本將為亂提督係全謀不發兵秉綬乃遣役七十餘人夜搗其

巢禽亞本餘黨竄入羊矢坑未幾博羅陳爛屢起事請兵提督復沮之秉綬爭
 日發兵愈運民之傷殘愈甚提督不得已予三百人秉綬復曰偵虛實則三四
 人足矣如用兵以真敵衆徒值事耳提督不聽令游擊鄭文照率三百人往子
 身跳歸亂遂成秉綬適以他事呈議去官士民顛留軍營時提督既擁兵不前
 其標兵卓亞五朱得貴均通賊縱掠爲僞渠帥秉綬憤懣請兵益力達總督吉
 慶之怒復以失察教匪論成會新總督倭什布至惠州士民數千人訴秉綬冤
 上聞特免其罪指復原官發南河授揚州知府時秉綬方奉檄勘高郵寶慶水
 災刺一小舟棲戶枉渚必親閱手記及莅任劬躬率屬賑貸之事錙銖必覈吏
 無所容其奸倡富商巨室捐設粥廠費以萬計誅北湖劇盜鐵庫子輩杖詭道
 誑愚之輩道和它奸猾擾民者悉嚴治之民雖饑困安堵無惶惑感惡者河庫道
 鹽運使皆稱職尋以父憂去家居八年嘉慶二十年入都道經揚州卒秉綬承
 其父朝棟學以未儒爲宗在惠州建豐湖書院以小學近思錄課諸生在揚州
 宏獎文學歿後士民懷思不衰以之配食宋歐陽修蘇軾及清王士禛稱四賢

清史稿

新史傳三

七

狄尙綱字文伯江蘇溧陽人寄籍順天乾隆四十六年進士五十七年授安徽
 黟縣知縣父憂去嘉慶四年起復發廣東署化州知州瀕海嶺悍尙綱解除煩
 苛治以簡易補花縣以鄉兵助勦博羅亂匪有功旋攝香山十年銓授江西南
 康知府有武舉調族姪婦羞忿自盡以無告發事寢有年矣尙綱甫下車武舉
 以他事涉訟反覆詰問忽露前情窮究得實置諸法羣驚爲神不期年理滯獄
 百餘盡得情實饒州有兩姓爭田世相仇殺尙綱爲判斷調和爭端永息南安
 會匪李詳請傳徒衆衆事發大吏檄尙綱案之戴奉飛實罪首詳請爲從富減
 死承審同官以詳詰巨富欲引嫌尙綱曰無媿於中何嫌可避大吏亦慮與原
 奏不符尙綱曰不護前非乃見至公聖明在上何慮焉卒從其議株連者亦多
 省釋管言獄不難於無枉縱惟干證之牽累吏胥之需求受害者不可窮詰生
 平思此時用疚心又曰人命盜巨案之當慎不知婚姻財產細務尤不可忽
 蓋必原情度勢使可相安於異日不釀成別故斯爲善耳南康治濱湖風濤險

惡未郡守孫喬年築石隄百餘丈內浚二澳可泊千艘朱子知南康增築之名
 紫陽隄迤東水齧侵及城址明知府田瑄增築石隄百餘丈以衛之久俱圯尙
 綱增修兩隄一準舊制堅固經久葦花池周五十里受廬山九十九灣之水北
 入湖水門淺隘尙綱疏濬之積潦消洩歲增收穀萬石在任先後二十四年所
 設施多規久遠歷署饒州吉安廣信三府攝糧道敝衣蔬食不問生產引疾去
 官不能歸卒於南康張敦仁字古愚山西陽城人乾隆四十年進士授江西高
 安知縣調廬陵精於吏事有循聲遠銅鼓營同知署九江撫州南安饒州諸府
 事嘉慶初改官江蘇歷松江蘇州江甯知府六年調授江西吉安沿嶺江多盜
 遵健吏專司巡緝責盜族禽首惡毋匿逃徒符以靖民德之再署南昌尋實
 授所屬武甯民婦與二人私殺其夫前守以夫死途中非由婦姦報敦仁覆鞫
 詞無異而其幼子但哭不言疑之請留前守同讞遂得謀殺移尸狀獄乃定龍
 泉天地會匪滋事巡撫檄敦仁往按未至鎮道已發兵禽二百餘人民惶懼敦
 仁廉知匪黨與溫氏子有隙非叛逆法當未減坐爲首二人又會匪素肆掠富

清史稿

新史傳三

八

室爲保家計多伴附實未身與事發株連圍爲滿訊察其冤盡得釋道光二
 年擢雲南鹽法道尋以病乞致仕敦仁博學精考訂公暇即事著述所刻書多
 稱善本寄寓江甯卒年八十有二著書遺亂多佚鄭敦允字芝泉湖南長沙人
 嘉慶十九年進士選庶吉士散館授刑部主事遷員外郎道光八年出爲湖北
 襄陽知府襄陽俗樸訟事多出教唆敦允長於聽斷積積爲空訪所屬衙憲莠
 民最爲民患苦者十餘人論如律地號盜數請帑充緝捕費多設方略獲盜
 百餘巨盜梅枚者勇悍多徒黨捕者人少莫能近衆至則逸偵知所在夜往擒
 之其徒追者數百人令曰欲奪犯者殺而以屍與之衆不敢逼訴者屠集日久
 不敢言言輒火其居敦允曰苦吾民矣遂寘之法襄陽地瘠民貧客商以重利
 稱貸田產折入客籍者多敦允許貸戶自陳子浮於母則除之積困頓蘇漢水
 齧樊城城民居議斃石隄四百餘丈二年而成明年漢水大漲樊城賴以全襄
 陽岸高水下遇旱艱於引溉頒筒車式使民仿製民便之調署武昌會大水樊
 城石工墜損敦允固請回任修守襄人走迎三百里日夜牽挽而至議增築子

檢護隄根災民就食者數萬為草舍居老疾稚弱令壯者赴工自食敦允听夕
巡視工未竟致疾未幾卒祀名宦

李文耕字心田雲南昆陽人家貧事親孝服膺宋儒之學嘉慶七年進士以知
縣發山東假歸養母喪服闋補都平到官四閱月不得行其志引疾去以官
累不得歸十九年教匪起壽張令以文耕嫻武事招助城守訓練防禦皆有法
賊不敢窺境大吏聞其幹略起復補原官在都平五年治尚教化民婦陳訴其
子忤逆文耕引咎自責其子叩頭流血母感動請釋卒改行聽訟無株累久之
訟者日稀善捕盜養捕役使足自贍無家賊數親巡窮詰窩頓嘗曰治盜必真
心衛民身雖不能及者精神及之聲名及之終任盜風屏息課諸生親為指授
勉以為己之學民呼李教官又呼為李青天調冠縣遷膠州濬雲墨二河道光
二年擢濟甯直隸州未之任巡撫琦善特薦之宣宗夙知其名即擢泰安知府
調沂州立屬吏程課謂官不動則事廢民受其害教化本於身能對百姓然後
可以教百姓屬吏皆化之沂郡產檉樹勸民興蠶建義倉備荒捕盜如為令時

清史稿

循吏傳三

九

尋擢充沂曹道司河事修防必躬親屬屬請濬沙需銀五萬往視之曰無庸
春漲即刷去矣果如其言五年遷浙江鹽運使未幾調山東時岷業疲累充商
者多無籍遊民文耕知其弊請分別徵緩以紓商力責富商領運不得因引滯
賤價私賣課漸裕七年擢湖北按察使復調山東嚴治胥役詐贓犯輒置重典
斷獄寬平責屬吏清滯獄數月積積一空謂山東民氣粗而性直易犯法亦易
為善故教化不可不先居三歲調貴州州縣瘠苦希更調不事事適權布政使
請以殿最為調劑俾久任專責成鑿桐梓葫蘆口以息水患黔產紬無綿布設
局教之紡織貧民艱生計重利而薄倫常撰文勸導曰家喻戶曉篇十三年休
致歸文耕平生以崇正學挽澆風為己任在山東久民感之尤深歿祀名宦
劉體重山西趙城人乾隆五十四年舉人嘉慶初以知縣發湖南歷署石門新
化衡陽甯武衡山湘陰晉秩同知改江西道光中補袁州同知擢廣信知府調
吉安又調撫州所至有聲在撫州治績最著巡歷屬縣問民疾苦集父老子弟
勉以孝弟力田屬吏不職參劾無徇胥吏攬訟痛懲之厚書院原僚課士以經

動繩以禮法遇大水盡心賑卹災不為害建義倉積穀五萬石十四年擢河南
彰衛懷道河事修防有法終任黃流安瀾沁水隄由民築多單薄擇其要區
加築子堦籌歲修費垂永久漳河無隄防動疏濬水患並息創建河朔書院仿
朱子白鹿洞規條以課三郡之士十九年擢江西按察使遷湖北布政使二十
二年乞病歸卒於家體重廉平不苟尤長治獄所居吏畏民懷訟獄日簡河北
士民尤感之歿祀名宦嗣子煦由拔貢授直隸知縣歷權繁劇咸豐初遷開州
知州河決賑災全活數萬治團練有功署大名知府十一年春直隸山東匪迭
起守城四十日乘間出奇擊賊城獲安既而東匪西竄勢甚張畿輔震動煦督
師破清豐賊壘乘勝進攻濮州老巢遇大雨賊決河自衛煦激勸兵團堅持不
懈賊窮蹙乞降遂復濮州開濮之間積水多沮洳土人謂之水套匪輒憑匿至
冬復豎旗起事煦率鄉團八千人追賊於冰天泥淖之中三戰皆捷水套底定
同治元年擢大順廣道命借副都統擴克敦布辦理直東交界防勦事宜以勞
卒於官優詔賜卹大名及原籍並建專祠

清史稿

循吏傳三

十

張琦初名珂字翰風江蘇陽湖人嘉慶十八年舉人以磨錄議敘知縣道光二
年發山東署鄒平縣抵任歲且盡閱四百七十村麥無種者即申牒報災親詣
上官陳狀破成例請緩徵因鄒平得緩者十六州縣民失物誤訟鄰邑長山歸
獄於琦琦曰汝失物地大樹北抑大樹南曰樹北琦曰若是則我界也民愕然
曰誠鄒平耶即不欲以數匹布煩父母官持牒去後權章邱鄒平民時赴訴琦
曰此於法不當受慰遣之章邱民好訟院司道府五府吏皆籍章邱走書請託
倚撫短長琦任歲餘無一私書至結案二千有奇無翻控者五年補館陶會久
旱風飄麥苗皆死饑民眾掠琦禱雨既應嚴捕倡掠者廉得富家閉糶居奇狀
按治之民大悅乃請普賑兩月館陶地偏小賑數多鄰邑數倍大吏呵之尋有
詔責問歲饑狀甚切乃按臨災區民迎訴賑弊惟館陶得實始勸能他邑令厚
慰琦士有訟者閱其辭不直則曰課汝文不至訟乃至耶先試以文不中程責
後乃決事士訟遂稀館陶地斥鹵不宜穀又衛水數敗田琦精求古溝防及區
田法試行之未竟病卒在館陶八年民愛戴之理訟不待兩造集即決遣之以

其辭質後至者莫敢狡飾有疑獄亦不過再訊胥吏擾民必嚴論如法然籌其
生計必周故無怨者琦少工文學與兄編修惠言齊名輿地醫學詩詞皆深造
五十後始為吏治績尤著時江西同知石家紹亦儒者為治有古風殆相亞云
家紹字瑞辰山西翼城人以拔貢為壺關縣教諭道光二年成進士授江西龍
門知縣發奸捕伏以神明稱調上饒再調南昌首邑繁劇而盡心民事理訟嘗
至夜不輟連年水患饑民聞省會散賑賑衆郭外家紹與新建令同主賑始散
米令饑民自糞來者益衆賑所瀕河幾莫能容乃改散錢令各返鄉里候截留
漕米濟之時水災益棘家紹請開倉平糶復分廠煮粥以賑主者循例備三千
人食而就食者五萬洵洵不可止家紹至諭之曰食少人衆咄嗟不能辦汝等
姑退語朝來不使一饑民無粥噉也衆皆迎拜曰石爹爹不欺人願聽處置爹
爹者江西民呼父也歷署大庾新城新建三縣擢銅鼓營同知署饒州贛州二
府所至皆得民心家紹口喃喃若不得辭自大吏僚友縉紳士民卒隸無不稱
為循吏顧自視欲然嘗曰吏而良民父母也不良則民賊也父母吾不能民賊

清史稿

循吏傳三

十一

也則吾不收吾其為民備乎十九年卒五縣皆祀名宦南昌民尤德之建祠於
百花洲
劉衡字廉舫江西南豐人嘉慶五年副榜貢生充官學教習十八年以知縣發
廣東奉檄巡河日夜坐臥舟中與兵役同勞苦俾不得通盜河道欽哉署四會
縣地瘠盜熾衡團練壯丁連村自保調捕會匪焚其籍以安反側祇治渠魁衆
乃定調署博羅城中故設微糧店數家鄉又設十站民以為累衡至即除之俗
多自戕里豪蠹役維持之害滋甚衡釋誣濫嚴懲主使綱習一清補新興父憂
去服闋道光三年授四川墊江俗輕生亦如博羅衡先事勸諭民化之獲囑匪
初犯者曰饑寒迫爾給資使自謀生再犯不宥匪輒感泣改行調署梁山處萬
山中去水道遠歲苦旱衡相地修塘堰以時蓄洩為永久之計捐田建屋養孤
貧歲得穀數百石上官下其法通省仿行尋調巴縣為重慶府附郭號難治白
役七千餘人倚食衙前衡至役皆無所得食散為民存百餘人備使令而已歲
歉衡謂濟荒之法聚不如散命各歸各保以便賑恤是年雖饑不害衡嘗謂律

意忠厚本之為治求達愛民之心然愛民必先其病民者故恆寓寬於嚴官
民之阻隔皆緣丁胥表裏為奸所至設長几於堂左右分六曹為六樞吏呈案
則各就所几樞皮之擊聲以聞衡自取立與核辦置之右几吏以次承領舉蔽
悉除有訴訟坐堂皇受牘親書牒令原告交里正轉攝所訟之人到即訊結非
重獄不遺隸勾攝即遣必注隸之姓名齒貌於籤又令互相保結設連坐法盡
役無所施技性素嚴臨訟輒蹙顏俾得通其情扶不過十惟於豪猾則痛懲不
稍貸嘗訪延士紳周知地方利害次第舉革待丞尉營弁必和衷時周其乏緩
急可相倚城鄉立義學公餘親課之為治大要以恤貧保富正人心端士習為
主總督戴三錫巡川東其旁邑民訴冤者皆乞付劉青天決之語上聞七年擢
緜州直隸州知州宣宗召對嘉其公勤八年擢保寧知府九年調成都每語人
曰牧令親民隨事可盡吾心太守漸遠民安靜率屬而已不如州縣之得一意
民事也然所在屬吏化之無厲民者後擢河南開歸陳許道未幾病巡撫為陳
情及治蜀狀請優待之以風有位特詔給假調理久之病不愈遂乞歸數年始

清史稿

循吏傳三

十二

卒博羅墊江梁山巴縣皆請祀名宦祠同治初四川學政楊秉璋疏陳衡循績
並上遺書穆宗諭曰劉衡歷任廣東四川守令所至循聲卓著去官四十餘年
至今民間稱道弗衰所著庸吏庸言蜀僚問答讀律心得等書尤為洞悉閭閻
休戚於興利除弊之道籌畫詳備洵無媿循良之吏將歷任政績宣付史館編
入循吏傳以資觀感衡所著書皆閱歷有得之言當世論治者與汪輝祖學治
臆說諸書同奉為圭臬其後有徐棟著牧令諸書亦並稱焉棟字致初直隸安
肅人道光二年進士授工部主事累遷郎中究心吏治以為天下事莫不起於
州縣州縣理則天下無不理稱州縣之職不外於吏事久讀書多然更事在既
事之後讀書在未事之先乃滙諸家之說為牧令書三十卷又以保甲為庶政
之綱天下非一人所能理於是有鄉有保有甲自明王守仁立十家牌之法後
世踵行為強盜設此未知其本也亦集諸說成保甲書四卷二十一年出為陝
西興安知府調漢中又調西安所至行保甲皆有成效興安臨漢江棟補修患
春石泉兩隄加於舊五尺民頗苦其役十數年後大水冒舊隄一尺乃感念之

肖像以祀舊禁運糧下游棟以興安卑濕積穀易霉變既不能久儲又不能出境圖利者改種菸葉藍靛數年每至乏食乃弛運糧之禁民便之舉卓異二十九年以病歸咸同之間在籍治團練修省城有詔錄用以老病辭卒祀興安名宦祠

姚東之字伯山安徽桐城人七世祖文燮見本傳東之少負異才從族祖鼎學道光二年成進士授河南臨漳知縣屢決疑獄縣民張鳴武控賊殺妻稱賊擊二窗櫺入室東之勘窗櫺窄且夫未遠出詰之果夫因逐賊誤斫殺妻又常姚氏被殺罪人不得東之察其時為縣試招覆之前夜所取第一名楊某不赴試疑之召至神色惶惑詢其居與常鄰乃夜至城隍廟命婦人以血汚面與楊語遂得圖姦不從強殺狀每巡行鄉曲勸民息訟有訴曲直者即平之漳水溢齋精赴災區且勸且賑全活者衆兼攝內黃民服其治開漕之風頓革境與直隸大名毘連多賊巢掘地為窟積匪聚賭排槍手為拒捕計東之約大名會捕賭窟除而盜風息母憂去十二年服闋補廣東揭陽瀕海民悍械鬪掠抗賦賦

清史稿

循吏傳三

十三

官習以為常東之訓練壯勇集紳耆於西郊諭以保護善良與民更化最頑梗之區曰下灘盜賊土豪相勾結束之會營往捕拒者或死或擒一盜積犯十八案召被害者環觀慘之境內稱快有凶盜居錢坑其地四面皆山不可攻潮州故事凡捕匪不得則焚其窟空其積聚束之戒勿焚燒召耆老諭交犯不敢出乃乘輿張蓋入村從僅數人見耆老一一慰勞皆感泣願更始民在四山高望者咸呼好官次日遂交犯自下灘示威錢坑示德恩信大著收穫時巡鄉為之保護樹催科旂值械鬪則樹止鬪旂一日塗遇持火槍者結隊行望見官至悉沒水中命以漁網取之訊為助鬪者按以法自此械鬪戢止與復書院厚待諸生回鄉以新政告鄉人有變則密以聞官民無隔閡通賦者相率輸將強梗漸化縣大治遷連州綏德同知民務構訟判決時必使相安遂無事普寧縣匪徒戕官肆劫奉檄從鎮道往捕治匪以涂祥為巢穴磨盤山為聲援地皆險乃設方略正軍攻涂祥調揭陽壯勇自磨盤嶺突進破賊巢獲六百餘人事定言官談論劾朝使查勘其誣得白十七年署肇慶府端溪大漲城不沒數版東之

日夜立城下守禦預放兵糧以平米價民不知災十九年擢貴州大定知府俗好訟東之速訊速結不能售其欺期年而訟稀白嶙洞地僻產煤鐵有汪擺片者據其地聚眾結會為一方害捕滅解散地連川滇得弭鉅患焉大定民苗雜居宜治以安靜大吏下令東之必酌地方之宜不使累民見多不合遂引疾歸數年始卒吳均字雲帆浙江錢塘人嘉慶二十四年舉人道光十五年大挑知縣發廣東授乳源調潮陽歷署揭陽惠來嘉應海陽在海陽捕雙刀會匪黃悟空貢之法舉卓異署鹽運司運同擢佛岡廳同知署潮州知府咸豐二年惠州

軍事亟福建湖南大吏聞均名先後奏調往襄勦匪廣東方倚為保障堅留之四年江南大營散兵回粵結匪為亂賊首陳娘康擁眾圍潮陽分黨陷惠來攻普寧援軍失利均親督戰敗賊甫解潮陽圍海陽彩陽鄉匪首吳中庶乘間糾黨陳阿拾煽眾旬日至萬餘人大掠海陽偏攻郡城澄海匪首王興順亦與合均檄潮陽令汪政分兵援郡城戰城下殲賊數千圍解自移軍澄海冒雨破賊

清史稿

循吏傳三

十四

巢分路搜捕清餘孽旋克惠來斬陳娘康等於陣未幾以積勞卒於官均性清介治潮最久誅盜尤嚴每巡鄉輒以二旂開導大書曰但願百姓回心免試一番辣手化莠為良保全彌眾從役有取民間絲粟者立斬馬前民益畏服在潮陽以濱海地鹹鹵開渠以通溪水築隄六千餘丈淡水溉田瘠土悉沃在海陽溶三利溪加築北堤為郡城保障及守潮州修復州東廣濟大橋附郭西湖山高出城上登瞰全城如指掌舊有高塘為犄角久圯均築展新城跨濠而過圍山於城內至是匪亂圍攻竟不能破民咸頌之歿後追贈太僕寺卿光緒間潮州建專祠

王肇謙字琴航直隸深澤人道光十四年舉人授福建海澄知縣馬口鄉民構毀五掠親諭利害積嫌賴解捕巨盜許蟬實諸法羣盜斂迹富紳爭產累訟男婦數十人環跪堂下援引古義喻之更反自責眾赧然謂今日始知禮義訟以是止邑民李順發負楊茄柱金為楊所留乃以劫財訴諸教堂教主移牒請嚴究眾洵肇謙白上官茄柱無罪不必治教士驕心不可長總督劉韻珂嘉其

抗直閩縣上尊村故盜數檄肇謙往捕至則召其父老開陳大義曰我來活若一鄉若列統拒官大府欲屠之尚不知耶衆大恐肇謙曰某某皆大盜速縛來三日繕齊保甲册吾保若無事遂立以盜獻厦門洋人因賃屋與民齟齬奉檄往治據理剖決兩無所徇洋人帖服咸豐二年署上杭時粵匪據江甯福建賊林俊遙應之陷漳州永春大田諸郡縣肇謙建礮儲粟製器械簡丁壯為堅壁清野計賴以無虞三年淫雨為災且賑且治軍率勇越境勦松源縣賊四千擢永春直隸州知州募鄉兵二萬破林俊於城南山擒土匪邱師率八等署漳州知府漳浦古竹社蔡全等為亂肇謙設方略約內應生擒全詔嘉之晉秩知府漳俗獷悍難治肇謙謂民不奉法由吏不稱職課所屬清案放勸催科懲械鬪嚴緝捕表義行振文教以能否為殿最漳人以爲保障署延建邵道調署興泉水道未行粵匪竄入境肇謙誓以死守督軍隨按察使趙印川十三戰皆捷以勞卒詔贈光祿寺卿祀上杭名宦祠曹瑾字懷樸河南河內人嘉慶十二年舉人初官直隸知縣歷署平山饒陽甯津皆得民心賑饑懲盜多惠政補威縣

清史稿

初更傳三

十五

調豐潤以事落職尋復官發福建署將樂又以失察邪教被劾引見仍以原官用道光十三年署閩縣旗兵與民械鬪持平曉諭利害皆帖伏值早迎胡神於鼓山禱雨官吏奔走跪拜街衢問瑾斥其不載祀典獨屹立不拜大吏奇之以爲可任艱鉅時臺灣歲歉多盜遂補鳳山問疾苦詰盜賊剔除弊蠹順民之欲淡水溪在縣東南由九曲塘穿池以引溪水築埤導圳凡掘圳四萬餘丈灌田三萬畝定啟閉蓄洩之法設圳長經理之二十年撤淡水廳同知海盜剽劫商賈漳泉二郡人居其間常相仇殺又當海防告警瑾至行保甲練鄉勇清內匪而備外侮英吉利兵艦犯鷓籠口瑾禁漁船勿出絕其鄉導懸賞購敵曾民爭赴之敵船觸石禽百二十四人屢至屢却之明年又犯淡水南口設伏誘擊俘漢奸五敵兵四十九人事聞被優賚未幾和議成英人有責言總督怡良知瑾剛直謂曰事將若何瑾曰但論國家事若何某官無足重罪所應任者甘心當之但百姓出死力殺賊不宜有負怡良歎曰真丈夫也卒以是奪級後以捕盜功晉秩以海疆知府用瑾遂乞病歸數年始卒

桂超萬字丹盟安徽貴池人道光十二年進士以知縣發江蘇署陽湖四十日巡撫林則徐賢之補荆溪未任父憂去十六年服闋授直隸樂城捕盜不分畛域每於隣邑交界處破賊巢盜風息溶波河金水河及城河通溝洫平道路水潦無患限紳戶免役不得過三十畝免累民勸樹畜修井奠田種薯芋以備荒復書院設義塾化導鄉民習異教者多改行調萬全署豐潤值英吉利犯天津沿海戒嚴超萬訓練鄉勇募打鴨善槍法者以備戰後粵匪犯畿輔天津勇效超萬法頗收鳴槍阻擊之效詔舉賢吏總督訥爾經額薦超萬持躬廉謹盡心民事遷北運河務關同知二十三年擢授江蘇揚州知府揚俗浮靡超萬勸儉嚴禁令凡衙蓋營兵地棍訟師諸害民者悉繩以法訟於府者一訊即結逾兩年調蘇州時清弊積重大戶短欠且得規包納運丁需索日增官民交困超萬爲減刑費均賦戶之議乃訪懲豪猾示均收章程依限完納即赦既往請大吏奏定通行積困稍甦屯佃求減租聚眾毆業主糧艘水手因行海運失業勾結滋事勢皆洶洶超萬處以鎮靜先事戒備得弭亂萌署糧儲道二十九年

清史稿

初更傳三

十六

擢福建汀龍漳道乞病歸咸豐中粵匪擾安徽超萬在籍治鄉團同治初福建巡撫徐宗幹薦之署福建糧儲道尋擢按察使年八十卒於官張作楠字丹郵浙江金華人嘉慶十三年進士銓授處州府教授擢江蘇桃源知縣調陽湖治事廉平人稱儒吏道光元年擢太倉直隸州知州三年大水作楠冒雨履勘災鄉問民疾苦停徵請賑借帑平糶疏濬境內河道以工代賑水得速洩涸出田畝不誤春耕人刊婁東荒政編紀其事尋奉檄赴松江諭獄鄉民訛傳去官慮仍收漕紛紛奔訴會瀕海奸徒乘間蠢動作楠聞變馳回中途檄主簿蕭翹赴茜涇捕首惡曾從罔治事遂定作楠勤於治事案無滯積暇則篝燈課讀妻女紡織常至夜分人笑其爲校官久未改故態五年擢徐州知府受代以平糶虧帑二萬金彌補未完作楠自危巡撫陶澍曰救災民如哺兒失乳即死吾方咎汝請難時顧慮折耗不兌稍稽遺大投艱者胡亦泥此且紳民已代致萬金不汝責也徐州亦被災籌賑甚力民賴以甦在任兩載乞養歸鄉居二十餘年足迹不入城市三子皆令務農工或問何不仍業儒曰世俗讀書爲科名及入仕

則心術壞吾不欲其墮落也作楠精算學貫通中西在官以工匠自隨製儀器刊算書所著書匯刻曰翠微山房叢書行於世學者奉為圭臬焉卒祀鄉賢祠雲茂琦廣東文昌人道光六年進士授江蘇沛縣知縣詢民疾苦懇懇如家人勸以務本分忍忿爭訟頓稀縣地卑多積潦開濬溝洫歲獲屢豐籌緝捕經費獲盜多給重賞盜賊屏迹課諸生先德行後文藝語以身心性命之學隣邑聞風而來書院齋舍至不能容總督蔣攸銛稱其有儒者氣象調六合連年大水災民得賑無流亡邑多淫祀毀其像改書院衛田多典質為清理復業運戶得所津貼漕累以紓考最入覲改官兵部郎中又改吏部未幾告養歸家居十數年設田贍族鄉邑興革無不盡力主講課士有法卒祀名宦祠

清史稿 循吏傳三

十七

清史稿

列傳

循吏四

徐台英

牛樹梅

劉秉琳

李炳濤

柳德模

方大湜

楊榮緒

王仁福

冷鼎亨

孫葆田

涂官俊

張楷

王仁堪

徐台英字佩章廣東南海人道光二十一年進士授湖南華容知縣俗好訟台英謂訟獄糾纏由於上下不通與民約傳到即審結胥役需索者痛懲之一日閱呈詞不類訟師胥吏筆鞫之果諸生也拘至試以詩文文工而詩劣諭曰詩本性情汝性情卑鄙宜其劣念初犯姑宥其改行其人感泣去規復沱江書院

清史稿 循吏傳四

一

月自課之曰陸清獻作今日與諸生講學吾不曉講學若教人作文因而誘之讀書立品是吾志也縣田有圻田坵田山田之分瀕湖地旱少潦多坵圻例有蠲緩田無底册影射多書役墊徵官給空票花戶糧數任其自注役指為欠者拘而索之官不知所徵之數保戶包納漕米相沿以為便挾制浮收無過問者積欠數萬官民交病台英知其弊乃清田册注花戶糧數姓名住址立碑坵上使册不能改應緩徵者可親勘而影射之弊絕申糧隨業轉之例即時過割而飛洒之弊絕收漕分設四局俾升合小戶就近輸民免保戶之加收而包納之弊絕坵田舊有堤修費出田主有挪坵田作圻田冀免隄費者有賣田留稅派費賠累者有賣稅留田派費不至者隄費不充一坵隄潰他坵同希豁免凡借帑修隄者久無償相率亡匿台英丈田均費低窪者許減派不許匿畝其人戶俱絕歸宗祠管業承費巨族有抗者罪之行之期年隄工皆固通賦盡輸調未陽未陽徵糧由櫃書里差收取入倍於官刁健之戶輕良善之戶重民積忿有楊大鵬者以除害為名欲揭竿為亂事平台英遂盡革里差時上官欲命

舉甲長以代里差仍主包收解台英以甲長之害與里差同因集鄉紳問之曰巡撫命汝等舉甲長何如曰無人願充台英曰甲長所慮在不知花戶住址汝等所慮在甲長包收吾今併戶於村分村立册以各村糧數合一鄉以四鄉糧數合一縣各村納糧就近投糧糧入串出胥吏不得預甲長祇任催科無昔日包收之害此可行否眾皆拜曰諾台英曰隱匿何由核眾曰取册磨對有漏補入可耳曰虛糧何由墊曰虛糧無幾有則按畝勻攤可耳數月而清册成糧法大定大鵬之亂誘脅者多台英禁告許一縣獲安以憂去官同治元年詔起川發浙江署台州知府未任卒

牛樹梅字雪橋甘肅通渭人道光二十一年進士授四川彰明知縣以不擾為治決獄明慎民隱無不達咸愛戴之隣縣江油匪徒何遠富糾眾劫中壩場地與彰明之太平場相近樹梅率民團禦之匪言我不踐彰明一草一木也迨官軍擊散匪眾遠富匿下莊白鶴洞恃險負隅遙呼曰須牛青天來吾即出樹梅至果白縛出擄茂州直隸州知州尋署寧遠知府地大震全城陷沒死傷甚眾

清史稿

循吏傳四

二

樹梅歷於土獲生蜀人謂天留牛青天以勸善樹梅自各德薄不能庇民益修省所以賑卹災黎甚厚民愈戴之父憂去官咸豐二年尚書徐澤醇薦其樸誠廉幹詔參陝甘總督舒興阿軍事八年湖廣總督官文蔚循良第一發湖北病未往同治元年四川總督駱秉章復薦之擢授四川按察使百姓喜相告曰牛青天再至矣三年內召以老病不出主成都錦江書院時甘肅回匪尙熾樹梅眷念鄉里遺書當事論勦回宜川土勇略云軍興以來劇寇皆南勇所掃邊今金積堡既平河州水土尤惡若參川本省黑頭勇其利有六飽粗糲耐冰霜一也有父母兄弟妻子之仇有田園廬墓之戀二也給南勇半餉即樂為用三也無歸之民收之不致散為賊四也久戰狄河一帶不費操練五也地勢熟習設伏川奇無意外虞六也後總督左宗棠採其說主用甘軍卒收其效光緒初歸里卒年八十四何曰愈字雲咳廣東香山人父文明河南南川知縣有惠政曰愈少隨父宦讀書勵志有幹材道光初授四川會理州吏目土司某築窩所部夷人殺漢民知州檄曰愈往驗以賄乞免却之乃率眾來劫不為動卒成驗而

還獄上大吏廉得直曰愈由是知名捐升知縣以習邊事辦西藏糧臺二載還補岳池縣不畏強禦豪右斂戢練鄉團繕城郭庀器械逾數年滇匪犯岳池後令賴所遺械以拒賊時比張孟談之治晉陽云調署平山以母憂去咸豐六年服闋寄遠府野夷出巢焚掠大吏檄曰愈參建昌鎮軍事川西猥夷凡數十支自雷波我邊滇南二十四塞頻年肆擾值西昌縣告變曰愈馳至眾大譁曰夷傷吾人曰愈曰若等平日欺夷如鹿豕使無所控告故釀禍今且少息吾為若治之乃集兵練出不意搗夷巢夷皆匍匐約束漢民屋毀粟罄夷請以山木供屋材並貨穀為食曰愈諭民曰此見夷人具有天良若等毋再生毀漢民遂相安曰愈既益悉夷番之情偽山川之險隘擬設邊十二策格不得上未幾滇匪韓登鸞糾眾入會理州境聲言與回民尋警回民疑漢民召匪因焚民居曰愈率一旅往聞流言奸細伏城內乃下令毋閉城三日後按戶搜查容奸細者從軍法越三日城內外賊黨悉遁曰愈曰吾不閉門不遽搜者正開其逃路耳眾皆服遣人持榜文諭登鸞還示釋怨退去復持諭回民回民曰昔日被水災

清史稿

循吏傳四

三

田廬盡沒何公一騎渡水賬我又為我涪河至今無水患戴德未忘今敢不遵諭違者誅之自是回民亦不擾州境事定鎮府上其功會有攘之者遂不敘比粵匪犯蜀曰愈數陳機宜富事不能用居涪縣後歸卒於家子瓊官至浙閩總督吳應連江西南城人道光元年舉人以知縣揀發四川歷署天全涪州永川安岳蒲江新津綿竹仁壽諸州縣補石泉調彭縣官蜀先後二十年所至修塘堰浚河渠平治水陸道塗捕盜賊土豪撫災民皆有實政咸豐初蜀匪漸熾應連在彭縣編團儲械以備不虞四年卒於官未幾悍匪迭來犯賴鄉勇保全危城民思遺績留殯於城內三忠祠旁歲時祀之涪州安岳永川石泉仁壽先後請祀名宦祠

劉秉琳字崑園湖北黃安人咸豐二年進士授順天寶坻知縣持躬清苦恤孤寡懲豪猾悉去雜派及椎酷贏餘者索倫兵伐民墓樹縱馬踰田禾反誣村民禁其馬秉琳力爭得直蝗起督民自捕集資購之被蝗者得錢以代賑且免踐田苗遷宛平京縣十年英法聯軍犯京師秉琳奉檄赴營議稿納刀韉中慮以

非禮相加義不受辱抗論無少屈稿具皆如議尋引疾歸穆宗登極有密薦者復至直隸署任邱民以驛車爲累籌資招雇永除其害擢深州直隸州知州七年擒匪張總愚竄畿輔且至人勸其眷屬可避乘琳曰吾家人皆食祿者義不可去授兵登鄆鄉民及隣境聞之咸挈入保至十餘萬人嬰城四十餘日賊圍之不破乘琳上書統帥言賊入漳沱河套勢益熾宜兜圍急擊緩將偷渡東甌卒如其言寇平優敘州地多斥鹵民以鹽爲恆產課與常賦埒水旱不得報災非漙鹽無以應正供乘琳議官銷法以杜私販民悅服九年擢正定知府漳沱溢發所儲兵米以賑築曹馬口迴水斜角三堤水不溢城民用安集郡與山西接壤固關守弁苛稅煤鐵商販委物於路聚衆上訴乘琳往解散除其重征鎮將獲盜三已誣服乘琳勸之乃兵挾負博嫌裁職刑逼以成其獄釋三人者而重懲其兵光緒元年擢天津河間道兼轄南運河工請復歲修銀額河兵口食足乃無偷減工料之弊築中亭河北隄涸出映田千餘頃時方旱流民集天津設粥廠躬親其事所活甚衆嘗太息曰哺飢衣寒救荒末策也本計當於河渠

清史稿

循吏傳四

四

書農桑譜中求之四年乞病歸數年卒同治初年軍事漸定始課吏治大學士曾國藩爲直隸總督下車卽舉賢員如李文敏任道鎔李秉衡後並至巡撫乘琳及陳崇砥夏子齡蕭世本諸人治行皆卓著當時風氣爲之一振云崇砥字亦香福建侯官人道光二十五年舉人咸豐三年大挑知縣發直隸授獻縣盜賊充斥嚴緝捕渠魁多就擒治鄉團十六區合千五百人分班輪值邑以有備檢匪張錫珠擾畿輔崇砥開城納逃亡誓衆效死縣境賊家橋爲通衢河間守欲毀橋阻賊崇砥謂方宜安集難民遙爲聲援豈可夷險示弱且委東鄉於賊非計也竟不毀橋賊旋引去大學士祁雋藻疏薦之擢保定府同知筦水利崇砥以府河港汊紛岐苦易淤設水誌增夫役器具以時汰淤商船打壩阻水爲設壩船給板楮過淺構橋咸稱便同治八年署大名知府兵亂時民多築寨堡自衛後事定寢至藏奸抗官崇砥親履勘收繳軍械易正紳司之澆風漸息畿南久苦旱賑難普及崇砥議有田十畝以上者不賑極貧大口錢千小口半之壯者不給先編保甲造冊冊不日賑而日貸事畢奏請蠲貸民安之南樂縣民

抗徭衆衆令告變崇砥輕騎往平其輕重衆歡然輸納副將駐兵獻縣兵不戢鄉團疑其匪也戕副將既而知誤畏罪衆衆不散檄崇砥往治令縛首禍者脅從皆免之調署順德府尋擢河間知府河間素多訟崇砥剋期審結數決疑獄期年而清漳沱下游爲災崇砥請築古洋河隄自獻縣至肅州六十里於蔡家橋作隄防支流開溝六千丈以資宣洩自馮家村至高且口造橋建廟防子牙河暴漲於是古洋通流近地皆大稔光緒元年卒於官祀名宦夏子齡字百初江蘇江陰人道光十六年會試第一成進士初官禮部主事任事果決尙氣節庫丁賄當事請準捐考力持駁議時稱之改授河南汲縣知縣勤聽訟嚴治盜遇事持大體咸豐初詔求人人才巡撫潘鐸特薦之會母憂去官服闋授直隸深澤調饒陽比歲旱蝗盜劫肆擾選健役百人教以技擊更番直有事雖午夜立率以出捕劇盜幾盡分境內團練爲八區輪期會操久之皆可用十年英法聯軍入京師畿南土匪蜂起冀州王洛悅河間劉四賈濼等各煽集千人連擾郡邑子齡率團勇迎擊境上斬獲數百劉四受創遁王洛悅聞風驚潰劉四等尋於他縣被擒伏法王洛悅亦就撫事平優敘縣舊爲漳沱所經北徙已久十一年上游決溢水驟至近郊爲澤國訪尋故道潘老澗溝上接安平境下入獻縣之廉頗窪以資宣洩次年水復至暢流不爲患城西官道沖刷成河建長橋五十丈民便之遷宛平京縣擢易州直隸州知州西陵在州境故事護陵俸餉及祭品牛羊芻豆州領帑給之陵員與州吏因緣爲侵蝕數煩朝使察治子齡與守陵大臣議訂章程弊去泰甚始相安焉歲早奸民衆衆擾大戶立杖斃煽衆者勸捐賑卹災不爲害同治六年河北馬賊起擾及鄰境勇治團如饒陽時匪儲其名不敢犯次年擒匪竄擾畿輔守要隘清內匪防軍久駐有淫掠者立斬以徇閭境肅然論功晉秩知府美利聖教會私購民居爲耶穌堂執條約與爭以其無游歷執照購屋未先告州境附近陵寢有關風水皆與約背竟退價撤契且杜其後至尋請離任以知府候補未幾卒易州饒陽並祀名宦祠子詒鈺官永年知縣亦以廉平稱有治績世本字廉甫四川富順人同治二年進士選庶吉士散館授刑部主事改直隸知縣先在籍治團練有聲曾國藩莅直隸

清史稿

循吏傳四

五

於他縣被擒伏法王洛悅亦就撫事平優敘縣舊爲漳沱所經北徙已久十一年上游決溢水驟至近郊爲澤國訪尋故道潘老澗溝上接安平境下入獻縣之廉頗窪以資宣洩次年水復至暢流不爲患城西官道沖刷成河建長橋五十丈民便之遷宛平京縣擢易州直隸州知州西陵在州境故事護陵俸餉及祭品牛羊芻豆州領帑給之陵員與州吏因緣爲侵蝕數煩朝使察治子齡與守陵大臣議訂章程弊去泰甚始相安焉歲早奸民衆衆擾大戶立杖斃煽衆者勸捐賑卹災不爲害同治六年河北馬賊起擾及鄰境勇治團如饒陽時匪儲其名不敢犯次年擒匪竄擾畿輔守要隘清內匪防軍久駐有淫掠者立斬以徇閭境肅然論功晉秩知府美利聖教會私購民居爲耶穌堂執條約與爭以其無游歷執照購屋未先告州境附近陵寢有關風水皆與約背竟退價撤契且杜其後至尋請離任以知府候補未幾卒易州饒陽並祀名宦祠子詒鈺官永年知縣亦以廉平稱有治績世本字廉甫四川富順人同治二年進士選庶吉士散館授刑部主事改直隸知縣先在籍治團練有聲曾國藩莅直隸

辟為幕僚九年天津民教相鬩斃法國領事幾肇大釁遂以世本署天津縣尋
實授天津民悍好鬥鍋夥匪動為地方害世本嚴懲之地為通商大埠訟獄殷
繁世本手批口鞫斷決如神逾年父憂去服闋仍補天津歲旱災黎就食萬數
給粥施醫無失所調清苑擢遵化直隸州知州復以母憂去服闋以知府候補
筦天津守望局捕誅大盜王洛八謝昆海道肅清倡修運河堤以免水患疏濬
龍河故道開范家隄及石碑河宣惠河金沙嶺下水道四十餘里皆藉賑興工
民利賴之署天津正定兩府十三年卒附祀甘肅藩祠

李炳濤字秋槎河南河內人咸豐中就職州判調會國藩於軍中尋佐皖軍營
務能調和將士積功晉同知留安徽同治四年國藩北征擒匪炳濤上書言四
事一專責防堵以嚴分竄一聯絡民團以孤賊勢一設局開荒以資解散一多
備火器以奪賊長國藩頗採其言檄查亳州圩炳濤徵服出入盡得諸匪徒姓
名及盜役胡采林通匪虐民狀誘采林誅之卒其首一州驚懼自是訟獄者咸
取決於炳濤按圩查閱立條教別良莠戮悍賊二百予自新者三千期年而俗

清史稿

循吏傳四

六

變無盜竊者五年捻匪竄州境曉諸圩以大義雖與寇有親故者無敢出應捻
匪引去六年署蒙城縣蒙亳接壤瘠苦尤甚炳濤勸強梗撫良懦振興書院絃
誦聲作捻匪餘黨解散及各軍凱撤還鄉者數千人彈壓安輯民用晏然巡撫
英翰疏陳炳濤治行為安徽第一被詔嘉獎十年調署亳州尋擢廬州知府廬
州故劇郡中興以來元助宿將相望豪猾藉倚聲勢為不法官吏莫敢誰何炳
濤嚴治之稍戢無為州江隄官督民修炳濤禁胥吏索規費工必覈實府東施
河口為衝途冬涸商船以數牛牽挽始行時值旱災以工代賑濬河深通運賑
者皆至商民便之西洋人欲於城內立教堂成有日矣炳濤諭地主曰爾不聞
甯國之變耶他日民教有爭端爾家首禍其人懼事得寢光緒二年大江南北
訛言有妖術剪人髮者民情洶洶奸民藉以倡團立卡多苦行旅炳濤徧示城
邑無妄動誅一真匪其疑似者悉不問人心旋定三年母憂去官皖南興辦保
甲墾荒大吏奏調炳濤主其事五年卒於甯國炳濤機警善斷獄在蒙城營馬
為賊所劫乃傳諭詰且城但啟一門見有馬奔出有鞍而無轡命羈之俄一人

手持一封將出城回顧者再縛之發其封則書與劫物皆在其人伏罪在亳州
田父報子夜投井死驗無傷井旁有汲水器炳濤念夜非取水時既願死何暇
持器詢其婦無戚容偵其平日與鄰婦往來拘鄰婦鞠之果得狀蓋鄰婦弟與
婦通欲害其夫適其夫以事忤父鄰婦遂醉以酒而投之井置汲器者欲人信
其取水投井也於是皆伏法時皖北被兵久無輯遺黎多賴良吏炳濤為最又
有俞澍朱根仁鄒鍾俊王懋勳並為時所稱澍直隸天津人以縣丞發安徽襄
壽春鎮軍事咸豐六年署蒙城知縣時縣城初復人烟寥落招集流亡以大義
激紳民築城籌守禦趨工者踴躍不費公家一錢捻渠苗沛霖反側叵測窺縣
城十餘次不能破城有內應賊者捕斬三人而賊退七年攻賊於鄆城擒其酋
徒成德等八年攻克龍元賊畢檢曾孫葵心來犯出奇計擊走之附近捻城備
於聲威往往反正受約束九年實授先後敘功晉同知直隸州在官數年潔已
愛民及歿民皆痛哭送其柩二千里歸葬詔贈道銜建專祠根仁字禮齋江蘇
常熟人以州判從軍晉秩知縣留安徽同治三年署定遠兵燹初定徵調尚繁

清史稿

循吏傳四

七

前令試辦開徵根仁以民不堪命請緩之籌備供億民無所擾捕巨猾雍秀春
未獲得黨羽名册根仁曰我何忍興大獄以博能名喪亂未平民氣未固激之
生變可勝誅乎遂火其册聞者為之改行跼踟周姓聚旅居有從逆者已死
里人利其田廬致周族人於獄根仁一訊釋之後再署定遠擒匪擾境根仁修
城濬隄聚糧固守暇輒騎巡鄉勸民修復陂堰十家治一井田二頃闢一塘
早不為災歷署阜陽懷甯捕早陽積匪程黑置之法補全椒興水利有實政光
緒四年卒鍾俊字雋之江蘇吳縣人同治中以州判官安徽積勞晉秩知縣補
太平平反冤獄慈祥而人不欺墾荒勸農蒿萊盡闢不追呼而賦辦邑行淮鹽
與浙引接界屢以緝私釀大獄乃請以官牒領鹽試辦分銷民始安修復水利
興書院儲書七萬卷輯儒先格言曰人生必讀書訓士敦本行旌節孝修祠祀
舉行賓與鄉飲酒禮在任五年以興養立教為務調太和歷署懷甯六安阜陽
蕪湖過陽所至有聲光緒中乞休卒於家清貧如故子嘉來官至外務部尚書
守其家法為懋勳字弼丞湖北松滋人咸豐中以議敘縣丞發安徽從軍有功

晉知縣歷署穎上合肥亳州泗州補六安直隸州知州因事去職尋因籌賑捐獎以知府候補懋勳先後官安徽近五十年任亳州泗州皆二次初至毫捻匪苗沛霖初平清查戶口收繳軍械平毀寨堡數百民始復業懲械門清積案釐學產復書院士民戴之以父愛去會巡撫過境州人萬眾乞留懋勳巡撫許以俟服闋重任後如其言夾道歡迎光緒初游飢煮粥以賑河南山西陝西飢民流轉入境留養資遣全活無算泗州濼洪澤湖為匪數捕誅盜數十間閭得安治獄無株連禁差保擾民勸農事勸風化親歷鄉曲民隱悉達最後至泗距前已二十餘年盜賊聞風遠竄奸宄皆避歸田野宣統元年卒

制德模字子範安徽合肥人咸豐末以諸生治團練積功保知縣留江蘇同治三年署長洲時蘇州新復盜日數發德模偵之輒獲有匪領將營者親往擒以歸真之法車渡民眾眾抗租或欲以兵德模曰是激之變也扁舟往治首惡散脅從事立平治有天主堂雍正間鄂爾泰撫蘇改祠孔子泰西人伊宗伊以故址請德模曰某官可罷此祠非若有也卒不行奸人誘買良家女倚勢豪

清史稿

循吏傳四

八

為庇德模挈女親屬往出之豪亦屈服其不畏強禦類此常用行鄉陌田夫走卒相酬會周知民隱取下嚴而恤其私肯役奉法不敢為蠹附郭訟獄故繁日坐堂皇判決間用俳語鉤距發摘豪猾屏息然執法平不為繳刻上官遇疑獄輒移鞠治多所平反治長洲四年判八百餘積盡愜民意或播謠謠焉江北大水災民廩集德模請於大吏分各縣留養三萬餘人無失所民有為飢寒偷竊者設化莠室給衣食使習藝成遣歸為游聖關管籌芻秣費永免比閭供役修望亭塘為橋二十八以利行旅兵役之後百廢待舉壇廟倉庾書院善堂祠宇及先賢祠墓率先修復不足則斥俸助之徵漕舊有淋尖錫斛花邊樣米捉猪諸色目又有截串差追諸弊一皆革除不追呼而賦辦惟大小戶均一便於民而不便於紳御史朱鎮以浮收劾奏事下按治總督曾國藩巡撫郭柏蔭奏雪之詔以是非倒置切責原奏官旋署太倉直隸州知州蘇州知府九年調署鎮江時天津民擊斃法蘭西領事豐大業沿江戒嚴德模至則葺外城浚甘露港召還居民之聞警遠徙者人心始定調署江甯未幾擢四川夔州知府府城

濱江屢比於水修築輒不就德模自出方略築保坎十三道整以方丈大石層累而上捐萬金以倡其役不二年遂成附郭有臭鹽磧盛漲則沒水水落貧民相聚煎鹽鬪為雲陽鹽戶所持請封禁然冬令私煎如故聚眾抗捕無如何德模請弛禁官買其鹽運銷宜昌不奪奉節貧民之業不侵雲陽銷引之岸遂著為令勸民種桑奉節一縣二十二萬株他邑稱是在夔四年卒於官長洲太倉夔州皆祠祀之林達泉字海巖廣東大埔人咸豐十一年舉人江蘇巡撫丁日昌辟佐幕府留心經濟每論古今輿圖武備及海外各國形勢歷歷如指掌日昌雅重之同治三年粵匪餘孽竄廣東達泉歸里練鄉勇籌防禦大埔得無患叙績以知縣選用七年隨勦山東捻匪有功晉直隸州知州發江蘇八年署崇明知縣亂後彫敝達泉革陋規清積獄修城垣浚河渠建橋梁置義塚增書院膏火設同仁育嬰堂利民之政知無不為及去任父老遮道攀留其後兵部侍郎彭玉燾巡閱過境見老者飢踣於道與之食曰若林公久任於此吾邑豈有飢人哉十一年署江陰城河通江湖又縣境東橫河關農田十餘萬畝灌溉之利亂後皆淤塞大浚之建義倉勸捐積穀所定章程歷久遵守光緒元年授海州達泉先奉檄勸海沐鹽河請以工代賑下車次第舉辦浚甲子河及玉帶河復橋路增隄防民咸稱便州地瘠民貧素為盜藪達泉時出巡擒巨寇實之法土宜棉設局教民紡績廣植桐柏雜樹於郭外錦屏山所規畫多及久遠時方經營臺灣船政大臣沈葆楨疏薦達泉器識宏遠潔己愛民請調署新設之臺北府格於部議特詔從之達泉至陳治臺諸策議建置減徵收整飭防軍招民墾荒皆因地制宜事事草創積勞致疾四年丁父憂以毀卒

清史稿

循吏傳四

九

方大湜字菊人湖南巴陵人咸豐五年以諸生從巡撫胡林翼軍中洵保知縣授廣濟縣清保甲治團練盜賊屏息築盤塘石堤下游數縣皆免水患十年土匪何致祥等謀結皖賊襲攻官軍大湜偕員外郎閻敬銘馳往擒之十一年皖賊竄湖北黃州德安諸屬縣先後陷廣濟亦被擄大湜被吏議革職留任調署襄陽飛蝗徧野大湜躡屣持竿躬率農民撲捕三日而盡潯城南襄水故道渠成洄復田數萬畝同治初巡撫嚴樹森疏陳大湜政績優異復原職八年擢宜

昌知府九年大水難民避高阜絕食兩日大堤捐資煮粥糜又為餽餼數萬賑之諭米商招民負米日致數十石計口散給災戶無失所攝荆宜施道十年調武昌樊口有港蜿蜒九十餘里外通江內則重湖環列周五百里江水盛漲由港倒灌近湖居者苦之僉請築壩樊口以禦江水大堤謂閉樊口則湖水無所洩環湖數縣受其害上下江堤亦危力持不可光緒五年再署荆宜施道尋擢安襄鄖荆道歷直隸按察使山西布政使八年開缺另候簡用遂乞病為言者所劾鵬級歸大湜生平政績多在為守令時所至興學校課蠶桑事必親理胥吏無所容奸民親而信之時周歷民間一吏一擔夫自隨即田隴間判訟守武昌時勘隄過屬縣暮宿民家已去而縣官猶不知嚴義利之辨嘗曰以利誘者初皆在可取不可取之間偶一為之自謂無損久則顧忌漸忘自愛者富視為醜毒飢渴至死不可入口又曰居官廉如婦人貞節不過婦道一端若侍貞節而不孝不敬不勤不慎豈得謂賢乎公暇輒讀書所著平言及蠶桑捕蝗修堤區田諸書皆自道所得歸田後謂所親曰官至兩司不如守令之與民親措

清史稿

隋史傳四

十

置自如也遂不出卒於家陳豪字藍洲浙江仁和人同治九年優貢以知縣發湖北光緒三年署房縣勤於聽訟每履鄉恆提榼張幕憩息荒祠與隸卒同甘苦會匪柯三江謀亂立禽實之法置縣衙門諭脅從自首杖而釋之徵米斗斛必平不留難不挑剔民大悅刁紳感而戢訟禁種鴉粟崇陽人教之植茶咸賴其利歷署應城蘄水授漢川頻年襄河溢修築香花垸彭公垸天興垸諸堤疏浚茶壺溝縣河口以工代賑新溝者毘漢陽冬涸舟澗江口奸民輒恃衆索詐捕治諭禁之因病乞休沐將去任有淹訟久未決慮貽後累昇胡床至廳事判定兩造咸泣聽命值年飢發賑大吏知豪得民心強起力疾往民夾道嗷呼賑未半復以疾去尋署隨州素多盜豪如治房縣時置廳令自首選賢紳行保甲盜風頓戢俗多自戕圖詐豪遇訟實究虛坐不稍徇洩風革焉立輔文社選才雋者親教之多所成就治隨二年瀕行聞代者好殺竭數晝夜之力凡獄情可原者悉與判決免死後因養母乞免歸浙中大吏輒語要政多所匡益家居十餘年卒豪在隨州重修季梁祠及卒隨人思其德於西偏為建遺愛祠祀之

楊榮緒字爾香廣東番禺人咸豐三年進士選庶吉士授編修擢御史英法聯軍犯京師駕幸熱河榮緒與同官抗疏請回鑾又劾參贊國瑞私營私風裁頗著同治二年出為浙江湖州知府粵匪據湖州四年時甫克復荒城白骨闕無人煙榮緒置善後局規畫庶政安集流亡閭閻漸復屬縣糧冊無存榮緒招來墾闢試辦徵歲有起色湖蠶利甲天下經亂桑盡伐課民復種貧者給以桑苗絲業復興郡稱澤國滙天目諸山之水入太湖烏程長興境內舊有澁港各三十六以為宣洩亂後多淤塞五年榮緒奉檄開濬至八年蠶畢烏程澁港尤易淤賴設閘以禦湖水之倒灌九年重修諸閘因經費不充頻年經營猶未盡也十年內閣侍讀學士鍾佩賢疏陳其事朝命大加濬治時榮緒舉卓異入覲宗源瀚代攝郡源瀚亦能事規畫舉工及榮緒回任集絲捐得鉅款以資興作屏去僱從輕舟巡驗常駐湖濱踰年工始竣以澁港旋開旋淤議定分年疏濬之法及錢盧榜淺閘版敞閉章程數十年遵守不輟又開碧浪湖疏北塘河及城河葺學校建考舍修書院建倉庫造橋梁復育嬰堂百廢具舉鞠獄詳審

清史稿

隋史傳四

十一

吏肯立待相更代終日無倦容親受訟牒指其虛謬曰勿為胥吏所用也手書牒尾輒數百言剖析曲直人咸服之訟以日稀刑具朽敝隸役坐府門賣瓜果自活客坐無供張儉素如布衣時遠近頌為賢守在任十年嗣為人所譖遂求去捐升道員離任尋卒郡人思之請祀名宦祠林啟字迪臣福建侯官人光緒二年進士選庶吉士授編修督陝西學政取士嚴正任滿遷御史直言敢諫稽察祿米倉不受陋規為時所稱十九年出為浙江衢州知府多惠政二十二年調杭州除衙蠹通民隱禁無名苛稅餘杭巨猾楊乃武因姦通民婦葛華氏興大獄刑部訊治倖免重罪歸則益橫攬訟事挾制官吏莫敢誰何啓捕治之乃武控京師不為動卒論如法尤以興學為急務時各行省學堂猶未普立杭郡甫建求是書院啟復養正書塾並課新學舊有東城講舍益振興之兼經義治事陰主程朱之說而變其面目誘諸生研尋義理以成有用一時優秀之士皆歸之又以浙中蠶業甲天下設蠶學館於西湖講求新法成效頗著遇國外交涉事持正無遷就遠人亦心服治杭四年剛直不阿喜接布衣士民翕然頌之

卒官葬於孤山林處士墓側杭人歲設祭焉號曰林社久而勿輟啟之治杭得友高鳳岐爲之助後官廣西梧州知府亦有聲歿而杭人附祀於林社云

王仁福字竹林江蘇吳縣人少誠懇勇於任事祖宦河南歿後仁福扶柩歸葬道經徐州遇捻匪徒步率斷役出入烽火肩行四十里竟免尋入贊爲東河同知以匪犯開封城壕沙淤如平地仁福奉檄督工濬治旬期成事而賊至城守賴之同治五年署祥河廳同知黃河自北徙中原多故工帑大減頻年軍事亟發帑復不以時歲修不敷隄埝殘缺料無宿儲祥河汛地當衝險工迭出人皆視爲畏途仁福盡力修守不避艱危六年秋汛水驟漲聖婦去如削木梯仁福奔走風雨泥淖中搶護歷七晝夜款料俱竭隄岌岌將破居民蟻附隄上仁福對之流涕曰我爲河官擠汝等於死我之罪也當身先之躍立埝頂風浪捲掃走入大溜沈沒河聲如吼隄前水陡落風止浪定大溜改趨殘隄得保衆咸驚爲精誠所格令善泅者覓其尸不得乃以衣冠斂事聞詔依陣亡例賜卹附祀河神祠朱光第字杏簪浙江歸安人少孤貧慕游江南奉汪輝祖佐治藥言爲

清史稿 卷四八五 十二

圭臬咸豐末捻匪方熾佐蕭縣令籌防禦屢破賊都統伊興額上其功累晉秩知州分發河南佐獄局治獄平光緒中補鄧州在任三年大校之後意休養善治盜民戴之王樹汶者鄧人爲鎮平盜魁胡體安執獲鎮平令捕體安急乃賄役以樹汶爲冒致之獄既定體臨刑呼冤重鞠則樹汶其父季福爲驗開歸陳許道任愷先守南陽嘗識是獄馳書阻毋逮季福且誘休之光第曰吾安能惜此官以陷無辜竟以季福上則樹汶果其子巡撫李鶴年袒愷持初獄益堅河南官科道者交章論其生命東河總督梅啟照覆訊樹汶猶不得直衆論大譁刑部提鞠乃得實釋樹汶自鶴年故照以次譴黜有差而光第已先爲鶴年據他事劾去官貧不能歸卒於河南後鄧州士民請祀名宦以子祖謀官禮部侍郎格於例不行

冷鼎亨字鎮雄山東招遠人同治四年進士即用知縣發江西署瑞昌地瘠而健訟鄉愚輒因之破家捕訟師及猾吏數人繼以法因事詣鄉使胥役盡隨與後反則令居前而已殿之未嘗以杯勺累民調署德化懲防軍之陵民者境內

肅然修瀕江堤塘費省工速德化瑞昌黃梅三邑民爭蘆州累歲相門殺鼎亨諭解之建臺於門所官吏誓不私民皆悅服白鶴鄉人叔與姪爭田即樹下諭解遂悔悟如初早蝗起徒步烈日中掩捕經月露宿禱神得雨蝗皆死歷署新昌彭澤皆有實政上官以爲賢調補新建附省首邑官斯者多听夕伺上官不遑治民事鼎亨先與上官約屏酬應親聽斷民歌頌之尋調鄱陽值大水發賑親勘給印票盡除侵蝕舊習次年復災跌足立沮湖中溼疾徧體十閱月常小舟行駭浪中屢瀕於危深夜返署理訟牘待郎彭玉鑾巡江過境寄書巡撫曰某所至三江五湖數千里未見堅剛耐苦如冷知縣者也歷官十年食無兼味妻子衣履皆自製以廉率下胥吏幾無以爲生俸入輒捐爲地方興利訓士以氣節爲先鄱陽俗好鬥鼎亨曰化民有本未教而殺之非義也以孝經證聖祖聖諭廣訓爲淺說婦孺聞之皆感動治教案必持平屢遇民教齟齬事桀黠者欲借以鼓衆毀教堂慮遺禍好官而止蓋有以感之光緒十年擢南昌府同知巡撫潘蔚疏薦入覲遂乞歸卒於家

清史稿 卷四八五 十三

孫葆田字佩南山東榮成人同治十三年進士授刑部主事改知縣銓授安徽宿松勤政愛民日坐堂皇妻紡績室中蕭然如寒士調合肥大學士李鴻章弟子之僱人橫於鄉以逼債毆人死葆田檢驗屍傷觀者數萬人恐縣令爲豪強迫脅驗不實葆田命作日敢欺罔者論如律得致命狀人皆譁噪謂包龍圖復出獄遂定有御史劾葆田誤入人死罪詔巡撫陳彝按之卒直原獄葆田遂自免歸名聞天下逾數年安徽將清丈民田巡撫福潤疏調葆田主其事辭不赴貽書當事言清丈病民陳清賦之要熟地報荒者當寬其既往限年墾復平歲報災者當警其將來分年帶徵弊自可除無事紛擾時以爲名言葆田故從武昌張裕釗受古文法治經實事求是不薄宋儒歷主山東河南書院學者奉爲大師巡撫張曜疏陳其學行賜五品卿銜中外大臣迭薦之詔徵不出宣統元年卒年七十柯劭慈字敬儒山東膠州人光緒十五年進士即用知縣亦官安徽署貴池補太湖貴池自粵匪亂後地丁册爲吏所匿託言已燬徵賦由吏包納十不及四五而浮收日甚民苦之劭慈知其弊令花戶自封投櫃吏百計

撓之不為動民輸將恐後增收銀二萬餘兩民所節省數且倍巡撫鄧華熙初聽浮言將奏劾總督劉坤一曰何令皖中循吏奈何登於彈章華熙悟遂疏薦送觀音秩直隸州劭愨為治清簡斷獄明決所至民愛戴亦績學善為古今體詩時與葆田並稱儒吏

涂官俊字劭卿江西東鄉人光緒二年進士裁取知縣發陝西署富平涇陽長安諸縣補宜君山邑地瘠民樸官此者多不事官俊勸農桑興水利成稻田數百畝躬巡阡陌與民絮語如家人調涇陽歷官皆有聲凡兩任涇陽政績尤著初至值回亂後清積訟千餘庶政以次規復期年而改觀龍洞渠故白渠也官俊倡言開濬眾議以工鉅為難獨毅然為之由梯子關而下水量增三分之一復於清治河畔修復廢渠二水所不至者勸民鑿井以濟之先後增井五百有餘無旱憂涇民多遂末不重蓋藏義倉無實儲官俊謂積穀備荒莫善於年出年收躬詣各鄉勸諭捐穀嚴定收放之法民感其誠輸納恐後倉皆充實十九年旱荒全活凡數萬人編保甲捕盜賊地方靖謐官俊故績學立賢興堂置

清史稿

循吏傳四

十四

性理經濟有用之書日與諸生講習增義塾定課程親考校之凡有利於民者為之無不力二十年卒疾篤時猶強起治事捐俸千金以恤孤貧民為祠歲時祀之陳文獻湖南長沙人以諸生入貲為通判同治間從軍積功晉同知留陝西光緒七年署鄂縣知縣以教化為先政平訟理九年授留壩廳同知廳獄舊有災災經費歲徵之民文獻革之境內無質庫貧民稱貸盤剝者要重息文獻設裕民公所貸民錢息以十一取其贏以備公用民便之廳境山多於田無物產以資生乃周歷山谷辨其土宜作種橡說及山蠶四要徧諭鄉民頒給樹秧蠶種券工導之絲成製機教織設局收買重其值以招之又購紫陽茶種課之樹藝於是地無棄利俗素樸陋歲科試附風縣額每試或不得一人建書院義塾置書籍延高才者為之師數年之後橫舍彬彬遂請奏設廳學建官置額給河多壅閼橫溢為患陳開河策未果行值水猝發已逾報災例限便宜開倉賑之跋涉沮洳勞疾不輟煮粥賑近郊多所全活久之流民至集復申開河議以工代賑不得請則因其眾治道路濬溝渠出私錢給值負累至數千緡民感其

德廳介萬山中林谷深阻奸民狙伏行劫或掠婦孺賣境外文獻密圖其處示捕役時復徵服迹之多就禽治實行保甲於民戶職業山產丁口年歲婚嫁載册不厭煩瑣及賑飢積之册如家至戶覲訴訟亦莫敢欺事益簡焉民有殺子婦匿其屍者母家以無左驗不得直文獻偶行山徑羣鴉噪於前索而得之一訊具服人以為神十八年調署潼關廳未任卒李素字少白雲南保山人同治六年舉人光緒初授陝西商州直隸州知州值州境歉收飢民聚掠時山西大疫商州為轉運要衝素招民運賑糧使飢者得食集資數萬緡購籽糧散給設粥廠十餘所災後倉儲一空捐穀萬石六年大水加意撫卹災不為害州城濱丹河遇盛漲則負郭田廬漂沒城中亦半為澤國素創築石隄二百餘丈城門月隄十餘丈遂無水患開州東隄花河山路三十餘里州西麻壩嶺山路二十餘里行旅便之擴充商山書院延碩儒課士設義塾三十餘區紆誦聞於比戶陋規病民者悉除之每歲寒冬出私錢給孤寡緡捕籌經常之費綠營餉薄歲資助之凡賑飢積穀築堤修城興學莫不以鉅資倡一署同州知府先後在官

清史稿

循吏傳四

十五

十八年兩舉卓異以病免歸卒士民感之多私祠祀焉張楷字仲模湖北蕪水人同治十年進士選庶吉士授編修累遷至侍講光緒初疏論伊犁事又請撤銷總兵周全有郵典為時所稱八年出為浙江金華知府永康山中七堡八堡地險僻盜藪也楷設方略捕誅匪首蔣元地移縣丞駐山麓曠俗一變父髮去服闋補山西汾州汾陽平遙兩縣瀕河鄉民冬令攔河築堰引水灌田水不得暢流夏秋漲溢各築護隄以鄰為壑輒械鬥蔓訟楷禁築攔河堰濬引渠以洩水患紓而訟息以南方厚水法導民使開稻田植桑課蠶有山曰黑烟與交山葫蘆峪相連匪窟穴其間偵其姓名掩捕盡獲之治汾州七年考績為山西最調太原未任母憂去服闋補河南府鞏洛之間素多盜捕治巨魁椎理斂迹治獄多平反調開封二十五年畿輔拳匪亂起大河南北羣情洶洶大吏持重不敢決楷力陳邪教不可信外鮮不可開揭示義和團既號義民謂能避槍礮令詣城外空營候試以槍擊果不入編伍充兵奸民不得逞聯軍入都潰兵南下楷創議守河自汜水迄蘭儀嚴稽渡口凡持械之士

悉阻之不令入城屬境安堵論者謂微措之堅定中原禍未艾也事定開缺以道員候補三十年卒

王仁堪字可莊福建閩縣人尙書慶雲之孫光緒三年一甲一名進士授修撰督山西學政歷典貴州江南廣東鄉試入直上書房時俄羅斯索伊犁使臣崇厚擅定條約仁堪與修撰曹鴻勳等合疏劾之太和門災復與鴻勳應詔陳言極論時政其請罷頤和園工程謂工費指明不動正款夫出之筦庫何非小民膏血計臣可執未動正款之說以告朝廷朝廷何能執未動正款之說以謝天下言尤切直十七年出爲江蘇鎮江知府甫下車丹陽教案起由於教堂發見孩尸仁堪親驗孩尸七十餘具陳於總督劉坤一曰名爲天主教堂不應有死孩骨即兼育嬰局不應無活嬰兒傳教約本無准外國人育嬰之條教士於約外兼辦育嬰不遵奏行章程使地方官得司稽察禍由自召請曲貸愚民之罪以安衆心別給撫卹之費以贖彼族坤一迂之卒定犯罪軍流有差時外使屢責保護教堂仁堪請奏定專律謂條約無若何懲辦明文每出一事任意要挾

清史稿

循吏傳四

十六

宜明定焚毀教堂作何賠償殺傷教士作何論抵以及口角鬥毆等事有定律可遵人心既平訛言自息英人梅生爲匪首李鴻購軍火事覺領事坐梅生罪僅監禁仁堪上書總理各國事務衙門論之又洋人忻愛珩徧謁守令募捐義學無游歷護照仁堪請關道送領事查辦復議無照私入內地應按中國律法科罪雖皆未果行時論駭之郡地多岡壟旱易成災仁堪以設渠塘爲急務不欲擾民捐廉爲倡馳書乞諸親舊商富感而輸助得錢三萬緡開塘二千三百有奇溝渠開墾以百計十八年秋丹陽大校恩賑之外勸紳商捐資全活甚衆又假官錢於民使勿賣牛名曰牛賑濬太平港沙腰河練湖越瀆蕭河香草簡澗之屬凡二十餘所支溝別渠二百三十有奇又鑿塘四千六百以蓄高原之水皆以工代賑東西百餘里間水利畢舉次年春賑畢餘四萬金生息備積穀牛賑餘錢仿社倉法創社錢按區分儲爲修溝瀆廣義塾之用郡西鄉僻陋不知學立榛思文社以教之出私錢於府治前建南溆學舍在任兩年於教養諸端盡力爲之調蘇州已積勞致疾日坐獄局清積案風采動一時甫三四月卒

病卒時論惜之鎮江士民列政績籲請大吏上聞謂其視民事如家事一以扶植善類培養元氣爲任卓然有古循吏風詔允宣付史館立傳以表循良自光緒初定制官吏歿後二十年始得請祀名宦於是疆臣率徇衆意輒請宣付立傳表章曠典日致猥濫仁堪爲不愧云

清史稿

循吏傳四

十七

清史稿

儒林傳一

昔周公制禮太宰九兩繫邦國三曰師四曰儒復於司徒本俗聯以師儒師以德行教民儒以六藝教民分合同異周初已然矣數百年後周禮在魯儒術為盛孔子以王法作述道與藝合兼備師儒顏曾所傳以道兼藝游夏之徒以藝兼道定哀之間儒術極醇無少差繆者此也苟卿著論儒術已乖然六經傳說各有師授秦奔儒籍入漢復興雖黃老刑名猶復淆雜迨孝武徵黜百家公卿大夫士吏彬彬多文學矣東漢以後學徒數萬章句漸疏高名普士牛入黨流迄乎魏晉儒風蓋已衰矣司馬班范皆以儒林立傳敘述經師家法授受秩然雖於周禮師教未盡克兼然名儒大臣匡時植教祖述經說文飾章疏皆與儒林傳相出入是以朝秉綱常士敦名節拯衰銷逆多歷年所則周魯儒學之效也兩晉學盛興儒道衰弱南北割據傳授漸殊北魏蕭梁義疏甚密北學守舊而疑新南學喜新而得偽至隋唐五經正義成而儒者鮮以專家古學相授

清史稿

儒林傳一

受焉宋初名臣皆敦道誼派洛以後遂啟紫陽闡發心性分析道理孔孟學行不明著於天下哉宋史以道學儒林分為二傳不知此即周禮師儒之異後人創分而開合周道也元明之間守先啟後在於金華洎乎河東姚江門戶分歧遞興遞滅然終不出朱陸而已終明之世學案百出而經師家法更無存焉之周禮有師無儒空疏甚矣然其間臺閣風厲持正扶危學士名流知能激發雖多私議或傷國體然其正道實拯世心是故兩漢名教得儒經之功宋明講學得師道之益皆於周孔之道得其分合未可偏議而互訕也清興崇宋學之性道而以漢儒經義實之御纂諸經兼收歷代之說四庫館開風氣益精博矣國初講學如孫奇逢李容等沿前明王薛之派陸隴其王懋茲等始專守朱子辨偽得真高愈應搗謙等堅苦自持不愧實踐閩若璩胡渭等卓然不惑求是辨誣出棟戴震等精發古義詁釋聖言後如孔廣森之於公羊春秋張惠言之於孟虞易說凌廷堪胡培壘之於儀禮孫詒讓之於周禮陳奐之於毛詩皆專家孤學也且諸儒好古敏求各造其域不立門戶不相黨伐束身踐行闔然自

脩周魯師儒之道可謂兼古昔所不能兼者矣綜而論之聖人之道譬若宮牆文字訓詁其門逕也門逕苟誤跬步皆歧安能升堂入室學人求道太高卑視章句譬猶天際之翔出於豐屋之上高則高矣戶與之間未實窺也或者但求名物不論聖道又若終年寢饋於門廡之間無復知有室室矣是故但立宗旨即居大名此一蔽也經義確然雖不踰閑德便出入此又一蔽也今為儒林傳未敢區分門逕惟期記述學行若有事可見已列於正傳者茲不復載焉

孫奇逢

黃宗義

王夫之

李顥

沈嗣模

李顥

謝文游

湯之錡

高愈

湯之錡

陸世儀

張履祥

沈昉

應搗謙

清史稿

儒林傳一

朱鶴齡

范鎮鼎

白奐彩

曹本榮

劉原淥

劉原淥

刁包

李來章

李光坡

莊亨陽

王懋茲

李夢箕

胡方

勞史

顧棟高

孟超然

汪紱

姚學瑛

唐鑑

吳嘉賓

劉熙載

朱次琦

成福

邵懿辰

孫奇逢字啟泰又字鍾元容城人少儻好奇節而內行篤修負經世之學欲以功業自著年十七舉明萬曆二十八年順天鄉試連丁父母憂廬墓六年旌表孝行與定興鹿善繼講學一室默對以聖賢相期天啓時逆閹魏忠賢竊朝柄左光斗魏大中周順昌以黨禍被逮奇逢善繼故與三人友善是時善繼以主事贊大學士孫承宗軍事奇逢上書承宗責以大義請急疏救承宗欲假入覲面陳謀未就而光斗等已死厥獄逆閹誣坐光斗等賊鉅萬嚴追家屬奇逢與善繼之父鹿正新城張果中集士民釀金代輸光斗等卒賴以歸骨世所傳范陽三烈士也善繼及巡撫交章論薦不起孫承宗欲疏請以職方起贊軍事其後尚書范景文聘為贊畫俱辭不就時畿內賊盜縱橫奇逢攜家入易州五峰山門生親故從而相保者數百家奇逢為部署守禦紮歌不輟順治二年祭酒薛所蘊以奇逢學行可比元許衡吳澄薦長成均奇逢以病辭七年南徙輝縣之蘇門九年工部郎馬光裕奉以夏峰山廬遂率子弟躬耕四方來學者亦授田使耕所居成聚居夏峰二十有五年屢徵不起奇逢之學原本象山陽明

清史稿

儒林傳一

三

以慎獨為宗以體認天理為要以日用倫常為實際其治身務自刻厲人無賢愚苟問學必開以性之所近使自力於庸行其與人無町畦雖武夫悍卒野夫牧豎必以誠意接之用此名在天下而人無忌嫉著讀易大旨五卷奇逢學易於雄縣李對至年老乃撮其體要以示門人發明義理切近人事以象傳通一卦之旨由一卦通六十四卦之義其生平之學主於實用故所言皆關法戒又著理學傳心纂要八卷錄周子二程子邵子朱子陸九淵薛瑄王守仁羅洪先顧憲成十一人以爲直接道統之傳康熙十四年卒年九十二河南北學者祀之百泉書院道光八年從祀文廟奇逢弟子甚衆而新安魏一鶴清苑高鏞范陽耿極等從遊最早及門問答一龜爲多睢州湯斌登封耿介皆仕至監司後往受業斌自有傳介字介石登封人順治九年進士翰林院檢討出爲福建巡海道築石城以防盜康熙元年轉江西湖東道因改官制除直隸大名道丁母憂服除不出篤志躬行興復嵩陽書院二十五年尚書湯斌疏薦介踐履篤實冰蘖自矢召爲少詹事會斌被劾介引疾乞休詹事尹泰等劾介詐疾並

劾斌不當薦介尋予假歸卒所著有中州道學編性學要旨孝經易知理學正宗大旨以朱子爲宗中州講學者有儀封張伯行柘城竇克勤上蔡張沐等皆與斌介同時伯行自有傳沐見循吏傳克勤附李來章傳

黃宗羲字太沖餘姚人明御史黃尊素長子尊素爲楊左同志以劾魏閹死詔獄事具明史思宗即位宗羲入都訟冤至則逆閹已殛即具疏請誅曹欽程李實會庭鞠許顯純崔應元宗羲對簿出所神雖顯純流血被體又毆應元拔其鬚歸祭尊素神主前又追殺卒葉杏顏文仲蓋尊素絕命於二卒手也時欽程已入逆案實疏辨源疏非已出陰致金三千求宗羲弗質宗羲立奏之謂實今日猶能賄賂公行其所辨豈足信於對簿時復以錐錐之獄竟借諸家子弟設祭獄門哭聲達禁中思宗聞之歎曰忠臣孤子甚惻朕懷歸益肆力於學慎科舉之學網人思所以變之既盡發家藏書讀之不足則鈔之同里世學樓鈕氏澹生堂祁氏南中則千頃堂黃氏絳雲樓錢氏且建續鈔堂於南雷以承東發之緒山陰劉宗周倡道蕺山以忠端遺命從之游而越中承海門周氏之

清史稿

儒林傳一

四

緒接儒人釋姚江之緒幾壞宗義獨約同學六十餘人力排其說故蕺山弟子如祁章諸子皆以名德重而禦侮之功莫如宗義弟宗炎宗會並負異才自教之有東浙三黃之目戊寅南都作防亂揭攻阮大鍼東林子弟推無錫顧杲居首天啟被難諸家推宗義居首大鍼恨之刺骨驟起遂按揭中一百四十人姓氏欲盡殺之時宗義方上書闕下而禍作遂與杲並逃母氏姚歎曰章妻滂母乃萃吾一身耶駕帖未行南都已破宗義踉蹌歸會孫嘉績熊汝霖奉魯王監國畫江而守宗義糾里中子弟數百人從之號世忠營授職方郎尋改御史作監國魯元年大統麻頌之浙東馬士英奔方國安營衆言其當誅熊汝霖恐其挾國安爲患也好言慰之宗義曰諸臣力不能殺耳春秋之孔子豈能加於陳恆但不謂其不當誅也汝霖謝焉又遺書王之仁曰諸公不沈舟決戰蓋意在自守也蕺爾三府以供十萬之衆必不久支何守之能爲聞者皆韙其言而不能川至是孫嘉績以營卒付宗義與王正中合軍得三千人正中者之仁從子也以忠義自奮宗義深結之使之仁不得撓軍事遂渡海屯潭山由海道入太

湖招吳中豪傑直抵乍浦約崇德義士孫爽等內應會清師襲賊不得前而江上已潰宗義入四明山結寨自固餘兵尚五百人駐兵杖錫寺徵服出訪監國戒部下善與山民結部下不盡遵節制山民畏禍潛避其寨部將茅翰汪涵死之宗義無所歸捕撤累下擲子弟入剡中聞魯王在海上海上仍赴之授左副都御史日與吳鍾樹坐舟中正襟講學暇則注授時泰西回回三曆而已宗義之從亡也母氏尚居故里清廷以勝國遺臣不順命者錄其家口以聞宗義聞之亟陳情監國得請遂變姓名間行歸家是年監國由健跳至滄洲復召之副馮京第乞師日本抵長崎不得請為賦式微之章以感將士自是東西遷徙無寓居弟宗炎坐與馮京第交通刑有日矣宗義以計脫之甲午張名振間使至被執又名捕宗義內申慈水寨主沈爾緒禍作亦以宗義為首其得不死皆有天幸而宗義不懼也其後海上傾覆宗義無復望乃奉母返里門畢力著述而四方請業之士漸至矣戊午詔徵博學鴻儒掌院學士葉方藹寓以詩敦促就道再辭以免未幾方藹奉詔同掌院學士徐元文監修明史將徵之備顧問督撫以

清史稿

儒林傳一

五

禮來聘又辭之朝論必不可致請敕下浙撫鈔其所著書關史事者送入京其子百家得預參史局事徐乾學侍直上訪及遺獻復以宗義對且言曾經臣弟元文疏薦惜老不能來上曰可召至京朕不授以事即欲歸當遣官送之乾學對以篤老無來意上歎息不置以為人材之難宗義雖不赴徵車而史局大議必咨之麻志出吳任臣之手總裁千里遺書乞審正而後定嘗論宋史別立道學傳為元儒之陋明史不當仍其例朱彝尊適有此議得宗義書示衆遂去之卒年八十六宗義之學出於嚴山聞誠意慎獨之說縝密平實嘗謂明人講學變語錄之精粕不以六經為根柢束書而從事於游談故問學者必先窮經經術所以經世不為迂儒必兼讀史讀史不多無以證理之變化多而不求於心則為俗學故上下古今穿穴羣言自天官地志九流百家之教無不精研所著易學象數論六卷授書隨筆一卷律品新義二卷孟子師說一卷文集則有南雷文案詩案今共存南雷文定十一卷文約四卷又著明儒學案六十二卷敘述明代講學諸儒流派分合得失頗詳明文海四百八十二卷閱明人文集二

千餘家自言與十朝國史相首尾又深衣考一卷今水經一卷四明山志九卷歷代甲子考一卷二程學案二卷輯明史案二百四十四卷又明夷待訪錄一卷皆經世大政顧炎武見而歎曰三代之治可復也天文則有大統法辨四卷時憲書法解新推交食法一卷圖解一卷割圓八綫解一卷授時法假如一卷西洋法假如一卷回回法假如一卷其後梅文鼎本周髀言天文世驚為不傳之祕而不知宗義實開之晚年又輯宋元學案合之明儒學案以志七百年儒苑門戶宣統元年從祀文廟宗炎字晦木與兄宗義弟宗會俱從宗周遊其學術大略與宗義等著有周易象辭三十一卷尋門餘論二卷圖書辨惑一卷力闢陳搏之學謂周易未經秦火不應獨禁其圖至為道家藏匿二千年始出又著六書會通以正小學謂揚雄但知識奇字不知識常字不知常字乃奇字所自出也又有二晦山樓諸集以故居被火俱亡康熙二十五年卒年七十一宗會字澤望明拔貢生讀書一再過不忘有縮齋文集十卷百家字主一國子監生傳宗義學又從梅文鼎問推步法著句股矩測解原二卷康熙中明史館開

清史稿

儒林傳一

六

宗義以老病不能行徐乾學延百家入史館成史志數種王夫之字而農衡陽人與兄介之同舉明崇禎壬午鄉試張獻忠陷衡州夫之匿南岳賊執其父以為質夫之自引刀徧刺肢體昇往易父賊見其重創免之與父俱歸明王駐桂林大學士瞿式耜薦之授行人時國勢阨危諸臣仍日相水火夫之說嚴起恆救金堡等又三劾王化澄化澄欲殺之聞母病問道歸明亡益自船歸衡陽之石船山築土室日觀生居晨夕杜門學者稱船山先生所著書三百二十卷其著錄於四庫者曰周易稗疏攷異尚書稗疏詩稗疏考異春秋稗疏存目者曰尚書引義春秋家說夫之論學以漢儒為門戶以宋五子為堂奧其所作大學衍中庸衍皆力闢致良知之說以羽翼朱子於張子正宗一書尤有神契謂張子之學上承孔孟而以布衣貞隱無鉅公資其羽翼其道之行曾不逮邵康節是以不百年而異說興夫之乃究觀天人之故推本陰陽法象之原就正蒙精釋而暢衍之與自著思問錄二篇皆本隱之顯原始要終炳然如揭日月至其扶樹道教辨上蔡象山挑江之誤或疑其言稍過然議

論精嚴粹然皆軌於正也康熙十八年吳三桂僭號於衡州有以勸進表相屬者夫之曰亡國遺臣所欠一死耳今安用此不祥之人哉遂逃入深山作賦賦以示意三桂平大吏聞而嘉之屬郡守饒粟帛請見夫之以疾辭未幾卒葬大樂山之高節里自題墓碣曰明遺臣王某之墓當是時海內碩儒推容城蓋至餘姚崑山夫之刻苦似二曲貞晦過夏峰多聞博學志節皎然不愧黃顧兩君子然諸人肥遯自甘聲望益熾雖薦辟皆以死拒而公卿交口天子動容其著述易行於世惟夫之寡身孺同聲影不出林莽遂得完髮以汲身後四十年其子致抱遺書上之督學宜興潘宗洛因緣得入四庫上史館立傳儒林而其書仍不傳同治二年曾國荃刻於江南海內學者始得見其全書焉兄介之字石子國變隱不出先夫之卒

李顯字中孚盤匡人又字二曲二曲者水曲曰盤山曲曰匡也布衣安貧以理學倡導關中關中士子多宗之父可從爲明材官崇禎十五年張獻忠寇鄖西巡撫汪喬年總督軍務可從隨征討賊臨行挾一齒與顯母曰如不捷吾當委

清史稿

儒林傳一

七

骨沙場子善教吾兒矣遂行兵敗死之顯母葬其齒曰齒塚時顯年十六母彭氏日言忠孝節義以督之顯亦事母孝飢寒清苦無所憑藉而自拔流俗以昌明關學爲己任有餽遺者雖十反不受或曰交道接禮孟子不卻顯曰我輩百不能學孟子即此一事不守孟子家法正自無害先是顯聞父喪欲之襄城求遺骸以母老不可一日離乃止既丁母憂廬墓三年乃徒步之襄城覓遺骸不得服斬衰晝夜哭知縣張允中爲其父立祠且造塚於戰場名之曰義林常州知府駱鍾麟管師事顯謂祠未能旦夕竣請南下謁道南書院且講學以慰學者之望顯赴之凡講於無錫於江陰於靖江宜興所至學者雲集既而幡悔曰不孝汝此行何事而喋喋於此即戒行赴襄城常州人士思慕之爲肖像於延陵書院顯既至襄城適祠成乃哭祭招魂取塚土西歸附諸墓持服如初喪康熙十八年薦舉博學鴻儒稱疾篤昇牀至省水漿不入口乃得子假自是閉關宴息土室惟崑山顧炎武至則款之四十二年聖祖西巡召顯見時顯已衰老遣子慎言詣行在陳情以所著四書反身錄二曲集奏進上特賜御書操志高

潔以獎之顯謂孔曾思孟立言垂訓以成四書蓋欲學者體諸身見諸行充之爲天德達之爲王道有體有用有補於世否則假途干進於世無補夫豈聖賢立言之初心國家期望之本意耶居恆教人一一以反身實踐爲專門人錄之爲七卷是時容城孫奇逢之學盛於北餘姚黃宗羲之學盛於南與顯鼎足稱三大儒晚年寓富平關中儒者咸稱三李三李者顯及富平李因篤鄖李柏也李因篤字天生富平人明庠生博學強記貫串注疏舉博學鴻儒試授檢討未逾月以母老乞養詔許之母歿仍不出因篤深於經學著詩說顧炎武稱之曰毛鄭有嗣音矣又著春秋說汪琬亦折服焉李柏字雪木鄖縣人九歲失怙事母至孝稍長讀小學曰道在是矣遂盡焚帖括而日誦古書避荒居洋縣入山屏迹讀書者數十年嘗一日兩粥或半月食無鹽時時忍飢默坐閉臨水把釣夷然不屑也昕夕誦吟拾山中樹葉書之門人都其集曰樹葉集年六十六卒心敬字爾緝鄖縣人乾隆元年舉孝廉方正心敬論學以明新正至善爲歸謹嚴不逮其師注經好爲異論而易說爲篤實其言曰學易可以無大過矣是孔子

清史稿

儒林傳一

八

論易切於人身即可知四聖之本旨著有豐川集關學編豐川易說沈國模字求如餘姚人明諸生餘姚自王守仁講致良知之學弟子徧天下同邑傳其學者推徐愛錢德洪胡瀚聞人詮再傳而得國模少以明道爲己任嘗預劉宗周證人講會歸而闢姚江書院與同里管宗聖史孝咸輩講明良知之說其所學或以爲近禪而言行敦潔較然不欺其志故推純儒山陰祁彪佳以御史按江東一日杖殺大傲數人適國模至欣然述之國模瞠目字祁曰世培爾亦曾聞曾子曰如其情則哀矜而勿喜乎後彪佳嘗語人曰吾每慮囚必念求如言恐倉卒喜怒過差負此良友也明亡聞宗周死節爲位哭之痛已而講學益勤順治十三年卒年八十有二孝成字子虛繼國模主姚江書院嘗曰良知非致不真又曰空談易對境難於居處恭執事敬與人忠三語精察而力行之其庶幾乎家貧日食一粥泊如也順治十六年卒年七十有八韓當字仁父國模弟子自沈史歿後書院輟講垂十年而當繼之其學兼綜諸儒以名教經世嚴於儒佛之辨家貧未嘗向人稱貸每言立身須自節用始人有過於講

學時以危言動之而不明言其過聞者內愧沾汗退而相語曰比從韓先生來不覺自失疾極謂弟子曰吾於文成宗旨覺有新得然檢點於心終無受用小子識之味其言則知其學守仁之外亦近朱子矣邵曾可字子唯與韓當同時性孝友愷悌少愛書畫一日讀孟子伯夷聖之清者也句忽有悟悉棄去意志於學姚江書院初立時人頗迂笑之曾可厲色曰不如是便虛度此生遂往學其初以主敬為宗自師孝成之後專守良知嘗曰於今乃知知之不可以已日月有明容光必照不爾日用跬步鮮不質質者矣孝成病屢走十餘里叩牀下問疾不食而反如是月餘亦病同儕共推為篤行之士焉卒年五十有一曾可子貞顯貞顯子廷采世其學廷采字允斯又字念魯諸生從韓當受業又問學於黃宗義初讀傳習錄無所得既讀劉宗周人譜曰吾知王氏學所始事矣蓋縣李堪貽廷采書論明儒異同兼問所學廷采曰致良知者主誠意陽明而後顯學戴山又私念師友淵源思託著述以自見以為陽明扶世翼教作王子傳啟山功主慎獨作劉子傳王學盛行務使合乎準則作王門弟子傳金鉉祁彪

清史稿

儒林傳一

九

佳等能守師說作劉門弟子傳康熙五十年卒年六十四王朝式字金山陰人亦國模弟子嘗入證人社宗周主誠意朝式守致知曰學不從良知入必有誠非所誠之蔽亦篤論也順治初卒年三十有八
謝文海字秋水南豐人明諸生年二十餘入廣昌之香山閱佛書學禪既讀龍溪王氏書遂與友講陽明之學年四十會講於新城之神童峰有王聖瑞者力攻陽明文海與爭辯累日為所動取羅欽順困知記讀之始一意程朱闢程山學舍於城西名其堂曰尊維著大學中庸切己錄發明張子主敬之旨以為為學之本畏天命一言盡之學者當以此為心法注目傾耳一念之私醒悔刻責無犯帝天之怒其程山十則亦以躬行實踐為主時甯都易堂九子節行文章為海內所重警山七子亦以節概名而文海獨反已闡修務求自得警山宋之盛過訪文海遂邀易堂魏禧彭任會程山講學旬餘於是皆推程山謂其篤躬行識道本甘京與文海為友後遂師之康熙二十年卒年六十有七京字健齋南豐人負氣慷慨期有濟於世慕陳同甫之為人講求有用之學與同邑封澤

曾曰都危龍光湯其仁黃熙師事文海粹然有儒者氣象時號程山六君子著軸園稿十卷熙字維緝順治十五年進士文海長熙僅六歲熙服弟子之事常與及門之最幼者旅進退朔望四拜侍食起饋唯諾步趨進退維謹不以為勞彭士望比之朱子之事延平母喪未葬鄰不戒於火延燎將及熙撫棺大慟願以身同燼俄而風返人以為純孝所感曰都字姜公諸生其學務實體諸己因自號體齋以學行為鄉里所矜式龍光字二為善事繼母繼母遇之非理委曲承順久而愛之若親子焉其仁字長人著四書切問省克堂集與文海同時者有宋之盛鄧元昌之盛字未有星子人明崇禎己卯舉人結廬警山足不入城市以講學為己任其學以明道為宗識仁為要於二氏微言與旨皆能抉摘異同與文海交最篤晚讀胡敬齋居易錄持敬之功益密與甘京論祭立尸喪復之禮不可廢魏禧稱之元昌字慈濂贛縣人諸生年十七得宋五子書遂棄舉子業致力於學雪都宋昌圖以通家子謁之元昌喜之曰吾小友也館之於家朝夕論學為日程言動必記之互相考覈一日昌圖讀朱子大學或問首章

清史稿

儒林傳一

十

元昌過窗外駐聽之謂昌圖曰子勉之母蹈吾所悔永為朱子罪人偷息天地也其互相切劑如此
高愈字紫超無錫人明高攀龍之兄孫也十歲讀攀龍遺書即有向學之志既壯補諸生日誦遺經及先儒語錄謹言行嚴取舍之辨不尚議論嘗曰士求自立須自不忘濶壑始事親孝居喪不飲酒食肉不內寢晚年窮困餒粥七日矣方挈其子登城眺望充然樂也儀封張伯行巡撫江蘇延愈主東林書院講會愈以疾辭平居體安氣和有忿爭者至愈前輒愧悔鄉人素好以道學相詆誆獨於愈愈曰君子也願棟高嘗從愈游說經經娓娓忘倦年七十八卒嘗撰朱子小學注又所著有讀易偶存春秋經傳日鈔春秋類春秋疑義周禮疏義儀禮喪服或問東林顧高子弟顧樞高世泰等鼎革後尚傳其學初世泰為攀龍從子少侍講席晚年以東林先緒為己任葺道南祠麗澤堂於梁谿一時同志恪遵道規祁州刁包等相與論學學者有南梁北祁之稱大學士熊賜履講學山世泰門下儀封張伯行平湖陸隴其亦嘗主東林講學賜履隴其自有傳顧培

字昉滋無錫人少從宜興湯之錡學幡然悔曰道在入倫庶物而已之錡歿有弟子金敏培築共學山居以延敵晨夕講會遊擊龍靜坐法以整齊嚴肅爲入德之方默識未發之中篤守性善之旨晚歲四方來學日衆張伯行頗疑靜坐之說培往復千言暢高氏之旨彭定求字勳止又字南昉長洲人父璠授以梁谿高氏之學又嘗師事湯斌康熙二十五年一甲一名進士授翰林院修撰歷官國子監司業翰林院侍講充日講起居注官前後在翰林才四年即歸里不復出作高望吟七章以慕七賢七賢者白沙陽明東廓念菴梁谿念菴漳浦也又著陽明釋毀錄儒門法語南昉文集嘗與門人林雲書云有願進於足下者有二一日無遽求高遠而略庸近子臣弟友君子之道至聖以有餘不足爲斤斤孟子以堯舜之道孝弟而已然則舍倫常日用事親從兄之事不爲而鉤深索隱以爲聖人之道有出於人心同然之外者必且流於異端堅僻之行矣一日無妄生門戶異同之見滕口說而遺踐履朱子之會於鵝湖也傾倒於陸子義利之說此陽明拔本塞源之論致良知之指一紙相承其因時救弊乃不

清史稿

儒林傳一

十一

得己之苦衷非角人我之見僕詠遺經蕩滌瑕滓因有儒門法語足下有志聖賢當以念臺劉子人譜證人會二書入門且無曉曉於紫陽姚江之辨也定求卒年七十有八其孫啟豐官兵部尚書自有傳啟豐子紹升頗傳家學述儒行有二林居集然彭氏學兼朱陸識兼顧漸啟豐紹升頗入於禪休寧戴震移書紹升辨之紹升又與吳縣汪縉共講儒學縉著三錄二錄尊孔子而游乎二氏此後江南理學微矣

湯之錡字世調宜興人安貧力學於書無所不讀尤篤信周子主靜之說或議其近於禪之錡曰程子見學者靜坐即歎其善學易言齋戒以神明其德靜坐即古人之齋戒非禪也居親喪一循古禮就地寢苦事諸父如父昆弟無間言既而得高攀龍復七規喟然曰此其入學之門乎仿其說爲春秋兩會聞風者不憚數千里來就學焉明亡之錡年二十四卽棄舉子業嘗論出處之道曰潛龍勿用潛要確若不確則逃世不見知而悔矣古來多少高明只爲此一悔所誤常州知府駱鍾麟請關西李頤識學昆陵特遣使聘之之錡堅辭不赴後延

主東林延陵諸講席又不就之錡爲學專務切近絕無緣飾或詢陽明致良知之說及朱陸異同者之錡曰顧吾力行何如耳多辨論何益一日抱微疾整襟危坐而逝年六十二及門金嶺顧培輩建書院於惠山之麓奉其主祀之者偶然云集施璜字虹玉休甯人少應試見鄉先生講學紫陽瞿然曰學者當如是矣遂棄舉業發憤躬行日以存何念接何人行何事讀何書吐何語五者自勸教學者九容以養其外九思以養其內九德以要其成學者稱誠齋先生已而游梁谿事高世泰將歸與世泰期某年月日當赴講及期世泰設榻以待或曰千里之期能必信乎世泰曰施生篤行君子也如不信吾不復交天下士矣言未既璜果挈弟子至著有思誠錄小學近思錄發明張夏字秋詔亦無錫人隱居孤川之上孝友力學初從馬世奇受經後入東林書院從高世泰學積十餘年遂入世泰之室世泰卒其子弟相與立夏爲師事之如世泰湯斌撫江蘇至東林與夏講學其言延至蘇州學宮爲諸生講孝經小學退而注孝經解義小學論注吳曰慎字微仲歙縣人諸生盡心於宋五子書論學主乎敬故自號

清史稿

儒林傳一

十二

曰靜菴初游梁谿講學東林書院已而歸歙會講紫陽還古兩書院興起者衆陸世儀字道威太倉州人少從劉宗周講學歸而鑿池十畝築亭其中不通賓客自號桴亭與同里陳瑚盛敬江士詔相約爲遷善改過之學或橫經論難或卽事窮理反覆以求一是有商榷未定徹夜忘寢質明而後斷或未斷而復辨者著思辨錄分小學大學立志居敬格致誠正修齊治平天道人道諸儒異學經子史籍十四門世儀之學主於敦守禮法不虛談誠敬之旨施行實政不空爲心性之功於近代講學諸家最爲篤實其言曰天下無講學之人此世道之衰天下皆講學之人亦世道之衰嘉乾之間書院徧天下呼朋引類動輒千人附影逐聲廢時失事其有借以行其私者此所謂處士橫議也又曰今所當學者止六藝如天文地理河渠兵法之類皆切於世用不可不講所言深切著明足破虛儒之弊其於明儒薛胡陳王皆平心論之又嘗謂學者曰世有大儒決不別立宗旨故全祖望謂國初儒者孫奇逢黃宗羲李頤最有名而世儀少知者同治十一年從祀文廟瑚字言夏號確菴明崇禎十六年舉人世儀格致

篇首提敬天二字瑚由此用力頗得要領因定為日記考德法而揭敬勝忘勝於每日之首格致誠正修齊治平於每月之終益信人皆可以為堯舜非虛語也復取小學分為六曰入孝曰出悌曰謹行曰信言曰親愛曰學文大學分為六曰格致曰誠意曰正心曰修身曰齊家曰治平謂小學先行後知大學先知後行小學之終即大學之始瑚之為學博大精深以經世自任值婁江涇塞江南大饑瑚上當事救荒書皆精切可施行而時不能用明亡絕意仕進避地崑山之蔚村田沮湖導鄉人築岸禦水用兵家束伍法不日而成父病刺血籲天願以身代父卒遺產悉讓之弟康熙十四年卒年六十有二門人稱曰安道先生巡撫湯斌即其故居為之立安道書院敬字宗傳號寒溪諸生長世儀一歲矢志存誠主敬之學篤於孝友居喪三年不飲酒食肉有弟遇之無禮敬終始怡怡士詔字虞九號藥園諸生其學以世儀為歸同時理學諸儒多著述士詔以為聖賢之旨盡於昔儒之論說惟在躬行而已晚年取所作焚之故不傳於後云

清史稿

儒林傳一

十三

張履祥字考夫桐鄉人明諸生世居楊園村學者稱為楊園先生七歲喪父家貧母沈教之曰孔孟亦兩家無父兒也只因有志便做到聖賢長受業山陰劉宗周之門時東南文社各立門戶履祥退然如不勝惟與同里顏統錢寅海鹽吳蕃昌輩以文行相砥刻統寅蕃昌相繼歿為之經紀其家自是與海鹽何汝霖烏程凌克貞歸安沈磊切劇講習益務躬行嘗以為聖人之於天道庸德之行庸言之謹盡之矣來學之士一以友道處之謂門人當務經濟之學著補儒書歲耕田十餘畝草履箬笠提筐佐饋嘗曰人須有恆業無恆業之人始於喪其本心終於喪其身許魯齋有言學者以治生為急愚謂治生以稼穡為先能稼穡則可以無求於人無求於人則能立廉恥知稼穡之艱難則不妄求於人不妄求於人則能興禮讓廉恥立禮讓與而人心可正世道可隆矣初講宗周慎獨之學晚乃專意程朱踐履篤實學術純正大要以為仁為本以修己為務而以中庸為歸康熙十三年卒年六十四著有願學記讀易筆記讀史偶記言行見聞錄經正錄初學備忘近古錄訓子語補農書喪葬雜錄訓門人語及文

集四十五卷同治十年從祀文廟履祥初兄事顏統周鍾之厲桐鄉也至其門者踵接統曰鍾為人浮偽不宜為所惑履祥嘗曰自得士風而始聞過余不失足於周鍾張溥之門者皆其力也寅字子虎與履祥為硯席交崇禎癸未冬海寧祝淵以抗疏論教劉宗周被逮履祥與寅送之吳門次年遂偕詣宗周門受業焉自是寅造履祥益謹寇盜充斥不廢學卒年三十四汝霖字商隱海鹽人嘗與友人曰周程張朱一脈吾輩不可令斷絕居喪三年未嘗飲酒食肉隱居澹浦紫雲村學者稱紫雲先生履祥子維恭嘗受業於汝霖克貞之門又有吳璜安道邱雲皆履祥友並命維恭師事焉曰數人皆深造自得君子人也璜秀水人剛直好義勢利不動心安道嘉興人雲桐鄉人安道嘗言君子之異於小人中國之異於夷狄人類之異於禽獸有禮無禮而已士何可不學禮又曰東林諸公大抵是重名節然止數君子餘皆有名而無節也克貞字淪安烏程人履祥交最篤嘗謂父子兄弟安得人人大中明道伊川夫婦安得人人伯鸞德曜在處之得其道耳與履祥游鼓山之門者有屠安世鄭宏安世秀水人聞宗周

清史稿

儒林傳一

十四

講學喜曰苟不聞道虛生何為遂執贄內拜焉宗周既歿從父兄借隱於海鹽之鄉病作不粒食者十有七年得宗周書力疾鈔錄反躬責己無時或忘嘗曰朝聞夕死何敢不勉卒年四十六宏海鹽人與弟景元俱從劉宗周受業篤於友愛景元短世乙酉後絕意進取躬灌園蔬養母屢空晏如也敝衣草履不以屑意嘗徒跣行雨中人不能識也卒年五十六淦字人齋海鹽人乾隆丙辰舉人私淑履祥為梓其遺書所纂有淑艾錄吳蕃昌沈磊在孝友傳

沈昫字朗思本名蘭先字向華仁和人劉宗周講學鼓山昫渡江往聽與應搢謙友其學以誠敬為宗以適用為主而力排二氏家貧絕炊掘階前馬蘭草食之鄰有遺之米者昫宛轉推辭忽仆於地其人驚駭潛去良久方甦因笑曰其意可感然適以困我搢謙歎曰我於交接之際自謂不苟以視沈先生猶覺愧之宗周身後傳其學者頗滋諍訟昫曰尼父言躬行君子若騰其口說以求勝非所望於望吾也以喪禮久廢縉士喪禮說以授同郡陸寅疾革門人問曰夫子今日何如曰心中無一物惟誠敬而已卒年六十三窮無以為殮搢謙涕泣

不知所出曰我不敢輕授聘遂以汗先生其門人姚宏任趨進曰如宏任者可
以殮先生乎搗謙曰子篤行殆可也姚遂殮之葬於湖上宏任字敬恆錢塘人
少孤母賢婦也宏任隱市廛其母偶見質絲銀色下劣愠甚曰汝亦爲此乎宏
任長跪謝願得改行乃受業於搗謙曰誦大學一過一言一行服膺師說遇事
必歸於忠厚搗謙不輕受人物惟宏任之餽不辭曰吾知其非不義也宏任每
時其乏而致之終身不倦搗謙執喪如古師弟子之禮姚江黃宗炎許之曰是
篤行傳中人也晚年以非罪陷縲絏使閱囚入獄宏任方朗誦大學憲使異
之入其室皆程朱書與之語大驚即日釋之然宏任卒以貧死葉敦良字靜遠
西安人劉宗周弟子嘗貽書陸世儀討論學術世儀喜曰證人尙有緒言吾得
慰未見之憾矣劉灼字伯繩宗周子宗周家居講學諸弟子聞教未達輒私於
灼灼應機開譬具有條理宗周殉國難明唐魯二王皆遣使祭廢灼官灼辭既
葬居鼓山一小樓二十年杜門絕人事考訂遺經以竟父業有司或請見雖通
家故舊亦峻拒之所與接者惟史孝威憚日初數人或勸之舉講會不應臨卒

清史稿

儒林傳一

十五

戒其子曰若等安貧讀書守人譜以終身足矣人譜宗周所著書所臥之榻假
之祁氏疾極疆起易之曰吾豈可終於祁氏之榻

應搗謙字潛齋錢塘人明諸生性至孝殫心理學以躬行實踐爲主不喜陸王
家言足跡不出百里隘屋短垣貧甚恬如也杭州知府稽宗孟數式慮欲有所
贈喘喘未出及讀搗謙所作无因先生傳乃不敢言康熙十七年詔徵博學鴻
儒大臣項景襄張天馥交章薦之搗謙與牀以告有司曰搗謙非敢卻薦實病
不能行耳客有勸者曰昔太山孫明復嘗因石介等請以成丞相之賢何果於
卻薦哉搗謙曰我不能以我之不可學明復之可乃免徵二十二年卒年六十
九搗謙於易書詩禮樂春秋經四書各有著說又撰教養全書四十一卷分
選舉學校治官田賦水利國計漕運治河師役鹽法十考略做文獻通考而於
明代事實尤詳其不載律算者以徐光敏已有成書不載輿地者以顧炎武顧
祖禹方事纂輯也又有性理大中二十八卷門人錢塘凌嘉邵沈士則傳其學
朱鶴齡字長蓀吳江人明諸生穎敏嗜學嘗箋注杜甫李商隱詩盛行於世鼎

清史稿

卷四八六

革後屏居著述晨夕一編行不識途路坐不知寒暑人或謂之愚遂自號愚菴
嘗自謂疾惡如仇嗜古若渴不妄受人一錢不虛誑人一語云著愚庵詩文集
初爲文章之學及與顧炎武友炎武以本原相勗乃湛思覃力於經注疏及儒
先理學以易理至宋儒已明然左傳國語所載占法皆言象也本易精矣而多
未備撰易廣義略四卷以蔡氏釋書未精斟酌於漢學宋學之間撰尙書坤傳
十七卷以朱子招擊詩小序太過與同縣陳啟源參考諸家說兼用啟源說疏
通序義撰詩經通義二十卷以胡氏傳春秋多偏見鑿說乃合唐宋以來諸儒
之解撰春秋集說二十二卷又以杜氏注左傳未盡合俗儒又以林氏注索之
詳證參考撰讀左日鈔十四卷又有禹貢長箋十二卷作於胡渭禹貢錐指之
前雖不及渭書而備論古今利害旁引曲證亦多創獲年七十餘卒啟源字長
發著有毛詩稽古編其詮釋經旨一準毛傳而鄭箋佐之訓詁聲音以爾雅爲
主草木蟲魚以陸疏爲則於漢學可謂專門又有尙書辨略二卷讀書偶筆二
卷存耕堂藁四卷

清史稿

儒林傳一

十六

范錫鼎字彪西洪洞人性孝友闡明絳州辛全之學康熙六年進士以母老不
仕河汾間人士多從之受經十八年以博學鴻儒薦未起立希賢書院置田贈
學者輯理學備考三十卷廣理學備考四十八卷國朝理學備考二十六家采
辛全孫奇逢熊賜履張夏黃宗義諸家緒論附以己說議論醇正又著五經堂
文集五卷語錄一卷又以其父芸茂有垂棘編作續垂棘編十九卷三晉詩選
四十卷同時爲辛全之學者有絳州党成李生光成字憲公其學以明理去私
爲本生平不求人知錫鼎曾揚之於人意甚不懌時目爲狷者其辨朱陸異同
論者多以陸爲尊德性朱爲道問學此言殊未然蓋朱子之道問學實以尊德
性也陸氏則自錮其德性矣何尊之可言陸子嘗曰不求本根馳心外物理豈
在於外物乎此告子義外之學也朱子曰本心物理原無內外以外物爲外者
是告子義外之學也即此數語可以見二家之異同矣若粗論其同二家皆欲
扶世教崇天理去私欲其秉心似無大異者而實究其學則博文約禮者孔顏
之家法屢見於論語朱子得其正矣陸氏乃言六經皆我注脚又言不誠一字

一九三

管取堂堂作大丈夫豈不偏哉其辨論如此生光字聞章未冠為諸生辛全倡學河汾遂往受業篤於內行事親至孝全深重之明亡絕意仕進自號汾曲逸民構一草堂日夕讀書其中以二南大義程朱微言訓門弟子著有儒教辨正崇正黜邪彙編凡萬餘言

白奐彩字含貞華州人私淑於長安馮從吾玩易洗心詩禮春秋多所自得著書之富陝以西罕儔校警精詳淹貫靡遺而冲遜自將若一無所知與同州黨洪蒲城王化泰諸人相切砥率同志結社不入城市不謁官府終日晏坐一室手不釋卷同知郝斌式廬聆奐彩論議退而歎曰關中文獻也湛字子澄嘗言人生須作天地間第一等事為天地間第一等人故自號兩一究宋明以來諸儒論學語揭其會心者於壁默坐土室澄心反觀久之恍然有契自是動靜云為卓有柄持聞李頤倡道塾屋冒雪履冰不憚數百里訪質所學相與盤桓數日每至夜半未嘗見惰容其志篤養遠如此化泰字省庵性方嚴峭直而斥人過辭色不少貸人有一長即欣然推遜自以為不及關學初以馬嗣煜嗣馮從清 史 稿 儒林傳一 十七

吾而奐彩洪化泰皆有名於時武功馮雲程康賜呂張承烈同州李士濱張珏朝邑王建常關獨可咸甯羅魁韓城程良受蒲城寄維垣邠州王吉相淳化宋振麟皆篤志勵學得知行合一之旨至乾隆間武功孫景烈亦能接關中學者之傳景烈字西峯乾隆三年進士授檢討以言事放歸教生徒以克己復禮居平雖盛暑必蕭衣冠韓城王杰為入室弟子嘗語人曰先生冬不爐夏不扇如邵康節學行如薛文清又曰先生歸籍三十年雖不廢講學獨絕聲氣之交為關中學者宗有自來矣

胡承諾字君信天門人明崇禎舉人國變後隱居不仕臥天門巾栢間順治十二年部銓縣職康熙五年檄徵入都六年至京師以詩呈侍郎嚴正矩云垂老只思還舊業暮年所急匪輕肥既而告歸得請構石莊於西村自號石莊老人窮年誦讀於書無所不窺而深自韜晦晚著釋志釋志者釋己所志也凡聖賢帝王名臣賢士與凡民之志業莫不兼綜條貫原本道德切近人情酌古而宜今為有體有用之學凡二十餘萬言皆根柢於諸經博稽於諸史旁羅百家而

折衷於周程張朱之說承諾自擬其書於徐幹中論頗之推家訓然其精粹與衍非二書所及也二十六年六月卒年七十五所著有讀書說六卷文體類淮南抱朴齋雜細碎隨事觀理而體察之殆釋志取材之餘與是書相表裏曹本榮字欣木黃岡人順治六年進士改翰林院庶吉士布袍蔬食以清節自勵八年授秘書院編修應詔上聖學疏千言其略云皇上得二帝三王之統則當以二帝三王之學為學誠宜開張聖聽修德勸學舉四書五經及通鑑中有裨身心要務治平大道者內則深宮燕閑朝夕討論外則經筵進講敷對周詳君德既修祈天永命必基於此有詔嘉納十年擢右春坊右贊善兼國子監司業刊白鹿洞學規以教士十一年轉中允十二年世祖甄拔詞臣品端學裕者充日講官本榮與焉十三年升秘書院侍講左春坊左庶子兼侍讀日侍講幄辨論經義教本榮同傅以漸撰易經通注九卷鎔鑄眾說詞理簡明為說經之主泉本榮又著五大儒語周張精義王羅擇編諸書十四年八月充順天鄉試正考官九月充經筵講官十一月以失察同考官作弊部議革職上以其侍從

清 史 稿 儒林傳一 十八 講幄日久宥之十八年遷翰林院侍讀學士改國史院侍讀學士康熙四年以病請回籍卒於揚州本榮之學從陽明致知之說故論次五大儒以程朱薛與陸王並行既告歸宦業蕭然晏如也疾革門生計東在側猶教以窮理盡性之學卒之日容城孫奇逢痛惜之子宜溥由廩生薦舉博學鴻儒試授檢討張貞生字實山廬陵人順治十五年進士官翰林院侍講學士時議遣大臣巡察貞生上書諫召對所言又過懇下考功議革職為民蒙恩鵬二級去官初聞陽明良知之說其後乃一宗考亭居京師寓吉安館中蓬蒿滿徑突無炊煙瀕行不能具裝故人餽贖一無所受其狷介如此尋奉特旨起補原官至京卒著庸書二十卷玉山遺響集

劉原淥字崑石安邱人明末盜賊蜂起原淥與仲兄某率鄉人壘土為堡以禦賊賊至守堡者多死仲兄出鬪身中九矢力戰原淥從之發數十矢盡仲兄斃之去原淥大呼曰離兄一步非死所乃斬二渠帥獲馬六匹賊遁去亂定以力耕致富既而推膏腴與兄以其餘為長兄立後兼贍亡姊家謝人事求長生

之術得略血疾遂棄去後讀宋儒書乃篤信朱子之學集朱子書作續近思錄
嘗曰學者居敬窮理二者皆法先王而已小心翼翼昭事上帝居敬之功也不
識不知順帝之則窮理之功也每五更起謁祠後與弟子講論常至夜分仲兄
疾顛天所以身代兄死三日內水漿不入口又為鄉人置義倉俛歲煮粥以食
饑人嘗曰人與我一天而已何畛域之有焉卒年八十二著讀書日記四書近
思續錄四卷後數十年昌樂有閩循觀周士宏濰縣有姜國霖劉以貴韓夢周
德州有孫子簡梁鴻嘉膠州有法坤宏同縣有張貞猶能守原派之學國霖字
雲一濰縣人父客燕中感病國霖往省跣走千里至則父已歿無錢市棺以衣
裹尸負之行乞食歸里泣告族黨曰父死不能斂又不能葬欲以身殉又有老
母在長者何以教我人憐其孝為捐金以葬母易怒一日怒甚國霖作小兒嬉
戲狀長跪膝前執母手搯其面母大笑怒遂已時年五十矣師事昌樂周士宏
嘗與國霖至莒樂其山川死即葬於莒國霖築室墓側安貧守素不求於人值
歉歲莒人恐其餓死聞於官而周之粟亦弗却也昌樂閩循觀問國霖喜讀何

清史稿

儒林傳一

十九

書曰論語終身味之不盡以貫字滄嵐康熙二十七年進士任蒼梧令地搖撞
雜處營茶山書院以詩書為教歸里後杜門著書有藜藜集夢周字公復乾隆
二十二年進士其學以存養省察致知三者為入德之資每跬步必以禮以恥
求聞達為尚後為來安知縣有政聲長洲彭紹升稱其治來如元魯山有理堂
文集表方名獎忠節皆有關於世道鴻嘉字志南德州人每治一經案上不列
他書有疑義思之累日夜必得而後已益都李文藻一見奇之為之延譽遂知
名於世以優行貢成均卒年五十九有周易觀運等書坤宏字鏡野膠州人得
傳習錄大喜以為如己意所出其學以陽明為宗以不自欺為本乾隆六年舉
人官大理評事卒年八十有奇循觀字懷庭昌樂人專志洛閩之學省身克己
刻苦自立治經不立一家言而要歸于自得乾隆三十四年進士吏部考功司
主事著困勉齋私記西澗文集及尚書春秋說任瑗字恕菴淮安山陽人年十
八乘舉子業講學靜坐三年歎曰聖人之道歸於中庸極於精義入神以致用
也利用安身以崇德也豈是之謂哉乾隆元年大吏舉瑗應博學鴻詞廷試罷

歸韓夢周語人曰任君體用具備有明以來無此鉅儒及韓將北歸瑗語之曰
山左人多質直君當接引後進以續正學因作反經說以示之年八十二卒著
有纂注朱子文類一百卷論語困知錄二卷反經說一卷陽明傳習錄辨二卷
知言簡記二卷朱子年譜一卷

顏元字易直博野人明末父成遼東歿於關外元貧無立錫百計覓骨歸葬世
稱孝子居喪守朱氏家禮惟謹古禮初喪朝一溢米夕一溢米食之無算家禮
刪去無算旬元遊之過朝夕不敢食當朝夕遇哀至又不能食病幾殆又喪服
傳既練舍外寢始食菜果飯素食哭無時家禮改為練後止朝夕哭惟朝望未
除者曾哭凡哀至皆制不哭元亦遵之既覺其過抑情校以古喪禮非是因歎
先生制禮盡人之性後儒無德無位不可作也於是著存學存性存治存人四
編以立教名其居曰習齋肥鄉漳南書院邑人郝文燦請元往教有文事武備
經史藝能等科從游者數十人會天大雨漳水溢牆垣堂舍悉沒人跡殆絕元
歎曰天不欲行吾道也乃辭歸後八年而卒年七十門人李塉王源編元年譜

清史稿

儒林傳一

二十

二卷鍾鏡輯言行錄二卷關異錄二卷王源字崑繩大興人兄潔少從梁以樟
游以樟談宋儒學源方髻鬢門之不首肯唯喜習知前代典要及關塞險隘攻
守方略年四十游京師或病其不為時文源笑曰是尚需學而能乎因就試中
康熙三十二年舉人或勸更應禮部試謝曰吾寄焉為謀生計使無話腐已耳
崑山徐乾學開書局於洞庭山招致天下名士源與焉於儕輩中獨與劉獻廷
善日討論天地陰陽之變伯王大略兵法文章典制古今興亡之故方域要害
近代人才邪正其意見皆相同獻廷歿言之輒流涕未幾遇李塉大悅之曰自
獻廷歿豈意復見君乎塉微言聖學源聞之沛然因持大學辨業去是之塉乃
為極言顏元明親之道源曰吾知所歸矣遂介塉往博野執贖元門時年五十
有六矣後客死淮上所著平書十卷文集二十卷程廷祚字啟生上元人初識
武進惲鶴生始聞顏李之學康熙庚子歲塉南游金陵廷祚屢過問學讀顏氏
存學編題其後云古之害道出於儒之外今之害道出於儒之中顏氏起於燕
趙當四海倡和翕然同氣之日乃能折衷至富而有以斥其非蓋五百年間一

人而已故嘗謂爲顏氏其勢難於孟子其功倍於孟子於是力屏異說以顏氏爲主而參以顧炎武黃宗羲故其讀書極博而皆歸於實用乾隆元年舉博學鴻詞至京師有要人慕其名屬密友達其意曰主我翰林可得也廷祚拒之卒報罷十六年上特詔舉經明行修之士廷祚又以江蘇巡撫薦復罷歸卒年七十有七著易通六卷大易釋言三十卷尙書通議三十卷青溪詩說三十卷春秋誠小錄三卷禮說二卷魯說二卷俚鶴生字泉聞武進人因交李塉得賂顏氏遺書自稱私淑弟子于經長毛詩著詩說以毛鄭爲宗

李塉字剛主蠡縣人弱冠與王源同師顏元躬耕善稼穡雖儉歲必有收而食必素糲妻妾子婦執苦身之役舉康熙二十九年舉人晚歲授通州學正泮月以母老告歸塉博學工文辭與慈溪姜宸英齊名又嘗爲其友治劇邑逾年政教大行用此名勳公卿問明珠索額圖富國皆嘗延教其子不就安溪李光地撫直隸薦其學行於朝固辭而不謝諸王交聘輒避而之他既而從毛奇齡學著周易傳注七卷筮考一卷郊社考辨一卷論語傳注二卷大學傳注一卷中庸傳注一卷傳注問一卷李氏學樂錄二卷大學辨業四卷聖經學規二卷論學二卷小學稽業五卷恕谷後集十三卷塉學務以實用爲主解釋經義多與宋儒不合又其自命太高於程朱之講學陸王之證悟皆謂之空談蓋明季心學盛行儒禪混淆其曲謹者又關於事情沿及順康朝猶存餘說蓋顏元及塉力以務實相爭存其說可補諸儒枵腹之弊然不可獨以立訓蓋廢諸家其論易以觀象爲主兼用互體謂聖教罕言性天乾坤四德必歸人事屯蒙以下亦皆以人事立言陳搏龍圖劉牧鈎隱以及探無極推先天皆使易道入於無用排擊未免過激然明人以心學竄入易學率持禪偈以詁經言數者反置象占於不問詭飾聖訓弊不可窮塉引而歸之人事深得垂教之旨又以大學格物爲周禮三物謂孔子時古大學教法所謂六德六行六藝者規矩尙存故格物之學人人所習不必再言惟以明德親民標其目以誠意指其入手而已格物一傳可不必補其說本之顏元毛奇齡惡其異已作逸講箋以攻之而當時學者多避塉說焉

清一史稿 儒林傳一 二十一

唐傳注一卷傳注問一卷李氏學樂錄二卷大學辨業四卷聖經學規二卷論學二卷小學稽業五卷恕谷後集十三卷塉學務以實用爲主解釋經義多與宋儒不合又其自命太高於程朱之講學陸王之證悟皆謂之空談蓋明季心學盛行儒禪混淆其曲謹者又關於事情沿及順康朝猶存餘說蓋顏元及塉力以務實相爭存其說可補諸儒枵腹之弊然不可獨以立訓蓋廢諸家其論易以觀象爲主兼用互體謂聖教罕言性天乾坤四德必歸人事屯蒙以下亦皆以人事立言陳搏龍圖劉牧鈎隱以及探無極推先天皆使易道入於無用排擊未免過激然明人以心學竄入易學率持禪偈以詁經言數者反置象占於不問詭飾聖訓弊不可窮塉引而歸之人事深得垂教之旨又以大學格物爲周禮三物謂孔子時古大學教法所謂六德六行六藝者規矩尙存故格物之學人人所習不必再言惟以明德親民標其目以誠意指其入手而已格物一傳可不必補其說本之顏元毛奇齡惡其異已作逸講箋以攻之而當時學者多避塉說焉

刁包字蒙吉晚號用六居士祁州人明天啟舉人再上春官不第遂棄舉子業有志聖賢之學初聞孫奇逢講良知心向之既讀高攀龍書大喜曰不讀此書幾虛過一生爲主奉之或有過差即跪主前自訟流賊犯祁州包毀家倡衆誓固守城不得破時有二瑯主兵事探卒報賊勢張甚二瑯怒其惑衆將斬之包厲聲曰必殺彼請先殺包乃止二瑯相謂曰使若居官者其不爲楊左乎賊既去流民載道設屋聚養之病者給醫藥全活尤多有山左難婦七十餘人擇老成家人護以歸臨行入拜以重託家人皆感泣竭力衛送歷六府盡歸其家甲申國變設莊烈愍皇帝主於所居之順積樓服斬衰朝夕哭臨如禮僞命敦趣包以死拒幾及於難遂隱居不出於城隅地爲齋曰潛室享曰肥遯日閉戶讀書其中無間寒暑學者宗焉執經之履滿戶外居父喪哀毀鬚髮盡白三年不飲酒食肉不內寢及母卒號慟嘔血病數月卒所著有易酌四書翊注潛室劄記用六集皆本義理明白正大又選斯文正統九十六卷專以品行爲主若言是人非雖絕技無取包初與新城王餘佑爲石交餘佑字介祺父延善邑諸生尙氣誼當明未散萬金產結客有子三長餘恪季餘嚴餘佑其仲也明亡延善率三子與雄縣馬魯建義旗傳檄討賊時容城孫奇逢亦起兵共恢復雄新容三縣斬其僞官順治初延善爲仇家所陷執赴京餘恪揮兩弟出爲復仇計獨身赴難父子死燕市餘嚴夜率壯士入仇家殲其老弱三十口名捕甚急上官有知其枉者力解乃免餘佑隱易州之五公山自號五公山人嘗受業於孫奇逢學兵法後更從奇逢講性命之學隱居教授不求聞達教人以忠孝務實學卒年七十

清一史稿 儒林傳一 二十一

李來章字禮山襄城人生有神識嘗觀石工集庭中斷石輒轉弗合語之曰去宿土當自合是卽吾學人心道心之謂聞者異之工詩古文辭康熙十四年舉人嘗學於魏象樞魏戒之曰欲除妄念莫如立志來章因作書紳語略其持論以不肯先儒有益世用爲主再學於孫奇逢李顥時奇逢講學百泉來章與冉觀祖諸人講學嵩陽兩河相望一時稱極盛焉冉主南陽書院作南陽學規達天錄以教學者士習日上尋以母老謝歸重葺紫雲書院讀書其中學者多自

遠而至母病目來章每夙與舌舐之目復明請遷廣東連山縣連山民僅七村
丁只二千外搖戶大排居五小排一十有七數且盈萬人重山複嶺瘦石峻削
田居十分之一搖或負險跳梁來章慨然曰搖異類亦有人性當推誠以待之
乃仿明王守仁遺意日延耆老問民疾苦招流亡勸之開墾薄其賦復深入搖
穴爲之置約延師以至誠相感創連山書院著學規日進縣人申教之而搖民
之秀者亦知嚮學誦讀聲徹巖谷學使者交獎曰忠信篤敬蠻貊信可行矣行
取授兵部主事監北新倉革運官饒遺旅引疾歸大學士田從典侍郎李先復
交章以實學可大用薦得旨徵召不出年六十八卒所著有禮山園文集洛學
編連陽八排搖風土記袁彭錄再親祖字永光先賢鄆公裔元末有爲中牟
承者因家焉康熙二年鄉試第一杜門潛居爰取四書集注研精覃思二十年
章求其旨句求其解字求其訓身體心驗訂正羣言歸於一是名曰玩注詳說
遞及羣經各有專書兼采漢儒宋儒之說十八年開博學鴻儒科巡撫將薦之
欲一見親祖親祖曰往見是求見也堅不往少詹事耿介延主嵩陽書院與諸

清史稿

儒林傳一

二十三

生講孟子一章剖析天人分別理欲衆皆悚聽三十年成進士選庶吉士三十
三年授檢討是歲聖祖徧試翰林御西暖閣詢家世籍貫獨詳有氣度老成之
衰越日賜筵瀛臺上獨識之曰爾是河南解元耶蓋以示優異也尋告歸卒年
八十有二寶克勤字敏修柘城人聞耿介傳百泉之學從游嵩陽六年鄉舉至
京師謁睢州湯斌一夕請業斌謂師道不立由教官之失職勸克勤就職選
泌陽教諭泌陽地小而僻人鮮知學克勤立五社學月朔稽善過而勸懲之暇
則齋居讀書雖饋粥不繼公如也康熙十七年進士選庶吉士丁母憂歸服除
授檢討一日聖祖命諸翰林作楷書克勤書學宗孔孟法在堯舜而其要在慎
獨十四字以進聖祖覽而器之尋以父老乞歸嘗於柘城東郊立朱陽書院倡
導正學中州自夏峰嵩陽外朱陽學者稱盛卒年六十四著有孝經闡義
李光坡字相卿安縣人大學士光地之弟也生五歲與伯叔兄弟俱陷賊壘既
脫難後受學家庭宗尙宋儒及鄉先正蒙引存疑諸書次第講治十三經濂洛
關閩書旁及子史質不甚敏以勤苦致熟論學主程朱論易主邵子兼取揚雄

太元發明性理以闡大義壯歲專意三禮以三禮之學至宋而微至明幾絕儀
禮尤世所罕習積四十年成三禮述注六十九卷以鄭康成爲主疏解簡明不
蹈支離亦不侈與博自成一言其兄光地嘗著周官筆記一篇光地子鍾倫
亦著周禮訓纂二十一卷皆標舉要旨弗以考證辨論爲長與光地相近其家
學如是也光地家居不仁康熙四十五年入都與其兄光地講貫著性論三篇
辨論理氣先後動靜以訂近儒之差及歸光地貽以詩曰後生茂起須家法我
老棲遲望子傳其惟惟於光地如此光地嘗論東吳顧炎武與光地皆數十年
用心經學精勤不輟卓然可以傳於後云光地天性至孝父病篤炷香焚掌叩
天以祈延壽病果愈及舉孝廉方正有司將以光地應選而光地寢疾矣卒年
七十有三又有皋軒文編鍾倫字世得康熙三十二年舉人初受三禮於光地
又與宣城梅文鼎長洲何焯宿遷徐用錫河間王之銳同縣陳萬策等互相討
論其學具有本原未仕而卒

清史稿

儒林傳一

二十四

莊亨陽字復齋靖南人康熙五十七年進士知山東濰縣母就養卒於途歸而
廬墓三年自是未嘗一日離其父乾隆初元禮部尙書楊名時薦士七人亨陽
與焉授國子監助教當是時上方警用儒術尙書楊名時孫嘉淦大學士趙國
麟咸以耆壽名德領太學事相與倡明正學六堂之長則亨陽與安溪官獻瑤
無錫蔡德晉等皆一時之雋每朔望謁夫子釋菜禮畢六堂師登講座率國子
生以次執經質疑旬日則六堂師分占一經各於其書齋會講南北學絃誦之
聲夜分不絕都下號爲四賢五君子遷吏部主事外補德安府同知擢徐州府
徐仍歲水災亨陽相川澤諮耆民具方略請廣開上游水道以洩異漲且告石
林可危未及施工而石林決沛縣城將潰民竄逃亨陽駕輕舸行告父老曰太
守來爾民何往親率衆堵築七日夜城完在徐三年兩遇大荒勤振事幾不暇
眠食九年遷按察司副使分巡淮海海道亨陽通算術及董河防推究高深測
量之宜上書當路大略謂淮徐水患在壅毛城鋪而徐州壞壘天然減水壩而
鳳頰泗壞壘車避昭關等壩而淮揚之上下河皆壞宜開毛城鋪以注洪澤湖
則徐州之患息開天然壩以注高寶諸湖則上江之患息開三壩以注興鹽之

澤則高賢之患息開范公隄以注之海則興鹽泰諸州縣之患息當路者頗懸其言而未能用京察大臣當自陳高宗命自陳者各舉一人自代內閣學士李清植舉亨陽時論以為允勸淮海災過勞以厥疾卒卒之日淮海諸氓罷市奔走樹幟哭而投匭親巡江南監司皆轉袴跪迎亨陽獨長揖詢責問曰非敢惜此膝於公其如會典所無何訥默然亨陽出巡屬吏循故事餽餼然一切勿拒曰物以烹任卻之是暴天物而違人情也所從僕皆自飲其馬或輻之蹠而辭曰公視奴輩為兒子不告而受於心不安告公公必命辭是仍虛君惠也強之皆伏地誓指其心其感入如此官獻瑤字瑜卿安溪人執業於漳浦蔡世遠桐城方苞稱高足弟子亦以楊名時薦補助教市入學上事宜六條於其長乾隆四年進士選庶吉士充三禮館纂修授編修九年典試浙江尋提督廣西陝甘學政遷洗馬在關中求得宋張載二十餘代孫屬其邑學官教之職韓城王杰於諸生以為大器果如其言獻瑤少孤事母孝自陝甘任滿歸乞侍養奉母二十餘載母年九十乃終撫愛諸子弟修大小宗祠增祭器考禮經遵時制以

清史稿

儒林傳一

二十五

定儀式立鄉規以教宗人置義租以恤親族之貧者卒年八十著讀易偶記三卷尚書偶記三卷尚書講義思問錄一卷讀詩偶記二卷周官偶記二卷儀禮讀三卷喪服私鈔並雜記一卷春秋傳習錄五卷孝經刊誤一卷文集十六卷詩集二卷

王懋竑字子中寶應人少從叔父式丹學刻勵篤志精研朱子之學身體力行康熙五十七年成進士年已五十一乞就教職補安慶府學教授雍正元年以薦被召引見授翰林院編修在上書房行走二年以母憂去官特賜內府白金為喪葬費懋竑素善病居喪毀瘠服闋就職旋以老病乞歸越十六年卒懋竑性恬淡少嘗謂友人曰老屋三間破書萬卷平生志願足矣歸里後杜門著書校定朱子年譜大旨在辨為學次序以攻姚江之說又所著白田雜著八卷於朱子文集語類考訂尤詳謂易本義前九圖筮儀皆後人依記非朱子所作其略云朱子於易有本義有啟蒙與門人講論甚詳而此九圖曾無一語及之九圖之不合本義啟蒙者多矣門人何以絕不致疑也本義之叙畫卦云自下而

上再倍而三以成八卦八卦之上各加八卦以成六十四卦初不參邵子說至啟蒙則一本邵子而邵子所傳止有先天方圓圖其伏羲八卦圖文王八卦圖則以經世演易圖推而得之同州王氏漢上朱氏易皆有此二圖啟蒙因之至朱子所自作橫圖六則注大傳及邵子語於下而不敢題曰伏羲六十四卦圖其慎如此今直云伏羲八卦次序圖伏羲八卦方位圖伏羲六十四卦次序圖伏羲六十四卦方位圖是孰受而孰傳之耶乃云伏羲四圖其說皆出邵氏邵氏止有先天一圖其八卦圖後來所推六橫圖朱子所作以為皆出邵氏邵氏也又云邵氏得之李之才李之才得之穆修穆修得之希夷先生此明道叙康節學問源流如此漢上朱氏以先天圖屬之已無所據乃今移之四圖若希夷已有此四圖也是並誣希夷也文王八卦說卦明言之本義以為未詳啟蒙別為之說而不以入於本義至於乾天也故稱乎父一節本義以為揲筮以求爻啟蒙以為乾求於坤坤求於乾與乾為首兩節皆文王觀於已成之卦而推其未明之象與本義不同今乃以為文王八卦次序圖又孰受而孰傳之耶

清史稿

儒林傳一

二十六

卦變圖啟蒙詳之蓋一卦可變為六十四卦象傳卦變偶舉十九卦以說爾今圖卦皆不合其非朱子之書明矣其說為宋元儒者所未發又考證諸史謂孟子七篇所言齊王皆潛王非宣王孟子去齊當在潛王三十四年下距潛王之歿更廿五六年孟子必不及見公孫丑兩篇稱王不稱諡乃其元本而梁惠王兩篇稱宣王為後人所增通鑑上增威王十年下減潛王十年蓋遷就伐燕之歲也可謂實事求是矣同邑與懋竑學朱子學者有朱澤漢喬僅澤漢字湘陶少勤學得程氏讀書分年日程尋序誦習更學天文於泰州陳厚耀能得其意久之有志於聖人之道念朱子之學實繼周程紹顏孟以上溯孔子有謂朱子為道問學陸王為尊德性者復取朱子文集語類讀之一字一句無不精心研窮反身體認質之懋竑懋竑屢答之深信朱子居敬窮理之學為孔子以來相傳的緒窮即窮其所存之心存即存其所窮之理止是一事喟然歎曰尊德性者莫如朱子道問學者亦如朱子矣雍正六年詔大臣各舉所知直隸總督劉師恕欲薦於朝使其弟造應請弗應晚年得僻疾然猶五更起臨沐觀書至夜

分不倦誠其子光進曰聖賢工夫正於困苦時驗之疾甚謂門人喬僅曰死生平常事時至則行無所戀也吟邵雍詩怡然而逝年六十有七所著止泉文集八卷朱子聖賢考略十卷僅字星清少有氣節水決子嬰隄衆走避僅倡議捍塞十日隄成從澤澤受學恪遵朱子教人讀書次第取朱子書切己體察有疑概質澤澤時年五十矣澤澤稱之曰從吾遊者衆矣惟喬君剛其因舉或問過時後學語類訓石洪慶語告之僅益奮乾隆元年舉孝廉方正辭不就與懋斌書論學問之道凡再三自謂向道晚須用已百之功聞弟卒江陵任即日冒雪行數千里扶輿歸有潘某貸金不能償以券與之疾革曰吾自頂至踵無一處不痛惟此心凝然不亂耳命沐浴正衣冠而逝年六十五著曰省錄訓子要言因學堂遺稿湯金釗序而行之謂其學術剛健篤實發爲輝光粹然有德之言李夢箕字季豹連城人年十五而孤精進學業崇向朱子以孝友著稱其教人輒言爲善最樂人易而忽之夢箕曰爲之難汝爲之否乎人問之曰其樂何如曰不愧不作孰與孔顏之樂曰熟之而已矣事兄如嚴父撫猶子如子每語諸

清史稿

儒林傳一

二十七

子以氣質之偏使知變化疾亟謂所親曰吾生平竭力檢身將母有不及省者第言之得聞過而終亦云幸矣卒年八十一子闕南字開士康熙六十一年舉人能世其學初工詩古文既而歎曰吾學自有身心性命所宜急者可以虛名驚乎於是究心濂洛關閩書以反躬切己爲務居連峯點石諸山中者久之嘗曰學者爲利名之念爲害最大越此庶可與共學與蔡世遠講明修身窮理之要世遠重之雍正九年吏部檄天下舉人需次縣令者先赴京學習政事闕南至觀政戶部以母病亟歸歸先母卒年五十七雷鉞謂學聖人必自捐者始闕南庶足當之時邑人張鵬翼童能靈皆以學行稱鵬翼字蜚子歲貢生八歲嗜學十餘歲通諸經塾師教以作文取科第心疑之熟讀四書大全忽悟曰心當在身內身當在心內遂不仕連城處茂山中無師鵬翼年已四十始見近思錄及朱子全書更十年始見薛文清讀書錄嘗曰考亭易實之時乃我下帷之始蓋俛焉日有孳孳不知其老且耄也所居鄉曰新泉男女往來二橋道不拾遺市中交易先讓外客皆服鵬翼教也著有讀經說略理學入門孝子傳歷代將

清史稿

卷四八六

相諫臣三譜二十二史案芝壇日讀小記龍靈字龍爵貢生好學守程朱家法不失尺寸乾隆元年舉博學鴻詞累舉優行皆以母老辭年九十兄弟白首同居居喪以禮化及鄉人能靈嘗與雷鉞論易主河圖以明象數之學其樂律古義謂洛書爲五音之本河圖爲洛書之源河圖圓而爲氣洛書方而爲體五音者氣也氣凝爲體體以衆氣然後聲音出焉蔡氏律呂新書沿淮南子洪書之說誤以亥爲黃鍾之質惟所約寸分釐絲忽之法其數合於史記律書因取其說爲之推究源委以成書他著中天河洛五倫說朱子爲學考理學疑問連城理學始自宋之邱起潛明之童東皋而能靈鵬翼繼之力敦倫紀嚴辨朱陸異同張伯行撫閩時建文溪書院祀起潛東皋後增建五賢書院中祀宋五子而以能靈鵬翼配焉

胡方字大憲新會人歲貢生方敦崇實行處道學風氣之末獨守堅確總督吳興祚聞其名使招之方走匿不能得也事父母色養靡不周而心常如不及遇有病憂形於色藥必嘗而後進夜必衣冠侍未嘗就寢及居喪藉草宿楹旁三年不入內先人田廬悉以與弟授徒自給族姻不能自存者竭力資之有達官齋重金乞其文爲壽不應吏愾之不應家人告以絕糧不應鄉曲子弟偶蹈不韙有願就鞭扑不願聞其事於方者里中語曰可被他人笞勿使胡君知他人笞猶可胡君愧煞我其從學者仕與未仕白首猶懷悚奉其教雖困甚終不入公庭聞聲向慕以得見爲喜曰教我矣有以蔭得官則大慙曰吾未能信得無辱我夫子方告之曰爲官能不愛錢致力於官守有何不可其人卒不負其言四十後杜門著述所居曰鹽步元和惠士奇督學粵東聞方名鱣舟村外遣吳生至其家求一見急揮手曰學政未蒞事不可見不可見出吳而扇其門士奇乃索所著書而去試事畢仍介吳生以請則假一冠投刺至長揖曰今日齋沐謝知己方年邁無受教地不能執弟子禮數語遂起惠握其手曰縱不欲多語敢問先生鄉人誰能爲文者答曰並世中無人必求之惟明季梁朝鐘耳士奇遂求梁文並各家文刻之名曰嶺南文選既而疏薦於朝士奇嘗語吳生曰胡君貌似顧炎武豐厚端偉必享大名蓋嘗時知方者士奇一人而已卒年七十

清史稿

儒林傳一

二十八

年不入內先人田廬悉以與弟授徒自給族姻不能自存者竭力資之有達官齋重金乞其文爲壽不應吏愾之不應家人告以絕糧不應鄉曲子弟偶蹈不韙有願就鞭扑不願聞其事於方者里中語曰可被他人笞勿使胡君知他人笞猶可胡君愧煞我其從學者仕與未仕白首猶懷悚奉其教雖困甚終不入公庭聞聲向慕以得見爲喜曰教我矣有以蔭得官則大慙曰吾未能信得無辱我夫子方告之曰爲官能不愛錢致力於官守有何不可其人卒不負其言四十後杜門著述所居曰鹽步元和惠士奇督學粵東聞方名鱣舟村外遣吳生至其家求一見急揮手曰學政未蒞事不可見不可見出吳而扇其門士奇乃索所著書而去試事畢仍介吳生以請則假一冠投刺至長揖曰今日齋沐謝知己方年邁無受教地不能執弟子禮數語遂起惠握其手曰縱不欲多語敢問先生鄉人誰能爲文者答曰並世中無人必求之惟明季梁朝鐘耳士奇遂求梁文並各家文刻之名曰嶺南文選既而疏薦於朝士奇嘗語吳生曰胡君貌似顧炎武豐厚端偉必享大名蓋嘗時知方者士奇一人而已卒年七十

一九九

四著周易本義注六卷四子書注十卷莊子注四卷鴻橋堂詩文集六卷集
中謁白沙祠諸作及白沙子論其見淵源所自粵中勵志篤行者方後有馮成
修勞渾成修字達夫南海人父遠出不歸成修生有至性語及其父輒涕泗交
頤乾隆四年進士選庶吉士散館改吏部主事晉禮部祠祭司郎中典試福建
四川督學貴州揭條約十四則以訓士成修初計偕即徧訪其父踪跡得官後
兩次乞假尋親卒無所遇不復出授經里中粹然師範年八十計其父已百有
一齡乃持服三年終身衣布乙卯重宴鹿鳴逾年卒年九十有五渾字潤芝亦
南海人乾隆二十年舉人署齡時母常於榻上授毛詩長遂習焉盧文昭視學
湖南召之往至冬乃歸母思念殊切抵家時漏三下跪母榻前母且泣且撫之
曰其夢也耶渾悲不自勝自是絕意進取待養十有六年而母卒渾哀毀骨立
杖而後起家人或失渾所在即於殯所覓之則已慟哭失聲矣又痛早孤故以
我野為號嘗言讀孔子書得一言曰務民之義讀孟子書得一言曰強為善而
已矣讀朱子書得一言曰切己體察著有四書擇粹十二卷孝經考異選註二

清史稿

儒林傳一

二十九

卷救荒備覽四卷荷經堂古文詩稿四卷

勞史字麟書餘姚人世為農少就傳讀書長躬耕養父母夜則披卷誦讀朱
子小學中庸序慨然發憤以道自任舉動必依於禮繼讀朱子近思錄立起設
香案北面稽首曰吾師在是矣常自刻責謂天之命我者若君之詔臣父之詔
子一廢職即膺嚴譴一墜家業即窮無所歸可不慎哉其論學以為始於不妄
語不妄動即極諸至誠無息接後學委曲進誠雖備工下隸皆引之嚮道曰盡
爾職分務實做去終身不懈即聖賢矣勿過自薄也聞者莫不爽然里中負販
者近史居不敢貨偽物芻兒牧童或折棄稍毀機罪有鬪爭就史質往往置
酒求解門人桑調元自錢塘來謁論學數日將別送之曰吾壽不過三年恐不
復相見行矣勉之後三年九月謂門人汪鑒曰不過今月吾將去矣遂徧詣親
友家與老者言所以教少者言所以學令人治木飭後事晦前一夕沐浴更衣
衣移榻正寢炳燭宴坐如平時旋就寢明晨撫之冰矣調元為刻其遺書十卷
其書謂易之為道細無不該遠無不屆故多本易理以推人物之性調元字汝

甫錢塘人為孝子天顯之子天顯親病革合羊脂和粥以進親死抱棺而哭人
為給抱棺調元受業於史得聞性理之學雍正十一年召試通知性理欽賜
進士授工部主事引疾歸調元主九江濂溪書院構須友堂祠餘山先生以著
淵源有自餘山史自號也調元東臬別業又闢餘山書屋以友教四方之士為
人清鯁絕俗足跡遍五嶽晚主溧源書院益暢師說鑿餘姚人父死於雲南鑿
護喪歸至漢川遇大風舟且覆抱棺大哭誓以身殉忽風回得泊沙渚眾呼為
孝子為人尚氣節史戒之曰英氣客氣也其以問學融化之史之歿也鑿實左
右焉

顧棟高字震沅無錫人康熙六十年進士授內閣中書雍正引見以奏對越次
罷職乾隆十五年特詔內外大臣薦舉經明行修之士所舉四十餘人惟大學
士張廷玉尚書王安國侍郎歸宣光舉江南舉人陳祖范尚書汪由敦舉江南
舉人吳鼎侍郎錢陳羣舉山西舉人梁錫典大理寺卿鄒一桂舉棟高此四人
論者謂名實允孚焉尋皆授國子監司業棟高以年老不任職賜司業銜皇太

清史稿

儒林傳一

三十

后萬壽棟高入京祝嘏召見拜起令內侍扶掖棟高奏對首及吳敵俗請以節
儉風示海內上嘉之陞辭賜七言律詩二章二十二年南巡召見行在加祭酒
銜賜御書傳經者頌四字二十四年卒於家年八十一所學合宋元明諸儒門
徑而一之援新安以合金谿為調停之說著大儒粹語二十八卷又著春秋大
事表百三十一篇條理詳明議論精覈多發前人所未發毛詩類釋二十一卷
續編三卷采錄舊說發明經義頗為謹嚴其尚書質疑二卷多據臆斷不足以
言心得大抵棟高窮經之功春秋為最而書則用力少也陳祖范字亦韓常熟
人雍正元年舉人其秋禮部中式以病不與殿試歸僦華漚之濱槌戶讀書
居數年詔天下設書院以教士大吏爭延為師訓課有法或一二年輒辭去曰
士習難醇師道難立且此席似宋時祠祿仕而不遂者處焉吾不求仕而久與
其列為汗顏耳薦舉經學祖范寢然居首以年老不任職賜司業銜十八年卒
於家年七十有九所撰述有經咫一卷膺薦時錄呈御覽文集四卷詩集四卷
掌錄二卷祖范於學務求心得論易不取先天之學論書不取梅賾論詩不廢

小序論春秋不取義例論禮不以古制違人情皆通達之論同縣顧主事領傳其學吳鼎字尊彝金匱人乾隆九年舉人授司業游榘翰林院侍講學士轉侍讀學士大考降左春坊左贊善遷翰林院侍講旋休致所撰有易例舉要二卷十家易象集說九十卷袁宋俞琰元龍仁夫明來知德等十家易說以繼李鼎祚董楷之後其東莞學案則專攻陳建學部通辨作也兄鼎亦通經深於易三禮梁錫興字確軒介休人雍正二年舉人亦授司業與吳鼎同食俸辦事不爲定員十七年命直上書房累遷詹事府少詹事大考降左庶子擢祭酒坐遺失書籍錫級膺薦時以所撰易經揆一呈御覽鼎錫興並蒙召對面諭曰汝等以是大學士九卿公保經學朕所以用汝等去教人是汝等積學所致不是他途倖進又曰窮經爲讀書根本但窮經不徒在口耳須要躬行實踐汝等自己躬行實踐方能教人躬行實踐鼎錫興頓首祇謝又奉諭吳鼎梁錫興所著經學著派翰林二十員中書二十員在武英殿各磨寫一部進呈原書給還本人所有紙札飯食皆給於官著梁詩正劉統勳董理其事稽古之榮海內所未有也

清史稿

儒林傳一

三十一

孟超然字朝舉閩縣人乾隆二十五年進士選庶吉士改兵部主事累遷吏部郎中三十年與廣西試尋督學四川廉正不阿遇士有禮以蜀民父子兄弟異居者衆作厚俗論以箴其失旋以親老請急歸年甫四十二遂不出性至孝侍父疾躬執屨履戚族喪雖空乏必應管歎服徐陵我輩猶有車可賣之言其學以懲忿窒欲改過遷善爲主旨曰變化氣質當學呂成公刻意自責當學吳聘君又曰談性命則先儒之書已詳不如歸諸實踐博見聞則將衰之年無及不如返諸身心其說商子云論至德者不和於俗成大功者不謀於衆聖人苟可以強國不法其故苟可以利民不循其禮以爲此王介甫之先驅也然鞅猶明於帝王霸之說介甫乃以言利爲堯舜周公之道又鞅之不如矣其論楊時云龜山得伊洛之正傳開道南之先聲然爲人身後文如溫州陳君子約許德占張進孫龍圖諸墓誌往往述及釋氏之學而贊之曰安曰定曰靜毋惑乎後之學者援儒入墨紛紛不已也超然性靜家居杜門卻掃久之巡撫徐嗣曾請上進峯書院倡明正學閩之學者以侯官李光地雷鉉爲最超然輩行

稍後而讀書有識不爲俗學所牽則後先一揆也居喪時考士喪禮荀子及宋司馬光程子朱子說並采近代諸儒言論以正閩俗喪葬之失著喪禮輯略二卷傷不葬其親者感形家言以速禍取孟子掩之誠是之語作誠是錄一卷他著有焚香錄觀復錄晚間錄

汪紱初名烜字燦人婺源人諸生少稟母教八歲四子書五經悉成誦家貧父淹滯江甯侍母疾累年十日未嘗一飽母歿紱走詣父勸之歸父曰昔人言家徒四壁吾壁亦屬人若持吾安歸叱之去紱乃之江西景德鎮畫碗備其間然稱母喪不御酒肉後飄泊至閩中爲童子師及授學浦城從者日進聞父歿一慟幾殆即日奔喪迎櫬歸紱自二十後務博覽著書十餘萬言三十後盡燒之自是凡有述作凝神直書自六經下逮樂律天文地輿陣法術數無不究暢而一以宋五子之學爲歸著有易經詮義十五卷尙書詮義十二卷詩經詮義十五卷四書詮義十五卷詩韻析六卷春秋集傳十六卷禮記章句十卷或問四卷參讀禮志疑二卷樂經律呂通解五卷樂經或問三卷孝經章句一卷其參

清史稿

儒林傳一

三十二

讀禮志疑多得經意可與陸隴其書並存紱之論學謂學不可不知要然所以得要正須從學得多後乃能揀擇出緊要處謂易理全在象數上乘載而來謂書麻象禹貢洪範須著力去考都是經濟謂詩只依字句吟詠意謂自出謂看周禮須得周公之心乃於宏大處見治體之大於瑣屑處見法度之詳謂春秋非理明義精殆未可學謂格物之格訓至如書言格于上下格于皇天皆至到之義上文致知字爲推致則格物爲窮至物理甚明謂性與天道不可得聞直是不可得聞陸王家因早聞性天而未嘗了悟又果於自信遺害後人也謂周子言一言無欲程子言主一言無適微有不同周子所謂一者天也所謂欲者人也純乎天下不參以人一者即無欲也程子所謂一者事也所謂適者心也一其心於所事而不強事以成心無識之謂一也當時大興朱筠讀其書稱其信乎以人任己而頡頑古人其後善化唐鑒亦稱其功夫體勘精密由不欺以至誠明紱初聘於江比歸娶江年二十八矣江嘗語諸弟子曰吾歸汝師三十年未嘗見一怒言一怒色也乾隆二十四年卒年六十八子思謙增生毀卒同

縣余元選傳其學元選字秀書諸生著有庸言詩經蒙說書脂集

姚學瑛字晉堂歸安人性靜介孩稚時見物不取父兄坐庭上久侍立足不動既長讀書毅然以身學父喪骨毀感動鄉里嘉慶元年進士以中書用時和坤為大學士中書於大學士例執弟子禮學瑛恥之遂歸後四年和坤伏誅始入都任職十三年主貴州鄉試歸途聞母憂痛父母不得躬侍祿養遂終身不以妻子自隨服闋至京轉兵部主事遷職方司郎中妻張有婦德畜一妾請遣侍京寓不許乃歸妾方氏十七日婦人從一者也吾事有主矣竟不嫁學瑛居京師四十年若旅人之阨者就僧寺中霜華盈席危坐不動居喪時有鹿帽一布羔裘一終身服之藍樓不改蓋所謂終身之喪者初彭齡掌兵部請學瑛至堂上躬起肅揖之學瑛亦不往謝大學士百齡兼管兵部屢詢司員姚某何在欲學瑛詣其宅一見之終不往也學瑛六十生辰同里姚文田貽酒二罇為壽固辭文田曰他日以此相報可乎乃受之學瑛之學由捐入中行以敬存誠從嚴毅清苦中發為光風霽月閭閻不求人知未嘗向人講學病篤握其友潘

清史稿

儒林傳一

三十三

諸子曰君勉矣人生獨知之地鮮無愧者我生平竭蹶竟如此止君亦就衰盡所得為俟年而已遂逝年六十有六諸字少白會稽人少卓犖好獨遊天下奇山水足迹踰數萬里與學瑛友善日求寡過以無玷古人與長民者言言愛人與里老言言耕鑿樹畜與士人言言孝弟忠信遇名下士則告以實行為首務尤兢兢於義利之辨居惟一襪被日兩疏食食有餘則以給人之困者有數人資金為其母壽不可返乃各取少許其母知之怒曰汝見僧以如來像丐市者乎吾其為像也乃謝而盡散之著有古文八卷詩五卷常語二卷

唐鑑字鏡海善化人父仲寬陝西布政使自有傳鑑嘉慶十四年進士改庶吉士十六年授檢討二十三年授浙江道監察御史坐論淮鹽引地一疏吏議鑄級以六部員外郎降補會宣宗登極詔中外大臣各舉所知諸城劉鑑之薦鑑出知廣西平樂府擢安徽壽池太廣道調江安糧道擢山西按察使遷貴州擢浙江布政使調江甯內召為太常寺卿海瀛事起嚴劾琦善耆英等直聲震天下鑑潛研性道宗尚洛閩諸賢著學案小識推陸隴其為傳道之首以示宗旨

時蒙古倭仁湘鄉曾國藩六安吳廷棟昆明賈琦何桂珍皆從鑑考問學業陋室危坐精思力踐年七十斯須必致致仕南歸主講金陵書院文宗踐阼有詔召鑑赴闕入對十五次中外利弊無所不罄上以其力陳衰老不復強之服官令還江南矜式多士咸豐二年還湘卜居於鄉之善嶺山深衣蔬食泊然自怡晚歲著讀易小識編次朱子全集別為義例以發紫陽之蘊十一年卒年八十有四曾國藩為上遺疏賜諡確慎著有朱子年譜考異省身日課畿輔水利備覽易反身錄讀禮小事記等書

吳嘉賓字子序南豐人道光十八年進士改庶吉士授編修既通籍尤究心當世利弊嘗條陳海疆事宜上嘉納焉二十七年緣事謫戍軍臺尋釋回成豐初以督團兵援郡城功賞內閣中書同治三年於本邑三都墟口擊賊遇害奉旨賜卹並建專祠嘉賓學宗陽明而治經字疏句釋以求據依非專言心學者其要歸在潛心獨悟力求自得尤長於禮成禮說二卷自序云小戴記四十九篇列於學宮其高者蓋七十子之微言下者乃諸博士所摭拾耳宋以來取大學

清史稿

儒林傳一

三十四

中庸與論孟列為四書世無異議則多聞擇善固有不必要盡同者余獨以禮運內則樂記孔子閒居表記諸篇為古之遺言備錄其文以資講肆其餘論說多者亦全錄之否則著吾說所以與鄭君別者以備異同焉易曰知崇禮卑又曰謙以制禮夫禮者自卑而尊人古之制禮者上也上之人能自卑天下誰敢不為禮者先王之禮行於父子兄弟夫婦養生送死之間而謹於東西出入升降辭讓哭泣辟踊之節使人明乎吾之喜怒哀樂莫敢踰夫親疏貴賤長幼男女之分而其至約者則在於安定其志氣而已故曰禮樂不可斯須去身樂者動於內者也禮者動於外者也夫禮樂不外乎吾身之自動而奚以求諸千載而上不可究詰之名物象數也乎其大旨蓋如此他著有喪服會通說四卷周易說十四卷書說四卷詩文集十二卷與嘉賓同時而專力於學者有劉傳榮傳瑩字椒雲漢陽人道光十九年舉人國子監學正始學考據雜載於書冊之眉旁求秘本鉤校朱墨並下達旦不休其治輿地以尺紙圖一行省所練之地墨圍界畫僅若牛毛晨起指誦曰此某縣也於漢為某縣此某府某州也於漢為

某郡國凡三四日而熟一紙易他行省亦如之久之疾作不良食飲自以所業者繁雜無當於心乃發憤歎曰凡吾之所為學者何為也哉舍弟取與之不講而旁驚瑣瑣不亦慎乎於是取濂洛以下切己之說以意時其離合而反復之嘗語曾國藩曰君子之學務本專而已吾於子敏精神於筆校費日力於文辭僥倖於身後不知誰何者之譽自今以往可一切罷棄各敦內行沒齒無聞皆不復悔卒年三十一病中為日記一編痛自繩檢遺令處分無憾國藩嘗稱其湛深而敦厚非其視不視非其聽不聽內志外體一準於法而所以擴充官骸之用又將推極知識博綜百氏以求竟乎其量世以為知言朱子所編孟子要略自來志藝文者皆不著於錄傳瑩始於金仁山孟子集注考證內搜出之復還其舊

劉熙載字融齋興化人十歲喪父哭踊如禮道光二十四年進士改庶吉士授編修咸豐二年命直上書房與大學士倭仁以操尚相友重論學則有異同倭仁宗程朱熙載則兼取陸王以慎獨主敬為宗而不喜學部通辨以下摺擊已

清史稿

儒林傳一

三十五

其之談文宗嘗問所養對以閉戶讀書御書性靜情逸四大字賜之以病乞假巡撫胡林翼特疏薦同治三年徵為國子監司業遷詹事府左春坊左中允督學廣東作懲忿室欲遷善改過四箴訓士謂士學聖賢富先從事於此所至蕭然如寒素未滿任乞歸獲被篋書而已熙載治經無漢宋門戶之見其論格物兼取鄭義論毛詩古韻不廢吳械叶音讀爾雅釋詁至印吾台子以為四字能攝一切之音以推開齊合撮無不如矢貫的又論六書中較難知者莫如諧聲聲韻雙聲皆諧聲也許叔重時雖未有雙韻雙聲之名然河可疊韻也江工雙聲也係炎以下切音下一字為韻取疊韻上一字為母取雙聲蓋開自許氏又作天元正負歌以明加減乘除相消開方諸法生平於六經子史及仙釋家言靡不通曉而一以躬行為重嘗戒學者曰真博必約真約必博又曰才出於學器出於養又曰學必盡人道而已士人所處無論窮達當以正人心維世道為己任不可自待菲薄平居嘗以志士不忘在溝壑遯世不見知而不悔二語自勵自少至老未嘗作一妄語表裏渾然夷險一節主講上海龍門書院十四年

以正學教弟子有胡安定風著持志塾言二卷篤近切實足為學者法程光緒七年卒年六十九又有藝概六卷四音定切四卷說文雙聲二卷說文疊韻二卷昨非集四卷

朱次琦字九江南海人道光二十七年進士分發山西攝襄陵縣事引疾歸次琦生平論學平實敦大嘗論漢之學鄭康成集之宋之學朱子集之朱子又即漢學而精之者也宋末以來殺身成仁之士遠軼前古皆朱子力也然而攻之者互起有明姚江之學以致良知為宗則攻朱子以格物乾隆中葉至於今日天下之學以攷據為宗則攻朱子以空疏一朱子也攻之者及矛盾烏乎古之言異學也昨之於道外而孔子之道隱今之言漢學宋學者啾之於道中而孔子之道歧果其修行讀書漸之於古之質學無漢學無宋學也凡示生徒修行之實四曰敦行孝弟曰崇尚氣節曰變化氣質曰檢攝威儀讀書之實五曰經學曰史學曰掌故之學曰性理之學曰詞章之學一時咸推為人倫師表云官襄陵時縣有平水與臨汾縣分澆田畝居民爭利構獄數年不決次琦至博詢

清史稿

儒林傳一

三十六

訟端則豪強壟斷居奇有水無地者有有地無水者有地無水者向無買水券子之地弗子之水有水無地者向有買水券雖無地得以市利於是定以地隨糧以水隨地之制又會臨汾縣知縣躬親履畝兩邑田相若稅相直也適定平水為四十分縣各取其半復於境內設四綱維持之曰水則曰用人曰行水曰陡門實行水田三萬四百畝有奇邑人立碑頌之繫囚趙三不稜劇盜也越獄逃次琦未抵任先出重資購知其所適亟假郡捕前牛夕疾馳百二十里至曲沃郭南以俟盜眾方飲酒家役前持之忽樓上下百炬齊明則赫然襄陵縣鏡也乃伏地就縛比縣人迎新尹尹已尺組繫原賊入矣遠近以為神每行縣所至附循拘拘老稚迎笑有遮訴者索木椅在道與決能引服則已恒終日不筭一人其他頌讀書日程創保甲追社倉二萬石禁火葬罪同姓婚除狼患卓卓多異政在任百九十日民俗大化先是南方盜起北至揚州次琦猶在襄陵謂宜綢繆全晉聯絡關隴為三難五易十可守八可征之策大吏不能用居家時稱說浦江鄭氏江州陳氏諸義門及朝廷捐產準旌之例由是宗人捐產贖

族合金數萬次琦呈請立案為變通范氏義莊章程設完課祀先養老勸學矜恤孤寡諸條刊石世守之同治元年與同邑徐台英奉旨起用次琦竟不出光緒七年賞五品卿銜逾數月卒著有國朝名臣言行錄五史實徵錄首乘國朝逸民傳性學源流蒙古聞見等書疾革盡焚之僅存手輯朱氏傳芳集五卷撰定南海九江朱氏家譜十二卷大雅堂詩集一卷燔餘集一卷彙中集一卷成儒原名蓉鏡字美卿實應人附生性至孝父歿三日哭氣絕而復屬者再授經養母歲歉蠶繭或弗繼母所御必精整事母垂六十年起居飲食之節有禮經所未嘗言而以積誠通之者早遂經學旁及象緯輿地聲韻字品靡不貫徹於金石審定尤精確久之疑饋儒先諸書益有所得取紫陽日用自警詩以味真腹顯其居自號曰心巢儒於漢宋兩家實事求是為門戶之見嘗曰為己則治宋學真儒也治漢學亦真儒為人則治漢學偽儒也治宋學亦偽儒又曰義理論語所謂識大是也考證識小是也莫不有聖人之道焉事父事君識大也多識為獸草木之名識小也皆詩教所不廢然不可無本末輕重之差湖南

清史稿

儒林傳一

三十七

學政朱迥然延主校經堂獨立學程設博文約禮兩齋湘中士大夫爭自興於學著有禹貢班義述三卷據地志解禹貢於今古文之同異及鄭注與班偶殊者一一辨證即有不合亦不曲護其非尚書麻譜二卷以殷麻枝殷周麻枝周從違以經為斷又攷太初麻卽三統為太初麻譜一卷春秋日南至譜一卷又有切韻表五卷二百有六表分二呼而經以四等緯以三十六母審辨音聲不容出入晚年著述一以朱子為宗所編我師錄困勉記必自錄庸德錄東山政教錄又有國朝學案備忘錄一卷國朝師儒論略一卷經義駢枝四卷五經算術二卷步算釋例六卷文錄九卷邵懿辰字位西仁和人性情直能文章以名節自厲於近儒尤慕方苞李光地之學道光十一年舉人授內閣中書久官京師因究悉朝章國故與曾國藩梅曾亮朱琦數輩遊處文益茂美折節造請高才秀士有不可面折之不為朋黨志量恆在天下游升刑部員外郎入直軍機處大學士琦善以妄殺熟番下獄發十九事難之粵亂作賽尙阿出視師復上書次輔祁雋藻力言不可者七端

時承平久京朝官率雍容養望懿辰獨無阿之習一切持古義相繩責由是諸貴人憚之思屏於外會粵賊陷江甯京師震動乃命視山東河工未行復命借少詹事王履謙巡防河口咸豐四年坐無効鐫職既罷歸則大潭思經籍著尙書通義禮經通論孝經通論頗探漢學考據家言而要以大義為歸十年賊陷杭州以奉母先去獲免母卒既葬返杭州賊再至則麾妻子出獨留與巡撫王有齡登陴固守十一年城陷死之時國藩督師江南聞而歎曰嗟乎賢者之處患難親在則出避親歿則死之義之至衷者也乃迎致其妻子安慶先是懿辰以協防杭州復原官死事聞贈道銜祀本省昭忠祠其所著書遭亂亡佚長係章輯錄之為半巖廬所著書共三十餘卷懿辰之友同里伊樂堯秀水高均儒皆知名均儒字伯平廩貢生性狷介嚴取與之節治三禮主鄭氏尤服膺宋儒見文士蕩行檢者則絕之如警人若其難近著續東軒集樂堯字遇羹咸豐元年舉人學術宗尙與懿辰同值寇亂猶商證經義危城中城破同殉節死

清史稿

儒林傳一

三十八

清史稿

儒林傳二

顧炎武

萬斯大

毛奇齡

惠周惕

臧琳

全祖望

江永

盧文弨

王鳴盛

段玉裁

劉台拱

張爾岐

胡渭

閻若璩

陳厚耀

任啓運

沈彤

褚寅亮

錢大昕

戴震

孫志祖

孔廣森

清史稿

邵晉涵

汪中

莊述祖

丁杰

王聘珍

桂馥

錢大昭

王念孫

武億

戚學標

孫星衍

凌廷堪

江聲

顧炎武字甯人原名絳崑山人明諸生而雙瞶中白邊黑讀書日十行下見明季多故講求經世之學明南都亡奉嗣母王氏避兵常熟崑山令楊永言起義帥炎武及歸莊從之魯王授爲兵部司務事不克幸而得脫母遂不食卒賊炎武弗事二姓唐王以兵部職方郎召母喪未赴遂去家不返炎武自負用世之路不得一遂所至輒小試之墾田於山東長白山下畜牧於山西雁門之北五台之東累致千金徧歷關塞四謁孝陵六謁思陵始卜居陝之華陰謂秦人

慕經學重處士持清議實他邦所少而華陰箱穀關河之口雖足不出戶亦能見天下之人聞天下之事一旦有警入山守險不過十里之遙若有志四方則一出關門亦有建瓴之便乃定居焉生平精力絕人自少至老無一刻離書所至之地以二贏一馬載書過邊塞亭障呼老兵卒詢曲折有與平日所聞不合即發書對勘或平原大野則於鞍上默誦諸經注疏嘗與友人論學云百餘年來之爲學者往往言心性而茫然不得其解也命與仁夫子所罕言性與天道子貢所未得聞性命之理著之易傳未嘗數以語人其答問士則曰行己有恥其爲學則曰好古敏求其告哀公明善之功先之以博學顏子幾於聖人猶曰博我以文自曾子而下篤實無如子夏言仁則曰博學而篤志切問而近思今之君子則不然聚賓客門人數十百人與之言心性舍多學而識以求一貫之方置四海之困窮不言而講危微精一是必其道高於夫子而其弟子之賢於子貢也孟子一書言心性亦諄諄矣乃至萬章公孫丑陳代陳臻周霄彭更之所問與孟子之所答常在平出處去就辭受取與之間是故性也命也

清史稿

天也夫子之所罕言而今之君子之所恒言也出處去就辭受取與之辨孔子孟子之所恒言而今之君子之所罕言也愚所謂聖人之道者如之何曰博學於文行己有恥自一身以至於天下國家皆學之事也自子臣弟友以至出入往來辭受取與之間皆有恥之事也士而不先言恥則爲無本之人非好古多聞則爲空虛之學以無本之人而講空虛之學吾見其日從事於聖人而去之彌遠也炎武之學大抵主於欽華就實凡國家典制郡邑掌故天文儀象河漕兵農之屬莫不窮原究委改正得失撰天下郡國利病書百二十卷別有肇域志一編則考索之餘合圖經而成者精韻學撰音論二卷言古韻者自明陳第第詩無協韻之說不與吳械本音爭亦不用械之例但即本經之韻互考且證以他書明古音原作是誠非由遷就故曰本音又易音三卷即周易以求古音考證精確又唐韻正二十卷古音表二卷韻補正一卷皆能追復三代以來之音分部正軼而知其變又撰金石文字記求古錄與經史相證而日知錄三十

卷尤為精詣之書蓋積三十餘年而後成其論治綜覈名實於禮教尤兢兢謂風俗衰廢恥之防潰由無禮以禮之常欲以古制率天下炎武又以杜預左傳集解時有闕失作杜解補正三卷其他著作有二十一史年表歷代帝王宅京記亭林文集詩集管平二州地名記昌平山水記山東考古錄京東考古錄諸觚菰中隨筆等書並有補於學術世道清初稱學有根柢者以炎武為最學者稱為亭林先生又廣交賢豪長者虛懷商榷不自滿假作廣師篇云學究天人確乎不拔吾不如王寅旭讀書為已探頤洞微吾不如楊雪臣獨精三禮卓然經師吾不如張稷若蕭然物外自得天機吾不如傅青主堅力苦學無師而成吾不如李中孚險阻備嘗與時屈伸吾不如路安卿博聞強記羣書之府吾不如吳志伊文章爾雅宅心和厚吾不如朱錫鬯好學不倦篤於朋友吾不如王山史精心六書信而好古吾不如張力臣至於達而在位其可稱述者亦多有之然非布衣之所得議也康熙十七年詔舉博學鴻儒科又修明史大臣爭薦之以死自誓二十一年卒年七十無子吳江潘耒敘其遺書行世宣統元年從

清史稿

儒學傳二

三

祀文廟

張爾岐字稷若濟陽人明諸生父行素官石首縣丞羅兵難爾岐欲身殉以母老止順治七年貢成均亦不出遜志好學篤守程朱之說著天道論中庸論為時所稱又著學辨五篇曰辨志曰辨術曰辨業曰辨成曰辨微又著立命說辨斥袁氏功過格立命說之非年三十覃思儀禮以鄭康成注文古質賈公彥釋義曼衍學者不能尋其端緒乃取經與注章分之定其句讀疏其節錄其要取其明注而止有疑義則以意斷之亦附於末成儀禮鄭注句讀十七卷附以監本正誤石經正誤二卷顧炎武游山東讀而善之曰炎武年過五十乃知不學禮無以立若儀禮鄭注句讀一書根本先儒立言簡當以其人不求聞達故無當世名然書實可傳使朱子見之必不備謝監獄之稱許矣爾岐又著周易說略八卷詩說略五卷萬善集三卷萬善開話二卷所居敗屋不修藝蔬果養母集其弟四人講說三代古文於母前愉愉如也妻朱婉婉執婦道勸爾岐勿出取麥莪詩意題其室曰萬庵遂教授鄉里終其身康熙十六年卒年六十六乾

隆中按察使吳江陸燿建萬善書院以祀之而顏其堂曰辨志山東善治經者爾岐同時有馬融驢字宛斯鄒平人順治十六年進士除淮安府推官尋推官議裁補靈璧縣知縣獨荒除弊流亡復業康熙十二年卒於官年五十四士民奉祀名宦祠驢於左氏融會貫通著左傳事緯十二卷附錄八卷所論有條理圖表亦考證精詳驢又撰釋史一百六十卷纂錄開闢至秦末之事博引古籍疏通辨證非路史皇王大紀所可及也時人稱為馬三代四十四年聖祖命大學士張玉書物色驢所著書令人至鄒平購板入內府

萬斯大字充宗鄒縣人父泰明崇禎丙子舉人與陸符齊名甯波文學風氣泰實開之以經史分授諸子使從黃宗羲遊各名家斯大治經以為非通諸經不能通一經非悟傳注之失則不能通經非以經釋經則亦無由悟傳注之失其為學尤精春秋三禮於春秋則有專傳論世屬辭比事原情定罪諸義例於三禮則有論社論禘論祖宗論明堂泰壇論喪服諸義其辨正商周改月改時周詩周正及兄弟同昭穆皆極確實宗法十餘篇亦頗見推衍答應據謙書辨

清史稿

儒學傳二

四

治朝無堂尤為精覈根柢三禮以釋三傳較宋元以後空談書法者殊然其說經以新見長亦以鑿見短置其非存其是未始非一家之學斯大性剛毅慕義若渴明臣張煌言死後棄骨荒郊斯大葬之南屏父執陸符死無後斯大為葬其兩世六棺所著有學春秋隨筆十卷學禮質疑二卷儀禮商三卷禮記偶箋三卷周官辨非二卷康熙二十二年卒年六十兄斯選字公擇學於黃宗羲嘗謂學者須驗之躬行方為實學於是切實體認知意為心之存主非心之所發理即在氣中非理先氣後涵養純粹年六十卒宗義哭之慟曰甬上從遊能續哉山之傳者惟斯選一人而今已矣斯大子經字授一黃宗羲移證人書院於鄒申明劉宗周之學經侍席末與聞其教及長傳父叔及兄言之學又學於應搗謙閣若璩康熙四十二年成進士選庶吉士散館授編修五十年充山西鄉試副考官五十二年提督貴州學政及還以派修通州城工罄其家素工分隸經乃賣所作字得錢給朝夕晚增補斯大禮記集解數萬言春秋定哀二公未畢又續纂數萬言又重修斯同列代紀年又續纂兄言尚書說明史舉要皆先

代未成之書乾隆初舉博學鴻詞科不就年八十二家遭大火遺書悉焚終日涕洟自以爲負罪先人踰年卒著有分隸偶存二卷言字貞一斯選兄斯年子副榜貢生少隨諸父講社中號精博著有尙書說明史舉要醫與修明史獨成宗廟長編故國輔相子弟多以賄求滅先人罪言悉拒之尤工古文同縣李鄴嗣嘗曰事古而信篤志不分吾不如充宗粹然有得造次儒者吾不如公擇學通古今無所不辨吾不如季野文章名世居然大家吾不如貞一吾邑有萬氏誠天下之望有管邨文集晚出爲五河知縣忤大吏論死子承勳狂走數千里哀金五千贖之歸時稱孝子承勳字開遠諸生以薦用爲磁州知州工詩有冰雪集

胡渭初名渭生字臞明德清人渭年十二而孤母沈攜之避亂山谷間十五爲縣學生入太學篤志經義尤精輿地之學嘗館大學士馮溥邸尙書徐乾學奉詔修一統志開局洞庭山延常熟黃儀顧祖禹太原閻若璩及渭分纂渭著禹貢錐指二十卷圖四十七篇謂漢唐二孔氏宋蔡氏於地理多疏舛如三江當

清史稿

儒林傳二

五

主鄭康成說禹貢達於河河當從說文作荷榮波既豬當從鄭康成作播梁州黑水與導川之黑水不可溷爲一乃博稽載籍考其同異而折衷之山川形勢郡國分合道里遠近夷險一一討論詳明又漢唐以來河道遷徙爲民生國計所繫故於導河一章備考決溢改流之跡留心經濟異於迂儒不通時務間有千慮一失則不屑闕疑之過又撰易圖明辨十卷專爲辨定圖書而作初陳博推闡易理衍爲諸圖其圖本準易而生故以卦爻反覆研求無不符合傳者務神其說遂歸其圖於伏羲謂易反由圖而作又因繫辭河圖洛書之文取大衍算數作五十五點之圖以當河圖取乾鑿度太乙行九宮法造四十五點之圖以當洛書其陰陽奇偶亦一一與易相應傳者益神其說又真以爲龍馬神龜之所負謂伏羲由此而有先天之圖實則唐以前書絕無一字符驗而突出於北宋之初由邵子以及朱子亦但取其數之巧合而未究暇其太古以來從誰授受故易學啟蒙易本義前九圖皆沿其說同時袁樞薛季宜皆有異論然宋史儒林傳易學啟蒙朱子本屬蔡元定創彙非朱子自撰晦菴大全集載答劉

君房書曰啟蒙本欲學者且就大傳所言卦畫善數推尋不須過爲浮說而自今觀之如河圖洛書亦不免尙有賸語至於本義卷首九圖爲門人所依附朱子當日未嘗堅立其說元陳應潤作又變義蘊始指諸圖爲道家假借吳澄歸有光諸人亦相繼排擊毛奇齡黃宗義爭之尤力然皆各據所見抵其罅隙尙未能窮溯本末一一抉所自來渭則於河圖洛書五行九宮參同先天太極龍圖易數鉤隱圖啓蒙圖書先天後天卦變象數流弊皆引據舊文互相參證以箱依托之口使學者知圖書之說乃修鍊術數二家旁分易學之支流非作易之根柢視禹貢錐指尤爲有功經學又撰洪範正論五卷謂漢人專取災祥推衍五行穿鑿附會事同譏緯亂舛倫攸敘之經其害一洛書本文其在洪範非龜文宋儒創爲黑白之點方員之體九十之位變書爲圖以至九數十數劉牧蔡季通紛紜更定其害二洪範元無錯簡王柏胡一中等任意改竄其害三渭又撰大學翼真七卷大旨以朱子爲主僅謂格致一章不必補傳力闢王學改本之誤所見切實視泛爲性命理氣之談者勝之遠矣渭經術湛深學有根柢

清史稿

儒林傳二

六

故所論一軌於正漢儒傳會之談宋儒變亂之論掃而除焉康熙四十三年聖祖南巡渭以禹貢錐指獻行在聖祖嘉獎御書者年篤學四大字賜之儒者咸以爲榮五十二年卒年八十有二渭子彥昇字國賢雍正八年進士刑部主事改山東定陶縣知縣著春秋說四書近是叢書要錄又於樂律尤有心得著樂律表徵八卷渭同郡葉佩孫字丹穎歸安人亦治古易不言圖書著易守四十卷於易中三聖人所未言者不加一字故曰守

毛奇齡字大可又名姓蕭山人四歲母口授大學即成誦總角陳子龍爲推官奇愛之遂補諸生明亡哭於學宮三日山賊起竄身城南山築土室讀書其中順治三年明保定伯毛有倫以寧波兵至西陵奇齡入其軍中是時馬士英方國安與有倫犄角奇齡曰方馬國賊也明公爲東南建義旗何可與二賊共事國安聞之大恨欲殺之奇齡遂脫去後怨家屢陷之乃變姓名爲王士方亡命浪游及事解以原名入國學康熙十八年薦舉博學鴻儒科試列二等授翰林院檢討充明史纂修官二十四年充會試同考官尋假歸得痺疾遂不復出初

著毛詩續傳三十八卷既以避讎流寓江淮間失其藥乃就所記憶著國風省篇詩札毛詩寫官記復在江西參議道施閩章所與胡廣楊洪才說詩作白鷺洲主客說詩一卷明嘉靖中鄞人豐坊偽造子貢詩傳申培詩說行世奇齡作詩傳詩說駁議五卷引證諸書多所糾正洎通籍進所著古今通韻十二卷聖祖善之詔付史館歸田後賦居杭州著仲氏易一日著一卦凡六十四日而書成託於其兄錫齡之緒言故曰仲氏又著推易始末四卷春秋占筮書二卷易小帖五卷易韻四卷河圖洛書原舛編一卷太極圖說遺議一卷其言易發明荀虞干侯諸家旁及卦變卦綜之法奇齡分枝會閩時閱春秋房卷心非胡倫之偏有意撰述至是乃就經文起義著春秋毛氏傳三十六卷春秋簡書刊誤二卷春秋屬辭比事記四卷條例明晰考據精核又欲全著禮經以衰病不能乃次第著昏喪祭禮宗法廟制及郊社禘祫明堂學校諸問答多發先儒所未及至於論語大學中庸孟子各有考證而大學證文及孝經問授據古今辨後儒改經之非持論甚正奇齡淹貫羣書所自負者在經學然好為駁辨他人所

清史稿

儒林傳二

七

已言者必力反其詞古文尙書自宋吳棫後多疑其偽及閩若璩作疏證奇齡力辨為真遂作古文尙書苑詞又刪舊所作尙書廣聽錄為五卷以求勝於若璩而周禮儀禮奇齡又以爲戰國之書所作經問指名攻駁者惟顧炎武閩若璩胡渭三人以三人博學重望足以攻擊而餘子以下不足齒錄其傲視如此素曉音律家有明代宗藩所傳唐樂笛色譜直史館據以作竟山樂錄四卷及在籍聞聖祖諭樂羣臣以徑一圓三隔八相生之法因推闡考證撰聖諭樂本解說二卷皇言定聲錄八卷三十八年聖祖南巡奇齡迎駕於嘉興以樂本解說二卷進溫諭獎勞聖祖三巡至浙奇齡復謁行在賜御書一幅五十二年卒於家年九十一門人蔣樞編輯遺集分經集文集二部經集自仲氏易以下凡五十種文集合詩賦序記及他雜著凡二百三十四卷四庫全書收奇齡所著書目多至四十餘部奇齡辨正圖書排擊異學尤有功於經義弟子李塨陸邦烈盛唐王錫章大來邵廷采等著錄者甚衆李塨廷采自有傳邦烈字又超平湖人嘗取奇齡經說所載衰爲聖門釋非錄五卷謂聖門口語未可盡非云

閩若璩字百詩太原人世業顯築僑寓淮安父修齡以詩名家若璩幼多病讀書聞記不出聲年十五以商籍補山陽縣學生員研究經史深造自得嘗集陶宏景皇甫謐語題其柱云一物不知以爲深恥遭人而問少有暇日其立志如此海內名流過淮必主其家年二十讀尙書至古文二十五篇即疑其譌沈潛三十餘年乃盡得其癥結所在作古文尙書疏證八卷引經據古一一陳其矛盾之故古文之偽大明所列一百二十八條毛奇齡尙書古文苑詞百計相軋終不能以強辭奪正理則有據之言先立於不可敗也康熙元年遊京師旋改歸太原故籍補廩膳生十八年應博學鴻儒科試報罷崑山顧炎武以所撰日知錄相質即爲改定數條炎武虛心從之編修汪琬著五服考異若璩糾其謬尙書徐乾學款服及乾學奉敕修一統志開局洞庭山若璩與其事若璩於地理尤精審山川形勢州郡沿革瞭如指掌撰四書釋地五卷及於人名物類訓詁典制事必求其根柢言必求其依據旁參互證多所貫通又據孟子七篇參以史記諸書作孟子生卒年月考一卷又著潛邱劄記六卷毛朱詩說一卷手

清史稿

儒林傳二

八

校困學紀聞二十卷因浚儀之舊而較正箋說推廣之又有日知錄補正喪服異注宋劉敞李燾馬端臨王應麟四家逸事博湖掌錄諸書世宗在潛邸聞其名延入邸中索觀所著書每進一篇必稱善疾革請移就城外以大牀爲輿上施青紗帳二十人舁之出安穩如牀實康熙四十四年卒年六十九世宗遣使經紀其喪親製詩四章復爲文祭之有云讀書等身一字無假孔思周情旨深言大僉謂非若璩不能當也子詠康熙四十八年進士官中書舍人亦能文同時山陽學者有李鐙吳玉搢鐙字公凱順治十八年進士補奉天蓋平縣知縣康熙十八年薦應博學鴻儒科試授翰林院編修與修明史海官內閣學士所著有讀書雜述史斷王士禛稱爲有本之學玉搢字藉五官鳳陽府訓導著山陽志遺金石存說文引經考六書述部敘考又著別雅五卷辨六書之假借深爲有功非俗儒馴竊所能彷彿也

惠周惕字元龍原名恕吳縣人父有聲以九經教授鄉里與徐枋善周惕少從枋遊又曾受業于汪琬康熙十八年舉博學鴻儒科丁憂不與試二十年成進

士選翰林院庶吉士散館改密雲縣知縣有善政卒於官周惕遂於經學爲文章有樂度著有易傳春秋三禮問及硯谿詩文集其詩說二卷謂大小雅以音別不以政別謂正雅變雅美刺錯陳不必分六月以上爲正六月以下爲變文王以下爲正民勞以下爲變謂二南二十六篇皆房中之樂不必泥其所指何人謂天子諸侯均有頌魯頌非僭其言並有依據清二百餘年談漢儒之學者必以東吳惠氏爲首惠氏三世傳經周惕其創始者也子士奇字天牧康熙五十年進士選翰林院庶吉士授編修兩充會試同考官聖祖嘗問廷臣誰工作賦內閣學士蔣廷錫以王頊齡湯右曾及士奇三人對五十七年孝惠章皇后升祔禮成特命祭告炎帝舜陵故事祭告使臣學士以上乃得開列士奇以編修與異數也五十九年充湖廣鄉試正考官尋提督廣東學政以經學倡多士三年之後通經者多又謂校官古博士也校官無博士之才弟子何所效法訪得海陽進士翁廷資即具疏題補韶州府教授部議格不行聖祖曰惠士奇所舉諒非徇私著如所請後不爲例雍正初復命留任召還入對不稱旨罰

清史稿

儒林傳二

九

修鎮江城以產盡停工削籍乾隆元年復起爲侍讀免欠修城銀令纂修三禮越四年告歸卒於家士奇盛年兼治經史晚尤邃於經學撰易說六卷禮說十四卷春秋說十五卷於易雜釋卦爻以象爲主力矯王弼以來空疏說經之弊於禮疏通古音古字俱使無疑似復援引諸子百家之文或以證明周制或以參考鄭氏所引之漢制以遞觀周制而各闡其制作之深意於春秋事實據左氏論斷多采公穀大致出於宋張大亨春秋五禮例宗沈崇春秋比事而典核過之大學說一卷晚出親民不讀新民論格物不外本末終始先後即紮矩之外外上下前後左右亦能根極理要又著交食舉隅三卷琴笛理數考四卷子七人棟最知名棟字定字元和學生員自幼篤志向學家多藏書日夜講誦於經史諸子稗官野乘及七經絃緯之學靡不津逮小學本爾雅六書本說文餘及急就章經典釋文漢魏碑碣自玉篇廣韻而下勿論也乾隆十五年詔舉經明行修之士陝甘總督尹繼善兩江總督黃廷桂交章論薦會大學士九卿索所著書未及呈進罷歸棟於諸經熟治貫串謂誥訓古字古音非經師不能辨

作九經古義二十二卷尤邃於易其撰易漢學八卷掇拾孟喜虞翻荀爽緒論以見大凡其末篇附以己意發明漢易之理以辨正河圖洛書先天太極之學易例二卷乃鎔鑄舊說以發明易之本例實爲棟論易諸家發凡其撰周易述二十三卷以荀爽虞翻爲主而參以鄭康成宋咸于寶之說約其旨爲注演其說爲疏書垂成而疾革遂闕革至未濟十五卦及序卦雜卦兩傳雖爲未善之書然漢學之絕者千有五百餘年至是而粲然復明撰明堂大道錄八卷禘說二卷謂禘行於明堂明堂法本於易古文尙書考二卷辨鄭康成所傳之二十四篇爲孔壁真古文東晉晚出之二十五篇爲僞又撰後漢書補注二十四卷王士禎精華錄訓纂二十四卷九隴齋筆記松崖文鈔諸書嘉定錢大昕嘗論宋元以來說經之書盈屋充棟高者蔑古訓以誇心得下者襲人言以爲己有獨惠氏世守古學而棟所得尤精擬諸前儒當在何休服虔之間馬融趙岐輩不及也卒年六十二其弟子知名者余蕭客江聲最爲純實蕭客字古農長洲人撰古經解鈎沈三十卷凡唐以前舊說自諸家經解所引旁及史傳類書片

清史稿

儒林傳二

十

語單詞悉著於錄清代經學昌明著述之家爭及於古蕭客是書其一也蕭客又撰文選紀聞三十卷文選音義八卷聲自有傳陳厚耀字泗源泰州人康熙四十五年進士官蘇州府教授大學士李光地薦其通天文算法引見改內閣中書上命試以算法繪三角形令求中綫及弧背尺寸厚耀具劄以進皆如式授翰林院編修入直內廷厚耀學問淵博直內廷後兼通幾何算法於是其學益進遷國子監司業轉左春坊左諭德以老乞致仕卒於家厚耀以天算之法治春秋嘗補杜預長麻爲春秋長麻十卷其凡有四一曰麻證備引漢書續漢書晉書唐書宋史元史左傳注疏春秋屬辭天元麻理諸說以證推步之異其引春秋屬辭載杜預論日月差謬一條爲注疏所無又引大衍麻義春秋麻考一條亦唐志所未錄二曰古麻以古法十九年爲一章一章之首推合周麻正月朔日冬至前列表以春秋十二公紀年橫列爲四章縱列十二公積而成表以求麻元三曰麻編舉春秋二百四十二年推其朔閏及月之大小而以經傳干支爲證佐述杜預之說而考辨之四

曰麻存古麻推隱公元年正月庚戌朔杜氏長麻則為辛巳朔乃古麻所推上年十二月朔謂元年以前失一閏蓋以經傳干支排次知之厚耀則謂如預之說元年至七年中書日者雖多不失而與二年八月之庚辰四年二月之戊申又不能合且隱公三年二月己巳朔日食桓公三年七月壬辰朔日食亦皆失之蓋隱公元年以前非失一閏乃多一閏因定隱公元年正月為庚辰朔較長麻退兩月推至僖公五年止以下朔閏一一與杜麻相符故不復續推焉又撰春秋戰國異辭五十四卷通表二卷據遺一卷春秋世族譜一卷鄒平馬騶為釋史兼采三傳國語國策厚耀則皆據於五書之外獨為其難氏族一書與顧棟高大事表互證春秋氏族之學幾乎備矣厚耀又著禮記分類十七史正譌諸書今不傳

臧琳字玉林武進人諸生治經以漢注唐疏為主教人先以爾雅說文曰不解字何以讀書不通訓詁何以明經鍵戶著述世無知者有尙書集解百二十卷經義雜記三十卷閩若璩稱其深明兩漢之學錢大昕校定其書云實事求是

清史稿

儒林傳二

十一

別白精密而未嘗輕詆前哲斯真務實而不近名者元孫庸本名鏞堂字在東與弟禮堂俱事錢塘盧文弼沈默樸厚學術精審其高祖將絕之學擬經義雜記為拜經日記八卷高郵王念孫稱之其敘孟子年譜辨齊宣王潛王之誤閩縣陳壽祺歎為絕識又著拜經文集四卷月令雜說一卷樂記二十三篇注一卷孝經考異一卷子夏易傳一卷詩考異四卷韓詩遺說二卷訂譌一卷校鄭康成易注二卷其輯子夏易傳辨此傳為漢韓嬰作非卜子夏其詩考異大旨如王伯厚但逐條必自考輯不依循王本庸初因寶應劉台拱獲交儀徵阮元其後館元署中為多元寫其書為副本以原本還其家嘉慶十六年卒年四十五禮堂字和貴事親孝父繼宏久瘡冬月畏火禮堂潛以身溫被居喪如禮笑不見齒母遘危疾刲股合藥私禱於神減齒以延親壽娶婦胡初婚夕教以孝弟長言令熟聽乃合登一家感而化之尤精小學善督校為四方賢士所貴師事錢大昕業益進好許氏說文解字為說文經考十三卷幕古孝子孝女孝婦事作孝傳百數十卷尙書集解案六卷三禮注校字六卷春秋注疏校正

六卷卒年三十

任啟運字聖宜興人少讀孟子至卒章輒哽咽大懼道統無傳家貧無藏書從人借閱夜之膏火持書就月至移牀不輟事父母以孝聞年五十四舉於鄉雍正十一年計偕至都會世宗問有精通性理之學者尙書張照以啟運名上特詔廷試以太極似何物對進呈御覽得旨嘉獎會成進士遂於臚唱前一日引見特授翰林院檢討在阿哥房行走上嘗問以朝聞夕死之旨啟運對以生死一理未知生焉知死上曰此是賢人分上事未到聖人地位從此作去久自知之逾年抱疾賜藥賜醫越月謝恩特諭繞廊而進面稱知汝非堯舜不敢以陳於王前務令自愛令侍臣扶掖以出且遙望之高宗登基仍命在書房行走署日講起居注官尋擢中九四年遷侍講督侍講學士七年擢都察院左僉都御史八年充三禮館副總裁官尋升宗人府丞九年卒於賜第年七十五賜帑金治喪具賜祭葬啓運學宗朱子嘗謂諸經已有子朱子傳獨未及禮經乃著肆獻禮儀食禮三卷以儀禮特性少年饋食禮皆士禮因據三禮及他傳記

清史稿

儒林傳二

十二

之有關王禮者推之不得於經則求諸注疏以補之凡五篇一曰祭統二曰吉蠲三曰朝踐四曰正祭五曰釋祭其名則取周禮以肆獻裸享先王以饋食享先王之文較之黃幹所續祭禮更為精密又宮室考十三卷於李如圭釋宮之外別為類次曰門曰觀曰朝曰廟曰寢曰塾曰宇曰等威曰名物曰門大小廣狹曰明堂曰方明曰辟雍考據頗為精核儀禮一經久成絕學啟運研究鉤貫使條理秩然不愧窮經之目又禮記章句十卷以大學中庸朱子既成章句則曲禮以下四十七篇皆可釐為章句但所傳篇次序列紛錯爰仿鄭康成序儀禮例更其前後併為四十二篇其有關倫紀之大而為秦漢元明輕變易者則衆著其說以俟後之論禮者酌取外有周易洗心九卷四書約指十九卷孝經章句十卷夏小正注竹書紀年考逸書補孟子時事考清芬樓文集等書其周易洗心則年六十時作觀象玩辭時闡精理啟運研窮刻苦既受特達之知益思報稱年七十二猶書自責語曰孔曾思孟實惟汝師日而命汝汝頑不知痛自懲責涕泗漣漣嗚呼老矣瞑目為期及總裁三禮館喜甚因盡發中秘所儲

平心參訂目管手寫漏常二十刻不輟論必本天道酌人情務求合朱子遺意而心神煎耗竟以是終十四年詔學經學上諭有任啟運研究經術敦樸可嘉之語三十七年命中外蒐集古今羣書高宗諭曰歷代名臣洎本朝士林夙望向有詩文專集及近時沈潛經史原本風雅如顧棟高陳祖范任啟運沈德潛輩亦各著成編並非勦說危言可比均應概行查明在坊肆者或量為給價家藏者或官為裝印至有未經鐫刊祇係鈔本存留者不妨鈔錄副本仍將原本給還庶幾副在石渠用儲一覽於是上啓運所著書四種入四庫中

全祖望字紹衣鄞縣人十六歲能為古文討論經史證明掌故補諸生雍正七年督學王蘭生選以充貢入京師旋舉順天鄉試戶部侍郎李紱見其文曰此深寄東發後一人也乾隆元年薦舉博學鴻詞是春會試先成進士選翰林院庶吉士不再與試時張廷玉當國與李紱不相能並惡祖望祖望又不往見二年散館寘之最下等歸班以知縣用遂不復出方詞科諸人未集紱以問祖望祖望為記四十餘人各列所長性伉直既歸貧且病饑殮不給人有所餽弗受

清史稿

儒林傳二

十三

主叢山端谿書院講席為士林仰重二十年卒於家年五十有一祖望為學淵博無涯洙於書無不貫串在翰林與紱共借永樂大典讀之每日各盡二十卷時開明史館復為書六通移之先論藝文次論表次論忠義隱逸兩列傳皆以其言為躋生平服膺黃宗羲宗羲表章明季忠節諸人祖望益廣修枋社掌故桑海道聞以益之詳盡而核實可當續史宗羲宋元學案甫創草蕪祖望博采諸書為之補輯編成百卷又七枝水經注三箋困學紀聞皆足見其汲古之深又答弟子董秉純張炳將學舖盧鎬等所問經史疑義錄為經史問答十卷儀徵阮元嘗謂經學史才詞科三者得一足傳而祖望兼之其經史問答實足以繼古賢啟後學與顧炎武日知錄相埒晚年定文彙刪其十七為鮚埼亭文集五十卷弟子同縣蔣學鏞字聲始乾隆三十六年舉人從祖望得聞黃萬學派學鏞尤得史學之傳董秉純字小鈍乾隆十八年拔貢補廣西那地州州判升秦安縣知縣全祖望文內外集均秉純一手編定

沈彤字果堂吳江人自少力學以窮經為事貫串前人之異同折衷至當乾隆

元年薦舉博學鴻詞報罷與修三禮及一統志書成授九品官以親老歸形淹通三禮以歐陽修有周禮官多田少祿且不給之疑後人多沿其說即有辨者不過以攝官為詞乃詳究周制撰周官祿田考以辨正歐說分官爵數公田數祿田數三篇積算至為精密其說自鄭注賈疏以後可云特出又撰儀禮小疏一卷取士冠禮士昏禮公食大夫禮喪服士喪禮為之疏箋足訂舊義之譌其果堂集十二卷多訂正經學之文若周官頒田異同說五溝異同說井田軍賦說釋周官地征等篇皆援據典核又撰春秋左氏傳小疏尚書小疏氣穴考略內經本論形性至孝親歿三年中不茹葷不內寢居恒每講求經世之務所著保甲論其後吳德旋見之稱為最善云卒年六十五蔡德晉字仁錫無錫人雍正四年舉人乾隆二年禮部尚書楊名時薦德晉經明行修授國子監學正遷工部司務德晉嘗謂橫渠以禮教人最得孔門博約之旨故其律身其嚴其論三禮多前人所未發著禮經本義十七卷禮傳本義二十卷通禮五十卷盛世佐字庸三秀水人官貴州龍里知縣撰儀禮集編四十卷集衆解而研辨之持

清史稿

儒林傳二

十四

論謹嚴又楊復儀禮圖久行於世然其說本注疏而時有並注疏之意失之者一一是正至於諸家謬誤辨之尤詳焉

江永字慎修婺源人為諸生數十年博通古今專心十三經注疏而於三禮功尤深以朱子晚年治禮為儀禮經傳通解書未就黃氏楊氏相繼纂續亦非完書乃廣摭博討大綱細目一從吉凶軍嘉賓五禮舊次題曰禮經綱目凡八十八卷引據諸書釐正發明實足終朱子未竟之緒嘗一至京師桐城方苞荆谿吳紱質以禮經疑義皆大折服讀書好深思長於比勘明推步鍾律聲韻歲實消長前人多論之者梅文鼎略舉授時而亦疑之永為之說當以恒氣為率隨其時之高衝以算定氣而歲實消長勿論其說至為精當其論黃鍾之宮據管子呂氏春秋以正淮南子其論古韻平上去三聲皆當為十三部入聲當為八部而三代以上之音始有條不紊晚年讀書有得隨筆撰記謂周易以反對為次序卦變當於反對取之否反為泰泰反為否故小往大來大往小來是其例也凡曰來曰下曰反自反卦之外卦來居內卦也曰往曰上曰進曰升自反卦

之內卦往居外卦也又謂兵農之分春秋時已然不起於秦漢證以管子左傳兵常近國都野處之農固不隸於師旅也其於經傳稽考精審多類此所著有周禮疑義舉要七卷禮記訓義擇言六卷深衣考誤一卷律呂圖徵十卷律呂新論二卷春秋地理考實四卷鄉黨圖考十一卷讀書隨筆十二卷古韻標準四卷四聲切韻表四卷音學辨微一卷河洛精蘊九卷推步法解五卷七政衍金水二星發微冬至權度恒氣注麻辨歲實消長辨麻學補論中西合法擬草各一卷近思錄集注十四卷考訂朱子世家一卷乾隆二十七年卒年八十二弟子甚衆而戴震程瑤田金榜尤得其傳震榜自有傳瑤田字易畧歎人讀書好深沈之思學於江氏乾隆三十五年舉人選授太倉州學正以身率教廉潔自持告歸之日錢大昕王鳴盛皆贈詩推重至與平湖陸隴其並稱嘉慶元年舉孝廉方正同時舉者推錢大昭江聲陳體三人阮元獨謂瑤田足以冠之平生著述長於旁搜曲證不屑依傍傳注所著曰喪服足徵記宗法小記清瀟瀟里小記禹貢三江考九穀考聲折古義水地小記解字小記聲律小記考工創清史稿 儒林傳二 十五

物小記釋草釋蟲小記年老目盲猶口授孫輩成琴音記東原戴氏自謂尙遜其精密 褚寅亮字指升長洲人乾隆十六年召試舉人內閣中書官至刑部員外郎寅亮少以博雅名心思精銳於史書魯魚一見便能訂其誤謬中年覃精經術一以注疏爲歸從事禮經幾三十年墨守家法專主鄭學鄭氏周禮禮記注安庸人羣起嗤點之獨儀禮爲孤學能發揮者固絕無而謬加指摘者亦尙少惟教繼公集說多巧竄經文陰就已說後儒苦經注難讀喜其平易無疵之者萬斯大沈彤於鄭注亦多所糾駁至張爾岐馬駟但粗爲演繹其於叔氏之似是而非均未正其失也寅亮著儀禮管見三卷於叔氏洞見其癥結驅豁其茅霧時公羊何氏學久無循習者所謂五始三科九旨七等六輔二類之義不傳於世惟武進莊存與默會其解而寅亮能闡發之撰公羊釋例二十篇謂三傳惟公羊爲漢學孔子作春秋本爲後王制作背誦公羊者實違經旨又因何邵公言禮有殷制有時王之制與周禮不同作周禮公羊異義二卷世稱爲絕業又

長於算術著句股廣問三卷校正三統術衍刊本誤字甚多其中月相求六切之數句六切當作七切推闡餘所在加十得一句加十當作加七皆寅亮說也著有十三經筆記十卷諸史筆記八卷諸子筆記二卷名家文集筆記七卷藏於家四十六年以病告歸主常州龍城書院八年五十五年卒年七十六 盧文昭字召弓餘姚人父存心乾隆初舉博學鴻詞科文昭乾隆十七年一甲進士授翰林院編修上書房行走歷官左春坊左中允翰林院侍讀學士三十年充廣東鄉試正考官三十一年提督湖南學政以條陳學政事宜部議降三級用三十三年乞養歸文昭孝謹篤厚潛心漢學與戴震段玉裁友善好校書所校逸周書孟子音義荀子呂氏春秋賈誼新書韓詩外傳春秋繁露方言白虎通獨斷經典釋文諸善本鏤板惠學者又苦鏤板難多則合經史子集二十八種而名之曰羣書拾補所自著書有抱經堂集三十四卷儀禮注疏詳校十七卷鍾山劄記四卷龍城劄記三卷廣雅釋天以下注二卷皆使學者正積非蓄疑渙釋其言曰唐人之爲義疏也本單行不與經注合單行經注唐以後

尚多善本自宋後附疏於經注而所附之經注非必孔賈諸人所據之本也則兩相齟齬矣南宋後又附經典釋文於注疏間而陸氏所據之經注又非孔賈諸人所據也則齟齬更多矣淺人必比而同之則彼此互改多失其真幸有改之不盡以滋其齟齬啟人考核者故注疏釋文合刻似便而非古法也其特識多類此文昭歷主江浙各書院講席以經術導士江浙士子多信從之學術爲之一變六十年卒年七十九文昭校書參合各本擇善而從頗引他書改本書而不專主一說故嚴元照詆其儀禮詳校顧廣圻譏其釋文考證後黃丕烈影宋刻書各本同異另編於後兩家各有宗旨亦互相補苴云顧廣圻字千里元和人諸生吳中自惠氏父子後江聲繼之後進翕然多好古窮經之士廣圻讀惠氏書盡通其義論經學云漢人治經最重師法古文今文其說各異若混而一之則輻輳不勝矣論小學云說文一書不過爲六書發凡原非字義盡於此廣圻天質過人經史訓詁天算輿地靡不貫通至於目錄之學尤爲專門時人方之王仲寶阮孝緒兼工校讐同時孫星衍張敦仁黃丕烈胡克家延校宋本

說文禮記儀禮國語國策文選諸書皆爲之札記考定文字有益後學乾嘉間以校書名家文昭及廣圻爲最著云又時爲漢學者多譏宋儒廣圻獨取先儒語錄摘其切近者爲遜翁苦口一卷以教學者著有思適齋文集十八卷道光十九年卒年七十

錢大昕字曉徵嘉定人乾隆十六年召試舉人授內閣中書十九年進士選翰林院庶吉士散館授編修大考二等一名擢右春坊右贊善累充山東鄉試湖南鄉試正考官浙江鄉試副考官大考一等三名擢翰林院侍講學士三十二年乞假歸三十四年補原官入直上書房邊詹事府少詹事充河南鄉試正考官尋提督廣東學政四十年丁父艱服闋又丁母艱病不復出嘉慶九年卒年七十七大昕幼慧善讀書時元和惠棟吳江沈彤以經術稱其學求之十三經注疏又求之唐以前子史小學大昕推而廣之錯綜貫串發古人所未發任中書時與吳煥褚寅亮同習梅氏算術及入翰林禮部尚書何國宗世業天文年已老聞其善算先往見之曰今同館諸公談此道者鮮矣大昕於中西兩法剖

清史稿

儒林傳二

十七

析無遺用以觀史自太初三統四分中至大衍下迄授時朔望薄蝕凌犯進退抉摘無遺漢三統術爲七十餘家之權輿訛文與義無能正之者大昕衍之據班志以閏劉歆之說裁志文之訛二千年已絕之學昭然若發蒙大昕又謂古法歲陰與太歲不同淮南天文訓攝提以下十二名皆謂歲陰所在史記太初元年年名馬逢攝提格者歲陰非太歲也東漢後不用歲陰紀年又不知太歲超辰之法乃以太初元年爲丁丑歲則與史漢之文皆悖矣又謂尙書緯四遊升降之說即西法日躔最高卑之說宋楊忠輔統天術以距差乘躔差減氣汛積爲定積梅文鼎謂郭守敬加減歲餘法出於此但統天求汛積必先減氣差十九日有奇與郭又異文鼎不能言大昕推之同凡步氣朔必以甲子日起算今統天上元冬至乃戊子日不值甲子依授時法當加氣應二十四日有奇乃得從甲子起今減去氣差是以上元冬至後甲子日起算也既如此當減氣應三十五日有奇今減十九日有奇者去躔差之數不算也求天正經朔又減閏差者經朔當從合朔起算今推得統天上元冬至後第一朔乃乙丑戊初二刻

弱故必減閏差而後以朔實除之即授時之朔應也大昕始以辭章名沈德潛吳中七子詩選大昕居一既乃研精經史於經義之衆訟難決者皆能剖析源流文字音韻訓詁天算地理氏族金石以及古人爵里事實年齒瞭如指掌古人賢姦是非疑似難明者典章制度昔人不能明斷者皆有確見惟不喜二氏書嘗曰立德立功立言吾儒之不朽也先儒言釋氏近於墨子以爲釋氏亦終於揚氏爲己而已彼棄父母而學道是視己重於父母也大昕在館時常與修音韻述微續文獻通考續通志一統志天球圖諸書所著有唐石經考異一卷經典文字考異一卷聲類四卷廿二史考異一百卷唐書史臣表一卷唐五代學士年表二卷宋學士年表一卷元史氏族表三卷元史藝文志四卷三史拾遺五卷諸史拾遺五卷通鑑注辨證三卷四史朔閏考四卷吳興舊德錄四卷先德錄四卷洪文惠洪文敏王伯厚王弁州四家年譜各一卷疑年錄三卷潛學堂文集五十卷詩集二十卷潛學堂金石文跋尾二十五卷養新錄二十二卷恒言錄六卷竹汀日記鈔三卷族子塘坊能傳其學塘字學淵乾隆四十五

清史稿

儒林傳二

十八

年進士改教職選江寧府學教授塘少大昕七歲相與共學又與大昕弟大昭及弟玷相切磋爲實事求是之學於聲音文字律呂准步尤有神解著律呂古義六卷據所得漢虞偃銅尺正荀勗以劉歆銅斛尺爲周尺之非謂周本八寸尺不古律可以制律律必用十寸尺即昔人所云夏尺周尺因夏商周因唐虞古律當無異度又史記三書釋疑三卷於律歷天官家言皆究其原本而以他書疏通證明之律書上九商八羽七角六宮五徵九數語注家皆不能曉小司馬疑其數錯塘據淮南子太元經證之始信其確又著泮宮雅樂釋律四卷說文聲繫二十卷淮南天文訓補注三卷其所作古文曰述古編凡四卷卒年五十六玷字獻之副榜貢生游京師朱筠引爲上客以直隸州州判官於陝與洪亮吉孫星衍討論訓詁輿地之學論者謂玷沈博不及大昕而精當過之嘉慶二年教匪擾陝西玷時署華州率衆禦賊力竭其衝城無弓矢仿古爲合竹強弓厚背紙爲翎二人共發之達百五十步又以意爲發石之法石重十斤達三百步前後斃賊無算城獲全以積勞得末疾引歸著史記補注百三十卷詳於

音訓及郡縣沿革山川所在陝甘總督松筠重其品學親至臥榻問疾索未刊著述姑取付之曰三十年精力盡於此書矣十一年卒年六十六又有詩音表一卷車制考一卷論語後錄五卷爾雅釋義十卷釋地以下四篇注四卷十經文字通正書十四卷說文對詮十四卷新解注地理志十六卷漢書十表注十卷聖賢冢墓志十二卷

王鳴盛字鳳喈嘉定人幼從長洲沈德潛受詩後又從惠棟問經義遂通漢學乾隆十九年以一甲進士授翰林院編修大考翰詹第一擢侍讀學士充福建鄉試正考官尋擢內閣學士兼禮部侍郎坐濫支驛馬左遷光祿寺卿丁內艱遂不復出鳴盛性儉素無聲色玩好之娛晏坐一室吟唔如寒士嘗言漢人說經必守家法自唐貞觀撰諸經義疏而家法亡宋元豐以新經學取士而漢學殆絕今好古之儒皆知崇注疏矣然注疏惟詩三禮及公羊傳猶是漢人家法他經注則出魏晉人未為醇備著尙書後案三十卷專述鄭康成之學若鄭注亡逸采馬王注補之孔傳雖出東晉其訓詁猶有傳授間一取焉又謂東晉所

清史稿

儒林傳二

十九

獻之太誓偽而唐人所斥之太誓非偽故附書今文太誓一篇存古之功自謂不減惠氏周易述也又著周禮軍賦說四卷發明鄭氏之旨又十七史商榷一百卷於一史中紀志表傳互相稽考因而得其異同又取神史叢說以證其舛誤於輿地職官典章名物每致詳焉別撰蛾術編一百卷其為目十說錄說字說地說制說人說物說集說刻說通說系蓋仿王應麟顧炎武之意而援引尤博詩以才輔學以韻達情古文用歐曾之法闡許鄭之義有詩文集四十卷嘉慶二年卒年七十六弟子同縣金日追字對揚諸生深於九經正義每有疑議隨條輒錄先成儀禮注疏正偽十七卷阮元奉詔校勘儀禮石經多采其說時同縣通經學者有吳凌雲字得青嘉慶五年歲貢讀書深造經師遺說靡不通貫嘗假館錢大昕屏守齋盡讀所藏書學益遂所著十三經攷異援據精核多前人所未發又經說三卷小學說廣韻說各一卷海鹽陳其幹為合刊之題曰吳氏遺著

戴震字東原休甯人讀書好深湛之思少時塾師授以說文三年盡得其節目

年十六七研精注疏實事求是不主一家與郡人鄭牧汪肇龍方矩程瑤田金榜從婺源江永游震出所學質之永永為之駭歎永精禮經及推步鍾律音聲文字之學惟震能得其全性特介年二十八補諸生家屢空而學日進與吳縣惠棟吳江沈彤為忘年友以避讎入都北方學者如獻縣紀昀大興朱筠南方學者如嘉定錢大昕王鳴盛餘姚盧文昭青浦王昶皆折節與交尙書秦蕙田纂五禮通考震任其事焉乾隆二十七年舉鄉試三十八年詔開四庫館徵海內淹貫之士司編校之職總裁薦震充纂修四十年特命與會試中式者同赴殿試賜同進士出身改翰林院庶吉士震以文學受知出入著作之庭館中有奇文疑義輒就咨訪震亦思勤修其職晨夕披檢無間寒暑經進圖籍論次精審所校大戴禮記水經注尤精核又於永樂大典內得九章五曹算經七種皆王錫闡梅文鼎所未見震正譌補脫以進得旨刊行四十二年卒於官年五十有五震之學由聲音文字以求訓詁由訓詁以尋義理謂義理不可空憑胸臆必求之於古經求之古經而遺文垂絕今古懸隔必求之古訓古訓則古經

清史稿

儒林傳二

二十

明古經明則賢人聖人之義理明而我心之同然者乃因之而明義理非他存乎典章制度者也彼岐古訓義理而二之是古訓非以明義理而義理不寓乎典章制度勢必流入於異學曲說而不自知也震為學精誠解辨每立一義初若創獲及參考之果不可易大約有三曰小學曰測算曰典章制度其小學書有六書論三卷聲韻考四卷聲類表九卷方言疏證十卷漢以後轉注之學失傳好古如顧炎武亦不深省震謂指事象形諸聲會意四者為書之體假借轉注二者為書之用二字具數用者為假借數字共一用者為轉注初哉首基之皆為始印吾台予之皆為我其義轉相注也又自漢以來古音浸微學者於六書之故靡所從入顧氏古音表入聲與廣韻相反震謂有入無入之韻當兩兩相配以入聲為之樞紐真至仙十四韻與脂微齊皆灰五韻同入聲東至江四韻及陽至登八韻與支之佳哈蕭宵肴豪尤侯幽十一韻同入聲侵至凡九韻之入聲則從廣韻無與之配魚虞模歌戈麻六韻廣韻無入聲今同以鐸為入聲不與唐相配而古音遞轉及六書諸聲之故皆可由此得之皆古人所未發

其測算書原象一卷迎日推策記一卷句股割圓記三卷麻問一卷古麻考二卷續天文略三卷策算一卷自漢以來嗜人不知有黃極西人入中國始云赤道極之外又有黃道極是為七政恆星右旋之樞此為六經所未有震謂西人所云赤極即周牌之正北極也黃極即周牌之北極瑯瓊也虞書在瑯瓊玉衡以齊七政蓋設瑯瓊以擬黃道極也黃極在柱史星東南上弼少弼之間終古不隨歲差而改赤極居中黃極環繞其外周牌固已言之不始於西人也震所著典章制度之書未成有詩經二南補注二卷毛鄭詩考四卷尙書義考一卷儀經考正一卷考工記圖二卷春秋即位改元考一卷大學補注一卷中庸補注一卷孟子字義疏證三卷爾雅文字考十卷經說四卷水地記一卷水經注四十卷九章補圖一卷屈原賦注七卷通釋三卷原善三卷緒言三卷直隸河渠書一百有二卷氣穴記一卷藏府算經論四卷非法贅言四卷文集十卷震卒後其小學則高郵王念孫金壇段玉裁傳之測算之學則曲阜孔廣森傳之典章制度之學則興化任大椿傳之皆其弟子也後十餘年高宗以震所校水

清史稿

儒林傳二

二十一

經注問南書房諸臣曰戴震尙在否對曰已死上惋惜久之王念孫段玉裁孔廣森任大椿自有傳金榜字輔之歙縣人乾隆二十九年召試舉人授內閣中書軍機處行走三十七年一甲一名進士授翰林院修撰散館後養病讀書不復出卒於家師事江永友戴震著禮箋十卷刺取其大者數十事為三卷寄朱珪珪序之以為詞精義核榜治禮最尊康成然博稽而精思慎求而能斷嘗援鄭志答趙商云不信亦非悉信亦非斯言也敢以為治經之大法故鄭義所未衷者必糾正之於鄭氏家法不敢誣也

段玉裁字若膺金壇人生而穎異讀書有兼人之資乾隆二十五年舉人至京師見休寧戴震好其學遂師事之以教習得貴州玉屏縣知縣旋調四川署富順及南溪縣事又辦理化林坪站務時大兵征金川輓輸絡繹玉裁處分畢輒籌鑿著述不輟著六書音均表五卷古韻自顧炎武析為十部後江永復析為十三部玉裁謂支佳一部也脂微齊皆灰一部也之哈一部也漢人猶未嘗借通用音未而後乃少有出入迄乎唐之功令支注脂之同用佳注皆同用灰

注哈同用於是古之截然為三者罕有知之又謂真臻先與諄文殷魂痕為二尤幽與侯為二得十七部其書始名詩經韻譜羣經韻譜嘉定錢大昕見之以為鑿破混沌後易其體例增以新加十七部蓋如舊也震偉其所學之精云自唐以來講韻學者所未發尋任巫山縣年四十六以父老引疾歸鍵戶不問世事者三十餘年玉裁於周秦兩漢書無所不讀諸家小學皆別擇其是非於是積數十年精力專說說文著說文解字注三十卷謂爾雅以下義書也聲類以下音書也說文形書也凡篆一字先訓其義次釋其形次釋其音合三者以完一篆故曰形書又謂許以形為主因形以說音說義其所說義與他書絕不同者他書多假借則字多非本義許惟就字說其本義知何者為本義乃知何者為假借則本義乃假借之權衡也說文爾雅相為表裏治說文而後爾雅及傳注明又謂自倉頡造字時至唐虞三代秦漢以及許叔重造說文曰某聲曰讀若某者皆條理合一不紊故既用徐鉉切音又某字志之曰古音第幾部後附六書音均表俾形聲相為表裏始為長編名說文解字讀凡五百四十卷既乃

清史稿

儒林傳二

二十一

隱括之成此注玉裁又以說文者說字之書故有韻如無韻為說經傳之書必兼是二者漢人作注於字發疑正讀其例有三讀如讀若者擬其音也比方之詞讀為讀曰者易其字也變化之詞當為者定為字之誤聲之誤而改其字也救正之詞三者分而漢注可讀而經可讀述漢讀考先成周禮六卷又撰禮經漢讀考一卷其他十六卷未成儀徵阮元謂玉裁書有功於天下後世者三言古音一也言說文二也漢讀考三也其他說經之書以漢志毛詩經毛詩古訓傳本各自為書因釐次傳文還其舊者重訂毛詩古訓傳三十卷以諸經惟尙書離厄最甚古文幾亡賈逵分別古今劉向是正文字其書皆不存乃廣蒐補闕正晉唐之妄改存周漢之駁文著古文尙書撰異三十二卷又錄左氏經文取鄭注禮周禮存古文今文故事之例附見公羊穀梁經文之異著春秋左氏古經十二卷而以左氏傳五十凡附後外有毛詩小學三十卷汲古閣說文訂六卷經韻樓集十二卷二十年卒年八十一初玉裁與念孫俱師震故戴氏有段王兩家之學玉裁少震四歲謙專執弟子禮雖老或稱震必垂手拱立朔望

必莊誦震手札一通卒後王念孫謂其弟子長洲陳奐曰若膺死天下遂無讀
書人矣王裁弟子長洲徐頌嘉興沈濤及女夫仁和龔麗正俱知名而奐尤得
其傳奐自有傳鈕樹玉字匪石吳縣人篤志好古不為科舉之業精研文字聲
音訓詁謂說文懸諸日月而不刊者也後人以新附清之誣許君矣因博稽載
籍著說文新附考六卷續考一卷又著說文解字校錄三十卷樹玉後見玉裁
書著段氏說文注訂八卷所駁正之處皆有依據徐承慶字夢祥元和人乾隆
五十一年舉人官至山西汾州府知府著段注匡謬十五卷其攻瑕索癥尤勝
鈕氏之書皆力求其是非故為吹求者

孫志祖字詒穀仁和人乾隆三十一年進士改刑部主事洊升郎中擢江南道
監察御史乞養歸志祖清修自好讀經史必釋其疑而後已著讀書勝錄七卷
考論經子雜家折衷精詳不為武斷之論又家語疏證六卷謂王肅作聖證論
以攻康成又偽撰家語飾其說以欺世因博集羣書凡肅所勦竊者皆疏通證
明之又謂孔叢子亦王肅偽託其小爾雅亦肅借古書以自文並作疏證以辨

清史稿

儒林傳二

二十三

其妄幼熟經文選後乃仿韓文考異之例參稽衆說正本之誤為文選考異
四卷又輯前人及朋輩論說為文選注補正四卷又有文選理學權輿補一卷
輯風俗通逸文一卷補正姚之駟輯謝承後漢書五卷嘉慶六年卒年六十五
翟灝字大川亦仁和人乾隆十九年進士官金華衢州府學教授灝見聞淹博
又能搜奇引痺嘗與錢塘梁玉繩論王肅撰家語難鄭氏欲搜考以證其謬因
握筆互疏所出頃刻數十事時方被酒旋罷去未竟棄其精力殊絕人也著有
爾雅補郭二卷以爾雅郭注未詳未聞者百四十二科刑疏補言其十餘仍闕
如乃參稽衆家一一備說又云古爾雅當有釋禮篇與釋樂篇相隨祭名與講
武旌旂三章乃釋禮之殘缺失次者又著四書考異七十二卷皆貫串精審為
世所推他著又有家語發覆通俗篇湖山便覽無不宜齋詩文彙五十二年卒
梁玉繩字隴北錢塘人增貢生家世貴顯玉繩不志富貴自號清白士嘗語弟
履繩曰後漢襄陽樊氏顯重當時子孫雖無名德盛位世世作書生門戶願與
弟共勉之故玉繩年未四十棄舉子業專心撰著其督記七卷多釋經之文有

裨古義玉繩尤精乙部書著史記志疑三十六卷據經傳以糾乖違參班荀以
究同異大昕稱其書為龍門功臣著人表考九卷謂班氏借用禹貢田賦九等
之目造端自馬遷史記李將軍傳云李蔡為人在下中其說頗是履繩字處素
乾隆五十三年舉人與兄玉繩相齟齬有元方季方之目其於衆經中尤精左
氏傳謂隋志載賈逵解詁服虔解義各數十卷今俱亡佚杜氏參用賈服仲達
作疏間有稱引未視其全亦如馬融諸儒之說僅存單文隻義唐以後注左氏
者惟張洽趙汭最為明哲大抵詳書法而略紀載履繩綜覽諸家旁采衆籍以
廣杜之所未備作左通補釋三十二卷又有未成者五門曰廣傳攷異駁證古
音臆說錢大昕見其書歎為絕詣通說文下筆鮮俗字年四十六卒汪家禧字
漢郊仁和人諸生穎敏特異通漢易作易消息解所著書數十卷燬於火其友
秀水莊仲方門人仁和許乃穀輯其遺文為東里生燼餘集三卷文多說經粹
然有家法

清史稿

儒林傳二

二十四

劉台拱字端臨寶應人性至孝六歲母朱氏歿哀如成人事繼母鍾氏與親母
同九歲作顏子頌斐然成章觀者稱為神童中乾隆三十五年舉人屢試禮部
不第是時朝廷開四庫館海內方聞綴學之士雲集台拱在都與學士朱筠編
修程晉芳庶吉士戴震學士邵晉涵及其同郡御史任大椿給事中王念孫等
交遊稽經攷古且夕討論自天文律呂至於聲音文字靡不該貫其於漢宋諸
儒之說不專一家而惟是之求精思所到如與古作者晤言一室而知其意指
之所在比之問若璩蓋相伯仲也段玉裁每謂潛心三禮吾所不如選丹徒縣
訓導取儀禮十七篇除喪服外各繪為圖與諸生習禮容為發明先王制作之
精意迎兩親學署雍雅色養年雖五十有孺子之暮嘗客他所忽心痛驟歸母
病危甚乃悉心奉湯藥衣不解帶者數旬母病遂愈速丁內外艱水漿不入口
既歛枕苫啜粥哭泣之哀震動鄰里居喪蔬食五年出就外寢以哀毀過情卒
年五十有五與同郡汪中為文章道義交中歿撫其孤喜係賴以成立武進臧
庸常以說經之文請益台拱善之恤其窮調其困飲食教誨十七年如一日庸
心感焉台拱慕黃叔度之為人王昶稱其有曾閔之孝著有論語駢枝經傳小

記國語補校荀子補注方言補校淮南子補校漢學拾遺文集都為端臨遺書
凡八卷同邑朱彬字武曹乾隆六十年舉人彬幼有至行年十一喪母哀戚如
成人長丁父憂歛葬盡禮三年蔬食居外自少至老好學不厭承其鄉王懋茲
經法與外兄劉台拱互相切磋每有所得輒以書札往來辨難必求其是而後
已於訓詁聲音文字之學用力尤深著有經傳考證八卷禮記訓纂四十九卷
虎觀諸儒所論議鄭志弟子之問答以及魏晉以降諸儒之訓釋書鈔通典御
覽之涉是書者一以注疏為主擬其精要緯以古今諸說其附以己意者皆援
據精確發前人所未發他著有游道堂詩文集四卷道光十四年卒年八十有
二子士彥吏部尚書自有傳

孔廣森字衆仲曲阜人孔子六十八代孫襲封衍聖公傳鐸之孫戶部主事繼
汾之子乾隆三十六年進士選翰林院庶吉士散館授檢討年少入官性淡泊
賦著述不與人通謁告養歸不復出及居大母與父喪竟以哀卒時乾隆五
十一年年三十五廣森聰穎特達嘗受經戴震姚鼐之門經史小學沈覽妙解

清史稿

儒林傳二

二十五

所學在公羊春秋嘗以左氏舊學溼於征南穀梁本義汨於武子王祖游謂何
休志通公羊往往為公羊疾其餘啖助趙匡之徒又橫生義例無當於經唯
趙汭最為近正何氏體大思精然不無承訛率臆於是旁通諸家兼采左穀擇
善而從著春秋公羊通義十一卷序一卷凡諸經籍義有可通於公羊者多著
錄之其不同於解詁者大端有數事謂古者諸侯分土而守分民而治有不純
臣之義故各得紀年於其境內而何邵公謂唯王者然後改元立號經書元年
為託王於魯則自蹈所云反傳違戾之失其不同一也謂春秋分十二公而為
三世舊說所傳聞之世隱桓莊閔僖也所聞之世文宣成襄也所見之世昭定
哀也顏安樂以為襄公二十三年邾婁來奔云邾婁無大夫此何以書以
近書也又昭公二十七年邾婁來奔傳云邾婁無大夫此何以書以近書也
二文不異同宜一世故斷自孔子生後即為所見之世從之其不同二也謂桓
十七年經無夏二家經皆有夏獨公羊脫耳何氏謂夏者陽也月者陰也去夏
者明夫人不繫於公也所不敢言其不同三也謂春秋上本天道中用王法而

下理人情天道者一日時二日月三日日王法者一日讓二日貶三日絕人情
者一日尊二日親三日賢此三科九旨而何氏文證例云三科九旨者新周固
宋以春秋當新王此一科三旨也又云所見異辭所聞異辭所傳聞又異辭二
科六旨也又內其國而外諸夏內諸夏而外夷狄是三科九旨也其不同四也
他如何氏所據間有失者多所裨損以成一家之言又謂左氏之事詳公羊之
義長春秋重義不重事皆好學深思心知其意其為說能融會貫通使是非之
旨不謬於聖人大旨見自序中儀徵阮元謂讀其書始知聖志之所在又著有
大戴禮記補注十四卷詩聲類十三卷禮學厄言六卷經學厄言六卷少廣正
負術內外篇六卷駢體兼有漢魏六朝初唐之勝江都汪中讀之歎為絕手然
廣森不自足作堂於其居名曰儀鄭自庶幾於康成桐城姚鼐謂其將以孔子
之裔傳孔子之學雖康成猶不足以限之惜奔走家難勞思天年不充其志藝
林有遺憾焉

清史稿

儒林傳二

二十六

邵晉涵字二雲餘姚人乾隆三十六年進士歸班銓選會開四庫館特詔徵晉
涵及歷城周永年休寧戴震仁和余集等入館編纂改翰林院庶吉士授編修
四十五年充廣西鄉試正考官五十六年大考遷左中允擢侍講學士充文淵
閣直閣事日講起居注官晉涵左目皆清願善讀書四部七錄靡不研究嘗謂
爾雅者六藝之津梁而邢疏淺陋不稱乃別為正義二十卷以郭璞為宗而兼
采舍人樊劉李孫諸家郭有未詳者據他書附之自是承學之士多舍邢而從
邵尤長於史以生在浙東習聞劉宗周黃宗義諸緒論說明季事往往出於正
史之外在史館時見永樂大典采薛居正五代史乃薈萃編次得十之八九復
采冊府元龜太平御覽諸書以補其缺並參考通鑑長編諸史及宋人說部碑
碣辨證條繫悉符原書一百五十卷之數書成呈御覽館臣請仿劉昫舊唐書
之例列於廿三史刊布學宮詔從之由是薛史與歐陽史並傳矣嘗謂宋史自
南渡後多謬慶元之間褒貶失實不如東都有王偁事略也欲先輯南都事略
使條貫粗具詞簡事增又欲為趙宋一代之志俱未卒業其後鎮洋畢沅為續
宋元通鑑屬晉涵刪補考定故其續餘稍見於審正續通鑑中晉涵性狷介不

為要人屈管與會稽章學誠論修宋史宗旨晉潘曰宋人門戶之習語錄庸陋之風誠可鄙也然其立身制行出於倫常日用何可廢耶士大夫博學工文雄出當世而於辭受取與出處進退之間不能無算豆萬鍾之擇本心既失其他又何議焉此著宋史之宗旨也學誠聞而發然他著有孟子述義穀梁正義韓詩內傳考並足正趙岐范甯及王應麟之失而補其所遺又有皇朝大臣說述錄方輿金石編目輯軒日記南江詩文藝嘉慶元年卒年五十有四周永年字書昌歷城人博學貫通為時推許乾隆三十六年進士與晉潘同徵修四庫書改翰林院庶吉士授編修四十四年充貴州鄉試副考官永年在書館好深沈之思四部兵農天算術數諸家鉤稽精義褒貶悉當為同館所推重見宋元遺書湮沒者多見采於永樂大典中於是抉摘編摩自永新劉氏兄弟公是非集以下凡得十餘家皆前人所未見者咸著於錄又以為釋道有惑儒者獨乃開借書園聚古今書籍十萬卷供人閱覽傳鈔以廣流傳借永年歿後漸就散佚則未定經久之法也

清史稿

儒林傳二

二十七

王念孫字懷祖高郵州人父安國官吏部尚書諡文肅自有傳八歲讀十三經畢旁涉史鑑高宗南巡以大臣子迎鑾獻文冊賜舉人乾隆四十年進士選翰林院庶吉士散館改工部主事升郎中擢陝西道御史轉吏科給事中嘉慶四年仁宗親政時川楚教匪猖獗念孫陳勦賊六事首勸大學士和珅疏語援據經義大契聖心是年授直隸永定河道六年以河隄漫口罷特旨留督辦河工工竣賞主事銜河南衛家樓河決命往查勘又命馳赴臺莊治河務尋授山東運河道在任六年調永定河道會東河總督與山東巡撫以引黃利運異議召入都決其是非念孫奏引黃入湖不能不少淤然暫行無害詔許之已而永定河水復異漲如六年之隘念孫自引罪得旨休致道光五年重宴鹿鳴卒年八十有九念孫故精熟水利書官工部著導河議上下篇及奉旨纂河源紀略議者或誤指河源所出念孫力辨其謬議乃定紀略中辨認一門念孫所撰也既罷官日以著述自娛著讀書雜志分逸周書戰國策管子荀子晏子春秋墨子淮南子史記漢書漢隸拾遺都八十二卷於古義之晦於鈔之誤寫校之妄改

皆一一正之一字之證博及萬卷其精於校錄如此初從休寧戴震受聲音文字訓詁其志經熟於漢學之門戶手編詩三百篇九經楚詞之韻分古音為二十一部於支脂之三部之分段玉裁六書音均表亦見及此其分至祭盍輯為四部則段書所未及也念孫以段書先出遂輟作又以邵晉涵先為爾雅正義乃撰廣雅疏證日三字為程閱十年而書成凡三十二卷其書就古音以求古義引伸觸類擴充於爾雅說文無所不達然聲音文字部分之嚴一絲不亂蓋藉張揖之書以納諸說而實多揖所未知及同時惠棟戴震所未及嘗語子引之曰詁訓之旨存乎聲音字之聲同聲近者經傳往往假借學者以聲求義破其假借之字而讀本字則渙然冰釋如因假借之字強為之解則結綯不通矣毛公詩傳多易假借之字而訓以本字已開改讀之先至康成箋詩注禮屢云某讀為某假借之例大明後人或病康成破字者不知古字之多假借也又曰說經者期得經意而已不必墨守一家引之因推廣庭訓成經義述聞十五卷經傳釋辭十卷周秦名字解詁字典考證論者謂有清經術獨絕千古高郵王

清史稿

儒林傳二

二十八

氏一家之學三世相承與長洲惠氏相埒云引之字伯申嘉慶四年一甲進士授編修大考一等擢侍講懋官至工部尚書福建署龍溪令朱履中誣布政使李庶芸受賄總督汪志伊巡撫王紹蘭劾之對簿無佐證而持之愈急庶芸不堪遂自經命引之識之平反其獄罷督撫官為禮部侍郎時有議為生祖母承重丁憂三年者引之力持不可會奉使去持議者據奏行之引之還疏陳庶祖母非祖敵體不得以承重論緣情即終身持服不足以報罔極制禮則承重之義不能加於支庶請復治喪一年舊例遂更正道光十四年卒諡文簡同州李惇字成裕乾隆四十五年進士惇與同縣王念孫買田祖同力於學始為諸生為學使謝塘所賞將選拔貢會田祖卒於旅舍惇經營殯事不與試塘歎為古人江藩好詆訶前人惇謂之曰王子雍若不作聖證論以攻康成豈非醇儒其而規人過如此著有學經讀小八卷考諸經古義二百二十餘事多前人所未發四十九年卒年五十一田祖字稻孫諸生通左氏春秋有春秋左氏通解宋絲初字守端亦高郵人乾隆四十二年拔貢生官五河清河訓導遠深經術長

於說詩著韓詩內傳四卷又有釋服二卷

江中守容甫江都人生七歲而孤家貧不能就外傳母鄒授以四子書稍長助書買書於市因徧讀經史百家過目成誦遂爲通人年二十補諸生乾隆四十二年拔貢生提學使者謝埔每試別置一榜署名諸生前嘗曰余之先容甫爵也若以學當北面事之其敬中如此以母老竟不朝考五十一年侍郎朱珪主江南試謂人曰吾此行必得汪中爲選首不知其不與試也中顯意經術與高郵王念孫寶應劉台拱爲友共討論之其治尙書有尙書考異治禮有儀禮校本大戴禮記校本治春秋有春秋述義治小學有爾雅校本及小學說文求端中嘗謂國朝古學之興顧炎武開其端河洛矯誣至胡渭而絀中西推步至梅文鼎而精力攻古文者閻若璩也專治漢易者惠棟也凡此皆千餘年不傳之絕學及戴震出而集其大成擬作六儒頌未成又嘗博考先秦古籍三代以上學制廢興使知古人所以爲學者凡虞夏第一周禮之制第二周衰列國第三孔門第四七十子後學者第五又列通論釋經舊聞典籍數典世官目錄凡

清史稿

儒林傳二

二十九

六而自題其端曰觀周禮太史云云當時行一事則有一書其後執書以行事又其後則事廢而書存至宋儒以後則並其書之事而去之矣又曰有官府之典籍有學士大夫之典籍故老之傳聞行一事有一書傳之後世奉以爲成憲此官府之典籍也先王之禮樂政事遭世之衰廢而不失有司徒守其文故老能言其事好古之君子閱其浸久而遂亡也而書之簡畢此學士大夫之典籍也又曰古之爲學士者官師之長但教之以其事其所誦者詩書而已其他典籍則皆官府藏而世守之民間無有也苟非其官亦無有也其所謂士者非王侯公卿大夫之子則一命之士外此則鄉學小學而已自辟雍之制無聞太史之官失守於是布衣有授業之徒草野多載筆之士教學之官記載之職不在上而在下及其衰也諸子各以其學鳴而先王之道荒矣然當諸侯去籍秦政焚書有司所掌蕩然無存猶賴學士相傳存其一二斯不幸中之幸也又曰孔子所言則學士所能爲者留爲世教若其政教之大者聖人無位不復以教子弟又曰古人學在官府人世其官故官世其業官既失守故專門之學廢其

書彙草略具亦未成後乃即其考三代典禮及文字訓詁名物象數益以論撰

之文爲述學內外篇凡六卷其有功經義者則有若釋三九婦人無主答問女子許嫁而婿死從死及守志議居喪釋服解義其表章經傳及先儒者則有若周官徵文左氏春秋釋疑荀卿子通論賈誼新書序其他考證之文亦有依據中又熟於諸史地理山川既要講畫瞭然著有廣陵通典十卷秦蠶食六國表金陵地圖攷生平於詩文書翰無所不工所作廣陵對黃鶴樓銘漢上琴臺銘皆見稱於時他著有經義知新記一卷大戴禮正誤一卷遺詩一卷五十九年卒年五十一中事母以孝聞左右服勞不辭煩辱居喪哀戚過人其於知友故舊沒後衰落相存問過於從前道光十一年旌孝子中子喜孫自有傳同郡人爲漢學者又有江德量徐復汪光燾德量字量殊江都人父恂好金石文字伯父昱通聲音訓詁之學德量少承家學及長與汪中友勵志肄經學益進乾隆四十四年一甲進士授翰林院編修改江西道御史居朝多誠信聞博通掌故公餘鍵戶以文籍自娛著有古泉志三十卷五十八年卒年四十二復字心仲

清史稿

儒林傳二

三十

亦江都人通九章算術光燾字晉蕃儀徵人陳生博通經史嘗辨惠氏易爻辰圖之謬又作萬稗釋時人服其精核武億字虛谷偃師人父紹周進士官吏部郎中億居父母喪哀痛毀瘠以讀書自勵時伊洛溢屋坻架冷以居斧朽木燎寒誦讀不輟已復從大興朱筠遊益爲博通之學乾隆四十五年進士五十六年授山東博山縣知縣縣山多土瘠民不務農地產石炭石礬燒作玻璃器皿商賈輻輳億問土俗利病免玻璃入貢革煤炭供饋里馬草豆不以累民創范泉書院進其秀者與之講敦倫理務實學而決辭無留獄雨即沛有以賄于者未敢進億廉知之值迅雷曰汝不聞雷聲乎吾矢禱久矣賄者惶悚而止與情大治五十七年大學士和珅領步軍統領事聞妄人言山東逆匪王倫未定死密遣番役四出蹤跡之於是番役頭目杜成德等十一人橫行州縣入博山境手鐵尺飲博莫敢誰何億悉執之成德尤偏強按法痛杖之喧傳其事者曰億幽莽利無罪將累上官巡撫吉慶遂以濫責平民刻能之而不直書其事億蒞任僅七月及去民攜老弱千餘人

走大府乞留我好官不可得則日爲運致薪米門如市焉吉慶亦感動因入親
借億行爲籌捐復大學士公阿桂謂吉慶曰例禁番役出京畿奈何貴縣令按
法之非且隱其賢而動強項吏何也吉慶深自悔而格於部議遂歸嘉慶四年
十月仁宗諭朝臣密舉京外各員內操守端潔才猷幹濟於平日居官事蹟可
據者得赴部候旨召用億在所舉中十一月縣令捧檄至門而億先以十月卒
矣年五十有五億學問醇粹於七經注疏三史洩水通鑑皆能闡誦既能官貧
不能歸所至以經史訓話教授生徒勇於著錄有羣經義證七卷經讀考異九
卷金石三跋十卷金石文字續跋十四卷假師金石記四卷安陽金石錄十三
卷又有三禮義證授堂劄記詩文集等書皆旁引遠徵遇微解輒剖抉精蘊比
辭達意以成一例大興朱珪稱億不愧好古遺直云

莊述祖字葆琛武進人世父存與官禮部侍郎自有傳述祖乾隆四十五年進
士官山東濰縣知縣明暢吏治刑獄得中豪猾斂跡督勘地畧以爲斥鹵也
述祖指路旁草問何名曰馬帚述祖笑曰此於經石并夏正弄秀記時凡沙土

清史稿

儒林傳二

三十一

草莽者宜不何謂謙蒙皆服甲寅以卓異引見還檄授桃源同知不一月乞養
歸著書色養者十六年未嘗一日離左右二十一年卒述祖傳存與之學研求
精密於世儒所忽不經意者覃思獨闢洞見本末著述皆義理宏達爲前賢未
有以爲連山亡而尚存夏小正歸藏亡而尚有倉頡古文略可稽求義類故著
夏小正經傳考釋以斗柄南門職女記天行之不變以參中大中紀日度之差
以二月丁卯知夏時以正月甲寅敘歷爲麻元歲祭爲郊萬用入學爲禘著古
文甲乙篇謂許叔重始一終亥偏旁條例所由出日辰幹支黃帝世大撓所作
沮誦蒼頡名之以易結繩伏羲畫八卦作十言之教之後以此三十二類爲正
名百物之本故歸藏爲黃帝易就許氏偏旁條例以幹支別爲序次凡許書所
存及見於金石文字者分別部居書未竟而條理粗具其餘五經悉有撰著旁
及逸周書尙書大傳史記白虎通於其外句訛字佚文脫簡易次換弟草薙腋
補成有證據無不疏通曠然思慮之表若而稽古人而整比之也所著夏小正
經傳攷釋十卷尙書今古文攷證七卷毛詩考證四卷毛詩周頌口義三卷五

經小學述二卷歷代載籍足徵錄一卷弟子職集解一卷漢鏡歌句解一卷石
鼓然疑一卷文鈔七卷詩鈔二卷存與孫綬甲字卿珊家盡通家學尤爲述祖
所愛重著尙書考異三卷釋書名一卷同族壯有可字大久勤學力行老而彌
篤取諸注傳精研義理句櫛字比合諸儒之書以正其是非而自爲之說於易
書詩禮春秋皆有撰述凡四十二種四百二十餘卷

戚學標字鶴泉太平人幼從天台齊召南遊稱高第高宗巡江浙學標獻南巡
頌乾隆四十五年成進士官河南涉縣知縣縣苦闕布征學標請於大府得減
額權林縣有兄弟爭產者集李白句爲斗粟謠以諷皆感悔性強項多與上官
齟齬卒以是能後改寄波教授未幾歸從事撰述精考證著漢學諸聲二十三
卷總論一卷川說文以明古音謂六書之學三曰形聲聲不離形形者聲之本
也而聲又隨乎氣氣有陰有陽故一字之音或從陰或從陽或陽而陰或陰而
陽或陰陽各造其偏昔人知其然故但以某聲者明字音所出以揣其本以讀
若某設爲譬況之詞使人依類而求即離絕遠去而因此聲之本以究此聲之

清史稿

儒林傳二

三十二

變無患其不合說文從某某聲從某某亦聲從某某省聲從某某讀若某某讀
與某某同竝二端兼舉聲音之學莫備於此後人惑於徐氏所附孫愼音切不
究本讀而一二宿儒言古音如吳械陳第顧炎武江永之流亦第就韻書辨析
不知說文形聲相繫韻書就聲言聲說文聲氣相求韻書祇論同聲之應其部
居錯雜分合類出見學者苟趣其便衷於一讀且狃於平上去入之界之不
可移易諧聲之法廢而說文之學晦矣其書論聲一本許氏由本聲以推變聲
既列本注旁搜古讀以爲之證末附說文補考二卷多辨正二徐謬誤又有毛
詩證讀若干卷詩聲辨定陰陽譜四卷四書偶談四卷內外篇二卷字易二卷
鶴泉文鈔二卷

江有誥字晉三歙縣人通音韻之學得顧炎武江永兩家書嗜之忘寢食謂江
書能補顧所未及而分部仍多罅漏乃析江氏十三部爲二十一與戴震孔廣
森多暗合書成寄示段玉裁玉裁深重之曰余與顧氏孔氏皆一於考古江氏
戴氏則兼以審音晉三於前人之說擇善而從無所偏徇又精於呼等字母不

惟古音大明亦使今韻分爲二百六部者得其剖析之故韻學於是大備矣著
有詩經韻讀羣經韻讀楚辭韻讀先秦韻讀漢魏韻讀唐韻四聲正諸聲表入
聲表二十一部韻譜唐韻再正唐韻更定部分總名江氏音學十書王念孫父
子皆服其精晚歲著說文六書錄說文分韻譜道光末室災焚其稿有諸老而
日自鬱鬱遂卒

陳熙晉原名津字析木義烏人優貢生以教習官貴州開泰龍里普定知縣仁
懷同知擢湖北宜昌府知府權開泰時教匪蔣昌華擾黎平將與大獄熙晉縛
其渠而貸諸脅從全活無算龍里民以釘鞵殺人已誣服而兇驗不合心疑焉
一日方慮囚見叢人中有曳釘鞵鞵者命執而鞠之痕宛合遂款服普定俗
糾衆相雄長號其魁曰牛叢其獲盜不謁之官輒積薪焚殺之先是有挾讎焚
三尸者吏不敢捕熙晉期必得重緝以法風頓革其守宜昌也楚大水流庸衆
宜昌畢力撫綏籍城垣以工代賑會秩滿將行爲留六閱月歲其事送者數千
人皆泣下乞養歸未幾卒熙晉遂於學積書數萬卷訂疑糾謬務窮原委取

清史稿

儒林傳二

三十三

裁精審嘗謂杜預解左氏有三蔽劉光伯規之而書久佚惟正義引一百七十
三事孔穎達皆以爲非乃刺取經史百家及近儒著述以明劉義其杜非而劉
是者中之杜是而劉非者釋之杜劉兩說義俱未安則證諸羣言斷以己意成
春秋規過考信九卷又謂隋經籍志載光伯左氏述義四十卷不及規過據孔
穎達序稱習杜義而攻杜氏疑規過即在述義中舊唐書經籍志載述義三十
七卷較隋志少三卷而多規過三卷此其證也正義於規杜一百七十三事外
又得一百四十三事蓋皆述義之文其異杜者三十事駁正其少殆唐初奉敕
刪定者爲令典黨同伐異勢會使然乃參稽得失援據羣言成春秋述義拾遺
八卷他著有古文孝經述義疏證五卷帝王世紀一卷貴州風土記三十二卷
黔中水道記四卷宋大夫集箋注三卷駱臨海集箋注十卷日損齋筆記考證
一卷文集八卷征帆集四卷李誠字靜軒黃巖人嘉慶十八年拔貢生官雲南
姚州州判終順甯知縣撰十三經集解二百六十卷首題漢魏諸家之說次采
近人精確之語而唐宋諸儒之徵實者亦不廢焉嘗謂記水之書自鄆道元下

代不乏人而言山者無成編乃作萬山綱目六十卷又水道提綱補訂二十八
卷宦游日記一卷徵言管窺三十六卷醫家指迷一卷

丁杰原名錦鴻字升衡歸安人乾隆四十六年進士寧波府學教授杰純孝誠
篤嘗奔走滇南迎父柩歸葬少家貧就書肆中讀肆力經史旁及說文音韻算
數初至都適四庫館開任事者延之佐校遂與朱筠戴震盧文弨金榜程瑤田
等相講習杰爲學長於校讐與盧文弨最相似得一書必審定句讀博稽他本
同異於大戴禮用功尤深著有大戴禮記釋又易鄭注久佚宋王應麟哀輯成
書惠棟復有增入杰審視兩本以爲多舛入鄭氏易乾鑿度注又漢書注所云
鄭氏乃即注漢書之人非康成乃刊其譌定其是復摘補其未備者周易鄭注
後定凡十二卷胡渭禹貢錐指號爲絕學杰摘其誤甚多嘗謂緯書移河爲界
在齊呂頃閩八流以自廣河患之棘由九河堙廢而害始於齊管仲能臣必不
自貽伊戚班固叙溝洫志云商竭周移秦決南淮自茲距漢北亡八支則九河
之塞當在秦楚之際矣惠棟尙書大傳輯本杰以爲疏舛如鮮度作荆以詰四

清史稿

儒林傳二

三十四

方誤讀困學紀聞此謬之甚者五行傳文不類讀後漢書注始知誤連皇覽也
杰嘗與翁方綱補正朱彝尊經義考序年月博采見聞以相證合又與許言彥
闡釋墨子上下經大有端緒方言善本始於戴震杰采獲裨益最多盧文弨以
爲不在戴下漢隸字原考正錢塘謂得隸之義例杰又言字母二十六字不可
增併不可顛倒見端知邦非精照爲孤清不可增濁聲也疑泥孃明微來日爲
孤濁不可增清聲也非即邦之輕唇不可併於敷微即明之輕唇不可併於奉
影爲曉之深喉喻爲匣之深喉曉匣影喻不可顛倒爲影曉喻匣也所著書有
小西山房文集嘉慶十二年卒年七十子授經嘉慶二年優貢傳經六年優貢
皆能世其家學有雙丁之目授經佐其友嚴可均造甲乙丙丁長編以校定說
文周春字松靄海甯人乾隆十九年進士官廣西岑溪縣知縣革陋規幾微不
以擾民有古循吏風以憂去官岑溪人構祠祀焉嘉慶十五年重赴鹿鳴二十
年卒年八十七春博學好古兩親服闋年未五十不謁選著十三經音略十三
卷專考經音以陸氏釋文爲權輿參以玉篇廣均五經文字諸書音字必審音

音必歸母謹嚴細密絲毫不假他著又有中文孝經一卷爾雅補注四卷小學餘論二卷代北姓譜二卷遼金元姓譜一卷遼詩話一卷選材錄一卷杜詩雙聲疊韻譜括略八卷

孫星衍字淵如陽湖人少與同里楊芳燦洪亮吉黃景仁文學相齊袁枚品其詩曰天下奇才與訂忘年交星衍雅不欲以詩名深究經史文字音訓之學旁及諸子百家皆必通其義乾隆五十二年以一甲進士授翰林院編修充三通館校理五十四年散館試厲志賦用史記駒胸如畏大學士和珅疑為別字置三等改部故事一甲進士改部或奏請留館又編修改官可得員外前此吳文煥有成案坤示意欲使往見星衍不肯屈節曰主事終擢員外何汲汲求人為自是編修改主事遂為成例官刑部為法寬恕大學士阿桂尚書胡季堂悉器重之有疑獄輒令依古義平議所平反全活甚眾退直之暇輒理舊業存升郎中六十年授山東兗沂曹濟道嘉慶元年七月曹南水漫灘潰決單縣地星衍與按察使康基田鳩工集夫五日夜從上游築隄退禦之不果決基田謂此役

清史稿 卷三十五

省國家數百萬帑金也尋權按察使凡七閱月平反數百條活死罪誣服者十餘獄濰縣有武人犯法賄和坤門屬託大吏星衍訪捕鞠之械和門來者於衝及回本任值曹工漫溢星衍以無工處所得疏防咎特旨予留任曹工分治引河三道星衍治中段畢工校濟東道登萊道上下段省三十餘萬先是河工分賠之員或得羨餘謂之扣費星衍不取悉以給引河工費時曹工尚未合河督巡撫亟奏合龍移星衍任尋又奏稱合而復開開則分賠兩次墻工銀九萬兩當半屬後任而司事者並以歸星衍星衍亦任之曰吾既兼河務不能不為人受過也四年丁母憂歸浙撫阮元聘主詁經精舍星衍課諸生以經史疑義及小學天部地理算學詞章不十年舍中士皆以撰述名家服闋入都仍發山東十年補督糧道十二年權布政使值侍郎廣興在省按章供張煩擾星衍不肯妄支後廣以賄敗豫東兩省多以支庫獲罪星衍不與焉十六年引疾歸星衍博極羣書勤於著述又好聚書聞人家藏有善本借鈔無虛日金石文字靡不考其源委醫病古文尚書為東晉梅賾所亂官刑部時即集古文尚書馬鄭

注十卷逸文二卷歸田後又為尚書今古文注疏三十九卷其序例云尚書古注散佚今刺取書傳升為注者五家三科之說一司馬遷從孔氏安國問故是古文說一書大傳伏生所傳歐陽高大夏侯勝小夏侯建是今文說一馬氏融鄭氏康成雖有異同多本衛氏宏賈氏逵是孔壁古文說皆疏明出典其先秦諸子所引古書說及緯書白虎通等漢魏諸儒今文說許氏說文所載孔壁古文注中存其異文異字其說則附疏中其意在網羅放失舊聞故錄漢魏人佚說為多又兼采近代王鳴盛江聲段玉裁諸人書說惟不取趙宋以來諸人注以其時文籍散亡較今代無異聞又無師傳恐滋臆說也凡積二十二年而後成其他撰輯有周易集解十卷夏小正傳校正三卷明堂考三卷考注春秋別典十五卷爾雅廣雅詁林編五卷魏三體石經殘字考一卷孔子集語十七卷晏子春秋音義二卷史記天官書考證十卷建立伏博士始末二卷寶字訪碑錄十二卷金石萃編二十卷續古文苑二十卷詩文集二十五卷二十二三年卒年六十六星衍晚年所著書多付文登畢亨嘉興李貽德為卒其業享原名

清史稿 卷三十六

以田字恬谿初從休寧戴震游精漢人古訓之學尤長於書星衍撰尚書今古文注疏多采亨說每稱以為經學無雙中嘉慶十二年舉人道光六年以大挑知縣分發江西署安義縣有兄殺胞弟案亨執不念鞠子哀浪亂倫刑茲無赦義不准援赦大府怒將劾之會欽程恩澤重亨事乃解後補崇義以積勞卒官年且八十矣著有九水山房文存二卷始德字次白嘉慶二十三年舉人館星衍所相得甚歡著春秋左氏解賈服注輯述二十卷其書援引其博字比句櫛於義有未安者亦加駁難雖使沖遠復生終未敢專樹征南之幟而盡棄舊義也又有詩攷異詩經名物攷周禮賡義十七史考異攷青閣詩鈔夢春廬詞王聘珍字貞吾南城人自幼以力學聞乾隆五十四年學使翁方綱拔貢成均為謝啟昆阮元參訂古籍嘗客浙西與欽凌廷堪論學廷堪深許之為人厚重誠篤廉介自守治經確守後鄭之學著大戴禮記解詁十三卷目錄一卷其言曰大戴與小戴同受業于后倉各取孔壁古文說非小戴刪大戴馬融足小戴也禮察保傳語及秦亡乃孔襄等所合藏是賈誼有取於古記非古記采及新

書也三朝記曾子乃劉氏分風九流非大戴所製集也又曰近代校讐不知家法王肅本點竄此經私定孔子家語反據肅本改易經文又或據唐宋類書如藝文類聚太平御覽之流增刪字句或云據永樂大典改某字作某凡茲數端率以今義繩古義以今音證古音以今文易古文遂使孔壁古奧之經變而文從字順經義由茲而亡故其發凡大旨禮典器數墨守鄭義解詁文字一依爾雅說文及兩漢經師訓詁有不知而闕無杜撰之言如五義義字據周禮注讀若儀五器五字釋若忤青史子引漢書君子養之讀若中心養養之養皆能根據經史發蒙解惑江都焦循稱其不爲增刪一仍其舊列爲三十二讀書贊之一他著經義考補九經學

凌廷堪字次仲歛縣人六歲而孤冠後始讀書慕其鄉江永戴震之學乾隆五十五年進士改教職選甯國府教授奉母之官畢力著述者十餘年嘉慶十四年卒年五十三廷堪之學無所不窺於六書麻算以迄古今疆域之沿革職官之異同靡不條貫尤專禮學謂古聖使人復性者學也所學者即禮也顏淵問

清史稿

儒林傳二

三十七

仁孔子告之者惟禮焉爾顏子歎道之高堅前後近博文約禮然後如有所立即立於禮之立也禮有節文度數非空言理者可託著禮經釋例十三卷謂禮儀委曲繁重必須會通其例如鄉飲酒鄉射燕禮大射不同而其爲獻酢酬旅酬無算爵之例則同聘禮觀禮不同而其爲郊勞執玉行享庭實之例則同特牲饋食少牢饋食不同而其爲尸飯主人初獻主婦亞獻賓長三獻祭畢飲酒之例則同乃區爲八例以明同中之異異中之同曰通例曰飲食例曰賓客例曰射例曰變例曰祭例曰器服例曰雜例禮經第十一篇自漢以來說者雖多由不明尊尊之旨故罕得經意乃爲封建尊尊服制考一篇附於變例之後大興朱珪讀其書贈詩推重之廷堪禮經而外復潛心於樂謂今世俗樂與古雅樂中隔唐人燕樂一關蔡季通鄭世子輩俱未之知因以隋沛公鄭譯五旦七調之說爲燕樂之本又參考段安節琵琶錄張叔夏詞源遼史樂志諸書著燕樂考原六卷江都江藩歎以爲思通鬼神他著有元遺山年譜一卷校禮堂文集三十六卷詩集十四卷儀徵阮元常命子常生從廷堪授士禮又稱其鄉射

清史稿 卷四八七

五物考九拜解九祭解釋性詩楚茨考諸說經之文多發古人所未發其尤卓然者則復禮三篇云同邑洪榜字汝登乾隆二十三年舉人四十一年應天津召試第一授內閣中書卒年三十有五粹於經學著明象未成終於益卦因鄭康成易贊作述贊二卷又明聲均撰四聲均和表五卷示兒切語一卷江氏永切字六百十有六是書增補百三十九字又以字母見溪等字注於廣韻之目每字之上以定喉吻舌齒唇五音蓋其書宗江戴二家之說而加詳焉爲人律身以正待人以誠生平服膺戴震所著孟子字義疏證當時讀者不能通其義惟榜以爲功不在禹下撰震行狀載與彭紹升書朱筠見之曰可不必載戴氏可傳者不在此榜乃上書辨論江藩在吳下見其書歎曰洪君可謂術道之儒矣江龍字辰叔亦延堪同邑人乾隆五十一年舉人嗜古博學尤精於詩嘗讀詩生民元鳥二篇疑鄭箋迹乳卵生之說不若毛詩謂姜嫄簡狄從帝嚳祀郊禘之正遂稽傳箋同異用力於是經者數十年成毛詩異義四卷毛詩申成十卷卒年八十二

清史稿

儒林傳二

三十八

桂馥字冬卉曲阜人乾隆五十五年進士選雲南永平縣知縣卒於官馥博涉羣書尤潛心小學精通聲義嘗謂士不通經不足致用而訓詁不明不足以通經故自諸生以至通籍四十年間日取許氏說文與諸經之義相疏證爲說文義證五十卷力窮根柢爲一生精力所在馥與段玉裁生同時同治說文學者以桂段並稱而兩人兩不相見書亦未見亦異事也蓋段氏之書聲義兼明而尤邃於聲桂氏之書聲亦並及而尤博於義段氏鈎索比傳自以爲能冥合許君之旨勇於自信自成一家之言故破字朔義爲多桂氏教佐許說發揮旁通令學者引申貫注自得其義之所歸故段書約而粹難通關桂書繁而尋省易了夫語其得於心則段勝矣語其便於人則段或未之先也其專臆古籍不下己意則以意在博證求通展轉孳乳觸長無方亦如王氏廣雅疏證阮氏經籍纂詁之類非以己意爲獨斷者及馥就宦滇南追念舊聞隨筆疏記十卷以其細碎比之匠門木材題曰札樸然馥嘗引徐幹中論鄙儒博學務於物名詳於器械考於訓詁摘其章句而不能統其大義之所極以獲先王之心故使學者

一一一三

勞思慮而不知道費日月而無功成謂近日學者風尚六書動成習氣偶涉名物自負倉雅略講點畫妄議斯冰叩以經典大義茫乎未之聞也此尤為同時小學家所不能言足以鍼盲起廢他著有晚學集十二卷許瀚字印林日照人道光十五年舉人官蠟縣教諭博綜經史及金石文字訓詁尤深至校勘宋元明本書籍精審不減黃丕烈顧廣圻晚年為靈石楊氏校刊桂馥說文義證於清河甫成而板燬於捻寇並所藏經籍金石俱盡遂挹鬱而沒年七十他著有韓詩外傳勘誤琴古小廬文

江聲字叔漢元和人七歲就傅讀書問讀書何為師以取科第為言聲求所以進於是者年二十九遭父疾晨夕侍牀不解衣帶至自滌穢察視穢以驗疾進退及居憂哀毀骨立逾三年容戚然如新喪者侍母疾居喪亦如父歿時族黨哀其至行既孤因不復事科舉業讀尚書怪古文與今文不類又怪孔傳非安國所為年三十五師事同郡通儒惠棟得讀所著古文尚書考及閻若璩古文疏證乃知古文及孔傳皆晉時人偽作於是集漢儒之說以注二十九篇漢清 史 稿 儒林傳二 三十九

注不備則旁考他書精研古訓成尚書集注音疏十二卷附補遺九條識偽字一條尚書集注音疏前後述外編一卷尚書經師系表也經文注疏皆以古篆書之疑偽古文者始於宋之吳才老朱子以後吳草廬郝京山梅鷟皆不能得其要領至本朝閻惠兩徵君所著之書乃能發其作偽之跡勦竊之原若刊正經文疏明古注則皆未之及也及聲出而集大成焉聲又病後世深求考老轉注之義至以篆述求之因為六書說謂建類一首即始一終亥五百四十部之首同意相受即凡某之屬皆從某也陽湖孫星衍亦推其說以為爾雅肇祖元胎之屬始也始亦建類一首肇祖元胎皆為始亦同意相受說文此類亦甚多推考老之訓如口部之咽噎也噎咽也走部之走趨也趨走也猶之考注老老轉注考矣其同在口部走部即建類一首也聲亦以為然而戴震以為貫全部則義太廣聲折之曰若止考老為轉注不已溢乎且諧聲一義不貫全部乎聲與震以學問相推重其不相附和如此生平不作楷書即與人往來筆札皆作古篆俗儒往往非笑之而聲不顧也其寫尚書灑水字體字不在說文灑據准

南作墨彙據爾雅義作孟人始或怪之後服其非臆說顧其書終以時俗不便誠讀不其行於時聲性耿介不慕榮利交游如王鳴盛王昶畢沅皆重其品藻而聲未嘗以私事干之當事益重其人嘉慶元年舉孝廉方正四年卒年七十有九晚年因不諧俗動輒時違取周易艮背之義自號艮庭學者稱為艮庭先生云子鏗吳縣學生孫沅優貢生世傳其學沅字子蘭金壇段玉裁僑居蘇州沅出入其門者數十年沅先著說文釋例後承玉裁屬以段書十七部諧聲表之列某聲某聲者為綱而件系之聲復生聲則依其次第為說文解字音均表凡十七卷沅於段紕謬處略箋其失其言曰支脂之為三頁錄先與諄文欣魂痕之為二皆陸氏之舊而段氏矜為獨得之秘嚴分其界以自殊異凡許氏所合韻處皆多方改使離之而一部之與十二部亦不使相通故韻之讀若秘改為通肫之乙聲刪去聲字必之弋亦聲改為八亦聲而於開章一篆說解極一物三字即是一部十二部十五部合韻之理於是絕不敢言其韻直至亥字下重文說之也十二三兩部之相通者惟民昏二字為梗故力去昏字以就清 史 稿 儒林傳二 四十

其說界字由聲十五部也辨从界得聲而辨即古茶字在一部遂改界字為由聲以避十五部與一部之合音凡此皆段氏之癡結處也又曰段氏論音謂古無去故諧諸書平而上入沅意古音有去無入平輕去重平引成上去促成入上入之字少於平去職是故耳北人語言入皆成去古音所沿至今猶舊非敢苟異參之或然沅當時而質玉裁親許駁勘故有不同云卒年七十二錢大昭字晦之嘉定人大昕弟大昕深於經史一門羣從皆治古學能文章為東南之望大昭少於大昕者二十年事兄如嚴師得其指授時有兩蘇之比壯歲遊京師嘗校錄四庫全書人間未見之秘皆得縱觀由是學問益浩博又善於決擇其說經及小學之書能直入漢儒闕奧嘗欲從事爾雅大昕與書謂六經皆以明道未有不通訓詁而能知道者欲窮六經之旨必自爾雅始大昭乃著爾雅釋文補三卷及廣雅疏義二十卷又著說文統釋六十卷其例十一曰疏證以佐古義凡經典古義與許合者在所必收二曰音切以復古音以徐鉉徐鉉等不知古音往往誤讀又許君言讀若某者即有某音今並補正又說文

本有舊音隋書經籍志有說文音隱顏氏家訓引之唐以前傳注家多稱說文音某今並采附本字之下三日考異以復古本凡古本暨古書所引有異同者悉取以折中四曰辨俗以正譌字凡經典相承俗字及徐氏新補新附字皆辨證詳明別爲一卷附後五曰通義以明互借凡經典之同物同音於古本是通用書皆引經證之六曰從母以明孳乳如完剗髡輒等字皆於元下注云从此七曰別體以廣異義凡重文中之籀篆古文奇字皆有所從其許君未言者亦略釋之經典兩用者則引而證焉八曰正譌以訂刊誤凡許君不收之字注中不應有又字畫脫誤者並校正之九曰崇古以知古字如鷓鴣鷓鴣之類經典有不从鳥者此古今字今注曰古用某十曰補字以免漏略如由希免蟲等三十九字从此得聲者甚多而書中脫落有子無母非許例今酌補之亦別爲一卷附後大昭於正史尤精兩漢書謂注史與注經不同注經以明理爲宗理寓於訓詁訓詁明而理自見注史以達事爲主事不明訓詁雖精無益也每怪服虔應劭之於漢書裴駙徐廣之於史記其時去古未遠釋官載記碑刻尙多不

清史稿

儒林傳二

四十一

能會而通之考異質疑徒爰爰於訓詁乃著兩漢書辨疑四十卷於地理官制皆有所得又仿其例著三國志辨疑三卷又以宋熊方所補後漢書年表祇取材范書陳志乃於正史外兼取山經地志金石子集其體例依班氏之舊而略變道之著後漢書補表八卷計所補王侯多於熊書百二十人論者謂視萬斯同歷代史表有過之無不及他著有詩古訓十二卷經說十卷補續漢書藝文志二卷後漢郡國令長攷一卷選言二卷生平不嗜榮利名其讀書之所曰可廬欲漸至於古之隨遇自足者嘉慶元年舉孝廉方正子東垣字既勤嘉慶三年舉人官浙江松陽縣知縣以艱歸服闋補上虞縣東垣與弟繹同皆潛研經史金石時稱三鳳嘗與繹偕及同縣秦鑿勛訂鄭志又與繹偕及桐鄉金錫鬯輯釋崇文總目世稱精本東垣爲學沈博而知要以世傳孟子注疏繆舛特甚乃輯劉熙棊母遂陸善經諸儒古注及顧炎武閩若瓊同時師友之論附以己見並正其音讀考其異同爲孟子解誼十四卷他著有小爾雅校證二卷補經義考四十卷列代建元表勤有堂文集侗字同人於歷算之學亦能究其原

本大昕撰宋遼金元四史朔閏考未竟而卒侗證以羣書金石文字增輯一千三百餘條日夕檢閱推算幾忘寢食卒因是感疾而歿朱駿聲字豐吳縣人年十三受許氏說一讀即通曉從錢大昕游錢一見奇之曰衣鉢之傳將在子矣嘉慶二十三年舉人官黟縣訓導咸豐元年以截取知縣入都進呈所著說文通訓定聲及古今韻準東韻說雅共四十卷文宗披覽嘉其洽實國子監博士銜旋遷揚州府學教授引疾未之官八年卒年七十一駿聲著述甚博不求知於世兼長推步明通象數嘗論爾雅太歲在寅推大昕說謂其時自以實測之歲星在亥定太歲在寅命之曰攝提格以紀年歲星所合之辰即爲太歲然歲星閏百四十四年而超一辰至秦漢而甲寅之年歲星在丑太歲應在子漢詔書以太初元年爲攝提格者因六十紀年之名歷年以次排敘不能頓超一辰故仍命以攝提格也於是後人以寅卯等爲太歲強以攝提格等爲歲陰其實爾雅所云歲陽歲陰非如後人說也他著有左傳旁通十卷左傳談小錄三卷夏小正補傳一卷離騷補注一卷子孔彰字仲我能傳父業著有說文粹三

清史稿

儒林傳二

四十二

編十三經漢注中興將帥別傳

清史稿

儒林傳三

馬宗榘 子瑞辰 三 號

張惠言 子岐 江 承 之

郝懿行

陳壽祺 子壽 何 治 運

許宗彥

呂飛鵬 宋 賈 學

嚴可均 元 鼎

焦 循 子 錕 鳳 凰 毛 德 慎

李富孫 兄 錕 錕 錕

胡承琪 胡 慶 慶 朱 慶

凌 曙 錕 錕 錕

劉逢祿 宋 周 鳳 慶 慎

雷學淇 錕 錕 錕

胡培暉 錕 錕 錕

劉文淇 子 錕 錕 錕

丁 晏

王 筠

曾 釗 錕 錕 錕

柳興恩 錕 錕 錕

陳 澧 錕 錕 錕

鄭 珍 錕 錕 錕

劉寶楠 子 錕 錕

清史稿

儒林傳三

龍啟瑞 錕 錕 錕

陳 立

陳 奐 錕 錕 錕

黃式三 子 錕 錕

俞 樾 錕 錕 錕

王闓運

王先謙

孫詒讓

鄭 杲 錕 錕 錕

馬宗榘字器之桐城人由舉人官東流縣教諭嘉慶六年成進士又一年卒少從舅氏姚鼎學詩古文詞所作多沈博絕麗既而精通古訓及地理之學鄉舉時以解論語過位升堂合於古制大興朱珪亟拔之後從邵晉涵任大樞王念孫遊其學益進嘗以解經必先通訓詁而載籍極博未有彙成一編者乃偕同志孫星衍阮元朱錫庚分韻編錄適南旋中輟其後元視學江浙萃諸名宿為經籍彙詁其凡例猶宗榘所手訂也生平敦實寡嗜好惟以著述為樂嘗撰左氏補注三卷博徵漢魏諸儒之說不苟同立異所著別有毛鄭詩詁訓考證周禮鄭注疏證穀梁傳疏證說文字義廣證戰國策地理考南海鬱林合浦蒼梧

清史稿

儒林傳三

四郡沿革考嶺南詩鈔共數十卷校經堂詩鈔二卷子瑞辰字元伯嘉慶十五年進士選翰林院庶吉士散館改工部管繕司主事擢郎中因事罷發盛京效力旋賞主事奏留工部補員外郎復坐事發往黑龍江未幾釋歸歷主江西白鹿洞山東嶧山安徽廬陽書院講席髮逆陷桐城衆驚走賊脅之降瑞辰大言曰吾前翰林院庶吉士工部都水司員外郎馬瑞辰也吾命二子團練鄉兵今仲子死少子從軍吾豈降賊者耶賊執其髮其背而擁之行行數里罵愈厲遂死年七十九事聞卹廕如例敕建專祠瑞辰勤學著書不絕嘗謂詩自齊魯韓三家既亡說詩者以毛詩為最古據鄭志答張逸云注詩宗毛為主毛義隱略則更表明是鄭君大旨本以述毛其箋詩改讀非盡易傳而正義或誤以為毛鄭異義鄭君先從張恭祖受韓凡箋訓異毛者多本韓說其答張逸亦云如有不同卽下己意而正義又或誤合傳箋為一毛詩周古文其經字多假借類皆本於雙聲疊韻而正義或有未達於是乃撰毛詩傳箋通釋二十二卷以三家辨其異同以全經明其義例以古音古義證其闕互以雙聲疊韻別其通借篤守家法義據通深同時長洲陳奐著毛詩傳疏亦為專門之學由是治毛詩者多推此兩家之書子三俊字命之優貢生舉孝廉方正學宗程朱以國難家仇憤欲殺賊四年六月率練勇追賊至周喻城力戰死年三十五著有馬徵君遺集

張惠言字皋聞武進人少受易經即通大義年十四為童子師修學立行敦禮自守人皆稱敬嘉慶四年進士時大學士朱珪為吏部尚書以惠言學行特奏改庶吉士充實錄館纂修官六年散館改部屬珪復特奏授翰林院編修七年卒年四十有二惠言鄉會兩試皆出朱珪門未嘗以所能自異默然隨羣弟子進退而已珪潛察得之則大喜故屢進達之而惠言亦斷斷相諍不敢隱珪言天子當以寬大得民惠言言國家承平百年餘至仁涵育遠出漢唐宋之上吏民習於寬大故姦孽萌芽其間宜大伸罰以肅內外之政珪言天子當優有過大臣惠言言庸狃之輩倖致通顯復壞朝廷法度惜全之當何所用珪喜進淹雅之士惠言言當進內治官府外治疆場者與同縣洪亮吉於廣坐靜之惠言

少爲詞賦擬司馬相如揚雄之文及壯又學韓愈歐陽修篆書初學李陽冰後學漢碑額及石鼓文嘗奉命詣盛京篆列聖加尊號王寶惠言言於當事謂舊藏寶不得磨治又謂翰林奉命篆列聖寶宜奏請馳驛以格於例不果行生平精思絕人嘗從欽金榜問故其學要歸六經而尤深易禮著有周易虞氏義虞氏消息序曰自漢武帝時劉向校書考易說以爲諸易家皆祖田何楊叔丁將軍大義略同惟京氏爲異而孟喜受易家陰陽其說易本於氣而後以人事明之八卦六十四象四正七十二候變通消息諸儒祖述之莫能具當漢之季年扶風馬融作易傳授鄭康成作易注而荊州牧劉表會稽太守王朗穎川荀爽南陽宋忠皆以易名家各有所述唯翻傳孟氏學既作易注奏上之獻帝翻之言易以陰陽消息六爻發揮旁通升降上下歸於乾元用九而天下治依物取類貫穿比附始若瑣碎及其沈深解剝離根散葉暢茂條理遂於大道後儒罕能通之自魏王弼以虛空之言解易唐立之學官而漢世諸儒之說微獨資州李鼎祚作周易集解頗采古易家言而翻注爲多其後古書盡亡而宋道士陳

清史稿

儒林傳三

三

博以意造爲龍圖其徒劉牧以爲易之河圖洛書也河南邵雍又爲先天後天之圖宋之說易者翕然宗之以至於今牢不可拔而易陰陽之大義蓋蔽晦矣大清有天下元和徵士惠棟始考古義孟京荀鄭虞氏作易漢學又自爲辭釋曰周易述然撥拾於亡廢之後左右采獲十无二三其所述大氏宗嗣虞氏而未能盡通則旁徵他說以合之蓋從唐五代宋元明朽壤散亂千有餘年區區修補收拾欲一旦而其道復明斯固難也翻之學既遠又具見馬鄭荀宋氏書考其是否故其義爲精又古書亡而漢魏師說可見者十餘家然唯鄭荀虞三家略有梗概可指說而虞尤較備然則求七十子之微言田何楊叔丁將軍之所傳者舍虞氏之注其何所自焉故求其條貫明其統例釋其疑滯信其亡闕爲虞氏義九卷又表其大旨爲消息二卷又著有虞氏易禮二卷虞氏易俟一卷虞氏易言一卷初惠棟作周易述大旨遵虞翻補以鄭荀諸儒學者以未能專一少之儀徵阮元謂漢人之易孟費諸家各有師承勢不能合惠傳虞氏易即傳漢孟氏易矣孤經絕學也惠言又著周易鄭氏義三卷周易荀氏九家義

一卷周易鄭荀義三卷易義別錄十四卷易緯略義三卷易圖條辨二卷其易義別錄序謂不盡見其辭而欲論其是非猶以也故其所著皆羽儀虞氏易者於禮有儀禮詞一卷讀儀禮記二卷皆特精審又有茗柯文五卷詞一卷子成孫字彥惟少時惠言課以說文令分六書譜之成象形二卷惠言著說文諧聲譜未竟而卒成係後從莊述祖遊得其大要乃續成之卷第篇例多所增易凡五十卷其書分中僅堯林巖篁榮葵說千妻肆掛支皮絲鳩筆婁岨二十部此乃於毛詩中拈其最先出之字爲建首加以易韻屈韻而又以說文之聲分從之犁然不紊有各家所未及者嘗以示儀徵阮元元歎其超卓精細成孫兼精天學同里董祐誠歿爲校刊其遺書又著有端虛勉一居文集江承之字安甫歙縣人學於惠言時弟子從惠言受易禮者十數其甥董士錫受易通陰陽五行家言承之兼受易禮著有周易爻義虞氏易變表儀禮名物鄭氏詩譜年僅十有八

清史稿

儒林傳三

四

郝懿行字恂九樓人嘉慶四年進士授戶部主事二十五年補江南司事道光三年卒年六十九懿行爲人謙退訥若不出口然自守廉介不輕與人晉接遇非素知者相對竟日無一語追談論經義則喋喋忘倦所居四壁蕭然庭院蓬蒿常滿僮僕不備懿行處之晏如浮沈即署視官之榮悴若無與於己者而一律力於著述漏下四鼓者四十年所著有爾雅義疏十九卷春秋說略十二卷春秋比一卷山海經義疏十八卷易說十二卷書說二卷懿行嘗曰邵晉涵爾雅正義蒐輯較廣然聲音訓詁之原尙多壅閼故鮮發明今余作義疏於字借聲轉處詞繁不殺殆欲明其所以然又曰余田居多載遇草木蟲魚有弗知者必詢其名詳察其形考之古書以徵其然否今茲疏中其異於舊說者皆經目驗非憑胸臆此余書所以別乎邵氏也懿行之於爾雅用力最久幾凡數易垂歿而後成於古訓同異名物疑似必詳加辨論疏通證明故所造較晉涵爲深高郵王念孫爲之點閱寄儀徵阮元刊行元總裁會試時從經義中議拔懿行者也其箋疏山海經援引各籍正名辨物事刊疏詳辭取雅馴阮元謂吳氏廣注徵引雖博失之蕪雜畢沅校本訂正文字尙多疏略惟懿行精而不整

博而不濫懿行妻王照圓字瑞玉博涉經史當時著書家有高郵王父子樓嚴郝夫婦之目著有詩說一卷列女傳補注八卷附女錄一卷女校一卷又與懿行以詩答問懿行錄之為詩問七卷其爾雅義疏亦間取照圓說他著有詩經拾遺一卷汲冢周書輯要一卷竹書紀年校正十四卷荀子補注一卷晉宋書故一卷補晉書刑法志一卷食貨志一卷文集十二卷照圓又有列仙傳校正二卷

陳壽祺字恭甫閩縣人少能文年十八臺灣平撰上福康安百韻詩并序沈博絕麗傳誦一時嘉慶四年成進士選翰林院庶吉士散館授編修尋告歸性至孝不忍言仕家貧無食父命之入都九年充廣東鄉試副考官十二年充河南鄉試副考官十四年充會試同考官京察一等記名御史壽祺以不得迎養二親常愀然不樂將告歸矣俄聞父歿慟幾絕奔歸服除乞養母母歿終喪年五十三有密薦於朝者卒不出壽祺會試出朱珪阮元門乃專為漢儒之學又及見錢大昕段玉裁王念孫程瑤田諸人故學益精博解得兩漢大義每舉一

清史稿

儒林傳三

五

義輒有折衷兩漢經師莫先於伏生莫備於許氏鄭氏壽祺闡明遺書著尚書大傳箋三卷序錄一卷訂誤一卷附漢書五行志綴以他書所引劉氏五行傳論三卷序曰伏生大傳條撰大義因經屬指其文辭爾雅深厚最近大小載記七十子之徒所說非漢諸儒傳訓之所能及也康成百世儒宗獨注大傳其釋三禮每援引之及注古文尚書洪範五事康誥孟侯文王伐崇弒耆之歲周公克殷踐奄之年咸據大傳以明事豈非闕識博通信舊聞者哉且夫伏生之學尤善於禮其言巡狩朝覲郊尸迎日廟祭族燕門塾學校養老擇射貢士考績郊遂采地房室路寢之制后夫人入御太子迎問諸侯之法三正之統五服之色七始之素八伯之樂皆唐虞三代遺文往往六經所不備諸子百家所不詳今其書散逸十無四五尤可寶重宋朱子與勉齋黃氏纂儀禮經傳通解據大傳獨詳蓋有裨禮學不虛也五行傳者自夏侯始昌至劉氏父子傳之皆善推厥福著天人之應漢儒治經莫不明象數陰陽以窮極性命故易有孟京卦氣之候詩有翼奉五際之要春秋有公羊災異之條書有夏侯劉氏許商李尋

洪範之論班固本大傳攬仲舒別向歐以傳春秋告往知來王事之表不可廢也是以錄漢書五行志附於後以備一家之學云又著五經異義疏證三卷左海經辨二卷左海文集十卷左海駢體文二卷絳跡堂詩集六卷東越儒林文苑後傳二卷東觀存彙一卷壽祺歸後阮元延誥誥精舍生徒元纂羣經古義為經部壽祺為撰條例明所以原本訓辭會通典禮存家法而析異同之意後主泉州清源書院十年主道峰書院十一年與諸生言修身勵學教以經術作義利辨知恥說科舉論以示學者規約整肅士初苦之久乃悅服家居與諸當事書於桑梓利弊蒿目痛心雖觸忌諱無所隱明儒黃道周孤忠絕學壽祺搜輯遺文為之刊行又具呈大吏乞疏請從祀孔廟議上如所請道光十四年卒年六十四子喬樞字樸園道光五年舉人二十四年以大批知縣分發江西歷官分宜弋陽德化南城諸縣署袁州臨江撫州知府以經術飾吏治居官有聲同治七年卒於官年六十一初壽祺以鄭注禮記多改讀又嘗鉤考齊魯韓三家詩佚文佚義與毛氏異同者輯而未就病革謂喬樞曰爾好漢學治經知

清史稿

儒林傳三

六

師法他日能成吾志九原無憾矣喬樞乃袖繹舊聞勒為定本成禮記鄭讀考六卷三家詩遺說考十五卷又著齊詩翼氏學疏證一卷詩緯集證四卷謂齊詩之學宗旨有二曰四始曰五際曰六情皆以明天地陰陽終始之理考人事盛衰得失之原言王道治亂安危之故齊先亡最為寡證獨翼奉存其百一且其說多出詩緯察隱象推麻數徵休咎蓋齊學所本也詩緯亡而齊詩遂為絕學矣又著今文尚書經說考三十四卷歐陽夏侯經說考一卷謂二十九篇今文具存十六篇既無今文可考遂莫能盡通其義凡古文易書詩禮論語孝經所以傳悉由今文為之先驅今文所無輒廢向徵伏生則萬古長夜矣歐陽大小夏侯各守師法苟能得其單辭片義以尋千百年不傳之緒則今文之維持聖經於不墜者豈淺鮮哉又有詩經四家異文考五卷毛詩鄭箋改字說四卷禮堂經說二卷最後為尚書說時宿學漸蕪考據家為世嘗嘗獨湘鄉曾國藩見其書以為可傳自元和惠氏高郵王氏外惟喬樞能修世業張大其家法壽祺同里治古學者有謝震何治運震原名在震字甸男侯官人乾隆五十四年

舉人順昌學教諭震霄與閩縣林一桂融寄萬世美俱精三禮震尤篤學嗜古然斷斷持漢學好排擊宋儒擊空逃虛之說壽祺與震同舉鄉試少震六歲視為畏友震重氣誼有志用世而不遇於時年四十卒弟子緝其遺著有禮案二卷精數勝教氏又有四書小箋一卷四聖年譜一卷工詩有櫻桃軒詩集二卷治運字郊海閩縣人嘉慶十二年舉人治聞強識篤志漢學督阮元嘗聘纂廣東通志後遊浙中巡撫陳若霖為錄其經解及論辨文字四卷名何氏學道光元年卒年四十七治運與壽祺友及卒壽祺以謂無與為質不獲以輔成其學也係經世字濟侯惠安人壽祺弟子壽祺課士不一格游其門者若仙遊王挺南之詩禮春秋諸史晉江杜彥士之小學惠安陳金城之漢易將樂梁文之性理建安丁汝恭德化賴其煥建陽張際亮之詩古文辭皆足名家而經世學成蓋世世以儒林推之經世少喜讀近思錄後沈研經義謂不通經學無以為理學不明訓詁無以通經不知聲音文字之原無以明訓詁著說文會通十六卷爾雅音疏六卷釋文辨證十四卷韻學溯源四卷十三經正讀定本八十卷

清史稿

儒林傳三

七

經傳釋詞續編八卷又著春秋例辨八卷考經說二卷夏小正說一卷詩韻訂二卷揚齋經說六卷讀經校語四卷柯衡膠州人從壽祺受許鄭之學嘗以史漢諸表為紀傳之綱領而譌誤舛奪最為難治乃條而理之著漢書七表校補二十卷為例十一日辨事誤二日辨文字誤三日辨注誤四日辨諸家攷證之誤五日以本書證本書之誤六日史漢互證而知其誤七日漢書荀紀互證而知其誤八日漢書水經注互證而知其誤九日據紀傳以補表之闕十日據今地以證表之誤鉤稽隱微凡前人之說皆取而辨其是非至前人未及者又得二三十事亦專門之學也尤長於詩著有聲詩圖徵二卷舊雨草堂詩集四卷其說經說史之作門人集為舊雨草堂札記許宗彥字積卿德清人九歲能讀經史善屬文侍郎王昶愛其才作積卿字說以贈嘉慶四年進士授兵部主事就官兩月以親老遽引疾歸親歿卒不出居杭州杜門以讀書為事其學無所不通探賾索隱識力卓然發千年儒者所未發考周五廟二祧以為周制五廟之外別有二祧為遠廟之殺以厚親之仁宗

廟之外別立祖宗與禘郊同為重祭以大尊尊之義諸經無文武二廟不毀之說誤始於韋元成而劉歆因之鄭康成亦因之祧者遠廟乃謂為不遷之廟名實乖矣又考文武二世室以為周文武皆配於明堂太室故有文武世室之號孔穎達誤謂伯禽稱文世室武公稱武世室以公羊傳周公稱太廟魯公稱世室羣公稱宮證之外甚又考禹貢三江以為漢志言分江水首受江東至餘姚入海夫曰分江水曰首受江則非南江之正流可知曰東至餘姚入海則非在吳入海可知與禹貢三江無與又考太歲太陰以為太歲者歲星與日同次斗杓所建之辰也太陰始寅終丑太歲始子終亥漢律志曰太初元年歲前十一月朔旦冬至歲在星紀婺女六度歲名困敦此太歲始子之確證武帝詔曰年名焉逢攝提格此太陰始寅之確證漢書天文志始誤以甘石之言太陰者係之太歲而與太初之太歲遂差兩辰乃以為星有贏縮非矣又說六書轉注以為從偏旁轉相注說文曰轉注者建類一首同意相受考老是也後序曰其建首也立一為端即建類一首之謂也如示為部首从示之偏旁注為神祇等字

清史稿

儒林傳三

八

從神祇注為祠祀祭祝等字展轉相注皆同意為一類戴震指爾雅詁訓為轉注而不知詁訓出於後來非制字時所豫有也段玉裁引戴說又言爾雅字多假借而不知假借者本無其字今如初哉首基之訓非本無首字而假初哉諸字以當之也其他所著學說能持漢宋儒者之平禮論治論諸篇皆稽古證今通達政體尤精天文得泰西推步秘法自製渾金球別具神解嘗援緯書四游以疏本天高卑而知不同心非渾圓之理考周髀北極瑤瓊以推古人測驗之法七政皆統於天而知東漢以前用赤道不用黃道為得諸行之本論日左右旋一理以王錫闡解黃道右旋赤道平行戴震分黃極為二行其說頗不分明為剖析之洞徹微妙皆言天家所未及性孝友慎於交游體願而神理激淡見者皆肅然敬之儀徵阮元會試舉主也重其學術行誼以子女為嫗家呂飛鵬字雲里旌德人從寄國凌廷堪治禮廷堪器之以為能傳其學山陽汪廷珍視學安徽喜士通古經義補飛鵬縣學附生飛鵬少讀周禮長而癖嗜廷堪嘗著周官九拜九祭解鄉射五物攷探據禮經疏通證明足發前人所未發

飛鵬師其意而變通之成周禮補注六卷其大旨以鄭氏為宗自序曰漢魏之治周禮者如賈逵張衡孫宗陳劭崔靈恩之注遺文軼事散見羣籍或與鄭義符合或與鄭義乖違同者可得其會通異者可博其旨趣是用廣搜衆說補所未備條系於經文之下或旁采他經舊注或兼取近儒經說要於申明古義而已又著周禮古今文義證六卷嘗攷康成本治小戴禮後以古經校之取其於義長且順者為鄭氏學又注小戴所傳禮記四十九篇又嘗作毛詩箋今取鄭氏之學證鄭氏之注則辭易瞭然即彼此互歧前後錯出亦不煩辭費而得失已明故於三者刺取為多至許氏說文解字徵引周禮彼此互異取以推廣鄭義不嫌抵牾其他史冊流傳事系本朝禮遵周典亦備采擇用俟辯章猶是鄭氏況以漢法之意也平居書齋閑自銘誠粹然出於儒先道學鄉讎齋業倡振人多德之有爭辯一言立釋嘗戒其子賢基曰成名易成人難又曰言官不易為母陳利而昧大體母挾私而務高名其本行如此賢基卒以忠節著道光二十九年卒年七十三子賢基工部右侍郎諡文節自有傳有清為周禮之

清史稿

儒林傳三

九

學者有忠士奇沈彤莊存與沈夢蘭段玉裁徐養原宋世榮夢蘭字古春烏程人乾隆四十八年舉人官湖北宜都縣知縣夢蘭博通諸經實事求是尤邃於周官成周禮學一書分溝洫畿封邦國都鄙城郭宮室職官祿田貢賦軍旅車乘禮射律度量衡十三門取司馬法逸周書管子呂覽伏傳載記諸古書參互攷證合之書詩禮記三傳孟子先儒所病其抵牾者無不得其會通為圖若干並取經傳文之與周官相發明者釋於篇他著有易書詩孟子學五省溝洫圖說其易學自序云自輯周禮學於易象得非比師訟同人大有若干卦錯綜參伍知易之為道先王一切之治法於是乎在而孟子學則又以疏證周官之故彙其餘說以成帙者其溝洫圖說卷不盈寸凡南北形勢河道原委歷代沿革衆說異同與夫溝遂經畛之體廣深尋尺之數以及畜水止水蕩水均水舍水瀉水之事皆備復證之周官考究詳覈官湖北時奉檄襄築荆州隄工上江隄掃工議及荆江論沔陽水災復奉檄會勘作水利說以諭河民原本經術有神實用皆此類也世榮字尚助臨海人乾隆五十三年舉人以教習官陝西扶風

知縣地富川藏孔道夫馬悉飲之民計畝率錢名曰公局世榮多所裁革無妄取時教匪初定州縣多以州縣遷擢扶風民有持齋為怨家所許者大府飛檄至捕而鞠之皆良民釋弗顧罷歸擊求經訓熟於諧聲假借之例著周禮故書疏證六卷儀禮古今文疏證二卷

嚴可均字景文烏程人嘉慶五年舉人官建德縣教諭引疾歸可均博聞強識精考據之學與姚文田同治說文為說文長編亦謂之類考有天文算術地理類草木鳥獸蟲魚類聲類說文引羣書羣書引說文類積四十五冊又輯鐘鼎拓本為說文翼十五篇將校定說文撰為疏義係星衍促其成乃撮舉大略就毛氏汲古閣初印本別為校議三十篇專正徐鉉之失又與丁澐同治唐石經著校文十卷自序云余弱冠治經稍見宋槧本既又念若漢若魏若唐若孟蜀若宋嘉祐紹興各立石經今僅嘉祐四石紹興八十七石皆殘本而唐大和石壁二百二十八石踳然獨存此天地間經本之最完最舊者也夫唐代四部之富埒於梁隋而鄭覃唐元度輩皆通儒頗見古本苟能聚正積非歸於真是即

清史稿

儒林傳三

十

方駕熹平不難而僅止於是今也古本皆亡欲復舊觀已難為力可慨也然而後唐彫版實依石經句度鈔寫歷宋元明轉刻轉誤而石本幸存縱不足與復古以匡今繆有餘也獨怪數百年來學士大夫抄或過問者間有一二好古之士亦與家碣寺碑同類而並道之康熙初顧炎武始略校焉觀其所作九經談字金石文字記刺取廉廉是非寡當又誤信王堯惠之補字以誣石經顧氏且然況其他乎烏乎石經者古本之終今本之祖治經不及見古本而並荒石經匪直荒之又交口誣之豈經之幸哉余不自揆欲為今版本正其誤為唐石經釋其非為顧氏等祛其惑隨讀隨校凡石經之磨改者旁增者與今本互異者皆錄出輒據注疏釋文旁稽史傳及漢唐人所徵引者為之左證而石臺孝經附其後焉嘉慶十三年詔開全唐文館可均以越在草茅無能為役慨然曰唐之文盛矣哉唐以前要當有總集斯事體大是余之責也乃輯上古三代秦漢三國六朝文使與全唐文相接多至三千餘家人各系以小傳足以攷證史文皆從蒐羅殘賸得之覆檢羣書一字一句稍有異同無不校訂一手寫定不假

一第 200 冊 續修四庫全書 第 6 卷 後三句

衆力唐以前文咸萃於此焉又校輯諸經逸注及佚子書等數十種合經史子集爲四錄堂類集千二百餘卷賡元照字九能歸安人十歲能爲四體書補諸生儀徵阮元大興朱珪深賞之熟於爾雅作匡名八卷旁羅異文軼訓鉤稽而疏證之著有梅菴文鈔詩鈔詞鈔娛親雅言等書

焦循字里堂甘泉人嘉慶六年舉人曾祖源祖饒父慈世傳易學循少穎異八歲在阮庶堯家與賓客辨壁上馮夷字曰此當如楚詞讀皮冰切不當讀如繩阮奇之妻以女既壯雅尚經術與阮元齊名元督學山東浙江俱招循往遊性至孝丁父及嫡母謝艱哀毀如禮一應禮部試後以生母股病愈而神未健不復北行股歿循毀如初服除遂託足疾不入城市者十餘年葺其老屋曰牛九書塾復構一樓曰雕菰樓有湖光山色之勝讀書著述其中嘗歎曰家雖貧幸蔬菜不乏天之疾我福我也吾老於此矣嘉慶二十五年卒年五十八循博聞強記識力精卓每遇一書無論隱奧平衍必究其源以故經史麻算聲音訓詁無所不精幼好易父問小畜密雲二語何以復見於小過循反復其故不可得

清史稿

儒林傳三

十一

既學洞淵九容之術乃以數之比例求易之比例漸能理解著易通釋二十卷自謂所悟得者一曰旁通二曰相錯三曰時行又以古之精通易理深得義文周孔之指者莫如孟子生孟子後能深知其學者莫如趙氏爲疏略未能發明著孟子正義三十卷謂爲孟子作疏其難有十然近代通儒已得八九因博采諸家之說而下以己意合孔孟相傳之正指又著六經補疏二十卷以說漢易者每屏王弼然弼解箕子用趙賓說讀彭爲旁借雅爲變通乎爲浮解斯爲斯蓋以六書通借其解經之法未遠於馬鄭諸儒爲周易王注補疏二卷以尙書爲孔傳說之善者如金縢我之不辟訓辟爲法居東即東征罪人即管蔡大誥周公不自稱王而稱成王之命皆非馬鄭所能及及尙書孔氏傳補疏二卷以詩毛鄭義有異同正義往往雜鄭於毛比毛於鄭爲毛詩鄭氏箋補疏五卷以左氏傳稱君無道稱臣之罪杜預揚其詞而暢衍之預爲司馬懿女婿目見成濟之事將以爲司馬飾即用以爲己飾萬斯大惠士奇顧棟高等未能摘錄而發覆爲春秋傳杜氏集解補疏五卷以禮以時爲大訓詁名物亦所宜

究爲禮記鄭氏注補疏三卷以論語一書發明義文周公之指參伍錯綜引申觸類亦與易例同爲論語何氏集解補疏三卷合之爲二十卷又錄當世通儒說尙書者四十一家書五十七部仿術提禮記之例以時之先後爲序得四十卷曰書義叢鈔又著禹貢鄭注釋一卷毛詩地理釋四卷毛詩鳥獸草木蟲魚釋十一卷陸璣疏考證一卷羣經宮室圖二卷論語通釋一卷又著有雕菰樓文集二十四卷詞三卷詩話一卷循壯年即名重海內錢大昕王鳴盛程瑤田等皆推敬之始入都謁座主英和和曰吾知子之字曰里堂江南老名士屈久矣歿後阮元作傳稱其學精深博大名曰通儒世謂不愧云子廷琥字虎玉優廩生性醇篤善承家學阮元稱爲端士循嘗與廷琥纂孟子長編三十卷後撰正義其廷琥有所見亦本苑氏穀梁之例爲之錄存循又以測圓海鏡益古演段二書不詳開方之法以常法推之不合既得秦道古數學九章有正圓開方法爲開方通釋乃謂廷琥曰汝可列益古演段六十四問用正員開方法推之廷琥布策下算一一符合著益古演段開方補一卷陽湖孫星衍不信西人地

清史稿

儒林傳三

十二

圓之說以楊光先之斥地圓比孟子之距楊墨廷琥謂古之言天者三家曰宣夜曰周髀曰渾天宣夜無師承渾蓋之說皆謂地圓泰州陳氏宣城梅氏悉以東西測景有時差南北測星有地差與圓形合爲說且大戴有曾子之言內經有岐伯之言宋有邵子程子之言其說非西人所自創因博搜古籍著地圓說二卷他著有密梅花館詩文鈔顧鳳毛字超宗江蘇興化人乾隆四十九年南巡召試列二等五十二年副榜貢生父九苞字文子長於詩禮九苞母任氏大椿祖姑通經達史九苞之學母所教也乾隆四十六年進士歸時卒於路著述不傳鳳毛亦受經於祖母年十一通五經及長與焦循同學循就鳳毛問難始用力於經鳳毛又學音韻律呂於嘉定錢塘撰楚辭韻攷入聲韻攷毛詩韻攷皆得塘旨又撰毛詩集解董子求兩攷三代田制攷未成而卒年二十七卒後循理其喪作招亡友賦哭之鍾懷李鍾泗皆有名均甘泉人鍾懷字保岐優貢生與阮元焦循相善共爲經學且夕討論務求於是居恆禮法自守不與世爭名交游中稱爲君子嘉慶十年卒年四十五著有蘇厓考古錄四卷其漢儒考

較陸德明所載增多十餘人鍾泗字濱石嘉慶六年舉人治經精左氏春秋撰規規過一書抑劉仲杜焦循服其精博

李富孫字既沅嘉興人嘉慶六年拔貢生良年來孫良年自有傳從祖集字敬堂乾隆二十八年進士官部縣知縣精研經學以漢唐為宗嘗為學規論以課窮經課經濟著有願學齋文鈔富孫學有原本與伯兄超孫從弟遇孫有後三李之目長游四方就正於盧文弨錢大昕王昶孫星衍何開緒論阮元撫浙肆業詰經精舍遂湛深經術尤好讀易著易解賸義蓋易學三派有漢儒之學鄭虞荀陸諸家精矣有晉唐之學王弼孔穎達諸家即北宋胡瑗石介東坡伊川猶是交流餘裔至宋陳邵之學出本道學之術創為圖說舉義文周孔之所未及漢以後諸儒之所未言者以自神其附會之說理其理而非易之所謂理數其數而非易之所謂數而前聖之易道晦矣唐李鼎祚所輯易解精微廣大聖賢遺旨略見於此然其於三十六家之說尚多未采其遺文賸義間見他書猶可蒐輯爰綴而錄之成書三卷又成校異二卷又著七經異文釋就經史傳注

清史稿

儒林傳三

十三

諸子百氏所引以及漢唐宋石經宋元槧本校其異同或字有古今或音近通假或沿襲乖舛悉據古誼而疏證之而前儒之論說並為蒐輯使正其謬謬辨其得失折衷以求一是凡易六卷尚書八卷毛詩十六卷春秋三傳十二卷禮記八卷周禮馮登府稱其詳核輿博為詁異誼者集其大成又謂說文一書保氏六書之旨賴以僅存自篆變為隸隸變為真文字日繁偽錯出或有形聲意義大相區別亦有近似而其實異後人多混而同之或有一篆之形從某為古籀為或體後人竟析而二之經典文字往往昧於音訓擅為改易甚與本義相近亦字學之大變夫假借通用說文自有本字有得通借者有不容通借而並為俗誤者據經典以相證契俾世之踵謬沿譌焯然可辨為說文辨字正俗八卷同里錢泰吉謂其書大旨折衷段注而亦有段所未及者讀說文之津梁也他著有漢魏六朝墓銘纂例四卷鶴徵錄八卷後錄十二卷曝書亭詞注七卷梅里志十六卷校經頌文彙十八卷超孫字引樹嘉慶六年舉人會稽縣教諭剖析經義尤深於詩嘗以毛詩草木蟲魚則有疏名物則有解地理則有

攷而詩中所稱之人則未有纂輯成書者因取詩人之氏族名字博考經史諸子及近儒所著述並列國之世次泊其人之行事搜羅彙集為詩氏族考六卷官會稽時課諸生依審化雷鉉學規條約士習日上又著拙守齋集遇孫字金淵集係優貢生處州府訓導幼傳祖訓淹貫經史著有尚書隸古定釋文八卷漢孔安國以科斗文難知取伏生今文次第之為隸古定宋薛宣因之成古文訓遇孫又以隸古文難知引說文諸書疏通之譌者是正疑者則闕性嗜金石有芝省齋碑錄八卷金石學錄四卷官處州時以處州地僻山遠阮元兩浙金石志未免脫漏乃搜輯數百餘種為括蒼金石志八卷他著有日知錄補正一卷校正一卷古文苑拾遺十卷天香錄八卷隨筆六卷詩文集十八卷

清史稿

儒林傳三

十四

吏將不應借支之款冒支濫借此在領者便於急需不敢望其足數而在放者利於多扣不復問其合宜則雖應放而仍與浮冒無異一日抑勒宜禁州縣交代例限茶嚴均不准充抵近日仍多以議單欠票虛開實抵者總由上司多方抑勒逼令新任擔承一日靡費宜省各省攤捐津貼名目豈盡必不可省聞州縣所解各上司衙門飯食季規等銀逐歲增加如邸報一事安徽省每年通派各屬萬金一省如此他省可知一事如此他事可知一日升調宜慎部選人員多係初任或尙能不敢輕易接受惟佐雜題升及調補繁缺二者每多久歷仕途習成狡滑在題升者急於得缺明知此地之多累不復顧後而瞻前在調補者遷就一時轉因原任之有虧希圖挪彼以掩此究之擔承彌補皆屬空名不過剝肉補瘡甚且變本加厲其言深切著明二十四年授福建分巡延建邵道編查保甲設立緝捕章程八條匪徒斂跡調署臺灣兵備道緝獲洋盜張充等置於法旋乞假回籍臺灣素稱難治承琪力行清莊弭盜之法民番安肅自承琪去後彰化淡水即以械鬪起釁矣道光十二年卒年五十七承琪究心經學

尤專意於毛詩傳歸里後鍵戶著書與長洲陳奐往復討論不絕著毛詩後箋三十卷其書主於申述毛義自注疏而外於唐宋元諸儒之說及近人為詩學者無不廣徵博引而於名物訓詁及毛與三家詩文有異同類皆剖析精微折衷至當而其最精者能於毛傳本文前後會出指歸又能於西漢以前古書中反覆尋考貫通詩義證明毛旨凡三四易藥手自寫定至魯頌泮水章而疾作遺言屬陳奐校補奐乃為續成之又以鄭君注儀禮參用古今文二本撮其大例有必用其正字者有即用其借字者有務以存古者有兼以通今者有因彼以決此者有互見而並存者閱意妙旨有關於經實夥遂取注中疊出之字並讀如讀為當為各條排比梳櫛考其訓詁明其假借參稽旁采疏通而證明之作儀禮古今文疏義十七卷又謂惠氏棟九經古義未及爾雅遂補撰數十條成二卷小爾雅原本不傳今存孔叢子中世多謂為偽書作小爾雅義證十三卷斷以為真復著有求是堂詩文集二十四卷胡秉虔字伯敬績溪人嘉慶四年進士官刑部主事改甘肅靈壁縣知縣升丹陽同知卒於官秉虔自幼嗜

清史稿

儒林傳三

十五

學博通經史管入都肄業成均夜讀必盡燭二條尤精於聲音訓詁著古韻論三卷辨江戴段孔諸家之說細入毫芒瑣不可易說文管見三卷發明古音古義多獨得之見末論二徐書有灼見語蓋其所致力也他著有周易尚書論語小識各八卷卦本圖考一卷尚書序錄一卷漢西京博士考二卷甘肅明季成仁錄四卷河州景忠錄三卷朱珩字蘭坡涇縣人珩生三年而孤祖命為季父後嗣母汪未婚守志珩孝事之與生母同昆弟均相友愛嘉慶七年成進士選翰林院庶吉士與幸翰林院柏梁體聯句宴散館授編修擢至侍讀與修明鑑坐承襲官累降編修道光元年直上書房屢蒙嘉獎有品學兼優之褒升右春坊右贊善告養歸植品敦俗獎誘後進歷主鍾山正誼紫陽書院卒年八十有二珩愛書如命學有本原主講席幾三十年教士以通經學古為先與桐城姚鼎陽湖李兆洛並負儒林宿望蓋鼎足而三云著有說文假借義證二十八卷經文廣異十二卷文選集釋二十四卷小萬卷齋詩文集七十卷輯有國朝古文彙鈔二百七十二卷又有詁經文鈔六十二卷惟有清諸名家說經之文依

次標題篇幅完善尤足為後學津逮云

凌曙字曉樓江都人國子監生曙好學根性家貧讀四子書未畢即去鄉雜作傭保而績學不倦年二十為童子師問所當治業於涇包世臣世臣曰治經必守家法專法一家以立其基則諸家漸通乃示以武進張惠言所輯四子書漢說數十事曙乃稽典禮考古訓為四書典故駁六卷歛洪梧甚稱之既治鄭氏學得要領又從吳沈欽韓問疑義益貫穿精審後聞武進劉逢祿論何氏公羊春秋而好之及入都為儀徵阮元校輯經郭盡見魏晉以來諸家春秋說深念春秋之義存於公羊而公羊之學傳自董子董子春秋繁露識禮義之宗達經權之用行仁為本正名為先測陰陽五行之變明制禮作樂之原體大思精推見至隱可謂善發微言大義者然旨與詞隨未易得其會通淺嘗之夫橫生嘗議經心聖符不絕如綫乃博稽旁討承意儀志梳其章櫛其句為注十七卷又病宋元以來學者空言無補惟實事求是庶幾近之而事之切實無過於禮著公羊禮疏十一卷公羊禮說一卷公羊問答二卷家居讀禮以喪服為人倫大

清史稿

儒林傳三

十六

經後儒舛議是非頗謬作禮論百篇引申鄭義阮元延曙入粵課諸子曙書與元商榷乃刪合為三十九篇為一卷道光九年卒年五十五曙有甥儀徵劉文淇貧而穎悟愛而課之遂知名其學實自曙出云薛傳均字子韻甘泉人諸生博覽羣籍強記精識就福建學政陳用光聘用光見所著書恨相見晚旋以疾卒於汀州試院年四十一傳均於十三經注疏功力最深大端尤在小學於許君原書鉤稽貫串洞其義而熟其辭嘉定錢大昕文集內有說文答問一卷深明通轉假借之義傳均博引經史以證之成說文答問疏證六卷又以文選中多古字條舉件繁疏證證明為文選古字通十二卷劉逢祿字申受武進人祖綸大學士詮文定自有傳外王父莊存與舅莊述祖並以經術名世逢祿盡傳其學嘉慶十九年進士選翰林院庶吉士散館改禮部主事二十五年仁宗大事逢祿搜集大禮創為長編自始事至奉安山陵典章具備道光三年通政司參議盧浙請以尚書湯斌從祀文廟議者以斌康熙中在上書房獲譴乾隆中嘗奉殿難之逢祿攬筆書曰后夔典樂猶有朱均呂

望陳書難匡管蔡尙書汪廷珍善而用之遂奉命四年補儀制司主事越南貢使陳請爲其國王母乞人復得旨賞給而論中有外夷貢道之語其使臣欲請改爲外藩部中以詔書難更易遂祿草牒復之曰周官職方王畿之外分九服夷服去王國七千里藩服九千里是藩遠而夷近說文羌狄蠻貊字皆從物旁惟夷從大從弓考東方大人之國夷俗仁仁者壽有東方不死之國故孔子欲居之且乾隆間奉上諭申飭四庫館不得改書藉中夷字作彝舜東夷之人文王西夷之人我朝六合一家盡去漢唐以來拘忌嫌疑之陋使者無得以此爲疑越南使者遂無辭而退遂祿在禮部十二年恒以經義決疑事爲衆所欽服類如此其爲學務通大義不專章句由董生春秋闕六藝家法由六藝求觀聖人之志嘗謂世之言經者於先漢則古詩毛氏後漢則今易虞氏文詞稍爲完具然毛公詳古訓而略微言虞翻精象變而罕大義求其知類通達微顯幽者則公羊在先漢有董生後漢有何劭公氏子夏喪服傳有鄭康成氏而已先漢之學務乎大體故董生所傳非章句訓詁之學也後漢條理精密要以何

清 史 稿

儒林傳三

十七

劭公鄭康成氏爲宗然喪服於五禮特其一端春秋文成數萬其旨數千天道泱人事備以之貫羣經無往不得其原以之斷史可以決天下之疑以之持身治世則先王之道可復也於是尋其餘貫正其統紀爲公羊春秋何氏釋例三十篇又析其疑滯強其守衛爲箋一卷答難二卷又推原穀梁氏左氏之得失爲中何難鄭四卷又博徵諸史刑禮之不中者爲儀禮決獄四卷又推其意爲論語述何夏時經傳箋中庸崇禮論漢紀述例各一卷別有緯略二卷春秋賞罰格一卷愍時學者說春秋皆襲宋儒直書其事不煩褒貶之辭獨孔廣森爲公羊通義能抉其蔽然尙不能信三科九旨爲微言大義所在乃著春秋論上下篇以張聖權又成左氏春秋考證二卷知者謂與閻惠之辯古文尙書等達祿於易主虞氏於書匡馬鄭於詩初尙毛學後好三家有易虞氏變動表六爻發揮旁通表卦象陰陽大義虞氏易言補各一卷又爲易象賦卦氣頌提其指要尙書今古文集解三十卷書序述聞一卷詩聲衍二十七卷所爲詩賦連珠論序碑記之文約五十篇道光九年卒年五十有六弟子潘準莊樹趙振所

皆從學公羊及禮有名宋翔鳳字于庭長洲人嘉慶五年舉人湖南新寧縣知縣亦莊述祖之甥述祖有劉甥可師宋甥可友之語劉謂述祖宋謂翔鳳也翔鳳通訓詁名物志在西漢家法微言大義得莊氏之真傳著論語說義十卷序曰論語說曰子夏六十四人共撰仲尼微言以當素王微言者性與天道之言也此二十篇尋其條理求其指趣而太平之治素王之業備焉自漢以來諸家之說時合時離不能畫一當綜覈古今有纂言之作其文繁多因別錄私說題爲說義又有論語鄭注十卷大學古義說二卷孟子趙注補正六卷孟子劉熙注一卷四書釋地辨證二卷卦氣解一卷尙書說一卷尙書譜一卷爾雅釋服一卷小爾雅訓纂六卷五經要義一卷五經通義一卷過庭錄十六卷咸豐九年重賦鹿鳴諭年卒年八十二戴望字子高德清人諸生始好詞章繼讀博野顏元書爲顏氏學最後謁長洲陳奐通聲音訓詁復從翔鳳授公羊春秋遂通公羊之學著論語注二十卷用公羊家法演述論語述何之微言他著有管子校注二十四卷顏氏學記十卷謫麟堂遺集四卷

清 史 稿

儒林傳三

十八

雷學淇字瞻叔順天通州人父鏞字宗彝乾隆二十七年舉人江西崇仁縣知縣道光初元詔天下臣民嚴冠服之辨鏞著古今服緯以申古義抑奢侈至九年書成年九十矣學淇嘉慶十九年進士任山西和順縣知縣改貴州永從縣知縣生平好討論之學每得一解必求其會通務於諸經之文無所抵忤以父鏞著古今服緯爲之注釋附以釋問一篇異同表二篇又以夏小正一書備三統之義究心參攷二十餘年以堯典中星諸經屢數采虞史伯夷之說據周公垂統之文檢校異同訂其譌誤網羅放失尋厥指歸著夏小正經傳考二卷又考定經傳之文爲之疏證成夏小正本義四卷每慨竹書紀年自五代以來頗多殘闕爰博考李唐以前諸書所稱引者積以九年之蒐輯頗復舊觀嘗謂孟子先至梁後至齊此經之明文即無他左驗亦當從之爲說況竹書紀年曰梁惠成王後元十五年齊威王薨十七年惠成王卒然則惠王後元十六年齊宣王始即位孟子至梁當即在後元十六年王卒之前一歲也史記誤謂惠王立三十六年卽卒故云三十五年孟子至梁而以惠王改元之後十六年爲襄王

之世今據竹書稱梁惠會諸侯於徐州改元稱王故孟子呼之曰王史謂孟子至梁之二年惠王卒襄王立以本經考之其言可信但卒於改元後之十七年非三十六年也襄王既立孟子見其不似人君乃東至齊據竹書即齊宣即位之二年也梁至齊千數百里故曰千里而見王若孟子先見齊宣王由鄒之齊六百餘里不得云千里矣齊人取燕孟子明謂宣王時事史記於齊失載悼子侯刻二代將威宣之立皆移前二十二年於齊人伐燕事不知折衷孟子而年表謂在潞王十年司馬溫公終求其說而不得乃將宣之即位下移十年以遷就孟子自後說者疑信各半實皆未有定論今據紀年則伐燕在宣王七年實周赧王之元年凡孟子書所記古人年歲以史記漢書之說推之皆不合者以紀年推之無不合且以竹書長麻推驗列宿之歲差歷代之日蝕白唐虞以來無有差貸嘗自云傳箋注疏取舍多殊非政嘗議前賢期於事理之合云爾他著有校輯世本二卷古今天象考十二卷附圖說二卷亦嘗撰齊經義考及文集三十二卷王童齡字北堂昌平人道光元年副貢旋舉孝廉方正官新安柏

清史稿

儒林傳三

十九

鄉兩縣教諭嗜漢學精訓詁受業於高郵王引之經義述聞中時引其說著有周秦名字解詁補一卷即補引之所闕疑者崔述字武承大名入乾隆二十七年舉人選福建羅源縣知縣武弁多藉海盜邀功誣商船為盜述平反之未幾投劾歸著書三十餘種而考信錄一書尤生平心力所專注凡考古提要二卷上古考信錄二卷唐虞考信錄四卷夏商考信錄四卷豐鎬考信錄八卷豐鎬別錄三卷洙泗考信錄四卷洙泗餘錄三卷孟子事實錄二卷考古續說二卷附錄二卷又有王政三大典考三卷讀風偶識四卷尚書辨偽二卷論語餘說一卷讀經餘論二卷名考古異錄其著書大旨謂不以傳注雜於經不以諸子百家雜於傳注以經為主傳注之合於經者著之不合者辨之異說不經之言則闕其謬而削之如謂易傳僅溯至伏羲春秋傳僅溯至黃帝不應後人所知反多於古人凡緯書所言十紀史所云天皇地皇人皇皆妄也謂戰國楊墨橫議常非堯舜湯武以快其私毀堯則託諸許由毀禹則託諸子高毀孔子則託諸老聃毀武王則託諸伯夷太史公尊黃老故好采異端雜說學者但當信

論孟不當信史記謂夏商周未有號為某公者公賈父相連成文猶所謂公劉也古公賈父猶言昔公賈父也謂匡為宋邑似畏匡過宋本一事匡人其如予何桓魋其如予何似一時一事之言記者小異耳其說皆為有見述之為學攷據詳明如漢儒而未嘗墨守舊說而不求其心之安辨析精微如宋儒而未嘗空談虛理而不核乎事之實然勇於自信任意軒輊者亦多他著有易卦圖說一卷五服異同彙考三卷大名水道考一卷聞見雜記四卷知味錄二卷知非集三卷無聞集五卷小草集五卷嘉慶二十一年卒年七十七

胡培華字載平績溪人祖匡衷字樸蘇歲貢生於經義多所發明不苟與先儒同異者有三禮劄記周禮井田圖考井田出賦考儀禮釋官等書其於井田多申鄭義而授田一事以遂人所言是鄉遂制大司徒所言是都鄙制鄭注自相違戾作畿內授田考實一篇積算特精密其釋官則以周禮禮記左傳國語與儀禮相參證論據精確足補注疏所未及又著有周易傳義疑參十二卷左傳翼服論語古本設異論語補箋莊子集評離騷集注樸齋文集年七十四卒培

清史稿

儒林傳三

二十

鞏嘉慶二十四年進士官內閣中書戶部廣東司主事居官勤而處事密時人稱其治官如治經一字不肯放過絕不受財賄而抉隱指弊胥吏咸憚之假照案發司員失察者數十人惟培華及蔡紹江無所汚然猶以隨同畫諾鵠絀歸里後主講鍾山雲間於涇川一再至並引翼後進為己任去涇川日門人設飲餞者相望於道篤友誼郝懿行胡承珙遺書皆賴培華次第付梓道光二十九年卒年六十八績溪胡氏自明諸生東峰以來世傳經學培華濡濡先澤又學於嶽凌廷堪遂精三禮初著燕寢考三卷王引之見而喜之既為儀禮正義上推周公孔子子夏垂教之旨發明鄭君賈氏得失旁逮鴻儒經生之所議張皇幽渺闡揚聖緒二千餘歲絕學也其旨見與順德羅惇衍書曰培華撰正義約有四例一曰疏經以補注二曰通疏以申注三曰彙各家之說以附注四曰采他說以訂注書凡四十卷至賈氏公彥之疏或解經而違經旨或申注而失注意不可無辨別為儀禮賈疏訂疑一書宮室制度今以朝制廟制寢制為綱以天子諸侯大夫士為目學制則分別序序館制則分別公私皆先將宮室考定

而已十七篇所行之禮係於後名宮室提綱陸氏經典釋文於儀禮頗略擬
取各經音義及集釋文以後各家音切挨次補錄名曰儀禮釋文校補培壘
精是書凡四十餘年晚歲患風痺猶力疾從事尚有士昏禮鄉飲酒禮鄉射禮
燕禮大射儀五篇未卒業而歿門人江寧楊大培從學禮為補成之他著有禘
祫問答研六室文鈔大培字雅翰諸生篤學寡交研窮經訓初從元和顧廣圻
吳縣鈕樹玉遊備聞蒼雅圖奧著說文重文考六卷純以聲音求段借以偏旁
繁省求古繪異同之變又作五廟考專駁王肅之失江督陶澍以防海議試諸
生大培洋洋千言大略謂中國官侍客氣居上臨下視洋人若小負販顧彼雖
好利而越數萬里海洋至此必非無所挾持者幽莽行之必生邊鄙時承平
久人習附和之談獨大培卓識正論侃然無忌諱若豫卜有義律僕鼎查之事
讀者色變他著論語正義毛詩補注三禮義疏辨正皆佚

劉文淇字孟瞻儀徵人嘉慶二十四年優貢生父錫瑜以醫名世文淇稍長即
研精古籍貫串羣經於毛鄭賈孔之書及宋元以來通經解詁博覽冥搜折衷
清 史 稿 儒林傳三 二十一

一足尤肆力春秋左氏傳嘗謂左氏之義為杜注剝蝕已久其稍可觀覽者皆
係襲取舊說爰輯左傳舊注疏證一書先取賈服鄭三君之注疏通證明凡杜
氏所排擊者糾正之所勦毀者表明之其沿用章氏國語注者亦一一疏記他
如五經異義所載左氏說皆本左氏先師說文所引左傳亦是古文家說漢書
五行志所載劉子駿說實左氏一家之學經疏史注御覽等書所引左傳注不
載姓名而與杜注異者皆賈服舊說凡若此者皆稱為舊注而加以疏證其顧
惠補注及近人專釋左氏之書說有可采咸與登列未始下以己意定其從違
上稽先秦諸子下考唐以前史書旁及雜家筆記文集皆取為證佐期於實事
求是俾左氏之大義炳然著明草創四十年長編已具然後依次排比成書為
左氏舊注疏證又謂左傳義疏多襲劉光伯述議隋經籍志及孝經疏云述議
者述其義疏議之然則光伯本載舊疏議其得失其引舊疏必當錄其姓名孔
穎達左傳疏序祇云據以為本初非故襲其說至永徽中諸臣詳定乃將舊注
姓氏削去襲為己語因細加剖析成左傳舊疏考正八卷又據史記秦楚之際

月表知項羽曾都江都核其時勢推見割據之迹成楚漢諸侯疆域志三卷據
左傳吳越春秋水經注等書謂唐宋以前揚州地勢南高北下且東西兩岸未
設隄防與今運河形勢迥不相同成揚州水道記四卷又讀書隨筆二十卷文
集十卷詩一卷文淇事親純孝父年篤老目眇侍起居朝夕扶掖寒夜足凍侍
親以溫其足舅氏凌曙極貧遺孤毓瑞文淇收育之延同里方中為其師並補
諸生中通虞氏易皆其教也卒年六十有六子毓松字伯山道光二十年舉優
貢生從父受經長益致力於學以文淇故治左氏續述先業成春秋左氏傳大
義二卷以文淇考證左傳舊疏因承其義例著周易尚書毛詩禮記舊疏考正
各一卷又謂六藝未興之先學各有官惟史官之立為最古不獨史家各體各
類并支裔之小說家出於史官即經子集三部及後世之幕客書吏淵源所仿
亦出於史官班氏之志藝文論述史官尚未發斯旨其敘九流以明諸子所出
之官必有所授而其中仍有分省失當者既析九流中小說家流歸入史官又
辨道家非專出於史官改為出於醫官又增益者凡三家曰名家出於司士之

清 史 稿 儒林傳三 二十二

官兵家出於司馬之官藝術家出於考工之官統為十一家博稽載籍窮極根
要成史乘諸子通義各四卷又經傳通義十卷王船山年譜二卷彭城獻徵錄
十卷舊德錄一卷通義堂筆記十六卷文集十六卷詩集一卷卒年五十孫壽
曾字恭甫同治三年光緒二年兩中副榜毓松主金陵書局為曾國藩所重毓
松卒後招壽曾入局中所刊羣籍多為校定初文淇治左氏春秋長編晚年編
輯成疏甫得一卷而文淇沒毓松思卒其業未果壽曾乃發憤以繼志述事為
任嚴立課程至襄公四年而卒年四十五又讀左割記春秋五十七例表皆治
左疏時旁推交通發明古韻者他著昏禮重別論對駁義南史校義集評傳雅
堂集芝雲雜記各若干卷方申字端齋少孤受學於文淇通易著諸家易象別
錄虞氏易象彙編周易卦象集證周易互體詳述周易卦變舉要
丁晏字栢堂江蘇山陽人阮元為漕督以漢易十五家發策爻條對萬餘言精
奧為當世冠道光元年舉人晏以顧炎武云梅賾偽古文雅密非賾所能為考
之家語後序及釋文正義而斷為王肅偽作蓋肅雅才博學好作偽以難鄭君

鄭君之學昌明於漢肅爲古文孔傳以駕其上後儒誤信之近世惠棟王鳴盛頗疑肅作而未能暢其旨特著論申辨之撰尙書餘論二卷又以胡渭禹貢錐指能知偽古文而不能信好古學踵謬沿謬自逞意見後之學者何所取正既爲正誤以匡其失復采獲古文甄錄舊說疑俗訂譌斷以己意期於發揮經文無取泥古引用前人說各繫姓氏於下輯禹貢集釋三卷生平篤好鄭學於詩箋禮注研討尤深以毛公之學得聖賢之正傳其所稱道與周秦諸子相出入康成中暢毛義修敬作箋孔疏不能尋繹誤謂破字改毛援引疏漏多失鄭旨因博稽互考證之故書雅記義若合符撰毛鄭詩釋四卷康成詩譜宋歐陽氏補亡今通志堂刊本譌脫踳駁援據正義排比重編撰鄭氏詩譜攷正一卷以康成兼采三家詩王應麟有三家詩攷附刊玉海之後外謬錯出世無善本乃蒐采原書校讐是正撰詩攷補注二卷補遺一卷鄭氏注禮至精去古未遠不爲憑虛臆說迄今可考見者如儀禮喪服注多依馬融師說士虞記中月而禪注二十七月依戴禮喪服變除周禮大司樂鼓鼗注依許叔重說與先鄭不同

清史稿

儒林傳三

二十三

小肯縣鐘磬注二八十六枚在一處依劉向五經要義小宗伯注五精帝依劉向五經通義射人注稱今儒家依賈侍中注考工記山以章注作獾依馬季長注禮記檀弓瓦不成味注當作沫依班固白虎通王制大綬小綬注當作綬依劉子政說苑玉藻元端朝日鄭讀爲冕依大戴禮朝事義祭法幽宗零祭鄭讀爲祭依許氏說文鄭君信而好古原本先儒確有依據凡此釋義補孔之遺闕皆前人未發之秘疏通證明燭若燻火撰三禮釋注共八卷又輯鄭康成年譜署其堂曰六藝取康成六藝論以深仰止之思然公治經學不培擊末儒嘗謂漢學末學之分門戶之見也漢儒正其詁詁正而義以顯末儒析其理理明而詁以精二者不可偏廢其於易述程子之傳撰周易述傳二卷於孝經集唐元宗宋司馬光范祖禹之注撰孝經述注一卷尤熟於通鑑故經世優裕嘗與人論鈔幣謂輕錢行鈔必有利而無害論禁洋煙謂不禁則民日以弱中國必疲禁則利在所爭外夷必畔且禁煙當以民命爲重不當計利立法當以中國爲先不當援夷後悉如其言在籍時辦隄工司振務修府城浚市河開通文渠中

支均有功於鄉里咸豐三年粵匪蔓延大江南北督撫檄行府縣練勇積穀爲守禦計淮安以晏主其事旋以事爲人所劾奉旨遣戍黑龍江繳費免行十年捻匪擾淮安北關晏號召團練分布要隘城以獲全十一年以團練大臣晏端書薦敘前守城績由侍讀銜內閣中書加三品銜晏少多疾病迨長讀書養氣日益強固治一書畢方治他書手校書籍極多必徹終始光緒元年卒年八十有二所著書四十七種凡一百三十六卷其已刊者爲頤志齋叢書

王筠字貫山安邱人道光元年舉人後官山西鄉甯縣知縣鄉甯在萬山中民樸事簡訟至立判暇則抱一編不去手權徐清再權曲沃地號繁劇二縣皆治然亦未嘗廢學筠少喜篆籀及長博涉經史尤長於說文說文之學世推桂段兩家嘗謂桂氏專臆古籍取足達許說而止不下己意惟是引據失於限斷且泛及藻績之詞段氏體大思精所謂通例又前人所未知惟是武斷支離時或不免又謂文字之奧無過形音義三端古人之造字也正名百物以義爲本而音從之於是乎有形後人之識字也由形以求其音由音以考其義而文字之

清史稿

儒林傳三

二十四

說備六書以指事象形爲首而文字之樞機即在乎此其字之爲事而作者即據事以審字勿由字以生事其字之爲物而作者即據物以察字勿泥字以造物且勿假他事以成此事之意勿假他物以爲此物之形而後可與倉頡籀斯相質於一堂也今說文之詞足從口木從中鳥鹿足相似從匕苟非後人所竄亂則許君之意荒矣乃標舉分別疏通證明著說文釋例二十卷釋例云者即許書而釋其條例猶杜元凱之於春秋也又以二徐書多涉草略加以李燕亂其次第致分別部居之脈絡不可推尋段玉裁既創爲通例而體裁所拘未能詳備乃采桂段諸家之說著說文句讀三十卷句讀云者用張爾岐儀禮鄧注句讀之名謂漢人經說率名章句此書疏解許說無章可言故曰句讀也筠治說文之學垂三十年其書獨闢門徑折衷一是不依傍於人論者以爲許氏之功臣桂段之勁敵又有說文繫傳校錄三十卷文字蒙求四卷他著有毛詩重言一卷附毛詩雙聲疊韻說一卷夏小正正義四卷弟子職正音一卷正字略二卷蛾術編再真正字讀儀禮鄭注句讀刊誤四書說略咸豐四年卒年七十

曾到字敏修南海人道光五年拔貢生官合浦縣教諭調欽州學正到篤學好古讀一書必校勘謬字脫文遇秘本或雇人影寫或懷餅就鈔積七八年得數萬卷自是研求經義文字則考之說文玉篇訓詁則稽之方言爾雅雖與晦難通而因文得義因義得音類能以經解經確有依據入都時見武進劉逢祿逢祿曰篤學若宛士吾道東矣宛士到號也俄徵阮元督粵震澤任兆麟見到所校字林以告元元驚異延請課子後開學海堂以古學造士特命到為學長獎勵後進嘗因元說日月為易為合朔之辨在朔易更發明孟喜卦氣引繫辭懸象莫大乎日月死魄會於壬癸日上下象未濟為晦時元以為足發古義宜再暢言之以明孟氏之學因著周易虞氏義箋七卷他著有周禮注疏小箋四卷又詩說一卷又詩毛鄭異同辨一卷毛詩經文定本小序一卷考異一卷音讀一卷虞書命義和章解一卷論語述解一卷讀書雜誌五卷面城樓集十卷到好講經濟之學二十一年英人焚掠海疆以祁墳還督兩粵番禺舉人陸殿清

清史稿

儒林傳三

二十五

邦獻議填大石獵德滙濬河道以阻火船墳舉以問到到言易稱設險者不恃天塹不藉地利在人相時設之而已入省河道三獵德滙濬皆淺由大石至大黃滙水深數丈三四月夷船從此入當先事防之以固省城城固然後山內達外墳甚難之委到相度堵塞形勢到以大石為第一要區糾南海番禺二縣團勇二萬六千晝夜演練防務遂密二十三年填謀修復虎門礮臺到進礮臺形勢議十條已而廉洋賊起填以到習知廉州情形委到與軍事海賊投首咸豐四年卒於家林伯桐字桐君番禺人嘉慶六年舉人生平好為考據之學宗主漢儒而踐履則服膺朱子無門戶之見事親孝道光六年試禮部歸父已卒悲慟不欲生居喪悉遵古禮蔬食不入內者三年自是不復上公車一意奉母與兩弟友愛教授生徒百餘人咸教內行勉實學粵督阮元鄧廷楨皆敬禮之元延為學海堂學長廷楨聘課其二子二十四年以選授德慶州學正閏三年卒於官年七十伯桐於諸經無不通尤深於毛詩謂傳箋不同者大抵毛義為長孔疏多以王肅語為毛意又往往混鄭於毛為毛詩學者當分別觀之庶幾不

失家法因考鄭箋異義為毛詩通考三十卷又著毛詩傳例二卷又綴其碎義瑣辭著毛詩識小三十卷皆極精覈他著有易象釋例十二卷易象雅訓十二卷三禮注疏考異二十卷冠昏喪祭儀考十二卷左傳風俗二十卷古音勸學三十卷史學蠡測三十卷供翼小言二卷古諺箋十一卷兩粵水經注四卷粵風四卷修本堂彙四卷詩文集二十四卷李黼平字緇子嘉應州人幼穎異年十四精通樂譜及長治漢學工考證嘉慶十年進士選翰林院庶吉士散館改昭文縣知縣治事一以寬和慈惠為宗不忍用鞭扑獄隨至隨結公餘即手一編民間因有李十五書生之目以虧挪落職繫獄數年乃得歸會粵督阮元開學海堂聘閱課藝遂留授諸子經所著毛詩細義二十四卷道光十二年卒年六十三他著有易刊誤二卷文選異義二卷讀杜韓筆記二卷柳興恩原名興宗字寶叔丹徒人道光十二年舉人受業於儀徵阮元初治毛詩以毛公師荀卿荀卿師穀梁穀梁春秋千古絕學元刻皇清經解公羊左氏俱有專家而穀梁缺焉乃發憤沈思成穀梁春秋大義述三十卷以鄭六藝論

清史稿

儒林傳三

二十六

云穀梁子善於經遂專從善經入手而善經則以屬辭比事為據事與辭則以春秋日月等名例定之其書凡例謂聖經既以春秋定名而無事猶必舉四時之百月後儒謂日月非經之大例未為通論穀梁日月之例泥則難通比則易見與其議傳而轉謂經誤不若信經而併存傳說述日月例第一謂春秋治亂於以然禮乃防亂於未然穀梁親受子夏其中典禮猶與論語夏時周宛相表裏述禮例第二謂穀梁之經與左氏公羊異者以百數漢書儒林傳云穀梁魯學公羊乃齊學也此或由齊魯異讀音轉而字亦分述異文第三謂穀梁親受子夏故傳中用孔子孟子說其他暗合者更多述古訓第四謂自漢以來穀梁師授鮮有專家要不得擯諸師說之外述師說第五謂漢儒師說之可見者惟尹更始劉向二家然搜獲寥寥其說已亡而名僅存者自漢以後併治三傳者亦收錄焉述經師第六謂穀梁久屬孤經茲於所見載籍之涉穀梁者循次摘錄附以論斷並著本經廢興源流述長編第七番禺陳澧嘗為穀梁箋及條例未成後見與恩書歎其精博遂出其說備采不復作他著有周易卦氣輔四卷

虞氏逸象考二卷尙書篇目考二卷毛詩注疏糾補三十卷續王應麟詩地考
二卷羣經異義四卷劉向年譜二卷儀禮釋宮考辨二卷史記漢書南齊書校
勘記說文解字校勘記宿登齋詩文集光緒六年卒年八十有六弟榮宗字翼
南著有說文引經考異十六卷同時爲穀梁之學者有南海侯康海州許桂林
嘉善鍾文燕江都梅毓侯康自有傳許桂林字同叔海州人嘉慶二十一年舉
人少孤孝於母及生母無間言家貧不以厚幣易遠遊日以話經爲事道光元
年丁內艱以毀卒年四十三桂林於諸經皆有發明猶篤信穀梁之學者春秋
穀梁傳時日月書法釋例四卷其書有引公羊而互證者有駁公羊而專主者
陽湖孫星衍嘗以條理精密論辨明允許之又著易確二十卷大旨以乾爲主
謂全易皆乾所生博觀約取於易義實有發明別有毛詩後箋八卷春秋三傳
地名考證六卷漢世別本禮記長義四卷大學中庸講義二卷四書因論二卷
嘗以其餘力治六書九數著許氏說音十二卷以配說文又著說文後解十卷
又以岐伯言地大氣舉之氣外無殼其氣將散氣外有殼此殼何依思得一說

清史稿

儒林傳三

二十七

以補所未及蓋天質一氣而其根在北極是也北極不當爲天樞而當爲氣
母因采集宣夜遺文以西法通之著宣西通三卷又以算家以簡爲貴乃取欽
定數理精蘊撮其切於日用者著算牘四卷生平所著書四十餘種凡百數十
卷甘泉羅士琳從之遊後以西算名世鍾文燕字子勤嘉善人道光二十六年
舉人候選知縣於學無所不通而其全力尤在春秋因沈潛反覆三十餘年成
穀梁經傳補注二十四卷其書網羅衆家折衷一是其未經人道者自比於梅
鷲之辨僞書陳第之談古韻略引其緒以待後賢文燕兼究宋元諸儒書中
若釋師哈祖禰詮法以及心志不通仁不勝道以道受命等皆能提要挈綱實
事求是又著論語序詳正一卷卒年六十梅毓字延祖江都人同治九年舉人
候選教諭著有穀梁正義長編一卷

陳澧字蘭甫番禺人道光十二年舉人河源縣訓導澧九歲能文復問詩學於
張維屏問經學於侯康凡天文地理樂律算術篆隸無不研究中年讀諸經注
疏子史及朱子書日有課程初著聲律通考十卷謂周禮六律六同皆文之以

五聲禮記五聲六律十二管還相爲宮今之俗樂有七聲而無十二律有七調
而無十二宮有工尺字譜而不知宮商角徵羽懼古樂之遂絕乃考古今聲律
爲一書又切韻考六卷外篇三卷謂孫叔然陸法言之學存於廣韻宜明其法
而不惑於沙門之說又漢志水道圖說七卷謂地理之學當自水道始知漢水
道則可考漢郡縣其於漢學宋學能會其通謂漢儒言義理無異於宋儒宋儒
輕蔑漢儒者非也近儒尊漢儒而不講義理亦非也著漢儒通義七卷晚年尋
求大義及經學源流正變得失所在而論贊之外及九流諸子兩漢以後學術
爲東塾讀書記二十一卷其教人不自立說嘗取顧炎武論學之語而申之謂
博學於文當先習一藝韓詩外傳曰好一則博多好則雜也非博也讀經史子
集四部書皆學也而當以經爲主尤當以行己有恥爲主爲學海堂學長數十
年至老主講菊坡精舍與諸生講論文藝勉以篤行立品成就甚衆光緒七年
粵督張樹聲巡撫裕寬以南海朱次琦與澧皆耆年碩德奏請褒異給五品卿
銜八年卒年七十三他著有說文聲表十七卷水經注提綱四十卷水經注西

清史稿

儒林傳三

二十八

南諸水考三卷三統術詳說三卷弧三角平視法一卷琴律譜一卷中范一卷
摹印述一卷東塾集六卷侯康字君謨亦番禺人道光十五年舉人少孤事母
孝家貧欲買書母稱貸得錢買十七史讀之卷帙皆敝遂通史學及長精研注
疏湛深經術與同里陳澧交最久嘗謂澧志載春秋古經十二篇者左經也經
十一卷者公穀經也今以三傳參校之大要古經爲優穀梁出最先其誤尙寡
公羊出最晚其誤滋甚乃取其義意可尋者疏通證明之著春秋古經說二卷
又治穀梁以證三禮以公羊雜出衆師時多偏駁排詆獨多著穀梁禮證未完
帙僅成二卷又仿裴松之注三國志例注史嘗曰注古史與近史異注近史者
羣書大備注古史者遺籍罕存當日爲唾棄之餘今日皆見聞之助宜過而存
之因爲後漢書補注續一卷三國志補注一卷後漢稱續者以有惠棟注三國
志杭世駿注未完善故不稱續也又補後漢三國藝文志各成經史子四卷餘
未成又考漢魏六朝禮儀貫串三禮著書數十篇澧嘗歎以爲精深浩博十七
年卒年四十四弟度字子琴與康同榜舉人以大挑知縣分發廣西署河池州知

州廣西賊起度伐木爲柵因山勢聯絡堅固可守賊退以病告歸至家遂卒年五十七度治熟經傳尤長禮學時稱二侯嘉興錢儀吉嘗稱其研覈傳注剖析異同如辨鬻伯惠伯之爲父子三老五更之爲一人證明鄭義皆有據依所著書爲夷寇所焚其說經文刻學海堂集中桂文燦字子白文燦之弟道光二十九年舉人同治二年正月應詔陳言曰殿甄別以清仕途曰設幕職以重考成曰分三途以勵科甲曰裁廢費曰鑄銀錢以資利用若津貼京員製造輪船運演銅先後允行光緒九年選湖北鄖縣知縣善治獄以積勞卒於任文燦守阮元遺言謂周公尙文範之以禮尼山論道教之以孝苟博文而不能約禮明辨而不能篤行非聖人之學也鄭君朱子皆失儒其行同其學亦同因著朱子述鄭錄二卷他著四書集注箋四卷毛詩釋地六卷周禮通釋六卷經學博采錄十二卷

清史稿

儒林傳三

二十九

治二年大學士祁寯藻薦於朝特旨以知縣分發江蘇補用卒不出三年卒年五十九珍初受知於歙縣程恩澤乃益進求諸聲音文字之原與古宮室冠服之制方是時海內之士崇尚攷據珍師承其說實事求是立異不苟同復從莫與儔游益得與聞國朝六七鉅儒宗旨於經最深三禮謂小學有三曰形曰聲曰義形則三代文體之正具在說文若歷代鐘鼎款識及汗簡古文四聲韻所收奇字既不盡可識亦多偽造不合六書不可以爲常也聲則崑山顧氏音學五書推證古音信而有徵昭若發蒙誠百世不祧之祖義則凡字書韻書訓詁之書浩如煙海而欲通經訓莫詳於段玉裁說文注邵晉涵郝懿行爾雅疏及王念孫廣雅疏證貫串博衍超越前古是皆小學全體大用其讀禮經恆苦乾嘉以還積漸生弊號宗高密又多出新義未見有勝說愈繁而事愈蕪故言三禮墨守司農不敢苟有出入至於諸經率依古注爲多又以餘力旁通子史類能提要鉤玄儀禮十七篇皆有發明半未脫稿所成儀禮私箋僅有士昏公食大夫喪服士喪四篇凡八卷而喪服一篇反覆尋繹用力尤深又以周禮攷

工記輪輿鄭注精微自賈疏以來不得正解說者日益支蔓成輪輿私箋三卷尤長說文之學所著說文逸字二卷附錄一卷說文新附考六卷皆見稱於時他著有臯氏圖說深衣考汗簡箋正說隸等書又有集經集經說詩鈔文鈔明鹿忠節公無欲齋詩注郝漢助字叔積新化人父文蘇歲貢生以古學教授鄉里闢學舍曰古經堂與諸生肄士禮其中其考據典物力尊漢學而談心性則宗朱子漢助通左氏義佐伯兄漢紀撰左氏地圖說又佐仲兄漢漢撰羣經百物譜年十八九撰六國春秋於天文推步方輿沿革六書九數靡不研究同縣鄧顯鶴深異之與修實慶府志又至黔中修貴陽大定興義安順諸郡志咸豐元年舉於鄉訪魏源於高郵同撰堯典釋天一卷會粵賊陷江甯漢助以援堵守三策上書曾國藩謂不援江西堵廣西湖南亦不能守國藩用其言命偕江忠淑率楚勇千人援南昌圍解敘勞以知縣用既從江忠源於廬州守大西門賊爲隧道三攻之城圯數丈賊將登陴漢助擊卻之堅守三十七日地雷復發城陷漢助坐城樓上命酒自酌持劍大呼殺賊賊至與格鬪手刃數人力竭死

清史稿

儒林傳三

三十

之年四十九贈道銜所著讀書偶識三十六卷自言破前人之訓故必求唐前之訓故方敢用違箋傳之事證必求漢前之事證方敢從以漢人去古未遠諸經注皆有師承故推闡漢學不遺餘力尤深音均之學初著廣韻表十卷晚爲五均論說尤精粹時以江戴目之生平於易詩禮春秋論語說文水經皆有撰述凡二十餘種合二百餘卷同治二年土匪焚其居燬焉今存者讀書偶識僅八卷五均論二卷韻項秣考二卷數藝齋文三卷詩一卷紅崖石刻釋文一卷南高平物產記二卷王崧字樂山浪穹人嘉慶四年進士山西武鄉縣知縣崧學問淹通儀徵阮元總督雲貴延崧主修通志著有說緯六卷劉寶楠字楚楨寶應人父履恂字迪九乾隆五十一年舉人國子監典簿著有秋槎札記寶楠生五歲而孤母氏喬教育以成始寶楠從父台拱漢學精深寶楠請業於台拱以學行聞鄉里爲諸生時與儀徵劉文淇齊名人稱揚州二劉道光二十年成進士授直隸文安縣知縣文安地稱窪下隄堰不修遇伏秋水盛漲輒爲民害寶楠周履隄防詢知疾苦爰檢舊冊依例督旗屯及民同修而

旗屯恆估勢相觀望寶楠執法不阿功遂濟再補元氏會歲旱縣西北境蝗災延二十餘里寶楠禱東郊蝥蝗爭投阮井或抱禾死歲則大熟咸豐元年調三河值東省兵過境故事兵車皆出里下寶楠謂兵多差重非民所堪顧車應差給以民價民得不擾寶楠在官十六年衣冠樸素如諸生時動於聽訟官文安日審結積案千四百餘事雞初鳴坐堂皇兩造具備當時研鞫事無鉅細均如其意結案悖者照例治罪凡涉親故族屬訟者諭以睦鄰概令解釋訟獄既簡吏多去籍歸耕遠近翕然著循良稱咸豐五年卒年六十五寶楠於經初治毛氏詩鄭氏禮後與劉文淇及江都梅植之涇包慎言丹徒柳興恩句容陳立約各治一經寶楠發策得論語病皇邢疏蕪陋乃蒐輯漢儒舊說益以宋人長義及近世諸家仿焦循孟子正義例先為長編次乃薈萃而折衷之著論語正義二十四卷因官事繁未卒業命子恭冕續成之他著有釋穀四卷於豆麥麻三種多補正程氏九穀考之說漢石例六卷於碑志體例考證詳博寶應圖經六卷勝朝列傳錄三卷文安隄工錄六卷恭冕字叔俊光緒五年舉人守家學

清史稿

儒林傳三

三十一

通經訓入安徽學政朱蘭幕為校李貽德春秋賈服注輯述移補百數十事後主講湖北經心書院敦品飭行崇尚樸學幼習毛詩晚年治公羊春秋發明新周之義闢何劭公之謬說同時通儒皆避之卒年六十著有論語正義補何休論語注訓述廣經室文鈔龍啟瑞字翰臣臨桂人道光二十一年一甲一名進士授翰林院修撰二十四年充廣東鄉試副考官二十七年大考翰詹二等七名以待講升用七月簡湖北學政著經籍舉要一書以示學者又以學政之職有三要一曰防弊二曰厲實學三曰正人心風俗三十年丁父憂回籍咸豐元年六月廣西巡撫鄒鳴鶴奏辦廣西團練以啟瑞總其事二年七月省城圍解以守城出力以待講學士升用六年四月授通政司副使十一月簡江西學政七年三月遷江西布政使八年九月卒於官啟瑞切劄經義尤講求音韻之學貫穿於顧江段王孔張劉江諸家之書而著古韻通說二十卷以為論古韻者自顧氏以前失之疏自段氏以後過於密江氏酌中亦未為盡善陽湖張氏分二十一部言凡言古韻者

清史稿 卷四八八

分之不嫌密合之不嫌廣惟分之密其合之也脈絡分明不至因一字而疑各韻可通亦不至因各韻而疑一字之不可通啟瑞服膺是言故其集古韻也意主於嚴而其為通說也則較之顧氏而尚覺其寬不拘成說不執私見參之古書以求其是而已其論本音論通韻論轉音皆確有據依而以論通說總之故以名其全書焉他著有爾雅經注集證三卷經德堂集十二卷苗藥字仙籙齋寄人幼即嗜六書形聲之學讀許氏說文若有夙悟已又得顧炎武音學五書慕之彌篤曰吾守此終身矣舉道光十一年優貢生高郵王念孫父子禮先於夔山是譽望日隆夔以為許叔重遺書多有為後人妄刪或附益者乃訂正說文八百餘字為說文聲訂二卷顧氏音學所立古音表十部宏綱已具然猶病其太密而戈麻既雜西音不應別立一部於是併耕清蒸登於東冬併戈麻於支齊定以七部隳括羣經之韻字以聲從韻以部分為說文聲讀表七卷詩白毛傳鄭箋而後主義理者多主聲均者少雖有陸元朗詩經音義亦不能專主古音然古音時有未盡改者夔治毛詩尤精於諸聲之學嘗以齊魯韓三家證毛而又以許波長之聲韻參錯其間采太平戚氏之漢學諸聲詩經正讀無錫安氏之均徵為毛詩均訂十卷咸豐丁巳五月卒年七十有五龐大望字子方常熟入嘉慶二十四年舉人究心音韻之學嘗謂顧江戴段孔王諸家分部互有出入者以入聲配隸無準耳入聲有正紐反紐今韻多從正紐古韻多從反紐陽奇陰偶兩兩相配一從陸氏法言所定為正紐一從顧江戴王所定為反紐其轉音之法有五一正轉同部者是也一遞轉同音者是也一旁轉相比及相生者是也一雙聲同母者是也又謂欲明古音必先究唐韻乃可定其分合為唐韻輯略五卷備考一卷形聲輯略一卷備考一卷古音輯略二卷備考一卷等韻輯略三卷他著有易例輯略五卷

清史稿

儒林傳三

三十二

陳立字卓人句容人道光二十一年進士二十四年補應殿試選翰林院庶吉士散館改刑部主事升郎中授雲南曲靖府知府請訓時文宗有為人清慎之譽時以道梗不克之任少客揚州師江都梅植之受詩古文辭師江都凌曙儀徵劉文淇受公羊春秋許氏說文鄭氏禮而於公羊致力尤深文淇嘗謂漢儒

二四一

之學經唐人作疏其義益晦徐彥之疏公羊空言無當近人如曲阜孔氏武進劉氏謹守何氏之說詳義例而略典禮訓詁立乃博稽載籍凡唐以前公羊古義及國朝諸儒說公羊者左右采獲擇精語詳草創三十年長編甫具南歸後乃整齊排比融會貫通成公羊義疏七十六卷初治公羊也因及漢儒說經師法謂莫備於白虎通先為疏證以條舉舊聞暢隱扶微為主而不事辨駁成白虎通疏證十二卷幼受爾雅因取唐人五經正義中所引健為舍人樊光劉歆孫炎五家悉甄錄之謂郭注中精言妙語大率胎此附以郭音義及顧沈施謝諸家切釋成爾雅舊注二卷又以古韻之學敝蝕已久而聲音之原起於文字說文諧聲即韻母也因推廣歸安姚氏說文聲系之例刺取許書中諧聲之文部分而綴敘之以象形指事會意為母以諧聲為子其子之所諧又即各綴於子下其分部則兼取顧江戴孔王段劉許諸家精研而審核之訂為二十部成說文諧聲學生述三卷其文淵雅典碩大抵考訂服制典禮及聲音訓詁為多成句溪雜著六卷卒年六十一

清史稿

儒林傳三

三十三

陳奐字碩甫長洲人諸生咸豐元年舉孝廉方正奐始從吳江沈治古學金壇段玉裁寓吳與沈祖聲善嘗曰我作六書音韻表惟江氏祖孫知之餘豈有知者奐盡一晝夜探其梗概沈嘗假玉裁經韻樓集奐竊視之加朱墨後玉裁見之稱其學識出孔賈上由是奐受學玉裁高郵王念孫暨子引之樓賈郝懿行績溪胡培壺涇湖承拱臨海金鶚咸與締交奐嘗言大毛公詁訓傳言簡意該遂殫精竭慮專攻毛傳以毛傳一切禮數名物自漢以來無人稱引韜晦不彰乃博徵古書發明其義大抵用西漢以前舊說而與東漢人說詩者不苟同又以毛氏之學源出荀子而善承毛氏者惟鄭仲師許叔重兩家故於周禮注說文解字多所取說著詩毛氏傳疏三十卷又以疏中稱引博廣難明更舉條例立表示圖為毛詩說一卷準以古音依四始為毛詩音四卷放爾雅例編毛傳為義類十九篇一卷以鄭多本三家詩與毛異為鄭氏箋考徵一卷又有詩語助義三十卷公羊逸禮考徵一卷師友淵源記一卷補郊或問宋本集韻校勘記各若干卷其論尚書大傳與毛傳同條共貫論春秋之學從公羊以知例治

穀梁以明禮穀梁文句極簡必得治禮數十年而後可明其要義論釋名與毛傳說文多不台然可以討漢宋說經家之沿流其論丁度集韻云集韻總字具見類篇先以類篇校集韻再參之釋文說文玉篇廣韻博雅則校讐之功過半矣又云陸氏釋文宋本當於集韻求之今尚書釋文經開寶中陳諤等刪改之本集韻則未經刪改者也於子書中尤好管子嘗令其弟子元和丁士涵為管子案四卷家居授徒從游者數十人同郡管慶祺丁士涵馬釗費鐸德清戴望其尤著也同治二年卒年七十有八金鶚字誠齋臨海人優貢生博聞強識遂精三禮之學受知於山陽汪廷珍與析難辨論成禮說二卷嘉慶二十四年卒於京邸所著求古錄一書取宮室衣服郊祀井田之類貫串漢唐諸儒之說條考而詳辨之鶚又嘗輯論語鄉黨注釐正舊說頗得意解卒後稿全佚陳奐求得之釐為求古錄禮說十五卷鄉黨正義一卷

黃式三字徽香定海人歲貢生事親孝嘗赴鄉試母喪暴疾卒於家馳歸慟絕父老且病臥牀第數年衣食釐洗必躬親之比歿持喪以禮誓不再應鄉試於

清史稿

儒林傳三

三十四

學不立門戶博綜經治易治春秋而尤長三禮論禘郊宗廟謹守鄭學論封域井田兵賦學校明堂宗法諸制有大疑義必釐正之其復禮說崇禮說約禮說管著論語後案二十卷自為之序他著有書啟幃四卷詩叢說一卷詩序說通二卷詩傳箋考二卷春秋釋二卷周季編略九卷傲居集經說四卷史說四卷同治元年卒年七十四子以周從子以恭俱能傳其學以周本名元同後改今名以元同為字同治九年優貢旋舉於鄉大挑以教職用補分水縣訓導以學臣奏加中書銜以教授升用旋遷處州府教授而年已七十遂不就以周篤守家學以為三代下之經學漢鄭君宋朱子為最而漢學宋學之流弊乖離聖經尚不合於鄭朱何論孔孟有清講學之風倡自顧亭林顧氏嘗云經學即是理學乃體顧氏之訓上追孔孟之遺言於易詩春秋皆有著述而三禮尤為宗主所著禮書通故百卷列五十目古先王禮制備焉又以孟子學孔子由博反約而未嘗親炙孔聖其間有子思子綜七十子之前聞承孔聖以啓孟子乃著子思子輯解七卷而舉子思所述夫子之教必始於詩書而終於禮樂及所明

仁義爲利之說謂其傳授之大信是深信博文約禮之經學爲行義之正軌而求孟子學孔聖之師承以子思爲樞軸年多疾因曰加我數年子思子輯解成斯無憾既書成而疾瘥更號哉生江蘇學政黃體芳建南菁講舍於江陰延之主講以周教以博文約禮實事求是道高而不立門戶宗源瀚建辨志精舍於甯波請以周定其名義規制而專課經學者錄弟子千餘人卒年七十有二以恭字質庭光緒元年舉人著有尙書啟蒙疏二十八卷讀詩管見十二卷俞樾字蔭甫德清人道光三十年進士改庶吉士咸豐二年散館授編修五年簡放河南學政奏請以鄭公孫僑從祀文廟聖兄孟皮配享崇德祠並邀俞允七年以御史曹登庸劾試題割裂能職樾歸後僑居蘇州主講蘇州紫陽上海求志各書院而主杭州詒經精舍三十餘年最久課士一依阮元成法游其門者若戴望黃以周朱一新施補華王詒壽馮一梅吳慶坻吳承志袁昶等咸有聲於時東南遭緒寇之亂典籍蕩然樾總辦浙江書局建議江浙揚鄂四書局分刻二十四史又於浙局精刻子書二十二種海內稱爲善本生平專意著述

清史稿

儒林傳三

三十五

先後著書卷帙繁富而羣經平議諸子平議古書疑義舉例三書尤能確守家法有功經籍其治經以高郵王念孫引之父子爲宗謂治經之道大要在正句讀審字義通古文假借三者之中通假借爲尤要王氏父子所著經義述聞用漢儒讀謂讀日之例者居半發明故訓是正文字至爲精審因著羣經平議以附述聞之後其諸子平議則仿王氏讀書雜志而作校誤文明古義所得視羣經爲多又取九經諸子舉例八十有八每一條各舉數事以見例使讀者習知其例有所據依爲讀古書之一助樾於諸經皆有纂述而易學爲深所著易貫專發明聖人觀象繫辭之義玩易五篇則自出新意不拘泥先儒之說復作良官易說卦氣值日考續考邵易補原易窮通變化論互體方位說皆足證一家之學晚年所著茶香室經說義多精確古文不拘宗派淵然有經籍之光所作詩溫雅雅近白居易工篆隸同時如大學士曾國藩李鴻章尙書彭玉麟徐樹銘潘祖蔭咸傾心納交日本文士有來執業門下者樾湛深經學律已尤嚴篤天性尙廉直布衣蔬食海內翕然稱曲園先生光緒二十八年以鄉舉重逢

清史稿

卷四八八

詔復原官重赴鹿鳴筵宴三十二年卒年八十有六著有羣經平議三十五卷諸子平議三十五卷及第一樓叢書曲園雜纂俞樓雜纂寶萌集春在堂雜文詩編詞錄隨筆右台仙館筆記茶香室叢鈔經說其餘雜著稱春在堂全書同時以考年篤學主講席者則有南匯張文虎文虎字嘯山諸生嘗讀元和惠氏歛江氏休密戴氏嘉定錢氏諸家書慨然歎爲學自有本則取漢唐宋注疏經說由形聲以通其字由訓詁以會其義山度數名物以辨其制作由語言事蹟以窺古聖賢精義旁及子史莫不攷其源流同異精天算尤長校勘同治五年兩江書局開文虎爲校史記三注成札記五卷最稱精善卒年七十有一著有舒藝室遺書

清史稿

儒林傳三

三十六

董其駢則掛額庚詩歌則抗阮左記事之體一取裁於龍門閣運刻苦勵學寒暑無間經史百家靡不誦習雙注抄校日有定課遇有心得隨筆記述闡明奧義中多前賢未發之覆嘗曰治經於易必先知易字有數義不當虛衍卦名於書必先斷句讀於詩必先知男女贈答之辭不足以頌學官傳後世一洗三陋乃可言禮禮明然後治春秋又曰說經以識字爲貴而非識說文解字之字爲貴又曰文不取裁於古則亡法文而畢摹乎古則亡意又嘗慨然自歎曰我非文人乃學人也學成出遊初館山東巡撫崇恩入都就尙書肅順順順奉之若師保軍事多諮而後行左宗棠之獄閣運實解之已而參曾國藩幕胡林翼彭玉燾等皆加敬禮閣運自負奇才所如多不合乃退息無復用世之志唯出所學以教後進四川總督丁寶楨聘主尊經書院待以賓師之禮成材甚衆歸爲長沙思賢講舍衡州船山書院山長江西巡撫夏時延爲高等學堂總教光緒三十四年湖南巡撫岑春煢上其學行特授檢討鄉試重達加侍讀閣運晚睹世變與人無忤以唯阿自容入民國嘗一領史館遂歸丙辰年卒年八十

一四三

有五所著書以經學為多其已刊者有周易說十一卷尚書義三十卷尚書大傳七卷詩經補箋二十卷禮記箋四十六卷春秋公羊傳箋十一卷穀梁傳箋十卷周官箋六卷論語注二卷爾雅集解十六卷又墨子莊子墨子義解十卷湘軍志十六卷湘綺樓詩文集及日記等子女並能通經傳其家學次子代豐早世著有公羊例表

王先謙字益吾長沙人同治四年進士選庶吉士授編修光緒元年大考二等擢中允充日講起居注官歷上疏言言路防弊請籌東三省防務並劾雲南巡撫徐之銘六年晉國子監祭酒八年丁憂歸服闋仍故官疏請三海停工出為江蘇學政十四年以太監李蓮英招搖疏請懲戒略言官寺之患自古為昭本朝法制森嚴從無太監擅權害事皇太后垂簾聽政一票前謾毫不寬假此天下臣民所共知共見者乃有總管太監李蓮英秉性奸回肆無忌憚其平日穢聲劣迹不敢形諸奏牘惟思太監等給使宮禁得以日近天顏或因奔走微長偶邀宸顧度亦事理所有何獨該太監誇張恩遇大肆招搖致太監篋小李之名傾動中外驚駭物聽此即其不安本分之明證易曰履霜堅冰漸也皇太后皇上於制治保邦之道靡不動求夙夜遇事防維今宵小橫行已有端兆若不嚴加懲辦無以振綱紀而肅羣情疏上不報先謙歷典雲南江西浙江鄉試搜羅人才不遺餘力既蒞江蘇先奏設書局仿阮元皇清經解例刊刻續經解一千四百三十卷南菁書院創於黃體芳先謙廣籌經費每邑拔取才士入院而督教之誘掖獎勵成就人材甚多開缺還家歷主思賢講舍嶽麓城南兩書院其培植人才與前無異三十三年總督陳夔龍巡撫岑春煇奏以所著書進呈賞內閣學士銜宣統二年長沙饑民閩團撫署衛兵開槍擊斃數人民情愈憤匪徒乘之放火燒署省城紳士電請易巡撫以先謙名首列先謙不知也總督瑞澂奏參部議降五級同鄉京官胡祖蔭等以冤抑呈遞都察院亦不報國變後改名避遷居鄉間越六年卒著有尚書孔傳參正三十六卷三家詩集義疏二十八卷漢書補注一百卷荀子集解二十卷日本源流考二十二卷外國通鑑三十卷虛受堂詩文集三十六卷等

清史稿

儒林傳三

三十七

孫詒讓字仲容瑞安人父衣言自有傳詒讓同治六年舉人官刑部主事初讀漢學師承記及皇清經解漸窺通儒治經史小學家法謂古子羣經有三代文字之通假有秦漢篆隸之變遷有魏晉正草之混淆有六朝唐人俗書之流失有宋元明校讐之屬改匡違摺佚必有誼據先成札逐十二卷又著周禮正義八十六卷以為有清經術昌明於諸經均有新疏周禮以周公致太平之書而秦漢以來諸儒不能融會貫通蓋通經皆實事實字天地山川之大城郭宮室衣服制度之精酒漿醴醢之細鄭注簡與賈疏疏略讀者難於深究而通之於治尤多謬誤劉歆蘇綽之於新周王安石之於宋膠柱鼓瑟舟一潰不振遂為此經詬病詒讓乃於爾雅說文正其訓詁以禮經大小戴記證其制度研擇廿載彙草屢易遂博采漢唐以來迄乾嘉諸經儒舊說參互譯證以發鄭注之淵奧裨賈疏之遺闕其於古制疏通證明較之舊疏實為淹貫而注有悟違輒為匡糾凡所發正數十百事匪敢壞疏不破注家法於康成不曲從杜鄭之意實亦無詖而以國家之富強從政教入則無論新舊學均可折衷於是書識者韙之

清史稿

儒林傳三

三十八

光緒癸卯以經濟特科徵不應宣統元年禮制館徵亦不就未幾卒年六十二所著又有墨子開詰十五卷目錄附錄二卷後語二卷精深閱博一時推為絕詣古籀拾遺三卷逸周書辨補四卷九旗古義述一卷
鄭杲字東甫遷安人父鳴岡為即墨令卒於官貧不能歸因家焉杲事母孝光緒五年舉山東鄉試第一明年成進士授刑部主事肆力於學以讀經為正課旁及朝章國故孜孜終日視仕進泊如也嘗謂治經在信古傳經者淵海傳其航也漢氏諸儒主乎此者不能通乎彼唐宋而降能觀其通矣乃舉古說而悉排之惟斷以己意若是者皆非善治經者也杲以母憂歸主講濼源書院服闋選員外時朝政維新兩宮已積疑釁杲獨惓惓言天子當竭誠以盡孝道具疏草莫敢為言者二十六年夏憂感入南斗復上書請修省不報未幾卒杲之學深於春秋其言曰左氏明魯史舊章二傳則孔孟推廣新意口授傳指公羊明魯道者也穀梁明王道者也左氏則備載當時行用之道當時行用之道霸道也所以必明魯道者為人子孫道在法其祖也穀梁則損益四代之趣咸在焉

惟聖人蹶起在帝位者乃能用之也其爲說兼綜三傳而尤致嚴於事天事君事親之辨謂春秋首致謹於元年正月正月者正即位也正月謹始也必能爲父之子然後能爲天之子矣春秋之有三正由其有天君父之三命也春者天也王者君也正月者父也將以備責三正而單舉正月何也事天事君皆以事親爲始也凡臬所論著如此與臬同時者有宋書升字晉之濰縣人光緒十八年進士改庶吉士里居十年殫心經術易書詩均有撰述尤精推步之學法偉堂字小山膠州人光緒十五年進士官青州府教授精研音韻之學考訂陸德明經典釋文多前人所未發

孔蔭植字對賓孔子六十五代孫世居曲阜明天啟初襲封衍聖公清順治元年世祖定鼎京師山東巡撫方大猷疏言開國之初首宜尊崇先聖下禮部議衍聖公爵及其官屬悉循明舊制蔭植朝京師遣官迎勞入朝班列大學士上賜宴恩禮有加四年卒遣山東布政使致祭子興變襲興變字起呂時年十三生母陶撫以成立稍長事母甚孝疑重有器識飭廟庭修禮樂諸廢悉舉累加少保兼太子太保康熙六年卒子毓圻襲毓圻字鐘在方幼年十一朝京師聖祖召見瀛臺禮度如成人奏對稱旨越二年上幸學召毓圻陪祀太皇太后召入見賜坐問家世具以對賜茶及克食辭出命內臣送至宮門外傳諭從官善輔翼之上御殿毓圻從諸大臣朝參及退命自御道行遼巡辭上敦諭之乃趨出加太子少師二十三年上東巡釋奠孔子廟留曲柄黃蓋謁林周覽遺跡每

事問毓圻謹以對因請擴林地置守衛除租賦設百戶官秩視衛守備皆許之毓圻輯幸魯盛典以進復奏請重修孔子廟白巡撫及河道總督免縣人河工應役雍正元年世宗命追封先聖五代王爵十月毓圻詣闕謝疾作上命醫診視賜參餌十一月卒於京師上遣內大臣奠茶酒喪歸命皇三子及莊親王允祿臨奠行人護行賜葬益恭愍毓圻工書愛蘭自號曰蘭堂子傳鐸襲傳鐸字振路康熙間賜二品冠服襲爵後一年世宗幸學召傳鐸陪祀傳鐸老病足命其子繼溥代行禮六月孔子廟災傳鐸用明弘治間故事率族人素服三日哭疏引咎上遣侍郎王景曾祭告並傳旨慰問尋發帑重建命侍郎留保會巡撫岳濬前巡撫陳世倌庀工役而以傳鐸董其事詔傳鐸有當增設者言無隱因請增設樂器庫直房上許之八年廟成九年上命修孔林仍與世倌監理疾作乞休上允之子繼溥前卒命以孫廣榮襲十年孔林工竟復開館輯闕里盛典十三年卒賜祭葬傳鐸工詩詞有集廣榮字京立雍正初授二品冠服襲爵以孔林工竟率族人詣闕謝上御圓明園正大光明殿召入對命坐賜茶諭曰

汝為先聖後宮存聖賢心行聖賢事秉禮守義以驕奢為戒汝年方少尤宜勤學讀書敦品勵行與汝族人相勸戒相砥礪為端人正士廣榮頓首謝賜松花江石硯及錦幣賜宴遣歸十三年世宗崩入臨高宗復召入對以覃恩贈父繼漢如其爵三年上幸學召廣榮陪祀獻親耕藉田頌視學大禮慶成賦四年朝京師祝上萬壽會舉經筵令侍班因奏請著為令六年疏勅曲阜知縣毓琚不職毓琚亦許廣榮居鄉不法下巡撫按治上原廣榮而謹毓琚八年卒子昭煥襲昭煥字顯明十三年正月上東巡釋奠孔子廟御詩禮堂昭煥方幼命其族人舉人繼汾等進講是日並謁林還復留曲柄黃蓋賜昭煥宴資書籍文綺貂幣官繼汾中書族人有官者皆進秩親製孔子廟碑勒石大成門外二十一年昭煥疏言皇莊戶丁蒙恩免役歷來地方官額外雜派每事調劑非易請酌留五十戶除改歸民籍交地方官編審應役上諭曰昭煥疏言皇莊此必沿前代舊習然亦止應稱官莊子不云乎甚矣山之行詐無臣而為有臣昭煥可謂不能讀其祖書矣此時丁銀已停徵地方官安得更令百姓應役且取役何事若能讀其祖書矣此時丁銀已停徵地方官安得更令百姓應役且取役何事若

清史稿

儒林傳四

二

為朕東巡修道則皆發帑雇役初未累百姓朕展謁先師衍聖公督令廟戶除道清產理所應爾豈當轉庇廟戶並發帑雇役亦不肯應耶下吏議當奪爵上命寬之以昭煥年少歸咎繼汾及其兄繼洙皆譴黜三月上東巡釋奠孔子廟謁林二十二年上奉皇太后東巡釋奠三十六年復東巡釋奠既還京師出內府所藏周銅器木鼎亞尊犧尊伯彝册古罍彝敦寶簋夔鳳豆饗養獻四足高凡十事置廟庭四十一年兩金川平三月復奉皇太后東巡釋奠告成功次日謁林四十八年昭煥卒子憲培襲憲培字養元乾隆五十九年卒子慶鎔襲慶鎔字陶甫道光二十一年卒子繁瀨襲繁瀨字文淵同治二年卒設端恪子祥珂襲祥珂字觀堂光緒三年卒設莊愨子令貽襲令貽字穀孫國變後襲爵奉祀如故當唐末五季以文宣公兼曲阜令宋用孔氏支子明至清初因之自毓琚與廣榮互許坐罷官廷議以衍聖公咨送易涉私孔氏子領鄉縣所隸皆親屬審斷亦未能悉公擬更前例御史衛廷璞疏言宜仍舊貫鴻臚寺卿林令旭又請以衢州孔氏子孫為曲阜知縣下廷臣議用廷璞言仍令衍聖公咨送巡

撫考試題補後十餘年巡撫白鍾山奏請改題缺上諭曰闕里毓聖之鄉唐宋以來率以聖裔領縣事大宗主尊爵列上公而知縣以民事為職奉法令則以裁制傷恩厚族黨則以偏私廢事非古易地而官之道當如鍾山議仍別設世襲六品官選孔氏子充補明制五經博士孔氏南宗一人奉衢州孔子廟祀北宗一人奉述聖祀顏氏復聖後曾氏宗聖後孟氏亞聖後仲氏子政後各一人道州周氏元公後江甯嵩縣程氏皆正公後洛陽邵氏康節後建安婺源朱氏皆文公後各一人清因之又增設咸陽姬氏文公後曲阜東野氏周公後濟甯閔氏子騫後濬縣端木氏子貢後常熟言氏子游後鉅野卜氏子夏後蕭縣顧孫氏子張後荷澤肥城兩冉氏伯牛仲弓後肥城有氏有子後鄒平伏氏伏生後孟縣韓氏文公後鄆縣張氏明公後各一人而程氏改純公後一人又崇關侯祀事亦錄其後洛陽解州江陵各一人明史衍聖公附儒林傳後今仿其例並五經博士有增設者亦附焉

清史稿

儒林傳四

三

清史稿

列傳

文苑

清代學術超漢越宋論者至欲特立清學之名而文學亦重亦足於漢唐宋明以外別樹一宗嗚呼盛已明末文衰甚矣清運既興文氣亦隨之而一振謙益歸命以詩文雄於時足負起衰之責而魏侯申吳山林遺逸隱與推移亦開風氣之先康乾盛治文教大昌聖主賢臣莫不以提倡文化為己任師儒崛起尤盛一時自王朱以及方俾各擅其勝文運盛衰實通世運此當舉其全體若必執一人一地言之轉失之隘豈定論哉道咸多故文體日變魏魏之徒乘時立說同治中興文風又起曾國藩立言有體濟以德功實集其大成光宣以後支離龐雜不足言文久矣茲為文苑傳但取詩文有名能自成家者彙為一編以著清一代文學之盛派別異同皆置勿論其已見大臣及儒林各傳者則不復著焉

文苑一

清史稿

文苑一

- | | | | | | | | | | | | | |
|-----|-----|-----|-----|-----|-----|-----|-----|----|-----|-----|-----|-----|
| 魏禧 | 侯方域 | 吳嘉紀 | 吳偉業 | 施閏章 | 陳恭尹 | 馮班 | 阿什坦 | 計東 | 朱彝尊 | 陳維崧 | 徐嘉炎 | 劉獻廷 |
| 申涵光 | 錢謙益 | 宋琬 | 王士禛 | 胡承詒 | 汪琬 | 彭孫通 | 尤侗 | 潘耒 | 萬斯同 | 邵遠平 | | |

喬萊

陸棻

龐垲

陸圻

孫枝蔚

丁焯

黃與堅

吳雯

梅清

馮景

姜宸英

性德

文昭

趙執信

黃儀

查慎行

史申義

顧陳墀

何焯

戴名世

清史稿

文苑一

魏禧字冰叔甯都人父兆鳳諸生明亡號哭不食鬻髮為頭陀隱居翠微峯是冬竄離之乾遂名其堂為易堂旋卒禧兒時嗜古論史斬斬見識年十一補縣學生與兄際瑞弟禮及南昌彭士望林時益同邑李騰蛟邱維屏彭任曾燦等九人為易堂學皆躬耕自食切劘讀書三魏之名徧海內禧束身砥行才學尤高門前有池顏其居曰勺庭學者稱勺庭先生為人形幹修頤目光射人少善病參朮不去口性仁厚寬以接物不記人過與人以誠雖見欺怡如也然多奇氣論事每縱橫排繫倒注不窮事會盤錯指畫灼有經緯思慮豫防見幾於蚤懸策而後驗者十嘗八九流賊起承平久人不知兵且謂寇遠猝難及禧獨憂之移家山中距城四十里四面削起百餘丈中徑坳自山根至頂若斧劈然緣圻鑿磴道梯而登因置閣為守望士友稍稍依之後數年甯都被寇翠微峯獨完喜讀史尤好左氏傳及蘇洵文其為文淺厲雄傑遇忠孝節烈事則益感激摹畫淋漓年四十乃出遊於蘇州交徐枋金俊明杭州交汪胤乍浦交李天植常熟交顧祖禹常州交惲日初楊瑀方外交樂地橋木皆遺民也當是時南豐謝文海講學程山星子宋之盛講學醫山弟子著錄者皆數十百人與易堂相應和易堂獨以古人實學為歸而風氣之振由禧為之領袖僧無可譬至山中歎曰易堂真氣天下無兩矣無可明檢討方以智也友人亡其孤不能自

存禧撫教安業之凡戚友有難進之言或處人骨肉間禧批卻導一語輒解其紛或訝之禧曰吾每遇難言事必積誠累時待其精神與相貫注夫然後言康熙十七年詔舉博學鴻儒禧以疾辭有司催就道不得已昇疾至南昌就醫巡撫昇驗之禧蒙被臥稱疾篤乃放歸後二年卒年五十七妻謝氏絕食殉著有文集二十二卷目錄三卷詩八卷左傳經世十卷際瑞原名祥字善伯禧兄明亡後禧禮並謝諸生際瑞歎曰吾為長子祖宗祠墓父母尸饗將誰責乎遂出就試順治十七年歲貢生甯都民亂禧進討索饒於山皆際瑞身冒險阻往來任其事屢瀕於死際瑞重信義翠微峯諸隱者皆族戚倚際瑞為安危者三十餘年康熙十六年演將韓大任踞贛當事議撫之大任曰非魏際瑞至吾不信也時際瑞館總領哲爾肯所遂遣之家人泣勸毋往際瑞曰此鄉邦宗族所關也吾不行恐禍及行而無成吾自當之遂往而入營官兵遽從東路急攻大任疑竇已因拘留之大任變計走降際瑞遂遇害年五十八子世傑殉焉際瑞篤治古文喜漆園太史公書著有文集十卷五雜俎五卷禮字和公禧弟

清史稿

文苑一

三

少魯鈍受業於禧禧嘗嘗之禮弗憾曰兄固愛弟也禧喜過望方九歲父將析產持一田券躊躇曰與祥則禮損矣奈何禮適在旁應聲曰任損我母損伯兄父笑曰是固魯鈍者耶禮寡言急然諾喜任難事以鬱鬱不得志乃益事遠遊所至必交其賢豪物色窮巖遺佚之士年五十倦遊返於翠微左幹之巖構屋五楹是時伯叔踵逝石閣勾庭久虛無人諸子各散處不復居易堂禮獨身率妻子居十七年未他徙卒年六十六著有詩文集十六卷子世傑世倣世倣字昭士生二十餘月母口授九歌輒能成誦稍長從仲父禧讀性狷急勇於任事禧嘗謂其文一如其人鋒銳所及往往有沒羽之力以多病不應試徧遊燕楚吳越一至嶺南適王士禎使粵見所作願折節與交著有耕廡文稿十卷世倣字敬士善病如其兄然不廢翰墨與世傑世倣時稱小三魏著有為谷文稿八卷李騰蛟字咸齋亦甯都人諸生於易堂中年最長諸子皆兄事之嚴敬無敢數後居三獻峰以經學教授著周易廣言年六十卒邱維屏字邦士甯都人三魏姊婿也明諸生為人高簡率穆讀書多元悟禧嘗從之學晚為秣數易學

及泰西算法僧無可與布算退語人曰此神人也彭士望與維屏交三十餘年未嘗見其毀一人然維屏獨推服禧嘗貽禧書曰拒諫飾非者大惡也不拒諫而嘗自拒諫不飾非而嘗自飾非尤惡之惡也足下敢於自信自處有故而持之以堅拒諫飾非蓋有如此者禧得之痛服維屏教授弟子手批口講日夜不輟業康熙十八年卒年六十六垂矜示子曰食有菜飯穿可補衣無謫戾行堪句讀師士望服其言著有周易勛說十二卷松下集十二卷邦士文集十八卷曾燦字青藜亦甯都人給事中應選仲子歲乙酉楊廷麟竭力保南贛應選以閩嶠山澤間有衆十萬命燦往撫之既行而應選病卒贛亦破乃解散尋祝髮為僧游閩浙兩廣間大母及母念燦成疾乃歸甯都以大母命受室築六松草堂躬耕不出者數年後僑居吳下二十餘年客游燕市以卒著有六松草堂文集西嶠草堂詩集林時益本明宗室名議露字確齋南昌人與彭士望同里兩人謀居士望與魏禧一見定交極言金精諸山可為嶺北耕種處乃攜家偕士望往僑居十餘年與魏氏昆弟相講習康熙七年詔明故宗室子孫衆多竄伏

清史稿

文苑一

四

山林者還田廬復姓氏時益久客甯都弗樂歸卜居冠石結廬備田非其力不食冠石宜茶時益以意製之香味擬陽美所謂林茶者也晚好禪悅著有冠石詩集五卷確齋文集梁份字質人南豐人少從彭士望魏禧遊講經世之學工古文辭嘗隻身遊萬里西盡武威張掖南極黔滇徧歷燕趙秦晉齊魏之墟覽山川形勢訪古今成敗得失遐荒軼事一發之於文方苞王源皆重之其論山海關謂關自明洪武間始設陷置臨榆於西唐為榆關東北古長城燕秦所築距關遠皆不足輕重金之伐遼自取遼民始李自成席卷神京敗石河而失之天之廢興人之成敗而決於山海一隅荒榛千百年之上偏重於三百年間天下定則山海安山海困則天下舉因其安危之重如此生平以未遊山海為憾為人樸學強毅守窮約至老不少挫卒年八十九著有懷葛堂文集十五卷西陲今略八卷

侯方域字朝宗商邱人父恂明戶部尚書季父恪官祭酒皆以東林忤閣黨方

域師倪元璐性豪邁不羈為文有奇氣時太倉張溥主盟復社青浦陳子龍主

盟幾社咸推重方域海內名士爭與之交方恂之督師援汴也方域進曰大人受詔討賊廟堂議論多牽制今宜破文法取賜劍誅一甲科守令之不應徵辦者而晉帥許定國師噪亟斬以徇如此則威立軍事辦然後渡河收中原土寨團結之衆以合左良玉於襄陽約陝督孫傳庭犄角並進則汴圍不救自解恂叱其跋扈不用趣遣之歸方域既負才無所試一放意聲伎流連秦淮間閹黨阮大鍼時亦屏居金陵謀復用諸名士共檄大鍼罪作留都防亂揭宜與陳貞慧貴池吳應箕二人主之大鍼知方域與二人善私念因侯生以交於二人事當已乃屬其客來結驩方域覺之卒謝客大鍼恨次骨已而驟柄用將盡殺黨人捕貞慧下獄方域夜走依鎮帥高傑得免順治八年出應鄉試中式副榜十一年卒年三十七方域健於文與魏禧汪琬齊名號國初三家有壯悔堂集同時江西以文名者南昌王猷定新建陳宏緒徐士溥歐陽斌元猷定字于一選拔貢生父時熙進士官太僕卿名在東林猷定好奇有辯口文亦如之著四照堂集宏緒字士業父道亨進士官兵部尚書疏救楊漣罷歸藏書萬卷宏緒不

清史稿

文苑一

五

仕輯宋遺民錄以見志有石莊集士溥字巨源父良彥進士忤魏削籍成清浪濞陽陳名夏聞士溥善古文手書招之拒不納有榆溪集斌元字憲萬嘗爲南司馬呂大器草奏劾馬士英二十四大罪又佐史可法幕府有文集十二卷申泂光字和孟號覺盟永年人明太僕寺丞佳允子年十五補諸生文名藉藉顧不屑爲舉子業日與諸同志論文立社載酒豪遊爲樂萬歷六年亂起議城守出家資四百金錢二十萬犒士甲申奉母避亂西山誅茅廣羊絕頂與鉅鹿楊思聖雞澤殷岳殷淵定患難交京師破佳允殉國難泂光痛絕復蘇因渡江而南謁陳子龍夏允彝徐石麟諸名宿爲父志傳歸里事親課弟足跡絕城市日與殷岳及同里張蓋相往來酬和人號爲廣平三君清初詔訪明死難諸臣柏鄉魏裔介上褒忠疏列佳允名格於部議泂光徒跣赴京師踣泥水中幾瀕於死麻衣經帶號哭東華道上觀者皆泣裔介再疏爭之卒與祀卹如例一時士大夫高其行皆傾心納交宴遊贈答無虛日泂光爲詩吞吐衆流納之鑪冶一以少陵爲宗而出入於高岑王孟諸家嘗謂詩以道性情性情之真者可

清史稿

文苑一

六

以格帝天泣神鬼若專事附會寸寸而效之則啼笑皆僞不能動一人矣尙書王士禛稱泂光開河朔詩派學士熊伯龍謂今世詩人吾甘爲之下者覺盟一人而已嘗謁奇逢執弟子禮奇逢恨得之晚以聖賢相敦勉自是始聞天人性命之旨究心理學不復爲詩順治十七年詔郡縣舉孝行有司以泂光應力辭之再舉隱逸之士堅辭不就嘗自悔爲名累謝絕交遊晚年取諸儒語錄朝夕研究作性習圖義利說及荆園小語進語諸書嘗曰主靜不如主敬敬自靜也朱陸同適於道朱由大路雖遲而穩陸由便徑似捷而危在人自擇耳奇逢謂其苦心積慮閱歷深而動忍熟裔介則讚之曰年少文壇老來理路聖賢之所謂博文而約禮也其推重如此康熙十六年卒年五十九泂光又解琴理書法顏魯公尤工漢隸間作山水木石落落有雅致著有聽山詩集八卷文集四卷說杜一卷蓋字履與明亡後謝諸生悲吟侘傺遂成狂疾嘗遊齊晉楚豫間歸自閉土室中雖妻子不得見唯泂光岳至則延入談其治其詩哀憤過情恆自毀其稿卒後泂光爲刊遺詩曰柿葉集岳字宗山鶴澤舉人京師陷入西山與其弟淵謀舉義事洩淵被害岳匿泂光家得免其爲詩自魏晉以下屏不觀尤不喜律詩所作唯古體莽莽然肖其爲人有留耕堂集

吳嘉紀字賓賢泰州人布衣家安豐鹽場之東洶地濱海無交遊自名所居曰陋軒貧甚雖豐歲常乏食獨喜吟詩晨夕嘯詠自適不交當世郡人汪楫孫枝蔚與友善時稱道之遂爲王士禛所知尤賞其五言清冷古淡雪夜酌酒爲之序馳使三百里致之嘉紀因買舟至揚州謁謝定交由是四方知名士爭與之倡和嘉紀工爲危苦嚴冷之詞嘗撰今樂府淒急幽奧能變通陳迹自爲一家所著陋軒集多散佚友人復哀集之爲四卷其詩風骨頗迥運思亦復剴刻由少任俠明亡後居天池搆落木菴以祜禪終詩多感唱虞山錢謙益與之善贈以詩頗推重之有諡齋堂染香菴等集

錢謙益字受之常熟人明萬歷中進士授編修博學工詞章名隸東林黨天啓中御史陳以瑞劾能之崇禎元年起官不數月至禮部侍郎會推閣臣謙益慮

尚書溫體仁侍郎周延儒並推則名出己上謀沮之體仁追論謙益典試浙江取錢千秋關節事予杖論贖體仁復甯常熟人張漢儒許謙益貪肆不法謙益求救於司禮太監曹化淳刑斃漢儒體仁引疾去謙益亦削籍歸流賊陷京師明臣議立君江寧謙益陰推戴諸王與馬士英議不合已而福王立懼得罪上書誦士英功士英引為禮部尚書復力薦關黨阮大鍼等大鍼遂為兵部侍郎順治二年豫親王多鐸定江南謙益迎降命以禮部侍郎管秘書院事馮銓充修明史館正總裁而謙益副之俄乞歸五年鳳陽巡撫陳之龍獲黃毓祺謙益坐與交通詔總督馬國柱逮訊謙益訴辨國柱遂以謙益毓祺案非相識定讞得放還以著述自娛越十年卒謙益為文博瞻諳悉朝典詩尤擅其勝明季王李號稱復古文體日下謙益起而力振之家富藏書晚歲絳雲樓火惟一佛像不燼遂歸心釋教著楞嚴經蒙鈔其自為詩文曰牧齋集曰初學集有學集乾隆三十四年詔煨板然傳本至今不絕張鼎華字孝升合肥人明崇禎七年進士授兵科給事中李自成陷都城以鼎華為直指使巡視北城及睿親王至遂

清史稿

文苑一

七

迎降授吏科給事中改禮科遷太常寺少卿順治三年丁父憂請賜卹典給事中孫垣齡疏言鼎華辱身流賊蒙朝廷擢用曾不聞夙夜在公惟飲酒醉歌俳優角逐聞訃仍復歌飲留連冀邀非分之典虧行滅倫莫此為甚部議降二級尋遇恩詔獲免累遷左都御史先是大學士馮銓被劾睿親王集科道質訊鼎華斥銓閹黨為忠賢養兒銓曰何如逆賊御史鼎華以魏徵歸順太宗自解王笑曰惟無瑕者可以戮人奈何以閹賊擬太宗遂罷不問坐事降八級調用補上林苑丞旋能康熙初起左都御史遷刑部尚書卒諡端毅乾隆三十四年詔削其諡鼎華天才宏肆千言立就世祖在禁中見其文歎曰真才子也嘗兩典會試汲引英傑如不及朱彝尊陳維崧遊京師貧甚資給之傅山閻爾梅陷獄皆賴其力得免臨歿以徐鉉屬梁清標曰負才如虹亭可使之不成名耶鉉後以清標薦試鴻博入史館自謙益卒後在朝有文藻負士林之望者推鼎華云著有定山堂集

吳偉業字駿公太倉人明崇禎四年進士授編修充東宮講讀官再遷左庶子

弘光時授少詹事乞假歸順治九年用兩江總督馬國柱薦詔至京侍郎係承澤大學士馮銓相繼論薦授秘書院侍講充修太祖太宗聖訓纂修官十三年遷祭酒丁母憂歸康熙十年卒偉業學問博瞻或從質經史疑義及朝章國故無不洞悉原委詩文工麗蔚為一時之冠不自標榜性至孝生際鼎革有親在不能不依違顧戀俯仰身世每自傷也臨歿顧言吾一生遭際萬事憂危無一時一境不歷艱苦死後歛以僧裝葬我鄧尉靈岩之側墳前立一圓石題曰詩人吳梅村之墓勿起祠堂勿乞銘聞其言者皆悲之著有春秋地理志氏族志綬寇紀略及梅村集曹溶字夢弼嘉興人明崇禎十年進士官御史清定京師仍原職尋授順天學政疏薦明進士王崇簡等五人又請旌殉節明大學士范景文尚書倪元璐等二十八人孝子徐基義士王良翰等及節婦十餘人試竣擢太僕寺少卿坐前學政任內失察降二級久之稍遷左通政上言通政之官職在納言請嗣後凡遇挾私違例章疏即予駁還仍許隨事建議又言王師入關各處駐兵乃一時權宜今當歸併於盜賊出沒險阻之地則兵不患少其閒

清史稿

文苑一

八

散無事之兵遇缺勿補遇調即遣則餉不虛糜且當裁提鎮增副將以專責成又言諸司職掌無成書請以近年奉旨通行者參之前朝會典編為簡明則例以重官守擢左副都御史疏請時御使殿召大臣入對賜筆札以辨其才識有切中利弊者即飭力行勿概下部議帝並嘉納擢戶部侍郎出為廣東布政使降山西陽和道康熙初裁缺歸里十八年舉鴻博丁憂未赴學士徐元文薦修明史又數年卒有倦園詩集

宋琬字玉叔萊陽人父應亨明天啟中進士令清豐有惠政民為立祠崇禎末殉節贈太僕卿琬少能詩有才名順治四年進士授戶部主事累遷吏部郎中出為隴西道過清豐民遮至應亨祠款留竟日述往事至泣下琬益自刻厲期不墜先緒調永平道又調寧紹台道皆有績十八年擢按察使時登州于七為亂琬同族子懷宿憾因告變琬與于七通立逮下獄并繫妻子逾三載下督撫外訊巡撫蔣國柱白其誣康熙三年放歸十一年有詔起用授四川按察使明年入覲家屬留官所值吳三桂叛成都陷聞變驚悸卒始琬官京師與嚴沆

施閏章丁澍輩酬倡有燕臺七子之目其詩格合聲諧明靚溫潤既構難時作
淒清激宕之調而亦不戾於和王士禛點定其集爲三十卷嘗舉閏章相況目
爲南施北宋歿後詩散佚族孫邦憲綴輯之爲六卷沈字子餐餘杭人順治十
二年進士官至戶部侍郎性退讓或譏彈其詩輒應時改定有皋園集

施閏章字尚白號愚山宣城人祖宏猷以儒學者子姓傳業江南言家法者推
施氏閏章少孤事叔父如父從沈澍民遊博綜羣籍善詩古文辭順治六年進
士授刑部主事以員外郎試高等擢山東學政崇雅黜浮有冰鑒之譽秩滿遷
江西參議分守湖西道屬郡殘破多盜徧歷山谷撫循之人呼爲施佛子嘗作
彈子嶺大阮歎等篇告長吏讀者皆曰今之元道州也尤崇獎風教所至輒葺
書院會講常數百人新淦民兄弟忿戾不睦一日聞講禮讓孝弟之言遂相持
哭詣塔下服罪峽江忠虎製文祝之俄有虎墮深壑遂絕歲旱禱雨輒應康
熙初裁缺歸民留之不得乃釀金創龍岡書院祀之初閏章駐臨江有清江環
城下民過者咸曰是江似使君因改名使君江及是傾城送江上又送至湖以

清史稿

文苑一

九

官舫輕民爭買石膏載之乃得渡十八年召試鴻博授翰林院侍講纂修明史
典試河南二十二年轉侍讀尋病卒閏章之學以體仁爲本置義田贍族好扶
掖後進爲文意樸而氣靜詩與宋琬齊名王士禛愛其五言詩爲作摘句圖士
禛門人問詩法於閏章閏章曰阮亭如華嚴樓閣彈指即見予則不然如作室
者甌壁木石一一就平地築起論者皆謂其尤著有學餘堂集矩齋雜記蠶齋
詩話都八十餘卷閏章與同邑高詠友善皆工詩主東南壇坫數十年時號宣
城體詠字阮懷幼稱聖童祖維岳知興國州清介無長物詠食貧厲學屢躋名
場年近六十始貢入太學詞科之舉詠與焉授檢討閏章稱其詩優入古人兼
工書畫有遺山堂若巖堂集時同舉鴻博又有泰州鄧漢儀字孝威以年老授
中書舍人亦工詩遊跡所至輒以名集逐年編紀凡七集詩家咸推重之
王士禛字子底濟南新城人少工文章清介有守弟士祐士禛從之學詩士禛
遂爲詩家大宗官尙書自有傳士禛順治九年進士授牒改官選萊州府教授
遷國子監助教擢吏部主事康熙二年以員外郎典試河南磨勘呈吏議下獄

久之得雪免歸居數年起原官學士張貞生御史李棠先後建言獲咎力直之
人以爲難尋又免歸母喪以毀卒年四十有八其文去雕飾詩尤閒澹幽肆有
西樵十笏山房諸集士祐字子測十歲時客或疑焦竑字弱侯何耶坐客未對
卽應聲曰此出考工記竑其幅廣以爲之弱也咸驚其夙慧康熙初第進士未
仕卒士禛輯其詩爲古鉢山人遺集當是時山左詩人王氏兄弟外有田雯顏
光敏曹貞吉王萃張篤慶徐夜皆知名雯字紫綸號山蕙德州人康熙三年進
士授中書先是中書以贊郎充是年始改用進士遂爲例累遷工部郎中督江
南學政所取士多異才每按試從兩驛二僕隨之戒有司勿供張授湖廣督糧
道遷光祿卿巡撫江寧調貴州時苗仲猖獗粵督議會勦變謂制苗之法犯則
治之否則防之而已無庸動衆勞民也議遂寢丁憂起補刑部侍郎調戶部以
疾歸康熙中士禛負海內重名其論詩主風調變負其縱橫排累之氣欲以奇
麗抗之有古樸堂集貞吉字升六安邱人與雯同年進士禮部郎中詩格迥隸
有實庵詩略兼工倚聲吳綺選名家詞推爲壓卷光敏字遜甫曲阜人顏子六

清史稿

文苑一

十

十七世孫也康熙六年進士除國史院中書舍人帝幸大學加恩四氏子孫授
禮部主事歷吏部郎中其爲詩秀逸深厚出入錢劉吳江計東謂足以鼓吹休
明雅善鼓琴精騎射臨翰嘗西登太華循伊闕南浮江淮觀濤錢塘派三衢所
至輒命工爲圖得金石文恆懸之屋壁有樂圃集舊雨堂集萃字秋史歷城人
少落拓不偶人目爲狂斐見其詩爲延譽嘗賦黃葉句絕工人稱爲王黃葉康
熙四十五年進士當爲令以母老改成山衛教授閉門耽吟介節彌著有二十
四泉草堂集篤慶字歷久淄川人拔貢生早受知施閏章會徵鴻博有欲薦之
者辭不應詩以盛唐爲宗有崑崙山房集夜字東巖新城人本名元善舉鴻博
不赴有詩集
陳恭尹字元孝順德人父邦彥明末殉國難贈尙書恭尹少孤能爲詩習聞忠
孝大節棄家出游賦姑蘇懷古諸篇傾動一時留閩浙者七年一日父友遇諸
塗責之曰子不歸葬奈何徒欲一死塞責耶恭尹泣謝之乃歸既葬父增城遂
渡銅鼓洋訪故人於海外久之歸主何衡家與陶鑪梁無技及衡弟絳相砥礪

世稱北田五子已復游贛州轉泛洞庭再游金陵至汴梁北渡黃河徘徊大行之下於是南歸築室羊城之南以詩文自娛自稱羅浮布衣恭尹修髯偉貌氣幹沈深其為詩激昂頓挫足以發其哀怨之思自言平生文辭多取諸胸臆僕僕道塗稽古未遑也卒年七十一著獨漉堂集王準取恭尹詩合屈大均梁佩蘭共刻之為嶺南三家集大均字介子番禺人初名紹隆遇變為僧中年返初服工詩高渾兀莽有翁山詩文集佩蘭字芝五南海人童時日記數千言順治十四年鄉試第一又三十一年始成進士年六十矣佩蘭夙負詩名既選庶吉士館中推為祭酒不一年假歸里居十五載會詔飭詞臣就職復入都逾月散館以不習國書罷歸結蘭湖社與同邑程可則番禺王邦畿方殿元及恭尹等稱嶺南七子有六登堂集可則字周量順治九年會試第一以磨勘停殿試歸益恣探經史十七年始應闈試授內閣中書累遷兵部郎中出知桂林府以敏幹稱其官都下與宋琬施閏章王士禛士禛陳廷敬沈荃曹爾堪輩為文酒之會吳之振合刻八家詩選可則詩曰海日堂集殿元字蒙章康熙三年進士歷

清史稿

文苑一

十一

知刻城江寧等縣置祭田以贍兄弟而自携長子還次子朝僑寓蘇州父子皆有詩名所稱嶺南七子并其二子數之也殿元著九谷集還靈州集朝勺園集佩蘭之友又有南海吳文煒字山帶十歲工詩兼善繪事詩初效長吉體務為險語取快康熙三十二年舉人計偕卒於旅舍有金茅山堂集恭尹為之序王準字蒲衣番禺人父邦畿明副貢生隱居羅浮嶺南七子之一也有耳鳴集準七歲能詩慕道術早歲棄家入丹霞尋入匡廬居太乙峯六七年始歸性喜琵琶終日理書卷生事窘不顧惟取琵琶彈之琵琶聲急即其寤益甚著大樽堂集妻潘女瑤湘竝工詩

馮班字定遠常熟人淹雅善持論顧性不諧俗說詩力賦嚴羽尤不取江西宗派出入義山牧之飛卿之間書四體皆精著鈍吟集趙執信於近代文家少許可者見班所著獨折服至具衣冠拜之嘗謂其墓寫私淑門人刺焚冢前其為名流所傾仰類此宗元鼎字定九江都人七歲詠梅遠近傳誦其句堂有古梅一株人謂之宗郎梅性狷而孝釜飯屢空未嘗以貧告人康熙初貢太學銓注

州同知未仕卒元鼎與從弟元豫觀從子之瑾之倫皆工詩有廣陵五宗之目劉體仁字公猷潁州人順治中進士有家難棄官從孫奇逢講學後官考功郎中體仁喜作畫鑒識其精又工鼓琴與汪琬王士禛友善著七頌堂集士禛稱其詩似孟東野又言今日善學才調集者無如元鼎學西崑體者無如吳父父字修齡原名喬亦常熟人也著圍鐘詩話云意喻則米炊而為飯者文醜而為酒者詩乎又曰詩之中須有人在執信歎為知言

清史稿

文苑一

十二

胡承諾字君信天門人崇禎時舉人明亡後隱居不仕臥天門中柘間順治十二年部銓縣職康熙五年檄徵入都六年至京師未幾告歸構石莊於西村窮年誦讀著釋志二十餘萬言釋志者釋己所志也原本道德切近人事為有體有用之學其吏治篇曰古之人不敢輕言變法也必有明哲之德於精粗之理無所不昭不獨精者為之地即粗者亦為之地有和悅之氣於異同之見無所不容不獨同者樂其然即異者亦樂其然然後可奪其久安之法授以更新之制而民不驚顧不謹謹也租庸篇曰欲富國者當使君民之力皆常有餘民之餘力生於君之約取君之餘力生於民之各足他篇準此承諾自擬其書於徐幹中論顏氏家訓或頗譏其接拾羣言未能如古人自成一家之說然大體必軌於正又有說書錄則鱗雜細碎殆釋志取材之餘矣二十六年卒年七十五同時篤志撰述其學與承諾相上下者又有賀貽孫字子翼永新人唐甄字鑄萬達州人貽孫九歲能屬文明季社事盛行貽孫與萬茂先陳士業徐巨源曾堯臣輩結社豫章及明亡遂不出順治初學使者慕其名特列貢榜避不就巡按御史首重光欲舉應鴻博書至貽孫傲然曰吾逃世而不逃名名之累人實甚吾將從此逝矣乃剪髮衣緇結茅深山無復能蹤跡之者晚年窮益甚著有易觸詩觸詩復騷復又著水田居激書激書者備名物以寄興紀逸事以垂勸援古鑒今錯綜比類言之不足故長言之長言之不足故危悚厲必暢所欲言而後已激濁揚清始自貴因終於空明凡四十一篇甄性至孝父喪獨棲殯室三年以世亂不克還葬遂葬父虎邱順治十四年舉人選長子令下車即導民樹桑凡八十萬本民利賴焉未幾坐逃人註誤去官就居吳市炊烟屢絕至

采枸杞葉爲食衣敗絮著述不輟始志在權衡天下作衡書後以連蹇不遇更
名潛書分上下篇上篇論學始辨儒終博觀凡五十篇下篇論政始尚治終潛
存凡四十七篇上觀天道下察人事遠正古跡近度今宜根於心而致之行非
虛言也甯都魏禧見而歎之曰是周秦之書也今猶有此人乎卒年七十五
阿什坦字金龍完顏氏滿洲正白旗人順治九年進士授刑科給事中初繙譯
大學中庸孝經諸書詔刊行阿什坦上言學者宜以聖賢爲期經史爲導此外
無益雜書當屏絕又請嚴旗人男女之別定部院九品之制俱報可康熙初能
職家居繁拜專政欲令一見終不往嗣以薦起聖祖召問節用愛人對曰節用
莫要於寡欲愛人莫先於用賢聖祖顧左右曰此我朝大儒也著有大學中庸
講義及奏稿係留保以掌院學士充明史總裁附王蘭生傳劉淇字武仲漢軍
鑲白旗人弟汝舉人受知世宗時有二難之目著周易通說禹貢說助字辨略
堂邑志衛園集金德純字素公漢軍正紅旗人著旗軍志傳澤洪字育甫漢軍
旗人累官江南淮揚道著行水金鑑百七十五卷

清史稿

文苑一

十三

汪琬字若文長洲人少孤自奮於學銳意爲古文辭於易詩書春秋三禮喪服
咸有發明性狷介深歎古今文家好名寡實鮮自重特立故務爲經世有用之
學其於當世人物褒譏不少寬假順治十二年進士授主事再遷刑部郎中坐
累降兵馬司指揮能舉其職不以秩卑自沮任滿稍遷戶部主事民送之溢衢
巷惟江寧西新關以疾假歸結廬堯峰山閉戶撰述不交世事學者稱堯峰先
生以宋德宜陳廷敬薦博學鴻儒科試列一等授編修纂修明史棘棘爭議不
阿在館六十日再乞病歸歸十年而卒年六十七初聖祖嘗問廷敬今世誰能
爲古文者廷敬舉琬以對及琬病歸聖祖南巡駐無錫諭巡撫湯斌曰汪琬久
在翰林有文學今聞其居鄉甚清正特賜御書一軸當時榮之琬爲文原本六
經疎暢類南宋諸家叙事有法公卿誌狀皆爭得琬文爲重嘗自輯詩文爲類
稿續稿各數十卷又簡其尤精者屬門人林佶繕刻之
計東字甫草吳江人少負經世才自比馬周王猛遭世變著籌南五論持謁史
可法可法奇之弗能用也順治十四年舉順天鄉試旋以江南奏銷案被黜嘗

從湯斌講學又從汪琬受歐曾古文義法故其爲文具有本原而一出以和平
溫雅既廢不用貧無以養縱遊四方所至交其豪傑過鄴城尋明詩人謝榛葬
處得之南門外二十里爲修墓立石請有司禁樵牧又憩順德旅念歸有光
昔嘗佐郡集中有廳壁記求其遺址不得乃即署旁廢園中設瓣香再拜流涕
而去觀者駭其狂東外若不羈內行謹事母至孝同邑友人吳兆騫流徙出關
爲郵其家且以女許配其弱子大學士王熙素重東屢欲薦之未果會詔舉鴻
博而東已前一年卒深悼惜焉初遊河南見商邱宋犖輒引重其後東歿二十
餘年犖至江蘇巡撫爲序其遺文曰改亭集刊行之兆騫字漢棧亦十四年舉
人以科場蜚語逮繫遣戍甯古塔兆騫與弟兆宜皆善屬文居塞上二十年佗
僚不自聊一發之於詩已而友人顧貞觀言於納蘭成德徐乾學爲納緩遂於
康熙二十年赦還著秋笈集兆宜嘗注徐庾二集韓偓詩集又注玉臺新詠才
調集並行於世同邑顧我綺廩生鄂爾泰任江蘇布政試古學得士五十二人
刻南邦黎獻集推我綺爲冠乾隆內辰開辭科鄂爾泰惜我綺前卒不獲舉人

清史稿

文苑一

十四

謂其遇與東同有湖南詩集
彭係通字駿係海鹽人父期生明唐王時官太僕卿死懸州長子孫貽以毀卒
係通其少子也順治十六年進士授中書素工詞章與王士禛齊名號曰彭王
康熙十八年開博學宏儒科詔中外諸臣廣搜幽隱備禮敦勸無論已仕未仕
徵詣闕下月餼太倉米明年三月朔召試太和殿發賦詩題各一學士院給官
紙光祿布席賜宴體仁閣下於是天子親擢係通一等一名授編修自係通外
其籍隸浙江者又有錢塘汪縉秀水徐嘉炎朱彝尊平湖陸柔海甯沈疴仁和
沈筠吳任臣邵遠平遂安方象瑛毛升芳蕭山毛奇齡鄞陳鴻績凡十三人江
蘇二十三人曰上元倪燦寶應喬萊華亭王項齡吳元龍無錫秦松齡嚴繩孫
武進周清原宜興陳維崧長洲馮勳汪琬尤侗范必英吳錢中諧儀真汪楫淮
安邱象隨吳江潘耒徐鉉太倉黃與堅常熟周慶曾山陽李鐙張鴻烈上海錢
金甯江陰曹禾直隸五人曰大興張烈東明袁佑宛平米漢雲獲鹿崔如岳任
邱胤埏安徽三人曰宣城施閏章高詠望江龍燮江西一人曰臨川李來泰清

江黎嵩陝西一人曰富平李因篤河南一人曰睢州湯斌山東一人曰諸城李澄中湖北一人曰黃岡曹宜嗣凡五十人皆以翰林入史館其列二等者亦多知名之士稱極盛焉孫適歷官吏部侍郎充經筵講官明史久未成特命為總裁賜專敕異數也年七十致仕歸御書松桂堂額賜之遂以名其集

朱彝尊字錫鬯秀水人明大學士國祚曾孫生有異秉書經目不遺家貧客遊南嶺嶺北出雲朔東泛滄海登之眾經歐越所至蕞祠荒塚破爐殘碣之文莫不搜別考證與史傳參校同異歸里約李良年周質繆泳輩為詩課文名益噪康熙十八年試鴻博除檢討時富平李因篤吳江潘耒無錫嚴繩孫及彝尊皆以布衣入選同修明史建議訪遺書寬期限毋效元史之迫時日辨方孝孺之友宋仲珩王孟縕鄭叔度林公輔諸人咸不及於難則知從亡致身錄謂誅九族并戮其弟子朋友為一族不足據所謂九族者本宗一族也又言東林不皆君子異乎東林者亦不皆小人作史者未可存門戶之見以同異分邪正二十年充日講起居注官典試江南稱得士入值南書房賜紫禁城騎馬數與內廷

清史稿

文苑一

十五

宴被文綺時果之資皆紀以詩旋坐私挾小胥入內寫書被劾降一級後復原官三十一年假歸聖祖南巡迎駕無錫御書研經博物額賜之當時王士禛工詩汪琬工文毛奇齡工考據獨彝尊兼有衆長著經義考日下舊聞曝書亭集又嘗選明詩綜或因入錄詩或因詩存人銓次為最當卒年八十一子昆田亦工詩文早卒孫稻孫舉乾隆丙辰鴻博能世其家彝尊所與為詩課者李良年字武曹同邑人與兄繩遠弟符并著詩名試鴻博能歸有秋錦山房集譚吉璉字舟石嘉興人彝尊姑之子也少遇寇以身蔽父寇舍之去後以諸生試國子監第一授宏文院撰文中書舍人出為延安同知吳三桂叛守榆城獨完論功加一級舉應鴻博報罷遷知登州府卒有嘉樹堂集
尤侗字梅成長洲人少補諸生以貢謁選除永平推官守法不撓坐撻旗丁鑄絛歸侗天才富瞻詩文多新警之思雜以諧謔每一篇出傳誦徧人口康熙十八年試鴻博列二等授檢討與修明史居三年告歸聖祖南巡至蘇州侗獻詩頌上嘉焉賜御書鶴棲堂額遷侍講初世祖於禁中覽侗詩寫以才子目之後

入翰林聖祖稱之曰老名士天下羨其榮遇侗喜汲引才尚性寬和與物無忤兄弟七人甚友愛白首如垂髫卒年八十七著西堂集鶴棲堂集凡百餘卷秦松齡字留仙無錫人順治十二年進士官檢討能歸後舉鴻博復授檢討典江西鄉試歷左贊善以諭德終松齡為庶常召試詠鶴詩有句云高鳴常向月善舞不迎人世祖拔置第一示閣臣曰是人必有品及告歸里居二十餘年專治毛詩仿黃氏日鈔之例著毛詩日箋六卷自為詩文曰蒼峴山人集曹禾字頌嘉江陰人康熙三年進士選鴻博授檢討官至祭酒與田雯宋犖汪懋麟顏光敏王又旦謝重輝曹貞吉丁澎葉封齊名稱詩中十子同時江西選鴻博一等者李泰來字石臺臨川人順治九年進士官督江南學政除蘇松常道以疾歸試詞科授侍講古文博奧詩以和雅稱有石臺集

陳維崧字其年宜興人祖于廷明左都御史父貞慧見遺逸傳維崧天才絕艷十歲代大父撰揚忠烈象贊比長侍父側每名流譏集援筆作序記千言立就瑰璋無比皆折行輩與交補諸生久之不遇因出遊所在爭客之嘗由汴入都

清史稿

文苑一

十六

與朱彝尊合刻一稿名朱陳村詞流傳至禁中蒙賜問時以為榮逾五十始舉鴻博授檢討修明史在館四年病卒維崧清臞多鬚海內稱陳髯平生無疾言遠色友愛諸弟甚遊公卿間慎密隨事匡正故人樂近之而卒莫之狎著湖海樓詩集迦陵文集時汪琬於同輩少許可者獨推維崧駢體謂自唐開寶後無與抗矣詩雄麗沈鬱詞至千八百首之多尤前此未有也順康間以駢文稱者又有吳綺字園次江都人維崧導源庾信泛濫於初唐四傑故氣脈雄厚綺則追步李商隱才地視維崧為弱而秀逸特甚順治十一年拔貢生薦授中書舍人奉詔譜楊繼盛樂府遷兵部主事即以繼盛官官之也出知湖州府有吏能人謂其多風力尚風節饒風趣稱為三風太守未幾罷歸貧無田宅購廢圃以居有句詩文者以花木潤筆因顏其圃曰種字林著林蕙堂集詞最有名婦孺皆能習之以有把酒祝東風種出雙紅豆之句又稱紅豆詞人徐鉉字電發吳江人應鴻博授檢討會當外轉遽乞歸後起原官不就卒年七十三著南州草堂集本事詩又嘗刻菊莊樂府崑山葉方雷稱其綿麗幽深耐人尋繹朝鮮貢

使以兼金購之軌既工倚聲因輯詞苑叢談具有裁鑒

潘耒字次耕吳江人而奇慧讀書十行並下自經史音韻算數及宗乘之學無不通貫康熙時以布衣試鴻博授檢討纂修明史上書總裁言要義八端宜搜采博而考證精職任分而義例一秉筆直而持論平歲月寬而卷帙簡總裁善其說令撰食貨志兼他紀傳尋充日講起居注官修實錄聖訓嘗應詔陳言謂建言古無專責梅福以南昌尉言外戚柳伉以太常博士言程元振陳東以太學生攻六賊楊繼盛以部曹劾嚴嵩本朝舊制京官並許條陳自康熙十年憲臣奏請停止凡非言官而言事為越職夫人主明目達聰宜導之使言今乃禁之豈盛世事臣請弛其禁俾大小臣工各得獻替庶罔上行私之徒有所忌而不敢肆於此輩甚不便於國家甚便也其在外監司守令遇地方大利弊許其條奏水旱災荒州縣官得上聞如此則民間疾苦無不周知矣更請許臺諫官得風聞言事有能奮擊回者不次超擢以作政言之氣二十三年甄別議起坐浮蹤降調遂歸未有至性初被徵辭以母老不獲命乃行既除官三牒吏

清史稿

文苑一

十七

部以獨子請終養卒格於議不果歸建居喪毀骨立少受學同郡徐枋顧炎武枋歿周郵其孤孫而刻炎武所著書師門之誼甚篤焉四十二年聖祖南巡復原官大學士陳廷敬欲薦起之力辭而止平生嗜山水登高賦詠名流折服有遂初堂集又因炎武音學五書為類音八卷炎武復古未則務窮後世之變云當時詞科以史才稱者朱彝尊汪琬吳任臣及耒為最著又有倪燦字閣公上人舉人授檢討撰藝文志序與姜宸英刑法志序並推傑構書法詩格秀出一時有雁園集嚴繩孫字孫友無錫人明尚書一鵬孫六歲能作擘窠大書試日自疾作第賦一詩亦授檢討撰明史隱逸傳典試江西尋遷中允假歸有秋水集子泓曾亦善畫工詩

徐嘉炎字勝力秀水人明兵部尚書必達曾孫幼警敏強記絕人既試鴻博授檢討康熙二十年王師收演黔嘉炎仿鏡歌鼓吹曲撰聖人出至文德舞二十四章以獻又四年元夕聖祖於南海大放燈火縱臣民使觀嘉炎復應制撰記皆稱旨嘗侍直命背誦成有一德終篇不失一字至厥德靡常數語則斂容讀

之帝為悚異又嘗問宋元祐黨人姓名始末及先儒評語甚悉特賜御臨蘇軾詩一卷廷臣拜賜御書自此始也累擢內閣學士兼禮部侍郎充三朝國史及會典一統志副總裁有抱經齋集方象瑛字渭仁遂安人康熙六年進士試鴻博授編修與試獨中尋告歸象瑛性簡靜早慧十歲作遠山淨賦驚其長老致仕家居望益重邑有大利弊則舉舉爭言歲省脂膏萬計邑人建思賢祠祀之著健松齋集封長白山記松窗筆乘

萬斯同字季野鄞縣人父泰生八子斯同其季也兄斯大儒林有傳性瀟灑八歲客坐中能背誦楊子法言後從黃宗羲遊得聞戴山劉氏學說以慎獨為宗以讀書勵名節與同志相削切月有會講博通諸史尤熟明代掌故康熙十七年薦鴻博辭不就初順治二年詔修明史未幾能康熙四年又詔修之亦止十八年命徐元文為監修取彭孫通等五十人官翰林與右庶子盧君琦等十六人同為纂修斯同嘗病唐以後史設局分修之失以謂專家之書才雖不逮猶未至如官修者之雜亂故辭不膺選至三十二年再召王鴻緒於家命借陳廷

清史稿

文苑一

十八

敬張玉書為總裁陳任本紀張任志而鴻緒獨任列傳乃延斯同於家委以史事而武進錢名世佐之每覆審一傳曰某書某事當參校顧小史取其書第幾卷至無或爽者士大夫到門諮詢了辯如嚮書抵友人自言少館某所其家有列朝實錄吾默識暗誦未敢有一言一事之遺也長遊四方輒就家耆耆求遺書考問往事旁及郡志邑乘私家撰述靡不搜討而要以實錄為指歸蓋實錄者直載其事與言而無可增飾者也因其世以考其事嚴其言而平心察之則其人本末可八九得矣然言之發或有所由事之端或有所起而其流或有所激則非他書不能具也凡實錄之難詳者吾以他書證之他書之誣且溢者吾以所得於實錄者裁之雖不敢具謂可信而是非之枉於人者蓋鮮矣昔人於宋史已病其繁蕪而吾所述將倍焉非不知簡之為貴也吾恐後之人務博而不知所裁故先為之極使知吾所取者有所捐而所不取必非其事與言之真而不可溢也又以馬班史皆有表而後漢三國以下無之劉知幾謂得之不為益失之不為損不知史之有表所以通紀傳之窮者有其人已入紀傳而

表之者有未入紀傳而牽連以表之者表立而後紀傳之文可省故表不可廢讀史而不讀表非深於史者也嘗作明開國訖唐桂功臣將相年表以備采擇其後明史至乾隆初大學士張廷玉等奉詔刊定即取鴻緒史彙為本而增損之鴻緒彙大牛出斯同手也平生淡於榮利脩脯所入輒以以調宗黨故人馮京第死義其子沒入不得歸為醜錢贖之尤喜獎掖後進自王公以至下士無不呼曰萬先生李光地品藻人倫以謂顧寧人閩百詩及萬季野此數子者真足備石渠顧問之選而斯同與人往還其自署則曰布衣萬某未嘗有他稱也卒年六十著歷代史表版為宦者侯表大事年表二例又著儒林宗派名世字亮上康熙四十二年一甲進士授編修夙負文譽王士禎見其詩激賞之鴻緒聘修明史斯同任考核付名世屬辭潤色之官至侍讀坐投詩詔年羹堯奪職劉獻廷字繼莊大興人先世本吳人也其學主經世自象緯律曆音韻險塞財賦軍政以逮岐黃釋老之書無所不究習與梁谿顧培衡山王夫之南昌彭士望為師友而復往來崑山徐乾學之門議論不隨人後萬斯同引參明史館事

清史稿

文苑一

十九

顧祖禹黃儀亦引參一統志事獻廷謂諸公考古有餘實用則未也其論方輿書當於各疆域前測北極出地定簡平儀制度為正切綫表而節氣之後先日食之分秒五星之陵犯占驗皆可推矣諸方七十二候不同世所傳者本之月令乃七國時中原之氣候與今不合則歷差為之今宜細考南北諸方氣候取其核者詳載之然後天地相應可以察其遷變之微矣燕京吳下水皆南流故必東南風而後雨衡湘水北流故必北風而後雨諸方山水向背分合皆紀述之而風土之剛柔暨陰陽燥濕之徵可次第而求矣其論水利謂西北乃先王舊都二千餘年未聞仰給東南何則溝洫通水利修也自劉石雲擾以訖金元千餘年未知水利為何事不為民利乃為民害故欲經理天下必自西北水利始矣西北水利莫詳於水經鄭注雖時移勢易十猶可得六七鄠氏略於東南人以此少之不知水道之當詳正在西北於是欲取二十一史關於水利農田戰守者考其所以附以諸家之說為之疏證凡獻廷所撰著類非一人一時所能成故卒不就又嘗自謂於華嚴字母悟得聲音之道作新韻譜足窮造化之

與證以遼人林益長之說益自信其法先立鼻音二各轉陰陽上去入之五音共十聲而不厭喉腭舌齒唇之七位故有橫轉無直送則等韻重疊之失去次定喉音四為諸韻之宗從此得半音轉音伏音送音變喉音又以二鼻音分配之一為東北韻宗一為西南韻宗八韻立而四海之音可齊於是以喉音互相合得音十七喉音鼻音互相合得音十又有餘不盡者三合之得音五共三十二音為韻父而韻歷二十二位為韻母橫轉各有五子而萬有不齊之聲攝於此矣同時吳父盛稱其書他所著多佚歿後弟子黃宗夏輯錄之為廣陽雜記全祖望稱為辭季宣王道父一流云

邵遠平字戒三仁和人康熙三年進士選庶吉士歷戶部郎中出為江西學政擢光祿寺少卿試鴻博授侍讀至少詹事致仕歸以書史自娛於世務泊如也聖祖南巡賜御書蓬觀額因自號蓬觀子遠平高祖經邦明正德中進士刑部員外郎以建言獲罪著宏簡錄起唐迄宋附以遼金未遑及元也遠平循其例續之刊除舊史複重不雅馴者入制誥於帝紀采著作於儒林而文苑分經學

清史稿

文苑一

二十

文學藝學三科十三志則分載於紀傳名曰元史類編朱彝尊稱其書非官局所能逮也別著史學辨誤京邸粵行等集同邑吳任臣字志伊志行端慤強記博聞為顧炎武所推以精天官樂律試鴻博入翰林承修明史歷志著周禮大義禮通春秋正朔考辨山海經廣注託園詩文集而十國春秋百餘卷尤稱淹貫其後如謝啟昆之西魏書周春之西夏書陳鱣之續唐書義例皆精審非徒矜書法類史鈔也謝啟昆字蘊山南康人乾隆二十五年進士由編修簡領江知府後至廣西巡撫卒官督築湘灘二江之堤民利賴之又修廣西通志阮元言可為省志法啓昆以魏書專主東魏不載西魏四主北史亦無糾正乃作西魏書十二篇周春字屯兮海寧人乾隆十九年進士選岑溪令父憂去民懷其澤合前令山陽劉信嘉金壇于烜共祀之曰岑溪三賢祠重宴鹿鳴加六品銜卒年八十七撰述甚多而西夏書為最著春同州陳鵬字仲魚強於記誦喜聚書州人吳騫拜經樓書亦富得善木互相鈔藏嘉慶改元舉孝廉方正又明年中式舉人計偕入都從錢大昕翁方綱段玉裁遊後客吳門與黃丕烈定交精

校勘之學嘗以朱梁無道李氏既系賜姓復奉天祐年號至十年立廟太原合高祖太宗懿宗昭宗爲七廟唐亡而實存焉南唐爲憲宗五代孫建王之元孫祀唐配天不失舊物尤宜大書年號以臨諸國於是撰續唐書七十卷又有論語古訓石經說經籍跋文恆言廣證諸書卒年六十五

喬萊字石林寶應人父可明未爲御史有聲萊康熙六年進士授內閣中書乞養歸十八年試鴻博授編修與修明史典廣西鄉試充實錄館纂修官遷侍讀時御史奏濬海口瀉積水而河道總督靳輔言其不便請於邵伯高郵間置閘洩水復築長堤抵海口東之使水勢高則趨海易廷議多主河臣言適萊入直詔問萊疏陳四不可行略謂開河築堤勢必壞隴畝毀村落不可行一淮揚地卑多積潦今取溼土投深淵上安得成不可行二築丈六之堤束水高一丈秋兩驟至勢必潰即當未潰瀦水屋廬之上豈能安枕不可行三至於七州縣之田向沒於水今更束河使高則田水豈復能涸不可行四帝是之議乃寢二十六年罷歸久之召來京旋卒萊著易侯雜采宋元諸家易說推求人事參以

清史稿

文苑一

二十一

古今治亂得失蓋誠齋易傳之支流詩文有應制直廬使粵歸田諸集孫億亦工詩汪楫字舟次江都人原籍休寧性伉直意氣偉然始以歲貢生署贛榆訓導應鴻博授檢討入史館言於總裁先仿宋李燾長編彙集詔諭奏議邸報之屬由是史材皆備二十一年充冊封琉球正使宣布威德瀕行不受例餽國人建卻金亭志之歸撰使琉球錄載禮儀暨山川景物又因諭祭故王入其廟默識所立主兼得琉球世續圖參之明代事實詮次爲中山沿革志出知河南府置學田嵩陽書院聘詹事耿介主講席治行爲中州最擢福建按察使遷布政使樹少工詩與三原孫枝蔚秦州吳嘉紀齊名有悔齋集觀海集同里汪懋麟字季何並有詩名時稱二汪康熙六年進士授內閣中書舉鴻博持服不與試服闋復用徐乾學薦以刑部主事入史館爲纂修官懋麟積學有幹才爲中書時楚人朱方且挾邪說動公卿懋麟作辨道論詆之熊賜履見其文與定交及居刑曹勤於職事有武某乘車宿董之貴家之貴利其賞殺之車載而棄於道鞭馬使馳武父得車馬劉氏之門訟劉殺其子懋麟曰殺人而置其車馬於門

非理也乃微行縱其馬馬至之貴門駭躍悲鳴因收之貴一訊得實寘於法其發姦摘伏多類此懋麟從王士禎學詩而才氣橫逸視士禎爲別格有百尺梧桐閣集

陸柔字次友平湖人幼時值大軍收平湖父被執柔詣軍前乞代父軍將手詩箴示之曰兒能讀是耶吾赦汝父柔朗誦收兵四解降王縛教子三升上將臺曰此宋人贈曹武惠王詩也將軍不嗜殺即今之武惠王矣將軍喜挾與北行善育之爲議婚以先問名於楊辭歸補諸生入國學試授中書康熙六年進士管內秘院典籍再試鴻博授編修分纂明史命直南書房三十三年召試翰詹諸臣豐澤園聖祖親置第一謂曰連試詩文無出汝右者一歲七遷至內閣學士長至奏旬決本請出矜疑二十餘人後一年告歸柔性孝友兄南雄知府世楷前卒柔教養遺孤俾成立有名於時年七十卒著雅坪詩文集奎勳字衆侯世楷子也少隨柔京師以學行爲公卿所推重顧久困諸生中康熙末年幾六十始成進士授檢討充明史纂修官勾疾歸主廣西秀峯書院奎勳篤於經學

清史稿

文苑一

二十二

忘飢渴寒暑著陸堂易學謂說卦一篇足該全易其詩學與明何楷詩世本古義相近尚書說惟解伏生今文二十八篇戴禮緒言糾正漢人穿鑿附會之失春秋義存錄則凡經傳子緯所載孔子語盡援爲據力主春秋非以一字褒貶奎勳說經務新奇使聽者忘倦最後撰古樂發微未成而卒
龐垞字齊公任邱人生有至性七歲時父緣事被逮母每夕禱天垞即隨母泣拜無或間也稍長工爲文康熙十四年舉人試鴻博授檢討分修明史明都御史某諂附魏忠賢其裔孫私餽金勾閣黨傳諱其事勿書力拒之大考降補中書海州戶部郎中出知建寧府浦城民以令嚴苛激變夜焚册局殺吏皆罷市令懼而逃垞聞變即馳至浦城集士民明倫堂曉諭禍福戮一人而事定民感其德立書院祀之九仙山多盜至掠人索贖掩捕數十人境內帖然未幾告歸垞嗜吟詠與同里邊汝元以詩學相矚切其所作醇雅以自然爲宗有巖碧山房集汝元子連寶字趙珍世其家學以諸生貢成均廷試第一應乾隆元年博學鴻詞科不中選十四年復薦經學辭不赴或勸之行曰吾自審不能如漢伏

勝董仲舒安敢倖取成著有隨園集

陸圻字麗京錢塘人少與弟培培以文學志行見重於時稱曰三陸所為詩號西陵體性穎異善思讀書嘗讀韓非子一從而成危曰是一徒而成邑也戲令他人射覆不得惟弟堦中之平生不喜言人過有語及者輒曰吾與汝姑自淑莊鐘史禍作圻坐逮以先嘗具狀自陳事得自歎曰今幸得不死奈何不以餘年學道耶親歿遂棄家遠遊不知所終子寅成進士往來萬里尋父不得竟抱世以死時稱其孝培死甲申之難丁澎字飛鴻仁和人有人有雋才嗜飲一石不亂弟景鴻濬竝能文時有三丁之目澎順治十二年進士官禮部郎中嘗與河南鄉試得一卷奇之同考請置之乙澎曰此名士也榜發乃盧陽李天馥出語人曰吾以世目衡文幾失此士坐事謫居塞上五載躬自飯牛吟嘯自若所作詩多忠愛無怨誹之思有扶荔堂集先是陳子龍為登樓社圻澎及同里柴紹炳毛先舒係治張丹吳百朋沈謙虞黃昊等竝起世號西冷十子紹炳字虎臣在十子中文名最著持躬尤端謹有省軒集先舒字稚黃嘗從劉宗周講學其詩

清史稿

文苑

二十三

音節瀏亮有七子餘風著思古堂集治字字台篤友誼陸培死以孤女託為擇婚得吳任臣及立嗣又以甥女嫁焉有鑑菴集丹字綱孫美鬚髯淡靜不樂交遊而嗜山水其詩悲涼沈遠曰秦亭集百朋字錦雯以舉人令南和有異政百姓祠祀之有穉庵集謙字去矜工詩初喜溫李後乃循漢魏以窺盛唐有東江草堂集謙與紹炳先舒皆精韻學紹炳作古韻通先舒作韻學通指南曲正韻謙作東江詞韻陸圻歎曰恨孫伯周德清曾無先覺黃昊字景明十歲即善屬文薄柳州乞巧更作辭巧文識者知其遠到康熙中舉人終教諭
係枝蔚字豹人三原人少遭閩賊亂結邑里少年擊賊墮坎培幸不死乃走江都習買屐致千金輒散之既乃折節讀書僻居董相祠高不見之節王士禎官揚州以詩先遂定交稱莫逆焉時左贊善徐乾學方激揚士類才俊滿門枝蔚弗屑也以布衣舉鴻博自陳衰老乞還山遂不應試授內閣中書著澗堂集詩詞多激壯之音稱其高節李念慈字肥瞻涇陽人順治十五年進士以河間府推官改知新縣坐逋賦能會有荆襄之役敘運餉勞再起補天門與枝蔚同舉

鴻博試不中選喜遊好吟詠有谷口山房集施閏章稱其雄爽之氣勃勃眉宇蓋秦風而兼吳楚者

丁焯字瞻汝晉江人諸生工詩有吏才順治十二年定遠大將軍濟度統師取漳州詔便宜置郡縣吏得試士幕下拔焯第一授漳平教諭遷知直隸獻縣內擢戶部主事時議稅關鹽焯力陳不可事得寢由郎中出為贛南分巡道閩人仰贛者乘亂劫略號田賊捕治之民情大洽遷湖北按察使脫重囚為盜誣者二十餘人於獄尋坐事謫官居武昌未發武昌卒夏包子作亂脅使署巡撫以死拒東走安慶乞師巡撫楊素蘊事平降補知府雲南會素蘊移撫湖廣以焯事聞復按察職俄以疾歸焯論詩以為詩貴合法然法勝則離貴近情然情勝則俚故其為詩力追三唐漢魏無詭薄之失有問山集林何字同人閩人也縣貢生喜金石卒年八十八弟信字吉人康熙五十二年進士官中書工楷法文師汪琬詩師陳廷敬王士禎此三人集皆信手繕付雕精雅為世所重家多藏書徐乾學輯經解朱彝尊選明詩皆就傳鈔有樸學齋集黃任字莘田永福人

清史稿

文苑

二十四

工書口辯若懸河有硯癖以舉人令四會罷官歸惟硯石壓裝詩清新刻露有香草齋集乾隆二十七年重宴鹿鳴卒年八十餘鄭方坤字則厚建安人雍正元年進士為令邯鄲屢擢至山東兗州知府時禁人口出海抵奉天而未入籍者悉勒還本土方坤適知登州以為司牧者但當嚴姦宄之防不得閉其謀生之路為白大吏弛其禁調武定能盡心賑務兗州饑復移治之方坤記誦博詩才凌厲與兄方城齊名有蔗尾集又著經稗五代詩話全圖詩話國朝詩人小傳

黃與堅字廷表太倉人幼有奇慧八歲酷好唐人詩錄小本懷袖中諷誦之已而究心經術備讀周秦古書性落落與人交有終始順治十六年進士後舉鴻博授編修遷贊善分修明史及一統志寓居委巷寂寞著書如窮愁專一之士有忍菴集吳偉業選婁東十子詩以與堅為冠十子者周肇許旭王撰王據王吳王揆王竹王隴昇顧涓也肇詩曰東岡集旭曰秋水集撰曰三餘集據曰蘆中集吳為世貞後有文藻下筆如宿構康熙十八年召試授官正字所著曰碩

園集授順治中進士所著曰芝蘭集竹曰健菴集隴昇曰東泉集涓字伊人亦太倉人事母以孝聞父夢麟長於毛鄭之學涓傳其業尤工詩清麗婉約陳瑚以爲過元人其詩曰水鄉集

吳雯字天章蒲州人原籍遼陽父允升任蒲州學政卒官遂家焉雯少朗悟記覽甚博尤長於詩遊京師父執劉體仁汪琬皆激賞之王士禛目爲仙才嘗與葉方雷同直誦其警句方雷下直即趨訪名大噪大學士馮溥出扇索詩雯大書二絕句答之其坦率類是卒以不遇不悔也試鴻博不中選後居母憂以毀卒雯著蓮洋集詩體峻潔有其鄉人元好問之風據名山記蓮洋村在華岳下取以名集陶季寶應人初名激字季深以字行復去其一稱曰陶季負異才鋒穎踴厲遊燕趙齊魯之郊踰太行浮湘沅所至皆有詩士禛刪定其客滇南閩中諸詩以高峯龍標相况先是詔舉鴻博公卿爭欲薦季辭不就以布衣終有湖邊草堂集及舟車集

清史稿

文苑

二十五

一年舉人試禮部不第朝士爭與之交王士禛徐元文尤傾倒焉詩凡數變自訂天延閣前後集年七十餘復合編留山詩略書法仿顏真卿楊凝式畫尤盤礴多奇氣嘗作黃山圖極烟雲變幻之勝爲當時所重同族有梅庚者生後於清善八分書亦工詩畫與清齊名庚字耦長少孤承其祖鼎祚父朗中之傳益昌大之施閭章見其詩引爲忘年交康熙二十年舉人爲朱彝尊所得士性狷介客遊京師不忘投一刺士禛主禮闈庚復被黜士禛贈詩引爲恨也後知泰順縣有惠政民德之

馮景字山公錢塘人國子監生善屬文千言立就康熙時遊京師侍郎項景襄金鼎皆遣子弟從受學會管宮室求相木梁不得有請以他木易國子監彝倫堂梁者景上書尙書魏象樞極陳不可事得寢由是馮太學生之名盛傳京師大學士索額圖召欲見之謝不往歸館淮安邱象隨家垂十年宋犖撫江蘇禮致幕府或納金求爲緩頰峻卻之人益欽其品景篤師友風義與仁和汪煜湯右竹交最篤二人爲給事中多所論列亦由景數責善有以激厲之也王士禛

轉左都御史景以受知士禛冀其大有匡濟爲書諷之景雖布衣不求仕進而未嘗忘當世之務在淮安時有水患湯斌奉詔北上作書陳災狀及所以致患之由斌見書嗟賞又嘗稱其文爲不朽其著述多佚今存者解春集邵長蘅字子湘武進人十歲補諸生因事除名旋入太學工詩尤致力古文辭洵鍊雅正與景同客犖幕長蘅亦航航持古義無所貶損時論賢之著有青門稿

姜宸英字西溟慈谿人明太常卿應麟曾孫父曾珪諸生以孝聞宸英績學工文辭閱博雅健履蹟於有司而名達禁中聖祖目宸英及朱彝尊嚴繩係爲海內三布衣侍讀學士葉方雷薦應鴻博後期而能方藹總裁明史又薦充纂修食七品俸分撰刑法志極言明詔獄廷杖立枷東西廠之害辭甚愷至尙書徐乾學領一統志事設局洞庭東山疏請宸英借行久之舉順天鄉試三十六年成進士廷對李蟠第一殿虞惇第二帝識宸英手書親拔置第三人及第授編修年七十矣明年副蟠典試順天蟠被劾遣戍宸英亦連坐事未白卒獄中宸英性孝友與人交坦衷而不阿祭酒翁叔元劾湯斌僞學遽移書責之著湛園

清史稿

文苑

二十六

集葦間集書法得鍾王遺意世頗重之虞惇字贊成常熟人幼能背誦九經三史既官翰林館閣文字多出其手科場獄興虞惇諸子是科獲雋考官蟠宸英皆其同年友用是聖詔議錮級閉居數年起大理寺寺副平反內務府殺人移獄被誣者累遷太僕寺少卿卒官著有讀詩質疑江南人刻其文曰嚴太僕集以繼明歸太僕云黃虞稷字俞邵上元人本籍晉江七歲能詩以諸生舉鴻博遭母喪不與試左都御史徐元文薦修明史又修一統志皆與宸英同家富藏書著千頃堂書目爲明史藝文志所本

性德納喇氏初名成德以避皇太子九初嫌名改字容若滿洲正黃旗人明珠子也性德事親孝侍疾衣不解帶顏色黧黑疾愈乃復數歲即習騎射稍長工文翰康熙十四年成進士年十六聖祖以其世家子授三等侍衛再遷至一等令賦乾清門應制詩譯御製松賦皆稱旨俄疾作上將出塞避暑遣中官將御醫視疾命以疾增減告遽卒年止三十一嘗奉使塞外有所宣撫卒後受撫諸部款塞上自行在遣中官祭告其眷睭如是性德鄉試出徐乾學門與從學討

學術當衰刻宋元人說經諸書書為之序以自撰禮記陳氏集說補正附焉合為通志堂經解性德善詩尤長倚聲徧涉南唐北宋諸家窮極要妙所著飲水側帽二集清新秀雋自然超逸嘗讀趙松雪自寫照詩有感即繪小象仿其衣冠坐客期許過當弗應也乾學謂之曰爾何似王逸少則大喜好賓禮士大夫與嚴繩孫顧貞觀陳維崧姜宸英諸人游貞觀友吳江吳兆騫坐科場獄成寧古塔賦金縷曲二篇寄焉性德讀之歎曰山陽思舊都尉河梁並此而三矣貞觀因力請為兆騫謀得釋還士尤稱之貞觀字梁汾無錫人康熙十一年舉人官內閣中書工詩自定集僅五言三十餘篇清微婉篤上睇韋柳而世特傳其詞與維崧及朱彝尊稱詞家三絕清世工詞者往往以詩文兼擅獨性德為專長仁和譚獻嘗謂為詞人之詞性德後又得項鴻祚蔣春霖三家鼎立鴻祚字蓮生錢塘人道光十二年舉人善詞上溯溫韋下逮周密吳文英極精棄滓以自名其家屢應禮部試不第卒年三十八自序憶雲詞為之序有曰不為無益之事何以遺有涯之生學者誦而悲之春霖字鹿潭江陰人寄籍大興咸豐中

清史稿

文苑一

二十七

官東臺場鹽大使工詞時方亂離傍徨沈鬱高者直逼姜夔困於卑官孤介性時益任傑舟經吳江一夕暴卒春霖慕性德飲水鴻祚憶雲自署水雲樓即以名其詞

宗室文昭字子晉饒餘親王阿巴泰曾孫鎮國公百綬子辭爵讀書從王士禛遊工詩才名藉甚王式丹稱其詩以鮑謝為胚胎而又兼綜衆有擬百家之精華其味在酸醜之外著有癡嬰居士集紫幘詩鈔又宗室以詩名者蘊端初名岳端字正子號紅蘭主人多羅安郡王岳樂子封貝子有玉池生稿博爾都字問亭號東泉漁父恪僖公拔都海子蘊端從弟封輔國將軍有問亭詩集永忠字良輔又字懼仙多羅貝勒弘明子輔國將軍有延芬室集詩體秀逸書法遒勁頗有晉人風味常不衫不履散步市衢遇奇書異籍必買之歸雖典衣絕食不顧也書誠字實之號樗仙鄭獻親王濟爾哈朗六世孫輔國將軍長恒子奉國將軍有靜虛堂集性慷慨不欲嬰世俗情年四十即託疾去官邸有餘隙地盡種蔬果手執畚鍤從事習勞以為樂永愈字嵩山康修親王崇安子鎮國將

軍詩宗盛唐書法趙文敏晚年獨居一室不與人接詩多散佚裕瑞字思元豫通親王多鐸裔封輔國公工詩善畫通西蕃語常賞鸚鵡地圖即西洋地球圖又以佛經自唐時流入西藏近日佛藏皆出一本無可校讐乃取唐古特字譯校以復佛經唐本之舊凡數百卷著有思元齋集

趙執信字仲符益都人從祖進美官福建按察使詩名甚著執信承其家學自少即工吟詠年十九登康熙十八年進士授編修時方開鴻博科四方雄文積學者皆集轡下執信過從談譙一座盡傾朱彝尊陳維崧毛奇齡尤相引重訂為忘年交出典山西鄉試遷右贊善二十八年坐國恤中譙飲觀劇為言者所劾削籍歸卒年八十餘執信為人峭峻褊衷獨服膺常熟馮班自稱私淑弟子娶王士禛甥女初頗相引重後求士禛序其詩士禛不時作遂相詬厲嘗問詩聲調於士禛士禛斬之乃歸取唐人集排比鉤稽竟得其法為聲調譜一卷又以士禛論詩比之神龍不見首尾雲中所露一鱗一爪而已遂著談龍錄云詩以言志詩之中須有人在詩之外尚有事在意蓋詆士禛也說者謂士禛詩尚

清史稿

文苑一

二十八

神韵其弊也廣執信以思路刻刻為主其失也纖兩家才性不同實足相資濟云執信所著詩文曰飴山堂集當是時海內以詩名者推士禛以文名者推汪琬而嘉興葉燮字星期其論文亦與琬不合往往復論難互譏嘲焉及琬歿慨然曰吾失一諍友矣今誰復彈吾文者取向所短汪者悉焚之燮父紹袁明進士官工部主事國亡後為僧燮生四歲授以楚辭即成誦康熙九年進士選授寶應令值三藩亂又歲饑民不苦累以伉直失上官意坐累落職時嘉定知縣陸隴其亦被劾燮以與隴其同罷為幸性喜山水縱游宇內名勝幾徧年七十六猶以會稽五洩近在數百里獨未游為憾復裹糧往歸遂疾逾年卒寓吳時以吳中論詩多獵范陸皮毛而遺其實著原詩內外篇力破其非吳士始而嘗譽久乃更從其說著已畦詩文集士禛謂其鑄鑄往昔獨立起衰馮廷樞字大木德州人康熙二十一年進士授中書幼有奇童之目讀書一覽輒記尤長於詩嘗充湖廣副考官試畢登黃鶴樓俯江漢之流南望瀟湘洞庭慨然遠想賦詩百餘篇識者以為騷之遺也平生深契者惟執信其詩孤峭亦相類歿後散佚

其孫德培搜輯得五百篇名馮舍人遺詩

黃儀字六鴻常熟人精輿地之學嘗以班固地志所載諸川第詳水出入其中
問經歷之地備著於水經然讀者非繪圖不能了乃反覆尋究每水各為一圖
凡都邑建置沿革山川險易皆具焉條縷分析各得其理閩若璩見之歎曰
道元千古後一知己也若璩嘗問儀後漢志溫縣濟水出王莽時大旱遂枯絕
是河南無濟矣何鄭氏言之詳也儀曰新莽時雖枯後復見鄭氏所謂其後水
流逕通津渠勢改尋梁脈水不與昔同是也杜君卿乃不信水經專憑彪志竊
以彪特紀一時災變耳非謂永不截河南過也徐乾學修一統志儀與若璩胡
渭顧祖禹任分纂皆地學專家儀又訂正晉書地理志兼工詩詞著有級圖集
鄭元慶字芷畦歸安人通史傳旁及金石文字李紱張伯行雅重其學欲薦於
朝未得也顏魯公書湖州石柱記元慶為之箋釋甚博贈又著湖錄百二十卷
七易藥而後成自謂平生精力殫於是書平生慕鄭子真之為人自號鄭谷口
晚更治經其著書處名魚計亭著有周易集說詩序傳異同禮記集說參同官

清史稿

文苑一

二十九

禮經典參同家禮經與參同喪服古今異同考春王正月致海運議

查慎行字悔餘海寧人少受學黃宗羲於經遠於易性喜作詩游覽所至輒有
吟詠名聞禁中康熙三十二年舉鄉試其後聖祖東巡以大學士陳廷敬薦詔
詣行在賦詩又詔隨入都直南書房尋賜進士出身選庶吉士授編修時族子
昇以諭德直內廷宮監呼慎行為老查以別之帝幸南苑捕魚賜近臣命賦詩
慎行有句云笠簷簑袂平生夢臣本烟波一釣徒俄宮監呼烟波釣徒查翰
林時以比春城寒食之韓翃云充武英殿書局校勘乞病還坐弟嗣庭得罪闔
門就逮世宗識其端謹特許放歸田里而弟嗣庭謫道關西卒於戍所嗣璫字
德尹康熙二十九年進士官至侍講性警敏數歲即解切韻諸聲詩名與慎行
相埒慎行著警業堂集周易玩辭集解又補注蘇詩行於世嗣璫著查浦詩鈔
音類通考昇字仲章康熙二十七年進士官少詹事詩筆清麗尤工書似董其
昌有澹遠堂集
史中義字叔時江都人少工詩與同里顧圖河齊名稱維揚二妙康熙二十七

年進士授編修充雲南鄉試考官改御史禮科給事中乞病歸王士禛以風雅

詔後進督訓申義及湯右曾足傳己衣鉢人稱王門二弟子在翰林時聖祖以
後進詩人詢大學士陳廷敬廷敬舉申義周起渭對故又有翰苑兩詩人之目
起渭字漁塘貴陽人康熙三十三年進士由檢討累遷詹事府詹事詩才雋逸
尤肆力於蘇軾元好問高啟諸家貴州自明始隸版圖清詩人以起渭為冠而
銅仁張元臣平遠潘淳亦並有詩名元臣字志伊康熙三十六年進士由檢討
累遷左諭德有豆村詩鈔淳字元亮康熙五十四年進士官檢討文安陳儀與
同榜一時咸推潘詩陳筆有橡林詩集
顧陳瑋字玉停鎮洋人少有文名嘗得徐光啟歷書精求一月通其術康熙五
十四年舉人以薦入洪凝齋修書成議叙行人司行人時外廷送算學三百
餘員候試聖祖親策之得七十二人陳瑋為冠又充樂館纂修雍正元年出使
山東浙江還督通州倉三年以目疾乞歸閉門撰述四方走書幣乞文者踵至
性耿介敦於內行居喪不飲酒食肉不處內沈起元官河南延主大梁書院引

清史稿

文苑一

三十

范文正愛中掌學睢陽以勸陳瑋執象山責東萊故事謝不往也乾隆元年詔
起官又舉鴻博及六年設樂部復以洞曉音律宜召皆辭不赴時論高之年七
十卒陳瑋精字學算學樂律時稱三絕嘗造八矢注守圖說謂字學居六藝之
末聲音樂也形體書也而口出耳入手運目存則皆有數焉學士惠士奇通政
孫勳得其書置酒延陳瑋請其說陳瑋為言經聲緯音開發收閉之旨及每矢
實義一矢未發則聲不能出字有所避八矢盡而音定字死矣二人歎為天授
少與同里王時翔為性命交並工詩婁東詩人大率宗吳偉業陳瑋晚出乃自
關町畦著洗桐集抱桐集

何焯字紀瞻長洲人通經史百家之學藏書數萬卷得宋元舊槧必手加覽校
粲然盈帙學者稱義門先生傳錄其說為義門讀書記康熙四十一年直隸巡
撫李光地以草澤遺才薦召入南書房明年賜舉人試禮部下第復賜進士改
庶吉士仍直南書房授皇八子讀兼武英殿纂修連丁內外艱久之復以光地
薦召授編修尚書徐乾學翁叔元爭延致焯尋遂讓與乾學失歡而叔元劾湯

斌焯上書請削門下籍天下快之聖祖幸熱河或以蜚語上聞還京即命收繫
 盡籍其卷冊文字帝親覽之曰是固讀書種子也無失職缺望語又見其草藁
 有手簡吳縣令卻金事益異之命還所籍書解官仍參書局六十年卒年六
 十一帝深悼惜特贈侍講學士贈金給符傳歸喪命有司存恤其孤焯工楷法
 手所校書人爭傳寶門人著錄者四百人吳江沈彤吳縣陳景雲為尤著景雲
 字少章博聞強識能背誦通鑑年十七湯斌撫吳試士拔第一應京兆試不遇
 館藩邸三年以母老辭歸遂不出以諸生終少從焯游焯歿獨繫吳中文獻幾
 二十年著有讀書紀聞及綱目通鑑兩漢書三國志文選韓柳集皆有訂誤共
 三十餘卷文集四卷亦簡嚴有法子黃中字和叔諸生父子皆長史學而黃中
 尤以才略自負舉乾隆元年博學鴻詞入都上書論用人理財治兵三端大學
 士陳世倌題其言頃之詔求骨鯁之士如古馬周陽城者世倌欲薦之謝不應
 胡天游傲睨羣士獨推服黃中示以文每發其瑕璽未嘗有忤也嘗病宋史蕪
 雜別撰紀傳表百七十卷又著國朝設法考閣部督撫年表其卒也貧不能葬

清史稿 文苑一

或賻以金妻張氏固卻之曰奈何以貧故傷夫子義遂賣所居宅以營葬
 戴名世字田有桐城人生而才辨雋逸課徒自給以制舉業發名廩生考得貢
 補正藍旗教習授知縣棄去自是往來燕趙齊魯河洛吳越之間賣文為活喜
 讀太史公書考求前代奇節瑋行時時著文以自抒瀟灑氣逸發不可控御諸
 公貴人畏其口尤忌嫉之嘗遇方苞京師言曰吾非役役求有得於時也吾胸
 中有書數百卷其出也自付將有異於人人然非屏居深山足衣食使身無所
 累未能誘而出之也因太息別去康熙四十八年五十七始中式會試第一
 殿試一甲二名及第授編修又二年而南山集禍作先是門人尤雲鶚刻名世
 所著南山集集中有與余生書稱明季三王年號又引及方孝標演黔紀聞當
 是時文字禁網嚴都御史趙申喬奏劾南山集語悖逆遂逮下獄孝標已前卒
 而苞與之同宗又序南山集坐是方氏族人及凡挂名集中者皆獲罪繫獄兩
 載九卿覆奏名世雲鶚俱論死親族當連坐聖祖矜全之又以大學士李光地
 言宥苞及其全宗申喬有清節惟與此獄獲世譏云名世為文善敘事又著有

子遺錄紀明末桐城兵變事皆燬禁後乃始傳云

清史稿 文苑一

子遺錄紀明末桐城兵變事皆燬禁後乃始傳云

第 300 册 清史稿 文苑一

清史稿

列傳

文苑二

諸錦 字之任 芳

厲鶚 字山 既

王岐 字 年

何夢瑤 字 芳

劉大櫟 字 宗 鼎

李鐸 字 元 鼎

沈炳震 字 炳 震

曹仁虎 字 泰 來

胡天游 字 彭 孫

袁枚 字 子 才

王又曾 字 子 德

邵齊叢 字 太 岳

徐文靖 字 文 靖

朱仕滂 字 高 微

蔣士銓 字 子 德

趙翼 字 鳳 谷

嚴長明 字 子 德

姚鼐 字 夢 穀

宋大樽 字 子 德

章學誠 字 申 堂

祁韻士 字 子 德

馮敏昌 字 子 德

清史稿

文苑二

法式善 字 子 德

惲敬 字 子 德

黎簡 字 子 德

張士元 字 子 德

諸錦字襄七秀水人少時家貧輒就讀書肆主人敬其勤學恣所觀覽願立為之延譽名大起雍正二年進士乾隆初試鴻博授編修閉門撰述不詣權要至左贊善遂告歸著有毛詩說變禮補亡夏小正注及絳跗閣集先是康熙己未徵博學鴻儒得人稱盛高宗御極復舉行焉內外薦達二百六十七人試列一等等五人錦第三二等人明年補試續取四人錢塘陳兆崙仁和沈廷芳高郵夏之蓉皆試列二等等者也兆崙自有傳廷芳字晚叔由監生舉鴻博授編修遷御史奏毀都城智化寺內明閣王振造像及李賢所撰頌德碑報可出為登萊青道遷河南按察使廷芳少從方苞遊為文無纖佻之習詩學本查慎行著隱拙齋集及十三經注疏正字續經義考等書之卷字芙蓉雍正十一年進士舉鴻博以檢討典試福建又督廣東湖南學政其校士也必以通經學古為先當時試一等等者劉綸居首次則南城潘安禮金壇于振錢塘杭世駿二等

清史稿

文苑一

二

自兆崙等三人外為無錫楊度汪涇澤劉玉麟休寧汪士澁程恂錢塘陳士瑤天台齊召南會稽周長登其續取者一等宜興萬松齡二等桐鄉朱荃南安洪世澤石屏張漢凡十九人惟綸玉麟官最顯而世駿召南及兆崙尤知名於世云

厲鶚字太鴻錢塘人家貧性孤峭不苟合始為詩即得佳句於學無所不窺一發之於詩康熙五十九年李紱典試浙江得鶚卷閱其謝表曰此必詩人也亟錄之計借入都尤以詩見賞湯右曾再試禮部不第乾隆元年舉鴻博謬寫論置詩前又報罷其後赴都銓行次天津留友人查為仁水西莊屬詠數月不就選歸卒年六十一鶚搜奇嗜博揚州馬曰瑄小玲瓏山館富藏書鶚久客其所多見宋人集為宋詩紀事一百卷又南宋畫院錄遼史拾遺東城雜記諸書皆博洽詳贍詩刻鍊尤工五言有自得之趣詩餘亦擅南宋諸家之長先世本慈谿徙居錢塘故仍以四明山樊榭名其集云鶚嘗與趙信符曾等人各為南宋雜事詩一百首自采諸書為之注徵引浩博攷史事者重之汪沆字師李少從鶚受詩亦試鴻博報罷其後大學士史貽直將以經學薦以母老辭同時浙江舉鴻博未錄用者符曾字幼魯官戶部郎中郵縣陳撰最推服其詩撰字榜山毛奇齡弟子以布衣薦未就試仁和趙昱字功平貢生弟信字長垣國學生兄弟同舉家有池館之勝喜購書連江陳氏世善堂書散出皆歸之

王岐字良齋常熟人少與同里宋君玉師事陳祖范一時並稱王宋雍正二年進士授編修歷典浙江貴州雲南鄉試乾隆初改御史拜官甫三日劾左都御史彭維新矯詐苛鄙直聲震都下以母憂去官遂不出主講安定雲龍紫陽書院其學長於史尤精地理嘗以水經正文及注混淆欲一一釐定之而補唐以後水道之遷變及地名之同異為水經廣注手自屬稿未暇成也惟成漢書正誤四卷錢大昕謂劉氏吳氏刊誤上也書法樵李北海所書碑碣盛行於時王延年字介眉錢塘人雍正四年舉人乾隆初舉鴻博後官國子監學政十七年會試以耆年督司業賜翰林院侍講銜延年史學治熟嘗補袁樞通鑑紀事本末以原書不言田制則度地居民之法亡不言漕運則鑿渠引河之利塞

不言府兵則耕牧戰守之功際至於耶律鵬張遼海而陳邦瞻書不究其終究
項虎視河湟薛應旗書不詳其始紹建安者又如此不可不亟正之也杭世駿
序之比延年於唐杜君卿宋劉仲原父云晚年大學士蔣溥劉統勳皆以經學
薦又自進呈所著書上嘉許焉

何夢瑤字報之南海人惠士奇視學廣東一以通經學古為教夢瑤與同里勞
孝與吳世忠順德羅天尺蘇珥陳世和陳海六番吳秋一時並起有惠門八
子之目雍正八年成進士出宰粵西治獄明慎終奉天遼陽知州性長於詩兼
通音律算術謂蔡元定律呂新書本原九章為之訓釋更取御製律呂正義研
究八音協律和聲之用述其大要參以曹廷棟琴學為書一編時稱其決擇精
當又著算述梅氏之學兼闡數理精蘊麻象考成之旨江藩謂近世為此學
者知有法不知法之所以然知之者惟夢瑤也孝與字阮齋乾隆元年召試鴻
博未用以拔貢生廷試第五出為黔中令治古州屯務足備萬山中將去民攀
轅曰公勞苦以衣食我皆泣下歷錦屏龍泉鎮遠諸邑皆有績卒於官天尺字

清史稿

文苑

三

履先年十七應學使試士奇手錄其賦詩示諸生名大起徵鴻博念親老不就
以舉人終雍正時修一統志與孝與同纂粵乘孝與忤俗被口語天尺力白之
所居里曰石湖世以前有范石湖因稱後石湖以別之云珥字瑞一為文長於
序記詩有別趣書法亦工惠士奇稱之曰南海明珠舉鴻博以母老辭不試乾
隆初鄉舉一試禮部遂不出時粵東舉鴻博者又有番禺車騰芳字剛南康熙
末與里人許遂同徵至京後期即乞終養歸後為海豐學官學使吳鴻雅重之
嘗從容問其諸子頗有應試者乎騰芳以皆失學對吳益歎異焉遂字揚雲康
熙中舉人為清河令獨通賦民德之坐事去職巡撫應鴻博格於部議未試
歸韓海字偉五亦番禺人也雍正十一年進士官封川教諭大府欲薦應鴻博
海賦詩以見志大府覽詩愕然遂不復強海亦旋卒

劉大槐字才甫一字耕南桐城人曾祖日耀明末官歙縣訓導鄉里仰其高節
其後累世皆為諸生至大槐益有名始年二十餘入京師時方苞負海內重望
後生以文謁者不輕許與獨奇賞大槐雍正中兩登副榜竟不獲舉乾隆元年

苞薦應詞科大學士張廷玉黜落之已而悔十五年特以經學薦復不錄久之
選彭縣教諭數年告歸居樅陽江上不復出年八十三卒大槐修幹美髯能引
拳入口縱聲讀古詩文吟其音節皆神會理解桐城自方苞為古文之學同時
有戴名世胡宗緒名世被禍宗緒博學名不甚顯大槐雖游苞門傳其義法而
才調獨出著海峰詩文集姚鼐繼起其學說盛行於時尤推服大槐世遂稱曰
方劉姚宗緒字襲參康熙末以舉人薦充明史館纂修雍正八年進士授編修
遷國子監司業少孤貧母潘苦節課之嚴而有法感憤厲學自經史以逮律麻
兵刑六書九章禮儀音律之類莫不研窮著易管洪範皇極疑義古今樂通律
衍數度衍參注晝夜儀象說歲差新論測量大意梅胡問答九九淺說正字通
艾誤正蒙解大學講義方輿考南河北河論膠萊河考臺灣攷兩戒辨苗疆紀
事等書自為詩文曰瓊隅集古操過大槐大槐同邑門人自姚鼐外推王灼灼
字濱麓乾隆五十一年舉人選東流教諭嘗館於歙與金榜程瑤田及武進張
惠言諸人相友善一日見惠言黃山賦曰子之才可追古作者何必託齊梁以

清史稿

文苑

四

下自域乎惠言遂乘僂體為古文灼灼所著悔生詩文鈔鮑桂星為刊行焉
李銘字鐵君漢軍正黃旗人祖恆忠副都統湖廣總督輝祖子銘娶大學士索
額圖女家世貴盛其於榮利泊如也性友愛兄伊山所山仕不遂省伊山成
所累月乃歸所山罷官還無宅以已屋授之並鬻產為清宿通管一充官庫筆
帖式旋棄去乾隆元年舉鴻博未中選十五年詔舉經學大臣交章論薦以老
疾辭少好山水游踪所至務窮其奇嗜茗為鐵鑪瓦缶一奴負以從客江南
嘗月夜挾琴客泛舟采石彈大雅之章扣舷和之水宿者皆驚起人莫測其致
也銘既以屋讓兄乃築室盤山廬青峰下閉戶賦吟罕接人事歲一至城中一
二日即去居盤山二十載而歿詩古奧峭削著隄集集又著原易及春秋通義
尚史陳景元字石開漢軍鎮紅旗人詩擬孟郊賈島有石開集與戴亨長海為
遼東三老亨字通乾號遂堂瀋陽人原籍錢唐父梓以事成遂見藝術傳亨康
熙六十年進士官山東齊河縣知縣以抗直忤上官解組去寄居京師家益貧
晏如也為人篤於至性不輕然諾風敦風義其詩宗杜少陵上溯漢魏卓然名

家有慶芝堂詩集長海字滙川納喇氏滿洲鎮白旗人鎮安將軍瑪奇子例子
廢長海不就徵補戶部庫使又逃曰庫使司帑藏歲豐入懼焉逃死非逃富貴
也其母賢聽之遂布衣終其身冲遠任真趣無容心博古多識嗜金石書畫當
意則傾囊購之嘗製裘行甲解裘以濟或喪歸塗見未見書買之復解其衣由
是中寒疾乃夷然曰獲多矣中歲愛易水雷溪之勝築大益菴因以為號晚入
京居委巷又顏其閣曰玉衡懸畫四壁對之吟諷其詩短矧古人而不膠於固
斷句尤冠絕一時論詩以性情為主舉廢靡之習而空之有雷溪草堂詩乾隆
九年卒年六十有七遼東以詩文名者又有吳麟字子瑞號晚亭滿洲鎮黃旗
人康熙四十九年舉人授內閣中書與諸同舉鴻博與修明史纂本紀充明史
綱目纂修官善詩文兼工山水著有黍谷山房集曹寅字棟亭漢軍正白旗人
世居瀋陽工部尚書璽子累官通政使江甯織造有棟亭詩文詞鈔鈔字冠
亭秘書院大學士鮑承先裔乾隆初官嘉興海防同知有道映堂全集高鶚字
蘭墅亦漢軍旗人乾隆六十年進士有蘭墅詩鈔至道光年則有劉文麟字仙

清史稿

文苑一

五

樵遼陽人九歲能詩以進士用廣東知縣總督林則徐器之樵平遠兼長樂俗
悍喜械鬪文麟甫蒞任單輿遽入解之衆羅拜皆釋兵俗為之易補文昌丁憂
再選河南沈邱時患匪設方略擒其渠盜賊息迹以忤上官劾降遂歸主瀋陽
書院論詩以婉至為宗語必有寄託英光偉氣一發之於詩論者謂足繼遼東
三老有仙樵詩鈔其門人王乃新字雪樵承德人亦能詩有雪樵詩腋
沈炳震字東父歸安人少喜博覽讀史於年月世系人所忽者必默識之嘗著
新舊唐書合鈔紀傳以舊書為綱分注新書為目舊志多舛略則以新書為綱
分注舊書為目又補列方鎮表拜能承襲諸節目積數十寒暑乃成又著二十
四史四譜一紀元二封爵三宰執四諡法其體出於表歷而變其旁行斜上為
標目乾隆元年與弟炳謙皆以貢生試鴻博報能逾年卒年五十九卒後六年
侍郎錢陳羣奏進其唐書合鈔召付書局采錄唐書考證中炳謙字幼孜炳震
季弟也次弟炳巽字釋旂著水經注集釋訂譌據明黃省曾刊本以己意校定
之徧檢古籍錄其文字異同者間附諸家考訂之說州縣沿革則悉以今名釋

焉初未見朱謀埠本後求得多與之合同時治水經者有全祖望趙一清一清
字誠夫仁和人國子監生父昱季父信見厲鶚傳一清稟其家學博極羣書水
經注傳寫訛奪歐陽玄王禕稱其經注混淆祖望又謂道元注中有注一清因
從其說辨驗文義離析之使文屬而語不雜又唐六典注稱桑欽所引天下之
水百三十七江河在焉今少二十一水考崇文總目水經注三十六卷蓋宋代
已佚其五卷此二十一水即在所佚中於是雜采他書證以本注得澄洛等十
八水又分灤水灤餘水清濁漳大小遼水增多二十一與六典注合為水經注
釋又成水經箋刊誤以正朱謀埠之失方觀承督直隸撰直隸河渠志一清所
草創而戴震要刪之其自著有東潛文集

曹仁虎字來殷嘉定人少稱奇才乾隆二十二年南巡獻賦召試列一等賜舉
人授內閣中書二十六年成進士選庶吉士授編修每遇大禮高文典冊多出
其手擢右中允充日講起居注官累遷侍講學士五十一年視學粵東方按試
連州聞母訃酷暑奔喪晝夜號泣竟以毀卒於途仁虎以文字受主知聲華冠

清史稿

文苑二

六

都下屢典文衡詩宗三唐而神明變化一洗粗率佻巧之習格律醇雅醞釀深
厚為一時所推著有宛委山房詩集蓉鏡堂文稿與王鳴盛王昶錢大昕趙文
哲及吳泰來黃文蓮稱吳中七子鳴盛等四人皆自有傳泰來字企晉長洲人
乾隆二十五年進士用內閣中書乞病歸築遂初園於木瀆藏書多宋元善本
畢沅延主關中及大梁書院與洪亮吉輩往還唱和其詩一本漁洋著有淨名
軒硯山堂等集文蓮字芳亭上海人官知縣有聽雨集

胡天游字稚威山陰人初姓方名遊副榜貢生乾隆元年尚書任蘭枝薦舉鴻
博次年補試鼻輒大作投卷出時四方文士雲集京師每置酒高會分題命賦
天游輒出數千言沈博絕麗見者咸驚服性耿介公卿欲招致一見不可得後
舉經學再報能客山西卒著有石笥山房集自言古文學韓愈然往往濫險似
劉蛻非其至也儷體文自三唐而下日趨頹靡清初陳維崧毛奇齡稍振起之
至天游與衍入古遂臻極盛而邵齊齋孔廣森洪亮吉輩繼起才力所至皆足
名家後數十年而有鎮洋彭兆蓀以選聲鍊色勝名重一時兆蓀字湘浦少有

才名久困無所遇舉道光元年孝廉方正胡克家為江蘇布政使客其所時總督以國用不足議加賦兆菴為克家力陳其不可事得寢又借顧廣圻同校元本通鑑及文選世稱其精槩晚依曾燠兩淮鹽運使署著小謨齋集燠為點定之

袁枚字子才錢塘人幼有異稟年十二補縣學生弱冠省叔父廣西撫幕巡撫金鉉見而異之試以銅鼓賦立就甚瑰麗會開博學鴻詞科遂疏薦之時海內舉者二百餘人枚年最少試報罷乾隆四年成進士選庶吉士改知縣江南歷溧水江浦沐陽調劇江甯時尹繼善為總督知枚才枚亦遇事盡其能市人至以所判事作歌曲刻行四方枚不以吏能自喜既而以疾家居再起發陝西丁父憂歸遂牒請養母卜築江甯小倉山號隨園崇飾池館自是優游其中者五十年時出游佳山水終不復仕盡其才以為文辭詩歌名流造請無虛日談諧誅蕩人人意滿後生少年一言之美稱之不容口篤於友誼編修程晉芳死舉借券五千金焚之且恤其孤焉天才穎異論詩主持寫性靈他人意所欲出不

清史稿

文苑一

七

達者悉為達之士多効其體著隨園集凡三十餘種上自公卿下至市井負販皆知其名海外琉球有來求其書者然枚喜聲色其所作亦頗以滑易獲世譏云卒年八十二晉芳字魚門江都人家世業饒乾隆初兩淮股富程氏尤豪侈晉芳獨好儒購書五萬卷不問生產罄其貲少問經義於從父廷祚學古文於劉大櫟而與袁枚商盤諸人往復唱和甚相得也乾隆七年召試授中書十七年成進士以吏部員外郎為四庫館纂修書成改編修晚歲益窮官京師至不能舉火就畢沉謀歸計抵關中一月卒年六十七晉芳於易書詩禮皆有撰述又有諸經答問羣書題跋韻園詩文集張問陶字仲冶遂甯人大學士鵬翮玄孫以詩名書畫亦俱勝乾隆五十五年進士由檢討改御史復改吏部郎中出知萊州府忤上官意遂乞病游吳越未幾卒於蘇州始見袁枚枚曰所以老而不死者以未讀君詩耳其欽挹之如此著有船山集兄問安字亥白舉人家居奉母淡於榮利其詩才超逸與問陶有二難之目

王又曾字受銘秀水人乾隆十六年南巡召試賜舉人授內閣中書十九年成

進士授刑部主事同縣錢載論詩宗黃庭堅務縱深鑿險不墮白科又曾與朱沛然陳向中祝維詰和之號南郭五子又有萬光泰汪孟錡仲鈞皆與同時相鏃厲力求捐棄塵縻母一語相製取為詩不異指趣亦不同體格時日為秀水派而又曾與維詰光泰尤工又曾卒其子復乞職定其詩號丁辛老屋集畢沅為之序謂於漢魏六朝及唐宋諸家外能融會變化自成一家取材於眾所不經見用意於前人所未發尤又曾所獨到云維詰字宣臣乾隆三年舉人官內閣中書有綠谿詩鈔光泰字循初乾隆元年舉人有柘坡居士集維詰詩全祖望稱其俊雅李錯稱其醇靜光泰詩杭世駿稱其秀朗載亦稱其綺麗蓋雖宗庭堅而鍛鍊精到絕無西江槎枒詰屈之習沛然舉人知高安縣卒官向中客死涼州詩傳者差少孟錡進士吏部主事仲鈞舉人皆有集而復與載子世錫維詰子詰相與稱詩守家法世錫已見載傳有輿山老屋集復字敦初官河南

鄂陵知縣有樹堂堂晚晴軒二集沉探入吳會英才集詰字明甫乾隆二十五年舉人有西澗詩鈔孟錡子如洋乾隆四十五年會試廷試皆第一亦與復等

清史稿

文苑一

八

唱和邵齊燾字叔六昭文人幼異敏甫受書即能了大義乾隆七年進士以編修居詞館十年嘗獻東巡頌時稱班揚之亞羣公爭欲致門下齊燾意度夷曠殊落落也年三十六即罷歸自顏其室曰道山祿隱主常州龍城書院洪亮吉黃景仁皆從受學善為儷體文氣格排眾意欲矯陳維崧吳綺章藻功三家之失卒年五十有二著玉芝堂集王太岳字基平定興人齊燾同年進士授檢討由侍讀出補甘肅平慶道調西安遷湖南按察使調雲南擢布政使坐事落職命充四庫館總纂官四十三年仍授檢討後遷司業卒太岳蒞官有惠政尤留心水利與齊燾最善駢文清剛簡直亦相近有清虛山房集吳錫麒字穀人錢塘人性至孝乾隆四十年進士授編修累遷祭酒以親老乞養歸主講揚州安定樂儀書院錫麒工應制詩文兼善倚聲浙中詩派前有朱彝尊查慎行繼之者杭世駿厲鶚二人列謝後推錫麒藝林奉為圭臬焉著有正山房集全椒吳鼎嘗輯錄齊燾亮吉錫麒及劉星煒袁枚孫星衍孔廣森曾燠之文為八家四六云

此八家外有金嶺楊芳燦與弟揆並負時名芳燦字蓉裳母夢五色雀集庭樹而生詩文華瞻學使彭元瑞大異之乾隆四十二年拔貢生廷試得知縣補甘肅之伏羌回民田五反縣民馬稱驥應之未發芳燦從稱驥甥馬映龍偵得立捕斬之因城守賊奄至以無應解圍去憾映龍洩其謀揚言映龍故與通約五日後獻城也阿桂速映龍將殺之卒以芳燦言得免敘功擢知靈州顧不樂外吏入質爲戶部員外郎與修會典益務記覽爲詞章嘗曰色不欲麗氣不欲縱沈博奧衍斯駢體之能事矣丁母憂貧甚露書以歸著芙蓉山館詩文鈔揆字荔裳乾隆中召試舉人授中書從福康安征衛藏官至四川布政使有藤花館稿廂字山尊嘉慶四年進士終侍講學士以母老告歸主講揚州亦長駢體有夕祭書屋集

徐文靖字位山當塗人父章達以孝義稱鄉里文靖務古學無所不覓著述甚富皆援據經史雍正改元年五十七始舉江南鄉試侍郎黃叔琳典試還朝以得三不朽士自矜蓋指文靖及任啟運陳祖范也乾隆改元試鴻博不遇詹事清史稿 文苑一 九

張鵬紳以所著山河兩戒考管城碩記進呈賜國子監學正十七年徵經學入都會開萬壽恩科遂與試年八十六以老壽賜檢討給假歸卒年九十餘其所著又有周易拾遺禹貢會箋竹書統箋諸書趙青黎字然一涇縣人九歲能文乾隆元年舉會試第一選庶吉士授編修充浙江鄉試考官遷御史再充浙江考官母憂歸服闋還臺又充湖南考官在臺前後五年有直聲如請清屯田歸運丁弛米禁濟民食提耗羨歸公興西北水利又勅總督高斌侍郎周學健奏開捐例啓言利之端爲害甚大所言能持大體不爲激切之論尋以耳疾乞休年八十餘卒青黎外和內嚴以不欺爲主受古文義法於方苞苞稱及門中如青黎者可信其操行之終不迷著有漱芳居集讀左管窺於春秋二百四十二年穿穴甚深先是青黎同郡以史學稱者推南陵汪越字師退康熙四十四年舉人食貧厲節守令咸折節致敬不妄干謁著綠影草堂集沖淡典博其讀史記十表排比舊文鈞稽微義所得尤多朱仕琇字斐階建甯人資性朗悟而記誦拙日可數十言援筆爲文輒立就從

南豐汪世麟學古文臨別請益世麟曰子但通習諸經則世無與抗矣仕琇覽說其言遂以已意求之經傳旁及百家諸子書一以昌黎爲宗副都御史雷鈺見其文歎爲醇古冲澹近古大家自是名大著乾隆九年舉鄉試第一踰四年成進士選庶吉士散館出知夏津縣民爲之謠曰夏清我公能在任七年以河決改福甯府教授歸主整峯講席者十年卒年六十六仕琇以古文辭自力其意欲追古之立言者以爲清穆者惟天澹泊者惟水含之咀之得其妙以爲文者惟人嘗與友人書曰爲文在先高其志其心有以自得則吾心猶古人之心也以觀古人之言猶吾言也然後辨其是非焉究其誠僞焉定其高下焉如黑白之判於前矣於是順其節次焉還其訓詁焉沈潛其義蘊焉調和其心氣焉久則自然合之又久則變化生之於是文之高也如壘土之成臺如鴻漸之在天有莫知其所以然者仕琇與大興朱筠及弟珪友善筠推服其文甚至著梅崖文集福建古文之學自仕琇其後再傳有高澍然字雨農光澤人嘉慶七年舉人授內閣中書未幾移病歸研說經傳尤篤嗜昌黎集其文陳義正言不過清史稿 文苑二 十

物高視塵埃之表名不如仕琇要其自得之趣有不求人知能自樹立者春秋釋經論語私記韓文故及抑快軒文集蔣士銓字心餘鉛山人家故貧四歲母鍾氏授書斷竹篴爲點畫攢簇成字教之既長工爲文喜吟詠由舉人官中書乾隆二十二年成進士授編修文名藉甚茲曰修彭元瑞並薦其才旋乞病歸帝屢從元瑞詢之元瑞以士銓母老對帝賜詩元瑞有江西兩名士之句士銓感恩眷力疾起補官記名以御史用未幾仍以病乞休遂卒年六十二士銓賦性悱惻以古賢者自厲急人之難如不及詩詞雄傑至敘述節烈能使讀者感泣著忠雅堂集少時與武甯汪初南呂楊厚爲昆弟交出入必借財物與共帆字魚亭優貢生屋字子載舉人本天全六番招討宣慰使孫雍正初改土歸流安置江西遂爲南昌人詩名與帆相埒士銓甚推服之同時有南豐趙由儀字山南與士銓等並稱四子其後繼起者曰東鄉吳嵩梁臨川樂鈞嵩梁字蘭雪以舉人官中書選知黔西州著香蘇山館集聲播外夷朝鮮吏曹判書金魯敬以梅花一龜供奉之稱爲詩佛日本賈

人斥四金購其詩扇其名重如此鈞初名宮譜字元淑嘉慶六年舉人與嵩梁同為翁方綱弟子著青芝山館集

趙翼字耘松陽湖人生三歲能識字年十二為文一日成七篇人奇其才乾隆十九年由舉人中明通榜用內閣中書入直軍機大學士傅恆尤重之二十六年復成進士殿試擬一甲第一王杰第三高宗謂陝西自國朝以來未有以二甲一名及第者遂拔杰而移翼第三授編修後出知鎮安府粵民輸穀常社倉用竹筐以權代概有司因購馬濟流軍別置大筐斂穀後遂不革民苦之翼聽民用舊筐自權持美去民由是感激每出行爭肩輿過其村先是鎮民付奉入雲南土富州為姦捕獲百餘人付奉願逸去前守以是罷官已而付奉死驗其尸良是總督李侍堯疑其為前守道地翼中辨總督怒劾之適朝廷用兵編甸命翼赴軍贊畫乃追劾疏還傳恆既至演經略兵事議以大兵渡曼鳩江別遣偏師從普洱進翼謂普洱距曼鳩江四千餘里不如由江東岸近地取猛密如其策入告其後曼鳩兵遭瘴多疾病而阿桂所統江東岸一軍獨完卒以嚴事

清史稿 文苑一 十一

尋調守廣州擢貴西兵備道以廣州獄案降級遂乞歸不復出五十二年林爽文反臺灣侍堯赴閩治軍邀翼與俱時總兵柴大紀城守半載以易子析骸入告帝意動諭大紀以兵護民內渡侍堯以詢翼翼曰總兵欲內渡久矣憚國法故不敢今一棄城則鹿耳門為賊有全臺休矣即大兵至無路可入宜封還此旨侍堯悟從之明日接追還前旨之諭侍堯膺殊賞而大將軍福康安續至遂得由鹿耳門進兵破賊皆翼計也事平辭歸以著述自娛尤邃史學著廿二史劄記皇朝武功紀盛餘叢考簞曝雜記甌北詩集嘉慶十五年重宴鹿鳴賜三品銜卒年八十六同時袁枚蔣士銓與翼齊名而翼有經世之略未盡其用所為詩無不如人意所欲為亦其才優也其同里學人後於翼而知名者有洪亮吉孫星衍趙懷玉黃景仁楊倫呂星垣徐書受號為昆陵七子亮吉星衍懷玉自有傳景仁字仲則武進人九歲應學使者試臨試猶蒙被索句後以母老客遊四方竟升斗為養朱筠督學安徽招入幕上已脩楔賦詩太白樓景仁年最少著白拾立口影中頃刻成數百言坐客咸駭筆時士子試當塗聞使

者高會畢集樓下咸從奚童乞白拾少年詩競寫名大噪嘗自恨其詩無幽并豪士氣遂遊京師高宗四十二年東巡召試二等武英殿書簽例得主簿陝西巡撫畢沅奇其才厚賞之授例為縣丞銓有日矣為債家所迫抱病逾太行道卒亮吉持其喪歸年三十五著兩富軒集子乙生通鄭氏禮善書早卒倫字敦五乾隆中進士蒼梧縣知縣著有杜詩鏡詮星垣字叔諾大學士官五世孫乾隆五十年辟雍禮成進頌册欽取一名選訓導後官河間縣知縣有白雲草堂集書受副貢生葉縣知縣有教經堂集

嚴長明字道甫江甯人幼奇慧年十一為李紱所賞告方苞曰國器也遂從苞受業尋假館揚州馬氏盡讀其藏書高宗二十七年南巡以諸生獻賦賜舉人用內閣中書入軍機長明通古今多智數工於奏牘大學士劉統勳最奇其才戶部奏天下錢糧雜項名目繁多請併入地丁徵收長明日今之雜項折徵銀皆古正供也若去其名他日吏忘之謂其物官所需必且再徵是使民重困也統勳曰善乃奏已之大學士溫福征大金川欲長明從行長明固辭退有咎之

清史稿 文苑二 十二

者答曰是將敗沒吾奈何從之既而溫福果軍潰以死隨往者皆盡長明在軍機七年幹敏異眾然亦以是見嫉其救羅浩源事人尤喜稱之浩源雲南糧道也分償屬吏汪應徽所虧帑金有詔逾期即誅浩源徽不如數逾期十日牒請弛限上下其議時統勳主試禮部秋曹無敢任其事者長明因搥鼓入闈見統勳為言汪已捐復將曳組綬出都獨坐活源義未協宜仍責汪自繳統勳曰具疏稿乎曰具即振袖出之辭義明晰疏入報可獄遂解其他事多類此人有圖其像祀之者三十六年擢侍讀嘗扈蹕木蘭大雪中失橐馳並所裝物越日故吏以駭至問何以知為吾物曰軍機官披羊裘者獨君耳長明勞而遣之後以憂歸遂不復出客畢沅所為定奏詞又主講廬陽書院博學強記所讀書或舉問無不能對為詩文用思周密和易而富於情著毛詩地理疏證五經算術補正三經三史答問石經考異漢金石例獻徵餘錄等書子觀字子進嗜學好金石文字父乞歸後築歸求草堂藏書二萬卷觀丹黃幾滿著江甯金石記錢大昕甚高其品節

姚鼎字姬傳桐城人刑部尚書文然元孫乾隆二十八年進士選庶吉士改禮部主事歷充山東湖南鄉試考官會試同考官所得多知名士四庫館開充纂修官書成以御史記名乞養歸鼎工爲古文康熙間侍郎方苞名重一時同邑劉大槐繼之鼎世父範與大槐善鼎本所聞於家庭師友間者益以自得所爲文高簡深古尤近歐陽修曾鞏其論文根極於道德而探原於經訓至其淺深之際有古人所未嘗言鼎獨抉其微發其蘊論者以爲辭適於方理深於劉三人皆籍桐城世傳以爲桐城派鼎清約寡欲接人極和藹無貴賤皆樂與盡備而義所不可則確乎不易其所守世言學品兼備推鼎無異詞嘗仿王士禛五七言古體詩選爲今體詩選論者以爲精當云自告歸後主講江南紫陽鍾山書院四十餘年以誨迪後進爲務嘉慶十五年重赴鹿鳴加四品銜二十年卒年八十有五所著有九經說十七卷老子莊子章義惜軒文集二十卷詩集二十卷三傳補注三卷法帖題跋二卷筆記四卷子景衡舉人知縣有雋才鼎故工書景衡學其筆法能亂真吳定字殿麟歙縣人舉孝廉方正與姚鼎相友

清史稿

文苑一

十三

善論文嚴於法鼎每爲文示定所不可必盡言得當乃止定嘗語陳用光曰先生虛懷善取爲文尙如是其爲學可知矣著有周易集注十卷紫石山房文集十二卷詩集六卷魯九阜原名仕驥字挈非新城人嘗從鼎問古文法又使其甥陳用光及鼎門乾隆三十六年進士選山西夏縣以積勞致疾卒所著曰山木居士集用光字碩士嘉慶六年進士由編修累官禮部侍郎篤於師友誼嘗爲姚魯兩師置祭田以學行重一時著有太乙舟文集富嘉道間傳古文法者有宜興吳德旋上元梅曾亮諸人曾亮自有傳德旋字仲倫諸生以古文鳴與陽湖惲敬永福呂璣以文相砥鏃詩亦高澹絕俗有初月樓集

宋大樽字左彝仁和人弱歲封股愈母疾讓產其弟乾隆三十九年舉人爲國子監助教以母老引疾歸豪於飲酒善鼓琴時出游佳山水助其詩興其詩由唐人而上溯之極於古歌謠而止才力足以相儔有茗香論詩學古集牧牛村舍詩鈔同縣錢林字金粟嘉慶十三年進士由編修至侍讀學士左遷庶子林熟於本朝名臣言行及河漕鹽榷錢法諸大政詩亦醞釀於漢魏六朝阮元

督學浙江稱爲華實兼茂之士著文獻徵存錄玉山草堂詩集端木國瑚青田人青田故產鶴國瑚生而清傲似鶴其大父字之曰鶴田阮元督學得之恆誇示人曰此青田一鶴也命賦使署定香亭賦成一時傳誦國瑚好學深思通天文之奧嘗被召相山陵叙勞官中書道光十三年進士選用知縣性不耐劇投牒就原官著周易指屬稿二十六年而後成詩才清麗有太鶴山人集又著周易葬說地理元文後頗悔之不輕爲人營葬吳文溥字澹川嘉興貢生亦以詩名其爲人有輅略超然不羣能作蘇門長嘯著南野堂集

章學誠字實齋會稽人乾隆四十二年進士官國子監典籍自少讀書不甘爲章句之學從山陰劉文蔚童鉅游習聞哉山南雷之說熟於明季朝政始末往往出於正史外秀水鄭炳文稱其有良史才繼游朱筠門爲藏書甚富因得縱覽羣籍與名流相討論學益宏富著文史通義校讐通義推原官禮而有得於向歆父子之傳其於古今學術輒能條別而得其宗旨立論多前人所未發嘗與戴震汪中同客馮廷丞寄紹台道署廷丞甚敬禮之學誠好辯論勇於自信

清史稿

文苑一

十四

有實齋文集視唐宋文體夷然不屑所修和州亳州永清縣諸志皆得體要爲世所推章宗源字逢之乾隆五十一年大興籍舉人其祖籍亦浙江也嘗輯錄唐宋以來亡佚古書欲撰隋書經籍志考證積十餘年始成稿爲仇家所焚僅存史部五卷後百有餘年有姚振宗字海槎山陰人著漢藝文志隋經籍志考證能訂宗源之失又補後漢三國兩藝文志目錄之學卓然大宗論者謂足紹二章之傳而學誠同時有歸安吳蘭庭字肯石乾隆三十九年舉人稽古博聞多所纂述嘗以宋吳縝著有五代史記纂誤因更取薛居正舊史參校爲纂誤補四卷同邑丁杰遂於經蘭庭熟於史一時有丁經吳史之目嘉慶元年與千叟宴他所著又有五代史考異讀通鑑筆記南書草堂集

祁韻士字鶴泉壽陽人乾隆四十三年進士官編修擢中允大考改戶部主事嘉慶初以郎中監督寶泉局庫虧銅案發戍伊犁未幾赦還卒於保定書院年六十五韻士幼喜治史於疆域山川形勝古人爵里名氏靡不記覽弱冠館靜樂李氏李藏書十餘楹多善本韻士寢饋其中五年益賅治既入翰林充國

史館纂修時創立蒙古王公表傳計內札薩克四十九旗外札薩克喀爾喀等二百餘旗以至西藏及回部糾紛雜亂皆無文獻可徵據乃悉發庫貯紅本等其端緒每於灰塵空積中忽有所得如護異聞各按部落立傳要以見諸實錄紅本者為準又取皇輿全圖以定地界方向其王公支派源流則核以理藩院所存世譜八年而後成書又別撰藩部要略以年月編次蓋傳仿史記而要略仿通鑑李兆洛序之謂如讀遂皇之書視鴻濛開闢之規模矣及成伊犁有所纂述大興徐松續修之成新疆事略韻士又著西域釋地西陲要略皆考證古今簡而能核外有萬里行程記已庚編書史輯要詩文集張穆字石洲平定州人道光中優貢生善屬文歛縣程恩澤見之驚曰東京崔蔡之匹也通訓詰天算輿地之學著蒙古游牧記用史志體韻士要略用編年體論者謂二書足相埒又以魏書地形志分併建革一以天平元象輿和武定為限純乎東魏之志其雅秦諸州地入西魏者遂悅失踳駁不可讀乃更事排纂書未成其友何秋濤為補輯之又著顧炎武閩若璵年譜月齋詩文集秋濤字願船光澤人道光

清史稿

文苑一

十五

二十四年進士授刑部主事留心經世之務以俄羅斯與中國壤地連接宜有專書資考鏡始著北徵彙編六卷後復詳訂圖說起漢晉訖道光增為八十卷文宗垂覽其書賜名勅方備乘召見擢員外郎懋勤殿行走旋以憂去同治改元年三十九卒又著王會篇箋釋一證精舍甲部藥刑部奉敕撰律例根源亦秋濤在官時創藁云

馮敏昌字伯允欽州人童年補諸生翁方綱按試廉州以拔貢選入國學乾隆四十二年進士授編修大考改戶部主事調補刑部性至孝友聞父喪一痛嘔血大雪徒跣竟日方綱憂曰敏昌萬無生理則持其母夫人書促令歸省及丁內艱廬墓久遂不復出平生足跡半天下嘗登岱題名絕壁游廬阜觀瀑布抵華嶽攀鐵絳躡巉峽在河陽時親歷王屋大行諸山又以北嶽去孟縣不千里騎駿馬直造曲陽飛石之巔窮雁門長城而返最後宿南嶽廟升祝融峯觀雲海其徘徊之情曠逸之抱一寓於詩著有小羅浮草堂詩集孟縣志華山小志河陽金石錄學者稱魚山先生其後嶺南以詩名家者有嘉應宋湘字煥襄嘉

慶四年進士以編修典試四川貴州出知曲靖府教屬地種木棉人稱宋公布署廣南永昌皆有積水昌灣甸土州知州死遠族景在東謀襲其職據境專殺自恣如是者五年當事怯莫敢發民夷赴懇湘請諸鎮帥不允乃率僚屬游燕棲賢山從容賦詩密約鄉兵乘夜兼行出不意禽在東斬之費銀八千兩不取償公家邊隅以靖終湖北督糧道詩學少陵有不易居集敏昌同時又有趙希璜字渭川長甯人少讀書羅浮山與順德黎簡友善乾隆四十四年舉人知安陽縣邑志久未修希璜聘武德共成之紀昀推其體例合古法未附金石錄十二卷尤精確希璜工詩著有四百三十二峯草堂詩鈔法式善字開文蒙古烏爾濟氏隸內務府正黃旗乾隆四十五年進士授檢討遷司業五十年高宗臨雍率諸生七十餘人聽講禮成賞賚有差本名運昌命改今名國語言竭力有為也由庶子遷侍讀學士大考降員外郎阿桂薦補左庶子性好文以宏獎風流為己任顧數奇官至四品即左遷其後兩為侍講學士一以大考改贊善一坐修書不謹貶庶子遂乞病歸所居後載門北明李東

清史稿

文苑一

十六

陽西涯舊址也構詩龕及梧門書屋法書名畫盈棟几得海內名流詠贈即投詩龕中主盟壇坫三十年論者謂接迹西涯無愧色著清秘述聞槐廳載筆存素堂詩集平生於詩所激賞者舒位王雲孫原湘作三君子詠以張之然位艷曇狂惟原湘以才氣寫性靈能以韻勝著天真閣集原湘字子澗昭文人嘉慶十年進士選庶吉士未仕同時江蘇與原湘負才名者有吳江郭燾字祥伯附監生一眉瑩白如雪風采超俊家貧客遊人爭倒屣詩學李長吉沈下賢詞尤清婉著蕙芬館集嘗病潘昂霄金石例之隘因據洪氏錄釋為金石例補又撰詞品十二則以繼司空表聖之詩品

惲敬字子居陽湖人幼從舅氏鄭環學持論能獨出己見乾隆四十八年舉人以教習官京師時同縣莊述祖獻可張惠言海鹽陳石麟桐城王灼集輩下敬與為友商榷經義以古文鳴於時既而選令富陽銳欲圖治不隨羣輩俯仰大吏怒其強項務裁抑之令督解黔餉敬曰王事也怡然就道後遭父喪服闋選新喻吏民素橫暴繩以法人疑其過猛已乃進秀異士與論文藝俗習大變調

知瑞金有富民進千金求脫罪峻拒之關說者以萬金相啗敬曰節士苞苴不
速門吾豈有遺行耶卒論如法由是廉聲大著卓異擢南昌同知敬為人負氣
所至輒忤上官以其才高優容之然忌者遂銜之次骨最後署吳城同知坐姦
民誣訴隸詐財失察被劾忌者聞而喜曰惲子居大賢乃以賊敗耶敬既罷官
益肆其力於文深求前史興壞治亂之故旁及縱橫名法兵農陰陽家言會其
友惠言歿於是敬慨然曰古文自元明以來漸失其傳吾向所以不多爲者有
惠言在也今惠言死吾安敢不併力治之其文蓋出於韓非李斯與蘇洵爲近
卒年六十一著大雲山房稿其治獄曰子居決事附集後趙懷玉字億孫武進
人尙書中喬四世孫乾隆中召試舉人授中書久之出爲青州府同知以憂歸
終於家性坦易工古文辭嘗自言不敢好名爲欺人之事不敢好奇爲欺世之
學俾敬稱其文無有雜言詖義離真反正者著有生齋文集

黎簡字簡民順德人十歲能詩益都李文藻令朝陽見簡詩曰必傳之作也勸
令就試學使李調元得其擬昌黎石鼎聯句奇賞之補弟子員人號之曰黎石

清史稿

文苑一

十七

鼎久之膺選拔尋丁外艱遂終於家足不踰嶺海內名流欽其高節袁枚負盛
名游羅浮邀與相見謝不往也著五百四峰草堂詩文鈔所與交同邑張錦芳
黃丹書番禺呂堅皆以詩名錦芳字榮夫乾隆中進士官編修通說文喜金石
文字弟錦麟字瑞夫舉人兄弟並爲翁方綱所器異錦麟以賦碧天如水雁初
飛句得名時呼張碧天早卒錦芳著逃虛閣詩鈔與欽州馮敏昌同邑胡亦常
稱嶺南三子丹書字廷授亦以詩受知調元貢優行事親孝居喪能盡哀後舉
於鄉至都朝貴爭延之辭不就嘗曰貧與富交則損名賤與貴交則損節晚官
教諭兼工書畫著鴻雪齋詩鈔堅字介卿歲貢生窮老不遇著遲刪集亦常字
同謙舉人落第南歸與戴震同舟至富春江乃別舟中手寫震所著書謀刊之
多噉瓜果解渴得胃寒疾抵家卒有賜書樓集

張士元字翰宣震澤人工古文辭師法歸有光歲正陳其集几上北面拜之又
用歸氏評點史記法上推之左氏下逮韓歐無不合者乾隆五十三年舉人久
不第留京師館董誥第八年誥主會試欲令士元出門下不能得也姚文田督

學江南士元與有舊戒諸子勿應試年老銓教諭以耳聾謝不就曰國家設學
校使師弟子相從講學豈漫以廩祿振寒生哉乃歸老爛谿之上撰述自娛學
者稱鱸江先生性澹泊寡交獨與王芭孫秦瀛陳用光以學問相切劘姚鼎見
其文亦擬之震川卒年七十著嘉樹山房集同邑張海珊字越來張履字淵甫
皆舉人海珊道光元年鄉試解首榜發已前卒其論學以宋賢爲歸又恥迂儒
寡效自農田河渠兵制天下形勢所在及漕糧利弊悉心究討三吳亢旱港涸
一日北風大作水入糾衆築堤儲之歲以有秋著小安樂窩集喪禮問答火攻
秘錄履海珊門人也傳海珊之學尤精三禮其議禮之文皆犁然有當非徒習
訓詁名物者官句容訓導著積石山房集

清史稿

文苑二

十八

清史稿

列傳

文苑三

張澍

陸繼輅

鄧顯鶴

徐松

錢儀吉

姚椿

黃易

俞正燮

張維屏

湯鵬

魏源

莫與儔

洪頤煊

周濟

李兆洛

包世臣

張鑑

董祐誠

潘德輿

梅曾亮

龔鵬祚

方東樹

清史稿

文苑三

魯一同

吳敏樹

斌良

馮桂芬

張裕釗

林紆

譚瑩

周壽昌

何紹基

李慈銘

吳汝綸

張澍字介侯武城人父應舉有孝行嘉慶四年澍年十八成進士是科得人最盛澍選庶吉士文詞博麗散館改知縣初令玉屏以病歸叙防河勞選屏山攝興文丁父艱再起知永新署臨江通判坐征解緩罷官開復補瀘溪復以憂去澍性亢直所至輒有聲在黔時巡撫彭齡過縣澍杖其僕之索金者座主蔣攸銘督四川甫下車舉劾屬吏風采嚴峻澍上書論其循情市恩黜陟不當以此官不遂務博覽經史皆有纂著遊跡半天下詩文益富留心關隴文獻蒐輯刊刻之纂五涼舊聞三古人苑續黔書秦音蜀典而姓氏五書尤為絕學自著

詩文外又有詩小序翼說文引經考證同時甘肅有與之同名者曰邢澍字雨民隋州人也兩人學派亦略相近乾隆五十五年進士官至南安知府好古博聞孫星衍輯寰宇訪碑錄多資於澍著有兩漢希姓錄金石文字辨異守雅堂集

莫與儔字猶人獨山州人少有志操兄歿持期服不與試嘉慶四年朱珪阮元總裁會試所拔取多樸學知名士與儔亦以是年成進士選庶吉士散館改令鹽源縣俗富民買田好擇取無稅者貧民往往粥產存賦久輒逃亡與儔責賦富人而貴其隱占罪又上言河西甯遠子稅所府隸橫征病民得裁去木裏喇嗎左所有山產銀銅布政使符縣開礦與儔持不可以為礦山實土官經堂所據奸民所呈地圖距經堂遠實無礦開廠聚眾滋擾夷境貪小利買大費事誠不便大吏檄與儔覆勘至則礦山果在經堂右其眾嚴兵以待既瞻與儔貌聆其溫語皆解甲羅拜縣令至土司例有供餽盡却之又懸諸禁比還老幼遮道獻酒填咽不得前舉治行卓異以父憂去母老遂請終養久之被吏部檄復起

清史稿

文苑三

自請改教授選遵義士人聞其至爭請受業學舍如蠶房猶不足儲居牛城市日暮進諸生而詔之學以盡其下焉者而已上焉者聽其自至可也程朱氏之論窮神達化不越灑掃應對日用之常至六藝故訓則國朝專經大師實邁近古其稱江閩惠陳段王父子未嘗隔三宿不言聽者如旱苗之得膏雨其後門人鄭珍及子友芝遂通許鄭之學為西南大師與儔著二南近說詩文散佚友芝記其言行為過庭碎錄友芝字子德家世傳業通會漢宋工詩真行篆隸書不類唐以後人世爭寶貴友芝亦樂易近人癩貌玉立而介特內含道光十一年舉人在京師遠迹權貴胡林翼曾國藩皆其舊好留居幕府評騭書史外榮利泊如也咸豐時嘗選取縣令棄去至是中外大臣密疏薦其學行有詔徵至復謝不就卒年六十一著黔詩紀略遵義府志聲韻考略邵庭詩抄宋元舊本經眼錄博覽譜注唐本說文木部箋異

陸繼輅字祁孫陽湖人幼孤生母林嚴督之非其人禁勿與遊甫成童出應試得識丁履恒歸告母母察其賢始令與結其後益交莊曾詒張琦惲敬洪飴孫

輩學日進嘉慶五年舉人選合肥訓導以修安徽省志敘勞遷貴溪令三年引疾歸繼輅儀幹秀削聲清如喉鶴不以塵務經心惟肆力於詩清溫多風如其人也常州自張惠言憚敬以古文名繼輅與董士錫同時並起世遂推為陽湖派與桐城相抗然繼輅選七家古文以為惠言敬受文法於錢伯坰伯坰親業劉大槐之門蓋其淵源同出唐宋大家以上窺史漢桐城陽湖皆未嘗自標異也繼輅著崇百樂齋集合肥學舍札記從子耀通字劭文縣學生工為詩書金石文字與繼輅齊名其為人豁敏精采而遇事侃侃無所撓遊公卿間尤長尺牘嘗客陝西巡撫幕教匪反滑縣那彥成過長安聞耀通名即請見為陳機宜數十事因屬其草以聞多施行道光初舉孝廉方正選早南教諭卒有雙白燕堂集金石續編繼輅所鈔七家文者大槐惠言敬外則方苞姚鼐朱仕琇彭績也績字秋士長洲人品詣孤峻乾隆末窮而客死無子年四十四族子紹升曰人之弔先生者悲其窮吾獨謂先生竹柏之性有節有文采其英亦元結孟郊之匹未見其窮也有秋士遺集餘六人皆自有傳

清史稿

文苑三

三

洪頤煊字旌賢臨海人少時自力於學與兄坤煊弟震煊讀書僧寮夜就佛燈誦誦不輟學使阮元招頤煊震煊就學行省名日起嘉慶六年充選拔貢生入貨為州判權知新興縣事適阮元督粵知頤煊學優非吏才延致幕府相與諮諏經史後卒於家性喜聚書廣購嶺南舊本至三萬餘卷碑版彝器多世所罕觀著禮經宮室答問孔子三朝記管子義證漢志水道疏證讀書叢錄台州札記筠軒詩文集坤煊字載厚乾隆末以拔貢生舉鄉試題名後十餘日卒震煊字百里精選學詩才敏贈阮元修經籍纂詁十三經校勘記皆任其役後頤煊十二年充選拔生既廷試貧不克歸遂以客死著夏小正疏義

鄧顯鶴字子立新化人少與同里歐陽紹洛以詩相厲遊客四方所至傾動嘉慶九年舉人厭薄仕進一以著書為事繫楚南文獻者三十年學者稱之曰湘皋先生內行修事兄白首無間撫其子勤於己子尤篤於師友風義嘗以為洞庭以南服嶺以北屈原賈誼傷心之地也歷代通人志士相望而文字湮鬱不宜乃從事搜討每得貞烈遺行於殘簡斷冊中為之驚喜狂拜汲汲彰顯若大

譚隨其後凡所著有資江耆舊集沅湘耆舊集楚寶增輯考異武岡志寶慶志朱子五忠祠傳略及續傳明季湖南殉節傳略又易述毛詩表南村草堂詩文集共數百卷晚授寧鄉訓導卒年七十五同時萬希槐字蔚亭黃岡人以廩膳生官南漳訓導通經史百家言著十三經證異因學紀聞集證陳嵩慶推為王氏功臣

周濟字保緒荆溪人好讀史喜觀古將帥兵略騎射擊刺藝絕精嘉慶十年進士或謂之曰對策語幸無過激濟曰始進敢欺君乎及廷對縱言天下事字逾恒格以三甲歸班選知縣改就淮安府教授上丁釋奠禮畢知府王穀就殿門外升輿濟趨前阻之知府不懼去濟遂引疾歸是秋冒賑事發自縊以下吏皆得罪濟以先去免淮南北鹽梟充斥總督孫玉庭知濟能以防撫事屬之濟集營弁勒以兵法姦民皆斂迹已而歎曰賦務不理其本徒緝私私不可勝緝也因謝去濟與李兆洛張琦包世臣訂交當是時數吳中士有裨世用者必首及世臣濟兩人濟雖以才自喜一日盡屏豪習閉門撰述成曾略八十卷例精辭

清史稿

文苑三

四

潔於攻取防守地勢多發明論贊中非徒考訂已也晚復任淮安教授選秀童教以樂舞禮成觀者盈千周天爵移督湖廣邀濟偕行道卒年五十九陳鶴字鶴齡元和人操行修潔亦精史學嘉慶元年進士以主事分工部出無車馬與棲霞牟昌裕陽山鄭士超有工部三君子之目熟於明代事輯明紀六十卷未成卒後八卷其孫克家續成之克家道光末舉人官中書後參張國樞軍事殉難贈知府銜

徐松字星伯大興人嘉慶十年進士授編修簡湖南學政坐事戍伊犁松留心文獻既出關置開方小冊隨所至圖其山川曲折成西域水道記擬水經復自為釋以比道元之注又以新疆入版圖數十年視同畿甸而未有專書乃纂述成編於建置控扼錢糧兵籍言之尤詳將軍松筠奏進其書賜名新疆事略特旨敕還御製序付武英殿刊行道光改元起內閣中書游擢郎中補御史出知榆林府未幾卒他所著有新料注地理志集釋漢書西域傳補注唐兩京城坊考唐登科記考新疆賦共數十卷松喜延譽後進其客有沈荏者字子惇烏程

人優貢生性沈默足不越關塞好指畫絕域山川初爲何凌漢陳用光所賞拔入京師館於松松稱其地學之精程恩澤嘗讀西游記擬爲文疏通其說及見廷所撰西游記金山以東釋款曰還荒萬里在目前矣遂開筆盡客死張穆哀其遺著爲落賦樓秦陳潮字東之泰興人通經工小篆又擅周牌之學嘗夜登高臺窺星象不寐遊京師亦卒於松寓李圃字少伯掖縣人以拔貢生官直隸無極縣知縣謝病歸圃讀書十行俱下天才卓越工詩古文詞力屏近世浮靡之習嘗曰文非司馬子長詩非蘇李不足爲師法也徐松爲濟南濼源書院山長見圃詩嘆曰三百年來無此作矣著有鴻橋齋詩文集山左稱詩者王士禎趙執信以後以圃爲巨擘云

李兆洛字申耆陽湖人嘉慶十年進士選庶吉士改令鳳臺俗獷悍多盜地接蒙城阜陽遠者至百八十里官或終任不一至兆洛親行縣辨其里落繁耗地畝廣袤饒瘠次第經理之焦岡湖漢芍陂也淮淮易爲災乃增隄防設溝閘歲以屢豐擇耆老勸民孝謹優獎之於僻遠設義學爲求良師其捕盜尤爲人所

清史稿 文苑三

五

喜稱嘗騎卒健勇出不意得其魁因察而撫川之兆洛嘗曰鳳嶺泗民氣可用揀集五千人方行天下有餘矣然唯其豪能使之官帥至千里外必客兵勢勝足相鈐制乃可兆洛在縣七年以父憂去遂不出主講江陰書院幾二十年以實學課士其治經學音韻訓詁訂與圖攷天文官麻術及習古文辭者輩出如江陰承培元宋景昌繆尙誥六承如等皆其選也兆洛短身碩腹頗願剛目望之若不可近而接人和易未嘗疾言遽色資恤故舊窮乏無不至藏書逾五萬卷皆手加丹鉛尤嗜輿地學其論文欲合駢散爲一病當世治古文者知宗唐宋不知宗兩漢因輯駢體文鈔其序略云自秦迄隋其體遞變而文無異名自唐以來始有古文之目而目六朝之文爲駢體爲其學者亦自以爲與古文殊路夫氣有厚薄天爲之也學有純駁人爲之也體格有遷變人與天參焉者也義理無殊途天人合焉者也得其厚薄純雜之故則於其體格之變可以知世焉於其義理之無殊可以知文焉文之體至六代而其變盡夫沿其流極而派之以至乎其源則其所出者一也卒年七十一其自著曰養一齋集所輯有皇朝

大典大清一統輿地全圖鳳臺縣志地理韻編培元字守丹優貢生著說文引經證例簡雅經滯揭景昌字冕之縣學生著星緯測量諸篇尙誥字正卿舉人著古韻譜雙聲譜經星攷承如及族人嚴皆貢生兆洛訂輿地圖六氏兩生所手繪也

錢儀吉字衍石嘉興人尙書陳羣曾孫父福昨侍讀學士儀吉生有五色文禽翔其室故初名遠吉後易焉嘉慶十三年進士選庶吉士改戶部主事累遷至工科給事中皆能舉其職因公罷歸儀吉治經先求古訓博考衆說一折衷本文大義不持漢宋門戶嘗著經典證文雅厭者以十九篇之次寫九百四部之文而以經籍傳注推廣之其讀史補晉兵志朔閏諸表撰三國晉南北朝會要體例視徐天麟有所出入不限斷以本書又仿宋大珪名臣琬琰碑傳集得清臣工文儒等八百餘人輯錄之爲碑傳集後卒於大梁書院年六十八從弟泰吉字警石少孤執喪盡哀禮與儀吉以學行相磨遠近盛稱嘉興二石爲詩文原本情性讀其辭知其於孝友最深也以廩貢生得海寧州學訓導居間務讀

清史稿 文苑三

六

書自經史百氏下逮唐宋以來詩文集靡不博校以其學語諸生諸生之賢且文者大附嘗修學宮以費所羨修海昌備志既又得民間節孝行者千餘事爲旌之曰吾職也再三請必得乃已爲訓導幾三十年不以枝官自放曠學寇陷浙往依曾國藩卒於安慶著曝書雜志甘泉鄉人稿儀吉子寶惠泰吉子炳森皆能世其學

包世臣字慎伯涇縣人少工詞章有經濟大略喜言兵嘉慶十三年舉人大挑以知縣發江西一權新喻被劾去復隨明亮征川楚發奇謀不見用遂歸卜居金陵世臣精悍有口辯以布衣遨遊公卿間東南大吏每遇兵荒河漕鹽諸鉅政無不屈節諮詢世臣亦慷慨言之初海盜蔡牽犯上海鎮道迎世臣閱沿海島嶼見黃浦停泊商船千艘遂建海運可救漕弊之議游袁浦值河事亟著策河四略是時鹽法以兩淮爲大私梟充斥議者爭言緝私世臣擬多裁鹽官惟留運司主錢糧場大使督鹽戶不分畛域仿現行鐵硝之例聽商販領本地官印照赴場繳課買鹽州縣具詳運司存核則場官不能乾沒正課而轉輸迅速

則鹽價必銳減私鹽皆輸官課課入必倍以之津貼辦公并增輸餉科道廉俸
爲計甚便其論西北水利曰今國家南漕四百萬石中歲腹田二百萬畝所產
也有田四百萬畝歲入與佃半之遂當全漕先減運十之一糶其穀及運資置
官屯遞減至十年則漕可罷賦可寬以其盈餘量加賦餉而官可廉兵可練不
然漕東南以贖西北浮收勒折日增一日竭民力積衆怒東南大患終必在此
世臣能爲大言其論書法尤精行草隸書皆爲世所珍貴著有小倦遊閣文集
別編爲安吳四種齊彥槐字梅麓婺源人嘉慶十三年召試舉人明年成進士
選庶吉士散館授金匱令毀淫祠歲早動振務擢蘇州府同知陳海運策巡撫
召詰之條舉以對巡撫不能難終以吏張寢其事後十餘年改行海運仍仿其
法焉嘗製渾天儀中星儀并各爲之說及龍尾恒升二車便民運水又著北極
星緯度分表海運南漕叢議梅麓詩文集

清史稿

文苑三

七

楊芳燦張問陶輩文酒高會才名大起願試輒不遇既又受學於姚鼐退而發
宋賢書讀之屏棄夙習壹意求道泊如也嘗得寶應朱澤溥遺著歎曰此真爲
程朱之學者親詣其墓拜之申私淑之禮道光元年舉孝廉方正不就主書院
講席以實學勵諸生其論文必舉桐城所稱曰好學深思心知其意又曰文之
用有四曰明道曰記事曰考古有得曰言詞深美其錄清代人文八十餘卷一
本此旨著有通藝閣錄晚學齋文錄顧廣譽字維康平湖人優貢生舉咸豐元
年孝廉方正寇亂未廷試廣譽慕其鄉張履祥陸隴其之爲人刻意厲行其治
經一依程端禮讀書分年日程遺法著學詩詳說用力至勤又憫晚近喪祭禮
廢恩紀衰薄昏娶僭侈逾度乃變通古禮酌時俗之宜成四禮權疑八卷姚椿
推爲一時宗匠有悔過齋文稿卒於上海龍門書院

張鑑字春治歸安人巡撫阮元築訪經精舍西湖鑑及同里楊鳳苞施國祁肆
業其中皆知名嘉慶初副榜貢生元勛海寇振兩浙水災一資鑑贊畫時方議
海運鑑力主之以爲河運雖安費鉅海運費省得其人熟習海道未嘗不安乃

著海運芻言凡料淺占風之法定盤望星之規放洋泊舟之處攷之甚悉侍郎
英和亟稱其書道光四年河決高家堰漕運阻其和遂奏行海運多採川鑑說
卒年八十三著十五經叢說西夏紀事本末眉山詩案廣證鳳苞字傳九元編
經籍纂詁鳳苞與分纂熟明季事嘗爲南疆逸史跋十二篇傳於時晚館郡城
陳氏其書室爲鄭元慶魚計亭人以爲元慶復生云國祁字非熊與鳳苞皆廩
膳生國祁病金史蕪雜積二十餘年成金史詳校以其帙繁乃列舉條目爲金
源劄記又作元遺山集箋金源雜事詩國祁工詩文善填詞家貧爲人主計市
肆中有一樓顏曰吉貝居著書其中燬於火著述多燼

黃易字小松錢塘人父樹穀以孝聞工隸書博通金石易承先業於吉金樂石
寢食依之遂以名家官山東運河同知勤於職事嘗得武班碑及武梁祠堂石
室畫像於嘉祥乃即其地起武氏祠堂祠石祠內又出家藏精拓雙鉤銀木凡
四方好古之士得奇文古刻皆就易是正以是所蓄甲於一時自乾嘉以來漢
學盛行羣經古訓無可蒐輯則旁及金石嗜之成癖亦一時風尚然也翟中溶

清史稿

文苑三

八

字木夫嘉定人爲錢大昕女夫尤選金石之學官湖南布政司理問搜奇訪僻
於人跡罕至之境所獲益多著有孔廟從祀弟子辨證漢魏蜀石經考異辨正
說文地名考異古泉山館彝器圖錄錢志補正集古官印考證古鏡圖錄續漢
金石文編凡二十餘種張廷濟字叔未嘉興人嘉慶三年舉鄉試第一應禮部
試輒躋遂歸隱以圖書金石自娛建清儀閣藏皮古器名被大江南北沈濤字
西雝與廷濟同邑嘉慶十五年舉人咸豐初署江西鹽法道粵賊攻南昌隨巡
撫張芾城守圍解授興泉永道未到官卒濤尙考訂之學喜金石著常山貞石
志說文古本考陸增祥字星農太倉人道光三十年一甲一名進士授修撰至
辰永沈靖道鍾王昶金石萃編成金石補正百二十卷凡三千五百餘通又著
甄錄一卷其訂正金石款識名物何紹基服其精

董祐誠字方立陽湖人生五歲曉九九數稍長善屬文游陝西成華山神廟賦
一時傳誦其學於典章禮儀輿地名物皆肆力探索而尤精歷算盡通諸家法
特善深沈之思書之鈎棘難讀者一覽輒通曉復能出新意闡曲隱補漏嘉

慶二十三年舉人越五年卒年三十三祐誠讀諸史歷志因著三統衍補復取三統以次迄明大統萬年回各術擬撰五十三家歷術屬稿未成其兄基誠取已成五種附水經注圖說刊之其所著算學有割圓連比例術圖解斜弧三邊求角補術堆垛求積術若干種基誠字子誦進士由刑部郎中出知開封府工詞章與祐誠文合刊曰移華館駢體文方履錢字彥聞大興人與祐誠同年舉人為令閩中初試吏署永定里豪胡鳳兆掘族人父棺並殺其子名捕不得履錢至為書諭之鳳兆自首遂論如法調閩縣會早禱兩烈日中體豐碩中暑卒履錢亦以駢文著稱尤嗜金石文字所積幾萬種有伊闕石刻錄富齋齋碑日河內縣志萬善花室集周儀暉字伯恬陽湖人嘉慶初舉人宣城訓導擢知山陽縣調鳳翔能詩有夫椒山館集其後又有吳韻鴻字嘉之道光中進士官代州知州莊縉度字眉叔進士戶部主事趙申嘉字芸西陸容字蓉卿徐廷華字子榜汪士進字逸雲周儀穎字叔程舉人即儀暉弟也號毘陵後七子其名位亞於前七子

清史稿

文苑三

九

俞正燮字理初黟縣人性強記經目不忘年二十餘北走兗州謁孫星衍時星衍為伏生建立博士復訪求左氏後裔正燮因作邱明子孫姓氏論左山考星衍多據以折衷羣議由是名大起道光元年舉人明年阮元主會試士相謂曰理初入殼矣後竟落第其經策淹博為他考官所乙元未之見也房考王藻嘗引為恨正燮讀書置巨冊數十分題疏記積歲月乃排比為文斷以己意藻為刻十五卷名曰癸巳類稿又有存稿十五卷山西楊氏刻之弟正禧亦舉人多義行文學與正燮齊名趙紹祖字琴士涇縣人年十二受知學使朱筠補諸生筠授以說文曰讀此日無過十字讀注疏亦無過十葉必精造乃已紹祖熟於史事嘗應布政使陶澍聘修安徽省志詳瞻有法道光初年七十舉孝廉方正又十二年卒注有通鑑注商新舊唐書互證金石跋安徽金石記涇川金石記金石文正續鈔汪文臺字士南與正燮同縣相善宗漢儒以論語邢疏疏略因取證古義博采子史箋傳依韓嬰詩傳例作論語外傳見阮元十二經注疏校勘記謂有益於後學然成於衆手時有駁文別為表識作校勘記識語寄示阮

元元服其精博禮聘之又嘗纂輯七家後漢書淮南子校勘記及脞稿皆行於世道光二十四年卒年四十九湯球字伯玕亦野人少耽經史從正燮文臺游傳其考據之學通歷算星緯恥以藝名嘗輯鄭康成逸書九種劉熙孟子注劉珍等東觀漢記皇甫謐帝王世紀譙周古史攷傳子伏侯古今注球讀史用力於晉書尤深廣蒐載籍補晉史之闕成書數種同治六年舉孝廉方正光緒七年卒年七十八

潘德輿字四農山陽人年五六歲母病不食亦不食父咯血刲臂肉和藥進父察其色動泣曰固知兒有是也既孤大母猶在堂孝敬彌至居喪一遵禮制柴瘠儼然著喪禮正俗文祭儀為家法撫寡妹嗣子教養盡二十年其他行多類此嘗以挽回世運莫切於文章文章之根本在忠孝源在經術其說經不祖漢宋力求古人微言大義其論治術謂天下大病不外三言曰吏曰例曰利世儒負匡濟大略非雜縱橫即陷功利未有能破利字而成百年休養之治者道光八年舉江南鄉試第一入都座主侍郎鍾昌館德輿於家語人曰四農乃吾師

清史稿

文苑三

十

也大挑以知縣分安徽未到官卒年五十五初阮元總督漕運招之謝不往後朱桂植周天爵皆號為名臣折節願納交德輿遠引避之以為義無所居也天爵喟然有望塵之歎其所與遊若永豐郭儀霄建寧張際亮震澤張履益陽湯鵬欽徐寶善皆一時之選德輿詩文精深博奧有養一齋集門人清河吳昆田字雲圃舉人刑部員外郎晚年家居賊犯清河團練防守邑賴以安著漱六軒集

張維屏字子樹番禺人工詩計偕入都翁方綱賞異之與黃培芳譚敬昭稱粵東三子道光二年進士改官知縣署黃梅江水潰隄乘小舟勘災水急舟衝溜掛樹免民為謠曰犯急湍官救民神教官調補廣濟公費一資漕折民苦之勢不可革引疾去汪廷珍語人曰縣官不願收漕世罕見也丁艱服闋願就開接例改郡丞權南康建太白東坡祠廬山暇則集諸生談藝以風雅寓規勸焉未一載復能歸築聽松園頽然不與世事癖愛松又號松心子見松形奇古輒下拜精書法朝鮮小呂宋得其書咸寶愛之卒年八十有松心草堂集國朝詩人

徵略培芳香山人改昭字子晉陽春人順德黎簡者以詩名海內徵昭賦鵬鶴
篇投之簡歎爲異才嘉慶二十二年進士官戶部主事著聽雲樓集同時廣東
以學行名者又有高要李泰來字子大生二十月能即事誦古經語無不切嘉
慶十八年拔貢生絕意進取學使李棠階高其品屏賜從徒走就見詢以挽回
風俗之道泰來爲書數千言復之棠階表其廬下教高要令歲時存問自惠士
奇禮下胡方後此爲再見焉著端州金石略昨夢齋詩義堂各集

梅曾亮字伯言上元人少時工駢文姚鼐主講鍾山書院曾亮與邑人管同俱
出其門兩人交最篤同肆力古文鼐稱之不容口名大起開以規曾亮曾亮自
喜不爲動也久之讀周秦太史公書乃頗痛一變舊習義法本桐城稍參以異
己者之長選聲練色務窮極筆勢道光二年進士川知縣援例改戶部郎中居
京師二十餘年與宗履辰朱琦龍啟瑞王拯邵懿辰輩游處曾國藩亦起而應
之京師治古文者皆從梅氏問法當是時管同已前逝曾亮最爲大師而國藩
又從唐鑑倭仁吳廷棟講身心克治之學其於文推挹姚氏尤至於是士大夫

清史稿

文苑三

十一

多喜言文術政治乾嘉考據之風稍稍衰矣未幾竹堉依河督楊以增卒年七
十一以增爲刊其詩文曰柏枧山房集同字異之少孤母鄭以節孝聞同善屬
文有經世之志稱姚門高足弟子嘗擬言風俗書籌積貯書爲一時傳誦道光
五年陳用光典試江南同中式用光語人曰吾校兩江士獨以得一異之自慰
耳用光亦肅弟子也同卒年四十七著因寄軒集子嗣復字小異能世其業兼
通算術前門下著籍者衆惟同傳法最早其於同里則亟稱劉開之才開字明
東以孤童牧牛聞塾師誦書竊聽之盡記其語塾師留之學而妻以女年十四
以文謁肅有國士之譽盡授以文法游客公卿才名動一時年四十卒著孟塋
集子繼字少塗有信義徧走貴勢求刻其父書以此孟塋集益顯賣山毛嶽生
字申甫用難廢改文學生孤貧以孝聞自力於學未弱冠賦白雁詩得名亦從
肅學古文以鉤棘字句爲工有休復居集

湯鵬字海秋益陽人道光二年進士初喜爲詩自古歌謠至三百篇漢魏六
朝唐無不形規而神紫之有詩三千首既官禮部主事兼軍機章京旋補戶部

主事轉員外郎改御史意氣踔厲其議論所許可惟李德裕張居正輩徒爲詞
章士無當也於是勇言事未踰月三上章最後以言宗室尙書叱辱滿司官非
國體在已奉旨處分後能御史回戶部轉郎中是時英吉利擾海疆求通市鵬
已黜不得言事猶條上三十事於尙書轉奏報聞鵬負才氣鬱不得施乃著之
言爲浮邱子一書立一意爲幹一幹而分數支支之中又有支焉支幹相演以
遞於無窮大抵言軍國利病吏治要最人事情僞開張形勢尋繹要眇一篇數
千言者九十餘篇最四十餘萬言每遇人輒曰能過我一閱浮邱子乎其自喜
如此二十四年卒同時有張際亮者亦以才氣磊落聞際亮字亨甫建寧人少
孤伯兄業賈以其才資之讀書補諸生肄業福州龍峯書院院長陳壽祺器之
尋試拔貢入京師朝考報罷而時皆嘖嘖稱其詩體使曾煥以事至召之飲煥
以名輩自處縱意言論同坐贊服際亮心薄之煥食瓜子粘鬚一人起爲拈去
際亮大笑衆慚旣罷復投書責煥不能教後進徒以財利奔走寒士門下煥怒
毀於諸貴人由是得狂名試輒不利乃徧游天下山川窮探奇勝以其窮愁慷慨

清史稿

文苑三

十二

慨牢落古今之意發爲詩歌益沈雄悲壯十八年鄉試者約張際亮狂士不可
中而際亮已易名亨輔中式拆卷疑欲去之副考官申解而止及來謁果際亮
也主試者愕然會試復報罷際亮故與桐城姚瑩善二十三年聞瑩以守土事
被誣下獄入都急難及事白而際亮疾篤以所著思伯子堂詩集屬瑩遂卒其
後瑩子溶昌輯而刊之都三十二卷

龔鞏原名自珍字璣人仁和人父麗正進士官蘇松兵備道爲段玉裁婿能
傳其學鞏祚十二歲玉裁授以說文部目鞏祚才氣橫越其舉動不依恆格時
近俚詭而說經必原本字訓由始教也初由舉人援例爲中書道光時成進士
歸本班游擢宗人府主事改禮部謁告歸遂不出官中書時上書總裁論西北
塞外部落源流山川形勢訂一統志之疏漏凡五千言後復上書論禮部四司
政體宜沿革者亦三千言其文字駢雜出入諸子百家自成學派所至必驚衆
名聲籍籍顧仕宦不達年五十卒於丹陽書院著有尙書序大義大誓答問尙
書馬氏家法左氏春秋服杜補義左氏決苑春秋決事比定菴詩文集

魏源字默深邵陽人道光二年舉順天鄉試宣宗閱其試卷揮翰褒賞名籍甚會試落第房考劉逢祿賦兩生行惜之兩生者謂源及龔鞏祚兩人皆負才自喜名亦相埒源入貲為中書至二十四年成進士以知州發江蘇權興化二十八年大水河帥將啟開源力爭不能得則親擊鼓制府總督陸建瀛馳勸得免士民德之補高郵坐遲誤驛遞免副都御史袁甲三奏復其官咸豐六年卒源兀傲有大略熟於朝章國故論古今成敗利病學術流別馳騁往復四座皆屈嘗謂河宜改復北行故道至咸豐五年銅瓦廂決口河果北流又作籌賑篇上總督陶澍謂自古有緝場私之法無緝鄰私之法鄰私惟有減價敵之而已非裁費曷以輕本減價非變法曷以裁費願承平久撓之者衆迨漢口火災後陸建瀛始力主行之源以我朝幅員廣武功實邁前古因借觀史館官書參以士大夫私著排比經緯成聖武記四十餘萬言晚遭夷變謂籌夷事必知夷情復據史志及林則徐所譯西夷四州志等成海國圖志一百卷他所著有書古微詩古微元史新編古微堂詩文集

清史稿

文苑三

十三

方東樹字植之桐城人宗誠字存之從兄弟也皆諸生東樹曾祖澤拔貢生為姚鼎師東樹既承先業更師事俞乾嘉時漢學熾盛鼎獨守宋賢說至東樹排斥漢學益力阮元督粵開學海堂名流輻湊東樹亦客其所不苟同於衆以謂近世尚考據與宋賢為水火而其人類皆鴻名博學貫穿百氏遂使數十年承學之士耳目心思為之大障乃發憤著漢學商兌一書正其違謬又著書林揚鞭戒學者勿輕事著述東樹始好文事專精治之有獨到之識中歲為義理學晚就禪悅凡三變皆有論撰務盡言惟恐詞不達年八十卒於祁門東山書院他所著有大意尊聞向果微言昭昧語言儀衛軒集凡數十卷東樹博極羣書窮老不遇傳其學宗誠既歿宗誠刊布其書名乃大著宗誠能古文熟於儒家性理之言欲合文與道為一咸豐時寇亂轉徙不廢學益留心兵事吏治著侯命錄以究天時人事致亂之原大要歸於植綱常明正學志量恢如也山東布政使吳廷棟見之聘為子師倭仁曾國藩皆因廷棟以知宗誠倭仁為師傅寫其書數十則進御經筵國藩督直隸奏以自隨令彙強十餘年設鄉塾創教

義書院刻邑先正遺著舉孝子悌弟節婦建義倉積穀萬石皆前此未有也國藩去李鴻章繼任亦不以屬吏待之有請勸施行嘗歲早已逾報災期手書為民請并及鄰郡邑不以侵官自嫌卒得請普免焉舉治行卓異不赴部自免歸以學行詔後進人有一善獎譽之不容口勤於繁述逾時越月輒成帙著柏堂經說筆記文集百五十餘卷詔加五品卿銜從安徽學政請也其同縣友人又有蘇惇元字厚子戴鈞衡字存莊皆東樹弟子惇元咸豐元年孝廉方正其學近張楊園文似方望溪編有楊園望溪年譜所著曰四禮從宜遜敏錄詩文集鈞衡道光二十九年舉人自謂生方姚之鄉不敢不以古文自任與惇元重訂望溪集增集外文十之四其後榮成孫葆田更得遺稿若干篇刻之方氏一家之言備矣鈞衡有經濟才與國藩為友著書傳補商國藩亟稱之避寇臨淮妻李妾劉皆殉難鈞衡嘔血卒年未四十有蒼州集味經山館詩文鈔

清史稿

文苑三

十四

魯一同字通甫清河人善屬文師事潘德輿道光十五年舉人時承平久一同獨深憂謂今天下多不激之氣積而不化之習在位者貪不去之身陳說者務不駭之論風烈不紀一旦有緩急莫可倚仗既再試不第益研精於學凡田賦兵戎諸大政及河道遷變地形險要悉得其機牙為文務切世情古茂峻厲有杜牧尹洙之風漕督周天爵見之曰天下大材也豈直文字哉曾國藩尤歎異之試禮部入都國藩數屏騶從就問天下事粵逆踞金陵也同年生吳棠方宰清河一同為草檄傳示列縣辭氣奮發江北人心大定江忠源師抵廬州友人戴鈞衡為書通國藩之指欲其起佐忠源一同謝不出復書極論用兵機宜謂當緩金陵專攻旁郡其後大兵築長圍期旦夕破金陵一同獨決其必敗未幾果潰裂蘇浙淪陷已而國藩克安慶復金陵一如所論同治二年卒年五十九著邳州志清河志通甫類稿子寶字仲實諸生文有家法善綜核知府章儀林議減清河賦苦繁重叩養費為剖析條目退草三千言明且獻之儀林驚喜因請主辦三年而成又佐修安東水道役竣費無毫髮溢譚瑩字玉生南海人弱冠應縣試總督阮元遊山寺見瑩題壁詩驚賞告縣令曰邑有才人勿失之令問姓名不答已而得所為賦以告元元曰是矣逾年元

開學海堂課士以瑩及侯康儀克中熊景星黃子高爲學長瑩性強記述往事雖久遠時日不失博考粵中文獻友人伍崇曜富於貲爲彙刻之曰嶺南遺書五十九種曰粵十三家集曰楚南耆舊遺詩益擴之爲粵雅堂叢書瑩爲學長三十年英彥多出其門道光二十四年舉於鄉官化州訓導久之遷瓊州教授加中書銜少與侯康等交莫逆晚歲陳澧與之齊名著樂志堂集景星字伯晴亦南海人也以詩見賞於元顧其意恨文士綿弱學騎射技擊以舉人終學官無所試一假書畫自娛子高字叔立番禺人優貢生精小篆喜考證金石藏書多異本瑩子宗浚字叔裕工駢文同治十三年一甲二名進士授編修初舉於鄉齒尚少瑩課令讀書十年乃許山仕授以馬氏通考略能記誦既入翰林督學四川又充江南副考官以伉直爲掌院所惡出爲雲南糧儲道宗浚不樂外任辭不允再權按察使引疾歸鬱鬱道卒

吳敏樹字本深巴陵人父達德歲歉貸貧民穀逾萬石不償有名湖湘間敏樹生而好學爲文章力求岸異刮去世俗之見道光十二年舉於鄉時梅曾亮倡

清史稿

文苑三

十五

古文義法京師傳其師姚氏學說敏樹起湖湘不與當世士接手錄明崑山歸氏文成册既入都與曾亮語合於是京師盛傳敏樹能古文曾國藩官京師與敏樹交最篤既出治軍欲使參幕事辭不赴敏樹貌溫而氣夷意趣超曠視人世忻戚得喪無累於其心以大挑選瀾陽訓導旋自免去時登君山江樓倘佯吟嘯學者稱南屏先生著梓湖文錄卒年六十九敏樹之友以文名者曰楊彝珍字性農武陵人父不復舉人官石門訓導著歷代輿地沿革彙珍道光末進士選庶吉士改兵部主事與曾國藩左宗棠往還好奔走聲氣重宴鹿鳴賞四品卿年九十餘卒有移芝室集

周壽昌字應甫長沙人道光二十五年進士選庶吉士授編修成豐初洊擢至侍讀時粵寇犯湖南督師饒尚阿逗遛不戰上疏劾之一時推爲敢言迨寇踞金陵分黨北犯命隨辦京畿防務鄉民十七人闖入城當事者偵獲以賊謀論壽昌廉得實趣令釋之或疑失要人旨且得罪壽昌曰我豈以人命阿權貴哉卒釋之穆宗親政疏請躬行典禮戒逸豫報聞壽昌精核強記雖官達動學過

諸生篤嗜班固書塗染無隙紙成漢書注校補五十卷易藥十有七又有後漢注補正三國志注證遺思益堂集官終內閣學士李希聖字亦園湘鄉人以進士官刑部主事嗜學初治訓詁通周官春秋穀梁史習新舊唐書文法騷選詩多凄艷似玉谿好讀書通古今治法慨然有經世之志嘗纂光緒會計錄以總綜財賦又草律例損益議張百熙等皆極重之光緒末卒

斌良字登明號梅舫瓜爾佳氏滿洲正紅旗人閩浙總督玉德子由蔭生歷官刑部侍郎爲駐藏大臣善爲詩以一官爲一集得八千首其弟法良彙刊爲抱冲齋全集稱其早年詩風華典贈雅近竹垞樊榭迨服官農部從軍減消詩格堅老古體胎息漢魏韓杜蘇李律詩則純法盛唐秉泉陝豫奉召還都時與陳荔峰李春湖葉筠潭吳蘭雪唱酬詩境益高奉使蒙藩跋馬古塞索隱探奇多詩人未歷之境風格又一變以薩天錫元道山自况阮元爲序亦頗稱之法良字可齋梅竹亮稱其詩學東坡得清曠之氣而運以唐賢俊遊平夷之情有瀛羅窟詩集錫縝原名錫淳字厚安博爾濟吉特氏滿洲正藍旗人咸豐六年進

清史稿

文苑三

十六

士山戶部郎中授江西督糧道爲駐藏大臣乞病歸工書善詩文著有退復軒詩文集李雲麟字雨蒼漢軍正白旗人以諸生從曾國藩督師勦粵匪累功至副都統時新疆設布倫托海辦事大臣以雲麟任之署伊犁將軍治邊皆著績爲言官劾能雲麟性剛使氣少好遊徧歷五嶽歸著曠遊偶筆一卷紀遊詩有奇氣初謁國藩適遇其子不爲禮雲麟怒批之國藩延入謝過使獨領一軍左宗棠奏調亦稱其有將才雲麟時被酒狂言與世多忤罷歸後卒貧困死有詩集西陲西行道成以來滿洲如觀成字葦杭瓜爾佳氏有瓜亭雜錄語花館詩集鄂恒字松亭伊爾根覺羅氏有求是山房集震鈞字在廷改名唐宴瓜爾佳氏有渤海國志天咫偶聞英華字斂之赫佳氏正紅旗人博學善詩文工書法著書立說中外知名有安齋集萬松野人言善錄等蒙古盛元字愷廷巴魯特氏有南昌府志杭營小志怡園詩草漢軍宗山字獻梧魯氏有窺生鐵齋詩集希晦堂遺文皆以詩文名

何紹基字子貞道州人尙書凌漢子道光十六年進士選庶吉士授編修紹基

承家學少有名阮元程恩澤頗器賞之歷典福建貴州廣東鄉試均稱得人咸
 豐二年簡四川學政召對詢家世學業兼及時務紹基感激思立言報知遇時
 直陳地方情形終以條陳時務降歸歷主山東濰源長沙城南書院教授生徒
 勤以實學同治十三年卒年七十又五紹基通經史精律算嘗據大戴記攷證
 禮經貫通制度頗精切又為水經注刊誤於說文攷訂尤深詩類黃廷堅嗜金
 石精書法初學顏真卿遍臨漢魏各碑至百十過運肘斂指心摹手追遂自成
 一家世皆重之所著有東洲詩文集四十卷弟紹京字子愚亦工書筆法頗似
 其兄孫維樸字詩孫以副貢為中書累至道員工書畫字摹其祖久寓滬國變
 後卒年八十餘與維樸同時以書名海上者李瑞清字梅盦臨川人光緒二十
 年進士選庶吉士改道員分江蘇攝江甯提學使兼兩江師範學堂監督宣統
 三年武昌亂起江甯新軍亦變合浙軍攻城官吏潛遁瑞清獨留不去仍日率
 諸生上課如常布政使樊增祥乘賊走以瑞清代之急購米三十萬斛餉官軍
 助城守設平糶局賑難民城陷瑞清衣冠坐堂皇矢死不少屈民軍不忍加害

清史稿

文苑二

十七

縱之行乃封藩庫以需與籍屬之士紳積金尚數十萬也自是為道士裝隱滬
 上匿姓名自署曰清道人寫書畫以自活瑞清詩宗漢魏下陟陶謝書各體皆
 備尤好篆隸嘗謂作篆必曰無二李神遊三代乃佳丁巳復辟授學部侍郎又
 三年卒諡文潔

馮桂芬字林一號景亭吳縣人道光二十年一甲二名進士授編修充廣西鄉
 試正考官丁母憂服闋文宗御極用大臣薦召見旋丁父憂服甫闋而金陵陷
 詔募貨團練於鄉以克復松江府諸城功晉五品銜擢右中允赴京期年告歸
 同治元年以治團功加四品銜亂定復以耆宿著書神治加三品銜桂芬少工
 駢體文中年後乃肆力古文辭於書無所不窺尤留意天文地理與兵刑鹽鐵河
 漕諸政初佐某邑令治錢穀以事不合拂衣去入兩江總督陶澍幕自未仕時
 已名重大江南北及粵賊陷蘇州避居上海時大學士曾國藩治軍皖疆蘇州
 士大夫推錢鼎銘持書乞援陳滬城危狀及用兵機宜累數千言其稿桂芬所
 手創也國藩讀之感動乃遣李鴻章率師東下既解滬上圍進克蘇州皆辟以

為助桂芬立會防局調和中外維處者設廣方言館求博通西學之才儲以濟
 變嘗從容為鴻章言吳人糧重之苦往往因催科破家會松江知府方傳書亦
 上書謂江蘇自南宋籍沒諸王大臣田官徵其租延及元代官田民田淆亂租
 額浸淫入賦額民既苦之其後張士誠又盡攘諸豪田為官產明太祖平吳怒
 吳人附士誠依田租私籍數定稅乃重困雍正乾隆間嘗再議減然及地丁
 今儼乘民亂後廢減浮糧疲民大悅賊勢且益衰鴻章以聞有詔減蘇松太米
 賦三之一常鎮十一著為令桂芬性恬澹服官僅十年然家居遇事奮發不避
 勞怨凡濬河建學積穀諸舉條議皆出其手先後主講金陵上海蘇州諸書院
 與後進論學听夕忘倦精研書數嘗以意造定向尺及反羅經以步田繪圖又
 以江南清丈用部頒五尺步弓田多溢額乃考會典定用舊行六尺步弓量舊
 田新頒者量新漲沙田著說文解字段註考證弧矢算術細草圖解西算新法
 直解校舛慮抗議顯志堂詩文集都數十卷同治十三年卒王頌蔚字節卿長
 洲人光緒五年進士選庶吉士吳縣潘祖蔭常熟翁同龢皆稱頌蔚才散館改

清史稿

文苑二

十八

官戶部補軍機章京暇輒從事著述嘗於方略館故紙堆中見殿板初印明史
 殘本眉上黏有黃籤審為乾隆朝擬撰考證未竟之本因多方搜求逐條釐訂
 芟其繁冗采其精要成明史考證攜逸四十餘卷光緒十八年試御史第一軍
 機處奏留頌蔚思立言行忠諫轉鬱鬱不樂嘗派充工程監督差例有分饋頌
 蔚獨卻之曰我輩取與之間貴自審慎不可隨俗浮沉昔陳稽亭先生官部曹
 時印結公項且猶不取矧此實為廠商之賄賂乎二十一年中日釁起戰事多
 北洋大臣主之會翁同龢復入軍機乃進言曰讀聖祖高宗聖訓凡事關軍務
 者皆由中朝謀定後動今日戰局既成非直隸一省事豈能悉委之北洋乎及
 議和頌蔚益為悲憤嘗曰今之敗績徒歸咎於師之不練器之不利猶非探本
 之論頻年以來盈廷習泄沓之風宮中務游觀之樂直臣擯棄賄賂公行安有
 戰勝之望此後償金既巨民力益疲恐大亂之不在外患而在內憂矣明年卒
 著有寫禮廟文集詩集讀碑記古書經眼錄各一卷明史考證攜逸四十二卷
 葉昌熾字鞠裳元和人光緒十六年進士選庶吉士授編修累至侍講督甘肅

政邊地樸陋昌熾校閱盡職以裁缺歸著書終老國變後五年卒著有藏書紀事詩六卷語石十卷邠州大佛寺題刻考二卷均考訂精確管轄耕字申季歲貢生父慶祺從陳奐遊禮耕篤守家學尤長訓詁嘗言唐以正義立學官漢魏六朝道說積久泰半闕不完凡所攷見獨存釋文而今本踏駁非其舊思綜稽羣籍為校證未及半而卒袁寶璜字璣禹元和人光緒二十一年進士官刑部主事通經小學兼及算術著書亦未成而卒

李慈銘字愛伯會稽人諸生入賞為戶部郎中至都即以詩文名於時大學士周祖培尚書潘祖蔭引為上客光緒六年成進士歸本班改御史時朝政日非慈銘遇事建言請臨雍請整頓毫綱大臣則糾糾係統汶係橫疆臣則糾德馨沈秉成裕寬敷上疏均不報慈銘鬱鬱而卒年六十六慈銘為文沈博絕麗詩尤工自成一家性狷介又口多雌黃服其學者好之憎其口者惡之日有課記每讀一書必求其所蓄之深淺致力之先後而評臨之務得其當後進翕然大服著有越縵堂文集十卷白華錄詩十卷詞二卷又日記數十冊弟子著錄數

清史稿

文苑

十九

百人同邑陶方琦為最方琦字子珍光緒二年進士選庶吉士授編修督學湖南年四十卒於京邸方琦學有本末汲汲於古述造無間歲時治易鄭注詩魯故爾雅漢注又習大戴禮記其治淮南王書方以推究經訓蒐采許注拾補高誘再三屬草訖十年實事求是有淮南許注異同話許君年表漢學室文鈔駢文詩詞譚廷獻字仲脩仁和人同治六年舉人少負志節通知時事國家政制典禮能講求其義治經必求西漢諸儒微言大義不屑屑章句讀書日有程課凡所論著彙括於所為日記文導源漢魏時優柔善入惻然動人又工詞與慈銘友善相唱和官安徽知歙全椒合肥宿松諸縣晚告歸貧甚張之洞延主經心書院年餘謝歸卒於家李稷勳字姚琴秀山人光緒二十四年二甲一名進士改庶吉士授編修充會試同考官精衡鑒重實學頗得知名士累官郵傳部參議總川漢路事博學善古文嘗受詩法於王闈運而不困師說專步趨唐賢意致深婉得風人之遺慈銘嘗稱賞之有鹿齋詩錄四卷

張裕釗字廉卿武昌人少時塾師授以制舉業意不樂家獨有南豐集時時竊

讀之咸豐元年舉人考授內閣中書曾國藩閱卷賞其文既來見日子豈嘗習子固文耶裕釗私自喜已而國藩益告以文事利病及唐宋以來家法學乃大進寤前此所為猶凡近馬遷班固相如楊雄之書無一日不誦習又精八法由魏晉六朝以上窺漢隸臨池之勤亦未嘗一日輟國藩既成大功出其門者多通顯裕釗相從數十年獨以治文為事國藩為文義法取桐城益因以漢賦之氣體尤善裕釗之文嘗言吾門人可期有成者惟張吳兩生謂裕釗及吳汝綸也裕釗文字淵懿歷主江甯湖北直隸陝西各書院成就後學甚眾嘗言文以意為主而辭欲能副其意氣欲能舉其辭譬之車然意為之御辭為之載而氣則所以行也欲學古人之文其始在因聲以求氣得其氣則意與辭往往因之而益顯而法不外是矣世以為知言著濂亭文集裕釗門下最知名者有范當世朱銘盤當世字肯堂江蘇通州諸生能詩汝綸嘗歎其奇橫不可敵著范伯子詩文集銘盤字曼君泰興舉人叙知州其學長於史兼工詩古文著曾會要一百卷朝鮮長編四十卷及桂之華軒詩文集與裕釗同時者有楊守敬字惺

清史稿

文苑

二十

吾宜都人為文不足躋裕釗而其學通博精與地用力於水經尤勤通訓詁考證金石文字能書篆鐘鼎至精工儷體為箴銘之屬古與晉拔文如其人以舉人官黃岡教諭加中書銜嘗遊日本搜古籍多得唐宋善本辛苦積資藏書數十萬卷為鄂學靈光者垂二十年卒年七十有七著有水經注圖水經注要刪隋書地理志考證日本訪書志晦明軒稿鄰蘇老人題跋望堂金石集等

吳汝綸字擘父桐城人少貧力學嘗得鷄卵一易松脂以照讀好文出天性早著文名同治四年進士用內閣中書曾國藩奇其文留佐幕府久乃益奇之嘗以漢補衡相擬旋調直隸參李鴻章幕時中外大政常決於國藩鴻章二人其奏疏多出汝綸手尋出補深州丁外內艱服除補冀州其治以教育為先不憚貴勢籍深州諸村已廢學田為豪民侵奪者千四百餘畝入書院資膏火聚一州三縣高材生親教課之民忘其吏推為大師會以變去豪民至交通御史以壞村學劾奏還其田及莅冀州仍銳意興學深冀二州文教斐然冠畿輔又開冀衡六十里之渠洩積水於滏以溉田畝便商旅時時求其士之賢有文者禮

先之得十許人月一會書院議所施為與革於民便不便率不依常格稱疾乞休鴻章素重其人延主蓮池講席其為教一主乎文以為文者天地之至精至粹吾國所獨優語其實用則歐美新學尚焉博物格致機械之用必取資於彼得其長乃能共競舊法完且好吾猶將革新之况其窳敗不可復用其勤勤導誘後生常以是為說嘗樂與西士遊而日本之慕文章者亦踵海來請業會朝旨開大學堂於京師管學大臣張百熙奏薦汝綸加五品卿銜總教務辭不獲則請赴日本考學制既至其國上自君相及教育名家婦孺學子皆備禮接款求請題詠更番踵至旋返國先乞假省墓與辦本邑小學堂規制粗立遽以疾卒年六十四汝綸為學由訓詁以通文辭無古今無中外唯是之求自羣經子史周秦故籍以下逮近世方姚諸文集無不博求慎取窮其原而竟其委於經則易書詩禮左氏穀梁四子書旁及小學音韻各有詮釋於史則史記漢書三國志新五代史資治通鑑國語國策皆有點校尤達於史記盡發太史公立言微旨於子則老莊荀韓管墨呂覽淮南法言太玄各有評臨而最取其精者於清史稿 文苑三 二十一

集則楚辭文選漢魏以來各大家詩文皆有點勘之本凡所啟發皆能得其深微整齊百代別白高下而一以貫之盡取古人不傳之蘊昭然揭示俾學者易於研求且以識夫作文之軌範雖萬變不窮而千載如出一轍其論文嘗謂千秋蓋世之勳業皆尋常耳獨文章之事綿地經天代不數人人不數篇唯此為難又謂中國之文非徒習其字形而已綴字為文而氣行乎其間寄聲音神采於文外雖古之聖賢豪傑去吾世邈矣一涉其書而其人精神意氣若儼立乎吾目中務欲因聲求氣凡所為抗隊詘折斷續斂侈緩急長短中縮抑揚頓挫之節一循乎機勢之自然以漸於精微奧交之域乃有以化裁而致於用悉舉學問與事業合而為一而尤以淪民智自強亟時病為兢兢云著有易說二卷寫定尙書一卷尙書故三卷夏小正私箋一卷文集四卷詩集一卷溧州風土記二十二卷及點勘諸書皆行於世汝綸門下最著者為賀濤而同時有蕭穆亦以通考據名穆字敬孚縣學生其學博綜羣籍喜談掌故於顧炎武全祖望諸家之書尤熟復多見舊槧考其異同朱墨雜下遇孤本多方勸刻所校印

凡百餘種有敬孚類纂十六卷濤字松坡武強人光緒十二年進士官刑部主事以目疾去官初汝綸牧溧州見濤所為反離騷大奇之遂盡授以所學復使受學於張裕釗濤謹守兩家師說於姚鼐義理考據詞章三者不可偏廢之說尤必以詞章為貫澈始終日與學者討論義法不厭與同年生劉孚京俱治古文濤言宜先以八家立門戶而上規秦漢乎京言宜先以秦漢為根柢而下攬八家其門徑大略相同濤有文集四卷孚京字鎬仲南昌人有文集六卷林紆字琴南號畏廬閩縣人光緒八年舉人少孤事母至孝幼嗜讀書貧不能藏書嘗得史漢殘本窮日夕讀之因悟文法後遂以文名壯渡海遊臺灣歸客杭州主東城講舍入京就五城學堂聘復主國學禮部侍郎郭曾忻以經濟特科薦辭不應生平任俠尚氣節嫉惡嚴見聞有不平輒憤起忠懇之誠發於至性念德宗以英主被扼每述及常不勝哀痛十謁崇陵俯伏流涕遂歲祭雖風雪勿為阻嘗蒙賜御書貞不絕俗頷感幸無極誓死必表於墓曰清處士憂時傷事一發之於詩文為文宗韓柳少時務博覽中年後案頭唯有詩禮二疏左清史稿 文苑三 二十一

史南華及韓歐之文此外則說文廣雅無他書矣其由博反約也如此其論文主意境識度氣勢神韻而忌率襲庸怪文必已出嘗曰古文唯其理之獲與道無悖者則味之彌臻於無窮若分畫秦漢唐宋加以統系派別為此為彼使讀者炫惑莫知所從則已格其途而左其趣經生之文樸往往流入於枯淡史家之文則又驟突恣肆無復規檢二者均不足以明道唯積理養氣偶成一類若不得已者必意在言先修其辭而峻其防外質而中膏聲希而趣永則庶乎其近矣紆所作務抑遏掩蔽能伏其光氣而其真終不可自闕尤善敘悲音吐悽梗令人不忍卒讀論者謂以血性為文章不關學問也所傳譯歐西說部至百數十種然紆故不習歐文皆待人口達而筆述之任氣好辨自新文學興有倡非孝之說者奮筆與爭雖脅以威累歲不為屈尤善畫山水渾厚冶南北於一爐時皆寶之紆講學不分門戶嘗謂清代學術之盛超越今古義理考據合而為一而精博過之實於漢學宋學以外別期清學一派時有請立清學會者紆撫掌稱善力贊其成甲子秋卒年七十有三門人私諡貞文先生有畏廬文

集詩集論文論畫等殿復初名宗光字又陵一字幾道侯官人早慧嗜為文閱督沈葆楨初創船政招試英傑儲海軍將才得復文奇之用冠其曹則年十四也既卒業從軍艦練習周歷南洋黃海日本窺臺灣保檳奉命籌防擊之東渡調敵勘測各海口光緒二年派赴英國海軍學校肄戰術及砲臺建築諸學每試輒最侍郎郭嵩燾使英賞其才時引與論析中西學術同異學成歸北洋大臣李鴻章方大治海軍以復總學堂二十四年詔求人才復被薦召對稱旨諭繕所擬萬言書以進未及用而政局猝變越二年避拳亂南歸是時人士漸傾向西人學說復以為自由平等權利諸說山之未嘗無利脫靡所折衷則流蕩放佚害且不可勝言常於廣眾中陳之復久以海軍積勞敘副將盡棄去入資為同知累保道員宣統三年海軍部立特授協都統尋賜文科進士充學部名詞館總纂以碩學通儒徵為資政院議員三年授海軍一等參謀官復殫心著述於學無所不窺舉中外治術學理靡不究極原委扶其失得證明而會通之精歐西文字所譯書以瓊辭達奧旨其天演論自序有曰仲尼之於六藝也易

清史稿

文苑三

二十三

春秋最嚴司馬遷曰易本隱而之顯春秋推見至隱此天下至精之言也始吾以為本隱之顯者觀象繫辭以定吉凶而已推見至隱者誅意褒貶而已及觀西人名學則見其格物致知之事有內籀之術焉有外籀之術焉內籀云者察其曲而知其全者也執其微以會其通者也外籀云者援公理以斷眾事者也設定數以逆未然者也是固吾易春秋之學也遷所謂本隱之顯者外籀也所謂推見至隱者內籀也二者即物窮理之要術也夫西學之最為切實而執其例可以御蕃變者名數質力四者之學而已而吾易則名數以為經質力以為律而合而名之曰易大字之內質力相推非質無以見力非力無以呈質凡力皆乾也凡質皆坤也奈端動之例三其一曰靜者不自動動者不自止動路必直速率必均而易則曰乾其靜也專其動也直有斯質塞爾者以天演自然言化其為天演界說曰翁以合質開以出力始簡易而終雜糅而易則曰坤其靜也翁其動也開至於全力不增減之說則有自強不息為之先凡動必復之說則有消息之義居其始而易不可見乾坤或幾乎息之旨尤與熱力平均天地

乃毀之言相發明也大抵古書難讀中國為尤二千年來士徇利祿守闕殘無獨闢之慮是以生今日者乃轉於西學得識古之用焉凡復所譯著獨得精微皆類此世謂紆以中文溝通西文復以西文溝通中文並稱林嚴辛酉秋卒年六十有九著有文集及譯天演論原富羣學肆言穆勒名學法意羣已權界論社會通論等同時有辜鴻生字鴻銘同安人幼學於英國為博士遍遊德法意奧諸邦通其政藝年三十始返而求中國學術窮四子五經之奧兼涉羣籍爽然曰道在是矣乃譯四子書述春秋大義及禮制諸書西人見之始歎中國學理之精爭起傳譯庚子拳亂聯軍北犯湯生以英文草尊王篇申大義列強知中華以禮教立國終不可侮和議乃就張之洞周馥皆奇其才歷委辦議約滬浦等事旋為外務部員外郎晉郎中擢左丞湯生論學以正誼明道為歸嘗謂歐美主強權務其外者也中國主禮教修其內者也又謂近人欲以歐美政學變中國是亂中國也異日世界之爭必烈微中國禮教不能弭此禍也湯生好辨善罵世國變後悲憤尤甚窮無所之日人聘講東方文化留東數年歸卒年

清史稿

文苑三

二十四

七十有二

清史稿

列傳

忠義

清天命天聰年間明御史張銓監軍道張春均以被禽不屈聽其自盡載諸實錄風厲天下厥後以明臣來歸者有功亦入貳臣傳死軍事之尤烈者於京師祀昭忠祠褒貶嚴矣文武一二品以上既入大臣傳以下則另編忠義傳列翰林院職掌凡自一二品以下或死守土或死臨陣備載出身官階殉難時地及予謚建祠贈官廢後二百數十年綜八千餘人略以類別入關之先如降服烏喇哈達索倫葉赫諸部落為特音珠等二十人是征朝鮮則勞漢等十人是其伐明也自天命三年至崇德八年始克撫順屢偏近畿分下山西山東諸郡縣尤以瀋陽大陵河皮島松山數役為大為西佛萊百六十二人是順治元年定鼎燕京後追擊流賊奠定各省者為恩克伊等一千二百四十五人康熙朝討平逆藩及殲滅附逆諸鎮將為索諾穆等九百四十七人親征噶爾丹之役為富成額等百人厄魯特之役為諾里爾達等五十五人羅利西藏諸役為紐默

清史稿

忠義傳一

一

滔等七人平各省土賊及海寇苗搖諸役先後為郝爾德等二百八十五人雍正朝康熙征厄魯特之役用兵準噶爾為和溥等三百六十二人其先青海之役為姬登第等十四人外則演黔蜀桂土司苗亂與夫臺灣土番等役為劉洪度等二百十三人乾隆朝始蕩平準部旋戡定回疆則為傅澤布等五百十二人初年湖南苗亂為李如松等十五人廣西土賊為倪國正等十人瞻對土司之亂為陳文華等十三人隨傳清拉布敦同死西藏為策塔爾等六人金川用兵其初定也為楊先春等百又四人其再定也為占闢納等八百五人緬甸用兵為馬成龍等百六十七人安南用兵為英林等百六十八人廓爾喀用兵為索多爾凱等七十六人逆回蘇十三田五之亂為新柱等百又十人山東王倫之亂有晉濟圖等十八人臺灣林爽又及陳周全之亂有耿世文等百五十九人黔楚等省苗亂及川楚陝三省教匪均始乾隆末年而定於嘉慶苗亂有六達色等二百七十八人教匪之亂為楊治壽等七百四十二人狃苗滋事為胡慶遠等百十三人閩粵洋面蔡牽之亂為陳名魁等六十七人先後以巡洋遇

風死者為黃勇等十七人滑縣李文成之亂為強克捷等六十三人追剿陝匪及瞻對永北廳夷匪等役為馬魁等十四人馬營塢搶險者盧順道光重定回疆一役為劉發恒等二百六人江華搖滋事為馬翰等五人陝甘番滋事為胡文秀等十三人雲南永昌回匪滋事為朱日恭等九人臺灣嘉義土匪為方振聲等七人山西曹順之亂為楊延亮等英吉利開釁為朱貴等八十八人髮匪之亂熾於咸豐而殄於同治其先為廣西會匪始道光季年為王叔元等五十一人已而竄陷各省為褚汝航等五百七十九人捻匪之亂為龍汝元等七十八人咸豐同治之交演匪滋事為林廷禧等四十二人同治朝甘肅回匪滋事為訥勒和春等三十七人其自嘉慶迄光緒先後勦辦各省匪徒等役為和致等三十八人咸豐換約起釁殉國者為覺羅貴倫玉潤等辦匪而以勞卒者為李文安等十三人蓋原傳可數者如此中以不從尚之信叛而死之金光私家傳述心跡殊異則出以存疑將帥之死事者既有專傳凡上列諸人之義烈尤著者與夫官書既漏而不能無紀載者則別編為傳傳見本末若夫道光以後死於外燬及光緒庚子拳亂宣統辛亥革命於義宜詳並備列之用資後鑒云

清史稿

忠義傳一

二

忠義一

特音珠	固山
納密達	書密阿
穆護薩	索爾和諾
席爾泰	卓納
覺羅鄂博忠	同阿爾
董廷元	常鼎
格布庫	濟三
敦達里	許友信

特音珠滿洲鑲藍旗人姓完顏清初偕阿巴泰來歸阿巴泰姓覺爾察屬滿洲正白旗太祖始編佐領以特音珠兼管六佐領事設札爾固齊十人阿巴泰預

焉乙未年特音珠從額駙揚古利征輝發部奪塔思哈橋掌蠶者中職仆佐領
五倍代舉之薄城為飛石所中與額駙托柏佐領和羅俱歿於陣特音珠先登
克其多壁城已亥年從征哈達城上矢石如雨佐領耶陳奮勇登被狀特音珠
在事有功庚戌年阿巴泰從內大臣額亦都招撫東海窩集部之那木都祿綏
芬甯古塔巴瑪察四路降其長康古哩等復取雅爾路阿巴泰力戰陣亡辛亥
年特音珠從揚古利攻呼爾哈路札庫塔城三等侍衛貝和佐領貴三松阿里
戰歿特音珠負創戰益力三等侍衛阿達海先登克其城阿達海額亦都第五
子也癸丑年烏拉貝勒布占泰負恩叛大兵討之布占泰率兵三萬由富哈城
而東特音珠阿達海率護衛業中額等邀擊之阿達海業中額及間散米拉渾
均歿於陣大兵敗布占泰遂平烏拉特音珠尋以創發卒征烏拉之役死事者
有阿蘭珠納蘭察均自有傳

固山滿洲正黃旗人姓哲爾德世居界凡初任佐領天聰三年征明固山借驍
騎校僧錫開散達蘭從揚古利為前哨攻永平遵化達蘭先登圍明都固山步
清史稿 忠義傳一 三

戰大紅門上下高坡騰躍如飛明兵奪氣涿州援兵至敗之崇德元年復隨揚
古利征明攻順義僧錫先登十二月太宗親征朝鮮豫親王多鐸等先驅圍其
國都固山等從屢斬敵朝鮮國王李倬遁南漢追圍之太宗至臨津江冬煖冰
泮多鐸令僧錫等潛測江水欲浮馬以濟僧錫等夜至大風冰復堅還報大軍
安驅而渡抵南漢山城西二年正月全羅忠清兩道巡撫總兵來援多鐸與揚
古利迎戰揚古利率僧錫冒霧馳擊援兵敗走復依山列陣矢石如雨僧錫與
雲騎尉鄂海參領特穆爾佐領彌雅達阿紐都敏俱力戰歿於陣進偏山頂敵
營敵兵乘馬遁達蘭率二十人乘夜用雲梯襲南漢山城先登中槍卒又命分
兵攻江華島將渡江敵船百餘分兩翼以拒舟師從中衝入固山手發紅衣敵
皆敗竄既登岸島槍手千人復列岸以拒固山力戰陣亡大兵繼進盡殲其岸
兵遂克江華島李倬降朝鮮以定
納密達滿洲鎮白旗人姓索綽羅世居吉林天聰八年從大兵征明攻雄縣梯
城首登崇德元年親征朝鮮明總兵沈世魁副總兵金日觀駐皮島為朝鮮援

納密達借開散扈習從攻南漢城有功二年正月朝鮮降世魁等不能救先是
明帥毛文龍據皮島欲牽制我師既而文龍為巡撫袁崇煥所殺世魁代領其
眾失士卒心勢益弱猶乘間擾邊三月命武英郡王阿濟格貝子碩託率恭順
王孔有德智順王尚可喜等攻皮島以納密達及護軍參領炳圖為前隊佐領
巴雅爾圖武爾格以大臣子弟從征巴雅爾圖額駙揚古利之從子武爾格宏
毅公額亦都之孫內大臣圖爾格之子也師攻鐵山頭等侍衛拜音台柱佐領
珠三先登克之世魁遁入石城四月阿濟格令納密達等乘小舟攻皮島西北
隅日觀列兵堡上衝入將及岸巴雅爾圖武爾格躍登明人辟易納密達炳圖
並登而後隊金玉和等不進日觀見師少復進戰武爾格陣亡納密達等往來
衝突拜音台柱珠三及護軍校彰吉泰急掉小舟登岸援之明人空城出戰納
密達巴雅爾圖炳圖拜音台柱珠三彰吉泰並戰歿有德等乘巨艦攻東北隅
日觀殊死門有德等部將洪文魁等多戰死阿濟格麾八旗騎兵蹙之護軍參
領瑚什雲騎尉果科賢扈習奮勇先入歿於陣大兵繼之陣斬日觀追擊世魁

清史稿 忠義傳一 四

戮之是役也敗明兵一萬七千有奇俘三千餘自是明不復守皮島
書密阿滿洲正黃旗人姓札庫塔崇德三年八月命睿親王多爾袞統左翼貝
勒岳託統右翼分道征明書密阿以佐領借騎都尉威濟泰參領恩敏屬右翼
九月攻牆子嶺威濟泰力戰歿於陣師入青山口攻豐順護軍校恩護巴雅拉
攻靈壽開散噶普碩攻南皮騎都尉阿延圖攻深州開散巴林均戰歿岳託攻
樂城明督師盧象昇來援書密阿乘其未至麾眾薄其城護衛袁布躍登城樓
火藥發焚死書密阿復衝入克其城轉戰下慶都奮勇陷陣被狀十二月兩翼
連營大戰鉅鹿之賈莊象昇戰死於是分徇山東四年正月左翼克濟南右翼
分兵略地破莊平護軍二晉破臨清佐領花應春破館陶佐領佟桂破濟寧佐
領祖大春破鄒縣佐領尚安福破滕縣騎都尉傅察俱歿於陣二月大軍還扈
敏復攻破首陽及順德負重傷戰益力還至永平與佐領巴海烏納海俱遇伏
死之騎都尉阿爾休隨大軍同徇山東克濟南復從承政索海征索倫陣亡
護穆薩滿洲正黃旗人姓賴布世居佛阿拉崇德五年以武備院卿從大兵征

明距錦州城五里列陣以瞰攻城北原馬臺克之七月睿親王多爾袞遣卒刈城西北禾稼明兵突出槍礮並施護薩與護軍參領覺羅蘭泰著護軍參領溫察力戰明兵大潰追至濼掩殺之克臺九及小凌河西岸臺二錦州外城蒙古貝勒諾木齊等見大兵困城志必得謀來降遂持書縋城下約內應信洩大兵至明總兵祖大壽出拒戰城內蒙古總編前隊援之以登吹角夾攻護薩躍上被創卒覺羅蘭泰參領宏科俱陣歿戰久明師退守內城大兵遂入外城明年五月明總督洪承疇率六總兵兵六萬來援屯松山北岡擊斬其二千敵勢猶勁騎都尉日岱參領彰庫善三等侍衛博朔陷陣死八月大軍駐松山杏山間立營截大路承疇率馬步兵十三萬營松山城北亂峰岡旋犯汛地聞散輝蘭同參領囊古擊卻之參領阿福尼越衆衝突負重傷猶斬將奪職諸軍繼之敵奔塔山遂進兵松山城外十二月承疇以兵六千夜至輝蘭營殺既出復進擊與溫察啟心郎邁圖皆歿復沿濼射擊殺四百餘人敵退入松山城圍既合明總兵曹變蛟欲突圍出至正黃旗汛地佐領彰古力戰死變蛟亦中

清史稿

忠義傳一

五

創奔還七年二月克松山擒承疇及明巡撫邱民仰總兵王廷臣變蛟等時明總兵吳三桂猶駐塔山鄭親王濟爾哈朗率兵至城下列紅衣礮攻之佐領崔應泰被創死參領邁色力戰陣亡城壞二十餘丈諸軍悉登遂克塔山先是蒙古兵有降於明者特穆德格執而戮之及兩師酣戰復有訥木奇突出躍陣乘馬衝入多爾袞營將行刺特穆德格隻身奮救相抱持急卒遇害

索爾和諾滿洲鑲紅旗人姓科奇理世居瓦爾喀少孤兄瑚禮納撫之瑚禮納為營所害營手刃營二人祭兄墓宗黨義之崇德三年來歸授佐領從征錦州松山皆有功七年十月命饒餘貝勒阿貝泰為奉命大將軍征明索爾和諾率驍騎校修噶爾為前隊次黃崖口阿巴泰使三等輕車都尉齋薩穆佐領綽克托護軍多羅岱圖爾噶圖伏隘口舉火明兵驚潰遂入薊州敗明總兵白廣恩軍齋薩穆綽克托及佐領額貝參領五達納護軍校渾達善皆歿於陣分攻薊州多羅岱先登攻定州圖爾噶圖先登俱克之並以傷重卒閏十月次河間明分守參議趙珽知府顏允紹城守既進攻允紹發礮拒擊參領署都統陳

陣亡礮裂毀城堞護軍薩爾納冒火躍上明兵死門被戕允紹完堞拒守馳檄四出請援阿巴泰連營圍之時明於山海關內外分設總督復設昌平保定二總督又有甯遠永平順天密雲天津保定六巡撫甯遠山海關西協昌平通州天津保定八總兵皆擁兵壁旁縣備不敢近索爾和諾曰河間不下者恃外援也破其一營皆瓦解阿巴泰從之遣將襲明總兵薛敵忠營敵忠遁諸援師悉潰使人諭速降允紹等守益力急攻之索爾和諾梯登師繼進破其城珽允紹並死索爾和諾亦戰歿十二月大兵徇山東諸州縣各設城守攻臨清聞散瑚通格攻泗水護軍校務珠克圖攻新泰開散特庫股攻冠縣開散特穆慎攻館陶開散阿攻滕縣開散赫圖富義攻鄒縣開散貴穆臣攻費縣開散索羅伯攻兗州修噶爾及驍騎尉屯岱皆戰死諸州縣皆下乘勝至海州八年五月旋師

清史稿

忠義傳一

六

烏為重鎮時窺邊界鎮江城軍陳良策潛通文龍令別堡之民詐稱文龍兵至大謀城中驚擾良策乘亂城守席爾泰偕同族佐領格朗擊卻之後復偕格朗從攻瀋陽陣亡於渾河其妻營違禁屠馬祭夫例當死削世職原之時戰渾河者為滿達理滿達理正黃旗人姓納蘭世居布顏舒護魯任佐領隨揚古利軍瀋陽明兵二萬渡渾河來援長矛大刀鎧重棉氣甚銳參領西佛先歿於陣滿達理繼進敗之明總兵李秉誠率三千人守奉集堡效死者無算卒大創之遂克瀋陽滿達理以先登功最隨攻遼陽明經略袁應泰急注太子河於隍閉西關環城列守大兵軍其城東南秉誠暨總兵侯世祿以兵五萬背城五里而陣擊走世祿奪橋從小西門緣梯登城遂拔之旋歿於陣

卓納姓納喇氏滿洲鑲藍旗人哈達貝勒萬之孫太祖時來歸授佐領賜姓覺羅天聰五年征明圍大凌河城明監軍道張春總兵吳襄宋綽等率馬步兵四萬自錦州來援副都統綽和諾冒礮矢力戰隕於陣備禦多員先戰歿卓納繼之時襄兵先敗逐北三十餘里張春復收潰衆立營風起黑雲見春大縱火風

順火熾卓納益銳進與管武備院事達穆布二等輕車都尉朱三佐領拜桑武
騎都尉尼馬禪護軍校愛賽雲騎尉瓦爾喀均戰死天忽爾反風大軍乘之緯
敗走生擒春信勇公費英東子納海亦於是役被創齒落其二復從舟師攻旅
順明總兵黃龍禦甚力納海與參領岳樂順護軍校額德千總程國輔騎都尉
塔納喀等奮勇登城冒矢石而殞遂克旅順口

覺羅鄂博惠興祖元孫隸鑲紅旗阿資景祖曾孫隸鑲黃旗並為佐領隨征有
功天聰三年大兵征明並從貝勒岳託克大安口抵遵化明巡撫王元雅嬰城
守命分旗環攻之鑲紅旗西之東鑲黃旗西之南各分領前隊與正藍正黃正
白各旗兵並進城上矢石如雨乘護軍校阿海躍登急攻之克其城大貝勒代
善率護軍及火器營至前衝明山海關援兵阿資死之趨永平沙庫山鄂博惠
中創歿雅貴隸正白旗崇德三年從睿親王多爾袞征明下山東四年師旋敗
通州河岸兵五年從圍錦州敗松山兵破杏山援兵皆有功七年復圍錦州同
覺羅薩哈連等直前衝陣大敗其衆明總督洪承疇以十三萬衆來援薩哈連

清史稿

忠義傳一

七

戰歿雅貴同護軍統領伊爾德連敗之乘兩偏松山擊走其馬軍復率本旗兵
攻塔山明總兵曹變蛟夜犯鑲黃旗汛地復隨伊爾德連擊走之八年九月隨鄭
親王濟爾哈朗征甯遠抵中後所借護軍參領額爾碧衝入敵陣拔其城十月
進攻前屯衛以第五人登中礮歿大兵繼進遂克之登西克隸鑲黃旗官散秩
大臣順治二年隨揚威大將軍豫親王多鐸追流賊李自成至西安激戰於天
沙山中槍陣亡阿克善景祖兄索長阿三世孫隸正黃旗隨大兵征明於錦州
甯遠及入關擊李自成皆有功歷官至兵部侍郎順治九年同都統噶達渾征
勦鄂爾多斯部叛逃蒙古多爾濟等殲之賀蘭山以失究與安總兵任珍家屬
淫亂擅殺多人事解兵部管副都統事十一年隨征湖廣敗賊兵於湘潭常德
龍陽等處十三年鄭親王世子濟度征海賊鄭成功阿克善率兵從大軍至烏
龍江以水險難渡乃潛取道山間徑趨福州未至聞成功在高齊即分兵令佐
領褚庫等先往迎戰擊走之又分遣署護軍統領伊色克圖往侯官征勦水路
賊遂抵福州又偵知賊船三百餘尚泊烏龍江親督水路約營總星爾等在陸

路合擊追至三江口斬偽都督總兵等俘獲甚衆以賊犯羅源駐防兵被圍率
兵赴援力戰陣亡薩克素隸鑲藍旗康熙十三年以佐領從平南大將軍賽塔
征耿精忠賽塔駐衢州遣防台州黃巖縣賊將曾養性率衆六萬來犯堅守攻
不能下參將武灝通賊獻城薩克素力戰死之星德隸鑲紅旗亦以耿精忠叛
從江甯將軍額楚討之於江西建昌敗賊帥邵連登八萬餘衆在事有功後於
十六年攻吉安與賊將馬寶戰於陳岡山陣歿果和里隸鑲黃旗以委署參領
隨平遠定寇大將軍安親王岳樂征吳三桂戰於湖廣瀏陽陣歿努赫勒隸鑲
黃旗以一等侍衛從征三桂十七年六月三桂遣其黨江義巴養元杜輝等率
二萬餘賊駕巨艦二百餘乘風犯柳林噴努赫勒隨討逆將軍鄂訥率水師棹
輕舟飛越賊艦發礮擊之溺死無算賊退犯君山又以舟師進擊追至湘陰十
九年隨固山貝子彰泰復遵義安順石阡思南等府追勦至鐵索橋偽總統高
起隆夏國相等擁衆二萬餘屯平遠與江西破賊相崎角大兵分道進勦努赫
勒從擊平遠西南山賊力戰陣歿海蘭隸正白旗由侍衛擢副都統雍正七年

清史稿

忠義傳一

八

授參贊大臣從靖邊大將軍公傅爾丹征準噶爾九年六月分三隊渡科卜多
河與蒙古副都統常祿皆列後隊初戰庫列圖嶺旋移營和通呼爾哈諾爾海
蘭與常祿據山梁之東殺賊千餘適大風兩寇師被圍常祿陣亡海蘭突圍出
殺賊五百餘卒以察哈爾兵潰海蘭死之
同阿爾蒙古隸紅旗人世居巴林以地爲氏授驍騎尉崇德三年多羅貝勒岳
託征明同阿爾與焉當師之出邊也副都統席喇命率護軍防守七晝夜敗敵
者再六年五月隨睿親王多爾袞圍錦州明總督洪承疇率重兵來援以步兵
三營犯左翼三旗護軍不能勝奔濼整同阿爾偕同族同族僧格及蒙古隸紅
旗人阿桑布殿守汛地奮勇戰死蒙古正紅旗拜澤岱正黃旗阿布喇庫隸黃
旗布齊均先後歿於陣
董廷元正白旗漢軍與弟廷儒廷柏並以閒散從征天命六年兵攻瀋陽廷元
先登陷陣授寬甸守備從攻大凌河察哈爾旅順口江華島皆有功崇德二年
從恭順王孔有德征皮島明總兵沈世魁陣海口廷元以小舟從北衝入明兵

破碎之與家丁六人歿於海廷儒積功為大同守備順治五年大同總兵姜瓖謀叛以廷儒勇略過人為士卒愛憚倂以宴射誘至署諷以同叛廷儒以嚴詞斥之不聽即拔佩刀與門賊羣執之罵不絕口剖其腹支解之併其子開國男婦二十七人俱被害廷柏初任驍騎尉崇德五年從征明同參領孫有光敗松山步兵杏山騎兵閻洪山守兵明兵夜犯填塹手發紅衣礮擊卻隨攻塔山及前屯衛中後所等城均以紅衣礮克之績稱最順治二年從豫親王多鐸南征破流賊定河南克揚州嘉興等處俱在事有功時明魯王朱以海據紹興大兵營錢塘江上明督師大學士張國維以兵九千人乘夜劫營廷柏從都統吳守進敗之後從鄭親王濟爾哈朗征湖廣明總督何騰蛟招流賊連營拒敵從副都統金維城率兵至馬河力戰歿於陣

常鼎鑲紅旗漢軍順治元年以副將隨懷慶總兵金玉和討流寇李自成之西竄也英親王阿濟格山邊外趨延綏斷其歸路至望都佐領劉國被創卒入陝至延安府虛銜章京哈爾漢率甲士守南山力戰死侍衛察瑪海騎都尉嘉龍

清史稿

忠義傳一

九

阿參領折爾特護軍校朔瑪俱以陣亡餘黨二萬餘散在河南圍濟源攻孟縣蔓延鄧州內鄉縣及清化鎮鼎隨王和援濟源至則城已陷戕典史李應選鼎夜半遇賊力戰與王和俱陣歿王和自有傳時懷慶鎮標同死者守備則白忠順余國諫陳應傑石斗耀康虎千總則宋國俊趙國相李中王國臣楊虎劉奉相高友才把總則張進仁張光裕陳廷機張景泰許養和党中直廖得仁薛貴等賊旋圍孟縣知縣王曰俞參將陳國才嬰城守賊攻七晝夜不能下將引去會大雨城壞賊入曰俞國才率兵巷戰國才被執執曰俞曾降不屈死賊又圍鄧州道標中軍鄭國泰戰死大兵救鄧州賊解圍去轉攻內鄉縣執知縣胡養素索金帛不應死之賊分兵犯清化鎮署同知史燦麟莅任甫兩月執法嚴奸民憾之引賊入執燦麟怒罵不屈賊忿磔其屍妻高氏及婢僕同殉嗣後土賊相亂者二年有輝縣寇據北山大伍谷諸險列三十一寨官兵仰攻賊以死據不克登久之乞降官兵防其他逸也把總田貴羅思明守寨口賊乘夜斫寨門遁貴與思明倉卒出門皆遇害五年寇起武陟之甯郭驛驛接太行山為盜藪

舊設捕盜通判駐其地賊偽稱獵者馳入驛西郭門騎百餘披甲持刀仗焚劫入通判張可舉署可舉力門遇害十四年睢州賊婁三嘯聚沙窩乘夜登鄆城縣城開北門引眾入知縣荆其惇督家丁眾役守庫印力禦之受刃傷會典史樊世亨率牌甲奔救賊乃遁其惇創重死庫印卒無失

格布庫滿洲正白旗人姓伊爾根覺羅世居雅爾虎順治元年以參領從睿親王多爾袞勦流賊李自成追至慶都復隨英親王阿濟格貝勒尼堪敗之三年肅親王豪格征流賊張獻忠於蜀格布庫及參領西特庫隊長古朗阿巴揚阿烏巴什隨焉獻忠遣賊黨環管抵抗格布庫破賊第一營步兵賊分兩翼豪格復遣借佐領蘇拜攻右翼都統準塔巴圖魯攻左翼賊自右翼下山來犯格布庫率本旗兵衝擊之旋從準塔其左翼賊圍正藍旗兵格布庫借佐領阿爾津噶達渾西特庫烏巴什往援格布庫中箭殞西特庫烏巴什俱歿於陣賊退時偽將高汝勵據三寨山豪格遣古朗阿擊之大破其眾獻忠發大隊迎敵古朗阿直衝其陣賊奔潰未幾復合古朗阿借瑚里布破之賊率馬步兵分三路

清史稿

忠義傳一

十

來犯古朗阿奮勇進擊與巴揚阿均陣亡
濟三滿洲正黃旗人姓扎庫塔自崇德六年以佐領從大兵有功順治元年與騎都尉色勒布雲騎尉祖應元參領金應得驍騎尉西來間敵達魯薩門岱納並從定國大將軍豫親王多鐸南征二年四月大兵渡淮游揚州城應元應得岱納以紅衣礮攻城城頽岱納先登與應元應得同陣亡克揚州大兵渡江令左翼舟師留泊北岸備敵敵駕舟來犯色勒布迎擊中敵死分兵江陰縣薩門以雲梯先登被執達魯薩哈繼進亦陣歿六月多鐸定南京分大兵之半令多羅貝勒博洛等進徇蘇州下之擢濟三副都統駐守明福王總兵黃蜚潛納蘇州叛卒來襲濟三聞變率兵擒勦敵合圍濟三戰死大兵至浙攻嘉興破毀其城西來率所部先登克之旋回兵取崑山縣城被敵死瑚密色滿洲鎮黃旗人姓修加世居加哈崇德元年以佐領銜從征明屢有功順治元年從入關敗流賊唐通於一片石追至安肅望都殲賊無算嗣隨多鐸軍渡江屢破明兵句容時明魯王朱以海踞紹興博洛遣參領王先爵徇湖州土兵蜂至元爵戰歿博

洛次杭州魯王遣其督師侍郎孫嘉績熊汝霖渡錢塘江來犯瑚密色借騎都尉色赫等擊敗嘉績兵擒其隊帥追至江中汝霖兵殊死戰瑚密色中槍戰死

色赫從定浙江旋下福建還過平湖遇土匪亦以中槍陣亡
敦達里滿洲人幼事太宗後分隸肅親王豪格崇德八年八月庚午太宗崩敦達里以幼蒙恩養不忍永離遂以身殉諸王貝勒等義之以敦達里志不忘君忠忱足尚贈甲喇章京子孫永免徭役安達里葉赫人來歸時太宗憐而養之洵授官職亦請殉諸王貝勒等亦甚義之予衣一襲像讓卹典加贈牛錄章京為梅勒章京子孫世襲如敦達里例既定議召安達里諭之臨殉時謂諸王貝勒等曰若先帝在天之靈問及後事將何以應諸王貝勒等對曰先帝肇興鴻業我等幼戴幼主嗣位承基富實心輔理儻遘呵護是所願也

許友信以軍弁隨明將左夢庚投誠隸鎮白旗漢軍隨大兵征閩粵有功定南大將軍貝勒博洛委署潮州副總兵順治四年明桂王由榔遣兵略境友信單騎出戰遇伏死是年桂王兵部尚書張家玉陷東莞署總兵成陞副將李義均

清史稿

忠義傳一

十一

陣亡桂王兵科給事中陳邦彥同時犯廣州游擊閩行龍王士選熊師文俱死之桂王既由監國僭號志在興復其始略有兩廣雲貴湖南江西四川各地且鄭成功出沒閩浙奉其偽號遙相應和聲勢頗張經大軍先後戡定桂王已窮竄土司蕭清在邇而孫可望李定國等復羣相擁戴作螳臂之拒者有年至定國與可望內訌順治十四年十月可望走湖南乞降於是洪承疇吳三桂乃奏請乘時大舉逐漸進剿軍行有利十八年三桂兵及緬甸緬人執獻由榔軍前事乃大定十餘年中死事或被執不屈者如四年勦廣東假明封號土賊有廣東巡按劉顯名等六年勦靈山土賊有廣東都司會書李昌等七年征廣州有輕車都尉尚可福等八年李定國分兵窺全州有廣西巡按王荃可等九年犯辰州有分巡辰常道劉昇祚等犯平樂有府江道周永緒等犯柳州有分守右江道金漢蕙等陷桂林有右翼總兵曹成祖提標游擊馬騰龍等十年犯羅定有兵備道鄧象鼎等犯靖州有湖南副總兵楊國勳等犯連州有廣東連署都司會書賈明運等犯化州有防守參將應太極等十一年犯電白有從征八品

官費揚古等十四年海賊乘亂竄雷州有徐開管游擊傅進忠等孫可望之從亂也六年賊黨一隻虎犯永州有新擢陝西布政使右參議李懋祖等九年犯衡州有隨定遠大將軍敬謹親王尼堪部下副都統武京等犯成都叙州府知府周基昌等十三年犯臨藍有委署參將殷壯猷等至為鄭成功而死者三年成功族人鄭彩據廈門掠連江有知縣宋人望等六年成功犯長泰有知縣傅永吉等犯漳浦有總兵楊佐等八年犯海澄有知縣甘體垣等十二年犯仙游有知縣陳有虞等十三年犯海澄有一等輕車都尉哈勒巴等犯福州有二等輕車都尉巴都等十五年犯台州有海門營水師游擊李宏德等犯溫州有盤石衛水師游擊熊應鳳等十七年犯江甯有一等輕車都尉胡仲布祿二等輕車都尉猛格圖等犯崇明有知縣陳慎等犯台州之太平有左營都司李柱國等犯廈門有護軍統領伊勒圖前鋒參將修濟前鋒校鄂勒布等蓋明藩曰立以兵力削除者桂王為最棘同時附唐王朱聿鍵而陸梁於江西郡邑者則為金聲桓參領布達理布政使連變龍分守湖東道成大業宜黃知縣馮穆等

清史稿

忠義傳一

十二

皆死之魯王以監國踞浙偏福建興化則知府黎樹聲等據舟山內擾則紹興府推官劉方至死之其無所附麗而以叛聞者為姜瓖五年踞大同催餉騎都尉鍾固山西兵備道宋子玉等死之六年從英親王阿濟格等軍進討者騎都尉索甯雲騎尉洛多理等皆陣亡分授河東井坪蒲州神木等處則鄭宏國修國仕武船鄭世英等亦先後陣亡時天下初定人心反側各省土賊繼起或勦或守在順治一朝死者尤夥獨著其關係大局者見有清開國艱難之大概焉

清史稿

列傳

忠義二

朱國治

楊應鸞

周俗生

楊三知

劉嘉猷

高天爵

李成功

嵇永仁

葉有挺

戴瓊

劉欽鄰

柯永昇

道禪

李茂吉

劉琨

羅鳴序

朱國治漢軍正黃旗人順治四年由貢生授固安知縣屢擢至大理寺卿十六年外簡江甯巡撫時鄭成功盤踞外洋出沒江南濱海州縣國治疏言欲破狡謀先度形勢賊衆負險我師遠涉風濤其勞逸不同賊衆熟識海道我師弓馬

清史稿

忠義傳二

一

便捷其素習不同水師舟楫較之賊船大小懸殊其攻取不同臣謂宜以守寓戰凡海邊江口多設墩臺待賊勢困援絕乘間攻之自能禽渠獻馘下所司議行又以蘇松常鎮四府錢糧抗欠者多分別造冊紳士一萬三千五百餘人衙役二百四十人請敕部察議部議見任官降二級調用於士褫革衙役照贓治罪有差以是頗有刻毀名康熙十年補雲南巡撫時吳三桂謀叛久矣十二年詭請移藩錦州并期以十一月二十四日啓行國治方請增設驛堡協撥夫馬待之三桂遽踞關隘起事先期三日邀國治及按察使李興元雲南知府高顯辰同知劉崑竹之從逆皆不屈國治罵賊尤烈即時遇害先後殉難者雲貴總督甘文焜先後廣西巡撫馬雄鎮傅宏烈及李興元均自有傳
楊應鸞鎮黃旗漢軍任貴州貴陽府同知三桂初叛執應鸞送雲南錮之順寧應鸞密謀舉義僞將軍趙永寧縊死之時有馬宏儒者順治十八年武進士三桂素重之迫共叛不聽以鐵椎椎其齒齒盡落囚昆明不屈死先後在滇殉節者爲鄰相等相江甯人以中書隨軍至雲南大兵入滇檄權石屏州事有惠政

僞總兵高應鳳作亂相死之昆明人楊樹烈以四川南川縣知縣告休家居寇

至北而再拜自縊死土酋龍翰等分道剽掠寧州知州曹誠嬰城守城陷死之

原任曲靖府教授周起元則以被執不屈死生員有唐方齡張鵬羽三桂既叛

所在奮應死貴州者陳上年直隸清苑人順治六年進士時官分巡右江參議

道三桂既執巡撫傅宏烈乃脅上年降幽繫死都勻縣防兵謀應賊譚焚掠

知縣薛佩玉諭以順逆衆不聽信受僞職佩玉北面再拜自縊死死湖廣者祝

昌河南固始人順治六年進士由中書累擢至辰沅道三桂叛聞即流涕諭衆

大義皆感泣賊大至城潰北而再拜自縊死生員有李廷垣張一元徐翹楚死

江西者爲饒州府知府郭萬國萬年縣知縣王萬鎰萬國河南許州人由諸生

從經略洪承疇官貴州撫苗蠻有功萬鎰浙江錢塘人由貢生官福建平土賊

有功賊黨聞信急覘饒州備虛由間道薄城萬國令萬鎰赴省請援甫出北

門賊猝至與家僮六人中賊歿饒州管參將趙登舉聞警馳救衝賊營禽前隊

敵入伏起陣亡賊黨環城招降萬國集其屬同知范之英鄒陽縣知縣陸之蕃

清史稿

忠義傳二

二

石門巡檢翁鳳翥饒州稅課大使李宗道謂之曰文臣不習戰然守土吏當死不可徒手就戮皆應之賊偏靈芝門擊堞登萬國率家丁巷戰身先之中十六創與之蕃鳳翥崇道俱戰歿文英亦被執不屈死萍鄉民人彭程淑亦以三桂餘黨擾其鄉裂皆怒罵被亂刃死死廣東者金世爵鎮藍旗漢軍由舉人任合浦縣知縣高州總兵祖澤清叛附三桂世爵圍城守僞將王宏助率賊數萬犯廉州世爵登陴力禦城陷與守備杜蟠同死之又侯進學者隸平南王尚可喜藩下先爲三桂所脅爲遞逆書至廣州自首可喜以聞嘉之授世職至是爲賊所得囚木籠送常德三桂樹之於市逆黨馬雄攻新會藩下諸將多附逆誘左翼游擊文天壽同降天壽叱之曰背主不忠吾錚錚丈夫豈鼠輩可脅遂被害沈屍海中死川陝者波羅營副將張國彥聞提督王輔臣叛城守兵變逼獻印自刎死漢中城陷同知汪化澄不受僞職賊繫之復給僞劄令攝縣事化澄痛哭望闕遙拜自縊死漢鳳參將蘇興亦叛附三桂將襲殺嗣賊筆帖布格爾以滅口千總魯仁圻憤甚度無以制之朝衣拜父像告訣叩臂力爭觸與怒殺之

仁圻畜一犬護屍不去故吏梁玉收而葬之又廣安州知州徐盛劍州知州向榮商南縣知縣盧英渠縣知縣王質綦江縣知縣王無荒營山縣知縣廖世正及典史劉廷臣西安府知事張文選司獄周勝驥白水縣典史趙煥文並以被脅不屈死其以招諭死者三桂未叛時主事辛柱筆帖式薩爾圖隨侍耶哲爾肯賞詔至演既叛辛柱薩爾圖將詣闕告變賊殺之後則漢川巡檢章啓周浙江會稽人從順承郡王額爾錦軍以劄委通判往招諭三桂被戕及吳世璠時又遣四品銜董重民往諭以順逆至鎮遠逆黨以弓絃縊殺之又揚威大將軍簡親王喇布撒益陽縣知縣徐碼往衡州招撫三桂餘黨至泉溪渡爲僞將軍吳國貴所殺鄧陽降通判許文耀阿迷州吏目郭維賢亦均以招撫三桂餘黨遇害郎中祝表正隨經略大學士莫洛討叛鎮王輔臣莫洛戰歿輔臣由表正於營尋復具疏附表正還奏聖祖即遣表正諭輔臣至則百方曉譬留弗遣卒爲僞總兵巴三綱所殺甘肅靜甯州知州王札亦以單騎諭輔臣禍福被脅不屈死又撫叛鎮王屏藩死者爲四川鎮標副將徐升耀劄付通判王官表沈

清史稿

卷四九三

三

日章劄付參將吳子驥等

周岱生字青嶽江西德化人由拔貢生除貴州餘慶縣知縣改廣西平南縣知縣康熙十三年吳三桂叛六月其黨破梧州攻平南岱生練鄉團狼兵拒之大峽口鏖戰三日斬其魁七月復大至岱生奮身拒戰攻益急鄉團皆戰死退保城固固援絕自寅戰至午城陷賊繫岱生往潯州脅降罵不絕口妻楊氏於路先自剄死旋又甘言誘岱生降卒遇害長子儒且哭且罵死尤慘岱生令餘慶時有老賊陳四者盤踞大洞山垂三十年勦捕不能得出奇計招之親至其巢曉譬利害曰王師且至吾生汝賊感泣誓終其身無反岱生曰盍隨我至縣城乎賊諾之於是至縣署賜之食厚爲之裝而遣之其後吳逆之變他縣賊皆響應惟陳四不受僞職平南市荒民少岱生捐俸招集始至城內草屋九間未幾商民大集俗竄不產蔬菜岱生教以播種灌溉之方畦畝鱗次相屬田皆老荒弗闢又招粵東流民後先千餘家報墾升科其他善政尤多

楊三知字知斯直隸良鄉人順治三年進士授山西榆次縣知縣榆次經流賊

清史稿

卷四九三

二九一

殘破後井里蕭條三知以恩義安輯戶口日增康熙五年大同鎮總兵姜瓖叛連陷州縣攻榆次三知厲吏民募鄉勇守城夜遣人斫賊營間有斬獲賊不退三知令偃旗鼓示弱賊徑薄城攀堞欲登三知急起麾衆發矢石斃甚衆賊憤益兵圍之相持踰六月敬謹親王尼堪分兵來援賊始敗走三知設保甲練屯衆復捐俸立社學置膳田以資膏火士民感之擢兵部主事累遷郎中外擢四川松龍道上東道上東道屬經張獻忠慘戮存者在絕嗣密符中招徠千數百家築堡渝東民名之曰楊公堡十一年補陝西神木道十三年入覲還至保德聞提督王輔臣叛附吳三桂從者勸迎行勿渡河不聽疾馳還署圍城守龔三桂勦闖賊殘孽過神木市恩民謬德之立生祠三知即毀之察知縣孫世譽忠實可倚時輔臣播僞劄將弁多爲所誘分據城堡惟韓城知縣霍世琪與神木通聲援世譽隸鎮紅旗世琪山東益都人順治十六年進士關中并稱賢令者也叛黨朱龍犯神木民洩懼三知適受檄赴京師代賀有諷可携眷行者謝之赴關事竣抵署三日延安吳堡相繼陷賊至乘城死守親挽強弩發無不中柳

清史稿

卷四九三

四

溝營游擊李師膺受僞劄鼓衆謀餉世琪出諭賊先被戕及其二子神木守將孫崇雅亦通賊城遂陷崇雅合賊將環說三知以延緩開府暗之不應脅交勅印不與賊送以甘言誘三知且擁回署三知過井厲聲諭家人勿作兒女態躍而入賊遽縋出之臂已折力以三知在官廉平初未相迫毋自苦爲詞三知大罵不絕口乃昇置別室環守之載脅載誘一夕忽合扉不知何以賊之其妻妾及二女俱赴井以殉城復後家人始於淺土中獲三知遺骸經長夏面色如生世譽亦抗節不屈賊羈之深室輔臣後降卒害世譽以滅口

劉嘉猷字憲明江西金溪人由明舉人順治初署興國新建教諭以正誼明道爲教士多化之秩滿改福建侯官縣知縣爲閩浙總督范承謨所賞撤藩命下嘉猷度平南王耿精忠必應吳三桂叛謂家人以既宰茲土義不汗賊康熙十三年三月精忠給文武赴藩府計事嘉猷從承謨後見鋒刃交戟脅承謨降不屈縛以去嘉猷歷階而上厲聲叱精忠福州府知府王之儀建甯府同知喻三畏同發憤罵賊精忠喝武士殺三人衆股慄嘉猷戟手作搏擊勢芒刃亟下與

之儀三畏同時被害城守千總廖有功見逆殺三人發憤大呼亦死之

高天爵字君龍漢軍鎮白旗人後改隸鎮黃旗由廕生於順治四年任山東高苑縣知縣累官至江西建昌府知府先是廣昌山賊踞羊石滴水二寨為巢穴官軍仰攻輒為滾木礮石所傷能攻招降賊伴就撫仍伺隙煽亂官軍斃之獄餘賊益負固適風雨交作漂流樹木衝斷橋梁賊保巢不出天爵會巡道參將出不意直搗之禽斬盡毀其巢耿精忠據閩叛縱黨入江西犯建昌時天爵已擢兩淮鹽運使或勸之速行天爵以守此土十六年雖受代不可遽離答之率家丁數十人禦賊萬年橋城守副將趙印已降賊乘天爵力戰從後縛之獻賊載送入閩再四誘降不屈囚之越歲餘與副將王進武舉胡守謙把總楊起鵬姜山等同謀遣千總徐得功出仙霞嶺迎大軍入關陰結死士為內應賊黨偵而計之十五年九月四日遇害後以福建巡撫下永譽請以天爵與原任福寧總兵吳萬福福州府知府王之儀邵武府知府張瑞午建甯府同知喻三畏邵武府同知高舉侯官縣知縣劉嘉猷尤溪縣知縣李垣福州城守千總廖有功

清史稿

忠義傳二

五

等合建一祠於省城西門外復以子其佩請扁書蓋忱義烈四字以額其家祠長子其位自有傳

李成功奉天鐵嶺人順治六年武進士歷官至廣東潮州參將康熙十三年總兵劉進忠應耿精忠叛成功潛與游擊張善繼等謀誅進忠事覺進忠以兵脅同叛曰汝為我中軍我視汝猶子何無義至此成功曰祿山叛國死於豬兒李泚叛國死於韓旻汝今叛國不知死之將至我何為從汝進忠命斬之罵不絕口而死善繼直隸彭城衛人習儒通孫吳兵法康熙六年第二武進士授潮州城守營游擊進忠陰遣腹弁赴精忠獻款弁歸與進忠謀曰善繼剛方固執深得衆心宜亟散其卒進忠遂令所部分隸私黨善繼麾下虛無人謁進忠曰公不聞晉王敦乎威勢未嘗不赫也兵敗身死發瘞斬屍未有叛國而克全終者進忠怒羈之馬王廟貢生林應璧同被羈日談古忠孝事進忠屢遣人諭降終不屈令斬之白虎陝西秦州人康熙十一年官澄海協右營都司有虎將名進忠將叛調虎與其子崇質入郡至則知進忠有異志潛為涕下進忠令虎易

帽虎曰頭可斷帽不可易令翦辨虎曰頸可截辨不可剪且責進忠詞甚厲左右以搖惑軍心德進忠斃之進忠愛其勇不忍曰此愚人不識時務耳遂羈之

慕取虎妻張虎孫士俊為質虎與同志密遣人赴省請兵約內應謀泄將就刃謂崇質曰死吾分也委身存祀則在汝崇質對曰父為忠臣子從叛賊烏乎可縛至西市虎望北叩首大言曰君臣大義盡於此父子至情亦盡於此矣觀者皆泣下何亮潮州人官澄海協千總虎以心腹待之亮隨虎赴郡進忠羈虎旋以內應事泄并將斬亮進忠叱之亮謂當訴於天同時遇害其兄弟妻子被殺者尤衆于國璉奉天人為續順公沈瑞旗員進忠亂作瑞命借都統宋文科鄧光明攻之戰太平街三日國璉身先士卒射傷進忠左臂賊披靡以衆寡不敵終為所敗瑞縛光明及國璉以降國璉獨不屈斬於市屍僵立不仆數日而如生衆咸異之

清史稿

忠義傳二

六

嵇永仁字留山江南無錫人用長洲籍入學為諸生入閩浙總督范承謨幕耿精忠應吳三桂叛執承謨脅永仁與同幕王龍光沈天成及承謨族弟承謨降不從被執永仁少好從士大夫游討論國家典故六曹章奏條分件繫著有集政備攷一書以范嵇世交故相從至閩時精忠蓄謀未發屢陳弭變策如請撥協餉補綠旗兵安插逃弁條議屯田諸端冀固民心殺賊勢又請借巡視沿海為名提輕兵駐上游制賊以文武吏皆預中賊餌號令格不行在獄凡三年賊害承謨乃痛哭自經死永仁知醫著有東田醫補工詩詞有竹林集葭林堂詩獄中又著詩二卷文一卷與龍光相倡和者又有百苦吟龍光字幼譽浙江會稽人諸生屢躋鄉闈年五十餘已倦游承謨撫浙延課其子擢閩督龍光以父老不欲行父以承謨有德於浙義不可辭遂往既被執脅草安民檄誘以官爵皆不從與永仁誼最合嘗語龍光曰死之日魂魄願無相離在獄著養花說及雜詩五十餘首以見志天成字上章江南華亭人變作時與永仁約同死偶外出俄傳同難諸子死訊遂出踐宿諾為逆黨縛獻時鞫者方窮究章奏將歸罪永仁天成厲聲辨曰承謨心事青天白日承謨無他志書生更何與焉乃同繫獄著詩一卷曰聽鵲又纂花譜一卷以自遺二人在獄有書名和淚譜者龍光

爲永仁撰一首永仁爲龍光天成撰各一首詩詞皆燒梓煤畫堵上賴義士林可棟者或云泰寧人許鼎時往獄中探視默識之得以傳世承讓初被難部曲有張福建者手雙刀大呼奪門衝承讓擊斃刃死之精忠令三十二人監守承讓中有蒙古人嘛尼欲免承讓事泄被磔

葉有挺字貞夫福建壽寧人康熙九年進士甫釋褐即徒步南歸耿精忠以閩叛檄郡邑凡在籍指紳悉坐名勒限起送有挺恥之潛入江西界伴言已死逾年以念母潛返僞縣令偵知之持檄促赴召有挺告母曰兒得進士思有以報君父今以進士被僞檄是得一進士反爲從逆之資兒死不赴如母何母以大義勉之乃抱母大號遁匿山寺僧知其爲葉進士也微拒之有挺仰天歎曰有挺豈以儒者七尺軀苟延旦夕爲釋氏恐怖又豈以身死蕭寺貽主僧禍夜起北向九叩南望母再叩出走山下自經古木死亂平無以上聞者故褒贈皆不及同時閩中殉難者蕭震侯官人順治九年進士任山西道監察御史丁父艱回籍精忠叛謀討之事泄遇害張松齡莆田人順治十二年進士由庶吉士屢

清史稿

忠義傳二

七

遷四川參議時川省彫敝松齡加意撫綏流亡漸復裁缺歸里耿逆迫以爲僞職羈數月終不屈死施大冕福清人康熙十二年進士聞變匿金芝山募壯士助大兵進討賊執之嚼舌罵賊喉血數升死莆田舉人劉渭龍建寧舉人謝邦協南平舉人原任丹徒令鄒儀周皆不受僞職渭龍匿深山絕粒死邦協舉家避村落中逆黨以火攻之不出圍門遇害儀周爲所執不屈死光澤縣民毛錦生素有胆力賊躡其村邑當事飭爲練總導大兵進剿遇伏死雲際關清流縣諸生李亭隨邑令守城并集鄉勇拒戰旋被執督賊死又有張存者順昌人精忠亂作存糾義旅保元坑鄉督授總兵劄令率衆出江西分大軍兵勢存不從時和碩安親王岳樂駐師南昌存潛使赴軍前乞援並條上攻賊機宜岳樂授存總兵劄令捍禦建昌邵武汀州等地且爲內應賊偵知之急攻元坑地無險可扼存以忠義激衆屢敗賊賊甚分三路夾攻卒以不支存被執死之戴璣字利衡福建長泰人順治六年進士授主事例轉湖廣按察司僉事時滇黔未入版圖上江防道尤要璣徧履所部自岳州至嘉魚立七汛造哨船巡邏

在符無警又於洞庭湖接立三汛行者尤便之洪承疇正經略五省以韓范備稱之尋遷陝西西甯道未行丁父艱服除補廣西右江道駐柳州東閣士曾構禍日久璣以恩意調解之大曾黃應元煽亂則斬渠魁以徇諸蠻川是懷德畏威頑梗盡化柳堡屯田寄佃於民既輸軍租復應民役爲申請督撫具奏獲免復修葺文廟及羅池司戶二賢祠會朝命裁併監司解任歸里督課諸子教以忠孝大義耿精忠亂作臺灣賊圍漳州時璣次子璣爲海澄公將守東門賊劫至城下使招降璣大聲呼譚堅守勿以老人爲念賊怒牽去城破璣巷戰死闔門爲俘大兵復漳州賊遁璣與子鏞等乘間入山而妻葉併諸幼子爲賊執赴臺灣璣置不爲意賊復犯海澄及長泰璣再被執脅之降不從幽之密室歷年餘終不爲屈朝夕誦文信公正氣歌以自壯一日顧謂子鏞曰吾久辱不死何爲遂絕粒數日病甚衣冠命銑扶掖北向再拜曰臣死命也當爲厲鬼殺賊索紙筆大書惟忠惟孝可以服人數字嘔血數升死年七十有四

清史稿

忠義傳二

八

劉欽鄰江南儀徵人順治十八年進士康熙八年授廣西富川縣知縣十二年廣西將軍孫延齡叛應吳三桂遣僞將陷平樂府旋圍富川欽鄰募鄉勇城守與賊相拒五十餘日同城把總楊虎受延齡僞劄旬土賊千餘助攻虎夜引賊入欽鄰率家丁力戰殺賊三十餘家丁死者七欽鄰被執賊加以毒刑縛送桂林延齡誘降不屈羈之欽鄰賦絕命詞死追諡忠節崔成鳳鎮藍旗漢軍由官學生任鬱林州州判署藤縣知縣十四年孫延齡黨吳鳳等率賊數千犯藤縣水陸夾攻成鳳與守備劉志高汪雲龍典史黃新德守禦賊暫退已而復合延齡軍數千攻城西南抵禦益力巡撫洪陳明復遣援兵協力勦殺賊不退僞將軍緜成德復率賊萬餘由賀縣來勢益熾成鳳等相持七晝夜城陷成鳳手刃二賊歿於陣志高等均死之新德廣東海陽人讀書不多好遺文人皆笑之事亟時命其子日禱扶母歸養既被執賊欲授以僞官新德曰王彥章且不肯降唐況天朝臣子從賊乎賊欲屠城新德曰倡守城者官也殺尉足矣於百姓何與賊怒斫之新德罵不絕口刀斧交下碎其屍家人四婢一皆死焉徵官死事世尤重之

柯永昇漢軍鎮紅旗人由員外郎出任湖南糧道累擢至湖廣巡撫康熙二十七年飭裁湖廣總督令標兵分別存撤五月裁兵夏逢龍同夥呼為夏包子者結衆作亂二十二日突入巡撫署拒者輒刃之傷永昇臂奪其印復傷永昇足仆地悉驅其親屬家人出走搜掠財物永昇乘間自縊死賊四出剽略永州錦田衛守備隨光啟嬰城守力竭死之武昌永定營中軍守備孟泰慶戰金口亦中敵歿守備李國俊陽附逢龍從圍應城夜半賊潛梯登城國俊遠鳴鉦大呼城中驚起擊敗之脫還武昌卒死樊口時署布政使者為葉映榴自有傳道禪滿洲鎮黃旗人姓戴佳初為王府長史康熙中厄魯特噶勒丹犯喀爾喀朝命中外備兵三十五年大兵三路進剿道禪奉敕往諭噶勒丹先是三十一年員外郎瑪第奉使策妄阿喇布坦為噶勒丹掠執不屈死至是賊復誘降道禪抗聲罵賊死之

李茂吉福建漳浦人臺灣水師管把總平日不以官小自卑康熙六十年土賊朱一貴亂作自請於副將許雲戰敗被禽賊渠怪其不跪叱之茂吉舉足踢其

清史稿

忠義傳二

九

案案翻舊力斷縛直前奪刀殺賊賊共斫之頭腦破裂尚罵不絕口賊碎其屍劉岷字玉巖四川保甯人由武舉從軍有功雍正八年擢權雲南東烏營游擊佐總兵劉起元守城烏蒙夷祿萬福者舊土知府萬鍾族弟也先是府隸四川萬鍾數擾雲南邊界雲貴總督鄂爾泰擒勦伏法使萬福父鼎坤變職移隸雲南時改土歸流既設東川府次及烏蒙改授鼎坤守備趨赴關鼎坤快快行密使萬福煽誘蠻為亂未發岷密告起元為備起元蔑視之檄萬福來見萬福懼遂嗾衆反圍府城岷聞變解所佩刀與妻張氏訣出與起元商禦賊策皆不應而游擊汪仁獨以撫賊說起元起元從之登城被賊辱岷遂開城率數十騎大呼赴賊游擊馬秉倫與之俱斃數百級賊稍卻野夷數萬盡至岷遂與秉倫相失勢益孤轉戰至次日弩穿左脅創甚北向再拜割襟蘸血大書石壁曰淋漓鮮血透征衣報國丹心總不移十四字拔刀自刎死賊歎其忠以土覆之而去岷妻聞變則以岷佩刀手斫二女及妾乃引刀格喉一門同殉焉語見列女傳秉倫既失岷亦轉山青問鏢貫其額猶手刺數賊力竭跳崖死時官烏蒙通判

者為劉鎮寶鎮寶字楚善江西彭澤人由舉人考授中書舍人發雲南用知縣鄂爾泰器其材奏擢通判鎮寶既蒞任駐大關鎮鎮距府三百里為苗疆新開地苗警既急以鎮寶熟諳苗情檄往招諭至則開陳禍福詞甚備苗逆抗之反執鎮寶鎮寶罵賊烈爭斫之支體糜碎事平滇人以鎮寶與岷受害尤酷為立廟祀稱二劉公祠

羅鳴序湖北漢陽人康熙五十年舉人任貴州麻哈知州兼署黃平州事雍正十三年春古州苗叛脅清平黃平施秉鎮遠四州縣生熟苗皆應四月陷清平縣之凱里汛去黃平新州三十里鳴序時在黃平聞變趨新州謀守禦瓊州苗皆起馳報府縣急援不應苗大焚掠鳴序以城亡與亡自誓客陳憲者請與俱鳴序卻之憲以君能為忠臣我獨不能為義士為對相與尋後山有樹可援繫者各默識之鳴序乃解兩州印付健僕送省出公帑千付書吏藏某處曰可以死矣或曰此署事也有本州在何不去此而保麻哈或曰此新州也何不去此而保舊州皆置不聽或告曰城陷矣即趨向所識處將自經俄又告賊猶未入

清史稿

忠義傳二

十

則又徐與憲還登城守迨矢石器械盡城中火起無可再守乃卒與憲至後山桂樹以死從死者數人諸生初震周大任兩家皆死之憲浙江山陰人

一第 200 丹 書 參 日 車 台 書 第 10 頁 又 均

清史稿

列傳

忠義三

宗室恒斌

倪國正

趙文哲

曹承閻

何道深

沈齊義

溫模

湯大奎

熊恩紱

宋如椿

蕭水清

王行儉

左觀瀾

董甯川

韓嘉業

葉槐

毛大瀛

張大鵬

楊堂等

曾文

羅江泰

霍永清

清史稿

忠義傳三

強克捷

宗室奕湄

景興

王鼎銘

呂志恒

楊延亮

師長治

宗室恒斌字綱文太宗第十子輔國公翰塞後授三等待衛父薩喇善官吉林將軍緣事命戍伊犁方以病恒斌陳請代奏以身從父往詔許之而以沽名褻其職恒斌在途侍疾至廢寢食父每怒其愚無幾微怨既抵伊犁父疾以瘵將軍阿桂大賢之會哈薩克新附遣使入貢有旨擇賢員伴送阿桂即命恒斌充伴送官途間馭陪臣忠信得大體召見慰藉復其官令留京供職恒斌請畢伴送事仍往伊犁侍父允之擢二等侍衛會烏什回叛恒斌隨將軍明瑞由伊犁倍道進剿戰屢捷領左翼兵陣城南山下賊屬至恒斌奮勇擊之所向披靡賊懼隱城壕誘敵怒馬而前萬鎗齊發不及禦陣亡事聞褒恤而宥其父罪還京倪國正字懋功四川成都人康熙舉人雍正十年揀發廣西授義甯縣知縣義

甯東北曰雙江苗民雜處與湖南城步綏甯二邑紅苗接壤計千餘里隘口十堡七十二大小寨凡數百不通教化僅設雙江巡檢羈縻之乾隆六年楚匪黃順等煽粵苗偽稱名號國正計禽黃順中道被劫還合楚苗為奸國正牒文武諸大府請兵撥駐四百名苗稍靖時大府意在招撫知府張永熹巡檢蔡多奇迎合其意遂撤駐兵而檄國正與多奇及縣丞吳嗣昌同往國正將行歎曰此所謂投虎以肉徒肆其噬耳行數日抵苗巢苗挾兵出逆氣甚多奇易衣遁眾失色或告國正不去禍將及國正曰吾固知犬羊之性不先以威不可以德化也今日之事有死而已付健役縣印令問道馳還正襟坐待之苗突至取官弁及隨行隸三十餘人盡搥殺之禁國正土窟絕粒六日縛至烈日中去其衣掘土埋足至膝脅之降不屈授以紙筆令省中以萬金為贖可不死國正擲筆裂紙大罵苗怒擊其齒血流被衣聲益厲齒盡截其舌國正猶噴血作罵狀遂擊死沈屍深潭事聞帝為之輟食國正為諸生時書抑則云為國盡忠案頭玉尺亦刻丹心捧日蓋報國之志本素定云

清史稿

忠義傳三

二

趙文哲字升之江蘇上海人生有異稟讀書數行下同時青浦王昶嘉定王鳴盛曹仁虎皆以能詩名獨心折文哲為人瘦不勝衣而意氣高邁由廩生應乾隆二十七年南巡召試賜舉人授內閣中書在軍機章京上行走以原任兩淮鹽運使盧見曾查抄案通信寄頓職時大軍征緬甸署雲南總督阿桂奏請隨軍阿桂由緬至蜀將軍溫福方督師征金川見文哲與語大悅之時溫福與阿桂分兵文哲遂入溫福幕溫福重文哲片時不見輒令人覘文哲何作已而連克金川地三十七年十月遂勦平美諾以功復中書又授戶部主事仍隨營治事三十八年兵至木果木六月小金川降者叛與金川合抄後路師將潰在軍者逆知賊大至相率逃竄文哲毅然以為身為幕府贊畫且疊荷國恩詎可捨帥臣而去卒與溫福同死同時遇害者刑部主事王日杏新繁縣知縣徐瓚鄆都縣知縣楊夢槎合州吏目羅載堂其在各臺站遇害者潼川府通判汪時漢州知州徐諗內江縣知縣許椿大竹縣知縣程蔭桂秀山縣巡檢郭良相納溪縣典史許濟其沿途被害者候補從四品王如玉候補知縣孫維龍張世永

布政司照磨倪鵬候補縣丞倪霖秀山縣典史周國衡先後殉難者又有重慶府知府吳一嵩原任貴州大定府知府鍾邦任刑部主事特音布原任湖南澧州知州吳璜原任浙江雲和縣知縣彭元璋四川崇慶州知州常紀原任廣西越嶲廳通判吳景納溪縣知縣章世珍營山縣典史吳銀幕客同與難者朱南仲楊紹沂熊應飛田舒祿顧佐岳廷栻周煒鄭文許國長炳王鳴鏞十一人事定四川成都府金川崇化屯先後建祠祀之均建慰忠祠碑日杏字丹宸江蘇無錫人善書於魏晉以降書蹟臨摹畢肖官中書行走軍機處每扈從行圍遇公事旁午坐馬上盤一膝置紙膝上信筆作小楷疾如飛有官中書者見機要大臣蹉一足請事日杏怒詈之謂為非人知銅仁府民以王青天稱之汪時浙江錢塘人時駐借多喇嘛寺破罵賊死官軍收復小金川見血影灑涅壁間尚灑灑如溼焉程蔭桂浙江仁和人與其子烈同遇害係維龍字普田寄籍宛平先官安徽黟縣知縣創立書院延劉大槐教士又建石橋於漁亭鎮通浙楚往來行旅稱之吳璜字鑑南浙江會稽人父煇文舉博學鴻詞科璜為商盤甥

清史稿

忠義傳三

三

早以詩名常紀字銘勳奉天承德人以進士選授西充縣有治行嘗興建關神武祠殉難後縣民即關祠有紀象祀之吳鉞字炳臣河南固始人賊犯木果木時鉞守澤多耳糧站去大營六十里大營以東澤耳多以西松林溝赤里角溝俱為賊奪事急有勸鉞走者鉞奮然曰吾奉命守此與站存亡分也與我共殺賊者吾骨肉也因拔佩刀立木城旁曰敢言走者斬衆心稍定賊至鉞率兵役禦之衆寡不敵火器環擊木城猶徒手抵賊卒被戕

曹永閏字文甫浙江金華人雍正七年武舉人補江南大河衛千總海擢四川海甯營參將御士卒嚴而有恩多樂為用乾隆三十六年隨溫福征小金川提督董天弼檄守牛廠石卡旋為賊據天弼自劾並請治永閏罪上念小金川事棘置未問永閏迺與阜和游擊宋元俊獻三策一自斑斕山探小金川擊其首一自美諾趨甲金達擊其中一自約哨進取僧格宗擊其尾用其言頗效永閏善謀謀定而戰元俊諳地利進退有度軍中曹宋齊名不數月悉復明正侵地前後十餘捷三十七年隨攻克布朗郭宗底木達執僧格桑父澤旺以獻明年

師以賊扼險不得進別取道攻昔嶺移營木果木未嚴備山後要隘而賊突涉大營劫糧奪礮局會連糧士卒數千爭避入營溫福堅壁不納轟而潰賊蹂入溫福遂遇害是時永閏軍距稍遠聞礮聲遽嚴甲起飛騎至日大營失矣問大將軍安往日不知傍一騎至日宜速退叱日大將軍不知所往吾將焉往即蹀血進殞於陣同時殉難者參將惠世溥以下四十七人

何道深字會源山西靈石人由武進士乾清門侍衛出為貴州提標游擊乾隆三十二年兵部尚書明瑞總督雲貴進討緬甸集諸道兵明瑞聞道深訓練營卒可用檄至永昌果整練冠他軍三路出師以道深所統自隨從取木邦破錫箔踰天生橋大戰整結賊立十六寨豎木柵列象陣力拒道深冒矢石攀柵先登火槍中右額紀功第一又從入窺乍去賊巢阿瓦城益近賊斷木壁石守隘官軍糧少火藥鉛丸垂盡將旋賊抄其後道深為之殿遇山谷險阨必奮戰俾全師得度至猛育未至猛育前二日道深中烏槍夜息部下校進日傷重矣賊至日衆道險難與敵蓋稱病且逸歸乎道深日賊衆乃將卒致力時也叱之退

清史稿

忠義傳三

四

明日戰益力初明瑞將中軍趨錫箔別將分左右軍異路約會師及至猛育兩軍淪約前阻大山賊盡蹙蹙險環圍數重軍殺馬以食二十三年二月明瑞令夜拔營以次衝出平明賊來邀截道深立高岡指揮拒之他軍士得從旁脫出道深自晨戰至日中被數創始仆道深撫士殿而有恩其始聞檄調也令二日即行凡無子無兄弟者皆弗從歿後軍皆悲涕以其帶髮還詔賜葬本邑

沈齊義字立人浙江烏程人乾隆九年舉人大挑用知縣發山東歷權冠汶上費齊東等縣題補泗水齊義有吏能初往鉅野辦振慮吏胥作奸親自登記歷數十里皆然冠有剪辮訛言謂妖人剪髮能以呪語攝其魂令移他處錢物入已被剪者數日即死訊無實悉縱去他縣獄上皆獲譴人服其識汶上為入都孔道東門外石橋久圯撤而新之南旺蜀山馬踏三湖為漕渠水櫃隄壞出資修築工固而民不擾泗水多開田而民間畜蠶者少悉令栽桑餉蠶自此隙地皆桑繭絲之饒甲他邑費有冤獄特緩其事或以吏議懼之齊義謂與其令民以冤死毋寧被劾以去官三十七年改授壽張縣境趙王河漕三十餘年

大雨至水無所洩禾麥皆淹死民多逃去請募夫開濬凡三十餘里上引范漢諸水悉達諸五空橋自是南鄙無水患民皆復業故明藩府私田賦極輕入清謂之更名地部議加賦壽張更名地二千四百餘頃先於雍正間歸入籽粒地加賦而舊名猶存乃檢尋故牘以原委達大府削除之故事歲辦河工稽料及解京黃蠟分里購買吏用爲奸爲往他所買解民得免累所至求民利病若其身事三十九年八月二十八日夕陽穀縣黨家店奸民王倫糾衆突起爲亂入壽張齊義聞變即衣冠出蒞宅外斥曰吾非賊吏爾等劫我何爲賊伏拜曰知公廉民等亦素沐公恩但須及早從順順則生逆則死齊義駭曰爾等不願赤族誅耶大罵之賊謂齊義不知生死麾衆退令自爲計齊義即入解其印令掘坎埋之復出家人及賓友挽其臂揮去趨宅外僕又牽馬至請上省告急齊義曰若將使我蒙面見上官耶批其頰斥之須臾賊復至有泣拜求請者齊義大怒拳足交下賊擬以兵齊義毒罵不絕口遂擲殺之先數日齊義聞陽穀有妖人衆衆遣人四出偵刺賊懼禍及首劫壽張故齊義罹難賊既破壽張遂掠

清史稿

忠義傳三

五

陽穀堂邑縣奸民王聖如亦劫殺村落應倫權縣事陳枚死之枚字元幹廣西全州人由舉人揀發山東用知縣聞聖如亂作即馳往搜捕盡滅黨妻子繫獄而聖如以倫衆數千至邑無城守具人情洵懼枚本攝任將受代或勸枚引去枚指天曰自誓與城存亡城陷被執怒目視賊賊曰攝令爲令清救勿殺枚愈怒髮豎毗裂罵曰汝輩罪不赦乃敢云救吾耶脅以刃不屈其弟元傑奔救手刃數賊賊縛枚及元傑至王倫屯偏令跪仍不屈賊先斷枚兩足又斷兩手旋支解元傑弟兄同時死堂邑訓導吳璵福山人年七十餘矣携姪文秀及僕王忠到官賊劫學署見其老置不問璵叱之詞甚厲賊怒殺璵及文秀與忠陽穀縣丞劉希壽典史方光祀壽張營游擊幹福調守陽穀莘縣汛把總楊兆立堂邑汛把總楊兆相等亦先後被害

同時城守樸率兵民登陴禦賊凡七晝夜士皆用命糧盡請開倉給守者懷持不可城將陷馳返官廨正衣冠北向拜鍵戶自經死世雄戰死如椿浙江紹興人父以中韓術遊陝西因占咸甯籍補諸生如椿就樓聘事急乃立城闔袒而大呼曰好男子當從我守城殺賊賊應者數千人令壯者執刀矛老弱運甓石並集城上而身率猶子曾登西埔以當賊衝城庫薄賊蟻附上手短刀格鬥良久力不支被執賊方肆戮猶大言曰首議守城者我也何多殺他人爲凡被十三創曾變被十一創均罵不絕口死南陣由舉人於乾隆三十年任四川威遠縣知縣以疾告歸先於逆回蘇十三肆擾通渭有守禦功至是又率子思沉猶子師沉曾募壯夫百五十人助城守累擢大石殺賊城陷巷戰與子思沉同罵賊死師沉自經死安定縣典史費元燈亦以奉檄偵賊被害

清史稿

忠義傳三

六

湯大奎字緯堂江蘇武進人乾隆二十八年進士授福建鳳山縣知縣五十一年冬臺灣賊民林爽文作亂起彰化其黨曾伯達等應之南竄鳳山縣故無城僅土垣三尺許時大奎已秩滿候代屬賊勢蔓延乃率僚佐募鄉勇日夜守禦賊來攻與參將瑚圖里擊卻之瑚圖里馳馬逐賊去大奎聞城北有警捕內應四賊斬以徇方獎厲兵役賊突進北門入縣治典史史謙死之大奎朝服坐聽事手劍擊賊賊刃交下猶瞋目誓不止長子苟業從之官先以父詩文稿畀其戚令遠避身佩刀蔽父不去同遇害大奎初喪其元城復後有僕賊大奎繫髮纏形容亦約略可辨因併入棺孫二貽汾自有傳謙字昭和順天宛平人先遣子善戰奉大母出避乃與大奎同城守死後亦喪其元爲百姓竊埋之賊退始改殮周大綸字理甫直隸天津人乾隆二十年由貢生捐職州同發福建補臺澎府彰化縣丞數年知民頑憂形於色屢言於上官斥不信任滿將引見假公事滯諸羅亂作大綸奮入縣治縣令儒甘以身殉大綸曰國家建官命能守不命能死坐致民逆死以塞責小丈夫也激之弗應爲謀所以禦賊計夜賊入據縣治有見大綸者縛去不殺而勸之降大綸大罵之賊懼其頗撫頰大哭曰此願乃爲賊汚首觸柱額裂囚數日卒遇害大綸僕陳德以護主不去大綸死以頭格賊支解死壽同春名星以字行浙江諸暨人習文法客嘉興淡水廳同

知程俊署年七十餘矣竹塹城陷俊先以出捕賊遇害俊子携印走同春為賊執作爲所用賊留其黨三十六人守城而自出掠同春客淡水久皆徒皆熟習士民皆信服潛爲糾合其衆出不意就同知聽事駢斬留賊即日閉城門爲朝廷守賊聞大賊悉衆返攻同春部勒其衆日夜登陴樵蘇斷發屋掘鼠爲食得間輒出選鋒擊賊相持數日賊稍引卻道通署同知徐夢麟始以印至次第招撫附近脅從者夢麟一切倚同春辦治是時首逆負嶼據大里代自固官軍環營其外疑莫敢入同春草書與夢麟令上軍門速攻之久乃得報合六路進勦同春率官軍從西而入而鹿港之兵遷延失期既入無援馬蹶被獲賊恨同春久至是喜得報擗刀支解之又廣東嘉應州人李喬基者名安善以字行善少林拳術客臺灣見土豪嘯聚相讎殺歎曰亂將作矣乃簡僑寓南北莊人團練之亂作郡城大震召諸健兒曰賊衆一聞而出遂破彰化淡水諸羅三城所不即取郡城者懼粵人躡其後耳吾出兵牽制之賊至則守去則擊相持久則援師且至賊不足平矣集萬餘人莊爲柵里爲臺計畝以爲糧一莊有賊諸臺

清史稿

忠義傳三

七

應之賊數至皆不得逞十二月率三千人從知縣張貞生復彰化已而糧盡士卒多散去城復陷明年正月復從總兵柴大紀復諸羅自起義兵與賊二十餘戰斬賊萬計賊銜之以萬金購喬基首二月喬基與從子舉柏率健兒數百人赴鹿港請火藥爲賊所偵還至青崗伏發禦之殺數百人賊大至矢石交下突圍出失舉柏喬基三入賊中傷左股被獲諸健兒皆戰死賊誘喬基降罵賊賊斷其舌縛而射之猶不屈乃磔焉至是白衣冠哭者萬餘人皆誓不與賊俱生也是役也死事之烈以喬基爲最

熊恩絨字隆輔廣西永康州人乾隆十七年進士父疾意不在試以訛脫列下等歸本班選用選授直隸永安縣知縣累遷永平府知府四十二年高宗東巡召對稱旨擢蒞昌道改大順廣兵備道爲政務持大體尤慎刑罰時語人曰慮囚但久跪索供感寒濕即病足或發他疾皆足致死豈獨三本能斃人也始單縣有劉某者習八卦教煽惑鄉里官捕而殺之械其子於獄人復就獄中傳其術從者益衆自山東河北直隸境無慮數萬人而段文經故胥吏以事斥革家

居性險詐屢挾數以役人羣服其點奉以爲帥立期劫單縣獄圍攻奪州郡恩絨聞之下元城令密捕所在匪黨而郡縣吏皆通賊多爲耳目者走白賊云將屠滅汝等賊賊且悲突於五十一年閏七月十四日夜半毀道署入殺恩絨恩絨聞謹聲疑失火旋知有變亟還令人守庫舉印授妻繆氏挺身出大罵賊擄刃斫之賊固與其黨有成約以先期起事不及應戕恩絨後即散劫郡縣署皆以有備不獲逞故鄰境得以次禽獲恩絨被害尸面如生兩手猶作搏賊狀家人以守庫被殺者六人印以繆氏匿之得無失恩絨逆折賊謀不至如三省教匪蔓延不已躬犯大難論者多之

清史稿

忠義傳三

八

攻急如樁度不能支呼巡檢江瑤佩廳印令赴辰州求援瑤出城遽遇賊死其子朝棟挈印送辰歸覓父屍與家屬俱遇害趙福湖南零陵人由行伍隨征金川有功累擢至鎮守中營守備苗滋事駐守涑溪口涑溪爲鎮守糧道約士卒嚴民安之五月官軍從狗腦巖潰歸賊衆近萬人謀絕糧道攻之急時守兵先抽調其半民請福福避去福曰兵衛民將統兵爾輩可去吾奉命守涑溪去一步即失職苗至福怒馬奮槊當先拒之殺數十人苗分番更戰民以福不得食爲納粟饋福揮去之且曰賊之不遠追戮者以我在也我死合力追汝無噍類矣民泣涕去麾下五十人感福義無一逃者戰一晝夜溪橋被撤卒死且盡手過山槍三發斃苗數十人指掌焦爛不能持身被數創投溪死民隔溪望者咸痛哭苗旋散去難民數千賴之全活後架數椽祀之曰趙將軍廟劉昇邵陽人寶慶協把總從副將某征苗副將逗留不前昇於衆中出謾語某銜之師至狗爬崖令率百人爲前鋒約舉白旗爲後援昇策馬驟陣賊不能支值無後繼復悉銳搏戰昇連舉白旗旗失復解所服白袍招之某故按兵不發昇戰死百人

殉焉死極慘首體糜粉無可收瘞者後祀昭忠祠主入時旋風暴起吹氣作血腥製衆幾仆時以鄉團死最烈者有陳家瓚家瓚湖南麻陽人諸生有膂力能負鐵礮擊賊捐布政司理問職銜居高村與乾州苗接壤乾隆六十年逆苗掠麻陽家瓚同兄監生家瑞弟武生家瑤悉出家財鉅萬設卡堵禦有功自正月至四月共打仗十八次殺賊八十餘名賊恨之總督福康安寵異家瓚家瓚爲畫破賊策其備一日家瓚率衆守溪口賊驟圍其居曰出家瓚禍可已族弟武生家泰挺身出語其村人曰豈可惜一身而害一村遂大罵賊自承爲家瓚賊刺家泰皮至死不更一辭又執其家口始知非家瓚也全家被害家瓚聞而馳救無及請官兵援助官軍忘其能不助一卒且檄調鄉兵他去家瓚復往溪口與衆共守賊急攻之力門死

蕭水清字廣銓廣東平遠人以監生納捐發湖北補保康縣典史嘉慶元年二月白蓮教謀反姚之富齊王氏起襄陽曹海揚祁中耀起房竹王蘭曾世興起保康衆各數萬齊王氏掠州郡與王蘭曾保康之白溪溝賊黨楊昭爲內應水

清史稿

忠義傳三

九

清計禽之徇於衆賊銜之時守城兵以勦苗他調縣令畏賊他往城中空虛水清給印札曉諭四鄉激以忠義賊遂至縣城故庫薄水清拒守殺賊過當歷五日夜不解遣勇健詣郡乞援爲賊得圍益急水清知不可爲旋署語其妻曰吾義不屈爾其自爲計妻誓先殉子其馨等及家人皆願從死遂出城已陷遇賊縣治前罵賊死焉教官黃義峰吳珍義子其馨其芳族子祚超妻弟林鳳良同殉之妻林氏子婦韓及孫女與僕婦婢女等皆圍戶自刎水清死後鄉勇始集皆頭插小青箬爲識以別賊從援軍禽賊首王蘭曾世興小青箬者即水清印札之號令也賊旋犯竹山竹山縣知縣劉大成江西新昌人乾隆四十六年進士選授遊任縣界萬山中故有專營駐防亦以勦苗他調留者僅百名大成先捕得賊黨有約期搶據竹山語即飛旗告急且與僚屬謀曰吾守具未完爲賊乘必困不如出據險要相機堵禦方派撥間賊已據保康乃以典史吳國華守備孫榆魁分守縣治及隘口而自守武陽堡當其衝納縣印於懷據險設伏遶健足偵探終夜無少休賊突越後嶺入縣焚掠國華榆魁俱不支先後至武陽

大成復率以赴勦槍斃十數賊來益衆遂退往武陽國華榆魁方出點兵大成乃遣親信出探隘口比反大成已肅衣冠佩印北向自縊矣國華榆魁踵至愕然亦殉焉別股賊犯襄陽呂堰驛巡檢王翼孫亦以拒戰死翼孫江蘇長洲人呂堰當驛道之衝無城可守翼孫聞變募鄉勇戒備而賊已大至翼孫率衆迎擊殲先鋒三人遂登大橋禦之賊來益衆鄉兵潰又手刃數賊賊矛環刺受傷重跳而投於水賊以鈎起之攢刃毀其尸翼孫初至任預立禦賊章程一鄉勇十設頭目一頭目十設總頭目一各相鈐制統於巡檢司附近村落單丁獨戶皆遷於鎮選壯者充鄉勇設哨探定功過儲糧秣練刀仗禁飲博其區畫爲甚備云

王行儉江蘇溧陽人由舉人大挑知縣陝西補南鄭縣以承審命案不實職職嘉慶元年投効軍營二年教匪竄汝河以平利縣防守嚴向東南偏白土路營時行儉帶兵六百名偕都司趙禧禦之賊分股前後夾攻禧中刀傷殞行儉罵賊不撓身被矛傷十餘處陣亡以離任文員帶兵協助罵賊捐軀詔深恤之

清史稿

忠義傳三

十

王銑字麗可江蘇武進人以四庫館膳錄勞授華陰縣丞性介不合上官先調守山陽豐陽皆利義勇八百餘人皆銳銳可用銑被豐陽知縣檄入城共守禦義勇以所將非人被殲銑爲建祠山陽南關勒石誌名姓哭之三年調至洵陽佐理撫卹事縣令圖與銑分吞振款嚴斥之縣令恚圖中傷銑以行臺省需餉急薦銑行至雒南廟溝坡高二里銑已北下坡家人甫押後隊踰坡有賊高均德大隊至坡南探騎二縱轡馳上家人大呼速銑下馬避賊銑不應探騎至坡脊馳下來銑去幾一里復馳回一騎以矛別銑面一騎就刺胸及膈皆洞穿而死同以運餉死者四川省有汪兆鼎兆鼎字子元武進人亦以四庫館勞授直隸藁陽縣丞以事褫職赴四川軍管投効未用四年同郡朱向隆爲達州巡檢有解餉之役逃兆鼎偕至東鄉縣太平石岸遇賊向隆跳衆謂兆鼎非獨官蓋亟避兆鼎弗應乃各奔兆鼎獨守餉局賊被害

左觀瀾字緜川江西永新由舉人大挑知縣陝西權五郎廳通判五郎扼要川陝無城觀瀾在任既募鄉勇訓練即牒大府捐廉雇役築土城躬自督之

半月工竣三日而教匪至悉精銳啓城追勦斬獲甚衆數日賊突出別道薄城
 衆寡不敵請援又不至觀瀾乃召子承蔭等勦之皆泣對曰願從死即分兵乘
 城夜多燃炬束老弱大呼謀賊不知虛實引去將軍德榜泰明亮至詢狀驚歎
 遣守備率兵駐城中聽觀瀾節制城守益堅民樂爲用以勞補安定縣西安府
 啟巡撫留之巡撫悟立止毋去任而賊果悉衆至見觀瀾立城堙咸錯愕觀瀾
 諭賊降次日二百餘人至觀瀾納之守備欲殲以要功觀瀾不聽乃庭集降者
 曰汝等欲終從賊即聽去降者稽首謝不敢以後至六人不可信令降者自別
 之果於裏衣得賊黨所以爲識者即斬之投六首城外賊駭遁去三年賊復大
 至觀瀾昇大礮城上爲禦手發礮斃賊無算觀瀾亦以礮裂傷顛負痛解佩刀
 付承蔭昇歸署亟遣人問道請代乃卒後二日援兵至承蔭泣叩軍門願復誓
 總督那彥成哀而壯之俾隨官軍勦賊四年十月賊沙溝口力戰陣亡猶手
 父佩刀不可拔父子俱歿王事賜卹尤厚觀瀾事繼母以孝稱兄觀海官上思
 州知州時有兄弟爭財者適得思州書念弟其引蘇軾世世爲兄弟句觀瀾讀

清史稿

忠義傳三

十一

而泣下付訟者兄弟令閱訟者感悔泣謝去
 董甯川直隸永寧人由武舉選授貴州鎮遠鎮標守備隨勦苗匪嘉慶元年累
 擢至湖北興國營參將三年隨總兵諸神保等軍勦教匪賞健勇巴圖魯名號
 復隨副都統額勒登保進剿終報山借都司張廷楷等自西入奮勇奪山隘官
 軍魚貫上併力攻擊禽首逆覃加耀等股匪劉成棟張洪潮張添倫分擾巫山
 荆門及撲闖楊坪邊陲先後擊敗之四年五月股匪高均德竄雲路溝邊隘借
 游擊姚國棟合攻賊奔梓桐地復借都司劉應世由我坪迎截獲二百餘名餘
 匪潰甯川見有騎馬二賊目追益力至樹林中賊棄馬遁甯川令弁兵圍山腰
 自率弁兵數十下馬追入深林賊併隊轉門甯川中矛傷仍手刃十餘人斃騎
 馬賊一人力竭歿於陣事聞詔曰董甯川下馬擊賊至被戕害似此忠勇之臣
 不能承受國恩爲之墮淚命直隸總督胡季堂贈甯川母命湖廣總督倭什布
 送甯川子及家屬歸原籍皆出異數云
 韓嘉業字健庵甘肅武威人父增壽官涼標千總隨征金川戰死嘉業誓報父

仇入伍有功累擢至陝甘督標游擊嘉慶元年四川教匪滋事陝西與安府屬
 地相接奸民乘機蠢應踞安嶺爲巢穴憑高恃險立木城又於高廟山設立大
 卡形勢陡峻嘉業奉檄率兵由羊毛子堰進克之復會他將進逼安嶺遣健卒
 潛燒木城賊驚潰乘勝取大卡禽戮無遺擢參將四年復敗李樹之股匪追出
 班鳩嶺賊竄六道河嘉業循河右追賊至廟子壩賊遁入川境未幾賊又由川
 界老林入南鄭時嘉業循江防守聞之亟率兵前駐法慈院堵其北竄賊將就
 淺涉嘉陵江而河縣賊三四千人由阜川逼近官莊陝甘總督松筠令嘉業偕
 直隸守備麻允光擇要迎擊賊全數出甌峒子嘉業馳馬首先衝入賊分兩翼
 繞馬家嶺自上壓下四面合圍嘉業力戰突擊馬蹶復箭殺執旗賊賊以矛直
 刺甘肅鎮標把總高騰蛟從旁格之遂殺持矛賊而羣賊競進嘉業中矛仆遂
 死騰蛟以身蔽其上亦死允光亦戰歿事聞優恤諡武烈後嘉業兄莊浪協副
 將自昌亦陣亡暨屋命共建一祠賜名雙烈
 葉槐字蔭階浙江錢塘人父文麟官陝西權孝義廳同知教匪滿秦中槐聞警

清史稿

忠義傳三

十二

省父即具牒軍門自効嘉慶二年正月奉檄率鄉勇勦賊於光頭山賊旋由河
 南盧氏竄商州與孝義接壤隨父乘障堵截賊不敢入別股賊復由漢中東竄
 將由鎮安五郎逼孝義復佐父堵禦凡團練首領可用者必傾身交接以是羣
 健依附者甚衆西鄉急請援槐選其鋒赴之比至賊即北竄城固洋縣有警又
 率以往賊遁入山部分其衆守通棧要路而自逐賊入魏川等處陣斬賊獲騾
 馬器械均無算賊東奔大峪口孝義在重山中無城郭槐慮不能當請援孝義
 大府不許槐不自安拔營東追果遇賊會別部兵至謂遇賊得捷賊未必再犯
 孝義阻其返槐終慮孝義被困復言於大府謂不發兵即單騎行矣詞氣激昂
 聞者色變大府乃許撥鄉勇一千六百人隨槐行抵孝義賊果至乃據險結營
 令四山放號火以張聲勢西南賊尤勁鄉勇人人思鬥遂破賊前隊斬其酋三
 人賊稍卻大隊來攻復併力衝殺賊無可乘乃解去大府調其父權富平槐亦
 入資爲縣丞當就選戀父不行留大營司偵候事會賊渡漢江逼洋縣醴泉縣
 知縣陸維基請行舉槐爲助慨然偕往維基帶勇練登手扳崖至巔遇賊罵賊

死槐數突圍不得進左旋至山梁力竭賊矛刺腰大創死僕四人皆從死槐以衛父至而卒死於兵時皆壯之維基順天大興人

毛大瀛字海客江蘇寶山人少以能詩名爲練川十二才子之一由附監生充四庫館謄錄用州同發陝西累爲河南巡撫畢沅山東巡撫惠齡調用大兵征廓爾喀惠齡督四川辦理濟隴糧務檄大瀛赴西藏差遣事竣留川補用借補潼川府經歷以軍功擢授中江縣知縣嘉慶元年檄赴湖北軍營隨勦教匪復以軍功擢授四川簡州知州時惠齡由湖北入川沿路勦賊大瀛從之四年回簡州任五年股匪張子聰竄潼河擾三臺中江地官軍分路截勦賊復分擾遂甯樂至等處由金堂之廣元寺肆行焚掠及簡州境大瀛率鄉勇前往堵禦行抵土橋溝馬步賊蜂至力戰遇害大瀛屢入督撫幕府工賡奏業此者二十年山東巡撫國泰爲在京舊交國泰性暴戾獨敬事大瀛國泰被嚴譴大瀛盡始終之誼爲時所稱卹世職孫嶽生製嶽生亦以詩文名一時

張大鵬陝西紫陽人子楚常希賢紹室孫應朝應邦應選皆諸生餘皆布衣家

清史稿 忠義傳三 十三

世以忠義爲教嘉慶元年賊犯紫陽洄汝二河官軍未集大鵬率子孫出家財募鄉勇八百餘人助有司禦賊掠龍形響水二溝楚常率衆進擊之殺三人遂前攻賊寨山峻霧作中傷歸後三日賊至大水溝觀音堂地紹堂殺賊魁六十餘人又三日希賢與賊戰桃園復殺三十一人當賊之起勢猛銳官軍亦避其鋒至是連見殺傷大憤遂率黨數千人至希賢首出逆戰中槍死紹堂據險隘復爲賊殺大鵬氣益奮更率其孫應達應祿應愷應試等持械深入衝突躍呼所殺傷甚衆卒以衆寡不敵皆戰死初張氏父子及孫凡十二人自賊之興戰死者七人溺死者一人傷者二人陝西以鄉團死者又有與平人白廷英廷英縣舉鄉飲寶嘉慶二年教匪由獨渡漢江而北衆十餘萬終南山無完村廷英督鄉人築村後張家寨避之三年二月賊自城東窺寨寨人不二三百賊急攻槍矢雨下丁壯悉潰賊蟻附而登廷英罵賊死弟廷才廷揚從死賊俱焚之次子筐廷英頭去賊逐之筐倒頭落山下後得於谷底屍則焦爛不可辨矣廷英年七十五凡以守寨死者八十餘人是年四川各鄉團之死難者爲廣元

人楊繼曉世居高城堡繼曉姪十三月而生既壯以氣力伏一鄉捐職州同知隨父隳蘇州督糧同知任所聞教匪擾蜀歸省母時巴州已破繼曉與同縣貢生楊暉等倡議團練罄家財得千餘人請縣令給劄爲守禦縣官不省散去賊破南江距縣境長池數十里縣令始速繼曉出禦以烏合一散不易集議先虛聲撓賊作高城堡人自相要約語列名至多書投賊管賊果遲疑不遽進會陝賊姚之富等數萬人穿老林出將至德山木門賊亦以數千人將至通坪通坪居高城後德山互其鵬長池枕其前繼曉謀於衆攻長池者縣官自禦之而自任後路夕漏三下與族人楊冕率衆出木門之橫江梁遇賊先鋒門之賊大隊至不可敵乃據險趣暉濟師賊登山瞭知兵少無繼合圍擊之繼曉手刃數十人力竭被執至九曲坡欲誘降之大罵不屈賊刳其腹而焚之從戰者皆被殺暉以三百人來援至則皆歿楊氏一門亦盡殲

楊堂梁崇李培秀皆廣東嘉應州人堂官四川蒼溪縣典史崇官陝西咸陽縣典史培秀官陝西試用典史嘉慶三年王三槐擾蜀大軍追勦急亡命四竄堂

清史稿 忠義傳三 十四

守永興場士卒譁曰賊至矣皆欲走堂手劍叱曰賊未至而棄糧法當死孰若守糧而死也賊至死之三年大軍駐鎮安勦張漢潮梁率鄉勇勦鳳皇嘴賊散解囚回省至孝義廳遇賊崇釋囚七人曰若曹於法當死然死於賊則柱吾不忍也可速去毋從賊余義不可逃死其所矣賊至被執不屈五年培秀從大軍挽粟至四川大寧縣與賊遇盡委輜重於河遣其僕曰速報大營賊不得糧必掠東郊截而擊之可盡覆也吾死不及見矣大軍果破賊訊俘言培秀死時賊不得糧被二十一創云初崇所釋囚七人皆歸獄報崇死事狀曰吾不負梁典史也至是七人皆赦

曾艾字虎卿湖南新化人嘗割左臂療父疾以例貢考授州同發江西署安福等縣艾夙爲嘉勇員子福康安所知辰州苗變隨福康安軍令守麥地汛從克諸皆有功嘉慶元年補貴州永豐州分防州同州隸南籠故苗地州同駐册亭在萬山中尤險遠難治艾督各峒守本業民夷悉安二年遣人迎眷口甫至而南籠種苗七柳賴等遽叛艾聞警約駐防把總外委堅守並諭四鄉亭自招集

良苗籍城治械令出蕭然賊至部分守禦自出城奮擊往來策應城中婦女亦改裝登埤相持半月援兵卒不至賊眾數萬圍益急手發矢斃執旗賊魁北門火起率隊趨救遇賊城西隅巷戰中槍死僕九人從死兩妾聞訊皆自刎次子為其戚携出號泣曰吾父母皆死何以生為賊尾及之亦中槍而殞事聞皆予恤改南籠為興義府永豐為貞豐州艾同族彰泗字孔林以拔貢生朝考用知縣陝西授延川縣嘉慶十年權洋縣時教匪被勦勢衰以終南山為窟穴搜捕不易朝議改五通通判為同知添設甯陝鎮總兵募兵六千改十大營鎮之而以積年立功無業可歸之鄉勇充伍為善後計名曰新兵新兵素難御司儲者又誤扣米折於是陳先倫陳達順等於十一年二月作亂戕官連破營城十九處偏洋縣彰泗拒守七晝夜援兵阻河不能至城陷彰泗死之民保其眷屬潛出故不及於難

羅江泰字靜波浙江黃巖人家貧習賈去賈投營由外委歷擢游擊皆在浙由參將至副將在閩總兵又在浙前後與提督李長庚相左右而在閩功特顯長

清史稿

忠義傳三

十五

庚銳意勦海寇蔡牽專意外洋凡閩內事均以屬江泰賊船高大官軍仰攻失利檄江泰造巡艇艇成陵賊船賊大困南走福建江泰於白大洋四礮嶼頭東礮各役俱有功護海壇總兵遂赴南洋合金門總兵何定江截牽去路橫擊於銅山追至浮鷹洋賊衝礁走匿山上江泰搜山禽賊目王朱又焚賊船於仰月橫山賊皆墮水死在閩逾年凡十擊賊號敢死軍賊見江泰軍輒引去擄總兵鎮金門九年移鎮定海是時牽南竄臺灣長庚正總閩浙水軍同心戮力督殺牽十年九月牽船泊道頭忽遁去江泰從賊洋會八總兵追之至盡山失牽所帆重不可下及尺船遽不知所終朝命沿海各省探訪久之無得者葬衣冠黃巖

霍永清字肇元廣東南海人居瀾石鄉膂力絕人嘉慶十四年海氛未靖大吏行封港策海賊無所得食相率蹂躪旁海各鄉漸入內地所過焚掠怯懦者遂以欵賊為得計八月賊聯數十艘由陳村平洲小圃直抵瀾石眾議欵之水清

曰彼恃舟楫為利今深入重地自取死耳好男子從我殺賊何為低首求免乎主欵者陽受約賊至從壁上觀永清獨率鄉勇堵禦相持一日夜賊稍卻明日督勇再戰而欵賊者導賊從村後掩入腹背受敵力不支中礮仆地左右五人並死之鄉人以永清以死勤事建祠祀之名祠曰愍義

強克捷陝西韓城人嘉慶十三年進士即用知縣發河南補滑縣十八年九月教匪李文成謀亂期十五日與伏京城賊林清中外同起事克捷初莅滑有退吏某方訟繫為白其誣出之吏謂文成等逆謀告克捷歷申於守不應初六日突執文成嚴詰謀叛狀管斷其脛及黨二十四人鑄之獄夜半其黨牛亮臣突劫文成出攻某吏屠其家踞城以叛克捷及家屬俱死之後文成焚死輝縣林清伏誅京城詔克捷首先訪獲逆黨俾二逆失約敗謀後先授首實屬功在社稷優恤益忠烈祀京師昭忠祠於韓城滑縣皆建祠與難者均予附祀並以前大學士王杰同隸韓城士風淳茂永廣文武學額各五名在城者老岸鎮巡檢劉斌教諭呂秉鈞典史陳質勳同時預難把總戚明彰以拒賊陣亡均闔門

清史稿

忠義傳三

十六

殉節逆黨赴朱村說降諸生朱繼連不屈率村人戰歿滑縣變作黨徐安國起長垣知縣趙綸又黨朱成貴起曹縣知縣姚國旂陷定陶知縣賀德瀚均死之綸浙江錢塘人國旂安徽歙縣人林清將為亂金鄉縣令廉知其謀即羽檄各縣皆不之信國旂以幕友吳星萃力陳利害乃為緝捕計以吏役多通賊故賊攻縣治急求星萃甘心先國旂擄刺數十創死德瀚長沙寧鄉人星萃令家丁賈印赴府告變幕友朱樹堂等皆死於難在籍洙泗學院學錄孔毓俊等則率鄉勇助官勦賊戰死奮義村林清果於九月十五日率逆黨持械闖入禁城頭等侍衛那倫應值太和門聞警趨入有勦其緩行者不聽曰國家世臣當此等事敢不急趨所守耶至熙和門門閉賊蜂至被戕那倫者前太傅明珠後也宗室奕涓鑲藍旗人由筆帖式累擢至內閣侍讀學士四年命以頭等侍衛為和崗辦事大臣六年七月回部逆裔張格爾入卡滋事勾結喀什噶爾回眾為內應帝以和崗附近命加意嚴防八月賊分擾葉爾羌命揚威將軍大學士長齡帶兵往勦取道和崗奕涓派綠營弁兵前往策應諭奕涓隨時查探彼處實

在情形如葉爾羌見在被圍當令迅速相機前進仍嚴防後路毋墮賊計否則即留兵和闐防堵以壯聲威旋以葉爾羌失守賊四出滋擾奕涓仍回和闐駐守賊信城下援兵未至城兵僅八十餘名奕涓晝夜嚴防力竭城陷死之幫辦大臣桂斌同與於難

景興李佳氏滿洲鎮紅旗人駐防伊犁官佐領嘉慶二十五年喀什噶爾卡倫外布魯特滋事伊犁將軍慶祥以景興熟悉回情奏派馳往查看經參贊大臣永芹奏留署協領事道光六年六月張格爾復率布魯特滋事慶祥又令馳往偵訪設法進剿旋與七品伯克帕塔爾生擒奇比勒迪之子姪縛解來城伏誅又探得張格爾與從前滋事沙克一處居住即乘其未備勦殺逆回百餘名生禽楚滿一名奏入帝嘉之是年八月喀什噶爾城陷與防禦修善等皆力戰陣亡喀什噶爾城圍攻兩月有餘以城中回匪響應穴地道而進遂致不守文員則七品小京官銜陳孝寬以成員派辦文案在城與巡檢陳天錫未入流陳德隆均死之

清史稿

忠義傳三

十七

王鼎銘字新之山東嶧縣人由廩貢官中書除湖南新田知縣道光九年蒞任先投城隍廟誓於神治事甚勤夏旱跪禱烈日中有應以是得民心十二年正月江華匪趙金龍亂作湖南提督海陵阿進勦鼎銘慮煽邑痞即冒雪步歷柵棚戒諭復召痞長曉以國法與教官率紳士練鄉勇以守突聞海陵阿等被戕池塘城即督眾禦賊城外賊偪甚將往諭賊居民泣阻之或報曰賊至城民驚竄鼎銘朝服坐堂皇待之書於几曰仇我當殺我勿傷我百姓指三尺練曰城亡吾以此死以賊蹤尚遠徐之近縣甯陽桂陽民感鼎銘之能死守集萬人請帶勦於是四路同進賊分隊出斃之無算越日桂陽之臨泰大富等鄉復集二萬人鼎銘身先策馬出城南督大創之賊突以槍礮抵拒死甚衆先是賊密約邑痞供送藥丸痞未肯負鼎銘不與賊乘夜脅取故火器復烈衆潰鼎銘殿後賊追至大肆殺戮鼎銘四顧慟曰奈何殺我百姓中礮落馬剗兩目身首異地邑人得而攢之越九十二日始改斂面如生鼎銘殿後時馬蹶邑武生鄭奇光以所乘馬授之鼎銘不可強扶而上鞭馬使疾馳回身舞刀捍賊受重創死

之

呂志恆江蘇陽湖人由監生捐縣丞發福建崇寧至臺灣府知府道光十二年嘉義縣賊匪張丙等糾眾滋事焚掠各莊志恆率署知縣邵用之分路勦捕用之行至店仔口被賊志恆復帶兵擊賊於大排竹以衆寡不敵遇害先是逆匪輒以貪官汙吏妄殺無辜為詞帝疑有激變事下福州將軍瑚松額等查奏無據如例子恤方振聲順天大興人由供事選授福建巡檢升嘉義縣斗六門縣丞賊逼斗六門振聲樹柵溶渠率兵勇防堵賊首黃城率匪黨攻撲與署守備馬步衝等協力守禦賊夜縱火繼擁入柵振聲持刀巷戰戮賊數力竭遇害幕友沈志勇等同死之妻女皆被戕甚慘步衝與把總陳玉威亦同時陣歿楊廷亮字菊泉湖南長沙人嘉慶十六年舉鄉試第一成進士用知縣發山西道光元年補趙城縣十五年推升雲南南安州知州時趙城有奸民曹順以治病為名傳習先天教與其黨謀為不軌斂錢造械約八月分往平陽府霍州洪洞縣同時起事三月廷亮尚未謝趙城任偵得其狀即飭兵役緝之賊知謀泄即糾黨潛入城晝夜放獄囚焚縣治廷亮死之母妻子女及幕友楊成鼎同時遇害事聞詔用強克捷例予恤特諡昭節

清史稿

忠義傳三

十八

師長治字理齋韓城人由舉人捐內閣中書改知縣選浙江上虞道光二十一年再選湖北崇陽蒞任甫百日而及於難先是縣胥役催徵錢漕久為鄉民害生員鍾人杰金太和等起而包輸納不數年皆驟富與縣胥分黨角立前令折錦元憤不治事一惟胥役所為致兩次開漕援巡撫伍長華批牘漕石加徵一斗語製扁送縣毀差房武昌知府明俊務調停姑息於是姦民日肆錦元旋劾罷以金雲門權縣事禽太和置武昌獄勢少戢其年九月長治至人杰聞上游檄捕急疑其仇生員蔡紹勳所請糾黨數百人篡取之至則紹勳遁入城逼追抵城門閉內外鼎沸長治登城諭不退持竟夜質明人益衆踰城入大索紹勳不得迫長治申狀言紹勳作亂人杰倡義捕反者並請釋太和時明俊以事至蒲圻距崇陽一日程長治先期遣長子懷印潛出請明俊莅縣鎮撫而明俊急返武昌衆益張長治罵不屈遂遇害妾吳氏及姪女皆自經家丁曹彬被殺時

十二月十二日也人杰以長治始至無可歸罪乃櫟斂而哭祭之言已以報仇
會卒誤戕良吏事不獲已遂據城叛會衆逾萬陷旁近數縣明年正月人杰等
伏誅郵世職弟長總官參將於咸豐七年授勦安徽與賊戰婺源之橫槎陣亡
王光宇字溥泉興甯人以未入流分湖北歷權典史巡檢事治盜有聲補崇陽
典史變作衣冠自經死

清史稿

忠義傳三

清史稿

忠義四

張錫嶸

王東槐

周玉衡

明善

徐榮

郭沛霖

朱鈞

蕭翰慶

黃輔相

孔昭慈

徐曉峯

袁積懋

楊夢巖

鄧子垣

侯雲登

黃鼎

陳源堯

瑞春

廖宗元

劉體舒

李保衡

淡樹琪

褚汝航

儲玖躬

李杏春

朱善寶

莊裕崧

張錫嶸字敬堂安徽靈璧人咸豐三年進士選庶吉士四年安徽巡撫袁甲三
奏請總辦靈璧團練授編修記名御史十年命視學滇南時回匪作亂府縣多
為賊踞或勸乞疾錫嶸毅然曰吾奉命之官寧避賊耶叱馭不顧竟到滇省城
被圍幫辦防務以丁母憂回籍會國藩之征檢也駐軍臨淮所部湘勇遣撤殆
盡僅存劉松山老湘營萬人餘悉倚准軍辦賊准軍新建平吳功將領多自矜
國藩欲於淮北別募新營使異軍蒼頭特起備西北之用而置將久難其選值
錫嶸服闋來謁國藩大喜密疏奏保治軍濠上謂其誦法儒先堅忍耐苦足勝
將帥之任檄募敬字三營隨湘軍戰守時湖團有通捻者國藩下令遷徙錫嶸
分別良莠聯絡義圩又以災賑日行泥淖中圩民得蘇捻寇張總愚竄陝西國
藩調劉松山軍赴援令錫嶸統三營與俱至則解西安圍復與賊戰于城西兩

花泰獨率百餘人衝擊陷入賊陳被十餘創而殞時同治六年正月初六日贈侍講學士賞世職初錫嶸居京時日鈔書數十紙雖盛暑不輟祿薄日常一餐無一介乞助於人著有孝經章句讀朱子就正錄孝經問答行于世陝西巡撫劉蓉奏錫嶸死事言自到營以來嘗著草履與士卒同甘苦文學之臣能堅苦自奮如此臣實惜之家極寒國藩賻三千金養其孤漕運總督吳棠刻其遺書王東槐字蔭之山東滕縣人生穎異父病危命飢寒廢學居喪哀毀母以遺言勉之乃忍痛致力羣經廢空日與昆弟食一餅道光十八年聯捷進士改翰林散館授檢討二十四年轉江西道監察御史奏劾山東玩盜官吏得實升戶科給事中時議開礦益帑蔽已允行東槐敬陳列聖封禁成訓謂開採者上非良吏下非良民請緩其令事竟寢巡視北城王府役車橫行中逸懲治不貸廉獲巨猾曹七治如律三十年應文宗登極求言詔奏言捐例一開鹽商輒請捐數十萬運庫墊發分年扣還覈其虧短都不堪問即如道光二十年兩淮清查案內欠至四千三百餘萬是鹽商捐輸者掩耳盜鈴之術也又官員捐輸見任

清史稿

忠義傳四

二

居多所捐之項即庫款所虧之項即捐款上年山東虧至一百四十餘萬江浙更甚其是見任官之捐輸剝肉補瘡之術也是事例不停庫虧不止若開礦之舉臣曾疏陳不便順天已停而湘贛等省試辦驚擾百姓利害莫測則尤愈趨愈下也查戶部歲入之數四千四百餘萬歲出之數三千九百餘萬經費本自餘裕督撫整理有方寇盜不作則耗財者去一邊防慎守無生事以挑外患則耗財者又去一河防得要長流順軌不使更添別款則耗財者又去一州縣之官斥貪墨重清廉陋規力裁流攤永禁則耗財者又去一去此四害而又罷不急之工減無益之費量入為出而財患不足者未之有也奉諭貴州仍令開採餘省著督撫確查果不便民即奏停止左都御史王廣蔭舉東槐忠廉升內閣侍讀學士旋授湖南衡州知府陞辭帝而諭云汝樸誠故任外事未至升福建興泉永道廈門濱海俗又傲東槐刊朱子試吏泉漳勸俗文揭於衢傳誦多感發屬縣益役訟師嚴劾治惟與學舍生徒講析道義則溫然以和海上番估好違約放恣東槐戒母踰尺寸為國全大體尤人所難咸豐元年調湖北鹽法道未

赴署福建按察使舉行保甲法竭八晝夜剖汀州互許之訟親歷南台閩安各海口相度形勢於夷船往來之處設卡樓築礮臺資防守並令澳嶼漁戶盡編保甲以清盜源二年抵鹽法道任捐備軍需優叙粵匪犯湖南省城調防岳州躬勵將帥夜不解衣臥勦臨湘縣土匪獲首逆楊兆勝等復奉調防蒲通丁母憂奪情留武昌提督博勒恭武乘岳州東槐請於巡撫常大淳全調城外兵勇亟發庫藏勵士氣尙可嬰城固守巡撫吝賞不能用城陷東槐偕妻蕭氏對縊死之其女投井死郵世職諡文直子四均賜舉人同與此難者湖北按察使曹琳堅江蘇吳縣人豪於詩道光十二年進士改庶吉士散館授主事官科道時禽治妖道薛執中江蘇巡撫創議南漕改折上疏力言其不便事遂寢漢黃德道延志武昌縣知縣何開泰延志瓜爾佳氏滿洲正紅旗人何開泰字梅生安徽鳳陽人道光三十年進士

清史稿

忠義傳四

三

新建遷義寧知州湖北崇陽土匪滋事以協防功擢知府二十五年授南康調贛州咸豐元年粵匪起又以防守毗連粵境地方功進道員二年授吉南贛甯道時廣東土匪竄始與王衡飭守備任士魁等協助殲擒甚夥三年勦泰和竄匪失利坐視職留任以克復萬安泰和搜捕龍泉等處餘匪援勦廣東南雄韶州勞復職五年擢按察使總理吉安軍務時粵匪由湘入贛連陷郡邑王衡子江甯布政司理問恩慶適奉差至遂捐貲募勇率恩慶領兵三千餘分路進剿先後復安福分宜攻萬載賊眾二萬拒官軍王衡身先士卒奮勇鏖戰恩慶繼之斬賊無數克萬載軍威大振賊由問道竄吉安急率兵馳救歷數十戰斬賊數千賊圍城月餘糧盡死守援不至地雷發城陷猶巷戰手刃數賊死之恩慶亦遇害王衡起家牧令長聽斷勤緝捕有循聲及身在戎行與士卒同甘苦故人思效命卒年六十有六詔視布政使例賜卹諡貞恪賞世職祀吉南贛三府子恩慶贈知州銜賞世職祀荆門穆宗御極追念殉難諸臣各賜祭一壇王衡與焉王衡第四子炎知府勦匪泰和陣亡贈太僕寺卿亦賞世職王本梧

字鳳棲浙江鄞縣人道光六年山拔貢朝考用七品小京官分兵部進主事遷員外郎充軍機章京擢河南道監察御史奏言各省州縣設常平倉出陳易新備民間水旱之用近年州縣乘山借名色任意侵蝕新舊交代捏造冊籍非以無為有即折銀代穀設遇荒歉倉無顆粒本年江西湖北被水皇上恩膏立沛共撥銀百數十萬兩省州縣未聞有賑動倉穀賑濟之處若非州縣朦蔽轉報掩飾虧空何至臨事束手請救督撫將所屬倉儲若干盤查足額有缺照數買補直隸山東河南等省本年秋收豐稔常平倉穀正可及時採買民間村鄉有願立義倉者地方官為倡捐曉諭紳士踴躍樂輸不必官為辦理致胥吏之擾尤行尋掌京畿道疏陳水師營務廢弛請飭海疆督撫留意人材力加整頓條列六事曰戰船宜堅固戰具宜精良將弁宜激勵兵丁宜振作海岸宜防守商船宜護送帝納其言俸滿截取知府咸豐元年授江西吉安府時吉安戒嚴飭屬團練為備郴州陷賊氛逼籌防益力三年賊竄撲南昌本梧率兵馳援七月泰和匪起聞警折回借頓南道周玉衡先後赴剿行抵倉背嶺賊直撲吉安本

清史稿

忠義傳四

四

梧退保郡城坐視職留任賊攻城急本梧激厲兵勇登陴固守相持五晝夜賊騰集城外肆焚掠本梧憤甚身先士卒出城迎擊斃賊百餘俘十餘人守備岳殿卿擁兵城內不援中賊計兵潰勢孤力竭猶手刃數賊死之贈道銜賞世職祠祀吉安陳宗元字保之江蘇吳江人道光十三年進士吏部主事歷郎中咸豐二年俸滿用知府三年記名以道府用授江西吉安府吉安富往來之衝先嘗被陷宗元至疆吏以西南保障委之五年九月粵匪陷永新安福圖犯吉安宗元力籌堵剿會按察使周玉衡率兵至遂同克復二縣賊竄逸十一月賊自袁州臨江回竄別隊更自泰和來犯號稱五六萬城中練勇及玉衡所部僅千人紳民大懼宗元慰勉之分兵守要隘越六日賊至撲城宗元然礮轟之賊少却知無外援築長圍日夜攻撲宗元語玉衡及諸僚佐曰事急矣非戰無以為守會夜風雨大作開城出擊毀賊營數座殺千人奪旗幟無算賊恨之攻益力屢用梯衝地道俱不得過相持半月城中糧且盡宗元周巡慰勞勉以大義婦孺感憤有泣者十二月宗元出與賊戰身被數創血至足屹不為動城有開口

宗元督勇填壕行少疾失足自雉堞顛折左股蹙蹙復上若無所苦遣使問道赴省告急先後十八次並繪援兵繞道地圖卒不應六年正月逆首石達開遣糾內應之賊宗元屏左右面與約縱之翌日賊果偏東門而宗元命發空槍賊遂放膽蟻附城下宗元突鳴鼓角槍彈矢石併下賊不及退死四五千人越兩日賊復大至宗元偕玉衡及僚佐分門禦之方馳至東門指揮城守而西城地雷發裂數丈賊盡擁入玉衡被戕城陷宗元率子世濟揮刀巷戰與吉安通判王保庸廬陵知縣楊曉昫等同時遇害賊銜宗元深割宗元父子首懸東門城樓計與賊相持者六十五日其族父陳鈺姻親周以衡幕友李鴻鈞朱芬朱華楊福也葉廷樑蔣志濤及家丁王杞王慶並兵勇等四十餘人俱殉焉宗元照道員例賜卹予諡武烈世濟監生城陷之前宗元遣赴省屬曰此間且晚不保汝得我問即奉母孀弟歸奉大母俱死無益世濟既受命已而復返城城閉不得入繞城號哭乃縋而登之自此寸步不離父側遇難時年二十一明善字輜田富察氏滿洲鎮藍旗人父昌宜泰河南開封知府以潯賈魯河有

清史稿

忠義傳四

五

功於民祀名宦祠明善由筆帖式歷步軍統領郎中道光中出為湖北荊州知府輸金修萬城隍繼水災沿江郡縣皆患潦荊州獨以隄固得安眾皆德之尋調武昌咸豐二年粵寇至登陴助防守勢不支城陷率眾巷戰死如制妾葉聞訃自經死覺羅豫立字粒民隸滿洲鎮藍旗由戶部筆帖式歷員外郎道光二十九年出為江蘇鎮江知府寬惠有恩尤重甄拔人才每遇府試及課書院日坐堂皇手自甲乙至夜不輟所取多知名士咸豐三年以失守府城職仍留治軍需七年克鎮江復原官十年浙江巡撫王有齡調總糧臺十一年賊攻省城豫立偕府縣官籌戰守城垂陷豫立督親軍開城決戰刃及其膚屹立不動悍賊以礮擊之中額死閩浙總督左宗棠奏請優卹並祀昭忠祠豫立工書善行草嘗集顏真卿多寶塔字作詩數十首勒石論者謂其人其字皆無愧真卿云世焜字顯侯侯其氏滿洲正白旗人初任江蘇常州知府以愛民稱咸豐四年調揚州當賊亂後市井蕭然世顯至辟草萊招流亡還定安集之民氣少蘇官解已毀借蔣氏園顏其廳事曰三十六桂軒而為之記曰百物凋殘此桂

獨盛願吾民復蘇欣欣向榮亦如此也明年賊復渡江至世焜知城不能守誓死不去率鄉兵二百人登城破巷戰被執勸之降世焜給以先釋難民然後可俟民去遠速自刎死

徐榮字鐵生漢軍正黃旗人廣州駐防道光十六年進士以知縣發浙江歷權遂昌嘉興等縣杭州理事同知授臨安升玉環廳同知保知府權溫州府事招降洋盜莊通等二百餘人授紹興府咸豐二年調杭州並護杭嘉湖道創議海運章程時臨安昌化於潛土匪趙四喜等謀不軌榮督兵勦滅之四年粵匪竄徽州浙撫黃宗漢以皖南新隸浙江中旨亦有保徽即以保浙為言奏派榮督辦徽防榮扶疾至防親至箬嶺開濠遏賊增設天心洞防勇七月勦賊樺根嶺斃賊二百餘名隨諸將克建德東流兩縣復敗賊堯渡十一月移駐祁門徧諭居民團練設防共相保衛以糧運難繼撤兵回浙安徽學政沈祖懋以徽防緊要奏請留辦五年正月升福建汀漳龍道先是粵匪沿江上竄由石埭之流離霧露兩嶺分竄羊棧嶺入踞黟縣時榮尚未赴任即率師往漁亭防勦二月連

清史稿

忠義傳四

六

敗賊殲二百餘嗣賊眾紛至援兵未集榮率其子虛善與署嚴州同知裕英等出戰身受刀矛重傷歿於陣年六十有四用正三品例賜卹於漁亭建專祠以同時殉難之都司許上達歛縣知縣廉驥元候補按察司知事張穎濱及陣亡各員弁附祀妾伍迎喪回寓殉難亦予旌表榮律已甚嚴恒以行無悔事讀有用書二語自勵守杭時以時局多警命鑿井署中語家人曰此即古人止水亭也有變吾即死此卒踐其言以勦賊而亡

郭沛霖字仲齊湖北蕪水人少年即以經濟自負道光十六年進士改翰林授編修累遷左贊善記名道府用官翰詹時講求河務時各衙門保送河工人員沛霖與焉既抵工咨詢詳盡謂治河宜識土性宜合者合宜分者分因勢利導則不為害而為利檄管豐工兼引河工程昕夕在工與弁卒雜作凡占數之增減鬆纜之尺寸極微極瑣之事無不斟酌至當力主引河寬深俾掣大溜濬下游安東二塘雲梯關老鶴河等處先修決口上下之險工全啟各閘洞以分水勢緩進占緩合龍以期步步追壓到底為一勞永逸之計議不盡用咸豐三年

以道員留南河尋署兩淮鹽運使授江蘇淮揚道仍兼署鹽運使時淮南引鹽道梗鹽場尚完善詔兩江總督怡良飭沛霖移駐通泰適中之地悉心經營沛霖遂駐泰州督銷引鹽六年賊再陷揚州泰州戒嚴沛霖募勇五百集城鄉團勇二萬督屬籌防建議請江蘇布政使雷以誠移駐灣頭防賊北竄幫辦軍務詹事府少詹事翁同書移駐瓦窯舖為自守有餘進攻亦便之策揚城旋復淮南早沛霖請留淮北折價泊畫提甲寅綱協貼撫恤各場招徠股戶股籠赴盱眙等處買米麥半糶七年奏派督辦裏下河七州縣及通海二州團練時江陰靖江水勇經費無出有議設卡江北各港令自行抽釐者沛霖力陳其弊事遂寢有以淮南稅課造報不實聞者詔毋庸署理運司令總督何桂清等查參以新任未即至暫緩交卸先是淮南之旱也言者請堵八壩查漕漕命桂清等詳查酌辦沛霖力言下河七州縣聚水所歸潦者其常旱者其偶上年東南數省大旱下河盡涸此數十年一見不可以常理論也然如高寶兩邑近居運河堤下並未成災而田產稻米猶能以其餘接濟鄰境咸豐三年前大臣琦善統兵

清史稿

忠義傳四

七

至揚盡啟八壩餘悉緩堵以為設險禦防之計是年十一月揚州東路兵潰六年三月逆賊復陷揚州終不敢越灣頭萬福橋一步是未堵各壩足以扼賊之明效大驗今日賊氛未熄民力已殫與其糜無益之費以病民曷若留可守之險以防寇見在大兵環攻瓜鎮奔竄可虞正宜留八壩以扼逆賊北竄之路桂清據以覆奏詔從之桂清等旋以查明淮南稅課無以多報少情事上聞九月偕江甯布政使楊能格辦揚州東路團防自募勇千二百人駐仙女鎮與毛三元三岔河營策應十一月隨大軍克瓜洲鎮江桂清飭沛霖移駐揚州籌善後八年八月偽英王陳玉成攻陷浦口天長儀徵相繼陷賊大股徑趨揚州沛霖督衆迎勦力不足遂渡河至仙女鎮招集潰卒促援兵為復城計適提督張國樑渡江來援沛霖率兵助之揚州尋復大臣德興阿劾沛霖先期逃避詔職職查辦又以沛霖專辦揚州善後與尋常兼轄不同仍敕刑部擬罪嗣九大臣勝保巡撫翁同書疏調准發安徽充定遠大營總文案捻逆數萬來攻借知縣周佩濂嬰城固守賊圍數日適已革副將盧又熊援兵至夾擊大捷九年六月捻

匪張隆又糾陳玉成眾數十萬再攻定遠沛霖分守小東門又熊以賊眾兵單
拔營去總兵惠成出戰不利沛霖督眾嚴守八晝夜十八日力憊回寓指血
書正大光明自盡六字於壁復乘馬出提刀巷戰賊四面縱火悍賊從後刺之
傷足墜馬陣亡事聞復原官卹世職尋俞定遠士民請建專祠沛霖服膺崑山
顧炎武之學兼通術數嘗言歲在甲子金陵當復并自知死難年月著有日知
堂集等書時同守定遠者為候補知縣王培榮培榮湖北羅田人嘗在籍與舉
人熊五緯練團勦斬水土匪五緯戰死培榮中二十七創不退卒復斬水縣城
與沛霖同時殉難屍失家人即以從前所遺中創血衣葬之

朱鈞字筱瀛浙江海寧州人由廩貢生捐同知發江蘇歷辦海運出力獎擢知
府咸豐七年奏補蘇州府十年護理按察使時粵匪犯浙江吳中大震鈞募勇
團練嚴詰奸宄人心少定四月賊由常州猝逼蘇省鈞晝夜登陴誓以身殉而
外無援兵知事已去乃先令居民遷避城陷率眾巷戰身受數十創力竭投井
自盡卹贈太常寺卿給世職後以鈞在官多善政建祠蘇州把總錢貴陞元和

清史稿

忠義傳四

八

人故業織入賞竄名尺籍中樞守婁門賊破開門入貴陞未知也遇二賊城濠
尚衣冠詰之賊訶之降拔佩刀斫一賊賊羣至亂斫死從者什長張義同與於
難時江蘇巡撫徐有壬既殉節其族弟名曾庚字裕齋道光舉人官工部來厲
巡撫署建議請兵居城外民守城內有壬不能用城垂陷有壬促曾庚出避慨
然曰兄能死忠弟獨不能死義耶况弟亦曾忝一官者耶自經死

蕭翰慶字蘭臣湖南清泉人咸豐元年從都司徐大醇討賊廣西大醇死毅翰
慶冒險扶輓返三年侍郎曾國藩治水師翰慶投效營中屢敘至千總四年夏
爭紅旂報岳州捷國藩奇其文雅詢為讀書士改敘從九品以隨勦粵匪功屢
擢至直州判七年武昌克復超晉知府隨提督楊載福等克九江鄂督官文疏
留鄂省統帶龍坪以上至漢口水師九年正月會陸師援湖南時賊首石達開
自江西道郴州桂州永州水師抵祁陽沿江皆賊壘翰慶躬入小河乘舢板督戰
平之總兵周寬世與賊戰長葉嶺水師夾擊之賊大敗詔以道員記名簡放十
年浙撫羅遵殿奏調楚軍援浙翰慶與遵殿子忠祐有舊遂請行倉猝無現兵

得唐訓方舊部訓字營四千人益以降卒二千馳赴之抵皖而杭州已陷時左
都御史張芾方治徽甯防務留翰慶辦賊攻石埭太平克之方進攻池州而常
州促援乃分降卒圍池自帥訓字六營親兵三營行途次聞湖州被圍乃改援
湖以湖州為皖浙咽喉棄之則兩浙潰爛行抵禮義橋悍賊突出截橋戰勝之
日暮大雨所部持仗立風雨中平旦啟行距湖州四十里甫半賊大至且戰且
進抵同心橋賊來愈眾圍數重參將吳修攷鄧茂先戰死翰慶血戰良久力竭
死之年三十有四諡壯節

黃輔相字斗南貴州貴筑人道光二十五年進士用知縣分廣西權陸川博白
縣事以捕盜著能聲江南提督張國樑者原名嘉祥本盜魁也糾黨寇博白勢
張甚輔相率練敗之獲其酋三十年權橫州知州時南甯各州縣盜賊蜂起輔
相招降數股以賊攻賊計走之巨盜王斌號九江三者與其弟九江四大舉入
橫之陶圩輔相調團勇會提督向榮合力兜擊擒九江三兄弟斃賊三千有奇
博合圩附近十餘鄉賊蟻聚民多從逆者輔相聲言閱團召諸生閱麟書等語

清史稿

忠義傳四

九

之曰官不能除害是尸位也紳不能衛鄉是虛生也爾等豈無意乎因泣諸生
皆泣誓殲賊咸豐元年二月輔相從十餘騎至那陽麟書等以團勇八千一夕
至圍陳山賊遁獨竹背倚高山率死士攀藤下火其巢擒斬甚眾餘黨竄上石
地險不利仰攻堅守困之賊糧盡突圍出追擊之先後殲賊數千初賊曾之降
也輔相察其詐陽與羈縻至是陰遣諸生殺之橫境以安以出奇制勝擢直隸
州知州旋授鎮安府知府五月賊糾眾撲州城屬集南岸輔相密令諸團分扼
水陸要隘遣子詔年率練伏鄉東夜半以火具自大道攻入別遣勁卒五百由
小路抄襲賊奔潰斃無算餘匪躍入舟守者截而焚之悍賊數千無漏網者橫
州肅清賞花翎並賞詔年六品翎頂十二月改權南甯兼權左江道二年春艇
匪自梧州連陷桂平貴縣圍犯左江輔相率四百人馳抵橫州斬其先鋒賊震
懾不敢入境勇目潘其泰與土賊有隙賊假殺其泰名攻南甯輔相堅守百五
十日城中糧盡盡毀銅錫器為礮子力戰圍解四年秋權右江道以巡撫勞崇
光薦進道員五年廣東賊李文茂圍潯州犯武宣署知縣朱爾輔以潯潯為北

河要隘自督兵屯守乞濟師崇光檄輔相統水師駐武宣之碧灘與漕灘犄角賊分水陸來撲迎戰屢勝賊何松亭率黨就撫八月文茂陷潯州屢攻漕灘擊退之六年二月以餉絀撤漕灘防兵賊隨至糧盡援絕勢岌岌輔相連牒布政使乞餉不報復遣書桂林守李承恩瀝陳四難四易使聞於巡撫有力竭心殫惟以一死報國之語未幾兵士果以饑譁賊黨潛結土匪內應開城納賊輔相督外委吳錦蘭等巷戰格殺數十人賊乘夜冒雨大至署潯州營副將福格暨錦蘭皆死之輔相受創被執絕粒罵賊仰藥死賊棄屍於江輔相才略足辦賊時有旨調引見而殉難事聞賜卹如例

孔昭慈字雲鶴山東曲阜人至聖七十一代裔孫道光十五年進士改庶吉士散館授廣東饒平縣知縣憂歸服闋發福建署莆田沙縣攝興化通判授古田縣二十八年調閩縣進邵武同知移臺灣鹿港時南北匪徒洪恭等陷鳳山知縣王廷幹高鴻飛相繼死郡城岌岌不保昭慈聞警航海赴援協力守禦殲擒甚衆四年擢臺灣府知府督捕餘孽次第蕩平進道員備兵臺灣加按察使銜

清史稿

忠義傳四

十

兼督學政以助餉加二品銜在臺五年威信大著外裔內番悉畏服同治元年彰化亂民戴萬生等糾眾結會謀亂昭慈偵知督兵馳抵彰化部署未定變起倉卒城陷巷戰力竭不支殉節文廟先聖前昭慈為政興利剔弊不遺餘力莆田俗好鬪推誠諭禁勸以懲忿保身治正兇不少貧民憚法罷鬪邑多孔氏寄籍為親立義學沙縣土利藝茶少耕植遊民競逐未暇則事攘奪為拔茶禁之而農桑始興至今利賴所至停采買革津貼捐粟平糶多損己益民尤愛才重林文察材略白其復父讎可宥而薦之殺賊立功官至提督治盜嚴明誅止其魁盜之良者或重其賢而避之歿後匪為歛殮歸喪愧歎曰吾輩負孔使君矣卒年六十八卹世職諡剛介於立功地方建祠

徐曉峰江蘇東臺人初由供事隨工部侍郎呂賢基勦辦安徽捻匪獎六品頂帶旋署蒙城縣知縣有惠政時穎州府捻氛不靖給事中袁甲三檄曉峯勦辦先後獲其酋馬文俊鄧大俊馬在隴馬九陳建中等餘匪屬聚早辜交界復擒擒首李致文於陣勦匪過河匪衆覺水來撲曉峯領隊堵截賊礙從馬腹過馬

驚蹙頸背皆傷復上馬被擊賊渡河者殲焉粵匪撲穎州府城甲三復檄曉峯赴援禦之南岸河上獲匪炮船匪於潯州駐馬河紮營為久踞計曉峯改裝潛探隨按察使恩錫分三路進勦燬賊營三座竄林母圩復偕都司劉鶴翔等勦敗之又隨廬鳳道張光第追勦粵匪於高旺街賊潰追敗之烏江賊分隊襲後路於大雨中磨衆痛擊擒偽司馬等五人匪由江寧鎮下竄陣斬偽佑天侯富姓偽右四丞尉張盛林等七年亳州擒匪劉老淵等竄擾李八莊等處曉峯督兵攻勦斃賊百餘生擒三十餘人攻破宗圩匪巢鄧圩賊內訌被脅男婦閉門乞命縛匪首李寅悍賊劉破頭等三十五人姚圩賊二百餘人亦降遂平兩圩著名巨賊悉數就誅王圩擒匪復踞河抗拒曉峯乘夜進攻難民內應遂擒匪首王紹堂乘勝收復東面七圩宿州以南一律肅清五六年間曉峯於勦辦粵粵各匪戰功獨著由知縣歷保知府至是擢道員記名簡放旋授福建汀漳龍道同治元年赴任三年二月檄署按察使督全省軍務守延平粵匪餘孽竄閩防嚴七月還漳州道任賊復由粵竄閩守漳者僅練勇二百五十人賊遂勾結土匪攻城無備無援九月十四日城陷曉峯被執死之妻王氏聞城破知曉峯必死先絞其女亦自經郵贈內閣學士銜給騎都尉世職復以曉峯從戎豫皖由軍功洊升監司自軍營回任甫及旬餘倉猝被害最為慘烈妻女皆以身殉忠孝節烈萃於一門褒之於死所建專祠曉峯初從甲三軍與馬新貽同幕新貽謂曉峯殺氣滿面目光灼灼射人終當以義烈見及被賊執備受凌虐叱跪不跪勸降不降書其禁錮壁間有云壯志未酬君恩莫補取義成仁臣心千古又絕命辭二章尋予諡剛毅

清史稿

忠義傳四

十一

袁績懋字厚安順天宛平人原籍江蘇陽湖父俊道光九年進士官河南知縣績懋道光二十七年進士以一甲二名授編修故館改主事分刑部旋丁父艱服闋援例以道員赴閩時漳泉初下好事者欲多殺以邀功而清查叛產尤多誣陷人心洵洵將復叛總督慶端檄績懋往治其事至則集衆於庭取叛冊焚之脅從者皆獲免人情大安皆曰使君活我事竣委赴延平府會辦軍事即令署延建邵道粵匪時竄邵武勢張甚績懋親督軍士夜撲賊營賊驚潰追斬悍

曾數名賊大憤鳩衆出後道陡截之我軍既寡又軍實未備戰不支乃退守順昌防軍僅數百名相持月餘有勦之乘順昌守延平者績懋以順昌爲省垣屏蔽順昌不守則賊長驅直逼省城大勢去矣且數萬生靈視我進退爲存亡敢輕去耶於是守益堅賊不得逞乃潛隧城實火藥地道發城陷賊盡擁進績懋知事去躬率死士戰西門連刃數賊賊以騎突之仆地引刀自殺刺不及賊執而去刃亂下醜而死時咸豐八年九月十二日也事聞優卹按察使入祀京師及陣亡地方昭忠祠世襲騎都尉嗣常州順昌奉特旨建專祠追諡文節子學昌官至湖南提法使績懋性通敏書過目輒成誦號稱淹雅著有諸經質疑十二卷通鑑正誤十卷漢碑篆額考異二卷味梅齋詩草四卷

楊夢巖湖南鳳凰廳人諸生入田興恕幕咸豐六年興恕率虎威軍援江西勇果名天下夢巖實贊助之累功由縣丞擢同知興恕奉命援黔以夢巖綜理營務時苗曾楊龍臺煽惑諸苗出沒不時以思南石阡爲尤甚夢巖與田興奇沈宏富等焚勦之會夢巖督保道員遂自領一軍扼守思南同治元年正月石阡

清史稿

忠義傳四

十一

賊來攻與副將吳通才特角扼守會援至賊敗走二月夢巖帥師次浮橋賊分道來攻通才戰死夢巖極力慶戰賊卒敗走三月六日賊復數倍來攻更番迭進累日夜不休營忽陷夢巖奮臂大呼持矛入賊陣刺殺數人身受十九傷力竭死之照布政使例賜卹於思南及原籍建專祠

鄧子垣字星階湖南新寧人咸豐初以諸生從同邑劉長佑勦賊江西臨江撫州新城與湖南永州寶慶皆有功累保知縣石達開走貴州竄廣西還窺義甯子垣與參將江忠朝自武岡趨扼全州爲東安零陵等屬屏蔽賊由靈川渡河竄楊梅坪又借忠朝壁界首賊掠道州永明江華而東自藍山趨桂陽宜章又從江忠義轉戰數百里殺賊殆逾萬忠義病歸子垣與忠朝代領其衆十一年貴州銅仁石阡思州松桃天柱印水賊窺湖南檇子垣赴黔會勦同治元年屢破之曾知府復檄援廣西攻桂嶺賊巢環擊三時毀其礮臺禽斬甚衆賊黨廖永賢懼願輸誠爲內應官軍分薄內濠擲火焚燒永賢開西關納軍遂克桂嶺要隘進掃蓮塘賊壘逆首張高友陳士養恃險抗拒懸重賞募死士潛由內貨

村僻徑狹難攀葛出賊背破其西柵翼日復進攻俾賊由山洞奪路奔督軍截擊斬張陳兩賊禽殲及墜巖死者無算餘衆乞降蓮塘平以道員儘先選用三年粵賊竄江西陷新城子垣會諸軍破走之新城復巡撫沈葆楨以捷聞命以道員留江西時賊分踞金谿東鄉宜黃崇仁南豐各城而崇仁之賊尤悍增壘城外爲負嶼計子垣張兩翼橫衝之城外賊潰竄潘松秀才埠城賊出犯再擊敗之直逼崇仁城下賊衆悍黨許灣逆爲聲援提督鮑超破之子垣乘勢復崇仁賜勇號五年冬率精捷營助勦貴州苗匪駐軍印水會攻頗洞老巢寨頭苗黨數萬來援逆擊敗之徑擣頗洞山高寨險不能下選趨捷精勇攜藥踰嶺入巢縱火自督軍登山猛攻斃苗數千山谷皆平遂克頗洞疊破甘林杉木等屯由記名嚴直趨茂林坡盡毀碉卡追擊至傳水寨藉其巢黎平靖州肅清以糧運不繼壁清溪時按察使黃潤昌率軍來會分餽哺之約進攻八年正月破文德關兩路口各隘師益進合攻鎮遠府衛兩城克之連破牙溪田壩黃蠟坡等三十餘屯潤昌欲乘勝由東路疾攻命營務處羅維章偕子垣馳謁布政使席寶

清史稿

忠義傳四

十三

田請濟師寶田遣提督榮維善助之三月進規施秉逆曾包大肚據巢死守力戰斃苗千餘拔施秉復破白洗等寨進圍黃平黃平州滇黔孔道也蜀兵援黔輒爲所阻潤昌議通此道時維善軍戰久疲請休息宜亦以苗衆道險勸留屯潤昌不可師遂進道出黃飄山中伏子垣盪決數十次地險不能出中斃死之諸軍皆敗語具榮維善黃潤昌傳優詔賜卹原籍及死事地方建專祠設壯毅羅萱字伯宜湖南湘潭人父汝懷正江學訓導著有湖南喪忠錄萱少警悟工詩善書弱冠爲諸生總督賀長齡教諭鄧顯鶴咸器之咸豐元年粵賊犯湖南萱倡鄉團習技擊四年曾國藩帥水師東下辟萱書記貽書極推重從克武漢田家鎮敘訓導國藩進圍九江水師失利萱僅以身免國藩重整水師屯南康皆策馬相從調護諸將各當其意六年石達開陷瑞臨袁吉撫建諸郡省垣孤懸萱從國藩單舸赴南昌達開稍引去國藩檄萱領江軍三千人攻建昌復檄助攻撫州合攻瑞州破沿途賊卡擊走靖安奉新守隘賊當是時賊數萬日伺隙九江賊復率二萬來援萱與劉騰鴻等堅壘嚴陳以待八戰皆捷江西軍

始振論功擢知縣騰鴻喜攻堅引孫子書戒之不聽騰鴻克瑞竟以創死假歸湘撫賚章檄治團練粵撫郭嵩燾屬創水師皆不官久留自以文士不欲棄科舉屢應省試卒不遇益肆力於學尋與知府劉德謙領威信軍防柳會建軍叛勇掠茶攸間董與德謙敗之遁入粵進屯樂昌當事命增募一營號威震軍賊平累功晉同知按察使黃潤昌奉檄統萬人授黔潤昌與董同邑邀與俱董綜文案兼營務處每晝出領隊夜歸削牘以克鎮遠府衛二城功遷知府進規施乘連戰皆捷黃平之敗與文武將領十八人同死之郵贈太常寺卿附祀黃潤昌祠董性澹泊從軍十數年不圖仕進而耽學弗倦著有儀鄭堂文箋注二卷粵游日記一卷蓼花齋詩詞四卷

侯雲登河南商邱人道光二十一年進士由內閣中書游升刑部郎中咸豐六年補江南道監察御史奏言皖豫接壤向有捻匪自粵匪北竄蒙毫捻匪乘之遷起捻首張落刑吏句結蘇添福等合為一股所過荼毒蒙毫迤北歸德以東數百里幾無人煙一誤於張維翰而永夏受困馬牧被焚再誤於武隆額而賊

清史稿

忠義傳四

十四

撥掠歸陳武隆額雖撤歸巡撫英桂調遣並張維翰迄今未聞撤參且其營勇多雜匪類今邱聯恩軍亦潰敗歸德決河未堵防備綦難僅捻匪踰河而北句結束省災民其患甚大查匪逾十萬擾及四省惟賴兵力兜剿而調集需時莫若以勇濟兵請於皖汴蘇魯接壤之區設立勇營簡員督辦本年二月間命已革左副都御史袁甲三隨同英桂剿辦捻匪請即加以卿銜責令募勇其於勸約鄉團捐辦勇糧必能悉心籌畫次第舉行擬辦法四條一酌保文武勸懲悉照軍營之法一番度地勢擇要安營與官兵互相策應遏賊北竄一急籌糧餉請先由糧臺撥給並四省就近州縣動項奏撥仍勸捐以資接濟一明定賞罰認真訓練以嚴紀律等語疏入朝廷頗慰其議九年掌京畿道事務授給事中又言捻匪蹂躪豫境二十餘州縣仍分股四出焚掠擾及直東邊境雖有關保博崇武等軍兵力過單馬隊未能精壯儻賊再蔓延非獨豫省全局不保直東亦防不及防救急之法惟有直東兩省防兵併力進剿並請催副都統巴揚阿將所帶馬隊赴豫與關保合軍剿辦並請令副都統德榜額統軍由歸德探賊

清史稿 卷四九五

剿擊必可制勝再東明長垣已無匪蹤請令直督將所派東明長垣之兵出境協助以壯聲威豫省肅清直東南路不待設防均可無虞矣十年授甘肅夏道同治元年陝回倡亂靈州被圍佐領富隆阿援軍戰失利雲登督兵勇進剿斬賊無算圍立解護督恩麟上其功加按察使銜賞花翎時署夏令彭慶章屢請散團雲登以回性險詐止之恩麟檄雲登開城納降慶章暗為回匪內應變猝起雲登率兵巷戰被執不屈死之子錫山同遇害

黃鼎字彝封四川崇慶州人以諸生倡辦團練同治元年粵匪犯敘永鼎率所部佐官軍擊破之敘功授教諭二年復新寧松潘番亂總督駱秉章檄鼎募蜀中驍勇士得五百人為獨軍彝字營會四川布政使劉蓉巡撫陝西檄鼎以所部從時粵寇擾漢中偽啟王梁成富據南鄭分兵陷諸州縣且東侵興安境鼎會陝軍分道討擊盡復諸城邑三年二月漢中土寇曹燦章召滇賊藍朝柱自川北進犯陝南前鋒至松花坪將越秦嶺而北檄鼎率所部邀擊遇賊七里溝大破之轉戰八十餘里擒斬殆盡是役也鼎所將才千人破悍賊數萬號奇

清史稿

忠義傳四

十五

捷朝柱黨悉平四月破燦章於八里坪獲之梁成富南寇襄樊不利引而北入興安境山南三郡悉戒嚴鼎聞警自漢中東援而賊已出山焚掠鄂縣遂度渭而北鼎率師沿渭追擊賊不得逞是時蜀寇西北犯階秦謀出山窺蘭鞏乘章急召鼎屯華口四年正月大會諸軍進師階州力戰抵城下督軍以地僻轟城諸軍填壕樹梯而上斬偽昭武王蔡昌榮於陳賊乞降遂復階州十二月蓉合諸軍三十餘營與捻首張總愚戰於澧橋鼎以所部橫貫賊陣殲其衆會天大雪藥繩皆濕軍士僵凍賊突以萬騎穿湘軍陣統將蕭德揚兄弟三人皆戰死軍大潰鼎以千人憑原為異軍湘軍既燬賊悉萃於鼎圍之數十重夜三鼓賊少疲鼎乃結圍陳騎兵居中步卒環外以矛護槍力戰突出櫛晨賊傳城東關意鼎已沒忽賭彝字旗大驚鼎麾軍迎戰敗之賊始退是役也徵鼎西安城幾危六年四月敗賊於大荔朝邑捻寇稍戢而叛回復熾犯鳳翔遊騎及省城西郊鼎移師進擊累破之斬偽元帥一賊東走據富平張家堡鼎追擊夜襲其壘斬賊無算賊由臨津南度渭覬入南山鼎悉力拒之賊不得西十月會諸軍

三二一

追賊至三原旋移援汧陽率步將章占雄徐占彪等先登陷陣大破賊黃里鋪
 追擊至五里坡又敗之七年賊竄甘肅之靈武犯涇州西安迤西汧陽乾郊間
 無慮皆為賊據鼎率所部為遊擊軍隨賊上下相持數月大小數十戰累克堅
 巢甘賊與陝回合悉眾來犯鼎復大破之鼎以戰功由教諭累擢至陝西道員
 賞二品頂戴兩賞巴圖魯勇號至是授陝西陝安道未之任八年回曾陳林等
 糾大眾來犯鼎率所部嚴陳以待賊不得進謀而走鼎追擊十數里涇慶賊悉
 平初鼎督涇州賑撫屯田廣為招徠至是涇州得民屯十三萬畝有奇營屯五
 千有奇鎮原得民屯十三萬有奇平涼崇信各有差軍益饒富甘肅土寇張貴
 為亂鼎一鼓平之左宗棠會諸軍進攻金積堡堡回曾馬化隆偽都也化隆遣
 將據固原抗大軍鼎大破之復其城賊走狄道河州復擊敗之捷聞賞內府珍
 物九年金積堡未下湘軍大將劉松山新戰歿軍事方棘宗棠檄召鼎會固原
 提督雷正綰赴援軍抵牛頭山山峽狹隘為金積堡第一門戶賊恃為天險鼎
 力攻拔之連下數十壘復攻馬家堡環圍三面缺其一設伏以待賊果由缺處

清史稿

忠義傳四

十六

遁伏發賊大敗進傳金積堡盡毀附近小壘師集堡下晝夜環攻遂克之化隆
 父子伏誅餘黨悉平以功賞黃馬褂十三年移防陝北旋丁父憂詔奪情留軍
 中光緒二年六月部將湯秉勳以不給四川咨文之嫌突起刺之遂卒於軍鼎
 治軍素嚴在防所招集流亡開墾荒蕪脩濬堡渠興學課士得軍民心其屯軍
 漢中也曲阜孔廣銘落拓廢寺中鼎軍行經其寺視廣銘題壁詩異之召與語
 叩所學大悅遂延入幕鼎軍所嚮有功半廣銘策也

陳源充字岱雲湖南茶陵州人道光十八年進士改翰林授編修旋授江西吉
 安府先是源充妻易氏以源充遊疾幾殆願天願以身代刲臂和藥飲源充源
 充以愈易氏旋病卒同鄉公舉孝婦請旌於朝源充適召對宣宗垂詢及之遂
 有是命以迴避原籍調廣信母故去任服闋簡放安徽遺缺知府補池州咸豐
 三年粵匪自桐城竄撲廬州巡撫江忠源檄源充赴廬協守賊架雲梯薄城而
 登源充守大東門屢卻之賊復穴威武門為隧道伏地雷官軍迎掘之尋水西
 門地雷發轟塌城垣數丈急搶築城卒完時陝甘總督舒興阿奉命統兵萬五

千人來援屢戰不利賊連日攻益急城中餉乏兵疲十二月賊復穴水西門隧
 道攻入源充自東城馳救至則江忠源已戰歿遂赴文廟自經死先嘗與所親
 謁文廟徘徊庭樹謂事亟吾且死此以無負先師殺身成仁之訓蓋死志素定
 云

瑞春字慰農姓鄂濟氏蒙古正藍旗人由筆帖式洊升理藩院郎中軍機章京
 擢湖州府知府治尚寬平有瑞佛之稱湖州城危急與副將鄂爾霍巴郡紳趙景
 賢激勸軍民嬰城固守景賢主湖郡鄉團多專擅瑞春無所忤嘗曰趙兵隄陽
 之僞我其為許遠乎城陷西門火起朝服升堂賊至脅降大罵不屈被害母章
 佳氏及妻妾二子婦皆死於難鄂爾霍巴字斐堂滿洲正白旗人起家侍衛
 出為湖州協副將湖州初次解圍上守城功鄂爾霍巴以屬邑失守自劾時論
 偉之餉糧久匱困甚以衣物質錢自給每圍急身出巡城而閉妻子於後堂外
 環火藥戒家人曰有不測即舉火無污賊如是者屢矣及城陷在北城督戰策
 馬回署則賊已入廳事手燃火繩藥發圍家盡死時署烏程縣事者為許承岳

清史稿

忠義傳四

十七

承岳字柱山湖南寧鄉人由縣丞擢署縣事誓與瑞春死守千總熊得勝以搜
 米擾民涕泣阻之得勝開東門降賊承岳即騎馬歸署手刃二女自縊於官所
 妾錢氏從死潘錦芳湖州人城圍久趙景賢以江蘇巡撫駐軍上海作血書乞
 援募能犯圍出者錦芳時老病家亦賣酒小康獨激於義憤請行轅轉得達議
 以松江提督曾秉忠率水師絕太湖而西為外內合攻計湖買之在上海者且
 聚資鉅萬餉之行有日矣有尼之者中變錦芳流涕曰老夫出城時糧將罄矣
 兵一日兩粥民食草根樹皮空巷敵處死亡枕藉其幸存者數老夫之行日暮
 待援懼不相及城外賊如麻登高叫呼兵則憑堞應答岌岌將為變鄉人之買
 於此者念在圍親屬其愁迫何如獨恨水師無翼而飛耳彼尼之者何不仁乎
 嗚呼吾不復見趙公矣抵案大呼嘔血以死

廖宗元字梓臣湖南甯鄉人道光二十年進士以知縣分浙江任仙居德清等
 縣有能名權歸安粵逆自廣德進窺湖州宗元建議湖州四面阻山有險足恃
 且城多富室粟芻無虞今甯廣雖潰營將田宗升楊國正皆宗元鄉人若給以

糗糧可使爲我固守知府從其言悉以防務屬之賊至出擊賊知有備引去會
蘇常杭嘉諸府相繼陷賊復擾湖道員蕭翰慶陣亡宗元收其潰卒入城餉之
明日出戰大捷賊敗走有以蜚語上聞者解任聽勘事得白會僞忠王李秀成
陷金華處嚴諸府浙撫王有齡因檄宗元署紹興府時浦江義烏東陽皆不守
紹興成嚴既受篆議調外江嚴船入內港勿爲賊有議設水柵以斷賊道請徵
團防勇丁入城均爲在籍團練大臣王履謙所阻九月宗元令營將何炳謙率
水師出擊戰歿敗卒歸伍富紳張存浩等挾捐輸之嫌誣其通賊毆傷宗元履
謙置不問賊果由浦江入諸暨奪外江嚴船渡臨浦陷蕭山以撲紹興履謙率
姚勇走上虞有開門迎賊者城遂陷宗元朝服坐公堂罵賊不屈死之詔以宗
元力籌防守嚴催富戶捐輸致被富紳張存浩等誣毆旋復禦賊捐軀城亡與
亡實屬大節凜然深堪嘉憫照知府例優議給卹並於死所祠祀以彰忠義給
世職

劉體舒字雲巖雲南景東廳人道光十三年進士用知縣分直隸授廣宗二十
清史稿 忠義傳四 十八

一年揀發廣西署養利知州除融縣進直隸州知州授鬱林咸豐四年權潯州
府事時艇賊梁培友大口昌縱橫水面聞體舒至就撫已而叛去糾貴縣賊趙
洪李七等衆數千犯郡城體舒督兵登陴守禦更番出擊分兵截歸路戰西關
擒斬千七百餘級賊遁迨至河邊燬賊船數十餘匪仍退據貴縣巡撫勞崇光
奏薦堪勝道府任進知府尋授恩權潯州如故五年廣東賊李文茂等溯江
西上犯潯州培友等與之合賊萬餘晝夜環攻絕城中餉道七月穴地攻小南
門陷其郭賊蟻附上官軍奮擊矢石雨下斃賊數百體舒血書乞援八月按察
使張敬修參將尹達章自平南督水師至石嘴戰失利賊詞知糧盡援絕攻益
急官軍饑疲不能拒城陷體舒暨桂平知縣李慶福卸縣事舒樺均被執不屈
死經歷宣元煊自縊典史沈廉赴水死體舒贈太僕寺卿銜賞世職慶福等賜
卹有差

李保衡浙江會稽人山訓導捐同知分貴州同治元年署普定縣知縣時貞豐
回匪陷歸化延及縣屬白巖沙子溝擊敗之粵賊偏安順保衡籌防獲間諜得

賊情豫爲備賊不得逞賊何二竄擾又督團兵兜擊殲賊數百境賴以安三年
調署鎮寧州知州明年署興義府知府時回會金阿渾據新城陽反正陰蓄髮
懷異志保衡率敢死士數十徑抵城下呼之出示以威信阿渾感服離髮就撫
降會馬忠署安義遊擊擁兵驕恣侵知府權縱部卒虐民保衡規之曰既反正
當圖晚蓋奈何若此忠爲歛迹流亡歸集數百戶總督勞崇光疏薦保衡政聲
卓著擢知府丁父憂奏請奪情留任五年以貞豐回匪馬冲負隅檄都司熊忠
守備劉萬勝等進剿賊分股來拒進踞距城三十里八達地方與普坪黑夷王
罰備句結保衡督忠等設伏截擊斬賊無算萬勝亦擊退頂廟賊合師攻八達
罰備勢蹙降於忠忠將至新城受降保衡力阻不聽竟遇害聞變亟調興義
普安團練禦之未至賊偏城下保衡登陴固守或勸以勢急徒守無益蓋逆師
境上爲兩全計保衡曰臣子之義城亡與亡吾知効死勿去他非所知也三月
忠部降卒與賊通城陷保衡巷戰手刃多賊力竭被執罵賊不屈受麟傷死屬
紳劉官禮等以重金募人覓其骸越二年始獲葬署經歷徐海州同李善斗同

清史稿 忠義傳四 十九

遇難詔贈道員祠祀興義海善斗附祀

淡樹琪四川廣安州人咸豐六年以知府候補雲南先是雲南各郡縣漢回相
殺回人據大理諸州縣樹琪至滇境聞變遣家屬還問道至省城次日城門晝
閉得奸人托福托濤搜其家旗幟刀矛咸具事既洩諸回不自安漢人聞回人
之欲相殘也爲先發計一呼而衆合城內外火光殺聲兩日不絕初樹琪以部
曹出守貴州苗匪亂辦賊有聲大吏就問計樹琪因乘間說曰漢回相仇久矣
直漢者曰回曲直回者曰漢曲兩直不相下是助之攻也今日之事誠宜兩曲
之以蓄謀曲回而以擅殺曲漢然後宣布天子威德示禍福利害使各愛其身
家亂庶幾止又請設勸捐籌餉局不十日軍民輸錢米者十餘萬省城事稍定
各郡縣告急警報迭至大吏卒遣樹琪及副將謝周綺防堵碧雞關屬以練勇
三千人樹琪視所屬練勇不習戰餉又不能持久不得已至關關去城三十里
地狹不能布衆乃去關八里朱家祠屯駐時亂回據彩鳳山下左曰三家村曰
二里坡皆賊窟其右則昆陽安陸地大吏責樹琪辦賊樹琪使練目熊載攻三

家村從九品周廷軫攻二里坡周文舉具船五十號攻城前其右則委之安陵州牧尅日逼賊巢至日樹琪與周綺整隊據彩鳳山頂辰已交大霧滿山谷數武外不可辨左右或勸且收隊樹琪歎曰督戰方急而諸路兵又分遣軍令不得失期今日但有戰耳揮隊下山俄報左路敗賊與廷軫死樹琪軍遽潰周綺先走樹琪據嶺畔一大松立僕何彬李秉劉喜楊紳皆有力能戰無何三僕戰死紳持矛擁樹琪樹琪據地呼殺不絕聲賊從後砍紳墜嶺下樹琪旋遇害時六月二十六日距至雲南僅七十餘日事聞贈太僕寺卿

褚汝航字一帆江蘇吳縣人或曰廣東人道光二十八年捐職布政司經歷發廣西粵匪倡亂汝航於金田及新墟等處勦擊出力累功擢知府應會國藩招至湖南與夏鑾督造戰艦練水軍咸豐四年率所部復岳州復湘潭賊犯城陵磯汝航借鑿分路進擊奪賊前船燈偽丞相汪得勝等追殲殆盡捷聞以道員選用尋賊由播鼓臺上竄汝航督兵迎擊敗之賊復以船伏城陵磯夾洲為誘敵計汝航借鑿督都司楊載福等督兵直逼城陵磯賊衆未及抄截被水陸官

清史稿

忠義傳四

二十一

軍分途擊潰夾洲泊船亦被燬以汝航膽力俱壯奏獎鹽運使銜嗣統帥船於下游一帶與總兵陳輝龍等水師排陣合攻多所殲斃並火其舟其時羣賊下竄風逆船膠賊艘復集官軍陷入重圍輝龍及游擊沙鎮邦等俱陣歿汝航等督軍馳救均被鉅創死之汝航條理精密為國藩所重及死尤痛惜焉輝龍廣東吳川人國藩定水師勦賊策輝龍實先以廣東兵船從城陵磯之役自乘拖苦船先發而汝航繼之死事上聞賜諡壯勇夏鑾字鳴之江蘇上元人以附生從九品發廣西盜匪陳亞滋滋事鑾捐資募勇在荔浦修仁防勦保府經歷與汝航治水軍凡器械之屬及營制多鑾手定同復岳州同復湘潭歷保府同知城陵磯之役汝航統帥船進擊鑾於陸路設伏互應進勦至白螺磯蘆葦中賊衆復集鑾手刃數賊躍入水中死之諸生何南青同戰歿事聞均賜卹如例儲政躬字石友湖南靖州人廩生少有大志讀書喜講求管陣攻擊之法嘗於本籍禽治傳習左道倡亂者道光二十九年土匪李沅發作亂踞新寧縣城攻躬督鄉勇從問道馳截要隘助官軍討平之敘功以訓導即選咸豐二年選授

武陵縣訓導江西泰和縣土匪闖入茶陵州巡撫駱秉章檄令募勇討賊八月賊竄安仁縣攻躬俯把總張大楷往援遇賊於安仁縣界地與縣團勇合力兜勦大敗之常寧土匪圍攻藍山縣城六晝夜攻躬復借縣丞王益等會勦陣斬六百餘名賊潰藍山以全移勦股匪於道州四眼橋攻躬繼各營至逼賊而陣奮擊敗之追殲殆盡攻躬為偏將兵不滿五百未嘗出境與大寇戰馳逐衡永郴桂間者先後凡三年旋粵匪竄擾湖南過省城曾國藩在籍督辦團練檄攻躬等各統所部遇之四年正月賊攻寧鄉縣攻躬俯候選同知趙煥聯往援遂冒雪夜發身先馳之抵縣南門城已破賊正縱火焚掠攻躬率勇自礮西林文生楊英華等奪力奪西門入轉戰城南北賊屍填街市悍賊橫截之復挺矛入賊隊圍數而身被十餘槍力竭與西林英華等同歿於陣國藩疏以攻躬寧鄉一戰以五百勇敵賊三千斬賊數百我兵喪亡止十八名賊氣奪夜竄寧鄉卒得保全合邑感激欲為建祠藍山道州戰績擬保同知直隸州撫臣未及彙奏不料遽爾捐軀請照進秩議卹詔進贈道員諡忠壯湖南巡撫駱秉章

清史稿

忠義傳四

二十一

立忠義專祠祀安徽巡撫江忠源等復請以攻躬附祀從之李杏春字石仙湖南湘鄉人少工制藝神清體弱而膽識過人由廩生投効軍營以功用訓導咸豐四年隨寧紹台道羅澤南軍義甯州之戰與縣丞蔣益澧率兵數百當賊黨七八千杏春直馳中路賊潰走諸軍追殺十餘里斃賊六百人復戰嶺嶺賊多墜崖死乘勝偏西門與各軍環攻克之至是累功進同知直隸州進勦湖北通城督兵攻西北澤南自將中軍繼之斃悍賊數十賊狂奔入城諸軍疾躡之奪門入立復縣城賊竄浦圻杏春敗之道口賊踞梯木山率衆攀藤上焚其巢逆首石達開率大股來援官軍分三路應之杏春當右路松林之賊躍馬登山整隊以待賊洶涌騰至官軍突前擊之斬執旗悍賊數十餘人餘衆驚走明日賊衆二萬來犯衆議退師杏春不可曰大軍在後退則全軍奪氣與參將彭三元扼要堵禦鏖戰五時斬賊數百咸寧賊悉衆來援崇陽土匪響應衆數萬圍營三市杏春與三元分路馳突相持兩時許礮下如雨三元戰死杏春勒馬回救墜下勦之走弗從曰彭參將死我何忍獨生馳入賊陣手刃

悍賊一人而死贈知府銜附祀塔齊布專祠

朱善寶字子玉浙江平湖人由監生入貢爲州判勦海州徐州匪保同知署江甯府督糧同知咸豐十年隨總督何桂清駐常州江南大營陷常州大震桂清以守禦事悉任善寶既賊陷丹陽桂清通欽差大臣和春亦走無錫提督張玉良收潰卒營城外亦戰敗賊從奔牛鎮來犯城兵千餘且夕垂破善寶以常州爲蘇浙浙門戶常州不守則蘇浙瓦解卒不去賦絕命詩以見志與通判岳昌勳衆登陴殺賊千計賊將至攻益力城陷戰青果巷被十餘創死之卹世職莊裕崧陽湖人以監生輸餉獎通判銜四川佐駐藏幫辦大臣恩慶治裏塘夷務晉直隸州知州初裕崧遊蜀至是例迴避恩慶疏留辦善後藏事畢改省甘肅同治元年補鹽茶廳同知廉慎自持諳練政治廳屬回目王大桂等以平遠回揚言漢民傳帖約期滅教轉相扇惑於是羣回驚疑謀起事裕崧與涼州鎮總兵萬年新馳赴秦家灣敵營曉以禍福責以大義回衆跪道左咸聽命裕崧等領赴固原遺員分赴各莊回戶皆就撫獨巨賊馬彪馬新成等抗拒不服

清史稿

忠義傳四

二十二

大桂立殺之緣是無一敢抗者事遂定其年秋循化巴燕戎格撤拉回族時出攻剽分擾西甯碾伯隆德河州居民苦之裕崧奉檄與諸軍分道進擊戰屢捷撤回勞瘁相率歸命二年護理總督恩麟狀其績晉知府俄而固原回楊大娃子等犯鹽茶廳年新戰失利直逼廳城裕崧率文武登陴固守踰月賊力攻內奸啟西門遂長驅入裕崧率團丁巷戰矢盡糧絕被執擁至禮拜寺百計威脅嘗賊不屈遂及於難前都司高如岡照磨胡枚皆戰死賊入署執幕友四川舉人易舉索印拒不與並家丁李暢等十一人同時被殺年新湖南人固原失陷馳往查辦賊僞乞降率衆潛至襲擊爲所執不屈死之

清史稿

列傳

忠義五

王淑元

瑞麟

劉繼祖

劉作肅

沈衍慶

李福培

李右文

李棟

陳宵儀

袁祖惠

于松

尙那布

唐治

林源恩

畢大鈺

謝子澄

文穎

張積功

冒芬

施作霖

韓體震

蔣嘉毅

清史稿

忠義傳五

一

鄧玲筠

承順

托克清阿

馮元吉

平源

余寶琨

王汝揆

王淑元字秋查浙江鄞縣人以舉人知縣分發廣西歷權柳城維容平南馬平等縣事授博平調天保會臨桂縣民以糧價重不輸稅大吏欲備以兵淑元在省進議曰民固有所苦得平自服遂調臨桂既莅任爲汰浮收民便之無通賦者道光季年粵匪洪秀全始謀逆其黨李嘉耀潛入省垣煽土匪內應發覺淑元鞠得餘匪匿所悉數掩擒叙功升龍州同知以肅清會匪獎知府銜三十年擢太平府知府旋任龍州時廣西巡撫鄭祖琛憐而踏羣盜起輒務隄匿三十年賊潘寶源等來犯淑元率練丁禦諸距州十里之灣道以次子光頤自隨戰不利兩甚藥濕礮不及發因退回城及門賊已由間道入擁衆逼官廨淑元立堂上罵不絕口呼家衆殺賊賊斫淑元仆地擄之去光頤奔奪賊殺光頤而

投淑元於勤村河盜去三日始出之身首皆裂獨面色如生高延祉字筠坡浙江蕭山人由舉人充官學教習期滿用知縣道光二十一年英夷犯浙江沿海舉行團練延祉率義勇為前驅擊燬夷船咸豐元年棟發廣西與都下親友別即以致身奉國自誓尋署隆安縣事土賊陸鵬理與其黨乃利中凌阿東等屢為邑害延祉集團練遣間諜以計誘殺鵬理捕獲其家屬黨與二十餘人並毀利中巢窟及塚阿東亡命謀復仇糾眾千餘據白山之威城與歸德接壤延祉偕歸德土知州黃為錦率練勇四百進攻沿途搽戮賊探多名行抵袍城距賊城十餘里遇伏軍潰復激勵練勇奮擊殲匪二百餘賊眾盡至延祉挺刃督戰被賊矛中腹遇害為錦亦戰死僕隸多殉之者延祉任隆安七十餘日無日不在外治戰事居縣解僅數日耳民感其保衛之恩爭賻其孤孤辭乃以其貨建祠祀之以從死之僕隸壯勇附同治十一年追諡壯節為錦山東人

瑞麟白氏漢軍鎮白旗人由磨錄議敘巡檢道光五年選廣西鎮峽寨巡檢調主簿擢州判知州咸豐元年授西隆州知州二年二月洪秀全自永安犯桂林

清史稿

忠義傳五

二

敗竄全州瑞麟已卸州事繼任知州曹燮培知瑞麟才深相結納約共守禦時郡司武昌顯以楚兵四百援桂林道經全州燮培留助守四月賊薄城下發礮轟擊斃賊甚夥越日攻益急歷十一晝夜提督余萬清劉長清來援分駐城北太平堡城西魯班橋距十五里外牽制弗能進守者憊甚子藥不繼賊穴城地雷發城崩賊乘入千總葉永林把總張元福死之瑞麟素驍勇遇賊中衝手刃數人力竭身死燮培亦巷戰死賊攻城時多死傷恨甚城陷屠之焚屋舍幾盡文武官紳同時死者著全州營參將楊映河把總卜有祥解餉官四川知縣盧金第安徽府經歷陳垚湖南遊擊余遇陞都司武昌顯千總田慶華馬瑞龍把總盧先振黃志林韓大興外委孫紹全楊清麟田宏義楊大寶龔心仁田宗南武舉唐殿試生員蔣成龍金建勳武生張以敬幕友黃柏彬祝永文朱福坪周希齡孫培駒楊菱舟金家駒朱澤凡三十餘人學正農賢託年七十甫歿棺殮妻殉之瑞麟諡壯節與燮培並贈道銜詔祀京師昭忠祠建專祠全州曰忠忠祀燮培及諸死事者燮培字理村浙江仁和人選柳州通判攝西隆州賓州事

除東蘭州知州權全州性倜儻有吏才不拘節目聲伎滿前然無廢事或規之引文信國公少年時事自解曰他日能學文山足矣人謂燮培無負素志云時死廣西者又有署永安州吳江龍門司巡檢馮元等

劉繼祖江西玉山人增貢生道光十一年以同知分福建十九年除淡水同知以憂去服闋借補知州發廣西二十七年授永康署藤縣時灌陽平樂陽朔等處匪徒肆擾借知府張熙宇督勦殲擒殆盡進知府咸豐元年金田賊敗竄大黃江繼祖率水陸壯勇乘夜攻擊焚其巢以所部練勇失鈴束奪職四年巡撫勞崇光奏請留藤協辦團練尋賊梁培友糾眾攻藤繼祖偕知縣翟登峨等嬰城固守設問出奇擊卻之旋以土賊馮六戴九等接踵至據河干盡焚沿岸舟鄉團來援者不得渡賊眾兵單城陷繼祖受重創與登峨子襄采團長梁文斌等巷戰力竭死之登峨被擄罵賊不屈被害棄屍於河典史冉正棠嗣死獄門詔復繼祖原官賞世職登峨以次死者郵有差登峨字眉峰山東章邱人進士載取選藤縣

清史稿

忠義傳五

三

劉作肅字敬亭奉天承德縣人道光元年舉人選知縣授天河縣歷甯明知州兼明江同知咸豐三年賊眾萬餘攻城相持五月餘解圍去以城守功加知府賞花翎六年署太平知府賊屢來犯禦却之十年復來城中無儲粟賊圍亟守陣者皆走城陷作肅投池水淺不能死為賊擄去以其居官清廉不忍害之作肅乃吟絕命辭絕粒死其弟與僕姚雲吳貴同殉妻趙及子家祥女等皆自盡以子家鳳被執不屈死恤如制賞世職建祠府城二僕並賜卹

沈衍慶字槐卿安徽石埭人道光十五年進士以知縣發江西與國補泰和二十五年調鄱陽縣濱湖盜賊所出沒衍慶編漁戶仿保甲法行之屢獲劇盜俗悍好鬥輒輕騎馳往竭誠開導事寢息兩遇水災盡力賑撫存活無算舉卓異咸豐二年粵匪陷湖北武昌衍慶請兵守康山控鄱陽門戶三年九江陷言四起居民逃亡不可禁止衍慶率練勇巡東門見糧船中數百人謀而前衍慶手刃二人餘黨懼服人心始定賊圍南昌巡撫張芾檄衍慶赴援會合省防諸軍與賊戰大破之賊將東竄衍慶慮賊犯鄱陽請於巡撫馳歸時樂平令李

仁元攝鄱陽事同商守禦賊至與仁元同力戰城陷死之贈道銜立祠鄱陽仁元字資齊河南濟源人道光二十七年進士內閣中書改知縣咸豐元年授樂平民俗剽悍以禮讓教之多感悟有素習械鬥者仁元曰民不畏死然後可以致死今天下多事正此輩效順之時也簡驍健得六百人日加訓練土匪畏之斂迹樂平與鄱陽為鄰境仁元政聲亦與行慶相埒至是南昌戒嚴行慶助勦仁元移攝鄱陽以代之未幾行慶以防賊擾歸縣因仁元父母妻子在樂平亟趣仁元去仁元曰賊且夕且至臨敵易令是謂我不丈夫也遂議併力戰守值久兩湖漲城圯無險可禦於是審度地勢行慶軍南門仁元軍北門為犄角部署甫定賊揚帆大至麾軍撼賊碎賊艦繞東門登岸入城行慶迎擊賊稍卻又繞而北仁元率樂平勇巷戰矛刺仁元踣樹割之所謂猶力戰死者過半卒得仁元屍以出初樂平土匪度仁元去必復來伏不敢動及聞殉難乃倡議迎賊仁元母顧其婦及女曰禍將及矣曷早計皆死之城陷仁元父及弟並不屈死事聞詔贈知府銜與行慶合祠於鄱陽別於樂平建仁元專祠父子塚母

清史稿

忠義傳五

四

陳氏妻金氏弟誠元妹三人妾楊氏及僕婦等均附祀
李福培字仲謙江蘇無錫人道光二年舉人會試十三次不遇考教習補左翼宗學教習期滿用知縣咸豐元年選授廣東從化縣時廣西賊起廣州為賊出沒所從化界連七邑距府城百七十里四年賊逼廣州福培以花縣之石角及縣境之太平場為從化及諸邑屏障請大府屯兵二千兼可斷賊糧道不報乃自募壯丁數百人與典史趙應端及從弟性培分將之七月賊數千直薄城下福培登陴固守率兵民力戰凡七捷斬八百餘級九月援賊大至急解縣印授其子送省會而誓以死守賊昇礮攻城裂數丈賊遂擁入與應端性培等巷戰身受數傷退至學宮尊經閣猶投石礮賊焚閣三人同死之僕周鏞勇丁蘇兆英等皆殉難福培贈知府銜建專祠特設剛烈福培就義處有血影漬地如人形濯之愈顯後任建石欄護之榜曰忠蹟昭然王恩綬字樂山亦無錫人與福培為中表昆弟少以諸生受知巡撫林則徐招入節署讀書稱為篤行君子道光二十九年順天鄉試舉人考充宗學教習勤其職惠親王稽察宗學語

人曰不視此職為具文孜孜不倦者王教習一人而已期滿以知縣候選恩綬幼與福培同學長以氣節相砥礪同居京師夜分論時事慷慨罵諸將吏棄城與軍輒面發赤戟手搏案聲震鄰舍童僕為驚起福培仕廣東恩綬與之書曰大丈夫當此時與老死爛下孰若埋骨疆場耶及福培殉益躍躍欲得一當咸豐四年秋武昌克復大吏以湖北關員請吏部揀發選人方是時武漢再陷再復寇尙蠢蠢至選人皆畏沮不欲行多稱疾謁假恩綬慨然曰若仕必擇地則夷艱摺危杖節之士不復見於今世矣寇何由平冠帶往聽旨果發湖北或言寇深入道且梗盍徐徐行恩綬不可携一子一僕問道疾驅五年二月始至則武昌已被圍巡撫陶恩培嬰城守兵弱餉絕勢岌岌不保官吏藉口出請援師乞大吏檄引去者相屬布政使胡林翼駐師城外恩綬往謁林翼惜其才留贊畫軍事恩綬辭竟縋城入恩培詫曰此且夕死地人忠不得出君獨思不得入今何時乃有此義烈男子耶溫語慰遣之曰君無守土責尙可出就胡管留此身以待用恩綬固不可遂奉檄登陴守禦翼日城陷恩培殉黃鶴樓恩綬與武

清史稿

忠義傳五

五

昌府知府多山督兵巷戰同時死之仲子燮及二僕皆殉明年冬武漢克復當事以恩綬死事狀上聞得旨賜祭葬予諡武愍既而御史汪朝榮疏言恩綬無守土責而視死如歸不特與草間偷活判若天淵即較之城亡與亡亦分難易且忠孝一門僕從皆知赴戰尤足扶植綱常請於本籍建專祠會巡撫郭柏蔭亦疏請建祠武昌詔並許之
李右文字伯蘭順天通州人道光十一年舉人咸豐二年選授湖南東安知縣粵匪犯天津留辦本籍團練以功賞知州銜五年赴官值湖南道梗諸弟馳書尼其行不聽至楚權新密邑屢被寇戶口流亡右文招集撫循凋敝以振七年以最調祁陽時從弟載文殉難廣西弟復馳書勸歸慨然曰死生命也脫捐頂踵報國是得死所也何慮為尋回東安任八年湖南境賊退右文謂眾曰賊敗他竄不可恃亟訓練民團置倉穀數千石備不虞九年春石達開由江西回竄湖南逼近東安新寧紳眾數百人來迎請避賊新寧右文曰吾去誰為守此土者已復請護家口出境又曰是為民望也卻其請眾泣誓死不忍去三月賊屠

至城卑四面皆山賊環瞰之右文集城中官民登陴固守親冒矢石歷七晝夜
轟擊城下賊甚夥城陷與賊巷戰署東身被重創猶手刃數賊力竭遇害賊燔
其屍僅得脊骨歸葬子傑妻郝子婦王及僕婢皆從死新寧紳衆數百亦先後
戰死詔視道員例賜卹建祠本籍隨殉親丁紳勇附祀子傑字小蘭縣丞有幹
略侍父湖南襄督練勇進知縣方賊之回竄也右文知不免作書與諸弟訣命
傑齋往意欲生之也傑不忍去又重逆父命潛避署左右觀賊變賊至率練勇
守南門城陷聞警馳父所未至遇害屍同被焚視同知例賜卹載文字潞帆右
文從弟道光二十四年舉人三十年以知縣發廣西咸豐元年權馬平縣時洪
秀全犯桂林馬平賊李志信響應載文率兵勦捕獲之尋調平南五年艇匪梁
培友由梧州上竄陷潯州擄平南載文禦之渡口賊轟沈其船追擊斃匪無數
賊屢分撲南北岸悉卻之累以功擢同知直隸州六年五月至七月賊膺至水
陸環攻載文偕參將曾廷相張遇清都司唐文燦等嬰城固守困重圍七十餘
日乞援乞餉告急文數十上大吏但空言慰藉載文知事不可為遣親僕問道

清史稿

忠義傳五

六

以縣印檄送桂林獨激厲兵勇與賊相持教諭傳揚清把總呂耀文生員傅揚
芬吳國霖先後戰死賊攻益急載文中礮傷骸痛哭北面頓首曰臣力盡惟以
一死報國然不忍百姓屠戮也縱之去千總方源開城私遁賊乘隙入載文廷
相率勇巷戰手刃數十賊力竭自刎不殊賊擁至船中抗罵不屈並割之是
役也遇清守北門持大刀斫賊三十餘被賊攢刺無完膚死文燦守南城率外
委張珽巷戰死守備張彪守火藥局然火轟斃賊百餘亦戰死載文廷相死尤
慘先是巡撫勞崇光奏薦載文堪勝道府兵部侍郎王茂蔭亦奏保循聲卓著
擢桂林遺缺知府命下載文已遇害贈太僕寺卿銜賞世職建祠本籍同治十
年追諡壯烈

投粵賊設伏問道禽之乘大霧掩擊蓋天王悉俘其衆時武昌漢陽相繼陷上
游諸郡帖然無恐者標平諸盜力也既而武昌復大吏上標功擢荊門州知州
調署江夏縣鍾祥民萬衆攀留不得會粵匪林鳳祥等北犯其後隊自河南折
入湖北陷黃梅趨麻城標率提標兵千人往援擊賊黃岡之鵝公頸江口大破
之窮追至安慶與安慶兵夾擊殲賊殆盡還值宿松警復破賊下倉埠詔以知
府升用諭月賊復自江西大至寇廣濟之田家鎮大吏檄標往連戰皆捷最後
戰他將懦不進標率所部渡江擊賊賊敗走孤軍追賊至興國州富池口賊知
標軍無繼者分舟中賊登岸襲其後標引就水軍水軍走左陷淖中與所部二
百人皆門死咸豐三年九月十日也事聞贈道銜予世職公安鍾祥之民家祭
巷哭奉木主祀之始標為縣所至必於其地夷險豐耗民俗醇訛奸蠹根株人
所疾苦盡知之為治行之出於至誠人樂為用願效死力及其殉難久而思之
同治二年湖北大吏復奏標死事其烈在官政績尤著請宣城及死事所建專
祠詔可予諡剛介

清史稿

忠義傳五

七

陳肖儀字幼泉江西弋陽人嘗遭母喪扶柩舟行江中夜火發四面皆烈儀背
儀以身伏柩上隨江流飄蕩不死柩亦無恙一時稱奇孝年十九官湖北縣丞
擢廣濟知縣咸豐二年粵匪破田家鎮去縣七十里縣故無城垣召募鄉兵皆
望風走肖儀知事不可為持刃坐堂皇賊入數其罪即抽刃自刎未殊賊縛之
曳於市子恩孫奮臂擊賊立殺之肖儀罵益烈賊鑿齒剝頰膚盡見骨三日
乃死賊解其體為五縣民悲憤賊去始斂焉萬成滿洲鎮白旗人道光二十四
年舉人揀發湖北知縣署漢川調安陸咸豐四年匪由武昌北竄陷雲夢時總
督台湧駐兵德安萬成陳戰守二策湧不能用川欲退守三關徐圖克復且與
俱去萬成垂涕曰棄而不守如百姓何與城存亡守土之義也其僕復勸之並
以主人無嗣為辭萬成厲聲曰我家世受國恩若臨難偷生無以對國家即無
以對祖父遂致書邑紳曰禍在旦夕誰之責歟一死塞責不可為臣有辱於親
不可為子願不歸櫬於先人之墓留葬於此以誌吾恨是夜警報沓至萬成召
團練諸紳告以在城兵勇俱隨總督北發已當以死守城又知事必不濟復作

絕命書與士民訣略曰賊已至雲夢勢必來德安我惟攔城固守不能則以死繼之諸君不我遐棄能尋我遺骸葬於碧霞臺下常此北望神京則九原之下感不忘矣踰日賊距城二十餘里台湧擁兵徑去萬成謁知府議救急策甫出署紅巾賊數十突至知城陷抽佩刀與戰手刃數人死之賊焚裂其屍德安復縣民卒收葬殘骨於碧霞臺下以遂其志

袁祖惠字又村浙江錢塘人祖枚以詩文名官江甯因家焉祖惠早慧入貲爲江蘇寶山縣丞兵備道某稔其才以上海縣令姚某清事誣誤去檄祖惠擢縣事且代姚辦漕未五月難作先是縣中團練多闖廣無賴本地游民和之漫無紀律粵匪據江甯爲僞都人心益搖於是小刀會起事小刀會者即無賴游民所結合黨羽散布官役皆爲耳目道故粵產謂中多粵人置不爲備先發難嘉定戕縣官道仍不爲備咸豐三年八月初五日爲上丁祀事日黎明祖惠肅衣冠出賊蟻擁入署一賊號小禁子者祖惠嘗因案懲之首犯祖惠刃交於胸被十餘創罵不絕口死守備李大均得訊躍馬呼殺賊手無械不能戰自經死

清史稿

忠義傳五

八

于松漢軍正黃旗人以檢校藍翎侍衛出爲江蘇松江糧廳咸豐元年春南漕改海運漕船水手將譁變大吏檄松資遣變遂定明年大吏復以資遣事檄松時粵賊已踞江甯爲僞都水手環而嘯呼勢倍前松爲上息內閣計藉其精壯而訓練之不旬日得勁卒二千人會向榮嶺賊圍江甯江蘇境內稍安六年率所籍卒從巡撫吉爾杭阿勦鎮江既成管搏賊銀山下戰屢捷鎮江賊仰息江甯既屢創閉壘潛略高資鎮松以千人馳擊渡夾江平賊營改攻鎮江城以衆夜薄城下梯垣縱火潮勇噪而驚賊賊起燃巨礮登者紛墜松督隊在前鉛丸中額仆牙旗下旋卒潮勇故剽椎名盜居營略賊金故爲賊用敗官軍松死麾下士千餘人悲憤痛哭不忍聞

德深陽界其北尙那布魯死守賊屢逼城下急切無援督練勇擊賊退未幾賊復大集攻城愈迫越日城陷尙那布魯聲叱曰我深陽知縣練勇殺賊我作主速殺我勿傷百姓遂遇害郵贈太僕寺卿銜賞世職時署金壇縣知縣李淮同以城陷殉難淮字小石浙江鄞縣人固守至百餘日賊乘霧登城淮朝服坐堂皇罵賊死之

唐治字魯泉江蘇句容人道光五年舉人大挑知縣分安徽補桐城縣歲大水請帑勸分按口振施不假手胥吏一月鬚髮爲白調祁門舊有東山書院生童膏火取給鹽釐治別籌捐項充經費士商兩便之又立義廩積穀至數萬石時粵賊據江甯安徽改省治廬州賊船上下無所忌上書陳利害不報祁門無兵依山爲城徽州以富名賊欲圍徽必道祁請以兵守又不報而祁之姦民前苦治嚴緝者遂爲賊嚮道四年正月賊入縣屬樅根嶺治招集團丁激以大義誓共城存亡時大洪巡檢鍾普塘亦帶勇入城協守賊偏西門治督衆登陴迎戰敵盡斃匪數十人大股猝至城遂陷猶奮勇巷戰力竭馬蹶與普塘同時被執

清史稿

忠義傳五

九

誘降不可凌辱之不屈以禮遇之終不食飲卒罵賊死普塘同時遇害沈屍於河普塘紹興人賊欲說降之曰吾年逾六十矣即不知羞恥事能再活六十餘耶傳其罵賊尤烈云同治二年曾國藩請於祁門建專祠以鍾普塘附祀賊踞安徽守土吏殉節死者又有泗州知州鄭沅六安州知州金寶樹蒙城縣知縣宋維屏望江縣知縣衛君選盱眙縣知縣許垣沅順天大興人寶樹江蘇元和人君選河南趙城人垣江蘇上元人維屏籍未詳

林源恩字秀三四川達州人拔貢生舉道光二十三年順天鄉試咸豐元年選湖南平江縣知縣二年秋粵賊犯長沙瀏陽通城匪徒皆爲亂三縣皆與平江接壤源恩詰姦守隘如防禦水截然不得蓋江忠源以爲才保奏知州銜又以書播告士友道林某堪軍旅也時國藩治兵長沙檄源恩募平江勇五百人以從旋有他賊自崇陽通城犯平江檄源恩回援壁北鄉之上塔市三月四日賊大至環源恩壘源恩逆戰大捷追奔數十里既而塔齊布胡林翼師克通城平江解嚴師別勦賊仍膺至源恩屢戰卻之會有忌源恩者功不得叙又別據

他事中之源恩憤甚詣大府自陳而譽於辭卒莫能自達遂從國藩九江軍命治羅澤南糧臺乙卯春從克廣信賞花翎又治塔齊布糧臺旋任水師營務十一月又攝理陸軍於廬山之麓姑塘之南而江西巡撫聞源恩賢飛檄至南昌付以所新募之平江營者源恩在廬山又與共事武夫不相能憤彌甚嘗獨歎曰丈夫一死強寇耳終不返顧矣明年石達開犯江西連陷八府五十餘州縣六年三月李元度率師自湖口南來源恩與鄧輔輪自南昌而東兩軍會於撫州克進賢東鄉進破文昌橋堅壁五楮其巢既薄城源恩壁南門元度壁西南隅相去四里賊嬰城拒守堅不可拔當是時江楚道梗瑞臨袁吉四郡無一官軍援賊不時至至則合城賊來犯所部迎擊三十里外輒重創之破賊壘者九大小戰五十有六皆告捷然部下血戰久疲不得休裹創者十之三病者十四五會輔輪中蜚語去在事者多告退源恩勢益孤餉日絀宜黃崇仁兩縣來乞師謂克宜崇則能拊撫賊之背且勸士民輸餉可得十數萬源恩與元度遂分江楚軍共五千徇西路九月三日克宜黃九日克崇仁俘斬各數百忽皖賊數

清史稿

忠義傳五

十

千自景德鎮來援急撤宜崇軍官民苦留不遣將士亦以久飢甫得一飽不能行賊趨撫州十六日扼河而戰水涸賊騎馬飛渡追而敗諸城下先是源恩所部之右護軍遣赴崇仁留三百人守壘賊詢知之詰且出犯先陷右軍遂圍源恩壁源恩慷慨諭將士曰好男子努力殺賊無走也衆皆應曰惟公命都司唐德陞馳入壁掖源恩上馬源恩曰此吾死所也子受事日淺其行乎德陞曰君能死吾獨不能死耶從容解金條脫界其從子某曰若馳去吾與林公死此矣壘破源恩手劍鏖賊力竭死之德陞素驍健格殺十餘賊始被害從死者三百餘人源恩年僅四十追贈道員賜卹如例德陞字彥遠寧遠人舊隸副將周鳳山部下以十五日奉檄來軍十七日及難贈遊擊

畢大鈺湖南長沙人咸豐二年以附生守長沙南關粵賊破城城塌大鈺斂空棺質土爲塙傾刻成三十餘丈隨提督鄧紹良堅拒八十餘日殲賊數千賊自湖北回竄湘潭靖港均陷大鈺復以防省功選用府經歷縣丞湖北崇陽通城陷大鈺復領兵赴勦諜知賊由平江擡長沙絕饋道厲兵爲備賊不得逞行軍

禁騷擾一蔬一木無妄取通城亂久無官爲立團防勦土匪通人安業因其歸報金百萬大鈺却不受四年保川知縣授浙江仙居知縣案無留牘地瘠民貧通賦多大鈺在官民爭輸納尋捐知府浙江巡撫何桂清留筭糧臺檄赴於潛防堵又以開化營警調防婺源初戰屢捷尋賊以三千人圍南關大鈺偕胞姪候選通判榮清合勦賊大至力竭均死之卹贈太僕寺卿賞世職湯世銓字彥聲順天大興籍江蘇武進人道光二十六年舉人咸豐三年以知縣發浙江七年署開化縣時粵匪闖入浙境山常山類化委署者多不肯往世銓獨毅然請行至則募勇防守八年三月賊首石達開擾浙衢州鎮總兵饒廷選戰敗遂偪開化世銓聞警登陴賊突至城陷世銓拔佩刀自刎爲紳民奪刀擁出不得死陰約各都結團且飛書請兵會鶴麗鎮總兵周天孚督軍追擊賊奔處州世銓率團沿途截殺六月縣城復仍因失守褫職代未至仍帶勇守禦七月賊由常山復攻開化江蘇候補縣劉福林帥鄉勇方檄赴甯國世銓請於大府留籍防禦而以城守屬縣丞某且出印印其衣畢遣人覓印至府授代者遂出禦賊

清史稿

忠義傳五

十一

於華埠賊至疊擊敗之會貴州定遠協副將朱貴統兵三千來援戰失利世銓急整隊出倉猝不能成陣力鬪與福林同歿於戰所以印衣覓得屍胸腹腰脅創十數勇目方忠同死於其側事聞復原官卹如例給世職

謝子澄字雲航四川新都人道光十二年舉人大挑知縣分直隸咸豐元年署無極縣二年補天津天津地濱海獷悍難治市有所謂混混者健武善鬥子澄至見前令繫諸混混歎曰是奚不可化者籍其名縱之未幾縱者聞於市子澄按名捕殛其魁地而遂靖時粵匪出擾湘漢順流而東遣曾林鳳翔李開方分兵渡河莫測所向人方謂南北道隔賊不敢犯子澄深以爲憂捐金倡團練召所縱諸混混以周處故事喻之衆皆爲用回民劉繼德復集回民千餘人應之遂率赴教場授器械教戰陣之法其妻亦撤簪珥以助長蘆鹽政文謙歸財與糧隨時協濟子澄得一意練兵未幾賊圍懷慶踰月渡臨淄關總督訥爾經額帥師遁遂經順河柏鄉樂城入深州主闔者務持重雖數奉詔來勦而習於潰逃數避賊其奮勇者尾追數千里氣亦餒賊勢益橫又經獻縣交河以游滄州

滄州號有備亦爲所拔津地大震九月賊至稍直口大吏不知所爲議嬰城守子澄以負郭居民數十萬不應棄之力爭遂用沿河棹小舟以火器取野鴛者又火會衆萬人合水陸拒賊而別向火會首事張錦文籌資先是錦文輸家財溶濠濠成運河水大至環城窪下成巨浸而葡萄窪尤甚子澄阻濠守渡濠擊賊賊酋開山王小禿子手黃旗指揮迅奮剽疾能一躍丈餘避槍擊子澄先伏打野鴨船於岸外賊以爲民船也呼渡船槍發燈小禿子羣賊奪氣伏舟進擊餘賊血流染波日哺軍餒錦文又齎糗糧至戰益奮勇日余鵬龍等相繼陷陣復斬級無算賊遁是役也子澄功最旨以知府用留本任時賊退踞靜海及獨流鎮子澄奉調赴勝保營列營河西賊由獨流出撲屢擊退之嗣靜海賊傾巢出援子澄追剿賊竄正窘會都統佟鑑思絕賊歸路進擊濠板以路滑失足踏地賊刃交下子澄單騎馳救賊洞馬腹身受七傷鵬龍負之趨子澄曰慙矣爾亟行毋顧我賊酋高剛頭薄之忿子澄恐爲所辱沈於河鵬龍率從子棟梁等皆戰死事聞加布政使銜諡忠愍建專祠喪車還津無貴賤皆往吊哭如私

清史稿

忠義傳五

十二

親天津祠落成縣人李某生致高剛頭剖心以祭子澄好爲小詩工駢體文爲政有聲卒以殺賊致殞人謂賊自河北經山西所至席捲無堅城獨受挫於子澄使京師得以爲備其關係尤重云先是賊過臨洛關同知周憲曾公服坐餉箱上罵賊死後子澄以知縣死直隸者江安瀾廣西臨桂人舉人挑教職保知縣發直隸補柏鄉咸豐元年調靜海賊北犯靜海爲畿南衝要大軍援勤供應無乏賊入境借署都司潘宗得等禽斬僞司馬陳得旺大隊膺至官軍衆寡不敵遂潰城陷赴水死破沙河王衡身中七刃死破樂城唐盛朝服馬賊賊縛之柱上死典史陳虎臣從死又馬雲嵐慶雲人州判賊犯縣城率鄉團出禦被執不屈死子龍文從死卹如例予世職

文穎字魯齋趙氏漢軍正藍旗人道光二十五年進士用知縣發山東補蒙陰邑患蝗兩以文穎神皆應調陽信引抗漕釁又調商河濬徒駭河境免積潦時以匪已竄直隸之建通鎮去商河百里募練鄉勇民恃無恐調省主糧事適股匪入東境金鄉鄆城皆陷而陽穀當其衝大吏以文穎有幹才檄令往署至

則城備久弛急號召鄉團爲守禦計是時將軍善祿擁重兵駐東昌飛牒請援置不應憤極抵案曰死耳復何言或諷以出城待援者怒斥曰與城俱存亡豈有臨難苟免之文某哉未幾賊大至割牛袖付僕馳報父母即懷印上城與典史徐風嗜從容出印相視賊入城怒馬馳入賊隊被七創罵不絕口死風嗜及教官李文綬同遇害文穎抵任才五日時咸豐四年二月二十九日事聞優卹立專祠予世職文穎嘗過泰山題句有云此行不了封侯業願把頑軀竊比君蓋以泰山自矢見危授命其志素定云子四三爾豐自有傳

張積功江蘇儀徵人嘉慶二十三年舉人道光十年大挑知縣發山東歷州縣吏二十年初權臨淄前政不善多流亡以誠招徠之皆歸故業即墨飢民滋擾檄往辦理而定朝城民變民間積功治臨淄事即首行館請死諡以理懲以法皆歡呼去咸豐四年三月賊攻臨淄州積功適知州事禦十四晝夜十四日城陷圍門死難初賊過冠縣知縣傅士珍自經死典史瞿濬字菊坪江蘇武進人帥鄉勇出敵遇賊城圍中烏槍洞其脅墜馬欲退保於司獄賊追及刃俾其

清史稿

忠義傳五

十三

胸爲不絕口剖腹死之妻呂氏罵賊被寸磔亦全家遇害時三月朔也

冒芬江蘇如皋人巡檢發廣東補北寨司巡檢調五斗口緝獲盜匪傅敏南烏石姊等有能名擢廣州府經歷調海豐縣丞英吉利擾廣州以守城功進知縣授開平縣縣介新會鶴山間盜賊出沒芬嚴爲條約捕甚多歷權高要曲江乳源等縣咸豐二年洪秀全陷仁化樂昌兩縣分股攻乳源芬募勇三百約都司車定海扼河爲守使鄉勇繞出河岸設伏凌晨賊至官軍隔河礮斃騎馬賊一伏軍薄其後夾擊之賊大潰渡河追擊斬甚衆餘匪吳煥中黃老滿等潛乘曲江龍歸城結連羅鏡城凌十八圍復逞煥中潛至乳源爲邏者獲芬訊得實借千總張鷹揚馳往捕獲黃老滿等頭目十三名解經曲江寺前村猝與羅鏡賊遇鷹揚所部潰散芬率親軍百餘人與賊戰軍火盡芬被創賊奪黃老滿去芬裹創爲書上總督葉名琛極言兩粵賊勢急宜聯絡官民早繕備具越數日傷劇卒卹如例後建專祠

施作霖浙江蕭山人道光二十九年拔貢用知縣發陝西咸豐二年粵賊竄河

南奉檄督練勇防陝境署城固縣知縣七年河南角子山擒匪擾南陽府將竄
陝巡撫曾望顏以作霖練勇有紀律令防商南馳抵清油河距武關三十里賊
已潛由天橋河陷武關作霖偕候補同知曾兆蓉夜冒風雪抵頭條嶺擊卻賊
前敵越四道嶺賊盡至作霖奮下擊義勇厲進作霖手殲悍賊王黨餘賊卻拒
守關作霖直逼關前賊復三面撲熾賊二十餘騎賊攻愈猛作霖分隊擊身受
重創力竭死家丁王建義勇馬永剛等十三人皆死之賜卹諡剛毅賞世職建
專祠

韓體震字省齋河南夏邑人道光二十五年捐州吏目補直隸祁州吏目因父
作謀任文安主簿迴避補山東德州吏目捐升知縣以防堵功獎開缺即選選
湖北通城縣防堵鄰境要隘出力保同知同治元年鄂督官文調赴軍營差委
嗣權孝感縣事孝感屢經殘破城缺不完體震修葺之招鄉勇城守閏八月擒
匪大股分擾京山應城一帶闖入縣境遂撲縣城體震與護軍統領舒保善因
請入城同守始解鞍而賊由缺口入城體震率勇巷戰眾寡不敵身受十傷刀

清史稿

忠義傳五

十四

矛槍子無不備大呼殺賊而死詔照知府例賜卹給世職德克登額字靜庵滿
洲某旗人由筆帖式從將軍都興阿軍累保至副都統記名嘗從攻廣濟守營
壘不眠者七晝夜為人沈靜暑暑不去長衣每日賊平即回家授徒暇則垂釣
黑龍江又曰世受國恩得一日授命疆場則吾事畢矣與體震同守城城陷死
之

蔣嘉穀順天大興籍浙江山陰人以府經歷發貴州旋保知縣咸豐二年署荔
波縣縣毗連粵西粵氛近逼土匪乘之嘉穀內守外禦境內安堵始之任獄多
繁囚半逆黨脅從復有挾私誣告人從匪者嘉穀訊得實俱決釋之時錫糧告
匱或以勸捐進嘉穀曰民被蹂躪久矣忍腹其生而激變乎事遂寢五年六月
林匪復叛與廣匪合約五六千人薄城下嘉穀募勇五百人擊退之時土匪徧
地餉需匱乏嘉穀毀家募勇妻陸氏亦出釵釧佐軍眾咸奮守愈堅以故附近
州縣皆不保獨荔波得存十月賊復至嘉穀部署城防督師出營於水堡與賊
遇戰捷賊小却後見師乏援始無忌慮眾並進嘉穀鏖戰終日傷亡略盡猶裹

創刃賊俄被執賊乘勝攻城城以有備卒不破嘉穀既陷賊怒罵不屈賊束薪
漬油徧體灼之死而復甦甦則罵罵則復灼如是數次乃絕貴州巡撫蔣蔚遠
以嘉穀善政得民力捍疆圍被害尤慘奏入卹世職紳士請捐建專祠允之

鄧玲筠字治齋湖南寧鄉人道光二十三年舉人咸豐六年以知縣發貴州七
年擢知印江縣時黔中苗教匪充斥匪酋以邪教煽亂民有黃號白號等日鄉
剛多叛應之玲筠銳意圖治周巡轄境與田吏奮隻握手詢利病手疏小册用
是能摘發民隱訟者神之思南賊熾地連印江亟行保甲法單騎詣各鄉手自
敦率給門牌如式署紙尾十則曰忤逆曰習邪教曰私結盟黨曰劫掠曰藏匪
類曰竊盜曰容留娼妓曰賭博曰鬥毆生事曰唆訟各擇紳董之犯者同甲
勿與齒改悔者許具狀於各條下加小印曰自新其頑抗及無人敢具保者治
之且計月以驗紳董之能否加勸懲焉又加意課士割俸給書院發錢與講求
正學並及軍政士皆畏愛之勸民修水利立法詳盡易曉或親履指示不以勺
水擾民邪教感眾為文告抉摘其謬婦孺能解簡壯丁數百親教之擊刺法是

清史稿

忠義傳五

十五

年十二月賊陷思南將犯印江印江故無城出營於雲泮禦賊賊以書請假道
焚書斬其人賊從間道襲治所玲筠袖銅椎斃三賊賊環攻復出銅錙格鬥賊
莫敢近忽四山火起乃突圍抵銅仁乞師得練總王士秀領五百人一日夜行
三百里民見玲筠歸奮躍復得壯士千餘仍從至雲泮是日大霧人馬對立不
相見謀而進賊奔自相蹴踘墜崖死者無算復追百餘里戰中墮螺生溪戰
袁家灣皆捷八年春知府令玲筠越境勦賊知府先聞賊畏玲筠立鄧字旗儀
賊故嚴檄三至縣民苦留玲筠慨然曰郡守檄縣令安敢違且殺賊固無分眇
域也以千三百人往師次分水壩賊混連糧者入營門變作眾驚潰玲筠親搏
戰飛石中首手格殺一賊足後被創遂及於難喪其元後軍聞失事憤極殊死
門殺聲與哭聲併卒奪玲筠屍還乃樹忠憤幟誓復讐賊懼退屯八十里喪歸
士民大慟爭致賻賻有負販備挈錢四緡將進鹽悉以充賻或曰如爾家何備
哭曰公死吾屬無葬所矣何家為民懷其德立祠祀之並刻遺集曰鉅業堂稿
承順修佳氏漢軍正藍旗人由文生於咸豐四年隨其父甘肅甯夏鎮總兵定

友出征湖北累功擢至通判發甘肅歷權宿夏鹽捕通判平番縣事授甘州撫
赫通判所至有聲同治元年西甯撤回就撫大吏以貴德應孤懸大河以外漢
民與番回雜處治理不易檄承順往署適番回械鬥承順為之平怨息爭番回
悅服值河州回匪倡亂甘涼甯肅一帶響應貴德回民洵欲動承順勸導解
散以被難婦孺置署中別院撫養數年有主者認還無主者擇配由是漢番感
戴回民亦懾其威時西甯所屬各廳相繼淪陷貴德一廳孤立賊中者六年城
中回民暗結陝回謀亂承順密調兵勇入城嚴為之備回首馬桑三等率眾千
餘人攻城承順登陴抵禦礮石雨下斃賊頗多城內回民開門應賊遂陷承
順率勇巷戰身受重創厲聲罵賊賊怒斷其左臂罵愈厲復斷其右足罵如故
遂斷其首而支解之其弟議叙知縣崇順監生吉順扶其母薩克達氏至屍所
哭皆遇害家丁李文忠等七名同時死之事聞郵贈道銜給世職貴德士民
復以死事狀赴都申訴御史吳可讀疏言青海辦事大臣玉通疏報祇及承順
被害情形猶感於當時回眾拘集漢民勒寫官信民反漢回同謀戕官之說後

清史稿

忠義傳五

十六

經查覆於精忠大節仍未述及在承順為國捐軀光明俊偉於願遂矣遺愛在
民漢番男婦老幼呼為活佛誤觸其名即童子皆呵禁之在朝廷為有臣定安
為有子甘肅為有官闔門全節尤為一代完人再懇優卹光緒初元陝甘總督
左宗棠覆奏謂承順死節奇偉一時僅見綱常名義不因品秩等差而別則表
揚較名位尊顯為尤亟請官為建祠并予設法以勵人心疏上允之設勸懲
托克清阿字凝如滿洲正藍旗人道光十四年舉人大挑知縣發甘肅著環縣
安化知縣及土魯番同知以清查事績級成豐元年捐復原官補皋蘭時回捻
擾陝甘土匪聞風響應侍郎梁瀚治團練疏薦之總督樂斌亦以其任事果敢
檄署秦州直隸州知州尋實授同治二年逆回竄甘南州境戒嚴托克清阿募
壯勇繕器械力籌守禦賊竄秦安率軍迎勦屢挫賊糾大股至眾寡不敵力
戰死之事聞詔以道員從優議卹秦州及本旗立專祠後秦州承其規畫防禦
嚴密境獲安全四年秦州士民以托克清阿忠貞孝友慈惠嚴明潔己愛民禦
災捍患在任時民皆安業賊不入境遺愛餘威實足固民心而寒賊膽願請加

恩賜諡總督恩麟據以入告特詔允之予諡剛烈

馮元吉字景梅浙江山陰人由供事議叙從九品分廣西歷署貴縣五山汎凌
雲平樂司巡檢道光二十八年授宜山龍門巡檢咸豐元年金田賊由武宣東
鄉逃竄都統烏蘭泰提督向榮總兵秦定三等節節追勦賊竄象州兵勇不能
禦直至大樂城轉掠龍門元吉率鄉兵禦之戰敗馳回署衣冠坐皇堂二子澍
溥侍立家人請暫避元吉厲聲曰身為命官不能殺賊安民走避偷生吾不為
也歷二子出皆痛哭不去賊至父子抗罵同遇害家丁嚴祿夏玉俱死詔以元
吉微員從容盡節澍溥從父殉難忠孝堪嘉贈鹽運使司知事銜賞世職建專
祠澍溥附祀

平源字沛霖順天大興籍浙江山陰人由吏員叙典史發安徽咸豐二年署懷
甯縣典史恤獄囚嘗曰囚死於法可也死於非法不可也眠食皆躬察之粵匪
犯安慶事急囚譁欲脫械去源至囚曰此何時也公胡弗自便源曰此若輩所
以犯刑也死可苟免耶囚曰公不去囚何忍去俄而城陷巡撫蔣文慶遇害餘

清史稿

忠義傳五

十七

官皆走源獨冠服坐獄門外賊至脅之曰若降官若不然飲吾刃源曰刃則刃
耳吾豈受汝脅者賊曳至懷甯縣署外殺之速死罵不絕口安慶人思之為立
石於殉節處時又有張寶華者為望江縣典史聞城陷視其妻賈氏自經畢冠
服坐堂上罵賊死華陽鎮巡檢王泗同時殉難盱眙縣典史周來豫後於九年
助守縣城力戰墜馬死

余寶銀江西德化人附貢生捐知縣道光十六年選授浙江景甯縣以才力不
及降調復捐縣丞發貴州咸豐五年三月署麻哈州吏目四月仁懷縣教匪楊
瀝喜竄麻哈隨知州何鍾擊却之尋盜魁陳大陸糾苗匪來犯復隨鍾出戰賊
退遂率眾攻拔下司巖下雞場等處扼茅坪山悉力堵禦未幾賊眾益眾勢不
能敵退州城賊旋陷都勻府提督孝順兵至茅坪被圍寶銀率團兵隨總兵佟
攀梅援勦圍解自是無日不戰互有勝負巡撫蔣蔚遠檄雲南降將陳得功隨
孝順攻克都勻進援麻哈官軍勢復振得功旋叛去孝順軍潰賊大股圍州城
三日寶銀率鄉兵登陴固守賊不得逞七年城中糧盡兵益單寶銀自督與城

存亡八年正月賊悉眾來攻寶銀出北門迎敵不利入城賊已自他門入寶銀持矛巷戰賊不忍害揮令去寶銀怒罵擊矛刺之賊奪矛還刺死之

三汝揆甘肅伏羌人道光二十年舉人揆選知縣親老改教職咸豐間授平涼縣教諭同治元年陝西回匪竄乾鳳甘肅境汝揆上書平慶涇道萬金鏞曰賊西偏鳳翔必分黨由汧隴間道趨秦安東北構煽醜類宜及其未至扼險嚴防不然內應且四起平涼擾則靈固狄河等州縣亦危矣言未及用賊尋由固關踰隴張家川蓮花城土回應之陷鹽茶及固原金鏞死之平涼戒嚴汝揆議盡毀城外民舍無令賊倚為障蔽議不行未幾賊圍平涼汝揆協同守令督率生徒登陴固守衣不解帶者六閱月一日偵西北二路賊少可擊謁知府田增壽請率壯士縋城出勦又不許二年賊圍民舍掘地道納火藥轟之城遂陷人皆泣曰早從教諭言事豈至此乎汝揆還署易朝服北向叩首訖妻汪氏暨女一孫女一皆死乃從容就縊於孔廟鐘簷以殉汝揆性質敦孝友居親喪不入內不御酒肉弟印揆客西甯久音信之絕汝揆往尋之風雪中徒步千餘里

清史稿 忠義傳五 十八

卒挈其弟以歸平生肆力於經籍家居課徒以窮經為急輒點勘善本授之助以立品敦行其官平涼亦以是為教期年訟庭無士子迹當城未陷之先兩月有門人馳書勸引疾歸謂可免難汝揆曰無疾而稱疾是欺也食祿而苟免非義也乃為書與戚友訣略曰我生不辰逢天瘳怒向者耳聞之今則目視之平郡自二月以來圍困日迫飛書告急援兵無一至者汝揆妻女行當自盡決不受辱於賊手死者士之終今誠獲死所矣惟官卑不得展一籌以報國死有餘憾耳三年官軍克平涼總督楊岳斌請優卹六年總督穆圖善疏陳汝揆死事狀請照陣亡例議卹贈國子監助教銜給世職又命於本籍建祠以從死之妻女等附祀

清史稿 列傳

- 忠義六
- 齊清阿 童添雲 三
- 蕭捷三 蔡應龍
- 蕭意文 賴高翔
- 劉德亮 陳大富
- 陳萬勝 王之敬
- 陳忠德 黃金友
- 蔡東祥 鄒上元
- 郝上庠 張遇祥
- 曹仁美 毛克寬
- 田興奇 馬定國

清史稿 忠義傳六 一

齊清阿字竹騰納喇氏滿洲鑲黃旗人早喪父母氏撫之家貧月夕至撤去燈火斂力過人取巨磚置平地擊之立碎以善射得名嘗隨扈盛京命射中靶賜克食道光六年發閩浙以都司用補浙江杭州營都司為總督孫爾準所賞英吉利船入犯獻燒船退敵策不用遞擢至廣東肇慶協副將三十年廣西金田亂起檄令率兵至兩粵交界開建縣堵禦匪二千餘船四十餘從縣北金莊偷越督兵進擊斬其酋二人餘敗竄自是不敢犯境咸豐元年廣東屬江谷屯積匪滋擾廣東兵會剿竄廣西懷集一帶至賀縣屯聚廣西大吏以廣東各官惟知驅賊了事移文廣東詰之總督徐廣縉檄肇慶府知府蔡振武參將左忻赴廣西剿賊道出開建齊清阿以越境追賊須重兵制其死命願統駐劄開建之師同赴廣西守備薩國亮以無越境剿賊之責諫齊清阿奮然曰賊勢蔓延若畫分畛域何以紓民困而報國恩吾雖逾七旬精力未衰正臣子戮力時也遂與振武等督兵入廣西境至賀縣鋪門圩復進至蛋家坪距賊巢里許賊突出數百人撲營官軍迎擊之斃賊數十人賊退回松圩在圩內施放大礮官軍避入田中火藥槍繩盡濕賊復分隊挑戰抄官兵後熱火燒山齊清阿督兵以

槍擊斃賊七十餘人值日暮孤軍無援深入被困事急擊佩刀連刃數賊肩中
火箭猶拔箭作戰手刃執旗賊目一人刀折沒於陣手握斷刀牢不可開怒目
上視懷然如生時咸豐元年四月也郵贈總兵賞世職子諡威烈

童添雲字鎮銘湖南平江人以貧借弟必發走長沙為戰兵饒膂力能開五石
弓射必命中道光二十二年從提督楊芳出師廣東一日夷撲城有營在城外
芳欲調入火攻甚熾募敢死者持令縋城出添雲應募少選兵皆入城芳奇之
咸豐二年粵賊圍長沙與必發從守城圍解添雲語人曰吾觀諸將中能稱將
才者惟塔都司與彭千總耳塔即塔齊布彭即三元也會塔齊布練標兵添雲
練麾下三元時別將一營深相結納茶陵土寇起塔齊布命解火藥期三日添
雲逾宿至吃曰何速也添雲曰遲恐有阻則貽誤大矣四年三月賊陷湘潭塔
齊布帥標兵等拒戰添雲與必發從時賊踞城外民團塔齊布好輕騎觀賊策
馬入黃龍巷必發先驅巷狹而長甫入賊突出刺塔齊布必發急以背承之中
肩塔齊布跳而免必發死之越二日師大捷湘潭平擢守備以賞之添雲憤然

清史稿

忠義傳六

二

日賊狀吾弟雖官至一品弗顧也願生啖賊肉耳何賀為遂由湘潭轉戰至岳
州從克岳州擢都司克武昌擢游擊克興國大治黃梅廣濟破田家鎮擢參將
添雲身長而赤頰以下痘癩如錢橫矛陷陣槍丸如雨不少却賊見其旗輒相
語曰童麻子至矣則皆走五年十二月攻九江城破傷胸昇歸營卒發其筒衣
數領而已同營皆痛哭之詔贈副將諡壯節附祀塔齊布祠彭三元字春浦湖
南善化人道光二十五年武進士用衛守備借補千總咸豐二年粵匪竄湖南
道州勾結會匪犯東安三元借署守備周祿兩次迎勦殲賊多名二年叙省城
防堵功用守備侍郎曾國藩檄寶慶知府魁聯募勇千名分屬三元五百人
旋平江西泰和土匪於茶陵安仁四年隨副將塔齊布剿賊湘潭復其城六月
進攻岳州是時湘潭潰賊由靖港竄岳州增壘設卡為久抗計巡撫駱秉章暨
國藩會督戰船塔齊布亦統陸路官軍約期並進先以疑兵誘賊擁至觸伏
盡殲擊沉賊船百餘隻遂復岳州七月賊水陸大至官軍迎擊悉焚其船其由
陸路來犯者三元沿岸截擊殲賊目一餘匪百餘生擒四十餘名嗣賊由高橋

撲鳳凰山大營塔齊布督率將弁進勦三元出奇抄截分路迎擊斃賊六百餘
名八月匪於崇陽交界設卡抗拒九月三元借候選知府羅澤南分路進攻抵
其壘痛殲之尋隨塔齊布由嘉魚轉戰而前所向披靡直抵武漢塔齊布分軍
三路一攻武昌一攻漢陽一由水路進勦時風勢順利官軍縱火焚賊船數十
隻乘勢衝擊斃賊無數漢陽賊大懼棄城遁武昌賊亦遁遂復之三元並截於
洪山要隘斬賊甚多十月借澤南進屯馬嶺均直偏半壁山賊悉聚至官軍徑
擣賊壘賊狂竄三元等分途截殺斬偽丞相林紹璋及偽將軍指揮等越數日
賊復由田家鎮渡江來犯塔齊布擊卻之列隊江干賊偵官軍盡赴下游徑從
上游登岸將掩襲澤南老營三元馳至率眾奮擊追至牛磯磯毀其船斃賊百
餘餘眾潰遁時三元累功擢至游擊捷入進參將旋隨塔齊布進攻黃梅時湖
北踞匪招安慶援賊併入廣濟塔齊布擊走之賊敗竄黃梅官軍追剿至大河
埔十一月軍至黃梅塔齊布借澤南攻北門三元列陣橋西以遏賊衝塔齊布
澤南自城北溝港中取道入三元等亦由城西越二橋從柵門躍入賊驚竄官

清史稿

忠義傳六

三

軍四面兜圍其由營壘突出者殲滅殆盡克黃梅移剿九龍驛擒偽丞相余福
勝大軍復渡南岸攻九江城三元戰績最多五年二月武昌復陷八月塔齊布
病歿三元副澤南回援武昌九月復通城進帥崇陽賊夜遁遂克之國藩疏保
堪勝總兵人員三元得記名以總兵用會湖南防兵戰蒲圻羊樓峒失利澤南
飭諸營移住羊樓峒賊上犯獨率三元及湘副中營官李杏春駐崇陽於是
乘勝攻蒲圻斃賊數百賊首石達開率賊大至三元等分路抵禦屢戰多時斃
賊百餘翌日賊悉眾來攻繞營三而眾寡不敵遂歿於陣贈副將銜附祀塔齊
布專祠諡勳勇三元忠勇識大體嘗戰漢頭堡忽訛言子瑾光陣亡左右以告
三元急止之曰速擊賊無以吾子阻士氣督戰益急陣歿之日將出隊馬忽蹶
齧三上三墜眾以為不祥杏春亦同時歿於陣

蕭捷三字敏南湖南武陵人由武舉投營効力擢千總咸豐二年以守省城功
遷守備署湘陰千總四年賊陷湘陰坐免曾國藩奇其才檄領水師既克岳州
沿江進剿閏七月敗賊高橋城陵磯進攻掃鼓臺捷三借李孟羣楊載福等搜

捕兩岸伏賊俘賊甚衆乘勝追至六溪口平賊壘燬賊船殆盡水陸各軍遂進
 抵嘉魚以功復職授永綬協守備八月進規武漢水師分兩隊捷三率戰艦爲
 前隊冒敵駛至鸚鵡洲擲火球焚沿江賊棚賊不支揚帆下遁急駛出賊前燬
 其艦重渡江攻漢陽朝宗門外土城借載福等殊死戰焚漢口以內賊船皆盡
 會陸軍破花園賊壘武昌漢陽同日復進都司時餘賊尙據襄河乃扼新灘口
 派流進剿賊艘千餘連檣下駛迎擊敗之追至上游突有悍賊數舟用火彈撲
 營灼捷三頭面手足幾死仍裹創力戰追剿二十餘里襄河肅清尋偕彭玉麟
 敗賊蕪州釣魚臺骨牌磯遂大破田家鎮逾九江直趨湖口先是江西吳城戰
 艦數百淪於賊賊實沙石沉湖口截江路於對岸梅家洲築城環列巨礮拒官
 軍十二月捷三駕火舟徑衝賊棚燬賊舟百數乘勝駛入內湖泊大孤塘游擊
 孫昌國黃翼升等出賊不意焚內湖賊舟二百餘賊益囊土塞湖口水洄師弗
 克歸賊以小艇雜外江巨艦中潛縱火水師驚潰潰國藩大營泊九江北岸亦被
 焚襲捷三陷入內湖內外隔絕以忠義激勵將士軍心彌固五年國藩入江西

清史稿

忠義傳六

四

益大治水師疏薦捷三忠勇曾游擊四月敗賊難公湖復都昌五月賊由大孤
 塘上犯捷三逆擊屢敗之青山奪回舊所失帥船及賊魁綠艦巨艦秋七月國
 藩檄平江營陸軍渡湖約水師夾攻湖口克之賊退保石鐘山堅壘捷三率十
 七舟銳進遙見陸軍圍石鐘氣益奮方衝越賊艘上下夾擊而下石鐘山梅家
 洲賊壘燬齊發捷三中礮死詔贈副將諡節愍賞世職九年建石鐘山水師昭
 忠祠祀死事將士三千餘人捷三爲之冠周清元字玉泉湘陰人世業農時與
 羣兒角戲於牧場立表數十步外飛石命中掘溝數丈跳越之能往復十次羣
 兒皆出其下同里左明志以拳勇鳴於鄉招致門下傳以技言天下幸無事有
 事則清元暨子光培皆驍將也咸豐二年冬賊自益陽竄臨資口清元混迹市
 中默識其軍卒舟艦糧械之數聞提督向榮尾追至八字哨相距二十里遮道
 見榮曰廣西能戰賊不過三千餘人餘皆裹脅也臨資口四面阻水湘包其東
 南資繞其西北數十里平原渺無障蔽賊所擄民船笨重不易行一炬可盡也
 請以兵扼要路使不得偷渡賊糧盡旬日當餓死何怯而不爲榮不省固請榮

叱之退賊遂從容駛去及東南糜爛清元嘆曰賊自走絕地向公縱之去能辭
 咎耶三年國藩大治水軍清元與光培同應募練千總楊載福部下載福嘗爲
 湘陰汛外委夙才清元捷三官湘陰時亦知清元驍勇故戰必與俱四年賊踞
 湘潭載福等帥水師進剿時賊掠民船數千旗幟蔽兩岸水軍本新募又經岳
 州新挫望之奪氣清元言於介衆曰民船不能戰一炬可盡也遂隨載福猛擊
 逼賊巨艦賊倉卒以盜盃來擲清元手接而回擲之中賊渠載福躍登賊舟清
 元隨躄身入用火球分擲左右舟風烈火大熾賊爭赴水死從軍見火起急焚
 爭進分途縱火燬賊船皆盡以功拔充哨官隨攻克岳州嘉魚八月攻克武漢
 受重創力疾進剿蕪黃田家鎮皆有功五年武昌再陷隨彭玉麟回援駐金口
 扼上游每戰必先不受創不止六年胡林翼攻武昌經歲不下讓先斷糧路
 困賊乃檄水師清江面賊船清元時典水師副後營率先下駛越武漢二城直
 駐沙口屢敗賊駐沙口八閱月賊糧斷城賊乃困十一月二十二日清元由沙
 口帥師上擊先破賊浮橋斷其鐵練大戰黃鶴樓下被礮傷力戰不退各營繼

清史稿

忠義傳六

五

之遂克武昌未幾以創重卒於軍年二十有六清元時已洵保參將詔視副將
 例議卹諡貞愍賞世職石鐘山昭忠祠捷三冠而清元次之
 蔡應龍江西樂平人由行伍洊升千總道光三十年升廣西永甯營守備咸豐
 元年七月提督向榮擊賊於東鄉馬中礮斃應龍以所乘馬授榮步行接戰立
 斃賊三八榮乃得免欽差大臣賽尚阿以聞授梧州都司二年曾游擊三年五
 月江南賊掠商船泊觀音門外時榮官欽差大臣飭應龍偕知府陳景曾馳往
 諭以大義船戶各懷悖聽命自焚其船押船賊無一得脫者計焚燬及逃竄千
 餘艘遺散水手萬餘人時賊踞城外街與雨花臺相犄角應龍潛師過雨花臺
 至街尾縱火燒賊壘賊驚遁官軍截擊之斬賊無算四年升全州營參將五月
 大兵圍偏江密賊拒守不出應龍登鍾山望太平門外賊勢賊見官軍少包抄
 而上應龍且戰且退以伏兵擊賊大敗之時賊船膺集於江北七里洲應龍駕
 小船入潛薄北岸射火箭燬其船二十而大隊賊船適至應龍舍舟陸戰然礮
 擊沉賊船數隻閏七月擊賊洪武門斬首數百級復連敗賊高橋門等處三日

斃賊數千賊猝於雨花臺武門突出撲七星橋營應龍擊卻之旋升楚雄副將十月賊造木障上施木城列巨礮沿南岸下駛至八卦洲閣淺應龍乘夜發火燒之賊爭赴水死官軍突煙上解擒斬餘黨淨盡時浦口九洲洲久為賊踞以梗官軍陸軍攻之賊船來援應龍統帶紅單拖各船截擊賊敗遁官軍遂奪九洲洲十一月赴秣陵關查勘地勢還言於榮請乘虛襲板橋賊營既可援應水師更可抄出雨花臺上坊橋諸賊營之後遂率千人間道襲擊街外賊敗走餘賊悉擊死守復急攻之焚其壘五年九月官軍為蕪湖援賊牽制應龍攻奪米家嶺賊壘二廣福磯賊壘四賊旋於丁橋一帶表延築壘其地則外圍塘港中間小路應龍率師攻擊時許遠壁軍退誘賊過而擊之殲溺無算六年江甯賊分股至楊家壩陳莊築壘欲窺倉頭應龍與總兵張國樑分路衝擊斷賊為二賊敗竄歸巢三月督兵攻拔炭渚下蜀街太平橋一帶賊壘七燬沿江賊卡十餘處殲斃四千餘人五月赴授官國戰歿榮以聞詔以應龍在密灣力戰身亡命優恤諡勇介給世職

清史稿

忠義傳六

六

蕭意文字章甫湖南湘鄉人初隸羅澤南麾下從征江西湖北累以功至參將咸豐八年李續賓征皖北從克潛山太湖舒城桐城進攻三河鎮三河鎮者舒廬適中地賊屯糧械以濟廬州金陵者也築大城環以九壘備嚴甚續賓銳意攻取十月分三路進剿意文攻河南老鼠夾賊壘石先進各營繼之縱火焚其壘賊大亂意文受礮創殊死戰奪柵入九壘皆下賊盡殲無脫者官軍傷亡千餘意文以創重歸營卒詔贈副將諡剛勇續賓部將以敢戰著同死三河之難者彭友勝劉神山均見續賓傳周福高字子祥亦先從澤南援勦江鄂續賓接統湘軍福高無役不從以小池口梅家洲諸戰尤用命累官至參將軍抵三河援賊屠至諸將知戰必敗無鬪志福高憤然曰男兒效力疆場寧可逆計禍福則死耳吾輩畏死不來矣既至此敢惜死膽壯志遂慷慨赴敵力戰而歿詔贈副將諡敏烈彭志德字道一隸湘軍每戰必為前驅居人後累官至參將三河之役諸營皆潰志德率所部貫賊陣突出死者過半身受重創走入中右營與副將李存漢等竭力死守越三日營陷死之詔贈副將諡武烈李存

洪以鄉勇隨剿廣西江西湖北等省累官至副將未抵三河鎮之先進攻舒城者凡五營並西北面賊壘獨存洪一軍攻東南城門壘既破賊以存漢故弗能救旋棄城遁追斬無遺續賓被圍三河調桐城戍兵未至事迫誓必死存漢等皆跪泣願從死以報國續賓陷陣卒存漢與道員孫守信等堅守待援力持三晝夜營陷存漢率壯士衝賊陣越濠走保桐城賊大至城破存漢巷戰歿詔贈總兵諡果愍福高志德存漢均湘鄉人並附祀續賓祠同時游擊杜廷光王懷興均湘鄉人均以苦戰陣亡

賴高翔福建和平人少入行伍累功至千總咸豐三年潮州小刀會匪糾土匪陷漳州高翔從總兵饒廷選討平之擢漳州城守營都司四年漳浦古竹社匪戕官擾亂築石堡自固官軍久攻未拔高翔偕龍巖游擊馬至元漳州鎮左營游擊惠壽等冒雨直搗賊巢賊固守不下高翔夜偕勇首畢定邦潛師梯登克石堡斬獲無算餘匪乘夜奔竄窮追至海汊皆赴水死漳州平六年江西邊錢會匪糾粵賊陷新城貴溪謀攻廣信知府沈葆楨以血書告急于廷選高翔時從廷選駐防玉山倍道赴之廷選軍素無部伍唯高翔與定邦以敢戰名行不齋糧止不為屯故赴急易軍至廣信寇旋至背城擊賊屢破之賊來益眾幕府文員皆懼愆廷選還軍高翔定邦怒曰諸君怯何如勿來今我在城中賊不知我虛實以我能援廣信後路必有大軍若棄城遁賊知吾兵寡氣益壯追殲立盡尚何浙境之可歸耶當為諸君決死戰翼日觀吾破賊乃借定邦開城縱擊自晨至日晨盡毀城外賊壘斃賊三千餘斬渠帥數人賊駭遁論功以游擊用廣信圍既解廷選還浙高翔留駐廣信明年七月樂平賊踞縣城將軍福興檄高翔往剿賊眾五六千分道抗拒高翔督都司馮日坤勇目刁士樞等迎擊賊殊死鬪高翔突陳負創戰益力擊斃黃衣賊目橫衝賊營賊大潰乘勝躋之生禽偽指揮遜天侯等餘賊竄景德鎮遂克樂平移防弋陽八年二月補游擊臨江餘寇合撫州賊趨廣豐福興退駐廣信高翔自弋陽聞警赴援轉戰至鉛山之石塘賊勢益盛兵寡援絕力戰死贈副將給世職畢定邦字康侯山東淄川人以武童投効漳州軍營小刀會匪陷漳州紳民輸款游擊饒廷選約內應定

清史稿

忠義傳六

七

邦率建勇助戰最力從復府城以次討平雲霄漳浦賊匪斬獲尤衆復討平
仙遊會匪總督王懿德檄定邦率仙遊得勝之師問道馳勦冬夜四鼓蛇行進
將賊堡附近釘桶竹籤拔除黎日奮勇梯登與高翔同有功復與高翔同解廣
信圍累擄至參將七年粵賊竄圍建甯分黨陷邵武浦城定邦奉檄援閩率部
衆疾趨抵賊甯直前搏賊賊由建陽逃竄復糾鄉團夾擊賊斷七星橋抗拒令
鄉團伏山腰張帳以疑之躬率勁旅迫橋以輕兵由淺處渡河前後合攻賊殊
鬪黃衣悍黨數十層出盡決盡殲之賊大奔毀賊壘十一焚逆舟六十直逼建
甯臨江門大股賊復來犯縱擊敗之斬悍目六斃賊數千踏平城外賊壘遂解
建甯之圍進擣邵武克之遷參將復督鄉團勦平浦城之賊閩邊肅清以副將
升用進勦白水墩賊匪中彈卒于軍年二十六給世職諡愍烈與高翔同祀
廷選祠

劉德亮湖南長沙人咸豐四年投効水師營隨道員褚汝航等破岳州賊又
隨知府彭玉麟克漢口鎮五年勦賊武漢蕪黃間大小數十戰德亮皆衝鋒陷
清 史 稿 忠義傳六 八

陣又隨軍斬斷橫江鐵鎖擊沙洲爭渡之賊嗣借都司胡友亮堵賊童司牌焚
內湖賊艇並燒浮橋尋與游擊孫昌凱會勦黃梅賊破其要衝八年福建陸
路提督楊福等攻九江發地雷轟塌城垣賊由龍口河傾壁出竄德亮率所
部登岸截擊殲數百人復府城又隨賊福軍進規安慶先破大通賊壘趨銅陵
德亮麾隊攻其北直逼城下身受七傷猶裹創仰攻不退池州賊黨萬餘來救
安慶擄民船渡至樅陽載福令隨總兵陳金鼐等馳往截勦師至羅塘洲甯樅
陽港內木椿鐵鍊層層攔截泊賊船百餘副將王明山等登洲轟擊督勇晁水
過港賊驚潰官軍盡焚其船遂率隊攻樅陽街尾金鼐攻樅陽街頭賊排礮抗
拒德亮鼓衆飛槳進截新河鐵鍊麾隊登岸直攻中路副將李朝斌抄賊壘後
官軍三路進逼賊濠平其五壘遂北二十餘里賊屍枕藉累功擢至參將十年
再攻樅陽破鮑家村賊壘斬晏家塘賊魁時池州賊以殷家匯爲犄角載福率
步隊往攻而令德亮等以舢板夾擊斃匪甚多獲槍械馬匹稱是殷家匯賊壘
既平乘勝攻池州德亮由東門外卡綠牆斬關入破其石壘盡燬東門外房屋

復分攻南門獲逆艇八德亮奮不顧身執旗先登中礮歿於陣載福上聞詔令
議卹諡威毅給世職

陳大富字餘庵湖南武陵人起行伍道光末以外委從提督向榮勦賊廣西回
援長沙追賊武昌屢著戰績洊擢常德協都司進勦江甯轉戰蕪湖鎮江間以
功賞花翎咸豐七年隨提督鄧紹良復甯國屬之灣沚黃池進游擊尋援浙江
敗賊金華處州除參將賊竄婺源石埭太平先後擊走之以從復涇縣拔南陵
擢副將八年十一月灣沚師潰紹良死大富左次南陵明年四月賊犯南陵百
計環攻不得逞十年三月圍始解帝嘉其功除皖南鎮總兵五月僞侍王李侍
賢圍甯國分黨攻金壇南陵時提督周天受守甯國總兵肅知音參將周天孚
等守金壇大富仍守南陵賊衆數十萬官軍勢不敵各血戰死守待援七月金
壇陷賊屠其城天受知甯城不守則盡出城中兵民數萬令各逃生自誓以身
殉甯民扶老携幼走南陵大富開門納之八月甯國陷賊圍南陵益急城中食
且盡大富以忠義激厲軍民皆誓死弗去夜遣壯士縋城出乞援於水師前後
清 史 稿 忠義傳六 九

數輩爲邏賊遮獲最後乃得達時提督楊岳斌統水師奮袂起九月揚帆進泊
魯港聲言攻蕪湖密飭各營扼要隘十月水師驟登陸出賊不意悉燔港左右
賊屯圍賊爭馳奔魯港營且亂大富乘城遙望見拊髀曰援師至矣遂出城夾
擊賊披靡追殺十餘里與援師會殲賊萬餘撲水死者無算圍立解城中兵不
食月餘僅存皮骨民餓殍相屬岳斌船粟往哺歡聲雷動大富方繕城垣固守
岳斌力言形勢不便乃帥師屯上游市民從者十餘萬大富前後守南陵始被
圍經年繼六月以蕪湖城抗巨寇忍死待援卒燬凶燄由是以善守名於時
十一年正月會水師復建德二月李世賢率黨數萬竄景德鎮大富率兵四千
自建德往援賊銜恨以計陷之盡伏悍賊牛角嶺柳家灣回龍嶺等處率隊由
鎮南雙鳳橋竄李村誘官軍伴敗遁大富率衆前進躍馬爭先參將田應科等
繼之賊突從鎮東抄出伏賊盡起大富挺矛力禦礮洞左乳血淋漓仍裹創鏖
戰賊從問道襲焚我營應科及游擊蕭傳科胡占隘都司胡鳳雛熊定邦吳定
魁千總羅廷材皆戰死大富見營中火起下馬北嚮叩首曰臣力竭矣投李村

河死贈提督威肅建專祠南陵應科等並祀

陳萬勝湘潭人官軍規復江甯圍攻將四年用地雷法穴城三十餘處皆不就同治三年六月提督李臣典請從賊賊最密處重開隧道統帥曾國荃避之命各軍於城下築礮臺護地道別遣軍士刈濕葦蒿艸積城下覆以沙土陽為肉薄登城賊用全力并爭礮彈雨下是月十五日賊出死黨燒礮臺官軍血戰竟夕十六日地雷發遂克偽都萬勝與郭鵬程王紹義則於先一日死之萬勝初隸吉字營從大軍規江甯皆為軍鋒累功擢副將地道既成國荃入隧親勸之悍賊出太平門直犯地道別從朝陽門出數百人燒各礮臺及所積葦蒿萬勝督隊血戰殲百餘人力竭死之賊裂屍竿其首於城鵬程湘鄉人先後隸羅澤南李續賓營累以克九江援寶慶諸役擢副將又以皖北肅清以總兵記名簡放紹義同邑人少入湘軍累功亦以總兵記名簡放是役也賊以礮火轟擊密如飛蝗皆奮前督攻同時歿於陣城復以三人死緩事上聞有詔惋惜各賞三等輕車都尉世職設萬勝武烈鵬程勇烈紹義剛毅

清史稿

忠義傳六

十

王之敬浙江奉化人道光二十九年由水勇散目隨捕江蘇洋盜出力拔補水師千總咸豐三年粵匪陷江甯之敬管帶艇師接戰甚勇升守備五年四月由浦口會各營連勝賊燬賊船獲勝擢游擊尋升太湖協副將十年遷江南福山鎮總兵適值蘇常淪陷太湖三面皆賊之敬孤軍設守屢挫賊鋒東西兩山賴以安堵十一年正月賊忽率眾圍撲東山之敬迎戰失利東山遂陷之敬失所在嗣之敬之子祖培尋父屍至教場之西見所畜犬臥土堆上向之哀號知有異掘之得之敬屍卷以席傷痕徧體而面目如生詢居民係於賊船退後撈獲掩埋者不知其為總兵也之敬性忠勇號能戰至此以寡不敵眾被害人等惜之贈提督銜諡果愨建祠於太湖東西兩山

陳忠德字仁山湖南清泉人操舟為業咸豐二年粵賊圍長沙掠舟北渡遂陷賊中忠德饒勇有智略偽盡力于賊久之大見信任十一年道員曾國荃圍安慶忠德自拔來歸由是官軍始盡得賊中虛實五月從攻菱湖兩岸賊壘平之從克安慶及平江岸各城擢千總李鴻章援上海選將得程學啟郭松林于

曾軍忠德亦屬焉從學啟破柘林南匯川沙金山青浦各城賊擊退虹橋大股賊眾會克嘉定並解北新涇四江口之圍二年四月崑山新陽既復從規蘇州

六月攻破花涇港同里鎮蘇州賊水陸萬餘來援忠德力戰負重創卒收之遂收吳江震澤學啟軍益進逼婁門外石壘十月十九日偽忠王李秀成偽慕王譚紹洸率萬人出婁門拒戰學啟令忠德等擊敗之李譚二逆走入城石壘遂下賊計窮其黨部雲官等殺譚逆以城降蘇州復賞勇號累以功擢副將加總兵銜後以克嘉興擢總兵隨攻湖州中礮沒于陳照提督例賜卹復吳之役死於戰者攻青浦為都司劉玉林守備熊得春攻太倉為參將王國安攻長洲望亭為把總沈玉德攻無錫為游擊汪龍浚皆奮身陷陣優卹給世職
黃金友字益亭湖南人初從軍廣西轉戰湖北江西安徽積功至副將賜勇號金友躬犯矢石創偏體咸豐十年江蘇巡撫薛煥奏調駐金山衛十一年賊犯浙江平湖陷乍浦東略姚廊窺金山金友迎戰大破之遂平新倉賊壘管總兵平湖知縣汪元祥乞師規復金友壯之檄金山華亭奉賢各營同赴援躬督師

清史稿

忠義傳六

十一

進駐平湖之廣陳元祥率民兵迎勞請為鄉導賊連營三十里一鼓破之賊會嘉興援賊分道來襲金友迎禦於十字街賊大集相持久金友右脇被鎗猶奮死力戰士皆奮呼無不一當百賊始卻而金友創發不能騎昇至明珠巷卒贈提督卹如例麟瑞字靈人滿洲瓜爾佳氏乍浦駐防父觀成官南川知縣有德政蜀人為立生祠稱小關廟以關瓜音通也麟瑞以筆帖式歷印務章京咸豐十一年賊犯乍浦從副都統錫齡阿出督戰借弟鳳瑞雲瑞手燃巨礮縱擊賊驚卻拔出難民無算城陷麟瑞率眾巷戰力刃數賊賊環攻被鎗斃於陣贈副都統子世職祀昭忠祠諡忠節雲瑞陷賊不屈死鳳瑞出從李鴻章軍轉戰江浙攻和州含山以百騎計破賊萬餘鴻章嘗稱為非常人克太倉等處皆有功贈將軍麟瑞督戰時本為副都統護印至死不釋後其子柏梁官乍浦副都統

蒞任拜印啓視斑斑猶見血痕云柏梁自有傳
蔡東祥湖南湘陰人充湖北水師水勇咸豐四年粵匪再陷武昌與漢陽為犄角東祥隨攻武漢兩岸賊多有斬獲隨攻鮎魚套焚賊船通糧道湖北提督楊

載福追賊田家鎮賊聯木陣置礮石於半壁山拒敵東祥奉命以火具鎗鐵鎖斷之水師驟下燔賊艘無算遂拔田家鎮於湖口望九江東流建德樞陽蕪湖銅陵諸戰皆有功累擢至副將同治初布政使曾國荃親率十二營與道員劉連捷分道擊江岸分踞賊東祥分攻桐城克雅家鎮又會攻巢縣含山和州與裕溪口江心洲梁山各隘復太平蕪湖二縣陸軍進逼金柱關兵部侍郎彭玉麟率東祥等分水師為三隊連環轟擊躍上隄埤短兵擊刺積骸滿渠關破並刻三汊河上馴渡賊壘江岸肅清先後賞雄勇巴圖魯等勇號加總兵銜東祥勇決有謀七年湖口之戰大風舟入口為賊所抄不得出所領長龍艦一假旗與賊艦混須臾風止急擊賊陣出賊覺追之不及是役失長龍艦五舢板十三將弁死者二十一人而東祥舟獨完十一年安慶之戰水師屢挫賊易視之見輒爭擊東祥請易戰艦白旗為紅旗賊疑為援兵駭愕問急率所部乘之賊以敗軍威復振旋調江蘇勦賊借副將歐陽利見率淮陽水師巡防三江口戰嘉善奮勇駛進西塘援賊猝至兩岸夾攻被槍子傷落水死東祥轉戰克敵

清史稿

忠義傳六

十二

素稱勇敢照總兵例議卹贈提督銜給世職

鄒上元字蘭亭湖南湘鄉人咸豐初投羅澤南營澤南自江西援湖北取道崇陽通城進攻佛嶺賊卡上元隨隊由佛嶺北嶺嚴先進與諸軍夾擊破之賊自崇陽三路來攻上元從破右路克崇陽咸甯諸役均有功擢千總五年賊犯湖南巡撫駱秉章檄肅啟江募勇助勦號湘果營上元隸焉從接江西克萬載復袁州案擢都司秉章督蜀檄黃純熙率果毅營從上元方假歸純熙招借行充營官賊曾何國樑彭紹福率黨攻定遠急定遠東北瀕江賊屯東南造浮橋江上過外援上元從純熙疾赴師至興學場賊分黨逆戰上元從右路襲擊賊大奔乘勝追至祖師殿毀沿途二十餘營燬賊江干何國樑覓水遁上元追斬之彭紹福聞敗糾黨來援踞燕子窩二郎場等處二郎場者絕地也四山壁立鳥道一線西北阻涪江純熙恐失寇不待軍集率千人追之上元慮有伏進至距二郎場二十里遣諜偵之不見賊土人皆言賊去遠夜半至燕子窩突遇賊騎進逼之賊繞山竄入場純熙知中伏分道搜之伏盡發官軍備處泥淖間不能

成列上元馳救突圍入手刃數賊賊環刺之死純熙亦歿定遠之捷上元擢參將死事聞命視副將例賞世職附祀純熙祠

郝上庠直隸沙河人由武進士授侍衛道光二十六年出為山東曹州鎮標守備累遷至武定游擊咸豐四年韓莊盜起山東巡撫張亮基慮徐州道梗知上庠饒將略荐署兗州鎮總兵賊帥朱廣田寇鄆蘭沂莒諸屬上庠率所部會鄉兵擊走之賊南竄贛榆上庠追及殲其眾斬廣田於陳擢參將五年山東金鄉賊陶三相為亂上庠疾馳誅其渠餘眾驚潰事得解時海上多盜連舟窺諸口將北犯天津洋山東巡撫崇恩疏請以上庠攝登州鎮總兵專司防務往來策應先後禽斬賊首李希夢等以功叙沂州協副將上庠每戰輒身先士卒不避艱險以勇武受上知賊平手詔褒美命以總兵記名十年署曹州鎮總兵以疏防捻寇入境奪記名留鎮如故十一年官軍取濮州河北肅清上庠以屢勝功復官賜提督銜九月賊潛渡濮范上庠不能禦與賊遇陽穀又戰不利為山東巡撫譚廷襄所劾落職十月克張秋鎮移兵會營總兵烏爾根扎布游擊緒倫攻

清史稿

忠義傳六

十三

堂邑賊戰於丁家廟敗之賊益眾來援上庠奮擊不退馬蹶墮地拔刀殺賊數十人力竭戰死命優卹諡勤勇聊城士民念上庠捍賊功請立祠東昌從之

張遇祥字瑞麟直隸新樂人年十五能開兩石弓道光十五年成武進士授乾清門侍衛二十一年選浙江衢州城守管都司公廉能得士卒心咸豐二年在壽張游擊任匪林鳳翔李開方率粵匪圍懷慶山東巡撫李鴻章檄遇祥從征當一路為士卒先所向披靡經略勝保嘉其勇益感奮晝夜渡河戰自寅至申始奉命而返三年秋曹縣捻匪亂起攜親兵百人入城擒首陳九千歲張四大王擁眾擾城市無敢擾者遇祥密令伏兵於外變服入賊巢詐言他事賊優禮之夜分酒酣遇祥驟起蹴賊首腦迸裂死賊羣起且戰且走出巢伏起賊皆駭散又偵知張四大王所在託病不出密令親信軍士夜馳百餘里入賊室禽之粵匪攻臨清率部卒二百人夜砍賊營而入殺無算所部五十餘人被圍復匹馬溢決者三擗之出無一失者右臂受矛傷裹傷屢戰不敢當創劇不能起巡撫親驗之諭令歸養新撫崇恩疑規避奏參視職令解赴山東既到標崇恩

始知其誣慰勞備至時金鄉魚嘉祥費縣野郟城武七縣被擒匪所陷
遇祥召舊部六百人自爲一隊復七城餘孽悉平復原官以創發回籍調養十
一年山東教匪糾回捻北犯直隸勝保久無功乃肅書聘遇祥且令募勇自隨
書至即招募鄉中子弟五百人星馳而往一戰敗之勝保南移館陶進次尖莊
賊潘集尖莊南遇祥復馳救賊奔民爭奉棧餌漿粥軍得一飽督隊回尖莊勝
保又退守館陶遇祥趨謁之賊又欲渡河勝保令往堵河口遇祥曰士卒昨日
一飯後枵腹至今烏能戰耶勝保曰汝速往吾即遣人執釜餼從汝也遂率隊
趨大河士卒覓食不得賊已先渡遇祥匹馬陷賊陣戰至日暮下馬而搏天明
回顧所部餘數十人急揮之去曰同死無益吾身經數百戰未嘗一挫今勢至
此不斬賊渠不生還也縱馬示不返士卒益感奮誓同死遇祥左右射當者皆
殞賊以長戟鈞斷其弦乃舍弓提刀戰至下堡寺日近山從者餘六人忽見大
嶽下賊渠至將登身刃之時已戰兩晝夜飢甚傷皆發復中矛數十處力既
竭遂歿於陣時咸豐十一年十一月七日館陶臨清諸村堡爭建祠以祀兄遇

清史稿

忠義傳六

十四

清字芳辰武舉人官廣東海州至督標參將撥援廣西平南縣提刀巷戰賊槍
刺其腹腸出益奮賊折其刀手執木棍抵拒賊攢擊死之平南士民亦立祠以
祀
曹仁美字擇庵湘潭人初隸曾國荃軍援江西戰吉安天華山克之復景德鎮
浮梁與有功咸豐十年賊據彭縣建德勢張甚時仁美改隸曾國藩麾下官軍
屢戰不利堅壁與持仁美曰兩軍相持日久當乘其懈而擊之否則援至難圖
也會夜大霧仁美率所部摩其壘更籌寂然迺梯而入手刃司柝者縱火焚之
衆軍爲承斬數千級賊大潰遂克之獲器械無數遷都司賜號勳勇巴圖魯十
一年國荃攻安慶久不下國藩遣仁美往助僞英王陳玉成合江淮賊來援國
荃督戰中流矢仁美負之登高揮諸軍奮擊城遂下以次從克大江兩岸城隘
同治元年從圍金陵仁美屯雨花臺西國荃以城賊糧將盡爲坐困計令諸軍
毋與戰凡四十有六日仁美恚曰當賊不擊將何待迺以其軍出毀石壘賊頗
死國荃以其勇薄責之遂引疾歸投入李鴻章軍圍攻常州鴻章檄劉銘傳等

偏師直搗仁美率衆繼進大破之三年克金陵餘賊突出慶戰湘淮諸軍屢挫
於奔牛銘傳軍被圍急議者欲退保丹陽仁美曰賊雖銳猶困獸之鬪也出奇
兵勝之次日與諸軍略其東南賊衆盡擊以拒仁美膝行至礮旁連擲火彈賊
駭走官軍鼓噪而登夷東路各學賊自隔河來犯仁美夜乘輕舸率健卒數人
躍輪艦殺賊十餘以火攻之船盡裂奔牛賊平軍無錫執游兵擾民者斬以徇
至是詔以總兵記名四年僞侍王李世賢陷漳浦鴻章遣仁美與郭松林俱航
海赴援既至甫築壘賊大至仁美令諸軍無動獨率所部三百人迎敵賊疑有
伏不敢前仁美伺懈擊之賊奔南靖乘勝薄城下率衆先登世賢巷戰逾時啟
西門而遁遂復漳州下南靖擢提督進規漳浦賊分門堅守仁美與副將張遵
道分路迎戰賊稍靡軍競進攻克之進復雲霄廳旋歸以兄仁賢領其衆五
年國荃巡撫湖北檄仁美與松林募軍進至唐縣會東捻自信陽竄入遇於德
安薄而擊之追至鍾祥白口師分三路入仁美攻其左抵羅家集遇伏與戰力
竭死之實世職子鍾祥及原籍建祠

清史稿

忠義傳六

十五

毛克寬湖南淑浦人咸豐初兄弟五人同入田興恕虎威營皆以善戰著克寬
尤驍勇六年隨興恕援江西克萍鄉萬載復袁州後從圍臨江吉安賊來援城
賊填濠伺夾擊克寬從拒援寇大破之太平城燒賊屯四十七遂克臨江湖南
巡撫駱秉章以克寬久經戰陳勞績甚多聞於朝時貴州苗教各匪應衆復隨
興恕赴援連克錦屏等處克寬功最爲翼王石達開犯湖南窺寶慶克寬從興
恕回援破賊寶慶城南黃塘復敗賊七架坡賊合圍攻興恕克寬日夜搏戰
援軍既集內外夾攻賊敗遁追及九鞏橋白楊鋪復大破之賊走廣西遂以參
將留湖南黔亂復熾朝命興恕爲貴州提督督辦軍務克寬再入黔逆曾安太
然及僞元帥韓成龍僞招討單國英等圍攻印江石旰克寬率虎後營分道進
擊平陽等處賊屯百餘斬韓成龍單國英拔出難民三千餘人遂解城圍乘勝
復甦安兩旬之間蕩平數百里興恕疏薦克寬膽識俱優屢獲奇捷隨征六載
戰必身先實屬英勇冠羣命以副將留黔賞號銳勇巴圖魯石達開從廣西犯
黔陷歸化定番等城克寬迎勦破籠溪猴坪賊巢進駐赤土督軍攻定番長寨

克之復解安順安平城圍十一年補大定協副將移駐大水橋通鎮道賊乘營
壘未成遣悍黨分股來犯克寬分隊逆戰敗其左右翼中路賊死抗不退克寬
策馬驟陣往來盪決刃悍賊數十賊眾披靡會飛砲中馬徒步奮擊身受數創
歿于陣年三十三詔贈總兵銜建專祠賞世職弟克佳官把總戰歿臨江先死
黔苗之亂者有邢連科原名正培貴州貴陽人台拱廳黃施衛千總咸豐三年
苗叛攻城連科迭乞援累月兵始至連科蒐殘卒夾擊出陷陣而援兵先潰連
科轉戰十家寨陣亡子士義舉人主講平越先聞警馳赴守城守至是召家人
環坐縱火藥自焚僕謀年有婢玉蘭從死千總署堂皇之下列尸二十有二巡
撫將遠田興恕先後以閩門殉難聞賜祀予世職係以謙曾孫端翰翰林編
修

田興奇湖南鳳凰廳人隸田興恕虎威營咸豐六年從平郡桂茶陵以功叙外
委興恕援江西進攻袁州興恕躍馬突賊陣興奇隨入各軍繼之遂獲大勝賊
潰奔數十里分宜袁州復擢千總加守備銜賞藍翎七年師次高安陰崗嶺興
奇斬偽監軍姜萬祥總制艾得勝攻復臨江擢游擊換花翎八年夏貴州寇起
隨興恕往援敗賊黎平夷其營轉攻漢岩斬賊二十餘級夷賊營十餘處追北
十八江斬偽侯黃必升等二十一人擒偽將軍伍雲重黎平復以參將留湖南
補用加副將銜九年春石達開率眾十餘萬犯寶慶興奇軍適自黔還道其境
駐軍九鞏橋賊乘其甫安營悉眾來犯隨興奇擊卻之是夜三鼓興奇率壯士
八百人襲賊營賊驚潰死亡相屬餘眾奔逃寶慶平擢副將十年從興奇勦貴
州苗匪興奇領虎勇二千人至石阡戰龍潭斬賊偽元帥韓成龍覃國英盡平
其營越二日再攻賊走馬坪斬賊甚眾並拔出被擄老穉男女三千餘口捷聞
賜衝勇巴圖魯名號加總兵銜仍駐石阡六月擊賊雙溪中伏死之時年三十
二詔贈提督銜諡剛介田興勝亦隸興恕部下平郡桂援寶慶及援江西同有
功累擢至守備又隨勦貴州各匪破籠溪解餘慶圍借都司沈宏富等進屯雄
黃重小憲等處賊於老巢立堅壘十八悍黨萬餘分布左右山梁興勝約遊擊
楊殿寶兩路夾攻自與沈宏富攻左路各寨都司田興考由右路繞山後出擊

清史稿

卷六

十六

清史稿

卷六

十七

並設伏後路計定率兵直衝首山梁賊數千迎擊興勝督隊衝突鏖戰逾時賊
沿山潰遁營內賊開卡狂竄興勝親入賊陣手刃悍目二宏富督隊合圍先
毀其右寨移攻左寨破之乘勝追襲有黃衣賊目率黨死拒興勝射之驟擒而
梟示餘賊大潰追十餘里墜崖死者無數是役共破堅寨十餘座陣斬偽元帥
韓進揚正閏等二十餘人賊千五百餘級乘勝平賊營十餘座復隨總兵劉吉
三等夜攻三角莊賊猝不及防驚而潰毀其連營三座適松坪賊首石復明糾
玉華山匪黨數萬分六股來撲興勝偕遊擊劉祖得合兵迎勦都司徐祥太與
興考各率所部設伏山麓及民舍中賊遇伏大敗死亡枕藉追至木影頂地險
峻賊寨負隅難拔因收隊明日同知唐繩武等由間道出松坪之後先取老巢
興勝奉令借嚴寶等攻木影頂攀藤而上賊礮石交下軍少卻興勝橫刀躍馬
奮身進飛登寨牆賊矛攢刺捉其矛而上揮刀連斬悍賊十餘諸軍繼進賊散
走官軍四面兜勦殲除殆盡擒其渠秦官寶劉老移等誅之松坪黃號賊眾五
萬連營三十餘興勝等即時裹糧疾進悉銳攻之賊傾巢出拒官軍奮擊敗之
有偽扶明王者悍酋也手斫敗退賊挺身來抗興勝自與搏戰殲之餘賊猶相
持宏富等已從後破其巢賊乃潰竄官軍夾擊斬賊四千餘級松坪賊壘皆平
乘勝攻猴嶺拔之旋偕宏富移勦豐安先破小山寺營馬安營賊壘百餘冒雨
分三路進攻紅岡堡興勝策馬陷陣連刃數賊諸軍繼之立破其巢追數里
會豐安賊來援敗賊亦返關興勝偕宏富等縱擊射斃賊酋數名賊亂返奔官
軍急躡之賊不敢入城奔至玉華山老巢豐安遂復自是入省之路始通興恕
疏稱興勝每戰單槍陷陣不計生死實屬忠勇可嘉詔以遊擊拔補給果勇巴
圖魯勇號十一年粵匪大股竄貴州境踞定番州長寨等處偏近省垣嚴寶等
攻之未下興勝隨興恕往勦屢戰皆捷克定番又偕副將周學桂進兵拔長寨
其別股踞土地關者分黨撲安平以牽制官軍興勝馳救立解城圍匪首張遇
恩勾結種匪圍安順並撲定南汛城又隨總兵趙德昌擊退之省會解嚴三月
借嚴寶等進攻土地關與賊戰於赤土賊敗走賊首仰天燕斷後興勝追之將
及以乘騎飢疲馳驟過猛一蹶而斃賊回隊圍之徒步格鬪殺悍賊十餘人身

受多創血流如注猶抵死相持力竭歿於陣照總兵例優卹諡武烈

馬定國四川萬縣人咸豐六年投鮑超寔營從攻九江小池口回援黃梅疊破賊孔龍大河鋪億生寺黃蠟山等處定國功多委帶寔字左營親兵復隨剿太湖之楓香驛破賊營十餘座八年上援麻城遇賊黃土岡拔主將出圍從克麻城太湖毀雷公埠石牌逆壘進攻安徽省城賊於北門外及東西山灣連柵周亘堅不能拔定國負楯直入重柵破其數壘會巡撫李續賓軍覆三河賊由舒城潛山上竄遂從超退扼宿松之二郎河賊來犯擊破之復破賊於花涼亭進圍太湖悍酋陳玉成以入股來援超移壁小池驛賊眾圍之十年正月大戰破賊營數十座斃賊萬餘乘勝克太湖潛山累擢至游擊晉參將從規皖南收夥縣大破賊盧村羊棧嶺命以副將用乞假回籍同治元年滇匪擾四川萬縣之紅谷田定國率鄉兵禦賊戰歿詔贈總兵銜建專祠賞世職

清史稿

忠義傳六

清史稿

列傳

忠義七

張繼庚

趙振祚

馬善

陳克家

臧紆青

馬三俊

吳廷香

孫家泰

江圖悃

彭壽頤

陳介眉

唐守忠

吳山

俞焜

張洵

汪士驥

包立身

王玉文

孫文德

羅正仁

陳景洽

何霖

清史稿

忠義傳七

蹇澔

趙國澍

宋華嵩

伯錫爾

張繼庚字炳垣江蘇江甯人父介福道光六年進士湖南保靖縣知縣繼庚少有志節補諸生幕遊湖南咸豐三年從布政使潘鐸守長沙圍既解料賊必東竄辭歸省母江甯布政使祁宿藻方籌守禦稔其才招與謀繼庚慮兵不足增募壯勇舉諸生李翼棠等統之明年賊至請仿古火城法於城內開濠積薪城上築兩牆為孔以出火器城下兩旁設牛皮柵伏精兵以堵賊時宿藻已卒總督不能用二月城陷繼庚率眾巷戰從弟繼辛及李翼棠侯敦詩等皆死繼庚赴水不沉旋陷賊中為書算自念死志已決欲將有所為乃以母託賊友變姓名為葉芝發陽與賊醜盡得其虛實會欽差大臣向榮軍至因與諸生周葆濂夏家銑及錢塘人金樹本謀結賊為內應而使金和季鈞祥何師孟出報大營有張沛澤者悍賊也同謀而中悔首其事家銑死之繼庚以偽名免九月復遣人上書向榮言水西門賊所不備有船可用太平門近紫金山越城亦易為力

綠城賊學皆受約束既得報益結死士張士義劉隆舒呂萬興朱碩齡等以侍
大軍書七上屢約屢爽城中人情洶洶事垂洩繼庚泣謂其友曰事急矣夜縋
入營痛哭自請帥期諸將皆感動張國樑欲留之繼庚不可歸而大軍復以兩
雪不果至他日繼庚出遇沛澤於途嗜曰此葉芝發也執赴賊所施嚴刑不為
動徐曰我張炳垣書生耳焉預他事沛澤食鴉片懼我發之乃誣我耶賊搜之
信遂殺沛澤繼庚被繫不得出明年二月金和等引官兵易買人服入城與諸
生賈鍾麟等伏神策門殺巡更賊以斧斷木柵毀其半賊驚走亟舉礮六品軍
功田玉梅及敢死士張鴉頭先衆上城斬守賊十餘人援賊牆至玉梅跳免大
索城中鴉頭被獲窮詰不得主名乃益榜掠繼庚楚毒備至時廬州知府胡元
焯降賊在坐繼庚躍起謂曰若官江南甯不知江南人孱弱非老兄弟合謀誰
敢為內應者老兄弟賊中呼楚粵人之悍勇者也賊信其言繼庚索賊官册一
一指賊輒殺之橫尸東門者三十四人賊旋悟曰中汝計矣令速殺之繼庚臨
死色不變呼天者三成絕命詞有云拔不去眼中鐵嘔不盡心頭血吁嗟窮途

清史稿 忠義傳七

二

窮空抱烈士烈殺賊苦無權罵賊猶有舌遂車裂以死事聞贈國子監典籍建
專祠予世職張士義乳名鴉頭江甯人故無賴而有肝膽能急人之急在賊中
與所素狎者醉歌若無事然繼庚遣劉隆舒招之袖短刀二授之曰汝能殺賊
當以功名顯士義慨然曰我何人張先生士義乃下交誓必殺賊富貴非所望
也繼庚獄急趨士義速圖衆請於大營遣田玉梅等八人入城助之咸豐四年
二月二十二日夜士義與劉隆舒呂長興朱碩齡等凡五十七人乘晦登城遇
一賊手紅燈騰身斫之擲首城外以為信復殺賊十餘人而官軍終不進乃下
斬關柵堅不可啟擲火燒之不燃柵內賊起抽矛刺之環城賊皆起角鳴嗚然
衆知事不濟遂遁明日賊閉門大索有沈獸醫者首之士義等被執窮其主使
士義叱曰欲殺則殺主使不可得也天下人皆欲殺汝獨我哉遂與隆舒長興
碩齡俱死是時繼庚以諸生舉義鄉里士慷慨相從者夏家銑字季質江甯人
工詩文城陷賊挾充書記作詩罵賊賊搜得之時繼庚內應事洩賊疑家銑知
其謀拷掠無所承不知家銑實與聞也賊誘之曰汝有父母妻子以為質則釋

汝家銑時昏憊遽以母妻對賊至家其妻蔡匿母罵家銑曰汝母死且十年何
處得汝母耶遂與妻俱被戮死同預翻城之舉而未死者金和字亞匏上元人
性兀傲工詩賦好聲色縱酒飲輒數斗江甯失守陷於賊衣短後衣與賊兵轟
飲相爾汝因廉得賊情繼庚為其妻弟與和通謀和與賊稔出入無所問子身
叩向榮軍門請以身質家在賊中不顧也事敗和以質得脫有秋蟻吟館集孫
文川字激之上元人敏悟工詩賦洪秀全據金陵以計奉母問道出復入與繼
庚謀翻城應外兵終日芒鞋手一筐如丐奔走近賊地不避風雪得賊中曲折
具以報官軍因是屢捷而翻城事卒無成嗣習互市案牘知外人情偽英人李
泰國購輪船助李鴻章戰既乃要挾索費不受中國進止鴻章聞文川才薦入
都盡發泰國陰謀朝廷褫泰國總稅務司職遣船回國事得解以功洊擢知府
著讀雪齋集周葆濂字還之江甯人詩才清麗陷城中與內應事謀洩脫歸選
寶應訓導著且巢詩存汪汝桂字燕山上元人幼負奇力或勳入伍及應武童
試皆不可初陷賊中追者至手批殺一賊擲過濠而免田玉梅入城汝桂與俱

清史稿 忠義傳七

三

往還習繪事畫仕女尤工吳復成字蔚堂上元人性慷慨賈於粵久咸豐初始
歸賊陷金陵與人語多不辯惟復成解之以是為賊所信因說賊設機杼織緞
匹川匠十萬人文弱陷賊者得以免又說賊造船運柴薪賊稱其能婦嬰緣是
遁者又六七千人既與繼庚謀內應事洩奔向榮軍不知重也及曾國藩欲謀
賊虛實或以復成薦因蓄髮入賊中得曲折以告曾國藩遂大破賊以功叙縣丞不就
卒以賈終胡恩變字煦齋江甯人與繼庚謀內應出入賊中者三十六次破衣
草履涸跡如丐往往伏濠內或潛立橋下堅冰中屢瀕於危母陷賊中以奇計
脫之後以功叙知府田玉梅字鼎臣四川西陽州人入應事起求取內成者吳
復成以書抵玉梅玉梅裹紅巾挺身從復成行數日出言賊情如繪向榮乃信
任之奪門既無成明日賊殺張士義等百餘人不得主名則令領石達開憑帖
無者逮訊復成領數百紙貽諸同志玉梅手一紙立通衢髮短言異見賊往來
反詰之賊竟無知者乃偕八人者俱出後以功叙河南同知直隸州補太康縣

知縣十年英法兩國聯軍犯天津京師戒嚴請濟師勤王天府不許自帥所部至汝陽沙官橋爲檢匪所阻憤極死戰被戕卹贈太僕寺卿諸人於是役皆冒死爲之例得附書以竟事之本末

趙振祚字伯厚江蘇武進人順天宛平籍道光十五年進士改庶吉士授編修兩遇大考皆前列二十二年遷詹事府贊善咸豐三年寇陷金陵蘇常震動振祚上書當事願歸本籍辦團練奏請報可遂歸集資置保衛局募兵購械仿行保甲人心以安常州北門瀕江焦湖船屢出剽掠積爲民患振祚乃擇要隘口岸立稽查卡房并設水師戰艦嚴備以待境獲寧輯六年賊艘蔽江下鎮江幾不守避難者絡繹振祚固結人心訓練士卒率衆詣丹陽會督師者赴援圍乃解賞花翎加翰林院侍讀銜時總督何桂清駐常州郡人編修趙竹向出其門振祚素輕之以是常訐其短於桂清遇事齟齬竹向被命佐常州團練益掣其肘不得已請解事保衛局遂廢十年和春軍潰丹陽常州大警桂清宵遁竹向亦舉室渡江而北於是紳民復請振祚出督團勇是時兵單糧絕寇氛日迫

清史稿

忠義傳七

四

事已不可爲復毅然誓衆固守並率所練五十人出城招集潰勇會北鄉石堰土盜盪起遂領衆往捕以衆寡不敵戰失利力竭死之常州亦旋陷事聞贈太僕寺卿子世職同治三年李鴻章疏稱其六世祖尚書趙申喬爲康熙時名臣子姓分居蘇常江浙淪陷男女死者四十三人其弟浙江經歷振祚亦死於難得旨予振祚常州建祠餘附祀振祚抗爽重節介口素吃遇不平事憤懣謾罵期期不避人故多遭怨然好獎借人才人亦以此多之善詩古文詞精漢學著有明堂考一卷文詩集若干卷同族起道光舉人同時城守城陷命合室婦女自沈園池遂整衣冠坐廳事賊至有識起者勸令自全大聲叱賊引刀自剄子諸生竹寅以身衛父刃賊數人被害兄子浙江候補知縣祿保罵賊死尤烈馬善字遇臯長洲人世居蘇垣北鄉有智略膂力過人咸豐十年閏三月金陵大營潰總督遁賊席捲而南夏四月丁丑蘇州陷善先受檄主黃土橋團練集七團義勇三千人朝夕訓練比水陸戰守具聞變嚴陣以待明日賊果至迎擊金巷橋又明日賊大掠八字橋又趣援之越四日賊分兩路至一出齊門至宜

橋一出閭門至禪定橋善率勇千人自當宜橋遣子安瀾率勇數百當禪定橋先後均有斬獲賊將竄常熟夜遣安瀾率千人潛至八字橋盡括岸側灰窰遺棄甌瓦塞遠近橋下居民已空無知者越數日賊船至不得過城賊約許關賊至青黛湖合宜橋禪定橋三路並進善分兵拒之而自擊青黛湖失利賊旋退已而賊大至善設伏青黛湖畔遣弟增及安瀾誘賊入湖伏發勝之獲賊船十俘賊首攀大福梟其首賊爲奪氣僞忠王李秀成憤不得逞大舉來攻善盡銳禦之自辰至午殺傷相當賊退團勇歸局午食賊遽掩至善率親兵迎戰手刃騎馬賊三人傷於胸猶疾呼殺賊飛鏃中頭角而踏安瀾方赴常熟請軍火馳歸歛之面色如生當是時詔舉團練吳人脆弱賊至則靡獨善以能殺賊聞恤贈知州銜給世職安瀾後從巡撫李鴻章軍檣導得力卒復蘇州

陳克家字子剛元和人道光二十四年舉人少英異爲桐城姚瑩所器重抗心希古落落寡合文章自許北宋儷體宗六朝詩學黃庭堅咸豐三年挑教職時金陵爲賊據欽差大臣向榮駐師城外翼長福興阿聘克家入幕福遷去江南

清史稿

忠義傳七

五

提督張國樞復聘之十年閏三月國樞檄克家主健勇營事十五日賊大至督弁勇迎戰兵敗死之克家之死也營中大亂求屍不得克家祖鶴熟精明代事爲明紀一書用通鑑義法崇禎三年後猶闕克家續成之合爲十六卷馬劍宇遠林長洲人與克家同歲舉人治經學有名咸豐三年前江蘇巡撫許乃釗副向榮統兵金陵釗入許營時有川楚兵所帶餘丁率驍勇而蘇垣空虛釗建議募爲一軍得千餘人號曰撫勇粵匪劉麗川反嘉定土匪周立春繼之連陷青浦等六縣向榮檄釗率撫勇捲甲赴之至青浦夜半銜枚薄城克之獎內閣中書銜事定重赴金陵十年春浙江告急借總兵熊天喜赴援復四安鎮廣德州奉調馳回遇賊丹陽戰自塔灣中鎗死二人以文士從軍卒死於陣吳人稱之臧紆青字牧菴江蘇宿遷人道光十一年舉人自少倜儻好談兵所交多不羈之士當英吉利入寇紆青見武備廢弛人不知兵寇至多被殘害因團練鄉兵凡萬人嗣入靖逆將軍幕府將軍主和紆青獨主戰後以和議成奏獎同知銜不受曰以和受賞不亦耻乎嘗以邳州知州勒捐案被牽涉查辦大臣周天爵

雪之時粵逆陷安慶據江寧淮南北捻匪乘釁為亂聚黨多者至數千人與粵逆互為聲勢天爵因疏請紆青練勇勦匪且聽自成一隊匪素懾紆青威名稱之曰老虎兵所至撲滅解散多願歸附效死者天爵卒副都御史袁甲三繼任亦深倚之累擢通判賞四品銜先是桐城以三年十月失陷士民先後乞援於圍廬州提督和春圍舒城提督秦定三幾一年皆不應甲三時駐兵臨淮念桐人請救之殷又欲取安慶以截江路自請進剿文宗以臨淮扼南北之要許甲三於是疏請檄紆青勦辦允之時侍郎曾國藩已克復武昌破田家鎮順流東下使提督塔齊布道員羅澤南進攻廣濟黃梅朝廷既允甲三請復以國藩兵屢捷於是命紆青速進兵潛太接應時和春秦定三軍皆久無功詔旨切責令速破賊以圖會勦紆青又得國藩書相期會於是疾馳至桐兩敗賊於大關呂亭驛追至城下時四年十一月六日也紆青以舒廬圍師率離城十餘里不斷賊出入餉道以故久無功桐之南門通安慶賊來援則當其衝遂自率兵勇圍之而令參將劉玉豹同知李安中圍東門時攻城之器未具城堅不可猝拔

清史稿

忠義傳七

六

賊既敗於湖北又懼桐城或破則與湘軍成夾擊勢悉力來援紆青先後迎擊於王林莊桂車河皆勝之追至陶冲驛擒斬既多獲械無算卒以舒廬軍不予接應又不急攻城以分賊勢賊用是得專事援桐玉豹安中又性懦無能當賊紆青至以諸君不能戰不能攻又不能守事事須我一人誚之弗恤也十七日賊援大至玉豹安中卻走城賊復突出西門焚營紆青與諸生張勳殊死戰殺三百餘賊以後無繼者賊伏遠起紆青胸面中二十餘創死焉紆青既死賊復得志武昌再陷紆青治兵有紀律初賊以土匪目官兵以惑民聽至是一洗此耻桐城破後凡先以助餉團練賊皆甘心焉民以紆青來秋毫無犯雖被禍無不感泣思之事聞賜三品卿銜予騎都尉世職後有寶元灝元灝邳州人咸豐元年舉人援例為員外郎分刑部八年擒賊大熾竄徐州邳當其衝元灝集鄉團先後偕知州畢培員周力城都司濮楓等堵剿擊斬甚多十年州城被圍守禦四晝夜城賴以全賊結幅匪大舉由蘭郊渡河元灝與參將于殿甲合剿被圍力竭死贈太僕寺卿銜世職

馬三俊字命之桐城人祖宗璉父瑞辰皆進士以經學顯名三俊能世其家頗屢困鄉舉咸豐元年以優行第一貢太學又舉孝廉方正制科三年安慶失守桐人恟懼知縣遁去姦民蜂起官兵往來境上亦乘亂為患獨縣學生張勳誓死不避三俊亦急起而坐鎮之擒斬為首者十數人又偕勳立法勸富家給散貧者亂稍定賊既陷安慶盡趨江寧諸統帥皆遠避置安慶蕪湖不堵截三俊知賊之必回竄也日夜在明倫堂訓練鄉兵又時與勳往四鄉聯合團眾於是桐城練勇名聞江南北賊犯太湖與勳揚兵堵境上賊莫測虛實莫敢逼已而賊攻江西不克回據安慶修守備桐人大恐巡撫李嘉瑞駐廬州前按察使張熙宇駐集賢關皆畏安慶不敢至三俊上書巡撫其略謂制寇之道必能攻而後可守守禦之策必先據要害而後可保城池全州不守禍及湖南岳州不守禍及武昌小孤不守禍及安慶安慶不守然後禍及江甯鎮江揚州大江南北此明驗也自粵西起事以來賊之所破多不守而破非因守而破也賊之所敗多不戰而敗非力戰而敗也觀桂林長沙南昌開封四省城苟能死守賊未有

清史稿

忠義傳七

七

陷之者六合小邑殺賊數千而賊不敢至江浦含山許州皆以守而得全不大可見乎今江北全勢完固虛實未為賊覺而安慶之賊又皆江西殘敗之餘且未齊集望於此時迅速進攻而分兵守桐以為接應如安慶不利當可退守桐城以為舒廬之障此機一失賊或竄桐舒以入廬州則與北匪構結河南北東西畿輔之地危矣巡撫韋其言遣總兵恒興與熙宇合軍堵勦實不前進十月賊大至熙宇恒興兵皆卻走三俊獨與勳率鄉團數百人拒之不利賊遂道桐城以入舒城陷廬州渡河而北蔓延千里皆如三俊所料城陷時三俊父被執不屈死三俊以不孝不忠自責誓復讎報國四年夏與前任桐城知縣成福六安參將慶麟招集義勇於霍山請助官軍殺賊且言事成不邀功賞事敗則以身死之於是上三路進兵策而自任桐城一路先頓兵中梅河以俟而提督秦定三軍之圍舒城者延期不進三俊既孤軍深入耻不肯退至周瑜城援絕餉匱姦民搆賊夜襲營力戰死之勳字小嵩與三俊同縣人家貧好倡舉義行營搜羅桐城節孝貞烈婦女二千餘人無力上聞者彙請旌表著總旌錄四卷桐

城既破三俊起義兵霍山與之定計即往見秦定三以急擊舒城與樊桐之師相應說之定三不應事遂敗嗣經青統兵至桐往六安迎之謂舒青曰桐近日賊勢與前不類兵單援寡難操勝算不如先助攻舒舒破與秦軍合事乃有濟又數以書勸定三卒不應舒青亦不肯往十一月十七日遂隨舒青督戰死之隨死者有吳文謨文謨字翼甫亦同縣人年少負氣與三俊子復震爲友三俊死文謨不告其子獨冒險往獲其屍動重其人遂隨動奔走請兵不倦殉節時年二十有一

吳廷香字奉璋廬江人敏博沈毅與桐城戴鈞衡馬三俊友以文章風節相砥礪以優貢生舉咸豐初元孝廉方正上書論時事有國士之目三年粵賊東下陷安慶廬江土寇應之駭駭迫城下邑團練鄉兵推廷香爲督擊寇禽其渠斬之盡破其黨尋粵賊棄安慶去長驅薄金陵踞其城是年夏復遣悍酋沿江西犯再陷安慶皖北震動廷香復倡義募鄉勇六百人自率之守梅山黃姑閣退江路時賊甚官吏兵民所在逃散賊自桐城北擾舒集無爲相繼淪沒獨廬

清史稿

忠義傳七

八

江賴廷香固扼得全十一月廬州陷巡撫江忠源死之官軍團練望風逃潰十二月廬江亦不守廷香時在防次扼腕慷慨誓必得當以報國四年二月提督和春敗賊於廬州七月提督秦定三大捷於舒城舟師復自海道入扼東西梁山斷賊歸路賊悉衆北趨諸州縣守賊少曾國藩復率大軍下武昌廷香聞則奮然起言於衆謂誠以此時出賊不意復邑城益與江上下諸路軍相應合謀以圖皖中賊可殲也乃召募三千人與外委熊允昇將之趨縣門兼密約舊時勇目居城中者爲內應八月大破守賊賊渠任大剛走追斬之遂復廬江大江東西以鄉兵敗賊克城蓋自廷香始既賊知廬江無援合安慶桐城諸路來攻廷香出擊屢有斬獲而賊衆益衆江中賊亦逼城下廷香豫乞救廬舒大營久未報及賊大至何桂珍檄蔡壽沈承貽以六百人自六安赴援至邑則縱兵大掠遇賊反走賊益焚四野火光燭天廷香夜登陣望敵不至搏膺泣曰吾志清逆亂不克而重禍鄉里勢窮援絕來者非人吾死此分耳亂將若之何數日糧竭蔡承貽引遁城遂再陷廷香率死士巷戰自午夜至黎明從者僅三人力盡

死之允昇同及於難初廷香將倡義或危其事尼之廷香從容曰如若言亂將誰拯耶其人悚然退及事急將自裁或奪刀掖之行廷香抗聲曰復城守城雖非吾責吾義也城危而走義何居焉出郭一步非死所也比戰沒邑人求得其屍葬葬之詔建專祠廬江予世職子長慶繼其志累官至提督以功顯

孫家泰字引恬壽州人大父有善行仁宗嘗書盛世醇良四字額其門家泰生有殊稟嬉戲異羣兒每出語長老驚若成人未冠補諸生道光二十九年入賞爲員外郎分刑部廣西司治廣明決爲上官所器咸豐三年粵寇竄擾江皖工部侍郎呂賢基奉命回籍督辦團練請以家泰從時皖南北郡邑相繼不守官吏望風避走羣盜蜂起定遠陸遐齡倡亂據城道路梗塞朝命再起周天爵爲安徽巡撫天爵就詢策略家泰密爲籌畫數旬之間遐齡父子就禽脅從解散餘盜斂跡壽春兵以驍勇聞軍興徵調四出留鎮者少又乏食巡撫檄家泰勸捐募兵爲固圍計壽故繁庶富家大賈務厚藏鮮遠識無應者家泰則盡貨其資產以濟用所募皆敢死士明賞罰嚴簡練一軍肅然廬鳳穎六安諸寇憚其

清史稿

忠義傳七

九

強不敢窺壽天爵卒於穎州舒城再陷呂賢基死之家泰失所練勢遂孤尋爲人所構吏議落職家泰語人曰時事糜爛守土之吏畏賊如虎狼而視民如魚肉是驅良入於暴也吾無死所矣自是杜門家居口不言兵事既毀家佐軍貧甚菽水養親晏如也既賊氛益熾諸州縣團練多陰附賊而鳳臺苗沛霖所部尤橫桀不可制初沛霖爲諸生請於知州金光筋欲練鄉團而自爲練總光筋不之許沛霖遂聚羣不逞爲亂鄰邑豪猾多歸之官軍畏其衆遣人招撫授以官爲糧糜計數年累薦至川北道加布政使銜沛霖不奉命南據正陽關北扼下蔡繼襲懷遠陷之號稱苗練駭聞壽州壽人洵懼謀聚保衆議非家泰莫屬辭不獲強起號召部曲上書軍帥力主勦未報沛霖遣謀入壽州家泰殺之沛霖益怒盡發其黨來攻守者恐不敵忌家泰者乃倡言獻家泰與其副蒙時中於賊以紓壽禍有司迫行衆大譁將以力抗家泰夷然曰吾昔募健兒刺苗逆悍將今又戮其謀欲甘心者我也守土非其人順逆不明至此事之不濟天也吾身許國矣吾死而城安其又奚恤遂仰藥死既歿按察使張學醇復縛時

中付賊寨并遇害是年九月沛霖卒陷壽州家泰家屬被執不屈皆死之同治二年科爾沁親王僧格林沁督師至沛霖敗死壽州平聞家泰一門死事狀於朝詔贈四品卿照陣亡例賜卹建祠壽州父贈祖弟家德子傳沐咸卹贈有差

江圖惻字汝華旌德人富賔略經商寓舒城侍郎呂賢基辦團剿賊過舒城與圖惻一見相契特命帶鄉團扼守舒城衝要賊不敢過三年十月桐城被陷乘勝至舒城賢基戰不利死之圖惻猶力戰狂呼殺賊久之賊至益衆援兵不至沒於陣圖惻前以助餉贈知府至是歿舒人義之相與私諡曰仁惠宣統初補諡莊潔程葆猷縣人道光十三年進士以上事分工部咸豐二年六月外授廣東肇慶府知府時粵匪屠集皖境謀犯浙江葆赴任道經杭州巡撫何桂清奏令回籍治鄉團助剿五年賊陷休寧葆率民團出境援與官軍會擊於東南二門斃賊目賊驚退入城諸軍連夜進攻賊由西門遁遂拔休寧乘勝克復石埭自是葆益激勵鄉團屢助官軍剿賊徽郡肅清旋檄赴杭助守城陷死之

清史稿 忠義傳七 十

彭壽頤字子文江西萬載人道光二十九年舉人咸豐四年粵匪連破江西都縣知縣李皓棄城遁壽頤率團練禦賊追勦上高新昌皆捷以籌餉督李皓皓和奸民壽頤揭前棄城事巡撫陳啟邁夙諱賊恐上聞以蜚語誣捕壽頤欲致死滅口欽差大臣曾國藩奏言數年以來諭旨諄諄飭行團練多無實效惟湖南平江縣江西義寧州以本地捐款練本地壯丁屢殲悍黨為賊深畏四年義甯之捷巡撫陳啟邁冒功濫保徧私親隨人心解體團練遂散賊再攻州抵拒經月省兵竟無援救城陷居民數萬向使練丁尙存何致慘禍如此五年饒州廣信之失鄱陽興安之失陳啟邁通融入奏寬減處分萬載之失知縣李皓有避賊重咎舉人彭壽頤有剿賊殊功奸民彭三才有餽賊實據陳啟邁竟袒庇屬僚架誣團練義士餽賊不斥避賊不劾獨於剿賊者目為豺狼指為逆黨臬司惲光宸逢迎喜怒褫革逮拘酷署重刑百端凌虐臣以壽頤才識卓越深沈叠商留營効用陳啟邁堅辭不悟釀成冤獄義甯之團以保舉不公毀於前萬載之團又以訟獄顛倒毀於繼人心何由固結大局恐致貽誤奉諭陳啟邁革

職惲光宸交新任巡撫文俊查辦壽頤早以刑斃矣南昌梅啟照管云國藩雅度無怒容惟於壽頤速獄深為憤痛七年劉長佑收新喻袁州三縣民率丁壯助軍軍復振世益以此思壽頤

陳介眉山東濰縣人道光十八年拔貢生朝考用知縣發江蘇署宿遷鹽城等縣擢通州知州屢獲海洋巨盜擢知府授河南歸德府知府咸豐三年捻匪竄虞城之楊家集介眉督兵追殲三百餘生擒二百餘粵賊陷歸德職回籍十一年捻匪竄山東抵濰縣介眉迎剿與候選訓導陳威鳳武舉譚占元等均力竭陣亡復原官卹贈太僕寺卿銜賞世職建專祠并祀威鳳占元及同日陣亡之武生千總銜陳執蒲等同縣人元祈年道光五年舉人截取知縣捻匪賊所年治西鄉團練匪竄縣境祈年登圩固守圩破率衆巷戰力竭被縛罵賊不屈死姪文豐等同時陣亡卹贈道銜賞世職建專祠文豐等附
唐守忠鉅野人咸豐初為平陽屯屯官四年粵城陷鉅野土匪竊發守忠聞警馳歸遭匪劫僅以身免與鄉人生員張桂梯職員姚鴻杰等議舉團練為守衛

清史稿 忠義傳七 十一

計旬日集義勇五千餘人分三隊捕斬土匪數十名賊遂遁嘉祥鉅野間悉平土匪懼以所劫物輾轉還守忠並乞隨團勦賊誓不為亂守忠察其誠納之時年饑入乏食守忠使子錫齡偕張桂梯各村勸捐助賑富出資貧出丁括計餘糧計月分給謂之均糧而團練之勢愈固曹州濟甯兩屬鄉團來附賊不得逞去五年河決銅瓦廂鄆城鉅野嘉祥等縣當其衝守忠聞警王黃水下游淤涸成灘官出示招擊因率災民數萬人南下認種仿屯田法以教諭王孚千總唐振海等分領之名曰湖團巨二百餘里濬溝築圩編保甲嚴守望徐州蕭縣豐沛等縣人聞賊警則相率投避得免於難者數年八年捻匪來犯守忠率團遮擊擒賊樊三丁豹等斬之叙功給五品頂戴十年欽差大臣僧格林沁令守忠隨官軍助剿賊大劉莊同治元年捐助軍餉又捐已墾熟田為魚臺書院經費二年白蓮池教匪由滕縣偷渡湖西守忠截擊生擒賊目陳周等多名餘匪悉遁四年九月捻匪張總恩任桂等悉衆來攻守忠集丁堵禦一再請援兵不至力戰六日衆寡不敵死之方守忠被圍賊數使招降守忠誓死拒之及戰敗

與族叔千總振海子生員錫彤同被執賊昇至銅山袁家廟多方脅之降守忠罵不絕口遂併見害江督曾國藩疏請優卹建祠立傳從之贈道銜子錫彤照四品以下陣亡例議卹給世職尋在沛縣捐建專祠

吳山字巖青河南光山人生三日喪父母周守節撫孤家極貧紡績供山讀書道光二十五年舉於鄉會試不第留京三載與袁保恆裴季芳相切磋聲譽日起時光山有匪患山以寡母在堂二子尚幼又無期功強近之親就揀選知縣職倉卒歸先是邑民郭三凶黠兄弟七人郭五郭六尤悍郭三充縣皂役滿布黨與知縣水安瀾惟懼為郭三等挾制無所不至彼時有郭滿城之謠郭三充臥龍台鄉保倡首為匪向四楞子曾傳佐等皆領杆頭目肆行劫掠並至各鄉按畝加糧供食並句通毫壽各州各匪謀殺官起事山有鄉望眾舉為團首倡辦團練地方恃以安而郭三忌之咸豐四年四月郭三糾眾突至小向店派糧山拒而不納尋集鄉團與之抗匪巢臥龍台距小向家集僅十二里郭三揚言非殺山不可或有勸山走避者山曰我所以觸匪怒者原以抗匪派糧若臨難

清史稿

忠義傳七

十二

而逃任匪所為則初志謂何今日之事有死而已遂挺身督鄉團與戰眾寡不敵被擒山罵不絕口匪怒戕之後俞御史劉毓楠奏建專祠
俞焜字昆上浙江錢塘人嘉慶二十五年進士改庶吉士授編修道光十三年遷御史奏請申明律義以正倫紀略言律載弟妹毆同胞兄弟死者皆斬注云毆死期親尊長若分首從則倫常數矣此古今定律所以維名教也其聽從尊長毆死以次期親尊長之犯向律擬斬定案時夾簽聲請叠經改為斬監候歸入服制情實自道光三年御史萬方雍奏將聽從尊長毆死以次期親尊長下手傷輕之卑幼均科傷罪刑部定為條例至今沿之因思例從律出例因時變通律一成不易致死尊長豈得仍論傷之重輕今以勉從尊長下手傷輕止科傷罪則與死者皆斬之律未符此例既百無一抵何以肅典刑而正人心請仍遵不分首從本律夾簽聲請以昭平允下部議行十七年授河南彰德府知府以東河大工勞最用道員擢永定河道調衡永郴桂道緣事降調咸豐九年督辦團練操防勤奮復道銜十年粵賊亂熾商遣駐防軍守獨松關李秀成犯

杭焜與侍郎戴熙登陴拒守二十餘日城陷巡撫羅遵殿殉之焜憑柩堵禦與滿城犄角復相持五日彈盡柵毀賊眾焜猶手刃數賊矛洞胸歿于陣明日張玉良援師入將軍瑞昌會擊賊卻而焜已死論者謂滿城之存焜有力焉賜諡文節建專祠同殉之繼室陳氏女蘊祺蘊璿附祀同縣戴煦字鄂士增貢生候選訓導精算術西人艾約瑟見煦所著求表捷術心折之又工畫神似倪迂評者謂出乃兄熙上熙既投水殉節聞之歎曰吾兄得死所矣亦投井死著有莊子順文陶靖節集註四元玉鑑細草對數簡法諸書熙自有傳

張洵字肖眉錢塘人咸豐二年進士改庶吉士授編修命在上書房行走文淵閣校理十年粵匪由安徽竄浙江杭州省城被圍巡撫羅遵殿奏入洵請假省親上召見垂詢浙省軍情洵抵浙江杭州失而旋復先是洵母談氏因賊逼杭城率洵妻施氏洵子惇典從典叙典與女喜姑闔門赴水被救得不死施氏即命惇典念典等護其姑出城賊至施氏遣喜姑先投井死自率叙典躍池中殉焉杭州將軍瑞昌以聞上嘉施氏孝義兼全下部旌卹尋洵母自以老需人

清史稿

忠義傳七

十三

侍奉為洵繼娶勞氏未幾丁母憂洵省城無房產僦居於仁和縣之水泰鎮十一年賊大股復犯浙江餘杭蕭山相繼失陷省城被圍洵念受恩至重不忍坐視乃自永泰鎮挈眷赴省與官紳籌守禦並謀諸巡撫王有齡會合駐防兵力通江路顧賊勢張甚圍城兩月餘城陷洵與勞氏惇典從典念典皆死之洵兄謙之妻李氏及女九姑亦先後殉焉方城之垂陷也洵聞警即素衣冠北向叩頭畢賦詩三絕有白雲堆裏吾將去前輩風流有戴公之句書竟授僕張升遂投井死同治元年太常寺卿許彭壽以聞以一門六口同時殉難實屬深明大義忠烈可嘉褒之八年國子監司業孫詒經復請加恩予諡建祠允之諡文節鍾世耀字嘯溪仁和人道光二十一年進士改庶吉士散館授兵部主事移疾歸負鄉望城再陷賊將授以偽官絕粒殉節孫義字樸堂錢塘人道光九年進士官福建仙游縣知縣有循聲告歸後課徒自給同時殉難
汪士驥字鐵樵錢塘人襲世職授杭州營千總擅詩名工篆隸晚年作小楷尤精咸豐十一年賊再至先以年老休致居危城中神色自若日以忠義訓家人

賦詩有我死家人生辱家即辱我等語城破全家皆躍水死錢松字叔蓋錢塘人嗜金石篆刻有文譽賊初陷杭垣先期具藥汁誓死家傍清波門賊從此入遂與家人同仰藥斃侍者還其室曰今日得死所而男女顛仆一室可乎語定而絕毛離字西堂錢塘人諸生事親孝年十三能作大字工書得潤筆盡給貧乏督辦東北隅團練城再陷自縊死魏謙升字滋伯仁和人九歲能文弱冠後雄長壇坫尤工書以廉貢生選仙居縣訓導不就家居西馬厓以著述自娛垂五十年有書三味齋稿賊自湖州逼省城家當其衝或諷宜移居避之不應賊火其廬乃挈妻子走靈隱山中賊退僑寓城中嘯歌不輟自號無無居士城再陷謙升方老病驅至萬安橋下死妻周氏同時殉節周能書世以鷓波夫婦擬之金鼎變字承高秀水人諸生咸豐季署臨安訓導兼教諭以事詣省城寇至圍久糧絕至煮篋上草以食城破難民中出至臨安率鄉團禦寇死之庚辛之役省城再陷杭人殉難者至衆而旗營死事尤烈其著者協領巴達蘭布等守花市營門佐領德克登額佛爾爾納德勒蘇等守錢塘門呼松額格勒蘇印

清史稿

卷七

十四

福等督隊出湧金門皆迎戰奮力殺賊先後陣亡又協領賽沙春連生等佐領薩音納伊勒哈春等防禦貴祥明阿納等驍騎校志善佛爾奇納等文職如知府伊麗亨等武職千總安忻保等皆陣亡合營縱火自焚男婦死者八千餘人包立身諸賢人家五十八都之包村世業農性樸魯里黨莫之重咸豐十年忽能言休咎多奇中節食茹素夜則結跏趺坐時賊氛漸逼人懷憂懼爭奔詢立身惟以行善爲勗人疑信參半不知其嫻武略也十一年九月賊陷紹興府他賊復自金華來諸賢亦陷於是首倡義旗從者響應村踞山三面皆水田惟一路由睦埠達村賊焚掠至其地立身以靜待動入者輒爲所斃避賊者廢投之棲止無隙地乃益選壯勇成勁旅賊來攻數不勝立身不出村勦賊賊至則戰戰則身先當其鋒立踣衆見賊易擊雖文弱者亦揮戈從事間諜入村者罔弗獲無事則焚香默坐有所指揮從之必勝遠近驚以爲神賊憚其使素稔立身者招降立斬之乃悉糾數郡悍黨更番進攻而往者輒輟羣賊聞調攻包村如就死地相持八九月大小數十戰斃賊十餘萬精銳強半盡賊目有周姓者眇

而通形家言乃周覽村外悉其川源山脈會旱溪流弱賊壘其上流遂無涓滴村外井水賊舉腐屍填之出汲則先以火器越井而陣後人出戶乃得汲腥穢不可飲然且難得人衆食寡賊又四面斷糧道不得達賊遂索戰無已時每合陣所損相當勢不能久持終無一人言降者賊遂陰穿隧道而以金鼓聲亂之立身不之省七月朔日賊穴隧道自村社廟出即縱火焚廟衆出不意大亂賊遇人即殺未遇賊者亦倉皇圍立身見事敗與其妹鳳英率親軍數千人死戰潰圍出至馬面山賊逼之圍數匝鏖戰不得脫中礮死鳳英亦力竭自刎死全家皆遇害從者亦無一得脫合村死者蓋六十餘萬人

王文字字緯堂金華人性強毅好談經濟道光二年舉人咸豐四年授於潛教諭會粵寇據金陵數上書當道論兵事指陳兩浙形勢甚悉既而浙壤告警奉檄領兵守天目山又令暫於潛臨安山谷防賊闖入既至躬自履視得某關廢阨實爲要隘因建言修之初借昌化教諭高文祿行團練於潛令素與王文字忤多方撓之及是議築關益譁然以爲多事而王文字銳於自任不之顧十年賊陷

清史稿

卷七

十五

杭州王文字將百人扼關欲乘賊歸擊其惰文祿力贊之於是昌化臨安新城及本境山岷咸持挺願受節度官紳交阻之事遂寢王文字甚乞病歸甫束裝聞寇至歎曰臨難而去非夫也迺輟行適援軍至王文字戒以守關毋出不聽戰五晝夜衆寡不敵棄關走賊入城官皆遁有門下士偕二輿夫一擔者來迎王文字堅不去迎者旋散迺朝服挾刃坐一賊當先入格殺之即舉火自焚遺書付其子曰天熱吾清白之體不可俾爵蒸有鹽硝舉以自化汝曹毋過悲痛也寇退得其屍池水中朝服燕去既一足衆哭殮之以其先有告病牒大吏不以殉難聞士民咸以爲冤

孫文德嘉善人咸豐十年年八歲賊陷嘉善家人攜出城遇賊相失獨至村舍薄暮十餘賊入舍就炊將休矣文德潛乞破毒於賣藥人何桂生密啟釜置之飯熟賊方飢食之斃九人二人未食大駭考掠文德奮身大罵賊殺之李貴元字祥枝永康人事母孝以強有力聞賊至年已八十乃出其大鐵錘擊賊賊懼不敢動貴元從容登樓及羣賊擁至貴元遂遇害越日其子求遺骸以出賊亦

17500 丹 參 日 記 2 文 二 月

不之罪也時錢塘汪玉璋義烏金士玉長興副貢生王泰東均年踰八十先後預於難富陽者陳小福避山中從賊者識其神卜也囚之官兵攻急賊勢蹙乃命之下小福曰若輩必盡死無遺類何卜為賊怒刺其目磔之皮匠某逸其姓名十一年圍急闕兵絕糧不欲戰巡撫王有齡登陴泣匠忽手百金至叩首曰小人勤苦蓄得百五十金今留五十金自贖餘請助餉有齡為榜示轅門示勸城陷匠自經死

羅正仁湖南郴州人諸生咸豐三年土匪蜂起三月十四日夜半突有賊數百人攻入城狀知州胡禮箴正仁急起倡辦團練獲賊二十餘人殺之由是各處效法不數日諸匪咸撲滅餘部恨正仁刺骨會粵匪陷州城土寇與合正仁復率團要擊之賊懸賞購正仁正仁走避久之聞母病歸賊偵知一日味爽突有賊三人至其家正仁猝無所備乃率二子春官等禦之俄賊眾奔至眾寡莫敵遇害二子亦受重創伴死得免後春官痛父更集團日以勦匪為事五年城再陷率團復攻之每戰奮不顧身多斬賊為鄉里所倚庇同州人陳起書字通甫

清史稿

忠義傳七

十六

幼從兄起詩講求經世學由附貢生候選訓導道光十三年逆搖趙金龍叛起書條陳禦搖策知州姚華佐多採用之州城得無患金田賊起起書謂西粵一隅地賊不能久居必竄楚竄楚則大軍必扼衡州郴桂將首受禍遂盡守禦之計州牧不能用乃糾同志自集團丁於觀音寨大頭隴並築堡修牆為堅壁計無何賊果至聞州境有備遂引去時土寇邱倡道煽亂擾及閩里上官檄官軍勦之不獲起書命次子善墀張樹榮依計誘擒之並獲賊渠黃中風事平咸豐五年四月廣東賊何祿寇陷宜章五月州城陷起書率團練扼北鄉賊不敢犯有東鄉賊師招起書為畫守禦策適湘鄉王鑫率師由衡州來援乃命善墀迎師自往東鄉行抵塘溪擬聯絡嶺鄉民以拒之而土匪咸通賊偵其往中道要劫之遂被執羣賊久耳起書名擁於坐宛轉誘降起書罵不絕口抵死不降賊遂計議俟何祿至乃縛其手日夜環守之起書於八月七日絕粒死之陳景滄字少海龍陽人父永皓直隸長垣知縣有聲於時景滄幼凝重守道義留心經世之務以咸豐元年舉人官內閣中書粵亂作湖北巡撫胡林翼治楚

軍備賊徵辟賢俊以景滄佐軍事積功保知府命籌餉岳澧景滄剔除宿弊事集而民不擾嘗曰籌餉病民已非善政若更貪其利是官民交病吾不為也不數年以親老辭歸里閉戶山中侍養之餘以讀書為樂同治六年閩浙總督左宗棠調往福建湖南巡撫劉琨亦強起景滄景滄謝不赴八年丁父憂哀毀廬墓益遠人事初軍興募民為勇越境擊賊湖南尤盛賢賊平勇散歸不事生業相率入哥老會哥老會者起四川異姓相約為昆弟同禍福結盟立會千里相應其盟長之大者輒擁眾數千人橫行郡邑吏莫敢詰良懦憚之則入會求庇入者既眾勢乃益厚流行湘楚間初但為好盜均其財繼焚掠鄰市抗官兵窺城邑長沙衡州諸屬屢撲屢熾十年益陽何春台龍陽劉鳳儀劉繼漢等率會眾為亂聚縣西安化山中距景滄家十餘里景滄聞變急密告巡撫巡撫檄益陽龍陽兩縣往捕會眾方傳檄諸州縣黨人約同時發難未至期捕者適至遂先舉事犯益陽途中值景滄執之景滄責以大義數其罪被數刀罵不絕口賊羣斫之長子克標次子克權從行以身障景滄並及於難景滄長身玉立恂

清史稿

忠義傳七

十七

恂孝友與人交喞然若不出口至論古今忠孝及國政得失輒慷慨流涕義形於色事聞贈道員給世職何霖字雨人廣西興安人少讀書以諸生食廩傲抗志高尚不屑屑治章句性沈毅有膽略咸豐三年興安盜王苟滿趙廷蘭等作亂陷縣城囚官吏霖聞變匿老弱自與族弟進賢急詣省求援中道遇賊為所劫霖詭辭脫進賢入見賊曾賊素重霖以上賓禮之霖謬為甘言飲啖自若酒酣因說賊曾曰君等舉大事宜先收人望蔣方第諸人邑之豪俊願假良馬利劍為君輩致之非常之業可圖也賊喜如約霖遂以方第等六人至留賊中賊信不疑霖陰謀方第間賊黨將乘間舉事會官軍擊賊靈川屢勝賊分兵攻金州亦敗眾稍引散霖遁歸借方第一夜集鄉兵盡縛北鄉諸賊分守要害號召鄰鄉團眾分三路攻城賊不為備遂復興安禽苟滿等官軍至獻捷主兵者獲其功賞不及霖霖與方第倡言興團練立規約厚俸給人樂為用賊黨謀再舉霖不敢發四年恭城陷賊灌陽霖率興安團屯邊隘賊不得逞相持數月樂半賊自別道來援霖與

方第議增丁壯移營前進遇其鋒十一月次若田賊以大隊從大風坳出犯霖
學所部祇五百人續調者未至霖麾眾迎擊奮鬪竟日力竭戰死方第賢其兄
子二人並歿於陣賊再入興安焚霖廬舍盡殺其家人霖父挈孫走臨桂得免
事平興安民思其功建祠祀之

蹇謬字一士貴州遵義人道光二十六年舉人咸豐三年大挑得教職明年謬
還自京適桐梓教匪楊龍喜作亂長驅出婁山關逼遵義知府朱右曾要擊敗
還賊遂以八月十六日圍城營郭外雷台山是時黔中治平久民老死不見兵
革初遭寇亂眾洶欲潰獨謬力言賊可擊於是人心稍定久之官兵漸集而
賊亦日附謬謁提督趙萬春布政使炳綱於螺塘堰陳利害請由石盤扼賊糧
拊其背自領兵練四百人營馬家河復募二百人益之屢戰皆捷賊酋李七王
者尤獷悍以千餘人入貴陽大道踞龍坪水口寺謬率所部圍攻盡殲之七王
自焚死賊氣奪十二月官兵破東路櫻桃了賊憑險拒戰不即克謬以兵從中
坪線其後大破之乘勝進克羊耳了賊退屯金錢山引渠灌田計死守謬令健

清史稿

忠義傳七

十八

卒負草涉凍薄而焚之於是官兵攻雷嶺益急蜀兵亦進復桐梓龍喜燹遂焚
巢夜遁五年冬龍喜餘黨鄒長保再叛圍桐梓七晝夜並據婁山關以遏遵援
謬復集兵練千餘名攻奪婁山解其圍期必滅賊屢深入至寺岡寺岡賊巢所
在危峰攢刺往往雲霧不見天日謬勒兵直上以身先之猝遇伏前鋒為所敗
謬親率卒二十人搏戰賊眾騰至矢石交下謬力竭死之隨行之王世洪曾名
標亦奮鬪死時咸豐四年十一月十日也郵道銜給世職立專祠

趙國澍貴州貴陽人豐成三年黔中土匪起國澍方為諸生居青巖其地扼定
番廣順之衝為貴陽屏蔽乃散家財倡團練城青巖自守隨官軍四出勦賊十
年粵酋石達開竄貴州陷廣順圍定番眾號二十萬貴州大震國澍倡勇敢救
定番民壯從者數百人力戰城下竟日賊斷其歸路死亡略盡國澍匹馬突圍
還青巖登陴堅守賊亦卻退會賊以廣順之眾益定番之圍道出青巖脅降不
可圍三日引去七月定番陷並力攻青巖國澍隨機應禦賊攻六月終不能下
同賊稍懈乞援提督田興恕與趙國澍斬賊以徇與

恕親赴之前鋒失利責戰益急國澍策賊食將盡請斂軍堅壁障省城撤清鎮
安平大定清野以待貸土匪陳文禮等死密遣入賊縱火內外夾擊賊營一
賊每夜自驚國澍以計間其悍酋使相屠遂大圍因與興恕合兵乘之賊崩潰
追奔至安平復大破之定廣諸城皆復先是國澍剿平定廣土匪葛老嚴楊隆
喜及平代擺金平越襲安諸賊收復修文等城累擢至候選同知直隸州知州
戴花翎至是興恕上其功言國澍毀家築城練團當巨寇受攻半載卒創賊全
省會非優獎不足以勸士民命以道員即選並總辦貴州團練事務十一年九
月安順神苗匪警國澍率黔勇七百會總兵羅孝連剿之十月至安順神苗蔓
延鎮永二州負險累年其老巢曰養馬寨烏東隴蜜蜂屯猛董山孝連直搗烏
東隴國澍調團練分寨要隘斷賊援養馬寨賊懼縛酋獻地降國澍乘勝攻蜂
蜜蜂屯遂克其巢羣賊蟻居猛董復會諸軍圍而殲之同治元年正月石頭寨
等隘以次蕩平安順肅清加按察使銜會楊嚴保兵潰上大坪苗夷積匪踵敗

清史稿

忠義傳七

十九

兵渡清水江國澍聞警馳赴耶位擊苗匪破之連戰皆捷進剿水城賊散踞洞
寨地皆險奧國澍分兵雕剿自夏經冬破洞寨百餘賊走渡江遂沿江設守乃
還省請增兵協餉以備深入苗疆而御史華祝三湖南巡撫毛鴻賓劾田興恕
苛斂並及國澍殘刻狀貴撫韓超為覆奏辨甚晰事乃寢會開州知州戴鹿芝
殺天主教士法使恕於朝復連國澍蓋與恕嘗欲逐教民而國澍左右遂背國
澍有毀教堂殺教民事兩廣總督勞崇光與法使議令國澍償金厚葬事已平
矣開州案起并發前事法使恕不已朝廷命將軍崇實等視其獄二年三月礙
國澍職遂撤團練局苗事益急四月大吏檄國澍督練勇渡泡江河時沿江諸
軍飢潰賊再內犯竄光沙勢張甚國澍兼程進次百宜賊眾兵寡遂被圍食盡
援絕力戰死傷過半親軍數十人擁國澍潰圍出走至徐家堰賊大至奮鬪死
之巡撫張亮基以聞贈太常寺卿賞騎都尉世職子四次以炯光緒十二年進
士第一翰林院修撰

宋華嵩四川邛州人咸豐九年演匪竄四川華嵩自備軍精以武監生倡辦團

練保衛鄉里十年川匪藍大順圍華州城嵩率剛勇大破於五道碑圍解嗣防堵夾門關青草坡大進埠等處凡自賊營逃出難民資遣無算藍逆撲蒲江華嵩督團迎擊屢勝之賊竄去十一年藍逆由新津回竄華嵩禦之文華山南河岸賊不得還折入眉州既而藍逆別股復竄蒲江踞青水溪華嵩率團進剿多斬獲卒因眾寡不敵歿於陣華嵩團練數年捐銀米數甚鉅輕財好義能得人心故所部練勇如王德明王富舉王富義楊鎮川等成效死不顧同治元年總督駱秉章上華嵩死狀卹如例於本籍建專祠

伯錫爾哈密回王也其受封始祖曰額貝都拉畏兀兒種人康熙中獻王門瓜州地立爲一等札薩克再傳曰額敏晉封貝子傳玉素卜晉封貝勒加郡王銜三傳至伯錫爾於道光十二年進封郡王同治三年以助開渠功加親王銜署理哈密幫辦大臣會南北路各城叛回煽變八月二十九日哈密漢裝回匪馬兆強馬環等焚掠附城村莊伯錫爾及辦事大臣文祺率回丁出戰斬兆強環餘黨潰敘功賞用黃糧九月初二日圖古里克回匪馬添才戕稅局吏役及淡

清史稿

忠義傳七

二十

民七十餘家南攻沁城伯錫爾令章京巴海守備趙英傑追捕至北山板房溝斬添才四年二月忠隴右道梗奏稱由肅州東歷蒙古漠南地至山西歸化城往還可百日請由此轉饒然台站舊在漠北蒙古力疲不能增設時哈密協標兵僅五百餘人安西協援兵二百人不足分守繼回及漢民雖衆未習戰陣吐魯番叛回類來誘人情煽動五月回匪黑老哇纏匪蘇布格等反辦事大臣札克當阿中彈死賊毀漢城入回城幽伯錫爾五年六月巴里坤總兵何瑄令遊擊凌祥趨救攻回城賊遁吐魯番伯錫爾奏留凌祥爲副將旋以叛黨蔓延奏山烏里雅蘇台將軍檄召明安郡王蒙兵合巴里坤哈密諸兵共攻吐魯番又數遣使至肅州請提督成祿出塞皆不果十一月蘇布格率南北各城叛回五千人復來侵凌祥以民勇三千伯克夏斯勒以纏回五千人出禦覆沒於柳樹泉凌祥遁或謂伯錫爾蓋行平伯錫爾歎曰吾世受天子恩備藩於此臨難何可苟免收殘卒二千復戰於頭堡又大敗被執明年正月罵賊死詔贈親王

清史稿

列傳

忠義八

- 姚懷祥 全 行 章逢甲
- 麥廷章 劉大之等 章印福
- 龍汝元 文豐
- 殷明恆 高善繼
- 林永升 黃祖蓮
- 李大本

清史稿

忠義傳八

慈溪副將朱貴與子昭南五月攻吳淞江南提督陳化成均先後殉難自有傳懷祥於二十年適署定海篆分募鄉勇爲死守計總兵張朝發撤之城陷南門懷祥負傷立城上呼兵無應者憤甚投成仁塘死典史全福使酒仗氣敵至衣冠坐獄門囚跳歎曰失城當死況失囚耶敵入署大呼殺賊斃黑酋者一戮刺死翌年再犯甯波定海則石浦同知舒恭受游擊張玉衡外委武英太同死難都司李躍淵則隨總兵鄭國鴻戰晚峯嶺六晝夜與把總胡大純洪武琮外委金釗同沒於陣是役也慈溪大寶山死者爲即用知縣顧履敬參將黃泰守備田錫陳芝蘭徐官哈克里千總阿本穰魏啟明把總林懷玉盧炳邱法德外委張化鵬馬龍圖何海毛玉貴王保元楊福增死鎮海城者爲縣丞李向陽戰金雞山死者爲都司孫汝鵬守備李雲龍王萬龍千總陳慶三陳守澍周萬治把總馬金龍汪宗斌解天培金繼外委林廣吳定江死招寶山者爲外委蔡步高而山陰練勇袁樂忠以從間道導朱貴軍至長橋迎戰爲礮火所逼從煙焰中躍起投海死

章逢甲山東齊河人道光十六年進士用知縣發浙江累權宣平餘杭浦江等縣英吉利既再擾寧波洋而將寇吳淞先以戈船三十艘進攻乍浦時逢甲以督鑄大礮由鎮海赴乍浦設防就權同知四月敵遠由東光山上陸屯兵皆潰逢甲帶鄉團禦於西行汎死之同死者為駐防副都統長喜前鋒協領英登佈佐領隆福防禦貴順額特赫前鋒校佛印驍騎校伊勒哈春根順該杭阿及調浙助防之守備張淮泗千總李廷貴把總王榮馬致榮孫登霄外委馬成功朱朝貴而伊勒哈春尤慘伏觀山射夷砲甚眾被執磔死子仁厚襲職殉粵寇麥廷章廣東鶴山人道光十二年以外委隨勦連州猛匪功屢遷至游擊林則徐查辦英吉利登船鴉片檄廷章率舟師駐九龍山巡防英曾遞書辯論開導不服遽開礮廷章以大礮應之毀雙桅敵船又潛約土密兵船助攻復擊卻之英人既陷浙定海遂溯大洋至天津乞和朝命直隸總督琦善馳粵與議海防遽懈二十年十二月敵乘不備突進占大角沙角廷章時佐提督關天培防守靖遠礮台明年二月敵船擁入三門口斷防禦檣練南風作復以大隊圍橫檔

清一史稿

忠義傳八

二

永安截我軍援道進犯虎門廷章奮勇禦之力竭死時同死者為香山協副將劉大忠游擊沈占濠守備洪達科等參將周枋則以拒敵烏涌戰歿三月英人復由粵擾閩攻廈門犯內港守備王世俊蔣錫恩千總張然迎擊之均以力戰陣亡

韋印福江蘇上元人由行伍隨勦滑縣匪有膽略嘗曰武官臨陣死生度外事畏死不作武官矣累擢千總為兩江總督陶澍所賞擢署金山營游擊英吉利之窺吳淞也提督陳化成守西礮台誓死戰以印福忠勇隸左右二十二年五月敵艦叢擊之化成被傷印福救護不及歿於陣化成之歿從殉者八十人其尤烈者千總錢金玉臨危或勸避去答曰金玉年十六即食國饌今焉避遂及難外委徐太華善用礮轉移如志擊皆命中被擊死把總許攀桂擁護化成謂主將與某等同甘苦公報國在今日某等報公亦在今日眾心益固卒飲劍死把總龔增齡迎戰刃數人敵人圍而禽之釘手足於板擲諸海外委周林率帳下巷戰中鎗先化成死時督師兩江總督牛鑑以礮燬演武廳亟退去之蘇州

又之江甯敵遂由寶山徇上海道以下官皆通典史劉慶恩投浦江死內河不能深入艦隊乃由福山口犯鎮江京口副都統海齡戰不勝自縊死尋諡昭節赴援游擊羅必魁把總趙連璧均死之駐防員弁同與難者為馬甲長松與子驍騎校祥雲佐領景星愛星布恆明防禦恒山尚德恒福吉成驍騎校伊克濟訥文舉人噶喇武舉人哈達海筆帖式哈豐阿恩喜前鋒校松寶文魁阿勒金龍汝元順天宛平人由行伍隨勦廣西會匪以功累擢游擊隸河南巡撫英桂軍營咸豐八年英吉利糾合法郎西米利堅兩國藉口換約俄羅斯復陰助之堅請在京師開議議未定艦隊集天津海口朝命科爾沁親王僧格林沁辦理海防汝元奉檄至擢大沽協副將九年五月英法兵船駛入內河汝元手然巨礮沈其船旋中礮歿於陣諡武愍提督史榮椿同死自有傳是役也諸國受創甚十年夏艦隊復集天津古北口提督樂善奉命駐兵大沽至則以關防交僧格林沁令所部願留者聽得千餘人誓死守六月敵兵自北塘登岸七月一日

清一史稿

忠義傳八

三

白石磯礮臺擊敗之相持一日無後援火藥局火起兵多傷死樂善知不可守遂投河死從死者副將守備各一失其名樂善諡威毅時副將魁霖在通州巡防檄至天津助戰亡於陣諡威肅委翼長阿克東阿侍衛扎精阿同死之八月敵遂北犯通州圍佔西倉監督覺羅貴倫與同官玉潤衣冠對縊殉節焚淀園文豐外員外郎秦清苑丞秦衷全家自焚死時文宗駐蹕熱河命恭親王奕訢再議欵局而難始定

文豐董氏內務府漢軍正黃旗人內務府筆帖式歷堂主事員外郎造辦處郎中充杭州織造授驍騎參領道光二十一年充粵海監督二十三年借兩廣總督著英等遵議英吉利五口通商章程十五條下部議行二十六年三月授熱河副總管充蘇州織造差還授堂郎中咸豐四年賞總管內務府大臣銜歷正藍旗漢軍副都統正藍旗護軍統領七年二月授總管內務府大臣尋署正黃旗護軍統領八年五月管理圓明園事務調正紅旗滿洲副都統充崇文門副監督又調正白旗滿洲副都統著御藥房太醫院事務十年八月命在圓明園

照料一切事宜是月英人闖入圓明園文豐投水殉難賜卹如例贈太子少保銜入祀京師昭忠祠同治元年追念忠節諸臣以文豐從容赴難不愧完人褒之加恩予諡忠毅

殷明恆江西南昌人由武童投効水師營擢把總光緒四年赴閩隸平海中營師船司礮時佛郎西既併越南將窺演省其會領軍艦十四艘先犯福州圍覆船政局十年七月在馬江發難明恆陣亡時燬兵船七商船二及艇哨各船俱燼死者不可計見奏報者以參將高騰雲死最慘五品軍功陳英戰最烈船廠學生帶揚武艦葉琛帶建勝艦林森林均登賊臺發礮受彈猶屹立指揮充福星輪三副王連受礮傷猶槍斃敵兵多名均以傷重陣亡是役也戰鎮南關外隸記名提督劉永福部下者為武監生楊恩哨弁何承文等隸署提督蘇元春部下者為總兵孫得勝副將黃政德邱福初陳義新劉德勝張大壽劉玉貴參將胡延慶王紹斌蕭有明黃世昌石啓官張興寬游擊蕭寶臣李純五吳少懷都司黃均任有錫李逢植吳述元周同芳守備黃効忠楊承祿千總蘇全璧

清一史稿

忠義傳八

四

將全昌李得勝把總王有興李明德楊春林徐國慶葉亞吉梁玉輝外委曹正亮六品軍功勞國豐從九品黃汝霖等隸廣西巡撫潘鼎新部下紙作社之役為副將蘇玉標都司陳福隆把總張元鴻顧玉芳諒山之役為提督劉思河都司劉映谷黃正寅鄧晏林杜光瀾守備羅雲高千總俞謙臣蔡得勝係其易把總謝世和六品軍功萬國發等隸福建布政使王德榜部下戰豐谷等處為總兵黃喜光副將胡陽春武鴻來參將左廷秀譚家璐王得永蔡玉堂黃祖富左占元游擊陶得玉茹章壽王得才柳臣玖都司王天喜陳永發趙步雲譚連勝胡克勝田玉貴守備邱正亮鄧青雲千總謝廷蘭張玉魁楊大德胡士英把總蕭恩清王成吉外委劉雲漢謝薛昌六品軍功黎占元唐復興譚以明等隸福建巡撫劉銘傳部下者為總兵竹照禮副將劉義高千總殷有升把總尤運農祁文等均分別上聞贈卹有差高州鎮總兵楊玉科則以宿將有功戰歿諒山自有傳

高善繼字次浦江西彭澤人由附生舉同治元年孝廉方正朝考用教職署弋

陽縣訓導舉優行皆寒賤士積弊為清尋調贛州府學教授又調南安光緒十四年舉鄉薦會試不第謁李鴻章於天津鴻章其父執也語不合投通永鎮總兵吳育仁幕下二十年日本侵朝鮮廷議主戰六月善繼佐管官駱佩德乘英國高陞輪船運送軍實駛至牙山口外日本舉旗招撫善繼不肯屈管駕英人先逸去善繼忿極令懸紅旗示戰備且進薄之方與佩德指揮禦敵忽船中魚雷逾時水勢注射益洶湧眾強善繼及佩德亟下善繼奮然曰吾輩自請殺敵而臨難即避縱歸何面目見人且吾世受國恩今日之事一死而已佩德曰如此吾豈忍獨生高陞船遂沈善繼溺死佩德從之時護行者為濟遠艦亦為敵船在豐島襲擊大副都司沈壽昌堅守礮位竭力還攻及中礮陣亡則守備柯建章繼之復陣亡則黃承勳繼之與軍功王錫三管旗劉恩同與於難爭趨死地奮不顧身尤為當時所稱廣乙快船管輪把總何汝賓亦於是役中陣亡林永升福建侯官人入船政學堂肄業駕駛派兵輪練習周歷南北洋險要以千總留閩充船政學堂教習復出洋留學歸晉守備調直隸從平朝鮮之亂擢

清一史稿

忠義傳八

五

都司赴德國接收代造經遠快船保升游擊光緒十五年北洋海軍新設左翼左營副將以永升署理辦海軍出力升用總兵二十年八月朝命海軍護送陸軍赴大東溝登岸援朝鮮日本海軍來襲我鐵艦十當敵艦十有二副將鄧世昌管帶致遠都司陳金揆副之參將黃建勳管帶超勇參將林履中管帶揚威經遠則永升主之永升夙與世昌等以忠義相激厲既合諸艦衝鋒轟擊沈日艦三卒以敵軍船快礮快為所勝世昌戰歿提督丁汝昌坐定遠督船畏葸不知所為又被傷總兵劉步蟾代之船陳失列有跳而免者永升仍指揮艦勇冒死與戰驟中敵彈腦裂死是役也血戰踰三時為各國海戰所僅見永升而外金揆建勳履中及守備楊建洛徐希顏千總池兆瀛蔡馥把總孫景仁史壽箴王宗墀張炳福易文經王蘭芬外委郭耀忠五品軍功張金盛六品軍功王錫山均死之世昌自有傳

李大本安徽六安州人咸豐間投効江西軍營以功累擢游擊復投効直隸充哨長晉副將光緒二十年日本犯朝鮮葉志超統軍往援扼守公州聶士成率

五營駐成歡驛敵軍來襲大本與游擊王天培王國祐同亡於陣時武備學生于光祈周憲章李國華辛得林並赴健士伏要隘阻擊敵前鋒以接應不至皆死焉士成旋繞渡大同江至平壤與諸軍合軍無鬪志潰退相繼獨左寶貴扼險惡戰死最烈自有傳自是朝鮮無我駐軍敵遂內犯

黃祖運安徽懷遠人少有志節嘗思立功異域光緒初入上海廣方言館列優等送美國游學調天津水師駕駛學堂旋派赴威遠兵輪練習敘千總署海軍中軍左營守備充濟遠駕駛二副海軍出力以都司升用中日釁啟說丁汝昌以嚴兵扼守海口而以兵艦往擣之攻其不備否則載勁旅抵朝鮮東偏釜山鎮等處深溝高壘絕其歸路分兵徇朝鮮諸郡邑彼進則迎擊彼退則尾追又出偏師撓之彼糧盡援竭人無鬪志必土崩瓦解解此俄羅斯破法蘭西之計也汝昌不從及大東溝將戰又說以海戰宜乘上風兵法貴爭先著今西北風利宜乘其兵輪未集急擊不可失汝昌復不決遂失利十二月日人乘西路南擾山東祖運佐總兵劉步蟾等守威海時官軍集關外東路兵單日軍由落風港

清史稿

忠義傳八

六

登陸攻陷榮成全力萃威海祖運揮將士開礮擊敵敵少卻既復大集諸軍皆潰二十一年正月道員戴宗騫以力盡援絕投海越數日祖運與劉步蟾及總兵張文宣楊用霖等俱死之時汝昌書降於敵且要敵軍不得殘餘軍仰藥死後以死綬上聞旨不予卹或謂汝昌實為所部脅降憤而自盡降書則死後出洋弁手也時旅順先陷海軍掃地黃海諸要隘皆失守將士多死事以奏報有缺不得書其見奏報者三等侍衛永山在鳳凰城戰歿游擊李世鴻副將李仁黨與提督楊壽山分守蓋平禦敵大將乃木軍戰最烈同時以力盡陣亡步蟾宗騫自有傳

清史稿

列傳

忠義九

宗室奕功

松林文所

宋春華

馬福祿

楊福同

吳德瀟

成肇燮

宗室奕功歷官奉宸苑卿至御前侍衛光緒二十六年拳匪肇禍各國聯軍破京都德宗奉孝欽顯皇后西狩奕功以世受國恩未能隨扈引火自焚妻祥佳氏子載捷等闔家投井殉節先後被難者宗室有奉恩將軍札隆阿子模誠等奉恩將軍緝御子培善孫存德存厚等文學人恩煦子繼勳懋勳從子啟勳世勳等掌江西道監察御史德藩戶部員外郎恩罕戶部主事謙善宗人府經歷訥欽頭等侍衛德潤帶隊官鈺璋及奕鑫載袍恕誠聯德恩溥松達善章國文

清史稿

忠義傳九

一

松根景璋承惠和桂鳳喜吉辰海明覺維有清廉年瑞德潤榮綿
松林巴雅爾氏滿洲鎮黃旗人由筆帖式累擢給事中出知臨安府升雲南糧儲道晉山東按察使布政使內擢順天府尹病解任起為內閣侍讀學士聯軍犯京師分守東直門親指揮礮火中抵禦甚力俄中礮死屍不可辨時陣亡者前敵有世管佐領文炳騎都尉玉蔭奎齡筆帖式寶善前鋒校榮春護軍校玉連驍騎校鍾安德昌前鋒舒元明順護軍秀亮雙祿瑞陞文福成福恩啟常貴成秀把總文通隊官全成隊長全興領催崇寬貴斌崇歡慶祥廣陞奎秀永順暇安恩慶廣立馬甲成恆瑞喜慶山倭克金布世昌玉興恩隆德勝祥瑞廣音布董連元保麟裕安長泉保玲王永立保祥李景瑞田應時張桂祥李永福清華吉順全立德玉崇喜保林長玉布克坦全保喜壽海寬延祿玉山成昌長福松齡柯永文斌徐培田文達慶連興瑞李燁保慶清海長春恩常保順廣禧廣海崇福風齡成榮雙全玉岑汪恆吉養育兵明祿玉海玉存景立關壽慶祿色勒連貴雙壽文奎奎茂齊德森明保永順泳全常來吉祿萬善立得長桂松

樑德成長安開散全興松澤德祿連陞保盛阿玉慶德祿廣成連山倭克金泰
立海德緒富森廣海崇福榮義國安祥桂富順延茂德全恩隆楊德福中吉
慶連魁李長昇景英文海槍兵崇昆礮甲吉安文彌景瑞張啟茂劉龍富琪全
奎全保德鳳增銳增輝周奎斌練兵桂普隊兵光輝林慶東直門有護軍參領
賢普世管佐領德績公中佐領松鶴錫昌連秀筆帖式榮山驍騎校惠斌倭什
洪額瀛緒連桂常浩銘綸鳳啟護軍瑞斌常福春安普惠德謙恒有兆芳隨善
同廣崇敬恆斌桂祿三多隊官英璞惠斌領催德緒常慶成山富順常全雙印
文森松炳雙奎廣義馬甲喬齡錫瑞田德貴奎秀廣喜寶庚廣祿富通明喜廣
林文印德林永山錫連策和永需長安李忠春元得林興順福貞文芳文普玉
芳烏雲珠達崇阿德貴明安世達黃培長貴普英王錫祿文華德本春倫成祐
崇慶雙奎雙海立福德保潤秀李秀順立志亨志隆銘榮崇喜恩順連敬養育
兵慶林雙祿隆福宜緒濟望長奎德文長清得隆景立得保明增成林福祥寶
瑞恩佑開散榮喜崇儀順福吉昆長山英振阿炳阿均廣成連山世瑞承英錫

清史稿

忠義傳九

二

保雙興德玉治得和森廣立李斌世山永利長齡鐵壽定坤龍泰鳳林鳳祥景
珍崇錫存德延齡錫光寶忠得虎奎福礮兵恆安國安承萬吉恒玉森善溥盛
濂隊兵凌貴伊立布崇文門有護軍校富亮驍騎校德瑞筆帖式潤普七品官
薩斌圖監生福壽隊官彤勳護軍慶陞定昆世喜富山領催玉山連英國棟文
通馬甲志福鐵升桂安清海巨泰烏林興海聚泰玉保成喜恩沾全順恩保輔
廷達英張仲蘭養育兵永祿文斌隆興德存富寬常壽全祿海玉英登松山連
陞存德開散文成文亮崇林松山常林秀斌松玉忠福巴克坦布奎榮崇海緒
順德清槍兵文海隊兵恩保德祿隆興幼丁劉長立朝陽門有雲騎尉富珠倫
恩騎尉連福護軍校富亮驍騎校續魁烏槍藍翎長松春護軍海秀常福烏林
泰萬玉斌前鋒吉昌領催常興保昌馬甲永安福山雙喜保勳德福鐵陞興海
長瑞玉安巴楊阿烏林保養育兵貫全凌山恩啟保春湧激德順裕泰玉厚成
玉趙文忠閏福文瑞榮德開散長緒文立多大誠望恒立常興伊三布文祿常
林瑞申恩錫連陞松山厚寬張勳松山忠福東便門有游擊韓萬鍾弟韓萬祿

千總慶餘把總金鈺戰兵王壽李永福馬兵梁坤張德興德勝門有副參領祥
存世管佐領承瑞驍騎校崇桂領催柏銘容剛文惠馬甲錫連桂啓養育兵常
海隊兵榮喜安定門有筆帖式增俊馬甲立貫長慶德閩盧檢貴恩壽德平長
存松祿趙俊雙恆山莊立玉明劉殿臣長壽榮桂合海袁明林楊有春文愈文
茂文毓連順施彬文福王玉鳳線長海全英煜祥鍾銘傳合連陞馬玉和養育
兵恩緒奎元二立文浩開散清聯德謙武生長緒齊化門有護軍校連瑞西直
門有養育兵烏什哈開散全桂阜成門有教爾布鍾珊永定門有開散長泰玉
泰春祥正陽門有開散清林奎連德勝宣武門有礮甲林廣明藍翎長祥瑞領
催常連景緒馬甲榮福崇善德斌全順定保榮慶維明礮手慶煥養育兵松長
閑散英緒續順崇海大清門有前鋒玉興天安門有護軍參領玉山副護軍參
領雙福護軍校花連布侍衛潤志前鋒歧俊護軍永壽文瑞瑞陞承通林安玉
慶春喜祥林松桂永壽文祿常陞常海松惠海全桂陞雙壽午門有副護軍參
領鳳齡前鋒崇祥桂豐護軍王壽德凱東安門有公中佐領松壽步軍校文通

清史稿

忠義傳九

三

領催延壽東華門有副護軍參領長年副令官英寬藍翎長富陞隊官玉昌護
軍恩秀奎英成光忠明貴慶崑連松羣玉山阿杭阿玉壽恩秀奎俊成英文廣
托克托虎常山廣慶希拉布他克布連德馬甲長山養育兵存山閑散德元枝
勇兵全貴西安門有養育兵永順德福西華門有馬甲春明地安門有神虎營
營總昆明副護軍參領恒謙護軍營管理祥瑞護軍隊官凌魁隊長查祿護軍
常瑞薩圖布永安常山雙壽興斌馬甲文海福山養育兵崇恩全恭順喜開散
德祥紫禁城內有護軍參領海忠親軍校文玉守陴者有世管佐領德潤馬甲
錫秀恭戰者有驍騎校多倫布藍翎長德英額雙貴前鋒鳳玉希拉奔崇安文
英榮昆護軍德玉崇貴崇福崇興領催鶴鳴馬甲雙福長海慶裕桂保長陞恩
立興俗存桂常泰養育兵英厚文志德成俊成幼丁元成全祥世增烏凌阿廣
林廣俊松蔭松祺松立廷尉成明廣瑞閑散全順順需多山慶祿外委王文志
聞廷標王顯高玉常存百總郭立奎管隊張海金松林把總王洪銘馬兵彭玉
恩金祥戰兵李逢春戴永福彭玉堂孟祿守兵王政樞劉永安季茂軒礮甲祥

通敵手白萬泰死事者甯壽宮員外郎誠年筆帖式福臻在內值宿七月二十一日已刻聞兩宮西狩即赴各殿封鎖至斂禮門外值房投井死太廟五品官富亮值班上香洋兵突進拒之槍死織工張繼福在綺華館被戕左營參將王長蔭守署不去以獨力維持投井死護軍連陞班端門護軍崇連神機營呈遞公事步軍校廣音布常福勝喜領催雙喜馬甲存林恩明外委孫國瑞技勇兵常有降祥萬昭均在廳值瑞領催榮鈴養育兵定成隊兵布興泰均看守軍庫南城正指揮項同壽在署辦公戶部書吏高世祥總理衙門供事沈鵬儀徐伯興洪瑞汶均在署值班與於難在先陣亡者把總李鍾山外委李鍾林七月十七日在張家灣禦敵不克死先後被難者游擊王燮五月二十五日在東便門彈壓卒匪被戕並燬其屍采育營部司楊光第於閏八月二十九日聞洋兵至衣冠坐營中被槍死把總張進志擁護同死均經留京辦事大臣崑岡上聞贈卹有差

崇壽溫微亨氏滿洲鎮黃旗人光緒十六年進士入翰林累擢翰林院侍讀雙清 史 稿 忠義傳九 四

作時不勝憂憤仰藥死詔以見危授命褒之諡文貞韓紹微字筱珊貴州貴陽人光緒二十年進士授主事分刑部勤於所職拳亂初起督走同官涕泣誓身殉七月二十一日自經於陝西司司堂掌江西道御史韓培森巡城積勞城破絕食死內閣中書堃厚手書見危授命四字與妻同縊死馬鍾祺字維春隸漢軍鑲黃旗少為諸生以雙一等子例不得與試授三等侍衛擢二等有文武才初服膺陸王之學繼參以程朱張呂不主一家為人仗爽有奇氣慕孫白谷之為人好與朝野賢士游與語或不合輒哦詩亂之以此得狂名光緒二十年日本爭朝鮮廷議出師鍾祺上書請自效遂從戎奉天盛京將軍依克唐阿器之使統領邊馬隊會和議定遂歸二十五年李秉衡奉旨巡視長江親訪於家疏請從行李匪禍作冒鋒火而北秉衡殉難鍾祺護其喪歸歸三日京師破鍾祺自縊死者五倫大義馬氏日記若干卷候選縣丞董瀚於城破日與弟候補巡檢徵曰我等職雖微未既讀聖賢書惟有以身殉國而已同時自縊涿州附生譚昌祺聞城陷懷藥哭諸聖廟仰藥死舉人莊禮本留京讀書卒匪初起即以

為憂洋兵入城痛哭不食後以一慟而絕州同銜馮福時在通州署辦刑名事七月十六日敵入署守護案牘不屈被戕東城司吏目練勇局委員宮玉森洋兵攻局其女請避怒投其女於井拔刀出戰傷數處自知不免亦投井死時同被難者為原品休致禮部侍郎景善前奉天府尹福裕蒙古副都統耆齡前察哈爾副都統明秀冠軍軍使文珠工科給事中恩順刑部郎中汪以莊兵部員外郎薩德賀趙寶書吏部主事鍾傑戶部主事陶見曾李慕鐵山刑部主事毛煥樞王者馨工部主事白慶恒昌理藩院主事英順光祿寺署丞多文國子監助教柏山候選道鄭錫敵前紹興府知府繼恩分省知縣王朝鑽等見冊報者千餘人全家焚溺服毒自經以盡節者衆騎都尉候選員外郎陳鑾住東便門二閘於七月十九日洋人攻城勢急與諸弟率眷屬僕婢三十二名一時自盡尤為慘烈云

宋春華字實菴陝西三原人光緒十二年武進士授藍翎侍衛出為天津鎮標右營守備與士卒共甘苦所部為天津綠營冠聯軍內犯總督裕祿檄春華守清 史 稿 忠義傳九 五

城南門城東南製造軍械所不守春華集其眾曰軍械所存亡天津生死繫之不奪歸不可膽勇者盡隨吾出城皆應曰諾率百餘人夜半潛出及庫垣春華先登眾隨之鎗中春華左股眾欲退春華負創大呼曰今夕之事有進無退眾爭奮敵死傷甚眾卒以守堅退歸城已而敵兵日集守土官多棄城走春華慨語其妻陳曰城孤兵單終恐不守汝當以吾子出求生吾誓與城存亡矣語畢登陣督戰不少息城既陷身被數傷猶死守不退或勸少避春華曰城不守死自吾分汝曹各有父母妻子歸可也俱死無益眾感其義無退者敵舉登城乃仰天歎曰吾志不遂負國恩矣然自接戰以來殺敵過當今日之死亦無所恨以首觸陣腦出死年三十五

馬福祿字壽三甘肅河州人光緒六年武進士用衛守備歸河南鎮標以終養告歸二十年循化撒拉回族以爭教叛固原提督雷正綰檄福祿往摧家峽樊家峽協防戰輒勝河湟回匪繼起復助官兵獲大捷累功至記名總兵二十一年河州諸回變福祿本回教回以福祿助官軍欲加害福祿在城人亦以回教

爲疑獨正信之時河州鎮總兵湯彥和遠駐起乍堡命福祿率騎兵迎入河州城鎮之產和猶豫不果行叛回周七十乃糾衆據山巔下擊福祿戰二日以失地利無功彥和復潛走軍無統帥賊益蹙之福祿乃突圍出南番境至蘭州乞師沿路拔出難民數千難民德之狀總督楊昌濬昌濬以福祿孚衆望乃檄與蘭州道黃雲山北路援河州時喀什噶爾提督董福祥奉旨赴甘肅協勦由狄道進兵福祿率師至蓮花渡與賊隔岸相持爲福祥軍犄角卒解河州圍時韓文秀亦作亂河湟提督李培榮總兵牛師韓軍失利陝西巡撫魏光燾與福祥會白塔寺議進兵福祿入謁陳亂事頗末及前後戰狀福祥奇之檄勦叛回治主麻於米拉溝勦未盡馬營土豪馬采哥應之福祥部將石堯臣等告敗福祿復分道往援首先陷陣斬采哥衆而殲之治主麻收餘燼由黑山趨米拉復還兵破之斬無算用是有驍將名李匪倡亂福祥奉旨入都檄福祿統馬步七營旗防山海關尋移永平府福祥入衛京師檄隨行五月各國聯軍踰楊村而西借漢中鎮總兵姚旺等赴黃村禦之抵郎坊兩軍相接乃令騎兵下設七覆

清史稿

忠義傳九

六

步兵張兩翼敵近始發槍倒者如仆牆敵彈落如雨騎兵以散處少傷兩翼左右復包抄其後短兵相接敵不支遽卻爲庚子之役第一惡戰六月福祥檄令攻使館中彈歿於陣猶子耀圖兆圖亦死同殉者百餘人

楊福同直隸清苑人同治七年投軍累擢游擊從討朝陽教匪嗣以副將駐營大名專力緝捕以功記名總兵分統練軍左翼馬隊兼統天津馬步隊各營近畿拳匪竄起涑水尤甚總督裕祿檄福同率隊往至史家莊伏匪邀擊力禦之擒數人次日又敗匪於石亭鎮擒首要梁修福同不忍多誅令限日解散留馬隊三十人鎮之無何匪以千餘衆攻留隊福同率步兵數十馳援將及石亭羣匪自溝中突出白刃交下創甚猶格殺數人力盡死之從弁孫裕清盧瑛瑤俱力戰死賜卹如例

吳德滿字筱村四川達縣人性至孝博極羣書以進士用知縣庚子年任浙江西安北京拳亂起江山縣土匪以仇教爲名連陷江山常山縣人咸欲應之德滿謂北事未定洋人必不宜殲有難植者素健訟德滿管嚴懲之久含恨結都

司周之德挾衆指德滿袒洋教劫德滿縛道署轅門盡鑄鬚髮以利刃攢刺洞腹死德滿罵不絕口于仲翰馳哭尸下又殺之並入縣署殺全家四十餘口事定卹如例

成肇舉江蘇華亭人父儒諸生列儒林傳肇舉由舉人官直隸知縣遷直隸州知州署涪州靜海補靈壽所至有績光緒二十七年京師和議梗聯軍西上覃及邑境責供牲畜糧糈甚厲肇舉壹弗應俄而布政使廷雍檄至令迎犒肇舉自念不迎犒無以全民命迎犒則以中國臣子助攻君父事處兩難守土之義無可避惟有一死耳迺繕遺牒遣人問道達府賡之以詩曰屈體全民命捐軀表素懷李鴻章狀死事以上謂其能伸大義降救褒嘉贈太僕寺卿諡恭恪子世職明年允直督請建直隸省城專祠

清史稿

忠義傳九

七

清史稿

列傳

忠義十

劉錫祺

張景良

宗室德祐

張毅

譚振德

羅長壽

奎榮

世增

陳兆棠

白如鏡

定煊

桂蔭

松興

楊調元

喜明

陳政詩

王毓江

鍾麟同

張振德

來秀

王有宏

清史稿

忠義十

盛成

高謙

貴林

玉潤

張程九

張傳楷

梁濟

王國維

桂城

黃為熊

額特精額

勞謙光

王文域

簡純澤

劉錫祺字佩之直隸天津人畢業將弁學堂第八鎮成立為正參謀官光緒二十二年南北陸軍於河間會操籌度有勞加正參領宣統三年夏秋間革命黨人之在武漢者數被破獲總督瑞澂意欲捕殺人人危懼八月十九日武昌變作始僅工程營數十人他軍無應者瑞澂遣逃兵艦省垣無主於是各營皆起擁立都督黎元洪稱軍政府獨立錫祺時方赴沙市以二十六日回武昌各

營爭往迎謁趣入見元洪錫祺正色曰國家歲糜巨帑練兵原期君等為國干城以禦外侮奈何一日為人煽惑遽爾發難乎禍機一動將無已時吾不能為君等所為眾聞之譁怒即於坐中擊殺之事聞照協都統例從優賜卹發難時督隊官阮榮發出阻眾遂擊斃之榮發邑里未詳程彬字筱竹江西樂安人時署鮎魚司巡檢署在省城南十九夜見城外火起彬馳往救護至望山門外正街突遇陸軍礮隊入城皆袖纏白布彬大駭厲聲問曰汝等反耶此何為者眾舉槍擬之彬益前致詰遂遇害以一巡檢犯難而死人皆哀而壯之

桂蔭字桐五姓嵩佳氏滿洲鎮藍旗文生由刑部郎中軍機章京外擢施南府知府調安陸以治隄盡力名安陸為襄樊門戶府城故無兵武昌變聞圍守計并牒道請兵已而旁郡德安荆州皆陷十月初五日郎陽兵驟變圍府署劫印信桂蔭攜妻富察氏趨入文廟夫婦同縊崇聖殿中死衣帶中書有虛生一世不能報國安民數語臨殉難時顧為僕曰葬我必北面官紳流涕飲之葬城內陽春臺側存厚字寬甫正白旗監生由內務府郎中選宜昌府調辦襄陽樞局

清史稿

忠義十

二

三年十月郡中黨人應武昌存厚揮家人出避曰吾嗣不絕死無憾局丁旋繫存厚擁至北門校場狀之幼子被搜獲斃死榮溶字心川荆州駐防蒙古鎮藍旗人光緒三十年進士用知縣發湖北補天門縣操行不苟變作後荆防旗人有自武昌脫歸者道天門語狀且為榮溶危榮溶以死自誓集紳耆練民團為保衛計無何黨眾來攻遂被害記名驍騎校炳安同死僕成松亦殉焉同時殉國難者為候補縣丞錫植姓汪氏漢軍人充沙市警察官盡室被燬歸州司巡檢方祖植安徽桐城人鄂軍頭目將入湘道歸州土豪某夙仇祖植人殺之江岸石花街巡檢王萃奎江西豐城人佐穀城縣治盜有聲襄陽既變屬邑響應盜渠繫萃奎及一子一孫殺之蕪州吏目駱兆綸字文卿湖南江華人亂作知州亡去州人以綸習吏事遮留之綸請送母至漢口乃還至治所以全省皆陷事無可為憤絕投河死又襄陽府某縣典史當變作時晨起臨門外過者叩頭要入得負販者十八人出銀幣二百枚分遺之曰平生所積止此城破義不得活請助我殺敵眾感其義各攜肩輿長木及負擔之具噪而出變軍方踞

府署出不意擊死者數人俄而排槍起某與十八人者皆死候補知府張曾時
字望吧江蘇無錫人以書蹟似總督張之洞為之洞所賞充文案有年樞漢陽
車站貨捐戰事起避上海警署者誣為挾貨遁晉還漢口會計出入悉符合得還
黨人適同舟而辱之梓其冠遽投江死候補知縣聯森字植三蒙古鎮紅旗人
隸荆州駐防光緒八年舉人挑知縣發廣東改湖北履樞釐捐能恤商九月道
出漢陽變兵爭索金慷慨大罵遇害子寶焯兄子寶明從死

張景良湖北人將弁學堂畢業生游學日本歸充湖北新軍標統武昌既擁立
都督景良慷慨說之曰朝廷已宣布立憲不宜更言革命公受知遇久諸將惟
公命是聽蓋三思之變軍怒拘景良署中時清兵攻漢陽景良陽請赴前敵以
妻子為質乃委充司令官九月初六日之戰清兵卻景良率礮隊出臨礮子
彈一枚槍子彈一排甫戰彈礮景良遽大聲促軍退衆不知所為遂大潰死者
枕藉清兵得進屯大智門後廉其故殺景良臨刑夷然仰天大言曰某今日乃
不負大清矣倭和布字清泉滿洲正白旗人家世以武功顯獨兼肄文學起家

清史稿

忠義傳十

三

護軍藍翎長歷二等侍衛拳匪之變歐人僑京者多被戕倭和布護之甚至或
詰之曰外人僑吾國勝之不武無故與八國構衅敗將不國吾敢重召亂平旋
扈駕西行家人初以為戰死出為湖北均光營參將擢施南協副將川寇陷黔
江率所部赴援獲其渠斬以徇武昌變作鄂將屯宜昌者應之倭和布時以裁
缺寓宜城被執勸降不應以得死為幸遂槍殺之周飛鵬字翔千江西新建人
由武舉人累官都司充湖北襄陽防馬隊管帶駐老河口鄂軍變縣無賴出獄囚
糾水師營謀變飛鵬持不可出佩刀與鬪槍及馬腹墜馬槍繼至洞胸死裁缺
荆州城守營參將王萼亦遇難死之

松興蒙古正白旗人荆州駐防以諸生改武職累官協領記名副都統充常備
軍統領變兵入城被繫入鄂叱使跪曰吾朝廷大吏城不保護當死頭可斷膝
不可屈士紳三十餘人馳救之已及於難其戚善吉庖人福全皆從死駐防之
同時殉難者在武昌有兵備處提調松俊守楚望臺火藥庫變兵攻庫力戰死
三十標隊官重光守藩庫變兵掠取庫儲重光大呼保全名譽被槍死妻趙子

清史稿

忠義傳十

四

春年長年寶年同日殉四十一標排長色德本三十標副軍需官寶善二十九
標排長德齡隊官東良排長德培均戰死前泰甯鎮右營都司榮錦就養子書
記官則察所拔所佩劍自裁姪迎吉及則察舉室自焚驍騎校哲森以領軍械
至省自刺其腹死陸軍小學教習舉人迎禧平時於古人之當死不死者輒痛
詆之變作時衣冠坐講堂及難副軍需官榮勳仰藥死子額勒登勒穆貞額殉
之第八鎮執事官錦章謀召同志抵禦中途遇害父榮喜即自盡司書生恩特
亨雲騎尉榮清排長倉生光均大罵不屈死文生楚俊在督署金培榮森司書
生銜壽訥爾赫圖均在省與難在荆州者聯長澤麟憤全省盡陷發槍斃數人
被害協領志寬排長額哲蘇依成額爾斌魁恩騎尉扎勒杭阿隊官王榮耀均
亡於陣生員秋培城陷自盡防禦多瑞仰藥死記名驍騎校金霖嘗作萬言書
以旗制不良力主變更人多笑之及變作發槍自擊死又知縣用模範講習所
所員根壽於羊樓廟文生陸營司書生定海於施南府均死之其後死於江南
者為生員占先文志恩昌武生林福死鎮江者為生員榮有副將赫成額則隨
端方在資州兵變遇害軍諮府軍諮使良弼自有傳

宗室德祐字受之隸正藍旗不詳其支派宣統二年由禮部儀制司郎中選授
鳳翔府知府三年九月西安兵變德祐聞警即與知縣彭毓嵩籌備有湘人劉
瑞麟以武職留陝委令募團勇與參將王某分任防守初七夜匪徒假民軍名
號驟集千餘人攻府城德祐與毓嵩登陴激厲士卒拒守至天明匪氣奪將引
去以有內應者城遽陷左右擁德祐走避德祐曰此吾死所尚何避為匪繼至
呼曰知府滿人且宗室宜速殺之遂遇害又殺其幼子二人王參將同州人城
破與匪相搏憤而自殺昇至署乃死名未詳毓嵩字鏡孫四川宜賓人由舉人
官教諭學政疏薦用知縣選陝西鳳翔勳聽斷時方與小學必令讀經城陷後
毓嵩解束帶自經遇救未絕乃從容出堂皇北向跪起語衆曰吾有死耳任爾
等為之匪擁至署西北神祠以白布纏其頸毓嵩怒督遂被戕梟其首去年六
十有二子蘇年奔赴死所為匪衆所逐投井死

楊調元字蘇甫貴州貴筑人光緒二年進士授戶部主事丁父憂歸服除以母

老不赴官終母喪乃入都改知縣陝西紫陽縣於秦境為極南居萬山中為楚蜀會匪出沒地以緝捕有名邊長安權華陰疏洛河渠復民田五萬畝調華州以獄事件上官解任已復補成陽擢華州署富平渭南等縣其署渭南以宣統三年正月先是南方革命軍數起皆不得志始改計結學生之隸新軍籍者潛伏待應陝軍勢弱則又結會匪以厚其力八月十九日鄂變起九月朔陝變繼作諸守令多委印去調元獨謂守土吏當與城存亡亟召紳民議守禦渭南北有號刀客者殺人尋讐數犯法至是感調元義爭效命集者萬餘人檄邑紳武進士韓有書統之時鄰匪遽起渭南以守禦嚴不能入臨潼武生張士原揚言受軍政府命驟率眾徇城下調元登陴語之曰吏所職保民耳無如所犯則釋兵入見必怙威圖一逞則視力所極當與決生死士原知不可侮遂屏騎入解以讓貨餉事語侵調元至是躑躅解後園中仰天歎曰吾誼應死所以委曲遂就欲脫吾民兵禍而後歸死耳詢辱至此尙可一息偷生乎遂投井死民聞調元殉難執士原磔之並殺陝都督所派副統領及同黨數十人以徇有

清史稿

忠義傳十

五

書時出擊他盜馳歸葬調元畢家原調元通古學工詩文有訓纂堂集說文解字均譜等書所作篆書人尤寶之楊宜瀚字吟海四川成都人兄宜治官太常寺卿宜瀚好學嘗入烏魯木齊都統金順幕中治軍書知名保知縣中順天鄉試舉人以知縣發陝西補興平調寶雞以經術節吏事與調元齊名署華州知州民軍圍署索餉以威劫入甘露寺中有以事繫獄賴宜瀚手反得出者約護宜瀚出入夜宜瀚獨至神殿自經死遺書親友意思安閒謂已得死所無可哀者陳問紳字子仲湖北安陸人入貨為縣令發陝西權甘泉以能緝捕稱調白水邑刀匪素難治武昌變起乘間應之糾眾攻城時問紳初受任一切無備乃集紳民告之以不忍以一人故致全境糜爛遽出城大罵不屈死妻吳以護印不與同被戕并斃備婦某德銳滿洲人官秦中久歷長安三原諸縣有循聲西安變作八旗人多被禍德銳時居會城變兵突入語德銳公得民心我曹不忍死公請速出城答曰咸汝等意然予滿人也不忍獨生刃加予頸可也遽起奪刀自刺死妻子均自裁皮潤璞湖北大冶人官榆林縣典史有強項稱變作匪

徒縛榆林鎮總兵張某中營游擊瑞某送獄潤瑛斥之羣怒以利刃相擬不為動紛加以刃分肢體為數段妻聞訊即以身殉榆林守備穆克精額同時死圍門自盡時殉難者候補道榮麟字仲文滿洲人變作方維白河釐金全家投井死候補知州張存善字次章惟鳳翔鹽齏死事所候補直隸州知州寶坪字子鈞西安駐防一門殉難者七人候補同知廣啓字少漁候補通判嚴濟字寬甫均滿洲人與於難

張毅字仁府直隸天津人父夢元官福建布政使護台灣巡撫以清廉著稱卒贈太子少保毅由廢生官部曹改道員分山西奏調陝西授甘涼道宣統三年六月擢安徽提法使八月自隴入秦將入觀九月抵乾州變作道梗變軍偵知之請為參謀官斥之搜眾怒羈留不得脫會疾作州人知毅賢言於變軍乃出就醫毅念惟一死可自完十一月初十日夜加丑乘間投井死毅無官守中道遊變卒完大節世尤多之

清史稿

忠義傳十

六

喜明領兵百餘人獨樹一幟誓以書生效死戰不利歸告母曰吾屬死不免母曰婦女以潔身為重可受辱乎帥子婦二幼孫一投井死喜明有三女匿鄰廟中走入手刃之釐血書壁曰喜哲臣三女死於此還至家縱火自焚死附生春祥素端謹聞變後語兄若弟曰城破家必亡自古全家盡節有光史册吾願死矣則皆應曰諾城陷聞礮聲近曰可矣遂偕兄弟妻子輩十餘口焚死無一免者直隸州州判阿爾精額惟釐金於方計堡受代還道咸陽變軍將劫之為之語曰吾當未亂時志欲以忠報國敢偷活耶義之不加害乃入邸舍肅衣冠北向自刎死妻張氏即吞金以殉城破時陣亡者為協領斌恒恩瑞存福培基佐領貴陞特克什肯慶喜巴克三圖恆秀瑞明額哲本達朗阿興智恩壽玉祥西拉本奇徹亨恩撤亨防禦存喜存陸恩成林福色清額平陸胡圖靈額惠文鶴齡奇巽蘇克敦訥拉春惠源呢克通阿哲爾精額惠祥驍騎校奎亮林啟啟弟正目林璋都倫太景文太薩立善文昭伊吉斯輝智厚惠慶惠啟副官惠璋鹽大使文煥舉人惠斌生員金常武舉人德森布騎都尉昌廣益光雲騎尉俊亮

和瑞松善特伸布富海勝春海亮多鑾太達林和順忠雲玉恒培文存祿倭什
瑋鳳玉惠撤享恩騎尉培緒鳳山恩瑞奎德貴成錫齡崇喜倭仁額殉難者爲
佐領圖切理候補直隸州知州寶坪直隸州州同俊興候補知縣德銳自刺死
妻子同殉防禦多英與長子舉人奎成率妻女等投井死次子生員奎章伏井
慟哭從死族弟奎斌奎莊皆死之巡官惠祥率警生守城城陷投井死家屬從
死者六人從子廣興既殉母趙氏年六十餘執短刀闖入民軍欲殺敵尋自刎
死生員音德本走多公祠自經死弟領催額哲亨城陷死傷亡者佐領圖們布
善印全瑞旗兵之死於此役有名册可稽者凡千餘人官弁兵丁之家屬遇害
及自盡者尤衆論者謂各省駐防於辛亥國變以西安死難爲最烈且最多云
譚振德字子明直隸天津人始入武備學堂調新建陸軍派充山西四十三協
協統時山西僅陸軍一協振德寬而有制兵士親之巡撫陸鍾琦履任之三月
武昌變作陝西響應召軍官議省防振德與參議官姚鴻法建議接濟河南軍
火而以重兵助守潼關鍾琦從之遂於九月初七日發新軍一二營子彈令於

清史稿

忠義傳十

七

翌日出蒲州屯潼關又令熊國斌帶第三營繼之有構於一二營者謂熊營將
於中途襲擊適第二營管帶姚維藩以請棉衣未得爲憾聞之憤激謀變明日
擁衆入省城振德聞警不及集兵衝出遮道對衆有所宣喻維藩恐其撓衆
心舉槍斃之遂趨撫署鍾琦父子殉難國斌以不肯附和亦被戕鍾琦自有傳
陳政詩字詠笙浙江仁和人年十九從湘軍西征將軍穆圖善器之從至奉天
充防營統領光緒初以知縣發山西歷署州縣以廉惠稱以勦套匪功擢知府
以道員用調浙統嘉湖水陸防軍中議能宣統元年浙撫增韞奏言政詩軍紀
嚴有廉將風詔復原官再發山西三年統帶南路巡防隊駐澤州兼署澤州府
武昌變作陝西響應管新軍亦變戕巡撫時政詩駐聞喜隘口鎮遏變兵南趨
敵千人脅土匪亦千人以三百人屢敗之方乘勝進擊清廷詔命停戰乃駐師
絳州敵句結旁近土匪勢復張政詩以去絳則南路即與秦軍接全晉將不保
誓死守十一月二十日敵攻城紳迎以入政詩巷戰力不支被執罵不絕口
剖心割死弟敷詩山西候補同知隊官陳順興劉占魁均同時被難陸敘釗

字磐芝順天大興人原籍蕭山少厲志節從軍甘肅保知縣曾國荃撫山西招
入幕擢直隸州發山西歷官州縣凡十二皆有聲宰靈邱十年尤得民拳匪逼
晉邊大治鄉團縣境晏然宣統初薦卓異補河東監掣同知太原變作河東戒
嚴叙釗先以盛暑督浴鹽池致疾至是疾甚強起治防守事秦軍來襲晉軍應
之城陷預服阿夫容膏衣冠出堂皇厲聲詞之勿交下無完膚殞於座子文治
聞變以毀卒幼子亦爲變兵所戕時論謂與巡撫陸鍾琦父死忠子死孝鄉里
同氏族同死難情事略同推爲奇烈時興陶林廳同知齊世名天津人崑崙州
知州奎彰天鎮縣知縣世泰均京旗人先後均以兵變被戕

清史稿

忠義傳十

八

羅長琦字中田湖南湘鄉人光緒二十一年進士改庶吉士授編修升道員
發江蘇改四川趙爾豐督川邊軍事長琦在幕府多贊畫宣統二年簡駐藏左
參贊駐藏大臣聯豫以兵備任之會閱新調川軍以譁謀故與協統鍾穎有隙
且嚴鍾穎入藏軍資用浮冒汰二十餘萬鍾穎益嫉三年五月鍾穎率師征波
密戰屢挫長琦馳往奪其軍得鍾穎失機狀方激厲軍士規進取而軍多會黨
氣鬱甚長琦駭將又嚴及秋內地變作軍在藏者遽變掠長琦私宅波密軍繼
之繁長琦屈辱之偶得脫自投崖下未死復曳之起卒被戕長琦之死鍾穎實
陰嫉之後家人怨得實實鍾穎於法曹銘浙江上虞人由諸生參四川總督劉
秉璋幕保知縣歷治西藏夷務著績擢道員巴塘邊亂番衆族十餘陰爲犄角
銘往解散趙爾豐軍得深入勘定功尤偉署嘉定府旋委石堤釐局局介黔楚
間往者皆中飽銘絲毫不染成都變作匪衆入局露刃逼索釐款並不應中十
餘創垂絕乃委去縣紳來視以先事窩藏金指視之點驗畢遽卒章慶字勤生
浙江會稽人以通法家言游蜀就幕職爲總督錫良等所器保知縣所至有聲
署劍州倡捐萬金修文廟禽巨逆王文則殲其黨九十餘人調南部河徙留城
築長隄禦之城以完調冤甯縣有橋緝敵川南毀於水渡者以水駛多溺慶製
鐵梁數十丈行旅稱便普支夷擾境慶廉威所被濟以兵力夷歸誠出被掠者
多人補射洪擢道員在任候補其任西昌也值川省爭路事起哥匪張國旺與
裁缺千總黃義庫偵知甯遠軍隊出防城中無備聯內匪襲城慶督團衆禦之

力竭死之妻顏猶子鏞及胥役僕從同死者二十餘人徐昭益字謙侯浙江烏程人咸豐季年殉難江蘇巡撫有壬從孫隨父游蜀以通法家言佐治有聲官知縣宣統三年四月攝威遠同志會起土匪附會名義乘機報怨四出剽掠匪過境昭益率團丁數百人出城解散不從匪以全力進逼昭益念母老居危城命親丁護送還省母臨行勉以大義昭益泣涕受命謂必不負母訓以辱先人聞者皆為感動九月十三日匪薄城下奸民為內應團丁未訓練猝戰潰昭益乘騎亦受創退而守城其曾七八人入廳事昭益厲聲問何不殺我其一曾突出利刃刺昭益腹死之曹彬孫字萬臣順天武清人以舉人勞績知縣發四川權奉節補開縣未赴七月省城之爭路構衅匪徒欲附同志軍起事彬孫隨方禁阻未敢逞武昌發難慶府響應十月初十日彬孫率團勇出巡行至協臺壩眾暴起團勇先受煽不戰而散彬孫被執刺其首置縣公案警察長徐某失其名安慶人同時被戕汪承第字棟圃江蘇太倉州人由州學生佐學幕以知縣發四川甯遠夷亂檄運兵械至則知府黃承麟留辦撫事充營務處攝大

清史稿

忠義傳十

九

是川漢鐵路擬派租股請減萬餘金民困以紓攝永川解散公口秘密會編練保甲羣盜屏跡既受代大吏仍以營務屬之同志軍起雙流境尤猖張檄攝縣事捕誅其尤者人心少定未幾省城變作土寇四起以事至簇橋被困中槍死十月二十日也吳以剛字克潛江蘇陽湖人以知縣發四川管轄彭縣縣銅廠通松潘茂州夷地素為盜藪胥吏與通十餘年不獲一犯以剛乘冬至朝賀禮畢馳馬自率隊禽之未午獲著名巨盜數人歸宣統三年以父憂充重慶屬水路巡警提調武昌變作黨人謂以剛藏軍器執而戕之時候補縣丞陶家琦在重慶誣與以剛通謀並遇害候補知縣湖南文某字晉巖省城兵變亦與於難

奎榮字聚五滿洲正紅旗人成都駐防同治十三年繙譯進士用知縣發四川奎榮篤嗜程朱書務躬行性溫厚與人語惟恐傷之始權南充偶誤決一獄屈者志而得狂疾聞之大喊曰是予之罪也亟集兩曹自引咎平反之自是聽斷益平尤留意風化在峨眉任捐俸購備先書集書院諸生定課程親為講授歷

健為彭水慶符諸縣所至勸學一如在峨眉時庚子前以老告休捐居宅為學校用銀路爭事起總督趙爾豐持之急奎榮太息謂捐下益上失民心蜀禍將自此始遂避地郊居同志軍起復還入城十月初四日紳民迫總督交政權又訛傳北京失守遂託疾不食或謂年已篤老毋過自苦奎榮慨然曰國事如此吾輩尚偷生耶至十四日餓死年八十奎榮德望為蜀士推重皆稱聚五先生既殉節益崇敬之

王毓江字襟山安徽宿州人父心忠官江南總兵毓江將家子有材略以知縣官江蘇復以道員改發陝西充兵備處總辦余誠格擢湘撫檄調湖南仍管兵備處事長沙變被執罵絕不口被亂兵所戕到湘纔九日同時死難者候補游擊劉駿堂湖南益陽人光緒庚子自立軍謀起漢上事敗駿堂時管帶院署衛隊捕黨人最力黨中尤恨之至是自益陽拘至省城徇於市駿堂罵不絕聲眾憤怒叢擊斃之并籍其家鍾麟字書春蒙古正白旗人光緒二十九年進士用知縣發湖南補瀏陽攝永順宣統二年調嘉禾省城難作銜永郴桂道通令輸

清史稿

忠義傳十

十

欵麟聞大慟即集士紳謂曰麟汝縣經歲無德於民今國亡城危請諸君先殺麟以謝百姓幸縣城不罹兵禍死無所恨皆相顧錯愕為好語慰之九月二十一日民軍圍縣署鍾麟坐堂皇屏金自盡預伏火內室妻邱氏燬焉兩子及次子婦均遇難典史何永清字澤溥四川新津人捐典史發湖南應權州同州吏日屏絕規費胥役畏之營於除夕有富商以金為壽請繫一負債者永清曰除夕人皆歡聚我拘之非人情我受金而使人一家皇皇非此心所安峻拒之其廉介類此變作誓與鍾麟死守或有諭永清者謂邑侯旗籍民軍恐不相容公幸自愛有變當奉公主縣事永清謝之不為動道令至永清痛哭懸印於肘自經死沈瀛字士登江蘇吳縣人嘗封臂療母疾以勞保知縣嘗從湘撫吳大澂出關事轉運絲毫不自潤累署武陵長沙奏擢知府宣統二年春長沙以米貴肇事旋撫署以瀛前任長沙得民心復令攝任緝匪振貧省城復安二年八月充營務處提調新軍既變黃忠浩被戕瀛方出巡新軍進入諮議局請為長沙守不可請仍宰長沙又不可謂諸室令所親勸之至泣下瀛曰官大清州縣

二十年一朝背之異日將何面目見人乎言已大哭與前湘鄉知縣城固申錫
綬同忍飢以死節相勉黨人知不可屈擁二人出罵不絕口同死之時長沙協
都司熊得壽爲人狙擊死忠浩自有傳

世增字益之爲祖大壽後隸正白旗漢軍由生員入同文館通法文隨使英俄
諸國歷保道員加布政使銜嘗譯西藏全圖西伯利亞鐵路圖進呈光緒三十
二年授甯紹台道外務部調丞參上行走三十三年授兗沂曹道擢雲南按察
使調交涉使宣統二年擢布政使三年七月調甘肅未行而革命維作時新簡
演藩未至或諷世增速交替可脫險以義不當苟免辭之事亟法領事章禮敦
勸入領事館又謝之有懟世增者則曰人孰無恥安有一省大吏求庇外人者
得死命也揮拳罵出獨抱印不去九月十三日兵變世增夕懷印步謁總督李
經羲僕紀祥從總督拒不見乃歸出手槍自擊紀祥遽奪之悲曰汝誤我軍隊
突入擁至講武堂索金助餉斥之章禮敦聞訊來視且允代任餉銀二萬變兵
略無圖害意夜半槍聲作楊某給守兵謂電請大兵且至衆遂叩寢門迫世增

清史稿

忠義傳十

十一

爲都督且以槍擬之卒不應排槍起中五彈死紀祥圖殉衆義之獲免乃市薄
樸斂事上聞贈巡撫忠愍石家銘字訂西湖南湘潭人治刑名游演佐大府
幕凡邊防阨塞及通商各國科條章約靡不諳究雲南自界連英法領土交涉
尤繁文書往復惟家銘隨方應付動中窳要歷任總督皆倚重之以縣丞累擢
知府宣統元年補昭通三年調澂江尋改開化視事數月審結滯獄數百起多
所平反九月十五日巡道所募新兵驟變署中僅哨弁李世清率衛兵二十人
守禦相持竟夜子彈盡仰藥不死和金屏服之又不死乃令世清然火油以身
投入世清哭隨之遂共焚死世清雲南人琦璘滿洲鎮紅旗人由部曹選授雲
南澂江府知府調補順甯嚴正廉潔對屬吏不少假借省城兵變正籌議集兵
往剿先是順甯縣令蕭貴祥疏脫要犯援例上劾貴祥銜之至是結巡防營乘
不備入城貴祥假他事請琦璘至文昌廟會議突起圍之琦璘理論不退遂大
罵衆怒遂開槍擊殺之城中大亂貴祥遁去毛汝霖字澤卿四川成都人雲南
候補知州宣統三年權永昌府釐金代行知府事九月初六日騰越兵變永昌

清史稿

卷五〇一

民大震集民團守禦十二日電傳省城變作知事不可爲仰藥死營官羅某民
軍入城不屈被害碎其尸胡國瑞字瓊笙湖南攸縣人舉人光緒二十九年挑
知縣發雲南始攝露益知州清積訟逾百三十三年署彌勒縣多盜易八令不
能治告成將我行君繼之出不意可禽也如其策破賊巢禽其渠斬之明年大
涼獨振並舉以循績上聞被旨嘉獎旋補江川擢大關廳同知皆未之任時請
修墓歸里既受代矣變作遺家屬行寓子書曰省垣不守布政使被戕餘無殉
節者臣子之義萬古爲昭予雖無守土責然實官也俟北信當死即死旬日後
訛傳京師破明日有汲於署東井者井上有雙履往視之則屹立井中死矣背
有遺書曰自經不死又復投井又書曰京師淪陷用以身殉達人取愚者終
不失爲愚於是縣吏棺斂之邑人請封其井題曰胡公井張舜琴字竹軒雲南
石屏州人舉人選昆明縣訓導講正學尙名節士皆敬之擢順甯府教授事繼
母孝迎養學舍顏其堂曰不冷監師範學校人疑舜琴改平時宗旨及觀其學
規嚴肅壹準禮法皆翁服外國教習亦僉曰張先生正人學使葉爾愷調充學

清史稿

忠義傳十

十二

務議紳變作有令剪髮即夕闔戶仰藥死
鍾麟同字建堂山東濟甯州人威海武備學堂畢業治軍嚴整累保道員以營
從軍龍州調入滇充陸軍第十九鎮統制官宣統三年九月初九日七十三標
兵變夜半自北校場入城麟同率衛隊扼五華山手發機關砲斃者數百而七
十四標駐巫家壩者應之更迭戰山下軍械局員陰與之合移巨礮城上攻五
華蟻附上衛隊傷亡多子彈亦盡突圍轉戰慨然曰身爲統將乃破壞至此何
面目生存耶以手槍自擊而仆變軍碎其尸剖心啖之上聞有忠骸支解慘不
忍聞之諭諡忠壯同時死難者輜重營管帶范鍾岳字靜甫直隸鹽山人力戰
死七十二標標統羅鴻奎直隸天津人被執不屈死七十四標副官張之泮直
隸河間人遇毒死七十二標第三營管帶張恩福直隸靜海人大罵被害孔繁
琴字韻笙安徽合肥人以文章投武衛軍入武備學堂畢業充哨官庚子拳亂
扈兩宮西狩與兄繁錦殿後奪回龍泉關名以起營調廣西幫辦紹字營駐柳
州營本降匪改編將調入城疑而譁變戕統軍繁琴舊擊之殞甚衆又調廣東

三五五

管帶巡防隊惠州匪聲言欲投誠曾紳求一見繁琴盛服單騎往覓有異出匕首刺之立斃匪黨將致死援者至乃免地方亦以匪首死始不復擾歷保知縣宣統元年調雲南充蒙箇防軍分統以勞補靖邊同知又以賑獎知府民軍之變獨率一營扼普雄軍至急與戰死其衆已而左膝中彈傷弁兵請退怒以槍擊之所部遂潰僅七人死守不去民軍中有素重繁琴者說之又以槍斃數人乃大憤發一槍問降否曰不降累問之答如故至十三槍乃中要害死管帶張榮魁與繁琴本同學是日亦戰死榮魁亦安徽人王振銳字化東山東膠縣人天津武備學堂畢業充哨長累擢至統領改道員入滇總辦兵備處治軍有節制變作欲墜城死僅傷左股遂被執勸降不從見害張嘉鈺字武平湖南鳳皇廳人起世職累官至總兵宣統三年署騰越鎮武昌變起有自省遺嘉鈺書諷其達時變者嘉鈺謂我所知者與城存亡而已其他非我所能行亦非所忍聞也未幾騰越防軍起應民軍九月初六日圍鎮署出堂皇彈壓兵猝入被戕陳兆棠字樹甘湖南桂陽州人父士杰山東巡撫自有傳宣統三年兆棠官惠

清史稿

忠義傳十

十三

州府知府九月粵中黨人起應武昌總督張鳴岐通香港民軍遂踞省城設軍政府潮州鎮趙國賢自盡死所統防軍擾亂守道知縣皆逃士民懼堅留兆棠收撫防軍部署未定二十八日民黨糾衆攻府署火及宅門左右挾兆棠出民軍懸賞購執令輸餉十萬貨死兆棠曰死則死耳安有鉅金助爾謀反衆怒縛之柱中十三槍乃絕國賢自有傳馮汝楨字萊雲浙江桐鄉人以諸生捐知縣發廣東樵商獄咸舉其職宣統三年七月攝西甯廣州變起黨軍圍縣署魯汝楨懸白旗示歸順持不可俄而槍聲作乃朝衣冠出大堂衆爭前槍刃交集洞胸穿脇斷右臂死之何承鑫字性存湖南湘潭人少治說文學光緒六年學政陶方琦按臨長沙以潔字爲題承鑫徵引詳贖文譽以起光緒季年廣東陸路提調秦炳直招入幕於軍事多所贊畫時提督駐惠州以總稽查任之宣統三年八月革命軍起惠及鄰境匪皆蠢動聞管官有通敵者密告炳直而營務處劉殿元以全力護主帥自任否則借死承鑫感其意以首觸地謝之亡何餉賈薪米竭援師不至承鑫以死自誓城陷夕歸私室自書絕命時日置衣帶中

並遺書誠子自經死炳直上聞以忠義可嘉褒之白如鏡字顯齋隸鎮黃旗漢軍由筆帖式補鑾儀衛官出爲興甯營都司宣統元年署潮州左營游擊兵變不屈死何培清字鏡亭廣東歸善人入提標補千總光緒三十四年領連和防營提督秦炳直才之調博羅剿羅桂幫匪盡殲之會鄂變粵應之民軍猝集攻博羅培清以三百人登陴守兩晝夜敵不得逞奸民開門迎民軍執培清不欲死之甫出猝遇羅桂餘黨出不意狙擊死之時又有黃兆熊者名家政以字行湖南湘潭人久從秦炳直爲惠安水師營哨官博羅既失民軍薄惠州兆熊被調入城守三日目不交睫城陷傳提督被害悲憤不欲生時全城搶攘獨攜槍至城堞間以足趾觸槍機洞貫胸腹死張德潤南雄人以千總充香山巡防營管帶官革軍入縣城守南門力戰援絕被執殺之投尸江中嘉應州游擊柏某時亦以兵變遇難張振德并失其籍廣西候補知府充巡防隊統領十月潯州亂率師至黃茅規進剿衆寡不敵中槍死時南甯府知府攝恩恩府舒志亦以兵變死之

清史稿

忠義傳十

十四

來秀字樂三姓赫格爾里氏滿洲鑲藍旗人由繙譯生考取筆帖式歷官刑部屢決疑獄充軍機章京三十三年出知汀州府大吏議加汀鹽價力爭罷武昌事起福建響應總督松壽殉難全省無主來秀在官多惠政士紳憂來秀滿洲爲人指目謁請護避汕頭來秀以大義自矢不之允九月三十日郡城驟懸白旗來秀知事不可回朝服坐大堂北向叩頭仰藥死松壽自有傳劉念慈字晉芝湖北鍾祥人由廩生選教諭俸滿以知縣發福建補永安福州既亂土匪倚山險衆數百人念慈募勇督剿匪負嶠抵抗勇被槍死念慈亦重傷爲匪擁去索銀幣取贖念慈即問遣人持絕命書歸且曰慎毋來贖以增羞貽累卒絕粒不食死李秉鈞漢軍正白旗人由騰錄敘知縣選秦甯有治聲革命變作慨然曰國亡與亡義也第縣治無官民將失所召紳士議保衛法既定仰藥死繼妻烏蘇氏亦仰藥殉之王榮綬字笛青湖南善化人以軍功起家官甘肅光緒二十八年改選連江縣知縣嚴於捕緝黨人莫敢留縣境受代唐省城被拘至軍政府責以前事抗辭不屈被害

定煊福州駐防諸生有幹略官佐領武昌變起將軍模壽日料軍實簡卒伍旗民能勝兵者皆授以兵而任定煊為捷勝管帶日夕操練防軍圖變於九月十八日揚言旗營將開礮洗城以懼眾四鼓礮聲隆起分撲軍督兩署模壽親督所部血戰兩晝夜防禦長瑞驍騎校巴揚額主軍奮發憤從戰相繼殞於陣前者僵後者繼變軍不支漸引卻偵利槍巨礮皆在手山定煊從模壽於二十日夕短衣草屨督死士製山壘深入中礮死長瑞巴揚額均繙譯舉人同隸駐防之前鋒森俊蘇都里達哈使尙阿里領催桂斌慶銘舉人松音均陣亡教員麟瑞舉人裕形與兄筆帖式裕豐族兄哨官鑠欽額均殉難模壽自有傳

王有宏字金波直隸天津人同治五年投効銘軍充兵目自平定髮捻餘孽與勦臺灣番社法人攻臺灣諸役均隨軍有功擢至游擊日本淪盟奏調山海關辦防務和議成入江南防營以緝梟匪勞記名總兵江蘇巡撫鹿傳霖器之從入秦扈從兩宮回鑾尋為河南巡撫張人駿奏留倚以練軍人駿督兩廣移督兩江皆從管江南緝捕營兼統總督衛隊宣統三年八月湖北告變檄統選鋒

清史稿

忠義傳十

十五

十營會提督張勳江防軍守江甯嘗請率三千人赴滬守製造局斷蘇杭鐵道未果無何江蘇巡撫程德全宣布獨立率兵攻江甯提督張勳與戰頗勝而變軍別出一支攻督署有宏以機關礮擊却之十月初旬德全以江浙聯軍至甯集薄城有宏馳出通濟門以三百人戰民軍以遠鏡測知有宏所在發槍子中左腹猶植立督軍士進擊左右昇至醫院乃絕電聞贈太子少保諡壯武何師程字雲門由雙騎都尉擢副將保總兵補江南督標中軍十月十二日甯垣陷自戕黃凱臣本名彩以字行江蘇江都人入徐寶山虎字營為哨官敘功至游擊以事去職至寶茶自給武昌變起江甯將軍鐵良添募十營助城守凱臣領其一省城既陷各營相約懸白旗凱臣語所親曰城不守而相率降附吾實恥之聯軍至橫刀大呼殺敵馳入陣被戕威從雲徐州人由行伍官千總隸江蘇巡防營以能緝捕名蘇滬獨立時從雲率巡防一營駐黃渡抵抗不從遂為民軍所戕

盛成字挹軒本荆州駐防同治初金陵克復調江甯山驍騎尉累擢鎮黃旗佐

領民軍攻江甯知城不可守約知交城破各挈孥就火藥庫謀同死十月十一日城破有言繳械免死者眾要盛成往不應率子婦趙孫國瑞女三赴藥庫擲酒痛飲炷香以待炸發哈耶阿字叔芬素與盛成善聞之亦挈妻張子成仁成義女一往同時燬焉旁近旗民無老幼男婦巨響一震死不知數南山字壽民充貼寫累擢防禦初從將軍鐵良駐軍北極閣城破知同僚集都統署馳入言曰吾輩受國厚恩今宜發天良背城一戰不濟則以死繼之無應者出召軍士語如前亦無應者悲其發槍自擊死妻某聞南山殉節抱其子縱火自焚死培秀字希賢先以襁褓子授其戚以阿芙蓉膏飲一女一姪女夫婦自焚死防禦松柏與妻子女八人驍騎尉恩鈞夫婦副前鋒寶林全家防禦長年均自焚死隸某旗洪某聞變先以妻女投官井與同居劉永祥圍室舉火自焚洪失其名永祥微者也中學教習與發約同營前鋒錦秀同投塘水死小學校長富勒渾布嘗以世濁獨清晉與屈靈均為伍有欲縛獻民軍者躍入水猶抗聲語曰吾今日遂吾志矣不受援死防禦德海驍騎校愛仁阿榮生均率妻女子婦千

清史稿

忠義傳十

十六

總色勒善夫婦佐領廣照世職關秀崑相率投水死防禦果仁布城破自盡世職鹿鳴自經死隊官汝霖彭興教練官恩錫執事官魁穩均以不屈被害陣亡者為驍騎尉趙金泉教練官鵬興排長海祥礮隊官趙壽昌被戕者千總富有世職金鑫祥秦韓萬興鴻錫侯恩俊卜金海永潮韓萬富文生衣吉斯渾凡旗兵戰死及眷屬與難見姓名者數百人事定掩埋叢冢凡十三處其數不可稽生員長明以在杭州武備學堂肄業為同學斫之死

桂城字仲藩姓伊布籽克氏蒙古鎮紅旗人世京口駐防由生員入將備學堂考送日本振武士官諸學校入聯隊實習調江甯為憲兵協軍校管陸軍警察營宣統三年九月變作遺妻子槍令自裁族人在軍者咸勗以大義時第九鎮統制徐紹楨駐秣陵關往謁知桂城不與同志也拘荒祠中新軍敗兩花臺遂怒桂城擁之出中數槍死後二年補設剛愎延浩字子餘蒙古鄂依羅特氏漢姓文既老赤面白鬚善騎射如少年官協領以原品食俸載穆殉節默不語具衣冠北面再拜偃臥不食卒文蔚字子貞蒙古人同治初從將軍都興阿軍累

擢佐領變作家人勸出避誓死不應一夕痛飲哭不止家人謂其醉也中夜遽卒蓋陰以毒物自戕矣年八十協領余世寬驍騎尉恩厚同源佐領春濤延熙防禦貴慶延福前鋒錦章炳炎領催東皋德慶延昌松廷三元錫昌雲騎尉良弼師範學校校長崇樸生員崇椿同以絕食死防禦吉瑞嘔血死領催德祥自經死前鋒鍾祥達邦領催慶耀陞奎國能殿倫發昆五品頂戴發元生員穆都哩同自經死前鋒德尙領催清泰投江死舉人恩沛吞玻璃死佐領榮康德興普亮前鋒國棟和庸及弟啟瑞領催文光延熙及弟延本海春恩騎尉延章西登佈武舉人炳南生員喜德師範畢業生錫蕃均受傷死安徽縣丞壽餘及二子德興德祥同日遇害其被調江甯者排長國權海靖文馨啟貞與桂城同日死排長炳陞守北城戰死馬兵那康元遇敵軍南門搜軍械不服縛於樹支解死

高謙字敬亭湖南沅江人同治季年從左宗棠度隴司書記以勞保縣丞發安徽光緒八年宗棠督兩江委謙准北督銷分局連任十有七年鹽商饋遺皆不請

清史稿

忠義傳十

十七

受受代典衣裘而行商民頌之三十三年補安徽阜陽縣丞清嚴不妄入民間一錢知縣有過舉輒陰爲規正民尤愛戴之宣統三年九月二十五日安慶變作變兵旋入阜陽左右勸謙引避厲聲斥曰名位雖卑大節不易吾豈苟活者耶卽夕飲鴆自盡凌晨家人入視則衣冠端坐氣絕面如生年七十有四民間之皆走哭議立祠祀之因亂未果

黃爲熊字子祥江西德化人由舉人挑知縣發浙江署於潛再署東陽民好訟積案千百排日決事民畏而感之署蘭溪除盜匪殆盡益興學重農治行上聞被獎省城變作聞之欲自裁翌日聞訛言謂京師陷大慟曰主憂臣辱主辱臣死何顏見地方人民耶亂民來奪縣印正色諭之不許抱印自經僚友趨救氣已絕面如生文海字雲舫漢軍鎮藍旗人由拔貢生用知縣發浙江一攝長興充勸業道科長新軍變入寓搜軍械得洋槍將繫之文海發槍斃一人傷二人出報其黨被收慷慨不屈引頸受刃死趙翰階字春亭山西祁縣人父受壁奉天昌圖知府有惠政翰階隨侍邊塞習騎射以任俠重鄉里拳匪之變嘗乘垣

斃其曾增韞素與習官浙江巡撫令充衛隊管帶杭垣變作撫署被圍率猶子趙錦標等突圍入護巡撫家屬穴牆匿民舍明日聞巡撫爲新軍所拘往救之翠錦標持手槍出爲變兵所執曰我北方男子豈畏死者遂與錦標同被害

貴林字翰香滿洲正紅旗人杭州駐防官協領與浙人士游有賢名浙兵變駐防營猶抗拒相持二日浙人勸罷戰招貴林出營議事垂定有陷之者謂旗營反復不可信且誣貴林置毒各坊巷井中變軍誘之出槍斃之同出者子景海舉人存炳佐領哈楚顯同被害

清史稿

忠義傳十

十八

開城額特精額喝問何人以革命黨對遂斥曰汝等狗也我不死城不能開獨持槍擊衆環攻慘烈死暴尸數日居近商民始殮之文榮字如山蒙古巴岳特氏世襲雲騎尉變兵攻旗營三日堅不下使來議和合營官兵願効死力爭將軍德濟遠遣貴林出許之官兵皆擲槍軍署痛哭散去文榮憤不欲生手書十六字曰杭營失守忠義掃地清流北向是吾死所遂投河死迎喜號壽芝滿洲鎮白旗人年八十餘矣當議和時詣軍署以死爭大呼曰八旗受國恩三百年今事至此若輩猶欲觀顏偷生乎遂歸閉戶自經死金海正藍旗前鋒校變兵架巨礮吳山遙轟旗營衆議啟城馳奪之金海願從戰聞議和遂棄械于河亦自經死希曾正藍旗監生前南昌知府盛元孫變兵入營多劫殺希曾斥之曰既議和矣奈何猶爲盜賊行衆怒擊竟刺尸如泥時旗人皆自危頗有無故被殺者其姓名不能盡詳矣

王潤漢軍鎮紅旗人光緒季年以變儀衛治儀正出補秦州營游擊武昌事起甘肅僻遠總督長庚素持鎮靜聞陝西擾亂乃戒嚴時有道員黃越者宿與南方黨人通充軍事參議欲通陝中民軍謀獨立以陝中民軍屢敗乃陰引川軍入甘爲援王潤偵知日與守備習斌籌守禦以限於兵額未由增募是時南北欵議成甘陝電斷不相聞訊於秦州各官獨憚王潤忠鯁壬子正月二十三日遂率衆入城據各署局而以兵圍游擊署王潤列隊出拒身自督戰終以兵少不敵王潤中槍殞於陣

勞謙光字佩蘭山東陽信人少讀書有用世志入北洋武備學堂畢業山西設武備學堂聘為教習管帶馬隊營相知縣遂官於晉新政初始若督練處警察學堂並充提調官數歲移充北洋常備軍第三鎮參謀官兼軍需官擢第六鎮工程管帶官武漢變起率工程營赴前敵築橋漢上將以濟師敵爭之力敵子兩下躬督視不卻猝中敵死時十月初六日死而橋卒成清師得渡復漢陽清廷主兵者遂有停戰之議吉陞字允中滿洲鎮黃旗人以學生官本旗前鋒入海軍學習積資充海籌兵艦幫帶官湖北告警海軍奉調赴援至者兵艦十五艘魚雷艇二艘清軍攻漢陽海軍助勢而敵發多不命中未幾言煤罄相率下駛九月二十一日海籌與海容海琛三巡洋艦奉令離漢口二十三日抵九江時江西九江已響應武昌海容海琛遂相約懸白旗停泊海籌管帶喜昌不欲邀吉陞同遁吉陞潛然涕下曰國家經營海軍四十年結果乃如是耶發憤投長江死

清史稿

忠義傳十

十九

張程九字子溥奉天台安人由歲貢考充盛京宗室學教習任滿以知縣用宣統元年選為奉天諮議局議員二年九月鄂變起地方不逞之徒假改革名義狡然思逞台安齊某糾眾將起事程九持正不敢發程九聞警至省謁總督趙爾巽請派隊勦辦免塗炭地方爾巽允其請並令回縣辦鄉團以資捍衛程九歸經縣西佛牛泉為羣賊所伺設伏遇害卹贈知府賞世職

王文域字伯若四川人知山東樂安縣辛亥冬為變兵所戕黑龍江海倫府巡防馬隊管帶官譚鳳亭於十月陣亡有旨優卹伊犁將軍志銳被戕僕呂順以樸誠著臨難護主同死之從死者武巡捕官劉從德四川人教練官春勳京旗人志銳自有傳

張傳楷字睿斌直隸青縣諸生充宗人府供事敘勞得知州革命事起舉朝震恐自親貴達官而下惟日以徙家入外人居留地為事傳楷憤甚詣都察院上說帖請代奏院官無在者止院門哭三日無一官至遜位詔下拔所佩刀自戕死自銘十六字曰成仁取義孔孟所垂讀書明理舍此何為孫文楷字模卿山東益都人同治癸酉舉人潛心著述尤精金石之學以收藏貧其家力耕自養

恒履歲不入城市有適野集一笑集皆詠田事詩也遜位詔下家人秘不以聞經月忽入城訪友歸即仰藥自盡將死屬其子曰吾行吾所安耳母謂我死節也著有老學齋文集二卷今吾吟草四卷稽庵古印箋四卷古錢譜等書王乘龍字少枚福建龍溪人安貧好學以歲貢生授經里中閩軍應武昌乘龍感憤彌日不食鬻髮令下長至謁宗祠宗人勸之乘龍不一語入夕乃潛設香案自經死案上遺詩曰膚髮千鈞重綱常萬古新毀形圖苟活何以見君親年六十有一趙彝鼎字煥文江蘇江陰縣諸生好程朱之學武昌變起蘇撫程德全應之憤痛絕食十月初九日出而不返明日家人跡至三賢祠樓則衣冠北面懸梁問氣絕矣檢篋得遺筆千餘言有曰我死合君臣之義冀斯人不以我君為滿洲而漠視之願國家大兵早至反正者免脅從者赦又曰我為國故不死於家會文講學地正欲以明人倫也施偉字卓齋江蘇高淳縣諸生傲岸絕俗以兄喜譚新學心非之遜位詔下大慟壬子元日具衣冠拜家祠自書輓句祠壁投塘水死李澤霖字師兩廣東香山縣諸生教授生徒以小學近思錄為日課

清史稿

忠義傳十

二十

聞變絕粒五日死先手書清處士李師兩墓七字授其子俾刊墓道且命二子毋入學校毋出任胡穆林失其名湖北江陵縣諸生變作上書荊州將軍議戰守事將軍壯之時電報被燬具乞援贖令責以北行至資福寺為通敵之警察所偵繫沙市敵管詞之曰汝漢人奚助滿人為穆林叱之遇害杭州望江門有更夫某者夜鳴鉦巡於市變軍自城外入方味爽猝見之急鳴鉦大呼兵反狂走向官署冀警備軍詞之不止追及槍擊之立斃

梁濟字巨川廣西臨桂人父承光卒官山西貧不能歸寓京師喜讀賊繼光論兵書暨名臣奏議光緒十一年舉順天鄉試時父執吳潘祖蔭濟寄孫毓汶皆貴濟不求通迨毓汶罷政始一謁之大挑二等得教諭改內閣中書十餘年不遷舉經濟特科亦未赴三十三年京師巡警廳招理教養局濟以總局處罪人而收貧民於分局更立小學課幼兒俾分科習藝設專所售之費省而事集由內閣侍讀署民政部主事陞員外郎在部五年未補缺遜位詔下辭職家居明年內務部總長一再邀之卒不出歲戊午年六十諸子謀為壽止之不可避居

城北隅彭氏宅先期三日味爽投淨業湖死時十月初七日也遺書萬餘言惟
 倦者五事曰民曰官曰兵曰財曰皇室區畫甚備予設貞端有吳寶訓者字梓
 箴蒙古人嘗為理藩院員外郎素與濟游聞濟死痛哭越日亦投淨業湖死
 簡純澤字廉靜湖南長沙人父桂馥純澤生七歲即出嗣伯父敬臨敬臨以總
 兵從左宗棠軍攻金積堡叛回戰死諡勇節賜騎都尉世職純澤自幼吐棄俗
 學嘗入粵從西人習軍械製造法桂馥客游新疆久不歸迄二十餘年無耗純
 澤乃以製職從度隴軍欲遂出嘉峪關覓之隴督以荒遠堅阻而行文地方官
 搜訪卒不能得則大痛謂他日不求死鄉里也入陝西為布政使升允所重庚
 子升允率師勤王純澤與營官歐丙森從遇夷兵正定斬數百人疾作聞丙森
 戰死力疾請戰升允尼之上書責升允詞甚直正定令將迎夷師入下令軍中
 嚴陣待夷備之解去升允擢巡撫檄管武備學堂兼領新軍後復檄充新軍教
 練官會後撫以貪贖聞非門金不得通積二歲不往又與道員王毓江議軍事
 不協謝歸里國變後居數年悲咤不解丙辰夏北行之京師旋客天津後一年

清史稿

卷一百一

二十一

至煙臺游煙霞洞去之威海投海死獲其屍有自書絕命詞以樹墓碣鐫大清
 遺民四大字為獲屍者告感其義歛而葬諸海濱且立碣焉

王國維字靜安浙江海甯州諸生少以文名年弱冠適時論謀變法自強即習
 東文兼歐洲英德各國文並至日本求學通農學及哲學心理學等學調學
 部充圖書館編譯名詞館協修辛亥後攜家東渡乃專研國學謂尼山之學在
 信古今人則信今而疑古變本加厲橫流不返遂專以反經信古為己任著述
 甚多擷其精粹為觀堂集林二十卷返國十年以教授自給壬戌冬前陝甘總
 督升允薦入南書房食五品俸屢言事皆褒許甲子冬遇變國維誓死殉駕移
 天津丁卯春夏間時局益危國維悲憤不自制於五月初三日自沈於頤和園
 之昆明湖家人於衣帶中得遺墨自明死志曰五十之年祇欠一死經此世變
 義無再辱云云設忠愍海外人士知與不知莫不重之

清史稿

孝義一

列傳

清興關外俗純樸愛親敬長內慙而外嚴既定鼎禮教益備定旌格循明舊親
 存奉侍竭其力親沒善居喪或廬於墓親遠行萬里行求或生還或以喪歸友
 于兄弟同居三五世以上號義門及諸義行皆禮旌親病刲股劑肝親喪以身
 殉皆以傷生有禁有司以事聞輒破格報可所以教民者若是其周其密也國
 史承前例撰次孝友傳亦頗及諸義行合之方志甄錄文家傳述無慮千百人
 采其尤者用沈約宋書例為孝義傳事親存沒能盡禮或遷家庭之變能不失
 其正或遇寇難值水火能全其親若殉親而死或為親復讐友于兄弟同居三
 五世以上及凡有義行者各以類聚事同以時次孝為二卷友與義合一卷

清史稿

孝友一

一

- | | | | | | | | | | | | | | | | |
|-----|-----|-----|----|-----|-----|-------|----|-----|-----|-------|-----|-----|-----|----|-----|
| 周靖 | 朱用純 | 李景濂 | 黃農 | 鄭明允 | 何復漢 | 吳氏四孝子 | 趙清 | 薛文 | 丁履豫 | 覺覺色爾岱 | 李盛山 | 奚緝營 | 黃有則 | 胡鏡 | 張夢維 |
| 吳蕃昌 | 耿燿 | 汪瀨 | 曹亨 | 劉宗洙 | 許季覺 | 雷顯宗 | 榮漣 | 曹孝童 | 鍾保 | 王麟瑞 | 李佃 | 周士晉 | 王尙毅 | 李三 | 樂太希 |

董盛祖	徐守仁
李鳳翔	卯觀成
葛大賓	呂敦孚
王子明	張元翰
俞鴻慶	姜瑤
湯淵	魏興
戴兆本	潘周岱
張淮	胡其愛
張三愛	楊夢益
夏士友	白長久
郭味兒	董阿虎
張乞人	席墓孔
崔長生	榮孝子
清史稿	二
無錫二孝子	啞孝子

朱用純字致一江南崑山人父集璜明季以諸生死難用純慕王袁攀柏之義自號曰柏廬棄諸生奉母其學確守程朱知行並進而程於至敬來學者授以小學近思錄仿白鹿洞規設講約從者皆興起居喪毀管曰幸我欲短喪吾黨皆以為怪然可見古人喪禮之盡必蔬水饘粥哭泣哀毀無苟弛若今人飲酒食肉不改其常雖更三年豈謂久哉晚作較講語又為治家格言語平易而切至病將革設先人位拜於堂告無罪願弟子曰學問在性命事業在忠孝乃卒用純與徐彷彿無咎稱吳中三高士皆明季死事之孤也

吳藩昌字仲木浙江海鹽人父麟徵明季死難藩昌事所後母查孝居喪水漿不入口既殯啜粥不茹蔬果寢苦不脫衰絰比葬嘔血數升逾小祥遂卒從弟謙牧字衷仲為程朱之學事母朱孝居喪杖不能起疾稍間手編父遺集復困治冠裳哀動行路謙牧體素贏益不自勝遂卒藩昌謙牧皆交于張履祥履祥稱之時以孝著者復有歸安沈嬰亦履祥友也諸事母嚴母不御酒肉益力請

終不聽有疾醫為言乃御酒肉磊客授于外弟子具時食不忍食以為母未嘗也弟子乃先以饋母曰太君食矣乃食率以為常

周靖江南吳縣人父茂蘭刺血上書明父順昌冤事具明史靖少補諸生事親能盡力茂蘭卒辦踊哭泣喪葬悉如禮三年不脫衰絰不飲酒食肉小祥有疾作或謂在禮得飲酒食肉靖不可靖素善作篆或請題榜亦以喪辭

耿耀河南太康人世農父應科好施與七世同居顏其堂曰效藝兄光明諸生孝後母而教諸弟嚴熈從之學事必諮而後行明末流寇屠太康耀與弟炳昇母避河北質布以養母病朝出暮歸不解帶累月母卒挽車歸母喪炳亦純謹定興耿權與弟極以孝友聞炳慕其為人分田舍處之孫奇逢為作三耿傳焉方寇至光前卒未葬子於縣號泣守其柩不去寇執之推隕城下傷腰臂幾死寇退歸擲土掩柩乃去縣饑知縣餽以粟散贈貧乏督僮蔬任饑者刈以食同時有耿輔虞城人奉母避寇開封寇決河灌城倚浮木負母以渡母卒哀毀縋衣粗食終其世

清史稿 三

李景濂字亦周浙江鄞縣人幼喪母父再娶于何而卒何年少媒氏欲奪之景濂聞同於道出椎擊之歸告何何相與慟哭誓相依終身何教景濂嚴嚴景濂事何甚謹何嗜酪景濂日入市求之端捧急趨如鳥張翼市人怪而求其故則皆歎其孝為讓道何老病景濂侍疾七年不忘何卒景濂亦六十廬墓三年作搗子泣景濂明諸生明亡棄諸生去為醫

汪瀨江南休甯人晨日昂昇其弟也父病咯血瀨年十六割股和醫進良愈後數年病足晨割股煉為末敷治亦愈又數年復咯血晨復割臂以療更數年疾大作瀨復割臂勿膠晨病日昂泣曰吾兄割臂愈父吾不能割以愈吾兄乎眾尼之櫛且仆匠治棺日昇持匠斧斷指血淋漓調藥以飲晨有司表其門曰一門四孝友錢塘吳瑗及弟琦瑛瑛相友愛年皆逾九十江蘇華亭美應龍應龍子世瑛世瑛子文樞子超萃超萃子懷權懷權子斌六世皆以孝行旌人尤以為難

黃農江南元和人父貧諸生農年十餘母吳病六年農侍疾不懈母卒慟屢絕

坐臥母側側哀客授于外携農俱久之察其枕漬淚若膏貌翌然如初喪哀客授稍遠家農歸五日一往省哀止之則私伺門外問安否衣服器用時其寒暑具以往一夕心悸走省哀得暴疾昇以歸會除夕精神頓減算益父哀愈農三十餘而卒妻金亦賢孝

曹亨陝西鎮安人年十一喪母不能具棺號泣於路乞自爲歛或與之金葬母畢卽詣其家執役終身黃嘉章湖南桂陽人吳三桂之亂從父避兵連珠崖父沒兄嘉林年十六嘉章亦年十一自縊以葬父嘉林稍長力爲備得錢贖嘉章還兄弟相友愛

鄭明允江南歙縣人康熙間耿精忠兵至明允侍母抱譜牒及先世遺筆入山賊大索山中明允夜負母匿僻處還擊二子未至霧溢山虎聲震林木納二子石穴中疾趨侍母賊退二子亦無恙兄病視湯藥不去側及亡每慟輒絕與其戚同賈失其資明允發棗金盡與之族子緝客舍明允爲坐守達曙白于官出私財以歛有友蕩其資困甚明允罄所有以之無難色明允世業醫精而不試

清史稿

孝友傳

四

日十得九猶有一誤業賈終其身

劉宗洙字長源弟恩廣字錫三湖北襄城人父漢臣明季從軍襄城破被數創幾殆恩廣兩耳斷號泣負以歸宗洙方走避寇聞父難往赴賊殺其耳外居數年父病嘗時稱襄城嘗冀孝子父歿與季弟宗泗同居俄與恩廣皆得官以母老不出母幼恩廣嘔血至篤疾或慰解曰勿復言五內裂矣遂卒宗洙積哀兼痛弟亦嘔血卒恩廣子青黎康熙四十五年進士選庶吉士遭父喪哀毀嘔血事母不復出

何復漢江西廣昌人十五而喪父哭淚皆血長事母孝母疾作嘗冀苦甘以測病深淺不解帶者數月母幼寢苦三月淚漬苦左右盡血痕葬乃廬墓側日夜悲號毀終猶廬居吹精忠兵至復漢守墓不去親知毀其廬乃哭而行著古今粹言示子孫子人龍康熙五十二年進士入翰林

許季覺浙江海寧人少尚俠既折節讀書居親喪水漿不入口者七日杖而後起舍殮殯葬處拊哭祥禱皆用古禮葬躬負土廬于側朝夕哭不輟季覺故

與同縣查氏交密查氏貴嘗非侵許氏墓地季覺曰吾不能以友質親訟連年不決親朋居間季覺終不讓查氏誣季覺通海逮獄有爲辨者獄稍解避地山陰查氏復誣以他事再逮獄季覺度不免獄中碎盜蟲吞之死

吳氏四孝子江南崇明人失其名父壯年家貧鬻子爲富家奴及長皆能自贖娶婦列肆居養父母兄弟議奉父母膳月而易諸婦曰翁姑老矣月而易必三日後方爲翁姑具膳仍太疏乃議伯具早餐仲午叔哺次日季具早餐周而復始越五日諸子合具饌奉父母子孫皆侍諸婦以次上酒食以爲常室置厨兄弟各具錢五十父食畢取錢入市嬉易果餌歸昇諸孫錢將盡復具父或從博徒戲兄弟辭以錢昇博徒令陽負與其父以爲歛行之數十年父母皆將百歲奉事不衰陸隨其爲之傳

清史稿

孝友傳

五

饑出米粟濟貧乏代償其逋賦有需其孳者贖以歸休婚葬者三百餘家顯宗年九十朔望集家人講孝經曲禮內則諸篇里閭稱其家範

趙清山東諸城人生有至性嗜酒與同縣李澄中劉翼明輩徧陟縣中山縱飲輒沈頓喪父廬墓側百日母往携以歸喪母復廬墓側麻衣躬舂鍤負土爲墳毀幾殆客有勸者清曰清所以爲此者蓋下愚居喪法耳清狂蕩如湍水不居墓側將食旨久而甘聞樂久而樂居處且久而安不一期沈湎不可問矣不孝孰甚居廬久或傳有狼與犬爲守廬狎不相齧也

榮連江南無錫人少孤多病母令爲道士善詩畫事母孝出游得珍玩良藥必以奉母游倦歸晨昏侍母側母卒廬墓不復出連與縣人杜詔及僧妙復號三逸

薛文江南和州人弟化禮貧有母兄弟一出爲傭一留侍母迭相代留者在母側絮絮與母語不使孤坐日盱備者還挾酒米魚肉治食奉母兄弟舞躍歌謳以侑寒負母曝戶外兄弟前後爲侏儒作態博母笑母篤老病且死治殯葬畢

毀不能出戶備主跡至家父與化禮骨立不能起哭益哀數日皆死時康熙四十二年也知州何偉表其閭偉勸于民卒民祠焉乾隆間學政朱筠令以文化禮附偉祠

曹孝童江南無錫人居南郭父為坊者童五歲父或扇戶出則竟日不食鄰或哺之泣不食俟父歸同食父死童嗚咽旬死父側鄰市棺為斂

丁履豫江南婁縣人少孤事母孝兄二弟一皆出游以歲所入畀履豫使管甘旨母卒將斂書帥貌母像絕骨履豫誦視久之大慟仆地遽絕

鍾保滿洲鑲黃旗人父希晉以步軍校從討吳三桂積功當遷鍾保以父老力勸請休奉養康熙間自刑部筆帖式累遷刑部郎中居父喪哀慟水漿不入口

事母尤謹歸必侍母側兄蕩產撫其孤祖遺田宅悉推與之弟貧周之甚力雍正二年舉孝子賜金旌其門官至工部侍郎

覺羅色爾岱滿洲鑲紅旗人德世庫七世孫也性篤孝年十七父病醫不効乃割左臂為糜以進病稍旋物事母益謹母病飲食減亦減飲食飲食不能進

清史稿

孝義傳

六

憂之亦悽飲食母能飲食乃復常雍正元年命舉忠孝節義以色爾岱應詔賜白金旌其門授銀庫主事勳其官遷郎中康熙間以割臂療親旌者有翁杜佟

良與色爾岱同時有克什布翁杜滿洲鑲白旗人佟良蒙古鑲黃旗人官防禦克什布滿洲鑲紅旗人官三等侍衛

王麟瑞福建南靖人諸生八歲喪母事後母如所生母病渴非時思食梅麟瑞繞樹呼號不食三日梅夜華結實奉母母良愈父喪廬墓三年遇虎虎為卻避

雍正初詔舉孝廉方正縣以麟瑞上四年授陝西道監察御史出為直隸永平知府

李盛山福建羅源人母病割肝以救傷重卒巡撫常賚疏請旌下禮部禮部議輕生愚孝無旌表之例雍正六年三月壬子世宗諭曰朕惟世祖聖祖臨御萬

方立教明倫與人為善而於例慎予旌表者誠天地好生之盛心聖人覺世之至道視人命為至重不可以愚昧誤戕念孝道為至弘不可以毀傷為正但有

司未嘗以聖賢經常之道與國家愛養之心明白宣示是以愚夫愚婦救親而

捐軀殉夫而殞命往往有之既有其事若不予以旌表無以彰其苦志故數十年來雖未定例仍許奏聞且有邀恩於常格之外者聖祖哀矜下民之盛心如

是其周詳而委曲也父母愛子無所不至若因己病而致其子割肝割股以充飲饌和湯藥縱其子無恙父母未有不驚憂惻怛慘惕而不安者况因此而傷

生豈父母所忍聞乎父母有疾固人子盡心竭力之時儻能至誠純孝必且感天地動鬼神不必以驚世駭俗之為著奇于日用倫常之外婦人從一之義

而不改乃天下之正道然烈婦難節婦尤難夫亡之後婦職之當盡者更多上

有翁姑則當代為奉養他如修治薪繁經理家業其事難以悉數安得以一死畢其責乎朕今特頒訓諭有司廣為宣示俾知孝子節婦自有常經倫常之地

皆合中庸以母負國家教養於全之德倘訓諭之後仍有不愛軀命蹈於危亡者朕亦不概加旌表以成激烈輕生之習也盛山仍予旌表

李惻河南開封府人失其縣貧為木工父病痺奉侍惟謹歲歉不能養乃行乞於市歸啖父後得賑穀一石慮不能繼日吞升許供父而以糶稅自啜父病劇

清史稿

孝義傳

七

夜中鄰人時聞惻惻摩嗟泣聲遲明則惻抱父足死矣父亦一慟而絕鄰人感其孝收而葬之

奚樹營字聖輝江蘇寶山人父士本以孝旌樹營幼讀論語至父母之年不可不知輒隕涕綴綴師奇之謂真孝子也母病到臂以療士本老惡寒紺營夜

抱父足眠以為常兩弟早卒撫其孤如所生女兒嫁而貧從妹寡皆依以居為營婚嫁

周士晉江蘇嘉定人母病久醫言惟飲人乳可生士晉子生方九月謀於妻李棄道旁以乳乳母母病已問兒以殍對後李不復妊亦無恐越十二年有僧為

殷氏子推命年月日與士晉兒同詰之則得諸道旁者也父子得復合

黃有則湖南邵陽人四歲喪父母係幼苦育以長遺就傅或迂之孫曰吾忍死不飲兒廢學也有則大感慟奮學客授養母夏無帳主人以進命撤之曰吾母

無此也寒為製棉衣又邵之曰家貧無以煖母不忍享奇溫一夕風雪既寢復起行三十里歸省母母喜曰吾正思兒是時母逾九十有則亦六十矣母喪以

毀卒

王尚毅陝西郃陽人為人備母佞佛欲鑿山造佛像力不逮將死以命尚毅尚毅備當衣食積錢買山開洞琢石為佛像洞六象十二皆手造或怒而助之謝曰力不己出非敬母命也錢盡乃輟復出備得錢更為之如是三十餘年山植柏圍以紫荆洞上下蒔迎春洞成方冬花盡開山人怪之名曰九華洞山無水鑿池而雨至遂不涸名曰青龍池

胡鎮浙江上虞人鎮九歲從母汲母墮井鎮呼救未至亦躍入井救至引以出俱不死中歲遊陝西一夕忽心痛曰殆吾父病耶馳還父正病旋卒哀慟盡禮方冬母病求醫途遇盜衣盡褫冒寒行數十里與醫俱歸

李三江蘇宜興人一目眇一足跛父死二兄皆娶析產有田六畝屋四椽舟一二兄分田屋而昇三以舟送養母三奉母食必有肉母至二兄所三輒私致甘旨二兄死嫂一前死一嫁三獨奉母晨餐畢乃以舟應客或當出五十里外度盡日不能返雖重雇不之許事母三十年鄰里稱其孝撫兄子慈而教之嚴母

清史稿

孝義傳一

八

將死呼孫執手泣曰兒學好母累汝叔怒自是不復怒其兄子

張夢維直隸元城人縣諸生父晚病風痺夢維日侍左右臥起飲食溲溺皆躬自扶持父怒其勞呵之去少退復前數年不少懈事母如事父居喪哀毀準家禮屏俗習弟病疽為剪髮灼艾日數省視及卒勸其幾喪明弟妻或詬詈待之有加撫孤女逾己出弟妻卒悟且悔少師郡人衛鶴鳴治程朱之學鶴鳴卒心喪三年授弟子孝經小學以力行為本

樂太希湖北通山縣人幼慧三歲母負以嬉墮地傷額祖母問詭對恐祖母見憐而怒母也父疾抑擗灌濯晝夜不去側居喪盡哀既葬恒繞墓悲痛母疾及喪亦如之廬墓側居五年早為諸生以事親不應試或延使授經輒辭慮違親也親既終益篤學

董盛祖雲南黑鹽井人盛祖不知書早失父事母謹起居飲食侍視不少懈一妹嫁里中盛祖出負販呼妹還侍母妹亦善事母如盛祖盛祖行遇蛇當道驚曰母得無病乎歸則母方病呼盛祖人皆怪之母喪哭甚哀或慟絕鄰里驚救

之乃魁盛祖有妻早亡不更娶或勸之曰娶婦以事親顧賢者實難脫不賢將戾吾母吾能安乎卒不娶未終喪遂卒

徐守仁安徽青陽人世為農未嘗讀書四歲而孤事母孝得備直市酒肉奉母母呼共食輒以持齋謝實不忍分甘也母沒哀慟既葬露處墓側蛇虺不避里人哀之為廬舍飲食焉守仁并奉其父木主以居四年乃還其室鬚髮皆白

李鳳翔直隸武強人善事父母鳳翔以父老自請佐家事而督諸弟讀書習射應文武試父將終遺命析產心憐幼子而未有言鳳翔察父意益以所分三之一父歿事母益謹道光初清沱連歲氾溢閭里蕩析負鳳翔債者二千餘緒悉焚其券復散錢濟貧者又遇旱所藝蔬果任饑者采食族子早孤他縣人以迎喪遇必皆厚周之或將屠馬鳳翔贖以歸馬馴異常畜鄉人感之遂無屠馬者

卯觀成雲南恩安人父漢而母夷烏蒙亂父死母被掠鬻為婢亂定觀成無所依為昭通禁卒父母嘗為聘婦舅促觀成娶娶而不與婚三年舅詰之曰吾非不欲婚也行將嫁吾未婚之妻取所直歸吾母與之婚情不能割義亦不可出

清史稿

孝義傳一

九

也語且泣有義之者募得六十金以半贖其母牛為營庵舍成婚仍為禁卒以養母

葛大賓字興森湖南湘鄉人諸生四歲喪父哀慟如成人喪終值忌日出主祭主仆粉落葛字脫露周姓蓋木工飾周氏廢主為之大賓痛哭引咎告墓易主事母鉅細必躬疾管藥生徒有餽則獻管山客授獨坐心動亟還呼母母出屋後山遠願壓母坐處母沒飲不入口者五日既葬不脫衰屣以下縷皆盡喪終祭必哀兄弟既分居財盡大賓復與同居通財無所私沒則庇其喪無子為立後

呂數字湖南永定人父孟卿貧以客授自給母病將殆思肉食數孚方七歲貸諸屠屠不可泣而歸聞母呻吟益痛內念股肉可啗母取屠刀礪使利割右股四寸許授其女弟方五歲令就爐火炙以進母疾良已孟卿歸察數孚足微跛得其狀與母持以哭數孚曰母然兒因無所苦也鄉人皆嘆異稱孝童長為諸生學政溫忠翰疏聞尋除華容訓導孟卿亦嘗割股愈父病然數孚割股時初

知父有是事也

王子明甘肅通渭人諸生事母孝出爲客蔬果新出必遙獻乃食嘗赴試母病
桃香久不散女曰此必吾兄所獻記其日歸驗之果然馮星明甘肅秦安人爲
營卒成龍山食新非置諸案叩首同伍問之曰以獻母咸以爲迂或歸候其母
母曰他日吾假寐夢兒以非食我覺猶有餘香叩其日星明獻非時也

張元翰直隸南皮人光緒五年舉人除獲鹿教諭遷知縣方謁京師父嗣陶時
爲萬全教諭卒官元翰奔赴慟哭幾不能勝居喪三年悉用古禮喪終以知縣
待闕河南奉母赴官掘池甯陵諸縣方有事于考城而母遽卒元翰以父母
卒皆不克視終事大痛將歸葬自爲文祭告憑棺一慟而絕

俞鴻慶湖南善化人光緒十八年進士改庶吉士授編修事父母篤孝官京師
歲必乞假歸省二十七年母病鴻慶方自西安還京師聞喪奔還哀慟若不欲
生父年已八十衰病鴻慶跣步不去側婉容愉色依慕如少時冬夜必數起省
視或竟夕不眠二十九年父病鴻慶慟甚以毀卒距父歿方匝月

清史稿

孝義傳一

十

姜瑤雲南嶧峨人父文柄嘗遠游瑤裹糶行求得以歸貧析薪治圃以養父嗜
飲日必具酒家益貧父爲罷飲命子跪而請翌日借樵於山買酒歸共勸酣飲
日以爲常父物輒提父嘗飲盡活酒哭於墓人稱其固爲孝子圃

湯淵江蘇常熟人八歲喪父母茅紡織不稍休淵見輒淚下少長爲負販勸母
暫休母曰休不且餓死耶淵大慟客至母擎茗碗呼淵持以出淵跪而受自責
貧不能具僕婢也娶生子而婦亡或勸再娶曰吾已有子何忍分養母力以養
婦竟以繆終母卒哀號動行路其後家稍裕方冬有被而無繆曰吾母昔無此
也將卒命市棺視殯母之費

魏興直隸新城人早喪父興與弟繼宗皆入伍繼宗戰死興以母老出伍爲樵
以養歲饑米貴興以米奉母而自食糠糠不飽興亦老樵不足毀屋伐屋後
樹以爲安慮諸生張鵬翼聞其事過興見興侍母左右扶持如童子因問其隣
魏叟與其母日何食隣曰與暇包穀母食麥鵬翼大嗟異以其事白知府月子
以粟與母子始得飽

戴兆笨安徽旌德人少從父業縫紉十三喪母盡禮事後母如母父病啜亦減
飲食百方療父不得則割股糜以進終不愈慟甚廬墓側朝夕稽顙時歸省後
母呼妻出戒以善侍養不入其室

潘周岱安徽涇縣人爲竹工與父同傭必躬其勞而遺父易且逸者父創足負
以往返老廢周岱獨應傭得酒肉時蔬懷歸燂以進家食必父母食乃食歲饑
奉父母必豐次以食弟躬與妻子飽糠粃父母疾左右侍養無須臾去側母家
山下泉冽母病篤夜半思得泉以飲周岱挈瓶往行四十餘里嚮晨以泉至居
喪且暮悲號先後廬墓三年喪既終夕必詣墓蒸香然燈如是終其身妻吳亦
孝無違命

張淮浙江秀水人貧粗識字爲人收田租父有心疾思食羊非特殺則不食淮
買羊殺以食父思出游則賃肩輿侍以出窮日乃還父疾數年凡所思百方致
之不稍怠疾篤割股進卒不治同時張廷樞爲衣工奉母常效市中兒嬉戲以
娛母一日鄰家火負母出遷祀先之具而不及他器用節所入爲弟娶婦而終

清史稿

孝義傳一

十一

身不自娶縣人與淮稱二孝子道光初年事也
胡其愛江南桐城人爲人傭而養母母病能糶其愛日夕在左右視臥起飲食
出就備具晨餐度午不得歸出勺米付隣媪代糶必拜隣媪止之行數里外
復迺拜夜必歸爲母滌中裙則臉在傭家得肉食即請歸遺母母出觀優負以
往夜則負以還欲往戚黨家亦如之母沒負土爲墳居悒悒而卒方其明亦桐
城人亦爲傭而養母母亦病能糶其明慮出傭母飢渴乃棄傭爲丐負母以出
得食必先母母卒乃爲傭時荷鋤而泣曰昔爲乞苦飢寒不離母側今稍足衣
食思母不可得矣鄧成珠福建泰寧人亦爲傭而養母傭所距家遠日乞米一
合味且送母所還執傭母盲不能炊乃負母依主家傍舍朝夕爲具食主或以
爲言成珠曰成珠自減養奉母不敢重累主人也居五年母卒葬畢辭主人不
知所之

張三愛江南歙縣人爲人役事母孝母病不能具藥物或謂之曰汝欲愈母病
盍剖肝三愛禱於叢祠破腹肝墮出以右手割肝得指許左手納於腹束以白

麻歸以肝和羹飲母母良愈三愛創亦合三愛所事主故嘗為知縣貧通賦三
 愛輒代承被笞不少慰主病且死命三愛去三愛勿聽事主之子如事主
 楊夢益陝西邵陽人賣菜備也事母孝妻賈力紡織以佐養乾隆中歲飢夢益
 與妻食糠粒盛米於甕置其中熟以奉母米盡將甕子族人感而周之乃止聞
 天倫甘肅隴西人貧父居僧寺天倫與妻楊鶴鳴起磨麵及明入市求父所嗜
 往償午若哺皆然夜則從父寢父失明天倫為茹素年餘目復明天倫先父卒
 揚賢漿為養如天倫在時翁卒力營葬忌日必祭終其身
 夏士友湖北江夏人事母孝備力以養不足則減己食食母鄰或邀食必先為
 母具食然後往寒語母勿早起自執炊置食牀前又丁甯屬母善自護乃出如
 是以為常年四十未娶或怒之助其娶婦居牛載士友自外歸婦與姑詬于室
 流涕責婦即日出之或曰出婦如無後何士友曰有婦欲其孝有子孫亦欲其
 孝苟不孝安用婦安用子孫年餘士友疾卒母哭之慟隣有張某感士友孝而
 不得終事母月供薪米終其身

清史稿

孝義傳

十二

白長久甘肅平番人幼孤貧負販奉母具甘旨母或不怡以首抵母引手披其
 頸俟解乃止里社演劇負母往觀侍側說劇中事母年八十長久亦六十未嘗
 稍懈光緒中青海辦事大臣豫帥魄以金不受母卒朝夕詣墓饋食三年
 郭味兒甘肅禮縣人賣漿出必拜母歸亦然母嚴稍不當意即恚味兒為孺子
 狀悅母母苦脛痛或言痊枯骨母當愈察明輒攜長纒徘徊問寒暑不問
 母卒飲不入口五日毀卒岳宏陝西鄂縣人賣酒事親孝得錢易甘脆奉親母
 卒臥父榻側時省視畜犬得餅銜飼母人以為孝感
 董阿虎江南山陽人少父喪為人擔水得值養母稍餘必具甘積十餘年
 構茅屋奉母一日鄰被火阿虎負母避遠跪戶外乞神佑俄左右盡焚獨阿虎
 茅屋存
 張乞人順天永清人失其名父死行乞以養母穴土為居天大雪知縣魏
 過其處聞歌聲出地中怪而呼問之曰今日母生日歌以勸養耳繼齊命
 其母子至縣繼齊母昇其母粟及布繼齊與銀十緡乞人叩頭曰官母賜我

不敢不受官賜我不敢受繼齊問其故不曰民愚不知此十緡官何所受之
 我母年八十我年六十一為清白百姓足矣繼齊不復強將為營室乞人負其
 母去不知所終
 席慕孔廣東三水人善養母嘗娶妻生子歲飢田數畝盡鬻妻怨其貧求去遂
 遣之夏秋助人耕穫為備冬則乞食以養得餅餌歸食母得餘羹啜清以肉歸
 張長松山東棲霞人母髯長松出為傭主人與之食輒不盡歸遺母無所事則
 乞諸隣里母食已乃食其餘冬大雪長松病不能出呼母涕泣言曰兒不肯不
 能養吾母乃乞食母賴以活今疾憊母老可若何遂死
 崔長生江南邳州人生而瘠手又孿為傭養父母出入必面歲大禮乞食于市
 得糟糠上父母自食草根木質以活拾字紙得遺金待失者逾月不得乃易母
 饒餉之萬壯蕃息為父母治送死之具喪父母昇葬於中野遂去不知所終
 榮孝子河南遂平人幼癡無名家本饒後中落貧甚父卒無所居奉母居樓
 流鋪出乞食擇所得供母自食其餘得少則但供母而自忍飢歸見母必叩頭
 食必跪進母食則起而舞食減則泣母或故減食以食子則泣不受母七十餘
 卒縣人為具歛朝暮泣終其身吏以孝子旌其棺亦不知孝為何名也卒亦七
 十餘
 無錫二孝子皆失其姓氏其一嘗磨粉為業事母至孝竭力供甘旨年至四十
 餘復明人皆異之其一啞行乞得錢以養母必具酒脯母卒食必祭祭必伏地
 號痛既葬哭于墓見者皆感
 啞孝子無姓氏或曰雲南昆明人家有母老矣行乞以養得食必奉母母食然
 後食母或怒嬉戲拜且舞必母樂乃已得錢密投諸井母卒鄉人有欲餼錢以
 助歛者與如井數數指水中鄉人為出錢營殮且葬事畢遠游不知所終

清史稿

孝義傳

十三

孝義二

盧必陞	李應麒	張文齡	易良德	丁世忠	賈錫成	黎興訥	錢孝則	陸國安	黃簡	郁褒	胡夢秀	姚易修	程願學	徐守質	任遇亨	李志善	王長祚	汪良緒	方立禮	黎安理	李中德			
陳嘉謨	張大觀	潘瑯	沈嗣綬	黃向堅	劉獻焜	劉龍光	唐肇虞	陸承祺	張嚴	潘天成	楊士選	翁運槐	朱壽命	汪龍	繆士毅	李芳燦	趙萬全	馮福基	李澄	張士仁	劉希向	賀上林	林長貴	李敬濟

徐大中

沈仁榮

魏樹德

李汝儀

鄭立本

李學侗

董士元

李復新

黨國虎

嚴廷瓚

陸起鵬

虞爾忘

黃洪元

王恩榮

楊獻恒

任騎馬

李巨勳

任四

王國林

藍忠

盧必陞字宗臣浙江山陰人九歲父芳病思得蠶繭必陞挾筐求之沙上潮至幾死不釋筐明季遇寇芳獨行入山必陞行求得之歸必陞為叔父茂後順治初寇繫茂舟中必陞繞岸哭三晝夜不絕聲寇引使見茂脅茂降拔刃屢欲

清史稿

下必陞叩頭流血乞貸死久之寇中有義其行者脫茂使共還茂有女忌必陞嫉母遣必陞往松江使盜擊諸途盜察必陞且死曰爾死勿我讎誰某實使我必陞陽死盜擲之水復以救免必陞書告所後母但自謝不謹被盜所後母為感悟為母子如初

李應麒雲南昆明人遭亂與其父相失被略至迤東乞食歸喪母勸父再娶後母至遇應麒虐應麒賣卜以養失後母意輒答楚跪而受杖後乃被逐事父母愈謹父生日賣卜得雞米持歸為壽佃人田方耕聞後母病輟耕走三十里求醫藥後母生三子友愛無間後母久乃悟卒善視焉

李中德漢軍旗人康熙初父從福建中德亦出參陝西軍事奉母以行事畢還京師父先福建還已娶妾生子矣中德母至父啜妾而出嫡拒不相見中德為請叩頭流血父終不聽請得居別室亦不聽乃營室東直門外奉母早晚待父側無幾微憾善視諸庶弟越六年父病棘乃告父迎母還父深悔焉旋卒妾亦死中德母撫妾生四子如己出中德亦友愛如父在時

張文齡字可庭河南西華人父疇妾而憎其母文齡事父撫庶弟甚篤庶弟亦感之而父終不悟遂文齡號泣呼天自懲艾謂不復比于人未嘗一言揚親過遠近慕其行遣子弟從游得束脩因庶弟以獻其父或不得通循牆走泣且望見者皆泣下雍正五年成進士父榮之意稍改八年就吏部選京師地震死者衆文齡亦與焉鄰一桂與爲友歸其喪父始悟其孝爲之慟

黎安理貴州遵義人祖母卒復娶而悍父不容於後母客授四川灌縣遂卒塋焉母還母家安理方十歲留祖父母所祖母遇之虐盡則令刈薪夜督舂春重不舉繩絡確以足挽之恒不使得飽管取毒蠶納其口誘之溪側推墮水皆瀕死遇救蘇既長習舉子業出客授佐家祖父卒爲治喪葬祖母病侍疾不倦卒又爲治喪葬無闕禮其事祖父母凡三十有四年痛父客死恒詣灌縣謁墓母復歸事之孝兩弟不勝祖母虐出走安理往來黔蜀求得仲弟還季弟客死撫其孤安理晚舉乾隆四十四年鄉試授永清教諭遷山東長山知縣有治績告歸卒於家

清史稿

孝義傳二

三

易良德湖南黔陽人出爲世父志宰後志宰性急屢撫兄弟子皆不相能遺還本支最後得良德良德能先意承志得其歡心有疾晝夜侍寢食俱廢里人無子者恆舉良德相慰藉

方立禮江蘇江都人母幼後母遇之虐怒輒與大杖立禮謹受無愆一日杖幾絕及蘇無變容父幼遂逐立禮立禮時候門外問起居疾則憂懼不食愈乃已妻洪亦孝謹日受鞭撻後母稍自悔爲少戢後母幼爲之哀毀後母二子皆早死立禮育其子女如己出

丁世忠湖南黔陽人母初未有子父娶妾母生世忠妾亦有子女而悍惡世忠嘗飲之不死父懦令別室居世忠事兩母無愆庶弟無禮于世忠嫡母喪不欲持服世忠皆不與校庶弟坐事破家世忠亦中落仍割田畀之

汪良緒江蘇吳江人父嗜博母諫忤父爲父逐良緒日夜號泣求返其母父怒併逐之乃奉母依其妻父居父以博破家亦來與共居母出資資易田盡爲父所鬻良緒客授以養方暑父撤牀上帳憤博進屢易屢罵良緒亦不具帳晨起

其枕麻布包土也

賈錫成江蘇宜興人父映乾性嚴錫成生而母吳以小過逢映乾怒遂去不返錫成稍長鄰兒嘲無母問得其故悲不勝甫成童屢出訪母過無錫夢至尼菴嫗子食甚慈愛因徧訪諸尼庵方雪老尼問里居曰宜興因曰吾徒亦宜興入見之卽其母也相持哭母終不肯歸錫成數省視饋食及母卒以喪還葬上冢哭必慟映乾避疫卒錫成痛甚伏柩側喃喃若共父語夢中或歡笑寤則大慟疾作遽卒距映乾卒纔五日

王長祚字爾昌湖南衡陽人父喬年以富名明季張獻忠破衡陽喬年出避游騎繁長祚與次子璠求喬年所在榜掠終不言寇挽長祚髮加刃於頸璠號泣求代寇中有騎者言此父子皆孝奈何殺之遂得釋劉國寶芷江人國初流寇入縣境國寶負母出避道遇寇劫母衣刃創國寶血流至足國寶忍痛跪乞還

清史稿

孝義傳二

四

母衣語迫至寇怒其孝而還之康熙中吳三桂兵至掠族弟國宥其母廢也哭之喪明國寶行求國宥踰年以歸其母目復明貧不能自存國寶分田百畝與之曹超安徽和州人順治中鄭成功兵至超奉父母出避遇寇欲殺之超號泣求代並得免居喪負土爲墳家有紫微父手植也久枯每對之哀慟非時復發

黎興盼湖南湘陰人張獻忠破長沙略湘陰興盼父嘉品爲賊繫將殺之興盼八歲請代父死賊幼之舉刀令申頸泣曰此恐欺我既殺我復殺父乞但殺我

一人引頸就刀賊兩釋之里人稱之曰孺孝夏汝英湖南安化人順治初遊兵掠其家汝英九歲衛母不去左右游兵掠汝英去道中告以母孤苦乞釋還賊憐而許之金國選湖南黔陽人吳三桂之亂賊掠其父母去國選七歲牽衣痛哭求釋不得罵賊賊嚇以白刃不舍擊以杖終不舍乃釋其父母張懷湖南湘陰人年十歲寇至從其祖走避寇執其祖將殺之懷哀號求代身蔽祖被數創不顧寇嗟歎捨之去

李志善志勃湖南安化人父步武諸生流寇破縣縛步武志善十六志勃十四號泣求免賊詰步武里中孰爲富步武罵賊殺之志善志勃奪賊刀殺賊皆爲賊所殺彭大士湖南湘陰人順治初李自成餘黨破縣執大士母求金大士給賊金在井側請借往因赴井母走免大士年十八妻仇歸大士僅二十日亦入井死

錢孝則江南桐城人方明福王時父以黨人被急逮變姓名挈家人亡命至震澤兵起母及弟妹皆赴水死孝則與父匿稻田中得脫兵過收葬母及弟妹走福建未幾福建亂作父子奔避相失孝則走廣東數年還福建求父十三年始得與父俱歸父續娶于徐徐有富名父他往盜夜至毀闕縛孝則迫令導入徐室孝則不可盜所以斧斫裂死

任遇亨江南崑山人生有膂力國初盜大起遇亨負父逃盜劫其父去遇亨持刀突入負父出身被數創腸出遇亨得不死扶父徙居嘉定以老族子裕德有土豪積怨於其父伺隙持刀欲殺之裕德年十一身蔽父兩手奪刀正言曉以禍福土豪擲刀去父病瘳三年裕德晝夜扶持躬灑灌汚穢父卒居喪哀毀友于兄幼卽請代兄杖兄老而無籍養生送死皆任之甚具

清史稿

李天傳

五

陸國安浙江山陰人父華字順治初縣境寇作縛華字入皆求金以贖國安歸自海上奮入寇署賊寇救華字歸被重創卒無恙

徐守質江南常熟人順治初守質與兄基奉母避亂母老病兵至度不能去守質謂基曰母徒死絕徐氏後兄速行守質當奉母基不可兵迫守質懼促基行守質有妹適袁氏早寡攜子與母俱基乃棄妻子挾孤甥而遁事定基還母與袁氏妹俱自沈井守質被二創仆死

黃簡字敬之湖南祁陽人父用忠諸生簡事親孝順治十年二月李定國兵略湖南其將郝永忠屠祁陽簡奉父母避兵竹山母渴命簡取飲兵遂至簡父竄山陽簡妻張奉姑竄山陰簡取飲至不見父母升高望之見亂兵縛一人置釜上將烹則其父也簡大呼往乞代亂兵釋簡父執簡求賂不得遂烹之村民哀簡名其山湯鑊嶺

程顯學字奘若江南儀真人順治十六年鄭成功兵退縣人坐連染死者二十餘顯學祖故睢州知州紹備與焉父免死徙塞外顯學以幼留稍長將出塞求食但啜粥不飯不食果蔬衣不帛不棉儼居學舍旁授經不出戶訓導顯藹慕其賢屢過皆不見借其弟子出不意往語顯學何自苦顯學對曰顯學有隱痛不可以爲人非以自苦也明日報謁贊硯與書讞謝曰子無所受於人今吾受子遺亦願以報子顯學乃持硯與盡去他日復過之已他徙矣俄卒露求得其硯銘曰廉士硯

郁震字子弁浙江嘉善人父之章順治六年進士以大理寺丞坐罪徙尙陽堡京師修治官解許罪人出家財佐工贖罪稟請任刑部官解之章得贖還工未如程例當復徒震叩閣請棄官代行稟弟諸生廣叩閣言身當代父徒留震侍父疾部議代子父從非舊例仍用衝突儀仗例治罪聖祖愍其孝友並宥之之章還鄉里震以貢生授江西永豐知縣

清史稿

李天傳

六

姚易修字象亭江南元和人父宗甲康熙初客閩浙總督范承謨慕耿精忠爲亂執承謨盡繫其幕客宗甲與焉易修聞詣精忠齎指作血書願代父死賊乃釋宗甲而繫易修獄後使降易修不爲屈康熙十五年師至乃得脫歸易修母聞變悲泣兩目盲易修晨起舐母目母目復明鄰家火易修突火入負父出又入負母出髮盡燉兩足焦爛而父母俱無恙

胡夢秀江南江都人康熙中從父至紹興省墓道遇盜劫民財斥其不義盜怒將刃之夢秀從後至奔赴擊盜扑民羣起毆殺盜盜大至欲屠其里夢秀曰不將刃之夢秀從後至奔赴擊盜扑民羣起毆殺盜盜大至欲屠其里夢秀曰不

可以我故危一鄉也入盜寨獨承殺盜遂被殺

賀上林江蘇丹陽人父天叙以事忤知縣繫獄將殺之上林年十八謀脫父聞巡撫將上官涉江湖准迎舟呼嚙從呵之不得前乃發憤投水髮沒數寸復躍起大呼巡撫見令救已死檢其衣得自父冤繫狀巡撫按部黜知縣釋天叙出獄鄉人爲立賀孝子祠何士閔安徽南陵人族人破其祖母冢以葬士閔訟不得直巡撫檄知縣詣勘族人持之力事未定士閔慟觸鼻腦裂死知縣乃責

族人他葬治其罪葬士閔碑曰義士

陳嘉謨江蘇興化人順治初諸生父宏道為恣家所誣繫揚州府獄卒絕其
榮體嘉謨求見父不得知怨家計必殺之乃痛哭禱于神自沉於水明日鹽運
使得嘉謨訟冤血書而嘉謨僕又訴失嘉謨求其尸七日得于鈔關水次植立
風濤中髮上指遂出宏道獄葬嘉謨而抵誣告者罪

林長貴長廣福建福清人父宗正業鹽入城至星橋海潮暴至溺死長貴聞
之奔救不及仰天長號投橋下殉長廣繼至繞岸痛哭亦自沉時雍正九年七
月里人憫其孝收三尸歛焉

戚發言字魏亭浙江德清人父麟祥官翰林院侍講學士坐事戍甯古塔發言
從備艱苦麟祥遣令歸就試成雍正八年進士除福建連江知縣勤其官乾隆
初救流人麟祥不得與發言深痛之總督郝玉麟將入覲發言刺指血為書求
赦父詣玉麟乞代上玉麟難之發言叩首持玉麟裾號泣引佩刀欲自裁玉麟
乃許之詣京師以發言書上高宗憫之赦麟祥麟祥就發言養連江明年卒發
言持喪還哀甚亦卒

清史稿

孝義傳二

李敬躋字翼茲雲南馬龍州人父盛唐雍正八年進士官四川松茂道以所部
有罪坐監臨官戍卜魁卜魁距雲南萬四千里敬躋三往省嘗遇暴水喪其僕
馬徒步行路人哀之與之食導使詣盛唐盛唐輒令還侍祖母迫使歸敬躋成
乾隆二十二年進士授福建將樂知縣計贖盛唐還盛唐死戍所敬躋遂發病
日鳴嗚而啼未幾亦死卜魁有范杰者與盛唐善盛唐倚以居二十年至是歸
其喪聞人吳阿玉嘗欲從敬躋之官盛唐喪過京師吳為送還雲南
張大觀河南偃師人乾隆二十六年秋伊洛水溢灌偃師民避水奎星樓上大
觀奉母亦登焉水撼樓樓傾柱壓大觀手折奮入水求母望母誓露水中得
之負出水攀樹以上泳而求食以食母水退負母歸其室即夕創重死同時有
楊璞與其弟奉母居水至弟以筏載其妻逃山上母呼不應璞棄妻子背襁母
浮水至神隄灘或援之得登頃之有婦抱子從水下母遙望呼曰吾婦與孫也
拯之皆不死而弟乘筏即至山下樹折壓筏沈夫婦俱死又有蔡應泰居母喪

概在堂水至以繩繫母概跪而負之入水中疾駛亦至神隄灘村民以長鈎引
至岸昇以上日暮其妻子亦得救

張士仁江南崑山人六歲母有疾泣禱請代母良愈十三從父寢仇伏榻下露
刃出士仁呼父未應手捍之指欲墮涕泣語仇請代仇為感動呼其父醒曰爾
有此子吾不忍殺爾父惶遽良久始定與矢天日釋怨母喪盡禮後母虐士仁
士仁孝敬無稍渝後母亦感悟火作負父出復入火負後母後母抱幼子幾不
勝風反得無恙居父及後母喪如喪母里或忤父母必泣勸之悔乃已

潘瑄浙江錢塘人父出近游家遇火母出篋令瑄負以行及門回視不見母委
篋復入家人自火出止瑄母入瑄不可入與母俱死瑄女兒珠姑嫁范氏歸甯
亦在火中家人欲掖以出珠姑揮之曰汝男子何可掖我我從我母死耳火熄
瑄與母姊三尸相環結時乾隆四十四年十二月望瑄聘妻王家江干聞喪來
歸事舅以孝聞

劉希向江南山陽人火其父入火中求先人木主遺象希向自外歸突火入求
其父不得號而出復入火方盛救者以為劉氏父子死矣俄而牆圯顧見庭樹
下人影往來乃爭入負其父出左奉象右握木主希向牽父衣額半焦矣後數
年父病希向為割股良愈希向年六十病時其子亦割股刀鈍肉不決剪之乃
下然希向竟不瘳

清史稿

孝義傳二

沈嗣綬字森甫江陰人父燭烈湖北通判咸豐二年死於寇嗣綬奉母還寇至
徙避江船高不可攀展襦被以其母登至通州轉徙山東河南結繩牀昇母步
從之千數百里不去左右未至蘭山道遇寇嗣綬泣乞免寇感其孝遣四騎
護行至蘭山方閉城拒寇嗣綬求入城守者疑謀也趨縛之涕泣言其故乃得
釋既亦得官湖北以母病不赴侍養十六年進湯藥夜起慮履聲驚母雖嚴寒
必跣凡事婉曲稱母意見者感歎謝君澤江蘇武進人父祐曾事母以孝聞寇
亂為賊虜君澤冒死依護父齒豁不能食恒嚼以哺賊欲戕之則號泣乞代父
死賊首感動並釋之

馮福基代州人父焯為安徽潛山天堂巡檢咸豐七年寇至福基年十四匿母

他所裁利刃計伺隙殺賊不可得日夜涕泣從至黃梅市毒藥置飯中斃賊十
七亦吞藥死巡撫李紱宜奏言福基以童穉之年護母陷賊計殺凶黨多人從
容就義奇節至性深可嘉應被旨旌卹

黃向堅字端木江南吳縣人父孔昭崇禎間官雲南大姚知縣擢學之官向堅
獨留鼎革後孔昭阻兵不得歸向堅日夜哭將入雲南親朋妻子頗危之向堅
決行至白鹽井得父母並弟向嚴皆無恙留一年乃歸時為順治十年行二萬
五千里有奇向堅次山川道途所經自為圖十二記之吳人作樂府紀其事順
廷琦江南長洲人父繩詒崇禎間官四川仁壽知縣死張獻忠之難事定廷琦
徒步入四川閱四年乃至成都轉輾求得繩詒墓龍腦橋側持喪歸自撰入蜀
記述其事

李澄字仲淵雲南昆陽人明季充選拔貢生父兆旂官廬江訓導死寇難幼子
潛從死澄奔赴收父骨返葬請于當事得立祠晨必詣祠拜且泣寇至奉母洪
避山谷洪病亟言不願以山谷終負母投佛寺遽卒負遺骸擧祖墓順治初山

清史稿

孝義傳

九

裸入州城劫官舍發藏粟省吏以兵至執澄將殺之兵中有識澄者乃免澄因
言山獠迫饑寒無與百姓事今固不宜累百姓即山獠亦不宜輕言勦否則且
反戈乃坐其渠州民以安兄弟凡八與仲弟俱老相友愛

劉獻煜字台凝陝西華陰人父濯翼明崇禎間官武昌母與借逃亂絕消息順
治初獻煜徒步求父母亂初定道阻屢瀕險乃達哭山徑中遇叟識濯翼所
發得軌朱書姓名里貫皆具猶濯翼所自記也乃負骨歸葬錢美恭浙江山陰
人父士驍明官雲南陽宗知縣與妾之官美恭留侍母康熙元年美恭得請于
母求父至雲南乃知士驍逃嵩明知州卒葬通海美恭至通海得故僕導詣士
驍墓得庶母及幼弟貧無貲留五年乃負骨歸葬

趙萬全浙江會稽人父應麟明季客授北游萬全始二歲既長問母父安在母
告以故年十九出求父應麟初客京師遇亂轉徙死馬邑萬全徧訪江淮間亦
至京師心疑應麟死見道有遺骸刺血滲之不得入則號於路又自京師西亦
至馬邑馬邑人張文義嘗招應麟主書者死為之殯一日遇萬全問得其事導

至殯所慟絕良久乃裹應麟骨負以歸既卒吏為之祠琢石表異孝

劉龍光字夢龍江南長沙人父廷謬仕明為益王長史師下江西克建昌益王
遁廷謬逃山中龍光以應試家居聞亂疾作居五年乃行詣建昌不得父母所
在禱於神夢聞人語在石際詔石際所在有女僧示以路行小徑萬山中經藤
峽至白石嶺徑絕險攀援顛覆蒲伏上下嶺盡至石際於村民姚氏家遇其母
廷謬已前一年卒居數月與櫬奉母歸所居村曰見娘堡相傳宋王龍山於此
遇母故得名云

李芳燦小字葵生湖南湘鄉人明季流寇至湘鄉當孔道三復三陷芳燦父母
皆被掠兄弟死於兵者三芳燦收葬之棄家求父母所在行數年至貴陽遇鄉
人必為言父狀或謂軍中某所頗有狀似所言者詣求之果得父父脫軍中籍
與歸再出又數年至寶慶暮投山家宿見二嫗操作其一方理炊乃似母芳燦
自陳尋母狀嫗聞遽呼曰汝葵生耶吾即汝母也蓋母避兵轉徙方從此嫗為
備遂奉母還

清史稿

孝義傳

十

唐肇虞江南人失其縣父卒肇虞尚幼晝夜哭母止之曰母哭能止兒勿哭耶
順治初江南寇大起母被掠肇虞徧求諸村落及旁郡縣渡江北復南行數千
里屢與寇遇僅乃免卒不得母至江南眾問所自來泣以情告一嫗前問曰若
母非戴姓耶曰然嫗引至家則其母在焉相見大慟遂待母歸

繆士毅江南天長人父廩資富順治十七年寇掠其家牛馬怨家誣以助寇廩
資見法妻子徙奉天士毅以後世父得免依從母以長既聞父死母徙狀從母
語之曰而母將行抱汝乳且言兒僅此一乳乳當飽生死與兒訣矣士毅聞號
泣欲行求母恐去不得還先娶妻生子康熙二十二年乃決行至瀋陽遇族人
同徙者知母在烏喇為流人薛氏妻乃行求得母母不相識士毅具言姓名及
兩女兒適誰某皆信相抱哭觀者多流涕母於法不得還乃辭歸居數年復往
母又徙愛璉行未至聞母死求得母葬所遂居其側僧廬不復歸子秉文長躬
至愛璉泣請歸士毅終不可又數年卒母葬所秉文乃發祖母瘞並持父骨還
葬

陸承祺字又祉浙江仁和人父夢蘭客死鬱林方軍興逾年乃得問承祺與弟承祥號慟走萬里歷險阻僅得達視藁箒中敗棺刺血漉骨皆不入兄弟哭愈哀途中有知夢蘭者告其棺在佛寺兄弟從以往撫棺慟皆阻絕觀者嗟歎呼孝子持水飲之承祥徐甦承祺氣結不屬竟死承祥匿兩骸担以歸母王得承祥報知得夢蘭骨及承祺死狀悲慟不食七日未見承祥歸遂卒

汪龍江南歙縣人祖客死蘇州父往迎喪溺采石龍時六歲稍長聞祖喪未歸如蘇州求祖柩無知者久之遇灌園叟與從其祖柩引詣殯舍諸柩縱橫旬旬始獲母竟未知也方如瑛休甯人國初其曾祖避兵客死潛山祖前卒父不在側道梗喪未歸如瑛既長問老婢言有族姑嫁程氏年七十餘訪之則嘗會其曾祖喪借往蹤跡至黃石坂於洞中得收棺得白金拜族姑驗之其曾祖歛時物也乃負骨歸葬距其曾祖卒時已五十有六年矣

張巖福建連江人父震公家縣東岱堡海寇破岱堡張氏殲焉震公適他往獨清 史 稿 十一

免歲方七歲為所掠轉徙備于清漳康熙十年歲年二十餘矣時念父母願被掠時幼不審鄉縣以人謂其語音似連江而追憶父似名天真乃走還連江數日無所嚮或問何為以張天真問震公聞之曰天真吾亡弟彼焉識之走視問其詳喜挾以歸使見母癡追憶母容貌曰非吾母也震公曰汝母已死於賊此汝後母耳巖大慟為母補行喪服三年而事後母如母

朱壽命江西餘干人康熙十三年遇寇與母李相失壽命日夜泣既聞母為禁旅所俘屬正藍旗壽命徒步走京師乞於市忍饑積錢將贖母久之得母所在而主者邀重購拒壽命壽命日蹙其門外膝為痺侍讀學士邵遠平高其行為捐金以贖暫留遠平家母下小不當意輒詬罵或捽而批其頰壽命益嬉笑居數月附舟還壽命不知書語質每言在母腹日噉母血三合那忍不報

潘天成字錫疇江南溧陽人年十三遇家難父母挈子女出避仇天成行後幾為仇所斃既得免乃行求父母經青陽白沙廟宿廢廟聞虎聲為詩述悲往來徽州甯國所屬州縣跡父母所在至則又他徙天成行經村聚輒播發作鄉語

大呼至江西界母金自巷出就問之始相識乃得父及其弟妹皆無恙時天成年十五欲歸苦無資出行貨又六年使其弟從父歸天成奉母挈妹以行遇風雪負母行數里還抱妹往復踐行足流血入雪盡股既歸出行販以養暇則讀書荆溪湯之錡出高攀龍門治性理之學賢天成從受業焉同縣許國昌遇天成尤厚使為童子師鄰家兒習母天成召其鄉老人呼兒共懲之兒悔謝乃已及父母卒游學桐城遂隸籍為安慶府學生居二十餘年移家江寧天成學益進捐潔不以干當道終窮餓年七十四卒葬惠應寺側國昌子重炎師天成編刻其遺書為鐵廬集

翁運槐字樹山運標字晉公浙江餘姚人父瀛往廣西道湖南一夕泊舟祁陽新塘失所在舟人求不得還報歸其行篋鎖在而篋亡時運槐運標皆幼運槐年十三行求父不得以病歸運標雍正元年成進士與運槐復求父徧湖南境更二年不得一夕復泊新塘遇土人鄭海還言距今三十年弟海生墮水格取蓋不死視蓋開有尸因拯之白沙洲身有篋在囊藏為識乃遣力以囊歸還篋清 史 稿 十二

與行篋鎖牝牡合囊則運槐女兒昔年製以奉父者也乃痛哭收殮以父喪還葬而于瘞處留封樹焉時雍正五年八月也運標謁選得湖南武陵知縣嘗有兄弟爭田訟運標方詣勘忽掩涕訟者請其故曰吾兄弟日相依及官此與吾兄別今見汝兄弟思吾兄故悲耳訟者為感泣罷訟縣東隄北水虐民縣又無書院運標為修築民以運標姓名其隄與書院擢道州知州縣通柵桂鑿山八十餘里為坦道疫親持方藥巡視曰我民父母子弟病奈何不一顧耶年六十卒官運標知武陵建祠白沙洲起輪亭買田俾鄭氏世董之知道州拜祠下哀感行路

楊士選字有貞江南吳縣人方六歲入塾塾師為說古人孝行輒窮其本末歸告父母兒他日亦當如是父商于河南喪資而病士選年十六往省渡河風雨士選泣禱得不覆人稱孝子舟奉其父還里歲饑士選與妻唐食糠粒共營廿旨奉父母居喪營葬身穿鷄負土唐為姑吮疽 徐大中湖北潛山人潛山俗重風水大中喪母厝棺居室傍未葬乾隆四十七

年縣大水齧前和失其尸大中大慟水初退求尸于沙中得一足襪敗猶未盡色餘黃其母歛時裝也大中抱足泣路人見者語曰去此二里許樹上懸尸澤絲髮缺一足奔視良是但脫頤下骨負歸改歛忽有人若丐入其家曰吾拾得頤下骨取與合人傳爲異學官欲上其事大中曰我久不葬母乃逆此禍我天地間一罪人耳舉我孝於及時葬親者謂何也堅卻之

沈仁業字振先江蘇吳縣人父賈于安南娶婦生子女仁業八歲從父歸而母爲外國女例不得入中國不能從仁業長而思母父卒乃鬻父象渡海省母安南有兵事母挾幼子女竄山谷中仁業行求得不食七日矣居二年有義其行者爲具舟舟入海颶作觸海中山仁業抱母泣風轉挾母過山至瓊州吏執例拒仁業母不得入仁業涕泗請莫應久之有老吏謂康熙間有故事檢文書得之仁業乃奉母及弟妹以歸

魏樹德陝西蒲城人父季龍出佐幕客游樹德猶在娠幼幼學母力針黹以活季龍久不歸樹德以嘉慶十五舉年於鄉乃行求父初聞季龍自福建轉客廣東先詣福建求不得乃詣廣東遇知季龍者爲約略言菲處徧求之得志石荒冢中乃持喪還踰年母卒廬墓三年除高陵訓導求呂枏遺書授諸生久之以老乞歸卒

清史稿

李義傳

十三

李汝恢江西廬陵人父仲鴻業際游無方汝恢年十三出求父初至四川又至廣東皆未遇乃節日用得百金復出徧涉江湖遇仲鴻貴筑仲鴻有弟亦出游既歸日念弟汝恢乃更出求其從父得諸柳州仲鴻乃樂甚遽無疾而卒汝恢喪葬盡禮母痺奉事尤謹

鄭立本江蘇蕭縣人父相德坐罪戾新立本方四歲年十八辭母以求父母哭而戒之曰汝父左手小指缺一節中有橫紋幸相值以此爲驗立本貧無資乞且行至庫車聞父戍綏來綏至庫車三千餘里張格爾亂未定官道塞乃裹糧求路獨行迷失道還庫車待亂定乃行至綏來則父歿已數年相德在戍授同戍子弟讀歿弟子爲治葬立本哭奠而病居二十年相德弟子力護視故得不死病起啓父瘞體久化左手獨存小指缺一節有橫紋如母言立本駭慟

聞其事者皆嘆異乃負骨歸葬往還凡八年同治中大學士曾國藩駐軍徐州聞立本事招往見立本舉孟子召役往召見不往語謝不往見國藩高其義檄知縣以時存問

李學侗山西介休人諸生父廷儀道光中客死貴州荔波縣有同行者歛而葬焉學侗志欲歸父喪貧客授十餘年積數百金始克行詣荔波時方亂貴州境亦騷動屢遇險乃達廷儀葬社稷壇山下或以爲先農壇語廷儀同行者音轉又以爲西龍塘學侗至求西龍塘無其地慟哭周行諸叢冢乃於社稷壇得焉學侗持喪還葬族人客死而旅殯者並載以歸既葬日必往視持盂飯以祭晚治易有所撰述

董士元直隸臨榆人父行健嘉慶中出關去三月而士元生行健遂不歸士元幼思父六歲嘗失所在翼日得之關外二里店母問其故涕泣言曰欲尋父也年十五賊商于奉天士元請于母從之往求父消息不能得越十餘年至阿什河有言十年前在三姓南淘淇管遇臨榆人董姓今不知在亡士元乃往淘淇

清史稿

李義傳

十四

地僻行失道久之始得達舉父姓名里居問居人有知者曰是嘗漁於此死數年矣士元大慟得葬葬地發冢審視齒指血滴入骨函以歸至奉天乃具棺還葬居二十餘年母歿喪葬如禮至光緒初卒

李復新湖北襄城人崇禎末歲饑復新出糶於鄧士寇賈成倫劫殺其父際春復新歸痛甚誓復讐時方亂法不行而成倫悍甚復新乃謬儒示無復讐意成倫易之順治初復新始告官獄成會赦成倫得減死吏監詣徒所復新伏道旁俟其至舉大石擊之死詣縣請就刑縣怒其孝上府請勿竟獄且旌表其門府駭議謂成倫已遇赦減死復新擅殺當用殺人律坐罪縣有老據復具牘上府曰禮言父母之仇不共戴天又言報仇者書于士殺之無罪赦罪者一時之仁復讐者千古之義成倫之罪可赦於朝廷復新之仇難寬於人子成倫且欲原貸復新不免極刑平允之論似不如是復新父子何辜並遭大戮凡有人心誰不哀矜宜貸以無罪仍旌其孝府乃用縣議表其門曰孝烈

燕國虎陝西富平人明末父兄爲族子所殺國虎方幼順治初國虎稍長誘族

子於野搗殺之並其子詣縣自首入獄知縣郭傳芳將貸之國虎念父兄仇已
雪遂自經獄中唐時縣人梁悅復親仇傳芳立孝義祠首悅而配以國虎
嚴廷瓚浙江烏程人父時敏族子賜以姑為明大學士溫體仁妻怙餘勢時敏
嘗斥其非賜陽與出游擠墮水死廷瓚稍長聞父死狀訟賜論斬賜賄上官反
其獄得脫益肆廷瓚奉母避長興買斧誓復仇歲還里省墓遇賜陽嗜就之賜
以為畏己也母卒以喪歸方村演劇賜高坐以觀廷瓚直前斧裂其首斷項詣
縣自首縣嘉其孝欲生之獄上按察使將授韓愈復讐議為請廷瓚遽死獄中
或曰賜家賄獄吏殺之

陸起鵬起鵬貴州安順人父希武明末水西安邦彥叛破安順陸氏舉室自焚
希武與起鵬幸得脫起鵬自火中跳而出遇賊為所掠居數月賊攻貴陽自閉
道出求父及弟未得順治初師下安順起鵬乃歸詢知起鵬所在鬻產贖以歸
起鵬具言父為邦彥黨羅戎所殺被掠入土司中時戎已就撫起鵬兄弟訴
父前為戎殺事下巡道巡道判戎罰錢起鵬始不肯受既而曰不受金是使戎

清史稿

李義傳

十五

知吾必報也乃受金戎謂訟已決不為備起鵬故善騎射壯士七日夜伺戎
隙一日戎以事入安順其徒皆從起起鵬與七人者盟挾弓弩伏城外令所
親醉戎既醉而出起鵬射戎中肩即斫之七人者皆起盡縛其徒得與戎
同殺父者四人剖心以祭父起鵬令起鵬走避戎黨訴巡道起鵬赴質抗辨不
稍屈巡道釋不問

虞爾忘爾雪江南無錫人國初江南多盜爾忘爾雪父罕卿董鄉團捕盜盜悉
焉一日自縣還聞門外呼罕卿出為盜縛去爾忘爾雪方田作聞馳救罕卿死
橋下矣爾忘爾雪既葬父仍董鄉團乃更其初名忘警忘仇雪冀雪恨也每獲
盜必詰執殺罕卿者久之知為盜杜息息方謀入海與所左右二人夜治行爾
忘爾雪詢知之將壯士奄至息家息及二人者至罕卿死所比明爾忘抱罕
卿木主至爾雪于其旁焚釜爾忘取息舌爾雪探心肝且祭且噉爾忘乃斷息
頭將刃二人者一誓死一乞哀沈諸河爾忘爾雪持息頭懸罕卿墓時距罕卿
死方踰月

黃洪元江南丹陽人父國相與同里虞庠不相能方社國相被酒夜行庠遺惡
少紉而沈諸河洪元與弟福元皆幼稍長聞父死狀庠欲塔洪元以自解洪
元巽言謝之母喪既葬洪元福元同詞庠所在又值社洪元見庠在社所還呼
福元各持斧往洪元入迫庠字庠曰逸羣我死汝庠起猶曰孺子醉耶洪元曰
將醉汝血兩斧並舉遂殺庠詣縣自陳狀有司義之免福元下洪元獄明年亦
赦出為浮屠以終而中和吳縣人父宏仁順治初怨家周昌乘亂誘而殺之乘
其首中和礮斧束裝如人形書昌姓名以試斧昌聞之輕中和幼不為備中和
懷斧出跡昌直市中尾之行稍前遽揮斧中昌昌左右顧又斧之母遣其兄孟
和走視弟昌已死乃相與詣縣兄弟爭自承殺人市人言殺昌者實中和乃下
中和獄明年巡按御史錄囚釋中和和明義士佩章從孫也同時又有顏鼈
父仲常國初為其仇金瑞甫所殺齧碎刃挾以出入一日遇諸管口鼈刺瑞甫
入水鼈從之瑞甫脫去誣鼈以盜兵備道王紀同知劉瑞訊得實為誅瑞甫中
和復仇時年十六鼈年十八

清史稿

李義傳二

十六

王恩榮字仁庵山東蓬萊人縣有小吏蕭于官恩榮父永泰與有隙被毆死恩
榮方九歲祖母母皆劉氏祖母以告官不得直界埋葬銀十兩內自傷遽縊母
泣血三年病垂死以官所界銀授恩榮曰汝家以三喪易此汝志之不可忘恩
榮依其舅以居稍長補諸生志復仇以斧自隨其舅戒之曰汝志固宜爾然殺
人者死汝父母其倏矣乃娶妻生子辭於舅挾斧行遇小吏揮斧不中投以石
仆得救免父遇於門直前斫其首帽厚傷未殊訴官時去永泰死十九年事無
證恩榮出母所授銀其上有硃批旁鈐以血書知縣歎曰孝子也吾欲聽爾違
國家赦令吾欲撓爾傷人子至情周官有調人其各相避已耳於是恩榮哭堂
上下皆哭小吏避之棲霞居八年一日方入城過小巷恩榮與遇小吏無所逃
乞貸死恩榮曰吾父遲爾久矣斧裂其腦以足蹴其心死乃詣縣小吏家言永
泰故自縊非歐死當發棺以驗恩榮曰民願抵罪死不願暴父骸叩頭流血知
縣諸於衆皆曰恩榮言是具狀上按察使按察使議曰律不言復仇然擅殺行
凶人罪止杖六十卽時殺死者不論是未嘗不許人復仇也恩榮父時死未成

童其後屢復仇不遂非即時猶即時矣况其視死無畏剛烈有足嘉者當特予開釋復其諸生有司將請旌其勇為辭罷

楊獻恒山東益都人父加官與濟南楊開泰有隙嘗其門開泰訟焉加官率獻恒走求援開泰遣其徒給使出小徑要而歐之加官死焉獻恒死復蘇開泰以他事誣之下濟南獄山東初設總督獻恒訟焉下青州府勘問直獻恒開泰以賄免獻恒走京師叩閣下山東巡撫會鞠開泰納埋葬銀四十兩迫獻恒具領獻恒繳銀典肆再走京師叩閣下山東巡撫以獄已定罪獻恒妄訴咨四十開泰計必欲殺獻恒遣其子承恩至青州謀諸吏獻恒潛知之持鐵骨朵挾刃至所居承恩方與吏耳語伺其出以鐵骨朵擊之仆急拔刀斷其喉又扶其睛啖之詣縣自陳出所藏銀為證縣具獄得末減遣戍

任騎馬直隸新城人父為仇所戕死以四月八日方賽神被二十八創騎馬時方幼至七歲問母得父死狀慟憤以爪刺胸血出悲至輒如是以為常其仇姓馬因自名騎馬長慮仇且疑乃字伯超詭自况馬超也母欲與讓婚力拒母死

清史稿

孝義傳

十七

治葬且營祭田年十九四月八月復賽神騎馬度仇必至懷刃待於路仇至與漫語指其笠問值騎馬左手脫笠授仇敵其目右手出刃急刺洞仇胸亦二十八創乃止仇妻子至怖甚騎馬曰吾殺父仇於汝母子何與乃詣縣自首知縣欲生之曰彼殺汝汝奪刃殺之耶騎馬對曰民痛父十餘年乃今得報之若幸脫死謂彼非吾仇民不願也因袒出爪痕殷然見者皆流涕獄具得殺決在獄十餘年知縣嘗使出祭奠辭怪而問之曰仇亦有子假使效我而新我我死分也奈何以累公新城人皆賢之請于縣築室獄傍為娶妻生子久之放出知縣後至者欲見之輒辭聞其習形家言以相宅召又謝不往曰官宅不同於民若言不利且與役是以吾言擾民也既卒總督曾國藩旌其廬曰孝義剛烈

李巨勳甘肅禮縣人回亂土豪羅五殺其父巨勳欲赴死母以弟幼沮之命之娶不可乃訟五五繫獄始娶生子五以賄出獄巨勳與弟恆挾刃伺五光緒初竟擊殺五巨勳自首繫獄死母不食亦卒妻張撫孤子成立

任四甘肅渭源人農也徙家狄道父死於虎四乃習鳥槍嘗殺百虎報父仇遇

虎槍一發立殛隣縣有虎輒迎四往捕必得四已老計所殺虎九十有九復入山伺虎虎驟至槍不及發幾為所噬俄雲起晝晦虎自去四歸祭父戒子孫毋更擊虎遂以無疾卒卒時猶寢虎皮也

王國林湖南長沙人有臂力虎啣其父國林奮擊折虎左牙虎怒爪其腹腹破腸出尺許而父卒死國林死復甦家人納其腸為縫腹得愈乃制火器獵虎最後獲一虎左牙折知為啣父者烹之告父墓

藍忠福建漳浦人家萬山中父元章與叔裕比屋居有虎夜出中伏弩跳躍入所居村裕夢中聞虎至呼虎撲門不得入登屋毀梁構直下齧殺裕元章聞裕為虎殺復呼虎循聲至破屋撲元章仆忠持長刀直前刺虎中喉刃入腹三尺許虎舍元章撲忠忠拔刀柄脫妻卓搯虎頸連呼曰斧忠自門後取斧力斫之天明力且盡視虎已殪元章尚臥地忠為妻扶就寢越日創其竟死

清史稿

孝義傳

十八

清史稿

列傳

孝義三

岳薦

張厥

黃學朱

吳伯宗

錢天潤

蕭良昌

李九

張某

程含光

陳福 字長正 黃巖人

任天篤

趙一桂 字爾康 順德人

楊藝 字

李晉福 字

朱永慶

王某

張瑛

郭氏僕

胡穆孟

苑亮

楊越 字

吳鴻錫

清史稿

孝義三

一

韓瑜

程增

李應卜

勒塞

王聯

黎伺 字

趙璫

蔣堅

李林孫

高大鎬

許所望

邢清源 字

鳳瑞

方元衡

葉成忠

楊斯盛

武訓

呂聯珠

岳薦江南山陽人明末為諸生事父母謹居喪哭踊氣息僅屬乃病癩終其身庶弟甫生而其母暴疾死薦亦生女乃令妻棄女而乳其弟弟病瘡日夜啼夫婦迭拊之遂俱生瘡血淋漓被體不以為苦
張厥陝西盩厔人順治初山賊破其堡殺厥兄厥並掠厥子去厥慙厥死且無

後負其子入山易厥子歸方謀贖子山賊引去其子幼不能從遂殺之厥復生子與厥子並成立

黃學朱福建甌寧人諸生順治間縣有土寇執學朱及其弟度不能兩全乃給賊曰家有薄產釋弟歸實無產贖不至學朱遂被戕
質重于弟賊遂釋弟歸實無產贖不至學朱遂被戕

吳伯宗山西稷山人早喪父母二弟幼與相依居數年先後皆失之伯宗求弟徧遠近久之得季弟京師為高氏僕高氏遇之厚曰吾為子善撫子求得仲弟與之俱歸又久之伯宗得仲弟消息在甯古塔乃躬往蹤跡之仲弟屬將軍部

投牒訟為庭質辭未畢伯宗忽躍起主者怒扑之血被面伯宗徐曰民非敢與抗適見略吾弟者奴吾弟者皆法所不宥顧美衣帽平立官側民兄弟良家子為奸人誘掠萬里投命官不明其冤乃視若罪囚使跪而聽命民是以不服主

者悟自將軍歸其仲弟時正冬兄弟相扶行冰雪中至京師與季弟同歸
錢天潤江蘇宜興人少孤為人備耕得錢必奉母母死以奉其兄有女弟嫁而

寡甥二方幼天潤往視之女弟泣言夫死子幼不知所以為計天潤問其意女弟言願守節第苦貧天潤曰妹無憂吾助汝遂為女弟耕以給食三年女弟死撫二甥畢姻娶

蕭良昌湖南邵陽人家貧質漆事父孝兄弟四良昌其少季析居伯仲叔皆有子子伯仲早卒叔攜其子出游良昌召伯仲子與同居率之質荆襄間家漸起始娶婦歲除具酒奉父父語良昌曰兒能撫存孤姪甚善願安得汝叔兄父子

復還耶良昌跪白父曰兒欲行求久矣明歲遂行時傳叔兄在雲南良昌行六閱月資且盡途窮哭泣目盡腫晨行至一村遇曉汲者則叔兄子也乃與見叔兄偕歸父乃大慰年八十餘乃為諸子析居厚兄子而薄其子其子亦受之無

間言
李九江蘇嶺榆人家青口兄七與其隣爭地而訟知縣吳益元納隣賕逮七下典史費長春加楚毒焉七自經死九誓雪兄枉訴州不得直訴監司獄下州仍不得直走京師訴都察院命下江蘇巡撫蘇元長春賂承審官責九健訟加非

刑而令九所親關說昭以重利九不應九憤且楚發病蓋元等賄醫將毒九會按察使陳繼昌至親鞠九得直獄成黜蓋元成長春誅縣役二九歎曰兄枉雪死無憾歸未至卒青口士民具鼓樂迎其喪

張某甘肅通渭人兄弟皆貧爲木工相友愛將析產兄曰均之弟曰弟子一而之子五如兄言弟子則富矣諸姪獨非父母孫乎當視人爲分兄曰不可父母先有子未嘗有孫議不決乃析爲三兄二而弟一兄弟皆逾八十常言誰先死必呼與俱去兄卒弟慟幾絕不食七日亦卒

程含光安徽休甯人出游得資以養親嘗借弟自六安歸策蹇經弱嶺日暮風起虎突出攫弟去含光驚墜地持短鞭力追左手據虎頸右以鞭揮虎大呼震山谷虎舍弟嗚吼含光負弟疾趨投嶺下旅舍弟息僅屬灌以湯徐甦肩創十餘血淋漓人言虎牙毒血不盡且死含光吮之血盡出乃瘞其後舍光卒弟每言遇虎事解衣示人輒流涕不已

陳福福建永春人居西溪同居十二世家範簡肅世以一人督家事子孫奉教

清史稿

孝義傳三

三

醇樸未有訟者謙裕湖南沅江人同居七世有家訓二十條喪祭無失禮黃成富福建連江人同居六世子各執其業方田作諸婦儲以一婦守家視臥兒於筐飢則哺不問何人子懸衣於桁共衣之垢則澣不問何人衣雅睦無間言李長茂福建海澄人同居四世建祠置祭田立義學著家規法戒各十條示子孫子五福順治六年進士官刑部侍郎兄弟八人皆友愛

任天篤河南偃師人乾隆中巡撫何裕成言天篤九世同居高宗賜以詩寶鏤帛表宅里初天篤祖開昌生五子欲定議不析產觀諸子意納金麥困中子士堯士舜得以告開昌曰此天賜汝二人取之以子無私善對開昌悅乃定議不析產宗經傳爲家訓教子弟毋侈母慈利母入城市毋傳述時事務耕田讀書惟許學醫亦母取酬不則執百工業以佐家婦初至長者以家訓教之不率令暫還母家悟乃迎歸平居布衣椎髻操作母私饋母飾容觀母適私室年五十不執役寡母入厨稍厚其衣食女適人寡母再嫁至天篤上溯開昌祖光玉下見玄孫瑞豐通九世男婦百六十餘人共變吏問天篤何術能不析產天篤曰

不忍也人傳其語謂視張公藝書忍字義尤大而遠其後傳麟瑞張璠皆以七世同居賜詩旌獎麟瑞魯山諸生璠涇陽諸生

趙一桂不知其邑里崇禎末以省祭官署昌平州吏目被檄爲莊烈帝后營葬師入關定京師列狀申州略曰三月二十五日奉順天府檄穿田妃壙葬崇禎帝后四月初三日發引初四日下窆州庫如洗葬日促監葬官禮部主事許作梅無策職與義士孫繁祉等十人歛錢三百四十千僦夫穿壙至初四日美道開通啓壙宮門入享殿三間陳祭品中設石案一懸鐘二旁列錦綺繒幣五色具生存所用器物器具皆貯以硃紅木筒左傍石牀一牀上擺衾枕又啓中美門內大殿九間中爲石牀置田妃棺槨帝后梓宮至停席棚陳羊豕金銀紙鏤祭品率衆伏謁哭盡哀職躬督夫役移田妃柩於右奉周皇后梓宮於左乃安先帝梓宮居先帝有棺無槨移田妃柩用之梓宮前各設香案祭器職手然萬年鐘度不滅久之事畢掩中美閉外美門復土與地平初六日又率諸人祭奠號哭呼集居民百餘人畚土起冢又築家墻高五尺有奇幸本朝定鼎爲

清史稿

孝義傳三

四

先帝建陵殿三間緣以周垣使故主陵寢不侵樵牧雖三代開國無以加之一時歛錢者繁祉諸生劉汝樸白紳徐魁李某鄧科趙永健劉應元楊道王政行皆州民康熙中嘉興譚吉應至昌平得故吏贖探入所爲肅松錄邵長衡又爲之文謂是時李自成據京師禮部主事改禮政府屬蓋一桂不知自成所改官制而面政行有子乞韓炎表墓亦書其事黃調鼎字鹽梅河南洛陽人諸生其女兄明福王由崧妃也早卒葬洛陽福王稱帝南京追爵妃父奇瑞洛中伯以其長子九鼎襲亦官調鼎福王選立后妃巡撫山陰郝彪佳之女與焉命以彪佳少女妻調鼎南都破九鼎降馬士英挾福王母郝太后至浙江兵敗太后匿山陰民家調鼎走依郝氏與相聞福王死京師求得其柩載歸洛陽葬故妃園迎郝太后奉養至卒葬福恭王園調鼎棄諸生不出

楊藝字碩父廣西臨桂人大學士翟式相客也闊略無所忌諱同幕者稱爲癡藝因以自號己終不合去孔有德徇廣西破桂林執式相及總督張同敵不屈死藝衰絰懸紙錢滿衣號哭營市間請飲式相有德聞而義焉遂許之令並歛

同敵有姚端者式相門人藝與謀飲式相及同敵淺葬風洞山麓築室於旁守墓不去時明給事中金堡去為僧將上書有德乞飲式相等知藝先之乃罷以書稿寄式相子頗流傳人間而罕知藝者堡紀其事甚詳且曰以吾書掩藝吾為竊名罪氏子為負德咸默字大咸江南山陽人明諸生侍郎左懋第客也福王遣懋第等詣京師與司務陳用極劉將艾大選游擊王一斌都司張良佐王廷佐守備劉統從使事畢留勿遣大選從令雜髮懋第怒答之自殺南京破懋第與用極一斌良佐廷佐皆以不屈死默送懋第喪歸葬萊陽又送用極喪歸葬崑山一斌等為淺葬京師郊外默託堪輿術游四方嘗作哭萊陽詩以弔懋第楚人不忍讀

李晉福直隸景州人諸生趙遵譜為僱師入塞略地至州遵譜方出游騎而行晉福從倉卒被掠去家人不知也越數日晉福潛還告家人即復從遵譜出塞遵譜馬為人奪與晉福徒行久之有騎過則遵譜馬也遵譜直前欲奪之騎者抽刀斫遵譜仆幾死晉福負歸為裹創僅乃得愈遵譜怒直晉福力戒毋負氣取禍在兵中稍久相習晉福弟遵譜有勞役必代之後三年得間遵譜亡歸歸一年晉福亦逃入塞胡端友湖南甯鄉人劉光初僕也順治初光初妻胡遇寇以幼子付端友端友負而逃寇逐之力奔得脫至其家釋負仆久之乃蘇胡死於寇其子得成立至乾隆中丁近二千劉氏祀端友於祔

朱永慶字長源順天大興人故明宣府巡撫之馮子也師入關永慶見俘隸漢軍正黃旗傲屋居永慶修幹美髯負氣節好佛主者賢之將賜以婦命視諸俘恣所擇武進楊兆升仕明官給事中起兵死妾姚見俘獲髮矢守節永慶夙聞之乃自名故殉難宣府巡撫子擇姚以請引歸所居室向夕姚拜永慶乞哀永慶曰吾將全夫人節非特哀之而已乃誦佛至旦凡三夕居停規知之問曰君不近婦人安用此贅疣永慶曰此縉紳婦吾非欲妻之欲完其節耳恐機洩故且同室然非誦佛不可乃為君偵得幸終為吾諱居停感焉乃治別室以居姚久之事聞於主者主者益賢之令姚寄書其家以其母若弟來予資遣之還王某江南如皋人隸也順治初縣人許德溥坐不謹髮死妻當流王欲脫之思

不得其策夜不寐其妻怪問之語以故其妻曰此義舉也然非得一人代不可王曰安所得代者其妻曰吾當成子義舉願代行王伏地叩頭謝乃匿德溥妻而以其妻行數千里至流所縣人義之飲全贖歸夫婦終老於家
張瑛字玉采山西汾陽人居西官村順治六年姜瓖亂東官村趙氏盡殺其人獨一子亡歸瑛瑛納之眾索焉瑛不與瓖亂定瑛助趙氏子訟於官誅劫者當亂急村人將走避瑛曰賊未至先走能保必全乎孰若為守計眾曰如無紫堡何瑛曰紫堡誠不可猝為環村而溝焉其可遂為溝務深廣瑛家有樓貯石中之立斃餘賊怒攻樓取薪將焚眾汲井以救持數日乃稍稍去瑛率眾出擊之賊奔潰村以得全眾家饒歲終必出粟周鄰里康熙三十六年饑縣民鬻田貶其直瑛輒收之得田且千畝明年大穰瑛榜諸村曰願贖者聽不十日盡贖去瑛卒年九十有一
郭氏僕失姓名山西聞喜郭景汾家僕也姜瓖反縣人章惇為亂殺景汾祖及

父景汾方三歲僕負之走得免瓖敗惇降得官景汾讀書成進士上僕義被旌景汾圖復仇惇已遇赦知縣邵伯麟為之解今惇諱景汾祖父墓且詣景汾謝居無何景汾擊殺惇斷其首祭祖父而身詣獄伯麟義景汾具獄辭言惇謀反景汾率眾擊殺之大吏覆讞惇謀反事無有乃坐景汾擅殺伯麟意出入人罪皆論死踰年遇赦減死戍福建耿精忠反官景汾事定逮京師以從逆見法僕自聞喜走京師為具斂惇子許僕不當收罪人尸下刑部僕言某負三歲主艱難萬死中辱以義被旌景汾雖被罪死固某主也主死僕不為之收是為無義某願死不敢負前旌獄上聖祖哀而宥之當精忠官景汾亦欲官伯麟景汾言是不辦一縣令何能為遂不用以是免
胡穆孟福建人失其縣順治間武舉與連江沈廷棟同歲相善耿精忠反徵穆孟避匿廷棟家廷棟寓書於其友詆精忠穆孟竊見之慮書發且得禍易書為隱語避者得書猶以詆精忠見收穆孟以語其妻王王謂當自承以脫廷棟穆孟乃詣吏吏使與廷棟各具書辨其蹟釋廷棟而殺穆孟穆孟死王詣市綴穆

清史稿 卷五

清史稿 卷六

孟首其衣冠爲歛屬子於其叔且及廷棟遂縊於尸側市人皆感泣師克福建
郵穆孟蔭其子焉

苑亮江南亳州人事州人韓斌爲僕斌舉武科授福建興化守備耿忠精反脅
授副將浙江總督李之芳討焉移江南錄斌子世晉亮從之行之芳授以札使
招斌亮度精忠兵所置墩爲邏者所執問誰何亮自陳言斌家被籍南來投斌
主者監亮見斌而不許交語亮僞遺履斌發視得之芳札乃單騎詣之芳降亮
陷賊中被刑訊終不言齋札率遂死之芳作傳表之

楊越初名春華字友聲浙江山陰人所居曰安城因以爲號爲諸生慷慨尚俠
康熙初越友有與張燁言交通者事發辭連越滅死流甯古塔例僉妻與其妻
范偕行留老母及二子家居甯古塔地初開嚴寒民樸魯越至伐木構室墾土
石爲炕出餘物易菽粟民與習乃教之讀書明禮教崇退讓躬養老撫孤贖入
官爲奴者蕭山李兼汝蘇州書賈朱方初及黔沐氏之裔忠顯忠頑皆虞焉又
贖明大學士朱大典孫婦河南李天然希聲夫婦凡貧不能舉火及昏喪倡出

清史稿

李表傳三

七

資以賑民相助恐後各則嘔之曰何以見楊馬法馬法猶言長老以敬越也母
終於家年餘始聞喪哀慟杜門居三年子寶出塞省越越初成年二十四至是
已六十八寶還叩關乞赦越事未行子寶復出塞省越又二年越卒於戍所例
不得歸葬寶寶請不已又二年乃得請迎范奉越喪以歸民送者哭填路寶撰
柳邊紀略述塞外事甚詳

吳鴻錫字允康福建晉江人父德佑康熙初客浙江兵部郎中鳴尼布奉命督
造戰艦延德佑入幕數月德佑卒鴻錫方七歲鳴尼布携至京將子之鴻錫請
呼以伯曰父一而已鳴尼布奇之曰七歲兒能辦此耶鳴尼布故廉家漸困鴻
錫爲督芻牧私市書册弓矢習之通滿漢文精騎射鳴尼布從兄雲麟以平臺
灣功授溫州參將至京師欲以鴻錫行鳴尼布諾之鴻錫流涕曰我七歲育於
公今我壯而公老幼必俟其成立我乃歸嶺國公海清鳴尼布婿也義鴻
錫俾入旗鳴尼布卒妻哀甚得狂疾子和順和麟和順繼七歲鴻錫爲治
喪持家政延師教和順兄弟稍長爲娶婦和順年十六有忌之者授以護軍將

困苦之每直宿鴻錫佩刀以從露坐終夜大學士阿爾泰爲鳴尼布故交鴻錫
率和順兄弟候其門和順試除中書師征噶爾丹和順從軍以功擢禮部主事
有召和順飲者佐以博鴻錫持刀逕入坐以和順歸他日或問鴻錫人可殺乎
鴻錫曰殺人罪不過死吾受撫孤託而坐視其窮於燕明誠生不如死死而請
孤知勉則死實於生矣和順自是不復與人飲山東饑遣官治賑和順與焉鴻
錫從之武城廩未發出私錢散米又慮飢者驟飽且致斃淪菜蔬飲之全活無
算和順尋樵密雲關鴻錫曰負販小民不得取其稅額不足可以家財補焉民
樵趨之額亦足和順習舉業鴻錫督之慮其怠穴几貫鐵索自繫守之和順箴
謝讀益力以副榜貢生得官和麟年十六鴻錫偕詣永定河効力水大至巡撫
于成龍夜行隄上見有向河拜且泣者問之鴻錫也解衣旌之工竟和麟讓叙
筆帖式擢刑部郎中鴻錫不得歸募工寫父母遺像檢父遺衣冠招魂葬之年
五十八卒和順兄弟去纓席地如父母喪

清史稿

李表傳三

八

年八十如故寇時母有衣一襲弄篋中寶祭則服之衣敝不棄將卒命以飲猶
舉孟郊詩曰此慈母手中線也事兄謹兄弟皆八十無改常度產不過中人好
施予多蓄書遇寒士則遺之族黨長不能昏娶喪不能葬必仗以資族子貧贈
以秣十石使居賈得贏倍以償不受康熙四十三年饑民鬻子女醫所蓄得九
人不立券歲豐悉遺還之卒時八十有六

程增字維高江南歙縣人父朝聘自歙移家安東歸省墓病作增冒風渡江六
日夜行千五百里至則朝聘已沒母唐病復作急還又已沒乃絕意仕進安東
地卑母匿在堂水大至增與一僕力升圍木案上既葬復移家山陽爲買而使
二弟就學父母之黨死而無歸者畢葬焉餘皆定其居使有恒業折田立塾以
養以教友有急難以千金脫之後更相背窮復來自解待之如初康熙初河淮
溢增出家財修邳溝兩岸隄十里河道總督張應龍以聞四十四年聖祖巡視
芒稻河召增入見書旌勞二字以賜兩江總督于成龍好微行奸人因造言傾
怨家獄或失入增請成龍力言其弊指事爲微成龍曰微子言吾安知人心抗

敵至此久之卒

李應卜河南鄭縣人早失父母叔不基遺側室事如母壽百歲終姪孤飲食教誨之病作必數視之曰我夜不能起然終宵未成寢也弟應會亡病甚一夕鬚髮皆白姪緝幼食必呼共案出必視而行返必問在何所施及於鄉人有典其田而遠游者以子託焉久之為娶婦且復其田有喪其妻者為之復娶子田俸資以生有貧欲遠徙者予之粟留勿徙有備於其肆負金病且死者為之錫其通厚給其妻子有持金入其肆市粟者視金有官封與粟遺之去持金詣縣庭知縣方以庫失金咎吏應卜以金上其言始末事乃白乾隆二年縣舉應卜行事上大吏請旌表其門曰義士

塞勒滿洲人官苑副與惠色友塞勒老無子時引以為戚惠色曰我已有二子今婦又有身男也為君子已而得男命曰奇豐額既免乳以界塞勒塞勒與其妻撫以為子年十六將應童子試當具三代塞勒曰吾甯無子不可改祖宗欺君父乃携奇豐額還惠色奇豐額初不自知惠色子塞勒語以故駭馬去奇豐

清史稿

李義傳三

九

額遂還為惠色子乾隆三十四年成進士授刑部主事累遷江蘇布政使塞勒及其妻相繼卒五十七年奇豐額擢江蘇巡撫入覲涕泣陳本末請以本身封典地封塞勒並以第三子廣麟為塞勒後上命具疏下部議皆不許上特允之奇豐額黃氏先世朝鮮人隸內務府滿洲正白旗坐事罷官終內務府主事

王聯字鸞亭江蘇泰州人諸生應乾隆四十五年江南鄉試聯與友沈某偕沈病於喉欲歸聯不入試送之還至龍潭沈病益劇聯伴之寢病者口腐穢觸鼻不問與行慮其顛徒步翼以行沈遽死與者欲散聯以義感之乃得至丹徒殯於僧寺以其匾歸論者謂新唐書以張道源送友尸歸里列諸忠義傳聯亦其亞也

黎何安南人故安南國王黎維祁之族也乾隆間廣南阮光平破安南何護維祁叩關乞援上遣孫士毅率師送歸國既復為光平襲破維祁出走何齋上所賜國王印走間道入關與段旺等二十九人俱上命雜髮分置江浙諸地獨何與李秉道等四人不肯從其一為黎嗣亦維祁族其一失姓名四人者堅請得

出關為維祁復仇上已受光平降不欲更為黎氏出兵謂何等忠於黎氏不以盛衰為去就諭福康安平心詢問士毅尋奏何假託忠義意圖構殺上命何等從維祁至京師令軍機大臣傳詢何等力請還黎氏故土誓以死殉上曰何等仍還安南或為光平所戮朕心所不忍命暫繫刑部獄維祁卒葬京師郊外仁宗即位命釋四人者使居外火器營嘉慶八年農耐阮福映併安南使上表乞封何子光倬在行何與秉道至涿州逆焉仁宗責其私出下刑部何等初自承出謁維祁墓既乃具言願得歸國並以維祁喪還葬上許之資以銀並諸黎氏舊臣入漢軍置內地者悉遣還

趙璣字雨亭安徽桐城人儻重然諾有葉陽者與有連官大名同知璣往客焉甫踰月陽坐事戍伊犁童僕皆散走陽父母老且病日夜泣璣請與俱行既至將軍愛陽才置幕中璣乃辭歸陽泣璣曰勿爾吾且再來歸一年陽母卒璣復往比出關聞陽從將軍移駐塔爾巴哈臺改途赴之將軍聞璣稱曰義士以此趙義士名者關外有葉椿者陽同族也亦戍伊犁璣再出關椿母附寄子

清史稿

李義傳三

十

書致金璣既改赴塔爾巴哈臺未至伊犁歸道呼圖壁遇巡檢陳斌亦皖人也因迹椿則死久矣璣曰椿母日夜望子歸乃今死當奈何且以金附我者為我能致之也義不忍空返其金令椿骨不還願金少盡吾囊中資猶不足又當奈何貨於杖迂道八千里載椿柩以歸

蔣堅字非磷江西鉛山人幼即有智數七歲從叔入寺廡坐釋役值與語謂某寺僧被殺不得其主名堅語其叔曰殺人者堂上老僧也方誦經履願意乃不在經役牽去一訊而服十七附舟經瑞洪有少年同舟當食必出避堅疑而問之少年自言貧不能償舟值舟人將不余食焉故出避堅邀與共食資以金其人後客死又策返其骨及餘金長習法家言佐幕山西屢雪疑獄康熙五十二年主澤州知州俸國璣臨汾民迫奸胥為變巡撫檄國璣往按堅從國璣以七騎往至則眾保山洵洵堅以巡撫令箭先諭眾國璣入縣執首擾民者五六笞之流血眾就觀歡譟悉散國璣乞休堅歸數年聞國璣以屬吏虧帑逮下太原獄責償數千金堅往省為國璣徵債樂城又至澤州貸於州民為國璣贖償獄

乃解堅管曰法所以救世心求人之生斯善用法矣著求集子士餘文苑有傳

李林孫河南襄城人乾隆末教匪起將攻河南會城是時布政使馬慧裕主城守顧無兵度無以禦有陳伯瑜者郡縣人嘗爲河南巡撫安先事言教匪且起以妖言下獄川楚亂作諸大吏禮爲上客友林孫言於慧裕使率鄉兵五百人助守教匪至伯瑜以二百五十人面水肆戰匪易其少就觀之林孫以二百五十人出其背夾擊大破之知縣林嵐乞其兵守盧氏教匪渠張潮兒來攻號十萬嵐兵不及二千莫敢進嵐謝其衆曰公等皆林孫人徒死無益指大樹曰我官也死是聞耳衆怒曰誰無面目者致公爲此言今日戰有不勝賊而生者擗大石破腦死嵐拜衆亦拜遂戰賊幾殲人或以兵家言問林孫林孫謝不省曰豪傑無他得人心耳

高大鎬湖南桃源人父陞臨淄知縣嘉慶初大鎬將僕王明省父歸道荆門遇教匪大鎬從容語使引見其渠渠疑爲官軍謀欲殺之大鎬自言我盜也奈何

清史稿

李義傳三

十一

殺我渠使與其徒角殺三人乃錄與其徒伍渠令攻宣城大鎬從行度溪匿橋下得脫遇餘寇又殺三人乃走宣城白吏言寇且至爲畫城守策大鎬在賊中久知賊畏飛石令盡發市衢街道民家階墮碎之置城上寇至見有備乃走吏欲叙大鎬功大鎬辭歸桃源王明在賊中不與大鎬相聞既爲官兵所俘識非盜釋之亦得歸

許所望字叔翹安徽懷遠人諸生工爲詩嘉慶七年冬宿州民王朝明李勝才爲亂州破所望與其戚王冠英出粟三千石佐軍且率其徒邱惠齡張國綱謝崇訓等破賊陳家集十八年秋林清亂起師圍滑縣兩江總督百齡駐徐州安徽巡撫胡克家駐亳州爲備時德盜楊七郎據引河集其黨洪廣漢據保安山與賴州亂民沙占魁等遙相結觀變克家知所望以書招之所望率八百人至亳州以惠齡等十人爲隊長所望謀曰楊七郎猛且狡宜以計誘之令國綱崇訓率健兒八人僞爲逃卒詣七郎越五日誘之出以百餘人至邱家集七郎忽疑曰若爲許所望來耶崇訓出不意斷七郎臂衆大驚國綱疾呼曰我張國綱

也立擊殺數人國綱與惠齡同破宿州賊以勇聞賊素憚之遂大潰所望率兵至七郎走死廣漢亦潰占魁等走永城會師克滑縣餘賊走與合焚會亭所望與賊公基湖列十火槍土埠上令衆伏地曰賊至二百步槍發乘煙疾進擊之賊潰奔逐之數十里亳州師乃罷百齡在徐州亦得河南張永祥者以鄉兵三百助守事定所望辭叙功以諸生應試如故永祥從巡撫阮元自河南移浙江亦罷去人呼爲張鐵槍云

邢清源曹州人入鎮標爲兵數十年老而退伍咸豐十一年長槍會爲亂圍曹州時親王僧格林沁駐軍濟甯欲乞援無敢齋書往者清源請行乃裂帛爲牘置清源衣帶清源破衣持竹杖爲丐者狀出圍達王所王卽札示發兵狀仍置衣帶還報兵至城得全王元杭州旗營牧馬人也粵寇陷省城將軍瑞昌守旗營令元持書突圍出乞援張玉良大哭不食玉良義之立進兵瑞昌夾擊遂復省城明年城再陷元已保營官戰歿長安州祀瑞昌祠

清史稿

李義傳三

十二

陷麟瑞陣歿見忠義傳鳳瑞改隸李鴻章軍轉戰江浙屢有功而太倉一役尤著初李軍以乏餉不用命鳳瑞力保盜魁賀國賢國賢本鹽商官誣殺其兄乃爲盜鳳瑞與其兄善責以大義立出十萬金助餉並率所部奮攻城遂克太倉州國賢後官至總兵鳳瑞以筆帖式積功累保副都統賞花翎江南平調歸杭州遂隱居不仕時難民遍地鳳瑞先於上海青浦設廠施衣食爲謀棲宿分遣歸里復奉詔招集旗人歸防安插恢復營制建昭忠祠立忠義墳凡杭乍兩營死者逾萬人尸骨狼藉躬督檢埋分建兩大塚於兩地勒碑致祭列入祀典又采訪姓名彙刻浙江八旗殉難錄乍浦副都統錫齡阿全家同殉其僕石某獨負其幼子出乞食養之鳳瑞見而言於巡撫薛煥奏請撫恤爲賦義僕行給資送歸鳳瑞義俠好行善歲收租穀數百石必盡散之窮乏數十年如一日衆稱善人卒年八十有二贈將軍鳳瑞博學工書畫遊跡遍天下嘗自刊玉章曰讀萬卷書行萬里路著有老子解如如老人詩草及殉難錄等子四文舉年十三母病危剖心以救母愈文舉竟卒

方元衡字莘田安徽桐城人以貢生官光祿寺署正父病失明晨夕調護廁除必躬親之終親之身不稍怠推產給弟惟筆耕以奉甘旨年五十依母懷如嬰兒居喪不宴笑不居內日所行必告於主葬則廬墓側歲時祭必哀戚盡禮俗感於風水常停柩久不葬請設勸葬局限期督葬無後者則購地代葬之先後逾五萬具復設採訪局採訪全省節孝貞烈歷二十年彙請得旌者凡十餘萬人建總祠總坊於省會有司春秋致祭著有續心學宗孝經淺註卒後皖人上其孝義行特贈五品卿

葉成忠字澄衷浙江鎮海人世為農六歲而孤母洪撫以長為農家備苦主婦苛去之上海掉扁舟江上就來船寫雜具西人有遺革囊路側者成忠守伺而還之酬以金不授乃為之延譽多購其物因漸有所蓄西人製物以機器凡雜具以銅鐵及他金類造者設肆以售謂之五金成忠肆虹口數年業大盛乃分肆徧通商諸埠就上海漢口設廠縱絲造火柴資益豐乃置祠田興義塾設醫局會朝議重學校成忠出資四十萬建澄衷學堂規制宏備生徒景從製字課

清史稿

字五傳三

十三

圖說修身與地諸書諸校用之以為善本又建懷德堂備於所設肆者死育其孤恤其後困乏者歲時存問母俾凍餒鄉人為之諺曰依澄衷不憂窮凡備於葉氏皆為盡力成忠屢以出資助賑叙勞至候選道加二品頂戴卒命諸子人擇一業行義竟其志勿邀賞

楊斯盛字錦春江蘇川沙人為坊者至上海上海既通市商於此者咸受惠焉斯盛誠信為儕輩所重三十後稍稍有所蓄乃以廉值市荒土營室不數年地貴利倍徙善居積擇人而任各從所長設肆以取贏迭以助賑叙官光緒二十八年詔廢科舉設學校出資建廣明小學師範傳習所越三年又建浦東中小學青墩小學凡糜金十八萬有奇上海業土木者以萬計眾議立公所設義學斯盛已病力贊其成事立舉海濱潮溢居民多死者斯盛出三千金以賑又集資數萬全活甚眾浦東路政局料渡捐急民大譁官至羣毀其與斯盛力疾往揮眾散捐亦罷又出資規築洋徑陸家渡六里橋南諸路改建嚴家橋創設上海南市醫院諸事畢舉建宗祠置義田依故友族人咸有恩紀及卒遺命散所

蓄助諸不給遺子孫者僅十一

武訓山東堂邑人乞者也初無名以其第曰武七七孤貧從母乞於市得錢必市甘旨奉母母既喪稍長且備且乞自恨不識字誓積資設義學以所得錢寄富家樞子母積三十年得田二百三十畝有奇乞如故蓋縷微軒晝乞而夜織或勸其娶七謝之又數年設義塾柳林莊築塾費錢四千餘縗盡出所積田以資塾塾為二級曰蒙學曰經學開塾日七先拜塾師次徧拜諸生其盛饌塾師七屏立門外俟膳罷啜其餘日我乞者不敢與師抗禮也常往來塾中值師晝寢默跪榻前師覺驚起遇學生遊戲亦如之師生相戒勉於學有不謹者七聞之泣且勸有司於其勤名之曰訓管至館陶僧了證設塾鴉莊貨不足出錢數百緡助其成復積金千餘建義塾臨清皆以其姓名名焉縣有發張陳氏家貧到肉以奉姑訓子田十畝助其養遇孤寒輒假以錢終身不取亦不以告人光緒二十二年歿臨清義塾廡下年五十九病革聞諸生誦讀聲猶張目而笑縣人感其義醵象於石歸田四十畝以其從子奉祀山東巡撫張曜袁樹勛先後

清史稿

字五傳

十四

疏請旌祀孝義祠

呂聯珠字星五漢軍正黃旗人隸盛京內務府所居村曰瓦子峪貧授徒為大父及父母養一介不妄取應鄉試徒步千餘里有富家子招與同乘堅卻之光緒十四年舉於鄉授筆帖式補催長不改其狷聯珠有從叔其一貧無子請兼祧侍養叔嚴急事之盡禮其一出遠游以廢疾歸奉於家喪葬昏嫁力任之有田招佃以耕隣田鬻於人占聯珠田五尺聯珠言於官讓與之田中有他氏墓為之掃除歲祭焉同學坐事繫獄死為之葬姻家有以疑獄死京師者赴會試為携其骨還葬聯珠篤行式於鄉人治程朱之學鄉人奉其教久之卒

清史稿

列傳

遺逸

太史公伯夷列傳憂憤悲嘆百世下猶想見其人伯夷叔齊扣馬而諫既不能行其志不得已乃遁西山歌采薇痛心疾首豈果自甘餓死哉清初代明平賊順天應人得天下之正古未有也天命既定遺臣逸士猶不惜九死一生以圖再造及事不成雖浮海入山而回天之志終不少衰迄於國亡已數十年呼號奔走逐墜日以終其身至老死不變何其壯歟今為遺逸傳凡明末遺臣如李清等逸士如李孔昭等分著於篇雖寥寥數十人皆大節凜然足風後世者也至黃宗羲等已見儒林傳魏禧等已見文苑傳餘或分見于孝友及藝術諸傳則當比而觀之以見其全焉

遺逸一

李清

梁以樟

閻爾梅

鄭與僑

清史稿

遺逸傳一

曹元方

莊元辰

李長祥

陸宇燁

方以智

錢澄之

憚日初

郭金臺

朱之瑜

沈光文

吳祖錫

李清字心水號映碧興化人天啟辛酉舉人崇禎辛未進士授甯波推官考最擢刑科給事中同日上兩疏一言禦外敵當戰守兼治不當輕言款禦內寇當勦撫並用不當專言撫一言治獄不宜置失入而獨罪失出因論尚書劉之鳳不職狀尋以天旱復疏言此用刑鍛鍊刻深所致語侵尚書甄淑淑遂劾清把持詔鑄級調浙江布政司照磨無何淑敗即家起吏科給事中疾朝臣日競門戶疏言國家門戶有二北門之鎖鑰以三協為門戶陪京之扇鍵以兩淮為門戶置此不問而闕堂闕穴長此安底疏入不報京師陷福王建號南京遷工科

都給事中見朝政日壞官方大亂乃疏言大隸未雪凡乘國難以拜官者養將

慚入地宜急更前轍以圖光復又憤時議以偏安自足抗疏曰昔宋高之南渡也說者謂其病於意足若陛下於今日其何足之有以河洛為豐沛則恭皇之舊封也為恭皇所已有而不有則不足以金陵為長安則高帝之始基也為高帝所全有而不有則不足臣深望陛下無忘痛恥以此志為中外倡也儻陛下弛於上則諸臣必逸於下先帝之深讎將安得而復哉且宋之南渡猶走李成擒楊么以靖內制外今則獻猶交熾兩川危於累卵汀湖南贛並以警聞北有既毀之室南無可怡之堂臣竊為陛下危之疏上報聞而已有司始設莊烈帝為思宗清言廟號同於漢後主禪請易之又請補諡太子二王及開國靖難並累朝死諫諸臣或以為迂歎曰士大夫廉恥喪盡矣不於此時顯微幽激發忠義之氣史復何望耶清事兩朝凡三居諫職章奏後先數十上並寢閣不行尋遷大理寺左寺丞遺祀南鎮行甫及杭而南都失守矣乃山間道趨隱松江又渡江寓高郵久乃歸故園杜門不與人事當道屢薦不起凡三十有八年

清史稿

遺逸傳一

二

而歿清忠義蓋出天性莊烈帝之變適在揚州聞之號慟幾絕自是每遇三月十九日必設位以哭嘗曰吾家世受國恩吾以外吏蒙先帝簡擢涖埃未報國亡後守其磔磔有死無二蓋以此也晚著書自娛尤潛心史學為史論若干卷又刪注南北二史編次南渡錄等書藏於家李模字子木吳縣人天啟乙丑進士授東莞知縣考最入為御史因劾論中官謫南京國子監典籍福王立封四鎮為侯伯模上言擁立時陛下不以得位為利諸臣何敢以定策為功甚至侯伯之封輕加鎮將夫諸將事先帝未收桑榆之効事陛下未彰汗馬之績方應戴罪何有勳勞使諸將果忠義者必先慰先帝殉國之靈而後可膺陛下延世之賞報聞尋改為河南道御史馬阮亂政歎曰事無可為矣即請告不復出杜門里居三十年如一日幼與徐汧為總角交汧死國事為恤其家而存其孤不渝舊好年八十卒於家

梁以樟字公秋清苑人與兄以相弟以桂並知名時號三梁以樟負異才八歲讀書家塾中值壁裂作壁裂歌云壁裂龍驚出見者大奇之十六歲補弟子

員受知左光斗崇禎己卯舉鄉試第一明年成進士命試騎射進士皆書生夙不習以樟獨躍馬彎弓矢三發的皆應弦破觀者歎異即授河南太康知縣中原盜起十餘年所在荼毒督撫莫能辦率倡撫議苟且幸無事盜且服且叛而河南比年大旱蝗人相食民益蠱起為盜人為以樟危僉都御史史可法以其有經世略獨勸之行抵任探知境內賊凡三十六窟於是練鄉勇修城堡嚴保甲募死士入賊巢伺賊出入嘗夜半馳風雪中帥健兒密搗賊壘賊驚佚禽其渠燬巢而歸居半載境內賊悉平調商邱時李自成犯開封不能破乃東攻歸德以樟嬰城血戰三日夜城陷妻張率家人三十口自焚死事具明史以樟被重創仆亂屍中死復甦商民救之出奔淮上被逮獻請室賊入潼關復渡河東犯京師震動以樟乃從獄中上疏請皇太子撫軍南京輔以重臣假便宜從事係人心倡召豪傑義旅大起勤王兵擇宗室賢才分建要地而重督撫權行方鎮遺意合力拒疏上執政尼之迨出獄而都城陷福王立以樟自德州臨清南下與各郡邑建義文武吏及諸豪士歃血盟人皆感憤流涕受約束待命渡淮

清史稿

遺傳一

三

見可法因建議山東河北為江南藩蔽若無山東河北是無中原江北無中原江北區區江南豈能自守耶今宜於河南北山東設三大鎮倣唐節度使宋經制招討使之制以大臣文武兼資者為之寬其文法使自為戰守而關部大治兵居中取之又言北方人心向順宜及時撫為我用否則忠者不能支黠者反戈相向矣前後奏記百數十而馬士英專政貨鬻官爵用逆黨阮大鍼為兵部尙書競立門戶斥忠諫之士君臣日夜酣樂左良玉高傑劉澤清等各擁兵跋扈莫能制以樟知事不可為憤鬱成疾辭去可法仍舉以樟為兵部職方司主事經理開歸未幾揚州破可法死南都相繼潰以樟遂與以相遜跡實應之霞湖買田數十畝躬耕自給清初召用勝國諸臣以樟年纔三十七朝貴致書勸駕不應自築忍冬軒日與張璠孫爾靜講學其中四方之士若閻爾梅王猷定劉純學崔干城僧松隱暨其鄉人王世德父子時時過以樟劇飲慷慨激昂繼以涕泣晚年借喬山塵陳鉅朱克生劉中柱結文字社康熙四年七月十五日端坐作論學數百言擲筆而卒年五十八世德之子潔源集其理學經濟諸書

及詩古文合為一編曰梁鶴林先生全書今傳世者惟叩否詩集而已世德字克承自號霜皋北平人少襲錦衣衛指揮僉事北都陷拔刀將引決為僕所奪妻魏已率諸婦女赴井死遂易僧服與以樟偕隱管憤野史誣罔不可傳信後世歎歎扼腕作崇禎遺錄一卷自序之康熙間修明史有司錄其副本上史館三十二年卒年八十有一子源以手藥殉葬

閻爾梅字用卿號古古沛縣人崇禎庚午舉人李自成陷北京爾梅上書請兵北伐並盡散家財結死士為前驅自成黨武懷至沛屢使招爾梅以碎牒大罵下獄懷敗乃免赴史可法之聘參軍事首勸渡河復山東不聽時高傑為許定國所殺河南大亂爾梅又說可法西行鎮撫之傑部將約束待命可法為設提督統其眾而自退保揚州爾梅力阻之請開幕府徐州號召河南北義勇得以一成一旅規畫中原又請空名告身數百紙乘時布發視忠義為鼓勵俾連寇叛帥不得以踰時渙散少有睥睨策皆不行遂貽以書而去及可法殉節爾梅走淮安就劉澤清田仰畫戰守策復不聽帥入淮爾梅率河北壯士伏城外眾

清史稿

遺傳一

四

懼阻羽士陶萬明特庇之巡撫趙福星以書招爾梅痛哭謝之乃散其眾遁海上祝髮稱蹈東和尙復走山東聯絡四方魁傑謀再舉又至河南至京師以山東事發被捕下濟南獄脫走還沛名捕急弟爾燮姪御九皆就逮妻妾同自殺爾梅乃託死夜遁變名翁深字藏若歷遊楚蜀秦晉九省過關中與王宏撰等往還北至榆林從甯夏入蘭州凡十年獄解始還未幾為仇家所攀復出亡巽鼎孽救之得免北謁思陵又東出榆關還京會顧亭林復遊塞外至太原訪傅山結歲寒之盟爾梅久奔走歷艱險不少阻後見大勢已去知不可為乃還沛寄於酒醉則罵座常慨然曰吾先世未有仕者國亡破家為報仇天下震動事雖終不成疾風勁草布衣之雄足矣遂高歌起舞泣數行下居數歲卒年七十有七爾梅博學善詩有白谷山人集萬壽祺字介若世稱年少先生徐州人與爾梅同郡又同歲生同舉鄉試志節皆同既同舉事南都破江以南義師雲起沈自炳戴之傅錢邦芭起陳湖黃家瑞陳子龍起泖吳易起笠澤皆與會師謀恢復兵潰壽祺被執不屈將及難有陰救之者囚繫月餘得脫乃渡江歸隱築

室浦西妻徐子睿灌園以自給覽首被僧衣自稱明志道人沙門慧壽而飲酒
食肉如故時渡江而南訪知舊弔故學遺民故老過淮陰者亦輒造草堂流連
歌哭或淹留旬月雖隱居固未嘗一日忘世也順治九年卒壽祺善詩文書畫
旁及琴劍棋曲雕刻刺繡亦靡弗工妙爾梅論有明一代書推為第一著有隴
西草堂集初爾梅壽祺同謀舉事一起江北一起江南先後相呼應及事敗爾
梅出走思得一當壽祺留江淮觀世變不幸先死爾梅獨奔走三十餘年亦終
無所就後世稱徐州二遺民常為之太息云

鄭與僑字惠人號確菴濟甯人五歲父歿母張以祖遺田讓之仲獨取遺書一
篋授僑曰兒讀此可飽也與僑發奮力學崇禎丙子舉於鄉時流寇充斥山左
與僑以濟甯為漕艘咽喉地倡義與城守張世臣舉人孟瑄併力殺賊城賴以
完有賊郭陞者將至濟甯州吏議迎款屬與僑草表力拒乃止及賊至與僑率
鄉人殲之遂徙家淮陽史可法方開府淮上聞與僑名奏為儀真令而吏部以
其前守濟甯功改除揚州府推官揚州為興平伯高傑列藩地其將卒多驕橫

清史稿 遺逸傳一 五

稍不當意抽刀刺人與僑悉裁之以法巡按御史何綸薦以推官監江海軍駐
通州江南失守與僑奉母之武林總督張存仁經略洪承疇奇其才欲官之皆
謝不起後歸濟上立社教授生徒絕口不談時事嘗備遊秦晉川蜀荆楚吳越
諸勝著有確菴稿丹照集爭光集濟甯遺事秦邊記要等書卒年八十有四自
為墳誌

曹元方字介皇海鹽人父履泰明兵部侍郎以忠直著元方崇禎癸未進士南
京建號授常熟知縣時大學士馬士英擅國政有薦元方署職方司事者士英
亦藉元方名冀往謁附己元方訖不往疏言願遵定制補外吏語侵士英士
英怒卒與令常熟常熟為吳中煩劇邑最富金陵草創所在兵與民交狃無寧
畧元方措兵餉借民力俱帖然邑稱治金陵敗棄官歸履泰先獲譴謫成亦適
歸父子相謂於義不可妄然以居元方先變姓名問道入閩至建甯謁唐王即
授吏部文選司主事進驗封司郎中頃之履泰亦由海道至即授太常卿督兵
部右侍郎父子俱以忠義激發開闢來一時咸偉之當是時鄭芝龍久以桀寇

內附崇其秩號姑息為養驕至是益甚志叵測元方抗疏自請出視江上師閱
封守欲從外為重內計得召對加御史銜賜白金揮涕以行至浦城則江上潰
兵接踵狼狽下元方倉卒走計後圖履泰從唐王趨贛州遇兵投身崖石下絕
復甦昇至僧舍輾轉至浦城父子得相見履泰疾甚先歸旋卒於家元方聞乃
亟歸微服挈母及妻子行寄食旅舍中久之事稍定卜居映石郵築草堂自號
耘庵以老卒年八十有二

莊元辰字起貞晚字頑菴鄞人學者稱漢曉先生賦性嚴凝不隨人唯阿崇禎
丁丑進士授南京太常博士甲申之變一日七至中樞史可法之門促以勤王
福王立議推科臣總憲劉宗周掌科章正宸皆舉元辰為首而馬士英密遣私
人致意曰博士曷不持門下刺上謁相公掌科必無他屬峻拒之中旨僅授刑
部主事已而阮大鍼欲與同文之獄元辰曰禍將烈矣遽行未幾而留都亡錢
肅樂之起事也元辰破家輸餉時降臣謝三寶為王之仁所脅以餉自贖及肅
樂與之仁赴江上三寶潛招兵眾疑之明經王家勤謂肅樂曰浙東沿海皆可

清史稿 遺逸傳一 六

以舟師達鹽官倘彼乘風而渡列城且立潰矣非分兵留守不可肅樂曰是無
以易吾莊公者於是共推元辰任城守事分兵千人屬之以四明驛為幕府家
動及林時躍參其事元辰曰糧兵巡諸堞里人呼為城門軍三寶不敢動乃迎
魯王於天台始解嚴管吏科都給事中遷太常卿上疏言殿下大誓未雪舉
兵以來將士宣勞於外編氓殫藏於內臥薪嘗胆之不遑而數月來頗安逸樂
釜魚幕燕撫事增憂則安何可懷也敵在門庭朝不及夕有深宮養優之心
安得有前席借箸之事則蒙蔽何可滋也天下安危託命將相今左右之人頗
能內承色笑則事權何可移也五等崇封有如探囊有為昔時佐命元臣所不
能得者則恩膏何可濫也陛下試念兩都黍離麥秀之悲則居處必不安試念
孝陵長陵銅駝荆棘之慘則對越必不安試念青宮二王之辱則撫王子何以
為情試念江干將士列邦生民之困則衣食可以供廢疏入報聞已又言中旨
用人之非累有封駁王不能用時三寶資緣居要而馬士英又至元辰言士英
不斬國事必不可為貽書同官黃宗義林時對云最爾氣象似惟恐其不速盡

者區區憂憤無事不痛心疾首以致咳嗽纏綿形容骨立願得以微罪成其山野遂乞休未幾大兵東下乃狂走深山中朝夕野哭元辰故美鬚眉顧盼落落至是失其面目巾服似頭陀一日數徙莫知所止山中人亦不復識忽有老婦呼其小字曰子非念四郎邪因歎曰吾晦迹未深奈何順治四年疽發背戒勿藥曰吾死已晚然及今死猶可遂卒王王藻字質夫江都人崇禎癸未進士授慈溪知縣少詹項煜以從逆亡命王藻及慈民馮元慶均出其門遂匿於馮氏慈人斃煜於水王藻置不問有明士習重聞誼或以為過王藻曰吾豈能為向雄之待鍾會哉夫君臣之與師友果孰重聞者悚然金陵破魯王監國王藻乃與沈宸荃起兵督御史仍行縣復募義勇請赴江上自効略謂今恃以自保者惟錢唐一江待北兵渡江而後禦易若禦之於未渡之先臣願以身先之乃解縣事以兵科都給事往軍前時駐兵江上者有方國安王之仁係嘉績熊汝霖章正宸鄭道謙錢肅樂沈光文陳潛夫黃宗義咸各自為軍兵餉交訐莫敢先進既不予王藻以餉復陳劃地分餉又不聽王藻乃力請還朝既入諫垣上封

清史稿

遺傳一

七

事十餘略謂北兵之可畏者在勇而我軍之可慮者在怯怯由於驕兵驕由於將驕今統兵之將無汗馬之勞輒博五等之封安得不傲以驕心驕則畏戰非稍加裁抑恐無以戢其驕陵之氣又謂宜用海師窺吳淞以分杭州北兵之勢又劉宗周祁彪佳諸臣宜加褒忠之典以是不為諸臣所喜乃力求能職時元辰為太常固乞留之謂古人折檻旌直今令直臣去國豈國家之福王藻感其言供職如初浙東再破王藻追魯王蹕弗及自投於池水洞不得死乃以黃冠遜於剡溪資糧俱盡采野葛為食妻李遠東巡撫植女知書明大義在浙右時屢脫簪珥佐軍與偕入剡溪命二子方岐方疑拾墜樵不以窮阨易操適四明山塞競起義軍以書致王藻王藻思乘間入舟山為偵騎所遏不果往每臨流讀所作詩輒激厲慷慨仰天起舞或朝夕悲歌與門人熊亦方相和答繼亦方以類死王藻歸隱北湖誓不易衣去髮作絕詞以逝遺命不冠而歛

李長祥字研齋達州人崇禎癸未進士初以諸生練鄉勇助城守後選庶吉士吏部薦備將帥之選或曰天子果用公計安出歎曰不見孫白谷往事乎今惟

有請便宜行事雖有金牌亦不受進止平賊後囚首闕下受斧鉞耳聞者咋舌賊日逼上疏請急令大臣輔太子出鎮津門以提調勤王兵不果行而京師潰為賊所掠乘間南奔福王立改監察御史巡浙鹽魯王監國加右僉都御史督師西行而江上師又潰魯王航海去長祥以餘眾結寨上虞之東山時浙江諸寨林立四出募餉居民苦之獨長祥與張煌言王翊三營且屯且耕井邑不擾監軍鄧人華夏者為之聯絡布置請引舟山之兵連大蘭諸寨以定鄞慈五縣因下姚江會師曹娥合備山諸寨以下西陵僉議奉長祥為盟主刻期將集而為降紳謝三寶所發引兵來攻前軍張有功被執死中軍與百夫長十二人期以次日縛長祥為獻晨起十二人忽自相語奈何殺忠臣折矢扣刀借誓而逃長祥匿巧人舟中入紹興城居數日事益急復遷至奉化依平西伯朝先朝先亦蜀人得其助復合眾於夏蓋山督兵部左侍郎請合朝先之眾聯絡沿海以為舟山衛張名振忌之襲殺朝先長祥僅免舟山破亡命江淮間總督陳錦捕得之安置江甯未幾乘守者之怠逸去由吳門渡秦郵奔河北遍歷宣府大同

清史稿

遺傳一

八

復南下百粵晚歲始還居毘陵築讀易堂以老王正中字仲樞保定人崇禎丁丑進士魯王監國以兵部職方司主事攝餘姚縣事時義軍猝起市魁里正得一割付輒入民舍括金帛郡縣不敢誰何正中既視事令各營取餉必經縣否則以盜論總兵陳梧渡海掠餘姚正中遣民兵擊殺之諸營大譁責正中擅殺大將黃宗義言於監國曰梧借喪亂以濟其私致犯眾怒是賊也正中守土當為國保民何罪之有議乃息張國柱田仰判本徹各率所部過姚江舳舻蔽空而下以正中嚴備不敢犯皆帖帖趨行國柱後從定海入縱兵焚掠正中單騎入其軍呵止之國柱迄不得逞尋擢監察御史諸軍從浙西來會一聽約束眾倚之若嚴城焉尋以株連繫獄論死獄中有閩人柯仲烟者精星象正中欲從受業援黃霸從夏侯勝授經事為說數年講習不忘洞悉天官律呂度數諸書復從黃宗義學壬遁孤虛之術宗義歎曰傳吾絕學者仲樞一人耳遂造監國魯元年丙戌大統歷以進浙東亡避竄山中貧不能自存傍鑑湖佃田五畝佐以醫卜自給康熙六年卒年六十九著有周易註律書詳註董守諭字次公鄧

縣人舉人魯王監國召爲戶部貴州司主事時熊汝霖孫嘉績首事起兵然皆書生不知調度乃迎方國安王之仁授之軍政凡原設營兵衛軍俱隸之孫熊所統惟召募數百人方王兵既盛反惡當國者有所參決因而分餉分地之議起分餉者正兵食正餉田賦之出也方王主之義兵食義餉勸捐無名之徵也熊係諸軍主之分地者某正兵支某邑正餉某義兵支某邑義餉也魯王令廷臣集議方王司餉者皆至殿陛諍爭守諭曰諸君起義旅咫尺天威不守朝廷法乎乃稍退守諭又進曰義餉有名無實以之饋義兵必不繼即使能繼誰爲管庫今請以一切稅供悉歸戶部計兵而後授餉地之遠近酌給之後先則兵不絀於食而餉可以時給也方王雖不從然所議正無以難也之仁請收漁船稅守諭曰今日所恃者人心耳漁戶已辦漁丁稅矣若再苛求民不堪命人心一搖國何以立久之又請行稅人法請塞金錢湖爲田官賣大戶祀田贖軍三疏皆下部議兵士露刃以待覆守諭力持不可之仁大怒謂行朝大臣不敢裁量幕府戶曹小臣敢爾阻大事邪檄召守諭將殺之魯王不能禁令且避守

清史稿

遺傳一

九

諭慷慨對曰司餉守正臣分也生殺出主上武衛雖悍將何爲者臣任死王前聽武衛以臣血濺丹墀可耳於是舉朝忿怒曰之仁反邪何敢無王命而害餉臣之仁乃止明年莊烈帝大祥守諭請朝堂哭三軍縞素一日遷經筵日講官兼理餉事魯王航海守諭不及從遂跡荒郊旋卒著有學蘭集

陸宇燁字周明鄞縣人諸生慷慨尙氣節時有弟子訟其師師不得直宇燁詣文廟慟哭伐鼓卒直其師而後止明亡嘗與黃宗羲謀舉事其所與計畫者皆四方知名士其城西田舍覆壁柳車雜寶死友計收喜事乃益甚江湖間多傳其姓名以爲異人南都破而東師起宇燁毀家紓餉翁洲又破宇燁捐金與謀者令訪死事消息張肯堂之孫以俘至亟治寮餼入獄視之語其弟宇燦使爲脫繫董志寧之喪在海上宇燁致而葬之旋爲降卒所誣捕入省獄獄具宇燁無所註誤脫械出門未至館而卒宇燁以好事盡其家產室中所有惟草薦敗絮及故書數百卷計聞家人整理其室得布囊於亂書之下發而視之則赫然人頭也宇燦誠其面曰捧之而泣曰此故少司馬篤庵王公頭也初司馬兵敗

臬城闕宇燁思收葬之每徘徊其下一日見暗中有一叩首而去者跡之走入破室宇燁曰子何人其人曰余毛明山曾以卒伍事司馬今不勝故主之感耳宇燁相與流涕而語江子雲計所以收其頭者子雲名漢錢肅樂部將也失勢家居會稽陽競渡游人雜沓子雲紅笠握刀從十餘人登城遊戲至臬頭所問守卒曰孰戴此頭也者卒以司馬對子雲佯怒曰嘻吾怨家也亦有是日乎拔刀擊之繩斷墮地宇燁明山已豫立城下方是時龍舟噪甚人無回而易視者宇燁以身蔽明山拾頭雜僞人而去宇燁祀之書室蓋十二年矣而家人無知者至是宇燦始瘞之宇燦宇燁第五弟字春明負才自喜俯視一切宇燁風格棧不可犯而宇燦稍濟之以和故世人親之如夏日冬日之分然其刻意厲行雖嘖笑皆歸名節則一也丙戌後棄諸生與諸遺民游荒亭木末時聞野哭同里秀才杜懋俊仗義死難藏其遺孤桐城方授避地來鄞宇燦館之湖樓中授卒宇燦經紀其喪收拾遺文以致其家性嗜異書晚年家既貧不能具寫官乃手鈔之瀕病不倦從子官山左令其訪東萊趙士喆遺書垂歿尙以其書未至

清史稿

遺傳一

十

爲恨自棄諸生卽練衣蔬食叢林以爲佞佛爭勸之披緇宇燦笑不答及遺命不作佛事衆始罷然卒年六十六著觀日堂集八卷漢錢唐人爲肅樂所倚恃授以都督僉事總兵官師至閩幾下福州漢功爲多侍郎馮景第乞師日本也請與偕行及歸漢曰東師必不出也已而果然肅樂既卒漢侍母居鄞種蔬自給四壁無長物惟餘肅樂所贈寶刀一而已每語及肅樂則淚淋漓下抑鬱終

方以智字密之桐城人父孔炤明湖廣巡撫爲楊嗣昌劾下獄以智懷血疏訟冤得釋事具明史以智崇禎庚辰進士授檢討會李自成破潼關范景文疏薦以智召對德政殿語中機要上撫几稱善以智執政意不果用京師陷以智哭臨殯宮至東華門被執加刑毒兩髀骨見不屈賊敗南奔值馬阮亂政修怨欲殺之遂流離嶺表自作序篇上述祖德下表隱志變姓名賣藥市中桂王稱號肇慶以與推戴功擢右中允扈王幸梧州擢侍講學士拜禮部侍郎東閣大學士旋罷相固稱疾屢詔不起嘗曰吾歸則負君出則負親吾其緇乎行至平樂

被繫其帥欲降之左置官服右白刃惟所擇以智趨右帥更加禮敬始聽為僧
 更名宏智字無可別號藥地康熙十年赴吉安拜文信國墓道卒其閉關高坐
 時也友人錢澄之亦客金陵遇故中官為僧者問以智澄之曰君豈曾識耶曰
 非也昔侍先皇一日朝罷上忽歎曰求忠臣必於孝子如是者再某跪請故上
 曰早御經筵有講官父巡撫河南坐失機問大辟某薰衣飾容止如常時不孝
 若此能為忠乎聞新進士方以智父亦繫獄日號泣持疏求救此亦人子也言
 訖復歎俄釋孔炤而辟河南巡撫外廷亦知其故乎澄之述其語告以智以智
 伏地哭失聲以智生有異稟年十五羣經子史略能背誦博涉多通自天文輿
 地禮樂律數聲音文字書畫醫藥技勇之屬皆能考其源流析其旨趣著書數
 十萬言惟通雅物理小識二書盛行於世子中德字田伯著古事比以智構馬
 阮之難中德年十三揭登聞鼓訟父冤父出亡借諸弟徒步追從中通字位白
 精算術著數度衍見時人傳中履字素伯幼隨父於方外備嘗險阻著古今釋
 疑

清史稿

遺逸傳一

十一

錢澄之字飲光原名秉鏡桐城人少以名節自勵有御史巡按至皖盛儀從謁
 孔子廟諸生迎迓門外澄之忽前扳車御史大駭止車因抗聲數其穢行御史
 故聞黨方自幸脫逆案內懼不敢究其事澄之以此名聞是時復社幾社始興
 比郡中主壇壝者宣城沈壽民池陽吳應箕桐城則澄之及方以智而澄之又
 與陳子龍夏允彝輩聯雲龍社以接武東林澄之體貌偉然好飲酒縱談經世
 之略嘗思冒危難立功名既既柄用刊章捕治黨人澄之先避吳中妻方
 赴水死事具明史於是亡命走浙閩入粵崎嶇險絕猶數從鋒鏑間支持名義
 不少屈黃道周薦諸唐王授吉安府推官改延平府桂王時擢禮部主事特試
 授翰林院庶吉士兼誥敕撰文指陳皆切時弊忌者眾乃乞假間道歸里結廬
 先人墓旁環廬皆田也自號曰田間著田間詩學易學澄之嘗問易道周依京
 房邵雍說究極數學後乃兼求義理其治詩遵用小序首句於名物訓詁山川
 地理尤詳自謂著易詩成思所以明二經者而得莊周屈原乃復著莊屈合詁
 蓋澄之生值末季離憂抑鬱無所洩一寓之於言故以莊繼易以屈繼詩也又

有藏山閣詩文集卒年八十二

俚日初字仲升號遜菴武進人崇禎癸酉副榜久留京師應詔上備邊五策不
 報知時事不可為乃歸隱天台山兩京亡唐王立福州魯王亦監國紹興吏部
 侍郎姜垓薦日初知兵魯王遣使聘之固辭不起大兵下浙避走福州福州破
 走廣州廣州復破乃祝髮為浮圖復至建陽是時唐王被執死魯王亦敗走海
 外湖廣何騰蛟江西楊廷麟等皆前後覆滅而明遺臣尚擁殘旅遙奉永曆金
 壇人王祈聚眾入建甯屬縣多響應日初曰建甯入閩門戶能守則諸郡安然
 不扼仙霞關建甯終不守也欲取仙霞宜先取蒲城乃遣長子禎隨副將謝南
 雲先趨蒲城失利皆死而御史徐雲兵連入數州縣銳甚日初說令夜入蒲城
 自督兵繼進會大雷雨人馬衝泥淖行不能速軍遂潰建甯被圍王使兵部尙
 書揭重熙赴援日初上書請巡取蒲城斷仙霞嶺餉道徐與圍中諸將夾擊之
 重熙巡至邵武不能進建甯遂破王祈力戰死日初收殘卒走廣信尋入封禁
 山中數日糧盡喟然曰天下事壞散已數十年不可救正然莊烈帝殉社稷薄

清史稿

遺逸傳一

十二

海茹痛小臣愚妄謂即此可延天命今乃至此徒毒百姓何益遂散眾獨行歸
 常州久之張煌言與鄭成功軍薄江甯敗走說傳張弟鳳翼乃日初門人從師
 匿縣官將收捕日初色如常曰吾當死久矣既而事解卒年七十有八少與楊
 廷樞等交於百氏無所不窺尤喜宋儒書及從劉宗周游學益進常上書申教
 義聲震天下丙戌後累至山陰哭祭為之行狀近十萬言晚服浮圖服而言學
 者多宗之無錫高世泰重葺東林書院日初與同志習禮其間知常州府駱鍾
 泰屢求見不納去官後與一見言中庸要領喜而去日不圖今日得聆大儒緒
 論也次子桓在建甯被掠不知所終少子格字壽平見藝術傳
 郭金臺字幼隗湘潭人本姓陳氏名湜年十五遭家難賴中表郭氏卵翼得脫
 遂為繼弱冠有聲譽序間萬歷間兩中副車崇禎朝屢以名薦不起例授官亦
 不拜既南渡隆武鄉試登賢書督師何騰蛟論薦授職方郎中再起監軍僉事
 有司敦迫皆以母老病辭不就避跡山中然於時事多所論列一二枕戈泣血
 之士崎嶇嶺海經營措置不遺餘力當是時潰卒猖獗積屍盈野百里無人煙

金嶺請於督師命偏裨主團練力率鄉勇鍛矛戟時芻糗鄉人全活者以數萬計清初當局特疏薦於朝力請得免晚授徒衡山深衣幅巾足不履戶外絕口不談世事惟論列當時殉難諸人輒歔歔流涕康熙十五年以疾卒於家年六十有七自題其墓曰遺民郭某之墓著有石村詩文集五經駢語博物彙編朱之瑜字魯瑛號舜水餘姚人寄籍松江少有志概九歲喪父哀毀踰禮及長精研六經特通毛詩崇禎末以諸生兩奉徵辟不就福王建號江南召授江西按察司副使兼兵部職方司郎中監方國安軍之瑜力辭臺省劾偃蹇不奉詔將逮捕乃走避舟山與經略王翊相締結密謀恢復渡海至日本思乞師魯王監國累徵辟皆不就又赴安南見國王強令拜不為屈轉敬禮之復至日本時舟山既失之瑜師友擁兵者如朱永祐吳鍾巒等皆已死節乃決蹈海全節之志遂留寓長崎日人安東守約等師事之束脩敬養始終不衰日本水戶侯源光國厚禮延聘待以賓師之瑜慨然赴焉每引見談論依經守義山盡忠告善道之意教授學者循循不倦日人重之瑜禮養備至特于壽日設養老之禮奉

清史稿

遺逸傳一

十三

几杖以祝又為製明室衣冠使服之並欲為起居第之瑜再辭曰吾藉上公眷顧孤蹤海外得養志守節而保明室衣冠感莫大焉吾祖宗墳墓久為發掘每念及此五內慘烈若豐屋而安居豈我志乎乃止之瑜為日人作學宮圖說商榷古今剖微索隱使梓人依其圖而以木模為棟梁榫榘莫不悉備而殿堂結構之法梓人所不能通曉者親指授之度量分寸湊離機巧教喻縝密經歲而畢文廟啟聖宮明倫堂尊經閣學舍進賢樓廊廡射圃門戶墻垣皆極精巧又造古祭器先作古升古尺揣其稱勝作簋簠豆登劍之屬如周廟欽器唐宋以來圖雖存而制莫傳乃依圖攷古研覈其法巧思默契指畫精到授之工師或未洞達復為揣輕重定尺寸關機運動教之經年不厭煩數卒成之於是率儒學生習釋奠禮改定儀注詳明禮節學者皆通其梗概日人文教為之彬彬焉之瑜居日本二十餘年年八十三卒葬於日本長崎瑞龍山麓日人諡曰文恭先生立祠祀之並護其墓至今不衰之瑜嚴毅剛直動必以禮平居不苟言笑唯言及國難常切齒流涕魯王敕書奉持隨身未嘗示人歿後始出人皆服

其深密謹厚云著有文集二十五卷釋奠儀注一卷陽九述略一卷安南供役紀事一卷

沈光文字文開一字斯菴鄞人少以明經貢太學福王授太常博士浮海至長垣晉工部郎閩師潰而北冠從不及聞粵中建號乃走肇慶累遷太僕卿由潮陽航海至金門閩督李率秦方招徠故國遺臣密遣使以書幣招之光文焚書返幣知粵事不可支卜居於泉州海口浮家泛宅忽颶風大作舟人失維飄泊至臺灣時鄭成功尚未至而臺灣為荷蘭所據光文受一廛以居與中土音耗隔絕成功克臺灣知光文在大喜以賓禮見時海上諸遺老多依成功入臺光文與握手相勞苦成功致厚饋且以田宅贍之成功卒子錦嗣改父之臣與政軍亦日削光文作賦諷之幾不測乃變服為浮屠逃入嶺北鄒結茅羅漢門山中以居山旁有伽溜灣者番社也光文教授生徒自給不足則濟以醫款曰吾二十載飄零絕島棄墳墓不顧者不過欲完髮以見先皇帝於地下耳而卒不克命也夫已而錦卒諸鄭復禮之如故康熙癸丑年王師下臺灣閩督姚啟聖

清史稿

遺逸傳一

十四

招之光文辭啟聖貽書問訊曰管甯無恙且許遣人送歸鄭會啟聖卒不果而諸羅令李麟光賢者也為粟肉之繼旬日一候門下時者宿已盡而寓公漸集乃與宛陵韓文琦關中趙行可無錫華袁鄭廷桂榕城林奕丹山陽宗城蝶陽王際慧等結詩社所稱福臺新咏者也尋卒於諸羅陳士京字佛莊先世本奉化朱氏遷鄭改姓陳熊汝霖薦授職方司郎中監三衢總兵陳謙軍謙使閩借行而唐魯方爭頒詔事謙死遂避之海上鄭芝龍聞名令與其子成功遊芝龍以閩降成功不肯從異軍特起士京贊贊之已而汝霖奉魯王至復以公義說成功始致寓公之敬會魯王上表粵中成功亦欲啟事於粵使士京往加都御史歸魯王入浙特留閩與成功相結以為後圖成功盛以恢復自任賓禮遺臣其最致敬者尚書盧若騰侍郎王忠孝都御史章朝薦及徐孚遠沈光文與士京數人而已久之見海師無功粵事亦日壞乃築鹿石山房於鼓浪嶼中感物賦詩以自遣尋卒

吳祖錫字佩遠吳江人崇禎壬午副貢時中原大亂料京師必危預謀勤王欲

身任浙西以浙東屬之許都約未定而變作故鎮臣陳洪範隨王師下江南與有舊自言其降出於不得已而以奇策告祖錫立出遺產四萬金界之已而羅髮令下遽委之去改名鉏字稽田從陳子龍徐孚遠謀恢復偵事杭州為仇家縛送江甯羈係獄中復髡而縱之魯王授職方郎中桂王亦官之如魯仍往來吳越間副將馮源淮駐軍嘉興乃與結納冀有所為其部屬董某司詞察馮耳目也亦故與厚善比孚遠歸自海外有所謀密館之事稍聞於馮馮遣董詰問祖錫遽前握其手曰徐公在此若欲見之乎董驚曰徐公果在此願肯令我見耶即引見董叩頭泣下道其嚮慕矢不相負因以謊言報馮而陰遣戈船衛孚遠浮海去海師入江祖錫實導之且連歲在金陵隱為之助乃復遭刊章事解志不稍挫將詣滇南而先之鄖陽時鄖陽十三營尙保殘寨乃勸出師撓楚以救滇顧十三營已疲敝不能用其策也桂王既入緬甸思追從道阻不得達復返吳游中州更由秦入楚卒無所遇康熙己未客膠州大竹山鬱鬱廢所聘會懷宗忌日慟哭嘔血死遺命藁葬山中年六十有二距明亡已三十有五年矣

清史稿

遺逸傳一

十五

凡明末三王遺臣逸士其初或起義或言事各有所謀其後或蹈海或居夷志不少沮皆先後云亡及祖錫死徐枋為之傳曰自吳子歿而天下絕援溺之望亦可悲矣故以附於明末遺臣之末

清史稿

列傳

遺逸二

李孔昭

字錫齡 號錫田

劉永錫

字之璣

徐枋

字天樞

顧柔謙

字顯民

冒襄

字九思

祁班孫

字聖孫

汪楓

字子履

余增遠

字魯曾

傅山

字子履

費密

字子履

王宏撰

字子履

杜濬

字子履

郭都賢

字子履

李世熊

字子履

談遷

字子履

清史稿

遺逸傳二

一

娶形蹟數易人無識者清初詔求遺老撫按交章薦不出一日當道遣吏持書幣往遇負薪者呼而問之曰若識李進士耶負薪者詰得其故以手遙指而去吏至其室虛矣鄰叟曰汝面失之向所負薪者李進士也後屢物色之卒不得時有某孝廉當上公車輒止不行曰吾出郭門一步何面目見李光四乎會值邑中方興役按戶簽夫驅孔昭孔昭曰吾力不能任願出資以代吏持去閱數日大學士杜立德聞孔昭在邑急往候之吏問趨謝罪孔昭曰此間不知有李進士若勿誤也由是踪跡愈密或黃冠或儒服見者甚稀惟寶坻單者昌崔周田劉繼甯皆高士與之友善往來無虛歲者昌字蔚起才名埒孔昭早儼於庠入清不復應試杜立德招之不能致獨與孔昭徜徉田野問悲歌慨憤有所作輒焚之不以示人竟以憂死周田字錫齡順治中充歲貢不與試建一樓貯古本書及金石刻萬卷日吟嘯其中嘗過盤山與孔昭坐林石間相笑語孔昭亦時下榻於其家周田命其子執弟子禮且迎孔昭母事之如所生繼甯字兌菴少負義氣有古俠士風嘗出重金贖難女二為之擇配歲饑煮粥食餓者視周

一高 丹 賣 冬 日 巨 一 行 書 6 之 月

田如手足有緩急恆資之周田亦弗謝也晚年爲子擇師遊盤山踪跡孔昭得之邀至其家令其三子從受業暇則與周田聚談歌呼以爲樂然每一念母雖深夜必馳歸弗能禁也晚好陶詩因又自號潛翁一日爲門人講孟子盡心章曰此傳心法也言訖而卒其弟子私諡曰安節先生

劉永錫字欽爾號廣菴魏縣人崇禎乙亥舉人官長洲教諭南都敗率妻栗隱居相城大吏造其室欲強之出永錫袒裼疾視曰我中原男子年二十渡漳河登大伍躍馬鳴鞘兩河豪傑誰不知我者欲見辱耶取壁上劍自刎門下士抱持之得解謂其妻曰彼再至我與若立決矣皆裂尺帛掘之尋移居陽城湖濱與妻及子臨女貞織席以食市中見永錫携席至皆呼席先生食不繼時不舉火有遺之粟者非其人受益困憊其女已許字未嫁亂後恐遭辱絕粒死其妻哭之成疾亦死其童僕遇水災乏食相繼餓死或散走有老奴從魏縣來勸之歸曰室廬故在也永錫曰我非不欲歸然昔奉君命來義不可離此一步命其子與婦攜老奴還里曰祖宗邱墓責在汝麾之去時歲荒得食愈艱每雜糠

清史稿

遺傳二

二

乾作飯臨既歸思父不置假貸得百金馳獻中途馬斃墮地死永錫容貌甚偉至是毀形骨立既自悼無家買一破船往來江湖間嘗泛舟中流鼓柁而歌曰邇彼中流兮采其荇矣呼君與父兮莫之應矣身爲俄夫兮天所命矣中心殷殷兮涕斯進矣又歌曰白日墮兮野荒荒逐鳥雁兮侶牛羊壯士何心兮歸故鄉歌聲悲烈聞者哀之尙書錢謙益念其窮招之往永錫曰尙書爲黨魁受主眷枚卜時天子期以伊傅彼豈忘之邪卻不往卒窮餓至不能起一夕大呼烈皇帝者三遂卒時順治十一年秋也弟子長洲徐晟陳三島友人常熟陸泓經紀其喪葬之於虎邱山塘以妻女附之彭之燦字了凡蘇州諸生甲申後攜妻寓饒陽作村塾師未幾妻子相繼死至蘇門與孫奇逢遊然性不諧俗愛靜坐有人延於家以市糶輒避去嘗渡河南遊韓鼎業爲館之僧舍年餘又棄去獨擔瓢笠圖書徧遊嵩少王屋諸名勝在九山絕粒數日奇逢挽之夏峯勸歸老先人墓旁之燦曰某出門時已誓告先隴不再返不能蹈東海入西山而死即溝壑道路無恨也順治十五年六月竟死嘯臺東北石柱下奇逢爲鐫石記其

事立墓上曰俄夫之墓之燦與容城張果中西華理鬯和並稱蘇門三賢

徐枋字昭法長洲人父研明少詹事殉國難事具明史枋崇禎壬午舉人研殉國時枋欲從死研曰吾不可以不死若長爲農夫以沒世可也自是遁跡山中布衣草履終身不入城市及游靈巖山愛其曠遠下澗上居之老焉枋與宣城沈壽民嘉興巢鳴盛稱海內三遺民枋書法孫過庭畫宗巨然問法倪黃自署秦餘山人嘗寄靈芝一幘於王士禎士禎與金孝章畫梅王玠草書作齋中三詠以記之然性峻介鍵戶勿與人接睢州湯斌巡撫江南屏騶從往訪之枋避不見斌登其堂堅坐移晷爲誦白駒之詩周覽太息而去川湖總督蔡毓榮自荆州致書求其畫枋答書而反幣竟不爲作曰明府是殷荊州吾薄願長康不爲耳所往來惟沈壽民與萊陽姜垓同里楊無咎門人吳江潘耒及南嶽僧洪儲而已家貧絕糧耐饑寒不受人一絲一粟洪儲時其急而周之枋曰此世外清淨食也無不受豢一驢通人意日用間有所需則以所作書畫卷置簾於驢背驅之驢獨行及城闌而止不闌入一步見者爭越之曰高士驢至矣亟取卷以日用所需物如其指備而納諸簾驢即負以返以爲常卒年七十三時商邱宋榮撫吳枋預戒曰宋中丞甚知我若我死勿受其賻也榮果使人贈棺柩枋如枋命終不受卒以貧不能葬一日有高士從武林來弔請任窆窆其人亦貧而特工篆隸乃賃居郡中窆字以比葬其紙得百錢積二年乃克葬枋於青芝山下而以美歸其家語之曰吾欲稱貧富家懼先生吐之故勞吾腕知先生所心許也葬畢即去不言名氏或有識之者曰此山陰戴易也易字南枝少從劉宗周學游吳門年七十餘矣有六子不受其養獨攜一子及殘書百卷自隨其售字也錄積寸累不妄費一錢一蒼頭饑不能忍輒逃去已寄食僧舍中語及枋必流涕嘗浮七里瀨登嚴子陵釣臺賦詩且歌且泣或竟日不得食采野蕨充膳操瓢量水坐長松古石間飲之李天植字因仲平湖人崇禎癸酉舉人改名確字潛夫甲申後餘田四十畝宅一區乃並家具分與所後子震及女而與妻別隱陳山絕迹不入城市訓山中童子自給居十年以僧開堂始避喧返廬園寶文自食不足則與其妻爲椶籬竹筍以佐之好事者約月供薪米力辭不

清史稿

遺傳二

三

清史稿 卷五〇六

受有司慕其高往訪之輒論垣避所著詩文皆巾甲申以來殉節者廢園者乍浦勝地可望見海市者也又十年家益困露其園寄身舍戚友贖而歸之始復與妻居時年七十矣子震亦棄諸生非義一介不取老夫婦白頭相對時絕食則歎曰吾生本贅耳待盡而已有餽食者非其人終不受或問身後曰楊王孫之葬何必棺也又十年廢園僅存二楹兩耳躡又苦腹疾終日仰臥客至以粉版書相問會魏禧來自江西造其廬天植與之粉版書竟天植視姓字則強起張目視之泣禧亦泣時方絕糧禧探囊得銀半兩贈之五反不受固以請曰此非盜跖物也始納之買米為炊共食而別禧屬布衣周貧侍郎曹溶糾同志為繼粟且謀身後事徐枋聞之曰李先生不食人食聽其以餓死可也已而質齋粟往天植果堅拒禧聞之曰吾淺之乎為丈夫已乍浦有鄭嬰垣者孤介絕俗與天植稱金石交先二年凍死雪中至是天植亦饑死臨歿曰吾無愧於老友矣時康熙十一年也年八十有二葬牛橋所著有廢園集乍浦九山志理洪儲字繼起興化人本姓李父嘉兆與中州理學和駉與賊同姓皆改理氏天下

清史稿

遺逸傳

四

稱二理洪儲早歲出家南都覆明之遺臣多舉兵洪儲左右之被逮獲免好事如故人戒之則曰吾苟自反無媿即有意外風波久當自定又曰憂患得其宜湯火亦樂國也枋聞之嘆曰是真能以忠孝作佛事者也洪儲在沙門宏暢宗風篤好人物海內皆能道之枋曰此其跡也但觀其每年三月十九日素服焚香北面揮涕二十八年如一日是何為者

顧柔謙字剛中無錫人遷常熟幼遭家難資產皆盡嘗同兄出門遊有數人擁之修行乃擠大澤中母忽心動急呼老僕往跡之得不死補弟子員甲申之變柔謙哀憤往往形諸詩歌讀者悲之不妥交遊以父執師事馬士奇而江陰黃毓祺嘉定黃澹耀皆一見定交諸人殉國難柔謙皆設位以哭盡哀子祖禹見父嘗閉門嘿坐或竟日不食祖禹叩頭寬譬柔謙乃曰汝能終身窮餓不思富貴乎祖禹跪應曰能柔謙曰汝能以身為人機上肉不思報復乎祖禹復應曰能柔謙喜曰吾與汝借隱耳遂更名隱署其室曰伐檀常夜蹴祖禹曰汝他日得志如舊怨何祖禹曰每憶幼時祖母抱兒置膝上為言家難及墮大澤中事

祖禹不敢忘柔謙曰嘻汝何見之隘吾家數傳以來頗盈盛以祖父之才而竟中折天也於彼何尤同室之中甯彼以非禮來吾不可以非禮報汝謹識之著有補韻略六書攷定山居贅論祖禹字復初柔謙精於史學嘗謂明一統志於戰守攻取之要類皆不詳山川條列又復割裂失倫源流不備祖禹承其志撰讀史方輿紀要一百三十卷凡職方廣輿諸書承譌襲謬皆為駁正詳於山川險易及古今戰守成敗之蹟而景物名勝皆在所略初稿時年二十九及成書年五十矣甯都魏禧見之歎曰此數千百年絕無僅有之書也以其書與梅文鼎孫算全書李清南北史合鈔稱三大奇書祖禹與禧為金石交禧客死祖禹經紀其喪徐乾學奉敕修一統志延致祖禹將荐起之力辭能後終於家冒襄字辟疆別號巢民如皋人父起宗明副使襄十歲能詩董其昌為作序崇禎壬午副榜貢生當授推官會亂作遂不出與桐城方以智宜興陳貞慧商邱侯方域並稱四公子襄少年負盛氣才特高尤能傾動人嘗置酒桃葉渡會六君子諸孤一時名士咸集酒酣輒發狂悲歌嘗嘗懷甯阮大鍼大鍼故奄黨也

清史稿

遺逸傳二

五

時金陵歌舞諸部以懷甯為冠歌詞皆出大鍼大鍼欲自結諸社人令歌者來襄與客且罵且稱善大鍼聞之益恨甲申黨獄興襄賴救僅免家故有園池亭館之勝歸益喜客招致無虛日家自此中落怡然不悔也襄既隱居不出名益盛督撫以監軍薦御史以人才薦皆以親老辭康熙中復以山林隱逸及博學鴻詞薦亦不就著述甚富行世者有先世前徵錄六十年師友詩文同人集樸巢詩文集水繪園詩文集書法絕妙喜作擘窠大字人皆藏弄珍之康熙三十二年卒年八十有三私諡潛孝先生陳貞慧字定生宜興人明都御史陳于廷子于廷東林黨魁貞慧與吳應箕草留都防亂檄撰阮大鍼黨禍起逮貞慧至鎮撫司事雖解已瀕十死國亡埋身土室不入城市者十餘年遺民故老時時向陽美山中一問生死流連痛飲驚離弔往聞者悲之順治十三年卒年五十三著有皇明語林山陽錄雪岑集交游錄秋園雜佩諸書子維崧見文苑傳祁班孫字奕喜山陰人父彪佳明蘇松巡撫班孫次六人稱六公子彪佳嘗受業於劉宗周宗周將兵江上班孫與其兄理孫罄家餉之祁氏藏書甲江左班

孫兄弟以故國喬木自任豪宕喜結客家居山陰之梅墅園林深茂登其堂複壁大隧莫能詰也慈谿布衣魏耕者狂走四方思得一當班孫兄弟與之誓天稱莫逆或告變於浙大吏四道捕耕並縛班孫兄弟去既讞兄弟爭承祁氏客乃納賂而宥其兄班孫遣戍遼左理孫竟以痛弟鬱鬱死而祁氏家亦破旋班孫遁歸祝髮於吳之堯峯尋主毘陵馬鞍山寺所稱呪林明大師者也班孫好議論古今不談佛法每語及先朝則掩面哭然終莫有知之者康熙十二年卒發其篋有東行風俗記紫芝軒集且得其遺教命歸附乃知為山陰祁六公子遂得返葬云班孫娶少師朱燮元女孫朱工詩其來歸也與其姑商媿張小姑湘君時相唱和商氏字冢婦曰楚纓字介婦曰趙璧以志閨門之盛班孫既破難朱盛年孤燈緇帳數十年未嘗一出廳屏自班孫兄弟歿淡生堂書星散論者謂江東文獻一大厄運也

汪灝字魏美錢塘人少孤貧力學與人落落寡諸人號曰汪冷舉崇禎己卯鄉試與同縣陸培齊名甲申後培自經死灝為文祭之一慟幾絕遂棄科舉黨

清史稿

遺傳二

六

欲強之試禮部出千金賂其妻俾勸駕妻曰吾夫子不可勸吾亦不附此金也嘗獨身提樂裏往來山谷間宿食無定處灝故城居母老欲時時見灝其兄澄弟澧亦乘諸生服奉母徙城外灝時來定省然灝能自來家人欲往跡之不可得嗣因兵亂奉母入天台海上師起羣盜滿山谷復反錢塘當是時湖上有三孝廉皆高士灝其一也當事皆重之監司盧高尤下士一日遇灝於僧舍問汪孝廉何在灝應曰適在此今已去矣高悵然不知應者即灝也高嘗賊舟載酒西湖上約三高士以世外禮相見惟灝不至已知其在孤山以船就之排牆遁去灝不入城市有司或以俸金為壽不得卻坎而埋之里貴人請募銘饋百金拒弗納徙居孤山匡牀布被外殘書數卷鍵戶出或返或不返莫可蹤跡遇好友飲酒一斗不醉晚好道夜觀天象晝習手道能數日不食了不問世事黃宗義遇之於孤山講龍溪調息法管坐月至三更夜寒甚止布被一灝與宗義背相摩得少煖氣魏禧自江西來訪謝弗見禧留書曰吾帝都魏禧也欲與子握手一痛哭耳灝省書大驚一見若平生歡臨別執手涕下灝嘗從愚菴和尚究

出世法禧曰君事愚菴謹豈有意為其弟子耶灝曰吾甚敬愚菴然今之志士多為釋氏牽去此吾所以不屑也康熙四年秋終於寶石山僧舍年四十有八臨歿舉書卷焚之詩文無一存者起視日影曰可矣書五言詩一章投筆就寢而逝灝與陳廷會柴紹炳沈昀孫治人稱西陵五君子

余增遠字謙貞世稱若水先生會稽人明崇禎十六年進士除寶應知縣南都授禮部主事遷郎中事敗逃之山中郡縣逼之出見乃與疾城南以死拒久之事得解草屋三間不蔽風雨以繫甲承漏聚村童五六人授以三字經臥榻之下牛宮鷄堞無下足處晨則秉耒出與老農雜作同年生王天錫為海防道欲與話舊以疾辭天錫披帷直入增遠擁衾不起曰不幸有狗馬疾不得與故人為禮天錫執手勞苦出門未數武則已與一婢子擔糞灌園矣天錫遙望見之歎息去冬夏一皂帽雖至昵者不見其科頭增遠慨世路偏仄遂疑苟卿性惡之說為確至欲著論以非孟康熙八年卒年六十有五蓋二十有四年不出城南一步也疾革黃宗義造其榻前欲為切脈增遠笑曰某祈死二十年前反祈

清史稿

遺傳二

七

生二十年後平宗義泣然而別同時有周齊竹者字思沂號唯一鄞人增遠同年進士也知廣東順德縣事變社倉為義田而以社倉之法行之國變後棄官遞入剡源盡去其髮為髮冢架險立飄榜曰囊雲自稱無髮居士剡源饒水石與山僧樵子出沒瀑聲虹影間天錫訪之拒曰咫尺清輝舉目有山河之異不願見也為詩文機鋒電激汪洋自恣寓言十九然清苦自立胸中兀然有所不可與增遠無二也黃宗義嘗為兩人合誌其墓云

傅山字青主陽曲人六歲啖黃精不穀食強之乃飯讀書過目成誦明季天下將亂諸號為搢紳先生者多迂腐不足道憤之乃堅苦持氣節不少嬖孽提學袁繼成為巡按張孫振所誣孫振聞黨也山約同學曹良直等詣通政使三上書訟之巡撫吳甡亦直袁遂得雪山以此名聞天下甲申後山改黃冠裝衣朱衣居士穴以養母繼成自九江執歸燕邸以難中詩遺山且曰不敢媿友生也山省書慟哭曰嗚呼吾亦安敢負公哉順治十一年以河南獄牽連被逮抗詞不屈絕粒九日幾死門中有以奇計救之得免然山深自咤恨謂不若速死

為安而其仰視天俯視地者未嘗一日止比天下大定始出與人接康熙十七年詔舉鴻博給事中李宗孔薦固辭有司強迫至令役夫舁其牀以行至京師二十里誓死不入大學士馮溥首過之公卿畢至山臥牀不具迎送禮魏象樞以老病上聞詔免試加內閣中書以寵之馮溥強其入謝使人舁以入望見大清門淚涔涔下仆於地魏象樞進曰止是即謝矣翼日歸溥以下皆出城送之山歎曰今而後其脫然無累哉既而曰使後世或妄以許衡劉因輩賢我且死不瞑目矣聞者咋舌至家大吏咸造廬請謁山冬夏著一布衣自稱曰民或曰君非舍人乎不應也卒以朱衣黃冠歛山工書畫謂書畫拙毋巧審醜毋媚甯支離毋輕滑甯真率毋安排人謂此言非止言書也詩文初學韓昌黎嘯強自喜後信筆抒寫俳調俗語皆入筆端不顧以此名家矣著有霜紅齋集十二卷子眉先卒詩亦附焉眉字壽髦每日出樵置書擔上休則把讀山常賣藥四方與眉共挽一車暮抵逆旅篝燈課經力學繼父志與客談中州文獻滔滔不盡山喜苦酒自稱老槩禪眉乃稱曰小巖禪

清史稿

遺傳二

八

費密字此度新繁人父經虞明雲南昆明縣知縣密年十四父病醫言嘗冀甘苦可知生死密嘗而苦父病果起未幾流賊張獻忠犯蜀密上書巡按御史劉之勃陳戰守策不省已而全蜀皆陷密展轉窮山中會有人傳其父演中消息聞之痛哭遂去家入滇經歷蠻峒中奉父自演歸蜀至建昌衛為四者蠻所得父賂蠻人始脫歸明將楊展聞密名遣使致聘密乃說展曰賊亂數年民且無食今非屯田無以救蜀民且兵不能自立展納其言命子總兵官瓊借密屯田於榮經瓦屋山之楊村以次舉其法行諸州縣後展為袁韜武大定所殺密與瓊整師為復仇計嘗與賊戰躬自擐甲左手為刃所傷時瓊營於峨眉神將有與花溪民毆爭者言花溪居民下石擊吾營勢且反以怒瓊瓊欲引兵誅之密力爭曰花溪吾民也方與賊戰而殺吾民彼變從賊是益賊也瓊乃止全活數百家後密還成都省墓至新津為武大定兵所掠知密嘗參展軍事欲殺之以計得免密歎曰既不能報國又不能庇親及身不如舍而他去遂奉父由成都北行入秦湖漢江下吳越流寓泰州老焉經虞遂於經學嘗著毛詩廣義雅論

諸書以漢儒注說為宗密盡傳父業又博證學士大夫與王復禮毛柱閣若環交密一足跛後往蘇門謁孫奇逢稱弟子工詩古文俯仰取給於授徒賣文人咸重其品悲其遇州守為之除徭役杜門三十年著書甚多密謂宋人以周程接孔孟盡黜二千餘年儒者為未聞道乃上稽古經正史旁及羣書作中傳正紀百二十卷序儒者授受原流自子夏始又作宏道書十卷古今篤論四卷中旨定錄四卷中旨辨錄四卷中旨申威四卷皆申明宏道書之旨又有尚書說周官注論二南偶說中庸大學駁議四禮補篇史記箋古史正歷代貢舉合議費氏家訓及詩文集卒年七十七子錫琮錫璜世其學

清史稿

遺傳二

九

不出戶而能見天下之人聞天下之事欲定居宏撰為營齋舍居之炎武嘗曰好學不倦篤於朋友吾不如王山史當時儒碩遺逸皆與宏撰往還頗推重之宏撰嘗集炎武及孫枝蔚閻爾梅等數十人所與書札合為一冊手題曰友聲集各注姓氏中有為謀炎武卜居華下事言此舉大有關係世道人心實皆攸賴唯速圖之蓋當日華下集議實有所為也康熙間以鴻博徵不赴初與因篤同學甚密及因篤就徵遂與之絕宏撰所居華山下有讀易廬與華峰相向稱絕勝卒年七十有五著有易象圖說山志砥齋集

杜濬字于皇號茶村黃岡人明季為諸生避亂居金陵少倜儻嘗欲著奇節既不得試遂刻意為詩然不欲以詩人自名也於並世人獨重宣城沈壽民吳中徐枋自媿不如其在金陵與方仲舒善仲舒苞父也金陵寇蓋輻輳諸公貴人求詩者踵至多謝絕錢謙益嘗造訪至閉門不與通惟故舊徒步到門則偶接焉門內為竹關關外設坐約客至視鍵閉則坐而待不得叩關雖大府至亦然及功令有挑門之役有司案籍欲優免濬曰是吾所服也躬雜斯與夜巡繚衆

莫能止嗜若欲嘗言吾有絕糧無絕茶既有花家因拾殘茗聚封之謂之茶邱年七十七卒於揚州喪歸故人謀卜兆子世濟曰吾有親而以葬事辱二三君乎是謂我非人也亡何世濟卒又數年陳鵬年來守金陵始葬諸將山北梅花村溶詩最富世所傳不及十一手定者四十七册吳偉業嘗云吾五言律得茶村焦山詩而始進閣若璩於時賢多所嘗嘗獨許溶五律稱爲詩聖已刻者曰雙雅堂集弟芥字蒼略號些山諸生與兄同避亂金陵昆弟行身略同而趣各異溶峻廉隅孤特自遂遇名貴人必以氣折之於衆人未嘗接語言用此叢忌嫉然名在天下詩每出遠近爭傳誦之芥則退然自同於衆所著詩歌古文雖子弟弗示也方壯喪偶不復娶所居室漏且穿木榻敝帷數十年未嘗易室中終歲不掃除每日中不得食兒女啼號客至無酒漿意色間無幾微不自適者行於途嘗避人不中道與人言雖兒童斷與惟恐或傷之也後兄七年卒年七十七有些山集

清史稿

遺逸傳二

十一

人歷官員外郎出爲四川參議督江西學政分守嶺北道巡撫江西時張獻忠已逼境賊騎充斥都賢晝夜繕守禦兵餉無措乃大會屬僚凡官司一應供給皆捐以助餉左良玉屯兵九江驕蹇觀望都賢惡其淫掠檄歸之而募士兵爲戍會有尼之者遂乞病棄官入廬山逾年北京陷悲憤不食南都建號史可法開闢揚州薦授以官辭不赴桂王立肇慶以兵部尚書召而都賢已祝髮爲僧矣先是洪承疇坐事落職都賢奏請起用至是承疇經略西南以故舊謁都賢於山中餽以金不受奉攜其子監軍亦堅辭都賢見承疇時故作目昧狀承疇驚問何時得目疾都賢曰始吾識公時目故有疾承疇默然都賢爲至性哀樂過人嚴而介風骨嶄然博學強識工詩文書法瘦硬兼善繪事寫竹尤入妙俗號頑石又號些菴茹苦無定居初依熊開元尹民興於嘉魚住梅熟菴已流寓海陽築補山堂前後十九年歸結草廬桃花江客死江甯承天寺有女名純貞許字黔國公沐氏變後音問梗絕遂終於家純貞能詩自署曰郭貞女都賢所著有衡嶽集止菴集秋聲吟西山片石集破草籟集補山堂集些菴雜著等書

陶汝鼎字仲調一字密菴寧鄉人與都賢交最篤崇禎初充拔貢生會帝幸太學羣臣請復高皇積分法祭酒顧錫嘯奏薦汝鼎才特賜第一詔題名勒石太學除五品官不拜乞留監肄業癸酉舉於鄉兩中會試副榜南渡後薙髮爲山號忍頭陀生平內行篤父殉哀慕終身事母曲盡孝養處族黨多厚德嘗爲人雪奇冤冒險難活千餘人然不自言也詩古文有奇氣著有廣西涯樂府啜古集寄雲樓集褐玉堂集嘉樹堂集都賢爲序而行之有生同里長同學出處忠難同時同志之語

李世熊字元仲寧化人明諸生少負奇氣植大節更危險死生弗渝篤交遊敢任難事生平喜讀異書博聞強記年八十讀書恒至夜分始休六經諸子百家靡不貫究然獨好韓非屈原韓愈之書其爲文沈深峭刻與博離奇悲憤之音稱其所遇縱論古今興亡儒生出處及江南北利害備兵屯田水利諸大政輒慷慨歎歔泫泫泣下不止年十六補弟子員旋中天啟元年副榜以興化司李余昌祚得其文爭元於主司弗得補其卷去曰須後作元也典閩試者爭欲物

清史稿

遺逸傳二

十一

色之爲重甲申後自號寒支道人屏居不見客徵書累下固謝卻之凡守令監司鎮將至其門者罕能一識而閩中擁唐王監國用大學士黃道周禮部侍郎曹學詮都察院何楷薦徵拜翰林博士辭不赴嘗上書道周感憤時事及道周殉節走福州請褒卹時恤問其孤接順治初師入閩有騎斃於郡帥者帥遣某生移書逼入都且言不出山禍不測世熊復之曰死生有命豈遂懸於要津之手且某年四十八矣諸葛亮躬之日僅少一年文山盡節之辰已多一歲何能抑情違性重取羞辱哉時蜚語騰沸世熊矢死不爲動疑誘旋亦釋世熊既以文章氣節著一時名大震辛卯壬辰間建昌潰賊黃希宗剽掠過寧化有卒擄其園中二橋希宗立鞭之駐馬園側視卒盡過乃行粵寇至燔民屋火及其園賊魁劉大勝遣卒撲救之曰奈何壞李公居當時雖匹夫匹婦無不知有寒支子者世熊積塋塊冢中每放浪山水以寫其牢騷不平之概嘗詣西江交魏禧魏禮彭士望諸子相與泛彭蠡登廬山絕頂追維闔賊橫行時事痛悼如絕淚下如泉湧不能禁也耿精忠反遣僞使敦聘世熊嚴拒之自春徂冬堅臥不起

乃得免世熊山居四十餘年鄉人宗之爭趨決事有爲無善者曰不使李公知也晚自號媿巷顏其齋曰但月所著有寒支集寄化縣志本行錄經正錄狗馬史記等年八十五卒於家世熊有三弟早世遺子女撫育裝遣之饋遺其親戚終身又獨建祖祠修祖墓編述九世以來宗譜凡祭祀必親必謹父母忌日則減餐絕宴會元日展先人遺像則泣下沾襟拜伏不能起蓋其孝友出於天性云

談遷字孺木原名以訓海寧人初爲諸生南都立以中書薦召入史館皆辭曰余豈以國家之不幸博一官耶未幾歸里遷肆力經史百家言尤注心於明朝典故嘗謂史之所憑者實錄耳實錄見其表其在裏者已不可見况革除之事楊文貞未免失實秦陵之盛焦泌陽又多醜正神焘之載筆者皆逆奄之舍人至於思陵十七年之變動傷厲而太史遷荒皇成烈燄國滅而史亦隨滅普天心痛莫甚於此乃汝十五朝實錄正其是非訪崇禎十七年邸報補其缺文成書名曰國權當是時人士身經喪亂多欲追敘緣因以顯來世而見聞窄狹無

清史稿

遺逸傳二

十二

所憑籍聞遷有是書思欲竊之爲已有遷家貧不見可欲者夜有盜入其室盡發藏家以去遷喟然曰吾手尚在甯遂已乎從嘉善錢氏借書復成之陽城張慎言目爲奇士折節下之慎言卒遷方北走昌平哭思陵復欲赴陽城哭慎言未至而卒順治十二年冬十一月也黃宗羲爲表其墓明末遺逸守志不屈身雖隱而心不死至事不可爲發憤著書欲託空文以見志如遷者其發憤豈有已耶故以附於各省遺逸之末

清史稿

列傳

藝術傳一

自司馬遷傳扁鵲倉公及日者龜策史家因之或曰方技或曰藝術大抵所收多醫卜陰陽術數之流間及工巧夫藝之所賅博矣衆矣古以禮樂射御書數爲六藝士所常肄而百工所執皆藝事也近代方志於書畫技擊工巧並入此類實有合於古義聖祖天縱神明多能藝事貫通中西歷算之學一時鴻碩蔚成專家國史躋之儒林之列測繪地圖鑄造槍礮始倣西法凡有一技之能者往往召直蒙養齋其文學侍從之臣每以書畫供奉內廷又設如意館制倣前代畫院兼及百工之事故其時供御器物雕組陶埴靡不精美傳播遐邇稱爲極盛沿及高宗之世風不替焉欽定醫宗金鑑薈萃古今學說宗斤純正於陰陽術數家言亦有協紀辨方一書頒行沿用從俗從宜隱示崇實黜虛之意斯徵徵尙矣中葉後海禁大開泰西藝學諸書灌輸中國議者以工業爲強國根本於是研格致營製造者乘時而起或由舊學以擴新知或抒心得以濟實用

清史稿

藝術傳一

一

世乃愈以藝事爲重探其可傳者著於篇各以類爲先後卓然成家者具述授受源流兼有政績文學列入他傳者附存梗概凡涉荒誕俳諧之說屏勿載後之覽者庶爲論世之資云

藝術一

吳有性 字 大 章 餘 雲

喻昌 字 德 彰

張璐 字 鳳 翥 高 郵

張志聰 字 志 聖 高 郵 黃 旗 元 鎮 劉

柯琴 字 伯 怡

葉桂 字 桂 馨 王 興 士 塘

徐大椿 字 稼 圃

吳謙 字 修 甫

綽爾濟 字 伊 榮 魁 阿

陸懋修 字 懋 修 王 興 士 塘 費 昌 德 鎮

蔣平階 字 平 階

章攀桂 字 攀 桂

劉祿 字 文 祿

吳有性字又可江南吳縣人生於明季居太湖中洞庭山當崇禎辛巳歲南北直隸山東浙江大疫醫以傷寒法治之不效有性推究病源就所歷驗著瘟疫

論謂傷寒自毫竅入中於脈絡從表入裏故其傳經有六自陽至陰以次而深
瘟疫自口鼻入伏於膜原其邪在不表不裏之間其傳變有九或表或裏各自
爲病有但表而不裏者有表而再表者有但裏而不表者有裏而再裏者有表
裏分傳者有表裏分傳而再分傳者有表勝於裏者有先表後裏者有先裏後
表者其間有與傷寒相反十一事又有變證兼證種種不同並著論製方一一
辨別古無瘟疫專書自有性書出始有發明其後有戴天章余霖劉奎皆以治
瘟疫名天章字慶郊江蘇上元人諸生好學強記尤精於醫所著傷寒雜病諸
書及咳論注癘論注廣瘟疫論凡十餘種其論瘟疫一宗有性之說謂瘟疫之
異於傷寒尤慎辨於見證之始辨氣辨色辨舌辨脈益加詳焉爲人療病
不受謝子瀚成雍正元年一甲第二名進士霖字師愚安徽桐城人乾隆中桐
城疫霖謂病由熱淫投以石膏輒愈後數年至京師大暑疫作醫以張介賓法
者多死以有性法亦不盡驗鴻臚卿馮應榴人呼吸將絕霖與大劑石膏應
手而痊踵其法者活人無算霖所著曰疫疹一得其論與有性有異同取其辨

清史稿

醫傳一

二

證而以用達原飲及三消承氣諸方猶有附會表裏之意云奎字文甫山東諸
城人乾隆末著瘟疫論類編及松峯說疫二書松峯者奎以自號也多爲窮鄉
僻壤艱覓醫藥者說法有性論瘟疫已有大頭瘟疔瘡瘟疫絞腸瘟軟腳瘟之
稱奎復舉北方俗語所謂諸疫證名狀一一剖析之又以貧寒病家無力購藥
取鄉僻恆有之物可療病者發明其功用補本草所未備多有心得同時昌邑
黃元御治疫以浮萍代麻黃即本奎說所著書流傳日本醫家著述亦有取焉
喻昌字嘉言江西新建人幼能文不羈與陳際泰游明崇禎中以副榜貢生入
都上書言事尋詔徵不就往來靖安間披髮爲僧復蓄髮游江南順治中僑居
常熟以醫名治療多奇中才辯縱橫不可一世著傷寒尚論篇謂林億成無已
過於尊信王叔和惟方有執作條辨削去叔和序例得尊經之旨而猶有未達
者重爲編訂其淵源雖出方氏要多自行所見惟溫證論中以溫藥治溫病後
尤怡陸懋修並著論非之又著醫門法律取風寒暑溼燥火六氣及諸雜證分
門著論次法次律法者治療之術運用之機律者明著醫之所以失而判定其

罪如折獄然昌此書專爲庸醫誤人而作分別疑似使臨診者不敢輕嘗有功
醫術後附寓意草皆其所治醫案凡診病先議病後用藥又與門人定議病之
式至詳審所載治驗反覆推論務闡審證用藥之所以然異於諸家醫案但泛
言某病用某藥愈者並爲世所取法昌通禪理其醫往往出於妙悟尙論後篇
及醫門法律年七十後始成昌既久居江南從學者甚多徐彬字忠可浙江嘉
興人昌之弟子著傷寒一百十三方發明及金匱要略論注其說皆本於昌四
庫著錄金匱要略即用彬論注本凡疏釋正義見於注或臆義及總括諸證不
可專屬者見於論彬謂他方書出於湊集就採一條時亦獲驗若金匱之妙統
觀一卷全體方具不獨察其所用並須察其所不用世以爲篤論

清史稿

醫傳一

三

後見尙論條辨諸編又廣搜秘本反覆詳玩始覺向之所謂多歧者漸歸一貫
著傷寒續論緒論續者祖仲景之文緒者理諸家之紛紜而清出之以翼仲景
之法其注本草疏本經之大義並系諸家治法曰日本經達原論脈法大義曰診
宗三昧皆有心得又謂唐孫思邈治病多有奇異遂方研求藥性詳爲疏證曰
千金方釋義並行於世璐著書主博通持論平實不立新異其治病則取法薛
已張介賓爲多年八十餘卒聖祖南巡璐子以柔進呈遺書溫旨留覽焉子登
倬皆世其業登字誕先著傷寒舌鑑倬字飛疇著傷寒兼證析義並著錄四庫
高斗魁字且中又號鼓峯浙江鄞縣人諸生兄斗樞明季死國難斗魁任俠於
遺民罹難者破產營救妻因事連及勒自裁素精醫遊杭見昇棺者血漉地曰
是未死啟棺與藥而甦江湖間傳其事求治病者無不著醫學心法又吹毛
編則自記醫案也其論醫宗旨亦近於張介賓周學海字澂之安徽建德人總
督馥子光緒十八年進士內閣中書官至浙江候補道潛心醫學論脈尤詳著
脈義簡摩脈簡補義診家直訣辨脈平脈章句引申舊說參以實驗多心得之

言博覽羣籍實事求是取依託附會慕宋人之善悟故於史堪張元素劉完素滑壽及近世葉桂諸家書皆有評注自言於清一代名醫服膺張路葉桂兩家證治每取路說蓋其學頗與相近宦游江淮間時為人療治常病不異人遇疑難輒有奇效刻古醫書十二種所據多宋元舊槧藏家秘笈校勘精審世稱善本云

張志聰字隱庵浙江錢塘人明末杭州盧之頤孫父子著書講明醫學志聰繼之構侶山堂招同志講論其中參考經論辨其是非自順治中至康熙之初四十年間談軒岐之學者咸歸之注素問靈樞二經集諸家之說隨文衍義勝明馬元臺本又注傷寒論金匱要略於傷寒論致力尤深歷二十年再易稿始成用王叔和原本略改其編次首列六經病次列霍亂易復並淫濕渴汗吐下後列辨脈平脈而刪叔和序例以其與本論矛盾故去之以息辨駁辨成無已舊注謂風傷衛寒傷營脈緩為中風脈緊為傷寒傷寒惡寒無汗宜麻黃湯中風惡風有汗宜桂枝湯諸說未盡當而風寒兩感營衛俱傷宜大青龍湯為尤謬

清史稿

藝術傳一

四

其注分章以明大旨節解句釋兼晰陰陽血氣之生始出入經脈藏府之貫通循行使讀論者取之有本用之無窮不徒求之糟粕庶免終身由之而不知其道也又注本草詮釋本經闡明藥性本五運六氣之理後人不經臆說概置勿錄其自著曰侶山堂類辨鍼灸秘傳志聰之學以素靈金匱為歸生平著書必守經法遺書並行於世惟鍼灸秘傳佚高世拭字士宗與志聰同里少家貧讀時醫通俗諸書年二十三即出療病頗有稱後自病時醫治之益劇久之不藥幸愈翻然悔曰我治人殆亦如是是草菅人命也乃從志聰講論軒岐仲景之學歷十年悉窺精奧遇病必究其本末處方不同流俗志聰注本草崇原未竟世拭繼成之又注傷寒論晚著醫學真傳示門弟子自述曰醫理如刺蕉刺至無可刺方為至理以之論病大中至正一定不移世行分門別類之方書皆醫門糟粕如薛己趙獻可輩雖有穎悟變通非軒岐仲景一脈相傳之大道古人云不知十二經絡開口舉手便錯不明五運六氣讀盡方書無濟病有標有本求其標只取本治千人無一損故示正道以斥旁門使學者知所慎後有張錫

駒字令詔亦錢塘人著傷寒論直解胃氣論其學本於志聰陳念祖字修園福建長樂人乾隆五十七年舉人著傷寒金匱淺注本志聰錫駒之說多有發明世稱善本嘉慶中官直隸威縣知縣有賢聲值水災大疫親施方藥活人無算晚歸田以醫學教授門弟子甚眾著書凡十餘種並行世黃元御字坤載山東昌邑人諸生因庸醫誤藥損目發憤學醫於素問靈樞難經傷寒論金匱玉函經皆有注釋凡數十萬言自命甚高喜更改古書以伸己說其論治病主於扶陽以抑陰

柯琴字韻伯浙江慈谿人博學多聞能詩古文辭兼舉子業矢志醫學家貧游吳棲息於虞山不以醫自鳴當世亦鮮知者著內經合璧多所校正書佚不傳注傷寒論名曰來蘇集以方有執喻昌等各以己意更定有背仲景之旨乃據論中有太陽證桂枝證柴胡證諸辭以證名篇彙集六經諸論各以類從自序略曰傷寒論經王叔和編次已非仲景之舊讀者必細勘何者為仲景言何者為叔和筆其間脫落倒句訛字衍文一一指破頗見真面目筆法詳略不同或

清史稿

藝術傳一

五

互文見意或比類相形因此悟彼見微知著得於語言文字之外始可羽翼仲景自來注家不將全書始終理會先後合參隨文敷衍彼此矛盾黑白不分三百九十七法不見於仲景序文又不見於叔和序例林氏倡於前成氏和於後其不足取信王安石道已辨之矣繼起者猶瑣瑣於數目亦何補於古人何功於後學哉大青龍湯仲景為傷寒中風無汗而兼煩燥者設即加味麻黃湯耳而謂其傷寒見風傷風見寒因以麻黃湯主寒傷營桂枝湯主風傷衛大青龍湯主風寒兩傷營衛曲成三綱鼎立之說此鄭聲之亂雅樂也且以十存三三之文而謂之全篇手足厥冷之厥或混於兩陰交盡之厥其間差謬何可殫舉此愚所以執卷長吁不能已也又著傷寒論翼白序略曰仲景著傷寒雜病論合十六卷法大備其常中之變變中之常靡不備盡使全書俱在盡可見論知源自叔和編次傷寒雜病分為兩書然本論中雜病留而未去者尚多雖有傷寒論之專名終不失雜病合論之根蒂也名不副實並相淆混而旁門歧路莫知所從豈非叔和之謬以禍之歟夫仲景之言六經為百病之法不專為傷寒一

科傷寒雜病治無二理成歸六經之節制治傷寒者但拘傷寒不究其中有雜病之理治雜病者復以傷寒論無關於雜病而置之不問將參贊化育之書悉歸狐疑之域愚甚為斯道憂之論者謂琴二書大有功於仲景尤怡字在涇江蘇吳縣人父有田千畝至怡中落貧甚鬻字於佛寺業醫人未之異也好為詩與同里顧嗣立沈德潛游晚年學益深造治病多奇中名始著性淡榮利隱於花溪白號伺鶴山人著書自得其注傷寒論名曰貫珠集謂後人因王叔和編次錯亂辨駁改訂各成一家言言愈多而理愈晦乃就六經各提其綱於正治法之外太陽有權變法乾旋法救逆法類病法陽明有明辨法雜治法少陽有權變法太陰有藏病經病法經藏俱病法少陰厥陰有溫法清法凡病機進退微權各有法以為辨使讀者先得其法乃能用其方分證甚晰於少陰厥陰溫清兩法尤足破世人之惑注金匱要略名曰心典別撰集諸家方書雜病治要足以羽翼仲景者論其精蘊曰金匱翼又著醫學讀書記於軒岐以下諸家多有折衷徐大椿稱為得古人意怡著述並篤雅世以貫珠集與柯琴來蘇集並

清史稿

藝文傳一

六

重馬

葉桂字天士江蘇吳縣人先世自歛遷吳祖時父朝采皆精醫桂年十四喪父從學於父之門人聞言即解見出師上遂有聞於時切脈望色如見五藏治方不出成見嘗曰劑之寒溫視乎病前人或偏寒涼或偏溫養習者茫無定識假兼備以倖中借和平以藏拙朝用一方晚易一劑詎有當哉病有見證有變證必胸有成竹乃可施之以方其治病多奇中於疑難證或就其平日嗜好而得救法或他醫之方略與變通服法或竟不與藥而使居處飲食消息之或於無病時預知其病或預斷數十年後皆驗當時名滿天下傳聞附會往往涉於荒誕不具錄卒年八十臨歿戒其子曰醫可為而不可為必天資敏悟讀萬卷書而後可以濟世不然鮮有不殺人者是以藥餌為刀刃也吾死子孫慎勿輕言醫桂神悟絕人貫徹古今醫術而妙著述世傳所注本草多心得又許叔微本事方釋義景岳發揮後門人集醫案為臨證指南非其自著附幼科心法一卷傳為桂手定徐大椿謂獨精卓後章楠改題曰三時伏氣外感篇又附溫證

清史稿

卷五〇七

證治一卷傳為口授門人顧景文者楠改題曰外感溫證篇二書最為學者所奉習同里薛雪名亞於桂而大江南北言醫輒以桂為宗百餘年來私淑者衆最著者吳瑭章楠王士雄雪字生白自號一瓢少學詩於同郡葉乾隆初舉鴻博未遇工畫蘭善拳勇博學多通於醫時有獨見斷人生死不與療治多異迹生平與桂不相能自名所居曰掃葉莊然每見桂處方而善未嘗不擊節也著醫經原旨於靈素奧旨具有發揮世傳溫溫篇為學者所宗或曰非雪作其醫案與桂及繆遵義合刻遵義亦吳人乾隆二年進士官知縣因母病通方書棄官為醫用藥每出創意吳中稱三家焉瑭字鞠通江蘇淮陰人乾嘉之間游京師有名學本於桂以桂立論其簡但有醫案散見於雜證之中人多忽之著溫病條辨以暢其義其書盛行同時歸安吳貞著傷寒指掌亦發明桂醫案之旨與瑭相同楠字虛谷浙江會稽人著醫門棒喝謂桂雪最得仲景遺意而他家不與士雄字孟英浙江海鹽人居於杭世為醫士雄讀書礪行家貧仍以醫自給咸豐中杭州陷轉徙上海時吳越避寇者麇集疫癘大作士雄療治多全

清史稿

藝文傳一

七

活齋著霍亂論致慎於溫補至是重訂刊行醫者奉為圭臬又著溫熱經緯以軒岐仲景之文為經葉薛諸家之辨為緯大意同章楠注釋兼採昔賢諸說擇善而從勝楠書所著凡數種以二者為精詳同時浙西論醫者平湖陸以恬嘉善汪震為程汪曰楨宗旨略同陽湖張琦曜係父子皆通儒以醫鳴取黃元御扶陽之說偏於溫暉係至上海或勸士雄往就正士雄謝之號葉氏學者要以士雄為巨擘惟喜用辛涼論者謂亦稍偏云

徐大椿原名大業字靈胎晚號洄溪江蘇吳江人翰林檢討鈞係生有異稟長身廣額聰強過人為諸生勿屑去而窮經探研易理好讀黃老與陰符家言凡星經地志九宮音律技擊句卒贏越之法靡不通究尤邃於醫世多傳其異迹然大椿自編醫案惟剖析虛實寒溫發明治療之法歸於平實於神異者僅載一二其書世多有不具錄乾隆二十四年大學士蔣溥病高宗命徵海內名醫以薦召入都大椿奏溥病不可治上嘉其樸誠命入太醫院供奉尋乞歸後二十年復詔徵年已七十九遂卒於京師賜金治喪大椿學博而通注神農本草

三九九

經百種以舊注但言其當然不言其所以然採按常用之品備列經文推闡主治之義於諸家中最有啓發之功注難經曰經釋辨其與靈樞素問說有異同注傷寒曰類方謂醫家判定傷寒論如治尚書者之爭洪範武成注大學者之爭古今本今本終無定論不知仲景本論乃救誤之書當時隨證立方本無定序於是削除陰陽六經門目但使方以類從證隨方定使人可案證以求方而不必循經以求證一切葛藤盡去之所著蘭臺軌範凡錄病論惟取靈樞素問難經金匱要略傷寒論隋巢元方病源唐孫思邈千金方王濬外臺秘要而止錄方亦多取諸書宋以後方則探其義可推尋試多獲效者去取最為謹嚴於疑似出入之間辨別尤悉其論醫之書曰醫學源流論分目九十有三謂病之名有萬而脈之象不過數十是必以望聞問三者參之如病同人異之辨兼證兼病之別亡陰亡陽之分病有不愈不死有雖愈必死又有藥誤不即死藥性有古今變遷內經司天運氣之說不可泥鍼灸之法失傳諸說並可取又慎疾芻言為瀕於邪說俗見者痛下鍼砭多驚心動魄之語醫貫疑專斥趙獻可溫

清史稿

藝術傳一

補之弊諸書並行世大椿與葉桂同以醫名吳中而宗旨異評桂醫案多所糾正兼精瘍科而未著專書謂世傳外科正宗一書輕用刀鍼及毒藥往往害人詳為批評世並奉為善本同郡吳縣王維德字洪緒自號林屋山人曾祖字若谷精瘍醫維德傳其學著外科全生集謂癰疽無死證難乃陽實氣血熱而毒滯疽乃陰虛氣血寒而毒凝皆以開腠理為要治者但當論陰陽虛實初起色紅為癰色白為疽截然兩途世人以癰疽連呼並治誤矣其論為前人所未發凡治初起以消為貴以托為畏尤戒刀鍼毒藥與大椿說略同醫者宗之維德兼通陰陽家言著永甯通書卜筮正宗

論始有法有方靈素而後二書實一脈相承義理淵深方法微奧領會不易遂多譌錯舊注隨文附會難以傳信謙自為刪定書成八九及是請就謙未成之書更加增減於二書譌錯者悉為訂正逐條注釋復集諸家舊注實足闡發微義者以資參考為全書之首標示正軌次刪補名醫方論次四診要訣次諸病心法要訣次正骨心法要旨書成賜名醫宗金鑑雖出眾手編輯而訂正傷寒金匱本於謙所自撰其採引清代乾隆以前醫說凡二十餘家張璐喻昌徐彬張志聰高世拭張錫駒柯琴尤怡事具本傳其次者林瀾著傷寒折衷靈素合鈔兼通星象堪輿之學汪琬著傷寒論辨注魏荔形著傷寒金匱本義沈明宗著傷寒金匱編注程應旌著傷寒後條辨鄭重光著傷寒論條辨續注周揚俊著傷寒三注金匱二注程林著金匱直解聖濟總錄纂要閔芝慶著傷寒關要編而遺書溲沒無考者尚六七家云

清史稿

藝術傳一

濟令剖白駝腹置武拜其中遂甦有患臂屈不伸者令先以熱鐵蒸然後斧椎其骨揉之有聲即愈覺羅伊桑阿乾隆中以正骨起家至鉅富其授徒法削筆管為數段包以紙摩挲之使其節節皆接合如未斷者然乃如法接骨皆奏效故事選上三旗士卒之明骨法者每旗十人隸上駟院名蒙古醫士凡禁庭執事人有跌損者命醫治限日報痊逾期則懲治之侍郎齊召南墜馬傷首腦出蒙古醫士以牛脬蒙其首其創立愈時有秘方能立奏效伊桑阿名最著當時湖南有張朝魁者亦以治傷科聞朝魁辰谿人又名毛矮子年二十餘遇遠來乞者朝魁厚待之乞者授以異術治癰疽瘰癧及跌打損傷危急之證能以刀剖皮肉去淤血於臟腑又能續筋正骨時有劉某患腹痛仆地瀕死朝魁往視曰病在大小腸剖其腹二寸許伸指入腹理之數日愈辰州知府某乘輿越銀壺山忽墮巖下折斷骨朝魁以刀刺之撥正傳以藥運動如常

陸懋修字九芝江蘇元和人先世以儒顯皆通醫懋修為諸生世其學咸豐中粵匪擾江南轉徙上海遂以醫名研精素問著內經運氣病釋後益博通淡以

後書恪守仲景家法於有清一代醫家悉舉其得失所取法在柯琴尤怡兩家
謂得仲景意較多吳中葉桂名最盛傳最廣懋修謂桂醫案出門弟子不盡可
信所傳溫病證治亦門人筆述開卷揭溫邪上受首先犯肺逆傳心包一語不
應經法誤以胃熱為肺熱由於不識陽明病故著陽明病釋一篇以闡明之又
據難經傷寒有五之文仲景撰用難經溫病即在傷寒中治溫病法不出傷寒
論外又謂瘟疫有溫有寒與溫病不同醫者多混稱吳有性戴天章為治疫專
家且不免此誤著論辨之並精確有功學者懋修既棄舉業不求仕進及子潤
庠登第就養京邸著述至老不倦光緒中卒潤庠亦通醫官至大學士自有傳
王內字樸莊吳縣人懋修之外曾祖也著傷寒論注以唐孫思邈千金方僅採
王叔和傷寒論序例全書載翼方中序次最古據為定本謂方中行喻昌等刪
取序例乃欲申己見非定論著迴瀾說爭之甚力又著古今權量考古一兩準
今六分七釐一升準今七勺七秒承學者奉以為法呂震字棧村浙江錢塘人
道光五年舉人官湖北荊門州判晚寓吳酷嗜醫診療輒有奇效其言曰傷寒

清史稿

醫術傳一

十

論使學者有切實下手工夫不止為傷寒立法能從六經辨證雖繁劇如傷寒
不為多歧所誤雜證一以貫之著內經要論傷寒尋源懋修持論多本內震云
鄒澍字潤安江蘇武進人有孝行家貧績學隱於醫道光初詔舉山林隱逸鄉
人議以澍名上固辭澍通知天文推步地理形勢沿革詩古文亦卓然成家不
自表襮所著書醫家言為多傷寒通解傷寒金匱方解醫理摘要醫經書目並
不傳所刊行者本經疏證續疏證本經序疏要謂明潛江劉氏本草述貫串金
元諸家說反多牽掣故所注悉本傷寒金匱疏通證明而以千金外臺副之深
究仲景製方精意成一家之言費伯雄字晉卿與澍同邑居孟河濱江咸同間
以醫名遠近詣診者踵相接所居遂成繁盛之區持脈知病不待問論醫戒偏
戒雜謂古醫以和緩命名可通其意著書曰醫醇燬於寇撮其要成醫醇燬義
附方論大旨謂常病多奇病少醫者執簡始能取繁不可尚異享盛名數十年
家以致富子孫皆業伯雄所著詳於雜病略於傷寒與懋修澍宗旨並不
同清末江南諸醫以澍為最著用附載焉清代醫學多重攷古當道光中始

譯泰西醫書王清任著醫林改錯以中國無解剖之學宋元後相傳臆斷諸圖
疑不盡合於刑人時考驗有得參證獸畜未見西書而其說與合光緒中唐宗
海推廣其義證以內經異同經脈奇經各穴及營衛經氣為西醫所未及著中
西匯通醫經精義欲通其郵而補其缺兩人之開悟皆足以啟後者

蔣平階字大鴻江南華亭人少孤其祖命習形家之學十年始得其傳偏證之
大江南北古今名墓又十年始得其旨又十年始窮其變自謂視天下山川土
壤雖大荒內外如一也遂著地理辨正取當世相傳之書訂其紕繆析其是非
惟尊唐楊筠松一人曾文迪僅因筠松以傳其於廖瑀賴文俊何溥以下視之
蔑如以世所感溺者莫甚於平砂玉尺一書斥其偽尤力自言事貴心授非可
言罄古書充棟半屬偽造其昌言救世惟在地理辨正一書後復自抒所得作
天元五歌謂此皆精粗其精微亦不在此他無秘本三吳兩浙有自稱得平階
真傳及偽撰成書指為平階秘本者皆假託也從之學者丹陽張仲馨丹徒駱
士鵬山陰呂相烈會稽姜堯武陵胡泰微淄川畢世持他無所傳授堯堯注青

清史稿

醫術傳一

十一

張輿語及平砂玉尺辨偽總括歌即附地理辨正中平階生於明末兼以詩鳴
清初諸老多與唱和地學為一代大宗所造羅經後人多用之稱為蔣盤云
章攀桂字淮樹安徽桐城人乾隆中官甘肅知縣累擢江蘇松太兵備道有吏
才多術藝尤精形家言謂近世形家諸書理當辭顯者莫如明張宗道地理全
書為之作注稍辨正其誤失大旨本元人山陽指迷之說專主形勢攀桂既仕
顯不以方技為業自喜其術每為親族交友擇地貧者助之財以葬妻吳故農
家自恨門第微攀桂為購佳壤葬其親擇子弟秀異者撫教之遂登進士第為
望族高宗數南巡自鎮江至江甯江行險每山陸詔改通水道議鑿句容故破
岡瀆攀桂相其地勢謂茅山石巨勢高縱成瀆非設閘不可成儲水多勞費請
從上元東北掘山下鑿金烏珠刀鎗河故道以達丹徒工省修易遂監其役瀆
成謂之新河百年來賴其利便攀桂亦因獲優擢大學士于敏中於金壇里第
築園攀桂為之相度營建敏中歿後事覺高宗惡之視職居江甯晚耽禪理歿
時預知期日兼通日者術括協紀辨方精要為一書曰選擇正宗行於世

劉祿河南人善風角。召直蒙養齋欲授以官屢辭從上北征會糧餉乏濟命卜之曰不出三日。果如其言後從幸熱河一日踉蹌至宮門請上速徙

高阜以避水厄時時避夜山水漲發果衝沒行宮又善相人謂張廷玉史貽直皆異日太平宰相六十年冬乞假歸至十一月望日忽命家人制縗服北

向哭未幾哀詔至正聖祖崩之後二日也後卒於家張永祚字景韶浙江錢塘人幼即喜仰觀五緯長通曉星學究悉天象年近三十督學王蘭生稔其學錄

為諸生閩浙總督裕曾鈞求通知星象者試永祚策立成數千言薦於朝授欽天監博士屢引見占候悉驗詔刊二十二史永祚校勘天文律歷兩志及書成

告歸晚著書曰天象源委卒後有女傳其學塔沈度亦善推步守其書戴尙文湖南溆浦人諸生從鴻臚卿羅典學凡天官星卜諸書無不究覽嘗曰吾治經

師羅先生吾術數未知孰可吾師者聞江南某僧精六壬奇門往師焉盡得其秘歸應鄉試長沙同舍生失金尙文為占曰君金若干盜者青衣手魚肉前行

後一白衣隨之肩荷重物以某時候驛步門外可獲也如其言往果驗嘗侍母

清史稿 藝術傳一

十二

夜坐心動知偷兒入宅取井泥塗竈門書符封之偷不得去嘉慶初福康安征苗招致才異羅典薦溆浦兩生一嚴如煜一即尙文謂曰嚴生負經濟才應祿

仕汝疏散為幕客慎勿官職自羈也尙文見福康安長揖不拜福康安欲試其術握絲帶問曰君神算知吾握中何物乃請一字析其數以五行推之曰絲縷

耳大驚異禮遇之凡事必諮時苗猖獗恒夜機營尙文輒預卜知之當五月進攻旗鼓寨占有大寇賊伏林莽師出不利勿聽日午將抵寨忽大風雷雨雹交

下如卵如拳擊傷士卒伏苗乘之果敗軍中呼曰神仙又大軍在乾州營龍頭為苗所圍斷水軍不得食尙文設壇鑿池以法禳之剷地清泉湧出四年駐天

心塞尙文夜觀天象知有咎作書置幕府辭歸數日福康安遽卒尙文歸未幾亦病自知死日卒後其母傷之焚所傳書

清史稿 藝術二 列傳

王澐字若林號虛舟江南金壇人績學工文尤以書名康熙五十一年進士入翰林累遷戶科給事中雍正初詔以六科隸都察院澐謂科臣掌封駁品卑任

重儻隸臺臣將廢科參偕同官推致遠康五端抗疏力爭世宗怒立召詰之從容奏對上意稍解遂改吏部員外郎越二年告歸益耽書名播海內摹古名搨

殆徧四體並工於唐賢歐褚兩家致力尤深輒跋尾自道所得後內閣學士翁方綱持論與異謂其篆書得古法行書次之正書又次之所著題跋及淳化閣

帖考正並行於世自明清之際工書者河北以王鐸傅山為冠繼則江左王鴻緒姜宸英何焯汪士鋐張照等接踵而起多見他傳大抵淵源出於明文徵明

董其昌兩家鴻緒照為董氏嫡派焯及澐則於文氏為近澐論書尤詳一時所宗將衡改名振生字湘帆晚號拙拙老人與澐同里鍵戶十二年寫十三經乾隆

中進上高宗命刻石國學授衡國子監學正終不出衡早歲好游足迹半海內觀碑關中獲晉唐以來名蹟臨摹三百餘種曰拙存堂臨古帖晚與澐相期關

勝每臨一書相從質證子驥孫和並以書世其家驥尤精分隸著漢隸識體集古帖字體續書法論各一卷兼工畫其言曰漢魏字體不同性情各異書須懸

臂中鋒而用力以和平為主作畫之提頓逆折參差映帶其理一爾皆闡明其先說徐用錫字壇長宿遷人占籍大興登鄉舉康熙四十八年進士官翰林院

編修從李光地游究心樂律音韻歷數書法五十四年分校會試嚴絕請託銜之者反嗾言官劾其把持闈事聖祖原之終以浮議罷歸乾隆初起授翰林院

侍讀年已八十尋告歸卒於家川錫鄉舉出姜宸英之門與何焯同為光地客論書多與二家相出入精於鑒別古人言筆法亦多心得著字學節記二卷載

圭美堂集中

清史稿 藝術傳二

十一

董其昌兩家鴻緒照為董氏嫡派焯及澐則於文氏為近澐論書尤詳一時所宗將衡改名振生字湘帆晚號拙拙老人與澐同里鍵戶十二年寫十三經乾隆中進上高宗命刻石國學授衡國子監學正終不出衡早歲好游足迹半海內觀碑關中獲晉唐以來名蹟臨摹三百餘種曰拙存堂臨古帖晚與澐相期關勝每臨一書相從質證子驥孫和並以書世其家驥尤精分隸著漢隸識體集古帖字體續書法論各一卷兼工畫其言曰漢魏字體不同性情各異書須懸臂中鋒而用力以和平為主作畫之提頓逆折參差映帶其理一爾皆闡明其先說徐用錫字壇長宿遷人占籍大興登鄉舉康熙四十八年進士官翰林院編修從李光地游究心樂律音韻歷數書法五十四年分校會試嚴絕請託銜之者反嗾言官劾其把持闈事聖祖原之終以浮議罷歸乾隆初起授翰林院侍讀年已八十尋告歸卒於家川錫鄉舉出姜宸英之門與何焯同為光地客論書多與二家相出入精於鑒別古人言筆法亦多心得著字學節記二卷載圭美堂集中

王文治字禹卿江蘇丹徒人生有夙慧十二歲能詩即工書長游京師從翰林院侍讀全魁使琉球文字播於海外乾隆三十五年成一甲三名進士授翰林院編修逾三年大考第一擢侍讀出為雲南臨安知府因事醵級乞病歸後當復官厭吏事遂不出往來吳越間主講杭州鎮江書院高宗南巡至錢塘僧寺見文治書碑大賞愛之內廷有以告招之出者亦不應喜聲伎行轍以歌伶一部自隨辨論音律窮極幽渺客至張樂窮朝暮不倦海內求書者多有餽遺率費於聲伎然客散默然禪定夜坐脅未嘗至席持佛戒自言吾詩與書皆禪理也卒年七十三所著詩集外有賞雨軒題跋略見論書之旨文治書名並時與劉墉相埒人稱之曰濃墨宰相淡墨探花與姚鼐交最深論最契當時書名前不及文治之遠播後包世臣極推鼎書與劉墉並列上品名轉出文治上

梁燾字聞山安徽亳州人乾隆二十七年舉人官四川巴縣知縣晚辭官主講壽春書院以工李北海書名於世初為咸安宮教習至京師聞欽天監正何國宗曾以事繫刑部時尚書張照亦以他事在繫得其筆法因詣家就問國宗年

清史稿 藝術傳二 二

已八十餘病不能對客遣一孫傳語獻質以所聞國宗答曰君已得之矣贈以所臨米黃二帖後獻以語金壇段玉裁曰執筆之法指以連臂臂以連身凡捉筆以大指尖與食指尖相對筆正直在兩指尖之間兩指尖相接如環兩指本以上平可安酒杯平其肘腕不附几肘圓而兩指與筆正當胸令全身之力行於臂而湊於兩指尖兩指尖不圓如環或如環而不平則捉之也不緊臂之力尚不能出而況於身緊則身之力全湊於指尖而何有於臂古人知指之不能運臂也故使指頂相接以固筆筆管可斷指缺痛不可勝而後字中有力其以大指與食指也謂之單勾其以大指與食中指也謂之雙勾中指者所以輔食指之力也總謂之撥鑑法王獻之七八歲時學書右軍從旁擊其筆不得即謂此法舍此法皆旁門外道二王以後至唐宋元明諸大家口口相傳如是董宗伯以授王司農鴻緒司農以授張文敏吾聞而知之本朝但有一張文敏耳他未為善王虛舟用筆祇得一半蔣湘帆知握筆而少作字樂趣世人但言無火氣不知火氣使盡而後可言無火氣也如此捉筆則筆心不偏中心透紙紙

上颯颯有聲直畫粗者濃墨兩分中如有絲界筆心為之主也如此捉筆則必堅紙作字輕薄紙當之易破其橫直撇捺皆與今人殊筆鋒所指方向迥異筆心總在每筆之中無少偏也古人所謂屋漏痕折釵股錐畫沙印印泥者於此可悟入獻少著述所傳緒論僅此當時與梁同書並稱獻曰北梁同書曰南梁同書字元穎晚號山舟浙江錢塘人大學士詩正子乾隆十七年會試未第高宗特賜與殿試入翰林大考擢侍講淡於榮利未老因疾不出晚年重宴鹿鳴加侍講學士銜卒年九十三好書出天性十二歲能為壁窠大字初法顏柳中年用米法七十後乃變化名滿天下求書者紙日數束日本琉球皆重之嘗與張燕昌論書略曰古人云筆力直透紙背當與天馬行空參看今人誤認透紙便如藥山所云看穿牛皮終無是處蓋透紙者狀其精氣結撰墨光浮溢耳彼用筆如游絲者何管不透紙背耶用腕力使極輕之筆自見譬如人持一蠶者使之直則無所用力持一弱者欲不使之偃則全腕之力自然集於兩指端其實書者只知指連而不知有腕力也藏鋒之說非筆如鈍錐之謂自來書家

清史稿 藝術傳二 三

從無不出鋒者只是處處留得筆住不使直走筆要輕輕則適筆要長長則靈筆要飽飽則腴落筆要快快則意出書家燥鋒曰渴筆畫家亦有枯筆二字判然不同渴則不潤枯則死矣今人喜用硬筆故枯帖教人看不教人摹今人只是刻舟求劍將古人書摹畫如小兒寫做本就便形似豈復有我字要有氣氣須從熟得來有氣則有勢大小長短高下欹整隨筆所至自然貫注成一片段却著不得絲毫擺布熟後自知中鋒之法筆提得起自然中亦未嘗無兼用側鋒處總為我一縷筆尖所使雖不中亦中亂頭粗服非字也求逸則野求舊則拙此處不可有半點名心在同書平生書旨與梁獻之異同具見於此

鄧石如初名避仁宗諱遂以字行改字頑伯安徽懷甯人居皖公山下又號完白山人少產僻鄉渺聞見獨好刻石仿漢人印篆甚工弱冠孤貧游壽州梁獻見其篆書驚為筆勢渾熟而未盡得古法介謁江甯梅鏗都御史鼓成子也家多弃藏金石善本盡出示之為具衣食楮墨使專肆習好石鼓文李斯碑山碑泰山刻石漢開母石闕熒煌太守碑吳蘇建國山碑皇象天發神讖碑唐李陽

巴慰祖分書顧光旭行書張惠言篆書王文治方寸真書劉墀行書汪庭桂分
 書錢伯垌行及榜書陳希祖行書黃乙生小真行書逸品上十五人顧炎武正
 書蕭雲從行書釋雪浪行書鄭篋分及行書高其佩行書陳洪綬行書程邃行
 書紀映鍾行書金農分書張鵬翀行書袁枚行書朱筠藥書朱珪真書鄧石如
 行書宋銘行書逸品下十六人王時敏行及分書朱彝尊分及行書程京蓆行
 書釋道濟行書趙青藜真及行書錢載行書程瑤田小真書巴慰祖行書汪中
 行書畢滄行書陳准行書姚鼎小真書程世淳行書李天激行書伊秉綬行書
 張桂巖行書佳品上二十二二人沈荃真書王鴻緒行書先著行書查士標行書
 汪士鋐真書何焯小真書陳奕禧行書陳鵬年行書徐良行書蔣衡真書于振
 行書趙知希草書孔繼澂行書嵇璜真書錢澧行書桂馥分書翁方綱小真書
 張燕昌小真書康基田行書錢坫篆書谷際岐行書洪梧小真書佳品下十人
 鄭來行書林佶小真書方觀承行書董邦達行書華嵩行書秦大士行書高方
 書小真金榜真書吳俊行書陳崇本小真書九品共九十七人重見者六人實

清史稿

藝術傳二

六

九十一人復增能品上一人張琦真行及分書能品下三人于書佃行書段玉
 立小真及草書吳德旋行書佳品上六人吳育篆及行書方履錕分書梅植之
 行書朱昂之行書李兆洛行書徐準宜真書其後包氏之學盛行咸同以來以
 書名者何紹基張裕釗翁同龢三家最著並見他傳紹基宗顏平原法晚復出
 入漢分裕釗源出於包氏同龢規模閎變不為諸家所囿為一代後勁云

清史稿

列傳

藝術傳三

王時敏	原籍江蘇常熟	陳洪綬	字子龍
釋道濟	生於仁	王翬	字子德
惲格	字元叔	張鵬翀	字左
高其佩	字承	唐岱	字
王學浩	字	王學浩	字

王時敏字遜之號烟客江南太倉人明大學士錫爵孫以蔭官至太常寺少卿
 時敏系出高門文采早著鼎革後家居不出獎掖後進名德為時所重明季畫
 學董其昌有開繼之功時敏少時親炙得其真傳錫爵晚而抱孫彌鍾愛居之
 別業廣收名蹟悉窈秘奧於黃公望墨法尤有深契暮年益臻神化愛才若渴
 四方工畫者踵接於門得其指授無不知名於時為一代畫苑領袖康熙十九

清史稿

藝術傳三

一

年卒年八十有九鑑字則照明尚書世貞曾孫與時敏同族為子姪行而年相
 若崇禎中官廉州知府甫強仕謝職歸就畝園故址營構居之蕭然世外與時
 敏砥勵畫學以董源巨然為宗沈雄古逸雖青綠重色書味盎然後學尊之與
 時敏匹康熙十六年卒年八十時敏子撰字異公畫守家法得其具體孫原祁
 字茂京號龍畫幼作山水張齋壁時敏見之訝曰吾何時為此耶問知乃大奇
 曰此子業且出我右康熙九年成進士授任縣知縣行取給事中尋改中允直
 南書房累擢戶部侍郎歷官有聲時海內清晏聖祖右文幾餘怡情翰墨常召
 入便殿從容奏對或於御前染翰上憑几觀之不覺移晷命鑒定內府名蹟充
 書畫總裁萬壽盛典總裁恩禮特異五十四年卒於官年七十四原祁畫為時
 敏親授於黃公望淺絳法獨有心得晚復好用吳鎮墨法時敏嘗曰元季四家
 首推子久得其神者惟董宗伯得其形者子不敢讓若形神俱得吾孫其庶幾
 乎王翬名傾一時原祁高曠之致突過之每畫必以宣德紙重毫筆頂煙墨曰
 三者一不備不足以發古拙渾逸之趣或問王翬曰太熟復問查士標曰太生

蓋以不生不熟自居中年後供奉內廷乞畫者多出代筆而自署名每歲晏與門下賓客畫人一幅為製裘之需好事者緘金以待弟子最著者黃鼎唐岱並別有傳原祁曾孫宸字子凝號蓬心乾隆二十五年舉人官湖南永州知府原祁諸孫多以畫世其家惟宸最工枯毫重墨氣味荒古愛永州山水自號瀟湘子有終焉之志罷官後貧不能歸畢沅為總督遂往依之武昌以詩畫易酒湖湘間尤重其畫著繪林伐材十卷王昶稱為畫史總龜云

陳洪綬字章侯浙江諸暨人幼適婦翁家登案畫關壯繆像於素壁長八九尺婦翁見之驚異扁室奉之洪綬畫人物衣紋清勁力量氣局在仇唐之上嘗至杭州摹府學石刻李公麟七十二賢像又摹周昉美人圖數四不已人謂其勝原本曰此所以不及也吾畫易見好則能事猶未盡嘗為諸生崇禎間游京師召為舍人摹歷代帝王像縱觀御府圖畫益進尋辭歸鼎革後混迹浮屠間初號老蓮至是自號悔遲縱酒不羈語及亂離輒慟哭後數年卒子字號小蓮畫亦有名洪綬在京師與崔子忠齊名號南陳北崔云子忠一名丹字道母別

清史稿

藝術傳三

二

號青蚨山東萊陽人寄籍順天為諸生負異才作畫意趣在晉唐之間不層襲宋元窠臼人物士女尤勝董其昌稱之謂非近代所有以金帛請者不應家居常絕食史可法贈以馬得金呼友痛飲一日而金盡為詩古文與博奇崛遭亂走居士室中遂窮餓以死其後畫人物士女最著者曰禹之鼎余集改琦費丹旭之鼎字尚吉號慎齋江蘇江都人幼師藍瑛後出入宋元諸家尤擅人物繪王會圖傳世其寫真多白描不襲李公麟之舊而用吳道子蘭葉法兩類微用脂赭染之彌復古雅康熙中授鴻臚寺序班愛洞庭山水欲居之遂歸朝貴名流多屬繪圖像世每傳之集字秋室浙江錢塘人乾隆三十一年進士工畫士女時稱曰余美人廷試當得大魁因此抑之尋充四庫全書纂修薦授翰林院編修累擢侍讀所作風神靜朗無畫史氣為世所重比諸仇唐遺迹琦字伯蘊號七彝先世為西域人壽春鎮總兵光宗係因家江南居華亭琦通敏多能工詩詞嘉道後畫人物琦號最工出入李公麟趙孟頫唐寅及近代陳洪綬諸家花草蘭竹小品迴出塵表有惺格遺意丹旭字子若號曉樓浙江烏程人工

寫真如鏡取影無不肖所作士女娟秀有神景物布置皆瀟灑近世無出其右者

釋道濟字石濤明楚藩裔自號清湘老人題畫自署或曰大滌子或曰苦瓜和尚或曰瞎尊者無定稱國變後為僧畫筆縱恣脫盡窠臼而實與古人相合晚游江淮人爭重之著論畫一卷詞議元妙與髡殘齊名號二石髡殘字石溪湖南武陵人幼孤自剪髮投龍三三家巷徧游名山後至江甯住牛首為堂頭和尚畫山水與境奇闊緬邈幽深引人入勝道濟排界縱橫以奔放勝髡殘沈著痛快以謹嚴勝皆獨絕朱奇字雪個江西人亦明宗室崇禎甲申後號八大山人嘗為僧其書畫題款八大二字每聯綴山人二字亦然類哭類笑蓋有在畫簡略蒼勁生動畫致山水精密者尤妙絕不概見慷慨嘯歌世以狂目之宏仁字浙江安徽休甯人姓江字亦奇明諸生亦甲申後為僧工詩古文畫師倪瓚新安畫家皆宗之然宏仁所作層崖陡壑偉俊沈厚非若世之以疏竹枯株摹擬高士者比歿後墓上種梅花百本因稱梅花古衲云自道濟以下皆明之

清史稿

藝術傳三

三

遺民隱於僧而以畫著其後畫僧上睿明中達受最有名上睿字目存吳人嘗從王翬游得其指授明中字大恒浙江桐鄉人晚主杭州南屏淨慈高宗南巡賜紫衣山水得元人法達受字六舟浙江海甯人故名家子耽翰墨書得徐渭陳道復縱逸之致善別古器精摹榻或點綴折枝於其間多古趣阮元呼曰金石僧

王翬字石谷號耕煙江南常熟人太倉王鑑遊虞山見其畫大驚異索見時年甫冠載歸謁王時敏館之西田畫出唐以後名蹟俾坐臥其中時敏復挈之遊江南北盡得觀收藏家秘本如是垂二十年學遂成康熙中詔徵以布衣供奉內廷繪南巡圖集海內能手逡巡莫敢下筆單口講指授咫尺千里令眾分繪而總其成圖成聖祖稱善欲授官固辭厚賜歸公卿祖儀賦詩贈行翬天性孝友篤於風義時敏鑑既歿歲時猶省其墓康熙五十六年卒年八十六輩論畫曰以元人筆墨運宋人邱壑而澤以唐人氣韻乃為大成稱之者曰古今筆墨之齟齬不相入者輩羅而置之筆端融冶以出畫有南北宗至輩而合吳歷又

名子歷字漁山號墨非道人亦常熟人學畫於王時敏心思獨運氣韻厚重沈鬱迥不猶人晚年棄家從天主教曾再遊歐羅巴作畫每用西洋法雲氣縹渺凌虛迴異平時康熙五十七年卒年八十七當時或言其浮海不歸後於上海南郭得其墓碣題曰天學修士云輩初與友善後絕交王原祁論畫右懸而左輩曰邇時畫手惟吳漁山而已世以時敏鑑輩原祁歷及惲格並稱為六大家同縣又有楊晉黃鼎晉字子鶴輩弟子山水清秀尤以畫牛名輩作圖凡有人物與驢駝馬牛羊皆命晉寫之從輩繪南巡圖因摹內府名蹟進御鼎字尊古學於王原祁而私淑輩得其意臨摹古人輒逼真尤擅元王蒙法徧遊名山號獨往客論者謂輩看畫古今名畫下筆具有淵源鼎看畫九州山水下筆具有生氣常客宋笨家梁宋問其蹟獨多方士庶字循遠號小師道人安徽歙縣人家於揚州鼎弟子早有出藍之目年甫逾四十卒論者借之輩畫派為一代所宗世比之王士禎之詩當時門弟子甚盛傳衍其法者益眾附著其尤者惲格字壽平後以字行改字正叔號南田江南武進人父曰初見隱逸傳格年

清史稿

藝術傳三

四

十三從父至閩時王祈起兵建寧日初依之總督陳錦兵克建寧格被略歸妻撫以為子從遊杭州靈隱寺日初偵遇之給使出家為僧乃得歸格以父忠於明不應舉擅詩名號畫養父畫出天性山水學元王蒙既與王輩交曰君獨步矣吾不為第二手遂兼用徐熙黃筌法作花鳥天機物趣畢集豪端比之天仙化人畫成輒自題詠書之世號南田三絕雖自專意寫生問作山水皆超逸得元人冷淡幽雋之致王時敏聞其名招之不時至至則時敏已病榻前一握手而已家酷貧風雨常閉門餓以金幣乞畫者非其人不與康熙二十九年卒年五十四子不能其喪王輩葬之從父向字道生自明季以畫著山水得董源法格少即師之及格負重名輩從子弟多工畫其著者源濬字哲長官天津縣丞能傳徐熙法筆有生氣族曾孫鍾蔭之女曰冰尤有名詳列女傳其弟子尤著者馬元馭字扶曦常熟人家貧好讀書幼即工畫王輩稱之後學於格得其逸筆頗稱入室孫女荃傳其學名與冰相匹元馭嘗以畫法授同縣蔣廷錫後廷錫官禁近以書招之謝不往格人品絕高寫生為一代之冠私淑者眾然不

能得其機趣神韻惟乾隆中華岳號為繼迹後改琦亦差得其意云王武字勤中吳縣人擅花草流麗多風王時敏亦稱為妙品學者宗之及格出遂掩其上沈餘字南蘋浙江德清人工寫花鳥專精設色妍麗絕人雍正中日本國王聘往授畫三年乃歸故其國尤重銓畫於格為別派

興賢字半千江南崑山人寓江甯結廬清涼山下葺半畝園隱居自得性孤僻詩文不苟作畫得董源法掃除蹊徑獨出幽異自謂前無古人後無來者同時與樊圻高岑鄒喆吳宏葉欣胡造謝蘓號金陵八家圻字會公造字石公與蘓皆江甯人岑字蔚生杭州人喆字方魯吳人宏字遠度金谿人欣字榮木華亭人諸家皆擅雅筆負時譽要以賢為稱首清初畫學蔚盛大江以南作者尤多各成派別以婁東王時敏為大宗若金陵雲間嘉禾新安皆聞人迭起趙左字文度華亭人畫出於宋旭為雲間派之首吳松間多宗之項聖謨字孔彰嘉興人元汴之孫初學文徵明後益進於古董其昌稱其與宋人血戰又得元人氣韻子奎字東井世其學同縣李琪枝字雲連日華之孫山水淡逸傳世者梅竹

清史稿

藝術傳三

五

為多項李皆名族濡染有緒羣從多以畫名其後雍乾中錢綸光妻陳書花鳥人物並工詳列女傳錢氏子孫及閨秀傳其法者眾更盛於項李二家張庚字浦山亦嘉興人學於書深通畫理著畫徵錄及續錄自明末至乾嘉中所載四百餘人查士標字二瞻號梅壑安徽歙縣人明諸生後棄舉子業專精書畫家饒於賞多藏鼎彝古器及宋元名蹟初學倪瓚後參以吳鎮董其昌法稱逸品晚益以幽淡為宗疏懶罕接賓客蓋託以逃世與同縣孫逸休甯汪之瑞釋宏仁號新安四家久寓揚州康熙三十七年卒年八十四逸字無逸流寓蕪湖曾繪歙山二十四圖之瑞字無瑞豪邁自喜渴筆焦墨酒酣揮洒如風雨時當塗蕭雲從字尺木與逸齊名山水不專宗法兼長人物於采石太白樓下四壁畫五嶽圖又畫太平山水及離騷圖好事者並鑲刻以傳高其佩字章之號且園奉天遼陽人隸籍漢軍父殉耿藩之難其佩以廢官至戶部侍郎畫有奇致人物山水並蒼渾沈厚衣紋如草篆一袖數折尤善指畫嘗畫黃初平叱石成羊或已成羊而起立或將成而未起或半成而未離為石

風趣橫生畫龍虎皆極其態世既重其指墨晚年以便於揮洒遂不復用筆其筆畫之佳幾無人知之雍正十二年卒甥李世倬朱倫瀚皆學於其佩世倬字漢章總督如龍子官至右通政少至江南從王軍游得其傳後官山西觀吳道子水陸道場圖悟人物之法花鳥寫生得其佩指墨之趣易以筆運各名一家倫瀚字涵齋明裔也隸籍漢軍官至都統直內廷指畫師其佩邱壑奇而正色淡味厚喜作巨障元氣淋漓指上生有肉雖故作人物鬚眉尤有神出於天授其後傳其佩法者有傅雲璈寶璽字凱亭奉天布衣為諸王邸客京師多其遺迹璈寶字夢禪滿洲人大學士永貴子以疾辭不仕詩畫自娛指墨以簡貴勝深自矜許

張鵬翀字天飛自號南華山人江蘇嘉定人雍正五年進士入翰林官至詹事府詹事天才超邁詩畫皆援筆立就瀟灑自適類其為人高宗愛其才不次拔擢進奉詩文多寓規於頌畫無師承自然入古雖應制之作蕭散若不經意愈見神韻繪春林澹瀾圖題詩進上上賜和鵬翀即於宮門疊韻陳謝嘗從駕西苑液池一渡之頃得詩八首屢敕御舟作畫賜御筆批把折枝及松竹雙清圖又賜雙清閣書額迭拜筆硯文綺之賜無算乾隆十年乞假歸卒於途次上眷之久而不忘對羣臣輒曰張鵬翀可惜自康熙至乾隆朝富國家全盛文學侍從諸臣每以藝事上邀宸眷大學士蔣廷錫及子溥董邦達及子誥尚書錢維城侍郎鄭一桂與鵬翀為尤著廷錫以逸筆寫生奇正工率濃淡一幅間恆開出無不超脫源出於惲格而不為所囿邦達山水源於董源巨然黃公望墨法得力於董其昌自王原祁後推為大家久直內廷進御之作大幅尋丈小册寸許不下數百溥誥各承其家法維城山水蒼秀花卉傳色尤有神采一桂以百花卷被宸賞世謂惲格後罕匹者諸人所繪並入石渠寶笈御題褒美傳為盛事嘉慶中尚書黃鉞由主事改官翰林入直畫為仁宗所賞道咸以後侍郎戴熙大學士張之萬並官禁近以畫名然國家復以多故視承平故事稍異焉

唐岱字毓東滿洲人康熙中以詹事參領從王原祁學畫邱壑似原祁供奉內廷聖祖品題當時以為第一手稱畫狀元歷事世宗高宗高宗在潛邸即喜其

清史稿

藝術傳三

六

畫數有題詠後益被寵遇唐岱專工山水以宋人為宗少時名動公卿直內廷久筆法益進人間傳播者轉稀著繪事發微行世清制畫史供御者無官秩設如意館於啟祥宮南凡繪工文史及雕琢玉器裝潢帖軸皆在焉初類工匠後漸用士流由大臣引薦或獻畫稱旨召入與詞臣供奉體制不同間賜出身官秩皆出特賞高宗萬幾之暇嘗幸館中每親指授時以為榮其畫之精美者一體編入石渠寶笈祕殿珠林二書嘉慶中編修胡敬撰國朝院畫錄凡載八十餘人其尤卓著可傳者十餘人焦秉貞山東濟甯人康熙中官欽天監五官正工人物樓觀通測算參用西洋畫法剖析分寸量度陰陽向背分別明暗遠視之人畜花木屋宇皆植立而形圓聖祖嘉之命繪耕織圖四十六幅鑄版印賜臣工自秉貞嗣法畫院多相沿襲其弟子冷枚膠州人為最肖與繪萬壽盛典圖陳枚江蘇婁縣人官內務府郎中初法宋人折衷唐寅後亦參西洋法寸紙尺練圖羣山萬壑人物皆備郎世甯西洋人康熙中入直高宗尤賞異凡名馬珍禽琪花異草輒命圖之無不奕奕如生設色奇麗非秉貞等所及艾啟蒙亦

清史稿

藝術傳三

七

西洋人其藝亞於郎世甯張宗蒼字默存江蘇吳縣人學畫於黃鼎初官河工主簿乾隆十六年南巡獻册受特知召入直數年授戶部主事以老乞歸宗蒼山水氣體深厚多以皴擦取韻一洗畫院甜熟之習被恩遇特厚所畫著錄石渠者百十有六多荷御題弟子徐揚方琮最得其法亦邀宸賞賜揚舉人授內閣中書余省字曾三江蘇常熟人善寫生能得花外之趣同時楊大章亦賦色修潔可與鄒一桂頡頏花鳥以二人為最工金廷標字士揆浙江桐鄉人南巡進白描羅漢稱旨召入祇候廷標畫不尚工緻以機趣傳神高宗題所作琵琶行圖曰唐寅舊圖有琵琶伎在別船廷標祇繪白居易一人側耳而聽別有會心古人畫意為先非畫院中人所及會愛烏罕進四駿郎世甯繪之復命廷標別作仿李公麟法增寫執轡人古趣出彼上及廷標卒上命舊黏殿壁者悉付裝池收入石渠寶笈丁觀鵬工人物效明丁雲鵬以宋人為法不尚奇詭畫仙佛神像最擅長著錄獨多時有嚴宏滋者南巡兩次獻畫所作三官神像秀發飛揚稱為絕作屢命畫院諸人摹之姚文瀚亦以人物仙佛名亞於觀鵬繆炳

秦字象賓江蘇江陰人初以國子監生召繪御容南巡應召試賜舉人授中書
官至兵部郎中乾隆五十年以後御容皆出所繪又命繪紫光閣功臣像人人
逼肖寫真之最工者畫院盛於康乾兩朝以唐岱郎世甯張宗蒼金廷標丁觀
鵬爲最宗蒼所作尤有士氣道光以後無聞焉至光緒中孝欽皇后喜藝事稍
復如意館舊規畫史皆凡材無可紀者

華岳字秋岳號新羅山人福建汀人慕杭州西湖之勝家焉畫山水人物花
鳥草蟲無不工脫去時蹊力追古法有時過求超脫然其率略處愈不可及工
詩有離垢集古質清峭畫法脫俗世稱三絕可繼惲格僑居揚州最久晚歸杭
州卒年近八十乾嘉之間浙西畫學稱盛而揚州游士所聚一時名流競逐其
尤著者爲高鳳翰鄭燮金農羅聘奚岡黃易錢杜方薰等鳳翰字西園山東膠
州人雍正初以薦得官署安徽績溪知縣被劾罷久寓江淮間病偏痺遂以左
手作書畫縱逸有奇氣嘗登焦山觀瘞鶴銘尋宋陸游題名親掃積薪燃燭捫
圖以敗筆清墨爲圖傳爲傑作性豪邁不羈藏硯千手自鑄銘著硯史又藏司

清史稿

藝傳三

八

馬相如玉印秘爲至寶盧見曾爲兩淮運使欲觀之長跪謝不可其癖類此變
字板橋江蘇興化人乾隆元年進士官山東濰縣知縣有惠政辭官畫畫作蘭
竹以草書中豎長撇法爲蘭葉書雜分隸法自號六分書詩詞皆別調而有學
語慷慨嘯傲慕明徐渭之爲人變同縣李鱣字復堂舉人官山東膠縣知縣花
鳥學林良多得天趣陳撰字榜山浙江鄞縣人亦居揚州舉鴻博不就試與
齊名寫梅尤雋逸農字壽門號冬心浙江仁和人布衣薦鴻博好學癖古儲金
石千卷中歲游迹半海內寄居揚州遂不歸分隸小變漢法又師禪國山及天
發識兩碑截毫端作擘窠大字年五十始從事於畫初寫竹師石室老人號稽
留山民繼畫梅師白玉蟾號昔耶居士又畫馬自謂得曹韓法復畫佛號心出
家畫粥飯僧其點綴花木奇柯異葉皆意爲之問之則曰貝多龍窠之類也性
通峭世以迂怪目之詩亦錢削苦硬無子晚手錄以付其女歿後繼聘搜輯雜
文編爲集聘字兩峯江都人淹雅工詩從農游稱高足弟子畫無不工賦禪悅
夢入招提曰花之寺髮髻前身自號花之寺僧多摹佛像又畫鬼趣圖不一本

游京師跌宕詩酒老而益貧曾煥爲兩淮運使資之歸未幾卒妻方婉儀亦工
詩畫好禪號白蓮居士岡字鐵生號蒙泉舊爲歙縣人居錢塘遂隸籍負奇不
得志寄於詩畫山水取法婁東自成逸韻竹石花木超雋得元人意四十後名
益噪曾游日本海外估舶懸金購其畫徵孝廉方正辭不就岡與同縣黃易齊
名易父樹穀亦工書畫易詳文學傳篤嗜金石每以訪碑紀游作圖爲世所重
畫境簡淡山左多宗之杜字叔美號松壺仁和人屈於下僚曾官雲南經歷足
迹踰萬里深學畫學摹趙伯駒孟頫王蒙皆神似問爲金碧雲山妍雅絕俗畫
梅疎冷出趙孟堅兼擅詩名著松壺畫畫憶多名論從兄東字袖海畫近仰
格名亞於杜薰字蘭坻浙江石門人父歿故善畫薰幼從父游吳越間多見名
蹟接書宿遂兼衆長論畫曰寫生以意勝形似又曰不拘難易須雅馴著山靜
居論畫以布衣終

王學浩字椒畦江蘇崑山人乾隆五十一年舉人幼學畫於同縣李豫德豫德
爲王原祁外孫得南宗之傳學浩溯源倪黃筆力蒼勁論畫曰六法一寫字畫

清史稿

藝傳三

九

之寫者意在筆先直追所見雖亂頭顛服而意趣自足或極工麗而氣味古雅
所謂士大夫畫也否則與俗工何異又曰畫以簡爲上雖烟客籠壺猶未免繁
碎如大擬真未易到大擬法固在荒率蒼古中求之尤須得其不甚著力處時
論學浩用墨能入絹素之骨比人深一色晚好用破筆脫盡窠臼畫格一變著
山南屋畫論卒年七十九學浩享大年道光之季畫苑推爲尊宿館吳中寒碧
山莊劉氏壇坫甚盛其時吳越作者雖衆足繼前哲名一家者蓋寥寥焉黃均
字穀原元和人守婁東之法盡其能事游京師法式善秦瀛爲之延譽得官補
湖北潛江主簿未之任於武昌臘脂山麓築小園居之二十年以吏爲隱畫晚
而益工於吳中稱後勁清畫家聞人多在乾隆以前自道光後卓然名家者惟
湯貽汾戴熙二人並自有傳昭文將寶齡著墨林今話繼張庚畫徵錄之後子
葆生爲續編至咸豐初視庚錄數幾倍之其後光緒中無錫秦祖詠著桐陰論
畫論次一代作者分三編評隲較嚴稱略備焉今特著其尤工者寶齡祖詠畫
亦並有法

清史稿

列傳

藝術傳四

王來咸

褚士寶

馮行貞

甘鳳池

曹竹齋

江之桐

梁九

張連

劉源

唐英

戴梓

丁守存

徐壽

王來咸字征南浙江鄞縣人先世居奉化自祖父居鄞至來咸徙同里從同里單思南受內家拳法內家者起於宋武當道士張三峯其法以靜制動應手即仆與少林之主於搏人者異故別少林為外家其後流傳於秦晉間至明中葉王宗為最著溫州陳州同受之遂流傳於溫州嘉靖間張松溪最著松溪之徒

清史稿

藝術傳四

一

三四人寄波葉繼美為魁遂流傳於寄波得繼美之傳者曰吳崑山周雲泉陳貞石孫繼槎及思南各有授受思南從征關白歸老於家以術教頗惜其精微來咸從樓上穴板窺之得其梗概以銀厄易美積奉思南始盡以不傳者傳之來咸為人機警不露圭角非遇甚困不發凡搏人皆以其穴死穴暈穴啞穴一切如銅人圖法有惡少侮之為所擊數日不溺謝過乃得如故牧童竊學其法擊伴侶立死視之曰此暈穴不久果甦任俠嘗為人報讎有致金以贖其弟者絕之曰此以禽獸待我也明末嘗入伍為把總從錢肅樂起兵浙東事敗隱居於家慕其藝者多通殷勤皆不顧鋤地擔糞安於食貧未嘗讀書與士大夫談論蘊籍不知為繼人黃宗義與之游同入天童僧少微有膂力四五人不能擊其手稍近來咸蹶然負痛來咸嘗曰今人以內家無可眩曜於是以外家歸之此學行衰矣因為宗義論述其學源流康熙八年卒年五十三宗義子百家從此學演其說為內家拳法一卷百家後無所傳焉清中葉河北有太極拳云其法出於山西王宗岳其法式論解與百家之言相出入至清末傳習者頗眾云

褚士寶字復生江南上海人家素封力過人好技擊游學四方與畢昆陽武君卿為友遂精槍法名曰四平槍旋轉如風人莫能近同邑有張擊者虎頭板助力舉百鈞橫行為閭里患眾請士寶除之同飲酒擊自誇其勇酒酣攘臂作勢士寶徐以箸點其胸曰子盍坐而言乎擊遂默然少頃辭去越日死於橋亭明季福王南渡兵部員外郎何剛薦士寶為伏波營游擊未之官南都陷終老於家所傳弟子有王聖蕃池天榮天榮又傳浙江提督喬照其槍譜二種及治傷藥酒方世猶有藏之者

馮行貞字服之江南常熟人父班以文學著兄行賢傳其學行貞少亦喜讀書工小詞性倜儻不羈善射能以後矢落前矢投石子於百步外無不中實鷄卵殼以鏢灰遇劇盜輒先發鷄卵中其目山東響馬老瓜賊為行旅患聞馮氏名莫敢擾從休甯程打虎及張老受槍法馳突無敵山行遇虎以短槍斃之嘗為客報警康熙中從康親王傑書軍南征有功當得官尋棄歸僑居吳中婁門外村落以經書教授詩畫自娛年七十餘卒以槍法授同縣陶元淳元淳後無傳

清史稿

藝術傳四

二

甘鳳池江南江寧人少以勇聞康熙中客京師貴邸力士張大義者慕其名自濟南來見酒酣命與鳳池角鳳池辭固強之大義身長八尺餘膂力強大以鐵裹拇騰躍若風雨之驟至鳳池卻立倚柱俟其來承以手大義大呼仆血滿釋解視拇盡嵌鐵中即墨馬玉麟長軀大腹以帛約身緣牆升木捷於探客揚州巨賈家鳳池後至居其上玉麟不平與角技終日無勝負鳳池曰此勁敵非張大義比明日又角數蹈其瑕玉麟直前擒鳳池以駢指卻之玉麟仆地慚遁鳳池嘗語人曰吾力不逾中人所以能勝人者善借其力以制之耳手能破堅握鉛錫化為水又善導引術同里譚氏子病癩醫不效鳳池於靜室室牖戶夜與合背坐四十九日而痊喜任俠接人和易見者不知為貴育雍正中浙江總督李衛捕治江甯顧雲如邪術不軌獄株連百數十人鳳池亦被逮讞擬大辟世宗於此獄從寬未盡駢誅或云鳳池年八十餘終於家江湖間流傳其佚事多荒誕著其可信者

曹竹齋以字行佚其名福建人老而貧賣卜揚州市江淮間健者莫能當其一拳故稱曹一拳少年以重幣請其術不可或怪之則曰此皆無賴子豈當授藝以助虐哉拳棒古先舞蹈之遺也君子習之所以調脈養壽命其粗乃以禦侮必彼侮而我禦之若以之侮人則反爲人所禦而自敗矣無賴子以血氣事侵凌其氣浮於上而立脚虛故因其奔赴之勢略藉手而仆耳一身止兩拳拳之大纔數寸焉足衛五尺之軀且以接四而平惟養吾正氣使周於吾身彼之手足近吾身而吾之拳即在其所近之處以彼虛器之氣與吾靜定之氣接則自無幸矣故至精是術者其微有二一則精神貫注而腹背皆乾滑如腊肉一則氣體健舉而額顛皆肥澤如粉棗是皆血脈流行應乎自然內充實而外和平犯而不校者也嘉慶未歿於揚州年八十餘潘佩言亦以字行安徽歙縣人以槍法著稱稱潘五先生其言槍長九尺而桿圓四五寸然槍入手則全身悉委於桿故必以小腹貼桿使主運後手必盡錚以虎口實擲之前手必直令盡勢以其掌根與後手虎口反正纏絞而虛指使主運兩足亦左虛右實進退相

清史稿

藝術傳四

三

任以趨勢使槍尖前手尖前足尖鼻尖五尖相對而五尺之身自託蔭於數寸之桿遮閉周匝敵仗無從入犯矣其用有數有打其法曰二曰又二以取人又以拒人此又則彼二此二則彼又又二循環兩槍尖交如繞指分寸間出入百合不得令相附桿一附則有仆者故曰千金難買一聲響手同則爭目目同則爭氣氣之運也久暫稍殊而勝敗分焉故其術爲至靜吾授徒百數而莫能傳吾術吾之術受於師者才十之三其十之七則授徒時被其非法相取之勢迫而得之於無意者也是故名師易求佳徒難訪佳徒意在得師以天下之大求之無不如意者至名師求徒雖遇高資妙質足以授道而非其志之所存不能耐勞苦以要之永久則百貢而百見却矣佩言與竹齋同時處揚州後歸歙不知所終

江之桐字蘭崖安徽和州人年十餘歲備於江甯賣餅家嗜讀書其主人異之招至家居之樓上數年讀左傳國語戰國策史記漢書三國志畢乃謝主人去自設小肆於市更習武藝手臂刀矛皆務實用變通成法且讀書且習藝讀稍

倦則趨舉翁張以作其氣已而默坐以凝其神晝夜無間至百日乃睡睡十餘日復如之讀史善疑質之儒生往往無以答其藝通絲長愈刀程格義峭十八棍多取洪門敵硬鬪強以急疾爲用復及陣圖形勢器械皆有理解年六十餘始遇荆溪周濟濟故績學自負經世之略通武藝好談兵與語大悅延教其孫三年而之桐卒濟之言曰兵事至危非得練士能臨敵苦鬪歷三十刻及選鋒一可當三者雖上有致果之志下有死長之心遇強敵不能必克以力爲本以技濟之謂之練士作其勇者謂之選鋒世之便騎射習火器以爲士卒程事取捷速恆不能持久泊乎接刃則霍然而去故曰巧不勝拙若之桐庶爲知務

清史稿

藝術傳四

四

張連字南垣浙江秀水人本籍江南華亭少學畫謁董其昌通其法用以疊石堆土爲假山謂世之衆危石作洞窾者氣象蹙促由於不通畫理故連所作平岡小阪陵阜陂陁錯之以石就其奔注起伏之勢多得畫意而石取易致隨地材足點綴飛動變化無窮爲之既久土石草樹咸識其性情各得其用創手之始亂石林立躊躇四顧默識在心高坐與客談笑但呼役夫某樹下某石置某處不假斧鑿而合及成結構天然奇正罔不入妙以其術游江以南數十年大家名聞多出其手東至越北至燕多慕其名來請者四子皆衣食其業晚歲大學士馮銓聘赴京師以老辭遣其仲子往康熙中卒後京師亦傳其法有稱山石張者世業百餘年未替吳偉業黃宗義並爲連作傳宗義謂其移山水畫法爲石工比元劉元之塑人物像同爲絕技云葉陶字金城江南青浦人本籍新安善畫山水康熙中祇候內廷奉敕作暢春園圖本稱旨即命佐監造園成賜金馳驛歸尋復召卒於途

劉源字伴阮河南祥符人隸漢軍旗籍康熙中官刑部主事供奉內廷監督蕪

湖九江兩關技巧絕倫少工畫會繪唐淺烟閣功臣像鐫刻行世吳偉業贈詩紀之及在內廷於殿壁畫竹風枝兩葉極生動之致為時所稱手製清烟墨在案天一青麟髓之上於一笏上刻陳王閣序心經字畫嶄然奉敕製太皇太后及皇貴妃寶範撥蠟精絕時江西景德鎮開御密源呈樣數百種參古今之式運以新意備諸巧妙於彩繪人物山水花鳥尤各極其勝及成其精美過於明代諸密其他御用木漆器物亦多出監作聖主甚眷遇之及卒無子命官奠茶酒侍衛護柩馳驛歸葬恩禮特異焉

唐英字俊公漢軍旗人官內務府員外郎直養心殿雍正六年命監江西景德鎮密務歷監粵海關淮安關乾隆初調九江關復監督密務先後在事十餘年明以中官督造後改巡道督府佐司其事清初因之順治中巡撫郎廷佐所督造精美有名世稱郎密其後御密興工每命工部或內務府司官往專任其事年希堯曾奉使造器甚夥世稱年密英繼其後任事最久講求陶法於泥土釉料坯胎火候具有心得躬自指揮又能郵工慎密撰陶成紀事碑備裁經費工

清史稿

藝術傳四

五

匠解顏臚列諸色釉仿古探今凡五十七種自宋大觀明永樂宣德成化嘉靖萬曆諸官密及冊密定密均密龍泉密宜興密西洋東洋諸器皆有仿製其釉色有白粉青大綠米色玫瑰紫海棠紅茄花紫梅子青驪肝馬肺天藍霽紅霽青鱗魚黃蛇皮綠油綠歐紅歐藍月白翡翠烏金紫金諸種又有澆黃澆紫澆綠填白描金青花水墨五彩錐花拱花抹金抹銀諸名奉敕編陶治圖為圖二十日採石製泥曰淘煉泥土曰煉灰配釉曰製造匣鉢曰圓器修模曰圓器拉坯曰琢器做坯曰採取青料曰煉選青料曰印坯乳料曰圓器青花曰製畫琢器曰蘸釉吹釉曰鑲坯空足曰成坯入密曰燒坯開密曰圓琢洋采曰明爐暗爐曰束草裝桶曰祀神酬願各附詳說備著工作次第後之治陶政者取法焉英所造者世稱唐密

戴梓字文開浙江錢塘人少有機悟自製火器能擊百步外康熙初耿精忠叛犯浙江康親王傑書南征梓以布衣從軍獻連珠火銃法下山有功授道員劄付師還聖祖召見知其能文試春日早朝詩稱旨授翰林院侍講借高士奇

入直南書房尋改直養心殿梓通天文算法預纂修律呂正義與南懷仁及諸西洋人論不合咸忌之陳宏勳者張獻忠養子投誠得官向梓索許互毆搆訟忌者中以蜚語褫職徙關東後赦還家留於鐵嶺遂隸籍所造連珠銃形如琵琶火藥鉛丸皆貯於銃脊以機輪開閉其機有二相銜如牝牡扳一機則火藥鉛丸自落筒中第二機隨之並動石激火出而銃發凡二十八發乃重貯法與西洋機關槍合當時未通用器藏於家乾隆中猶存西洋人貢蟠腸鳥槍梓奉命仿造以十槍資其使臣又奉命造子母礮母送子出墜而碎裂如西洋炸礮聖祖率諸臣親臨視之錫名為威遠將軍鑄製者職名於礮後親征噶爾丹用以破敵

丁守存字心齋山東日照人道光十五年進士授戶部主事充軍機章京守存通天文歷算風角千通之術善製器時英吉利兵犯沿海數省船礮之利為中國所未有守存慨然講求製造西學猶未通行凡所謂力學化學光學重學皆無專書思每與開合大學士卓秉恬薦之命繕進圖說借郎中文康徐有壬

清史稿

藝術傳四

六

赴天津監造地雷火機等器試之皆驗咸豐初從大學士賽尚阿赴廣西參軍事會獲賊黨胡以陽使招降其兄以旻守存製一匣曰手捧雷偽若緘書其中俾以旻致之賊曾會啓匣炸首死尋檻送賊渠洪大全還京邊員外郎從尙書孫瑞珍赴山東治沂州團防造石雷石礮以禦賊尋調直隸襄辦團練上戰守十六策十年回山東創議築堡日照要塞曰濰維賊大舉來犯發石礮聲震山谷賊辟易相戒無犯丁家堡附近之民歸之數年遂成郡聚同治初復至直隸留治廣平防務築堡二百餘所軍事竣授湖北督糧道署按察使充鄉試監試創法以竹筒引江水注閘中時以為便灑江諸省率倣行之尋罷歸所著書曰丙丁祕箭進御不傳於外所傳者曰造化究原曰新火器說

徐壽字雪村江蘇無錫人生於僻鄉幼孤事母以孝聞性質直無華道咸間東南兵事起遂棄舉業專研博物格致之學時泰西學術流傳中國者尙未昌明試驗諸器絕妙壽與金匱華衡芳討論搜求始得十一苦心研索每以意求之而得其真嘗購三稜玻璃不可得磨水晶印章成三角形驗得光分七色知槍

彈之行拋物線疑其仰攻俯擊有異設遠近多靶以測之其成學之艱類此久之於西學其窺見源委尤精製器咸豐十一年從大學士曾國藩軍先後於安慶江甯設機器局皆預其事壽與蘅芳及吳嘉廉龔芸棠試造木質輪船推求動理測算汽機衡芳之力為多造器置機皆出壽手製不假西人數年而成長五十餘尺每一時能行四十餘里名之曰黃鵠國藩激賞之招入幕府以奇才異能薦既而設製造局於上海百事草創壽於船廠槍彈多所發明自製強水棉花藥水煤藥創議繙譯西書以求製造根本於是聘西士偉力亞利傅蘭雅林樂知金楷理等壽與同志華蘅芳李鳳苞王德均趙元益等研究先後成書數百種壽所譯述者曰西藝知新及續編化學鑑原及續編補編化學考質化學求數物體遇熱改易說汽機發軔管陣揭要測地繪圖寶藏與焉法律醫學刊行者凡十三種西藝知新化學鑑原二書尤稱善本同治末與傅蘭雅設格致書院於上海風氣漸開成就甚衆壽名益播山東四川仿設機器局爭延聘壽主其事以譯書事尤急皆謝不往而使其子建寅華封代行大冶煤鐵鑛

清史稿 卷一百一十四 七

開平煤鐵漠河金鑛經始之際壽皆為學畫規制購器選匠資其力焉無錫產桑宜蠶西商購繭奪民利壽攷求烘繭法倡設烘籠及機器繅絲法育蠶者利驟增壽狷介不求仕進以布衣終光緒中卒年六十七子建寅華封皆世其學建寅字仲虎從父於江甯上海助任製造尋充山東機器局總辦福建船政提調出使德國二等參贊游權直隸候補道光緒末張之洞調至湖北監造無烟火藥已成藥炸裂殞焉賜優卹華封字祝三性敏為父所愛秘說精器多授之以製造為治生建寅華封並從父譯書行於世

清史稿 列傳

時人一
推步之學由疏漸密泰西新法晚明始入中國至清而中西菁萃遂集大成聖祖聰明天寶研究歷算妙契精微一時承學之士蒸蒸嚮化肩背相望二百年來推步之學日臻邃密匪特闢古學之榛蕪抑且補西人之罅漏嘉慶初阮元撰時人傳後學一再續之唐宋以來於斯為盛今甄其卓然名家者著於篇其政事文學登於列傳及儒林文苑者西人官欽天監廁於卿貳各自有傳者不具列焉

- 薛鳳祚 博啟
- 王錫闡 方中通
- 梅文鼎 明安圖
- 劉湘焯 王文啟
- 朱鴻 博啟

清史稿 卷一百一十四 一

許如蘭
薛鳳祚字儀甫淄川人少習算從魏文魁游主持術法順治中與法人穆尼閣談算始改從西學盡傳其術因著算學會通正集十二卷考驗二十八卷致用十六卷其曰對數比例者乃西算以假數求真數之便法也曰中法四線以西法六十分為度不便以十進位改從古法以百分為度所列正正弦餘弦正切餘切故曰四線其推步諸書曰太陽太陰諸行法原曰木火土三星經行法原曰交食法原曰歷年甲子曰求歲實曰五星高行曰交食表曰經星中星曰西域回術曰西域表曰今西法選要曰今法表皆會中西以立法以順治十二年乙未天正冬至為元諸應皆從以起算以三百六十五日二十三刻三分五十七秒五微為歲實黃赤道交度有加減恒星歲行五十二秒與天步實元法同梅文鼎謂其書詳於法而無快論以發其趣蓋其時新法初行中西文字輾轉相通故詞旨未能盡暢然貫通其中西要不愧為一代時人之功首云風祚定歲實秒數為五十七與奈端合與穆尼閣以為四十五秒者不同則其學非

墨守穆氏可知或護其謹守穆尼閣成法依數推行衍非篤論也杜知耕字端甫號伯聖柘城舉人精研幾何以利瑪竇徐光啓所譯幾何原本復加刪削作幾何論約七卷後附十條則知耕所作也言其法似為本書所無其實實涵各題之內非能于本書之外別生新義也稱後附者以別于丁氏利氏之增題也又雜取諸家算學參以西人之說依古九章為目作數學論六卷言數非圖不明圖非指不明圖中用甲乙等字作誌者代指也故其書于圖解尤詳梅文鼎稱其圖註九章頗中肯綮云

龔士燕字武任武進人少穎異能文講求性理旁通算術發明蔡氏律呂新書推演黃鍾圓徑開方密率諸法而於元太史郭守敬授時數尤得其秘如求冬至時刻上推百年加一算以為歲周三百六十五日二十四刻二十五分之內滿百年消長一分核之春秋日食三十七事多與符合又如推晦朔弦望以太陽之盈與太陰之遲以太陰之疾與太陽之縮皆相併為同名相從以太陽之盈與太陰之疾以太陰之遲縮太陽之縮皆相減為異名相消乃得盈縮遲疾

清史稿

卷一百一

二

化為加減時刻之差以此加減朔望之大小餘分得定朔弦望諸時刻至盈縮遲疾郭守敬創立三差理隱數繁能審其機括繪圖以明之又如赤道變黃道之法謂在二至後者以度率一零八六五除赤道積度變為黃道宿度在二分後者以度率一零八六五乘赤道積度變為黃道宿度凡此授時之術引伸益明其餘月離五星等法與回回西洋諸算遇有疑難無不洞悉至日月體徑有大小交食限數有淺深具見其奧且悟唐順之弧容直闊之法以推求太陰出入黃道在內在外不離乎六度自是一應七政氣朔交食諸端按法而推百不失一康熙六年詔募天下知算之士於是入都其時欽天監用大統算七政多不合天奉旨在觀象臺每日測驗而金星比算差至十度因修改古法乃據七年所測表景推測太盈縮又據日測五星行度考其遲疾彼此推求加減氣閏轉交諸應測驗皆與天合蓋其法亦本郭守敬太陽為氣應推冬至日躔用之太陰周天為轉應朔望日之日月地球之運同在一直線視點上為交應推日月食用之含氣盈朔虛之奇零為閏應推閏月用之此外又有金木水火

土同聚一宿為合應推五星用之修改諸應取順治元年甲申為元以應世祖章皇帝撫有中夏之祥欽天監名為改應法既改氣閏轉交諸應復改遲疾限及求差諸法又改冬至黃道日出分依步中星內法又盈縮遲疾無積度日食無時差皆與天合臺官交章保薦八年秣書告成奏對武英殿授秣科博士時有薦西人南懷仁等於朝及其質測諸術驗且捷遂定用西法而古秣卒不行十年以疾歸著有象緯考一卷秣言大略一卷其天體論一卷及閏虛中星交食定朔五星諸論俱佚

王錫闈字曉菴吳江人兼通中西之學自立新法用以測日月食不爽秒忽每遇天晴齊極登屋臥鳴吻察星象竟夕不寐著曉庵新法六卷序曰炎帝八節秣之始也而其書不傳黃帝虞夏殷周魯七秣先儒謂係偽作今七秣俱存大指與漢秣相似而章部氣朔未視其真為漢人所託無疑太初三統法雖疏遠而創始之功不可泯也劉洪姜岌次第闡明何祖專力表圭益稱精切自此南北秣象率能好學深思多所推論皆非淺近所及唐秣大衍稍密然開元甲子

清史稿

卷一百一

三

當食不食一行乃為誤詞以自解何如因差以求合乎又曰明初元統造大統秣因郭守敬遺法增損不及百一豈以守敬之術果能度越前人乎守敬治秣首重測日余嘗取其表景反覆布算前後抵牾餘所創改多非密率在當日已有失食失推之咎况乎遺籍散亡法意無徵兼之年遠數盈違天漸遠安可因循不變耶元氏藝不逮郭在廷諸臣又不逮元卒使昭代大典踵陋襲偽雖有李德芳苦爭之然德芳不能推理而秣守陳言無以相勝誠可歎也又曰萬曆季年西人利氏來華頗工秣算崇禎初命禮臣徐光啓譯其書有秣指為法原秣表為法數書百餘卷數年而成遂盛行于世言秣者莫不奉為俎豆吾謂西秣善矣然以為測候精詳可也以為深知法未可也循其理而求通可也安其誤而不辨不可也姑舉其概二分者春秋平氣之中二至者曰日道南北之中也大統以平氣授人時以盈縮定日躔西人既用定氣則分正為一因譏中秣節氣差至二日夫中秣歲差數強盈縮過多惡得無差然二日之異乃分正殊科非不知日行之眺眊而致誤也秣指直以佛已而譏之不知法意一也諸家

造秣必有積年日法多寡任意牽合由人守敬去積年而起自辛巳辟日法而斷以萬分識誠卓也西秣命日之時以二十四命時之分以六十通計一日爲分一千四百四十是復用日法矣至於刻法彼所無也近始每時四分之爲一日之刻九十六彼先求度而後日尙未覺其繁施之中秣則空矣乃執西法反謂中秣百刻不適于用何也且日食時差法之九有六與日刻之九十六何與乎而援以爲據不知法意二也天體渾淪初無度分可指昔人因一日日躔命爲一度日有疾徐斷以平行數本順天不可損益西人去周天五度有奇做爲三百六十不過取便割員豈真天道固然而黨同伐異必曰日度爲非詎知三百六十尙非天眞有此度數乎不知法意三也上古置閏恒于歲終蓋秣術疏闊計歲以置閏也中古法日趨密始計月以置閏而閏于積終故舉中氣以定月而月無中者卽爲閏大統專用平氣置閏必得其月新法改用定氣致一月有兩中氣之時一歲有兩可閏之月若辛丑西拜者不亦糲乎夫月無平中氣者乃爲積餘之終無定中氣者非其月也不能虛衷深考而以鹵莽之習侈

清史稿

卷五十一

四

支離之學是以歸餘之後氣尙在晦季冬中氣已入仲冬首春中氣將歸臘杪不得已而退朔一日以塞人望亦見其技之窮矣不知法意四也天正日躔本起于牛後因歲差自丑及寅若夫合神之說乃星命家毀言明理者所不道西人自命秣宗何至反爲所惑謂天正日躔定起丑初乎况十二次命名悉依星象如隨節氣遞遷子午不妨異地豈元枵鳥味亦無定位耶不知法意五也歲實消長昉于統天郭氏用之而未知所以當用元氏去之而未知所以當去西人知以日行最高求之而未知以二道遠近求之得其一而遺其一當辨者一也歲差不齊必緣天運緩疾今欲歸之偶差豈前此諸家皆妄作乎黃白異距生交行之進退黃赤異距生歲差之屈伸其理一也秣指已明於月何蔽于日當辨者二也日躔盈縮最高幹運古今不同揆之臆見必有定數不惟日月星應同但行遲差微非畢生歲月所可測度耳西人每謂數千年傳人不乏何以亦無定論當辨者三也日月去人時分遠近際徑因分大小則遠近大小宜爲相似之比例西法日則遠近差多而際徑差少月則遠近差少而際徑差多因

數求理遂會其通當辨者四也日食變差機在交分日軌交分與月高交分不同月高交分本道與交于黃道者又不同秣指不詳其理秣表不著其數豈黃道一術足窮日食之變乎當辨者五也中限左右日月際差時或一東一西交廣以南日月際差時或一南一北此爲際差異向與際差同向者加減迥別秣指豈以非所常遇故置不講耶萬一遇之則學者何以立算當辨者六也日光射物必有虛景虛景者光徑與實徑之所生也聞虛恒縮理不出此西人不知日有光徑僅以實徑求開虛及至推步不符復酌損徑分以希偶合當辨者七也月食定望惟食甚爲然虧復四限望有差日食稍離中限卽食甚已非定朔至于虧復相去尤遠西秣乃言交食必在朔望不用眺眎次差當辨者八也又曰語云步秣甚難辨秣甚易蓋言象緯森羅得失無所遁也據彼所說亦未嘗自信無差五星經度或失二十餘分躔離表驗或失數分交食值此所失當以刻計凌犯值此所食當以日計矣故立法不久違錯頗多余於秣說已辨一二乃癸卯七月望食當既不既與夫失食失推者何異乎且譯書之初本言取西

清史稿

卷五十一

五

秣之材質歸大統之型範不謂盡墮成憲而專用西法如今日者也余故兼采中西去其疵類參以己意著秣法六篇會通若干事改正若干事表明若干事增益若干事立法若干事舊法雖外而未遽廢者兩存之理雖可知而上下千年不得其數者缺之雖得其數而遠引占測未經自信者別見補遺而正文仍襲其故爲口一百幾十有幾爲文萬有千言非敢妄云窺其堂奧庶幾初學之津梁也其法度法百分日法百刻周天三百六十五度二十五分六十五秒五十九微三十二纖內外準分三十九分九十一秒四十九微次準九十一分六十八秒八十六微黃道歲差一分四十三秒七十三微二十六纖列宿經緯角一十度七十三分七十九秒南二度一分二十三秒九一十度八十二分二十四秒北三度一分一秒氏一十八度一十六分一十四秒北四十三分九十六秒房四度八十三分六十三秒南五度四十六分一十九分心七度六十六分二秒南三度九十七分三十八秒尾一十五度八十二分七十八秒南一十五度二十一分九十秒箕九度四十六分九十六秒南六度五十九分四十九秒

南斗二十四度一十九分八十二秒南三度八十八分九十三秒牽牛七度七十九分五十五秒北四度七十五分一十七秒婺女一十一度八十二分二分北八度二十分五十九秒虛一十度一十二分九十一秒北八度八十二分七十分秒危二十度四十一分四秒北一十度八十五分六十二秒營室一十五度九十二分二十秒北一十度七十一分七十一秒是曉蕪新法未成作秣說六篇秣策一篇其說精核與新法互有詳略又隱括中西步術作大統西秣啓蒙丁未歲因推步大統法作丁未秣稿辛酉八月朔日食以中西法及己法豫定時刻分秒至期與徐發等以五家法同測已法獨合作推步交朔測小記又以治秣首重制員作員解測天當據儀器造三晷兼測日月星因作三辰晷志俱能究術數之微與補西人所不逮與同時青州薛風祚齊名稱南王北薛云秣策有云每遇交會必以所步所測課較疏密疾寒暑無間變周改應增損經緯遲疾諸率于茲三十年所亦可以想見作者實測之詣力矣潘樞樟字力田與王錫闡同邑友善錫闡嘗館其家講論算法常窮日夜樞樟著辛丑秣辨曰

清史稿

卷八十一

六

昔堯命羲和以閏月定四時成歲蓋秣法首重置閏而春秋傳曰先王之正時也履端于始舉正于中歸餘于終所謂始者取氣朔分齊為秣元也所謂中者月以中氣為定無中氣者則為閏也所謂終者積氣盈朔虛之數而閏生焉也自漢以降秣術屢變未有能易此者唯西域諸秣則不然其法有閏年有閏日而無閏月蓋中秣主日而西秣主度不可強同也今之為西秣者乃以日躔求定氣求閏月不惟盡廢中國之成憲而亦自悖西域之本法矣故十餘年來宮度既紊氣序亦訛如戊子之閏三月也而置在四月庚寅之閏十一月也而置在明年之二月癸巳之閏七月也而置在六月己亥之閏正月也而置在三月其為舛誤何可勝言然非深于秣者未易指摘至于辛丑之閏月則其失顯然無以自解矣何也閏法論平氣而不當論定氣若以平氣則是年小雪在十月晦冬至在十一月朔而閏在兩月之間所謂閏前之月氣在晦閏後之月中氣在朔者也今以定氣則秋分居九月朔故預于七月朔置閏然後秋分仍在八月而霜降小雪各歸其月無如大寒定氣乃在十一月朔而十二月又無

中氣既不可再置一閏則是同一無中氣之月而或閏或否彼所云太陽不及交宮即置為閏者何獨於此而自背其法乎蓋孟非歸餘之終故天正不能履端於始地正不能舉正於中也如此則四時不定歲功不成而閏法又安用之且壬寅正月定朔舊法在丙子丑初即彼法亦在丙子子則則辛丑之季冬當為大盡而明年正月中氣復移於今歲之秒彼亦自覺其未安故進歲朔於乙亥而季冬為小盡之月皆所謂欲蓋彌彰者耳即辛丑歲朔以彼法推當會於亥正而今在戌正至六刻其他抵牾更難枚舉噫作法如是而猶自以為盡善可乎蓋其說以日行盈縮為節氣短長每遇日行最盈則一月可置一氣是古有氣盈朔虛而今更有氣虛朔盈矣然或晦兩節氣而中氣介其間如丙戌仲冬去閏稍遠猶可不論獨辛丑仲冬至大寒俱在晦朔去閏最近進退無據苟且遷就有不勝其弊者夫閏法之主平氣行之已數千年矣今一變其術未久而輒窮至於無可如何則又安取紛更為也種樞樟後坐法死弟末亦學秣算見文苑傳

清史稿

卷八十一

七

方中通字位伯桐城人集諸家之說著數度衍二十四卷附錄一卷言九章皆出於句股環短以為圓合矩以為方方數為典以方出圓句股之所生也少廣方圓所出也方田商功皆少廣所出一方一圓其間不齊始出差分而均輸對差分之數盈虧借差求均又差分均輸所出而以方程濟其窮度量衡原出黃鐘粟布出焉黃鐘出於方圓者也又言古法用竹徑一寸長六分二百七十一而成六觚為一握後世有珠算而古法亡矣泰西之筆算籌算皆出九九尺算即比倒規出三角乘莫善於籌除莫善於筆加減莫善於珠比例莫善於尺其珠算歸法三三三十一四一二二之類十字俱作餘字其尺算以三尺交加取數祇用平分一線時廣昌揭暄亦明算術與中通論難日輪大小得光肥影瘦之故及古今歲差之不同須測算消長以齊之一晝夜人一萬三千五百息每息宗動天行十萬里有奇別錄為一書曰揭方問答揭暄字子宜廣昌人著璇璣遺書七卷一名寫天新語論日月東行如槽之滾丸而月質不變又謂七政之小輪皆出自然如盤水之運旋而周遭以行疾而成旋渦遂成留逆於五

星西行日月盈縮皆設譬多方言之近理康熙己巳以草稿寄梅文鼎抄其精語爲一卷稱其深明西術而又別有悟入其言多古今所未發卒年逾八十梅文鼎字定九號勿庵宣城人兒時侍父士昌及塾師羅王賓仰觀星象輒了然於次舍運轉大意年二十七師事竹冠道士倪觀湖受麻孟旋所藏臺官交食法與弟文鼎文鼎共習之稍稍發明其立法之故補其遺缺著秣學駢枝二卷後增爲四卷倪爲首肯值書之難讀者必欲求得其說往往廢寢忘食殘編散帖手自抄集一字異不敢忽過時人子弟及西域官生皆折節造訪有問者亦詳告之無隱期與斯世共明之所著秣算之書凡八十餘種讀元史授時秣經數其法之美作元史秣經補註二卷又以授時集古法大成因參校古術七十餘家著古今秣法通考七十餘卷授時以六術攷古今冬至取魯獻公冬至證統天術之疏然依其本法步算與授時所得正同作春秋以來冬至考一卷元史西征庚午元術西征者謂太祖庚辰庚午元者上元起算之端也秣志訛太祖庚辰爲太宗不知太宗無庚辰也又訛上元爲庚子則於積年不合考而

清史稿

卷八

八

正之作庚午元算考一卷授時非諸古術所能方郭守敬所著秣草乃秣經立法之根括其義之精微者爲郭太史算草補註二卷立成傳寫魯魚不得其說不敢妄用作大統立成註二卷授時術於日躔盈縮月離遲疾並以堦積招差立算而九章諸書無此術從未有能言其故者作平立定三差詳說一卷此發明古法者也唐九執術爲西法之權輿其後有婆羅門十一曜經及都聿利斯經皆九執之屬在元則有札馬魯丁西域萬年術在明則馬沙亦黑馬哈麻之回回術西域天文書天順時具琳所刻天文實用印本此書作回回秣補註三卷西域天文書補註二卷三十雜星考一卷表景生於日軌之高下日軌又因里差變移作四省表景立成一卷周髀所言里差之法卽西人之說所自出作周髀算經補註一卷渾蓋之器最便行測作渾蓋通測憲圖說訂補一卷西國以太陽行黃道三十度爲一月作西國日月攷一卷西術中有細草猶授時之有通軌也以秣指大意彙括而注之作七政細草補註三卷新法有交食蒙求七政蒙引二書並逸作交食蒙求訂補二卷附說二卷監正楊光先不得已日

食圖以金環食與食甚分爲二圖而各有時刻其誤非小作交食作圖法訂誤一卷新法以黃道求赤道交食細草用儀象志表不如弧三角之親切作赤道宿度法一卷謂中西兩家之法求交食起復方位皆以東西南北爲言然東西南北惟日月行至午規而又近天頂則四方各正其位非然則黃道有斜正之殊而自虧至復經歷時刻輾轉遷移弧度之勢頃刻易向且北極有高下而隨處所見必皆不同勢難施諸測驗今別立新法不用東西南北之號惟人所見日月員體分爲八向以正對天頂處爲上對地平處爲下上下聯爲直線作十字橫線命之曰左曰右此四正向也曰上左右曰下左右則四隅向也乃以定其受蝕之所在則舉目可見作交食管見一卷太陽之有日差猶月離交食之有加減時因表說含糊有誤作日差原理一卷火星最爲難算至地谷而始密解其立法之根作火緯圖法一卷訂火緯表記因及七政作七政前均簡法一卷天問略取緯不真而列表從之誤作黃赤距緯圖辦一卷新法帝星句陳經緯刊本互異作帝星句陳經緯考異一卷測帝星句陳二星爲定夜時

清史稿

卷九

九

之簡法作星軌真度一卷以上皆以發明新法算書或正其誤或補其缺也已未明史開局秣志爲錢塘吳任臣分修經嘉禾徐善北平劉獻廷昆陵楊文言各有增定最後以屬黃宗義又以屬文鼎補其訛誤五十餘處以算草通軌補之作明史秣志擬稿一卷雖爲大統而作實以闡明授時之奧補元史之缺略也其總目凡三曰法原曰立成曰推布而法原之目七曰句股測望曰弧天割員曰黃赤道差曰黃赤道內外度曰白道交周曰日月五星平立定三差曰里差刻漏立成之目凡四曰太陽盈縮曰太陰遲疾曰晝夜刻曰五星盈縮推步之目凡六曰氣朔曰日躔曰日離曰中星曰交食曰五星又作秣志贅言一卷大意言明用大統實卽授時宜詳元史缺載之事以補其未備又回回算承用三百年法宜備書了鄭世子秣學已經進呈宜詳述他如袁黃之秣法新書唐順之周學述之會通回算以庚午元歷之例例之皆得附錄其西洋秣方今現行然崇禎朝徐李諸公測驗改憲之功不可沒也亦宜備載緣起己已至京師謁李光地于邸第謂曰秣法至本朝大備矣而經生家猶若望洋者無快論以

發其趣也宜略仿元趙友欽革象新書體例作簡要之書俾人人得其門戶則
從事者多此學庶將大顯因作秣學疑問三卷光地扈駕南巡駐蹕德州有旨
取所刻書籍回奏光地匆遽未及携帶遂以所訂刻秣學疑問謹呈求旨朕留
心秣算多年此事朕能決其是非將書留覽再發二日後召見光地上云昨所
呈書甚細心且議論亦公平此人用力深矣朕帶回宮中仔細看閱光地因求
皇上親加御筆批駁改定上肯之明年冬未春駕復南巡於行在發回原書而
諭光地朕已細細看過中間圈點塗抹及簽貼批語皆上手筆也光地復請此
書批繆所在上云無疵病謬但算法未備蓋其書本末完成故聖諭及之未幾
聖祖西巡問隱淪之上光地以關中李永河南張沐及文鼎三人對上亦夙知
永及文鼎乙酉二月南巡狩光地以撫臣扈從上問宣城處士梅文鼎焉在光
地以尚在臣署對上曰朕歸時汝與偕來朕將而見四月十九日光地與文鼎
伏迎河干越日召對御舟中從容垂問至于移時如是者三日上謂光地曰
秣象算法朕最留心此學今鮮知者如文鼎真僅見也其人亦雅士惜乎老矣

清史稿

四八

十

連日賜御書扇幅頒賜珍饌臨辭特賜續學參微四大字越明年又命其孫毅
成內廷學習五十二年毅成奉上諭汝祖留心律秣多年可將律呂正義寄一
部去令看或有錯處指出其好夫古帝有都兪吁咈四字後來遂止有都兪即
朋友之間亦不喜人規觀此皆是私意汝等須竭力克去則學問長進可併將
此意寫與汝祖知之恩寵為古所未有文鼎聞注各省直及蒙古各地南北東
西之差為書一卷名分天度里地既渾員則所云二百五十里緯度則然若經
度離赤道遠則里數漸狹故惟路正東西行自有一定算法路或斜行則其法
不可用為立法若兩地各有北極高度又有相距之經度而無相距里數是有
兩邊一角而求餘一角即可以知斜距之里若先有斜距之里數而求經度是
為三邊求角亦可以知相距之經度其法並用斜弧三角形立算可與月食求
經度之法相參而且簡易的確文鼎於測算之圖與器一見即得要領古六合
三辰四遊之儀以意約為小製皆合又自製為月道儀揆日測高諸器皆自出
新意嘗登觀象臺流覽新製六儀及元郭守敬簡儀明初渾球指數其中利病

皆如素習其書有測器考二卷又自鳴鐘說一卷壺漏考一卷日晷備考一卷
赤道提舉一卷勿菴揆日器一卷加時日軌高度表一卷揆日測說一卷璇璣
尺解一卷測量定時簡法一卷勿庵測望儀式一卷勿庵仰觀儀式一卷月道
儀式一卷其說曰月道出入于黃道猶黃道之出入于赤道也自古及今未有
為之儀器者今依渾蓋北密南疏之度以黃極為極而月道半在其內半出其
外則月緯大小之理及正交中交交前交後之法可以眾著儀以銅為之略如
渾蓋其上盤為月道亦如渾蓋天盤之黃道圍其下盤黃道經緯分宮分度並
以黃極為心而機邊以黃緯九十五度少半為限出黃道南五度少半月道所
到也禮部郎中李煥斗嘗從文鼎問秣法作答李祠部問秣一卷滄州老儒劉
介錫同客天津問秣法作答劉文學問天象一卷又言生平於難讀之書每手
疏而携諸篋以待明者問之於秣學尤多作思問編一卷緯度以測日高因知
北極為用甚博古用二至二分今則逐日可測承友人之問作七十二候太陽
緯度一卷潘天成從文鼎學秣而苦于布算作寫秣步秣法一卷授之又授時

清史稿

四八

十一

步交食式一卷文鼎季弟文鼎之稿也步五星式六卷文鼎與其仲弟文鼎共
成之者也文鼎每得一書皆為正其訛闕指其得失又古秣列星距度考一卷
從殘壞之本尋其普天星宿入宿去極度分中缺二星又從閩中林何寫本補
完之而斷以為授時之法萬曆中利瑪竇入中國始倡幾何之學以點線而體
為測量之資制器作圖頗為精密學者張皇過甚未暇深攷輒薄古法為不足
觀而株守舊法者又斥西人為異學兩家之說遂成隔礙文鼎集其書而為之
說用器用尺用筆稍稍變從我法若三角比例等原非中法可該特為表出古
法方程亦非西法所有則專著論以明古人之精意不可湮沒又為九數存古
以著其概總為中西算學通例一卷餘分九種一勿庵籌算七卷二筆算五卷
皆易橫為直以便中文三度算一卷原無算例其弟文鼎補之而參以嘉禾陳
蓋謨尺算用法又有矩算用一尺一方板則文鼎所創四比例數解四卷釋穆
尼閣所譯之對數五三角法舉要五卷其目有五曰測量名義曰算例曰內容
外曰口或問曰測量六方程論六卷安溪李鼎徵為刻于泉州七幾何摘要三

卷就原本刪繁補遺八句股測量二卷就周髀海島諸術錄要以存古意成九
九數存古十卷九數即九章錄首之法僅存者九章之目耳後有作者莫能出
其範圍外有書一十七種為續編一少廣拾遺一卷古有一乘方至九乘方相
生之圖而莫詳所用後或增之至十乘惟四乘方與十乘方不可借用他物因
為推演至十二乘方有條不紊二方田通法一卷算家有捷田二十三法廣之
為百二十有四三幾何補編四卷幾何原本六卷止於測面七卷以後未經譯
出取測量全義量體諸率實攷其作法根源以補原書之未備而原書二十等
而體之說向固疑其有誤者今乃得其實數又原本理分中末線但有求作之
法而莫知所用今依法求得十二等面及二十等面之體積因得其各體中校
線及輻心對角諸線之比例又兩體互相容及兩體與立方立員諸體相容各
比例並以理分中末線為法乃知此線不為徒設四西鏡錄訂註一卷五權度
通幾一卷重學為西術一種載於比例規解者多譌誤今以南動卿儀象志互
相訂補其數始真六奇器補註二卷關中王公徵奇器圖說所述引重轉木諸

製並有碑於民生日用而又本於西人重學以明其意嘗以書史所傳如漢杜
詩作水輻以便民及王氏農書諸水器之類諸記所及如劉繼杜詩集載筒車
灌田法稍為輯錄以補其所遺而圖與說不相應者正之以西字為識者易之
七正弦簡法補一卷大測諸書言作八線表之法詳矣薛鳳祚書有用矢線求
度法為之作圖以明其意因得兩法在六宗三要之外而為用加捷兩法者一
曰正弦方密倍而退位得倍弧之矢一曰正矢進位折半得半弧正弦上方幕
八弧三角舉要五卷秣書皆三角法也內分二支一曰平三角一曰弧三角凡
秣法所測皆弧角也弧線與直線不能為比例則剖析渾員之體而各於弧線
中得其相當直線即於無句股中尋出句股此法之最奇而確者弧三角之用
法雖多而其最著明者為黃赤交變一圖反覆推論瞭如列眉然此一端則其
餘不難推及矣測量全義第七第八第九卷專明此理而舉例不全且多錯謬
其散見諸秣指者僅存用數無從得其端倪天學會通圖線三角法作圖草率
往往不與法相應一以上弧三角為綱仍用渾儀解之正弧三角之理盡歸句

股參伍其變斜弧三角之理亦歸句股矣其目曰弧三角體式曰正弧句股曰
求餘角法曰弧角比例曰垂線曰次形曰垂弧捷法曰八線相當九環中黍尺
五卷舉要中弧法之法已詳然更有簡妙之用宜知測量合義原有斜弧兩矢
較之例所立圖姑為斜望之形而無實度可言今一以平形正儀為主凡可以
算得者即可以器量渾儀真象呈諸片楮而經緯歷然無絲毫隱伏假借至於
加減代乘除之用秣書舉其名不詳其說疑之數十年而後得其條貫即初數
次數甲數乙數諸法其目曰總論曰先數後數曰平儀論曰三極通幾曰初數
次數曰加減法曰甲數乙數曰加減捷法曰加減又法曰加減通法十壘塔測
量二卷古法斜剖立方成兩壘塔形壘塔又剖為二成立三角立三角為量體
所必需然此義皆未發今以渾儀黃赤道之割切二線成立三角形立三角本
實形今諸線相遇成虛形與實形等而四面皆句股西法通於古法矣又于餘
弧取赤道及大距弧之割切線成句股方錐形亦四面皆句股即弧度可相求
亦不言角古法通于西法矣二者並可以堅格為儀象之則八線相為比例之

理瞭如掌紋而郭守敬員容方直矢接句股之法不煩言說而解其目曰總論
曰立三角摘要曰渾員內容立三角曰句股錐曰句股方錐曰方壘塔容員壘
塔曰員容方直儀簡法曰郭太史本法曰角即弧解十一用句股解幾何原本
之根一卷幾何不言句股而其理莫能外故其最難通者以句股釋之則明惟
理分中末線似與句股異源今為游心於立法之初仍不外乎句股益信古句
股義包舉無遺徐光啓譯大測表名之曰割圓句股八線表其知之矣十二幾
何增解數則其目有四曰以方斜較求斜方曰切線角與員內角交互相應曰
量無法四邊形捷法曰取平行線簡法並就幾何各題而增不入補編附前條
共卷十三仰觀覆地二卷一查地平經度為日出入方位一查赤道經度為日
出入時刻並依理差用弧三角立算與秣書法微別十四方員器積二卷秣書
周徑率至二十位然其入算仍用古率十一與十四之比例豈非以乘除之際
難用多位輿今以表列之取數殊易乃為之約法則徑與周之比例即方員二
審之比例亦即為立方立員之比例殊為簡易直捷十五麗澤珠璣一卷友朋

之益取其有開算學者十六算器考一卷十七數學星槎一卷文鼎算學疑問
曾呈御覽後又引中其說作算學疑問補二卷皆平正通達可為步算家準則
文鼎為學甚勤劉輝祖同舍館告桐城方苞曰吾每寐覺漏鼓四五下梅君猶
構燈夜誦乃今知吾之玩日而愒時也居京師時裕親王以禮延致朱邸稱梅
先生而不名李文貞公命子鍾倫從學介弟鼎徵及從從皆執弟子之禮宿遷
徐川錫晉江陳萬策景州魏廷珍河間王蘭生皆以得與參校為榮家多藏書
類年遊歷手抄雜帙不下數萬卷歲在辛丑卒年八十有九上聞特命有地治
者經紀其喪士論榮之子以燕字正謀康熙癸酉舉人於算學頗有悟入有法
與加減同理而取徑特殊能於恒星秣指中摘出致問文鼎所謂能助余之思
也早卒習成字玉汝以燕子文鼎疑曰差既有二根即宜列二表製成以為定
朔時既有高卑盈縮之加減矣復用于此豈非複乎文鼎因其說然後悟交食
之非缺比之童鳥九歲能與太元康熙乙未進士改編修與修國史製成肄蒙
蒙發齋以故數學日進御製數理精蘊蘇象考成諸書皆與分纂所著增刪纂

清史稿

卷八十一

十四

法統宗十一卷赤水遺珍一卷操縱履言一卷明代算家不解立天元術製成
謂立天元一即西法之借根方其說曰嘗讀授時秣草求弦矢之法先立天元
一為矢而元學士李治所著測圓海鏡亦用天元一立算傳寫魯魚算式訛舛
殊不易讀明唐荆川顧憲成兩公互相推重自謂得此中三昧荆川之說曰藝
士著書往往以秘其機為奇所謂天元一云爾如積求之云爾漫不省其為何
語而若溪則言細考測圓海鏡如求城徑即以二百四十為天元半徑即以
百二十為天元即知其數何用算為似不必立可也二公之言如此余于顧說
頗不謂然而無以解也後供奉內廷蒙聖祖仁皇帝授以借根之法且諭曰西
人名此書為阿爾熱八達譯言東來法也敬受而讀之其法神妙誠算法之指
南而竊疑天元一術之頗與相似復取授時秣草觀之乃煥然冰釋殆名異而
實同非徒似之而已夫元時學士著書彙官治秣草非此物乃歷久失傳猶幸
遠人慕化復得故物東來之名彼尚不忘所自而明人視若贅疣而欲棄之噫
好學深思如唐顧二公尚不能知其意而淺見寡聞者又何足道哉明史非開

史館設成與修天文秣志呈總裁書曰一秣志半係先祖之業但屢經改竄非
復原本其中訛舛甚多凡有增刪改正之處皆逐條籤出一天文志不宜入秣
志擬仍另編蓋秣以欽若授時置閏成歲其術委曲繁重其理精微為說深長
且有明二百七十餘年沿革非一事遺秣者非一家皆須入志雖盡力刪削卷
帙猶繁若加入天文志之說則恐冗雜不合史法自司馬氏分秣與天官為二
書歷代因之似不可易一天文志例載天體星座次舍儀器分野等事遼史謂
天象千古不變歷代之志天文者近于衍其說似是而非蓋天象雖無古今之
異而古今之言天者則有疏密之殊况恆星去極交宮中星晨昏隱現歲歲有
差安得謂千古不易今擬取天文家精妙信也擬削之又時憲志用圖論曰客
問于梅子曰史以紀事因而不創開子之志時憲也用圖此固廿一史所無而
子創為之宜執事以為非體而欲去之也而子固執已見復嗷嗷上言獨不記
昌黎之自訟乎吾竊為子危之梅子曰吾聞史之道貴信而直余本不願為史
官總裁謂時憲天文兩志非專家不能辦不以為固陋而委任之余既不獲辭

清史稿

卷八十一

十五

不得不盡其職今客謂舊史無圖而疑余之創竊謂史之記事亦視其信否耳
因創非所計也夫後史之增于前者多矣漢書十志已不侔于八書而後漢皇
后本紀與魏書之志釋老唐書之傳公主宋史之傳道學皆前史所無又何疑
于國史用圖之為創哉且客未讀明史耶明史於割員孤矢月道距離諸圖備
載秣志何明史不疑為創而顧疑余乎客曰後史增于前者必非無因若明史
之用圖亦有說歟梅子曰疑以傳疑信以傳信春秋法也作史者誰能易之古
之治秣者數十家大率不過增損日法益天周減歲餘以求合一時而已即太
初之起數鍾律大衍之造端著策亦皆牽合並未深探天行之故而發明其
所以然之理本未嘗有圖史臣何從取而載之至元郭太史修授時不用積年
日法全憑實測用句股割員以求弦矢于是有割員諸圖載于秣草作元史時
不知探摭則宋王諸公之疏也明之大統實即授時本朝纂修明史諸公以義
非圖不明遂採秣草入志其識極超復經聖君賢相鑒定不以為非體而去之
俾精義傳于無窮洵足開萬古作史者之心胸矣至于時憲立法之妙義蘊之

與悉具于圖更不可去如必以去圖爲合體豈以明史爲非體而本朝之制不足法歟且客亦知時憲之圖所自來乎我聖祖仁皇帝憫絕學之失傳留心探索四十餘年見透底蘊始親授儒臣作圖立說以闡明千古不傳之秘即御製秣象考成是也余親承聖訓實與彙編之列彼前輩纂修明史尙不忍沒古人之善創例以傳之而余以承學之臣恭紀御製顧恐失執事之意而遂就迎合以致聖學不彰貽誤後學尙得謂之信史乎不信之史人可塞責而何用余越俎而代之余之嘷嘷非沽直不得已也然則韓子之自訟亦謂其言之可以已者耳使韓子果務爲容悅以求倖免則諍臣之論佛骨之表又何爲若是其侃侃哉客唯唯而退又儀象論曰齊政授時儀象與算術並重蓋非算術無以預推節候以前民用非儀象無以測現在之行度以驗推步之疏密而爲修改之端也虞書璇璣玉衡爲儀象之權輿其制不傳漢人創造渾天儀即璣衡遺製唐宋皆倣爲之至元始有簡儀仰儀闕几景符等器視古加詳矣明于齊化門南倚城築觀象臺倣元制作渾儀簡儀天體三儀置于臺上臺下有景影堂圭

清史稿

卷一百一

十六

表壺漏國初因之康熙八年命造新儀十一年告成安置臺上其舊儀移藏他室五十四年西人紀理安欲炫其能而滅棄古法復奏製象限儀遂將所遺舊器用作廢銅僅存明仿元渾儀簡儀天體三儀而已所製象限儀成亦置臺上按明史云嘉靖間修相風杆及簡渾二儀立四大表以測晷影而立連儀正方案懸琴偏器具備于觀象臺一以元法爲斷余于康熙五十二年間充彙纂齊彙編官屢赴觀象臺測驗見臺下所遺舊器甚多而元製簡儀仰儀諸器俱有王珣郭守敬監造姓名雖不無殘缺然視其遺制想見創造苦心不覺肅然起敬也乾隆年間監臣受西人之愚屢欲廢臺下餘器作銅送製局賴廷臣奉請存留禮部奉旨查檢始知僅存三儀殆紀理安之燼餘也夫西人欲藉技術以行其教故將盡滅古法使後世無所攷彼益得以居奇其心叵測乃監臣無識不思存什一於千百而反助其爲虐何哉乾隆九年冬有旨移置三儀於紫微殿前古人法物庶幾可以永存矣又論句股曰句股和較相求言算學者莫不留心其法可謂詳且備矣未有以句股積與句弦和較爲問者元學士李

治著測圖海鏡用餘句餘股立算神明變化幾如五花八門亦未及此豈俱未計及耶抑有其法而遺之耶統宗少廣章內雖有句股積及句弦較兩題乃偶合于句三股四之數非通法昔待罪蒙養齋彙編數理精蘊意欲立法以補其缺先用平方輾轉推求皆不能御思之累日而後得用帶縱方立求句股二法卒年八十有三謚文穆鈔字導和贊成第四子也贊成纂叢書輯要六十餘卷圖皆所繪刪訂統宗圖十之七八皆出其手年二十六卒文鼎字和仲文鼎從弟也初學秣時未有五星通軌無从入算與兄鼎取元史秣經以三差法布爲五星盈縮立成然算之共成步五星式六卷早卒文鼎字爾素文鼎季弟也著中西經星同異考一卷以三垣二十八宿星名依步天歌次第臚列其目而以中西有無多寡分注其下載古歌西歌于後古歌即步天歌西歌則利瑪竇所撰經天該也其南極諸星則據湯若望算書及南懷仁儀象志爲考證補歌附之于末其發凡略言齊七政非先定恒星則無从著手故曰七政如乘傳位星其地志也七政如行棋恒星其棋局也曰恒者謂其終古不易曰經者謂其不

清史稿

卷一百一

十七

同緯星南北行經亦有恒之義焉是編專以中西兩家所傳之星歌星名攷其多寡同異故曰經星同異考星官之書自黃帝始重黎義和志天文者紛雜不一漢張衡云中外之官常明者百有二十四可名者三百二十爲星二千五百微星之數蓋萬一千五百二十至三國時太史令陳卓始列廿石巫咸三家所著星總二百八十三官一千四百八十四星自唐以來以儀考測迨宋兩朝志始能言某星去極若干度入某星若干度爲說較詳此中國之言星學者西儒星學遠有端緒據其書所譯周禮王丙寅古地末一測漢永和戊寅多祿某一測明嘉靖乙酉尼谷老一測萬曆乙酉第谷一測崇禎戊辰湯若望一測國朝康熙壬子南懷仁著儀象志又依歲差改定黃經及赤經今依南公志表稽其大小分爲六等一等大星一十有六二等星六十有八三等星二百有八四等星五百一十有五等星三百四十有六等星七百三十有二總計一千八百七十八其微茫小星則不能以數計此泰西之學也文氣又有累年算稿文鼎爲錄在名授時步交食式一卷又有幾何類求新法算書中比例規解本

無算例文鼎作度算用文鼎所補而參之以陳蓋謨尺算用法

明安圖字靜庵蒙古正白旗人官欽天監監正受數學於聖祖預修考成後編御定儀象考成因西士杜德美用連比例演周徑密率及求正弦正矢之法知其理深奧索解未易因積思三十餘年著割圓密率捷法四卷一曰步法於杜氏三法外補創弧背求通弦求矢法仍杜氏但通加一四除耳又弦矢求弧背並通弦矢求弧背凡六法合杜氏共成九法其弦求弧背法以弦為連比例二率半徑為一率求得三四六七八十諸率以一一三五七九之五數各自乘為累次乘數二三四五六七八九相挨兩兩相乘為累次除數即用二率為第一得數復置四率以第一乘數乘之第一除數除之為第二得數又置六率以第一第二乘數乘之第一第二除數除之為第三得數又置八率以第一第二第三乘數乘之第一第二第三除數除之為第四得數如是累求至所得數祇一位止乃併之即所求之弧背也矢求弧背法倍正矢為連比例三率亦以半徑為一率求得五七九十一諸率以一二三四五之五數各自乘為累次乘數三

清史稿

卷八十八

十八

四五六七八九十相挨兩兩相乘為累次除數即用三率為第一得數復置五率以第一乘數乘之第一除數除之為第二得數又置七率以第一第二乘數乘之第一第二除數除之為第三得數又置九率以第一第二第三乘數乘之第一第二第三除數除之為第四得數如是累求至所得數祇一位而止開平方即所求之弧背也通弦求弧背亦各加一四除矢求弧背則三率又多加一四因更創餘弧求弦矢餘弦求本弧及借弧與正餘弦互求四術二曰用法以角度求八線及直線弧線三角形邊角相求共設七題謂今法所以密於古者以用三角形也然三角形非用八線表不能相求惟用此法以立表則甚易以之推三角形則不用表而得數同三四兩卷曰法解皆闡明弦矢與弧背相求之根其法先以一分弧通弦求二分弧通弦之數次以一分二分弧通弦求三分四分全弧通弦之數又因二分五分相乘得十分十分自乘得百分十分千分相乘得萬分遂以半徑為一率一分弧通弦為二率各如相乘之率數求得十萬千萬諸分弧率數比例得弧背求通弦應減四率二十四分之一

六率八十分之一減八率一百六十八分之一加十率二百八十八分之一減十二率四百四十分之一加十四率六百二十四分之一減十六率八百四十分之一各四歸之則二十四得六為二三相乘數八十得二十為四五相乘數一百六十八得四十二為六七相乘數二百八十八得七十二為八九相乘數四百四十得一百一十為十與十一相乘數六百二十四得一百五十六為十二與十三相乘數八百四十得二百一十為十四與十五相乘數故以二三四五六七八九等數兩兩相乘為累次除數又以通弦求得二率一分多四率一分六率九分八率二百二十五分十率一萬一千二十五分十二率八十九萬三千二十五分十四率一億八百五萬六千二十五分得後率分數為實各遞降二等使二率降為四率四率降為六率得前率分數為法以法除實得四率一分為一自乘數六率九分為三自乘數八率二十五分為五自乘數十率四十九分為七自乘數十二率八十一分為九自乘數十四率一百二十一分為十一自乘數十六率一百六十九分為十三自乘數故以一二三五七九等數

清史稿

卷八十九

十九

各自乘為累次乘數次求通弦法求得十萬千萬諸分弧正矢率數比例得弧背求正矢應減五率十二分之一加七率三十分之一減九率五十六分之一加十一率九十分之一減十三率一百三十二分之一加十五率一百八十二分之一減十七率二百四十分之一而十二為三四相乘數三十為五六相乘數五十六為七八相乘數九十為九與十相乘數一百三十二為十一與十二相乘數一百八十二為十三與十四相乘數二百四十為十五與十六相乘數故以三四五六七八九等數兩兩相乘為累次除數又以正矢求得五率一分多七率四分九率三十六分十一率五百七十六分十三率一萬四千四百五十五率五十一萬八千四百四十七率五十五萬四千四百四十分數各遞降二等為前率分數如前通弦法除得五率一分為一自乘數七率四分為二自乘數九率九分為三自乘數十一率十六分為四自乘數十三率二十五分為五自乘數十五率三十六分為六自乘數十七率四十九分為七自乘數故以一二三四五等數各自乘為累次乘數書未成而卒子新續之新字

一第 25 丹 青 分 日 之 入 考 考 8 反 八 句

景臻安圖季子充食俸生安圖病且革以所著捷法授之新遵父命與門下士
陳際新張肱共續成之陳際新字舜五宛平諸生官靈巖郎為監正續明安圖
割員密率捷法尋緒推究質以生前面授之言至乾隆甲午始克成書

劉湘燿字允恭江夏人聞梅文鼎以算名當世嘗產走千餘里受業其門漢
思積悟多所創獲文鼎得之甚喜曰劉生好學精思進啓予不逮其與人書曰
金水二星秣指所說未做得劉生說而後二星之有歲輪其理確不可易因以
所著秣學疑問屬之討論湘燿為著訂補三卷又謂秣法自漢唐以來五星最
疏故其遲留伏逆皆入于占至元郭守敬出而五星始有推步經度之法而緯
則猶未備西法舊亦未有緯度至地谷而後有五星緯度已在守敬後矣秣書
有法原法數並為秣法統宗法原者七政與交食之秣指也法數者七政與交
食經緯之表也故秣指實為造表之根本今秣所載金水秣指如其法以造表
則與所步之表不合如其表以推算測天則又密合是秣雖有表數而猶未知
立表之根也乃作五星法象五卷文鼎深契其說摘其要目為五星紀要湘燿

清史稿

略人傳一

二十

又欲為渾蓋通憲天盤安星之用以戊辰秣元加歲差用弧三角法作恒星紀
緯表根一卷及月離交均表根黃白距度表根各一卷皆補新法所未及也所
著又有論日月食算稿各一卷各省北極出地圖說一卷答全椒吳荷淑算
十問書一卷

王元啟字宋賢號惺齋嘉興人乾隆辛未進士將樂縣知縣究心律秣句股之
學著書已刻者為惺齋雜著內有史記漢書正譌兩種其正史記之譌者為律
書秣書天官書各一卷正漢書之譌者為律秣志上下二卷未刻者為秣法記
疑句股衍角度衍九章雜論而句股衍一書因繁求簡最為精晰分甲乙丙三
集甲書術原三卷乙集綱要二卷丙集晰義四卷甲集首卷通論術原為句股
因積求邊張本二卷專論立方因及平方法三卷專論和數開立方所以盡天
方諸數之變乙集兩卷為相求法百二十三則之綱要丙集四卷即相求法逐
則分晰其義專取發明立法之意其總序曰句股弦相求法參以和較凡得七
十八則求句股中函數又有幕積求容員容方容縱方及依弦作底求容方與

句股求外方外員之數又有積數與句股和較相求容方與句股餘數相求之
法綜而計之凡得二十九則立表測量得求高求遠求深三則重表亦然舊算
書多簡略詳者又苦錯出無緒間嘗力為區別使各以類從先定相求法百十
三則甲申仲秋復理前緒逐一布算捷於舊法而舊法仍附見以資參攷至以
中函積與弦之所和所較相求而得句股弦之正數舊法罕見今亦竊擬一法
以附於後又別創截弦分兩及補句求股補股求句之法分為六則使不成句
股之形亦化為句股并載不成句股求中函積二則容方容員四則外切員徑
一則員內累求句股六則凡又一十九則以該四術三角之算兼備割員之用
使學者知周髀一經於術無所不該後人不能觸類旁通以盡其變故使西術
得出而爭勝其實西術亦出周髀不能出折句為股之外也又略例引言曰算
家句股一門為術最繁非繁指一數以為布算之準難以虛領其義然如廣三
修四見於經者特其正例正例外變例尤多必欲正變兼呈則一卷中彼此錯
出使閱者耳目數易轉增煩瑣茲特標舉略例併不成句股之形亦附見焉以

清史稿

略人傳一

二十一

盡句股之變而該三角之法又答友問句股書曰欲求句股先學開方方有正
方縱方之異縱方則以修廣之和較數開之其次則求四率比例有三率求四
率之法有二率求三率之法又有一率求三率之法知此即可以知求句股各
無零數法以三率之中率為主倍中率為股首末二率相減為句相加為弦依
此衍之得句股略例十數則然後以句股弦為正數兩數相加為和相減為較
又有句股三數相加減之和較數弦與和弦與較和三數相加之和數也弦
與較較弦與和較三數相減之較數也三數相加減今名之為兼三和較凡正
數和較之數各三兼三和較各二共十三數十三數中隨舉兩數即可求句股
弦全數凡得相求法九十四則而容方容員截股分兩立表測量單表重表之
法猶不與焉其次則求截股弦分兩之法是為一句股分兩句股即可以知不
成句股亦可以分兩句股不成句股分兩句股即西法三角算之所由名今則
總以句股概之其法取大小兩句股形小股與大句同類者合為一形即為不
成句股之形分之為兩則所謂中垂線者即小矩之股大矩之句以此衍之又

得不成句股略例二十餘則依類推之又得合形分兩又創形求全二法合形分兩則有正合形截偶分兩反合形截中分兩偏合形截邊分兩之法創形求全則有削去正矩偏矩之殊偏矩中又有淺削深削之分知此則句股之學盡矣元啓營曰我無他長惟好學深思心知其意而已然其句股術一書幾欲駕梅文鼎而上之為算術中不可少之書云

朱鴻字雲陸秀水人嘉慶七年進士改翰林院庶吉士散館授編修擢御史歷給事中出官督理湖南糧儲道研精算學同郡錢儀吉譔三國會要集乾象景初二術成嘗為作注烏程陳杰時為臺官博士陽湖董祐誠亦客京邸皆日從講數各出所得相質問舊無備圓求周術為祐誠言圓柱斜割則成橢圓可以句股形求之祐誠既發明其說係以圖釋初得杜德美割圓九術寫本以示祐誠創圖解三卷既成復得密率捷法於李潢家則蒙古監正明安圖師弟續釋之書也與傳寫本互異鴻曾依杜法步算徑一者周三一四一五九二六五三五八九七九三三三八四六二六四三一八六三六七四七二二七九五一四

清史稿

卷一百一

二十二

周十者徑三一八三零九八八六一八三三零六七一一五三七七七五五四六六九六三三八九零五六六一徐有玉采入務民義齋算學中道光十年後辭官仍居京師謹攷工記車制參解又評程氏易疇攷工創物小記多所糾正云

博啓字繪亭滿洲正白旗人乾隆中官欽天監監副管因句股和較之術前人論之極詳獨句股形中所容之方邊員徑垂線三事尚缺而未備爰以三事分配和較創法六十惜其書未刊法不傳今所傳者惟有方邊及垂線求句股弦一題法用平行線剖容方器為四小句股形借垂線為小句股和借方邊為小弦求小句小股以小股與垂線比若方邊與句比以小句與垂線比若方邊與弦比道光初方履亨官監正每舉此題課士其後得甘泉羅士力為表章博術乃復明于世羅論云曩者聞方慎斧監正言繪亭監副有是法失傳因仿監副遺法用平行線剖半員器為四小句股形以半圓徑減垂線餘借為小句股和借半員為小弦求得小句小股以小股比垂線若半員徑比股以小股比股若

半員徑比弦又以半員徑減方邊得較用平行線剖較器為四小句股形借半員徑為小句股和較為小弦求得小句小股以小股比半員徑若方邊比句以小句比半員徑若方邊比股以小股比股若較比弦用補副監之遺復用元天術演得三事和較六十題更立天地兩元為廣例二十五術撰句股容三事拾遺四卷更試變通其術御以八線取方邊用方斜率得容方中之斜線以垂線為一率半徑為二率斜線為三率求得四率為正割換八線表得度用與四十五度相加減得垂線所分之大小兩弧副以半徑為一率垂線為二率小弧正割為三率求得四率為句如以大弧正割為三率求得四率為股又如以大小兩弧之兩正切為三率求得四率為大小兩弧之兩弦分相併得弦餘二題仿此其得數同而尾數有奇零以八線表所列之數至單位止單位以下棄其餘分故不能如句股與天元所得之密合或有妄詆天元術不能取三角和較者抑知元天創於宋明之間安能逆知西法之有三角而豫為立法要在學者善為會通耳試設平三角形有一角而角在兩邊之中有大邊與對邊和有小邊

清史稿

卷一百一

二十三

與對邊和求三邊及垂線此西人常法所不能御者若立天元一術則任求何邊或和數或較數皆一平方即得然則天元之與西法其優劣可見矣

許如蘭字芳谷全椒人乾隆三十年舉人大挑知縣分發福建因親老改江西歷任浮梁新建等縣事丁憂服闋赴福建題補候官未履任會瘴氣發病卒如蘭性敏所讀書皆究心精妙於算始習西法通薛鳳祚所譯天步真原天學會通時同縣山西甯武同知吳煥受梅文鼎學於劉湘燿如蘭因並習梅氏算又于乾隆四十年夏謁戴震于京都受句股割圓記四十四年謁董化星于常州戴傳楫古算經十書而董則專業薛氏者也由是兼通中西之學嘗謂其弟子胡早春曰古人以句股方程列于小學童而習之人人能曉今則老宿不能通其義一則時尚帖括視句股為不急之務再則習為風雅不屑持籌握算効疇人子弟所為噫過矣又謂士大夫不精弧矢之術雖識天文無益也疇人算工不明象數之理雖能步算無益也著有乾象拾遺春暉樓集諸書今多散佚其存者有書梅氏月建非專言斗柄論後略曰天氣渾淪無可識認古人不

得已即以恒星為天以識日躔恒星積久而差冬至日躔不作原宿始立歲差之法古謂恒星不動而黃道西移今則普天星座皆動其經緯之度不隨赤道運轉而順黃道東移故謂黃道不動而恒星東行與七政同一法又謂古人以中數為歲朔數為年上古氣朔同日故月建起於節氣而不起於中氣日躔過宮起於中氣而不起於節氣起於節氣故曰冬至子之半起於中氣故曰冬至日躔星紀之次也然則一歲十二建乃天道經歷十二辰故謂之月建此萬古不易者也斗柄所指分位不真且恒星東移積久有差辨之誠是也但古人云斗為帝車斟酌元氣而布之四方又曰招搖東指不過言天道無跡可見順時布化斗柄有象可徵耳拘泥其詞則惑矣其歲差說略曰恒星一年東行五十餘秒又黃赤二道斜交並非平行於左旋至速之中微斜牽向右日之於天猶經緯之於日也日行至黃道分至節氣之限則春秋寒暑皆隨之而應七政躔于過各宮遇各宮燥濕寒溫風雨則隨恒星之性而應然則冬夏二至乃黃道上子午之位也春秋而分乃黃道上卯酉之位也惟唐虞時冬至日躔虛中恒

清史稿

二十八

二十四

星之子中正逢黃道之子中嗣是漸差而東周在女漢在斗今在箕黃道之子非恒星之子也以丑宮初度為冬至者因周時冬至恒星已差至丑周人即以恒星為黃道之十二次故命丑為星紀言諸星以此紀也其實丑乃周時恒星之宿度並非恒星之子中今並不在丑又移至寅十餘度矣由今箕以上溯古虛五歷年四千有餘已差至五十八度此恒星東行之明驗也其他著論無關

算者不錄

清史稿

列傳

時人二

李潢

汪萊

陳杰

時日濬

李銳

駱騰鳳

項名達

丁取忠

謝家禾

吳嘉善

羅士琳

顧觀光

左潛

夏贊翔

鄒伯奇

李善蘭

華衡芳

李善蘭

李潢字雲門鍾祥人乾隆三十六年進士由翰林官至工部左侍郎博綜羣書尤精算學推步律呂俱臻微妙著九章算術細草圖說九卷附海島算經一卷

清史稿

二十八

一

共十卷其自序重差圖云圖九望海島舊有圖解餘八圖今所補也同式形兩兩相比所作四率二三率相乘與一四率相乘同積如欲作圖明之第取一三率聯為一邊又取二四率聯為一邊作相乘長方圖之自然分為四幕又以斜弦界為同式勾股形各二則形勢驗矣舊圖於形外別作同積二方至兩形相去遠遠者又必宛轉通之皆可不必也圖中以四邊形五邊形立說似與勾股不類然於本形外補作勾股形則亦勾股也四率比例法在九章粟米謂之今有一為所有率二為所求率三為所有數四為所求數在勾股則統目之為率劉氏注云勾率股率見勾見股者是也今祇云同式相比者取省易耳異乘同除則一也書甫寫定潢即病侯吳門沈欽裴算校方可付梓越八年其甥程喬采家為之校刊以成其志九章初經東原戴氏從永樂大典中錄出一刻於曲阜孔氏再刻於常熟屈氏悉依戴氏原校本刊刻其時古籍甫顯校訂較難不無間有扞格自是天下之習九章者莫不家弄一編奉為圭臬而劉徽九章亦從此有善本矣潢又嘗因古算經十書中九章之外最著者莫如王孝通之輯

古唐制開科取士獨輯古四條限以三年誠以是書隱奧難通世所傳之長塘鮑氏曲阜孔氏羅江李氏各刻本又悉依汲古閣毛影宋本祇有原術文而未詳其法且復傳寫脫誤雖經陽城張氏以天元一術推演細草但天元一術創自宋元時人究在王氏後似非此書本旨爰本九章古義為之校正凡其誤者糾之闕者補之著考注二卷以明斜袤廣狹割截附帶分并虛實之原務如其術乃止稿未成漢歿後為南豐劉衡授其鄉人以西士開方法增補算草并附圖解刻於江西省中喧賓奪主殊亂其真裔采取江西刻本削去圖草仍以原考注刊布武進李兆洛為之序曰輯古何為而作也蓋闕少廣商功之蘊而加精焉者也商功之法廣袤相乘又以高若深乘之為立積今轉以積與差求廣袤高深所求之數最小數也曷為以最小數為所求數曰求大數則實方廉隅正負雜糅求小數則實常為負方廉隅常為正也觀漢美道築隄穿河方倉圓回芻蕘輸粟其形不一概以從開立方除之何也曰一以貫之理也物生而後有象象而後有滋滋而後有數斜解立方得兩壘塔一為陽馬一為甍臚陽

清史稿

人傳二

二

馬居二甍臚居一不易之率也今於平地之餘積狹斜之法無論為壘塔為陽馬為甍臚皆作立積觀其立積內不以所求數乘者為減積以所求數一乘者為方法再乘者為廉法所求數再自乘為立方即隅法也從開立方除之得所求數若繪圖於紙令廣袤相乘以所求數從橫截之割平幕為若干段又以截高與所求數乘之分立積為若干段若者為減積若者為方若者為廉若者為隅條段分明歷歷可指作者之意不煩言而解矣其云廉母自乘為方母廉母乘方母為實母者之分開方之要術也先生於是書立法之根如鋸解木如錐劃地又復補正脫誤條理秩然信王氏之功臣矣爰述大旨以告世之習是書者無復苦其難讀云

汪萊字孝嬰號衡齋歙縣人年十五補博士弟子弱冠後讀書於吳荊門外慕其鄉江文學永戴庶常震金殿撰榜程徵君易疇學力通經史百家及推步秌算之術嘉慶十二年以優貢生入都考取入旗官學教習會御史徐國楠奏請續修天文時志二志經大學士首舉萊與徐準宜許灑入館纂修十四年書成

議叙以本班教職用選授石埭縣訓導十八年應省試得疾歸卒於官年四十有六先是十一年夏黃河啓放王營減壩正溜直注張家河會六塘河歸海兩江督臣奉命查量雲梯關外舊海口與六塘河新海口地勢高下延萊測算蓋其精算之名久為官卿所知曾製渾天簡平一方各儀器觀測與郡人巴樹穀最友善客江淮間又與焦孝廉循江上舍潘李秀才銳辯論宋秦九韶元李治立天元一及正負開方諸法天性敏絕極能攻堅不肯苟於著述凡所言皆人所未言與夫人所不能言嘗以古書八線之制終於三分取一用益實歸除法求之其一表之真數僅得十之二因悟得五分之一一通弦與五分之三通弦交錯為三角形比例立法以取五分之一之通弦而弦切之數益密梅氏環中黍尺有以量代算之術惟求倚平儀外周之兩角而縮於內半周之角未詳其法較易因立新術量取不倚外周之角度而三角之量法乃全堆堞有求平三角立三角尖堆積法不及三乘方以上又復推而廣之自三乘四乘以上之尖堆皆可由根知積并及諸物遞兼之法以補古九章所未備又糾正梅文穆公

清史稿

人傳三

三

句股知積術及指識天元一正負開方之可知不可知其糾正句股知積術也文穆赤水遺珍稱有句股積及股弦和較求句股向無其術苦思方索立法四條其門人丁維烈又造減縱翻積開三乘方法文穆許之萊謂句股形等積等弦和帶縱立方形等基等高闊和皆有兩形互易如句二十股二十一弦二十九句弦和四十九句股積二百一十若句十二股三十五弦三十七句弦積亦四十九句股積亦二百一十設問者暗執一形則對者交旨兩數梅丁諸公法成而不可用蓋兩句弦較與一句弦和恆為連比例之三率其兩句弦較即首末二率兩較減一和之餘即中率而句弦和必為三率併遂初立有兩積相等兩句弦和相等求兩句股形之法以四倍句股積自乘句弦和除之為帶縱長立方積以句弦和為縱開得數為兩句弦較之中率自乘為帶縱平方積又以中率與句弦和相減為長闊和求得長闊兩根為兩句股較用求兩句股形各數又同積之邊彼此可互三次之乘先後可通故四倍句股積自乘即兩形之倍句相乘為底兩形之股相乘為高即猶以中末乘首中化為中率再乘為立

方三率併爲帶縱由是推得立方形兩高數恒爲首末二率高闊和恒爲三率併數與等積等弦和之兩弦較及弦和絲毫無異如高九闊十高闊和十九立方積九百若高四闊十五高闊和亦十九立方積亦九百其數莫不由兩形相引而出故其法卽命積爲帶縱長立方積以高闊和爲所帶之縱用帶縱長立方法開得本方根爲兩形高數之中率與高闊和相減餘爲帶縱之平方長闊和中率自乘爲帶縱平方積用帶縱平方長闊和法開之得長闊一根爲兩形之兩高數兩高與和相減爲兩闊數其指識正負開方也元李冶傳洞淵九容術撰測圓海鏡益古演段以明天元如積相消其究必用正負開方互詳於宋秦九韶數學九章梅文穆公雖指天元一爲西人借根方所由來而正負開方則未有闡明者元和李秀才銳特爲警校謂少廣一章得此始貫於一好古之士翕然相從葉獨推其有可知有不可知如測圓海鏡邊股第五問圓田求徑二百四十步與五百七十六步共數而李仁卿專以二百四十爲答數學九章田域第二題尖田求積二百四十步與八百四十步共數而秦道古專以八百

清史稿

卷五十一

四

四十爲答乃自二乘方以下縷析推之得九十五條凡幾根數爲帶縱長闊較則可知爲帶縱長闊和則不可知又推得幾根數少幾根數又多幾平方與一立方積等多少雜糅和較莫定立法以審之以幾平方數用幾立方數除之得數乘幾根數以較幾根數若少於真數則以幾平方爲高闊較是爲可知若多於真數則或幾平方爲通分法三母總數幾根數爲三母維乘之共數幾根數爲通分之共子如二如六如十二設真數一百四十四少二百八根數多二十平方積與一立方積相等則三數皆同是爲不可知蓋以一答爲可知不止一答爲不可知故李秀才說跋其書括爲三例以證明之謂隅實同名者不可知隅實異名而從廉正負不雜者可知隅實異名而從廉正負相雜其從翻而與隅同名者可知否則不可知隅實同名卽帶縱之長闊較也較僅一答隅實同名卽帶縱之長闊和也則不止一答銳以隅實同名異名明一答與不止一答兼以長闊和較明可知不可知其義一也著有衡齋算學七册考定通藝錄啓氏偈句解一册

陳杰字靜介烏程諸生考取天文生任欽天監博士供職時憲科兼天文科司測量累官國子監算學助教道光十九年謝病歸卒于家生平邃于算學尤神明于比例之用初著輯古算經細草一卷後十餘年又爲之指畫形象成圖解三卷又博采訓詁考正其傳寫之外譌稽合各本之同異別成音義一卷其自述比例言有曰比例之法仿自九章傳由西域在古法曰異乘同除在西法曰比例等假如甲有錢四百易米二斗問乙有錢六百易米幾何答曰三斗法以乙錢爲實甲米乘之得數甲錢除之卽得錢與米異名相乘與錢同名相除故謂之異乘同除此古法也以甲錢比甲米若乙錢與乙米凡言以者一率言比者二率言若者三率言與者四率二三相乘一率除之得四率此西法也古法元明時中土幾以失傳不知何時流入西域明神宗時西人利瑪竇來中國出其所著算書中人矜爲創獲其實所用皆古法但異其名色耳茲以西人名色解王氏固取其平近亦以名中西之合轍也又有論曰二十一史律志無不用比例者他如九章緝古十種算書多用比例無如古人總不言比例如緝古第

清史稿

卷五十一

五

二問求均給積尺欲以本體求又一形之體忽取兩面幕之數一用以乘一用以除而得數又第九問求員圓第十問求員窰忽以周徑乘除卽如方亭法求之諸數悉得走作圖解審諦久之而始知爲比例乃明言比例以揭之嗣是而閱古算書者罔弗比例矣又自道光以來嘗親在觀象臺督率值班天文生頻年實測黃赤大距爲二十三度二十七分未經奏明故當時未敢用迨甲辰歲修議象考成績編監臣卽取此數上之而欽定頒行焉晚年所撰爲算法大成上編十卷首加減乘除次開方句股次比例八綫次對數次平三角弧三角門分類別皆先列舊法而以新法附之圖說理解不憚反覆詳明專爲引誘初學設也下編十卷則有目無書其言曰算法之用多端第一至要爲治歷故下編言在官之事先治秣次出師次工程錢糧次戶口鹽司次堆積丈賦儒者則考據經傳下及商賈庶民則貫本營運市廩交易持家日用凡事無鉅細各設題爲問答以明算法之用蓋如此之廣云下編似未其門人丁兆慶張福偈均以算名兆慶字寶書歸安人沈潛好學爲項學正兩邊夾角巡求對角新法圖說

謂其講解明晰憂憂獨造福倍字南坪烏程諸生精究小輪之理著有慧星考略

時曰清字清甫嘉定人精算術發明古人術意無不入微咸豐末與長沙丁取忠同客胡林翼幕府每與商榷數理見丁氏數學拾遺之百鶴術謂與二色方
程暗合因為廣衍立二十八題以舊學商量加遂密新知培養轉深沈十四字
識其上下為十四題諸題皆借方程為本術並述大衍求一術以博百其趣作
百鶴術衍二卷自序略曰張邱建算經鶴翁鶴母題問甄李兩註及劉孝孫草
皆未達術意不可通近蕉理堂所釋尤誤讀吾友丁君果臣算學拾遺設術與
二色方程暗合乃通法也略氏藝游錄用大衍求一術以大小較求中數取徑
頗巧巧然遇較除共較實適盡者則不可求方程術則遇法除實得中數不盡
者以分母與減率相求而齊同之無不可得駱氏殆未知有方程本術耳夫題
祇本經一術算理之微妙不如孫子不知數一問而術文各隱秘彼則但舉用
數此亦僅著加減三率於前半段取數之法皆闕如豈古人不傳之秘必待學

清史稿

卷八

六

者深思而自得乎孫子求一術至宋秦道古發之獨是題襲謬傳訛無借方程
以問途者曰清蓄疑既久今年春與果臣連榻鄂城復一商榷別後數月乃通
之怡然渙然了無滯礙亦窮然中一快事也因衍方程術為數學拾遺補求負
數法及加減率求答數法附述求一術為藝游錄補以中小較求大數法及大
中較大小較互求中數小數法引伸鈎索溫故知新庶足以大暢厥旨乎易
翁母雖為大中小設數不必以百而統以百難命之者識斯術所自防也
李銳字尚之元和諸生幼開敏有過人之資從書塾中檢得算法統宗心通其
義遂為九章八線之學因受經於錢大昕得中西異同之奧於古祿尤深自三
統以迄授時悉能洞澈本原嘗謂三統世經稱殷術以元帝初元二年為紀首
是年歲在甲戌推而上之一千五百二十歲而歲值甲寅為元首又上四千五
百六十年而歲復甲寅為上元以此積年用四分上推太初元年得至朔同日
而中餘四分日之三朔餘九百四十分之七百五故太初術虧四分日之三去
小餘七百五分也漢書載三統而不著太初其實一月之日二十九日八十一

分日之四十三是日法月法與三統同賈逵稱太初術斗二十六度三百八十
五分是統法周天又與三統同蓋四分無異於太初而太初亦得謂之三統鄭
注召誥周公居攝五年二月三月當為一月二月不云正月者蓋待治定制禮
乃正言正月故也江徵君聲王光祿鳴盛以為據洛誥十二月戊辰逆推之其
說未核今案鄭君精於步算此破二月三月為一月二月以綿候入數數推知
上推下驗一一符合不備檢勘一二年間事也因據詩大明疏鄭注尚書文王
受命武王伐紂時日皆用殷曆甲寅元遂從文王得赤雀受命年起以乾鑿度
所載之積年推算是年入戊午歲二十九歲在戊午與劉歆所說殷曆周公
六年始入戊午歲不同歆謂文王受命九年而崩崩後四年武王克殷後七年
而崩明年周公攝政元年校鄭少一年又載召誥洛誥俱攝政七年事其年二
月乙亥朔三月甲辰朔十二月戊辰朔並與鄭不合乃以推算各年及一月二
月排比于支分次上下著召誥日名考此融會古祿以發明經術者也當是時
大昕為當代通儒第一生平未嘗親許人獨於銳則以為勝己大昕嘗以太乙

清史稿

卷八

七

統宗寶鑑求積年術日法一萬五百歲實三百八十三萬五千四十八分二十
五秒為疑銳據宋同州王湜易學謂每年於三百六十五日二千四百四十分
之外有終於五分者有終於六分者有終於五六分之間者終於五分者五代
王朴欽天祿是也以七千二百為日法終於六分者近年萬分祿是也以一萬
分為日法終於五六分之間者景祐祿法載於太乙遁甲中是也以一萬五百
分為日法此暗用授時法也試以日法為一率歲實為二率授時日法一萬為
三率推四率得三百六十五萬二千四百二十五分即授時之歲實也探本窮
源一言破的近世祿算之學首推吳江王氏錫闡宣城梅氏文鼎嗣則休甯戴
氏震亦號名家王氏謂土盤祿元在唐武德年間非開皇己未梅氏謂同回祿
實用洪武甲子為元而托之於開皇己未其算宮分難以開皇己未為元其查
立成之根則在己未元後二十四年二說并同戴氏謂同回祿百二十八年間
三十一日是每歲三百六十五日之外又餘百二十八分日之三十一也以萬
萬乘三十一滿百二十八而一得二千四百二十一萬八千七百五十地谷所

定歲實三百六十五日二十三刻三分四十五秒通分內子以萬萬乘之滿日法而一亦得二千四百二十一萬八千七百五十與梅氏疑問所云合是三家所論未嘗不確知灼見然均未得其詳銳據明史秣志回本術參以近年瞻禮單精加考核謂回回秣有太陽年彼中謂爲宮分有太陰年彼中謂爲月分宮分有宮分之元則開皇己未是也月分有月分之元則唐武德壬午是也自開皇己未至洪武甲子積宮分年七百八十六自武德壬午至洪武甲子積月分年亦七百八十六其惑人者卽此兩積年相等耳因著回回秣元考有求宮分白羊一口入月分後積年月日法以爲不明乎此雖有立成不能入算也稿佚未刊梅氏未見古九章其所著方程論率皆以臆擬補然又附於西學致悖直除之旨銳尋究古義探索本根變通簡捷以舊術列於前別立新術附於後著方程新術草以期古法共明於世古無天元一術其始見於元李治測圓海鏡益古演段二書元郭守敬用之以造授時秣草而明學士顧應祥不解其旨妄刪細草遂致是法失傳自梅文樞悟其卽西法之借根方於是李書乃

清史稿

八

八

得鄭重於世其有原術不通別設新術數則更於梅說外辨得天元之相消有減無加與借根方之兩邊加減法少有不同且不滿顧氏所著之句股弧矢兩算術謂弧矢肇於九章方田北宋沈括以兩矢竊求弧背元李治用三乘方取矢度引伸觸類厥法甚詳顧氏如積未明開方徒衍不亦慎乎爰取弧矢十三術入以天元著弧矢算術細草并做演段例括句股和較六十餘術著句股算術細草以導習天元者之先路又從同里顧千里處得秦九韶數學九章見其亦有天元一之名而其術則置奇於右上定於右下立天元一於左上先以右上除右下所得商數與左上相生入於左下依次上下相生至右上末後奇一而止乃驗左上所得以爲乘率與李書立天元一於太極上如積求之得奇左數與同數相消之法不同因知秦書乃大衍求一中之又一天元秦與李雖同時而宋與元則南北隔絕兩家之術無緣流通蓋各有所授也銳嘗謂四時成歲首載虞書五紀明秣見於洪範秣學誠致治之要爲政之本乃通典通考置而不錄邢雲路雖撰古今律秣考然徒援經史以侈卷帙之多梅氏祇有欲撰

秣法通考之議卒未成書因更網羅諸史由黃帝顓頊夏殷周魯六秣下逮元明數十餘家一一闡明義蘊存者表而章之缺者考而訂之著爲司天通志俾讀史者啓其扁治秣者益其智情僅成四分三統乾象奉天占天五術注而已餘與開方說皆屬稿未全開方說三卷銳讀秦氏書見其於超步退商正負加減借一爲隅諸法頗得古九章少廣之遺較梅氏少廣拾遺之無方廉者不可以道里計蓋梅氏本於同文算指西鏡錄二書究出自西法初不知立方以上無不帶從之方銳因秦法推廣詳明以著其說甫及上中二卷而卒年四十有五其下卷則弟子黎應南續成之應南字見山號斗一廣東順德人嘉慶戊寅順天經魁以書館議叙選浙江麗水縣知縣調平陽縣知縣海疆俸滿加六品銜卒於官

清史稿

九

九

寒暑歷問著開方釋例四卷自序略謂天元一術見宋秦九韶大衍數中不言創於何人元李治測圓海鏡益古演段二書亦用此例治稱其術出於洞淵九容今不可詳所自矣是書自平方以至多乘悉用一術卽劉勰義餘諸形亦可握觚而得洵算術之秘鑰也西法借根方實原於此乃以多少代正負徒欲掩其襲取之迹不知正負以別異同多少以分盈虧毫釐千里必有能辨之者又著游藝錄二卷自識云余於正負開方之例既爲釋例以明其法矣至於衰分方程句股等法以及九章所未載與夫古今算術之未能該洽者輒爲溯其源正其誤不敢掠前哲之美以爲名亦不爲黠慧之詞以欺世也隨所見而識之彙爲一編遺稿凡十餘萬言卽今傳本也南匯張文虎嘗與青浦熊戶部其光書論之曰承示駱司訓算書二種讀竟奉繳李四香開方說詳於超步商除翻積益積諸例而不言立法之根令出學者茫不解其所謂駱氏於諸乘方方廉和較加減之理皆質言之而推求各元進退定商諸術尤足補李書所未備誠學開方者之金鎖匙汪孝嬰創設兩句股同積同句股和一問以兩句弦較中

率轉求兩句弦較立術迂回駱氏以正負開方徑求得兩句頗為簡易衡齋亦當首肯也其為人所推服如此

項名達字梅侶仁和人嘉慶二十一年舉人考授國子監學正道光六年成進士改官知縣不就退而專攻算學三十年卒于家年六十有二著述甚富今傳世者但有下學庵勾股六術及圖解復附勾股形邊角相求法三十二題合為一卷以勾股和較相求諸題術稍繁難爰取舊術稍為變通分術為六使題之相同者通為一術蓋然悉有以御之一二三術及第四術之前二題悉本舊解餘為更定新術皆別注捷法各為圖解以明其意第四五六術其原皆出於第三術可釋之以比例第三術以勾股較比股若股與勾弦和以股弦較比勾若勾與股弦和是為三率連比例凡有比例加減之其和較亦可互相比例故第四五六術諸題皆可由第三術之題加減而得即可因第三術之比例而另生比例因比例以成同積而諸術開方之所以然遂明名達又創有弧三角總較術求備員弧綫術術定未有詮釋以義與趣幽難粹竟事故六術獨先成云

清史稿

卷一百一十一

十

名達與烏程陳杰錢塘戴煦契最深晚年詣益精進謂古法無用不甚涉獵而專意于平弧三角與人意不謀而合與杰論平三角名達曰平三角二邊夾一角還求斜角對邊向無其法竊嘗擬而得之君聞之乎杰曰未也錄其法以歸蓋以甲乙邊自乘與甲丙邊自乘相加得數寄左乃以半徑為一率甲角餘弦為二率甲乙丙兩邊相乘倍之為三率求得四率與寄左數相減鈍角則相加平方開之得數即乙丙邊又嘗謂泰西杜德美之割圓九術理精法妙其原本于三角堆董方立定四術以明之洵為卓見惟求倍分弧有奇無偶徐有補之庶幾詳備名達嘗玩三角堆數其數祇一遞加而理法象數包蘊無窮天方圖之率不通通方圖者必以尖勾股尖象也三角堆尖數也去法用半徑屢求勾股得圓周不勝其繁杜氏則以三角堆御連比例諸率而弧弦可以互通割圓術淺以加矣然以此製八綫全表每求一數必乘除兩次所用弦綫位多而乘不便董徐二氏大小弧相求法亦然向思別立簡易法因從三角堆整數中推出零數但用半徑即可任求幾度分秒之正餘弦不煩取資于弧綫及他

弧弦矢且每一乘除便得一數似可為製表之一助又著象數原始一書未竟疾革時囑戴煦後照索稿於名達于錦標校算增訂六閱月而稿始定都為七卷原書之四僅六紙並第七卷皆煦所補也卷一曰整分起度弦矢率論卷二曰半分起度弦矢率論卷三卷四曰零分起度弦矢率論皆以兩等邊三角形明其象遞加法定其數末乃申論其算法卷五曰諸術通詮取新立弧弦矢求他弧弦矢二術半徑求弦矢二術及杜董諸術按術詮釋之卷六曰諸術明變雜列所定弦矢求八綫術開諸乘方捷術算律管新術備員求周術以明皆從遞加數轉變而得卷七曰備員求周術解原術以委為徑求大員周及周較相減而得周補術則以廣為徑求小員周周較相和而得周未係以圖解徐有壬巡撫江蘇郵書索煦寫定本梓行刻甫就而有壬殉難書與板皆燬焉有壬大者字吉甫仁和諸生翰林院待詔窮究天算開業於處士戴煦凡煦所著述皆錄副本去名達見之因與煦訂交大有管校割圓捷術合編後殉於杭州丁取忠字果臣長沙人研究象數不求聞達刻算書二十有一種為白美堂叢

清史稿

卷一百一十一

十一

書光緒初卒于家年逾七十所自撰者為數學拾遺一卷以所演算草較詳可便初學又意在拾遺故未暇詳其義之出自何人又撰粟布演草二卷自序曰道光壬辰余始習算友人羅寅交學博演算以難題見詢久無以應同治初元始獲交南豐吳君子登太史暇以開屢乘方法余始通其術然未悉其立法之根也後吳君遊嶺表余推之他題及輾轉相求仍多窒礙又函詢李君壬叔蒙示以廉法表及求總率二術而其理始顯後吳君又示以指數表及開方式表李君復為之圖解以開其義由是三事互求理歸一貫余因取數題詳為演草并捷法圖解都為一卷質之南海鄒君特夫君復為增訂開屢乘方法并另設題演草補所未備即算家至精之理如圖內容各等邊形皆可借發商生息以明之誠快事也後又撰演草補一篇序云余前年與左君壬叟共輯粟布演草原為商賈之習算者設或一例而演數題或一題而更數式或用真數或用代數其式或橫列或直下雜然並陳無非欲學者比類參觀易於領悟也乃初學習之猶謂茫無入門處蓋商賈所習算書大都詳於文而略于式况代數又古

算術所無宜其卒然覽之而不解也茲更擬一題增後特仿數理精蘊借根方體例專詳於文庶初學讀之可因文知義算理既明則全書各式可渙然冰釋或兼可為習代數者之先導乎其鄉人李錫蕃亦以演算名錫蕃字晉夫道光三十年早卒著有借根方句股細草一卷衍為二十有五術取忠刊入叢書謝家禾字和甫錢塘舉人與同學戴氏兄弟熙熙相友善少嗜西學點線而體四部靡不流貫已復取元初諸家算書幽探冥索悉其秘奧乃輯平時所得析通分加減定方程正負以標舉立元大要撰演元要義一卷其自序云元學至精且遂而求其要領無過通分加減凡四元之分正負及相消法互隱通分法大致原於方程方程者即通分之義方程不明由於正負無定例加減無定行以謬傳謬如梅宣城精研數理未暇深究他書可知矣九章算經正負術甚明而釋者反以意度古誼之不明可勝道哉唯以衍元之法正方程之義由是方

清史稿

卷五十一

十二

古率者撰弧田問率一卷同里戴煦為之序曰古率徑一周二微率劉徽所定徑五十周一百五十七也密率乃祖沖之簡率徑七周二十二也諸書弧田術皆用古率郭太史以二至相距四十八度求矢亦用古法顧微密二率之周既盈於古則積亦盈於古試設同徑之圓旁割四弧其中兩弦相得之方三率皆同知三率圓積之盈縮正三率弧積之盈縮也微密二率弧田古無其術惟四元玉鑑一觀其名而設問隱晦莫可端倪穀堂得其旨因依李尚之弧矢算術細草設問立術亦足發前人所未發也又以直橫與句股弦和較轉輾相求撰直積回求一卷其自序云始戴謬士著句股和較集成予亦著直積與和較求句股弦之書然二書為義尚淺且直積與句股和求三事用立方三乘方等得數不易而又不以爲率其書遂不存近見四元玉鑑直積與和較回求之法多立二元管與謬士思其義蘊有不必用二元者蓋以句股較與句股和相乘爲股乘股弦和與股弦較相乘爲句乘而直積自乘即句乘股乘相乘也如以句乘較乘股弦較乘除直積幕即爲句弦和乘股弦和乘股弦和乘股弦和

幕即弦幕和幕共內少半個黃方幕也蓋相乘幕內去一弦幕所除爲句股相乘者一句弦相乘者一股弦相乘者一此三幕合成和幕則少一半黃方幕半黃方幕即句股較股弦較相乘幕也加一半黃方幕即爲弦幕和幕共矣加二直積即二和幕也減六直積即二較幕也又句股和乘股弦較幕爲句幕內少個句股較乘股弦較幕也股弦和乘句股較幕爲股幕內多個句股較乘句股較幕也減一句股較乘股弦較幕尚餘一句股較幕矣術中精意皆出於此其他之參用常法者不可解而自明耳草中既未暇論恐習者不知其理因揭其大旨於簡端見演段之不可不精也家禾歿後戴熙搜遺稿囑其弟煦校讐而授諸梓煦精算見忠義傳著有補重差圖說句股和較集成消法簡易圖解對數簡法外切密率假數測圓及船機圖說等

清史稿

卷五十一

十三

受代還旋卒所撰算書首述筆算次九章翼曰今有術曰分濇曰開方曰平方平員各術推演方田者曰立方立員術推演商功者曰句股曰衰分術曰盈不足術曰方程術於句股術後次付平三角弧三角測量高遠之術又次則專述天元四元之書爲天元一術釋例爲名式釋例爲天元一草爲天元問答爲方程天元合釋爲四元名式釋例並草爲四元淺釋自序曰算學至今日可謂盛矣古義既彰新法日出前此所未有也余與丁君果臣皆癖此既忘其癖更欲以辯導人嘗苦近世津逮初學之書無善本梅文穆公所刪之算法統宗今亦不傳因商確述此取其淺近易曉以爲升高行遠之助云

羅士琳字若香甘泉人以監生循例貢太學嘗考取天文生成豐元年恩詔徵舉孝廉方正之士郡縣交薦以老病辭三年春粵匪陷揚州死之年垂七十矣少治經從其舅江都秦太史恩復受舉業已乃棄去專力步算博覽時人書日夕研求數年初精西法自撰言秣法書曰憲法一隅又思句股少廣相表裏而方田與商功無異差分與均輸不殊按類相從摘九章中之切于日用者悉以

比例取之雖為十二種以各定率冠首以借根方繼後以諸乘方開法附末凡四卷曰比例匯通雖悔其少作實便初學問途後見四元玉鑿服膺歎絕遂壹意專精四元之術士琳博文強識兼綜百家於古今算法尤具神解以朱氏此書實集算學大成思通行發明乃殫精一紀步為全草併有原書於率不通及步算傳寫之譌悉為標出補漏正誤反覆設例申明疑義推演訂證就原書三卷二十有四門廣為二十四卷門各補草管為提要鉤元之論謂是書通體弗出九章範圍不獨商功修築句股測望方程正負已也如端匹互隱稟來廻求寓粟布如意混和寓借衰菱草形段果塚益藏如像招數寓商功中之差分直段直源混積問元明積演段撥換截田鎖套吞容寓方田少廣諸法他若分索隱之為約分命分方員交錯三率究員箭積參之為定率兼交互至於或問歌家雜範類會以其各自為法不能比類故一則寄諸歌詞一則編成雜法均似補遺大旨皆以加減乘除開方帶分六例為問每門必備此例略簡易而詳繁難尤於自來算書所無者必設二問以明之如混積問元中既設種金田及句

清史稿

四十四

三股四八角田為問撥換截田中復設牛種金田鎖套容中復設方五斜七八角田為問又果塚益藏兩設員錐塚雜範類會既設微率割員又設密率割員是矣更有一門專明一義者如和分索隱之之分開方三率究員兩儀合轍之反覆互求是矣是書但云如積求之如積有用定率為同數相消者有如問加減乘除得積為同數相消者祖序謂平水劉汝諧撰如積釋鎖惜今不傳意者其釋此例歟道光中得朱氏算學啟蒙於京師廠肆士琳復加詳註刊布之此書總二十門凡二百五十九問其名術義例多與玉鑿相表裏士琳為之互辭始于天元終于四元義主精遂所得甚深考大德四年莫若序計後此書四年此書首列乘除布算諸例始于超徑接接之術終于天元如積開方由淺近以至通變循序漸進其理易知名曰啟蒙實則為玉鑿立術之根此一證也玉鑿原本十行行十九字今有低一格術曰又低二格與此書同此二證也玉鑿斗斛之斗別作斛此假借字本漢書平帝紀及管子乘馬篇尚雜見于唐以前之孫子五曹張邱建諸算經鈎石之石說文本作石玉鑿作碩碩石古雖互通然

假碩為石則僅見于毛詩甫田疏引漢書食貨志而算書罕見又玉鑿畝田之畝雖見李籍九章音義為字書所無此書并同此三證也玉鑿雖亦三卷而門則為二十四問則為二百八十八較多此書四門二十九問然以四字分類其體裁同且如商功修築方程正負之屬則又二書互見此四證也玉鑿如意混和第一問據數知一種為十五斤適與此書之斤秤起率合此五證也玉鑿鎖套吞容第九問方五斜七八角田左右達元第六第十三第二十諸問有小平小長皆向無其術此書卷首明乘除段即載平除長為小長長除平為小平之例其田畝形段第十五問復載方五斜七八角田求積通術此六証也他如玉鑿或問歌家第四問與此書盈不足術第七問又玉鑿果塚益藏第十四問與此書堆積還原第十四問又玉鑿方程正負第四問與此書方程正負第五問題皆約略相同此七証也知係朱氏原書佚而復出并其算法一則亦為附列間有魚豕悉仍其舊但各標識于誤字旁別記刊誤於卷又嘗以乾隆間明氏捷法校得八幾對數表一度十三分二十秒正切第五字誤一又六度四十一分

清史稿

四十五

十秒正切第五字誤六又十二度五十分正弦第六字七誤五又十六度三十二分十秒正切第七字九誤又四十二度三十二分四秒正切第九字五誤四可見西人所能中人亦能之又因會通四元玉鑿如像招數一門更取明氏捷法御以天元知密率亦可招差其弧與弦矢互求之法與授時林之塚積招差一一符合且以祖氏綴術失傳其法屢見於秦書即大衍之連環求等遞減遞加亦與明氏捷法相近爰融會諸家法意撰綴術輯補二卷又甄錄古今時人仍阮氏體例為列傳采前傳所未收者得補遺十二人附見五人續補二十人附見七人合共四十有四人次於前傳四十六卷之後集所校著都為觀我生室彙彙十二種如四元玉鑿細草二十四卷釋例二卷校正算學啟三卷校正割圓密率捷法四卷續時人傳六卷皆別有單行本外已刻者尚得七種曰句股容三事拾遺三卷附例一卷本繪亭監副博啓法補其遺取內容方邊員股垂線交互相求一以天元取之曰三角和較算例一卷取斜平三角形中兩邊夾一角術鎔入天元法用和較推演成式曰演元九式一卷括玉鑿中進退消

長諸例借無數之數以正負開方式入之曰臺錐積演一卷以玉鑿草果塚
二門可補少廣之闕爰取錐形段引而伸之曰周無專鼎銘考一卷以四分
周術佐以三統漢術推得宣王十有六年九月既望申戌與銘辭正合曰弧矢
算術補一卷以元和李四香原術未備爲增補二十七術合成四十術曰推算
日食增廣新術一卷推廣正升斜升橫升之算法以求太陰隨地隨時之明魄
方向分秒復推其術以求交食限內之方向及所經歷之諸邊分餘若春秋朔
閏異同考綴數輯補交食圖說舉隅句股截積和較算例淮南天文訓存疑博
能叢話凡若干卷未有刻本其同縣友有易之瀚者亦以算名易之瀚字浩川
知士林有四元玉鑿補草因從問難爲撰四元釋例一卷凡開方例二十九則
天元例十一則四元例十三則

顧觀光字尙之金山人太學生三試不售遂無志科舉承世業爲醫鄉錢氏多
藏書恆假讀之博通經傳史子百家尤究極天文歷算因端竟委能扶其所以
然而摘其不盡然時復蹈瑕抵隙蒐補其未備如據周髀筭以寫天青黃丹黑
清史稿 卷五十一 十六

之文及後文凡爲此圖云云而悟篇中周徑里數皆爲繪圖而設天本渾員以
視法變爲平員則不得不以北極爲心而內外衡以次環之皆爲借象而非真
以平員測天也開元占經魯歷積年之算不合因用演積術推其上元庚子至
開元二年歲積知占經少三十六年又以占經顯項歷歲積攷之史記秦始
皇本紀知其術雖起立春而以小雪距朔之日爲斷蓋秦以十月爲歲首問在
歲終故小雪必在十月昔人未及言也李尙之用何承天調日法攷古歷日法
朔餘強弱不合者十六家以爲未能推算入微爰別立術以日法朔餘輾轉相
減以得強弱之數但使日法在百萬以上皆可求惟朔餘過於強率者不可算
耳授時術以平定立三差求太陽盈縮梅氏詳說未明其故讀明志乃知卽三
色方程之法謂凡兩數升降有差彼此遞減必得一齊同之數引而伸之卽諸
乘差則八線對數小輪構員諸術皆可共貫讀占經所載畢曇悉達九執術知
回回太西歷法皆源於此其所謂高月者卽月字月藏者卽月引數日藏者卽
日引數特稱名不同亦猶回歷稱歲實爲宮日數朔策爲月分日數也其論茲

源江氏冬至權度推劉宋大明五年十一月乙酉冬至前以壬戌丁未二日景
求太陽實經度而後求兩心差乃專用壬戌今用丁未求得兩心差適與江氏
古大今小之說相反蓋偏取一端其根誤在高衝行太疾也西法用實朔距緯
求食甚兩心實相距術緣而得數未確改以前後兩設時求食甚實引徑得兩
心實相距不必更資實朔較本法爲簡而密矣西人割員止知內容各等邊之
半爲正弦而不知外切各等邊之半爲正切乃依六宗三要二簡諸術別立求
外切各等邊之正切法以補其缺杜德美求員周術周員內容六邊形起算巧
而降位稍遲謂內容十等邊之一邊卽理分中末線之大分距周較近且十邊
形之邊與周同數不過遞進一位而大分與全分相減卽得小分則連比例各
率可以較數取之入算尤簡易可用弧度入算不用弧背眞數然猶慮其難記
仍不能無藉於表因又合兩法用之則術愈簡而弧線直線相求之理始盡錢
塘項氏割員捷術止有弦矢求餘線術以爲可通之割切二線因補其術西人
求對數以正數屢次開方對數屢次折半立術緣重李氏深源以尖錐發其覆

清史稿 卷五十一 十七

捷矣而布算術猶疑且所得者皆前後兩數之較可以造表而不可徑求戴氏
簡法及西人數學啓蒙並有新術而未窮其理乃變通以求二至九之八對數
因任意設數立六術以御之得數皆合復立還原四術又推衍爲和較相求八
術爲自來言對數者所未有也又謂對數之用莫便於八線而西人未言其立
表之根因冥思力索仍用諸乘方差迎刃而解尤晚歲造微之詣也其它凡近
時新譯西術如代數微分諸重學皆有所糾正類此所著曰算積初編凡二
卷曰九數存古依九章分爲九卷而以堆塚大衍四元旁要重差夕榮割員弧
矢諸術附焉皆采古書而分門隸之曰九數外錄則隱括四術爲對數割員八
線平三角弧三角各等而體員錐三曲線靜重學動重學天重學凡記十篇曰
六祿通考則據占經所紀黃帝顓頊夏殷周魯積年而加以考證曰九執祿解
曰回回祿解皆就原法疏通證明之曰推步簡法曰新祿推步簡法曰五星簡
法則就原術改度爲百分省迂迴而歸簡易蓋於學實事求是無門戶異同之
見故析理甚精而談算爲最云其友人韓應階亦以表章算書願應階字對虞

婁縣人道光二十四年舉人官內閣中書舍人少好讀周秦諸子為文古質簡
奧非時俗所尚既而從同里姚椿遊得望溪惜抱相傳西人所創點線面體之
學為幾何原本凡十五卷明萬曆間利譯止前六卷咸豐初英人偉烈亞力續
譯後九卷海甯李壬叔寫而傳之應陞反覆審訂授之歌劇亞力以為泰西舊
本弗及也外若新譯重氣聲光諸學應陞推極其致往往為西人所未及云

左潛字壬叔大學士宗棠從子補縣學生於詩古文辭無不深造尤明算理長
沙丁取忠引為忘年交早卒士林惜之所學自大衍天元及借根方比例諸新
法無不貫通且能自出己意變其式勘其誤作為圖解往往突過先民嘗增訂
徐九工割圖縱術既成忽悟通分捷法析分母分子為極小數根同者去之凡
多項通分頃刻立就因演數草為通分捷法一帙所撰綴術補草四卷自序曰
自泰西杜德美創立割圖九術以屢乘屢除通方圖之率我朝明氏董氏各為
之說而杜書之義推闡靡遺顧八纒互求尚無通術未足以盡一圖之變非明
氏董氏之智力不能因法立以盡其變也其能窮杜氏之義也資於借根方其

清史稿

卷八十一

不能廣杜氏之法也亦限於借根方蓋借根方即天元一之變術究不如元術
之巧變莫測也是書祖杜宗明又旁參以董氏之法八纒相求各立一式因式
立法因法入算術之不可立算者今皆能取之以法即有不能立法布算者而
其式存則能濟法之窮而度圖諸纒一以貫之矣推其立式之由所謂比例術
即明氏定半徑為一率所有為二率或三率之法也所謂還原術即明氏弧背
求正矢又以正矢求弧背之法也所謂借徑術即明氏借十分全弧通弦率數
求百分全弧通弦率數求十分全弧通弦率數諸法也所謂商除法又即還原
術之變法是故綴術胎于明氏而又足以盡明氏之變明氏之未立式者以借
根方取兩等數其分母分子雜糅繁重既不可通其多號少號輾轉互變又不
可約試取明氏書取之以綴術其遞降各率頃刻可求則是書也其真能因法
立法別樹幟於明董之後者歟書為徐君青先生所作吳君子登成之顧詳於
式而略於草敬考其立法之原不可遽得學者難焉潛因於暇日為補草四卷
因綴數語於簡端云又綴綴術釋明二洲鄉會紀鴻為之序略曰易繁云極其

數遂定天下之象則綜天下難定之象以歸有定莫數若矣在昔聖神制器尚
象利物前民於數理必有究極精微範圍後世者代久年湮漸至失傳近三百
年泰西猶能推闡古法而中國才智之士或反率其成轍孔子曰天子失官學
在四夷正今日數學之謂也中國舊有弧矢算術而未標角度八纒鈐表則雖
有用其理以入算者而無表可檢則每求一數必百倍其功而所得數仍非密
率明代譯出泰西八線表及八線對數表其立法得數之原甚屬繁雜而成
表之後一勞永逸大至無外細及極微莫不以此表測之則其用之廣大可想
然得表之後雖無事於再求而任舉一數無從較其訛誤若仍用舊術則非而
月經句不能得一數此明靜菴董方立推演杜德美弧矢捷術之所以可貴也
向來求八線者例用六宗三要二簡各法若任言一弧必不能考其弦矢諸數
至杜氏創立屢乘屢除之法則但有弧徑而八線均可求董方立解杜術先取
其線之極微者令與與弧線合而後用連比例以推至極大又考諸率數與尖
錐理相合故用尖錐以釋弧矢而弧矢之數理以顯明靜菴解杜術先取四分

清史稿

卷八十一

弧與十分弧之通弦直線之極大者用連比例以推至十分萬分弧通弦之極
微者考其乘除之率數與杜術乘除之原理合故用綴術以釋弧矢而弧矢之
數理亦出董明二氏均為弧矢不祧之宗無庸軒輊百年中繼起者如戴徐
李三氏所著書雖自出心裁要皆奉董明為師資也吾友左君壬叟於數學尤
孜孜不倦遇有疑難必窮力追索務洞澈其奧變嘗謂方員之理乃天地自然
之數吾之宗中宗西不必分畛域直以為自得新法也可曾釋君青徐氏綴術
又釋戴鄂士求表捷術茲又釋明靜菴弧矢捷術而一貫以天元寄分之式於
員率一道三致意焉可謂勤矣孰意天厄良才壬叟竟於甲戌秋不永年而逝
凡在同人無不歎惜况余與之為兩世神交安能無愴切耶曾紀鴻字栗誠大
學士國藩少子恩賞舉人早卒紀鴻少年好學與兄紀澤並精算術尤神明於
西人代數術銳思勇進創立新法同輩多心折焉謂大衍求一術亦可以代數
推求依題演之理正相通撰對數詳解五卷始明代數之理為不知代數者開
其先路中言對數之理末言對數之用明作書之本意其於常對對辨析分

明先求得各真數之訥對復以對數根乘之即為常對數級數朗然有條不紊雖初學循序漸進無不可相說以解焉

夏鸞翔字紫筌錢塘人以翰誦議叙得詹事府主簿為項梅侶入室弟子講究曲線諸術洞悉員出于方之理匯通各法推演以盡其變誤河方術圖解二卷自序略曰自杜氏術出而求弦矢得捷徑焉顧猶煩乘除演算終不易思一可省乘除之法而迄未得丁巳夏客都門細思連比例術者尖堆底也尖堆底之比例與諸乘方之比例等以之求連比例術必合諸乘方積而并求之設不得諸乘方積遞差之故方積何能并求且并求方積而欲以加減代乘除又必得諸較自然之數而後可誠極難矣既而悟曰方積之遞加加以較也較之遞生生於三角堆也較加較而成積亦較加較而成較且諸乘方積之數與諸乘尖堆之數數異而理同三角堆起于三角形故屢次增乘皆增以三角方積起于正方形故累次增乘皆增以正方形之較數增一則增一較方積之較數增一乘則增一較理正同也累次相較較必有盡惟其有盡乃可入算相連諸

清史稿

卷五十一

二十一

弦矢所以愈相較而較愈均者正此理矣諸較之理皆起于天元一而生于根差遞加根一諸乘方根差皆一一乘之數不變故可省乘若增其根差非復單一則乘不能省弦矢弧背之差或一秒或十秒即以一秒十秒弧線當根差按根遞求即可盡得諸乘方之較以較加較即盡得所求弦矢各數矣豈不捷哉爰演為求弦矢術俾求表者得以加減代乘除併細釋立術之義以俟精于術數者采擇又詳致曲術一卷曰平員曰橢員曰拋物線曰雙曲線曰擺線曰對數曲線曰螺線凡七類類皆自定新術參差并列法密理精復著致曲圖解一卷謂天為大員天之賦物莫不以員橢員雖一名形乃萬類循序員一而由曲線生焉西人以線所生之次數分為諸類一次式為直線二次式有平員橢員拋物線雙曲線四式三次式有八十種四次式有五千餘種五次以上殆難以數計矣今但就二次式四種溯其本源并附解諸乘方拋物線形雖萬殊理實一貫諸曲線式備具於員橢員橢者二次曲線之母也橢員利用聚拋物線利用遠雙曲線利用散其理皆出於平員苟會其通則制器尚象仰觀俯察為

用無窮矣今為一一解之其目為諸曲線始於一點終於一點第一諸式之心

第二準線第三規線第四橫直二徑第五兌徑亦名相屬二徑第六兩心差第七法線切線第八斜規線又名曲率徑第九縱橫線式第十諸式互為比例第十一八線第十二又嘗立捷術以開各乘方不論登積翻積通為一術俱為坦途可徑求平方根數十位成少廣縫鑿一卷鸞翔同治三年卒因方積之較而悟求弦矢之術駁駁乎駕西人而上之然微分所棄之常數猶方積之方與隅也所求之變數猶兩廉遞加之較也其術施之曲線無所不通鸞翔猶待逐類立術是則不能不讓西人以獨步然西法固方自三次式以上皆枝枝節節為之不及中法之一貫鸞翔又於中法外創捷術非西人所能望其頂背云鄒伯奇字特夫南海諸生聰敏絕世覃思聲音文字度數之源猶精天文歷算能貫萃中西之說而貫通之辯極生明多具神解嘗作春秋經傳日月考謂昔人考春秋者多矣類以經傳日月求之未能精確今以時憲術上推二百四十二年之朔閏及食限然後以經傳所書質其合否乃知有經誤傳誤及術誤之分又謂尚書克殷年月以鄭元據乾鑿度以入戊午而四十二年克殷下至春秋凡三百四十八年劉歆三統術以為積四百年近人錢塘李銳皆主其說今以時憲術上推且以歲星驗之始知鄭是劉非其解孟子由周而來七百有餘歲句謂閏百詩孟子生卒年月考據大事記及通鑑綱目以孟子致為臣而歸在周赧王元年丁未逆數至武王有天下歲在己卯當得八百有九年然周共和以上年數史遷已不能紀可考者魯世家耳此為劉歆歷譜所據然將歆譜與史紀比對歆與楊公獻公等年分多所加共計五十二若減其所加則歆所謂八百有九年者實七百五十七年耳又謂向來注經者於算學不盡精通故解三禮制度多疏失因作深衣考以訂江永之謬作戈戟考以指程瑤田之疏以文選景福殿賦陽馬承阿證古宮室阿棟之制以體積論桌氏為量以重心論懸磬之形皆繪圖立說援引詳明又嘗謂羣經注疏引算術未能簡要甄鸞五經算術既多疏略王伯厚六經天文篇博引傳注亦無辨證因即經義中有關於天文算術為先儒所未發或發而未闡明者隨時錄出成學計一得二卷

清史稿

卷五十一

二十一

於天象著甲寅恆星表赤道星圖黃道星圖各一卷自序略曰甲寅春製渾球以考證經星恆星出沒歷代歲差之故然製器必先繪圖繪圖必先立表此恆星表之所由作也史漢晉隋諸志於恆星但言部位至唐宋始略有去極度數蓋舊傳新圖大抵據步天歌意想為之與天象不符國朝康熙初南懷仁作靈臺儀象志然後黃赤經緯各列為表乾隆九年增修儀象考成補正缺誤道光甲辰再加考測為儀象考成續編入表正座一千四百四十九星外增一千七百九十一星洵為明備今踰十歲歲漸有差故復據現時推測立表庶繪圖製器密合天行也又謂繪地難于算天文文可坐而推地理必須親歷近人不知古法故疏舛失實因考求地理沿革為歷代地圖以補史書地志之缺又手摹皇輿全圖自序略曰地圖以天度畫方至富不易地球經緯相交皆正角而世傳輿圖至邊地竟成斜方形殊失繪圖原理其蔽在以緯度為直線也昔嘗為小總圖依渾蓋儀用半度切線以顯迹象然州縣不備且內密外疏容與實數不符故復為此圖其格緯度無盈縮而經度漸狹相視皆為半徑與餘弦之

清史稿

地理

二十一

比例橫九格縱十一幅合成地球滂沱四類之形欲使所繪之圖與地相肖也又變西人之舊作地球正變兩面全圖其序略曰地形渾員上應天度經緯皆為員線作圖者繪渾於平須用法調劑方不失其形似然視法有三其一在圖外視法員法用正弦則經圈為橢圓其形中廣旁狹作簡平儀用之其一在員心視法員法用正切則經圈為直線緯圈為弧線其形中曲旁狹內密外疏作日晷用之斯二者線無定式計算繁難且經緯相交不成正角其邊際又太促偏或太展長以畫地球既味方斜本形復失修廣實數所不取也其一在員周視法員法用半切線經緯圈皆為平員雖亦內密外疏而各能自相比例西人以心作渾蓋儀最為理精法密今本之為地球圖分正背兩面正而以京師為中線其面之中即為京師對衝之處尊首都也旁分二十四向審中土與各國彼此之勢定準望也經緯俱以十度為一格設分率也因推演其法著測量備要四卷分備物致用按度考數二題備物致用其目四一文量器曰插標曰線架曰指南尺曰曲尺曰丈竹曰竹籌曰皮活尺曰蕃紙簿曰鉛筆二

測望儀曰指南分率尺曰立望表曰三脚架曰矩尺曰地平經儀曰平水準曰紀限儀曰迴光環曰折照玻璃屋曰千里鏡曰象限儀曰秒分時辰標曰行海時辰標曰折分大日晷曰風雨針曰寒暑針三檢覈書曰志書曰地圖曰星表曰星圖曰度算版曰對數尺曰八線表曰八線對數表曰十進對數表曰現年行海通書曰清蒙氣差表曰太陽緯度表曰日晷時差表曰旬陳四游表曰大星經緯表曰對數較表曰對數較差表四畫圖具曰大小幅紙曰硯曰墨曰硃曰顏色料曰筆曰五色鉛筆曰筆殼曰指南分率矩尺曰長短界尺曰平行尺曰分微尺曰機剪曰交連比例規曰玻璃片曰橡皮按度考數其目四一明數曰尺度考曰畝法曰里法曰方向法曰經緯里數二步量曰量田計積曰步地遠近日記方向曲折曰認山形曰準望所見三測算曰測量方向遠近法曰測地緯度法曰論平歸大海地平界角曰測地經度法曰經緯方向里數互求法四布圖曰正紙幅曰定分率曰縮展曰識別設色又因修改對數表之根求折小術是開極多乘方法可徑求自然對數即對數以十進對數根乘之即得

清史稿

算術

二十三

十進對數著乘方捷術三卷又創對數尺蓋因西人對數表而變通其用書數於兩尺相併而伸縮之使原有兩數相對而今有數即對所求數一曰形製二曰界畫三曰致用四曰諸善五曰圖式為記一卷又嘗撰格術補一卷同郡陳禮序之略曰格術補者古算家有格術久亡而吾友鄒徵君特夫補之也格術之名見夢溪筆談其說云陽燧照物迫之則正漸遠則無所見過此則倒中間有礙故焉如人搖扇吳為之礙本末相格算家謂之格術又云陽燧而窪向日照之則光聚向內離鏡一二寸聚為一點著物火發筆談之說皆格術之根源也宋以前蓋有推演為算書者後世失傳遂無有知此術者徵君得筆談之說觀日光之景推求數理窮極微妙知西人製鏡之法皆出於此乃為書一卷以補古算家之術蓋古所謂陽燧者鑄金以為鏡也西洋鏡即陽燧玻璃為鏡亦同此理故推陽燧之理可以貫而通之有此書而古算家失傳之法復明可知西人製器之法實古算家所有此今世之奇書也至若古算失傳如此者當復不少吾又因此而感慨係之矣同治三年嵩濤特疏薦之堅以疾辭曾國藩

督兩江日欲以上海機器局旁設書院延伯奇以數學教授生徒亦未就八年五月卒年五十有一

李善蘭字壬叔海寧人諸生從陳奐受經於算術好之獨深十歲即通九章後得測圓海鏡勾股割圓記學益進疑割圓法非自然精思得其理嘗謂道有一貫藝亦然測圓海鏡每題皆有法有草法者本題之法也草者用立天元一曲折以求本題之法乃造法之法也算術大至離離交食細至米鹽瑣碎其法至繁以立天元一演之莫不能得其法故立天元一者算學中之一貫也並時明算如錢塘戴煦南匯張文虎烏程徐有壬汪日楨歸安張福禧皆相友善咸豐初客上海識英吉利偉烈亞力艾約瑟韋廉臣三人偉烈亞力精天算通華言善蘭以殿九里幾何原本十三卷續二卷明時譯得六卷因與偉烈亞力同譯後九卷西士精通幾何者題其第十卷猶玄奧未易解譯奪其多善蘭筆受時輒以意匡補譯成偉烈亞力款曰西士他日欲得善本當求諸中國也偉烈亞力又言美國天算名家羅密士嘗取代數微分積分合為一書分款設

清史稿

卷五十一

二十四

題較若列眉復與善蘭同譯之名曰代微積拾級十八卷代數變天元四元別為新法微分積分二術又借徑於代數實中土未有之奇秘善蘭隨體剖析自然得力於海鏡為多粵匪陷吳越依曾國藩軍中同治七年用巡撫郭嵩燾薦徵入同文館充算學總教習總理衙門章京授戶部郎中三品卿銜課同文館生以海鏡而以代數演之合中西為一法成就甚衆光緒十年卒於官年垂七十善蘭聰強絕人其於算能執理之至簡取數至繁故衍之無不可通之數抉之即無不可窮之理所著則古昔齋算學詳藝文志世謂梅文鼎借根之出天元善蘭能變四元而為代數蓋梅氏後一人云
華衡芳字若汀金匱人能文善算著有行素軒算學行世其筆談一書猶為生平精力所聚凡十二卷第一卷論加減乘除之理第二卷論通分之理第三卷論十分數第四卷論開方之理第五卷論看題取題之法以明加減乘除通分開分之用第六卷論天元及天元開方第七卷論方程之術已出四元之意末乃專論四元第八卷論代數釋號及等式第九卷論代數中助變之數及虛代

之法第十卷論微分第十一卷論積分十六款以明之第十二卷論各種算學不外乎加減乘除二論一切算稿宜筆之於書三論算學中可以著書之事四論學算與著書非兩事五論繙算學之書六論嗜人傳當再續統計自加減乘除通分以至微分積分由淺入深術本繁難而括之以簡易之旨理本艱深而寫之以淺顯之詞又於同治十三年與英士傅蘭雅共譯代數術二十五卷衡芳序之曰代數之術其已知未知之數皆代之以字而乘除加減各有記號以為區別可如題之曲折以相赴迨夫層累已明階級已見乃以所代之數入之而所求之數出焉故可以省算學之工而心亦較逸以其可不假思索而得也雖然代數之術誠簡便矣試問工此術者遂能不病其繁乎則又不能也夫人之用心日進而不已苟不至昏眩迷亂必不肯終輟故始則因繁而求簡及其既簡也必更進焉而復遇其繁雖迭代數十次其能免哉自是知代數之意乃為數學中鉤深索隱之用非為淺近之算法設也若米鹽零雜之事而概欲以代數施之未有不為市僧所笑者也至於代數天元之異同優劣讀此書

清史稿

卷五十一

二十五

者自能知之無待余言也又與傅蘭雅共譯微積溯源八卷序之曰吾以為古時之算法惟有加減而已其乘與除乃因加減之不勝其繁故更立二術以使之簡易也開方之法又所以濟除法之窮者也蓋算者自有加減乘除開方五法而一切簡易淺近之數無不可通矣惟人之心思智慮日出不窮往往以能人之所不能者為快遇有窒礙難通之處輒思立法以濟其窮故有減其所不可減而正負之名不得不立矣除其所不受除而寄母通分之法又不得不立矣代數中種種記號之法皆出於不得已而立者也惟每立一法必能使繁者簡難者為易遲者為速而算學之境界藉此得更進一層如是屢進不易而所立之法於是乎日多矣微分積分者蓋又因乘除開方之不勝其繁且有窒礙難通之處故更立此二術以濟其窮又使簡易而速者也試觀圓徑求周真數求對數之事雖無微分積分之時亦未嘗不可求惟須乘除開方數百次其難有不可言喻者不如用微積之法理明而數捷也然則謂加減乘除代數之外更有二術焉一曰微分一曰積分可也其積分猶微分之還原猶之開方

為自乘之還原除法為乘法之還原減法為加法之還原也然加與乘其原無不可還而微分之原有不可還者是猶算式中有不可還原之方耳又何怪焉如必曰加減乘除開方已定供吾之用何必更求其精是舍舟車之便利而必欲負重遠行也其用力多而成功少蓋不待智者而辨矣又代數式中末卷之中載求平員周率簡捷法式為猶拉所設未有此法之時曾有算學士固靈用平員內容外切之多等邊形費極大工夫算得三十六位之數設徑為一周為三一四一五九二六五三三八四九三三三八四六二六四三三八三二七九五零二八八其臨死之時囑其家以此數刻于墓碑蓋平時得意之作恐其腐滅故欲傳之永久亦猶亞基默得之之墓刻一球形與員柱形也又與傅氏共譯三角數理此書為英士海麻士所譯海麻士專精三角入線之學著書十有二卷皆言三角數理即名為首明三角用比例之理次論兩角或多角諸比例數次論造八線比例表之法次解平三角諸形次論諸角比例乘約變化之理紀彼國算上棟弗美創例也附以專論對數術及諸三角形設題

清史稿

二十六

一百則為書三卷以引學者次總說球上各圖及弧三角形之界次解正弧斜弧三角形之法次雜論求弧三角數種特設之表終以弧三角形設題二十七則焉然書中說解過于煩費仍不能變外角和較與垂弧次形總較諸舊法故自海氏書出益覺徐有壬拾遺三術難能可貴超越西人又與傅氏共譯代數難題解法十六卷其弟世芳字若溪亦通算術著有近代噫人著述記

清史稿

列女一

列傳

積家而成國家恒男婦半女順父母婦敬舅姑妻助夫母長子女姊妹娣姒各盡其分人如是家和家如是國治是故匹婦能勉帷閨之內讓酒食操井臼勤織紉組紉乃與公卿大夫士謀政事農勞稼穡工業勞曲商賈通貨財同有職於國而不可闕晚近好異議以謂女蒙於父妻蒙於夫戚戚求自食或謂女制於父母婦制於舅姑妻制於夫將一切排決舍家而圖國務為閨大其過不及若殊要為自棄其所職而害中於家國則均嗚呼何其誣也古昔聖王經國中而為之軌億萬士女母或逾焉是故矜其變所以誨其正懲其異所以勸其庸範而趨於一使凡為女若婦者循循各盡其職則且廣之為風俗永之為名教有國者之事以權始以化終權故行化故成國以治平清制禮部掌旌格孝婦孝女烈婦烈女守節殉節未婚守節歲會而上都數千人軍興死寇難役輒十百萬則別牘上請捍強暴而死爰書定亦別牘上請皆謹書於實錄其徵之也

清史稿

列女傳一

廣其禮之也顯流風餘韻絲絲延延風雨如晦鷄鳴不已故知權所以能行化所以能成尤必有富於人人之心固不可強而致也列女入史始後漢書用其例擇尤炳著如千人賢母孝女孝婦賢婦節婦貞婦貞女烈婦義行邊徼諸婦以類相從其處變事相亞者厭而比焉纂昔懿德來淑敬我彤管宜有助於興觀

- | | |
|-------|-------|
| 田緒宗妻張 | 嵇永仁妻楊 |
| 張英妻姚 | 蔡璧妻黃 |
| 尹公弼妻李 | 錢綸光妻陳 |
| 胡彌禪妻潘 | 張棠妻金 |
| 洪翹妻蔣 | 張蟾寶妻姜 |
| 施曾錫妻金 | 廷璐妻憚 |
| 汪楷妻王 | 馮智懋妻謝 |
| 鄭文清妻黎 | 程世雄妻范 |

乃克以其喪還楊質衣管葬竟撫曾筠而泣曰我前所以不死以有舅姑在舅姑既沒而葬今又葬汝父我可以死則又有汝在汝父以諸生死國事汝未成人當如何則又嗚咽曰我其如何曾筠長而力學楊日織布易米以為食指謂曾筠曰汝能讀書乃得啖此未亡人則欲粥及曾筠官漸顯恆誠以廉慎雍正十一年卒年八十有四永仁曾筠皆有傳永仁妾蘇字瑤青從永仁福州臨難取帶面永仁而縊年十七

張英妻姚桐城人英初官翰林貧甚或餽之千金英勿受也故以語姚姚曰貧家或餽十金五童僕皆喜相告今無故得千金人問所從來能勿慚乎居恒質衣買米英祿稍豐姚不改其儉一青衫數年不易英既相彌自謙下戚黨或使婢起居姚方補故衣不識也問夫人安在姚遂巡起應婢大慚沮英年六十姚製棉衣貸寒者子廷玉繼入翰林直南書房聖祖嘗顧左右曰張廷玉兄弟母教之有素不獨父訓也卒年六十九有含章閣詩女令儀為同縣姚士封妻好學有蠶窗集英廷玉皆有傳

清史稿

列女傳一

四

蔡璧妻黃漳浦人世遠母也璧喪妻以為妾耿精忠為變璧方客京師黃奉璧父母避山中璧母老不能粒食輟女子子乳乳之璧父母命璧以為妻世遠妻劉事舅姑孝世遠既貴家人謀買婢勿許謀備乳母劉曰吾六子四女皆自乳吾不以貴易其素世遠有傳

尹公弼李妻博野人公弼早卒家貧舅姑老父母衰病無子養生送死拮据屢勉教子會一有法度通籍出為襄陽府知府李就養兩陽不時必躬自臨禮禮疫驅蝗亦如之冬寒民六十以上量予布帛襄陽民德之為建賢母堂李賦詩辭之不能止會一移揚州府知府揚州俗奢李為作女訓十二章教以儉累遷河南巡撫所至節俸錢界高年布帛周貧民佐軍餼皆以母命為之民間輒為立生祠如在襄陽時會一內擢左副都御史李以疾不能入京師陳情歸養復以母命里塾社倉次第設置居數年高宗賜詩嘉許榜所居堂曰荻訓松齡卒年七十八公弼曾孫湖醇妻徐亦早寡與其族公亮妻高公聘妻楊德一妻韓成一妻李多福妻劉林妻王二喜妻朱合稱尹氏九節會一有傳

錢綸光妻陳名書綸光嘉興人陳秀水人幼端靜讀書通大義初昏綸光侍其父瑞徵出上冢陳從樓上望見少年毆佃客幾死略血方大雪沾衣盡赤佃客家以其族黨至洵洵陳遺蒼頭問少年從子也乃昇佃客入室召醫予藥界其母錢米呼從子使受杖衆乃散瑞徵還亟賢之陳善事舅姑助綸光款賓客周鄰里曲盡恩意綸光卒教子尤有法度子陳羣自有傳界官陝西醴泉知縣有賢聲陳晚為詩號復庵著畫號南樓老人詩三卷戒陳羣母付刻畫尤工山水人物花草皆清迥高秀力追古作者曾孫女與齡字九英為廣西太平府同知吳江荆嘉珍妻亦能畫題所居曰仰南樓

清史稿

列女傳一

五

胡彌禪妻潘桐城人彌禪卒遺三子長子宗緒方十歲貧遺就學村塾日倚閭泣而送之踰嶺不見乃返暮復迎之而泣三年貧益甚能學潘不知書使兒誦以意為解說一日聞程朱語歎且起立曰我固謂世間當有此聞誦司馬相如美人賦則怒禁母更讀諸子出必告襟襟露則答之問奈何不由正路歲饑潘日茹瓜蔓而為麥粥飯兒有餘以周里之餓者嘗命僕治室發地得千金獻宗緒宗緒不受母聞乃喜宗緒成雍正八年進士官至國子監司業篤學行有所述作

張崇妻金秀水人崇卒金作苦奉姑晨炊偶有餘日午復以進姑呼金共食金慮姑不足輒以腹痛辭姑病侍食營藥搔癢滌髮拭垢靡不躬焉夜坐牀下聞呻吟即起姑沒哭之痛曰吾將何怙以冀孤兒長乎則愈益作苦方冬捆屨兩手龜且裂敷以醬及蠟淚痛如割必畢事乃寢子庚稍長有文行客游以為養一日金晨起理髮竟登案拔囊西南望曰我安得望見江西時庚方客南昌南昌於浙為西南故云既得旌泣而言曰我姑亦早寡徒以年已逾三十不中令甲而我得被旌我於是有私痛也年七十九而卒

長出就里中師里中師不辨音訓母爲正其誤日數十字母織子誦往往至夜分翹大父噪嘗守大同父公案獨偵大同官通十有餘萬不以累弟昆受託趙氏孤坐累家破卒全之以此名孝義將恒舉以勗禮吉喪舅姑毀甚既復喪母疾作遂卒禮吉更名亮吉有傳

張煢實妻姜武進人煢實父金第客死京師妻白食貧撫諸孤煢實復早卒姜撫二子惠言胡貧惠言就其世父讀歸省姜無食明日惠言餓不能起姜撫之曰兒不慣餓憫耶吾與而姊而弟時時如此也惠言稍長使授切書姜與女課女紅常數線爲節晨起盡三十線乃炊夜然燈視二子讀恒至漏四下里蒸稱姜苦節如其姑惠言有傳

施竹錫妻金名鏡淑曾錫桐鄉人金震澤人曾錫故有文行以副榜貢生終孤福元生七年矣教之嚴夜篝燈讀書福元稍怠欲朴之朴未下涕泗交於頤輒罷初竹錫喪父母及所生父金撤簪珥以佐葬及葬曾錫家益貧紡績冬寒皸瘃十指皆流血所生姑亦卒乃還依母歲大無具飯飯母並及福元而自食豆

清史稿

列女傳一

六

粥雜糠覈母病待尤謹福元以舉人知西江安福縣而金已前卒

廷璐妻惲廷璐完顏氏滿洲鑲黃旗人惲陽湖人名珠字珍浦惲自壽平以畫名其族多能畫毛鴻調妻惲冰字清於畫尤工粉墨映日有光於珠爲諸姑珠亦能畫善爲詩廷璐爲泰安知府卒官珠撫諸子麟慶麟昌麟書教之嚴持家政肅而恕嘗擬列女傳爲蘭閨寶錄撰定清女子詩爲國朝女士正始集校刻壽平父日初遺書及李容集皆傳世麟慶有傳

汪楷妻王妾徐蕭山人楷爲河南淇縣典史嘗廉民冤白令爲平反既去官客死廣東母七十徐有子輝祖幼喪歸索債者至王露田出嫁時衣裝以償楷弟不肯恒求錢以博甚或篡輝祖去得錢乃歸之已將以母遷王與徐力請留奉侍甚謹母垂沒歎其賢孝教輝祖讀或不中程徐奉筮呼輝祖跪受教王涕泣戒督往往乘筮罷貧益甚互稱疾減食食輝祖輝祖長出游佐州縣治刑名王戒之曰汝父嘗言生人慘怛無過囹圄中偶朴一人輒數日不怡曰彼得無恙恨哉其生乎汝佐人當知此意輝祖自外歸必問不入人死罪否破人家否曰

無則喜卽言法不免王與徐輒相視爲流涕王尤不喜言人過輝祖或偶及之必曰汝能不爾卽佳此何與汝事徐居常布衣操作歲饑日織布一疋易三斗粟雖瘡不爲止一絮被餘二十年輝祖請易曰此汝父所予不可易也徐病輝祖進淺卻之曰汝父客死吾不獲以此進吾何忍飲王強之微啜而能徐卒十餘年輝祖成進士而王卒輝祖有傳

馮智懋妻謝智懋長洲人謝嘉興人智懋家中落再遇火謝處貧困勉無所恨子桂芬入學爲諸生謝喜曰汝家久無秀才汝繼之甚善願世世爲秀才母覬科第也及得第訓之曰人必有職女紅中饋婦職也易盡耳汝當思盡其職又曰好官不過多得錢然則商賈耳何名官也汝謹當不至是勉旃蘇州嘉興皆困重賦謝氏以催科破家謝每謂桂芬汝他日爲言官此第一事也同治初江浙初定桂芬佐江蘇巡撫李鴻章幕成減賦之議蘇州松江太倉三府州減三之一常州鎮江減十之一浙江巡撫左宗棠繼請嘉興亦得量減時謝已前卒桂芬有傳

清史稿

列女傳一

七

鄭文清妻黎遵義人事祖姑及姑能得其歡心貧令長子珍就傳諸子力田教督之甚肅珍錄平生所訓誠爲母教錄嘗曰婦人舍言容工無所謂德言只柔聲下氣容只衣飾整潔工則鍼黹紡績酒漿醞醞終身不能盡又曰人雖貧禮不可不富禮不富是謂貧貧珍儒林有傳

程世雄妻萬衡陽人世雄兄世英早卒妻何無子世雄旋亦卒子學伊弱族有爭嗣者萬以學伊繼承世英後姑喪未殯火發何萬與諸婢號泣奉柩出火爲之止萬善治家學伊長家漸起咸豐間軍興諸將唐訓方陳士杰彭玉麟皆倚學伊籌兵食萬日具百人饌爲規畫周至賢母名益聞力施與贍諸戚族教孫曾皆成立年八十九卒

高學山妻王瀘州人王歸學山視前室子四皆羸弱鞠育甚至長子病且死泣語中母恩願再來爲母子第三子病亦如之逾年學山夢二子者至即夕王學生二子王教諸子讀書擇友有法度多取科目學生子同舉於鄉

王氏女娥九江居者女也順治十四年火屠者方醉臥娥奔火中呼不起遂並

焚死張天相女巧姑儀徵人乾隆十年正月庚寅火天相方病巧姑年十四負父欲出同死明日得其尸猶負父也周氏女六安人父醫女八歲火作母抱女出問父胡不出母曰父誓不能行奈何女入火中導父行火烈迷路俱死王枚女慈谿人康熙十六年七月乙未乙夜慈谿火女方居母喪停棺於堂火至女呼昇棺無應者伏棺上泣父從火光中遙見之抱之出則已死灌以礬水稍甦聲出喉問僅屬問母棺出否家人不答遂哽咽而絕女年十五薩玉瑞妻許閩人夫亡姑初喪火發護姑柩不去同燼

繆濟妻蔡名慈泰州人父孕琦生五女而慈為長字濟未行孕琦坐法論死繫獄待決慈絕嗜好屏服飾履不解衣嚴寒不設爐火居四年濟請昏慈謝不行康熙二十八年聖祖巡江南慈伏道旁上疏略云妾聞在昔淳于緹縈為父鳴冤贖罪漢文帝憐而釋之載之前史傳為盛典今妾父孕琦被仇害自逮獄以來妾日夜悲號顛天無路每夕遙望宸闕禮拜數千於今三年寒暑靡輟今幸駕臨淮海是誠千載奇逢妾願效緹縈之故事冒死鳴哀伏維天鑒上下其疏

清史稿

列女傳一

八

江南江西總督覆讞二十九年讞上孕琦得減死慈歸濟未一年卒

濮氏女桐鄉人其父無子而母妬不使置媵侍家萬金悉界女嫁吳生予田宅奴婢什物皆具女獨怒父未有子嘗從容諫母母怒罵曰吾萬金餉汝汝豕猶知人意况人乎女不敢復言乃為父置婢其家時父至使侍父歲餘果生男載而之母家會濮氏長老見男於廟具白母賀母有子母憾女盡收田宅奴婢什物驅就他舍屏勿復相見吳生既以婦富乃驟貧憤患欲殺女女度無所容自經死

李氏女鹿邑人次三父麒生與族人礎挺九月隙挺九語礎若與麒生有殺姊讐不先之終為害礎與其子兆龍行求麒生共歐之垂死乃棄去三時年十九麒生將死暗曰讐殺我我無子能報者尙何言呼天天遂絕三請於母訟縣及府皆不省訟巡撫下開封府同知治挺九好語三願養母請得息訟三扼其吭齧而盡壞卒脫去獄上當礎死礎自殺兆龍杖創甚亦死三以禍始挺九願無罪走京師擊登聞鼓自列下巡撫覆按會挺九亦死三泣告父墓曰讐雖盡

然不棄於市恨未雪也乃不嫁養母居十五年康熙三十七年八月母卒三治喪葬竟自經死乾隆中知縣海壽許表其墓環墓為之田曰李孝女墓田來氏二女蕭山人姊曰鳳筠年十四父客福建從渡古田籍洋父墮水鳳筠方臥病聞遽起躍入水呼救魚舟集援出水鳳筠瘁慄無人色猶為父易衣夜半遂死鳳筠其女弟也父病露禱百餘夕不勝寒亦死

曾尚增女衍綸長清人尚增以庶吉士改官遷知郴州衍綸從母病瘳不能起衍綸日夜侍居四年一夕母命衍綸少休女備就牀下熏衣遺火灼帷衍綸突火入抱母號救者以衍綸出復入哭且呼曰速救夫人夫人出我乃出火幕牀救者不得入尚增厲聲呼衍綸出不應火益熾遂殉既滅火見衍綸身覆母兩體膠結不可解時乾隆二十三年十二月乙亥衍綸年十五又有王氏女懷遠人母亦病瘳火作女突火入負母俱燼劉魁妻徐霍邱人既嫁而歸省火作負父出復入負母病瘳不能起俱焚火熄見徐跪牀下猶執母手薛中奇女宿州人侍祖母火作扶祖母出梁折承以肩焚死祖母得免

清史稿

列女傳一

九

呂氏女平陸人父卒母且嫁女生七年痛哭諫其母母不聽則日長跪母前且哭且言母意終不迴一日晨潛出家人求之勿得暮途人或言璠間有幼女死焉家人就視則女哭父瘞所死矣淚血溢兩眶遍地盡碧及飲視其寢處枕上血深漬數重

余長安女名西州四川重慶人長安安訟人聚博宰耕牛坐誣成湖北嘉慶十六年西州走京師詣都察院自陳祖父母年皆逾八十乞赦其父得侍養事聞仁宗以長安罪非常赦所不原至配所已九年其女年甫十一不遠數千里匍匐奔訴情可愍命赦長安

王法燮女名淑春揚州人法燮老而貧淑春誓不嫁力鍼術為養方冬手龜身寒頭工不輟法燮至七十餘卒淑春以首觸壁額裂死武仁女名端錢塘人能讀書願不嫁事父母父母不可少長母偶疾夜求藥墜樓折脊則喜曰吾今形殘不可匹人吾自是得終事父母矣仁客死貴州端從母迎喪至則資已盡力鍼術奉母而蓄其餘居十有七年始克以喪歸唐氏女名素無錫人貧無昆弟

亦不嫁露晝以贖父母

張桐女名富蔚州人道光九年山水暴發家人皆走避桐方病臥富將負父出弱不勝水大至父揮之去號泣俱溺水退家人至見富兩手猶握父臂不釋汪儼聘妻周劉氏女名密吳某聘妻周皆六安人儼卒周歸汪氏事舅姑水至周從姑乘屋攀樹姑墮水周躍下拯之與俱死密與母同墮得板扉緣以上扉故屢墮母呼密速上密曰扉狹不足全我母女冀活母兒不上矣遂死周既入水或援之登舟問父母存否皆曰不知復躍入水死李薦一聘妻曾南豐人未行遇水室盡母投水死女援不及入水殉

袁斯鳳女璉字儀貞江蘇華亭人斯鳳官河南懷慶府黃沁同知璉事父母孝視疾尤謹母陳有寒疾璉樹母側視起居母命之臥頃輒起八年陳疾少瘥璉乃曰世無不可治之疾人力未至而委之天命則以為不可治爾斯鳳疾作乍劇乍瘥夜靜或大雪璉嚴立窗外伺聲息往往不眠道光十四年斯鳳疾大作醫謝不治璉聞涕泣已而怒曰誰謂不可愈吾必欲愈之而斯鳳竟卒後四日

清史稿

列女傳一

十

璉聞屏欲自經嫂過而勸之璉泣誓死嫂喻以殺身非孝璉作色曰吾自欲死此時雖孔子朱子以吾為不孝吾亦惟死爾嫂曰獨不念病母乎璉曰有汝在乃告其母共諭慰之又二日璉竟死死後母察歛具得斷劍

丁氏女鶴慶人父貧煨石為灰以自給女助之年十六父卒女力作養母嘗負重而躓遂病為備食於備家每飯思母輒啜人憐之許其分食以遺否必為母炊竟乃出備居四十餘年母卒女亦卒

朱械之女武清人字縣諸生曹文甲早喪父母病奉事良謹將昏女堅請留待母母卒治喪葬請旌母節奉母主人祠見祠有孝女為低徊甚久歸遂自裁遺書告文甲曰君家孝娥以身殉父兒愚祇知有母深負舅姑慈願更得賢婦奉養殮也

杜仲梅女末姑安徽太平人賊至刃其母抱持乞代刃及終不釋賊去母創死女抱母尸泣達旦尋毀卒同時二方氏女一年十四一方九歲皆代母死又有劉可求女亦太平人弟被掠女請於父易弟歸即夕自殺

楊泰初女徽德係承沂女錦宜皆休寧人徽德年十二母死寇抱尸不食死錦宜七歲寇殺其祖母守尸側五日賊與食卻之餓死

趙承毅聘妻丁名晚芬武進人父士衍官蠡縣知縣母趙及晚芬從咸豐十年洪秀全兵破常州承毅大父起殉焉或傳承毅亦見執母感傷發病卒明年二月壬子夕晚芬自經死將死書所為思親賦及詞六篇字畫端靜如平時彭蔚麒女名詠春懷甯人陳寶廉二女慧莊慧敬侯官人皆殉母詠春哭母殯僧寺登浮屠自投死慧敬請以身代母慧莊居母喪皆仰藥死

吳士仁女獻縣人幼喪父無兄弟誓不嫁養母會寇至女求利刃置袖中扶母出避遇二寇擠母仆母怒誓寇持刃欲斫女急呼曰母殺我母我從若不則死寇乃止扶母還其家藏母於室出問寇飢否具食使食食畢一方飲一出臥他室中女躍飲者後挾刃刺其頸貫喉嘶而仆女陽為嬉笑拔所佩刀至他室臥者方起立遽前刺其胸亦死乃負母出走

王濟源女東強人幼即能事父母寡兄弟遂矢不嫁嘗有盜夜破門入女持火鎗立暗隙擊一盜斃盜乃去喪父母葬祭皆如禮為立後同治間寇至負父母木主行避寇逾六十父母忌日歲時祭墓猶號泣哽咽

清史稿

列女傳一

十一

董桂林女樂亭人桂林卒女十二不嫁耕織以養母昌黎富家子聞其賢請昏願代之養女堅拒不許母卒女五十餘矣鬻田以為歛存屋數椽田一畝杏五樹女即牖外置母棺手舂土以封獨處晝夜懸刀自衛又十餘年隣里高其義噉金為營壑

耿恂女名一圭望都人恂舉人無子客授保定母劉病痺一圭按摩抑搔嘗六七晝夜不少休母少間因臥牀下恂自外至誤踐其手指甲脫血流至肘恂不自知也嘗議婚某氏子未聘而某氏子天女聞泣曰我得終事父母矣遂矢不字劉病垂二十年哽噎不能食食必女口哺恂卒持喪奉病母歸里逾年劉亦卒一圭營喪葬自為文以表於阡一圭嘗以生日上冢掬土以益墓德什墓側家人掖以歸數日卒

吳芬女開縣人女次第二芬光緒二十三年拔貢生以知縣發山東女留侍母

芬病女聞夜輒焚香露禱三十一年芬卒女聞大悲且悲曰人謂天有眼我夜焚香露禱叩頭至數百乃漠然不一顧耶越日飲藥死時年十三

邵氏二女黠人長名媚十五次名揚十三從父入山樵虎出噬其父媚持父柩樵斧斫虎負創去父女皆不死蔣遂良女城步人虎挾其母去女奪以還

徐氏二女淑雲淑英溫江人父警兄登雲早卒嫂凌疾革撫子成龍而泣淑雲淑英在側曰我二人在當扶持以長嫂何虞時成龍方二歲淑雲淑英皆不嫁以女紅事畜卒扶持以長

李鴻普妻郭禹州人鴻普母王明季流賊破州自經死失其尸鴻普將斲棺為之象未成而卒郭力紡織奉其舅及後姑子以遠稍長喻以父意求檀輒不中象材郭乃刺左腕出血盈盂和香屑為象復剪髮飾其首以達驚叩首泣郭曰我姑以節死我何愛髮若血不以奉姑吾無恙汝又何悲象成藏潔室日上飲膳事如生其後又有牛輔世妻張太原人姑卒刻木祀之飲食必祭

高位妻段宛平人位卒段年十七二子幼依其兄以居兄勸改嫁段不可携二

清史稿 列女傳一 十二

子徙居小市板屋中長子早死次子為吏以罪徙遼左乃復撫諸孫段年九十

孫裔成進士贖其父以歸裔母谷事姑孝始處賤躬灑掃晨侍盥櫛食時就甕下作羹親上之食畢然後退日以爲常既貴終不改或以爲言谷曰若母言吾與姑故寒苦姑習我非我供事姑終不適吾老矣灑掃盥饋以事我姑此日可多得耶康熙二十七年段卒年九十六

鄭光春妻葉莆田人光春游湖南久不歸葉以紡績養姑子文炳幼或不率教輒拂心號天文炳懼向學姑老病瘵葉負以出入七年姑乃卒文炳長娶於吳念父不歸婚夕惘惘無歡吳遂巡得其故勸文炳行求父曰事姑我任之文炳行求得父以歸吳已卒猶處子文炳子任仁婦張能細其孝

屈崇山妻劉鄂縣人崇山卒劉奉姑以居康熙三十年歲凶姑勸之嫁不從饑益甚姑泣劉語曰我且暮且死盍自戕尙可活我劉泣不應姑大慟曰死耳夫何言劉哽咽久之乃曰如姑命自戕於豪家得金界姑號泣登車去豪家方具酒食爲賀劉入厠自經死豪家大恨以飯糞裝尸棄野外

謝以炳妻路仲秀妻鄭季純妻吳湖口人以炳兄弟並早卒三婦勵節事姑姑病繼迭吮之良愈

王鉅妻施鉅蕭山人施富陽人姑嚴小不當意輒呵斥施屏息不敢聲姑病反胃甚醫以爲不治施到股和藥進病良已姑遇施如故鉅疾作施視疾德病瘵卒姑猶不善施鉅以封股事告視其尸信乃大慟曰吾負孝婦及疾篤出珠花付鉅曰汝婦孝以此志吾痛使汝子孫勿忘蕭山人因稱鉅後爲珠花王氏

陳文世妻劉邵人陳劉皆農家劉待年於陳既昏姑年七十二病啞劉割臂和藥以進疾少間既而復作不食已十日垂盡矣劉夜屏人殺雞誓於神持小刀自割其胸二寸許出肝剖半取布束創以肝與雞同淪湯奉姑姑久不言忽曰湯香甚飲之竟病良愈劉亦旋平爲乾隆四十四年夏六月事知縣嘉興李集出俸爲買田宅宅北有大陂幾三頃因命曰孝婦陂

張守仁妻梁獻縣人守仁卒祖姑穆耄而瞽且癯日假仰牀梁備力以養或諷梁嫁梁曰我今日嫁明日祖姑飢且死義不忍祖姑善悲小不當意則怒嘗或攫其面血出梁事之自若祖姑卒依其女以終縣又有韓守立妻俞祖姑及姑皆瞽或妄言割肉以燃燈可愈守立願試之俞請代剖右股然之盡十餘日祖姑目復明

路和生妻吳靖遠人善事姑姑喪明吳侍左右非整衣不入或言姑無見也吳曰吾心自不可欺耳諸君祿妻唐零陵人姑胡老無齒兼病瘵唐日操作畢輒跪而乳之或曰坐可也唐曰是乳小兒也乳姑不可

牛允度妻張通渭人三十而寡奉姑謹嘉慶六年大稔求野菜以食姑老病久之不能復食張貸錢得市脯進姑又久之貧不繼姑病欲絕張慰之曰姑稍待婦製草笠可得錢數十猶足爲數日供也笠成賣得錢姑已死乃求市脯祭朝夕哭以餒餘活夫弟

游應標妻蕭新都人應標出耘蕭居積火發翁室翁老病不能行蕭冒火入負翁將及門門焚俱死將廣居妻伍桐城人寡奉姑徐嘉慶二十四年火作徐年九十六矣臥不能起伍自火中奔赴負徐至甕前火過俱死伍尸倚牆背負徐

清史稿 列女傳一 十三

俱儼立不仆面如生又有扶溝蔣有廣妻陳救翁清川閩惠妻李救姑皆火死周學臣妻柳湖口人早寡夜突門翁山視驚仆柳徒手擊虎虎自去王德駿妻盛益陽人事祖姑孝病啞哺以乳寇掠縣負姑夜通墮虎穴禱於虎虎不啞張茂信妻方茂信河津人方儀徵人方醫割股愈舅疾舅與茂信皆卒奉姑劉姑嚴方事之謹當夏姑病暴下方躬滌齒席不以爲穢夜與姑共枕寢微呻輒起撫摩抑搔五十餘日姑愈亟稱其孝林經妻陳連江人姑盲性下常臘婦親已陳斷三指自明姑爲之悔經病刲股經卒以節終

張德隆妻李遷安人寡從弟欲奪其志力拒歲餓驅驢賣石灰易米以養姑一日遇盜泣曰驢可將去丐留囊中物俾我姑不即餓死盜舍之去

武烈妻趙烈永年人趙宣化人趙事姑孝姑病夜露禱得寒嗽疾烈病疫或謂口吮胸汗出則愈而吮者當病趙曰果爾死不恤卒吮之烈竟卒趙病幾殆貧操作紡績諸子成進士自奉恆殷親族有緩急往往傾其資出千金置義學卒遂祠焉

清史稿

列女傳一

十四

係卽人妻吳連江人姑陳早寡遺腹生卽人性嚴急有不當意輒擊臥卽人偕吳跪牀下俟意解命之起乃起卽人卒吳以節終李天挺妻申日照人天挺早卒姑嚴中年六十猶終日跪庭中居姑喪以毀卒劉與齊妻魏秦州人既寡事姑日被管罵歡顏受之躬養十餘年不忘周志桂妻馮湘鄉人姑暴忍饑以養猶時時加錘楚姑病瘵不能舉杖叱馮跪自搥流血不敢怨歷三十餘年人名其里曰孝婦村

歐陽玉光妻蔡湘鄉人玉光母劉治家有法度玉光居父喪以毀卒蔡承姑教董家事率如婢與子姪備奴各有專職家漸起子惟本亦娶於蔡姑家貧將嫁宗族周焉得錢三千有奇陰置程薦中而繫鑰其端父送女還入室引鑰則錢在焉曰孝哉我女留此以活我惟本亦早卒從姑敬事祖姑祖姑與姑執筭侍左婦自右爲約髮盥姑奉水婦奉漿及食婦具饌姑俯之寢三世連牀一夕姑起墮牀折脇婦號泣就接姑戒勿聲母令祖姑驚也祖姑晚喪明手足痿痺挽從與日遊庭中姑肩前婦肩後祖姑劉年至九十姑蔡九十六婦蔡八十三曾

國藩爲之傳謂歐陽姑婦雖似庸行無殊絕者而純孝兢兢事姑至六十年五十年之久而不渝天下之至難無以踰此

蕭學華妻賀湖南安化人賀父徙陝西學華贊其家年餘學華歸省母賀欲與俱父不許賀割股肉付夫以奉姑姑適病學華烹肉進病良已後學華携賀歸事姑以孝稱

張友儀妻陳福建永定人事姑孝姑嘗稱曰諸婦汝最樸訥然酒漿筐篋瑣碎無不治得吾意者汝也友儀早卒陳未三十勉痛事姑撫孤子同治初寇至負姑入山避徒行數十里踵裂血流屢踣屢起匿深林中然枯枝採野蕨以活卒得免子日焜妻李嘗割股愈母病事祖姑及姑孝姑病割臂進病目眦以舌良已嘗赴族人飯心動歸正姑病又嘗宿姻家夜半索與還姑曰吾正念汝汝必念我速歸也

馮氏武進人嫁吉龍大事舅姑謹姑病偏廢飲食臥起皆需馮而龍大游蕩欲街馮以媒估客馮不可龍大引外婦入室舅怒而逐之馮曰姑病婦終日侍苦

清史稿

列女傳一

十五

爲他事開得一人分其勞甚善因持臥具從姑寢龍大時時毆辱馮馮未嘗有怨色舅病龍大市毒藥授馮令飲其父馮擲藥跪諫數日龍大別市藥毆而過之馮歎曰我所以不死爲舅姑耳今無冀矣入視姑寢至龍大所舉藥盡飲之謂龍大曰我代舅矣後母萌此念須臾毒發死

王銀妻隋諸城人敏而有定識明季奉姑避兵航海行數千里寇至負姑夜踰垣匿谷中以免銀成進士爲廣東西寧知縣康熙十三年吳三桂反銀城守賊至銀謂隋當奈何隋出匕首曰有此何懼賊去銀行取主事隋請以諸子先行是時賊方盛行人道絕隋得敵舟挾幼子經肇慶度大庾入鄱陽湖水陸行數千里率僕婢佩刀晝夜警備家居地震自樓墮血淋漓持子泣地搖搖未已子請避隋曰諸婢歷其下吾去死矣督家僮發石出之皆復活火發於樓烟蔽梯不可登命以水濡被予諸婢身持溼衣障火先登諸婢汲水次第上火遂得燔子沛恩沛恤沛皆成進士官於朝隋益勤儉自斂抑鄉人稱老實王家林雲銘妻蔡雲銘閩人蔡名捷字步德侯官人雲銘順治十五年進士授江南

徽州推官鄭成功兵入江徽州兵叛蔡矢死不去官省還居建寧耿精忠反下雲銘獄蔡髮之嘔血股紫女瑛佩劍臂肉入藥旋蘇師至雲銘乃出獄雲銘無子蔡為買妾七乃生子蔡御諸妾有恩所親有婦妒而五十無子者蔡延至家與處三日歸為夫買妾生子里婦忤其夫共指蔡以勸曰毋令林孺人知瑛佩為閩清鄭鄭妻

陳龍妻胡龍溪人龍少恃勇為暴於鄉里父老羣謀去害時胡未嫁使密勸乘時立功名龍亡命為盜海島父母將別字胡堅拒聞龍娶不貳龍降官金門總兵知胡猶未字乃成昏海澄許貞嘗以通饑繫獄胡告龍代償其負釋使去貞卒為名將

王勳妻岳曲周人岳奉舅姑篤謹若不能言勳移家臨清而商於天津王倫為亂將攻臨清臨清民爭走避岳請於舅姑曰賊將以臨清為窟必不剪居民以自弱從衆以行不死於奔竄必死於蹂藉宜若可緩然舅姑用其言出者爭道多擠入水死岳曰乃今宜可從官軍且至賊方謀出禦不暇捕逃人且徙者已

清史稿

列女傳一

十六

十八九今行無慮蹂藉今不行免於賊或不免於官軍遂相將潛出城還曲周勳亦歸人稱其能事岳篤謹如故

魯宗鎬妻朱名如玉字又寒仁和人事舅姑孝或以賄于宗鎬有所關說朱勸母受宗鎬曰我度是無利害朱曰諸為不義事皆以為無利害耳奈何以貧賤素行宗鎬悟謝之

馬叔顛妻丁揚州舊城人事舅姑甚謹叔顛兄弟三既分而伯兄以訟破家丁義不已食雖壺酒豆肉必以分一日語叔顛請致家於伯氏叔顛許之丁事伯如舅妯如姑米鹽纖悉一關妯嫁時衣裝飾首約臂皆不私家故賈也叔顛兄善賈遂以其家富叔顛有所請於妯妯不時給叔顛怒曰乃我家所有嫂何與丁曰始讓而終怒人其謂我何勸叔顛母校

許光清妻陳海寧人善持家戚有鬻婦者婦誓死不從陳偕妯朱釀金界其夫要之署券曰彼人游蕩金盡終且鬻婦不如是婦不免乃招婦至善視之其夫死復釀金贖所居遺婦還並前券焚之鄰童入其室竊釀去陳戒家人勿言

曰彼何以為人御婢寬聞有虐婢者必以陶潛語勸曰彼亦人子也

黃開釐妻廖開釐高安人廖沔陽人開釐善為鍼設肆衡州廖佐以紡績開釐病瘵廖習為鍼鍼成置諸版摩以掌鍼乃澤數以是創不懈開釐卒子長發幼婦劉監利人待年於姑氏稍長夫婦共為鍼長發截鐵圓本而銳末持就煨晚火察純蠶劉削竹綴以鋼懸雙緇環竹曳緇則竹轉以穿鍼鼻鍼良市者多家漸裕洪秀全之徒踰湖南家破長發治鍼益力當冬得敵羊裘奉廖與劉皆敵褐短禪手足龜不敢怠長發旋卒子才三歲被火家再破於是廖語劉曰天乎此誠不可再活盍同死劉對曰火亦常也姑婦惟當復食苦耳嘗嘗珥為質遷居賤貴廖持算劉主讓值又數年家復裕廖老而下易怒劉進淡巴菰徐言他事輒解不解即跪謝相持泣乃已廖七十六而卒劉既善質遷隣家就求術劉為謀至詳貧者貸以質同巷居五十餘家多以質遷富開釐初設肆才錢六千四百劉晚年積白金至十萬督子孫就學取科目家益大年七十九而卒黃茂梧妻顧名若璞字和知仁和人顧好言經世之學為詩古文辭自為集序

清史稿

列女傳一

十七

曰若璞不才少不若於母訓筭事東生十有三年開事咏歌大抵與東生相對憂苦之所為作也東生法逝漸殯而哭不如死之久矣徒以裁諸孤在發藏書日夜披覽一子從外傳入輒令隅坐為陳說吾所明日月漸多聞見與積聖賢經傳旁及騷雅詞賦冀以自發其哀思題曰臥月軒稿軒為東生所嘗慰志思也東生茂梧字顧至康熙中乃卒年九十子燦妻丁從願學亦好言經世先願卒

高其倬妻蔡名宛字季玉漢軍正白旗人綏遠將軍毓榮女也毓榮其倬皆有傳宛諳政事其倬章疏文檄每與商惟能詩有蘊真軒詩鈔集中辰龍關鎖嶺江西坡九峯寺諸篇追懷其父戰績尤悲壯為世傳誦嘉慶間鐵保錄滿洲蒙古漢軍旗人詩為熙朝雅頌集以宛為餘集首同入選者珠亮妻嵩山妻皆宗室女張宗仁妻高名景芳詩最多珠亮妻有養易齋詩嵩山妻有蘭軒詩景芳有紅雪軒詩

陳之遴妻徐名燦字明霞吳縣人之遴自有傳徐通書史之遴得罪再遣成徐

子...

從出塞之邊死戍所諸子亦皆沒康熙十年聖祖東巡徐跪道旁自陳上問審
有冤乎徐曰先臣惟知思過豈敢言冤伏惟聖上覆載之仁許先臣歸骨上即
命還葬徐晚學佛更號紫雲有拙政園詩詞集詞尤工陳維崧推為南宋後閩
秀第一畫得北宋法

詹枚妻王名貞儀字德卿枚無為人貞儀泗州人而家江甯祖者輔官宣化知
府坐事戍吉林貞儀年十一者輔卒戍所從父錫琛奔喪因僑居吉林侍祖母
董讀書學騎射十六還江南又從錫琛客京師轉徙陝西湖北廣東二十五歸
於枚後五年嘉慶二年卒貞儀通天算之學能測星象旁及壬遁且知醫為詩
文皆質實說事理不為藻采撰星象圖釋二卷歷算簡存五卷籌算易知重訂
策算證訛西洋籌算增刪皆一卷象數窺餘四卷女蒙拾誦沉疴嘔語皆一卷
繡紉餘箋文選詩賦參評皆十卷德風亭集二十卷貞儀病且死謂枚曰君門
祚薄無可為者我先君死不為不幸平生手稿為我盡致媵夫人媵夫人能彰
我媵夫人者吳江洲嘉珍妻錢附見曾祖母錢綸光妻陳傳中時僑居江甯貞
清 史 稿 列女傳一 十八

儀與相習枚以貞儀書歸焉其姪儀吉為歷算簡存序言貞儀有實學不可沒
班惠姬後一人而已女子治歷算蓋至鮮咸豐間膠州柯衡妻李名長霞遂於
選學著文選詳校八卷上詩有綺齋詩集光緒間濟陽艾紫東妻徐名桂醫治
音韻之學有切韻指南四卷
郝懿行妻王名照字瑞玉一字婉徐福山人懿行見儒林傳照圓文辭高曠
得六朝人遺意懿行有所述作照圓每為寫定題識其所自為書有列女傳補
註八卷序曰列女傳補註者補曹大家註也照圓六歲而孤母林夫人恩勤鞠
育教以讀書嘗從燕間顧照圓而命之曰昔班氏註列女傳十五卷今其書亡
如能補為之註是余所望於汝也照圓謹志之不敢忘分陰適遇奄忽四七寸
草盟心遂成衎恤追省前言隕越滋懼不揣愚蒙略依先師之話用達作者之
意凡所詮釋將以通其隱滯取供吟諷至於義所常行或傳記成文舊人已注
則皆闕而弗論誠知疏陋無能纂續前修庶幾念昔先人少酬明發之懷補註
成請夫子辨析疑義時加訂正無隱乎爾竊所慕焉又校正列仙傳二卷傳有

譚考以隋書經籍志知為晉郭元祖撰復別出為一卷又集傳記言占夢者為
夢書一卷皆自為序附懿行書以行九喜言詩著絕經小記書未成懿行撰詩
問謂與照圓相問答條其餘義別為詩說皆采照圓說為多光緒間其孫聯薇
以書進因誤為照圓著云自照圓為列女傳補注其後又有汪遠孫妻梁校注
梁名端字無非錢塘人幼為祖玉繩所愛元和顧之遠校刻列女傳玉繩為密
定端輒臆其同異退而筆之玉繩為之折衷既歸遠孫與參酌增損端既卒遠
孫為刻行

陳裴之妻汪名端字允莊七歲賦春雪詩擬以謝道韞因又字小韞錢塘人長
為詩旨遠而辭文管撰定明詩初二集上始開國下逮遺民都三十家附錄又
七十人自定凡例以為初集猶主盟之晉楚二集猶列國之宋鄭魯衛附錄猶
附庸之邾莒杞薛梁德細稱其宗尚清蒼雅正能掃前後七子門徑吳振械稱
其論一代升降正變元元本本縱橫莫當端所自為詩有自然好學齋集裴之
卒子又有疾舅文述素奉道端詩亦多為道家語既卒諸姪重定其集盡刪晚
清 史 稿 列女傳一 十九

作二本並行於世
汪延澤妻趙名蔡字儀姑延澤烏程人趙上海人戶部侍郎秉沖女也幼讀書
能詩文有慮月軒詩集四卷文集二卷詞一卷自為序略曰宋後儒者多言文
章吟咏非女子所當為故今世女子能詩者輒自諱匿以為吾謹守內言不出
於閨之禮反是則廷欺炫囂於世以射利焉耳是二者皆失之也禮昏義女師
之教婦言居德之次鄭君注云婦言辭令也夫言之不文行而不遠文章吟咏
非言辭之遠鄙倍者歟何屑屑諱匿為子曰楨撰二十四史日月考趙為之序
曰劉義叟撰劉氏輯術迄於五季書久佚僅存通鑑目錄自宋迄明六百餘年
未有續為之者曰楨好史學習算考當時行用本術如法推步得其朔閏自史
記至新舊唐書屬草已一百餘卷余亟欲觀其成預為此序俾寫定冠諸簡端
吳廷鈺妻張廷鈺常熟人道光六年進士官至刑部員外郎張名紹英字孟縵
陽湖人世父惠言父琦皆博通能文章紹英與諸女弟承其教咸有述作皆能
詩紹英兼為詞秀逸有王沂中張炎遺意味紹英亦能詩詞論英尤工書傳琦

筆法真書出入歐陽顏楊諸家分書自北碑上溯晉漢遼沈厚執英兼治古文選英管編次國朝列女詩錄執英為作傳簡雅合法度縉英江陰章政平妻綸英同縣係劫妻執英太倉王曦妻

程鼎調妻汪名榮字雅安秋人好學通儒家言詩文皆雅正病將卒為詩曰秋風一葉落余亦歸荒城遺書戒其子葆言家事至詳復謂武侯著書內有八務七戒六恐五懼武侯第一流人務一而戒恐懼居其三可不識所致力耶葆編其所作為雅安書屋詩文集

陳瑞妻繆名嘉蕙字素筠昆明人工書善畫光緒中召入宮供奉為皇太后嘉賞特賜三品服時同被召者馬某妻阮字蘋香儀徵人賜名玉芬富樂賀妻王名昭字喬雲杭州駐防滿洲人著有冬青館詩仁興妻瓜爾佳氏名畫梁亦杭州駐防滿洲人著有超絕室畫鏡

耀州三婦一青嘉努妻一納岱妻一邁圖妻所居寨曰蕎麥衝在耀州城南天命十年六月癸卯明將毛文龍遣兵三百夜薄寨方踰牆入寨兵未即出三婦清 史 稿 列女傳一 二十

者見之倚車輟於牆以為梯嘉努妻持利刃先僭登城奮擊三百人皆驚墜墻走耀州守將揚古利以兵至追擊盡殲之太祖召三婦賞金帛牛馬賜青嘉努納岱妻備禦邁圖妻千總

杉松郵卒婦祿勸人失其姓康熙五十七年正月有常應運者為亂逼杉松諸郵卒方耕於山無禦者婦曰此可計走也挾鉦鳴山巔若且集眾賊引去婦乃走告夫州始為備事定知州李廷宰眾父老費婦酒食具鼓吹醫勝披錦以矜於市民

楊芳妻龍芳松桃廳人龍華陽人芳有傳龍善鼓琴工畫蘭嘉慶十一年芳自

寧陝鎮總兵署固原提督龍留寧陝是歲秋鎮兵以饑不給將叛龍使告署總兵楊之震之震不之省或請龍行避龍曰不可若我出而兵叛是知其叛也人其謂我何七月辛亥夕亂作芳素得兵心兵有以匪降者尤感芳不殺皆入署為龍衛民婦就避兵廬廬盈焉龍嚴戒奴婢毋號泣嚮明叛兵叩閣請謁諸避兵者恟懼請母納龍曰恐哉彼輩且自入孰能禦之乃啟門納其渠數十人

成泣謝且請龍行龍謂之曰若曹雖叛我官其渠罪不迫於多人何尤主將且夕歸白若曹於朝非盡殲也可各罷歸伍叛兵不欲罷請龍行龍命以輿來盡出諸避難者而殿其後叛兵送至清澗哭而返龍兄為興安知府乃之興安芳自固原至撫叛兵復定蒲大芳者叛兵渠也請於芳迎龍歸芳遣大芳等二十輩以往龍初舉子即冒雪就道道中大芳與其曹爭舉刀傷其曹行至淡陰龍使假刑具於有司召大芳責曰汝叛幸不死更弄刀杖又待叛耶杖之四十械而行三日將至寧陝其曹十九人者為之請乃令脫械龍至語芳曰事雖定然君且有遠行芳曰何至是龍曰朝廷自有法度兵叛事大不容無任其咎者果有命成伊犂龍歸侍姑姑風緩不能言惟龍達其意左右在視居姑喪盡禮芳復起遷湖南提督道光五年龍卒

崔龍見妻錢名孟釗字冠之一字浣青龍見永濟人錢武進人侍郎維城女九歲到臂療父疾歸龍見事姑謹龍見以進士官州縣為四川順慶知府川東囑匪為亂龍見帥師出禦賊自問道來襲吏民驚擾錢調賊自府西至遣人聖渡舟泊東岸賊至不得渡遂引去及為湖北荆宜施道值白蓮教匪為亂龍見出督餞錢居危城中烽火四逼以龍見指發書戒所屬州縣令收附郭積聚謹守備毋與賊浪戰賊偵有備亦引去龍見在官廉錢每出餘財周戚黨自四川還泊燕子磯見渡舟覆溺出錢募救者活十餘人皆應試士也羅拜岸上龍見卒教諸子成立錢工詩詞即以浣青名其集

沈葆楨妻林名普晴字敬紉侯官人雲貴總督則徐女也則徐葆楨皆有傳葆楨故則徐甥林六七歲時嘗侍諸姑坐賊否賊黨諸子弟戲以語林輒曰無諭沈氏兄賢及歸葆楨植葆董中厨斥奩具佐饌能得姑歡咸豐六年葆楨知廣信府八月出行縣洪秀全將楊輔清自吉安潛師越山谷入戊子破貴溪已丑破弋陽吏具舟促林避寇林勿行庚寅葆楨還時遵義鎮總兵饒廷選駐軍玉山乃為書乞援而輔清兵益進去廣信八十里辛卯廷選報書言水洞師不得下僕役散走林懷印倚井坐誓死乙夜城南火達曙大雨火滅林謂葆楨曰城中炊烟斷火何由起此賊謀所為以空城告也今日賊當至吾殉君固其所

清 史 稿 列女傳一 二十一

解劍授葆楨曰雨甚吾不可露坐賊至君以劍當之使吾倉卒得入井也賊得謀知城無人易之待齊乃發突已輔清兵復進四十里而廷選師至葆楨徒步迎以入甲午輔清兵薄城廷選軍出禦其裨將畢定邦賴高翔戰甚力林煮粥啖士卒卒益奮丁酉賊大至圍合文吏竄伏饋餉犒勞皆林會計而出納之乙亥望大戰解圍輔清乃引去自是葆楨治軍日有聲擢江西巡撫治船政林佐治官書一一中條理治家尤有節度斷線殘紙必儲以待用方葆楨試禮部

露金條脫治行代以蜀藤雖貴弗易也光緒三年卒
王某妻陳泉蘭人同治六年河州回攻蘭州師自平番來援阻黃河不得渡陳家河北令其子化鳳集族黨以舟濟師蘭州以全

李某妻趙營山人縣多虎李子赴市暮未還李立村外待虎驟至李驚呼趙聞持挺出與虎鬪虎引尾去羅傑妻陳安徽太平人傑與陳共入山采薪虎攔傑陳與爭不得脫急觸虎口虎令傑啞陳陳死傑得脫楊某妻唐衡陽人夫婦偕耘虎攫其夫去唐曳虎尾不捨三逾嶺傷左臂卒負夫歸數日夫死以節終姚

清史稿 列女傳一 二十二
旺妻潘旌德人旺遇虎潘奔救同死

蓋氏吉林涼水泉金廣年妻也廣年貧眇一目有友與狎一日戲語廣年汝何修得美婦廣年心動即曰若豔我婦予我百金以婦與若遂與友偕還語蓋蓋曰貧死命也以貧而鬻其婦生何心矣噉然哭廣年出以語友聞哭止入視則白晷死矣呼友共解之友因摩其足蓋蘇以足抵友仆走厨下取刀自斫其足立斷昏臥血中鄰里趨視唾廣年其友懼請以百金療廣年亦悔力負販育子姓甚繁

清史稿

列女二

張廷祚妻蔡

傅光箕妻吳

王師課妻朱

艾懷元妻姜

李有成妻王

胡源渤妻董

陳仁道妻龐

何某妻韓

王賜絨妻時

高明妻劉

魏國棟妻龐

張揚名妻彭

盧廷華妻沈

曾經佑妻林

姜吉生妻木

潘思周妻傅

楊震甲妻楊

溫得珠妻李

孫雲嶽妻白

王元龍妻李

韓某妻馬

徐嘉賢妻劉

曾廣屋妻劉

袁續懋妻左

列傳

陳時夏妻田

鄭哲飛妻朱

秦甲祐妻劉

周子寬妻黃

楊方勸妻劉

林國奎妻鄭

張某妻秦

沈學顏妻尤

王某妻張

鄧汝明妻劉

呂才智妻王

沈萬裕妻王

李豁然妻楊

梁曇妻李

曹某妻王

倪存諫妻方朱

陳大成妻林

賈國林妻韓

圖幹怡納妻王依氏

蔡庚妻吳

李鳴鑾妻黃

冒樹楷妻周

馮內煥妻俞

周懷伯妻邊

吉山妻瓜爾佳氏	湯某妻錢
戚成勳妻廖	曾惟庸妻譚
謝萬程妻李	李殿機妻王
長清婦	程允元妻劉
楊某妻樊	李國耶妻蘇
趙惟石妻張	鍾某聘妻吳
岳氏	張氏
袁氏	楊某妻張
周士英聘妻吳	閻壯聘妻宋
沈煜聘妻陳	王國隆聘妻余
于天祥聘妻王	方禮秘聘妻范
姚世治聘妻陳	何秉儀聘妻劉
沈之益聘妻唐	貝勒弘敏聘妻富察氏
清 史 稿	列女傳二
二	
灘上女子	吳某聘妻林
雷廷外聘妻侯	程樹聘妻宋
李家勳聘妻楊	李家駒聘妻朱
袁進舉聘妻某	李應宗聘妻李
何其仁聘妻李	節義縣主
李承宗聘妻何	吳某聘妻朱
徐文經聘妻姚	李煜聘妻蕭
劉戊兒聘妻王	朱某聘妻李
武稔聘妻李	陳霞兒聘妻錢
汪榮泰聘妻唐	季斌敏聘妻蘭
董福慶聘妻馮	喬湧濤聘妻方
張氏女	粉姐
閻氏女	趙氏婢

張延祚妻蔡漳浦人國初師既下福建濱海數百里猶羣起負固有方祚者謀舉兵延祚與語不合被殺子才十餘歲蔡哀勵謀復讐一日聞祚將其徒至方夕易男子服挾刃詣祚坐未至顧見其子踉蹌來念母子併命斬張氏祀乃與俱歸既祚降為民娶於蔡其婦蔡大母行也因得常見祚祚甘語謝蔡蔡益憤夜輒握刃刺壁壁穿刃猶擊順治五年春蔡同祚有所過度道所必經將其子止松林中挾刃俟日午祚雄服怒馬來蔡自林中出叱祚祚驚呼從者從者駭走蔡持刀斫祚祚墜馬負創走蔡疾追之行人聚而譁蔡且奔且言曰吾夫為此賊害有助者吾與俱死追及祚祚攀松枝與門中蔡額血被面門益力遂迫祚左手掉祚右手奮刀斷其首擲道旁觀者皆大驚蔡持祚首告於延祚墓將其子詣巡按御史臺門請死巡按御史霍達異其事問有主者乎蔡哭對曰夫死所以不即死者以有子耳今子且不顧安肯受他人指耶然殺人當死公母撓國法達乃釋不問

陳時夏妻田長樂人時夏父超鵬早卒母高守節田讀書知大義時夏貧事王

清 史 稿 列女傳二 三

姑及姑高朝夕扶持不去左右病不能食輒以口哺時夏卒督諸子讀嘗自述與夫論學語為敬和堂筆訓以授諸子粹然儒家言其自序略曰余苟延性命祇以三子一女冀其能自立不至辱泉下耳大兒今十一猶有童心況諸幼孤未亡人心力垂盡恐日暮死而夫子之學行與余之出肝膽忍艱苦以冀其有成者將誰為余告之耶爰述先訓書之於册嗟乎小子異日讀此其能自省使余生不負於子女死不媿於夫子否耶居十餘年卒

傅光箕妻吳宣城人吳歸於傅光箕已病矣逾年卒吳父母欲嫁之吳歸留吳而訟傅氏衣食吳吳還傅氏以訟故勿納吳復歸請自食無累父母力紡聞有媒至輒求死乃別居明季饑恒餓鄰饋之勿受族姊歸於魏亦糶也遺之米乃半易糠粃或怪問之曰雜糜之可一月不死也久之紡有餘錢得婢曰春蘭拾糶供糶事里媪或呼春蘭食吳必審所自戒勿輕受食春蘭自是即不受里媪食

鄭哲飛妻朱哲飛南安人朱明魯王以海女也嫁哲飛生丈夫子一女子子三

而哲飛卒會以海亦列渡海至臺灣依明宗室甯靖王術桂以居康熙二十二年師克臺灣術桂自殺朱奉姑育諸孤以女紅自給居五十餘年乃卒年八十餘初師下舟山以海妃陳入井死以海諡之曰貞而以海女又以節終李若金女名閻餘于人明季字淮王世子由桂入國初由桂出亡閻誓不更字嘗咏金環曰紅烟經百練不失本來真事父母孝年五十九卒

王師課妻朱蕭山人師課明天啟中官太醫院院判卒明亡兵亂朱率二子避九里坳嘗遇賊脅以刃朱奪刃務而哭且誓賊欲殺之二子號慟求代得不死事平歸老於家嘗為幼子歌五章其三章曰我生之後逢世亂白頭兵起蒼黃鼠膚血染點叢麻紅母子支離宵不且飛霜雷驚鼓擊秋雨淋漓斷薪斃嗚呼九里坳邊瓦全爾曹性命天所憐五章曰庭闈蕭潔親族薄田聊許資饋粥震盪扁舟波復風兒才卻聘家回綠此身直緣正氣生機杆猶能活楊腹嗚呼但願長作太平民何嘗俯仰慙天人

秦甲祐妻劉三原人甲祐病換劉侍疾甚謹究家政甚飭越十年甲祐卒時歲

清史稿

列女傳二

四

饑兵未定劉撫二子四符四探嘗訓之曰年荒衆人之荒學荒則吾兒之荒也兵亂衆人之亂心亂則吾一家之亂也聞者以為名言四符甲祐前婦子也劉愛之均於所生

艾懷元妻姜米脂人懷元父穆兄懷英在明皆官參將穆卒國初懷英降入鎮藍旗授牛錄章京居京師順治八年懷元往省其兄既歸仇家誣為逃人遂亡命官收其孥穆妻馬老矣妾金請代姜方娠皆就逃明年事雪西還姜極稚子金與相扶持行數千里又明年馬與金皆卒懷元遺信至言母死不得奔喪誓畢生不歸姜食貧撫子居四十餘年乃卒

周子寬妻黃順德倫教村人子寬刺船與其侶戲侶溺坐滅死成貴定黃求從夫行譚縣門吏為注官書乃盡鬻嫁時物界舅姑製竹擔荷具從夫行夫道病黃行經村市操土音歌求錢得藥物酒食奉夫夫瘳遂成所居十七年舉一子二女而夫死黃求以夫骨歸縣門博額二十餘日吏許之界以牒黃懷牒妻夫骨篋負小兒女獨身以行其長女已嫁農家子牽衣泣黃斥不顧黔多虎而

黃負夫骨逆旅禁不納日汲於澗拾樹枝以爨夜宿道旁廢廟恒見虎殘人餘骸狼籍無所怖及至村黃齒既長驚黑醜惡又雜羅施語有叟獨識之指道旁冢曰此而翁也而姑僵牆陰不食已一日黃求得姑姑兩目眊黃引其手拊裹中骨及篋中兒女姑抱而啜黃大號篋中兒女亦號鄉里皆走視義之界以金甌屋奉姑居黃行逮歸十九年順德人號曰女蘇武

李有成妻王常寄人寡悉散奩飾於族隣貧者將卒呼諸婦曰吾寡居四十餘年耳目如聾未嘗妄視聽汝曹其識之楊芳助妻劉宣城人嫁五日而寡剪髮自誓隣婦或微諷劉出刀以示曰吾書以是為鏡夜以是為枕隣婦不敢復言鄰近泗妻邢昆明人寡而貧或諷之嫁邢曰吾能忍饑寒不能忍恥卒以節終

胡源渤妻董臨清人源渤卒胡年十五為接八十年年九十五乃卒里婦或問守節易乎曰易如無夫何曰如未嫁如無子何曰如有子而死若不孝曰何以制此心曰饑而食倦而寢不饑不倦必有事焉母坐而嬉吾嘗為人傭治女紅

清史稿

列女傳二

五

息閉久之則習慣矣必求其工求工則心專心專則力勤力勤則勞而易倦倦即寢寢即興母使一息閉久之則習慣矣

林國奎妻鄭閩人國奎卒有子二鄭將殉姑誠以存孤乃已一子殤遂自沈於江漁者拯以還姑疾到肝雜糜進疾良已族有亡賴子嘗中夜至告族人杖於宗祠亡賴子為嫂書汗鄭鄭悲取刀斷左耳訟於縣縣笞亡賴子亡賴子出益安語鄭復割右耳巡撫下水營聞其事坐轅門諭其獄令隸以兩耳示觀者械亡賴子至閱嫂書一行輒撻其面復重榜荷校論成邊居數月鄭兩耳復生水譽復坐轅門召而察之左耳完且哲右耳赤如血下廓乃微頰而短於左文武吏及諸觀者皆驚歎一時稱異事云

陳仁道妻龐博白人康熙十九年吳三桂將程可任掠博白人道將與鄰人拒之為所殺龐自經家人救之甦乃斥產購得殺仁道者殺諸仁道墓前張某妻秦三原人康熙三十一年仍歲大稔縣民多流亡秦內外無所依至龍橋河北河岸圻有隙自匿其中有老人閔之遺以食明日復往則昨所遺故在

勸之食且問故秦曰謝翁厚然不可為常先後等死耳我坐岸際令死不至暴
露足矣遂餓而死年二十餘老人為封焉同時李氏女從父母逐食至漢口父
母皆疫死女年十六美僧聘焉將鸞使為妓女得其情力求死三原人賈漢口
者羣詰僧陰殺之

何某妻韓張榮妻吳張萬寶妻李皆濰縣人韓早寡求疏屬子為後康熙四十
三年濰大饑韓書抱子拾薪夜則紡績日一食久之有所蓄非甚飢則不食卒
買宅娶婦生孫年七十三卒吳嫁三日夫死貧甚轉役自活夜必歸其室得米
雜糠粃樹葉為食贏一日食則一日閉戶年九十二病將死呼其姪謂曰我有
銀紉衣帶猶昔吾夫物我死以此市棺埋我夫墓側李嫁生子方晬而喪夫舅
姑謂曰汝不幸我曹老子幼汝當如何李泣曰婦非為舅姑老子幼夫死何所
不得猶忍活至此婦自審已決願舅姑無疑舅賣漿春出戶聞鐸聲必趨往代
其擔抱子力作人未嘗見其啟齒既喪舅姑娶婦生孫乃卒疾革謂其子曰我
死得見汝父我甚喜汝勿悲也韓居縣東南草廟村吳居縣西張家村李居縣

清史稿

列女傳二

六

北長疇村

沈學顏妻尤仁和人學顏卒無子以從子時吉為後時吉生子大震又卒尤撫
孤係其兄侮之秋將穫以粟刈其禾尤置鋏於耨末外向踊而號兄提其髮鋏
創手乃去常恨其孫弱曰我安得見曾孫見曾孫死不恨大震娶婦舉子王乃
卒既卒大震復舉子近思自有傳

王賜絃妻時黃平人賜絃出行宿於翁丙為苗所殺棄尸箬中時行求得之告
官得苗五俱伏罪時年二十一母欲令更嫁剪髮烙左頰毀容矢不行

王某妻張溧州人早寡無子以族子曰琦後亦早卒妻魏亦州人所居村曰柳
河地卑濕食不足撥草根木葉拾蕪藻雜糠粃以食其孤復殤復以族子後張
卒族人諷魏嫁魏不可居十餘年為所後子娶婦乃語所親曰吾乃今志始遂
使嫁不過溫飽死耳人恒苦貧吾獨不自覺苦皆自樂生吾生不知為樂又焉
知有苦州又有李學詩妻趙學書妻高娣姒以節著學詩學書生友愛行涉水
學書誤就深學詩拯之相抱持俱死趙生二女高無出食貧堅守年皆逾八十

高明妻劉秦安人早寡子步雲幼貧甚嘗伺鄰家炊乞餘熟為兒煨餅步雲稍
長就學歸則然燈讀劉縫紉夜必盡數線一夕線未盡步雲倦臥撫之有淚迹
問曰兒病耶曰無之但饑耳劉泣然曰兒不慣餓我則常耳步雲為買家漸起
鄧汝明妻劉崇善人康熙四十一年歲大無官煮粥食饑民劉不食五日鄰家
招借赴劉恥之三出三反終不行因投水漁人拯之坐岸側漁人去復入水死
魏國棟妻龐蠡縣龐家莊人祖姑徐姑董皆節婦國棟卒無子龐力女紅以養
織日一疋或授以繒織成必增重曰糧所滋也或與值多一錢不受祖姑八十
餘日昏向曝如廁躬負以出入姑亦至八十負出入如之再居喪有周之者魏
曰吾貧幸相貸然必償如不使我償是視我非人也日夜織不期月皆償當葬
衰而前樞或請代魏曰我祖姑我姑無子孫我在即其子孫也可代乎姑葬以
夏方雨魏涉潦號踊見者皆流涕雍正三年縣大水歲無有縣治賑役自戶外
呼告之魏曰婦固饑然食朝廷米償否曰賑也何償魏曰償則食不償則我孱
婦何功報朝廷而徒食乎不可遂鍵戶復呼之不應縣使役具刺歸之米一石

清史稿

列女傳二

七

魏復辭役曰此喬令君所以旌節義母辭乃拜而受縣上其事得旌族人為立
後

呂才智妻王博興人才智病偃杖而行鬻餅於市歲稔才智將歸王王曰汝
病廢我去汝不得生且我身值幾何汝不過得數日飽食盡終當死等死不如
相依死也乃令才智守舍而外出乞生一子才智死終不嫁許爾臣妻駱蕭甯
人家奇貧爾臣及其父母相繼卒駱號於市得柳棺瘞焉或勸蓋嫁駱曰乞食
雖辱猶勝於再嫁卒以窮餓死原某妻馬河津人康熙六十年饑行乞食泣語
人曰乞食至辱不如死願安得死所無累人耶或漫應曰去此十餘里有紅石
崖死此可無累馬明日徑至其所脫耳環易餅運隣人過者屬以昇其母曰為
我語母無復望我我今死此矣即投崖下死

張揚名妻彭臨江人早寡貧或謂行乞可得食彭唾之曰我亦書生婦有餓死
張氏舍耳安能為丐日夜操作立後娶婦持門戶

沈萬裕妻王浙江山陰人萬裕早失母王事後姑謹萬裕卒子幼後姑虐使之

舅子田數畝使別居後姑使嫁王不可後姑陰取犬子胞擲王室陽出之曰寡婦室何乃有此迫嫁益厲或語王當以死自明王曰吾當死吾死孤不得生夫且無祀事終當白吾死又誰吾明也藏其胞事後姑愈謹後姑有少子訟於縣知縣姚仁昌察胞非人杖少子而表王節其後少子死王收其孤為妾婦盧廷華妻沈永定人廷華好狹邪游擯沈異居姑溺愛亦惡沈沈晨必謁姑為理非白或私具甘旨姑不善也施鞭撻無慰廷華得惡疾沈乃歸侍廷華死以節終

李齡然妻楊永年人康熙十五年齡然卒楊年二十一事舅姑孝撫子尊賢妾婦王生子而尊賢卒姑婦共撫孤孫至成立楊以乾隆四十二年卒壽百二十守節百有一年王前一年卒年亦九十八

曾經佑妻林惠安人早寡所居濱海為漁家補網夜無燈隨月升落為作輟積數十年日因以盲而手甚習操作如故舅姑資以老復為夫立後

梁雲妻李臨汾人雲卒時子生方兩月貧啖野菜以活雲嘗時槐於庭李日紡

清史稿 列女傳二 八

其下護之甚謹曰此吾夫手植見之如見吾夫矣鄉人因稱節婦槐姜吉生妻木東川人雍正八年東川屬夷叛從吉生逃山中賊至殺吉生及其子木忍哭伏林間師至賊降木躍賊至城西手搏殺吉生賊以告官請得手刃之提督張耀怒而許焉遂磔賊以祭吉生

曹某妻王興縣人早寡子暗鄰婦亦早寡相與約不嫁居十五年王詣其戚或自外至曰鄰婦嫁矣王曰信有之乎曰信我所目見也王乃大慟曰不意此婦乃有此事遂絕

潘思周妻傅名五芳會稽人思周父為田州吏目傅氏亦僑居廣西嫁年餘生一女思周卒或欲聘焉傅截髮矢曰所不終於潘者如此髮未幾母與兄死兄公及姊又死舅亦死傅持六喪還出郭門身衰經徒步號泣以從種民皆感歎稱孝婦歸營葬撫叔及其女畢婚嫁

倪存謨二妾方朱富順人存謨為英山知縣坐事戍伊犁方朱皆從存謨死方朱慟不食伊黎將軍為徵賻俾持喪歸至富順孀子出郭迎方朱相謂曰我一

人不死者懼主人骨不歸今歸矣請死相携躍入江救不死孀子及孫死撫曾孫二成立

楊震甲妻楊楊三德妻馬張壺裝妻牛皆秦州人夫皆出客游久不歸皆善事孀姑馬姑尤嚴日被簪楚奉之愈謹楊撫子女成立馬牛皆無子立後州人為之語曰馬牛羊立人綱夫遠客姑在堂胸中冰頭上霜蓋借羊目楊也

陳大成妻林連江人大成坐事戍黑龍江將行遺林別嫁林不可從大成所居二十八年大成死林裹其骨襁兒女乞食跣行萬餘里還故鄉灌園自給葬大成祖墓側

溫得珠妻李永清人得珠早喪母父娶後妻生二子遂惡得珠並憎李得珠病狂易一日逃其叔杖投井死父母聞不哭李力請乃得斂遺腹生子經元舅姑迫李嫁謂李嫁則田廬皆二少子產也因虐之百端李度終不可留抱經元辭舅姑還母家賃地以耕勞苦自食力經元娶婦生孫而舅及二少子皆死遺田亦殆盡姑衰病無所依李乃率子婦遷起居牀下姑執手流涕道其悔也而得

清史稿 列女傳二 九

珠叔故助虐者亦前死其妾仰食於經元經元有四子皆力田能孝養

賈國林妻韓國林扶溝人韓准寄人乾隆五十一年大饑民為盜國林有族子二行無賴執國林及韓紡於庭之槐而盡取其室所有已乃斫紡釋之國林將指傷越三日死韓欲告官無人焉為之佐有子二皆幼其弟日負薪米贖姊夜執梃伺門戶居數年無賴又至徹其屋茅激大輒中韓手遂奪田伐樹一不與

校二人者死乃稍稍得安嘉慶二十三年又大饑無賴有子鸞其嫂夜出走韓為召其夫歸之因泣告其子曰害爾父者某也今其子又鸞嫂不仁哉此父子也願為賈氏婦即餓死豈可失清白汝曹當死守之此婦竟得免

孫雲嶽妻白興縣人生十四年而嫁嫁十三年而雲嶽卒又二十年子長娶婦白翠以拜雲嶽墓指而言曰此君子也此君婦也吾事畢可以從君矣慟而仆遂絕

圖幹恰納妻王依氏滿洲人乍浦駐防圖幹恰納瓜爾佳氏早喪母尋亦卒無子嗣絕矣父查郎阿謀為立後王依氏曰子他人子終非骨肉不足奉大宗願

翁娶繼室查耶阿威其意娶於邵生子觀成觀成生七月而查耶阿卒王依氏哀姑少寡奉養甚謹躬操作助姑撫孤既遭疾猶不自逸事輒代其姑卒時觀成已舉鄉試以子鳳瑞為兄嗣未百年而子孫繁衍至百餘人吳先榜妻鄭陝西山陽人先榜卒鄭誓殉家人慰喻之曰兩兄公皆無子若方有身男也吳氏幸有後逾數月生男撫以成立吳氏得有後

王元龍妻李嘉興人元龍悍嗜酒稍拂意輒呵斥既傷於酒而病李斥嫁時所媵田供藥餌元龍病益悍稍間則日夜博怒李故以非禮虐使或加以鞭楚李安之無幾微忤也元龍病三年而死李朝夕上食輒號慟服除會兄公之官福建姑老不能赴李往奉姑七年而姑卒李泣謂諸從子曰我當從汝叔於地下矣會火發李整衣坐樓上有梯而援者李戒母上樓燼死焉

蔡庚妻吳合肥人早寡立從子為後以事姑嘗為辭自序曰父母生我時惟願得其所十六歸君子同心祀先祖歸時舅已沒姑老誰為主嗟嗟夫質弱終朝抱疾處十八幸生男朝夕姑欣觀無端因痘殤姑泣淚如雨堂上節姑哀入幔

清史稿

列女傳二

十

痛肝膽二十再生男視若擎天柱兒生甫一載忽然夫命殞姑婦并時啼眷屬羣相撫死者不復生弱息堪承父那知天奪兒骨肉又歸土姑祇有哭時我豈無死所還念朽姑存我死誰為哺隱痛欲深閨衰顏願長護奇災偏遇火焦爛姑肌膚和血以丸藥年餘乃如故災退宜多壽云何復病殞送姑歸黃泉夫闕我今補我今補夫闕一死何所顧哀哀我父母惻惻將泣訴卒年八十有八韓某妻馬萊蕪人貧夫商於遼陽馬出為傭聞夫死其父欲嫁之馬曰歸夫骨其可乃乞食行五千里得夫骨負以歸日行一二十里夜或露宿犯風雪行歲餘乃至家既葬其父終欲嫁之馬執白刃自誓乃已

李鳴鑾妻黃騰越人咸豐間雲南回亂鳴鑾以千總戰負傷卒黃截髮撫二子同治初寇至轉徙為人縫紉浣濯日率一粥仍督子讀不輟嘗曰人不讀書與禽獸何異金光炳妻倪金華人光炳卒倪殉救免洪秀全兵至携二子竄山谷亂定力作自給貧甚督子讀不少假

徐嘉賢妻劉嘉賢天津人劉桐城人嘉賢少從軍河南警單騎入賊壘拔陷賊

婦女數百人出旋卒劉貧輒數日不舉火嚴督其子讀族有為令者招使往劉曰今不自立而託於人懼吾子之不振也謝不往

冒樹楷妻周樹楷如皋人周祥符人樹楷以知縣待闕福建早卒周挈子女從舅廣州舅亦卒僑居日食率百錢翼子女以長子得官將請旌周拒之曰婦節常耳人子於其母奈何欲假以為名哉父星詒諸父星警星督並有文行周刻其遺著為父營葬置墓田焉

曾廣屋妻劉衡陽人歸廣屋舅老姑前卒兄公初喪舅痛子幾失明出入需人劉侍以謹日執炊一飯三起視舅起居衣食雖貧必具酒肉舅病奉侍七晝夜不就枕舅卒棄田廬治喪劉方產徒陋巷艱苦冰雪中廣屋又卒乃與姪李同居以子為之後李亦苦節劉事之如姑晝治鍼術夜則紡績節衣食命子就學卒以成立方極困老稚或乞食必分食與之晚少豐年饑必出穀以振貧者

清史稿

列女傳二

十一

馮丙煥妻俞丙煥大興人俞樂城人丙煥為世父後俞事兩姑維護調和迭遭諸喪丙煥亦卒喪葬皆盡禮光緒二十六年京師被兵俞市米數十石與貧者

戚友相依者六十餘家衣食之亂定始去亂後多暴骨募資為收斂死難者求其姓名為請旌卹獄囚衣糧主者不能給斥銀米界之其後直隸安徽災輒募資至鉅萬京師恤接會八旗工廠皆輸金以助其成

袁績懋妻左績懋見忠義傳左名錫璇字美江陽湖人事親孝父病割臂和藥進工詩善畫書法尤精著有卷菴閣詩集績懋子學昌妻曾名懿字伯淵華陽人通書史善課子著有古歡室詩集醫學篇女學篇中饋錄俞振鸞妻傅振鸞餘杭人傳名宛號青泉大興人以禮女能承父學工詩著有山青雲白軒詩集教子嚴建宗祠立條教示子孫光宣間江浙遇災屢錫金振之

周懷伯妻邊懷伯餘杭人邊諸賢人邊事姑孝懷伯卒有女子子三邊恃女紅養姑營喪葬嫁三女貸於人以舉節衣縮食數十年乃畢償年六十九知將死辭親族啟夫墓石生壙坐臥其中遂死堅屬母具棺重以累人親族哀其志標裡而掩之

吉山妻瓜爾佳氏名惠興滿洲人杭州駐防早寡事姑謹嘗封臍療姑疾光緒

季年創立女學逾年資不足校將散乃飲毒具牘上將軍自陳以身殉校且言曰雁過留聲人過留名我非樂死不得已耳既死將軍瑞與巡撫張曾敷奏聞賜貞心毅力額衆爲集資擴校以惠輿名焉

張某妻錢嘉興人生一女而接還依父母居姑貧計費之度錢剛言無益陽搗以省戚先期告鸞婦家待郭外舟出郭別有舟來並船則鸞婦家人也姑乃告錢錢即起躍入水鸞婦家人大驚而姑已得錢強婦往趣舟行錢屢躍入水持之不能止至三衆皆懼乃送還父母家而錢爲救者拯胸傷咯血數月卒

戚成勳妻廖江津人成勳家萬山中張獻忠之亂成勳出避寇廖弱不能從閉重門獨居家故有餘粟粟將盡就池畔種稻以食衣敝綴草自蔽居四十餘年山徑塞與世隔絕成勳竄黔中聞亂定乃還行求故山斧竹木得道見其宅盡圮隱隱起炊烟呼且入廖自樓上問誰何成勳道姓名廖乃泣曰我夫今得還耶我無衣君以餘衣畀我乃得下相見成勳解衣擲樓上廖衣以下面目黧黑髮如蓬相持大慟共居又十餘年年各至九十餘

清史稿

列女傳二

十二

曾惟庸妻譚衡陽人順治五年譚歸惟庸方四閱月惟庸爲游騎掠去亂定有言惟庸死者譚召族人分授以田宅康熙二年惟庸還詐稱行賈過譚音容已盡變譚不能誠求食與之求借宿不可越日再至乃自名惟庸譚未敢信問臨別時事警授三輪鐵奇銅偶語皆驗譚乃泣而言曰君別十六年謂物故久今幸生還當告諸宗族惟庸召族人置酒具白其事爲夫婦如初

謝萬程妻李唐縣人萬程父儀順治間諸生貧卒無棺萬程將露妻以爲歛不忍言李知萬程意哭請行南陽民王全以二十四金贖李歸將以爲妾李至全家日涕泣但願供織紉不肯待全全亦聽不強居一年所全兄大有與全隙詣南汝道告全匿逃人事下南陽府同知張三異三異漢陽人嘗爲陝西延長知縣有惠政詎大有辭遁召全並以李至問何爲匿逃人全曰李妾因言妾至日涕泣但願供織紉居一年所不我從也問得自何所乃復召萬程具得實妻葬父狀三異驚歎問萬程欲復合否萬程言妻故無失德聞其至王氏日涕泣但願供織紉居一年所艱難以守身我豈不欲全而無其資則奈何三異出俸二

十四金償全而使吏以金幣送萬程夫婦還

李殿機妻王名素貞亳州人幼喪母父以字殿機殿機父範同順治初坐法妻張及殿機沒入象房殿機方三歲稍長自鬻於鎮紅旗護軍厄爾庫爲奴厄爾庫妻以婢蕭王從其父居二十餘年其父病且死以簪珥授女泣曰此李氏物也又數年或傳殿機死王氏諸父兄迫女別嫁女願爲殿機死久之詞殿機猶在欲走京師求殿機隣有范一魁者其父友也王乞爲導請父兄不欲令處於樓去其梯王以夜縋而下從一魁至京師求諸象房有知者導至厄爾庫家殿機荷畚拾馬通自廐出一魁前與語王出父故所授簪珥相向哭行路聚觀皆流涕厄爾庫妻之許放殿機及蕭不督自鬻值巡視南城御史阿爾賽疏聞下禮部禮部議入旗家奴不得復爲民惟王氏守節求夫裨風化應如所題康熙二十八年四月乙未疏上聖祖可其議王年已三十有四猶處女也

清史稿

列女傳二

十三

以五十金贖焉問所居地曰焦家臺問戚屬以父王三對宮眷村民祠泰山具榜書女始末畀行者誠使入長清界則揭榜焦家臺農有見者以告王三語孔氏以女歸復歸所字壻

程允元妻劉名秀石允元江南山陽人秀石平谷人也秀石父登庸康熙間爲山西蒲州知府初謁選允元父舉人光奎亦在京師相與友申之以昏姻時允元二歲秀石生未甚也光奎歸尋卒乾隆初登庸罷官居天津北倉亦卒秀石年二十二母前卒諸兄奔走衣食弟崇善爲童子師徒廢宅姊妹姑姪猶五六人食不得飽寒無衣相倚坐取暖崇善死益貧恒數日不得食屋破羣僮坐兩中乃徙依比邱尼照震無何家人相繼死惟秀石存力鍼術自活照震徙天津秀石從嘗有求昏者介照震道意秀石不食照震力謝乃已允元既喪父亦中落聞登庸卒家且散顧不知女存亡或傳女死勸別娶允元不可且曰女即死必將其墓乃別娶乾隆四十二年附運漕舟至北倉求劉氏有舟人爲言劉氏家已散其孳殆盡死惟第四女存是嘗字淮安程氏傳程氏子已死而女矢

不他適昔居準提巷今徙天津不知巷何名也元元因言已即程氏子舟人又言劉氏有故僕瘡而義歲時必問女起居元元求得僕借詣照震言始末照震疑且憚秀石未敢以通元元言於監漕吏牒天津縣知縣金之忠召元元問之信使告女且勉之嫁女猶辭復使謂曰女不字五十七年豈非為程耶程耶至天也復何辭乃成昏大學士兩江總督高晉以其事上聞下禮部禮部議義夫貞婦例得旌表至幼年聘定彼此隔絕經數十年之久守義懷貞各矢前盟卒償所願實從來所未有應旌表以獎節義上從之

楊某妻樊字正撫寧人既字而楊氏子病且廢使辭於樊樊母乃為正改字行有日正請於母曰兒奚嫁母曰嫁某氏正曰兒幼非受楊氏聘乎母曰然楊氏子病且廢使辭於我我憐兒故為兒改字也正不語夜潛出度山林數十里晨至楊氏翁姑未即許父母亦至相與慰勉正曰夫病天也我為病夫婦亦天也違天不祥欲別嫁我請死乃卒歸於楊楊氏子病良已同縣又有劉柱兒妻魯字春柱兒先為李氏義子聘於魯既復還劉氏李富而劉貧於是李氏之人嗾

清史稿

列女傳二

十四

魯使能婚劉不敢爭也春聞亡之劉氏魯氏刵春歸訟於縣縣判歸劉氏時乾隆十九年先樊氏女事一歲

李國郎妻蘇南安人未行父以國郎貧為女別字富家子焚李氏書幣蘇繼未絕父招富家子贅於家以死拒撻之不悔富家子自去國郎聞訟於官乃歸於李昏夕泣曰吾父以吾故在繫何得遽言昏國郎為請於有司出其父同縣蔡登龍妻林其父母亦以增貧欲別字不從令別居積女紅得十五金使以遺登龍佐聘錢父母少之乃日減資治女紅益勤逾年又得十餘金卒歸登龍父母既喪孤弟貧無依乃收撫之又有黃元河妻戴吳恒妻陳培皆有廢疾父母議毀盟力請行戴勤儉起其家吳以節終

趙維石妻張小字瑤娃甯羌人年十七未行嘉慶初教匪掠州賊渠得之以界其妻其妻以瑤娃慧畜為女渠累欲汗之賴其妻以免尋竄徽縣一夕渠醉召瑤娃瑤娃拒之力渠使其下將出殺之其妻知不可救戒勿過創棄諸野而以死告次日賊引去村婦昇之歸樂其創良愈將以為子婦會縣吏過門瑤娃拔

銀釵賄吏使告縣瑤娃至縣庭陳始末乃召維石為合昏與俱歸

鍾某聘妻吳武岡人待年於鍾氏鍾氏子從父賈四川久不歸或傳已死鍾母卒吳紡績奉其祖母祖母卒為營喪葬年四十餘鍾氏子始歸欲與昏吳曰君出游久安用就木老處子為出資為買妾而自居別室鍾氏子以不婦訟於官吳曰若祖母吾奉之若妾吾畜之吾齒長不能育子女請以貞終官判從之

岳氏安平人嫁可仁言病痢仁言以禮去惡疾遂大歸居數年病已而仁言已別娶或諷其嫁岳不應以鍼綫遍綴衣履投井死仁言聞乞李塔銘其墓姚氏通州人嫁同州張維垣維垣移家湖北歸既娶復去逾年遺書絕姚令改嫁姚持書泣告鄉黨曰我無故見絕死無以自白願終守以明志居五十餘年乃卒張氏之族高其義持喪葬張氏兆為立後

張氏江南華亭人字金景山年十二喪父母待年於姑氏張莊而無容景山憎焉稍長當昏景山故遲之既而病作張奉湯藥斥不使近輒泣而退景山將死指而語母曰彼非吾偶兒死必嫁之景山死張矢不嫁或以夫不見答勸曰我知夫死婦節而已不知其他且祖姑及姑誰為養者若必強我我請死是歲姑卒越八年祖姑卒張為營葬日夕紡績足不踰閭又三十餘年乃卒

清史稿

列女傳二

十五

袁氏名機字素文仁和人兄枚兒文苑傳機幼字如皋高氏子高氏子長而有惡疾其父請離昏機曰女從一者也疾我侍之死我守之卒歸於高高氏子蹠戾佻蕩游狹邪傾其奩具不足扶之且灼以火姑救則毆母折齒既欲置機以償博負乃大歸齋素奉母高氏子死哭之慟越一年卒

楊某妻張名荷甯國人某貧無行令張以非義不應樓居潛去牀前板給使墮折足旬歸母家某鸞子張積金贖之將卒命子以喪歸楊氏

周士英聘妻張泰州人士英喪父母叔狡利其有錘殺之時順治九年張年十九未行聞其事哭不食遂自髡為尼具贖丐母舅借訴有司巡按為上其事誅殺人賊張乃理士英家財葬士英及其祖若父為盧奉佛祀周氏三世張既為尼名曰明貞表其志也

蘭壯聘妻宋名典甯州人典家西崖頭壯居千字村皆農家也以羅帕為聘壯

死典方從母春穀聞輟春慟不食父母喻之意若稍解者數日以羅帕自經死時康熙四年正月庚辰

沈煜聘妻陳名三淑錢塘人幼能詩康熙間詛言官中閱選民間女子倉卒嫁娶殆盡三淑父以許煜煜故貧客松江久不歸三淑父從軍雲南戰死其母欲改字富人子揚言煜已他娶以絕三淑意三淑聞慟哭自斃其髮矢不字遂病時時哭極悲鄰生有聞而哀之者求煜告以故煜請婚母持不可二十二年春二月三淑病篤其母以媒言召煜煜至使入省三淑三淑方寐告以沈郎至遽寤手下帷自蔽煜問可有言乎三淑徐曰既有成言何爲又他娶煜辨其誣三淑都無言惟以袂掩淚煜辭出三淑泣不已已而歎曰彼不負我我死可遂不飲藥越日卒

王國隆聘妻余懷遠人國隆游不歸或言在舍山余父母挈余行求不遇遂僑居焉余母死從父灌園紡績自活恒以巾幗首隣女罕見其面康熙二十八年父死歛畢女自經章思誠聘妻宜廣德人思誠遠行母以貧欲令改字宜不可

清史稿

列女傳二

十六

遂歸夫家慮有強暴竊伺夜懸柝於牀微風柝有聲以警一夕語諸姑姊夢夫告以死遂哀泣不食死

于天祥聘妻王名秀女祥符人天祥嘗育於陽武王氏爲娶妻生子妻死還于氏繼室以王王未行而天祥死王父母祕不使知久之始聞力請奔喪天祥喪已小祥矣王請於陽武王氏願得子天祥前室子王氏靳不許及大祥具奠即夕自經于氏故有刈麥刀二俄失其一至是得諸王枕下

方禮祕聘妻范名二妹建水人幼事父可望孝字禮祕未行禮祕父良佐死妻改嫁蕭仲居方氏禮祕及其兄妹皆死范聞哭之慟請於父母歸方氏居久之聞姑話仲始知禮祕非良死以質姑姑內慚不復言范度事無證禮祕冤不得白恒時時號痛仲憚范欲以妻其從子百方強之范不許仲怒揮范仆手點額范怒曰奴汗我額刀刺仲手所點處血淋漓被面其弟訟諸吏吏管仲以其室屬范使奉方氏祀

姚世治聘妻陳會稽人兩家皆居京師既定約世治歸陳父欲別嫁陳易服行

求世治遇諸濟寧曰女違父非孝得見君子事畢矣遂入水死

何秉儀聘妻劉昆明人農家女也秉儀卒女請於父母欲奔喪不許乃竊出兄追及之度金汁河將赴水兄力持曳以歸秉儀父使迎女女哀慟泣血日夕力作父母畀田四畝女爲夫弟昏鬻牛喪舅又鬻牛父母怒使告姑誣女有所私當遣之嫁姑以責女女不能自白心疾作縊死

沈之益聘妻唐之益普安人唐武進人之益父文郁唐父元聲康熙季年同游高州相友善約爲婚姻於是唐生三年矣元聲卒喪歸文郁亦還普安普安去武進且萬里而文郁貧慮不能爲之益娶詭言之益殤使謝唐唐矢死久之文郁將如京師求官迂道至常州唐出拜涕泣慷慨陳所志文郁心悔則請爲養女期得官遂以歸既文郁以病還唐聞大慟遂不食七日竟死後三十餘年之益以事過常州始聞唐死狀感痛求其墓已火葬矣唐死時年十六

貝勒弘敬聘妻富察氏弘敬怡親王允祥第三子上命指配富察氏雍正六年未昏卒富察氏聞大慟截髮詣王邸請持服王不許跪門外哭至夕王終不許

清史稿

列女傳二

十七

乃還其家持服越二年王薨復詣王邸請持服王邸長史奏聞上命許之諭王福晉收爲子婦令弘敬祭葬視貝勒例以從子永喜襲貝勒諭謂富察氏無子而有子以彰節女之厚報焉

灘上女子不知其氏雍正間灘田家女也未行而夫死其母往弔女請從母止之不可衣紅而襲以素灘俗婦弔喪不至殯女陽爲如廁因問得殯室潛入去襲縊柩側

吳某聘妻林漳浦人未行夫坐罪當死林欲入獄與訣夫丐獄卒勿納林晝夜哭不食夫使舁以錢三百且曰速擇佳婿母自苦越日聞夫已決以所畀錢易緇縲

雷廷外聘妻侯南安人廷外母黃早寡貧慮不能娶乞貧家女撫之期長以爲婦故侯四歲而育於黃十一黃卒十六廷外卒死而不瞑侯慟屢絕廷外有從兄以其子震爲後侯乃笄抱以拜祖侯母欲令別嫁拒以死身自耕而樹十指皆胼嘗誡震曰婦人不可受人憐况孀乎震亦早卒其妻傳從姑織席以育

子
 程樹聘妻宋名景衛長洲人樹十三補諸生喪母復喪大父旋亦卒景衛年二十請於父歸程以素服拜舅見於廟謁其大父喪成孫婦服謁其母喪成婦服乃哭其夫持服三年終復補行姑服三年同縣陳氏女淑登未行而婿殤有請昏者遂自經景衛為作詩於詩共姜用劉向說於春秋伯姬用何休說旁採朱彝尊汪琬彭定求諸家言申女子子未嫁守貞之義貫穿該洽八百餘言以破俗說自已志景衛通經義好讀先儒論學書娣姪皆從講說病女教不明乃會通古訓括聖賢修身盡倫之要復作詩九百餘言授娣姪令歌習之張氏子聘妻姜名桂元和人年十九婿與舅姑先後卒依其母以居不嫁錢氏子聘妻王吳人亦年十九而婿卒女絕食大父母強起之居三年有請昏者復絕食死復蘇母哭之女曰先年兒私吞金環不死食銀珠又不死頃復吞金環兒死願得葬錢氏之兆遂卒王志曾聘妻張亦吳人年二十志曾卒居六年聞姑喪因歸於王奉佛以終三女皆與景衛同時而桂能詩善畫嘗為柏舟圖賦詩贈景衛

清史稿

列女傳二

十八

景衛有二婢曰衛喜字於張張死不更字曰陳壽嫁朱氏寡無子皆依景衛以老
 李家勳聘妻楊海甯人楊富而李貧家勳父為楊氏佃楊父行田見家勳慧問之九歲使入所立塾資令讀年十五入學為諸生家勳父來謝楊年十四呼令出拜楊母及兄皆悲曰是老顯豈患女無家而棄諸佃人子乎父旋卒楊氏之人薄家勳一夕呼燈無應者楊自帷言曰丈夫不自處高明何依人受慢為家勳遂辭楊氏去乾隆十五年舉浙江鄉試楊氏請昏家勳以試禮部辭留京師數年病卒楊知母將為議婚他氏請於母願得迎家勳喪臨奠然後聽母母許之楊迎喪於郊奠竟要母遂歸李氏家勳父老而瞽楊請於姑為買妾生子家勳父八十日復明德楊甚命其子呼嫂母也楊或曰徐氏
 李家駒聘妻朱高安人大學士軾女家駒乾隆三十六年舉人早卒朱事父母孝性和以肅自諸弟妹及內外戚獲咸敬憚之生惡華綵寸金尺帛不以加身及聞家駒計欲奔喪飲泣不食時軾督學陝西大母喻其意誠當待父命始復

食軾還越半載乃以請遂歸於李事祖姑及姑如事父母軾有父喪聖祖命奪情視事疏請終喪戚友或尼之朱泣曰吾父不得歸雖官相國年上壽猶無與也彼姑息之愛何為者聖主當鑒吾父之誠矣卒得請鄰火且及朱坐室中不肯出曰死吾分也宋共姬何人哉姑破局挾以避病不肯藥兩弟來省曰吾死無恨但恨不得終事吾父及吾舅姑又曰我生惡華綵寸金尺帛不以加身死母負我遂卒賈汝愈聘妻盧汝愈故城人盧德州人協辦大學士蔭溥汝汝愈卒盧矢不嫁賈氏迎以歸為立後
 袁進舉聘妻某天津梁進忠養女也進忠負薪行水次有大舟泊焉或抱女嬰出授進忠曰此女生八月矣父之官卒於舟母繼殞其善視之進忠撫以為女而進忠有長女悍甚女稍長貌端好長女將鬻以為人妾女不可長女益恚進舉故無藉長女咻父母使字焉進舉行不歸又使告其母謀能婚女復不可進忠病瘍生於脛女割股以療家人皆不知而長女虐愈甚進舉母憐之迎以歸進忠及其長女皆死女為營葬迎養母進忠妻同居長女有子失所召為鞠之

清史稿

列女傳二

十九

為進舉弟娶婦生子為進舉後終姑及其義母喪女遂自經死有司葬之天津西郭外五烈墓傍五烈墓者先為三婦墓葬譚應宸妻陳阮某妻趙某妻裴陳諸皆以捍強暴死妻以節終乾隆元年金振妻丁殉夫附葬稱節烈四婦墓七年又有殷氏女誤嫁倡家為所迫鍾楚炮烙沃以沸湯死葬墓側稱五烈墓五十六年復葬女更為六烈墓云
 李應宗聘妻李昆明人所居曰廟前鋪大河埂父春榮未行應宗卒其明年應宗大母語春榮將改字女女聞遂縊之夕裂綾二尺許刺血書九十四字民家女未嘗讀書字多訛易嘉興錢儀吉為之句讀曰呈天子前曰忠孝節烈曰二月初九日二月初九日蓋女死日事在乾隆末
 何其仁聘妻李路南人嘉慶十一年年十六未行其仁及其父皆病篤李割股界叔母使送塔家至則其仁及其父皆已卒其仁母燔以奠李欲奔喪母尼之遂縊王前洛聘妻林潛山人前洛病林父餽藥林潛割股入藥前洛卒固請奔喪引刀誓不嫁

節義縣主成郡王綿勳第七女選文緯爲婿文緯費莫氏內閣學士英綬子未
昏嘉慶十八年文緯卒主時年十六詣文緯家守節仁宗詔封節義縣主二十
二年卒

李承宗聘妻何巢縣漁家女也兩家居濱溪相違半里餘而李氏廬當上流承
宗卒女年二十請奔喪父母不許不食四日不死自經或拯之越日自沈於溪
求其尸不得後三日尸見溪上流正直李氏門江亨昭妻楊侯官人二氏皆漁
家楊未嫁與亨昭舟相值必引避或遇水次則自匿蘆葦中其母非之女曰漁
家獨不當有恥乎既嫁強暴窺其有色潛逼之楊擠使墮水亨昭死殉焉

吳某聘妻朱海鹽人吳某年十八喪父母遂出游不歸朱貧父老辟織履其
兄悍屢辱之朱曰兄貧不能食我我父我父我父我父我父我父我父我父我父
兄耳及父死朱年五十八吳不知其在亡吳之族慙朱節迎以歸爲立後

徐文經聘妻姚名淑金侯官人文經卒淑金屢求死乃歸於徐貧舅沒姑疾作
刲股以療徐撤片供姑自食其棄莖無何姑亦沒嗣子以貧去淑金目昏不能

清史稿

列女傳二

二十

治女紅以鉢爲釜以草爲裘僦屋不償直見逐泣路隅有負擔者憐而周之里
人醵金助衣食僅得不死猶朝夕拜徐氏而祝其嗣子歸也居十餘年乃卒

李煜聘妻蕭秀水人煜酒家子居郭南萬蝶濱蕭未行煜死蕭無母請於父願
歸李翁姑道媒止之勿聽遂歸李視煜歛即奉侍姑執爨灌衣甚謹姑悍既不
欲李來又見其貧也晝夜督李唯無一言鄰勿善也或勸姑姑亦督焉士大
夫衆至誠翁母虐貞女貞女光爾門宜善視之姑終不欲李同居衆乃於室後
闢小樓居貞女醵金以飲之

劉戊兒聘妻王名孝武陟人未嫁歲大無戊兒行六年不歸父母欲別嫁孝問
出如劉氏值老嫗問劉戊兒母嫗曰我即戊兒母也孝拜且泣曰我王氏女姑
之子婦也嫗驚未信孝探懷出物示嫗曰此非姑家物耶吾賴持以來爲信

嫗視之亦泣復以貧無食辭曰吾夙知姑貧翁沒兩叔幼安得所食我能女紅
茲固爲養姑來也生未嘗一時離吾母計無所出而後來因復泣曰如不見容
我無歸理惟赴水死耳嫗告孝父母許焉孝勤紡績夜磨作蒸餅使叔擊之姑

病日夜侍居數年鄉里感其義率錢周其姑舊屋爲叔娶婦生子姑卒合葬
於舅墓乃授家事於叔夜入室扇戶寂無聲翌晨叩戶不應毀牖入則自經死
衣履皆易新製者時嘉慶九年二月乙酉孝年二十四至劉氏事姑十二年姑
死乃死

朱某聘妻李字容東安人父大純幼字朱氏朱氏子遠游十餘年不歸或傳已
死女既喪父母無昆弟獨與其婢春華居誓不嫁春華稍長其父謀嫁之春華
義不去容亦誓不嫁其父不聽春華乃告容俱赴水死

武稔聘妻李伊陽人年十一喪母育於武從姊婦事舅姑諸姑願以調醫藥治
家事日勤姑卒撫叔弟及二女妹年十七猶未婚稔墮井死誓從井舅止之幼
弟妹環而哭李大慟遂總髮爲紉曰吾當終婦事請於舅立後紡織以佐家舅
娶後姑又有疾調醫藥治家事如前時久之叔弟補縣學生兩女妹皆嫁又數
年爲所後子娶婦則語其兄曰妹曩不即死誠不敢死也今吾家奉舅姑宗祏
幸有人井中人待我久我將從之晨起從容問姑安出行汲自投稔所墮井死

清史稿

列女傳二

二十一

道光二十一年八月壬寅稔生日也後稔死二十有一年

陳霞池聘妻錢桐城人居東鄉未行而霞池卒錢請奔喪東鄉俗以爲子死婦
奔喪於家凶辭之錢毀容矢不嫁久之陳氏之族迎以歸爲立後居數十年縣
有士人往存問爲言朝廷旌貞女與節烈並重當請於有司錢聞大驚蓋初不
知其行應旌也

汪榮泰聘妻唐名鳳鸞榮泰徵人唐淳安人父以許榮泰未聘而父卒母更許
他姓他姓來聘唐自所居樓裂所製衣履擲於庭俄君然躍而出遂墮地死榮
泰請迎喪母不許母卒乃迎喪以歸

季斌敏聘妻蘭斌敏正藍旗漢軍閩州人斌敏未昏卒閩年十八矢不嫁居
二年聞有媒約至截右耳逾三日又截左耳其父春以告季氏迎以歸女事姑
甚孝爲夫補行喪服喪終歸訣父母謂當死從夫父母力勸喻之女復還見姑
言笑如平時即夕飲毒死啓棺封所割兩耳識曰全歸

董福慶聘妻馮福慶固安駐防漢軍馮霸州人也福慶貧餓猶耕死於田女年

二十請奔喪福慶父往沮之曰子餓至死復忍餓汝家女耶女出拜伏地哭不起福慶父乃諾之遂奔喪執婦禮以終寒餒皆無愆

喬湧濤聘妻方桐城人湧濤卒湧濤母丁亦病方請於父母歸於喬以姑病寒疾亦薄其衣當風雪割股以進姑病良已乃營葬湧濤以衣負土三日不食為湧濤立後淡食布衣深自刻苦病將革戒子婦母以寸絲歛

張氏女名有鄒平人歲饑鬻為高唐朱氏婢及長主母為議昏有泣言幼已字人不敢負主母使求得所許字者則已別娶有子女矣以語有有曰雖別娶身不願更事他人主母憐而聽之有終不別字以死

粉姐失其姓高郵人父為進氏蒼頭字某氏子歲饑某氏子行乞轉徙十餘年女父遇之江都市上某氏子曰我終不能娶還我聘錢聽別嫁女父喜還聘錢與析券歸告女女嗚咽不語夜自經

闕氏女名玉浙江仁和人玉端麗能詩文父亡與母及兄嫂居年十三福王由崧帝南京選民間女子玉母匿諸賣菜傭家玉父亡時留百金界玉兄備玉嫁

清史稿

列女傳二

二十二

玉兄蕩其資遂與傭謀字傭子玉在傭家尚待年號泣求還不可得疾作始遣歸玉垂絕語其母曰兒今且死願埋父棺側不作傭家鬼也復嚼齒曰兄陷我遂卒玉嘗作怨歌好事者以琴譜其聲曰闕玉操辭曰父生我兮中道逝母榮兮門衰瘁兄嫂難與居扶我如目中之塵沙伊又造此佻巧兮胡廷我之寶多彼六禮之已愆兮曾貞女之既從矧要予以桑中兮夫豈其為予之匹雙我有母兮癩思泣血我父而有知兮怒衝髮我兄摩摩傭之金兮骨肉相茂嫂旁睨兮笑言啞啞我忽憤氣兮如雲指漆室女以為正兮又告夫司命與湘君子不愛一死兮弗忍速阿母之下世願死而有憑兮為凶之厲嗚呼哀哉我終死兮魂獨歸去明告我母兮幽告我父匪我夙夜兮胡然遭此行露也縱謂多行露兮寧能我之汙也重曰嘉名為玉父之命兮幽辱莫壞終保貞兮憂思悄悄淚淫淫兮蒙恥忍詬日當心兮

趙氏婢失其名為杭州趙氏婢趙氏嘗有客言路珠子之學使為婢算曰是當七易其夫婢悲曰吾嫁則有夫有夫則有死吾今且不嫁誰為之夫者自是蓬

首垢面矢不嫁趙氏有婚嫁輒避匿媒氏至詭諱不可近主誨之搶首乞終役年至七十餘死於趙氏

清史稿

列女傳二

二十三

列女三

韋守官妻梁

歸昭妻陸

羅仁美妻李

王氏三女

沈華區妻潘

陳某妻伍

洪志達妻葉

羅章袞妻杜

王磐千妻顏

方希文妻項

廖愈達妻李

姚文瑤妻劉

王三接妻黃

程顯妻朱

應氏婦

平陽婦

殷壯猷妻李

楊昌文妻袁

譔日昇妻陳

林應維妻莫

清史稿

列女傳三

文秉世妻梁

張聯標妾傅

陳心俊妻馬

楊應鸞妾佟

林乾妻程

胡守謙妻黃

黃居中妻吳

汪二蛟母徐

沈棠妻俞

徐明英妻吳

黃嘉文妻蔡

韓昌有妻李

長清嶺烈婦

沈瑞妻鄭

馬雄鎮妻李

烏蒙女

劉岷妻張

薛中傑女

劉亨基女

滕士學妻滿

王自正妻馬

陳世章妻朱

任寨村二十烈女

一四三

強達泰妻徐

寶豐二婦

戴鈞衡妻李

陳吉麟妻周

秦耀曾妻畢

謝石全妻廖

石時稔聘妻劉

章瑤園女

戴可恆妻朱

金福曾妻李

邵順年妻伊

陳某聘妻鄧

胡金題妻俞

鄭德高妻阮

周小梅妻湯

楊某妻沈

周世棟妻胡

蔡以瑩妻曹

王永喜妻盧

劉崇鼎母張

武昌女子

費某妻吳

冷煜瀛妻盧

蔡法度妻簡

張守一女

清史稿

列女傳三

劉慶耀妻廖

黃氏女

韓肖朱妻鄒

張禮仁妻王

楊某妻吳

康創業妻邱

王有周妻楊

王氏二女

張金鑄妻段

穆氏女

馬安娃妻趙

趙貴賜妻任

張某妻蔡

公額布妻

多寶妻宗室氏

連惠妻

良奎妻

姚叶敏妻耿

松文母吳

黃晞妻周

陳某妻殷

陳生輝妻侯

鄒延玠妻吳

蔣世珍妻劉

田一朋妻劉

王有章妻羅

樓文貴妻盧

沙木哈妻

鄭榮組妻徐

張翼妻戴

詹允迪妻吳

蔡以位妻孫

楊春芳妻王

寶鴻妻郝

章學閔妻董

杜茹齊妻何

甯化二婦

章守官妻梁長清人明季饑女未行從父流轉河南婢於富室及笄主為擇婿梁泣言幼嘗受章氏聘死不敢別嫁主使求守官守官迎以歸已而守官卒家人欲使別嫁梁自沉大河救不死乃自治棺曰有欲娶我以此界之家人不復言寇亂匿棺以免順治二年師南行過其村梁懼積薪於戶下舉火乃入棺自焚死

歸昭妻陸弟繼登妻張昭崑山人陸張皆太倉人昭仕明為監紀順治二年死揚州繼登為教諭長興民亂戕焉二婦未得問崑山兵起舅姑避于鄉舟迎二

清史稿

列女傳三

三

婦二婦不果行師至城閉城西礮如雷二婦夜登樓環坐諸兒女酌酒戒積薪樓下城破則縱火一老僕進謂城破當兵衝慮不及死城北比邱尼故與主母善巷後有池倉卒可得死從之城破兵掠巷張入池陸視其女一卒前犯陸力拒被二矛仆又亂鎗之乃絕張以水淺不即死兵去潛視陸亦蘇乃與尼共掖起之兵復至張輒避諸池一卒索得張欲執以去張力拒見殺陸創重卒羅仁美妻李仁美揚州人失其縣李龍游人家揚州廣儲門師下揚州李方媛積薪所居樓下呼諸婦曰願死者共死母辱於是姒劉仁美妾梅李前室女官姑及諸婦從李登樓凡十二人呼婢菊舉火前室子哭從李俱上李願見啓願呼仁美擲兒下仁美負母手挈兒哭出巷回首見黑烟出瓦隙火合樓摧聞聲聲沸火中仁美行遇兵僅得脫兵去發樓燼拾殘幣惟菊花遺肢衣可辨乃叢葬十三人西華門外同時錢應式女淑賢丹徒人聞城破數自殺未絕兩其門外萬馬營比屋殺人火四起淑賢以紙漬水塞口鼻持父手壘其氣父手悖不能舉又解衣帶強母使縊母哭走出聞足擊牀閣閣入視已絕

王氏三女金壇人其二為同產其一為羣從姊妹年皆十六七以往師下江南

諸州縣盜群起王氏避長蕩湖書延緣蓋間夜復其居一日盜至劫三女子縛

置筏上三女子號泣跌蕩覆三女子死焉賊十數輩亦溺明日尸浮水上縛

盡弛三女子攜手髮相縈亂中無棺得故篋三重以斂墓于湖濱墓木枝葉皆

三相樛

沈華區妻潘海寧人居硤石順治二年六月舉人周宗彝起兵硤石八月望師

宵乘北關破之華區與潘皆被俘過南市橋潘脫水欲自沉華區密止之曰汝

死兵且殺我潘乃語兵我從汝去願得釋我夫兵釋華區驅潘入舟舟行十八

里至王店水次觀者方集潘忽躍起曰我硤石沈華區妻義不任受辱奮入水

兵驚掉其髮出水潘力自沉髮斷繫以繯益力自沉纏絕如是三兵以刃吞其

喉遂死師中有裨將歎其烈出千錢為斂

陳某妻伍華亭人師下松江陳家瑣溪兵至奔陳首伍奔救兵舍其夫而繫之

伍曰毋縛我我從汝去將登舟躍入溪死當時死于溪者諸生孫壽妻順徽州

清史稿

列女傳三

四

商孫氏之媼

洪志達妻葉歛人順治二年徽州初定盜賊所在多有志達借葉避兵淳安鄉家村明年二月村人譁言兵至志達與葉倉皇走匿草中游騎過自草中曳葉出志達習拳勇有力踴自草中奮擊一騎仆衆騎拔刀赴志達志達徒手與門衆騎且仆且起環射之矢中志達目貫腦死葉抱尸慟衆騎挾之行葉輟哭馬行漸緩度懸崖葉曰勿持我急我自能乘賊信之遂縱馬向崖衆騎自後從之葉自馬上擲崖下死淳安人言其死且為神為之祠焉

羅章妻杜翠聘妻田淳化人羣聘章從子也皆早卒順治三年寇至城破

杜指牆間井語養女淑明淑儀曰此吾曹死所也遂入井淑明淑儀相向哭從

之下田與杜連牆居聞哭呼其女優姐亦趨井死先一年縣兵譟變章姪姪女

寶芳墮樓死寶芳有從姊雁珠明崇禎間死寇寶芳在娘其母夢雁珠借一

女至謂唐奉天寶烈女也故命曰寶芳既長嫁三原房大猷其死後雁珠十七

年俱以正月十五日死死時年俱十八鄉人合前後稱七烈

王磐千妻顏江西安福人順治三年遇寇紆其臂索賄顏詔曰此手乃為賊執耶投水死何大封妻阮無為人早寡有授物誤觸其手者引刀斷指血濺尺許方希文妻項名淑美淳安人順治三年明潰師掠縣希文携家避兵西坑以妾子病謁醫兵驟至縱火火將及婢請項出避項曰出死于兵不出死于火死同死火不辱若能死則從不能亟出希文故有藏書項積書左右坐其中火及書燼項殉焉

廖愈達妻李妾汪張泰寧人李讀書通大義教二妾章句愈達從外歸聞李疏仁字教二妾語諄諄愈達入而笑李正色曰志士仁人有殺身以成仁毋求生以害仁順治三年愈達將妻妾避兵或傳崇禎十七年京師破時簡討汪偉與其妻耿殉國事李以告二妾相持而哭師漸逼愈達與妻妾夜走南石砦師至攻砦愈達率妻妾避砦口或呼師自砦後入李即從砦口展手投崖下愈達挈二妾匿巖石中搜山兵至張亦投崖死愈達出金遣兵去汪堅持愈達衣伏其後頃之遙見師中出裨將朱纓率袖指揮從卒巡山汪大哭曰君善自保亦投

清史稿

列女傳三

五

崖激于石身裂若支解師退愈達及諸同避砦中者皆得脫葉芋妻謝寄都人六年冬十月明將揭重熙等以師赴南昌駐軍都兵掠得謝部曲將悅其色問家世謝從容具以對因乞得沐浴部曲將許之遂入室以鬻鬻刀自搯其喉死姚文瑞妻劉名滿福清人文瑞鬻香于市順治三年海寇至索錢無所得截文瑞首去滿昇尸還舐血縛布綴於頸歛畢乃言曰我恨不能手刃賊獨以死報君首觸棺仆久之甦請以兄公子為後盡置衣珥管墓越三年清明上冢歸厝金咽之死毛翼順妻陳亦福清人順治四年翼順死于寇昇尸還血溢于鼻陳舐血歛畢不食七日自經

王三接妻黃曹縣人三接官汾西知縣黃侍姑田家居順治五年李化鯨亂破城姑婦皆被執黃語賊曰釋我姑我與金帛惟爾欲賊釋其姑黃度姑行遠乃罵曰吾家清白吏安有厚藏吾名家女命婦豈肯從賊有死而已賊磔之當時為賊殺者劉琰妻邢等九人投水死者王躋聖妻韓等七人

程顯妻朱新建人明宗女也以其姪為子婦順治五年金聲桓為亂顯自南昌

將家人入山道遇兵相失或傳顯已死朱謂子婦翁死吾不獨生汝奈何婦曰死耳朱縊樹上已絕兵救之甦復觸樹死婦亦起觸樹兵前持婦婦齧其指奪刀自剄死劉元鐘妻吳妾朱南昌人元鐘亦將家人避兵及棄抱中兒道旁厠而走吳伏溝草朱為兵得繫以行經溪躍繫絕兵斫其頰死吳出草行數十武遇鄰媼脫簪求扶持兵復至吳握髮仰天號曰夫邪子邪吾其死邪邪兵挾刃逐之行赴陂死是役諸女婦死者至眾靖安舒調熙妻朱救夫豐城熊嗣蕃妻胡及從子有恆妻沈從夫救舅皆死而新建徐文瑞妻朱割乳斷首進賢胡永益妻胡刃出背死尤烈

應氏婦鄆人貧行乞順治六年海寇至匿郭東廟寇欲汗之堅不從既仍偽諾出廟將入井寇復牽以入終號泣不就死亂刃

平陽婦不知其姓氏順治七年姜壤亂為其徒所掠過定州唐城村刺血題詩于壁並為序自述略言明月在天清水在旁得自盡于此上不媿父母次不慚婿庶幾與水同清與月同明遂自經死

清史稿

列女傳三

六

殷壯猷妻李豐潤人順治中壯猷為臨藍參將十一年孫可望攻臨藍壯猷築城以守圍久不解出戰死李以印界次子質揮使出避而與長子文自剄死楊昌文妻袁安義人或曰建昌人順治間兵亂父母迎袁歸袁不可曰棄姑避兵不義兵至伏地請死斫數刃去家人歸努力問姑無恙乎曰無恙乃匿謀日外妻陳高安人順治間金聲桓亂為兵掠挾上馬力拒中八刃剖心斷脰列孕死陳某妻萬萬縣人康熙間譚宏亂被執殺其懷中子萬詭言家有藏磁賊使其徒從以往過懸崖奮起擠賊墮亦自投死

林應維妻莫梁學謙女吳師讓妻某黃某妻李皆新會人應維學謙師讓皆諸生順治十一年明將李定國攻新會城守閱八月食盡殺人馬為食莫代姑梁女年十一代父黃李代夫皆死李之死兵持首還其夫使壟焉

文秉世妻梁鬱林人李定國掠州梁為兵掠迫上馬梁哭據地罵兵殺之越二日秉世得其尸目未瞑也文氏女兆祥文樞妻陸灌陽人定國兵至姑嫂避火星山箬中兵入自殺何氏女昭平人是歲師遂定國避兵思庇冲或迫之死王

氏三女長亥娘次竹姑次酉娘博白農家女康熙十九年避寇宴石巖寇攻巖姊妹皆投崖死

陳心俊妻馬伏羌人年十九寡順治初流寇據城其渠聞馬有色遣人強致之馬居樓上揮雜器物擲樓下厲聲叱其人曰白若渠欲強污我惟有頭可斷耳渠聞亦愕曰烈婦烈婦卒得免郭俊清女蓮姑巴州人嘉慶二年九月教匪破城掠以去女罵不絕賊褫其衣罵愈厲殺之書其背曰烈女尸張問行妻楊秦州人同治間回亂破其堡楊遣三子行持厨刀倚扉罵賊賊怒其口至耳際罵猶不已遂死賊舉屍掩其尸書其上曰此張監生妻楊烈婦母損其尸

張聯標妾傅泰順人聯標為羅陽知縣傅從年方笄山寇破縣被執賊渠令其徒百方誘之不從一夕擁至渠所請賊執刀夾左右怵以死終不屈乃縊殺之林乾妻程漳浦人有殊色康熙元年縣有劉暢者為盜馬婆山掠程至將汚之不從使佗婦慧之曰我曹已至此即完節誰復能信程曰吾自行吾志非求人信豈能效汝曹無恥耶暢殺之

清史稿

列女傳三

七

楊應鶚妾佟奉天人應鶚官貴陽同知吳三桂叛檄署官應鶚力拒乃置諸順寧師將入滇郭壯圖使殺之應鶚罵使者佟曰大丈夫當毅然引決無戀戀如兒女子我請為公先不使公遺憾遂縊應鶚亦縊

黃居中妻吳居中失其里貫吳豐順人廣東饒平鎮總兵六奇女也康熙中居中為蒼梧教諭十三年孫延齡叛梧州戍兵應之入其室吳曰封疆之事固知非若曹所能若曹其俘我乎我將待之奮擊殺二人自伏劍死

胡守謙妻黃閩人守謙武舉當耿精忠叛守謙投書城外言賊必敗狀為守者所收送郊外殺之黃請代不許乃求得守謙首綴於尸葬畢自具棺衾飲藥死沈棠妻俞苗田人年十八美耿精忠兵至執俞並及棠俞計脫棠乃抗賊賊威以刃就刃迫以火赴火幽之遂自縊賊磔其尸同時福清陳得棟妻蔣陳雲元妻周皆為賊磔苗田林振先妻鄭支解永安黃尾四妻鄭列孕貴溪傅護妻薛剖腹臟腑盡出

汪二蛟母徐妻戴開化人康熙十三年耿精忠兵入浙江境開化陷二蛟及母

妻行避賊賊至縛二蛟驅其母妻以行行過大澤戴厲聲曰得死所矣徐應曰待我賊持戴袖戴絕袖抱子自投澤中徐與俱下二蛟大呼縛盡絕亦赴水死後二年開化復陷劉章壽妻徐為賊渠所得置樓上令兩卒為守婦陽謂守者事已至此幸語若主欲婚我當具禮卒告渠渠盛服佩刀上婦迎坐解刀置案上復陽言奈何不為我具衣飾渠諾而下婦取刀弄之拔出鞘忽引自刺守者前奪刀婦揮刀斷其臂遂自剄渠裂其尸

黃嘉文妻蔡名慧奴黃嚴人康熙十三年耿精忠之徒陷黃嚴明年師復黃嚴以黃嚴民營處賊俘為蔡及其子女屬杭州駐防將將藍蔡欲以為子婦九月壬申將召蔡喻指蔡取壁間刀自剄死將投其尸於江時軍中得俘輒責金贖嘉文方求金杭州至則蔡已死乃贖子女還蔡父行求蔡尸十二月丙子風作江潮涌蔡尸乃出距蔡死九十有九日嘉文還言子女得贖止同日

徐明英妻吳名宗愛字絳雪永康人宗愛幼慧九歲通音律十餘歲即能詩善寫生間作設色山水明英卒康熙十三年耿精忠將徐尚朝攻處州略金華六月游兵至永康尚朝嘗官浙東聞宗愛才色乃使脅宗愛族人求宗愛勢洶洶宗愛乃曰未亡人終一死耳行矣復何言賊遣迎宗愛以兩騎翼宗愛行至三十里坑宗愛給騎取飲投崖死宗愛二女兄皆能詩而宗愛尤工所著詩二卷長清嶺烈婦不知其氏諸暨人康熙十三年盜朱德甫占縣紫崗山為亂吏發兵討之婦見掠與其子併繫婦好謂兵吾既被獲復何言吾夫祇此子請俟其追至以子歸之吾從汝去耳行至長清嶺其夫奔而至婦復請以子授其夫度父子行已遠自擲崖下死

清史稿

列女傳三

八

韓昌有妻李秦州人康熙十四年六月遇寇李負幼子行避為賊及李批賊頰罵賊刃之七創項未殊昌有昇之歸夜而蘇謂昌有曰必葬我松下又七日乃絕昌有葬之松下

馬雄鎮妻李雄鎮自有傳李不知其里貫雄鎮為廣西巡撫係延齡反遣子世濟如京師告變旋見執幽四歲康熙十六年吳世琮攻殺延齡遂戕雄鎮及其二子李及妾顧劉女子子二世濟妻董妾苗同日死雄鎮初見執置其孥別室

妾趙及世濟子一女三皆以飢寒死於是雄鎮二女相要同死妾願亦願從及雄鎮見執守者梯垣以告二女謂願今日當踐約為椁于梁語願曰夫人諸母行宜位於中雖顛沛不可失序願曰我妾也又無出何敢與諸母齒再讓乃先縊幼女年十五弱手不勝縊久之環不就呼曰姊助我長女年十八應曰妹怖死耶吾助妹已皆縊董先二女縊縊再絕再仆地傷額及足三縊乃絕苗與劉後二女縊李視諸人皆死曰姑婦子女皆幸不辱身我無憾矣乃亦縊雄鎮自有傳願名荃字芬若豐潤人能詩畫

沈瑞妻鄭瑞附見其從祖志祥傳鄭父斌事鄭錦私署禮官蓋亦錦族瑞嗣封續順公駐潮州錦兵破潮州送瑞臺灣時瑞年十五斌蓋以此時婿瑞居數年錦部有傳為霖者謀為反問事洩辭連瑞錦繫瑞及其孥而以鄭歸斌鄭泣謂斌曰兒既歸沈氏生死與共請遣兒同繫斌使處于別室及瑞將死問夫人安在或以告解帶使訣鄭鄭遂自經傳妻黃名乘娘臺灣人璇為霖子也為霖事敗錦俘其孥乘娘有兄銓為營教得免為霖旋皆被殺乘娘矢殉銓寬譽之

清史稿

列女傳三

九

乘娘曰今日之事子為父死妻為夫死復何言卒自經

劉岷妻張保寧人岷死烏蒙之難語在忠義傳岷既死賊遂破城張冠帽坐中堂呼女易璋可璋及妾吳戒母辱出岷佩刀示易璋易璋泣而跪張斫其肩死可璋亦跪張刀墮可璋曰母怖耶拾刀自斲亦死張語吳汝將三歲兒好自匿存張氏後吳號抱張膝張且歎且迴刀自殊頸且斷危坐几上吳揮乳母抱兒速去拜張前引刀衝喉死几下雍正八年八月事也乳母逃山中卒全張氏後師定烏蒙錄岷死事張吳易璋可璋旌贈如例楊天階妻關開化人天階為烏蒙守備城破時戰死亦有女子子二長曰鳳次無名關聞天階死謂二女曰我當死汝姊妹宜求自脫二女泣曰父已死兄不知存亡何以為生遂對縊關自剄死

烏蒙女不知姓氏里居烏蒙裸亂掠子女財物女子年少者頭人自取之女與其曹二十餘輩立棚下日暮頭人持刀入此諸女去衣不從擊以刀脊次及女女年十五六有容色堅不從頭人欲擊輒復止小嫫告有以酒食賀者頭人憐

刀出裸營中為坑蕪薪炭禦寒女挾頭人所棄刀立坑後頭人醉復入就女張兩手將抱持女迎刺洞其胸仆地死眾傑驚視女已自剄羣碎其尸

劉亨基女字滿湘潭人亨基官臺灣府同知權知彰化縣林爽文之難亨基殉焉滿年十六自沉廳後池池淺不得死展轉泥中賊大至曳之上滿罵曰我家女豈懼死乎汝曹生太平乃為逆亂官軍至汝曹當萬段賊割其口刺其鼻罵愈厲乃殺之臺灣平得旌臺灣之民私諡曰貞烈

陳世章妻朱義寧人世章為湖北保康知縣嘉慶元年曾世興為亂保康故無其舅婦奪刀刺苗疋遂自剄

清史稿

列女傳三

十

陳世章妻朱義寧人世章為湖北保康知縣嘉慶元年曾世興為亂保康故無其舅婦奪刀刺苗疋遂自剄

薛中傑女洋縣人嘉慶二年教匪掠縣境女年十六七從家人行避賊為賊得置馬上女罵躍仆地賊掖之起行經益水濱自擲入水方冬水落不即死賊岸上立好語招使上女益匍匐求深處賊擲矛刺之死傅瑛妻周寶慶人道光間教匪起周方在母家從母匿叢粟中賊擁入鄰婦先匿者羣叩頭乞哀周語母曰死生命也奈何降志於此曹乎乃舉袂蒙其首伏母懷賊迫視之美挾上馬二賊挾以行周罵賊賊撫其背為好語周以指鬚面罵益急賊刺其脅推墜馬死亂刃下

任泰郵二十烈女任泰郵寶豐縣村也嘉慶五年教匪至距村不十里村民出禦此二十人者與同村諸婦避於樓教匪入村攻樓不能克乃收禾黍積樓下環而焚焉火熾樓中諸婦有穴牆而跳者或欲與二十人俱二十人同聲曰教匪盈野理難自拔萬一求死不能得何顏食息于人世死于刃死于水死于火

死同也惟畢命於此吾儕志決矣俄而風起火益怒樓燼二十人燬二十人中已適人者何李氏任張王氏劉王氏馮劉氏傅李氏任趙氏任周氏任宋氏任邱氏任張氏任趙氏趙葉氏李張氏張趙氏崔郝氏未字者何氏馮氏傅氏熊氏崔氏

王自正妻馬秦安人嘉慶五年教匪破縣馬被掠罵不已刀脅之益厲皆裂血賊積薪焚殺之

強逢泰妻徐韓城人逢泰父克捷嘉慶間官滑縣知縣十八年九月庚午李文成之徒為亂克捷及其妻殉焉前一月逢泰將其弟望泰歸取婦亂作徐罵賊不為屈賊繫徐釘著聽事柱上樹割之棄其骨事聞仁宗以徐死事烈命設節烈贈恭人附祀克捷祠方振聲妻張大興人陳玉威妻唐蕪灣人振聲官嘉義縣斗六門縣丞玉威官臺灣北路協把總道光十二年十一月盜張炳為亂道其徒黃城攻斗六門振聲玉威與千總唐步衝拒戰皆死之張唐殉焉張罵賊則鼻剜舌死尤慘其幼女亦從死宣宗命張唐並設節烈附祀振聲玉威祠終

清史稿

列女傳三

十一

清世婦人得諡者凡三人克捷振聲玉威語在忠義傳

寶豐二婦不知其氏縣察河寨人道光中教匪為亂官軍逐捕以車載火藥留置寨中為教匪所誦將擄而有之攻寨急墮其一隅為陂陀肉薄以登二婦見賊入大呼曰寨破矣火藥且資賊奈何寨中人皆潛避無應者二婦從風而火藥盡焚煙涌塵起蓬勃如夜賊自相鬪殺二婦燔焉

戴鈞衡妻李妾劉桐城人鈞衡文苑有傳咸豐初洪秀全之徒攻縣鈞衡避舒城李劉及二女居寇至仲女年十六抗刃死李劉皆被掠寇使他所掠婦與李處李陽與諸婦語納手入袖忽口噴血仆地視之刃刺喉死寇欲褻其衣其侶呼曰此烈婦汝褻其衣吾斬汝諸婦防劉益嚴劉受李誠以間脫其幼女因兩月餘不言不櫛髮一日寇欲污之乃大罵寇怒殺諸東郊外罵不絕曰吾今可以報女君矣遂死

陳吉麟妻周臨川人咸豐間洪秀全之徒破縣周與女仙英走銅嶺賊及之加劍于項逼之不肯從殺仙英愈怒批賊頰賊殺之尸提其首而立賊為之驚走

同時凌傅經妻楊彭澤人與姑匿山中賊搜得姑楊持刀奔赴賊舍姑與鬪力盡為賊支解楊同縣又有賈蓮品妻韓福誠為所殺

秦耀曾妻畢耀曾江甯人畢鎮洋人湖廣總督沅女也耀曾以舉人官郎中咸豐二年二月洪秀全攻江甯畢年將八十城破集家人告曰吾家人受朝廷恩於義當死爾曹皆朝廷百姓平日受承平之福今寇亂可愛死乎且為賊得必有求死不得者悔何及乃服命服扶杖赴水死從者數十人曹士鶴妻管名懷珠字藏真亦江甯人士鶴官陝西清澗知縣城將破與士鶴兄妻李縉朱氏祠樹上自書衣襟曰陝西清澗縣知縣曹士鶴妻管氏為國死於此

謝石全妻廖曾石泰妻黃葉金題母胡縉勝妻黃皆定南人咸豐六年粵賊攻城廖黃皆助城守廖執刃登陴歷數十晝夜一夕依堞視賊為飛礮所中遂卒黃佐石泰殺賊賊攻城東南隅黃赴救中火鎗猶大呼殺賊死城上八年賊復至攻胡所居村金題從鄉兵禦賊胡擄析斧踏賊十餘力鬪被重創與金題俱死勝雲所居曰縉家莊土寇作黃與如婢發火箭燈賊賊踰屋入勝雲與

清史稿

列女傳三

十二

其父皆死黃揮刀巷戰久之賊大至自剄死

石時稔聘妻劉名敏和吳縣人家洞庭山時稔卒劉得請於父母奔喪姑居咸豐十年夏洪秀全之徒破蘇州洞庭山民拒守閱歲餘力盡賊自山前入劉盛服待水次誓死居三日賊不至姑挽令入室劉問何以得免則曰率錢輸賊兵劉躍起哭曰是乃降也降則此賊土吾賊人矣吾以為三日中若輩與賊決死戰耳今若此何用生為姑與家人力勸母死劉好謂曰我三日不入戶慙矣且少休入室即夜自經死留一紙自書生死年月日

章瑤圃女亥姑餘杭人咸豐十年年十五六月庚午賊至亥姑抱柱堅不釋賊擊之十指皆創抱柱如故賊斫其肩背亥姑罵曰恨不為男子殺爾輩盡賊勒其頸死

戴可恆妻朱可恆仁和人朱長興人可恆父熙自有傳咸豐十年杭州破熙殉朱具衣衾視歛如禮從可恆轉徙明年復還賊復至圍急朱方為詩詞自若曰我自為計久矣何懼城破朱語可恆速將子山避賦詩矢死不食兩日未絕自

經絕斷又未絕夜入池死即熙死節處熙死時少子穉孫妻孫方歸省聞即仰藥殉其祖母姚母及諸弟妹皆死凡七人

金福曾妻李福曾秀水人有傳李餘杭人福曾父鼎燮官臨安訓導寄孀杭州

洪秀全之徒再攻杭州圍久食盡雜啖草木甚至燻兩履緣革為食城將破李

與福曾矢必死尙餘銀餅一為福曾縫置複絮中謂窮途得此猶可旦夕活也

俄賊大至投烟家洪氏屋後池死同時鼎燮殉臨安鼎燮弟鴻信妻胡避臨安

村間為賊所迫矛春其喉死十年賊破嘉興福曾之族諸婦女死者衍芹妻倪

衍科妻鍾鴻鑑妻徐鴻輝妻許鴻助妻潘鴻勛妻胡鴻綬妻顧鴻絨妻屈徐許

皆有女從死振聲妻張賊將至時先自經殉張福海妻姚錢塘人福海官廣東

曲江知縣姚家居寇至城圍合米盡食麥盡食糠粃糠粃盡食馬料豆城破

賊脅姚行姚奮起擊賊被殺同死者姊媳孫王女杏珠姪女滿文月

邵順年妻伊仁和人順年懿辰子懿辰自有傳杭州被圍伊炊粥奉舅姑輒忍

飢不食城破俟其姑既出入井死巡撫馬新貽上懿辰死事狀附陳伊生則以

清史稿

列女傳三

十三

孝事親臨難不求苟活深明大義得旌順年弟順國妻劉亦仁和人順國為六

合知縣卒劉父堃方為漢中知府令以二子往劉謂異鄉非可久居以順國喪

還葬克光世藏書授二子督就學甚嚴二子皆成立

陳某聘妻鄧海甯長安鎮人未行而夫死誓不家奉父父卒為立後年四十餘

賊至焚其村鄧自沉水甯中賊去賊族往視之其廬燼燼水沸尸為糜矣

胡金題妻俞金題烏程人俞歸安人家雙林賊以有色驅使行不從持刃嚇之

張目以頸就刃賊笑曰癡女子乃繫以行行數十步有橋橫水俞好語賊曰兩

後泥淨繫不可以行乞捨我我自從汝去復請以兩矛夾持以上示無死意至

橋半奮躍入水賊怒其給矛刺之死王氏女婉容亦家雙林賊掠其父母婉容

請于賊釋父母我從汝去賊釋其父母已入舟婉容出戶呼曰我猶有語請少

待且呼且行近水疾躍自沉賊操矛拯之不上遂死

鄭德高妻與方其蓮妻皆阮氏兄弟也蘭谿人賊破縣德高其蓮將其孀避北

山久之德高其蓮偕入縣為賊殺二婦勸誓死一日賊奄至二婦堅坐不為動

一賊持矛入倚矛於壁呼二婦具若一婦不應賊解佩刀擲地曰不應且死二婦厲聲答曰我曹畏死尙坐待汝耶吾夫死于賊今當殺汝遂躍起即取刀矛擊賊賊徒手被數創大呼羣賊皆至二婦力鬪死

周小梅妻湯名碩人常熟入咸豐十年洪秀全之徒陷常熟小梅方赴鄉湯率

子蓮香女淑貞及幼子女入井死將入井屬長子於隣翁脫戒指付老僕屬持

書報小梅書曰昨君出門飯後即失常熱一夜未眠今水窮山盡當死義恨不

能一言為別願君平安勿以妾母子為念寄戒指一枚見此如見妾

楊某妻沈名彩霞金華人生農家有刀能舞大刀重百斤俗鬪牛牛奔彩霞手

挽之牛不得動咸豐十一年賊將至鄉人集團練得數百人推彩霞主之時蘭

溪諸葛蕪團練過萬人與相犄角賊至則互救洪秀全將李世賢自龍游至彩

霞乘其未定擊之敗走總督張玉良兵至蘭溪暴於民蕪蕪之兵有自賊降者

偽為諸葛氏之轍過金華索犒彩霞察其詐擊殺數百人玉良告巡撫謂團練

殺官軍互訐不已賊又至偽為官軍裝吏不復察金華破彩霞自刎死楊某亦

清史稿

列女傳三

十四

死亂軍中

周世棟妻胡鎮海人咸豐十一年賊掠世棟去使市馬以三賊監之行世棟曰

吾鄉故多馬四人乃不足賊令募壯夫偕世棟得鄉人同陷賊者六導之至鄞

東鄉地僻遂手刃三賊其一實陽死世棟未察也道鄉人自歸燭賊令人寄波

出被掠男婦數十輩夜半陽死賊歸告其渠將羣賊捕世棟世棟逃走賊執世

棟母及胡胡語賊曰吾家有藏鏹請以吾質遣吾姑發藏鏹償諸公姑已去胡

仰藥死世棟母子皆得免

蔡以瑩妻曹妾馬蕭山人咸豐十一年賊自嚴州循江薄蕭山以瑩將妻妾子

女避兵王家橋遇賊劫曹將犯之且罵且入水死子景軾女景良奔赴與俱死

女景李為賊掠語賊勿相強我固願從汝賊稍寬之行近水亦疾躍自沉馬抱

三歲子匿葦間以瑩還求得馬賊復至馬視道旁舍有采菱者所遺木罌折枯

木授以瑩使乘以渡以瑩要馬借馬曰此非舟不能勝二人出懷中兒投以瑩

曰以此子隨君去以瑩渡未半迴望賊垂及馬呼君勿念我今與君永別赴水

死以登得免

王永喜妻盧永喜開州人盧清豐人咸豐十一年四月乙巳盜李古考圍州城永喜將出助守語盧曰若聞敵即破吾家世清白慎勿為賊汗盧曰諾賊至舉礮相擊城得全永喜歸則盧率二女自經死矣二女長曰印次曰改又有張氏婦村居賊執以去見井給曰我渴甚乞解縛飲我賊解縛入井死

劉崇鼎母張都昌人咸豐間洪秀全之徒攻縣縣人治鄉兵推崇鼎主其事崇鼎謝母在張曰人誰無母皆以母謝誰當殺賊者崇鼎受命主鄉兵張出家財佐饑賊至崇鼎請母避賊張泣然曰未戰而先策敗人心散矣有進尺無退寸此外復何顧崇鼎雪涕出戰敗死張聞收曰崇鼎死矣遂自經未絕賊已入張出坐堂上罵賊死之

武昌女子不知其姓氏在賊中號為朱九妹咸豐間洪秀全破武昌驅以東至江甯楊秀清欲納之女侍飲羅甚酒置毒酒食中進秀清持之急秀清察有異磔死滄州女子亦不知其姓氏同治七年張總愚北攻滄州其黨得此女獻總

清史稿

列女傳三

十五

愚總愚使執役女袖出剪刺總愚傷其臂羣賊集立醮之

費某妻吳費某德清人吳處州人失其縣父景藩為湖州運糧千總因以女歸費早寡事祖姑甚謹洪秀全之徒陷德清景藩他徙吳屬以子而留事祖姑賊大至追吳將汗之不從賊抽刃出祖姑與相向哭吳慷慨求死賊繫之樹上曰我出汝心觀汝心堅否刃刺胸出心堅如石賊大驚就德清人求其姓氏曰此婦殆有神

冷煜瀛妻盧義寧人煜瀛官都昌訓導洪秀全之徒破縣死之盧伏哭煜瀛側為煜瀛理鬚厲聲罵賊賊斷其舌死手猶握鬚弗釋也陳兆吉妻余亦義寧人義寧破賊殺兆吉余方姪罵賊賊刳其腹兒逐刃墮呱呱泣賊驚走其渠聞為之少戢

蔡法度妻簡新淦人簡早寡美洪秀全之徒攻縣名索簡言不得屠蔡氏蔡氏大恟簡曰是無難艷服乘輿出方度豁橋驟自輿躍出入溪水溪水急求其尸勿能得

張守一女春英山西人寓海城同治二年回亂守一已卒弟妹幼母悲泣春英

陽語回能脫我母及弟妹願相從回遣兩騎使守一舊僕護之行春英度去遠入井死王占元妻楊皋蘭人同治四年回亂楊從家人匿山穴中為回所得楊曰如愛我幸毋傷我姑回驅楊去至一村回入掠楊語途人曰我王占元妻將死於此乞寄語吾夫速負母遠遁遂入井死王乘堃女翠環固原人亦為回得

欲挾之去翠環曰釋我父兄可回釋其父兄曰我弱不任騎願以輿行回喜俾以輿行女輿中餌毒未至回所死輿中魏克明女秀蓮涇州人同治七年二月從兩兄行避兵回至次兄中矛死秀蓮跪請活長兄回許之長兄脫走至山麓遙望回迫秀蓮乘馬渡水至中流墜水死

劉慶耀妻廖龍南人慶耀酒自給同治三年賊至廖持刀衛姑出賊執姑廖揮刀斷賊腕姑得脫賊鬪廖殺二賊力盡刳腹斷舌死歐陽維元妻曹崇仁人姑早寡年九十九矣賊急曹奉姑走太浮山遇賊姑見殺曹與維元擊賊皆死李盤龍妻鄧永新人賊攻縣鄧與族姊姪走遇賊仕坪三婦共鬪賊皆死姊

清史稿

列女傳三

十六

姪失其氏

黃氏女名婉梨江甯人咸豐三年洪秀全破江甯婉梨方五歲有母與兄弟居同治四年師克江甯有兵入其室殺其母及其兄弟縛婉梨置舟中謂將歸湖南婉梨好語兵至汝家當妻汝舟中母相逼時有金眉姑者亦被掠自沉於江婉梨舉以怵兵兵不敢犯月餘將至其家驅就陸兵遇其侶與俱投逆旅二人方共飲婉梨見膺上有毒鼠藥潛置食中夜分一人毒發死一人毒淺未即死

婉梨掣所佩刀刺其腹題詩壁間述始末自經死程氏女名季玉歸安人從父居蘇州蘇州陷其父以醫卜自活師克蘇州季玉與其父相失就鄰媪匿桃花塢其女兄為部曲將所得脇季玉去季玉自經不死作絕命詩畀媪使他日告其父入井死

韓肖朱妻郝趙州人姑暨張總愚自柏鄉向趙州郝奉姑走樂城賊驟至姑曰我誓不能行汝可疾逃無以我累汝郝侍姑終不去賊見其少將繫以去郝請訣于姑賊稍緩郝急趨赴井賊持矛逐之郝張兩手以拒迴身墮井死賊去出

其尸矛創七

張禮仁妻王武強人張總愚之徒入縣境王避亂深州賊至王與婦女數百自沉于滹沱水淺不即死賊據河濱村二日饑凍顛踣一婦哭曰此不即死不如死賊刃王曰見殺于賊辱甚不如水死三日僵立死同縣許氏女從其父避賊行遇賊女促父速去父陟岡望之賊授女鞭令上馬女持鞭鞭賊罵曰豎子安敢爾賊繫女挾刃迫之女罵如故刺其腕刺其肩罵如故遂見殺李氏女名蒲饒陽人亦從父避賊賊至將劫之去女抱持父坐于地不起父令從賊行道側有井父顧曰蒲井也蒲疾入井賊並擠其父入井同死

楊某妻吳武進人子傳第以舉人官知府客河道總督幕迎吳居黑塌黑塌在開封北濱河同治三年八月捻匪攻開封未下掠黑塌吳罵賊死傳第從河道總督在開封聞母死大戚以為不能豫戒陷母死為母撰行述成仰藥死

康創業妻與李鴻業妻皆邱氏兄弟也深澤人同治七年張總愚黨掠縣境方歸嘗從其父半千登屋避賊登刺半千死姊持梃擊賊賊奪刀墮之賊踵登

清史稿

列女傳三

十七

揮刀墮梯下斃賊發鎗妹仆姊被數十創亦死王書雲妻谷亦縣人書雲精針灸谷傳其術活婦女無算賊至矛刺其子鳳銜仆谷操杖擊賊賊縱火與其子鳳德鳳桐女然文皆死

王有周妻楊玉門人早寡撫三子漢連漢元漢科皆長同治三年正月回攻所居堡急楊使漢元問道詣肅州請兵漢連以其人出禦楊聞砲聲急急堡破將二女係入井死漢連妻張挈次女自經漢元妻李率次女飲酖漢科妻李及子三從女一女甥一皆自刎踰時回攻去漢連歸則家人皆狼籍死矣

張金鑄妻段平涼人同治間回亂金鑄跳而逸段未得從回至晉以刃不為屈砍項折未殊猶怒罵復斷其左臂乃仆回委之去金鑄歸段尚能語曰我家長物盡為寇掠去惟敝書數帙我取置懷中君可將去又曰我且死君當速行勿以我故留寇復至君將不免金鑄取懷中書欲去返顧段已絕
王氏二女香蘭纏娃秦州人同治八年回亂掠香蘭悅其色以好言誘不從刃脅不屈欲走投崖為賊及支解死纏娃年十六尤麗賊繫以行纏娃唾賊面罵

不少怯亦見殺

馬安娃妻趙秦州人莊而有容回亂見執罵賊割口被數十創而死安娃母田兄妻趙皆死王之綱妻李亦秦州人扶姑避賊賊及之李捍賊刃乞代姑姑得間走李乃罵賊賊刺其左目被十餘刃而死

穆氏女名芝東鹿人幼慧同治七年年十八捻匪至欲繫以去女哀之不聽乃呼其父曰速去勿相顧兒自有以處之父行稍遠芝厲聲詆賊賊鞭之仆賊曰汝陽死豈捨汝耶就曳之芝驟舉足創賊目賊連刃刺之死

張某妻蔡秦安人同治中回亂蔡有色回使執蔡不可與語兼嘲諷蔡奪他賊刀刺之傷賊手見殺同縣程丁兒妻黃執厨刀擊賊不中賊刎其腹引腸懸樹上張氏女小字純秀年十七有色為回得堅繫之女止哭求弛縛度峭巖聳身自擲巖下死

趙貴賜妻任甘肅安化人同治間回亂貴賜為團勇戰死回入其家任執厨刀伏戶側回先入者出不意斫之踣餘賊挺矛入任反刃自殺楊貴陞妻劉伏羌

清史稿

列女傳三

十八

人回執其姑將捶楚劉請代不聽取厨刀殲一賊因自殺

多寶聘妻宗室氏多寶赫舍里氏失其所隸旗宗室氏正藍旗人大學士靈桂兒女未行多寶卒易衰絰赴弔立從子英倫為後靈桂以聞穆宗書未吉完貞四字以賜英倫亦早卒妻鄂卓爾氏蒙古正白旗人大學士榮慶女弟昏甫逾月姑婦食貧守節光緒二十六年義和拳為亂各國合軍入京師城破多寶弟和寶妻率備婦入井多寶妻起引藥飲其婦視既絕乃自飲同殉

公額布妻西安駐防失其所隸旗善事姑三十而寡教二子奎亮奎喜有禮法宣統三年九月亂作戒二子曰此我完節時汝曹當努力報朝廷毋念我城破率二子婦及孫定炎成惠孫女三入井死清中葉後八旗多從漢姓公額布妻姓關桑氏奎亮妻關鄂氏奎喜妻關白氏音德布女雪雁西安駐防正紅旗人幼慧粗解文字亂作從家人出避行遇兵有誘之者雪雁引刀斷其指血沾衣誘者驚卻又遇兵強脅之女大詬曰吾頭可斷志不可奪兵羣起扶之無完膚女罵不絕刃洞胸死之

良全妻從漢姓曰石甘氏荆州駐防滿洲鎮黃旗人為駐藏大臣鳳全女兄鳳全自有傳貧躬織紉供朝夕諸子佐軍迎母居武昌宣統三年八月武昌兵起諸子將奉母出避力拒曰吾七十老婦死何憾諸子哭麾之出遂闔戶翌日兵大掠與子婦二女子一孫及女孫三皆死之

連惠妻從漢姓曰趙那氏京口駐防失其所隸旗連惠咸豐間以前鋒從攻鎮江戰死連惠妻以節旌宣統三年年已逾八十九月兵起出走兵抽刃擊之未殊罵不絕被數刃乃絕血肉狼籍白髮為之赤根瑞妻從漢姓曰王劉氏京口駐防鎮白旗人父德永有文學客授學子根瑞妻服父訓早寡以節旌無子有女已嫁依以居聞兵起語女及女夫曰吾年六十二被旌富殉變爾曹將子女村居得田十畝耕且食母更求仕俄聞副都統載穆死官即求死輒救免號泣不食女及女夫跪進食終不食七日乃絕

松文母吳松文荆州駐防鎮藍旗人同治初徙江甯從漢姓為馮氏吳荆州士人女也事姑孝早寡無子松文其族子也立為後松文子富倫渾才而早卒松

清史稿

列女傳三

十九

文哭子慟亦卒松文妻康富倫渾妻石仍世守節宣統三年兵起江甯駐防軍潰松文母年九十三矣慟哭以仍世守節義不辱首觸牆死康與婦石將諸孫自沈于水康死石與子女遇救免康與石不詳其族系

姚叶敏妻耿襄城人叶敏早卒事舅姑盡禮立兄子為後武漢兵起耿方病襄城土豪為暴掠婦子為質耿懼辱飲藥死

陳某妻殷秀水人宣統三年殷從夫在郴州九月長沙兵起湖南諸府州應之郴屬縣宜章永興皆變殷告夫誓相守以死夫趣殷將子女徙湘鄉依戚屬避兵殷不可強之乃行瀕行部署瑣雜事井井入舟抑鬱語子女若曹免矣若父奈何湘鄉距郴千餘里俄傳郴破殷憂悸不食而深墨戚屬相慰藉陽為酬答

十月壬子夕賊屬同居者聞啟戶聲旋聞其季女驚呼阿母起燭之就堂後門衡自斃死矣

黃睇妻周江陰人臨父毓祺明諸生能文明亡發狂亡命有司得睇繫諸獄周聞自經婢救之不死乃日餽餼餽粥夏不施帷恣蚊啣曰我遙與獄中共辛苦

也歸入獄十閱月事小解得出居無何怨家告毓祺所在死江甯按察使獄中有司籍其家捕睇兄弟兼收周周夜投水不死茹金屑亦不死乃詣府藏刃刺喉血衝溢仆地知府驚其烈問睇有女兄為女僧命昇置所居庵上按察使請釋周按察使不許下縣令再收周周漸合乃自歸語縣役曰我不累若輩第徐之俟我死持片紙去公家事易了也手檢睇單衣一付老僕曰主人行久無衷衣備澣濯汝以此寄之徐入室闔戶自經乃死時順治七年十月丁巳年二十八歸尚緊按察使獄聞周死為文述其事略言古成仁取義之士所以趨死之道不一由其一皆可死婦獨多途徧歷靡苦不嘗而顛跌頓挫卒死于家一以顯百折不回之苦節一以遂正命內寢之初心天不可謂無意云睇輸八旗為官奴鄉人贖出之得歸為童子師至七十餘乃卒

鄒延珩妻吳武進人延珩明諸生順治八年逮繫江甯獄十年見法吳自經救不死十二年延珩喪還葬十三年有司復議收延珩家北徙周乃迎母至夜將半起請母所曰兒今固必死安能俯首求旦夕活作長安藥囚婦耶願母稍忍

清史稿

列女傳三

二十一

成兒死母泣不能言周更衣拜佛復向母曰兒欲為母拜恐傷母心兒不敢母老矣勿以兒故過哀因出一扇曰此夫子南京寄我者出一囊曰有醫方夫子所手校有書夫子生平所習有髮夫子獄中所留也仍乞以殉復呼婢戒母號乃自燃燭持囊及扇還入室時鷄鳴母及婢傍徨哭不敢出聲少頃視周自經已絕死前一日苦熱周祝曰安所得甘雨乎遂雨竟日人謂節婦雨

陳生輝妻侯單縣人順治初盜掠生輝使牧馬縣北郭秦氏有馬為盜掠生輝乘以歸秦氏見馬訟生輝坐通寇死侯事姑喪葬畢並葬生輝設祭自剄田一朋妻劉通江人國初一朋不從雉髮令坐當死吏並繫劉去劉挾毒自隨聞一朋將就刑先服毒死

蔣世珍妻劉揚州人失其縣世珍順治中為廣東連平知州有惠於民嶺海初定土寇數發謀報旁縣賊數千人嚮連平行至世珍曰賊至驚吾民吾且往權順逆強弱而為之所單騎入賊中諭其渠降其渠為引退世珍宿賊營翌日乃還守備吳章者故與世珍有隙誣世珍通寇告總兵黃應傑應傑啟平南王尚

可喜捕世珍赴惠州獄劉繫置守備解旁舍章將無禮於劉劉怒叱去又遣婢說劉劉曰死不可緩矣遂縊而死世珍入獄病亦死連平民葬劉州南烏石坳為之碣曰正烈劉宜人之墓嘉慶二十三年知州陳鵬來上其事乃得旌

王有章妻羅益陽人順治七年盜殺有章父府及家人男婦二十餘輩越三年又殺有章惟餘羅及有章妹頭貞皆斷髮務而號於有司歷八年乃論殺盜渠羅謂頭貞曰我當報汝兒地下因不食死頭貞初字曹氏子曹氏子以其毀容也遂罷婚頭貞徒長沙仇家有子赴試誘至家殮之

樓文貴妻盧東陽人文貴農也有鴉啄其麥文貴驅鴉傷鄰兒鄰兒呼遂毆之投水死里豪喝文貴使妻以爲解盧曰吾不忍生離文貴怵得罪因求死盧曰吾與汝同死遂入林借縊

沙木哈妻哈里克滿洲鑲白旗人沙木哈兵也爲第三太所擊垂斃沙木哈妻誓身殉沙木哈言曰我止一弟我死弟抵罪守先墓撫諸孤復何人汝當言於官曲貫三太死沙木哈遂死沙木哈妻叩闕述沙木哈遺言乞貫三太聖祖命

清史稿

列女傳三

二十一

許之沙木哈妻得請即自裁康熙三年正月壬午禮部疏請旌表聖祖命立石家上書其事始末

鄭榮組妻徐西安人榮組有族叔無狀毆其父赴救爲所殺其子五元七元遇仇於途嚙其鼻仇忽於縣縣吏逮五元七元徐以冤白吏吏不省撞縣門碑死時康熙二十七年六月事也典史某爲具檣露置城西鐵塔越七年知縣陳鵬年爲營葬立祠於墓側

張翼妻戴名禮烏程人翼父韜嘗知休寧縣託翼於其友王毅毅以女妻焉韜卒毅女亦死繼室於戴毅子說翼產康熙六十年五月誘至其家迫作券毆之垂斃擠墮水昇歸不能語瞠視戴泣曰我一弱女子不能爲君復仇當以死從君齧指以誓越七日翼死又十七日戴自經衣帶間得絕命詩三章

詹允迪妻吳東陽人允迪不睦於族人爲所中坐危法下獄吳期與俱死至其日盡出金珠界所識貧乏者散諸婢僕詣獄與允迪訣瞠視不語者久之歸自

蔡以位妻孫侯官人以位佐饒商與私販者鬪而死孫迎喪河于自擲入水以救免其姊卽其姊也責以撫孤乃不復言死官捕得私販者法當檢驗讞乃定孫曰是重懲吾夫也乃大感官悲其意爲杖殺私販者喪再期從容語其姊曰兒稍長履鞮可取諸市不煩手自製矣兒昔病瘍今愈矣不累我姊矣或曰姑在既祥當更淺色履孫曰然姑徐之至大祥奠竟入戶自經死

楊春芳妻王銅梁人乾隆十七年其家火春芳臥病王入戶負以行火逼不能出子女奔赴皆死王尊德妻唐臨桂人尊德年八十病劇鄰家火唐欲負以避力不勝火迫尊德揮使出唐身翼蔽尊德皆死

竇鴻妾郝字湘娥保定人十六爲鴻妾能詩善弈兼工花草士女有緇其才者豪家謀奪之不能喉盜誣鴻死湘娥因自經將死爲絕命詞矢爲厲以報

章學閔妻董名合珠連江人故爲婢嫁學閔學閔貧不自聊走死深山中董號泣求之不知其在亡逾年有樵入山若有聲觀魏行見遺幣委於地雙履在側出以語人董聞曰得非吾夫乎亟往視履其手製也拾餘骨瘞焉即夕自經死

清史稿

列女傳三

二十二

杜茹齊妻何茹齊泰安人何將樂人茹齊死於虎何求得尸解衣拭其血斂畢斥家財以葬悉以其餘分戚族遂自經張氏婦宿州人夫樵於野遇狼爲所噬婦求得夫尸以鍊絕脰死

寧化二婦不知其氏其一夫嗜博母閉諸室中不與飲食婦導使出亡既夫死於途婦聞自殺其一夫行竊父將殺之婦泣爲請免生二子婦攜就母家父卒殺其夫婦聞亦自殺

清史稿

列傳

列女四

長山鋪烈婦

胡二妻

唐之坦妻曹

方引禎妻毛

林其標妻韓

馮雲勸妻李

曹邦傑妻張

林守仁妻王

張四維妻劉

李長華妻吳

周兆農妻王

陳國材妻周

于某妻蔡

張義妻李

黃敬升妻王

伊嵩阿妻鈕祜祿氏

張廷桂妻章

郝某妻單

陳廣美妻李

鄭宗墩妻陳

丁三郎妻

丁采芹妻孫

清史稿

列女傳四

王如義妻向

狄聽妻王

錢澍甫妻汪

謝作棟妻王

繆文郁妻邱

黃壽椿妻管

馮桂增妻李

方怪妻趙

姚森桂妻宋

惲毓華妻莊

尹春妻張

李氏

陳三義妻王

游開科妻趙

孫崇業妻金

張氏女

張氏

孫大成妻裔

孟黑子妻苑

黃氏女

蕭氏

許會妻張

顧氏

嘉興女

殷氏

王某妻李

何先祐妻孫

邢氏

遷安婦

林氏

洪某妻徐

敖氏

涂氏

吳氏

趙氏

梅氏

張氏

秦某妻崔

陳潛聘妻崔

朱承宇妻曹

陳有量妻海

樊廷桂妻張

李有恆聘妻楊

宋氏五烈女

龔行妻謝

楊文龍聘妻孫

梁至良妻鄭

龔良翰妻陳

王均妻湯

李氏女

張元尹妻李

清史稿

列女傳四

萬某妻曾

田氏女

馬某聘妻苗

高日勇妻楊

劉氏女

鍾妻某蔡

段舉妻盧

王某妻劉

張良善妻王

李青照妻張

姚際春女

王敦義妻張

陳維章妻陸

何氏女

謝亞煥妻王

張樹功妻吳

郭某妻李

趙謙妻王

郭氏女

汪氏女

黃聲諧妻王

劉廷斌女

曹氏女

陳氏婢

張氏女

董氏 任氏

盧尚義妻梁 白氏

王氏 秦士楚妻洪

張氏婢 楊氏婢

江貴壽妻王 張祿妻徐

任氏婢 王氏婢

丁香 羅氏

隋聯高妻祿 者架聘妻直額

安于磐妻朱 李任妻矣

鄂對妻熱依木 索諾木榮宗母麥麥吉

沙氏女 嘉義番婦

長山舖烈婦無姓氏不知何許人李自成南奔驅荆襄之民以從婦與其夫俱被掠行至江夏長山舖其夫道殍婦僅餘一珥出以乞人求瘞其夫有少年應

清史稿 列女傳四 三

焉瘞既竟欲強其婦從去婦入穴枕其夫慟哭觸額流血以土自掩曰乞併瘞我衆挽之不起日暮風雨至乃委去平明往視則血被面而死矣衆因併瘞之胡二妻失其氏吳洞庭人婦父舟人胡二農也有母兄若弟皆別居婦與二曰吾夫婦各減數口食猶足以飽母有如母但一子不獨養又誰養乎夫婦忍飢養母時時具甘脆母喪求地以葬夫婦勤歲倍收始有居室而二病瘵鄉好鬼婦獨不信奔走醫藥二病甚婦曰我聞糞苦者生甘者死嘗之而甘二竟死無子婦計兄公一子叔二子詣叔曰其大為後姒不可居數月兄公舉次子又詣兄公曰吾女三歲乳未盡今兄公舉次子天其欲使吾夫得有後乎兄公頷之婦歸語父貸百錢將祀其夫告立後其父欲嫁婦不許且罵之兄公亦中悔婦乃自經夫隱側時康熙五年十二月明年縣人黃中堅等為飲錢與其夫合葬唐之坦妻曹海寧人康熙十五年秋之坦卒曹矢死治衣衾必有副食砥不死屑錢吞之又不死既飲復飲瀉吐下而解乃不食二十日夜投舍傍池家人出之死矣頃復蘇曹謂其舅姑及母曰大人愛我乃苦我也於是復飲食操作

如常織自製衣一稱婢乞餘布不與家人竊議曰數尺布尚惜之宜不死矣及

冬黃梅方花曹視而歎為賦詩美其不落復不食至歲除山餘布縵之坦極旁乃死李岸妻焦睢州人姑嚴織紉炊春皆焦任之岸卒方歛焦縵遇救比葬再縵再遇救乃操作如平時卒哭拜墓歸復縵乃死

方引禳妻毛遂安人父際可為祥符知縣而引禳父象瑛官編修引禳病瘵自京師詣河南既昏未三日卒家人聞毛許引禳死也聞之密一日登樓自擲墜地嘔血絕復蘇遂歸于方氏促為引禳營葬久之地始定葬有日于是謂其人曰吾葬當同是日也遂不食家人喻之百端起辭祖姑及舅及母皆四拜終不食十九日乃卒時康熙二十九年二月癸亥朔引禳喪十年

林其標妻韓福清人其標貧依姊居鬻養自給鄰媪乞之粟韓曰是必償其標病韓代鬻養垂簾自蔽少問析麻苧為布以易米若藥其標語韓曰吾以貧累汝終且以死累汝吾死汝自為計韓痛絕不能語其標死韓告其姊曰乞辦

兩棺並覓一抔土俾夫婦相依盡散器物償隣媪遂自經

清史稿 列女傳四 四

馮雲勤妻李武定人大學士之芳女李年十五適雲勤事舅姑謹立待竟日新

訴無怠命坐則坐命退則退之芳督浙江富秋精忠叛駐軍衢州傳語洵李獨謂賊不足平坦然無懼雲勤卒無子李方舉次女矢死遂不飲食其兄延醫

手為調藥拒不納越數日令侍者扶行傍柩側遽絕

曹邦傑妻張鎮州人邦傑早卒張為文以祭曰嗚呼痛妾命之不辰也幼失

嚴慈撫育無人形影伶仃莫可言狀幸得于歸夫子庶幾夙夜事之百年守之

憶吾父擇婿時亦曰吾女幸矣終身之仰望者非婿耶如賓如友同心而德

者非婿耶私心自慶在妾尤深孰意甫歸故里遽嬰疾疾妾向之喜者化而為

憂忘餐廢寢所以身代而天不假年黃梁一覺羽化昇矣傷心哉夫子之人如

金如玉夫子之文如海如潮而今已矣不可復見矣天耶人耶孰為之耶禮稱

未亡人妾不忍未亡也詩云之死靡佗妾惟知之死也九原匪遠妾必從之嗚呼淒淒惻惻踽踽涼涼拊膺呼號瞻望無將臨風瀟涕對景悲傷削骨代筆曷

罄衷腸夫子乎其知之乎何不緇輪少待使妾欲追而難跡乎靈其不寐庶鑒

妾心邦傑死三日張遂殉康熙三十七年事也

林守仁妻王侯官人守仁以優貢生客死京師無子女汀哥前室出也王矢死逾年守仁喪還王治喪竟一日為汀哥製履成嘆曰生一日當作一日事因語汀哥曰母去兒無恐但歲時具杯酒一脛肉母當歸不相嚇也頃之午食竟入室自經藏香屑袖中解尸氣也

張四維妻劉四維錢塘人劉漢軍失其所隸旗四維父商於廣東挈四維以行劉父官湖州知府見四維幼慧因與論婚四維父喪其資斧而四維長多病遂跛劉父母欲別擇婚劉矢死父母莫能奪乃召四維就婚劉既失父母歡姊婿達官子相侮劉勸四維挈以歸劉辭父母奩具一不取勤苦作畫刺繡易薪米四維亦力學舉于鄉康熙五十九年四維試禮部不第卒於京師劉聞遂殉焉李長華妾吳長華鄆城人吳封邱人幼孤為人賣入倡家矢死不從其兄贖以歸為長華妾長華以選人客京師居八年貧病死其友檢討孫勳為具飲吳飲鳩動往救誠母死待長華子迎喪後十餘日長華子迎喪至知其事亦勳母死

清史稿

列女傳四

五

且將以其子為之孫吳即夕自經死勳葬長華廣寧門外真空寺側以吳附周兆農妻王長沙人兆農樵于山大風拔木被創死遺腹生子母家閱其貧勸改適王拜姑泣而言曰兒不孝敢以呱呱者累老人語未竟大慟姑知其且死夜與俱寢稍寐聞有異呼家人踰戶入火之見王頭繫于牀右手握拳爪陷掌左手指牀上兒死時年十九

陳國材妻周江甯人居揚州歸國材逾月遽卒周日夕居喪次誓從死籍遺財授其族子曰明年寒食以一卮酌我夫婦其父往慰諭之周曰兒無舅姑無子客居無所依義當死父勿誤兒然兒死不忍傷肢體遂吞金環二不死時周顛甚餌大黃冀暴下死反下所吞金環乃不飲食七日猶坐語又數日眸陷欲枯目光注國材棺不轉兩手據席爬搔草草寸碎裂不飲食二十日雍正九年三月癸未卒距國材死五十有一日縣人為葬孫大成妻裔墓側其先又有烈女池霍四家比立如鱗次吳廷望聘妻池江都人廷望從軍戰死廷望父欲以妻其幼子使其從母喻意池不可自經李正榮聘妻崔甘泉人生十九年事父

母孝許字正榮才十日而正榮卒崔號慟自殺二女之葬提督學政右中允楊中訥為之銘曰蜀岡之巔平山之側鬱乎蒼蒼憑高西望而歎息曰有同縣二烈女此其幽宅裔自有傳葬在池霍後又有項起鵠妻程亦揚州人程嫁三月起鵠行賈死廣西計聞程自經州人葬其側合為祠號五烈

于某妻蔡名貞仙金壇人年十九將嫁而婿病卜者言迎婦吉貞仙母難之貞仙請于母曰彼欲已病而違之非義乃行而婿病不起及歛納釵一劍一於棺自經棺旁救不死諷姑為翁置膝姑從之且使主家事忌者謂之因辭于姑忌者遂言是且有他志乃矢死取所讀書所為詩詞盡焚之釵于髻釧于腕且起襲故衣問安于姑所辭色如常時午侍食既撤入室縊時乾隆二年六月壬戌年二十五貞仙有從父嘗過視貞仙問曰聞舅姑以譜常控汝有之乎對曰否古賢婦未有訟其舅姑者即死母有他言

清史稿

列女傳四

六

張義妻李交城人義坐罪當斬免死遺廣西義寄李與借義死遺所李具棺以歛以遺金上縣至夕呼鄰媪共宿俟其熟寐赴水死時乾隆五年九月辛未縣具其事上巡撫巡撫以聞下禮部禮部議殉夫者令甲有明禁惟李以從夫罪遺孤踪殉節非激烈輕生比請旌表得旨依議黃敬升妻王崑山人敬升貧客授王佐以積食不足製辟瘟藥諸市敬升病疫一日門不啟鄰人壞垣入視敬升死于牀王死牀下兒臥地號胸繫王書略言貧不能歛其夫食製藥紅氍毹以殉冀有側隱者歛夫育兒身填溝壑不恨有士人為歛其夫婦將兒去育以長

伊嵩阿拜都氏滿洲鑲黃旗人妻希光鈕祜祿氏正白旗人總督愛必達女也伊嵩阿為大學士永貴從子早卒方病時希光割股進終不起許以死愛必達永貴共論之誓畢婚嫁乃殉為伊嵩阿弟娶嫁女妹及二女次女行之明日自縊死張遺詩於壁略謂十載要盟此日當報命乾隆四十六年三月事也永貴疏聞高宗為賦詩旌其節

張廷桂妻章名孔榮廷桂常熟人章秦安人廷桂父為吏陝西初娶魏其父宰秦安廷桂從焉既歸避事復遊秦安因贅于章居八年事解乃以孥還廷桂貧

恒出客游卒於撫寧喪歸章爲營葬既窆將自投穴中爲家人所持章一女子
催鳳廷桂從弟廷梅許生子爲立後乃依廷梅居廷桂嘗入質牒授主簿或購
其牒章曰吾以貧爲牒罔國家罪也况夫名其可二耶遂焚其牒既終喪復自
經家人覺解之次日既夕赴水死死時爲絕命辭數章詞旨哀惻其卒章曰憶
往事兮雙淚沾巾想當年兮妾病沉昏感君愛兮信誓殷勤云妾歿兮君必亡
身嗟今日兮命不由人君先亡兮妾豈偷存痛萬里兮生會無因輕一命兮地
下從君求神明兮引我孤魂覓天涯兮不惜艱辛得伴君兮死亦歡欣十七年
兮夫婦深恩食糟糠兮敢怨君貧中路訣兮命幾時屯喪葬畢兮不死何云傷
幼女兮失母誰親死爲君兮此外奚論又留書與廷梅曰初聞訃即欲死念無
後無人主喪葬今服除死更無餘事前議叔生子爲立後母証我家貧止田十
四畝當以十畝與所後子四畝與催鳳遺十金爲我埋先夫至次催鳳旋殤廷
梅亦不爲立後後二十年縣諸生柏渭吳慶長等始爲合葬

清史稿

列女傳四

七

單美鄰婦恒嫗焉單曰夫可憎乎吾命也請勿再言單躬紡績養舅姑育子舅
姑死靈所居破屋以葬營數日不舉火族人憫之予齋麥數斗製餅以蠶分其
餘以飽乾隆五十年歲饑單爲鄰婦佐女紅貸餘食夫及子逾年夫疫死子
亦殤單裂席裹尸以木杵掘坎瘞焉杵折手捧土瘞畢血殷地乃號曰天平單
氏事畢矣而猶生平坐破窻中餓數日死年二十六族人瘞之夫側里稱賢婦
墓云

陳廣美妻李河內農家女也生二十四年而歸廣美廣美已病李與異室居侍
疾甚謹事舅日具饌甚恭閱三月廣美死母往視之且語之曰兒雖嫁猶處子
也何患無佳婿李誓不更適葬之明日出厨刀屬舅礪焉曰爲翁作剗處其鈍
也其舅竟礪以授李李固戶其舅知李且死排戶入見李猶立右手握刀首墮
負于背幾不屬血從髮間溢殷地其舅疾呼族鄰畢至其母亦至乃仆李死嘉
慶五年四月丁未賀邦達妻陸震澤人待年於賀氏邦達病舅姑用卜人言使
成婚逾月而邦達死或語其舅姑婦雖婚猶處子也蓋爲擇婿陸聞集族姻出

拜晉母貳居三年語姑曰我夜數夢吾夫豈魂魄常從我耶遂入室自縊死時
嘉慶十六年四月辛酉陸年十九

鄭宗墩妻陳名淑定長樂人宗墩客他縣昇病歸卒無子陳求死父諭止之陳
力緘葬姑及宗墩舅以居隘命歸依父嘉慶二十五年父卒還省舅退告叔弟
曰兄沒十二年矣未亡人懼傷吾父心久而不死今已矣舅老有叔在叔能以
子爲兄後兄其冥乎遂繼任有成妻陳蕭山人有成無昆弟賈諸賢卒亦無子
舅姑命歸母家將徐奪其志陳矢死不可力積貲爲舅卜妾吳逾年而有子舅
姑卒陳與吳居育夫弟錢儀吉爲作二陳傳謂當死生危苦之際進退合度得
禮意云

丁三郎妻失其氏宜與人嫁逾年夫死不哭亦不拜家人莫測也後四十九日
既歿婦出就案前立視其主久之拜拜時若呼三郎遂伏地不能起掖之則已
死

丁采芹妻孫震澤人嫁半年采芹病瘵舅姑謂婦命凶詬罵之孫飲泣脫簪珥

清史稿

列女傳四

八

具湯藥采芹病日篤謂孫曰我且死所不能瞑目者爲汝耳汝無子家貧母家
亦無可依當奈何孫泣曰我念之熟恐戚君故不敢言人孰不死死貴得所當
先待君地下耳采芹垂泣不答孫乘間自縊道光六年四月也采芹乃扶病而
拜曰從我于既死不若殉我於將死烈哉三日采芹亦死

王如義妻向涪州人幼能爲詩文如義農家子向恆勸之讀道光十六年如義
暴卒姑諭之嫁矢以死舅病爲刲股家益貧將強遣之二十三年三月戊申自
沉荷花灘死將死爲絕命詩十首其序曰妾涪陵向氏女適王氏未一年而夫
即世昨歲翁又不幸孤苦營獨人勸以非禮衣食事小名節事大惟一死以明
志夜題詩十首藏笥中他日閱妾詩母累阿姑也及入水粘一紙橋柱書五字
曰名節江中見死時年二十五

狄聽妻王名甥桐聽深陽人道光九年進士官至廣西道監察御史王江陰人
十九年七月聽卒官八月子聽癘九月丁巳王縉王幼承父蘇教通經史大義
能詩將殉作書告聽諸同歲略言夫亡當即死諸君俱言撫孤重故未敢爾孤

又天復何言念兩世單傳不可無後今已立後可報舅姑夫子地下王嘗撫從
女年十七已許字留金屬遺嫁又諭所後子期明年以喪還葬與前母三棺同
穴以殤附並令斥資飲祖祠成父志書末題曰我自歸家去人休作烈看康熙
間錢塘林邦基妻曾所為絕命詩也曾名如蘭邦基卒曾立其兄子為後葬舅
姑畢具牒上縣請死知縣慰止之後十日題辭吞金殉

錢滯甫妻汪武進人善女工所入足自給而滯甫博傾其資其姑嚴雖寒餓不
敢告也夜風雪家人皆臥薄絮衣篝燈守後戶待滯甫嘗以除夕跪而諫無更
博滯甫為少止後客死餘于汪請立後所當立者不可汪意乃勿復言葬畢自
經死未死前一日以十盃致某醫曰我為人無所受恩惟是人嘗診我以是償
也

謝作棟妻王孟津人王家白鶴鎮作棟家南朱村作棟卒王將殉祖姑及舅姑
勉以撫孤王朝夕奠必抱其孤拜哭涕如雨祖姑聞之為輟食王乃飲泣不敢
聲喪終其孤殤祖姑亦沒王歸訣父母父母慰諭之道光二十二年四月辛巳

清史稿

列女傳四

九

作棟死三期先日王哭于墓誓死脯盡以衣物與二女妹夜中縊晨眾踰戶入
一鑿置高處照屋梁板障其外王內衣皆密緝親如生

繆文郁妻邱吳江同里人有敏俗歲二三月祠劉猛將輿以出少年傅粉
墨為婦人參錯儀衛聞文郁故磨豆家備與其役曰跌過門女伴呼邱出觀邱
以為恥恚圖戶文郁歸戒母更出越宿文郁病或恫以神怒且死邱曰聰明正
直為神豈以茫昧致人死者吾夫未即死即死吾與俱死耳數日文郁竟死邱
迎母與居三日語母入市栳邱自縊柩側

黃壽椿妻管壽椿江蘇華亭人管陽湖父光烈母林皆死寇壽椿官江西德
安典史光緒二年卒時壽椿父如琳官浙江上虞梁湖巡檢管將壽椿喪挈子
女以歸至曹娥江距梁湖一日程遣子女先行謁祖父母管飲藥死

馮桂增妻李桂增臨胸人李肅州農家女桂增從左宗棠討叛回馬四軍其地
納焉桂增會師新羅李留肅州與部曲諸婦居李御諸婦有法度諸婦憚之若
部曲之事其帥光緒二年正月桂增克瑪納斯城軍寡為賊所乘戰死李方有

身日夜哭既生子逾年殤桂增喪還李迎奠喪甚慟須臾仆不語視之死蓋先
時已仰藥也黃壽先妻彭嘉先鍾祥人彭貴筑人先為田興恕婢興恕成新疆
寄家秦州壽先方知秦州得彭以為妾光緒二年宗棠駐軍秦州壽先為主計
四年卒彭悉發篋以衣物屬壽先子吞金死

方怪妻趙陽湖人祖母方節婦父烈文嘗知易州有文行歸怪食貧持門戶光
緒四年怪客遊遠卒趙方有身烈文迎以歸徐告之慟絕首觸牖將死家人共
寬喻之既免身生女趙曰生女亦善使我無繫戀也後八日自經死

姚森桂妻宋秦安人森桂卒宋入厨下自剄血自咽出泪姑入視右手握刀
猶力作再割狀母至束以帛乃能語曰死已決母緩我引母手掩口鼻又解帶
使縊母手頭不可任視宋狀至慘怛乃飲以毒毒自創溢但聞宋咽中若曰斫
我斫我久之乃無聲遂死

惲毓華妻莊陽湖人毓華死莊飲藥殉毓華弟毓德妻許毓德死許絕食殉毓
華姪寶元妻袁寶元死袁先服毒急救之復絕食三日以殉世稱惲氏三烈婦

清史稿

列女傳四

十

曲承麟妻袁承麟濟陽人袁名桂程遼陽人嫁未百日承麟卒袁仰藥殉

尹春妻張歆人初為黃氏婢名桂喜主婦程知書嘗與諸姊妹說古列女事桂
喜竊聽輒稱羨既嫁而婦遂矢死詣肆求毒藥肆以佗藥予之飲不死市觀臥
其中主婦泣喻之對曰桂喜聞主母講列女時意已決不可回也卒不食死
李氏高密人夫嘉猷失其氏嘉猷感于讓娶不與同室及病李奉事甚謹禱于
神請代嘉猷聞而悔遂死李自經以殉

陳三義妻王掖縣人王未行病而誓其父辭于三義三義曰吾聘時未誓也聘
而誓猶娶而誓其可乘乎娶三年王目良愈三義尋卒王曰夫不負吾吾豈負
夫遂縊

游開科妻趙馬邊廳人開科貧費於趙趙有母及兄皆厭之趙脫簪珥別賃屋
以居食盡不貸於母家一日趙還省母方食開科至趙推食與之母及兄遂開
科禁趙母歸且言此餓死何患無家趙縊死

孫崇業妻金赤城人崇業嗜酒不治生金勸之不聽順治中歲祿崇業計需金

陽語當借詣戚屬金察其詐曰汝乃忍嫁我我嫁必且死然至汝家二十餘年詎忍然行蓋沽酒為別崇業出沽酒金抽刀斷喉死張某妻田萬全人夫游蕩田屢諫一日歎曰我生不能勸死或憶我言因仰藥死死時猶呼其夫勸改過

張氏女妻縣人農家女嫁魯氏子姑與夫迫使為汗行不從篋楚凍餒凡三四年志不變康熙二十六年三月其夫將劫以佗往夜入萬安橋下水中死又有湯氏女奉天人有娼家為客娶之使為娼篋楚困辱卒自殺滄州女不知其姓名黨城年十五鬻入娼家使應客不從撻辱之大罵娼家支解之棄尸于河張氏郡昌人康熙十三年耿精忠為亂張之夫熊應鼎將從賊張諫勿聽質裙沽酒以飲且勸終不可乃告于其族矢死應鼎入于賊張自殺

孫大成妻裔江都人大成母姣二女嫁而歸皆與縣吏通迫欲汗裔裔告大成俱緝教不死裔歸省母告母狀持母袂哭臨去檢母奩得青白線各一束因曰兒必不辱母俄縣吏宿姑室復呼裔不應姑賢亦不應縣吏醉裸而謀窗下裔

清史稿

列女傳四

十一

以青白線綴上下衣復合為緝緝姑覺不救遂死鄰知其事感泣拜裔尸或語侵姑姑反屏衆譁以告官官庇吏旌裔葬平山堂右岡而不竟其獄後數十年縣隸以事辱裔兒子死于水裔兄痛子亦死楊某聘妻章字原姑秀水人年十九縣隸請婚父不許許楊氏縣隸與其徒謀于門誣原姑與有私原姑夜縊死縣吏欲寬隸獄上巡撫持不可乃絞隸旌原姑裔死康熙六十年四月戊申原姑死嘉慶六年九月甲午

孟黑子妻苑黑子大城人苑東安人其姑素無行會永定河決工役大集賣酒隄上強苑與借苑不從籍辱之姑與惡少入婦室飲苑終不可犯姑益怒婦度終不免自沉死夫行求其尸四日得之武清境又四日乃斂方盛暑尸未朽也北塘女子業磨豆腐母迫為娼新河藍某妻失其姓姑迫為娼皆自殺武清芮氏女秉貞河樂某妻左並以姑迫與惡少瞞自殺蕭氏靈州人為張文彩妻文彩有友悅蕭美欲汗之蕭力拒友慰蕭蕭諸文彩謂蕭不潔文彩信之結蕭歸與其友共殺諸途後事雪雍正十二年旌

黃氏女昭文人嫁張氏子為縣小吏其母有所私迫女從之日篋楚或謂女盍歸女曰女既嫁安歸待死而已乾隆十六年夏方暑姑與所私裸而飲女避所私起持之人大號曰奴敢污我持案上酒器提之姑怒批其頰復榜掠之夜半女入井死吳氏女震澤人喪父母方六歲字李氏而待年焉稍長美李氏子行賈久未歸姑悍私于里豪里豪啗姑金欲得女女勿從姑撻之極楚鄰嫗問其故女不肯言當暑浴姑納里豪于室鍵其戶女呼不應挾剪拒創里豪里豪持女藝衣去女求死姑操巨篋撻之女引剪自割未殊鄰人戒其姑毋急女與鄰女款曲如平時哺啜粥盞一甌鄰女謂不死矣夜漏二刻自溺門外溪水死時乾隆二十七年七月丁未

顧氏泰州人夫張世英日誨顧淫顧不可或貸世英錢世英陰欲顧與私沽酒飲貸錢者嗾其母呼顧出不應與之酒覆杯慟貸錢者亟去其母搥顧吭幾絕鄰里咸憤訴于州世英乞悔過以顧歸與其母益日夜迫之顧飲酒不得死乾隆十六年十月戊戌世英語顧冬無衣盍如吾言即得錢衣汝顧曰我甯死不

清史稿

列女傳四

十二

辱世英悲夜扼殺之年十七張氏丹陽人夫陳彭年嫁十年矣彭年貧欲嫁張張涕泣不應給使出而密使媒從張覺之號慟求死避卒以告官官答彭年令張還母家張曰我適陳矣死生以之彭年益迫張張度終不免從容言曰我無如何今當聽爾起隨彭年走出村塘水方盛張躍入水死死之日為乾隆十九年六月戊辰

許會妻張潁州人姑姣而虐惡張端謹不類日詬且撻張事姑益恭姑病割股以療姑虐如故姑與鄰寺僧通欲亂張姑匿僧室召張入而出鍵其戶張大號僧遁去翌日自沉于井有司捕得僧論如律鄰人裂僧尸以祭張趙海玉妻任名環汝州人姑故與鄰人通夜半挾刃入任室詬而免亦并死年十九殷氏天津人為同縣邢文貴妻文貴故無行其母趙姣文貴初娶于以貞慎不相入出之復娶殷殷貞慎尤逾于趙惡之與文貴日捶楚沃以沸湯施燻灼焉體盡潰有司聞使吏就視殷拒不可旋卒有司收趙及文貴論如法嘉興女失其氏嫁寶酒家王氏子姑富墟習與酒人姣慧女不應乃裁抑不使

飽縣中李氏母故大家女聞賣花媼言女事怒女有志輒令媼市胡餅界女一日見女餓甚而儿上置糞果媼怪女何棄不食女曰李夫人飽我哀我志也此物西家以餓我我有餓死耳豈可食乎李母病且死遺錢十餘緡周女女感泣語媼我終不負李夫人望惡少艷女久嫉姑將以威女漸聞之乃請于姑代當媼姑喜授女戶輪數日女夜啟後戶投水死乾隆二十年六月事也

王某妻李字黑姑天津人姑不貞與鹽運使隸有私計欲并汚李隸與姑飲役李李恥之恒不如姑指姑以他故詈且撻待隸為之解復示意李終不可而隸意未已李枕側置刀以自衛姑逐其子出夜持被就李共寢夜半啟戶納隸隸迫李李呼姑掩其口取刀自刎未殊母來視之復姓語其故並言方自刎血溢不知人漸聞隸語姑當言夫婦相爭詎自戕宜無知者越三日乃死其兄告官管隸不竟其獄道光六年七月事也

清史稿

列女傳四

十三

何先佑妻孫桂陽人先佑父在時為先佑求塾師授之讀未幾喪父其母以家政屬塾師因私焉孫既歸嘗晨謁姑塾師在其室孫趨而避塾師與姑謀併亂之塾師出孫入諫姑曰家雖貧粗有門閨翁動苦終身不得意所屬望者先佑姑念翁與先佑勿復近塾師姑慙戒母泄孫曰婦所言為門戶耳雖先佑不敢告第願姑終念婦言塾師既與姑謀遂屢挑孫孫以告姑又諫姑終母納塾師入孫室孫大詬塾師陽避孫欲還告其祖忍未發姑陽出塾師復入孫室潛抱持之孫號奮擊先佑入塾師乃走孫傷於腦遂自經死時乾隆二十九年三月明年獄上斬塾師徙其姑新疆

邢氏字福濬縣人農家女也而有容色嫁袁顯旺姑姦羣聚其室驚邢美挑之不從其姑誘且詆邢若為勿喻也者謀益急夜出將赴水風失道遇同村人送還父家父愿與復至袁氏羣姦迫其父使其狀曰女再逃杖死夜二鼓羣姦縛邢裸撻數百邢有娠不勝楚求滅燈死不恨羣姦縋邢於梁而撻之益毒五鼓燈盡邢死使與旺割其頸若自戕官捕羣姦論如法

邊安婦不知其姓夫行賈翁妻姑私於傭傭計並汗婦稍近婦婦色甚厲乃與其姑謀喉翁汗婦婦不可遂喉翁殺婦繫塞口杙塚下體死白鎔妻尹亦遷安

人鎔出為優姑有外遇迫婦絕飲食日啜米瀝逾月姑縛尹以鐵烙烙下體尹號擊其首髮皆然一目裂遂死

林氏平湖人嫁顧大家乍浦湯山麓顧大母故娼也惡少往來其室強林具若不可母慈林與諸惡少謀必欲并汚之林竊出赴海未至值鄰女送之還母益仇林與大日共笞之斬其食不令飽居年餘為嘉慶九年正月方改歲惡少至羣飲林復竊出赴海既日受笞且久饑行不前大迫至執以歸母遂欲殺林撞以重器腰脇俱折復砲烙其下體是月丙戌晦林死事發論大如律

洪某妻徐金谿農家女也姑與兄公有盜行徐至未逾月察得之大喊脫警珥界洪屬遠行賈以避屢諫姑姑不納乃自經

敖氏涼州人嫁駐防涼州旗人四十九十九有友相狎巧與敖通四十九許之假以衣夜入室敖聞語辨非夫也奪戶出友遁敖嘗四十九俟其出自溺水盟中死

清史稿

列女傳四

十四

涂氏梁山人嫁甘克桂游蕩破其家涂以女紅供日食克桂負嵎賈錢將以涂償一日克桂從涂取故衣易錢以飲醉歸涂泣克桂擗其頰曰行且鬻爾涂曰吾矢死不往克桂撻之兩晝夜不已涂自經死

吳氏彰化人嫁康氏子姑不貞欲併亂之吳不從乃效治囚法榜掠之無算卒不為屈刺刀其腹死道光七年事也楊氏江都木工女嫁曹氏子姑迫使為汙行楊不從乃絕其食鞭之至累千造諸酷刑榜掠無完膚創重死鄰以告縣吏笞其舅及夫葬諸梅花嶺下

趙氏桐城人夫同縣孫某洪秀全兵將至其夫降受署置咸豐十一年秀全兵破桐城其夫戴黃巾被黃袍乘馬迎趙趙望見大慟曰汝非我夫也父母遣我嫁乃諸生孫某非作賊孫某也且汝既讀書為士人豈不知孫氏望族文武仕宦不絕而失身降賊意氣揚揚自得不忍見也起投塘死子數歲從之下同時又有王氏合肥人夫繆錫疇將降秀全王力諫不聽自經死許氏名領姑歛人夫亦縣諸生成豐十年賊至其舅將降許泣諫勿納亦自經死其舅後忤賊舉家皆為戮

一第 200 丹 其多 日車 全書 第 31 版 反 外

梅氏名蘭如不知何縣人嫁夫不肖欲携以爲家奴梅不可又使出乳人子爲傭亦不可夫引僧入其室梅力拒鄰以告官官答僧及其夫夫怒梅其窮辱捶楚無不至又徙居木工家夜諸惡少入室將強汗之鄰復以告官官未即聽其獄梅自經死

張氏武進人字沈盤德父母卒大母老待年于沈盤德父故無賴屢挑女女謹避之又不令歸省張之戚有與沈鄰者女大母偶過之女聞得問問安否因密訴其事嗚咽曰兒命苦惟有死耳又嗚咽久之屬大母曰勿揚于人也未幾里中爲優舉家往觀女獨在盤德父驟逼之力拒得脫度終不免自經死

秦某妻崔陽高入夫惡崔諫勿聽崔辱之踰年坐罪流徙懼見侮先殺其子而自殺李其妻管南平人夫不肖管數諫累被撻辱適之嫁奔還母氏卒鬻于富家乃自殺王其妻徐東鄉人姑夏早寡而子無籍夏戒勿聽徐規之輒鞭撻死夏謂徐夫無恩可嫁徐不去

陳潛聘妻崔名秋宣德人秋大父與潛父希孔同官于肇慶秋大父卒官因迎清史稿 列女傳四 十五

秋至官廨而潛阻亂未昏順治十年希孔能官還道高明遇仇家婿焉繫秋及希孔二妾將汗之秋罵甚厲仇生瘞秋以蜜傅其面引蟻噬之秋至死罵不絕二妾亦生瘞死

朱承宇妻曹承宇無錫人曹武進人皆農家也生二子一女而承宇死承宇弟迫之嫁曹以死拒徧告鄰里戚族乞言于叔得毋嫁承宇弟不許請終喪不許請及大祥不許乃請得見其姊許之曹夜挈兒女詣姊家曰我初不欲嫁今已矣特不能業業然抱兒女作新婦暫累姊三日後當相取慎勿告吾叔姊許之兒啼索乳曹泣曰癡兒母豈能長乳爾耶辭姊出復還視兒女再三屬姊姊曰三日耳何言之數乃去哭于承宇墓遂縊姊往哭之目猶視許育其兒女以長乃瞑及歛左臂創未合蓋承宇病時嘗割臂也父爲訟于縣罪迫嫁者陳有量妻海銅山人有量儒家子貧無食轉徙常州居逆旅資盡惡少矚海年少與有量游且周之時其亡挑海海嘗之走是時漕粟至京師其舟謂之糧船主者皆豪猾惡少緹海于主者亦引與有量游招使佐會計且謂舟行當經徐

州蓋以孝歸有量以告海海問孰爲引致則惡少嘗爲所挑置而走者也謝母往惡少使其曹訟有量逃人有量懼乃以海入其舟海入舟日獨處主者使有量有事于近縣而夜就海強抱持之海號擿其面猶不釋大呼殺人舟人盡驚起始得免即夕自經主者藏其尸積粟中賄舟人有篙師藍九廷者怒海死卻主者賄告官乃按誅主者及惡少常州人葬海于南郊會者殆千人

樊廷柱妻張襄城人廷柱早卒張奉姑撫二子縣中有無賴子二倚兵籍爲暴斃張欲汗之康熙五十五年四月戊申日方午姑與其幼子出郭獲麥二子就熟二無賴詢張獨居共入室張走避一直前持之一扼其吭嚇以死張不爲屈取菜刀搥其面爲所奪入室就牀側解佩刀刀長操其室方出又爲無賴奪遂共曳張使伏張輒躍而起屢仆屢立掉其髮縷縷脫呼益急二無賴度終不可犯一拾所解刀斫張額張仆一取菜刀斷其喉遂死鄰見二無賴出自張室衣漬血告官縣吏憚兵家子欲坐廷柱弟宣民大譴乃以疑獄上後四年河道周銓元署按察使察獄辭詔曰此何名疑獄城中殺人非荒野日午非昏夜且殺人者有主名此何名疑獄下縣逮二無賴一前數月發狂死將死自承殺張一戮于市

清史稿 列女傳四 十六

李有恆聘妻楊偃師人少喪母十七未嫁父爲隸歲暮猶行役一夕大雪同村有屠者持刀入女室女堅拒被殺質明其父歸見女死咽斷左右手數創右手持衣帶不釋出戶外逐雪上血跡至屠者家得刀於牀下屠者死獄中陳某妻不知其姓吳人夫坊者出就傭鄰有酒人過調婦語夫夫漫授以刃曰彼來汝殺之復出就傭酒人夜排戶入婦擲刃酒人拾刃刃婦胸死兒號鄰婦入視一村皆集獨酒人者不至求之方避入鄰村告於官誅之里有老塾師曹叔素盡出所蓄金爲建祠圖像以祭劉楚妻李太康人姑令采菽鄰村子持鎌過調婦婦力拒舉鎌刺胸死越數日鄰村子疾作持鎌趨采菽所自言殺婦狀乃執以告官兩家故有連貽能訟逾年疾復作持鎌趨采菽所扶胸斷喉死曲氏女字登永甯人年十三父守瓜母呼女鮪之父令女代守鄰園叟五十餘望見女獨坐柿樹下前調之女怒罵叟執其臂女躍上樹叟攀樹曳以下女號益厲

乃走女歸訴父母曰兒臂為人執不為急湔洗何能立天地間乎明日持刀奔至鄰園門外自刺死日瞳視立不仆血湧出不止叟出戶見之反走提廚刀至女門外踣亦自刺死

宋氏五烈女肅農家女也父佃于勢家為莊頭其主視若奴僕生女四女孫一長並有容色其主將迫使為媵五女一夕自經死以白縣縣憐勢家不敢上聞葬而為之碣曰宋氏五烈女之墓康熙三十四年事也東安陶子明妻張解萬有妻劉清苑戴國妻鄭為營兵所挑不從見殺通州邢德重妻王為營兵所挑入井死

興行妻謝興化人縣被水行挈妻女至鎮江屑豆為腐以活鎮江故屯軍有江甯無賴子入軍籍覓謝及女有容一日行出挾羣少過之遂挑謝謝倉皇號呼無賴擊謝仆女奔救又犯女急走避無賴偽為行券索債因毆行行懇縣官官笞行且速謝謝持女泣曰以吾故陷汝父吾死不足恤獨憐汝耳女亦泣曰母死女何能生即生且蒙不潔願相從得仍為母子相持而慟雞初鳴投水死女

清史稿

列女傳四

十七

名巧

楊文龍聘妻孫字秀錢塘人秀年十五待年于夫氏文龍從父行販秀依姑共處鄰家子無賴入室牽其衣秀嚙其指乃去方暑秀晚浴鄰家子穴壁持其足秀驚起白姑姑告諸鄰或引無賴謝秀提以茶盃中他人其人亦無賴相與噪于門言終當致之秀虛不免密紉上下衣出視姑膳膳畢復淪若進乃入室飲酒死巡撫聞按誅無賴為文以祭

梁至良妻鄭至良海陽人鄭澄海人至良卒其兄為諸生迫鄭嫁鄭遺腹生子家有田八畝鄭悉推與至良兄自分畝許力種溉備于羣從姊姒間縫紉舂磨得米奉姑食子女歲大無至良兄憾其不嫁夫婦眾撻辱之鄭念不可留夜檢故衣付其女曰明晨母當去若善視幼弟明晨跪姑前泣告當還母家徧辭羣從諸姊姒遂行至廣濟橋仰天呼夫名三投韓江死雍正六年六月庚辰朔也郭進昌妻李永甯人進昌卒矢不嫁與女若婿居進昌弟貧而狡計嫂年三十許尙艾嫁可得錢乃詣李微諷之李怒叱使去進昌弟與族子謀奪女為富

家妾約以騎迎至日進昌弟入李室將強扶李出婿與女詬鬪李忽改容戒勿譁入室作妝以小刀斫鬚遂上馬去至王范鎮李大呼袖中出雞嶺小刀刺喉喉斷血噴十餘丈墜馬死鎮人大驚共執進昌弟問狀呼婿與女訴官論如律與良翰妻陳葉縣人良翰卒孤女才三歲後母欲嫁之陳依叔父居叔母有弟窺陳美夜持刀入自闖陳與隣女宿盜至推鄰女牀下徒手捍盜指斷目傷身數創卒不得亂叔父聞撞扉盜崩出陳息僅屬隣女出牀下血淋漓被體叔父心知盜其婦弟也告官置諸獄陳遂不食叔母助以育女乃復食既女弱而縣吏鞠盜獄未定若有疑于陳召庭質雍正七年五月辛亥陳自經死後五年縣吏坐罪去事乃白

王均妻湯均吳人湯寶山人湯故富均贅於湯湯父母遇之薄均客授湯治鉞術以養父母稍久有田十二畝雍正十年秋七月海潮大至均夫婦倉卒緣樹均攀枯枝折溺焉湯父母愁不問湯使僮午求均尸三日始得之被髮徒跣赴尸所哭幾絕既飲湯父母欲火之湯不許燼均田中湯遺腹生女名之曰潮音

清史稿

列女傳四

十八

湯父母迫使嫁與至湯麻衣腰絰抱潮音繞場號衆劫納輿中湯父母奪潮音將抵諸石午自旁募得之歸諸王氏衆卒昇湯去湯哭數夕不絕聲守者稍怠自經死湯父母以疫死計于王弃湯棺所死家居數年慮事泄甚其人焚棺午自詭湯氏使往視既焚骨入罌午易以空罌得湯骨瘞均側潮音亦前殤祠焉李氏女名蘭香長安李氏婢也李氏有僕私欲妻蘭香未敢言會有客至治具主母命蘭香取其樓上僕從登局門就擁之蘭香號持之堅卒不從僕慮事敗以麻稽刺其腹深數寸遂死翠金不知其氏平湖施氏婢也主客授于外翠金侍主婦不苟言笑鄰有無賴夜持刀踰垣入翠金呼無賴慄以刀翠金曰我不畏死罵愈厲遂見殺

張元尹妻李永甯人生女而元尹卒李以己有色自悔不踰閭居十餘年其家僕夜持刀踰牆拔戶樞入其室李聞其聲僕也罵萬逆僕出刀曰不從殺汝腹李奮頸呼曰殺聲未斷已殊手足擊牀震女驚呼家人縛僕送官自言殺李狀論如律所居村曰太原村張檢妻顏其同縣人幼聞人言太原村張烈婦輒

嗚咽流涕長有色歸檢出應試客作伺顏夜省姑懷刀潛入室匿桁下人定出登牀顏驚奮以刀罵起奪刀割掌罵益急迭刺胸臂助腋十餘創死客作夜走還其家捕得坐誅

萬某妻曾南城人萬愚甚有父不能養曾力女紅食其舅且自食萬嘗忤其父告官縣隸至見婦美乃為計出萬且引使為隸假以錢招共居曾謂夫曰汝與彼不相識何以能得此此其意蓋在我也辭母往隸怒索錢曾有女纔四五歲隸曰汝無錢當鬻此女以償萬乃鬻女曾至所鬻家抱以歸且罵隸益怒告官謂曾忤其姑官令逃至撻其面數十是夜曾抱其女赴水死曾嫁時姑死久矣李繼先妻侯忻州人奸民謀汗之不遂誣以不潔訟之官官不能自侯自裁訟庭

田氏女巴縣人幼喪父母依兄嫂以居年十五美有無行生欲挑之鄰有優人妻與謀要女過其家強以酒欲汗之怒誓脫歸告兄兄訟于縣生丐縣中有力者語縣吏誣女有汗行縣吏撻其兄而釋生女忿自殺

清史稿

列女傳四

十九

馬某聘妻苗甯肅人早喪母將嫁謁外祖母止宿鄰僕聞其美夜持刃排闥入女驚呼備婦起沮僕殺之外祖母奔救又殺之客作聞聲持械入與鬥刃頓取莖刀支解之因持女女呼益急莖刀擊之創偏體死時乾隆二年六月己亥高日勇妻楊鎮番人口勇備于馮氏與楊俱馮挑焉楊不從因辭去馮從子尤艷楊乾隆十六年七月甲申馮氏子誦楊獨處踰垣入楊方炊力拒馮氏子擲塊中楊楊仆遽死馮氏子懸其尸若自罄然扇戶走日勇訴縣窮治馮氏子伏法羅季兒妻秋蟬不知其氏武昌人為攸人備欲逼汗之不勝辱季兒秋蟬皆自殺

劉氏女小字惠舞陽人年十六美而端父母出力田女獨居治泉鄰子入其室女話鄰子出復還掩其口女怒嚙鄰子傷手稍解女搏膺號鄰媼入視鄰子乃去哺父母還女言其事大慟謂為無賴辱當死父母慰諭之百端卒自縊告官鄰子詭言故與女有私按女尸處子乃論殺鄰子
鍾某妻蔡嘉定人生農家年二十一而嫁嫁三月夫死力作日斷布三疋易粟

養姑姑憐之勸使更嫁蔡泣誓以死有女妹嫁無賴子欲得蔡語姑偽為其弟娶者姑察蔡志堅弗許因搆蜚語鹹蔡姑審其誣將率蔡懇諸縣無賴子陽使其妻歸謝而陰告母將結惡少夜劫之姑惶遽無所出繼焉蔡覺趨救得姓姑哽咽語曰吾女遇不淑重為新婦累吾不忍見新婦之受其累也蔡曰母無慮婦留母不得安婦去母不得食雖然叔幼非母焉依請得卒哭焉以往乃奠夫慟入戶解絰自經死

段舉妻盧延津人盧有色一夕與其子女為賊殺殺室中知縣詣視盧昂繫頸爪股血子女縊牀上知縣求賊村人集視一人手屈匿袖中令出手繫裏指端發視有齧迹視胸及股皆爪傷問之乃自言斃盧色夜穴牆入盧驚呼掩其口齧我指掉而遁之屢仆屢起爪傷我身乃出腰間帛縊殺之子女號因並縊焉獄上盧得旌乾隆十八年事也

王某妻劉懷仁人歲大無豪族結奸僧貨沒饑人子女劉度不免從容語其夫曰姑老子幼不耐饑且暮俱死無益計不若露我誠得多金姑與子可無死汝

清史稿

列女傳四

二十

第送我于郊我得以身完夫忍而許之僧至遂露婦夫送之行四日僧屏其夫夫未去劉語僧曰我夫不能庇我以此戀戀何為者是非痛誓之弗肯去也僧以為誠然縱飲且醉劉出呼其夫拔簪刺喉死僧皆驚散去

張良善妻王翠縣雙槐村人事舅姑孝父為備母呼王還家故貧穴土為室母出與幼弟二禮居有族子故無賴夜以刀割戶側土土落王驚問族子已入室王怒叱曰我而姑也而禽獸速出族子出刀曰刀何為者任爾殺不懼族子刺王中左脅血溢自襦濺數步益怒誓復刺左右肋及乳王奪刀刃裂掌仆二禮亦呼族子斫其臂亦仆王復自地上躍起疾出戶呼殺人族子從之王創甚躓于石顛樹下族子割其口王口齧刀齒有聲族子抽刀破其頤王不能言聲猶厲身雀雀不已斷其喉乃死乾隆三十五年十月事也質明里見王死呼其父歸二禮言姊死狀眾聞王死烈中者日千餘上于官誅族子

李青照妻張興國人鄉人赴官雲南青照將妻子以從鄉人斃張屢挑之張以語青照過長沙青照與妻子夜脫走青照復還取行囊張抱子以待長沙縣殺

與相值詰得其情引以行稍遠乃逆青照會以逃人詐得金並解所佩象齒蝦蟆去至張所示之說言青照招使往張從登舟役迫之抱子入江死青照聞告官論役如律乃自經死

姚際春女浮梁人際春方遠行女侍母居有母之族為備者仇而獷女惡之告母母謂彼于汝尊行也宜無他居稍久備益恣女復告母不遂備且殺兒母遣備備不行挾刃入女室女躍且呼備刺其腹腸出母入視備自剄女目未瞑移時甦猶語其母曰兒惜此身以報父母獨憾父出一訣也語竟血飛濺承塵盡赤乃絕

王敦妻張新陽人敦義早卒而家富其弟覬得之有無賴為之計夜使年少僕匿張牀下而偽為捕賊者僕自承與張私因呼里長縛僕並及張天初明偽為縣役持牒逮張又偽為居間者使張子金緩其事張歸心知為叔實有女字俞氏遂出家中裝為一囊携女之俞氏以女託翁媪歸自經死

陳維章妻陸名趙鳳諸賢人父效忠初有黠者聞陸美欲娶之以齒非偽偽為

清史稿 列女傳四 二十一

其弟聘而陰為弟別娶于李效忠聞絕黠者歸于維章黠者易婚書賄媒妁以訟于縣縣判歸黠者黠者以與俟得判則劫持陸置輿中疾昇去陸方持祖姑服黠者迫更衣不可手裂其袷陸詣縣袖剪以往計不直則自殊倉卒被劫持行不得出及拒黠者裂袷觸手乃不敢迫使弟婦李守之李憐陸又自念處亂家時與陸屏語或相持泣數日乃共縊縊不足續以帶時道光四年二月陸與李皆十七

何氏女山陰人居通州鄰有黠者聘為其弄兒婦莫并亂之女截髮自誓鄰里以告官官判歸父母家別嫁女減食六閱月垂死告父母曰兒失身于匪人重見逼迫不幸告官又不幸判別嫁此子誠不肯兒則夫也兒欲為之死又不敢傷父母意乃減食以求死初減十五逾二月減七又二月減九今不食已三日兒死非病願父母勿悲遂卒劉宏芳聘妻周崔州人未行而宏芳卒周亦減食數月乃死

謝亞煥妻王名杏芳東莞寶潭村人年二十一歸亞煥未期而寡從姑居有諸

生姦暴為縣豪關李美使告其姑欲為從子娶姑辭焉則宣言將毀其居一日將數十人至大謀升屋撤椽發瓦姑走匿王出語眾曰若曹欲何為我在也勿驚我姑豪呼眾寡之歸王故甚豪采毒草自備輿中食之盡至豪家登堂毒發死豪夜還其尸瘞于亞煥側姑與其母家怨縣獄成豪瘦死道光十一年事也張樹功妻吳常熟人樹功卒吳遺腹生男矢不嫁事姑撫孤子樹功有弟共居娣賢與吳相得死而再娶得悍婦婢視吳母子吳安之歲饑悍婦凌吳樹功弟用婦言欲嫁之吳痛哭告其子曰汝今九歲饑寒可自知我將舍汝從汝父去矣其子魯不知母將死也吳遂自經

郭某妻李仁和人早寡杭州初定防軍守諸門勢張甚車過男子下婦人必卷幔李從家人避兵郊外歸入錢塘門方小病門卒遙見之為娣語李坐車中微聞之至家慟曰我不幸為門卒語所辱我不可以生辰夕涕泣不食二十餘日卒

趙謙妻王威縣人當暑謙出王獨寢風入牖簾開若有窺者王忿不欲生舅姑

清史稿 列女傳四 二十二

及謙曲喻之終不釋曰與其疑而生不若疑而死遂自經
郭氏女鳳陽人順治十一年女年十四樓居隣火女披衣下樓見救火者眾不欲前躍入火中死何氏女汜水人侍祖母同寢夜火其兄援祖母出復入救女倉卒不得衣救者至出其子門外復閉門焚死鐵山婦德化人火至榜舍鐵山暨高迫不得上或援以手婦不肯上及於火死

汪氏女與賀氏女皆歙人家縣之東門相隣也父母俱沒各居小樓中汪長賀一歲賀時從刺繡相親若姊妹縣大火初發汪未寢驚走出呼家人救賀往叩門賀自樓上問曰姊出乎曰已出故使來相迎少頃賀復曰吾求外禱不得不可以出幸謝姊既而火及汪氏之人欲排戶入救之賀怒誓乃不敢前竟焚死還報汪汪曰妹死吾何忍獨生趨賀死所躍入火亦死馮光琦女郭君甫妻吳皆盱眙人光琦恒為客女母死屬吳為偶遇火女扶母棺號火益烈救不至吳引女出女堅不肯起俱焚死

黃聲諸妻王婺源人寇至扶姑行避寇道失姑迹之至渡口水方盛行度橋橋欲比有男子援以手卻之橋墮水據木浮中流男子以雨蓋授復卻之遂溺徐惟原妻許南陵人康熙間盜起許行當涉水從者請負以行許曰僕焉可負我寇大至入水死柯叔明妻鞏貴池人大水叔明及其子已出使僕負鞏鞏以僕裸不肯出死于水胡某妻裘新城人大水比戶皆乘屋鄰有裸而登者裘恥之不上溺死陳儒先妻李不知何許人夜半水至隣人呼升屋避李衣逐水去死不出自洋女不知何許人康熙四十七年大水從流至自洋有拯之者女以無衣不就拯死高氏婦六安人避水鄰樓惡男女雜處挈幼女下立曠地水大至其夫垂縵使援以上終不上竟死段吳考女稷山人雍正七年六月山水夜發壞廬舍女從水浮沈蒸問鄰人赴援女以無衣不肯出入水死年十五曹氏女無爲人州有寺僧與婦人私鄰童入寺見之僧殺而埋焉童父訟于州僧辭服僧念罪當死不如多所連染得稽刑乃妄言良家子女與通者三十餘人女家故近寺亦在誣中州吏盡逮諸婦女自父當詣庭自列父不可且入城

清史稿

列女傳四

二十三

謀諸吏忽女自至意色自如詣庭州吏出僧質僧曰汝非曹氏女耶女曰然僧曰吾所交惟汝最久且密女曰果爾吾身有異人處汝當知僧辭遁女固請入室使婦驗則下體有斑贅州吏始知僧言妄慰遣女歸女既歸歎曰吾所以蒙恥詣庭者非爲自表暴蓋欲全此三十餘人而救其死耳今事既白吾廢人也安甲生爲且可使昏暴之吏有所愧懼也遂自經死劉廷斌女四川溫江人廷斌道光七年官臺灣鎮總兵八年卒官喪還渡海遇盜盜殺其家十七人盡女以美獨不殺有客附舟哀盜擲岸上盜以女還居十餘年生四子一日女入寺禮佛見僧似若相識既歸省僧即附舟客也乃爲牒具遇盜始末復入寺密以界僧僧告官官取盜及其徒悉誅之繫四子以問女女曰我所以受汗不即死者仇未報耳仇報矣此曹豈我子哉手刃四子自縊死張氏女山東人貧爲婢其主明魯王近屬也明亡張挈朱氏子流離旁郡行備不給得巨室子朱氏子稍長爲諸生聖祖即位詔先朝諸宗人得以本姓歸田

應張乃爲朱氏子泣言其故朱氏子復姓召諸長老願爲張加冠事之如母張絕曰吾朱氏不成妾也今主君主婦何在吾何敢竊位吾以姐始亦以姐終願勿復言俗謂婢曰姐故張言如是崇德五年師伐明下河間河間知府曲阜顧庶明自焚有孫嫗者備于顏挾其幼孫光敏從師出關問道徒步還曲阜歸顧氏孫與張同以義行稱

陳氏婢金蓮梁縣人縣諸生陳其珍家婢也流賊被縣金蓮負其珍幼子以逃賊追及令棄陳氏子與俱去金蓮不可賊斫陳氏子金蓮身覆翼之被數創終不捨賊去金蓮死陳氏子得全邱氏婢新喜瀘江人邱氏富寇至舉室走匿執新喜問其主安在榜之垂斃終不言寇退創重死邱氏世祠焉

董氏江都人備于韓氏順治二年師下揚州韓氏夫婦及其長子皆死難主婦蕭將死以其幼子魏託于董方三歲即夕董懷幼子旬旬亂軍中出自寶匿江濱拾麥穗啖之得不死亂定魏育于故人家將婚迎董董疾甚與以來語新婦曰媼病且死不復見爾夫婦爾夫昔抱持從萬死中活有今日其人賢雖貧勿憂後且大母效世俗兒女子易爾夫也

清史稿

列女傳四

二十四

任氏西充人夫曰楊汝學備縣中李可還家爲其子慈乳母流寇亂四川可還且死以慈屬任俄而寇萬騎猝至任負慈走問道得脫歲大饑從汝學流轉陝西營棄兄弟之子而全龐氏子四川定任曰龐故儒也子今且九歲弗使就學吾何以對龐君携以歸使就學夫婦力耕以給慈中康熙二年舉人任曰吾乃今無媿于龐君尋卒同時又有袁氏明侍郎李兆家婢李氏兆子映庚乳母也流寇亂兆兄完謀舉義兵不克其族燔焉袁以計脫映庚李行求映庚得之僧寺藏其家複壁范士龍者兆僕也自兆所至因送映庚還兆士龍歸西充歲饑妻子五人皆餓死蓋亦義者云盧尚義妻梁文安人織席以養姑得遺金告于姑求主者還之主者餽以布告于姑堅辭不受世宗時命御史鄂昌等巡察直隸以其事聞特敕嘉獎賜米十石布疋並命有司扁其門以旌良淑白氏秦安人爲張翠侍女翠妻先卒而病且死目其子女泣白曰君逝矣此呱

呱者婢責也翠頰之而泣不止白挽髮拜牀下曰婢今為君婦豈以死生異其志也翠乃瞑白撫其子女至老

王氏名秋波為晉江蔡氏婢主將以為妾而卒無子秋波長家人遣之秋波泣曰郎君將以為妾耶君死不可以貳有為郎君後者婢請得撫之不然當殉族人義焉以從子六韜為其主後娶于吳生子而六韜又卒秋波與吳同處撫孤秦士楚妻洪晉江人早寡事姑撫子不憚艱苦父家覆於仇中危法當收孀姪走匿秦氏收者至秦氏之人皆走避洪獨不走收者詰之對曰無也所以刃被數創終不言洪氏孤匿處

張氏婢海寧人主母寡而貧其兄割屋與其婢居紡績以食婢事主母謹主母病將殆無收卹之者婢度事亟招媒氏願自鬻以其值治喪曰無多求得七十緡以為主母歛事畢吾來為之婦以告主母主母感其義主母死婢以七十緡為之歛事畢要夫家以輿迎婢撫棺痛幾絕既蘇再拜乘輿去

楊氏婢不知何許人亦不詳其氏與名主江西清江楊氏楊氏之妻寡將嫁前清史稿 列女傳四 二十五

一夕呼婢不應怒曰汝我婢也何敢爾婢曰我楊氏婢耳汝今誰家婦者曰我婢我婢妾方持剪墜起環走至曙呼其婢曰我復為爾主汝當何如婢叩頭泣妾亦泣遂謝媒約不行後將嫁其婢婢曰人以此一言故忍死至今我亦終不去楊氏門

江貴壽妻王名保姑歎人貴壽樵也年倍王王事之無怨語既媵入縣曹氏為其女保母曹氏女嫁從之往咸豐十一年出避賊曹氏女方娠不能行乃匿諸深草中而立以護之賊至創喉猶求糠麩和水食曹氏女凍餒數日死曹氏女卒得免

張祿妻徐深州人同治七年張總愚之徒破州賊掠二女至其家叱祿使飼馬而令徐監二女炊徐詰二女皆世族炊竟賊皆據案食徐導二女潛出巷指歸路二女請徐借徐曰我去賊且殺我夫歸就祿謀借走賊見問二女徐忿罵賊賊殺之

任氏婢祥不知何許人亦不知其氏任氏子僕也故家京師東郭門外徙保定

屬其母于祥曰余將之廣平余妻不足恃而善事余母祥與其母居三年母病促任氏子歸歸則母已死任氏子慟絕而甦夜半猶啜粥翌晨視之則亦死既歛其妻將挾幼女嫁祥爭之乃留女女方四歲乞食以為養鄰里義焉共周之持二棺還葬祥終不嫁又有通州鄭氏女婢于馬氏馬氏中落他奴僕皆去而鄭獨留侍疾育幼主以浣衣得直贖其主歷七十餘年終不去以處子終

王氏婢不知其氏石屏人王氏夫婦皆死其子元勳生七月婢已嫁生子乃撫而乳之稍長資養俱供餽粥令入塾使其子事之甚謹元勳卒舉於鄉徐氏女平湖人為曹氏婢名曰春梅其主死遺子女各一春梅年二十餘不嫁撫其子女其子女有過涕泣勸導苦畢婚嫁其主有兄迫欲嫁之終不行

丁香不知其氏雲南南甯人為程氏婢程氏女嫁于吳丁香從吳中落程氏女以女紅自給丁香執役不稍怠程氏女謂曰有富家以數十金聘汝我受金汝亦得所蓋行乎丁香跪誓死相從程氏女知其意堅乃不復言後益貧丁香出為傭得資以養數十年卒不嫁江金姑金翁人為朱氏婢朱氏女歸江勝焉江清史稿 列女傳四 二十六

夫婦皆卒金姑矢不嫁育其孤娶婦未有子其孤又天金姑告于江氏之族為立後佐婦撫所後子至成立

羅氏荔浦獐婦也夫死不更嫁獐俗善歌或以歌誘婦必正色不為動以節顯于獐

隴聯嵩妻祿鎮雄人也鎮雄故土司聯嵩世領其地為土知府卒子慶侯嗣雍正五年坐事奪職收其地設流官所部欲為變祿諭之曰我家以忠著今日宜安義命毋妄動所部乃解八年烏蒙土民叛祿親至舊所部各寨申諭利害至欲自殺所部會警服祿躬率眾衛官解佐軍食城恃以全總督鄂爾泰建坊表其忠請于朝封安人子田二十畝使供隴氏祀

者架聘妻直額貴州大定狎民既許嫁者架貧不能娶直額父母欲女別嫁不可強之自殺羅廷勝妻馬名阿透寄各司羊海樂狎民女也廷勝死阿透年二十六父欲為別嫁阿透哭于廷勝墓自經死羅朝彥妻劉名阿全朝彥狎民劉嫗安人朝彥死其弟欲妻嫂引強暴迫劉自殺

安于磐妻朱後妻田于磐貴州蠻夷司長官初娶朱事姑孝姑病割股卒復娶田于磐病割股于磐卒撫諸子成立田養民妻楊養民朗溪司長官楊邑梅司人也年十二母病割股

李任妻矣智殺人夷羅厄女也羅厄為李氏佃李氏欲汗之不從縛置積薪上日不從將焚矣大罵遂焚死事聞罪李氏

鄂對妻熱依木鄂對庫車回頭人與其曾霍集占有隙霍集占以葉爾羌叛鄂對與其子鄂斯滿乘家走迎師于伊犁霍集占破庫車憾鄂對不附執熱依木欲納之不可殺其子女三而囚之熱依木脫走師克霍集占授鄂對貝勒葉爾羌阿奇木伯克鄂斯滿二等台吉庫車阿奇木伯克居數年烏什回叛熱依木在庫車請于辦事大臣曰回性喜效尤今烏什叛葉爾羌戶眾伯克阿渾輩不知順逆鄂對懦無斷請得往助之熱依木行五日至葉爾羌伯克阿渾輩入見言烏什熱依木漫應之期明日會飲明日眾集熱依木曰汝等皆無籍蒙大皇帝恩為太平民今烏什叛即日夷滅乃欲效尤為不忠不義鬼耶吾力尚能殺

爾曹爾曹今日毋思出此門眾愕顧門守甚嚴皆跪白無反狀熱依木乃具筵曉以利害眾皆泣則出歌姬勸飲盡醉陰使人徧收諸家戰具驅其馬令遠牧鄂對日率諸伯克集辦事大臣庭夜分散眾大定及烏什破多所誅戮葉爾羌獨全

瓦寺土司索諾木榮宗母麥麥吉早寡撫索諾木榮宗成立綏輯番落有功於邊被詔旌表明正土司堅參達結妻喇章無子次妻天生二子堅參達結死喇章天天同護土司印撫二子成立乾隆間從征金川有功亦被詔旌表

沙氏女會理州人父為土千戶所屬土百戶自氏富妻以女嫁弟送之往將入自氏所轄境女語其弟曰自氏奴也汝主也我受父命不敢違汝不當入涕泣而別女至自氏自氏子求合女堅拒之不食七日死

嘉義番婦加溜灣社番大治妻也大治死願變故俗不更嫁引刀誓曰婦髮可封婦臂可斷婦節不可移力耕育其子居三十七年乃卒施世燿妻苗世燿龍溪人苗媽辰港夷女世燿死苗自經殉焉

清史稿

土司傳一

西南諸省水複山重草木蒙昧雲霧晦冥人生其間叢叢蟲蛇言語飲食迥殊華風曰苗曰蠻史册屢紀顧略有區別無君長不相統屬之謂苗各長其部割據一方之謂蠻若粵之種之黎黔楚之猺四川之猓羅之生番雲南之野人皆苗之類若漢書南夷君長以十數夜郎最大其西靡莫之屬以十數滇最大自滇以北君長以十數印都最大在宋為羈縻州在元為宣慰宣撫招討安撫長官等土司湖廣之田彭四川之謝向冉廣西之岑韋貴州之安楊雲南之刀思遠者自漢唐近亦自宋元各君其君各子其子根柢深固族姻互結假我爵祿寵之名號乃易為統攝故奔走惟命皆蠻之類明代播州蘭州水西麓川皆勳大軍數十萬彈天下力而後剷平之故雲貴川廣恆視土司為治亂清初因明制屬平西定南諸藩鎮撫之康熙二年吳三桂督雲貴兵兩路討水西宣慰安坤之叛平其地設黔西平遠大定威甯四府三藩之亂重昭土司兵為助及叛

清史稿

土司傳一

藩戡定餘威震于殊俗至雍正初而有改土歸流之議四年春以鄂爾泰巡撫雲南兼總督事奏言雲貴大患無如苗蠻欲安民必先制夷欲制夷必改土歸流而苗疆多與鄰省犬牙相錯又必歸并事權始可一勞永逸即如東川烏蒙鎮雄皆四川土府東川與滇一嶺之隔至滇省城四百餘里而距四川成都千有八百里去冬烏蒙土府攻掠東川滇兵擊退而川省令箭方至烏蒙至滇省城亦僅六百餘里自康熙五十三年土官祿鼎乾不法欽差督撫會審畢節以流官交質始出益無忌憚其錢糧不過三百餘兩而取於下者百倍一年四小派三年一大派小派計錢大派計兩土司一取子婦則土民三載不敢昏土民有罪被殺其親族尙出犂刀數十金終身無見天日之期東川已改流三十載仍為土目盤踞文武長厲省城膏腴四百里無人敢墾若東川烏蒙鎮雄改隸雲南俾臣得相機改流可設三府一鎮永靖邊氛此事連四川者也廣西土府州縣峒寨等司五十餘員分隸南甯太平思恩慶遠四府多狄青征儂智高王守仁征田州時所留設其邊患除泗城土府外餘皆土目橫于土司且黔粵向

以牂牁江為界而粵之西隆州與黔之普安州逾江互相斗入苗寨峯岡文武動輒推諉應以江北歸黔江南歸粵增州設營形格勢禁此事連廣西者也滇邊西南界以瀾滄江江外為車里緬甸老撾諸土司其江內之滇沅威遠元江新平普洱茶山諸夷巢穴深遂出沒無常哀牢間無事近患腹心有事遠通外國自元迄明代為邊害論者謂江外宜土不宜流江內宜流不宜土此雲南宜治之邊夷也貴州土司向無鉗束羣苗之責苗患甚于土司而苗疆四州幾三千餘里千有三百餘寨古州距其中羣峯環其外左有清江可北達楚右有都江可南通粵皆為頑苗蟻據梗隔三省遂成化外如欲開江路以通黔粵非勒兵深入徧加勦撫不可此貴州宜治之邊夷也臣思前明流土之分原因煙瘴新疆未習風土故因地制宜使之鄉導彈壓今歷數百載相沿以夷治夷遂至以盜治盜苗孽無追賊抵命之憂土司無革職削地之罰直至事大上聞行賄詳結上司亦不深求以為鎮靜邊民無所控訴若不剷蔓塞源縱兵刑財賦事

清史稿

土司傳一

二

獻次之惟制夷必先練兵練兵必先選將誠能賞罰嚴明將士用命先治內後攘外必能所向奏效實雲貴邊防百世之利世宗知鄂爾泰才必能辦寇即詔以東川烏蒙鎮雄三土府改隸雲南六年復鑄三省總督印令鄂爾泰兼制廣西於是自四年至九年蠻悉改流苗亦歸化間有叛逆旋即平定其間如雍正朝古州苗疆之盪平乾隆朝四川大小金川之誅鋤光緒朝西藏對峙之征伐皆事之鉅者分見於篇其土官銜號曰宣慰司曰宣撫司曰招討司曰安撫司曰長官司以勞績之多寡分尊卑之等差而府州縣之名亦往往有之今土司之未改流者四川宣撫使二曰印部曰沙馬宣慰司五曰木坪曰明正曰巴底曰巴旺曰德爾格忒安撫使二十有一曰長甯曰沃日曰瓦寺曰梭磨曰瓜別曰木裏曰革什札曰巴底曰緯斯甲布曰喇亥曰瓦述餘科曰霍耳竹窩曰霍耳章谷曰霍耳孔撒曰霍耳咱曰林惹曰霍耳甘孜麻書曰霍耳東科曰春科曰下瞻對曰上納奪長官司二十有九曰靜州曰隴木曰岳希曰松岡曰卓克基曰威龍州曰陽地隘口曰黨壩曰河東曰阿都正曰普濟州曰昌州曰沈邊

曰冷邊曰瓦述喇囉曰瓦述毛了曰瓦述曲登曰瓦述色他曰瓦述更平曰霍耳納林沖曰霍耳白利曰春科高日曰上瞻對曰蒙葛結曰泥溪曰平夷曰蠻夷曰沐川曰九姓雲南宣慰使一曰車里宣撫使五曰耿馬曰隴川曰干崖曰南甸曰孟連副宣撫使二曰遮放曰蓋達安撫使三曰路江曰芒市曰猛卯副長官司三曰納樓曰虧容甸曰十二關土府四曰蒙化曰景東曰孟定曰永甯土州四曰富州曰灣甸曰鎮康曰北勝貴州長官司六十有二曰中曹曰白納曰養龍曰虎墜曰程番曰上馬曰小程曰盧番曰方番曰遠番曰羅番曰臥龍曰小龍曰大龍曰金石曰大平曰小平曰大谷龍曰小谷龍曰木瓜曰麻榔曰新添曰平伐曰羊場曰募役曰頂營曰沙營曰楊義曰都勻曰邦水曰思南曰豐甯上曰豐甯下曰爛上曰平定曰樂平曰印水曰偏橋曰蠻夷曰沿河曰耶溪曰都坪曰黃道曰都素曰施溪曰潭溪曰新化曰歐陽曰亮寨曰湖耳曰中林曰八舟曰龍里曰古州曰洪州曰省溪曰提溪曰烏羅曰平頭曰垂西曰抵寨曰岩門副長官司三曰西堡曰康莊曰石門廣西土州二十有六曰忠州曰

清史稿

土司傳一

三

歸德曰果化曰下雷曰下石西曰思陵曰憑祥曰江州曰思州曰萬承曰太平曰安平曰龍英曰都結曰結安曰上下凍曰佶倫曰茗州曰茗盈曰鎮遠曰那地曰南舟曰田州曰向武曰都康曰上峽土縣四曰羅陽曰上林曰羅白曰忻城長官司三曰遷隆峒曰永定曰永順凡宣慰宣撫安撫長官等司之承襲隸兵部土府土州之承襲隸吏部凡土司貢賦或比年一貢或三年一貢各因其土產穀米牛馬皮布皆折以銀而會計於戶部 雍正七年川陝總督岳鍾琪奏四川巴塘裏塘等處請授宣撫司三員安撫司九員長官司十二員給與印結號紙副土官四員千戶三員百戶二十四員給以職銜以分職守內巴塘裏塘正副土官原無世代頭目承襲請照流官例如有事故開缺題補與他土司不同

湖廣

湖廣之西南隅戰國時巫郡黔中地湖北之施南容美湖南之永順保靖桑植境地毘連介於岳辰常德宜昌之間與川東巴夔相接壤南通黔西通蜀元時

所置宣慰安撫長官司之屬明時因之向推永保諸宣慰世席富強兵亦果敢每遇征伐荷戈前驅國家倚之爲重清有天下僅施南散毛容美三宣撫使永順保靖兩宣慰使而已雍正年間施南容美永順保靖先後納土特設施南一府隸北布政使永順一府隸南布政使兩府既設合境無土司名目後有苗寇分見各傳不入此篇

施南古巴地秦漢南郡蠻唐施州元置施南宣撫司忠孝安撫司明玉珍時復置忠路宣撫司明宣德三年復置劍南長官司立施州衛領所一宣撫司四安撫司九長官司十三蠻夷官司五清康熙三年施州始歸順四年改沙溪宣慰司爲宣撫司改劍南長官司爲建南長官司而施南宣撫司忠孝安撫司忠路安撫司如故雍正六年從湖廣總督邁柱之請裁施州衛設恩施縣改歸州直隸州原管之十五土司并隸恩施縣十二年忠孝安撫司田璋納土其地入於恩施縣十三年施南宣撫司覃禹鼎以罪改流於是忠峒土司田光祖等并請歸流乃以十五土司并原設恩施縣特設施南府領六縣容美改鶴峯州別隸

清史稿

土司傳一

四

宜昌府領於巡荆道

明制施州衛轄三里五所三十一土司市郭里都亭里崇甯里附郭左右中三所大田軍民千戶所支羅鎮守百戶所 大田所元爲散毛喇明洪武五年定其地二十三年屬千戶所仍名散毛尋改爲大田軍民千戶所領百戶所一土官百戶所十刺惹等三峒 支羅所舊隸龍潭司明嘉靖四十四年因喇長黃中叛討平之遂割半置所立屯以百戶二員世鎮之而今喇司屬焉 施南宣撫司元施南道宣慰使明洪武四年覃大富入朝七年升宣撫司清因之雍正時覃禹鼎襲禹鼎容美土司田明如塔也有罪輒匿容美當事以明如之先從征紅苗有功置勿問十三年明如被逮自經死禹鼎以淫惡抗提擬罪改流以其地置利川縣 東鄉安撫司明玉珍置東鄉五路宣撫司明洪武六年改安撫司命覃起喇爲之清初歸附雍正十年覃壽椿以長子得罪正法改流以其地入恩施縣 忠建宣撫司明洪武四年以田恩俊爲之六年改宣撫司清初歸附雍正十一年田興爵以橫暴不法擬流以其地爲恩施縣 金峒安撫司

明洪武四年以覃耳毛爲之清初歸附康熙四十二年覃世英襲子邦舜呈請改流以其地爲咸豐縣 忠峒安撫司元置湖南鎮邊宣慰司明洪武四年命田璽玉爲宣撫司永樂四年改安撫司清初田楚珍歸附調征播州有功仍准襲職雍正十二年田光祖糾十五土司呈請納土歸流以其地入宣恩縣 散毛宣撫司元爲散毛府至正六年改宣撫司明洪武四年命覃野旺爲宣撫司割其半爲大田所清初覃勳歸附仍准襲職雍正十三年覃烜納土以其地入來鳳縣 忠路安撫司明洪武四年命覃英爲安撫司清康熙元年覃承國歸附以征譚逆功襲前職雍正十三年覃楚梓納土以其地改利川縣 忠孝安撫司元至正十一年改軍民府明洪武四年以田璽施爲安撫司清因之康熙八年田京襲累授總兵十九年告休雍正十三年田璋納土以其地爲恩施縣 高羅安撫司元高羅寨長官司明洪武六年改安撫司以田大名爲之清順治初田飛龍歸附仍准世襲雍正十三年田昭納土以其地入宣恩縣 木册長官司元置安撫司明永樂六年改長官司以田谷佐爲長官司清初田經

清史稿

土司傳一

五

國歸附仍與世襲雍正十三年田應鼎納土以其地入宣恩縣 大旺安撫司元至正置明洪武四年以田驢蹄爲安撫司清康熙初田永封歸附仍准襲職雍正十三年田正元納土以其地入來鳳縣 臨壁長官司原附大旺清康熙元年頒給田琦印信仍與世襲雍正十三年田封疆納土以其地入來鳳縣 東流安撫司原附大旺 唐崖長官司元置千戶所明洪武七年改長官司清初覃宗禹歸附仍與世襲雍正十三年覃梓桂納土以其地入咸豐縣 龍潭安撫司明洪武四年以田應虎爲安撫司清初歸附仍准世襲雍正十三年田貴龍納土以其地入咸豐縣 沙溪安撫司明置清初歸附康熙四年黃天奇襲安撫司天奇子楚昌初楚昌入施州衛學爲諸生時諸司爭併民鮮知禮楚昌折節力學有時名及襲職設官學公餘與多士講肄多所成就楚昌死子正爵襲雍正十三年改流其地入於利川縣 卯峒長官司清雍正十三年長官司向舜納土以其地入來鳳縣 漫水宣撫司清初宣撫司向國泰歸附仍准世襲雍正十三年向庭官納土其地入於來鳳縣 西萍長官司雍正十三年

裁其地入於咸豐縣 建南長官司明宣德五年置清雍正十三年裁其地入於利川縣 容美土司唐元和元年田行舉從高崇文討平劉闢授施深洛萬招討把截使仍知四州事宋有田思政元有田乾亨明洪武三年田光寶以元所授諸敕詣行在請換乃命光寶仍為宣慰使傳至田既霖清順治間歸附仍授宣慰使子甘霖襲甘霖字特雲著合浦集甘霖子舜年字九峰受吳逆偽承恩伯敕後繳奉檄從征有勞績頗招名流習文史刻有廿一史纂目自課某日讀某經閱某史至某處刻於書之空處用小印志之有白鹿堂集容陽世述錄子明如襲職以放肆為趙申喬劾奏奉旨原有雍正十一年再為邁柱殿參明如移駐平山寨擬抗拒為石梁長官司張彤誣催迫明如自盡改土歸流改司為鶴峰州隸宜昌府

永順漢武陵隋長州唐溪州地宋時為永順州元時彭萬潛自改為永順等處軍民安撫司明洪武五年改宣慰使清順治四年恭順王孔有德至辰州宣慰使彭宏澎率三知州六長官三百八十喇苗蠻歸附十四年頒給宣慰使印並

清史稿

土司傳一

六

設流官經歷一員康熙十年吳三桂叛踞辰龍關授永順宣慰使彭廷椿偽印廷椿繳之奉旨賞其子宏海總兵銜令率土兵協勦有功授宣慰司印雍正六年宣慰使彭肇槐納土請歸江西祖籍有旨嘉獎授參將並世襲拖沙喇哈之職賜銀一萬兩聽其在江西祖籍立產安插改永順司為府附郭為永順縣分永順白崖峒地為龍山縣 南渭州土知州屬永順司元至元中置安撫司明洪武二年以彭萬金為土知州傳至彭應麟清順治四年歸附雍正五年彭宗國納土以其地入永順縣 施溶州土知州在永順司東南元會溪施溶等處長官司明洪武二年改州以田建霸為土知州傳至田茂年清順治四年歸附雍正五年田永豐納土 上溪州土知州屬永順司明洪武二年以張義保為土知州傳至張漢卿清順治四年歸附雍正五年張漢儒納土 臘惹峒長官司元屬思州以向孛爍為總管明洪武五年改屬永順司以田世貴為長官司傳至田仕朝清順治四年歸附雍正五年田中和納土 麥著黃喇長官司元曰麥著土郎屬思州明洪武五年改屬永順司以黃谷踵為長官司傳至黃甲

清順治四年歸附雍正五年黃正乾納土 驢遲喇長官司元屬思州明洪武五年改屬永順司以向迪踵為長官司傳至向光曾清順治四年歸附雍正五年向錫爵納土 施溶溪長官司元屬思州明初改屬永順司以汪良為長官司傳至汪世忠清順治四年歸附雍正五年汪文珂納土 白巖喇長官司元屬葛蠻安撫司明初改屬永順司以張那律為長官司傳至張四教清順治四年歸附雍正五年張宗略納土 田家喇長官司明洪武三年以田勝祖為長官司傳至田興祿清順治四年歸附雍正五年田蓋臣納土 保靖宣慰司亦唐溪州地宋曰保靖州元為保靖州安撫司明仍為安撫使清順治四年明宣慰司彭象乾之子彭朝柱歸附象乾曾孫澤虹病廢其妻彭氏用事漢奸高倫張為任二人結連其舍把長官彭澤蛟彭祖裕等相與樹黨以劫殺為事雍正元年澤虹死子御彬幼澤蛟欲奪其職為御彬所遏迫御彬製職肆為淫凶澤蛟與其弟澤虬合謀互相劫殺二年御彬以追緝澤蛟為名潛結容美土司田曼如桑植土司向國棟率土兵掠虜保靖民財七年御彬安置遼陽以其地為

清史稿

土司傳一

七

保靖縣 大喇司在龍山縣屬保靖司明正德十五年以土舍彭惠協理巡檢事傳至彭御佑雍正十三年納土 桑植宣慰司本慈利縣地元有上桑植下桑植宣慰司明置安撫司清順治四年宣慰司向鼎歸附授原職鼎子長庚調鎮古州八萬長庚子向國棟殘虐與容美永順茅岡各土司相仇殺民不堪命雍正四年土經歷唐宗聖與國棟弟國柄等相率赴總督傅敏入奏乃繳追印象國棟安置河南以其地為桑植縣 上下喇長官司明置宣撫司復改為長官司而分其地為二清康熙二年向九鸞向日葵歸附二十一年給九鸞上喇長官司印日葵下喇長官司印雍正十三年上喇司向玉衡下喇司向良佐納土以其地屬桑植縣 茅岡長官司明改天平千戶所清順治四年石門天平所千戶覃祚昌茅岡長官覃蔭祚等相繼歸附給與印信雍正十二年茅岡土司覃純一納土石門天平所慈利麻寮所相繼請設流官分其地屬石門慈利安福三縣

清史稿

土司傳二

四川

四川邊境寥廓歷代多設土司以相控制明末張獻忠屠蜀石碛酉陽松潘建昌等土司距險禦賊其地獨全清初擬定川境各土司次第順川之南有金川者本明金川寺演化禪師哈拉木之後分爲大小金川順治七年小金川卜兒吉細歸誠授原職吳三桂亂後康熙五年其酋嘉納巴復來歸給演化禪師印其庶孫莎羅奔以土舍將兵從將軍岳鍾琪征西藏羊峒番雍正元年奏授安撫司居大金川而舊土司澤旺居小金川莎羅奔以女阿扣妻澤旺澤旺懼爲妻所制乾隆十一年莎羅奔劫澤旺去奪其印十二年又改革布什札及明正兩土司朝廷調張廣泗總督四川進駐澤旺所居美諾官寨而以弟良爾吉從征時莎羅奔居勒烏圍其兄子郎卡居噶爾哇地在大金川河東而河西亦有地數百里廣泗調兵三萬一路出川西攻河東一路出川南攻河西而

清史稿

土司傳二

一

河東一路又分爲四以兩路攻勒烏圍以兩路攻噶爾哇河西亦分兩路攻庚特額諸山刻期成事阻險不前上命大學士公訥親往視師起岳鍾琪於廢籍鍾琪與廣泗議定自任由黨壩取勒烏圍而廣泗由昔嶺取噶爾哇會訥親至下令限三日克噶爾哇總兵任舉參將賈國良戰死廣泗輕訥親不知兵而惡其凌已故飾推讓實以困之軍中解體良爾吉夙與阿扣通莎羅奔因使成配倚作間諜官軍動息輒爲所備師久無功上怒甚會訥親劾廣泗於是逮廣泗入京而命大學士傅恒爲經略代訥親冬殺廣泗賜訥親死十二月傅恒至軍斬良爾吉王秋阿扣以斷內應十四年春正月奏言金川之事臣到軍以來始知本末當紀山進討之始惟馬良柱轉戰直前諭沃日收小金川直抵丹噶其鋒其銳其時張廣泗若速濟師策應乘賊守備未周殄滅尙易乃坐失機會宋宗璋逗留於雜谷許應虎失機於的郊致賊得盡據險要增礮備禦七路十路之兵無一路得進及訥親至軍嚴切催戰任舉收銳挫氣索曼起偷安一以軍務委張廣泗廣泗又聽奸人所愚惟恃以卡逼卡以礮逼礮之法槍礮惟及

堅壁於賊無傷而賊不過數人從暗擊明槍不虛發是我惟攻石而賊實攻人

且於礮外開濠兵不能越而賊得伏其中自下擊上又戰礮銳立高於中土之塔建造甚巧數日可成隨缺隨補頃刻立就且人心堅固至死不移礮盡碎而不去礮方過而人起主客勞佚形勢迥殊攻一礮難於克一城即臣所駐卡撤山頂已有三百餘礮計半月旬日得一礮非數年不能盡且得一礮輒傷數十百人較唐人之攻石峰堡尤爲得不償失惟有使賊失其所恃而我兵乃得展其所長臣擬俟大兵齊集別選銳師旁探間道裹糧直入礮礮勿攻繞出其後即以圍礮之兵作爲護餉之兵番衆無多外備既密內守必虛我兵即從捷徑搗入則守礮之番各懷內顧人無固志均可不攻自潰至於奮勇固仗滿兵而鄉導必用土兵土兵中小金川尤驍勇今良爾吉之奸謀已誅澤旺與賊謀甚切驅策用之自可得力至沃日瓦寺兵強而少雜綽斯甲等兵衆而懦弱正木坪忠順有餘強悍不足革什乍兵銳可當一路是各土司環攻分地之說雖不可恃而未嘗不可資其兵力臣決計深入不與爭礮惟俟四面布置出其不意

清史稿

土司傳二

二

直搗巢穴取其渠魁定於四月間報捷上屢奉皇太后息武甯邊之諭命傅恒班師時傅恒及鍾琪兩路連克礮卡軍聲大振莎羅奔乞降於鍾琪鍾琪輕騎徑赴其巢賊大感動頂佛經立誓聽約束次日鍾琪率莎羅奔父子坐皮船出洞詣大軍莎羅奔等叩額誓遵六事歸各土司侵地獻囚會納軍械歸兵民供徭役乃宣詔赦其死諸番焚香作樂獻金佛謝二月捷聞詔賞傅恒鍾琪等既而莎羅奔兄子郎卡主土司事漸桀驁二十三年遂澤旺及革布什札土司三十一一年詔四川總督阿爾泰檄九土司環攻之九土司者巴旺丹壩沃日瓦寺綽斯甲明正木坪革什乍及小金川也巴旺丹壩皆彈丸非金川敵明正瓦寺形勢阻隔其力足制金川而地相逼者莫如綽斯甲與小金川阿爾泰不知離其黨與反聽兩金川釋仇締約自是狼狽爲奸諸小土司咸不敢抗時澤旺老病不問事郎卡亦旋死其子索木諾與僧格榮侵鄂克什土司地三十六年索諾木誘殺革布什札土官而僧格榮再攻鄂克什及明正土司與官軍戰上以前此出師本以救小金川今小金川反悖逆罪不赦賜阿爾泰死命大學士溫

福自雲南赴四川以尙書桂林爲四川總督共討賊溫福由汝川出西路桂林由打箭鎗出南路僧格桑求援於索諾木索諾木潛兵助之二十七年春桂林克復革布什札土司故地溫福克資里及阿喀朝廷以阿桂爲參贊大臣代桂林赴南路十一月阿桂以皮船背濟連奪險隘直搗賊巢十二月軍抵美諾進至底木達俘澤旺檄索諾木縛獻僧格桑不應上命溫福爲定邊將軍阿桂豐仲額爲副將軍溫福阿桂奏六路進兵之策溫福由功噶入阿桂由當噶入豐仲額由綽斯甲入三十八年春溫福以賊扼險不得進別取道攻昔嶺駐營木果木令提督董天弼分屯底木達守小金川之地溫福爲人剛愎不廣諮方略惟襲廣泗故智以礮卡逼礮卡建築千計初索諾木欲併小金川地故留僧格桑挾以號召六月陰遣小金川頭目等由美諾溝出煽故降番使復叛諸番見大軍久頓鏖起應之攻陷天弼營遂劫糧臺潛兵襲木果木奪礮局斷汲道賊四面蹂入大營溫福死之將士隨員死者數十人各卡兵望風潰海蘭察聞警赴援殿衆由間道退出收集潰卒尙萬數千人其戰死者三千餘小金川地復

清史稿

土司傳二

三

陷惟阿桂一軍屹然不動乃整隊出屯翁古爾壘上在熱河聞報召大學士劉統勳詣行在咨之統勳前言金川不必勞師至是亦主用兵乃授阿桂定西將軍豐仲額明亮爲副將軍十月阿桂改赴西路明亮赴南路豐仲額仍由綽斯甲進取宜喜阿桂入自額克什轉戰五晝夜直抵美諾克之明亮入自瑪爾里所向皆捷遂盡復小金川地惟大金川自十二三年以來全力抗守增壘設險嚴密十倍小金川七月令諸軍分攻各礮寨數十道並進海蘭察死士六百削壁窺引而上趾頂相接比明及其礮一湧入盡殲守賊數十里賊寨聞之皆奪氣悉破之乘勝臨遜克宗壘索諾木斃殺僧格桑而獻其尸及其妻妾頭目至軍乞赦已罪阿桂檻送京師四十年四月阿桂先使福康安海蘭察赴河西助明亮攻宜喜遂分兵六路盡滅河西二十里內之賊五月阿桂河東之軍破朗噶寨距勒烏圍僅數里環營進逼其巢七月抵勒烏圍八月十五夜進搗賊巢四面礮轟官寨破之黎明克轉經樓逸賊皆溺水死莎羅奔兄弟及各頭目已先期遁往噶爾崖十一月官軍攻克科布曲山十二月遂據瑪爾古山噶爾

崖即在其下索諾木之母姑姊妹亦降官軍三路合圍噶爾崖斷其水道索諾木使其兄詣營乞哀不允圍攻益急索諾木從莎羅奔及其妻子挈番衆二千餘出寨奉印獻軍門降金川平四十二年正月獻俘廟社封賞阿桂等勒碑太學並及兩金川旋於大金川設阿爾古廳小金川設美諾廳四十四年併阿爾古入美諾改爲懋功廳同治二年粵匪石達開竄寧遠假道邛部土司土司先受官軍約束引賊至紫打地四面阻絕達開糧罄路窮射書千戶王承元買路復使人說土司嶺承恩求緩兵皆不應日殺馬煮桑葉爲食四月承恩承元等偵賊力竭率衆燧攻禽達開並賊官五人付官軍檻送成都四川總督駱秉章誅之奏加承恩承元二品銜賊軍鎗重悉爲兩土司所得初瞻對土司恃強不法雍正八年四川提督黃廷桂勦降之乾隆十年四川提督李質粹等率兵五千取道東俄落至裏塘進兵連破番寨獲賊首噶籠丹坪十一年質粹會欽差大臣班第統兵進克泥日寨燒斃番酋姜錯太撫定了魯下密等處番夷嘉慶十九年中瞻對土司洛布七力劫掠鄰番抗捕傷兵二十年四川總督常明

清史稿

土司傳二

四

提督多隆武領兵勦之恃險死拒重慶鎮總兵羅思舉力戰破其巢洛布七力焚死分其地入上下瞻對泊成豐中土司工布朗結爲人沈鸞兼并上下瞻對之地欲擁康部全境以抗川拒藏鄰近各土司割地求免貢賦唯命至是藏人怒求四川出兵乘章派道員史致康率師會藏進討致康怯頓打箭鎗久藏番需茶急馳兵克之殺工布朗結父子致康始遂巡至藏人索兵費銀十六萬兩乘章未允藏人因據其地設官兵駐守光緒初丁寶楨爲四川總督以瞻對藏官虐民往往激變每歲派員帶兵出關彈壓劉秉璋繼之稍寬縱藏官益驕橫各土司多被威脅唯明正土司地大不之服頻年爭鬪十五年瞻對內訌遂藏官乞內附秉璋不許唯治番官及亂民數人罪由藏易官且添駐堪布一人兵八百名助守二十年朱嵩章谷土司爭襲滋事瞻對番官率兵越境千與開槍傷我官兵四川總督鹿傳霖奏瞻對爲蜀門戶宜設法收回內屬派提督周萬順知縣張繼率兵出關擊收番兵不三月克瞻對並德爾格忒名保蓋全境禽德格土司夫婦解至成都議并改設流官成都將軍恭壽慎傳霖不先會商

結駐藏大臣文海密奏劾傳霖翻原案復德格土司職仍以瞻對屬藏三十一年春駐藏大臣鳳全被戕於巴塘四川總督錫良奏請以四川提督馬維祺建昌道趙爾豐進討維祺率師先發先是泰凝寺產沙金錫良准商人採辦并派兵彈壓寺中喇嘛反抗殺都司盧鳴鵬對潛助其亂維祺出關討平之六月攻克巴塘擒正土司羅進寶副土司郭宗隆保誅之移其妻子於成都安置八月爾豐至殺堪布喇嘛及首惡數人祭鳳全維祺班師回爾豐接辦善後派兵剿倡亂之七村溝並搜捕餘匪因移師討鄉城次年閏四月克之並攻克稻壩貢噶嶺一律肅清於是爾豐建籌邊議錫良以聞朝廷特設督辦川滇邊務大臣授爾豐邊地在川滇甘藏青海間縱橫各四五百里土司居十之五餘地歸呼圖克圖者十之一清代賞藏者十之一流爲野番者十之三爾豐改巴塘製塘地設治以所部防軍五營分駐之回川會商錫良派道員趙淵出關坐鎮二十三年爾豐護理四川總督奏准撥開邊費銀一百萬兩三十四年授爾豐駐藏辦事大臣仍兼邊務大臣券西軍三營率之出關時德格土司爭襲構亂

清史稿

土司傳二

五

久爾豐奏請往辦經泰凝道馬章谷倭麻書孔撤白利絨壩撥玉龍灌拉擴洛塚以至更慶十二月攻逆酋昂翁降白仁青等於贈科匪竄雜渠卡宣統元年四月攻雜渠卡五月戰於麻木六月追匪十日程至卡納一戰肅清改流其地並改春科高日兩土司地及靈忽土司之耶吉嶺村歸流十月四川兵入藏藏番扼察木多以西地阻之劫糧擄官爾豐率邊軍渡金沙江踰雪山抵察木多送川兵行於是三十九族波密八宿均請附邊轄三十九族者曰夥爾曰圖嘛魯曰吉雷塔克曰尼牙木查曰松嘛巴曰勒達克曰多嘛巴曰達爾羊巴曰他瑪曰夥兒曰拉寒他瑪夥兒拉寒三族共一土司曰夥耳曰瓊布噶曰瓊布色爾查曰瓊布納克魯曰扎瑪爾曰上阿扎曰下阿扎曰上奪爾樹曰下奪爾樹曰上剛噶爾曰下剛噶爾曰他瑪爾曰提瑪爾曰根多曰哇拉根多哇拉二族共一土司曰麻弄曰布川曰桑曰書達格魯克曰奔益曰策令畢魯曰色爾查曰納布貢巴曰結拉克汁曰拉巴曰三渣曰樸樸皆自爲部落設土總百戶或土百戶土百長等以治之歸駐藏大臣管轄爾豐以其族素恭順悉加慰遣因派兵剿類伍齊碩撥多洛

隆宗邊壩等阻路之番人又分兵取江卡貢覺桑昂雜瑜咸收服之二年邊軍直抵江達爾豐奏請以江達爲邊藏分界五月邊軍返察木多六月爾豐率兵略乍丫地八月巡阿足返設乍丫委員聞定鄉兵變派統領鳳山追勦九月三嚴野番投書索戰爾豐率兵赴貢覺十月派傅嵩林攻三嚴一句而克十一月設三嚴委員十二月設貢覺委員爾豐旋返巴塘三年二月爾豐以巴塘所屬之得榮浪藏寺數年不服派兵攻克之設得榮委員並收服冷卡石三月爾豐調任四川總督四川布政使王人文繼之爲邊務大臣爾豐奏請人文未到任前以嵩林代理四月同發巴塘至孔撤麻書設甘孜委員檄靈葱白利倭東科單東魚科明正魚通各土司繳印改土歸流色達及上羅科野番來歸適駐藏大臣聯豫電請邊軍攻波密因奏派副都統鳳山率兵二千往應六月爾豐至瞻對藏官逃收其地設瞻對委員旋經道場打箭鑪檄魚通卓斯各土司繳印改流爾豐入川沿途收咱里冷邊沈邊三土司印嵩林復出關改流泰凝而魚科土司結下羅科抗命嵩林令上羅科扼其險擊平之斃魚科土司於是嵩

清史稿

土司傳二

六

林奏請設西康省而沃日崇喜納奪革伯帕巴底巴旺靈葱上納奪各土司暨乍丫察木多兩呼圖克圖相繼繳印惟毛丫曲乞緩許之涼山夷獯獯者居密遠越嶺岷邊雷波馬邊間淺山部落頭目屬於土司深入則涼山數百里皆夷地生夷黑骨頭爲貴種白骨頭者曰熟夷執賤役夷族分數百支不相統屬叛則出掠擄漢民作奴遇兵散匿清興雍正五年七年嘉慶十三年十六年迭經川吏勦撫加以部勒同治末越巽夷叛成都將軍崇實兼攝四川總督奏調貴州提督周達武率軍由陝回勦前鋒羅應旒出清溪撫大樹堡左右王嶺各土司進駐保安攻降洽馬里阿波落跑馬坪燕麥廠遂克普雄石城夷地四百里間咸受約束官軍至靖遠刷茲林加布約尼錢交脚等支亦降更設靖遠新老兩營土千百戶出漢奴數萬迨爾豐經營關外朝廷以其兄爾巽督川爾巽欲悉平涼山夷以利邊務光緒三十四年八月派建昌鎮總兵鳳山建昌道馬汝驥等率兵暨民團勦寧遠吉狄馬加拉斯等支裸夷進至裏足山梁旋值國喪罷兵宣統元年正月令建昌鎮總兵田鎮邦寧遠府知府陳廷緒再舉征服淺

山白母子嗎噠拉施三合等支並收撫噶哨雞租五支別牛租租等支於是加拉及吉狄馬加等支先後降官軍進駐交脚收撫八切阿什並阿落馬家上三支下三支野夷悉請內附不隸土司先是馬邊夷阿侯蘇噶支戎英教士拒捕與馬邊協副將楊景昌軍相持爾巽調總兵董南斌往勦與寧遠軍夾擊阿侯蘇噶降兩軍於十月二十五日貫通涼山夷巢會於叶叶壩於是爾巽議禁黑夷蓄奴先就交脚設縣治餘地擇要屯守而西南由美姑河至雷波關雷雷通道四百餘里駐兵守護以通商旅是役也得地幾及千里夷衆凡十餘萬人二年振邦廷緒等師還討會理土司披砂會理村苦竹者保通安舟等悉改流至是川境土司多非舊觀矣今采傳世較永者著於篇其國初歸附未久旋即絕滅者尙不勝記云

成綿龍茂道松潘鎮轄

拈佐阿革寨土百戶係西番種類其先個個拓康熙四十二年歸附授職 熱

霧寨土百戶係西番種類其先甲植他康熙四十二年歸附授職 義眉喜寨

清史稿 土司傳二

七

土千戶係保夷種類其先官布笑雍正四年歸附授職 毛革阿按寨土千戶

係保夷種類其先王乍雍正四年歸附授職 包子寺寨土千戶係西番種類

其先噶竹康熙四十二年歸附授職 以上松潘 中書屬 阿思喇寨土千戶係西番種

類其先立架順治十五年歸附授職 羊喇寨土百戶係西番種類其先甲利

雍正二年歸附授職由四川總督給以土百戶委牌一張 以上松潘 左書屬 下泥巴

寨土百戶係西番種類其先林青康熙四十二年歸附授職由四川總督給以

土百戶委牌一張 右松潘 屬 寒盼寨土千戶係西番種類其先占巴笑康熙四

十二年歸附授職 商巴寨土千戶係西番種類其先剛讓笑康熙四十二年

歸附授職 祈命寨土千戶係西番種類其先龍盼架康熙四十二年歸附授

職 羊喇踏藏寨土目係西番種類其先甲六笑康熙四十二年歸附授土目

阿按寨土目係西番種類其先六笑他康熙四十二年歸附授土目 挖藥

寨土目係西番種類其先且折笑康熙四十二年歸附授土目 押頓寨土目

係西番種類其先拈爭笑康熙四十二年歸附授土目 中岔寨土目係西番

種類其先捏盼目康熙四十二年歸附授土目 耶寨土目係西番種類其先

耶那亞康熙四十二年歸附授土目 竹自寨土目係西番種類其先札布吉

康熙四十二年歸附授土目 威咀寨土目係西番種類其先出亞康熙四十

二年歸附授土目 東拜王亞寨土目係西番種類其先點進笑康熙四十二

年歸附授土目 達弄惡壩寨土目係西番種類其先達喇笑康熙四十二年

歸附授土目 香咀寨土目係西番種類其先轄六康熙四十二年歸附授土

目 咨馬寨土目係西番種類其先由仲笑康熙四十二年歸附授土目 八

頓寨土目係西番種類其先革甲康熙四十二年歸附授土目 上包坐余灣

寨土千戶係西番種類其先札卜盼康熙四十二年歸附授職 下包坐竹當

寨土千戶係西番種類其先本布笑康熙四十二年歸附授職 川柘寨土千

戶係西番種類其先桑仲康熙四十二年歸附授職 谷爾壩那浪寨土千戶

係西番種類其先耶借康熙四十二年歸附授職 雙則紅凹寨土千戶係西

番種類其先耶那笑康熙四十二年歸附授職以上各土司皆頒有號紙 上

清史稿 土司傳二

八

撒路木路惡寨土百戶係西番種類其先學賴雍正二年歸附授職 中撒路

木路惡寨土百戶係西番種類其先隆笑雍正二年歸附授職 下撒路竹弄

寨土百戶係西番種類其先迫帶雍正二年歸附授職 崇路谷謨寨土百戶

係西番種類其先札務革柱雍正二年歸附授職 作路生納寨土百戶係西

番種類其先耶刀雍正二年歸附授職 上勒回貢按寨土百戶係西番種

類其先借勒雍正二年歸附授職 下勒回卜頓寨土百戶係西番種類其先林

革秀雍正二年歸附授職 以上各土司皆頒有印信號紙 班佑寨土千戶

係西番種類其先獨足笑雍正元年歸附授職 巴細蛇住壩寨土百戶係西

番種類其先連柱笑雍正元年歸附授職 阿細柘弄寨土百戶係西番種

類其先哈情雍正元年歸附授職 上作爾革寨土百戶係西番種類其先轄頓

雍正元年歸附授職 合壩奪雜寨土百戶係西番種類其先谷六笑雍正元

年歸附授職 轄漫寨土百戶係西番種類其先額旺雍正元年歸附授職

下作革寨土百戶係西番種類其先耶納他雍正元年歸附授職 物藏寨土

百戶係西番種類其先郎加蚌雍正元年歸附授職 熱當寨土百戶係西番種類其先拆或架雍正元年歸附授職 歷下寨土百戶係西番種類其先那雍正元年歸附授職 甲四寨土百戶係西番種類其先革柯雍正元年歸附授職 阿革寨土百戶係西番種類其先甲亞雍正元年歸附授職 鵝個寨土百戶係西番種類其先羅六雍正元年歸附授職 耶情寨土百戶係西番種類其先阿出雍正元年歸附授職 上阿壩甲多寨土百戶係西番種類其先拆達架雍正元年歸附授職 中阿壩墨倉寨土百戶係西番種類其先革杜亞雍正元年歸附授職 下阿壩阿強寨土百戶係西番種類其先頓瑞雍正元年歸附授職 上郭羅克車木塘寨土百戶係西番種類其先頓康熙六十年歸附授職 中郭羅克插落寨土百戶係西番種類其先丹增康熙六十年歸附授職 下郭羅克納卡寨土百戶係西番種類其先彭錯康熙六十年歸附授職 上阿樹銀達寨土百戶係西番種類其先卜架亞康熙六十年歸附授職 中阿樹宗個寨土百戶係西番種類其先卜他康熙六十年歸附授職

清史稿

土司傳二

九

附授職 下阿樹郎達寨土百戶係西番種類其先郎加割舍康熙六十年歸附授職 小阿樹寨土百戶係西番種類其先達爾吉康熙六十年歸附授職 以上松潘屬 丟骨寨土百戶係西番種類其先沙乍謨康熙四十二年歸附授職 雲昌寺寨土百戶係西番種類其先革都判康熙四十二年歸附授職 叩竹寺土百戶係西番種類其先七谷康熙四十二年歸附授職 以上松潘屬 以上各土司皆頒有號紙 中羊喇隆康寨首係西番種類其先林柱雍正二年歸附委以寨首咸豐十一年歐利娃作亂陷南坪管同治四年周達武率武字果毅各軍討平之 下羊喇黑角耶寨首係西番種類其先六孝雍正二年歸附委以寨首以上各土司皆無印信號紙 以上松潘屬 大姓寨土百戶其先郁氏於唐時頒給左都督職銜印信管束番衆順治六年郁孟賢將唐時印信呈繳 小姓寨土百戶其先郁從文於明末歸附授長官司職銜印信管束番衆順治年間將明時印信號紙呈繳 大定沙壩土百戶其先蘇忠於明萬歷年間歸附授土百戶職銜印信管束番衆順治年間將明時印信號紙

早繳以上各土司皆頒號紙 大黑水寨土百戶其先郁孟賢於明末歸附授土百戶職銜管束各番順治年間將明時號紙呈繳 小黑水寨土百戶其先於唐時歸附授土百戶職銜印信管束各番順治年間郁從學將唐時印信呈繳以上各土司皆給委牌 松坪寨土百戶其先韓騰於明末歸附授土百戶職銜印信管束番衆順治年間將明末印信號紙呈繳仍頒給號紙 以上茂州 靜州長官司其先董正伯自唐時歸附授職順治年間賊屠茂州土司董懷德率土兵捍禦地方寧謐九年董應詔歸附 爾木長官司其先何文貴於宋時勦羅打鼓生番有功授職與印順治九年歸附 岳希長官司其先坤蒲自唐時有功授職康熙九年歸附 沙壩安撫司其先麟答兒自明時勦黑水三溪生番有功授職順治九年歸附 水草坪巡檢土司其先麟答兒次子住水草坪授巡檢職順治九年歸附 竹木坎副巡檢土司其先坤兒布自明時授職順治九年歸附 牟托巡檢土司其先煤沙自唐時授職順治九年歸附以上各土司皆頒印信號紙 實大關副長官司其先官之保自明時授職康熙十年歸附頒給號紙 以上茂州 茂州屬

清史稿

土司傳二

十

陽地隘口土長官司始祖王行儉由宋寧宗朝授龍州判官世襲傳二世改守禦千戶元至正間授宣撫副使明洪武七年開龍州改長官司順治六年王煊歸附仍授原職頒給印信號紙 土通判明洪武七年授王思恭為長官司以王思民襲判官旋授宣撫僉事嘉靖間改土通判順治六年王啟登歸附仍授原職頒給號紙無印信 龍溪堡土知事宋景定間授薛嚴龍州知州世襲明隆慶間改土知事順治六年薛兆選歸附仍授原職頒給號紙 以上龍安府 瓦寺宣慰司先世雍中羅洛思與兄桑耶納思壩前明納貢土物正統六年威茂孟董九子黑虎等寨諸番跳梁雍中羅洛思桑耶納思壩奉調出藏帶兵出力即留住汶川縣塗禹山給宣慰司印信號紙順治九年土司曲翊仲歸附授安撫司康熙五十九年征西藏土司桑耶溫愷隨征有功加宣慰司銜乾隆二二年加指揮使職銜乾隆十七年及三十六年征勦雜谷土司蒼旺並金川等處土司桑耶雍中隨征出力賞戴花翎嘉慶元年隨征達州教匪經四川總督勦

保奏升宣慰司換給印信號紙以上理番屬 梭磨宣慰使司始祖囊素沙
 甲布原係雜谷土目自唐時歸附雍正元年征勦郭克賊番有功頒給副長官
 司印信號紙乾隆十五年換給安撫司印三十六年進勦大小金川土司隨征
 經將軍阿桂奏賞宣慰司職銜並花翎換給印信號紙 卓克基長官司其祖
 良爾吉係雜谷土舍乾隆十三年隨征大金川有功十五年頒給長官司印信
 號紙尋以通匪伏誅 松岡長官司其祖係雜谷土目自唐時安設康熙二十
 二年頒給安撫司印信號紙乾隆十七年土司蒼旺不法伏誅 黨壩長官司
 其曾祖阿不係雜谷土舍乾隆十三年土舍澤旺隨征大金川有功頒給長官
 司印信號紙嘉慶元年土司更噶斯丹增姜初隨征苗匪賞花翎以上理番屬

成綿龍茂道提標轄

沃日安撫司始祖巴碧太順治十五年歸附頒發沃日貫頂淨慈妙智國師印
 信號紙乾隆二十年頒給土司色達拉安撫司印信號紙隨將舊印呈繳二十

清史稿

土司傳二

十一

九年隨征金川有功賞二品頂戴花翎沃日地名更爲鄂克什原係維州協所
 轄乾隆五十年改隸懋功協管轄宣統三年改流 綽斯甲布宣撫司布印文
 口卓斯甲布卓斯地名甲者家之譯番人稱謂如德格則曰德格家 始祖寶立
 孔撤則曰孔撤家布者番人男子之稱印以綽斯甲布爲名誤矣
 康熙三十九年歸附四十一年頒給安撫司印信號紙乾隆三十七年出師金
 川賞二品頂戴花翎四十一年頒給宣撫司印信號紙隨將舊印呈繳原係阜
 和協所轄乾隆五十一年改隸懋功協管轄宣統三年改流以上懋功屬
 建昌道建昌鎮轄
 河東長官司其先自元迄明世襲建昌宣慰司順治十六年安泰審歸附呈繳
 明印雍正六年改授長官司管有 大石頭 長村 繼事田三土百戶 利
 扼 上芍菓 阿史 紐姑 上沈渣 下芍菓 上熱水 小涼山 墓西
 又利呢 阿史 者加十二土目 阿都正長官司其先結固順治六年歸
 附授職康熙四十九年土司慕枝爲招撫案內授阿都宣撫司頒給印信號紙
 雍正六年改土歸流是年涼山野夷不法土司聚姑擒獻兇首復授阿都正長

官司管有 歪歪溪 咱古 喬山南 大河西四土目 副長官司雍正六
 年勦撫涼山夷衆歸附有功授阿都副長官司管有 小涼山馬希 大梁山
 拖覺 阿乃 又阿史 結呢 派乃 者賦 那科 那俄 哈乃過 又
 阿噶十一土目 沙罵宣撫司其先安章威康熙四十九年歸附授職管有
 那多 扼烏 咱烈山 撒凹溝 結覺五土目以上西昌屬 昌州長官司其
 先盧尼古明洪武九年調守德昌昌州康熙四十九年歸附承襲 普濟州長
 官司其先吉三嘉明洪武七年授普濟州土知州康熙四十九年歸附承襲改
 長官司 威龍州長官司其先張起朝明洪武七年授職順治十六年歸附世
 襲以上西昌屬 河西宣慰司其先安吉茂康熙五十一年歸附五十七年吉茂
 歿無子嶺氏撫伊兄越嶺土司嶺安泰之子爲子更名安祥茂雍正六年改土
 歸流換給土千總職銜世襲管有 囉惹 芍菓 咱堡 沙溝四土目以上西昌屬
 以上各土司皆頒印信號紙
 印部宣撫司其先嶺安盤康熙四十二年歸附授職同治二年土司嶺承恩助

清史稿

土司傳二

十二

官軍禽石達開有功賞二品銜管有 膩乃 阿谷 蘇呷 咱戶 慕唐
 阿蘇 濫田壩 普雄 黑保 大疏山十土目以上越嶺屬 煖帶密土千
 戶其先嶺安泰康熙四十九年歸附授職管有 上官 六革 瓜棵 糾米
 布布 阿多六磨 磨卡爲呷 西糾七鄉總 煖帶田壩土千戶其先部
 則康熙四十四年歸附授職 松林地土千戶其先王德洽康熙四十九年歸
 附授職管有 老鴉漩 白石村 六翁 野猪塘 前後山 料林坪六土
 百戶以上越嶺屬 以上各土司皆頒印信號紙
 木裏安撫司其先六藏塗都雍正七年歸附 瓜別安撫司係麼麼夷人其先
 玉珠追康熙四十九年歸附 馬喇副長官司係繼夷人其先阿世忠康熙十
 九年歸附頒給號紙 古柏樹土千戶係麼麼夷人其先郎俊位康熙四十九
 年歸附管有 阿撒 祿馬六槽兩土目 中所土千戶係麼麼夷人其先喇
 瑞麟康熙四十九年歸附 左所土千戶係麼麼夷人其先喇世英康熙四十
 九年歸附管有 華直蘆土目 右所土千戶係麼麼夷人其先八聖康熙四

十九年歸附 前所土百戶係麼麼夷人其先阿成福康熙四十九年歸附
後所土百戶係麼麼夷人其先白馬塔康熙四十九年歸附以上會理州 以上
各土司皆頒印信號紙

蘇州土千戶其先姜哈康熙四十九年歸附授職 架州土百戶其先里五康

熙四十九年歸附授職 苗出土百戶其先熱即巴康熙四十九年歸附授職

大村土百戶其先也四噶康熙四十九年歸附授職 糯白瓦土百戶其先

紐叶康熙四十九年歸附授職 大鹽井土百戶其先前布汪哈康熙四十九

年歸附授職 熱即哇土百戶其先牙卓嫩康熙四十九年歸附授職 中村

土百戶其先歪即噶康熙四十九年歸附授職 三大枝土百戶其先甲噶康

熙四十九年歸附授職 河西土百戶其先那姑康熙四十九年歸附授職以上

山窩卜土百戶其先藍布甲噶康熙四十九年歸附授職 虛郎土

百戶其先濟布康熙四十九年歸附授職 白路土百戶其先倪姑康熙四十

九年歸附授職 阿得橋土百戶其先券庚康熙四十九年歸附授職 瓦都

清 史 稿 土司傳二 十三

土目其先安承裔康熙四十九年歸附授職 木朮四土目其先那哈康熙四

十九年歸附授職 瓦尾土目其先澗沽康熙四十九年歸附授職 瓦都木

朮四瓦尾三土司皆於雍正五年因征三渡水獲捷違誤運糧參革其部落戶

口仍設土目管束以上會理州 七兒堡土目原設土司康熙四十九年歸附

授職雍正五年降土目管有 耳挖溝土目以上會理州 以上各土司皆頒印信

號紙

黎溪舟土千戶其先自必仁康熙四十九年歸附授職 迷易土千戶其先安

文康熙四十九年歸附授職以上各土司皆頒有印信號紙 會理村土千戶

其先祿沙克康熙三十二年歸附授職頒給號紙 者保土百戶其先祿阿格

康熙四年歸附無印信號紙 普隆土百戶其先汪玉康熙四十九年歸附承

襲 紅卜直土百戶其先刁氏康熙四十九年歸附承襲以上各土司皆頒有

印信號紙 苦竹壩土百戶其先祿姐康熙三十七年歸附承襲頒給印信號

紙其通安舟土百戶另給鈐記以上會理州 披砂土千戶其先祿應麟康熙

四十九年歸附頒給號紙會理州 祿氏五土司傳二百餘年宣統初祿紹
武死無後妻自氏據其遺產祿自兩姓羣起爭襲作亂二年趙爾巽派兵勦捕
先後擒逆首祿禎祥嚴如松等因移師討爐鐵梁子侯夷悉平之披砂會理村
苦竹者保通安舟五土司地一律收回改流設治

建昌道提標轄

天全六番招討司高躋泰順治九年歸附副司楊先柱同均於雍正六年追繳

印信號紙以其地爲天全州 穆坪董下韓則宣慰使司其先於明世襲土職

至康熙元年堅參喃喀歸附仍授原職請領宣慰司印信乾隆十年頒給號紙

天全州

黎州土百戶漢馬岱後其先馬芍德於明洪武八年世襲安撫司萬曆十九年

馬祥無子妻瞿氏掌司事與祥姪構殺降千戶順治九年馬高歸附仍授原職

乾隆十七年改百戶大田副土百戶乾隆十七年因防曲曲鳥奏請添設副土

百戶一員世襲 松坪土千戶其先馬比必康熙四十二年歸附授職以上

清 史 稿 土司傳二 十四

以上各土司皆頒有印信號紙

沈邊長官司原籍江西吉水縣其先余錫伯前明從征來川授土千戶順治九

年余期披歸附改名永忠宣統三年改流 冷邊長官司西番瓦布人其先阿

撒札順治元年歸附傳至周至德於康熙六十年授職宣統三年改流以上打

明正宣慰使司其先係木坪分支明洪武初始祖阿克旺嘉爾參隨征

歸附乾隆三十六年甲木參德侵隨征金川有功賞賜佳穆伯屯巴名號並二

品頂戴花翎五十六年甲木參諾爾布隨征廓爾喀賞花翎嘉慶十四年甲木

參沙加領班進京恭祝萬壽賞花翎世襲住牧打箭鑪城光緒三十四年七月

趙爾巽奏改打箭鑪爲康定府設河口縣宣統三年土司甲木參瓊珀繳印其

地悉歸流原管有 咱哩木千戶 木噶 瓦七 俄洛 白桑 惡熱 下

八義 少悞石 作蘇策 八哩籠 上渡噶喇住索 中渡啞出卡 他咳

索窩籠 惡拉 樂壤 扒桑 木體 格窪卡 呷那工弄 吉增卡桑

阿籠 沙卡 上八義 拉里 八烏籠 姆朱 上渣壩惡壘 上渣壩卓泥 中渣壩熱錯 中渣壩沱 下渣壩業窪石 下渣壩莫藏石 魯密東谷 魯密普工礮 魯密郭宗 魯密結藏 魯密祖卜柏哈 魯密初把 魯密昌拉 魯密堅正 魯密達媽 魯密格桑 魯密本滾 長結杆尖 長結松歸 魯密白隅 魯密梭布 魯密達則 魯密卓籠四十八土百戶 革伯咱安撫司其先魏珠布策凌康熙三十九年歸附授職頒給印信號紙 宣統三年改流 巴底宣慰司其先綽布木凌康熙四十一年歸附授職 撫司宣統三年改流 巴旺宣慰司與巴底土司同世系分駐巴旺共管地方 土民宣統三年改流 喇噶安撫司其先阿倭塔爾康熙四十年歸附授職 霍耳竹窩安撫司即倭倭其先索諾木袁卜雍正六年歸附授職宣統三年改流原管有 瓦述寫達 瓦述更平東撤兩土百戶 霍耳章谷安撫司其先羅卜策旺雍正六年歸附授職光緒二十年瞻對欲奪其地鹿傳霖派兵滅瞻對同倭倭一并改流後發還而章谷無人承領改為鎭霍屯宣統三年改流

清史稿

土司傳二

十五

納林沖長官司其先諾爾布雍正六年歸附授職與章谷土司一家 瓦述色他長官司雍正六年歸附授職 瓦述更平長官司雍正六年歸附授職 瓦述餘科長官司其先沙克嘉諾爾布雍正六年歸附授職 霍耳孔撤安撫司其先麻蘇爾特親雍正六年歸附授職宣統三年改流管有 科則 圖根滿 磔兩土百戶 霍耳甘孜麻書安撫司其先那木卡索諾木雍正六年歸附授職宣統三年改流原管有 革賚 束暑 又束暑三土百戶 德爾格武宣慰司其先丹巴策凌雍正六年歸附授職德爾格武安撫司十一年改宣慰司諸土司部落以德格為最大東連瞻對西連察木多南連巴塘北連西甯番人以其地大有天德格地德格之稱鹿傳霖派兵攻瞻對時訪得德格土司羅追彭錯妻玉米者登仁甲生子名多吉僧格又與頭人通生子名降白仁青以是與夫反目玉米者登仁甲本藏女於瞻對藏官有姻誼藏官助之抗其夫故各攜其子分居焉光緒二十年官軍計誘羅追彭錯言為之逐其婦及降白仁青因入德格泊傳霖被劾罷改流議土司夫婦旋病故傳霖奏遣其二子回籍多吉

僧格暫管地方降白仁青已為僧繼而招致多人爭職多吉僧格奔薩德格頭人百姓以降白仁青非土司子且殘暴迎多吉僧格歸降白仁青避位數年頭人正巴阿登等嗾其再起爭職并誘佔多吉僧格之妾多吉僧格夫婦復奔薩控於駐藏大臣有泰張蔭棠既而德格百姓復迎之歸錮降白仁青降白仁青脫出眾黨作亂人民多被殺戮多吉僧格遣人至打箭鎭告急宣統元年四月趙爾豐率兵討之降白仁青敗逃入藏多吉僧格夫婦請改流爾豐不欲利其危亂許以復職多吉僧格泣曰德格地廣人稀窺伺者眾終恐不自保願招漢人開墾使地闢民聚乃可圖存意極堅決爾豐奏分其地為五區中區德化州南區白玉州北區登科府極北一區即石渠縣西區則同普縣而邊北道駐登科馬多吉僧格納其財產於官徙家巴塘復以奏給養贍銀及其妻姒耶錯莫首飾捐助巴塘學費爾豐奏賞頭品頂戴并予其妻建坊原管有 四上革賚 雜竹嗎竹卡 籠壩六土百戶 霍耳白利長官司其先隆博特查什雍正六年歸附授職宣統三年改流 霍耳咱安撫司其先阿克旺錯爾恥木雍正

清史稿

土司傳二

十六

六年歸附授職管有 兩下革賚土百戶 霍耳東科長官司其先達罕格努 雍正六年歸附授職宣統三年改流 春科安撫司其先袁卜旺札爾雍正六年歸附授職副土司與安撫司一家同時歸附授職宣統元年改流 高日長官司其先自印布雍正六年歸附授職宣統元年改流 蒙葛結長官司其先達木袁布雍正六年歸附授職 林惹安撫司其先袁卜林親雍正六年歸附授職宣統三年改流 上納奪安撫司其先索諾木旺札爾雍正六年歸附授職宣統三年改流原管有 上納奪土千戶 上納奪黎窩 上納奪 納奪 黎窩三土百戶 瞻對有上中下三名上瞻對茹長官司下瞻對安撫司均雍正六年歸附授職中瞻對長官司乾隆十年授職距打箭鎭七日程東連明正南接裏塘西北與德格土司連縱橫數百里為鴉龍江之上游同治初川藏會攻瞻對川軍未至藏兵先克瞻對派民官一僧官一率兵駐守由達賴喇嘛及商上選任咨請駐藏大臣奏明每三年替換藏官恣行暴政誅求無厭瞻對民不堪命屢起抗官疆吏率加壓服仍令屬藏光緒二十年鹿傳霖討平瞻對

議改流卒為恭壽文海効能三十四年趙爾豐山川赴德格關外土司百姓沿途控告瞻對藏官侵奪土地四出虐民并歷訴中朝兩次將瞻對歸藏時藏官追究內附者一一孛戮之慘藏官不自安陰欲添兵攻爾豐爾豐令傅嵩林率兵赴昌泰扼之宣統元年春爾豐建議收瞻對樞府令駐藏大臣聯豫溫宗堯與藏人議贖未成樞臣恐牽動外交持不於是爾豐與嵩林議決以計取之三年夏爾豐調任入川借嵩林整兵經瞻對藏官憚軍勢之盛潛遁去瞻人歡舞出迎因收回設治尋爾豐至川奏聞以上打符羅以上各土司均頒有印信號紙

裏塘宣撫司其先番目江擺康熙五十七年歸附授職傳至索諾木根登因不能約束帳下頭人雲甸等致滋事端革去土職以土都司希洛工布拔補兩土司例於頭人內嘉慶十二年希洛工布為竹馬策登等所害以頭人阿策拔補頒給印信號紙副土司其先番目康卻江錯與正土司同時歸附雍正七年授職嘉慶八年土司羅藏策登為正土司頭人雲甸等戕害以頭人阿彩登

清史稿

土司傳二

十七

舟拔補頒給印信號紙向設守備一把總一光緒三十一年川軍討巴塘亂裏塘頭人不支烏拉糧餉不能轉運趙爾豐誅頭人正土司逃往稻壩貢噶嶺噶聚土人為亂爾豐移師攻鄉城分兵先勦稻壩正土司敗逃入藏稻壩平先是鄉城喇嘛普中札娃強悍知兵誘殺裏塘守備李朝富父子鹿傳霖派游擊施文明討之為所擒剝皮實草懸以為號三十二年正月爾豐率兵督攻大小數十戰匪退喇嘛寺死守爾豐圍之數月斷其水道普中札娃自縊諸番皆降改裏塘為順化縣三十四年秋復改裏化同知以鄉城為定鄉縣稻壩為稻城縣貢噶嶺設縣丞 瓦述毛丫長官司其先番目索那羅布康熙六十一年歸附雍正七年授職 崇喜長官司其先番目杜納台吉康熙六十一年歸附雍正七年授職 瓦述曲登長官司其先番目康珠康熙六十一年歸附雍正七年授職 瓦述喇嘛長官司其先番目嘉慶十二年歸附授職以上各土司皆頒有印信號紙 瓦述茂了土百戶其先番目側冷工康熙六十一年歸附雍正七年授職 瓦述麻里土百戶嘉慶十二年歸附授職以上各土司皆頒有號紙以上麻塘

巴塘宣撫司其先羅布阿旺康熙五十八年歸附授職頒給印信號紙副土司同由四川設糧員一都司一千總一三年更替其喇嘛寺設堪布一鐵棒一為僧官亦三年另換堪布掌管教務經典鐵棒管理僧人條規番人犯罪土司治之番人之喇嘛犯罪鐵棒治之土餉以賦相抵不足由官補給年約銀千餘兩光緒三十年駐藏幫辦大臣鳳全赴任道經巴塘見地土膏腴即招漢人往墾築墾場於茨梨隴委巴塘糧員吳錫珍都司吳以忠兼理番人驚沮土司堪布勸鳳全速入藏不聽三十一年春七村溝番民聚眾劫殺墾夫吳以忠陣亡鳳全避入正土司寨與亂民議和亂民迫鳳全回川許息事鳳全信之東行數里至鸚哥嘴被殺夏馬維騏趙爾豐往討六月十八日克巴塘誅兩土司并堪布喇嘛及首惡數人爾豐搜勦餘匪因移師定鄉城三十二年秋爾豐會錫良暨雲貴總督丁振鐸具奏改流設巴安縣三十四年改巴安府分設鹽井縣三壩通判並設康安道駐巴塘原管有 上臨卡石 下臨卡石 岡裡 桑隆 上阿蘇 下阿蘇 郭布等七土百戶巴塘縣

清史稿

土司傳二

十八

嶺夷十二地夷人頭目嘉慶十三年歸附給有頭目牌十六年改流更姓住牧 豹嶺岡姓高 趕山坪姓澤 阿葉坪姓惠 牛跌壩姓周 芭蕉溝姓華 龍竹山姓夏 雪都都姓萬 小板屋姓年 牛心山姓海 月落山姓字 鹽井溪姓成 桃子溝姓平 赤夷十三支嘉慶十三年歸附選拔土弁給有委牌住牧 瞻巴家土千總一土把總一管有 參雞疎 卑溪疎 麥哈疎 白魁四家 哈納家土千總一土把總一管有 胃扭 雅札 哈什三家 蜚瓜家土千總一土把總二管有 媽 呆得二家 魁西家土千總一土把總一凡各地支所部探夷稱曰娃子以上按通譯 川東道重慶鎮轄 石碇宣慰使其先馬定虎漢馬援後南宋時封安撫使其後克用明洪武初加封宣撫使崇禎時土司千乘及婦秦良玉以功加太子太保封忠貞侯子祥麟亦加封宣慰使順治十六年祥麟子萬年歸附仍授宣慰使職乾隆二十一年以夔州府分駐雲安廠同知移駐石碇二十五年設石碇直隸廳改土宣慰使

為土通判世職不理民事雙州府屬 西陽宣慰使司其先受明封傳至奇鑣於順治十五年歸附仍授原職頒給印信號紙雍正十二年土司元齡因事革職以其地改設西陽直隸州原管有 邑梅峒 平茶峒 石耶峒 地壩四長官司均於乾隆元年改流重慶府屬 永寧道提標轄

九姓土長官司其先任福江南溧陽人明洪武初從傅友德入蜀招撫拗拜蠻受封傳至孟麒以功擢安撫使天啓元年土司任世藩夫婦死難子祈祿復以功授澧衛守備傳至長春順治四年歸附更給知府副副吳三桂叛長春來奔十六年復永甯長春子功臣復率士民歸附頒發副副康熙二年江安縣賊吳天成等作亂功臣以擒賊功議敘子宗項襲職隨領土長官司印信號紙以武職屬澧州州判及澧州管轄嘉慶元年移駐澧衛光緒三十四年趙爾豐奏改澧衛為古宋縣存土司名澧州屬

千貫貫土千總其先自元時受封明洪武四年賜姓楊康熙四十三年土司楊

清 史 稿

土司傳二

十九

喇哇歸附頒給印信號紙其後楊明義於雍正六年因雲南米貼夷滋事案參革子明忠立功贖罪賞土千總職銜未經請頒印信號紙管有頭目六十五名千萬貫土千戶其先楊繼武為土千總楊成胞叔嘉慶七年夷人滋事繼武同成出力賞給土千戶執照 千萬貫土巡檢其先安濟明時授馬湖土知府其後失職復授土巡檢雍正六年土舍安保歸附無印信號紙管有頭目二十四名以上雷波屬 黃郵土舍其先為明時酋長雍正五年土舍國保歸附無印信號紙凡千萬貫黃郵四土司所管黑白骨頭二種裸夷椎髻衣氍耕種打牲為業以上雷波屬 平彝長官司其先王元壽原籍江南人於明時受封順治九年土司王長才歸附 蠻彝司長官司其先文的保原籍湖廣人於明時受封順治九年土司文鳳鳴歸附 泥溪長官司其先王麒自明時世襲順治九年土司王嗣傳歸附 沐川長官司其先於明時受封賜姓悅順治九年土司悅曉瞻歸附以上各土司皆頒有印信號紙以上屏山屬 屏山汛屬 明州樂土百戶其先盜甲涼山生夷其後駱哥康熙四十二年歸附授職 油石洞土百戶其

先普祚涼山生夷子咀姑康熙四十二年歸附授職 旁阿姑土百戶其先脚謨伯涼山生夷子駱東康熙四十二年歸附授職 大羊腸土百戶其先六盆涼山生夷子紐車康熙四十二年歸附授職 賦乃巢土百戶其先必祚涼山生夷子脚骨康熙四十二年歸附授職以上馬邊屬 挖黑土百戶其先亦赤涼山生夷子三兒康熙四十二年歸附授職 阿招土百戶其先阿直涼山生夷子秧哥康熙四十二年歸附授職 幹田壩土百戶其先餘的涼山生夷子路引康熙四十二年歸附授職 蘇柳壩土百戶其先鄂車涼山生夷子六貴康熙四十二年歸附授職以上各土司皆領有號紙 撕栗坪土千戶其先卜佐涼山生夷其後阿二嘉慶十三年歸附賞給職銜領有委牌 冷紀土外委其先普祚涼山生夷子未鐵雍正元年歸附授職以上馬邊屬 以上各土司外有理番廳之雜谷腦屯乾堡寨屯上孟董屯下董孟屯九子寨屯懋功廳之懋功屯崇化屯撫邊屯章谷屯綏靖屯等土弁各設屯守備暨所屬屯千總屯把總屯外委均世及接頂與地志兵志互見

清 史 稿

土司傳二

二十

雲南古滇國自越嶲蠻夷任貴自領太守光武即授以印綬不以內地官守例之若樊若蒙皆以本土大姓就官累世爲一方長元封梁王於滇與大理之段分治明破梁王滅大理就土官而統馭之分官慰使宣撫使安撫使正副長官司土府土州以治之清順治十七年平西王吳三桂定雲南明永明王走緬甸以沐府舊地封三桂永鎮雲南康熙十四年撤藩三桂遂叛三桂死其孫世璠襲二十一年克之世璠自殺雲南大定雍正初改土歸流之議起四年夏先革東川土目即進圖烏蒙時烏蒙土府祿萬鍾鎮雄土府隴慶侯皆年少兵權皆握于其叔祿鼎坤隴聯星鄂爾泰令總兵劉起元屯東川招降祿鼎坤惟祿萬鍾制于漢奸約鎮雄兵三千攻鼎坤于魯甸鄂爾泰遣游擊哈元生敗之又檄其相仇之阿底土兵共擄烏蒙連破關隘賊遂敗走鎮雄鄂爾泰復招降隴聯

星而鼎坤亦以兵三千攻鎮雄之脅兩酋皆遁四川于是兩土府旬日平以烏蒙設府鎮雄設州又設鎮于烏蒙控制三屬由四川改隸雲南以一事權其東川法良土目祿天祐烏蒙米貼土目祿永孝尙各據巢思邊六年春遣兵破禽法良又遣副將郭壽域以兵三百捕米貼賊逃渡小金沙江糾四川沙馬司及建昌涼山各夷裸數千潛回襲陷官兵鄂爾泰遣總兵張耀祖參將哈元生三路搜討詔四川建昌永甯官兵聽鄂爾泰節制于是自小金沙江外沙馬雷波吞都黃螂諸土司地直抵建昌袤千餘里皆置營汛形勢控並雷波土司楊明義而哈元生回軍復敗阿盧土司之衆數千屯田東川歲收二萬餘石課礦歲萬金資兵餉事甫定祿鼎坤以功擢河南參將快失望其子祿萬福乞回魯甸治產見總兵劉起元軍律不肅陰會其舊部謀變時烏蒙商民萬計有險可扼且賊止標弩無大敵而劉起元惟媮餽賄和賊遂陷鎮城盡戕兵民徧煽東川鎮雄及四川涼山蠻數萬叛鄂爾泰奏言臣用人債事請別簡大臣總督兩省暫假臣提督將兵討賊雪憤世宗慰留之鄂爾泰調官兵萬餘土兵半

之三路進攻先令總兵魏壽國率兵二千七日馳抵東川得不陷而魏壽國旋

爲祿鼎坤刺傷乃以官祿代壽國烏蒙委總兵哈元生副將徐成貴鎮雄委參將韓勳勳以兵四百扼奎鄉收賊四千連破四寨哈元生以千餘兵討烏蒙先至得勝坡遇賊二萬其黑寡暮末二渠皆萬人敵黑寡持長槍直犯元生元生左格槍右拔矢應手殪之又射殪暮末即竿揭二首以進賊奪氣再戰再捷進至倚那岡賊數萬連營十餘里我兵三千土兵千夜設伏賊營左右而嚴陣以待黎明賊數路來犯不動將偪陣敵起大呼奮擊山後伏兵左右夾攻賊大潰盡破其八十餘營獲甲械輜重山積即日抵烏蒙賊見元生旗卽反走克三關祿萬福兄弟祿鼎坤均伏誅六年鄂爾泰總督三省其土州安于蕃鎮沅土府刁泮及赫樂長官司司威遠州廣南府各土目先後効黜惟刁氏之族舍土目煽糾威遠黑裸復反戕知府劉洪度于是盡徙已革土司土目他省安置并搜勦黨逆之威遠新平諸裸冒瘴突入禽斬千計而我將士亦患瘴死二百餘又進剿瀾滄江內孟養茶山土夷即明王驥兵十二萬大舉再征諸蠻驚謂自古

漢兵所未至者也鄂爾泰先檄車里土兵截諸江外官兵各持斧鋏開路焚柵湮溝連破險隘直抵孟養據蠻城通餉道其六茶山巢穴四十餘寨乃用降夷鄉導以賊攻賊于是深入數千里無險不搜惟江外歸車里土司江內地全改流升普洱爲府移沅江協副將駐之于思茅檄攪壩各設官戍兵以扼蒙緬老撾門戶于是廣南府土司知富州土知州各願增歲糧二三千石並捐建府州城垣孟連土司獻銀廠怒江野夷輸皮幣而老撾景邁二國皆來貢象緬甸震焉乾隆三十四年遷孟拱土司於關外緬甸事詳見緬甸傳

雲南府 羅次縣 煉象關土巡檢居煉象關大街清順治十六年土巡檢李文秀歸附仍授舊職傳至李東昨乾隆五十年改爲從九品土官世襲 祿豐縣 南平關土巡檢居土官村清順治十六年土巡檢李楚南歸附仍授舊職傳至李東來乾隆五十年改爲從九品土官世襲 大理府 趙州 定西嶺土巡檢居定西嶺清順治十六年土巡檢李齊斗歸附仍授舊職 雲南縣土縣丞在縣城清順治十六年土知縣楊玉蘊子岳歸附仍授土知縣世職康熙

六年雲南縣改設流官知縣其知縣改縣丞世襲 雲南縣土主簿居土官村
 離城十里清順治十六年土主簿張維歸附仍授世職 鄧州 青素鼻土
 巡檢在青素鼻清順治十六年土巡檢楊應鵬歸附仍授舊職傳至楊榮昌乾
 隆五十年改爲從九品土官世襲 浪穹縣浪穹縣土典史在縣城清順治十
 六年土典史王鳳州歸附仍授世職 蒲陀陸土巡檢在蒲陀陸距縣城十五
 里清順治十六年土巡檢楊爭先歸附仍授世職 鳳羽鄉土巡檢在鳳羽鄉
 距縣城三十里清順治十六年土巡檢尹德明歸附仍授世職 上江甯土巡
 檢在上江甯距縣一百二十里清順治十六年土巡檢楊康國歸附仍授世職
 下江甯土巡檢在下江甯距縣九十里清順治十六年土巡檢何應福歸附
 仍授世職 雲龍州 箭杆場土巡檢居箭杆場清順治十六年土巡檢字題
 鳳歸附仍授世職舊屬鄧州康熙二年改隸雲龍州 十二關長官司在府
 東三百里清順治十六年長官司李恬森歸附仍授世職 老窩土千總居老
 窩清順治十六年土知州段德壽歸附後裁乾隆十二年德壽係維精勦稟
 清 史 稿 土司傳三 三

夷賊有功十七年授土千總世職道光元年永北軍務段克勳帶練擒賊給五
 品頂戴 六庫土千總居六庫其先段復健明土知州段保十七世孫清乾隆
 十二年征稗夏夷賊有功十七年授土千總世職道光元年永北軍務段履仁
 帶練擒賊給五品頂戴 漕澗土把總居漕澗清順治十八年左文燦以堵禦
 功授土官長官司子停製乾隆十二年文燦曾孫左世英隨征稗夏夷賊有功
 授土把總世襲 鄧州土知州清順治十六年土知州阿尙夔歸附仍授世
 職曾孫查遠因縱賊殃民雍正四年改流安插江西
 臨安府 納樓茶甸長官司在府西南一百八十里清順治十六年長官司普
 率歸附仍授世職康熙四年率附王祿叛官兵討之乞降赦之以子向化襲
 納更山土巡檢 距府東南二百八十里清順治十六年土巡檢龍天正歸附
 仍授世職 虧容甸長官司在府西南一百四十里清順治十六年長官司孫
 大昌歸附仍授副長官世職 思陀鄉土舍在府西南二百五十里清順治十
 六年長官司李秉忠歸附仍授長官司副長官世職後絕改土舍康熙二十年

以李世元繼襲 溪處長官司副長官在府西南三百一十五里清順治十六
 年長官司恩忠歸附仍授副長官世職康熙四年附祿昌賢叛伏誅改土舍
 瓦渣鄉長官司在府西南二百四十里清順治十六年錢覺耀歸附仍授副長
 官世職康熙四年通王祿叛官兵擒斬之職除改土舍 左能寨長官司在府
 西南二百三十里清順治十六年吳應科歸附以非滇志所載下臨安府查核
 稽其譜系蓋應科爲明蚌頗十一世孫因改土舍准襲 落恐甸長官司在府
 西南二百里清順治十六年明授副長官司陳玉歸附因號紙無存給便委土
 舍仍准世襲 阿邦鄉土舍在府東南二百一十里明授土守備清順治十六
 年土守備陶順祖歸附守職如故旋議土司不宜加武職改土舍 慢車鄉土
 舍在府西南一百四十里清順治間元江土夷亂漫車土目刀岡隨官軍協勦
 授土舍世職 稿吾卡土把總在府東南二百八十里清雍正間納更土目龍
 在渭隨征元普逆夷有功給土把總職銜嘉慶二十二年江外夷匪滋事龍定
 國父子陣亡奏准世襲土把總 十五猛縱橫四百餘里明初爲沐氏勦莊清
 順治十七年吳三桂請並雲南荒田給與藩下壯丁耕種康熙七年奉旨圍撥
 叛後變價歸建水徵收猛各設一掌寨督辦錢糧管有 猛喇 猛丁 猛梭
 猛賴 猛蚌 茨桶壩 五畝 五邦 者米 猛弄 馬龍 瓦遮 斗
 嚴 阿土 水塘十五寨 教化三部長官司副長官清順治十六年副長官
 龍昇歸附仍以張長壽爲名許之授世職康熙四年附王祿叛誅之以其地爲
 開化府設流官 王弄山長官司副長官清順治十六年副長官王朔歸附授
 世職康熙四年朔與祿昌賢叛官兵討之朔自焚死以其地屬開化府 阿迷
 州土知州舊有土目李阿側清康熙四年從討王朔有功授土知州世職傳至
 李純濫派橫征爲羣夷所控雍正四年籍其產安置江西改流 甯州土知州
 清順治十六年祿昌賢歸附仍授世職十七年降州同明年以舉首梅道人等
 謀逆復原職康熙四年以叛伏誅 甯州土州判清康熙十九年演有李者祿
 歸附准世襲州判後絕停襲 嶧峨縣土知縣清順治十六年祿益歸附仍授
 世職康熙四年與祿昌賢等叛改流 嶧峨縣土主簿清順治十六年王揚祖

清 史 稿 土司傳三 四

歸附仍授世職康熙四年與祿昌賢等叛伏誅職除 蒙自縣土縣丞土知縣陸氏被黜其土舍甯州祿重據土官村溺於酒色不能馭下其目把李輔舜等叛歸沙源源以兵乘之遂破有土官村沙定洲踞會城令李輔舜子日芳竊據蒙自定洲敗日芳遂家於蒙清康熙四年日芳弟日森子世藩世屏附甯州祿昌賢叛總兵閻鎮破之世藩遁追斬之世屏出降免死充大理軍後吳三桂反給世屏偽總兵劄大帥復演世屏持劄歸附授蒙自縣土縣丞職不准世襲

楚雄府 楚雄縣上縣丞清順治十六年土縣丞楊春盛歸附仍授舊職乾隆五十年改爲正八品土官世襲 鎮南州土州同居本城清順治十六年土州同段光贊歸附仍授世職 鎮南州土州判居鎮南州城東北清順治十六年土州判陳昌虞歸附仍授世職 阿雄關土巡檢居鎮南州屬清順治十六年土巡檢者光祖歸附仍授世職 鎮南關土巡檢清順治十六年土巡檢楊繼祖歸附仍授舊職傳至楊文輝乾隆五十年改爲從九品土官世襲 姚州土州同居姚州西界彌興官莊清順治十六年土州同高顯錫歸附仍授舊職傳

清史稿

土司傳三

五

至高配系乾隆五十年改爲從六品土官世襲 廣通縣 回磴關土巡檢居回磴關清順治十六年土巡檢楊忠義歸附仍授舊職傳至楊怡乾隆五十年改爲從九品土官世襲 沙矣舊土巡檢清順治十六年土巡檢蘇鑑歸附仍授舊職傳至蘇敬乾隆五十年改爲從九品土官世襲 定遠縣土主簿居本城清順治十六年土主簿李世卿歸附仍授舊職傳至李毓英乾隆五十年改爲正九品土官世襲 姚安府土同知清順治十六年土同知高喬映歸附仍授世職傳至李厚德雍正三年以不法革職安置江南

激江府 新興州土州判居州南研和邑清康熙十九年復演土人王鳳授僞遊擊迎至廣西路投誠隨征石門坎馬別河黃草壩皆有功授土州判世職 河陽縣安插土官清順治初土官刀翰歸附止給劄仍准世襲沿至刀廷俊裁革 新興州 鐵鑑關土巡檢清順治十六年土巡檢王先榮歸附授世職康熙四年同王耀祖叛削除

廣南府 廣南府土同知清順治十六年僞賜歸附授同知世職傳至僞毓榮

乾隆三十一年從征普洱緬甸三十七年頒給土同知關防子世昌嘉慶二年從征貴州種苗加銜一等賞戴花翎世襲 富州土知州在府東二百六十五里清順治十六年土知州沈崑瑤歸附仍授世職康熙九年頒給州印後以罪黜傳至沈肇乾隆正八年肇乾復以罪黜

順甯府 雲州 大猛麻土巡檢清順治十六年土巡檢俸新命歸附仍授世職 緬甯廳 猛猛土巡檢明未奔竄失其印信號紙未能請製傳子紫芝清康熙五十四年歸附貢象仍授世職頒給鈐記乾隆二十九年改屬順甯府直隸耿馬宣撫司在永昌府南七百二十里隸孟定府清平演罕因扞歸附仍授宣撫司承襲乾隆二十九年改隸順甯府世襲 孟連宣撫司在順甯府邊外南境舊隸於永昌府清康熙四十八年刁派鼎貢象歸附授宣撫司世職派鼎死子刁派春年幼叔祖刁派烈撫孤有刁派猷謀殺派烈奪印爭職安插省城另給宣撫司鈐記使委傳至刁派新因地處極邊界連外域定爲經制宣撫司頒給印信號紙乾隆二十九年改隸順甯府 猛緬長官司清乾隆十一年

清史稿

土司傳三

六

歸流改其地爲緬甯設流官通判駐其地

曲靖府 平彝縣土縣丞居平彝縣竹園村清順治初土縣丞龍閣歸附仍舊世襲

清史稿

土司傳四

貴州

貴州古羅施鬼國漢夜郎國並牂牁郡地唐亦置播州思州元置八番順元諸軍民宣慰使司以羅摩之明窩翠香最為効忠後則播州之楊永甯之奢水西之安為西南鉅患楊氏滅為遵義平越二府奢氏滅為永甯縣清初黔省安氏猶強經孫可望之亂未頒正朔苗蠻動諸擅兵相攻者蹂躪地方無有甯日順治十五年經略洪承疇定貴州十七年四月馬乃營土目龍吉兆等反雲貴既平各土司俱奉貢賦遵約束龍吉兆收養亡命私造軍器奸民文元胡世昌況榮遠等俱黨附之遙結李定國為聲援糾合鼠場營龍吉佐樓下營龍吉祥敵血盟掠廣西泗城州之土寨安南衛之阿計屯水橋麻衣沖下三阿白屯等處所過劫戮總督趙廷臣巡撫下三元招諭不服乃合疏請討十一月十九日廷臣破果毋寨殺賊數千擒吉兆子吉佐妻殲逆黨文元胡世昌於陣

清史稿

土司傳四

遂乘勝破味呷寨吉兆閉寨拒守官兵圍之十八年二月廷臣令官兵人持一炬縱火焚其寨破之吉兆及逆黨况榮遠等皆伏誅馬乃平九月劉鼎叛康熙二年正月丹平土官莫之廉以隱匿劉鼎伏誅金筑土官王應兆與鼎通總督楊茂勳討平之鼎敗逃水西七月被獲伏誅三年正月逆賊常金印等謀反伏誅金印上元人自稱常遇春之後從粵走黔與水西安坤皮熊等同謀反金印稱蕩虜大將軍湘平伯偽造印敕旗號聚黨陳鳳麟高岑吉士英米應貴等煽誘諸土司為亂為同黨陳大出首俱就擒二月水西宣慰司安坤叛初經略洪承疇至沅師不能進承疇招安坤許以如元阿盡明龍翠故事坤大喜繳印歸誠引大兵由小路進入貴陽演黔底定敘坤功許世襲兼賜袍帽靴服采幣明總兵皮熊合謀蠢蠢思動蹤迹頗露總督楊葆勳曰水西地方沃野千里地廣兵強在滇為咽喉在蜀為門戶若於黔則腹心之憂毒也失今不討養癰必大乃請勦命總管吳三桂督雲貴各領兵分東西兩路討之三月三桂統十鎮兵由畢節七星關入令總兵劉之復駐兵大方遏其衝逸令提督李本深統貴州

清史稿

土司傳四

四鎮兵由大方之六歸河會勦屯糧於三岔河而檄黔省兵書誤書六歸為陸廣於是本深兵及黔蜀二省所運之糧盡屯陸廣二路氣息隔絕不相通三桂受困兩月食將絕外援不至永順總兵劉安邦戰死受圍益迫適水西土目安如鼎遣人偵黔營虛實為本深所獲始知三桂被圍已久乃使為引導整兵入援副將白世彥手斬賊以徇於陣賊遂敗走總兵李如碧亦率精兵入重圍運糧接濟兵合為一敗賊阿作嗣復敗之得初嗣九月又敗之紅崖嗣率其妻祿氏逃於木弄符復逃至烏蒙烏蒙不納坤遣漢把曾經質印投降不許生擒坤於大方之杓箐並擒皮熊安重聖等熊不食十五日而死坤與重聖俱伏誅四年十二月郎岱土司隴安藩反命吳三桂發兵討之藩乃安坤親黨坤滅後招納坤餘孽隴勝等及安重聖妻隴氏殺安順府經歷袁績攻破關嶺直犯永甯隴勝等亦攻犯大定威甯殺畢節經歷秦文五年六月隴安藩伏誅郎岱平二十四年七月黎平賊何新瑞反新瑞本李姓初在靖州為僧後至平茶所犯罪逃至新化乃冒姓何稱故明總督何騰蛟子煽惑苗民作亂黎平官兵擊敗之二十五年二月新瑞伏誅徒土司章有能等以其地入永從縣 廣順州之長寨寨據各苗之腹前總督高其倬誘禽阿近議設管汛以控前後左右各寨雍正四年夏官兵焚其七寨未獲首逆副將劉業凌即退營宗角且言三不可勦鄂爾泰駁以三不可不勦令總兵石禮哈搜討盡殲首從勦繳軍器建參將營分扼險要易服雜髮立保甲稽田戶于是乘威招服黔邊東南西南三面廣順定番鎮甯生苗六百八十寨鎮甯永甯永豐安順生苗千三百九十八寨地方千餘里直抵粵界鎮遠清水江者沅水上游也下通湖廣上達黔粵而生苗據其上游曰九股河曰大小丹江沿岸數百里皆其巢窟古州者有裏有外裏古州距黎平府百八十里即元置古州八萬洞軍民長官司所也地周八十餘里戶四五千口二萬餘都江溶江界其左右合為古州江由此東南西北各二三百里為外古州約周千二三百里戶數千口十餘萬可敵兩三州縣環黔粵萬山間而諸葛營踞其中倚山面川尤據形勢張廣泗守黎平輕騎深入周勦倡議置鎮諸葛營扼吭控制而其外戶為都勻八寨內戶為丹江清江乃于六

年夏先創八寨以通運道分兵進攻大小丹江出奇設伏盡焚負固之難講五寨苗赴軍乞降飲血刻木埋石爲誓九年乘勝沿九股河下抵清水江時九股苗爲漢奸曾文登所煽言改流升科額將歲倍且江深崖險兵不能入及官軍至以農忙伴乞撫廣泗亦伴許之而潛舟宵濟扼其援蘇蘇大有張禹謨突據其巢又敗其夜劫營之賊填濠拔檣冒險深入苗四山號泣縛曾文登以獻于是清水江丹江皆奏設重營以控江路令兵役履苗船百餘赴湖南市鹽布糧貨往返不絕民夷大忭估客雲集古州自昔與樸自清初吳三桂僞將馬寶兵由楚竄滇取道古州諸苗遮獲其大礮重甲火藥山是日強而上下江尤甚上江爲來牛定且下江爲溶峒當廣泗初至苗皆謂官兵不能久依違從撫及聞諸葛營建城堡遂羣起拒命八年秋廣泗督官兵夜半集苗船爲浮橋攻其不備進攻上江之來牛定且禽斬四千獲礮械無算其下江溶峒之深遠大符危峯障日皆伐山通道窮搜窟宅乃徧勘上下江溶灘險置斥堠通餉運其都江清水江之間有丹江橫貫惟隔陸路五十餘里爲之開通于是楚粵商艘直抵

清史稿

土司傳四

三

鎮城外古州大定初世宗以廣泗招撫古州不煩兵力由知府逾年擢至巡撫遣侍讀春山牧可登至軍察之並頒犒師銀十萬兩鄂爾泰約廣西巡撫金鉞赴貴陽會籌邊事乃議黎平府設古州鎮而都勻府之八寨丹江鎮遠府之清水江設協管增兵數千爲古州外衛後復改清江協爲鎮與古州分轄世宗嘉鄂爾泰之勞錫封襲勳伯世襲罔替九年冬入爲武英殿大學士以高其倬代之以元展成巡撫貴州十二年哈元生進新開苗疆圖志以尹繼善督雲貴而復有黔苗之變初苗疆開地二二千里幾當貴州全省之半增營設汛凡腹內郡縣防兵大半移戍新疆又鄂爾泰用兵招撫止及古州清江未及台拱之九股苗有司輒稱台拱願內屬巡撫元展成易視苗疆遠于十年設營駐兵時秋稼未穫苗伴聽版築而刈穫甫畢即傳集上下九股數百寨叛圍大營並扼排略大關之險以阻餉道營中樵汲皆斷死守彌月援至始解提督哈元生入覲回黔十一年春進軍台拱攻賊于番招之蓮花聖破之設戍其上十三年春苗疆吏以徵糧不善遠近各寨蠢起徧傳木刻總兵韓勳破賊古州之王家嶺賊

復聚集清江台拱間番招屯復圍於賊巡撫元展成與哈元生不合倉卒調兵五千盡付副將宋朝相領之赴援半途亦困于賊賊探知內地防兵半成苗疆各城守備空虛于是乘間大入陷凱里陷重安江驛陷黃平州陷岩門司陷清平縣餘慶縣焚掠及鎮遠思州而鎮遠府治無城人心洶懼台拱清江各營汛亦多爲賊誘陷逆氛四起省城戒嚴四月哈元生乃以親兵三百自出督師扼清平之楊老驛六月詔發滇蜀楚粵六省兵會勦特授哈元生揚威將軍湖廣提督董芳副之七月又命刑部尚書張照爲撫定苗疆大臣副都御史德希壽副之時尹繼善已潰雲南兵二千星夜赴援湖粵兵亦繼至生苗見各路援兵漸集各榜掠回巢棄城弗守元生進軍凱里檄各鎮克復諸城又合攻重安江賊以開演師之路生苗既回巢穴則糾衆攻圍新羅各營汛于是台拱清江丹江八寨諸營復同時告急時廣西兵八千已至古州廣東兵餉亦晝夜派流而上湖廣兵先後集鎮遠界元生遣古州鎮韓勳攻燬首逆各巢又分兵三路一由葉貢以通台拱一由八弓援柳羅以通清江一走都勻援八寨而八寨協副

清史稿

土司傳四

四

將馮茂復誘殺降苗六百餘及頭目三十餘冒功于是苗逃歸者播告徒黨詛盟益堅多手刃妻女而後出抗官兵陷青溪縣城而清江之柳羅都勻之丹江自春夏被圍半載糧盡援絕九閱月圍始解張照奉命赴苗疆且令察其利害照至沅州鎮遠則密奏改流非策致書諸將首倡棄地之議且祖董芳專主招撫與哈元生齟齬楚粵官兵皆隸董芳麾下旋議分地分兵施秉以上用滇黔兵隸元生施秉以下用楚粵兵隸董芳于是已進之兵紛紛改調互換而哈元生董芳遂欲將村寨道路盡畫上下界文移辨論致大兵雲集數月曠久無功賊乘間復出焚掠清平黃平施秉間紛紛告警當是時中外畏事者爭咎前此苗疆之不當關目前苗疆之不可守全局幾大變八月召張照德希壽還十月授張廣泗七省經略哈元生以下咸受節制旋速張照董芳哈元生及元展成治罪廣泗奏言張照等所以無功者由分戰兵守兵爲二而合生苗熟苗爲一也兵本少而復分之使單賊本衆而復敵之使合且各路首逆自古州敗退咸聚於上下九股清江丹江高坡諸處皆以一大寨領袖數十百寨雄長號召聲勢倚

角我兵攻一方則各方援應彼衆我寡故賊日張兵日挫爲今日計若不直搗巢穴殲渠魁潰心腹斷不能換其黨羽惟有暫撫熟苗責令繳凶獻械以分生苗之勢而大兵三路同趨生苗逆巢使彼此不能相救則我力專而彼力分以整擊散一舉可滅而後再懲從逆各熟苗以期一勞永逸廣泗乃調全黔兵集鎮遠以通雲貴往來大路以精兵四千餘攻上九股四千餘攻下九股而自統五千餘攻清江下流各寨是冬刻期並舉乾隆元年春復增兵分八路排剿抗拒逆寨遺孽盡竄牛皮大箐箐圍苗巢之中盤亘數百里北丹江南古州西都勻八寨東清江台拱危巖切雲老樾蔽天霧雨冥冥蛇虺所國雖近地苗蠻亦無能悉其幽邃故首逆諸苗咸數伏其中特官兵所萬不能至俟軍退復圍出沒廣泗檄諸軍分扼箐口以坐困之又布奇兵箐外以截通逃如陸獸網魚重重合圍以漸進自四月至五月將士犯瘴癘冒榛莽靡與不搜靡險不別並許其黨自相斬捕除罪由是熟魁罔漏俘餘萬計其飢餓顛隕死崖谷間者不可計數六月復乘兵威搜剿附逆熟苗分首惡次惡脅從三等涉秋徂暑先

清史稿

土司傳四

五

後掃蕩共燬除千有二百二十四寨赦免三百八十有八寨陣斬萬有七千六百有奇俘二萬五千有奇獲銃礮四萬六千五百有奇刀矛弓弩標甲十有四萬八千有奇宥其半俘收其叛產設九衛屯田養兵戍之詔盡給新糧錢糧永不徵收以杜官胥之擾其苗訟仍從苗俗處分不拘律例以廣泗總督貴州兼管巡撫事世襲輕車都尉自是南夷遂不反乾隆五年夏湖南靖州武岡瑤城步橫嶺苗與廣西瑤同叛總督班第使鎮守總兵劉策名以兵五千進剿以五千應援詔廣泗復以欽差大臣節制軍務先後斬馘五千餘俘五千餘于十二月班師鄂爾泰卒于乾隆十年以開闢西南夷功配享太廟後乾隆六十年松桃苗變及咸豐二年教匪變煽及苗疆同治十二年方定然非土司肇事故不錄

貴陽府 中曹長官司在府南十五里明洪武三年以謝石寶爲長官司傳至謝正倫清順治十五年歸附仍准世襲 副司劉氏清雍正七年於土權疊書案內改流官 養龍長官司在府北一百一十里明洪武五年以蔡普爲長官

司傳至蔡瑛清康熙八年歸附准世襲 白納長官司在府南七十里元爲白納縣尋改明初以周可敬爲長官司傳至周爾齡清順治十五年歸附仍准世襲 副官趙啟賢同 虎墜長官司在府東六十里明洪武三年以宋瑤爲長官司傳至宋繼榮清順治十六年歸附仍准世襲 定番州 程番長官司唐末程元龍平定溪洞世守程番元改給安撫司印明洪武四年改授程番長官司傳至程民新清順治十五年歸附仍准世襲 上馬橋長官司在州北二十里自唐末方定遠開疆明洪武四年改授長官司傳至方維新清順治十五年歸附仍准世襲 小程番長官司在州北五里始自唐末程鷲明洪武四年改授小程番長官司傳至程登雲清順治十五年歸附仍准世襲 盧番長官司在州北五里始自唐末盧君聘元置羅番靜海軍安撫司明洪武四年改授盧番長官司傳至盧大用清順治十五年歸附仍准世襲 方番長官司在州南十里始唐末方德明洪武四年改授方番長官司傳至方正綱清順治十五年歸附仍准世襲 章番長官司在州南五里唐章四海守此土明洪武四年改

清史稿

土司傳四

六

授章番長官司傳至章璋清順治十五年歸附仍准世襲 臥龍番長官司在州南十五里唐時龍德壽據此明洪武四年改授臥龍番長官司傳至龍國瑞清順治十五年歸附仍准世襲 小龍番長官司在州東南二十里唐時龍方靈據此明洪武四年改授小龍番長官司傳至龍象賢清順治十五年歸附仍准世襲 金石番長官司在州東二十五里唐時石寶據此明洪武四年改授金石番長官司傳至龍如玉清順治十五年歸附仍准世襲 羅番長官司在州南三十里始自唐時龍應召明洪武四年改授羅番長官司傳至龍從雲清順治十五年歸附仍准世襲 大龍番長官司在州東三十里始於唐時龍昌宗明洪武四年改授大龍番長官司傳至龍登雲清順治十五年歸附仍准世襲 木瓜長官司在州西七十里始於元時石期聖明洪武八年改授木瓜長官司傳至石玉林清順治十五年歸附仍准世襲 副官始於元時顧德明洪武八年改授木瓜副長官傳至顧大維清順治十五年歸附仍准世襲 麻窩長官司在州西七十五里明洪武十年以得玉思爲麻窩長官司傳至得志清

順治十五年歸附仍准世襲 開州 乖西長官司在州東六十里始於唐時
楊立信明洪武四年改授乖西長官司傳至楊瑜清順治十五年歸附仍准世
襲 副官始於唐時劉起昌傳至劉國柱清順治十五年歸附仍准世襲 龍
里縣 大谷龍長官司在縣西北始於元時宋國明洪武十三年授大谷龍長
官司傳至宋之尹清順治十五年歸附仍准世襲 小谷龍長官司在縣東北
元時宋幕授小谷龍安撫司明嘉靖十一年改授長官司傳至宋景運清順治
十五年歸附仍准世襲 貴定縣 平伐長官司在縣南唐時李保郎以征南
功授安撫司明洪武十五年改授平伐長官司傳至李世慶清順治十五年歸
附仍准世襲 大平伐長官司在縣南三十里後漢昭烈時宋隆豆征南有功
世守茲土明洪武四年改授宋臣為大平伐長官司傳至宋世昌清順治十五
年歸附仍准世襲 小平伐長官司在縣南三十里唐時宋忠宣以功授招討
司明洪武四年改授小平伐長官司傳至宋天培清順治十五年歸附仍准世
襲 新添長官司在縣東北唐時宋景陽據此明洪武四年改授新添長官司

清史稿

土司傳四

七

屬新添衛傳至宋鴻基清順治十五年歸附仍准世襲康熙十年改隸貴定縣
羊場長官司在縣東北明洪武三十二年以郭九齡為羊場長官司傳至郭
天章清順治十五年歸附仍准世襲 修文縣 底寨長官司唐時蔡興隆調
征黑羊授護國將軍留守茲土明洪武四年改授底寨長官司傳至蔡啓理清
順治十五年歸附仍准世襲 副長官始自唐時梅天祿明洪武四年准世襲
傳至梅朝勝清順治十五年歸附仍准世襲
安順府 普定縣 西堡副長官明洪武十二年溫伯壽以平苗功授西堡副
長官傳至溫捷桂清順治十五年歸附仍准世襲 鎮甯州 康佐副長官明
永樂六年于成以功授康佐副長官傳至于應鵬清順治十五年歸附仍准世
襲 永甯州 頂營長官司在州南一百里明洪武十六年羅錄以功授頂營
長官司傳至羅洪勳清順治十五年歸附仍准世襲 募役長官司在州西一
百七十里明洪武十九年阿辭以功授募役長官司傳至阿更永樂元年賜姓
禮更名山傳至阿廷試清順治十五年歸附仍准世襲 沙營長官司明洪武

十四年沙先以功授沙營長官司傳至沙裕先清順治十五年歸附仍准世襲
盤江土巡檢明洪武八年李富以功授盤江巡檢傳至李桂芳清順治十五
年歸附仍准世襲 平越州 楊義長官司在州東八十里始於唐時金密定
明洪武二十一年改授楊義長官司傳至金榜清順治十五年歸附仍准世襲
黃平州 岩門長官司在州東北明成化六年何清以征苗有功授凱里安
撫司左副長官萬歷四十二年改屬黃平州傳至何仕洪清順治十五年歸附
改授巖門長官司世襲 重安司土吏目在州西三十里明洪武八年以張佛
寶馮鐸為正副長官司萬歷二十七年改土吏目傳至張威鎮清順治十五年
歸附仍准世襲 豐安縣 草塘司土縣丞明洪武二十五年以宋邦佐為草
塘安撫司傳至世甯萬歷二十九年改授土縣丞宋運鴻清順治十五年歸附
仍准世襲 雙水司土縣丞在縣西北明洪武十七年以猶恭為安撫司萬歷
中改授土縣丞傳至猶登第清順治十五年歸附仍准世襲 餘慶縣 土縣
丞唐毛巴有功授餘慶土知府明洪武二年改長官司萬歷二十九年改為土
縣丞傳至毛鵬程清順治十五年歸附仍准世襲 土主簿元楊正寶有功授
白泥司副長官明萬歷二十四年改為土主簿傳至楊瓊清順治十五年歸附
仍准世襲

清史稿

土司傳四

八

都勻府 都勻長官司在府南七里明洪武十六年以吳賴為都勻長官司傳
至吳玉清順治十五年歸附仍准世襲 副長官王應祖同 邦水長官司在
府西二十里明永樂六年以吳珊為邦水長官司傳至吳昌祚清順治十五年
歸附仍准世襲 麻哈州 樂平長官司在州北四十里明洪武年間授宋仁
德為樂平司正長官傳至宋治政清順治十五年歸附仍准世襲 平定長官
司在州北一百里明洪武十年授吳忠平定長官司傳至吳士爵清順治十五
年歸附仍准世襲 獨山州 土同知明洪武十六年以蒙聞為九姓獨山長
官司以境有九姓蠻為名弘治八年改土同知傳至蒙一龍清順治十五年歸
附仍准世襲 豐甯上長官司在州南一百二十里明洪武二十三年以楊萬
八為豐甯上長官司傳至楊懋功清順治十五年歸附仍准世襲 豐甯下長

官司在州東南二百四十里明洪武二十三年以楊萬全為豐甯下長官司傳
至楊威遠清順治十五年歸附仍准世襲 爛土長官司在州東一百十里明
洪武二十四年以張鈞為爛土長官司傳至張威遠清順治十五年歸附仍准
世襲 凱里司楊氏清康熙四十五年以土酋大惡案內改土歸流入清平縣
鎮遠府 土同知宋時何永壽以功授高丹峒正長官司明洪武三年授何濟
承為鎮遠州土同知傳至何大昆清順治十五年歸附仍准世襲 土通判宋
時楊從禮明正統四年改授楊瑄鎮遠州土通判傳至楊龍圖清順治十五年
歸附仍准世襲 土推官宋時楊載華明正統十一年改授楊忠鎮遠州土推
官傳至楊秀璋清順治十五年歸附仍准世襲 偏橋長官司在府城西六十
里宋時安崇誠明洪武三年改授安德可為偏橋長官司傳至安顯祖清順治
十五年歸附仍准世襲 左副長官楊通聖 右副長官楊毓秀均同 鎮遠
縣 印水長官司在縣東八十里明洪武元年授楊昌盛為印水長官司傳至
楊勝梅清順治十六年歸附仍准世襲 副官袁洪遠同

清史稿

土司傳四

九

思南府 隨府辦事長官司宋時田二鳳明洪武五年改思南宣慰司永樂十
一年改授隨府辦事長官司傳至田仁溥清順治十七年歸附仍准世襲 蠻
夷長官司在府城西宋時安仲用明洪武二十九年改授蠻夷長官司傳至安
于馨清順治十七年歸附仍准世襲 副長官李際明清順治十七年歸附仍
准世襲雍正八年李慧緣事革職 沿河祐溪長官司在府北一百二十里元時
張仲武以功授長官司傳至張承祿清順治十五年歸附仍准世襲 副長官
冉鼎臣同 朗溪長官司在府東八十里元時田毅明洪武元年授朗溪長官
司傳至田養民清順治十五年歸附仍准世襲 副長官任進道同 安化縣
土縣丞元時張坤元明萬曆二十三年改授土縣丞傳至張試清順治十八
年歸附仍准世襲 土巡檢明洪武七年以陸公閱為土巡檢傳至陸陽春清
順治十五年歸附仍准世襲土百戶久改流 印江縣 土縣丞元時張恢留
此明嘉靖七年改授土縣丞傳至張應璧清順治十五年歸附仍准世襲 婺
川縣土百戶改流

石阡府 石阡正長官司清雍正八年改土歸流 副長官在府城西北元時
楊九龍以功授石阡副長官明洪武五年仍之傳至楊敬勝清順治十五年歸
附亦准世襲 苗民長官司在府城西北明洪武十年立清康熙四十二年改
土歸流
思州府 都坪長官司在府城內元何清授定雲路總管明洪武七年改授都
坪長官司傳至何學政清順治十五年歸附仍准世襲 副長官周如同 都
素長官司在府西九十里明永樂十一年置長官司於馬口寨傳至何起圖清
順治十五年歸附仍准世襲 副長官周之龍同 黃道長官司在府東北一
百二十里明洪武五年以黃文聽為長官司傳至黃金印清順治十五年歸附
仍准世襲 副長官黃士元同 施溪長官司在府北一百四十里明洪武五
年以劉貴為施溪長官司傳至劉師光清順治十五年歸附仍准世襲
銅仁府 省溪長官司在府西一百里明洪武五年以楊政為省溪長官司傳
至楊秀銘清順治十五年歸附仍准世襲 副長官戴子美同 提溪長官司

清史稿

土司傳四

十

在府西一百四十里明洪武五年以楊秀繁為提溪長官司傳至楊通正清順
治十五年歸附仍准世襲 副長官張體泰同 烏羅長官司在府西二百里
始自唐時楊通孫明洪武五年改授烏羅長官司傳至楊洪基清順治十五年
歸附仍准世襲 副長官冉天奇同 平頭長官司在府北一百二十里明洪
武二十九年改授楊正德為平頭長官司傳至楊昌續清順治十五年歸附仍
准世襲 副長官田茂功同
黎平府 潭溪長官司在府西南三十里明洪武四年以石平禾為潭溪長官
司傳至石玉柱清順治十五年歸附仍准世襲 副長官石巖同 八舟長官
司在府北八十里漢吳昌祚以功授八舟長官司明洪武四年仍令吳氏世襲
傳至吳遇主清順治十五年歸附亦准世襲 龍里長官司在府西北九十里
明洪武四年以楊光福為龍里長官司傳至楊勝梯清順治十五年歸附仍准
世襲 中林長官司在府西北一百里明洪武五年以楊盛賢為中林長官司
傳至楊應詔清順治十五年歸附仍准世襲 古州長官司在府西北八十里

元置古州八萬洞長官司屬思州宣撫司明洪武五年以楊秀茂為古州長官司永樂十年屬府傳至楊雲龍清順治十五年歸附仍准襲職 新化長官司在府北六十里元時歐陽明萬以功授軍民長官司明洪武五年仍襲前職傳至歐陽瑾清順治十五年歸附仍准世襲 歐陽長官司在府北九十里明洪武四年以陽都統為歐陽長官司傳至陽連洪清順治十五年歸附仍准世襲 副長官吳登科同 亮寨長官司在府北一百里元置明洪武四年以龍政忠為本司長官司傳至龍文炳清順治十五年歸附仍准襲職 湖耳長官司在府東北一百二十里明洪武四年以楊再祿為本司長官司傳至楊通乾清順治十五年歸附仍准襲職 副長官楊大勳同 洪州長官司在府東一百五十里元置洪州泊里等洞軍民長官司明洪武五年以李氏為洪州長官司傳至李照清順治十五年歸附仍准襲職 副長官林起鵬同 分管三郎司在府南三十里楊世勳襲清康熙二十三年改土歸流 赤谿洞司在府東北二百六十里楊鳴鸞襲清康熙二十三年改土歸流

清史稿

土司傳四

十一

水西宣慰司康熙三年吳三桂滅安坤改設四府二十一年十二月諭大學士曰吳三桂未叛時征討水西曾滅土司安坤其妻祿氏奔於烏蒙後生子安世宗朕觀平越黔西威甯大定四府原屬苗蠻以土司專轄方為至便大兵進取雲南祿氏曾前接濟著有勤勞仍復設宣慰使令世宗承襲四十年總督王繼文以土司安世宗為吏民之害仍請停襲地方歸流官管轄

清史稿

土司傳五

廣西

廣西為西南邊地秦桂林郡漢始安唐桂管宋靜江府元靜江路明建廣西省 瑤種多于漢人十倍盤萬山之中踞三江之險明時因元之舊多設土司以資 鎮壓叛服不常韓雍之定藤峽王守仁之撫田州沈希儀俞大猷之戰功殷正 茂翁萬達之成績僅得勘定清朝廣西莠民四起土司獨安靖無事鄂爾泰經 略三省革泗城土府岑映宸職割江北地隸貴州雍正六年八月首討思陵州 之八達寨扼其餉道屯兵二百里外量天礮所能及漸蠶進逼賊窟急斬土目 顏光色兄弟以獻尚閉寨不出遂為官兵所燬八年復徵討思明土府所屬之 鄧橫寨三路進攻一鼓而克於是遠近土目爭繳軍器二萬餘巡邊所至迎扈 千里三省邊防皆定

清史稿

土司傳五

一

州宋升慶遠軍節度成道初改慶遠府元為慶遠路明仍改慶遠府清因之 東蘭土州在府西南宋置蘭州以韋氏世襲元改東蘭州明因之傳至韋光祚 清順治初歸附予舊職雍正七年改設流官知州 忻城土縣在府南宋慶祿 間隸宜州元以莫保為八仙屯千戶明洪武初設流官後仍任土官以莫氏世 襲傳至莫猛清順治九年歸附仍准襲職 南丹土州在府西北宋開寶初土 官莫洪普內附元豐二年置州管轄諸蠻明洪武初莫金納土金叛被誅以金 子祿襲傳至莫自乾清順治九年歸附仍准襲職 那地土州在府西宋熙甯 初土人羅世念來降崇甯間遂置地那二州以羅氏世知地州元仍之明洪武 元年土官羅黃貌附詔并那地為一州予印授黃貌世襲以流官吏目佐之傳 至羅德壽清順治九年歸附仍准世襲 永順正土司在府西南明設土司弘 治間以鄧文茂為之傳至鄧世廣清順治九年歸附仍准世襲 副土司彭希 聖同 永定土司在府西南明成化十二年設土司以韋萬秀為之傳至章盛 春清順治九年歸附仍准世襲

思恩府古百粵漢屬交趾唐天寶元年改為橫山郡元置田州路軍民總管府
 明正統五年升為思恩府弘治末改流官清因之 上林土縣在府西南二百
 七里宋置隸橫山寨元屬田州明洪武二年以黃嵩為土知縣仍屬田州嘉靖
 初改隸思恩軍民府佐以流官典史傳至黃國安清初歸附仍襲舊職 白山
 土司在府東北宋皇祐間隨狄青有功世襲土舍明嘉靖七年以王受明為白
 山土巡檢傳至王如繪清初歸附仍襲舊職 興隆土司在府東北八十里明
 嘉靖七年以章貴為土巡檢傳至章萬安清順治十七年歸附仍准世襲 那
 馬土司在府西北九十里明嘉靖七年以黃理為土巡檢傳至黃天倫清初歸
 附仍准世襲 定羅土司在府西一百四十里明嘉靖七年以徐伍為土巡檢
 傳至徐朝佐清初歸附仍准世襲 舊城土司在府西北一百二十里明嘉靖
 七年以黃集為土巡檢傳至黃世勳清初歸附仍准世襲 下旺土司在府西
 二百十里明嘉靖七年以章良保為土巡檢傳至章際絃清初歸附仍准世襲
 安定土司在府北明嘉靖七年以潘良為土巡檢傳至潘應璧清初歸附仍

清史稿

土司傳五

二

准世襲 都陽土司在府西北六百里明嘉靖七年以黃留為土巡檢傳至黃
 宏會清初歸附仍准世襲 古零土司在府東明嘉靖七年以覃益為土巡檢
 子文顯征大藤峽有功加千總傳至覃恩錫清初歸附仍准世襲 田州土州
 在府西四百五十里唐天寶元年橫山郡乾元元年改為田州宋屬橫山寨元
 置田州路軍民總管府明改田州府尋復為州嘉靖九年以岑芝主田州傳至
 岑漢貴清順治初歸附仍准世襲近改百色直隸廳置流官 歸順州舊為峒
 元隸鎮安路明因之弘治年間升為州以岑瑛為知州世襲改隸思恩府傳至
 岑繼綱清順治初歸附仍予舊職雍正七年改隸鎮安府八年巡撫金鉷以土
 司岑佐不法狀題參革職改流
 泗城府古百粵地宋置泗城州元屬田州路明隸思恩府洪武初以岑善忠為
 知府世襲傳至岑繼祿清順治十五年歸附隨征演黔有功改為泗城軍民府
 繼祿死子齊岱襲齊岱傳子映宸雍正五年映宸以罪參革改設流官 下雷
 州元屬鎮安路明初降為峒萬歷三十二年許應珪以軍功復職傳至許文明

清順治初歸附仍襲舊職 向武州宋置隸橫山寨元隸田州路明初以黃世
 威為知州傳至黃嘉正清順治初歸附仍襲舊職 都康州宋置隸橫山寨元
 屬田州路明隸思恩府以馮斌為知州傳至馮太乙清順治九年歸附仍襲舊
 職

南甯府唐邕州也元邕州路泰定中改南甯路明置南甯衛後改府清因之
 果化土州宋置元屬田州路明洪武二年授土官趙榮為知州弘治中改隸南
 甯傳至趙國鼎清初率眾歸附仍襲舊職 歸德土州在府西其先黃氏宋征
 交趾有功建歸德州明洪武二年以黃陸城為知州傳至黃道清初歸附仍襲
 世職 忠州土州在府西南一百九十里宋置明洪武二年以黃威慶為土知
 州傳至黃光聖清順治初歸附仍予世職 遷隆峒在府西南二百四十里明
 洪武元年以黃威益為土官以失印廢為峒降巡檢傳至黃元吉清初歸附仍
 予世職

清史稿

土司傳五

三

太平府漢屬交趾唐為羅摩州宋平嶺南置五寨一曰太平領州縣元置太平
 路明洪武二年改為太平府清因之 太平州在府西北明洪武二年以李以
 忠為知州傳至李開錦清順治十六年歸附仍予世職 鎮遠州在府東北舊
 名古隴宋置州元隸太平路明亦屬太平路明初以趙昂升為知州傳至趙秉
 義清順治十六年歸附仍予世職 茗盈州在府北宋置元屬太平路明初以
 李鐵釘為知州傳至李應芳清順治十六年歸附仍予世職 安平州舊名安
 山在府西北唐置波州宋設安平州元隸太平路明洪武初以李郭祐為知州
 使守交趾各隘傳至李長亨清順治十六年歸附仍准世襲 萬承州在府東
 北舊名萬陽唐置萬承萬形二州宋省萬形隸太平寨元屬太平路明洪武初
 以許郭安為知州傳至許嘉鎮清順治十六年歸附仍予世職 全茗州在府
 北舊名連岡宋置隸邕州元屬太平路明洪武初以許添慶為知州給印傳至
 許家麟清順治十六年歸附仍予世職 結安州在府東北舊名營周宋置結
 安嗣元改州屬太平路明洪武元年以張仕榮為知州傳至張邦興清順治十
 六年歸附仍予世職 龍英州在府北舊名英山宋為嗣元改州屬太平路明

洪武二十二年以趙世賢爲知州給印傳至趙蔭昌爲族人繼祖所殺清順治十六年歸附誅繼祖蔭昌無子以邦顯子廷耀襲 信倫州在府東北舊名邦兜宋置安峒隸太平寨元改州屬太平路明洪武二年以馮萬傑爲知州傳至馮嘉猷清順治十六年歸附仍予世襲 都結州在府東北元屬太平路明洪武三年以農武高爲知州傳至農廷封清順治十六年歸附仍予世襲 上下凍州在府西宋置凍州元分凍州爲上凍下凍二州明隸太平府洪武元年以趙帖從爲知州傳至趙長亨清順治十六年歸附仍予世襲 恩城州在府西北唐置宋分上下恩城二州元屬太平路至正間并爲一明洪武元年以趙雄傑爲知州傳至趙貴炫清順治十六年歸附仍予世襲 羅陽土縣在府東舊名福利宋置隸遷隆慶元屬太平路明初以黃宣爲知縣傳至黃啟祥清順治十六年歸附仍予世襲 思陵州宋置州隸永平寨元屬思明路明初省入思明府後復建仍隸太平府洪武二十一年以韋延壽爲知州傳至韋懋選清順治十六年歸附仍予世襲 思明州唐置屬邕州宋隸太平寨元

清史稿

土司傳五

四

改思明路明爲府洪武元年以黃忽都爲知府傳至黃戴乾清順治十六年歸附仍予舊職黃觀珠襲以安馬洞等五十村改流隸甯明降府爲州移治伯江哨雍正十年五十村目怨觀珠殺觀珠襲人欲因以謀不靖太平知府屠嘉正新太協副將崔善元安定之觀珠以罪參革改流又思明州與思明府本兩地土官亦黃姓於康熙五十八年改流 下石西州在府西二百十里宋閉鴻爲知州明初仍給世襲傳至閉承恩清初歸附仍襲舊職 上石西州明崇禎間併入本府清雍正十二年改隸明江同知 上龍司漢屬交趾唐置龍州宋隸邕州元大德中改爲萬戶府明初屬太平洪武八年改直隸州尋改隸太平以土官趙帖堅襲知州以流官吏目佐之其後事具明史傳至趙有涇爲庶兄有濤所殺涇子國梁怒父冤有濤逃入交趾清平廣西更名趙祿奇自交趾逃回歸附仍予舊職死傳子廷楠時國梁父冤既白應襲而廷楠拒之國梁復出奔適雲南煽動遂率賊兵破州城殺廷楠未幾撲滅而廷楠無子乃以庶支趙元基孫國桓襲傳子殿紅雍正三年以貪殘參革析其地爲上龍司下龍司改

設兩巡檢以趙陞爲上龍司巡檢趙埔爲下龍司巡檢七年趙埔以貪劣爲巡撫金鉉題參以地歸太平通判兼攝後改龍州廳 憑祥州宋爲憑祥峒屬永平寨元隸思明路明洪武初李昇內附置憑祥鎮永樂二年置縣成化八年升州以昇孫李廣密爲知州時又屬安南仍歸明屬太平府傳至李維藩清順治十六年歸附仍予世襲 江州宋置屬古萬寨元隸思明路明因之洪武初以黃威慶爲知州傳至黃廷傑清順治十六年歸附仍襲舊職 鎮安府在省西宋時於鎮安峒建右江軍民宣撫司元改鎮安路明洪武元年改府授土官岑天保爲知府清順治間土官故絕沈文崇叛據其地十八年發兵撲滅之康熙二年改置流官通判雍正十年改知府 都康州宋置隸橫山寨元屬田州路明洪武三十二年復置州永樂初以馮斌爲知州隸恩府傳至馮太一清順治九年歸附襲舊職雍正七年鎮安設府改隸鎮安 上峒州宋置州明初廢爲峒以許尙爵襲傳至許國泰清順治初歸附仍予舊職 湖潤寨宋時置州明初廢州爲寨降巡檢司傳至宗熙清順治九年歸附仍給巡

清史稿

土司傳五

五

檢司印世襲

清史稿

土司傳六

甘肅

甘肅明時屬於陝西番諸衛河州洮州岷州番族土官明史歸西域傳不入土司傳實則指揮同知宣慰司土千戶土百戶皆予世襲均土司也清改甘肅為省各土司仍其舊有捍衛之勞無悖叛之事楊應璠曰按西甯土司計十六家皆自明洪武時授以世職安置於西碾二屬是時地廣人稀城池左近水地給民樹藝邊遠旱地賜各土司各領所部耕牧內惟土司陳子明係南人元淮南右丞歸附餘俱係蒙古及西域纏頭或以元時舊職投誠或率領所部歸命李氏祁氏治氏皆膺顯爵而建忠勳迨至我朝俱就招撫孟總督喬芳請仍錫以原職世襲今以百年輸糧供役與民無異惟是生息蕃庶所分田土多鬻民間與民錯雜而居聯姻而社並有不習土語者故土官易制絕不類蜀黔諸土司桀驁難馴也今甯郡外亦有土弁合紀其始末為一卷

清史稿

土司傳六

狄道州 脫鐵木兒蒙古人明初授陝西平章宣慰使司都元帥隨大將軍徐達招撫十八族鐵城岷山等處賜姓趙更名安授臨洮衛土官指揮同知正統十年卒子英襲傳至趙師範清順治二年底定隴右師範率子樞勳歸附仍令管理臨洮衛指揮使土司事務同治元年河回猖亂趙壇領土兵防守州城二年壇赴洮州卓泥調撥鐵布番兵適州城失守敕書號紙均燬四年回匪圍鞏昌壇赴陝甘大營請援行至董家堡遇害以兄子元銘為繼光緒二十年襲職領兵部號紙二十一年河回復叛渡河攻城元銘率土兵五百由抹邦河進剿至城南川適統領威定軍何建威拔狄道亦至遂會軍抵河州何以元銘勇委帶威定前營駐城南黃家灘於邊家灣三家集羅神廟等處屢捷解河州圍加二品銜勇號趙氏世居檜柏莊

河州 何貞南河州人元授陝西平章宣慰使司都元帥明初投誠賜姓何授河州衛土官指揮傳至何永吉清順治二年歸附五年回變其子揚威帶兵有功請給號紙世襲至乾隆年趙武襲撤回叛亂武同子大臣在老鴉南岔等關

防禦四十九年石峰堡之變父子防禦盡職嘉慶四年教匪由川入甘時武忠病委于大臣在南界景古城賭歌灘防堵同治二年武元孫何柄繼兵火倏起守城有勞復獲渠魁李法正賞戴花翎光緒四年襲職 韓哈麻元明時授河州衛土司清初歸附乾隆十四年河州發給土千戶委牌子寔襲四十六年撤回猖獗統兵固守旋因修蓋佛寺違禁斥革繼鹽茶回變防禦有功總督福康安給土司外委劉付寔曾孫鈞同治初與賊接仗陣亡子廷俊同治十年禦賊八峴山口身先士卒刀石弗避左宗棠賞給養傷銀兩又有韓完卜者世襲指揮使清初歸附其後韓千貫以劊印遺失授為外委土司雍正間韓世公因逆夷跳梁把隘無失仍授指揮使卒子成璘襲乾隆四十六年陣亡咸豐十一年韓廷佐襲韓氏世居韓家集

清史稿

土司傳六

岷州 馬紀自云伏波將軍後裔元至正間因防守哈達川九族授指揮使職家岷州衛子珍明洪武間以功授世襲土官百戶清順治二年馬國棟歸附授原職馬氏世居宕昌城 后成明鎮守指揮能之子景泰間守禦洮州成子璋成化間征烏斯藏有功授世襲土官百戶清初后承慶內附為外委百戶康熙三十年劄委任事乾隆九年永慶孫發發始實授土百戶后氏世居積都溝趙黨只管下岷州衛人明洪武間授世襲土官百戶清初趙應臣內附為外委土官康熙二十一年授其子之鼎原職趙氏世居麻童里 以上三土司所轄雖號土民與漢民無殊錢糧命盜重案俱歸州治土司不過尋常詞訟而已 后祥古子岷州衛人明洪武二十八年以功授世襲土官百戶清順治間后希魁歸附授外委百戶希魁曾孫榮昌實授土百戶光緒初后振興改襲土把總后氏世居閭井東 綽思覺革那族生番也明宣德間授土官副千戶傳至宏基順治十六年歸附因事革配康熙十四年其堂弟宏元於吳逆之變恢復洮岷有功靖逆侯張勇題敘仍授世襲副千戶二十九年宏元子廷賢雍正初與黃番煽亂改土歸流

洮州廳 夢的洮州衛卓泥族番人明永樂二年率疊番達拉等族投誠十六年授土官指揮僉事正德間玄孫旺秀調京引見賜姓名楊洪傳至楊朝傑於

順治十八年歸附仍給管理土務為外委土司康熙十四年吳三桂亂助饒授拜他喇布勒哈番准襲二次二十年朝標子威襲四十五年威子汝松襲汝松子冲霄仍襲指揮僉事五十一年黑番為亂助剿有功前山十八族後山十九族黑番俱給令管轄曾孫宗業襲職撤拉回襲以功賞三品頂戴花翎四十九年鹽茶回變兩剿石峰堡賞大緞二疋嘉慶十九年宗業弟宗基襲兼攝禪定寺僧綱宗基子元道光二十四年襲同治中奉總督左宗棠檄剿循屬撤匪收復洮州新舊二城歷獎至頭品頂戴志勇巴圖魯光緒六年子作霖襲職亦以軍功得頭品頂戴領兵部號紙兼攝護國禪師日益誇大小弱者割地以鬻遂并有衆土司地作霖曾孫積慶光緒二十八年襲楊氏世居卓泥堡地最大南至階文西至四川松潘界土司中最強者自以為楊業之裔明正德賜姓之事則已茫如矣 晉南秀節洮州衛底古族西番頭目明洪武十一年率部落投誠十二年督修洮州邊濠城池十九年隨指揮馬煜征疊州以功授本衛世襲中千戶所百戶子卜爾結於洪武二十年襲二十五年同指揮李凱等招撫

清史稿

土司傳六

三

番夷等認納茶馬永樂三年賜姓晉宣德五年以護送侯顯功陞本衛實授百戶傳至晉承福清順治十年歸附奉洮州衛軍民指揮使司割付晉天錫於光緒二十年承襲晉氏居賈卜族 永魯箭刺肖洮州衛著遜族番人明永樂間以功授土官百戶傳至永子新清順治間歸附襲職永隆於光緒二十五年承襲永氏居著遜隘口

西甯縣 祁貢哥星吉元裔初封金紫萬戶侯世守西土洪武元年歸附五年招撫西番授副千戶以追剿西番亦林兵陣亡子鎖南襲水樂十年從西甯侯宋琥追捕番酋老的罕等於討來川子正千戶傳至祁廷諫襲職崇禎十六年闖寇賀錦撥西甯廷諫率子興周與戰斬錦已而賊黨愈熾並被俘送西安清順治二年英親王阿濟格至西安破走逆闖得廷諫賞衣帽鞍馬綵緞銀兩令回西甯安撫番族仍授本衛指揮使世襲十年病休興周先以戰功授大靖營參將至是襲職會吳逆叛與周子荆璞隨總兵王進寶克復蘭州臨鞏諸城同治元年撤回復亂祁敘古防堵有功十一年為土番拉莫丹所控革職母李

氏代理指揮使印光緒十五年以巡防功復職祁氏世居寄彥才溝 陳義江蘇山陽人父子明元淮安右丞至正二十三年明常遇春兵至淮南率衆投誠洪武七年隨李文忠北伐有功授隨征指揮僉事十六年從征陣亡義襲父職調任燕山右護衛靖難兵起從燕王轉戰陞山西潞州衛指揮使同知永樂元年隨新城侯張輔征甘涼旋扈成祖征木雅失里逐北至紅山口遷指揮使又從耿炳文駐防甘肅授西甯衛世襲指揮使崇禎初陳師堯隨洪承疇守松山陣亡清順治二年陝西總督孟喬芳收甘肅師堯弟師文歸附五年甘州回米刺印丁國棟反隨鎮羌參將魯典戰賊烏稍嶺仍襲西甯衛指揮使同治元年撤回作亂總督沈兆霖率師進剿撤陳興恩守虜思觀光緒四年子迎春襲陳氏世居陳家臺 李文西番人父賞哥元都督指揮同知明洪武初投誠傳至李洪遠襲指揮同知職崇禎十六年李自成黨陷甘州獨西甯不下賊將辛恩貴攻破之洪遠與其妻祁氏暨家丁一百二十人死於難清順治七年洪遠子珍品歸附仍與原官咸豐八年李爾昌襲同治元年撤拉回作亂隨大軍進剿賞

清史稿

土司傳六

四

藍翎李氏世居乞塔城 納沙密西番人明洪武四年投誠授總旗清順治二年納元標歸附仍襲指揮僉事同治元年總督沈兆霖督軍進討撤回納朝珍奉檄守南川什張加光緒四年朝珍子延年襲納氏世居納家莊 南木哥姓汪氏西甯州土人明洪武四年投誠累除金吾左衛中衛所副千戶加指揮僉事傳至汪陞龍清順治二年歸附仍襲指揮僉事同治元年撤回反南進善隨大軍前赴巴燕戎格所屬曲林莊防剿二年西甯逆回悉叛奉檄守府城十一年回亂平招集流亡土民復業光緒十九年子祖述襲汪氏世居海子溝 吉保西番人洪武四年投誠授百戶二十三年調錦衣衛前所鎮撫子朵爾只襲清順治二年吉天錫歸附十二年仍襲指揮僉事吉氏世居札迭溝

循化廳 韓寶元撤拉爾回人明洪武三年投誠授世襲昭信校尉管軍百戶職銜傳至韓愈昌清康熙間歸附蒙靖甯將軍張劄委都司職銜子炳撫番有功於雍正間奉兵部號紙襲土千戶管西鄉上四工韓姓撤拉 韓沙班明時撫番有功授世襲撤拉族土百戶清順治間歸附管東鄉下四工馬姓撤拉札

藏土百戶王國柱清順治二年歸附授原職管番民時防戍小土司也
大通縣 曹通溫布大通川人乾隆元年以功補大通川土千戶世襲每年應
納貢馬二十四匹共折銀一百七十三兩後因回亂番民逃亡總督左宗棠咨
部暫以半價交納由大通縣管理

碾伯縣 桑爾只失結蒙古人元甘肅行省右丞洪武四年投誠六年授西甯
衛指揮僉事子端竹襲旋調守西甯衛建文元年從南軍征北平陣亡子祁震
襲始以祁為氏祁秉忠明史有傳秉忠廷國屏護都指揮同知崇禎十六年流
寇蹂西甯力抗之清順治二年歸附五年甘州回陷甘涼肅諸州國屏隨總督
孟喬芳進剿復甘州九年授西甯衛世襲指揮同知子伯多襲吳三桂反平涼
提督王輔臣叛應之逆黨陷鞏昌臨洮蘭州伯多統各土司隨西甯鎮總兵王
進寶東征平蘭州累官至參與使聖祖親征噶爾丹仲多扈從擢署溫州鎮總
兵回籍以原官署理指揮同知印務雍正元年青海曾維卜藏丹津叛大將軍
年羹堯檄祁在塔守大峽口撤拉陷河州塔姪調元率土兵守碾伯城鹽茶回

清史稿

土司傳六

五

田五作亂調元守魯班峽同治元年撤回作亂調元曾孫承誥協同防禦以勞
疾卒承誥妻劉氏護理印務光緒十一年子貴玉襲祁氏世居勝番溝 李南
哥西番人自云李克用裔元西甯州同知明洪武初投誠授指揮僉事世襲招
撫流散收捕黑章等處番賊永樂五年卒子英襲獲番酋老的罕進都指揮
僉事二十二年中官鄧成等使西域道安定曲先遇賊見殺掠所齎金幣仁宗
初立諭赤斤罕東及安定曲先詰賊主名而勅英與指揮康壽等進討英言知
安定指揮哈三孫散哥曲先指揮散即思實殺使者遂率兵西入賊驚走追擊
踰崑崙山深入數百里至雅令閣與安定賊遇大敗之俘斬千一百餘人獲馬
牛雜畜十四萬曲先賊聞風遠遁安定王桑爾加失夾等懼詣闕謝罪宣宗嘉
英功遣使褒諭宴勞之令馳驛入朝既至擢右府左都督宣德二年封會甯伯
祿千一百石並贈南哥子爵英恃功驕所為多不法甯夏總兵史昭奏英有異
志英上章辯賜勅慰諭之英家西甯招通逃七百餘戶置莊墾田豪奪人產復
為兵部及言官所劾追逃者入官傳至李天俞聞寇餘黨蹂躪中夭俞被執送

西安其家殉難者三百餘人清順治二年英親王阿濟格至關中流寇潰散天
俞謁王王賜衣冠鞍馬銀兩彩緞令回西甯招撫番族五年甘州回米刺印反
十年授西甯衛指揮同知世襲吳三桂黨陷蘭州總兵王進寶檄其子澍從征
澍與弟洽預調水夫五百餘名各造木筏五十餘隻由新城河口背濟官軍並
率土兵千餘騎繼進遂復蘭州臨鞏諸城擢遊擊傳至李長年光緒四年襲職
李氏世居上川口 趙榮爾岷州人元招藏萬戶明洪武三年投誠傳至趙瑜
清順治二年歸附十八年仍襲指揮同知同治初撤回不靖總督沈兆霖進剿
檄趙永齡率土兵隨官軍搜剿山後巴燕戎格等處逆黨光緒七年永齡襲職
趙氏世居趙家灣 失刺蒙古人元甘肅省郎中明洪武初投誠選充小旗子
阿吉襲小旗始以阿為氏扈成祖北征阿魯魯戰魁列兒河有功遷總旗傳至
阿鎮清順治二年歸附依舊世襲同治四年逆回陷老鴉堡阿文選率土兵禦
賊於隘眾寡不敵死之部下燔焉光緒九年文選子保衡襲二十年保衡子成
棟襲阿氏世居老鴉白崖子 帖木錄西甯衛土人元百戶洪武四年投誠授

清史稿

土司傳六

六

原職子大都從都督宋晟討西番叛賊獲捷遷千戶永樂七年卒子甘肅襲職
始以甘為氏崇禎十六年流寇擾西甯甘肅祖家被掠失承襲號紙清順治二
年歸附吳三桂逆黨延及隴右繼祖子廷建率土兵三百守黃河渡口復隨王
進寶征討隴右以安敘功襲指揮僉事原職甘鍾英光緒四年襲甘氏世居美
都川 亂鐵木西甯州土人明洪武四年投誠充小旗子金剛保從成祖北征
追木雅失里不及移征阿魯台連戰於元冥河於靜慮鎮於廣漢戎皆有功復
從指揮李英討番酋老的罕於沙金城大破之二十年再扈成祖北征敗賊於
魁列兒河擢千戶子朱榮襲職始以朱為氏從都指揮李英追安定賊與戰深
入沒於陣數傳至朱秉權值明末流寇賀錦之亂失官誥號紙順治二年秉權
借子廷璋歸附康熙四十年仍授指揮僉事世襲數傳至朱協同治四年湟中
羣回肆逆協殉難光緒十一年協子廷佐襲朱氏世居朱家堡 薛都爾丁西
城纏頭回人元甘肅省僉事明洪武四年投誠授小旗子也里只補役洪熙元
年從征安定賊有功擢所領撫子也陝捨襲陝捨係祥更姓治氏順治二年治

鼎歸附仍子世襲治氏世居米拉溝 李化繁明世襲西甯衛指揮同知化龍之弟錦衣衛指揮使光先之次子清順治二年歸附授職百戶光緒十五年李長庚襲李氏世居九家巷 朵力亂西甯州土人明洪武四年投充小旗子七十狗補役孫辛莊奴始以辛爲氏清順治二年辛偉鼎歸附仍授試百戶職同治四年回亂湟中堡塞俱燬辛德成挈其子裕後避賊居藏地光緒十二年歸里裕後襲辛氏世居王家堡 哈喇反西甯州土人明洪武四年投充小旗子薛帖里加替役以功授百戶子喇苦襲以功陞副千戶遂以喇爲氏清順治二年喇光耀歸附給與指揮僉事箭付喇氏世居喇家莊

平番縣 鞏卜失加元裔父脫歡封武定王兼平章政事明洪武四年率諸子部落投誠太祖授鞏卜失加爲百夫長俾統所部居莊浪以功陞百戶永樂初殉阿魯台之難傳子失加累署莊浪衛指揮同知賜姓魯氏子鑑鑑子麟麟子經三世名將明史有傳崇禎十年以經曾孫印昌任西甯副總兵及圍寇犯河西印昌散家財享士卒提兵至西大通遇賊黨賀錦揮兵奮戰部卒殆盡遂沒

清史稿

土司傳六

七

於陣清順治十六年印昌子宏歸附襲指揮使錫之勅印宏卒嫡子帝臣幼以族人魯大話代理土務會吳逆叛宏妻汪氏捐軍糧四百石宏曾孫璠乾隆四十六年撤拉回攻圍蘭州率土番兵三百人赴援戰於亂古堆坪賊悍甚兵無後繼璠負重傷奮創力戰竟突圍歸營事聞加一等職銜花翎鹽茶回復反璠領土番兵防守蘭州城道光六年逆回張格爾犯邊揚威將軍長齡進討璠子紀勳奉檄購辦駝隻運軍糧九年官兵進剿安集延仍承辦駝隻紀勳娶額駙阿拉善親王女緣此習尚奢豪盛極而衰嫡孫如皋襲成豐初如皋助軍饒七年省城修建錢局捐本管山場木植數萬株加二品頂戴花翎同治初回亂以功加副將銜十三年西甯肅清加提督銜勇巴圖魯光緒十九年如皋卒子壽幼母和碩特氏護土務二十一年四月壽嗣職魯氏自壽以上世襲印土司指揮使駐紮莊浪分守連城 把只罕元武定王平章政事長男明洪武四年隨父來降授指揮僉事後賜姓魯氏數傳至魯典清順治二年歸附陝西總督孟喬芳嘉其功委署鎮海營參將隨大軍征剿數傳至魯緒周同治三年回

雙緒周率所部禦賊陣亡子熹襲職光緒十一年子服西襲職自服西以上世襲掌印土司指揮僉事 魯鏞元裔與魯鑑同族明時以官舍隨征授總旗清順治二年魯大話隨魯希聖等歸附仍授前職光緒十九年魯瞻泰襲自泰以上世居古城襲土指揮使 魯之鼎與魯典同族明時世襲土指揮副使清順治二年隨典歸附光緒十八年魯維禮襲職自維禮以上世居大營灣襲土指揮副使 魯福魯鑑次子從鑑征討屢立戰功清順治二年魯培祚隨魯典歸附光緒十七年魯應選襲職世居西大通峽口襲土指揮同知 魯國英元裔明正千戶清順治二年魯大誠投誠隨魯典剿甘涼回逆力戰陣亡子景成仍襲正千戶世職光緒五年魯福山襲世居古城 魯三奇元裔明世襲副千戶清順治二年三奇隨同族魯典歸附光緒十六年魯政襲職世居馬軍堡 西坪土官楊茂才明正百戶清順治二年隨魯典投誠數傳至楊得榮同治中逆回叛得榮避難不知所終 西六渠土官何倫明時充小旗清順治二年何進功隨魯典歸附數傳至何萬全同治四年捍禦逆回創重而卒子臣福襲 楊

清史稿

土司傳六

八

國棟明指揮同知清順治二年歸附九年復襲指揮同知後無考 魯察伯明實授百戶清初歸附康熙十六年子魯襄仍襲實授百戶後無考 海世臣明指揮僉事世臣子龍襲前職清順治二年海洪舟歸附九年仍襲指揮僉事後無考

清史稿

藩部

列傳

清起東夏始定內盟康熙乾隆兩世準部自松花黑龍諸江迤邐而西絕大漠巨金山疆丁零鮮卑之域南盡崑崙析支渠搜三危既宅至於黑水皆為藩部撫馭實負越漢唐屏翰之重所以寵之甥舅之聯所以威之銳劉之衝所以懷之教政之修所以宣之世更十二載越廿紀度奉約束聿共盟會與矣昌矣若夫元之威垣自為風氣明之蕃衛虛有名字蓋未可以同年而語帶礪之盛具見世表茲綜事實列之為傳授文奮武悅近來遠疏附禦侮可得大凡未造顛類迺彰昨煥盛衰得失斯可鑒已

藩部一

科爾沁

杜爾伯特

喀喇沁

扎賚特

郭爾羅斯

土默特

清史稿

科爾沁部在喜峯口外至京師千二百八十里東西距八百七十里南北距二千有百里東扎賚特西扎魯特南盛京邊境北黑龍江元太祖創平西北諸國建王駙馬等世守之為今內外扎薩克蒙古所自出科爾沁始祖曰哈布圖哈薩爾元太祖弟今科爾沁六扎薩克及扎賚特杜爾伯特郭爾羅斯阿魯科爾沁四子部落茂明安烏喇特阿拉善青海和碩特皆其裔哈布圖哈薩爾十四傳至奎蒙克塔斯哈喇喇子二長博第達喇號卓爾勒諾顏次諾爾達喇號噶勒濟庫諾顏博第達喇子九長齊齊克號巴圖爾諾顏為土謝圖汗奧巴扎薩克圖郡王布達齊二旗祖次納穆賽號都喇諾顏為達爾漢親王滿珠習禮水圖郡王洪果爾貝勒棟果爾三旗祖次烏巴什號鄂特歡諾顏見郭爾羅斯傳次烏延岱科托果爾次托多巴圖爾喀喇次拜新次額勒濟格卓哩克圖裔不著次愛納噶號車臣諾顏見杜爾伯特傳次阿敏號巴噶諾顏見扎賚特傳諾爾達喇子一曰哲格爾德為扎薩克鎮國公喇嘛什希一旗祖蒙古強部有三曰察哈爾曰喀爾喀曰衛拉特即厄魯特明洪熙間科爾沁為衛拉特所

破避居嫩江以同族有阿魯科爾沁號嫩江科爾沁以自別扎賚特杜爾伯特郭爾羅斯三部與同牧服屬于察哈爾太祖癸巳年科爾沁台吉齊齊克子翁果岱納穆賽子莽古斯明安等隨葉赫部台吉布齊刺哈達烏拉輝發錫伯卦爾察珠舍里納股諸部來侵攻赫濟格城不下陳兵古嶗山上觀禦之至扎喀路諭諸將曰彼雖眾皆烏合我以逸待勞傷其一二台吉眾自潰命巴圖魯額亦都率百騎挑戰葉赫諸部兵罷攻城來禦逆擊之明安馬蹶裸而遁追至哈達部柴河塞南俘獲其眾戊申征烏拉部圍宜罕阿林城翁果岱復助烏拉台吉布占泰我師擊敗之於是莽古斯明安翁果岱先後遣使乞好天命九年翁果岱子奧巴率族來歸尋為察哈爾所侵我援之解圍去天聰二年會大軍征察哈爾三年從征明克遵化州圍北京五年圍大凌河降其將祖大壽六年從略大同宣府邊八年復從征明十年春大軍平察哈爾獲元傳國玉璽奧巴子土謝圖濟農巴達禮借台吉烏克善滿珠習禮布達齊洪果爾喇嘛什希棟果爾及扎賚特杜爾伯特郭爾羅斯喀喇沁土默特救漢奈曼巴林扎魯特阿魯

清史稿

科爾沁者牛特諸部長來賀捷以上功德隆宜正位號道朝鮮國王書示推戴意四月合疏上尊號改元崇德禮成叙功詔科爾沁部設札薩克五曰巴達禮曰滿珠習禮曰布達齊曰洪果爾曰喇嘛什希分領其眾賜親王郡王鎮國公爵有差十月命大學士希福等赴其部鞫罪犯頒法律禁姦盜編佐領二年從征喀木尼堪部及朝鮮三年征喀爾喀四年春征索倫秋圍明杏山高橋八年隨饒餘貝勒阿巴泰護軍統領阿爾津征明及黑龍江諸部順治元年借札賚特杜爾伯特郭爾羅斯兵隨睿親王多爾袞入山海關走流賊李自成追至望都二年隨豫親王多鐸定江南三年復隨勦蘇尼特叛人騰機思敗喀爾喀土謝圖汗車臣汗援兵七年科爾沁復設札薩克一以棟果爾子彰古倫領之由貝勒晉郡王爵十三年上以科爾沁及扎賚特杜爾伯特郭爾羅斯喀喇沁土默特放漢奈曼巴林札魯特阿魯科爾沁翁牛特烏珠穆沁浩齊特蘇尼特阿巴噶四子部落烏喇特喀爾喀左翼鄂爾多斯諸札薩克歸誠久賜敕曰爾等秉資忠直當太祖太宗開創之初誠心歸附職効屏藩太祖太宗嘉爾勳勞崇

封爵號賞賚有加朝覲貢獻時令陛見飲食教誨為數甚多凡有懷欲吐俱得陳奏心意和諧如同父子朕荷祖宗鴻庥統一寰宇恐于懿行有違成憲未洽恆用憂惕親政以來六年於茲未得與爾等一見雖因萬幾少暇而懷爾之忱時切朕念每思爾等効力有年功績卓著雖在寤寐未之有數誠以爾等相見既疎恐有壅蔽不能上通故特遣官齎敕賜幣以諭朕意嗣後有所欲請隨時奏聞朕無不體卹而行朕方思致天下於太平爾等心懷忠盡毋忘兩朝恩寵朕世世為天子爾等亦世世為王享富貴於無窮垂芳名於不朽不亦休乎康熙十一年徵所部兵討逆藩吳三桂十四年勦察哈爾叛人布爾尼先是科爾沁內附莽古斯以女歸太宗文皇帝是為孝端文皇后孫烏克善等復以女弟來歸是為孝莊文皇后曾孫純爾濟復以女歸世祖章皇帝是為孝惠章皇后科爾沁以列朝外戚荷國恩獨厚列內札薩克二十四部首有大征伐必以兵從如親征噶爾丹及勦策妄阿喇布坦羅卜藏丹津噶爾丹策凌達瓦齊諸役札薩克等効力戎行莫不懋著勤勞士謝圖親王達爾漢親王卓哩克圖親王

清史稿

滿部

三

扎薩克圖郡王四爵俸幣視他部獨增非惟禮崇姻戚抑以其功冠焉所部六旗分左右翼土謝圖親王掌右翼附扎賚特部一旗杜爾伯特部一旗達爾漢親王掌左翼附郭爾羅斯部二旗統盟於哲里木右翼中旗駐巴顏和琳左翼中旗駐伊克唐噶哩克坡右翼前旗駐席喇布爾哈蘇右翼後旗駐額木圖坡左翼前旗駐伊岳克里泊左翼後旗駐雙和爾山爵十有七札薩克和碩土謝圖親王一附多羅貝勒一札薩克和碩達爾漢親王一附卓哩克圖親王一多羅郡王一山親王降襲多羅貝勒一固山貝子一輔國公四一由貝子降襲扎薩克多羅扎薩克圖郡王一扎薩克多羅米圖郡王一扎薩克多羅郡王一山貝勒管叟附輔國公一由貝子降襲扎薩克鎮國公一左翼中旗扎薩克達爾漢親王滿珠習禮之女係色布騰巴勒珠爾乾隆十一年三月尙固倫和敬公主二十年準噶爾之平以功加雙俸尋以阿睦爾撒納叛事奪爵二十三年復封和碩親王三十七年與征金川又以附富德劾阿桂奪爵四十年復之四傳至棍楚克林沁襲鎮國公官至御前大臣卒其後左翼中旗輔國公二左翼

後旗輔國公一均停襲左翼後旗扎薩克多羅郡王僧格林沁以軍功晉博多勒噶台和碩親王同治二年予世襲罔替四年以勦擒匪陣亡自有傳其旗增多羅貝勒一輔國公二皆以僧格林沁功僧格林沁子伯彥訥謨初封輔國公同治三年晉貝勒四年七月襲博多勒噶台親王為御前大臣十一月命與左翼中旗扎薩克達爾漢親王索特那木朋蘇克等選馬隊勦奉天馬賊五年二月大破馬賊于鄭家屯三月命捕吉林餘匪六月條陳奉天善後事宜詔如所請行匪平回京光緒初德宗興學命在毓慶宮行走授兼鑲黃旗領侍衛內大臣十七年卒自道光季年海防事起泊咸豐二年粵逆北犯八年海防又急皆調東三盟兵協同防勦科爾沁部為之冠子爵職給廕襲者皆甲諸部僧格林沁之亡始撤哲里木盟兵旋所部初科爾沁諸旗以距奉天近皆招佃內地民人開墾乾隆四十九年盛京將軍永璋等奏寶圖王旗界內所留民人近鐵嶺者達爾漢王旗所留民人近開原者即交鐵嶺縣開原縣治之嘉慶十一年十月盛京將軍富俊等以左翼後旗昌圖額勒克地方招墾閑荒經歷四載人

清史稿

滿部

四

民四萬有奇請增置理事通判治之達爾漢王旗界內所留民人亦交通判就近並治時諸旗扎薩克王公等多招民人墾荒積欠抗租則又請驅逐廷議非之嚴定招墾之禁已佃者不得逐未墾者不得招道光元年左翼中旗扎薩克達爾漢親王布彥溫都爾勒竟以墾事延不就鞫奪扎薩克然私放私墾者仍日有所增流民游匪于焉麇集同治中以昌圖匪亂通判秩輕升為理事同知光緒二年署盛彥將軍崇厚奏設官撫治以清查源遂升昌圖同知為府以原墾達爾漢王旗之梨樹城八面城地置奉化懷德二縣隸之七年又設康平縣于康家屯隸之二十八年盛京將軍增祺奏設遼源州于蘇家屯隸之皆治左翼三旗墾民是年右翼前旗札薩克圖郡王烏泰以放荒事屢被劾命禮部尙書裕德會增祺勘治四月覆奏言烏泰已放荒界南北長三百餘里東西寬一百餘里外來客民有一千二百六十餘戶烏泰不諳放荒章程以致嗜利之徒任意墾佔轉相私售實已暗增數千餘戶新開荒地又增長三百餘里寬一百餘里梅柳齊莫特色標等復祖護荒戶阻台吉壯丁在新放荒地游牧協理

台吉巴圖濟爾噶勒遂以欵財聚衆不恤旗棍控之理藩院經傳集烏泰等親
自宣尊均各悔悟願前愆除惡和同辦理旗務請將烏泰巴爾圖濟
爾噶勒暫革仍准留任勒限三年限滿經理得宜由圖旗呈請開復否則永遠
革任齊莫特色楞等均分別屏黜不准干預旗務並爲定領荒招墾章程荒價
則一半報効國家一半歸之蒙旗升科則每响以中錢二百四十爲籌餉設官
等經費以四百二十作蒙古生計自王府至台吉壯丁喇嘛各有得數仍酌留
餘荒講求牧養均報可十月增祺又奏勸朋是旗洮爾河南北已墾未墾之地
約有一千餘畝派員設局丈放三十年以其地置洮爾南府並置靖安開通二
縣隸之三十一年盛京將軍趙爾巽以右翼後鎮國公旗墾地置安廣縣而法
庫門舊爲左翼中達爾漢王諸旗招墾地亦置同知治之三十四年東三省總
督徐世昌以右翼中旗和碩土謝圖親王墾地置禮泉等縣于是科爾沁六旗
墾地幾遍郡縣亦最多諸札薩克王公等得租豐溢而化沙磧爲膏沃地方亦
日臻富庶諸札薩克王公等世次皆見表惟右翼和碩土謝圖親王色旺諾爾

清史稿

滿部一

五

布桑寶以庚子之變中外多故殞于非命裕德等勸奏謂爲屬員通勸而死因
請治信勸者如律尋增祺奏以族子業喜海順承襲爵爵如故凡蒙旗札薩克
爲一旗之長制如一品與都統等其輔曰協理台吉屬曰管旗章京副章京參
領佐領蒙語管旗章京曰梅楞參領曰札蘭佐領曰蘇木蘇木實分治土地人
民其佐領之額右翼中旗二十二左翼中旗四十六右翼前旗後旗均十六左
翼前旗後旗均三凡哲里木盟重大事件科爾沁六旗以近奉天故由盛京將
軍專奏郭爾羅斯前旗一旗以近吉林郭爾羅斯後旗札賚特杜爾伯特三旗
以近黑龍江故各由其省將軍專奏札賚特部元太祖弟哈布圖哈薩爾十五
傳至博第達喇有子九阿敏其季也與兄齊齊克納穆賽等隣牧號所部曰扎
賚特天命九年阿敏子蒙袞借科爾沁台吉奧巴遣使乞好優詔答之遂率屬
來歸順治五年授蒙袞子色稜扎薩克以與科爾沁同祖附之隸哲里木盟旗
一駐圖卜紳察罕坡其爵爲扎薩克多羅貝勒由固山貝子晉襲光緒二十五
年黑龍江將軍恩澤等奏以戶部咨黑龍江副都統壽山條奏請放蒙古各旗

荒地派員赴扎賚特旗剴切勸商願將屬界南接郭爾羅斯前旗東濱嫩江之
四家子二龍接口等處指出開放南北約長三百餘里東西寬百餘里或三四
十里設局勘辦並謂若大東以至大西使沿邊各蒙旗均能招民墾荒則強富
可期即可無北鄰之憂下所司議行先是哲里木盟諸旗皆以禁墾甲令過嚴
無敢明言招墾者至是始接踵開放云三十一年以墾地置大賚廳治之是部
有佐領十六

杜爾伯特部在喜峰口外至京師二千五百里東西距百七十里南北距二百
四十里東及北皆黑龍江西扎賚特南郭爾羅斯北界索倫藩部蒙古稱杜爾
伯特部者二同名異族一姓鮮囉斯爲衛拉特台吉字罕裔旗十有四駐牧烏
蘭石木稱外扎薩克別有傳一姓博爾濟吉特爲元太祖弟哈布圖哈薩克裔
卽今駐牧喜峯爾口外之內札薩克哈布圖哈薩爾十六傳至愛納喇始以名
其部天命九年愛納喇子阿都齊借科爾沁台吉奧巴遣使乞好優詔答之遂
率屬來歸順治五年授阿都齊子色稜扎薩克以與科爾沁同祖附之隸哲里

清史稿

滿部一

六

木盟旗一駐多克多爾坡其爵爲扎薩克固山貝子同治二年杜爾伯特貝子
貢噶納克坦咨黑龍江將軍請將交界重立封堆尋勘明巴勒該岡以北黑龍
江界內有杜爾伯特家人等居屯四處牌莫多以南杜爾伯特界內有黑龍省
屬人等居屯八處舊界所佔均係曠地應准各就其所以安生計蒙古越佔巴
勒該岡地應將南榆樹改爲新界有屬人等越佔牌莫多地應將四六山改爲
新界共立界堆十七奏入詔如議四年貢克納克坦復咨以所立界堆將蒙古
田地草廠歸入省界有碍蒙古生計詔派副都統克蒙額與哲里木盟長及杜
爾伯特會勘劃還塔爾欽屯以東第十第十一封堆之西蒙古墳塋房基平毀
二十顆樹封堆之南蒙界旗屯房屋又增立界堆十有九並以牌莫多以南官
屯舊佔蒙屯較巴勒該岡以北蒙屯舊佔省屯多地十三里撥二十顆樹封堆
之南省屬空閑地如數補之七年六月奏結請飭貝子貢噶納克坦嚴約屬人
照界永遠遵守報可十年以是旗私招民人墾荒嚴申禁令革其協理台吉光
緒二十五年將軍恩澤以招墾蒙地關邊圍富強大計復奏派員商勸放墾時

東三省鐵路之約既成是部當鐵路之衝突多商民萃集三十二年因以所部繫地置安達廳治之隸黑龍江是部一旗有佐領二十五

郭爾羅斯部在喜峯口外至京師千八百九十七里東西距四百五十里南北距六百六十里南盛京邊城吉林府西及北科爾沁元太祖遺弟哈布圖哈

薩爾征郭爾羅斯部十六傳至烏巴什即以爲所部號子莽果仍之天命九年莽果子布木巴偕科爾沁台吉奧巴遣使乞好優詔答之遂率屬來歸會察哈

爾林丹汗掠科爾沁遣軍山郭爾羅斯境往援至農安塔林丹汗遁不敢復犯科爾沁及郭爾羅斯諸部嗣設札薩克二曰布木巴爵鎮國公曰固穆爲布木

巴從弟爵輔國公以與科爾沁同祖附之隸哲里木盟旗二前旗駐固爾班察罕後旗駐梭子嶺爵三札薩克輔國公一札薩克台吉一附鎮國公一是部布

木巴一旗爲前旗近吉林嘉慶五年吉林將軍秀林奏以郭爾羅斯繫地置長春理事通判並請分征其租上以非體斥之十傳至喀爾瑪什迪於光緒九年創札薩克公爵如故以其族等台吉巴雅斯呼朗代爲札薩克光緒十三年復

升長春廳爲府於是旗界內遼黃龍府舊地置農安縣隸之光緒三十四年又以繫地增廣分置長嶺縣宣統二年分長春府地置德惠縣旋又定國家與蒙古分收民租例是旗置郡縣凡四皆隸吉林固穆一旗爲後旗近黑龍江亦當

東三省鐵路之衝光緒三年以繫地置肇州廳隸黑龍江後又分置肇東縣是部二旗繫地分隸吉林黑龍江二省前旗有佐領二十三後旗有佐領三十

四

喀喇沁部在喜峯口外至京師七百六十里東西距五百里南北距四百五十

里東土默特及敖漢西察哈爾正藍旗牧廠南盛京邊城北翁牛特元時有札爾楚泰者生濟拉瑪佐元太祖有功七傳至和通有衆六千戶游牧額沁河號

所部曰喀喇沁子格喀博囉特繼之子二長格喀喇泰宰桑爲札薩克杜稜貝勒固喀思奇布及札薩克一等塔布囊格喀喇二旗祖次圖喀巴圖爾爲札

薩克鎮國公色稜一旗祖格喀喇泰宰桑子四長恩克次準圖次鄂穆克圖均居喀喇沁天聰二年二月恩克曾孫蘇布地以察哈爾林丹汗虐其部偕弟萬

清史稿 滿部 七

丹偉徵等乞內附表奏察哈爾汗不道喀喇沁被虐因偕土默特鄂爾多斯阿

巴噶喀爾喀諸部兵赴土默特之趙城擊察哈爾兵四萬還值赴明請賞兵三千復殪之察哈爾根本動搖事機可乘皇帝儆興師進剿喀喇沁當先諸部至

諭遣使面議七月遣喇嘛偕五百三十八人來朝命貝勒阿濟格領託迎宴刑白馬爲牛誓九月上親征察哈爾蘇布地等迎會於綽洛郭勒賜賚甚厚三年

正月敕所部遵國憲六月蘇布地及圖喀巴圖爾孫色稜等率屬來歸詔還舊牧十月上征明以塔布囊布爾哈圖爲導入遊化駐兵羅文峪四年布爾哈圖

爲明兵所圍擊敗之擒副將丁啓明及遊擊一都司二詔嘉其功賜莊田僕從及金幣六月山都爾弼從征察哈爾林丹汗遁以所收察哈爾糧貯遼河守之

復分兵隨貝勒阿濟格略明大同宣府邊八年正月借巴林阿噶科爾沁阿巴噶諸部兵收撫察哈爾流民五月從征明大同至朔州九年正月詔編所部佐

領以蘇布地子固喀思奇布掌右翼色稜掌左翼五月選兵從征明敗之於遼河源崇德元年詔授布爾哈圖一等子賜號岱達爾漢塔布囊二年遣大臣阿

什達爾漢等赴其部理庶獄三年九月隨大軍自密雲入明邊敗其兵六千十

月從征前屯衛及寧遠七年從圍薊州過北京下山東順治元年從入山海關擊流賊李自成六年從征喀爾喀康熙十三年大軍勦逆藩耿精忠等所部塔

布囊霍濟格爾偕土默特塔布囊善達等以兵赴兗州十七年諭曰塔布囊霍濟復格爾等前自兗州赴浙江聽康親王傑書調度各統所屬官兵征勦逆賊

深入閩省同大兵平定逆藩耿精忠行間効力身先士卒衝鋒陷陣奮勇用命深爲可嘉宜降恩輸卹行議叙以勸後効二十年上駐蹕和爾和諭曰塔布囊

霍濟格爾出征時最著勤勞今已溘逝朕至此地遺散秩大臣鄂齊等攜茶酒往奠二十五年叙平浙江福建功賜參領巴雅爾等十人世職二十九年從征

噶爾丹敗之於烏爾布通四十四年詔增設一旗以塔布囊格喀喇領之五十四年徵所部兵千赴推河防禦策妄阿喇布坦尋命侍郎覺和托等攜帑萬兩

賜之雍正九年從征噶爾丹策凌所部初設二旗右翼駐錫伯河北左翼駐巴顏珠爾克後增一旗駐左右翼界內爵六親王品級札薩克多羅杜稜郡王一

清史稿 滿部 八

藩部二

敖漢

奈曼

巴林

扎魯特

阿魯科爾沁

翁牛特

克什克騰

喀爾喀左翼

烏珠穆沁

浩齊特

蘇尼特

阿巴噶

阿巴哈納爾

敖漢部在喜峯口外至京師千有十里東西距百六十里南北距二百八十里東奈曼西喀喇沁南土默特北翁牛特內扎薩克二十四部自科爾沁扎賚特杜爾伯特郭爾羅斯喀喇沁土默特左翼阿魯科爾沁翁牛特阿巴噶阿巴哈納爾四子部落茂明安烏喇特外皆元太祖十五世孫達延車臣汗之裔達延

清史稿

藩部二

一

車臣汗子十一長圖噶博羅特其嗣為敖漢奈曼烏珠穆沁浩齊特蘇尼特五部第三子巴爾蘇博羅特其嗣為土默特右翼一旗及鄂爾多斯部第五子阿爾楚博羅特其嗣為巴林扎魯特二部第六子鄂齊爾博羅特其嗣為克什克騰部第十一子格喀森扎扎賚爾珙台吉其嗣為喀爾喀左翼喀爾喀右翼二部餘皆不著圖噶博羅特子二長博第阿喇克詳烏珠穆沁傳次納密克生貝瑪士謝圖子二長岱吉杜楞號所部曰敖漢次額森偉徵諾顏詳奈曼傳岱青杜楞子索諾木杜梭及塞臣卓哩克圖初皆服屬于察哈爾以林丹汗不道天聰元年借奈曼部長袁楚克率屬來歸詔索諾木杜梭居開原塞臣卓哩克圖汗舊牧二年借奈曼巴林扎魯特諸台吉勦察哈爾諭勿妄殺降賊汛哨後索諾木杜梭以私獵哈達葉赫山罪議奪開原地塞臣卓哩克圖卒子旺第繼為部長八年冬遣大臣赴碩翁科爾沁定諸藩牧以扎哈蘇台囊嘉台為敖漢界崇德元年詔編所部佐領設扎薩克以旺第領之爵多羅郡王順治元年從入山海關擊流賊李自成康熙十三年請選兵隨勦逆藩吳三桂詔還牧總調十四

年隨大軍勦察哈爾叛人布爾尼十五年徵兵赴河南尋調荊州越三年凱旋

二十八年秋詔發喜峯口倉粟賑所屬貧戶三十七年冬遣官往教之耕諭曰

朕巡幸所經見敖漢及奈曼諸部田土甚嘉百穀可種如種穀多穫則興安嶺

左右無地可耕之人就近買糶不須入邊市米矣其向因種穀之地不可牧馬

未曾墾耕者今酌留草茂之處為牧地自兩不相妨且敖漢奈曼蒙古以捕魚

為業者衆教之以引水灌田彼亦易從凡有利益於蒙古者與王台吉等相商

而行雍正五年以所部次賜帑賑之九年隨大軍勦噶爾丹策凌所部一旗駐

固爾班圖爾噶山與奈曼翁牛特巴林扎魯特喀爾喀左翼阿魯科爾沁諸部

統盟于昭烏達爾五扎薩克多羅郡王一附多羅郡王一附固山貝子二一由

貝勒降襲鎮國公一由貝子降襲是旗鑿事最在先嘉慶以後屢申嚴禁光緒

十七年金丹道匪楊悅春等糾眾為亂十月攻貝子德克沁府踞之戕德克沁

四出紛擾喀喇沁土默特翁牛特奈曼諸部皆被兵脅漢人為匪遇蒙人則殺

估官署燬教堂蹂躪甚慘命直隸提督葉志超等勦之至十二月始平詔賑恤

清史稿

藩部二

二

之凡敖漢等五部八旗為銀十七萬兩有奇全濟民蒙三十萬口有奇李鴻章會都統奎斌奏蒙古牧民結怨已深一在佃種之交租一在商賈之積欠應更定新章佃種蒙地者由地方官征收蒙古王公派員領取商民領取蒙古資本貿易或彼此除欠致有虧折亦應送地方官持平論斷毋稍偏倚此敖漢諸部蒙古牧民結怨根本所在故鴻章等欲更張救之二十四年札薩克郡王達木林達爾達克以充昭烏達盟長撥累屬下違例科派奪盟長及札薩克三十一

年札薩克郡王勒恩扎勒諾爾贊復被護衛刺死三十三年都統廷杰以置嗣未定請理藩院慎擇親賢速為承襲宣統元年以族人棍布札布製二年分置

左右二旗以原有札薩克者為左旗別授郡王色凌端噶布為右旗札薩克左

旗有佐領三十五右旗有佐領二十

奈曼部在喜峯口外至京師千有百一十里東西距九十五里南北距二百一

十里東喀爾喀左翼西敖漢南土默特北翁牛特元太祖嘗借弟哈布圖哈薩

吉服屬於察哈爾以林丹汗不道天聰元年借從子鄂齊爾等率屬來歸詔還舊牧鄂齊爾以卒巡徵斬察哈爾兵百餘姓畜百餘獻賜號和碩齊賚甲一八年遣大臣赴碩翁科爾定諸藩牧以巴克阿爾和碩巴噶什魯蘇台為索曼界崇德元年授扎薩克爵多羅達爾漢郡王先是所部阿邦和碩齊從大軍勦茂明安部逃賊有功至是以宣諭朝鮮袁克遺屬俗都齊齋書從遇明皮島兵阻擊之斬賊二被創還家獎資五年遣屬扎丹隨大軍征索倫凱旋得優賜七年復遣屬善丹薩爾圖隨征明由黃崖口入邊下薊州趨山東攻克兗州八年善丹來獻俘賜宴順治元年從入山海關擊流賊李自成康熙十四年察哈爾布爾尼叛扎薩克郡王扎木三應之徒察罕郭勒與布爾尼賊壘聯聲援且遣黨煽誘扎薩克詔撫遠大將軍信郡王鄂扎率師討至達祿布爾尼敗遁為科爾沁額駙沙津陣斬扎木三懲紉乞罪特旨貸死更優獎不阿逆諸台吉鄂齊爾山一等台吉費扎薩克郡王爵烏勒木濟由二等台吉晉貝子格喀爾由二等台吉晉輔國公烏爾圖納素圖由三等台吉晉一等台吉鄂齊爾長子額

清史稿

滿部二

三

爾德尼授三等台吉二十年詔發喜峯口倉粟賑所屬貧戶雍正五年所部款收賜帑賑之九年隨大軍勦喇爾丹策凌初奈曼與敖漢逢國家典禮及征伐事先後倍來位秩如一獨扎木三懷貳遂不齒於敖漢迨鄂齊爾重膺錫封奉職惟謹而荷恩亦如故焉所部一旗駐彰武臺其爵為扎薩克多羅達爾漢郡王道光二十七年以壽安固倫公主指配奈曼扎薩克郡王阿完都窪第扎布之子德木楚克扎布授固倫額駙旋襲爵職同治四年卒追賜親王銜光緒十七年金丹道匪之變是部亦被擾事平賑恤之有佐領五十
巴林部在古北口外至京師九百六十里東西距二百五十一里南北距二百三十三里東阿嚕科爾沁西克什克騰南翁牛特北烏珠穆沁元太祖十六世孫阿爾楚博羅特生和爾朔齊哈薩爾子蘇巴海稱達爾漢諾顏號所部曰巴林子巴噶巴圖爾嗣有子三長額布格岱洪巴圖魯次和托果爾昂哈次色特爾初皆服屬於喀爾喀天命四年額布格岱洪巴圖魯偕喀爾喀部長遣使乞盟允之十一年春以背盟私與明和大軍往討陣斬台吉囊努克冬討扎噶特

詔分軍入部境以張兵勢焚原驅哨而還會察哈爾林丹汗掠其諸部台吉皆奔依科爾沁天聰二年色特爾率子色布騰及額布格岱洪巴圖魯子色梭和託果爾昂哈子滿珠習禮等自科爾沁來歸優資撫輯之三年從征明由養息穆河入大安口克遵化四年攻昌黎與扎噶特兵圍城北六年從略大同宣府邊八年五月會兵扎木哈克征察哈爾賜宰桑布兌山津雕鞍良馬遂由獨石口征明朔州克堡八月遣大臣赴碩翁科爾定諸藩牧以扈拉琿瑚呼布里都克哩葉哈達瑚濟爾阿達克為巴林界崇德元年選兵從征明三年自牆子嶺入明邊樹雲梯攻城台吉阿玉什屬索爾古先登克之四年圍錦州六年圍松山七年獻俘資將弁幣順治元年從入山海關擊流賊李自成五年詔編所部佐領以滿珠習禮掌左翼爵固山貝子色布騰掌右翼爵多羅郡王各授扎薩克康熙二十三年上幸塞外駐蹕烏拉岱兩翼扎薩克率諸台吉來朝賜冠服弓矢銀幣有差二十八年詔發古北口倉粟賑所屬貧戶二十九年命額駙阿喇布坦率兩翼兵四百赴葫蘆郭勒偵噶勒丹是役也色布騰子格喀爾圖

清史稿

滿部

四

納木扎孫納木達克桑哩達烏爾袞暨族台吉沙克塔爾等皆從格喀爾圖尤衝鋒奮擊師旋得優資三十四年以噶勒丹掠喀爾喀至巴顏烏爾詔撥敖漢奈曼兵赴阿喇布坦軍并命納木達克烏爾袞等防烏珠穆沁汛是年所部款收詔發坡賴村米賑之三十八年命護軍統領鄂克濟哈學士蘇赫納往會扎薩克等將現貯巴林米千石散賑若人眾米寡再運坡賴米賑給雍正九年隨大軍勦噶勒丹策凌二等台吉璘際追賊察巴罕河護駝馬又擊之於塔爾勒圖固爾班什勒諸處叙功晉授一等台吉所部二旗右翼駐托鉢山左翼駐阿察圖拖羅海爵四親王品級札薩克多羅郡王一札薩克固山貝子一附固山貝子二光緒十七年金丹道匪之變賊渠李國珍擾至是部那林滿地葉志超遣軍擊平之三十三年以是部墾地置林西縣隸赤峯直隸州左翼有佐領十六右翼有佐領二十六
札噶特部在喜峯口外至京師千五百一十里東西距百二十五里南北距四百六十里東科爾沁西界阿嚕科爾沁南喀爾喀左翼北烏珠穆沁元太祖十

八世孫烏巴什稱偉徵諸顏號所部曰札噶特二子長巴顏達爾伊勒登次都喇勒諾顏巴顏達爾伊勒登子五長忠圖傳子內齊相繼稱汗次庶根次忠嫩次果弼爾圖次昂安都喇勒諾顏子二長色本次瑪尼初皆服屬於喀爾喀太祖高皇帝甲寅年內齊以其妹歸我貝勒莽古爾泰忠嫩及從弟額爾濟格亦來締姻天命四年秋大軍征明鐵嶺從色本借從兄巴克等隨喀爾喀台吉宰賽以兵萬餘助明為我軍陣擒冬內齊額爾濟格額爾濟格額爾濟格額爾濟格爾齊登圖借喀爾卓哩克圖洪巴圖魯等遣使乞盟許之遣大臣往莅盟其宰桑扣肯屬有來奔者上以盟不可渝拒弗納旋釋色本巴克歸八年巴克來朝命釋其質子鄂齊爾桑與俱歸而忠喇昂安等屢以兵掠我使齎往科爾沁之服物及馬牛上遣軍征之斬昂安俘其眾忠嫩子桑圖以擊被擒來朝乞哀詔歸令完案未幾所部諸台吉復背盟襲我使固什於漢察喇及遼河畔掠財物十一年命大貝勒代善率師往討斬鄂爾齊圖擒巴克等凡十四台吉師還仍詔釋歸莽為察哈爾林丹汗所掠往依科爾沁天聰二年內齊色本等先後

清史稿

漢部

五

率屬來歸台吉喀巴海殺察哈爾台吉噶爾圖以俘七百獻賜號偉徵三年奉敕定隨征軍令以廠越界駐牧自議罪內齊色本瑪尼及果弼爾圖巴雅爾圖岱青請各罰駝十馬百詔寬之各罰馬一是年冬隨征明入龍井關克遵化圍其都明兵屯城東蒙古諸部不俟整隊驟進失利惟色本及瑪尼敗敵得優資五年春詔議台吉岱青罪先是大貝勒代善陣擒岱青子善都往奔科爾沁越二年歸詔留贖養嗣從大軍征明貝勒莽古爾泰與明兵戰都城東岱青善都遁走又誣計貝勒阿濟格縱屬殺人至是論罪應斬上特宥之奪所屬人戶分給莽古爾泰阿濟格六年內齊色本瑪尼喀巴海等從征察哈爾圖其賞心效力尋隨貝勒阿濟格略明大同宣府邊八年由獨石口進攻朔州是年冬遣大臣赴碩翁科爾定諸藩牧以諾紳多爾多布圖烏魯木為札噶特界崇德二年由朝鮮進征瓦爾喀三年隨征喀爾喀札薩克圖汗五年春從征索倫賜台吉桑古爾及阿玉什號賴阿爾蘇胡岳博果等蟒服貂裘甲冑弓矢冬以台吉肯哲赫追擒茂明安逃人功賜號達爾漢順治元年從入山海關擊流賊李自

成五年詔編所部佐領時內齊色本卒以內齊子尙嘉布掌左翼色本子桑噶爾掌右翼各授扎薩克貝勒康熙十四年察哈爾布爾尼叛且陰煽諸部二等台吉根翼什希布以不附逆封鎮國公後停襲二十九年隨大軍征噶爾丹二達爾漢雍正元年所部收詔發帑賑之十一年選兵隨勦噶爾丹策凌隸救漢台吉羅卜藏軍所部二旗左翼駐齊齊靈花拖羅海山北右翼駐圖爾山南爵四扎薩克多羅貝勒一扎薩克多羅達爾漢貝勒一附鎮國公一輔國公一是部產蠶初禁開取光緒二十一年都統松壽以部議主開奏定納課章程由各旗選派公正蒙員試辦三十三年都統廷杰奏以是部及阿噶科爾沁墾地置開魯縣隸赤峯直隸州是部左右翼旗各有佐領十六

清史稿

漢部

六

阿噶科爾沁部在古北口外至京師千三百四十里東西距百三十里南北距四百二十里東扎噶特西巴林南喀爾喀左翼北烏珠穆沁元太祖弟哈巴圖哈薩爾十三傳至圖美尼雅哈齊子三長奎蒙克塔斯哈喇遊牧嫩江號嫩科爾沁次巴袋諾顏次布爾海遊牧呼倫貝爾巴袋諾顏子三長昆都倫岱青號所部曰阿噶科爾沁以別於嫩科爾沁子達賚稱楚琥爾嗣為部長次哈貝巴圖爾裔不著次諾顏泰子四號四子部落布爾海裔號烏喇特詳各部傳阿噶科爾沁與四子部落烏喇特茂明安翁牛特阿巴噶阿巴哈納爾及喀爾喀內外扎薩克統號阿噶蒙古初皆服屬於察哈爾以林丹汗不道天聰四年達賚暨子穆彰率屬來歸命諸貝勒郊迎五里賜宴八年遣大臣赴碩翁科爾定諸藩牧以兩白旗外塔拉布拉克邁烏為其部界崇德元年宣諭朝鮮其部德赫拜達爾齋書從遇明皮島兵阻擊敗之還得優資先是阿噶科爾沁設兩旗達賚穆彰各領一至是始併兩旗為一以穆彰領之嗣從征朝鮮瓦爾喀索倫喀爾喀及明濟南錦州松山薊州順治元年從入山海關擊流賊李自成殺功授扎薩克爵固山貝子康熙二十七年噶爾丹侵喀爾喀諭所部兵防蘇尼特汛二十八年部眾乏食賜粟賑之二十九年二等台吉棟紐特從征噶爾丹見賊勢熾慷慨謂眾曰我等受恩深若稍退何面目見聖顏乎率兵三百趨前戰皆

沒三十年贈一等台吉世襲達爾漢號是冬理藩院議給所部貧戶米穀諭曰官給米穀應調蒙古駝馬運送時值隆冬輸輓殊艱恐領米之人不能運到必致沿途私糶不如量米給銀到彼甚易貧人得濟實惠三十五上年親征噶爾丹偵賊沿克噶倫河至額哲特圖哈布齊爾地設嚴防汛界四十二年遣大臣往汛盜案宣諭扎薩克戢所部務令無盜四十八年固山額駙巴特瑪妻縣君以屬人不遵令請獻戶口諭暫遣官理後不為例雍正五年賜所部貧戶銀九年從大軍勦噶爾丹策凌十三年遣官齎銀賑饑所部一旗駐牧理圖山東隸昭烏達盟其爵為扎薩克多羅貝勒由固山貝子晉襲是部亦產麟光緒三十一年定蒙員自辦納課章程是部一旗有佐領五十

翁牛特部在古北口外至京師七百六十里東西距三百里南北距百六十里東阿喇科爾沁西承德府南喀喇沁及敖漢北巴林及克什克騰元太祖弟諤楚因稱烏真諾顏其裔蒙克察罕諾顏有子二長巴延岱洪果爾諾顏號所部曰翁牛特次巴泰車臣諾顏別號喀喇齊哩克部皆稱阿喇蒙古巴顏岱洪果

清史稿

藩部

七

爾諾顏再傳至圖爾敏杜稜汗子七長遜杜稜次阿巴噶圖理台吉次棟岱青次班第偉徵次達拉海諾木齊次薩揚爾根次本巴楚疏爾巴泰車臣諾顏三傳至努綏子二長噶爾瑪次諾密泰岱青皆初服屬於察哈爾以林丹汗不道天聰六年遜杜稜棟岱青暨喀喇齊哩克台吉噶爾瑪率屬來歸是年上親征察哈爾各選兵從林丹汗遁復從貝勒阿濟格赴大同宣府收察哈爾部眾之竄入明邊者師旋優許遣歸自是其部稱翁牛特以喀喇齊哩克附之不復寇阿喇舊稱七年春棟岱青噶爾瑪來朝班第偉徵等相繼獻駝馬冬遜杜稜復率眾來朝八年遣大臣赴碩翁科爾定諸藩牧以扈拉瑚噶呼布哩都為翁牛特部界是冬班第偉徵達拉海諾木齊以越界游牧罪議罰駝百馬千詔從寬罰十之一復以罰素曼部駝馬命分給遜杜稜棟岱青崇德元年詔編新部佐領以遜杜稜掌右翼爵多羅杜稜郡王棟岱青掌左翼子多羅達爾漢岱青各授扎薩克三年喀爾喀扎薩克圖汗權崇德歸化城上親征之棟岱青班第偉徵達拉海諾木齊等以兵會偵扎薩克圖汗遁乃還四年棟岱青率宰桑烏

巴什和尼齊等從大軍征明六年圍錦州松山設伏高橋大路及桑阿爾齊堡遇杏山逃卒追擊之斬獲甚眾七年叙功賜棟岱青噶爾瑪和尼齊等布幣有差復追議松山掘壕時宰桑烏巴什以誦經故不親督兵及暮又失守望罪論死詔宥之達拉海諾木齊及綽克圖巴木布等復從貝勒阿巴泰征明八年來獻俘賜宴順治元年從入山海關擊流賊李自成復追殺部將噶勒嘛從征明功賜號達爾漢康熙十五年以勦逆藩吳三桂詔選兵赴河南駐防十六年調

荆州十八年徵還二十二年以其部多盜諭撫眾及弭盜法二十六年上閱兵蘆溝橋命其部來朝人從觀二十七年選兵赴蘇尼特汛防禦噶爾丹三十四年所部乏食遣官往賑三十五年上親征噶爾丹詔徵兵五百運中路軍精給器糲三十六年朔漠平寶運糧兵銀五十六年理藩院奏翁牛特及克什克騰諸扎薩克請令公勘地址有越界伐木者論罪從之雍正五年賜銀賑所屬貧戶九年隨大軍勦噶爾丹策凌乾隆二十年從征達瓦齊所部一旗右翼駐英什爾哈齊特呼朗左翼駐扎喇峯西爵四扎薩克多羅杜稜郡王一附固山貝

清史稿

藩部

八

子鎮國公一扎薩克多羅達爾漢岱青貝勒一光緒十七年金丹道匪之變賊渠李國珍等擾是部焚王府踞烏丹城即元全甯路治實熱河北路門戶葉志超遣副將潘萬才等率軍先克之餘遂迎刃而解是部二旗蹂躪均重事平賑恤之左翼有佐領二十右翼有佐領三十八克什克騰部在古北口外至京師八百有十里東西距三百三十四里南北距三百五十七里東翁牛特及巴林西浩齊特及察哈爾正藍旗牧廠南翁牛特北烏珠穆沁元太祖十六世孫鄂齊爾博羅特再傳至沙喇勒達稱墨爾根諾顏號所部曰克什克騰子達爾瑪有子三長索諾木次巴本圖聖服屬於察哈爾天聰八年索諾木率屬來歸崇德六年台吉沙哩博羅和雲敦等奉命赴董家喜峯諸口偵明兵俘斬甚眾順治九年詔編所部佐領以索諾木領之授札薩克康熙二十六年上閱兵蘆溝橋命其部來朝人從觀二十七年噶爾丹侵喀爾喀詔選兵防蘇尼特汛二十九年四等台吉穆倫噶爾弼以偵擊噶爾丹功晉一等台吉三十五上年親征噶爾丹凱旋以其部設站兵無誤驛務資

銀幣雍正五年賜銀賑其屬貧戶所部一旗駐牧吉拉巴斯峯隸昭烏達盟其
爵爲扎薩克一等台吉是部墾事最早嘉慶中設白岔巡檢治之同治中回匪
東竄熱河設戍其地又經棚當直隸多倫諾爾廳東北商民萃處號稱蕃盛光
緒十七年金丹道匪之變是部曾以兵協助烏丹城等處之匪得捷有佐領十
喀爾喀左翼部在喜峯口外至京師千二百有十里東西距百二十五里南北
距二百三十里東科爾沁西奈曼南土默特北扎嚕特及翁牛特元太祖十六
世孫格爾森札登爾珙台吉居杭愛山始號喀爾喀有子七部族繁衍分東西
中三路以三汗掌之其長子阿什海達爾漢諾顏生子二長巴顏達喇爲西路
扎薩克圖汗祖次圖們達喇信青子碩榮烏巴什理台吉生子三長俄木布額
爾德尼次杭圖信次衣布伊勒登皆爲喀爾喀西路台吉隸扎薩克圖汗康熙
三年衣布伊勒登以其汗旺舒克爲同族羅卜藏台吉額璘沁所戕部衆潰窮
無依乃越瀚海來歸先是喀爾喀中路土謝圖汗下台吉本塔爾攬業內附封
扎薩克親王爵駐牧張家口外至是詔衣布伊勒登扎薩克多羅貝勒賜牧喜

清史稿

滿部

九

峯口外察罕和碩圖以所居地分東西故本塔爾稱喀爾喀右翼衣布伊勒登
稱喀爾喀左翼蓋自國初以來喀爾喀相繼歸誠名凡三日舊喀爾喀歸誠最
早後編入蒙古八旗曰內喀爾喀即今隸內扎薩克之喀爾喀左右翼二部曰
外喀爾喀其歸誠較後即今隸外扎薩克之喀爾喀土謝圖汗車臣汗扎薩克
圖汗賽因諾顏四部二十九年以額魯特台吉噶爾丹侵喀爾喀土謝圖汗車
臣圖汗扎薩克圖汗所居皆被掠先後乞降詔衣布伊勒登備兵要汛偵禦噶
爾丹三十五年上由克噶倫河親征諭其部選兵赴烏勒輝聽調噶爾丹敗遁
撤兵還雍正元年所屬收賜帑賑之九年大軍勦噶爾丹策凌選兵赴歸化
城駐防尋以護外扎薩克游牧移駐克噶倫河乾隆初撤之所部一旗駐察罕
和碩圖其爵爲扎薩克多羅貝勒有佐領一是部與放漢奈曼巴林翁牛特扎
魯特喀爾喀左翼阿爾沁七部十一旗統盟於卓索圖道光末籌海防咸
豐中勦粵匪皆徵其兵至同治初科爾沁親王僧格林沁陣亡乃徵歸清代蒙
古留京王公以是盟與哲里木卓索圖爲多大都額駙子孫錫林郭勒烏察布

伊克昭三盟則詳見焉

烏珠穆沁部在古北口外至京師千一百六十三里東西距三百六十里南北
距四百二十五里東索倫西浩齊特南巴林北瀚海元太祖十六世孫圖博
羅特由杭愛山徙牧瀚海南子博第喇克繼之有子三分牧而處長庫登汗
詳浩齊特部傳次庫克齊圖墨爾根台吉詳蘇尼特部傳次翁袞都喇爾號其
部曰烏珠穆沁子五長綽克圖號巴圖爾諾顏次巴雅號賽音冰圖諾顏次納
延泰號伊勒登諾顏次彰錦號達爾漢諾顏皆早卒次多爾濟號車臣濟農與
察哈爾同族爲所屬以林丹汗不通多爾濟借綽克圖子色稜徙牧瀚海北依
喀爾喀天聰九年大軍收服察哈爾多爾濟借喀爾喀部車臣汗碩榮浩齊特
部策稜伊勒登土謝圖蘇尼特部曼塞巴圖魯濟農阿巴噶部都思噶爾扎薩
克圖巴圖爾濟農等表貢方物崇德元年命舊自察哈爾來歸之偉宰桑等齎
敕往諭遂借其使納木渾津等至自是貢物不絕二年八月台吉伊什喀布烏
喇埃增格阿津鏗特克等來貢賽冠服甲冑弓矢布幣十一月多爾濟色稜各

清史稿

滿部

十

率屬由克噶倫來歸三年喀爾喀扎薩克圖汗擁衆佔歸化城上統師征多爾
濟色稜以兵會偵扎薩克圖汗遁乃還賜貢馬台吉巴甘冠服程帶五年賜來
朝台吉固穆塔布賽阿哈圖等蟒服綵幣六年詔授多爾濟扎薩克和碩車臣
親王順治三年詔授色稜扎薩克多羅額爾德尼貝勒以多爾濟掌左翼色稜
掌右翼是年大軍勦蘇尼特部騰機思至喀爾喀以多爾濟風達喇海嚮導功
賜號達爾漢康熙二十年以所部牧鄭喀爾喀因五竊駝馬王大臣等遵旨議
邊汛形勝處各屯兵百許按旗設哨嗣後扎薩克能撫衆戢盜者予敘否則論
罪二十七年噶爾丹侵喀爾喀遣大臣赴烏珠穆沁宣諭扎薩克等防汛三十
年阿巴噶台吉奔塔爾首烏珠穆沁台吉車根等叛附噶爾丹語涉扎薩克王
素達尼妻命大臣往勸得車根等私給噶爾丹駝馬又令部校阿爾塔等往通
信狀罪應死素達尼妻預知應削封號奪所屬人戶素達尼已故應除爵議上
詔治車根等罪免奪人戶素達尼未預謀免除爵襲如初三十一年素達尼弟
協理台吉烏達喇希妻以烏達喇希證車根等從逆狀乞予敘理藩院議烏達

喇希故應贈輔國公令子哀布扎偵襲從之後停襲三十四年噶爾丹復侵喀爾喀詔所部選兵駐汛三十五年偵噶爾丹至額哲特圖哈卜濟爾赴烏爾輝聽調是年上親征噶爾丹還賜坐塘諸弁兵銀五十五年選兵隨大軍防禦策妄阿喇布坦雍正九年議勦噶爾丹策凌詔徵烏珠穆沁西各扎薩克兵三千駐烏喇特汛防四十九旗游牧復論烏珠穆沁別以兵駐克魯倫河十年移駐達哩剛愛十三年徵還乾隆十二年詔嘉兩翼扎薩克值所屬災贍貧戶二萬餘王貝勒以下各賜俸半年無俸台吉俱賜幣有差所部二旗右翼駐巴克蘇爾哈臺山左翼駐魁蘇陀羅海與浩齊特蘇尼特阿巴噶阿巴哈納爾諸部統盟於錫林郭勒府四扎薩克和碩車臣親王一附鎮國公一輔國公一扎薩克多羅額爾德尼貝勒一左旗扎薩克貝勒色楞額傳至達克丹都克雅扎布咸豐十年以報效軍需駝馬予郡王銜是部左翼有固爾班泊產鹽由巴林橋烏丹城運售內地西出圍場分銷承德豐灤各屬東出建平分銷建昌朝陽各屬遠者更可銷至奉天突泉諸縣西南可由多倫至山西豐鎮南遠諸廳光緒三十

清史稿

卷一百一十一

十一

二 年都統廷杰奏定試辦蒙盟章程宣統二年度支部尚書載澤奏定山西蒙鹽辦法謂東路以烏珠穆沁蒙盟為主以部蘇尼特盟附之左翼有佐領二十一右翼有佐領九
浩齊特部在獨石口外至京師千八百一十五里東西距百七十里南北距三百七十五里東及北烏珠穆沁西阿巴噶南克什克騰元太祖十六世孫圖博羅特再傳至庫登汗號其部曰浩齊特庫登汗孫德格類號額爾德尼輝台吉子五長奇塔特扎幹杜稜士謝圖次巴斯琿士謝圖次策凌伊勒登士謝圖次奇塔特昆杜稜額爾德尼車臣楚琥爾次茂海墨爾根與察哈爾同族為所屬以林丹汗不道徙牧瀚海北依喀爾喀天聰八年所部台吉額琳臣及塔布賽巴特瑪班第圖喀齊宰桑僧格布延徹臣烏巴什等攜戶口駝馬自喀爾喀內附遣使迎宴賚甲胃雕鞍蟒服銀幣額琳臣屬有先附者五十三戶仍命轄之九年大軍收服察哈爾策凌伊勒登士謝圖借烏珠穆沁諸部長表貢方物崇德元年巴斯琿士謝圖借蘇尼特部來貢二年奇塔特昆杜稜額爾德尼車

臣楚琥爾子博羅特率屬來歸順治三年詔授扎薩克多羅額爾德尼貝勒後晉封郡王八年奇塔特扎幹杜稜士謝圖子噶爾瑪色旺携眾至十年詔授扎薩克多羅郡王以博羅特掌左翼噶爾瑪色旺掌右翼康熙二十七年詔發拜察儲粟賑其部貧戶復命給銀三十四年噶爾丹侵喀爾喀詔兩翼扎薩克選兵駐汛偵禦之三十五年前親征噶爾丹牧馬郭和蘇台諭借蘇尼特阿巴哈納爾部長董牧務凱旋兩翼扎薩克率台吉等歡迎道左諭獎餉秣得宜並優賚監牧及修造器非諸弁兵五十四所部歉收以唐三營儲粟賑之並遣官往教之漁雍正九年大軍勦噶爾丹策凌詔選兵分駐克魯倫河十年移駐達哩剛愛十三年徵還所部二旗左翼駐特古哩克呼都克勒欽右翼駐烏默赫塞哩蘇錫林郭勒盟附二扎薩克多羅額爾德尼郡王一扎薩克多羅郡王一是部左右翼有佐領各五

清史稿

卷一百一十二

十二

蘇尼特部在張家口外至京師九百六十里東西距四百六里南北距五百八十里東阿巴噶西四子部落南察哈爾正藍旗牧廠北瀚海元太祖十六世孫圖博羅特再傳至庫克齊圖墨爾根台吉號其部曰蘇尼特庫克齊圖墨爾根台吉子四長布延班台吉子結爾賓尼蘇尼特西路次布爾海楚琥爾子塔巴海達爾漢和碩齊居蘇尼特東路初皆服屬於察哈爾以林丹汗不道徙牧齊海北依喀爾喀天聰九年結爾賓子叟塞偕喀爾喀車臣汗碩壘遣使貢方物崇德二年塔巴海達爾漢和碩齊子騰機思騰機特芬古岱哈爾喇借台吉偉徵等各遣使來朝賜朝鮮貢物三年台吉務善伊勒登多爾濟喀喇巴圖魯色稜達爾瑪等從征喀爾喀扎薩克圖汗偵遁仍還四年春台吉超察海噶爾楚爾古特卓特巴什達喇塔古思那爾齊巴圖爾額爾齊斯等來朝登冠服甲胃弓矢冬騰機思叟塞各率屬自喀爾喀來歸入覲獻駝馬五年正月賜叟塞騰機思騰機特芬古岱哈爾喇及台吉佈達什希布阿玉什噶爾瑪色稜額爾克辰寶茂海伊勒畢斯等甲胃銀幣十月台吉烏班岱棟果爾鄂爾齊博希沙律等來貢馬賚冠服鞍轡六年授騰機思扎薩克多羅郡王七年授叟塞扎薩克多羅杜稜郡王以騰機思掌左翼叟塞掌右翼順治三年騰機思

以車臣汗碩學誘叛率弟騰機特及台吉烏班岱多爾濟斯喀等逃喀爾喀上
遣師借外藩軍由克噶倫追剿至譯特克山及圖拉河騰機思騰機特遁獲其
孛烏班岱多爾濟斯喀為四子部落軍陣斬師旋以烏班岱從子託濟弗從叛
且隨勦賜所俘五年騰機思及騰機特悔罪乞降詔宥死仍襲爵如初康熙十
年所部歉收詔發宣化府及歸化城賑粟儲之復酌給馬牛羊二十年遣官察
給兩翼災戶銀米二十七年噶爾丹侵喀爾喀詔選兵二千防汛二十九年噶
爾丹襲喀爾喀昆都倫博碩克圖袁布詔新部王以下願効力者赴軍聽用尋
噶爾丹入烏珠穆沁界諭還駐本旗要汛三十五年上親征噶爾丹詔選兵赴
烏勒輝聽調以牧馬郭和蘇臺借活齊特阿巴哈納爾部長董牧務凱
旋諭獎飼牧得宜並優資監牧及修道鑿井諸弁兵以右翼扎薩克屬旺舒克
左翼扎薩克屬博羅扎布嚮導功賜號達爾漢復詔郡王薩穆扎之第三子多
爾濟思喀布貝勒博木布之長子素岱會師圖拉河緝噶爾丹尋分右翼兵赴
珠勒輝克爾阿濟爾罕左翼兵赴伊察扎罕以不見賊蹤徹還五十四年災詔

清史稿

滿部一

十三

發張家口儲粟並帑十萬自台吉下六萬四千九百餘丁徧贖之雍修元年右
翼二等台吉進達克以追捕叛賊遇害晉贈一等台吉命親公爵致祭子三長
噶爾瑪遜多布封輔國公次噶爾瑪策布騰次恭格垂穆不勒以隨捕賊功各
晉台吉秩有差噶爾瑪遜多布爵後停襲二年所部災賜銀賑之九年調兵屯
克噶倫河防禦噶爾丹策凌十年有奏商都達布遜諾爾牧廠應移蘇尼特汛
者上飭止之令各居其牧十二年所部兵駐防達哩剛愛十三年徹還乾隆十
二年以災告飢遣官往賑所部二旗左翼駐和林圖察伯台岡右翼駐薩敏西
勒山隸錫林郭勒盟附四札薩克多羅郡王一附多羅貝勒一札薩克多羅杜
稜郡王一附輔國公一由貝勒降襲洎五十六年以是部連年被旱又特賑之
道光十三年右翼郡王與喀爾喀親王爭界詔察哈爾都統凱音布往勘尋以
喀爾喀災緩之其地當漠南北之衝歷代由漠南出兵漠北者多出其途光緒
末于蘇尼特右翼王府東北七十里置電報局曰滂江以通烏得叻林之電是
部亦產鹽西南行銷山西豐諸廳左翼有佐領二十右翼有佐領十三

阿巴噶部在張家口外至京師千里東西距二百里南北距二百有十里東阿
巴哈納爾西蘇尼特南察哈爾正藍旗牧廠北瀚海元太祖弟布格博勒格圖
十七傳至巴雅思瑚布爾古特子二長塔爾尼庫同號所部曰阿巴噶塔爾尼
庫同子二長素僧克偉徵子額爾德尼圖門號扎薩克圖諾顏次揚古岱卓哩
克圖子多爾濟額爾齊格諾顏初稱阿噶蒙古服屬於察哈爾以林丹汗不道
徒牧瀚海北克噶倫河界依喀爾喀車臣汗碩學天聰二年借喀喇沁土默特
鄂爾多斯諸部長擊察哈爾眾四萬於土默特之趙城復約喀爾喀借喀喇沁
乞師問察哈爾六年台吉奇塔特楚琥爾攜眾五百內附九年大軍收服察
哈爾額爾德尼圖門孫都思噶爾等附車臣汗碩學表貢方物崇德四年額齊
格諾顏多爾濟自喀爾喀來歸時有同名多爾濟者號達爾漢諾顏率眾皆至
六年詔授額齊格諾顏多爾濟為扎薩克多羅卓哩克圖郡王順治八年都思
噶爾自喀爾喀來歸詔授扎薩克多羅郡王以多爾濟掌左翼都思噶爾掌右
翼遣官定牧地康熙六年阿巴哈納爾部乞降以阿巴噶牧地賜之遣官視浩

清史稿

滿部一

十四

齊特蘇尼特界外水草豐美地指給阿巴噶移牧二十九年噶爾丹侵喀爾喀
詔所部王以下願効力者赴軍聽用復諭借阿巴哈納爾供軍藉兼防新降喀
爾喀掠諸內札薩克牧產三十一年以台吉班第額爾德尼岱青根敦巴雅爾
納木塔爾扎木素齊達什等導烏梁海眾內附均授二等台吉二十五年上親
征噶爾丹牧馬郭和蘇台諭借活齊特蘇尼特阿巴哈納爾諸部長董牧務凱
旋諭獎飼牧得宜並優資監牧及修道鑿井諸弁兵復以所部達濟桑阿嚮導
功賜號達爾漢三十六年王貝子台吉等朝正請備馬從軍慰令各歸所部時
有二等台吉圖把扎布色臣楚琥爾者年八十八諭嘉其舊志報效優資之五
十四年以災歉收詔發唐三營儲粟賑之復賜無產台吉牧牲雍正二年遣官
齎銀賑所部貧戶九年大軍勦噶爾丹策凌徵兵駐達哩剛愛十三年徹還乾
隆十一年旱災賑之五十四年平札薩克卓里克圖郡王喇特納什第以事奪札
薩克子其弟巴勒丹僧格一等台吉札薩克所部二旗左翼駐科布爾塞哩右
翼駐巴顏額倫爵五扎薩克多羅郡王一扎薩克一等台吉一附多羅卓里克

圖郡王一固山達爾漢貝子一輔國達爾漢公一由貝子降襲右翼扎薩克巴勒丹僧格三傳至杜噶爾布木成豐七年以報効軍需予鎮國公銜是部左右翼有佐領各十一

阿巴給納爾部在張家口外至京師千五十里東西距百八十里南北距四百三十六里東活齊特西阿巴噶南察哈爾正藍旗牧廠北瀚海元太祖弟布格博勒格圖十八傳至諾密特默克圖號所部曰阿巴哈納爾再傳至多爾濟伊勒登子二長色稜墨爾根次棟伊思喇布初稱阿喀蒙古依喀爾喀車臣汗碩學駐牧克噶倫河界其地在瀚海北崇德七年有和碩泰者台吉達喇務巴三察風也攜帑內附爾托克托伊達噶噶達賴等至皆優養之康熙元年台吉阿喇納噶爾堪宰桑同英等越瀚海南牧歸諸陀羅海近內汛三年色稜墨爾根復如之守臣以聞上知為喀爾喀所脅有罪道歸因諒喀爾喀以噶爾拜海海為牧界繼此有賊者留勿道四年喀爾喀復違詔令阿巴哈納爾諸台吉牧瀚海南棟伊思喇布弗之從尋偕台吉阿喇納噶爾堪等率眾來歸詔授札薩克

清史稿

藩部一

固山貝子阿喇納噶爾堪以各攜丁七百餘均授一等台吉五色稜墨爾根亦來歸六年詔授札薩克多羅貝勒道官指示阿巴噶部移牧他所以舊牧地給阿巴哈納爾色稜墨爾根掌左翼棟伊思喇布掌右翼二十七年噶爾丹侵喀爾喀哲卜尊丹巴呼圖克圖奔赴內汛所部班第岱青車凌岱青奉詔督兵二百往護復選兵千三百由瀚海偵噶爾丹先是色稜墨爾根棟伊思喇布來歸阿巴哈納爾諸台吉有留居喀爾喀者至是隨哲卜尊丹巴呼圖克圖額爾德尼台吉納木扎勒等至曰根敦額爾克曰阿海烏巴什曰伊克岱青曰額爾克烏巴什挈屬戶千餘詔納之二十九年噶爾丹復侵喀爾喀至烏勒札河所部選兵四千從大軍迎擊復以所部索諾木伊噶爾圖嚮導功賜號達爾漢五十四年以災歉收詔發唐三營儲粟賑之復賜無產台吉牲牧雍正二年遣官齎銀賑所部貧戶九年大軍勦噶爾丹策凌撥兵駐達哩剛愛十三年撤還所部二旗右翼駐昌圖山左翼駐烏勒扈陀羅海府二札薩克多羅貝勒一扎薩克固山貝子一札薩克貝子棟伊思喇布十傳至車林多爾濟宣統元年以報効

軍需賜郡王銜世襲貝勒左翼有佐領九右翼有佐領七是部與烏珠穆沁浩齊特蘇尼特阿巴噶四部合為十旗統盟於錫林郭勒於內札薩克東四盟中距京稍遠風氣獨守舊迄清季無招墜之事察哈爾都統行文令辦新政其盟覆文頗不遜咸豐中嘗徵其兵備防旋以不得力撤之同治中以回匪東竄敵其盟駝隻濟軍

清史稿

藩部一

Blank text area for the second page of the document.

清史稿

列傳

藩部三

四子部落

茂明安

喀爾喀右翼

烏拉特

鄂爾多斯

阿拉善

額濟納

四子部落在張家口外至京師九百六十里東西距二百三十五里南北距二百四十里東及北蘇尼特西歸化城土默特南察哈爾鑲紅旗牧廠元太祖弟哈巴圖哈薩爾十五世孫諾延泰與其兄昆都倫岱青遊牧呼倫貝爾均稱阿嚕蒙古昆都倫岱青裔詳阿嚕科爾沁部傳諾延泰子西長僧格號墨爾根和碩齊次索諾木號達爾漢台吉次鄂木佈號布庫台吉次伊爾扎木號墨爾根台吉四子分牧而處後遂為其部稱天聰四年阿嚕諸部長內附伊爾扎木來獻駝馬貂皮賜宴命坐大貝勒代善右以優異之五年僧格從征明大凌河敗

清史稿

藩部三

一

錦州援兵獻俘百餘賜酒勞飲給陣獲甲仗六年僧格從征察哈爾七年索諾木鄂木佈伊爾扎木相繼獻駝馬寶甲胄雕鞍帶及幣八年鄂木佈伊爾扎木復獻駝馬命諸貝勒以次宴之尋遣大臣赴碩翁科爾定諸藩牧以都木達都騰格里克鄂多爾台為其部牧界九年夏伊爾扎木隨大軍收察哈爾汗子額哲盡降其衆冬獻駝馬貂皮崇德元年宣諭朝鮮其部伊爾遜德齋書從遇明皮島兵擊斬二人還得優賞是年授鄂木佈扎薩克俾統四子部落三年伊爾扎木從征明山東四年從征松山師旋以前遣兵不及額又弗朝正議奪所屬人戶詔從寬罰牲畜五年來朝賚甲胄弓矢綵幣六年上親征明圍松山其部將都爾拜隨大軍設伏高橋及桑阿爾齋堡追杏山逃卒獲之順治元年從入山海關擊流賊李自成六年四月追叙所屬昂安導鄂木佈等來歸功予世職康熙十年所部歉收詔以宣府及歸化城儲粟賑之十三年調兵協勦陝西叛賊王輔臣諭嘉其聞命即赴十四年山南夏進勦尋分防太原大同十五年調赴河南聽江西大軍檄勦逆藩吳三桂十七年以厄魯特額爾德尼和碩齊

等掠烏喇特牧諭嚴防汛二十一年詔發大同宣府儲粟賑所屬貧戶復以察哈爾牧產贖之二十九年選兵赴圖拉河偵噶爾丹會噶爾丹由喀爾喀河追襲昆都倫博碩克圖袋布詔移兵駐歸化城尋徵還二十四年諭備兵聽西路軍調三十五年隨大將軍費揚古敗噶爾丹於昭莫多復簡兵百與茂明安兵百防喀爾喀親王善巴汎三十六年朔漠平賜從征及坐塘監牧諸弁兵銀雍正九年從勦噶爾丹策凌乾隆十一年賑是部災十八年議勦達瓦齊詔購駝馬送軍所部一旗駐烏爾圖濟坡其爵為扎薩克多羅達爾漢卓哩克圖郡王同治中以回匪東竄命副都統杜嘎爾軍擇駐其地以富漠南北之衝徵駝馬備防戍襄寧差皆較他部為亟光緒十一年察哈爾都統紹祺以勘土默特達拉特爭界事經其部奏四子王旗幫台駝馬自同治年間藉詞西北軍興差役繁重潛自回旗至今十餘年之久屢催罔應所屬部落聞私聚者十已七八請下理藩院嚴催詔從之二十六年奉教相仇是部釀禍頗鉅事定議給教堂賠款銀十一萬兩二十九年置山西武川廳同知以是部及茂明安喀爾喀右

清史稿

藩部三

二

翼寄居人民村落隸之自回匪平山西大同鎮練軍駐其地設防卡其後綏遠城將軍督辦墾務貽穀履奏請飭認墾三十一年是部呈因債作抵之忽濟爾圖地一段請由官局放墾三十二年呈所部之察罕依喇格勒圖地段認墾有佐領二十是部與茂明安喀爾喀右翼烏拉特同盟于烏爾察布綏遠城將軍節制烏爾察布伊克昭二盟故重大事件皆由將軍專奏焉

茂明安部在張家口外至京師千二百四十里東西距百里南北距百九十里東喀爾喀右翼西烏喇特南歸化城土默特北瀚海元太祖弟哈巴圖哈薩爾十三世孫鄂爾圖爾布延圖子錫喇奇塔特號土謝圖汗有子三長多爾濟次固穆巴圖魯次桑阿爾濟洪果爾游牧呼倫貝爾均稱阿魯蒙古多爾濟號布顏圖汗子車根爾為茂明安部長天聰七年偕固倫巴圖魯暨台吉達爾瑪岱袁烏巴什等攜戶千餘來歸獻駝馬八年台吉揚固海杜凌烏巴海達爾漢巴圖魯瑚梭都喇勒巴瑪額爾忻岱青阿布泰繼至均賜宴賚甲胄雕鞍銀幣九年烏巴海達爾漢巴圖魯都喇勒叛逃喀爾喀遣兵由鄂諾河往勦至阿古庫

克特勒斬叛屬千餘追至喀木尼哈盡俘以還崇德三年巴特瑪瑚稜等從征喀爾喀扎薩克圖汗值遁乃還嗣征明山東及蘇尼特喀爾喀皆以兵從康熙三年授車根長子僧格扎薩克俾統其衆十三年調兵勦陝西叛鎮王輔臣十四年駐防大同十五年調赴河南總江大軍檄勦逆藩吳三桂十九年以厄魯特羅卜藏丹台吉等掠其部牧產遣官諭厄魯特察歸所掠二十七年噶爾丹侵喀爾喀諭嚴防汛二十九年噶爾丹襲喀爾喀昆都倫博碩克圖貸布踰烏勒扎河詔選兵駐歸化城三十五年從西路大軍擊噶爾丹三十六年朔漢平賜從征弁兵銀五十四年所部收以呼坦和儲粟賑之雍正九年從勦噶爾丹策凌分兵赴固爾班賽堪駐防十年移駐伯格爾十三年徵還所部一旗駐牧微特塞哩隸烏爾察木盟爵二札薩克一等台吉一附多羅貝勒一道光十二年與土默特爭界命松筠往勘八月覆奏茂明安及達爾漢貝勒等所爭土默特游牧有乾隆年間原案原圖並所設封堆鄂博向該台吉等逐加指示心俱輸服令按舊定界址各守游牧毋相侵越同治中回匪東竄是部被擾九

清史稿

滿部三

三

年十二月綏遠城將軍定安奏獲茂明安等旗肆掠馬賊巴噶安爾等誅之十年茂明安扎薩克絳克巴達爾琿等以違悞台站議處是年肅州回匪東竄烏拉特境定安遣侍衛成山統吉林馬隊駐是部光緒末綏遠城將軍貽穀督擊勦諭報地三十三年呈交水壕帳房塔兩處地段認墾實則是部租給商民墾地頗多境內漢民村落亦衆有佐領四
喀爾喀右翼部在張家口外至京師千一百三十里東西距百二十里南北距百三十里東四子部落西茂明安南歸化城土默特北瀚海元太祖十六世孫格喀森扎扎資爾琿台吉有子七號喀爾喀七旗分東西中三路以三汗掌之其第三子諾諾和偉徵諾顏有子二長阿巴泰號鄂齊賴賽因汗爲中路土謝圖汁祖次阿布琥號墨爾根諾顏子三長昂噶海襲父墨爾根號次喇哩號達賴諾顏生本塔爾本巴什希色爾濟扎木素額璘沁次圖蒙肯號昆都倫諾楞子車顏都朗生貸布皆爲喀爾喀中路台吉隸土謝圖汗順治十年二月本塔爾以與土謝圖汗貸布隙借弟本巴什希扎木素額璘沁及貸布率戶千餘

清史稿

滿部三

四

來歸色爾濟獨留喀爾喀其孫禮塔爾後來歸授扎薩克台吉見土謝圖汗部傳三月詔封本塔爾爲扎薩克和碩達爾漢親王統其衆賜牧塔喀渾河與內扎薩克諸部列是爲喀爾喀右翼其稱左翼者爲貝勒貸布伊勒登亦自喀爾喀來歸受封在本塔爾後互見其傳康熙二十五年喀爾喀扎薩克圖汗沙喇與土謝圖汗察那多爾濟構黨遣大臣莅盟於庫倫伯勒齊爾由歸化城齎糧往詔所部扎薩克選駝助運二十七年選兵駐邊偵噶爾丹二十九年調赴圖拉河的留兵之半駐歸化城三十一年詔發殺虎口倉粟賑其屬貧戶三十五年五月從大將軍費揚古山西路敗噶爾丹於昭莫多凱旋詔留軍營餘米給部衆十月發軍前馬瘠者留其地飼牧三十六年費揚古檄所部兵會大軍於喀爾喀郡王善巴界師旋從征兵銀五十四年三月因久雪傷牧產詔發呼坦和朔儲粟賑之雍正九年大軍勦噶爾丹策凌詔簡兵駐歸化城十年復隨鄂爾多斯郡王扎木揚駐烏喇特西界十三年徵還乾隆四年遣大臣察閱備調兵頒賞有差所部一旗駐牧塔喀渾河四扎薩克多羅達爾漢貝勒一山
親王降襲附固山卓哩克圖貝子一山郡王降襲固山貝子一鎮國公一道光十二年與土默特爭界松筠往勘仍如舊界定之同治十一年肅州回匪東竄烏拉特杜爾道侍衛永德率兵進駐是部之和林果爾一帶堵截之四月杜爾進軍勦賽盟阿爾必特公等旗之匪飭是部與四子部落委員履覓民駝趣應軍需光緒末議與西盟墾務是部報卓克蘇拉塔一帶地段認墾有佐領四
烏喇特部在歸化城西至京師千五百二十里東西距二百十五里南北距三百里東茂明安及歸化城土默特西及南鄂爾多斯北喀爾喀右翼元太祖弟哈巴圖哈薩爾十五世孫布爾海游牧呼倫貝爾號所部曰烏喇特子五長賴噶次布揚武次阿爾薩瑚次布噶圖次巴爾賽後分烏喇特爲三賴噶孫鄂木布巴爾賽次子哈尼爾斯青台吉之孫色稜及第五子哈尼爾泰冰圖台吉之子圖巴分領其衆統號阿喀蒙古天聰七年率屬來歸貢駝馬八年從大軍征明由喀喇鄂博入得勝堡略大同克堡三臺一師旋以奈曼翁牛特部違令罪各罰

駝馬詔分給所部嗣征朝鮮喀爾喀及明錦州松山薊州皆以兵從順治五年叙功時鄂木布色稜已卒以圖巴掌中旗鄂木布子誇班掌前旗色稜子巴克巴海掌後旗各授扎薩克封鎮國公輔國公爵有差康熙二十六年上閱兵庶溝橋命其部來朝人從觀二十七年噶爾丹侵喀爾喀諭嚴防汛二十九年噶爾丹襲喀爾喀昆都倫博碩克圖哀布諭烏勒扎河命選兵駐歸化城三十年以自厄魯特來歸之巴圖爾額爾克濟農和囉理叛逃詔備兵五百偵勦三十一年和囉理降徹所備兵歸十五年從西路大軍敗噶爾丹於昭莫多三十六年朔漠平上由甯夏凱旋四等台吉南春迎觀賀捷稱旨晉授一等台吉並優資從征及坐塘監牧鑿井諸弁兵三十八年以其屬有貧爲盜者諭諸扎薩克教養之五十四年所部歉收以呼坦和朔儲粟賑之雍正九年大軍勦噶爾丹策凌諭選兵防游牧乾隆十九年議勦達瓦齊詔購駝馬送軍所部三旗駐牧哈達瑪爾爾三扎薩克鎮國公二輔國公一是部擊事最先乾隆三十年即將沿河牧地私租民人耕種五十七年以積欠商人二萬兩允佃種五年之限道

清史稿

滿部三

五

光十二年扎薩克鎮國公巴圖鄂齊爾充烏蘭察布盟盟長以茂明安等旗爭地不報歸化城副都統輒向理藩院越訴奪盟長咸豐三年綏遠城將軍盛璠奏烏拉特三公旗生齒日繁漸形窮苦除欠民人債物及備辦軍台差使借貸銀錢無力償還陸續私租地畝數十處每處寬長百十里或數十里酌擬變通分別應禁應開下所司議行同治七年回匪東竄擾後套山西大同鎮總兵馬陞督兵往昆都崙溝台梁一帶防剿九年將軍定安奏烏拉特河北後套夙稱產糧之區而糧所由產皆出於內地民人私種蒙古游牧之地現金順張耀老湘卓勝各營軍糧無不購買於此擬請將三公旗游牧擊出地畝無論應開應禁均暫准種耕責令按畝收租留備各項差使之用所產糧石供各路軍精時回匪陷磴口擾及是部後套一帶二月諭宜安遣宋慶一軍赴舍太一帶勦除北路竄匪尋鄂爾多斯貝子烏爾那遜督隊擊退六月諭定安等勦烏拉特居民趕興耕作以裕足食之源十二月諭金順防範烏拉特三旗地方游牧回匪十年三月回匪復自賽音諾顏之阿米爾畢特公旗擾是部中公旗洪庫勒塔

拉地方六月匪又擾中公旗之什巴克台杜噶爾奏吉額洪額等軍大敗之于布特地方金運昌遣提督王鳳鳴剿前敵洪庫勒塔拉之匪于奔巴廟察洪噶爾廟皆殄之其後肅州回匪平烏拉特始息警自征回軍興西路文報及軍需駝馬皆由是部設台分段接替至阿拉善而止西陲肅清始復舊制二十三年山西巡撫胡聘之請開烏拉特三湖灣地方屯墾既得旨理藩院以蒙盟呈有碍游牧格其議二十九年護山西巡撫趙爾巽吳廷斌先後奏置五原廳同知以是時鄂爾多斯之達拉特杭錦兩旗寄居民人村落隸之時兵部侍郎貽穀督擊派員勸報地三十三年奏烏拉特前旗以達拉特旗東之什拉胡魯素紅門兔等地後旗以黃河西岸之紅河灣地段中旗以黃河西岸熟地莫多噶魯泰兩段報墾並修墻工擴渠道防衝突暢引灌仍以民多官少防範難周蒙人時有爭渠阻墾情事入告是部中旗有佐領十六前旗十二後旗六鄂爾多斯部在河套內至京師千一百里東歸化城土默特西阿拉善南陝西長城北烏喇特東西北三面皆距河袤延二千餘里元太祖十六世孫巴爾蘇

清史稿

滿部三

六

博羅特始居河套爲鄂爾多斯濟農子亥弼哩克圖墨爾根繼之有子九分牧而處今鄂爾多斯七札薩克皆其裔長諾顏達喇濟農號爲扎薩克郡王額璘臣一旗祖次巴雅斯呼朗諾顏爲扎薩克貝勒善丹一旗祖次偉達爾瑪諾顏爲扎薩克貝子沙克扎鎮國公小扎木素二旗祖次諾們塔喇尼華台吉爲扎薩克貝子額琳沁一旗祖次玻璃揚呼哩都噶爾岱吉爲扎薩克台吉定咱喇什一旗祖次巴雅喇偉徵諾顏爲扎薩克貝子色稜一旗祖次巴特瑪薩木巴幹次納穆達喇達爾漢諾顏次翁拉罕伊勒登台吉皆爲濟農屬察哈爾林丹汗虐其部濟農額琳臣與喀喇沁阿巴噶諾部長敗察哈爾兵四萬於土默特之趙城天聰九年大軍收林丹汗子額哲於黃河西托里圖地未至額璘臣私要額哲盟分其衆以行我軍追及之索所獲額璘臣懼獻察哈爾戶千餘自是所部內附頒授條約順治元年選兵隨英親王阿濟格赴陝西勦流賊李自成二年師旋得優資六年台吉大扎木素及多爾濟叛劫我使圖噶錫敕曰聞爾等背叛即欲加兵但念受朕恩有年且生靈堪憐故不忍遽用干戈爾能悔過

來朝卽有罪恩養憐憫不卽歸順當發兵窮爾蹤跡必不容爾偷生時額琿臣偕同族固喀岱吉善丹小扎木素沙克扎額琳沁色稜等攜自額濟內阿喇克鄂拉徒牧博羅陀海上嘉其不助逆詔封郡王貝勒貝子鎮國公有差各授扎薩克凡六旗七年大扎木素降詔宥其罪諭多爾濟降不從九年遣兵擒斬多爾濟於阿拉善康熙十三年冬調所部兵三千五百會剿陝西叛鎮王輔臣十四年復神木定邊花馬池各城堡叙功晉扎薩克等爵台吉各加一級二十七年噶爾丹侵喀爾喀奉詔簡兵二千防汛三十五上年親征噶爾丹至所部界扎薩克等率屬渡河朝御營獻馬上手諭皇太子曰朕至鄂爾多斯地方見其人皆有禮貌不失舊時蒙古規模各旗俱和睦如一體無盜賊駝馬牛羊不必防守生計周全牲畜盛較他蒙古殷富圍獵嫺熟雉兔復多所獻馬皆極馴取馬不用套竿隨手執之水土食物皆甚相宜三十六年允扎薩克等請設站阿都海軍奏及糧運俱由其地行時扎薩克等率兵扈蹕頒發白金是年冬理藩院劾運米遲誤罪詔寬免五十一年諭曰鄂爾多斯饑饉流殍戶口流散

清史稿

卷一百一十七

七

可速遣官察數務令各遂生業五十二年詔定其部牧界先是郡王松喇布請暫牧察罕托輝尙書穆和倫等往勘議於柳察剛柳察房察西察四臺外暫令駐牧至是甯夏總兵范時捷奏察罕托輝係版圖內地蒙古遊牧與民樵採混雜不便請令仍以黃河爲界遣官勘議從時捷所請五十四年詔簡兵二千從大軍防禦策妄阿喇布坦五十五年所部款收遣官往賑凡七千九百餘戶三萬一千餘丁雍正元年復命賑恤十年以調赴固爾班賽堪兵三千不堪用者五百又中途逃歸四百餘爲將軍達爾所濟勦論王貝勒貝子等罪各降爵尋以次子復乾隆元年詔增設一旗以一等台吉定喇什領之授扎薩克是年允陝西榆林神木等處邊民種鄂爾多斯餘閒套地完租四十九年陝甘總督福康安奏黃河改向西流原在河西民人反在河東鄂爾多斯蒙古貪利濫以現行黃河爲界謂民人占據所部游牧地方命侍郎賽音博爾克圖往勘仍如前黃河舊流之地爲界釘椿立碑所部七旗自爲一盟曰伊克昭與哲哩木卓索圖昭烏達錫林郭勒烏蘭察布五盟同列內札薩克左翼前旗一名準噶爾

旗駐札勒谷左翼中旗一名郡王旗駐敖西喜峯左翼後旗一名達拉特旗駐巴爾哈遜湖右翼前旗一名烏審旗駐巴哈池右翼中旗一名鄂拓克旗駐西喇布哩都池右翼後旗一名杭錦旗駐鄂爾吉虎泊後增一旗曰左翼前末旗一名札薩克旗爵八扎薩克多羅郡王一附輔國公一扎薩克多羅貝勒一扎薩克固山貝子四一由鎮國公晉襲扎薩克一等台吉一是部擊事最早乾隆以後是部招墾民人近陝西者分隸陝西神木定邊兩理事同知及神木府谷懷遠靖邊定邊等縣近山西者分隸薩拉齊托克托城清水河三廳偏關河曲等縣而因地滋爭之案亦時有道光八年達拉特旗之才吉波羅塔拉地方以抵還債項奏准租給商種五年十四年綏遠城將軍彥德奏達拉特旗台吉人等招民私墾驛站草地致越界侵種其旗游牧地方貝子親往驅逐民人恃衆欲傷二等台吉薩音吉雅等詔山西巡撫鄂順安派員捕治之其後相沿奉部文而承種者有之由台吉私放者有之由各喇嘛公放者有之開墾頗多產糧亦盛同治初元回匪役與辦團練購糧儲蓄皆取濟於此是年調鄂爾多斯兵

清史稿

卷一百一十八

八

赴甘協勦六年回匪屢入境皆爲貝子扎那格爾第兵所敗七年正月陝西甯條梁之陷匪遂大入游牧南自依克沙巴爾北至固爾根柴達木焚掠殆遍要地如古城答拉寨十里長灘諸處皆不守蒙兵不能戰屢請撤退四月綏遠城將軍德勒克多爾濟奏飭扎那格爾第簡精壯蒙兵五百合準噶爾旗壯丁及察哈爾馬隊各五百均歸統帶樺駐神木要隘相機迎勦別以達拉特旗兵五百駐適中草地朝旨飭甯夏副都統金順一軍援之六月金順深入蒙地遇匪于野狐井門家梁王家溝皆捷嵩武軍統領提督張曜一軍亦赴援屢挫之古城十里長灘之匪皆遁張曜又敗匪于達拉特旗進駐古城而竄杭錦烏審郡王等旗之匪亦爲綏遠城將軍所遣達爾濟一軍所敗是爲鄂部七旗初次肅清綏遠城將軍定安遂奏撤伊克昭盟兵一千九百回本游牧防守仍留前挑兵五百令那格爾第統帶探賊進勦十二月阿拉善之磴口不守回匪又大入盟海子鐵金一帶皆被擾時匪自磴口水陸進撲副都統杜燾爾派派領成山等合烏爾圖那遜兵分往鐵金及阿拉善旗烏蘭木頭地方勦之匪皆敗遁六

月張曜自古城進勦屢敗匪于察罕諾爾沙金托海追至賀蘭山達爾濟扎那格爾第兩軍擊斃杭錦達爾特郡王諸旗之匪朝旨又增遣宋慶一軍西援八月敗擾郡王旗之匪于東嶺擊退擾烏審鄂拓克等旗之匪進至哈拉塞金順軍磴口張曜軍擊夏沿途自舍太至三道河石衙山皆駐官軍宋慶是冬追勦逆于準噶爾盟海子諸處悉殄之九年金積回匪以官軍攻急自石衙北犯冀梗我運道於是沙金托海以西匪騎出沒而準噶爾杭錦鄂拓克諸旗復擾宋慶達爾濟諸軍復進勦迭捷七月烏審旗管帶官赤樓多爾濟以勦匪陣亡于霍里木廟然各旗亦屢挫來擾之匪梅楞章京扎棟巴等以勦挫陝西懷遠邊外之匪予優獎是部再告奠至金積蕩平而警報始息歷次陣亡蒙旗官兵及出力者均時予卹獎其鄉金諸地則山西仍置防戍光緒二年邊外馬賊肆擾是部達拉特杭錦等旗地戶商人蹂躪特重渠廢田蕪迄不可復十五伊克昭盟長貝子扎那濟爾迪呈準噶爾旗以頻年荒歉請開墾空閑牧場一段東西八十里南北十五里收租散賑接濟窮蒙下理藩院議行以招種民人分隸

清史稿

藩部

九

山西河曲陝西府谷時歸化城土默特與達拉特旗以黃河改道爭界畧山西巡撫奎斌大理寺少卿郭勒敏布以綏遠城將軍斷分之案偏袒土默特奏劾命察哈爾都統紹祺往勘援乾隆五十一年黃河舊漕爲斷之說以南之地四成歸達拉特以北之地六成歸土默特尋經勘定北自烏拉特界南至準噶爾界達拉特應分地周六百四十八里十二年伊犁領隊大臣長庚奏纏金等處宜開屯田山西巡撫剛毅覆奏纏金即才吉地在河北外套伊克昭盟之達拉特杭錦兩旗牧界河自改行南道蒙古始招商租種分佃修成渠道西則纏金計共五渠東則後套計共三渠紆迴約二百里中間支渠曲折蜿蜒不可枚數後遭馬賊之擾不特纏金牛場商號不過數家即後套左右亦只二百餘家達拉特旗昔歲收租銀十萬近所收租錢不及三千串閱伍至薩齊之包頭面與伊克昭盟長貝子扎那吉爾迪籌商謂當明示各旗斷不使該旗牧界日久歸於民人因上議屯三端曰分段曰修渠曰設官下所司議格二十六年參匪之案鄂爾多斯七旗如達拉特鄂拓克烏審準噶爾各旗釀禍均重事定議有賠

欽達拉特一旗至三十七萬兩教堂欲得銀蒙旗欲抵地久未結十八年命兵部侍郎貽穀辦晉邊墾務咨調烏伊兩盟長詣歸化商訂迄未至而呈理藩院請免開辦廷旨下院嚴飭盟長迅與貽穀等會商不得推諉於是貽穀等先以贈還達拉特旗教案熟地二千頃給銀十七萬兩者爲墾務入手之策二十九年達拉特杭錦兩旗始派員就議報墾郡王鄂克烏審準噶爾扎薩克五旗亦相繼報地而杭錦旗貝子阿爾賓巴雅爾時充盟長仍請緩辦堅拒出具交地印文三十年貽穀以抗不遵辦擊動全局効之以副盟長烏審旗貝子察克都爾色楞代署三月套匪滋事山西練軍平之九月察克都爾色楞等以烏審扎薩克兩旗公中之地北起阿拜素南至巴蓋補拉克一段歸官報墾祝皇太后七旬萬壽子察克都爾色楞郡王銜沙克都爾扎布領國公銜三十一年二月阿爾賓巴雅爾復呈悔過情形報出杭錦旗中巴噶地一段貽穀奏烏伊兩盟地皆封建與察哈爾之比於郡縣者不同定押荒歲租皆一半歸官一半歸蒙別提修渠費旨下所司知之七月貽穀奏杭錦達拉特兩旗地戶將原有各渠

清史稿

藩部

十

報効歸公因改良勝渠名長濟纏金渠名永濟挑濬深通老郭等渠以次及之計可溉田萬頃後套地必附渠渠日加多即地日廣就現在應收之款悉歸工作回環挹注務竟其功請各旗押荒地租各款應歸公者均暫緩提撥備渠工大修之費九月準噶爾旗協理台吉丹丕爾不悅於墾糾眾抗阻攻劫局所貽殺遣兵捕治之三十二年貽穀奏定郡王等五旗旱地押荒歲租陝西巡撫恩壽會奏以郡王扎薩克兩旗地置東勝廳隸山西歸綏道三十三年貽穀蒙諭復阿爾賓巴雅爾盟長信勤瑞良等相繼爲墾務大臣是部墾事進行未廢佐領卽左翼中旗十七右翼中旗八十四左右翼前旗各四十二左翼後旗四十七右翼後旗三十六右翼前末旗十三阿拉善厄魯特部至京師五千里東鄂爾多斯西濟納南寧夏涼州甘肅北隴瀚海接音諾顏扎薩克爾盟延七百餘里卽賀蘭山地駐牧蒙古系出元太祖弟哈巴圖哈薩爾與和碩特同族和碩特舊爲四額特魯之一故稱額魯特部哈巴圖哈薩爾十九傳至圖魯拜琥號順實汗有子巴延阿布該阿玉什

兄拜巴噶斯初育以爲子後自生子二長鄂齊爾圖次阿巴賴游牧河西套稱西套厄魯特巴延阿布該阿玉什號達賴烏巴什子十六居西套者曰和囉理曰墨爾根曰額爾克曰都喇勒曰哈什哈曰陀音曰土謝圖羅卜藏曰博第曰多爾濟扎布曰諾爾布扎木素曰愛博果特曰鄂木布和囉理號巴圖爾額爾克濟農以來歸授扎薩克賜牧阿拉善諸昆弟子姓隸之其居青海者曰扎布曰阿南達曰伊特格勒曰巴特巴扎布授扎薩克領其族見青海厄魯特部傳鄂齊爾圖號車臣拉子三長額爾德尼子噶勒丹多爾濟次噶爾第巴子羅卜藏賚布阿喇喇布坦次伊拉古克三班第達呼圖克圖後皆絕嗣阿巴賴裔爲準噶爾所掠故不著順治四年鄂齊爾圖遣使貢駝馬六年阿巴賴繼至七年鄂齊爾圖使至以喀爾喀煽蘇尼特部長騰機思判奏稱力能勦逆當相機爲之否則亦必修貢如初不敢稍萌異志諭絕喀爾喀勿私通好嗣因額爾德尼噶爾第巴伊拉古克三班第達呼圖克圖及所部台吉宰桑等朝貢至者相接準噶爾台吉噶爾丹游牧阿爾台號博碩克圖汗覬爲厄魯特長鄂齊爾圖妻

清史稿

海部三

十一

以孫女阿努尋與際康熙十六年噶爾丹以兵襲西套戕鄂齊爾圖破其部鄂齊爾圖妻曰多爾濟喇布坦與喀爾喀墨爾根汗額列克妻皆土爾扈特汗阿玉奇女兒也額列克孫察拜多爾濟號土謝圖濟汗值噶爾丹侵鄂齊爾圖兵援之不及多爾濟喇布坦奔土爾扈特噶爾丹遣使獻俘諭曰鄂爾齊圖汗與噶爾丹向俱納貢今噶爾丹侵殺鄂爾齊圖所獲弓矢等物朕不忍納也其卻之西套厄魯特既潰或奔依達賴喇嘛或被噶爾丹掠去和囉理率族屬避居大草灘廬帳萬餘守汛者遺之去仍逐水草徒戀處邊外有楚琥爾烏巴什者噶爾丹叔父也子五長巴哈班第次阿南達次羅卜藏呼圖克圖次摩章次羅卜藏額琳沁噶爾丹以私憾襲殺巴哈班第執楚琥爾烏巴什及羅卜藏額琳沁等禁之巴哈班第子罕都爲和囉理甥時年十有三其屬額爾德尼和碩齊携之逃以兵四百掠烏拉喇特戶畜竄就和囉理居額濟內河喀爾喀台吉畢瑪里吉哩誦偵以告會青海墨爾根台吉等察獻額爾德尼和碩齊所掠遣使詰知爲準噶爾屬噶爾丹捕額爾德尼和碩齊治罪并收和囉理歸牧或

非所屬當以告二十二年噶爾丹奏和囉理等歸達賴喇嘛已遣使召請以丑年四月爲限是年蓋歲在亥二十三年罕都偕額爾德尼和碩齊遣使貢請宥掠烏喇特罪而和囉理噶爾圖管掠茂明安諸部牧產前以服罪故宥之至是諭曰和囉理既免罪額爾德尼和碩齊等著一體赦所貢准上納先是羅卜藏賚布阿喇喇布坦避噶爾丹走唐古特以達賴喇嘛言表請賜居龍頭山轄西套遣衆命兵部督捕理事官拉都琥往勘奏言龍頭山蒙古謂之阿拉克鄂拉乃甘州城北東大山山脈絲延邊境山口卽邊關建夏口城距潢川堡五里山盡爲寧遠堡距龍頭山里許有昌寧湖界之內地兵民耕牧久以不宜令新附蒙古居上可其奏羅卜藏賚布阿喇喇布實徙牧布隆吉爾土謝圖汗瑞多爾濟以女妻之事聞詔廷臣曰前齊爾圖汗爲噶爾丹所戕其孫羅卜藏賚布阿喇喇布往求達賴喇嘛指授所居之地達賴喇嘛令駐牧阿拉克鄂拉因以爲請鄂齊爾圖汗從子和囉理前沿邊駐牧曾檄噶爾丹牧取之令羅卜藏賚布阿喇喇布坦與喀爾喀互爲犄角噶爾丹欲以兵向和囉理等則恐喀爾喀踏之欲以

清史稿

海部三

十二

兵向喀爾喀則恐和囉理等襲之此必非噶爾丹所能牧取也二十四年和囉理請賜敕印鈐部衆廷臣以游牧未定議不允諭曰和囉理等以避亂故離其舊牧來至邊境劫掠茂明安烏喇特諸部本應卽行殄滅朕俯念鄂齊爾圖汗世奉職責恪恭奔走兼之彼亦迫於飢困是以宥其罪戾又羅布藏賚布阿喇喇布坦係鄂爾齊圖汗孫爲和囉理從子應令聚合一處其遣官往諭朕旨度可居地歸併安置封授名號給賜金印璽書以示朕與滅繼絕至意理藩院尙書阿喇尼遵旨往諭和囉理奏皇上令臣等察處乃殊恩達賴喇嘛亦謂羅卜藏賚布阿喇喇布坦居布隆吉爾地隘草惡不若與臣同處臣等欲環居阿喇克山陰邊寇盜靖邊疆令部衆從此地而北當喀爾喀台吉畢瑪里吉哩誦牧地由噶爾拜瀚海額濟內河姑喇奈河雅布賴山巴顏努魯喀爾占布爾古特洪果爾鄂隆以內東倚喀爾喀丹津喇嘛牧西極高河居之奏至遣使諭達賴喇嘛曰噶爾丹滅鄂齊爾圖汗時和囉理及羅卜藏賚布阿喇喇布坦等紛紜離散來至邊境又以生計窘迫妄行劫掠朕宥其罪不卽發兵勦滅和囉理等亦戴朕

恩屢請敕印依朕爲命朕前諭噶爾丹收取彼約以丑年四月爲期今逾期已數月矣伊等骨肉分離散處失所朕心殊爲惻然鄂齊爾圖汗於喇嘛爲護法久矣何忍漠視其子孫宗族至於窮困今朕欲將伊等歸併安置爾喇嘛其遣使與朕使借往定議二十五年達賴喇嘛奏已遣使上道拉都琿往會勘拉都琿借達賴喇嘛使約和囉哩至東大山北語之曰爾所謂噶爾丹拜瀚海地聽爾游牧外自甯夏所屬玉泉營西羅薩喀喇山嘴後至賀蘭山陰一帶布爾哈蘇台口又自甯夏所屬倭波嶺塞口北努渾努魯山後甘州所屬鎮番塞口北沿陶蘭泰薩喇精濟雷理希理等地西向至額濟內河俱以距邊六十里爲界畫地識之定議蒙古殺邊民論死盜牲畜奪食物者鞭之私入邊游牧者台吉宰桑各罰牲畜有差所屬犯科一次罰濟農牲畜以五九時罕都及額爾德尼和碩齊請與和囉哩同牧羅卜藏衮布阿喇布坦偵其女兒阿努魯兵千赴藏道嘉峪關外懼畏已備之以故未即徙拉都琿奏至詔以所定地域及罰例檄甘肅守臣知之蓋自是和囉哩始定牧阿拉善二十七年噶爾丹侵喀爾喀

清史稿

海部三

十三

和囉哩欲往接察理多爾濟乞師於朝時諭噶爾丹罷兵使已就道詔不允和囉哩請而羅卜藏衮布阿喇布坦自率兵接喀爾喀遇我使於道宣諭之亦撤歸布隆吉爾察理多爾濟尋爲噶爾丹所敗上復遣使諭噶爾丹將行命之曰噶爾丹若問和囉哩事爾等宜述丑年之約并言達賴喇嘛向雖遣使定議令和囉哩與羅卜藏衮布阿喇布坦歸併安置迄今尙未同居和囉哩雖居游牧邊地亦未編設旗隊前喀爾喀與額魯特交惡和囉哩曾請兵討爾朕仍諭遣之曰朕欲使爾等安處游牧而已豈肯給爾兵耶其以是告之令罷兵噶爾丹不從二十八年以羅卜藏衮布阿喇布坦卒賜祭其妻及宰桑等請召噶爾丹多爾濟轄部衆允之時噶勒丹多爾濟游牧準噶爾界諭曰羅卜藏衮布阿喇布坦屬內附所遺部衆恐致流亡噶勒丹多爾濟尙幼召之恐未即至著和囉哩前往布隆吉爾暫爲約束人民俟噶勒丹多爾濟至仍歸本地務期共相扶掖勿侵據所部噶勒丹多爾濟以濟以所部饑告不即徙詔授諾顏號遣侍讀學士達琿諭恤所部貧民其母扎木蘇騰噶勒丹多爾濟至詔轄羅卜藏衮布阿

喇布坦衆附阿拉善牧有拜達者罕都屬也借額爾德尼和碩齊誘其主棄和囉哩私以厄魯特兵千掠邊番守汛者責之爲所戕且抗官軍甘肅提督孫思克以兵屯邊將勦之罕都懼乃降詔宥罪仍駐牧阿拉善其叔父羅卜藏額琳沁尋自準噶爾至奏爲噶爾丹所禁十餘年以準噶爾與喀爾喀戰乘間脫鞵罕都千餘至乞與兒子罕都同居允之三十年和囉哩以不遵旨徙牧歸化城懼大兵討叛遁噶爾丹多爾濟羅卜藏額琳沁罕都等從之分道竄將軍尼雅漢等招降噶勒丹多爾濟屬納木喀班爾等五十餘戶和囉哩女弟之夫克奇及從者二十一人以聞詔安置歸化城時和囉哩弟博第游牧中衛邊外距阿拉善三百餘里聞其兄叛遁欲往會偵副將軍陳祚昌等屯昌寧湖遣子索諾木至軍詭稱假道詣南山否則請牧馬昌寧湖祚昌知爲緩軍計令索諾木歸化城不從擊之斬五百餘級博第僅以身免走伊巴爾遇和囉哩屬台吉齊奇克假糧馬竄額濟內河三十一年和囉哩悔罪降命仍牧阿拉善羅卜藏額琳沁罕都齊奇克等從和囉哩降後復叛走提督孫思克以兵追至庫勒圖斬四

清史稿

海部三

十四

十餘級齊奇克就擒詔宥死附和囉哩牧羅卜藏額琳沁罕都逃遇自青海來歸之喀爾喀台吉阿海岱青班第掠其貨復竄哈密羅卜藏衮布阿喇布坦有女弟曰阿海始與策安阿喇布坦議婚噶爾丹奪之策安阿喇布坦怒噶爾丹徙額琳沁罕都等借噶爾丹屬圖克齊哈什哈爾海達額爾克以兵劫之出大草灘毀邊垣遁爲青海台吉額爾德尼納木扎勒所擊走死三十三年和囉哩弟博第率屬百餘降乞仍與兄同牧許之命輯所屬潰散者未幾齊奇克復叛遁和囉哩遣所部莽奈哈什哈等以兵追諸嶺爾格山諭之降不從擊斬之三十五年所部兵隨西路大軍敗噶爾丹於昭莫多副都統阿南達奉命設哨以和囉哩屬布爾噶齊達漢宰桑瑪賴額爾克哈什哈齊勞墨爾根薩里呼納沁齊倫理塔漢占哈什哈布達哩杜喇勒和碩齊等分屯額布格特阿木格特昆都倫額濟內及布隆吉爾之博羅格齊齊喀喇莽奈諸地時噶爾丹多爾濟竄徙嘉峪關外有哈卒拜格者其屬也阿南達召至道歸說噶爾丹多爾

濟曰上待汝恩甚厚將撫育之顧叛逃可乎和囉理棄牧時汝不能輯屬故從
 往上海汝情念汝祖鄂齊爾圖汗將王成汝汝其恩之鳴爾丹多爾濟遣告
 曰上念臣祖兄令臣與和囉理接壤居臣無知從和囉理叛遁今悔罪欲死臣
 幼臣母一婦人未能達乞以情代奏阿南達欲堅內附志遣使歸約如期會肅
 州諭設哨援哈密復徵哈密伯克額貝都拉曰鳴爾丹至汝地汝即召鳴爾丹
 多爾濟援勿復疑鳴爾丹多爾濟遣宰桑阿約等齎降表表至肅州會上視帥
 寧夏阿南達馳疏至詔優恤所部眾未幾唐古特部第巴煽青海諸台吉盟察
 罕托羅海繕軍械助勒丹檄鳴爾丹爾濟以兵往辭不赴遣使俄濟通問策妄
 阿喇布坦自攜兵百會阿南達於布隆台吉爾阿南達偵鳴爾丹死其從子丹
 濟拉宜海遣鳴爾丹多爾濟屬輝特台吉羅卜藏等馳赴噶斯而自借噶爾
 丹多爾濟以兵繼之至色爾騰俄濟歸以丹濟拉將自鄂蠻喇嘛所往附策
 妄阿喇布坦告因撤噶斯兵遣噶爾丹多爾濟仍赴布隆設哨其屬阿勒達爾
 哈什哈恭格等煽之叛至西欣驛劫駝馬奉毋札木蘇山吉爾喀喇烏蘇遁阿

清史稿

海部

十五

南達遣兵四百追之不及招降其屬茂海烏納恩巴圖爾阿喇木札木巴阿喇
 木把及輝特台吉羅卜藏等遣歸阿拉善羅卜藏後徒牧喀爾喀即附札薩克
 圖汗部之厄魯特札薩克也是年和囉理以所部數叛請視四十九旗例編佐
 領廷臣議徒烏喇特界諒曰若將和囉理移牧近地則沿邊別部蒙古甚多豈
 可盡徙且治蒙古貴得其道不係地之遠近著停徙仍游牧阿拉善地詔和囉
 理為多羅貝勒給扎薩克印復以噶爾丹多爾濟竄赴準噶爾策妄阿喇布
 坦曰噶爾丹多爾濟率屬來降安置耕種今忽留其屬人棄眾私遁其中必有
 不得已之情務即察明具奏朕於噶爾丹多爾濟略無責備之意且降旨收集
 其遺眾儻往汝地汝可善為撫恤如欲內徙即行遣歸時噶爾丹多爾濟陽附
 策妄阿喇布坦陰貳之策妄阿喇布坦將侵哈薩克噶爾丹多爾濟詭以兵從
 中道遁庫車為回眾所殺母札木蘇屬九百餘奔青海部青海諸台吉以獻
 詔安置什巴爾臺察哈爾康熙四十三年和囉理子阿寶尙郡主授和碩額
 駙賜第京師四十八年襲貝勒五十四年以參贊往西安將軍廣柱等駐巴

里坤襲擊準噶於伊勒布爾和碩阿克塔斯烏魯木齊諸地皆捷五十九
 年參贊平逆將軍延信軍敗準噶爾有克河齊諾郭勒納瑪喇諸捷護達賴喇
 嘛入藏年羹堯奉遣歸游牧未幾來朝上憫其勞詔封多羅郡王雍正二年大
 軍定青海王大臣等議阿拉善為帝夏邊外要地青海願實汗諸子裔舊皆游
 牧山後今或徙山前請勅阿喇善扎薩克郡王阿寶飭青海眾歸牧山後允之
 阿寶奏臣祖額實汗歸誠內附百年於茲受天朝恩甚厚前青海昆弟阻兵搆
 亂上干天討臣當東身受誅重荷恩宥令安游牧感激莫報乞賜青海曠地令
 臣鈐諸部不復萌異志詔以青海貝子丹忠所遺博囉充克克牧地給之并諭
 撫遠大將軍年羹堯遣員齎勅助徒牧博囉充克克者即漢書地理志所稱潢
 水也七年阿寶以博囉充克克牧地隘隘請徙烏蘭穆倫及額濟內河界議罪
 削爵尋命復之詔仍歸阿拉善牧不復居青海阿寶子袁布八年以所部兵赴
 巴里坤防準噶爾授樊廷賊遁九年錄其勞封輔國公十年晉貝子乾隆六年
 降襲爵之索諾木多爾濟為領國公二十一年二等台吉達瓦車凌從大軍勦

清史稿

海部

十六

厄魯特竄黨遇伏於博囉齊奮擊之陣歿詔議卹入祀昭忠祠先是阿寶屬達
 瑪琳從靖邊大將軍傅爾丹擊準噶爾於和通呼爾哈諾爾為所掠至是擒擊
 及屬布庫勒等四十戶詣都統雅爾哈善軍請歸阿拉善舊牧詔如所請徒眾
 仍置伊黎所部旗一爵三日札薩克和碩親王由貝勒晉襲附領國公一由
 貝子降襲一由輔國公晉襲阿寶次子羅卜藏多爾濟初襲貝勒乾隆二十一
 年詔以兵赴北路二十二年以俘逆賊巴雅爾功晉郡王授參贊大臣二十三
 年以勦俘已叛宰桑恩克圖功予眼花翎二十四年以台吉達瓦佐領布岱等
 勦瑪哈沁及逆回布拉克呢敦功優賞之三十年晉羅卜藏多爾濟親王三十七
 年十一月以甘肅民人私挖阿拉善旗哈布塔哈拉山會沙命勒爾謹捕沿之
 四十六年大軍勦薩拉爾逆回於華林寺四十九年大軍勦逆回於石峰堡邸
 店是部皆以兵從均有功五十一年允阿拉善鹽由水路運至山西臨縣磧口
 五十六年是部鹽入銀八千兩羅卜藏多爾濟子旺沁班巴爾襲親王後晉一
 為帝夏將軍以祖庭屬人爭勘地界罷之嘉慶四年陝甘總督長麟奏徵是部

征教匪兵歸其部五年甘肅按察使姜開陽疏言中衛邊外有大小鹽池令爲
阿拉善王所轄其鹽潔白堅好內地之民皆喜食之大約甘肅金省食阿拉善
鹽者十分之六陝西一省亦居其三聞阿拉善王但於兩池置官收稅不論蒙
古漢人聽其轉運故於民其便私販甚多駱駝牛騾什佰成羣特棍棍吏役
不敢呵止今擬令沿邊各州縣於各隘口鹽所從入之處設局收稅亦計所賦
多少爲稅之輕重彼所收者池稅我所收者過稅既無碍於阿拉善王又易私
販爲官販兩便之道十一年阿拉善王因回民私販法獻其池歸官辦置運
判於磴口每年予阿拉善王銀八千兩池屬甯夏道專管十七年改歸商辦酌
定口岸示以限制改磴口大使爲皇甯川大使專司稽察吉鹽水販止准運至
皇甯川以鹽池救還阿拉善王停其債歲而以吉鹽八萬七千餘引配於甯引
由甯商包納吉課咸豐四年七月親王呈指輪開采哈勒津庫察地方銀鑛定
甘肅收阿拉善鹽商稅濟軍餉同治初年回匪滋事屢征是部兵協助三年阿
拉善親王貢桑珠爾默特以匪擾甯夏呈理藩院乞援時西路多警是部設臺

清史稿

藩部

十七

遞送南自甘涼西自額濟納土爾渾特軍報至烏拉特以達歸化四年四月都
興阿軍大破回匪於平羅寶豐是旗協理台吉阿布哩亦敗撲入磨石口之匪
諭嘉獎貢桑珠爾默特仍飭嚴防各口兼辦駝運七年貢桑珠爾默特採買米
麥濟穆圖善中舖之軍解耕牛一百餘隻酌借貧民俾時耕種四月奏入上復
嘉獎之十二月回匪由平羅竄是部大肆劫掠至磴口踞之攻圍王府殺傷官
兵貢爾桑珠默特復咨穆圖善乞援八年定安派蒙員烏爾岡那遜往是部烏
爾木頭地方勦陸路回匪四月屢敗回匪於下永和姜上永和姜磴口踞匪還
竄陝境是月董馬原回匪竄是部境圍定遠營城燬家塾府第寺廟鄂爾多斯
與額濟納河土爾厄特文報路斷貢桑珠爾默特督蒙古官兵嬰城固守七月
九日提督張曜遣部將楊春祥等率兵解定遠城之圍匪退廣宗寺又敗之越
山遁次日楊春祥等進軍賀蘭山八月金順進軍磴口遂次平羅九月張曜抵
甯夏沿途之沙金托海三道河磴口石嘴凶等處皆駐官軍九年十一月回匪
復竄阿拉善南界之紅井一帶貢桑珠爾默特派副佐領鄂肯會官軍副將郝

永剛等敗之匪竄水磴口掠阿拉善復設臺站十一處十年五月金順奏甯夏
山後阿拉善旗有西來竄賊劫掠現籌於南北要衝磴口橫城等處派隊扼紮
十一年在盟阿爾米畢特旗竄來回匪至沙爾雜一帶張曜以阿拉善王請兵
勦辦令係金彪分紮柳林湖一帶兼顧蒙地是年八月陝甘總督左宗棠奏准
蒙鹽仍祇從一條山下寺至阜蘭靖遠條城經安定會甯隴西秦州轉運漢
南一帶銷售每百斤收稅銀壹銀各八分十三年四月袁保恒奏甯夏採運須
取道阿拉善額濟納蒙古草地以達巴里坤而額濟納牧地近年被匪蹂躪最
深無可藉資必以阿拉善駝隻爲主當飭阿拉善協理台吉派員來甯商辦臣
與管旗章京瑪呢阿爾得那籌擬按程設立三十四台專司帶領道路另備蒙
駝一千五百民駝五百各以五百任運一段班轉遞運每次可運官斛八百石
限四十日運至巴里坤間二十日由甯夏發運一次諭左宗棠酌度情形派員
赴甯夏接辦光緒四年七月以關內外肅清裁阿拉善所設臺站二十六年卒
匪滋事阿拉善亦出教案二十七年三月各省官員上年保教不力懲處阿

清史稿

藩部

十八

拉善親王貢桑珠爾默特傳旨申飭其後是部三道河一帶教堂租地畝益
多引河爲渠開田萬頃日以富饒宣統二年督辦鹽政大臣載澤奏山西行銷
蒙鹽西路以阿拉善爲主以鄂爾多斯輔之有鑛有林木幅員廣闊其北毗連
賽盟南境各旗南隣甘肅鎮番等九縣爲漢南蒙古大部落自爲一部不設盟
受甯夏將軍節制有佐領八
額濟納舊土爾厄特部在阿拉善旗之西東古爾爾南甘肅毛目縣承地北阿
濟山東南合黎山南與東北西北皆大戈壁當甘肅省甘州府及肅州邊外系
出翁罕六世孫曰瑪哈齊蒙古有子二長曰貝果鄂爾勒克有曾孫曰書庫爾
岱青第四子曰納木第凌生納扎爾瑪穆特爲土爾厄特阿王奇汗族弟阿王
奇汗游牧額濟納河康熙四年詔封納扎爾瑪木特之子阿喇布珠爾爲固山
貝子賜牧色爾騰先是阿喇布珠爾嘗假道準噶爾謁達賴喇嘛既而阿王奇
與準噶爾丹策妄阿喇修怨阿喇布珠爾自唐古特還以準噶爾道使留嘉峪
關外遣使至京師上憫其無歸故有是命五十五年阿喇布珠爾奏請從軍効

力詔率兵五百駐噶斯旋卒子丹衷襲雍正七年來朝晉貝勒九年以色爾騰
牧通噶斯之察罕齊老圖懼準噶爾掠乞內徙陝甘總督查郎阿令攜賊屬游
牧阿拉克山阿勒坦特卜什等處尋定牧額濟納河乾隆四十八年子世襲罔
替同治中回匪滋事陷肅州是部與連境蹂躪特重時西路文報梗是部設台
站遞至阿拉善以達歸化九年以後肅州回匪累出擾是部境以北竄獲扎兩
盟犯烏里雅蘇台科布多福濟定安張廷岳先後奏賊匪皆來自土爾其特貝
勒游牧請飭左宗棠撥軍防勦十二年是部貝勒達什車凌以防堵回匪陣亡
光緒五年大學士陝甘總督左宗棠為請卹十二月贈郡王銜子卹銀一千一
百兩三十年延祉等迎護達賴喇嘛往西甯經是部地雖戈壁較諸部為瘠苦
北接扎盟南境各旗有佐領一不設盟長受陝甘總督節制

清史稿

藩部三

清史稿

藩部四

列傳

喀爾喀土謝圖汗部

喀爾喀車臣汗部

喀爾喀賽因諾顏部

喀爾喀札薩克圖汗部

土謝圖汗部稱喀爾喀後路至京師二千八百餘里東界肯特山西界翁吉河
南界瀚海北界楚庫河元太祖十一世孫達延車臣汗游牧瀚海北杭愛山界
子十一格喀森扎扎賽爾璉台吉其季也兄圖魯博羅特巴爾蘇博羅特阿爾
楚博羅特鄂齊爾博羅特等由瀚海南徙近邊為內扎薩克敖漢奈曼巴林扎
喀爾喀留故土析眾萬餘為七旗授子七人領之分左右翼其掌左翼者為第
三子諾諾和及第五子阿敏都喇勒諾諾和號偉徵諾顏子五長阿巴岱號幹
齊額賽因汗次阿布瑚號墨爾根諾顏徒牧圖拉河界今土謝圖汗部二十扎
薩克皆其裔阿巴岱子二長錫布固泰號鄂爾齊圖璉台吉為扎薩克貝子錫

清史稿

藩部四

布推哈坦巴圖魯輔國公巴海台吉車凌扎布青多爾濟四旗祖次額列克號
墨爾根汗為土謝圖汗察理多爾濟扎薩克郡王噶勒丹多爾濟貝勒西第什
哩車木楚克納木扎勒輔國公車凌巴勒三達克多爾濟台吉巴朗班珠爾多
爾濟辰不勒多爾濟朋素克喇布坦十旗祖阿布瑚子三長昂噶海繼墨爾根
諾顏號為扎薩克郡王固噶什喜台吉車凌開木楚克成袞扎布遜篤布五旗
祖次喇瑚里號達賴諾顏為扎薩克台吉禮塔爾一旗祖次圖蒙肯號昆都倫
諾顏裔初喀爾喀無汗號自阿巴岱赴唐古特謁達賴喇嘛迎經典歸為眾所
服以汗稱子額列克繼之號墨爾根汗額列克子三長袞布始號土謝圖汗與
其族車臣汗碩壘扎薩克圖汗素巴第同時稱三汗崇德二年袞布偕碩壘上
書通好二年遣使貢駝馬貂皮雕翎及俄羅斯烏槍命喀爾喀三汗歲獻白駝
一白馬八謂之九白之貢以為常順治三年蘇尼特部長騰機思叛逃豫親王
多鐸率師追勦至扎濟布喇克袞布遣喇瑚里等以兵二萬援騰機思為大軍
所敗棄駝馬千餘竄額爾克楚琥爾者袞布族也復私掠巴林部人畜詔使責

之會所部額爾德尼陀音貢馬至救歸諭其汗等擒獻騰機思并以所掠歸巴林五年騰機思降哀布等表乞罪詔各遣子弟來朝不從八年以其部不歸巴林人畜僅獻駝十馬百入謝嚴諭詰責十年命侍郎畢哩克圖往察巴林被掠人畜貨布等匿不盡給會喇瑚里之子台吉木塔爾攜衆來歸封扎薩克親王駐牧張家口外塔爾渾河因詭言巴林人畜本塔爾盡攜往應就彼取並乞遣本塔爾等還諭曰爾等不遵旨遣子弟來朝不進本年九白常貢不盡償巴林人畜冒此三罪反請遣還來歸之人是何理耶今即各遣子弟來朝盡償巴林人畜朕亦弗使本塔爾等還爾自擇之是年秋遣使補貢九白至張家口詔勿納十二年夏土謝圖汗察理多爾濟繼其父貨布爲左翼長約同族墨爾根諾顏達爾漢諾顏丹津喇嘛等表遣子弟來朝諭曰爾等遵旨服罪朕不咎既往其應歸巴林人畜缺少之數悉從寬免嗣後逃入至此當即遣還冬復遣使乞盟許之賜盟於宗人府是年設喀爾喀八扎薩克仍分左右翼命土謝圖汗及墨爾根諾顏各領左翼扎薩克之一十五年遣大臣齎服物資之康熙二十三年

清史稿

藩部四

二十

年以其部與右翼扎薩克圖汗成食構殺命阿齊圖格隆偕達賴喇嘛使諭解之二十六年察理多爾濟偕車臣汗諾爾布等疏上尊號諭曰爾等恪恭敬順具見惻忱但宜仰體朕一視同仁無分中外至意自今以後親睦雍和毋相侵擾永享安樂庶慰朕懷勝於受尊號也二十七年厄魯特噶勒丹掠喀爾喀察理多爾濟拒弗勝偕族弟固噶什喜等携屬來歸詔附牧蘇尼特諸部界發歸化城倉米贍之二十八年復遣內大臣費揚古往賑諭廷臣曰朕聞土謝圖汗屬衆有乏食致斃者深爲軫念費揚古探買牲畜尙須時日著速發張家口倉米運往散給計支一月牲畜繼之則衆命可活矣二十九年詔察所屬貧戶遣就食張家口三十年春上以察理多爾濟來歸後車臣汗烏默客扎薩克圖汗成袋子策旺扎布踵至喀爾喀全部內附封爵官制宜更且降衆數十萬錯處應示法制俾遵守將幸多倫諾爾行會閱禮詔理藩院撥察理多爾濟等隨四十九旗扎薩克先集以俟尙書馬齊奉命往議禮定賞格九等坐次七行以察理多爾濟爲之首夏四月駕至喀爾喀濟汗濟農諾顏台吉等三十五人以次

朝見諭曰爾等以兄弟之親自相侵奪啓殺召侮至全部潰散其時若令四十九旗扎薩克將爾人衆收取爾部早已散亡朕好生之心出於天性不忍視爾滅亡給地安置復屢予牲畜糗糧以資贍養用是親臨教誨普加賞賚會同之時見爾等傾心感戴特沛恩施俾與四十九旗同列以示一體撫育罔分中外爾等其知朕意尋命改所部濟農諾顏舊號封王貝勒台吉有差各授扎薩克編佐領仍留察理多爾濟汗統其衆自是始稱土謝圖汗部三十一年改喀爾喀左右翼爲三路土謝圖汗稱北路三十五年四月上親征噶爾丹所部諸扎薩克奏臣等被噶爾丹掠全部潰賴聖主天威正其罪請從征効力諭毋庸盡行隨往五月大軍既破噶爾丹於昭莫多凱旋大賚之明年噶爾丹竄死朔漠平詔所部歸圖拉河游牧四十年賜牧產贍給五十四年以準噶爾策妄阿喇布坦煽衆喀爾喀命散秩大臣祁德里率大軍赴推河偵禦廷議屯田鄂爾坤圖拉裕軍食詔詢土謝圖汗旺扎勒多爾濟勸奏所部可耕地因言附近鄂爾坤圖拉之蘇呼圖喀喇烏蘇明愛察罕格爾庫爾奇呼扎布堪河察罕度爾

清史稿

藩部四

三十一

布拉克口烏蘭固木及額爾德尼昭十餘處俱可耕命公傳爾丹選善耕人往屯種是年詔簡所部兵駐防阿爾泰六十年命土謝圖汗旺扎勒多爾濟督理俄羅斯邊境事雍正二年北路軍營移駐察罕度爾及扎克拜達哩克三年以增設賽因諾顏部定所部爲喀爾喀後路四年旺扎勒多爾濟等因額爾德尼昭乏相宜穀種遣人購之俄羅斯並請助屯田兵糧諭廷臣曰前議屯田時曾有奏言喀爾喀未必踴躍從事者朕思此舉正爲伊等計及久遠豈有反不樂從之理今果感恩抒誠與朕意相符殊可嘉尙交理藩院議叙尋各予紀錄并資幣有差詔如議五年以庫倫及恰克圖爲所部與俄羅斯互市地詔非市朝毋許俄羅斯踰楚庫倫河界是年賽音諾顏親王額駙與俄羅斯定界九年選兵隨大軍勦勒丹策凌十三年徵大軍還詔所部兵留駐鄂爾坤及烏里雅蘇臺乾隆元年復選兵赴鄂爾坤防秋六年命參贊大臣都統塔爾瑪善察閱防秋兵於烏克圖爾額爾哈朗以哲布尊丹巴呼圖克圖移居庫倫命土謝圖汗敦多爾濟駐守其地護視之十三年選駝五百運歸化城米赴塔密爾軍營

命土謝圖汗延不勒多爾濟督理俄羅斯邊境事十七年增防鄂爾坤兵十九年移駐鄂爾海喀喇烏蘇是部扎薩克親王額琳沁多爾濟授西路參贊大臣二十年進勦達瓦齊於伊犁時降曾阿睦爾撒納謀據伊犁上燭其奸詔入覲定北將軍班第由尼楚食軍營遣額琳沁多爾濟護之行至烏隆古河阿睦爾撒納以北路定邊左副將軍印援之詭稱歸治裝由額爾齊斯河馳遁翌日額琳沁多爾濟追之弗及論罪削爵擬斬諭賜自盡多羅貝勒車布登亦以駐防庫克嶺不力追叛遁之巴朗降貝子而扎薩克輔國公車登三不勒以俘青衷雜卜功扎薩克一等台吉達什旺勒以擒叛遁之和碩特訥默庫功扎薩克一等台吉班珠爾多爾濟以獲阿睦爾撒納旗纛甲冑功扎薩克一等台吉三都布多爾濟以赴扎布堪獲阿睦爾撒納之孛及班珠爾等並誅叛賊固爾班和卓輩功均進爵賞有差先是土謝圖汗部編佐領積三十七旗以分置賽因諾顏部析二十一旗留十六旗仍隸土謝圖汗部尋曾四旗扎薩克凡二十盟於汗阿林設正副盟長及副將軍參贊各一爵二十有一土謝圖汗一扎薩克

清史稿

滿部四

四

和碩親王一由貝勒晉襲附公品級一等台吉一扎薩克多羅郡王二由貝勒晉襲扎薩克固山貝子二一由郡王降襲一由扎薩克台吉晉襲扎薩克輔國公六三由扎薩克台吉晉襲扎薩克一等台吉八一由貝子降襲是部本為喀爾喀四部之首內則哲布尊丹巴住錫庫倫外則隣接俄羅斯有恰克圖互市形勢特重號稱雄劇乾隆二十七年於是部中旗汗山北之庫倫置辦事大臣以滿洲大員任之別選蒙古汗王公扎薩克一人為辦事大臣同釐其務和碩親王多羅額駙桑齊多爾濟以乾隆二十三年赴庫倫協理俄羅斯邊境事二十七年停互市二十九年桑齊多爾濟請增庫倫卡坐派兵屯田依率布爾噶勒台等處不許三十年六月命阿里衮索琳查辦恰克圖潛通貿易一案以桑齊多爾濟私聽蒙人仍與俄商貿易論罪削爵辦事大臣丑達以私市得賄正法十月以是盟扎薩克貝子伊達木什布管俄羅斯卡坐三十二年庫倫辦事大臣慶桂等奏俄羅斯遣使乞開關交易允之仍申內地商人圖增價值之禁尋命桑齊多爾濟復任四十二年定庫倫辦事大臣兼轄辦事章京民蒙交

涉事件均具報辦理例四十三年桑齊多爾濟奏俄羅斯人私越邊口賣馬俄員瑪玉爾不肯前來暫停貿易咨示俄國舉納固納爾是之七月諭桑齊多爾濟會同辦事大臣博清額商辦內地商人給還俄羅斯欠貨十一月桑齊多爾濟卒命土謝圖汗車登多爾濟往庫倫協同博清額辦事四十五年復開市四十八年以車登外爾濟私給乘騎烏拉黃緞照票罷庫倫辦事大臣命賽因諾顏親王拉旺多爾濟代之仍命桑齊多爾濟之子郡王蘊端多爾濟隨同辦事定喀爾喀四部烏拉章程十二月命蘊端多爾濟列名在辦事大臣勦保之前四十九年以俄羅斯屬布雅雅特人劫內地往烏梁海貿易商民賠貨而不交犯屢檄其國五十年春以俄羅斯覆文支吾推宕復停恰克圖互市辦事大臣松筠因定沿邊蒙古需用烟茶布疋章程五十一年九月定土車兩部及賽扎兩部每年各帶一部人入圍場土車兩部部落人交庫倫辦事大臣勞頌習圍賽扎兩部部落人仍交烏里雅蘇台將軍大臣帶領習圍並令部落每年白汗王至公各揀派一人台吉內各揀派四人領職銜較大者二名微末台吉二

清史稿

滿部四

五

名仍作十名善射赴木蘭圍場例五十四年俄屬布里雅特人傷我出卡巡兵松筠檄俄國舉納北爾捕送置之法適有自俄歸之士爾尼特喇嘛薩麻林言俄將與兵構畔廷旨命松筠檄詢五十五年是部戈壁數旗失扎薩克台吉烏爾洪扎布報以應收賦及自畜牛羊賑給並令有力台吉官兵賙恤貧者事聞上嘉之五十六年松筠奏俄守邊目力辨其誣詔誅薩馬林許俄復市松筠與接任辦事大臣普福協辦貝子遜都布多爾濟恰克圖曉諭俄舉納固托爾嗣後如遇會辦事件應如例迅速完結命盜案犯應送恰克圖鞫實正法彼此約束商販毋有積欠因與立約永為遵守嘉慶七年三月土謝圖汗車登多爾濟等備行圍進哨馬匹上嘉之八月定土謝圖汗車臣汗二部事務在庫倫會集與辦事大臣一同辦理例自是土車二部重大事件皆由庫倫辦事大臣專奏允蘊端多爾濟請每逾十年巡察俄羅斯交界卡論一次八年八月允蘊端多爾濟請土謝圖汗部扎薩克齊旺多爾濟齊巴克扎布等旗及哲布尊丹巴呼圖克圖徒眾所屬地方免驅逐種地民人禁嗣後另擊地畝添建房屋侵佔游

牧並令從前租種者按地納租娶蒙女為妻者身故之後妻子給該處扎薩克為奴隸呼圖克圖徒眾地方即為其所屬並定該處居民按人給照每年由該端多爾濟派員檢查造冊報院及再有無照之民任意棲止盟長扎薩克等治罪例二十三年庫倫道蒙員同俄員勘河疆界道光四年三月以庫倫章京尙安泰查驗伊珠等處種地民人不能核事致民人等盤踞游牧署車凌多爾濟扎薩克印務之台吉貢蘇倫呈報驅逐又誤燬領照人民房屋命奪職蘇端多爾濟等議處仍由各旗容留無票民人之禁七年蘇端多爾濟卒以綸布多爾濟代為庫倫辦事大臣十二年多爾濟拉布坦代之十五年多爾濟拉布坦奏喀爾喀招民墾復拋荒地畝章程諭不許十二月命德勒克多爾濟為庫倫學習辦大臣十八年多爾濟拉布坦奏管下倫扎薩克那木濟勒多爾濟擅以奇爾澤卡倫兵丁與明濟卡倫兵丁互相移駐撤差仍議處十九年允哲布尊丹巴往庫倫之北伊魯格河溫泉坐湯命辦事大臣福英護視四月多爾濟拉布坦卒以德勒克多爾濟代為庫倫辦事大臣二十一年六月俄羅斯薩特納

清史稿

卷四

六

衙門咨理藩院聞中國嚴禁鴉片入界已諄飭所屬不得在交年之處互相販帶偷運諭庫倫辦事大臣嚴禁內地貿易人等在交界處所私行販運烟土以級外藩除積弊二十二年九月德勒克多爾濟以庫倫地方商民盤踞一案下部議處咸豐四年土謝圖汗車臣汗兩部汗王公台吉等請捐助軍需溫旨部之八年允俄羅斯使人由庫倫至張家口入京十一年德勒克多爾濟遷以多爾濟那木凱代為庫倫辦事大臣尋令車臣汗阿爾塔什達代之以辦事大臣色克通額帶操演烏槍兵丁赴恰克圖命多爾濟那木凱妥辦庫倫事件四月色克通額奏俄商欲於庫倫貿易行文阻止六月總理各國事務王大臣奏准俄人在庫倫修理公館十一月色克通額奏俄商擅往蒙古各旗貿易諭守約開導並交總理各國事務衙門照會俄使禁阻十二月撤恰克圖習槍官兵回治元年定俄國陸路通商章程條款三年以新疆回亂調土謝圖汗車臣汗兩部蒙兵赴烏魯木齊等處助勦四年三月以土車兩盟蒙兵潰散回旗諭文盛等不必再令赴營以圖盟援古城蒙兵逗留扎薩克達爾瑪僧格嚴議五年命

辦喀爾喀四盟捐輸六年調土車兩盟兵一千五百名駐防卡倫八年改訂中俄陸路通商章程兩國邊界貿易在百里內均不納稅俄商許往中國所屬設官之蒙古各處亦不納稅其不設官之蒙古地方該商欲前往貿易亦不攔阻惟該商應有邊界官執照九年二月回匪東竄自三音諾顏左翼右旗扎薩克阿巴爾米特游牧擾是部左翼後旗鎮國公巴勒達爾多爾濟游牧辦事大臣張廷岳等奏蒙古地方幅員遼闊蒙衆皆擇水草旺處游牧相距數十里始有庇廬且百餘年安享太平久不知兵賊知蒙古易欺是以百數成羣縱橫肆擾擬調駐卡倫蒙兵撤兩部落盟長等帶往西南一帶與各旗官兵協勦庫倫地方塔廟甲于各旗商賈輻輳人烟稠密現派桑卓特巴等調集喇嘛鄂拓克防護廟宇又令商民辦理保甲以資守禦六月張廷岳等奏以土盟兵九百名交扎薩克公奈當等防守額爾德尼昭七月俄調馬隊在庫倫操演諭張廷岳等查察尋以烏里雅蘇台危急張廷岳等奏調土車兩盟兵會勦十二月請以賽扎兩盟協防庫倫官兵二百名歸併賽扎兩盟派兵分防要隘十年二月回匪

清史稿

卷四

七

復竄額哲呢河一帶圖犯庫倫張廷岳等奏迅撥達爾濟等軍赴哈爾尼敦西北地方防勦十年張廷岳奏前調土車兩盟官兵餉糈上年由兩盟捐輸支給烏城被陷復奏調內地官兵來庫防勦檄土車兩盟及沙畢捐備馬三千匹資漢兵騎乘又借僱駝馬數千隻分赴各台兩盟官兵自上年遣散改征作仿應需駝馬三千餘隻亦係各旗撥派四月回匪竄是部左翼中旗郡王拉蘇倫巴咱爾游牧於掠府廟東犯莫霍爾順等台張廷岳遣蒙員札齊魯克齊伯克瓦齊爾等追剿之於烏拉特中旗沙巴克烏蘇地方六月副都統杜嘎爾奏回匪於四月由圖盟公巴勒達爾多爾濟游牧出順新地方五月竄郡王拉蘇倫巴咱爾游牧之巴爾圖叟吉地方派吉爾洪額帶隊改道謁賊時回匪復西竄左翼中左旗扎薩克達爾瑪僧格游牧至烏拉特中公旗之布特拉地方吉爾洪額會伯克瓦齊爾進擊大勝之八月回匪復竄是部左翼後旗公巴勒達爾多爾濟游牧直趨翁吉河一帶別股竄哲林等台賽爾烏蘇西北台路斷張廷岳等奏察哈爾所派達爾濟一軍抵翁吉河之烏勒幹呼秀地方與是部左

翼中左旗公齊英特多爾濟及伯克瓦齊爾二營相犄角是月二十一伯克瓦齊爾敗賊於察布察爾台之察罕吉哩瑪地方二十六日卯刻伯克瓦齊爾星夜山間道窮追繞出東犯庫倫匪前敗之于阿達哈楚克山嶺里音華地方午申刻連再捷獲駝千餘馬四百圍賊于畢留廟相持六晝夜九月二日達爾濟軍至畢留廟西北駐營匪以投誠誑之達爾濟遠阻伯克瓦齊爾軍巡邏匪于是夜輕騎西遁十二月張廷岳等奉前竄烏庫兩城回匪現均返肅州老巢宣化古北口二軍於本年到庫擇要設防足資捍衛土車兩盟官兵擬裁半留半每屆半年輪換防護官署昭廟撤沙畢兵十一年二月回匪復擾左翼後旗公巴勒達爾多爾濟游牧適三月張廷岳等奏庫倫事務較繁請土車兩盟之協理將軍飭令每年輪班在庫聽候差委勿赴烏城下金順等會商覆奏諭催山東於五月前解清庫倫餉銀十萬兩資庫倫商民團勇定變通辦理庫倫軍需章程十三年九月庫倫辦事大臣阿爾塔什達卒以那木濟勒端多布代之光緒元年以庫倫解嚴撤回直隸古北口練軍四年十一月以庫倫哈拉河等

清史稿

藩部四

八

處游匪尙多仍撥直隸宣化練軍二百五十名駐之五年二月以穆圖善奏諭飭土謝圖汗迅將撤回托里布拉克圖固里克二臺幫官兵駝馬催令仍回本年五年予指輸銀兩之土謝圖汗那遜納克圖等獎六年正月以改議俄國歸還伊犁條約籌備邊防派土車二盟兵二千蒙兵駐庫倫撥軍火及備蒙古包銀十二月給庫倫防兵月餉七年二月撤駐庫倫蒙兵四月以庫倫爲俄人來往衝途調喜昌爲庫倫辦事大臣統新軍千人赴之是年中俄訂續改陸路通商章程俄國商民往蒙古貿易者祇能由章程附清單內卡倫過界應有本國官所發中俄兩國文字並譯出蒙文執照註明姓名貨色包件牲畜數目於入中國邊界時在卡倫呈驗其無執照商民過界任憑中國官扣留八年四月喜昌奏昌泰庫倫時勢邊防情形量議變通一庫倫與恰克圖屯軍分駐一恰克圖改設道員鎮守邊塞一庫倫選練土著學試屯墾一庫倫屬境暨接連隣省地方酌量屯兵下所司議格等以喜昌奏勅土盟盟長車林多爾濟罷之並下理藩院議注銷土車兩盟王公等駐班烏里雅蘇特會盟之案八月喜昌等奏

庫倫近與俄隣爲漠北第一咽喉現駐兵設防饋運轉輸舊站繞遠亟宜變通改設捷徑諭飭烏里雅蘇特將軍察哈爾都統迅速妥籌奏九年二月喜昌奏臺站遲滯擬飭運草養駝以資供應併陳報災不實等情諭緩遠城將軍豐紳等按照原奏酌安辦三月察哈爾都統吉和等奏霍穆爾噶順等九臺之官兵潛逃詔喜昌等飭各旗竭力供差不准推卸仍嚴禁兵丁騷擾臺站八月察哈爾都統吉和等奏撫恤荒災安設臺站喜昌又劾車林多爾濟權勢大重把持公事串通各旗虛報災荒遣撤官兵需用駝隻復爲掣肘各旗派撥幫臺延不到差諭新任辦事大臣桂祥密查具覆時俄勢日盛諸部王公漸生攜貳喜昌所議置官駐軍屯田改臺諸大端皆以消患未萌中朝重更張致所請無一行者卒以病去併撤其軍辛亥之變實釀於此識者惜之九月喜昌奏飭圖什業圖汗部未被災各旗暫行幫辦庫倫辦事大臣那木濟勒端多布兌以土謝圖汗那遜納克圖代之十年正月以土謝圖汗部左翼中郡王阿木噶巴扎爾等四旗被災特重諭桂祥等妥籌減緩差徭予勸捐賑災之哲布尊丹巴

清史稿

藩部四

九

呼圖克圖扁額十二年桂祥劾哲布尊丹巴之商卓特巴索訥木多爾濟居心巧詐意構邊畔革之十六年八月庫倫辦事大臣安德等奏庫倫所屬恰克圖等處開辦金礦華商既無可招洋商則斷不可招集陳窳礙難行情形下所司知之十二月御史聯陔奏庫倫商卓特巴喇嘛達什多爾濟欺賤把持擅權科歛下理藩院十八年七月定聯接中俄陸路電綫哲布尊丹巴所住之廟被火佛像經卷皆燬土盟等四盟王公捐助重建而商卓特巴以此假貨商人攤派沙畢者遂重二十年九月安德奏日本變動民情惶惑請仍調官兵駐庫倫諭李鴻章酌度二十二年六月庫倫辦事大臣桂斌奏哲布尊丹巴呼圖克圖屬沙畢一項困苦特甚流亡過多呼圖克圖忠厚存心用人失當一任喇嘛等勾通內地商民以及在官人等百力詐取若罔聞知追用度過窘不得不加倍苛派所由欠負業業上下交困體訪其屬堪布喇嘛諾們汗巴勒黨吹木巴勒爲僧俗所仰慕應責成清理已撤署商卓特巴巴特多爾濟等凡一切商上應辦事宜悉心諮商妥爲籌畫先將沙畢等應派光緒二十二年分攤款查照十年以

前各按牲畜多寡秉公勻攤不准加派核實酌裁近年增添浮費務量所難籌
節動用俾紓民力並請將東營台市甲首各商每遇兩大臣節壽酬款項不減
不增按年代哲布尊丹巴歸商欠下所司知之尋又奏定恰克圖規費化私為
公提滿蒙大臣經費七月奏請定庫倫大臣與哲布尊丹巴呼圖克圖往還體
制是否平行有日公事之間備極融洽相見之際多似參商實則哲布尊丹巴
已驕蹇跋扈與辦事大臣積不相能十一月桂斌奏土盟所屬西北旗界哈喇
河一帶向有開墾地畝播種雜糧曾經奏明不准續墾每屆台市章京更換實
任由庫倫大臣扎委會同扎薩克等前往清查有無續墾茲屆應查之期照章
派委台市章京理藩院員外郎奎顯往查將所得陋規呈請核辦約計二千數
百兩當將兩大臣此次款費全發商人收還其餘各項暫照成案分發各員俾
資津貼二十三年六月辦事大臣連順奏哲布尊丹巴呼圖克圖與蒙古辦事
大臣圖什業圖汗那遜納克圖兩不相能請革辦事大臣之任論從之以飭嗣
後遇有此等事件務妥為斟酌勿聽呼圖克圖一而之詞以土盟中旗貝子朋

清史稿

藩部四

十一

楚克車林為庫倫辦事大臣連順以桂斌所奏歸還哲布尊丹巴商欠辦法四
成實銀分年帶銷雖恤蒙情未恤商情致該商等虧累太多不敢與沙畢內外
兩倉及鄂拓克交易而兩倉鄂拓克雖有牲畜無處易換市井蕭條諸貨不能
暢銷現呼圖克圖之廟工久竣應照桂斌所奏不得苛派休息蒙眾兩倉所用
貨物銀茶及鄂拓克息借之款應循舊日章程設法算撥又奏據土盟盟長密
什克多爾濟轉據各旗呈報現查各旗呈報並無未領限票民人種地之事其
由庫倫台市章京衙門請領限票來旗貿易者均隨來隨往或搭蓋土房存貨
收賬牛羊並不孳生墾荒民人建房養畜每年交地租茶數十箱或百箱不等
復據商民元順明等七家呈認種荒地每年有地租茶牲畜存廠每年有草廠
茶請將認交前大臣桂斌罰款原茶交還旨均如所請並將查地兩規化私為
公裁台市章京查地之差二十四年勦辦昭信股票連順奏圖什業圖汗車臣
汗兩部落王公及哲布尊丹巴呼圖克圖等情願報効市平銀共二十萬兩五
月土車兩盟王公及哲布尊丹巴沙畢喇嘛等陳請不願領昭信股票溫諭嘉

之仍飭一併給獎以設庫倫恰克圖電綫理藩院奏採伐土盟各旗官山木植
先是庫倫西北各旗至恰克圖一帶內地人民率以租地墾荒為名偷挖金砂
俄人亦多越界潛探查禁驅逐具文而已至是連順奏土車兩盟各旗界內庫
倫東北六台地約合三百四十餘里西自鄂爾河哈拉河至額能河共有金礦
三處又西北九台地約合五百三十餘里北自色爾河至伊魯河共有金礦二
處周圍二百餘里金苗甚旺以伊魯河所產為最佳惟產自河內水勢頗深人
力掘取所得有限必用西法以機器汲水傭工開挖其利方厚似招集鉅款延
聘礦師購運機器相地開採宜同時舉辦於居中扼要之處設一總廠綜計成
本約需銀三百萬兩復據天津稅務司俄人柯樂德利庫西稱蒙古金礦中國
集款興辦時俄人亦願附股仍可代為招集嚴遵中國章程如用俄人應聽中
國官員約束通盤籌畫鄂爾河等五處金礦擬請招商集款合力開採由中國
自行舉辦並准附招俄股請簡派大員專司督率下總理各國事務衙門會同
礦務大臣議行尋命連順督辦蒙古鄂爾河等是年李鴻章等奏中俄會訂條

清史稿

藩部四

十一

約俄國准在中國蒙古地方貿易其蒙古各處及各盟設官與未設官之處均
准貿易照舊不納稅其買賣貨物或用現錢或以貨易貨均可並准俄民以各
種貨物抵賬在庫倫設領事科布多烏里雅蘇台侯商務興旺添設二十五年
十月奏集股開採以土車兩盟同時共舉為宜即集土車兩盟長切實勸諭俾
知開礦之舉不特保衛邊疆且開蒙古生計報聞土盟盟長密什克多爾濟以
連順等劾阻撓開礦罷之十一月洛布桑達什面謁哲布尊丹巴以玩藝黃教
議處理藩院奏蒙古王公等請停辦礦務命崑岡裕德往查辦並諭順連續辦
庫倫礦務十二月庫倫恰克圖電綫工竣二十六年崑岡等奏停辦礦務連順
下部議處等事起命辦事大臣豐陞阿等備邊二十七年三月豐陞阿等奏
克東林奏圖什業圖汗部落盟長貝子棟多布等呈駕幸西安請捐本年應得
俸銀擬正並量力捐馬備用哲布尊丹巴呼圖克圖等亦呈捐馬千匹均允納
之六月豐陞阿等奏上年內地拳匪肇禍猝啟兵端庫倫恰克圖等處中外各
商紛紛遷徙互相疑懼當與駐庫俄領事官施什瑪勒福等再三磋商均能奉

約惟謹力顧邦交彼時雖有俄兵防守尤能實力保護中外商民蒙衆等性命貨財兩不相擾請予寶星尤之二十九年二月以防守邊疆異常出力予土盟盟長扎薩克敦都布多爾濟雙眼花翎土盟參贊郡王阿囊達瓦齊爾紫額土副盟長扎薩克額圖公察克都爾扎布土盟副將軍親王杭達多爾濟總管西卡倫額魯特扎薩克貝子達克丹多爾濟乾清門行走餘給獎有差閏五月土盟王公及哲布尊丹巴等報効修正陽門工程銀允核給獎敘豐陞阿等奏覆改設行省以外蒙地方與內地邊疆情形不同一例辦理多有窒礙得旨是下所司知之九月烏里雅蘇台將軍連順等奏土車二盟金鑲續開辦參酌外蒙等情形詳訂章程妥籌布置請准派稅務司洋員柯樂德爲總辦並簡派大員專司督率下部議十一月以蒙古辦事大臣朋楚克車林自庚子以來慎固邊圉輯睦外人恤商撫蒙勤勞足錄予紫額三十年辦事大臣德麟奏庫倫後地蒙民租佃擬設清墾局以杜與外人私墾下戶部議三月德麟等奏辦庫倫統捐達賴喇嘛以印藏啓昨避之庫倫詔延祉迎赴西甯九月予駐庫倫直

清史稿

藩部四

十二

隸練軍官弁獎以保衛蒙商防護外人十月德麟奏結圖盟左翼中旗扎薩克郡王阿囊塔瓦齊爾值案三十一年辦事大臣樸壽奏創辦釐金委差官賈得勝等分往頭台營恰克圖等處帶兵稽查偷漏分段彈壓七月以理藩院奏哲布尊丹巴呼圖克圖女徒察汗達拉額爾德尼車臣名號十二月設庫倫巡警兵丁由蒙人揀選三十二年六月以土盟王公等承購練兵戰馬依限選齊予盟長公銜扎薩克一等台吉敦都布多爾濟等獎有差三十三年四月九開辦庫倫金鑲定權限章程以庫倫蒙古辦事大臣朋楚克車林會同延祉督辦釐務三十四年二月辦事大臣延祉以派員勘丈各旗墾地親王杭達多爾濟旗台吉巴圖巴魯抗不備台請嚴加議處尤之五月增開依拉格格倫南之克勒司八月試辦庫倫土藥統稅設蒙養學堂就選土車兩盟及沙畢幼童專習滿蒙漢語言文字以興辦新政蒙古通曉漢文漢語少易致隔閡宣統元年閏二月延祉等奏准設庫倫理刑司員時哲布尊丹巴呼圖克圖之商卓特巴巴特瑪多爾濟捐學堂經費八千兩延祉爲請賞帶肅毅符得旨下理藩院核給獎

叙十一月以庫倫各廠所出金砂較往年暢旺給監辦官等花紅二年五月辦事大臣三多以土車兩盟沙畢等三處屢報災禍供億過繁歷年息借華俄債款迭經報官索欠者約計不下百餘萬兩竟有佔一旗之牲畜不足抵借者而自供哲布尊丹巴外光緒二十九年宣統元年庫倫大臣等修理衙署及器具鋪墊等項已合銀十八萬餘兩支應馬匹食羊柴炭等項尙不在內因奏核定土車兩盟沙畢供庫倫大小衙門柴炭羊數目及限制各官調任修署添物章程其餘差使統由各員自爲籌備並以物價昂貴費用竭蹶請加各員公費銀一萬二千兩先儘庫倫外銷公款項下開支尙有不敷由庫倫金鑲稅款暫撥仍言金鑲逐年漸有起色蒙因一蘇商務亦可興旺稅額自必加增解部之款不至較往年爲細下度支部議行清中葉後諸邊將軍大臣以下俸給過薄皆倚藩部供應爲生計三多此疏可以例之十月三多奏喇嘛登尊犯拒捕一案商卓特巴巴特瑪多爾濟迄不交出首要歷次呈文無理取鬧要挾其奏恐國家法令官長政權將難行於蒙地請予斥革哲布尊丹巴自二月奉嚴加

清史稿

藩部四

十三

約束電旨後庫屬喇嘛安分守法爲近年所未有請傳肯嘉獎均尤之二年四月是部親王朋楚克車林爲資政院欽選議員三年設庫倫審判各廳軍諮府亦於庫倫設陸軍兵備處派員統兵駐之是年正月三多奏宣統二年金鑲應繳官稅計金砂易銀十九萬三千兩有奇全數作爲庫倫辦軍事的款是月開圖盟扎薩克那木薩賴旗奎騰河金鑲四月開雅勒河金鑲閏六月已革商卓特巴巴特瑪多爾濟報効辦理新政銀二萬兩三多請賞還原銜飭回庫倫署商卓特巴巴特瑪以是款作爲修汽車路之需八月奉近來邊事日急今沿途台站於來庫倫官員則多方留難於逃庫要件則任意玩忽請飭該管台站認真整頓尤之九月三多等以額爾德尼車臣報効銀一萬兩奏准用杏黃圍車時哲布尊丹巴與三多不協是部親王杭達多爾濟等以債務素密結俄人不悅新政於是俄照會外務部有不駐兵不派官不殖民之要求泊武昌事起各省鼎沸杭達多爾濟等遂於十月初九日擁哲布尊丹巴稱尊號建元立國置內閣以喀爾喀八十六扎薩克名義通牒中外指斥清廷興復元業驅逐在外

蒙之滿清官兵三多被迫去職賽爾烏蘇管站員亦于十二月去職於是喀爾喀四部舉非清有是部地兼耕牧鑛產林木均稱饒富佐領共有四十九車臣汗部稱喀爾喀東路至京師三千五百里東界額爾德尼陀羅海西界察罕齊老圖南界塔爾袋柴達木北界溫都爾罕元太祖十七世孫阿敏都喇勒有子謨囉貝瑪駐牧克魯倫河生子碩壘始號車臣汗與其族土謝圖汗賽布扎薩克圖汗素巴第同時稱三汗子十一今車臣汗部二十三扎薩克皆其裔長嘛察哩號伊勒登土謝圖為扎薩克貝子達哩台吉旺扎勒扎布二旗祖次察布哩號額爾德尼台吉為扎薩克台吉吹音珠爾一旗祖次拉布哩號額爾克台吉為扎薩克台吉色稜達什一旗祖次本巴號巴圖爾達爾漢理台吉為扎薩克額爾德尼公車布登一旗祖次巴布魯父汗號為車臣汗烏默克扎薩克那納木扎勒朋素克台吉翰賽羅卜藏垂扎木素額爾德尼根敦八旗祖次緯斯嘉布號額爾德尼理台吉為扎薩克輔國公車凌達什台吉多爾濟達什固噶扎布三旗祖次巴特堪達什號達達理台吉為扎薩克貝勒車布登輔國公車

清史稿

滿部四

十四

凌旺布台吉車凌多岳特三旗祖次車布登號車臣濟農次阿南達號達濟農次布達扎布號額爾德尼濟農均封扎薩克貝子阿南達子貢楚克授扎薩克台吉又自為一旗初喀爾喀服屬於察哈爾天聰九年大軍平察哈爾車臣汗伯壘偕烏珠穆沁蘇尼特諸部長上書通好貢駝馬崇德元年春以其部私與明市馬諭責之曰明朕警也前者察哈爾林丹汗貪明歲幣沮朕伐明且欲助之朕故移師往征天以察哈爾為非故以其國予朕今爾與明市馬是助明也爾當以察哈爾為戒其改之傾壘遣使徵喇嘛等來朝請與明絕市上嘉之命察罕喇嘛往督貂服朝珠弓刀金幣二年獻所產獸曰馴喜三年獻馬及甲胄貂皮雕翎俄羅斯烏槍回部弓箭鞍轡阿爾瑪斯莽白鼠裘唐古特元狐皮詔歲貢九白他物毋入獻順治三年碩壘誘蘇尼特部長騰機思叛遣子本巴等以兵三萬援大軍敗之師旋詔責碩壘日蘇尼特本察哈爾屬部向化來歸爾誘之使叛朕遣兵追勦時猶誡勿加兵於爾詎意爾反稱兵抗拒以致上蒼降譴立見敗衄係非朕飭令班師大兵既壓爾境何難長驅直入耶今爾若知

自悔欲贖前愆其速擒騰機思來獻五年騰機思乞降碩壘遣使獻駝百馬千入謝詔遣子弟來朝九年以妄爭歲貢賞諭責勿貢十二年巴布繼其父碩壘為車臣汗遣子穆彭墨爾根楚琥爾來朝詔宥前罪貢九白如初是年喀爾喀左右翼設八扎薩克命車臣汗領左翼扎薩克之一十五年遣大臣齎服物諭賽之康熙二十一年以所屬巴爾呼人私掠烏珠穆沁部界議增汛兵嚴防禦會貢使至諭曰朕聞爾屬眾與界內蒙古互相竊奪彼此効尤恐乖生計朕已飭界內人毋許出境滋擾爾亦當約束所屬守分安居違者即拘治之毋稍姑息二十二年詔毋越噶爾拜瀚海游牧巴布卒子諾爾布嗣車臣汗二十六年偕土謝圖汗察理多爾濟表上尊號諭卻之二十七年噶爾丹掠喀爾喀至克喇倫河時諾爾布及長子伊勒登阿喇布坦相繼卒孫烏默克幼台吉納木扎勒等攜之來歸從眾凡十萬餘戶詔附牧烏珠穆沁諸部界烏默克與汗號如故尋理藩院奏降眾日多請授納木扎勒等為扎薩克轄之報可命科爾沁親王沙津等往示內地法度諭曰朕因爾等為厄魯特所掠憐而納之今親爾等

清史稿

滿部四

十五

並無法制約束東部曲恐劫奪不已離析愈多爰命增置扎薩克分掌旗隊禁止盜賊各謀生業爾等果能遵而行之寇盜不興禍亂不作庶副朕撫育歸降愛養羣生之至意二十九年選所部兵赴圖拉河隨尚書阿喇尼偵禦噶爾丹三十年駕幸多倫諾爾會閱詔封王貝勒貝子台吉有差各授扎薩克編所部佐領而以車臣汗烏默克統其眾自是始稱車臣汗部三十一年定所部為喀爾喀東路三十四年遣官往購駝馬三十五上親征噶爾丹師次克喇倫河烏默客等以兵從凱旋所部沿途慶獻日億萬計明年詔歸克噶倫河游牧五十五年諭所部選駝六千以兵五千領之由郭多里巴勒噶遜運軍糧赴推河六十年調兵防護烏梁海降眾於巴顏珠爾克雍正九年選兵三千赴察罕度爾軍營從勦噶爾丹策凌十一年復詔以所部兵千屯游牧西界訓練防守並追緝巴爾呼逃眾十三年撤還乾隆元年選兵赴鄂爾坤防秋六年命參贊大臣都統塔爾瑪善察閱防秋兵於塞勒壁口十三年選駝五百運歸化城米赴塔密爾軍營十七年選兵四千駐防巴顏烏爾二十年隨大軍勦達瓦齊於伊犁

二十一年以所屬齊木齊格特人肆竊命參贊大臣納穆扎爾等往緝實之法
諭扎薩克等曰朕因爾等不善經理游牧以致盜賊肆行特命大臣前往督緝
念皆起於飢寒復令發帑賑給貧戶以贍生業爾等游牧始皆循謹爾等習於
玩愒徒知盜賊已除不復為貧者籌畫生計又或目前尚知約束日久漸至廢
弛當各統率所屬詳察貧困之由俾謀生有策不至為非即有頑悍不悛之徒
亦當嚴加約束有犯必懲務令上下安全共享昇平之福蕩平準部之役是部
扎薩克郡王巴雅爾什第扎薩克輔國公達爾濟雅均以俘叛賊包沁副總管
阿克珠勒等功巴雅爾什第首親王達爾濟雅晉貝子扎薩克一等台吉成賞
扎布多爾濟以察逆賊青衿哨造偽符徵汛兵之詐督兵嚴守各汛子公品級
而貝勒旺沁扎布以死事伊子優卹先是車臣汗部編佐領置十一旗後增
十二旗扎薩克二十有三盟於克噶倫巴爾河屯設正副盟長各一副將軍參
贊各一爵二十有六車臣汗一附輔國公一扎薩克和碩親王一由郡王晉襲
扎薩克多羅郡王一附多羅貝勒一扎薩克多羅貝勒一扎薩克固山貝子二

清史稿

滿部四

十六

一由貝勒降襲扎薩克鎮國公一扎薩克輔國公二一由貝子降襲公品級扎
薩克一等台吉一扎薩克一等台吉十三一由貝子降襲二由輔國公降襲附
鎮國公一由貝子降襲二十五年八月命車臣汗部落一體與土謝圖汗等三
部落充派兵諸差三十年以是部扎薩克貝子旺沁扎布能約束屬下捕獲私
質俄羅斯民人蒙古等上嘉之四十七年是部郡王桑齊多爾濟旗與黑龍江
屬之呼倫貝爾巴爾虎爭界謂呼倫貝爾總管將音陳阿魯布拉克等卡倫私
自挪移四十八年呼倫貝爾總管三保會桑齊多爾濟及貝勒車凌多爾濟帶
同耆老謝酌地圖由界內挖出舊設卡倫所埋記木貝勒車凌多爾濟將所屬
人等全行收回桑齊多爾濟仍稱阿魯布拉克一卡往外展佔五十里五十年
黑龍江將軍恒秀等查辦是部人等報稱阿魯布拉克卡並未展佔越桑齊多
爾濟坐罰俸成豐四年正月是部車臣汗阿爾罕什達捐銀助軍受之却王公
等捐軍需之請同治三年是部郡王等旗又與黑龍江巴爾虎爭界尋命吉林
將軍包保勘之三年調是部兵援古城潰歸四年札薩克車林敦多布以逗留

嚴議六年調車盟兵戍卡倫九年回匪東擾圖盟是部供軍需增戍役應捐輸
勞費圖盟等九年十月庫倫辦事大臣張廷岳等以回匪東擾烏里雅蘇台境
奏派是部貝勒幹丹准車林赴額爾德尼昭會勦尋撤回十年六二以回匪踞
圖盟左翼中旗郡王拉蘇倫巴爾游牧圖犯庫倫又派幹丹准車林統駐庫
蒙兵赴噶爾沁圖里克托里布拉克二臺協勦十二月以竄烏庫兩城回匪均
回肅州老巢撤車盟官兵一半二月張廷岳以烏里雅蘇台將軍全順西征僱
庫倫籌備駝隻張岳派員赴圖車二盟勸諭各王公等竭力捐助光緒七年以
改議俄約調車盟兵駐庫倫尋以約定撤之二十二年將軍崇勳以烏里雅蘇
台參贊大臣攤車盟規費特重請禁之庫倫辦事大臣桂斌以車臣汗阿爾塔
什達任參贊大臣作備請追款諭免之是年桂斌奏車盟報應費台吉已報未
數者有六百餘員積壓未題者有三次之久論理藩院迅速核辦不准積壓二
十五年九月烏里雅蘇台將軍連順奏車臣汗德木楚克多爾濟阻撓釐務與
俄人交密形狀可疑諭撤去差使十一月是部王公等又呈理藩院請停辦釐

清史稿

滿部四

十七

務命崑岡等往勘緩之二十六年卒匪事起庫倫辦事大臣豐陞阿等調是部
各旗官兵自備餉項巡防邊卡泊呼倫貝爾為俄兵所據巴爾虎諸處避難官
民均至是部界內盟長等防守撫輯均協所宜二十八年豐陞阿以是部王公
異常出力請予獎勵於是車盟盟長郡王多爾濟帕拉木加親王銜副盟長扎
薩克鎮國公車林尼瑪挑御前行走參贊扎薩克輔國公那爾芬達琿賞雙眼
花翎餘給獎有差宣統二年二月內盟蒙匪托克托等竄擾是部貝子桑薩賴
多爾濟旗三多遣駐庫宣化練軍管官鄭春田等迎擊失利電諭周樹模飭呼
倫道汛派兵往接應而蒙匪竄俄境是年是部郡王多爾濟帕拉穆為資政院
欽選議員三年閏六月是部扎薩克貝子多爾濟車林等報効辦理新政銀兩
獎之十一月哲布尊丹巴稱尊號于庫倫是部王公扎薩克等附之是部車
臣汗阿爾塔什達車林多爾濟父子皆為烏里雅蘇台參贊大臣有鑛有鹽池
有成吉思汗陵佐領共有四十
賽因諾顏部稱喀爾喀中路至京師三千餘重東界博囉布爾哈蘇多歡西界

庫勒薩雅素郭圖額金嶺南界齊爾里克北界齊老圖河元太祖十七世孫
偉徵諾顏諾和布子五長阿巴和為土謝圖汗部祖次塔爾呢無嗣次圖蒙
肯次巴賽今賽因諾顏部二十四扎薩克自厄魯特二旗外皆其裔圖蒙肯子
十三長卓特巴號車臣諾顏為扎薩克輔國公托多額爾德尼諾爾布扎布台
吉圖巴三旗祖次丹津喇嘛諾汗為扎薩克親王善巴輔國公旺舒克車
凌達什台吉齊旺多爾濟素達尼多爾濟六旗祖次車凌次羅雅克皆無嗣次
濟雅克號偉徵諾顏為扎薩克輔國公阿玉什一旗祖次扎木本其番不列
扎薩克次察斯布布號昆都稜為扎薩克台吉伊達木納木扎勒二旗祖次丹
津號班珠爾為扎薩克超勇親王策稜子親王成衮扎布郡王車布登扎布二
旗祖次畢瑪里吉哩諾號巴圖爾額爾德尼諾顏為扎薩克台吉丹津額爾德
尼一旗祖次錫納喇克薩特號理台吉為扎薩克台吉阿哩雅薩木濟特二旗
祖次桑噶爾扎號伊勒登和碩齊為扎薩克台吉沙喀伊爾都齊一旗祖次扣
肯號巴扎爾為扎薩克台吉濟納彌達一旗祖次衣布號昆都倫博碩克圖授

清史稿

滿部四

十八

扎薩克郡王今襲貝勒其曾孫額墨根授扎薩克台吉又自為一旗巴賽子一
日噶爾瑪為扎薩克領國公素泰伊勒登一旗祖初喀爾喀有所謂紅教者與
黃教爭圖蒙肯尊黃教為之護持唐古特達賴喇嘛賢之授賽因諾顏號令所
部奉之視三汗圖蒙肯卒次子丹津喇嘛復受諾汗號於達賴喇嘛崇德三
年遣使通貢後查遺歸五年賜救獎諭順治四年以借其旗土謝圖汗衣布等
合兵援蘇尼特部叛人騰機思詰責之七年遣子額爾德尼諾木齊上書乞好
詔借貸布約誓定議十一年額爾德尼諾木齊復奉表諭曰爾奏言喀爾喀左
翼四旗皆爾統攝凡有敕諭因弗遵行今即如所請可速救爾部長遣子來歸
有不遵者即行奉聞十二年借貸布等各遣子弟來朝詔宥前罪尋設八扎薩
克命丹津喇嘛領左翼扎薩克之一歲貢九白如三汗例十八年賜遵文順義
號給之印康熙三年詔所屬毋越界游牧丹津喇嘛卒子塔斯希布襲塔斯希
布卒子善巴襲賜信順額爾克岱青號二十七年噶爾丹掠喀爾喀善巴率屬
來歸詔附牧烏喇特諾部界三十年駕幸多倫諾爾會閱詔封善巴等王台吉

有差各授扎薩克編所屬佐領隸土謝圖汗部三十一年善巴從弟策稜來歸
策稜者圖蒙肯第八子丹津之孫台吉納木扎勒之子後授固倫額駙和碩超
勇親王定邊左副將軍兼稱喀爾喀大札薩克者也三十六年詔善巴等各歸
舊牧五十六年選兵赴阿爾台軍偵禦策妄阿喇布坦雍正三年上所部系出
賽因諾顏較三汗裔繁衍而額駙策稜自簡任副將軍勞績懋著命率近族親
王達什敦多布貝勒納木札勒齊素囉貝子策汪諾爾布輔國公阿努哩敦多
布額琳沁札木禪旺札勒台吉格木丕勒齊旺錫喇札布達爾濟雅根敦車布
登巴朗延達博第呢瑪特克什諾爾布扎凡十九扎薩克別為一部以其祖賽
因諾顏號冠之稱喀爾喀中路不復隸土謝圖汗部喀爾喀有四部自此始九
年所部兵隨大軍勦噶爾丹策凌擊其眾克爾森齊老及額爾德尼昭大敗之
十三年徵還乾隆元年選兵赴鄂爾坤防秋六年參贊大臣副都統慶泰察閱
防秋兵於桑錦托羅海十三年選駝五百運歸化城米赴塔密爾軍營尋調所
部兵二千駐防錫喇烏蘇十九年移塔密爾軍營于是部中前旗之烏里雅蘇

清史稿

滿部四

十九

台以是部兵分駐扎布堪二十五年隨大軍勦達瓦齊平之二十六年設烏里
雅蘇台至烏魯木齊台站留侍衛四員餘撤之先是喀爾喀分設中路時但以
賽因諾顏名其部以示別於三汗未議製號三十一年親王成衮扎布奏所部
來歸初親王善巴為同族長又世掌丹津喇嘛所遺印請視三汗例以善巴曾
孫親王諾爾布扎布襲賽因諾顏號詔允其請俾與土謝圖汗車臣汗扎薩克
圖汗均世襲罔替蕩平準部之役成衮扎布長子額爾克沙喇以勦叛賊巴雅
爾功封輔國公策凌次子輔國公車布登扎布積俘準部宰桑庫克辛等平達
瓦齊誅賊固爾班和卓征哈薩克功歷晉貝子貝勒郡王至親王品級貝子車
木楚克扎布稜捕獲烏梁海宰桑復設臺站及招降阿爾泰淖爾烏梁海功歷
晉封至郡王扎薩克等台吉三都克扎布以協濟軍需復予襲輔國公扎薩克
一等台吉達什額以得叛賊布庫察罕功予公品級而貝子羅布藏車隣以死
事烏魯木齊晉其子貝勒初所部十九旗後增三旗附額魯特二旗扎薩克二
十有四盟於齊齊爾里克設正副盟長各一副將軍參贊各一爵三十有三扎

薩克和碩親王二附山貝子一由貝勒降襲鎮國公一由貝子降襲輔國公
 二公品級一等台吉一公品級二等台吉一扎薩克多羅郡王一一由鎮國公
 晉封扎薩克多羅貝勒一一由郡王降襲一由鎮國公晉襲扎薩克鎮國公一
 由扎薩克台吉晉襲附輔國公一扎薩克輔國公五一一由扎薩克台吉晉襲公
 品級扎薩克一等台吉一扎薩克一等台吉九附輔國公一公品級三等台吉
 一厄魯特扎薩克固山貝子一一由郡王降襲一由輔國公晉襲三十八年九
 月以賽盟郡王車登扎布為烏里雅蘇台參贊大臣四十二年十月賽盟郡王
 車布登扎布率本部王公扎薩克台吉等進大行皇齊馬駝溫諭却之四十
 五年六月以賽音諾顏部落占據土謝圖汗游牧諭博清額查明毋使侵占十
 月定賽音諾顏土謝圖汗兩部界址嘉慶四年是部親王御前大臣拉旺多爾
 濟等請調集本盟兵馬助剿教匪溫旨止之並命理藩院傳知蒙古各盟停其
 預備七年八月定喀爾喀賽因諾顏扎薩克圖汗二部事務在烏里雅蘇台會
 集與定邊左副將軍一同辦理八年以是部齊巴克扎布旗容留種地民人命

清史稿

滿部四

二十

交烏里雅蘇台參贊大臣永保辦理十二年五月烏里雅蘇台參贊大臣薩木
 丕爾部爾濟卒以綸布多爾濟代之道光三年七月以賽音諾顏盟長德木楚
 克扎布等于大路搶劫官人財物不能捕緝詔嚴議十月烏里雅蘇台將軍果
 勒豐阿奏烏里雅蘇台地方請准令商民等每年獻運茶七千餘箱赴古城兌
 換米鈔如不敷令湊買雜貨仍照例給發印票不准另往他處六年十一月回
 疆軍興賽音諾顏扎薩克圖汗兩盟王公扎薩克等輸駝隻助軍七年十月綸
 布多爾濟調庫倫辦事大臣十二月以車林多爾濟為烏里雅蘇台參贊大臣
 十八年以哈薩克爾入卡倫命車輪多爾濟統賽扎兩盟杜爾伯特等蒙兵逐
 之十九年正月給驅逐哈薩克之賽扎兩盟蒙古官兵俸賞行裝銀四月命車
 輪多爾濟調兵驅逐復入烏梁海之哈薩克八月以驅逐哈薩克安速賽車林
 多爾濟親王俸一年二十五年二月賽盟郡王圖克濟扎布以不赴軍營革副
 將軍成豐三年賽扎兩盟王公扎薩克等請捐助軍需溫旨卻之阿爾薩什達
 代之十一年阿爾塔什達調庫倫以車林敦多布代之同治三年回匪陷烏魯

木齊各城調是部兵援古城竟無功五年七月李雲麟奏與明誼等會商擬將
 扎薩克圖汗部賽諾顏兩部額兵全行派出共一千八百名其本愛曼操防之
 兵徐為布置旋因察漢烏蘇卡倫聞警當與麟興等熟商北路既有警報擬每
 愛曼仍留五百兵備防本境復商之車林敦多布轉傳各盟長將西兩盟額兵
 以外之壯丁每盟再挑五百名於八月派齊隨後繼發並謂北路寇至不能禦
 差務不暇給保貝勒不勒多爾濟遇事勇敢其才為喀爾喀四部王公之冠
 適車林敦多布乞病詔即以不勒多爾濟代之李雲麟率賽扎兩盟兵西
 進十一月至呼圖古爾臺扎盟兵變賽盟兵亦潰李雲麟自奏回烏城詔嚴責
 之七年不勒多爾濟倡捐布倫托海新城經費借郡王桑噶西哩等捐銀二
 萬五千兩有奇予不勒多爾濟王銜餘給獎有差九年二月肅州回匪東竄
 擾是部推河以西額爾德尼班第達呼圖克圖游牧蒙兵潰于哈爾呢敦間十
 月已庫倫辦事大臣張廷岳等奏回匪竄逼烏城福濟榮全督蒙兵二百在
 城防守參贊大臣晉不勒多爾濟督索倫滿漢兵五百迎擊駐頭台竄匪三千

清史稿

滿部四

二十一

其已抵二台辛未烏里雅蘇台將軍福濟等奏回匪踞博克多山推河口額爾
 德呢等處十月九日竄至第十一烏特台文報不通南臺蒙兵聞警先遁十一
 月戊申福濟及參贊大臣榮全奏十月九日賊千餘人由東南至西南山溝來
 撲東南西南三門東溝又來賊數千初更賊四面放火燬柵而登城池失陷二十
 三日賊由西南竄去福濟遇救尚存榮全奔向西北於閏十月四日折回定邊
 將軍印信遺失榮全親兵護出伊犁將軍印信暫時借用命福濟榮全革職留
 任諭杜嘎爾統察哈爾馬隊及已調吉林黑龍江官兵赴烏城進剿尋回蒙西
 竄金山卡倫晉不勒多爾濟回烏里雅蘇台諭整飭台站疏通道路十二月諭
 晉不勒多爾濟將張廷岳撤回官兵分布防守推河等處福濟妥設霍呢齊及
 推河糧台癸酉錦不勒多爾濟奏勒賽扎兩部落揀兵分紮烏城台站并防各
 旗游牧乙酉九福濟等請設烏城駐班台站扎薩克二員管台二員諭福濟迅
 將哈爾呢敦等台趕緊預備催緩遠城所遣達爾濟一軍前進是月喇嘛棍噶
 扎拉參一軍自科布多援烏城十年正月諭嚴催晉不勒多爾濟設復烏城以

南台站首不勒多爾濟劾福濟謬妄貽誤自願身命將倉庫存項酬謝賊匪眷屬皆係自盡非為賊所害福濟亦劾蒙古官員規避差使請捏病告假規避或飭傳故意遲行及始終不到者均革職任無職任者銷爵仍令來管從之設霍呢齊台轉運總局福濟飭賈果爾帶察哈爾馬隊駐守之榮全奏親往催辦烏城以南二十台行抵推河見水台匪房駝馬漸集推河至哈爾呢敦五台照舊布置略有規模請給自備駝馬暫台之蒙古台吉丁戶一半錢糧從之以回匪復圖再擾烏城諭福濟等整頓台站杜噶爾軍毋得逗留二月諭福濟等妥為布置哈爾呢敦額爾德尼昭推河三處防守並以達爾濟一軍行抵哈爾呢敦阻滯飭督令各台妥為供支毋誤戎機三月以烏屬各臺尚未備齊致滯師行諭切責福濟並令傳知蒙古王公等率屬守禦予烏城殉難蒙兵卹杜噶爾奏派蘇彰阿帶黑龍江兵五百赴烏城並調貢果爾一軍赴前敵各路諭杜噶爾爾赴察爾呢敦等處防勦四月予賽盟台吉車登不勒吉雅雅捐銀獎杜噶爾進駐貢鄂博地方諭福濟等飭蒙古台站應付駝馬等項錦不勒多爾濟以請

清史稿

卷四

二十二

歸游牧罷烏里雅蘇台參贊大臣下院嚴議以扎盟中左翼左旗貝勒多木沁扎木楚代之福濟亦革任以金順為烏里雅蘇台將軍奎昌署之回匪復擾是部阿米爾畢特游牧焚掠固爾班賽汗等處諭杜噶爾會奎昌等迅速追勦五部回匪竄薩哈爾呢敦附近之薩巴爾圖河推河一帶杜噶爾遣納魯肯一軍駐翁首驛防之六月回匪竄擾薩爾哈順呢齊二台諭慶春飭達爾濟於推河等處防守杜噶爾撥隊扼要駐紮保護糧路福濟等奏烏城調到吉林黑龍江察哈爾馬隊三千二百五十名發圖車賽扎四盟探買駝馬等銀各一萬兩八月回匪復竄入阿畢爾密特旗至巴彥罕山逼近翁音河福濟等飭賽盟速派蒙兵五百名赴南台哈爾呢敦堵截九月達爾濟一軍勦竄翁吉河之匪殄之杜噶爾遣福珠哩率兵勦匪于阿米爾密特旗之那林渾第等處殄之是旗附近肅清達爾濟亦敗賊於喀雅喀拉烏蘇地方十一年正月肅州回匪復竄擾是部阿米爾密特旗游牧西南之濟爾哈朗圖地方諭金順奎昌等各設法保護所屬台站杜噶爾奏派富珠哩一軍扼紮哈爾呢敦一帶四月回匪復擾

白託羅蓋及金山卡倫游牧奎昌等遣馬隊追勦九月連敗之於沙爾魯爾頓及庫爾庫喀地方匪自阿爾公旗竄扎哈沁十二年二月烏里雅蘇台將軍長順等以回匪屢擾三扎兩盟牧暫令扎盟公車德恩敦多布多爾濟旗移於邊界相當之三音諾顏部落右翼右後旗副將軍王格里克扎木楚扎薩克瑪尼巴拉等旗游牧賽盟扎薩克阿畢爾密特旗移於本部賽音諾顏旗親王車林端多布等旗游牧兩盟南界金山卡倫亦令暫撤俾作清野之計奏入得旨下所司知之十三年正月烏城解嚴長順等撥察哈爾新兵五百令佐領依楞額統赴科布多裁烏城賽扎兩盟防兵五百侍衛豐陞阿統察哈爾馬隊仍駐扎巴罕河六年以改議俄約調賽扎兩盟蒙兵二千名駐烏里雅蘇台七月以將軍春福等奏克輔國公額爾奇博爾喀地方作為官屯九月予賽盟扎薩木爾奏暫停辦博爾喀屯田十一年九月復設金山卡倫十三年署烏里雅蘇台將軍祥麟等奏管理推河扎克等台吉巴扎爾等報所屬都特庫圖勒等三台

清史稿

卷四

二十三

鼠災請將都特庫圖勒台暫移在諾們汗沙畢游牧內拜達里克河邊之敖爾楚克哈克圖地方扎克和博勒庫根兩台向前移在賽盟右翼右後旗郡王吹蘇倫扎布旗屬之扎綏額奇史吉哈拉佈拉克等地方體察鼠災定息青草暢茂再飭各歸原台當差尤之十九年烏里雅蘇台參贊大臣車林多爾濟病免以那木濟勒端多布代之二十一年十二月修烏里雅蘇臺二十三年修烏里雅蘇台河橋及河隄二十二年九月將軍崇歡奏查閱邊卡供給每台有加至百五十兩之事此次免去查閱南二十台駝馬兩廠專查五十五座台卡供給應付概從刪減二十六年崇歡奏以古城一帶蝗災改採購戍守官兵日需米麩於歸化城是年以率匪肇衅邊防戒嚴將軍連順等調賽扎兩盟及烏梁海兵擇要防守各王公扎薩克等挑選壯丁籌辦軍食均能嚴約屬下勿欺凌俄商保全大局二十八年請將奏入予賽盟盟長扎薩克郡王沙蘇倫多布親王那木囊蘇倫副將軍肅薩克鎮國公剛珠爾扎布副盟長扎薩克郡王固嚕固木扎布等獎有差特予參贊大臣那木濟勒端多布黃馬褂二十九年設烏城

中俄通商事務局三十年八月連順等以賽扎兩盟呈報去冬今春雪灾牲畜倒斃三十一年是部中左末旗親王那彥圖請裁佐領所遺差戶護將軍奎煥飭由本明各旗分派按旗接充入夏亢旱駝馬疲瘦請緩查閱台站允之三十一年賽盟盟長吹蘇倫扎布卒將軍奎煥等請于參贊大臣貝勒車登索諾木親王那木囊蘇倫二員內簡一人為盟長得旨授那木囊蘇倫盟長定例盟長由理藩院請簡此出將軍保奏非恒格也那木濟勒端多布之後是部中左旗貝勒車登索諾木中右旗郡王庫魯固木扎布相繼為烏里雅蘇台參贊大臣三十四年六月御史常徵劾車登索諾木捏報灾情本盟應派差使不遵奏章赴邊防守之差以貽為定蒙情不服咸有戒心如牧廠未報地界任令開荒駝馬捏報倒斃孳生以多報少弊混不可枚舉宣統元年將軍望岫查覆多為寬解惟謂車登索諾木於本旗充當各差或有互調他旗以遠易近避重就輕營理旗務之扎齊克齊阿莫騰混自專請革之而為車登索諾木請免議二年是部親王那木囊蘇倫那彥圖為資政院欽選議員三年庫倫獨立是部王公附

清史稿

藩部四

二十四

之將軍奎芳被迫去職是部額駙策凌之後親王拉旺多爾濟車登巴咱爾達爾瑪那彥圖多至御前大臣領侍衛內大臣為外扎薩克諸部所莫及是部地兼耕牧有鹽池向稱饒富共有佐領三十一
扎薩克圖汗部稱喀爾喀西路至京師四千餘里東界翁錦西爾哈勒珠勒西界喀喇烏蘇額爾塔克諾爾南界阿爾察喀喇托輝北界推河元太祖十六世孫格呼森扎扎賚爾琿台吉有子七分掌喀爾喀左右翼左翼牧圖拉河界右翼仍留居杭愛山其長子阿什海達爾汗琿台吉次子諾顏泰哈坦巴圖爾第四子德勒登昆都倫第七子鄂特歡諾顏同掌之今扎薩克圖汗部十九扎薩克自厄魯特一旗外皆其裔阿什海達爾漢琿台吉子二長巴延達喇子賚瑚爾汗為原封扎薩克圖汗策旺扎布及扎薩克貝勒卓特巴台吉喇布坦額爾德尼衰布三旗祖次圖們達喇岱青子碩壘烏巴什號琿台吉為扎薩克貝勒根敦輔國公沙克扎齊巴克扎布台吉納瑪琳藏布達什朋素克五旗祖諾顏泰哈坦巴圖爾生土伯特哈坦巴圖爾子二長隆奎號車臣濟農為扎薩克郡王

朋素克喇布坦貝子博貝輔國公索諾木伊斯札布台吉烏爾占哈瑪爾岱青五旗祖次賽因巴特瑪號哈坦巴圖爾為扎薩克輔國公袁占台吉伊達木扎布二旗祖德勒登昆都倫生鍾圖岱號巴圖爾為扎薩克台吉諾爾布一旗祖鄂特歡諾顏生青達瑪尼默濟克號車臣諾顏為扎薩克輔國公通謨克台吉普爾普車凌二旗祖初賚瑚爾為喀爾喀右翼長所部以汗稱傳子素巴第始號扎薩克圖汗與其族土謝圖汗袁布車臣汗碩壘同時稱三汗碩壘通好最先袁布次之素巴第最後崇德三年以其部謀掠歸化城上統師征所部遁素巴第遣使謝罪並貢馬及獨峯駝無尾羊諭曰朕以兵討有罪以德撫無罪惟行正義故上天垂佑蒙古察哈爾諸部皆以昇朕爾等皆其所屬當即相率歸誠不則亦惟謹守爾界乃反與兵構怨謀肆侵掠豈以遠處西北即為征討不及之區耶今與爾約嗣後慎勿復入歸化城界重貽罪戾五年復賜敕諭順治四年素巴第聞詔責碩壘袁布等納蘇尼特叛人騰機思及掠巴林罪欲代解偕同族俄木布額爾德尼上書乞好上因其書不稱名詞近悖慢切責之

清史稿

藩部四

二十五

七年俄木布額爾德尼等詭稱行臘私入歸化城界掠牧產遣官飭歸所掠會素巴第卒子諾爾布爾稱畢錫喀勒圖汗遣使入貢諭曰朕本欲許爾等和好故命察歸所掠以贖前罪今爾等反以朕留爾逃人為詞是何心耶朕統一四海爾等彈丸小國勿恃荒遠勿聽奸詞致隕爾緒十二年諾爾布爾借木布額爾德尼各遣子來朝謝罪十四年復偕同族車臣濟農昆都倫陀音奉表乞好詔宥前罪十六年遣大臣齎服物諭賚之先是喀爾喀左右翼設八扎薩克諾爾布及俄木布額爾德尼車臣濟農昆都倫陀音各領右翼扎薩克之一諾爾布卒子旺舒克雙仍號扎薩克圖汗俄木布額爾德尼卒子額璘沁雙號羅卜藏台吉康熙元年額璘沁以私憾襲殺旺舒克奔就厄魯特其叔父袁布伊勒登避難來歸封扎薩克貝勒駐牧喜峯口外察罕和朔圖詳喀爾喀左翼部總傳九年命旺舒克第成袁襲札薩克圖汗號輯其眾二十三年成袁以額璘沁之亂屬眾潰多往依左翼土謝圖汗察罕多爾濟屢索不獲與俄斃命阿齊圖格隆等諷解之會成袁卒厄魯特噶爾丹謀掠喀爾喀誘成袁子沙喇攻察罕多

爾濟沙喇因會噶爾丹於固爾班赫格爾台吉德克德赫等從往察理多爾濟
 惡之追殺沙喇及德克德赫二十七年噶爾丹以兵三萬掠喀爾喀至杭愛山
 所部大潰沙喇弟策旺札布偕同族色凌阿海等相繼來歸詔附牧烏喇特諸
 部三十年駕幸多倫諾爾會閱以所部屢經變亂被夷詔封色凌阿海等王
 貝子台吉有差各授扎薩克令集所屬編佐領撫輯之而以策旺札布為扎薩
 克圖汗成賓子特封和碩親王統其眾自是始稱扎薩克圖汗部三十一年定
 所部為喀爾喀西路三十六年詔歸杭愛山游牧四十年賜牧產贍之尋命策
 旺札布仍襲扎薩克圖汗號雍正四年遣額駙策凌等赴阿爾台勘所部與準
 噶爾界九年大軍勦噶爾丹策凌詔所部扎薩克等內徙游牧十年以準噶爾
 敗遁諭曰去歲朕降旨令爾等徙居內地並不感悅導行屢次催促始勉強遷
 移今幸大軍於蘇克阿勒達呼及額爾德尼昭內收賊眾爾等始得安居否則
 豈能保護牲畜乎朕思爾等本屬一體豈有甘居庸懦受人庇蔭之理嗣後各
 宜激烈奮發不惟永享昇平亦且垂先史冊矣是扎薩克圖汗策旺札布以從

清史稿 卷一百一十五 二十六

征退縮罪削爵郡王朋素克喇布坦子格喀克延不勒襲汗號十二年調兵
 駐防察罕庫爾乾隆元年選兵赴鄂爾坤防秋二年定邊大將軍平郡王福彭
 奏喀爾喀四部防秋兵皆駐鄂爾坤扎薩克圖汗部駐牧扎克拜達哩克西南
 距鄂爾坤尤邇請即令在彼駐防徵調無難即至詔如所請五年諭曰前以軍
 務方興恐爾部游牧被賊侵擾悉令內徙今噶爾丹策凌謹遵朕旨奏稱不敢
 越河爾台游牧其屬恭順朕亦降旨令爾部游牧毋踰扎布堪齊克慎哈薩克
 圖庫克嶺等處爾等當備諭所屬永遠遵行倘有違令生事者嚴行治罪況今
 雖許準噶爾和好罷息干戈而平日不可不訓習武備爾等其留意毋忽六年
 命參贊大臣副都統慶泰察閱防秋兵於哈里勒邁十三年選駝五百運歸化
 城未赴塔密爾軍營十六年敕禁所部越境與準噶爾及回眾私市十七年選
 兵千駐防錫喇烏蘇二十年隨大軍進勦達瓦齊二十二年以其部和托輝特
 郡王青衮咱卜叛誅之尋諭扎薩克圖汗部曰前因青衮咱卜負恩背叛散布
 流言眾喀爾喀間有煽動經朕訓諭爾等旋知悔悟各奉職守令逆賊就誅然

附人等應分別治罪以彰國憲但爾等為國家臣僕百餘年誤聽浮言致干罪
 戾並非有心附賊免其查究嗣後益宜仰體朕恩滿海前愆約束所屬各安本
 業綏靜邊隅長享太平之福先是扎薩克圖汗部編佐領蕩平準回之役是部
 扎薩克郡王品級貝勒青衮咱卜貝勒連登扎布皆以叛誅而輔國公旺布多
 爾濟積存青衮咱卜及準部叛賊呢瑪功晉襲貝勒子郡王品級一等台吉扎
 薩克則貝勒布積取庫車援賊及克庫車功晉至鎮國公二等台吉諾爾布以
 不從叛賊策登扎布授扎薩克一等台吉死事於阿里固特之二等台吉齊巴
 克扎布追封輔國公并授其子巴圖濟爾噶勒扎薩克其扎薩克一等台吉噶
 爾丹達爾扎以率其屬戶口自準部特穆爾圖諾爾游牧復歸授一等台吉其
 後授其子拉克沁噶喇扎薩克編佐領隸是部先是扎薩克圖汗部編佐領分
 十旗後增八旗附厄魯特一旗扎薩克十有九盟於扎克畢額色欽畢都哩雅
 諾爾設正副盟長各一副將軍參贊各一尉二十有二扎薩克圖汗兼多羅郡
 王一附公品級三等台吉一由輔國公降襲郡王品級扎薩克多羅貝勒一扎

清史稿 卷一百一十五 二十七

薩克鎮國公二一由貝勒降襲一由扎薩克台吉晉襲扎薩克輔國公六一由
 貝子降襲附輔國公一扎薩克一等台吉八附輔國公一厄魯特扎薩克一等
 台吉一乾隆四十五年以是部扎薩克巴哈圖爾侵佔杜爾伯特游牧嚴飭查
 辦促令交還嘉慶七年十月收扎薩克圖汗布尼喇特納等進馬五百匹道光
 六年回疆軍興是部捐駝馬助軍需二十五年定札薩克圖汗盟支差章程王
 公台吉等將所屬喀木齊罕阿拉巴圖等牲畜分作二分一分牲畜津貼佐領
 等出差扎薩克台吉喀木齊罕阿拉巴圖等所有牲畜依佐領等一律按戶扣
 除大牲畜一雙餘次牲畜均與應派佐領下人等正項差務一律出派其貧苦
 台吉佐領下喀木齊罕阿拉巴圖等各均相監之咸豐三年是部汗王公扎薩
 克等以軍興捐助軍需溫旨部之同治三年回匪陷烏魯木齊等城古城諸城
 被圍調是部蒙兵援之五年十一月李雲麟奏扎盟蒙兵抵呼圖古蘭臺劫掠
 變亂尋潰歸九年六月肅州回匪擾是部境十月竄聚博提哈拉烏蘇庫努克
 等處殺掠十月匪于陷烏城後竄金山卡倫察罕博克多地方十一年十月

奎昌等奏移翰克巴雅爾所部察哈爾馬隊駐扎盟察罕淖爾地方防回匪犯
烏城九月回匪竄是部輔國公車德恩敦多布多爾濟游牧車德恩敦多布多
爾濟自備軍裝軍火糧餉督台吉官兵于十六十七日再挫匪于景色圖及巴
彥察汗地方匪向西遁事聞予貝子銜十二月撥科城之回匪竄聚於扎部南
境奎昌派達爾濟帶隊攻勦十二年正月奎昌等奏回匪于十一月竄札盟所
屬之那瑪勒吉幹昭地方官軍于是月十一日進攻敗之匪即北竄追勦至十
二日匪又向察罕布爾噶奔竄山勢險隘負固相持達爾濟趕帶馬隊前進匪
又越山遁聚巴里坤扎盟交界地方二月烏里雅蘇台將軍長順等以扎盟牧
南各旗毗連肅州屢被回匪擾害奏暫移公棍楚克扎布右翼前扎薩克桑青
齊蘇隆右翼後末瑪呢達拉等旗於本部扎薩克圖汗及右翼中參贊公密帕
散布中右翼末旗達什拉布坦扎薩克車德恩多爾濟等旗游牧扎薩克圖汗
旗移本部落右翼左公銜扎薩克班扎班爾扎布右翼末次扎薩克達散巴
拉等旗游牧俟賊匪肅清即令各歸舊牧下所司知之十月回匪竄擾圖謝公

清史稿

藩部四

游牧旋擾察幹河及莫爾根地方長順等遣卓凌阿勦匪于圖謝公游牧之庫
布奇爾果羅地方勝之救出蒙右男婦子女一百九十餘名科布多所遣防禦
喜莫得等率兵敗匪于阿方公旗庫倫喇嘛地方救出被脅蒙民男婦三四十
名會棟呢特多爾濟軍敗之於烏蘭壩匪向翰克扎薩克旗以南隴山逃遁十
三年三月子扎薩克圖汗等捐助烏里雅蘇台城獎光緒初烏魯木齊諸城克
復是部始解嚴七年徵是盟兵成科布多俄約成徹去二十一年是部以甘肅
回匪滋擾文報改由台路撤回邊界游牧牲畜為堅壁清野之計二十三年烏
里雅蘇台將軍崇歡等劾盟長扎薩克鎮國阿育爾色德丹占扎木楚假公攤
派請革職任允之二十四年是部與賽音諾顏部王公扎薩克等輪昭信股票
銀並請報効仍予獎二十五年是部扎薩克蘇多爾濟旗與科布多之扎哈沁
爭界志銳等奏所爭一為巴爾噶克鄂博一為翰吉爾圖鄂博一為由德克庫
與喀拉占和碩界線請飭理藩院秉公剖斷允之二十六年拳匪肇畔邊防戒
嚴是盟王公扎薩克等于徵兵籌餉均得出力二十八年子扎薩克圖汗索特

那木拉布坦副將軍扎薩克輔國公洛布桑端多布獎有差宣統二年索特木
拉布坦為資政院欽選議員三年庫倫獨立脅是部汗王等附之是部有鑛有
鹽佐領有二十一

清史稿

藩部四

Blank text area for the second page of the document.

第 200 冊 修訂車全書 第 15 版反大

藩部五

青海額魯特

青海額魯特部在西甯邊外至京師五千七十里東及北界甘肅西界西藏南界四川延延二千餘里即古西海郡地分左右二境左境東自棟科爾廟西至洮登河界八百餘里南自博囉充克河北岸北至西喇塔拉界四百餘里東南自喇拉山西北至額濟內河界四百餘里東北自永昌縣界西南至布隆吉爾河界三千餘里右境東自棟科爾廟西至噶斯池界二千五百餘里南自涼臘嶺北至博囉充克河南岸千五百餘里東南自達爾濟嶺西北至塞爾騰西爾噶拉金界二千餘里東北自克騰庫特爾西南至穆魯烏蘇河界千五百餘里厄魯特舊分四部曰和碩特姓博爾濟吉特曰準噶爾曰杜爾伯特姓結囉斯曰土爾扈特姓不著部自為長號四衛拉特金補厄魯特即明時所謂阿魯台也有輝特者最微初隸杜爾伯特後土爾扈特徙俄羅斯境輝特遂為四

清史稿

藩部五

一

衛拉特之一云青海蒙古分牧而處有和碩特有土爾扈特有準噶爾有輝特統以厄魯特稱之和碩特設扎薩克二十有一其始祖為元太祖第哈布圖哈薩爾七傳至阿克薩爾噶勒泰子二長阿魯克特穆爾今內扎薩克科爾沁扎賚特杜爾伯特郭爾羅斯阿噶科爾沁四部落茂明安烏喇特八部其裔也次烏魯克特穆爾九傳至博貝密爾明稱衛拉特汗子哈尼諾顏洪果爾繼之有子六長哈納克十謝圖次拜布噶斯次昆都倫烏巴什次圖魯拜次色稜哈坦巴圖爾次布雅鄂特歡哈納克十謝圖為公中扎薩克台吉車凌納木扎勒一旗祖拜布噶斯子鄂齊爾圖汗及阿巴賴諾顏牧西套後準噶爾滅其部昆都倫烏巴什號都爾格齊諾顏今駐牧珠都斯之和碩特部四旗其裔也圖魯拜珠號順實汁分青海部眾為二翼子十人領之居左翼者曰達延曰鄂木布曰達蘭泰曰巴延阿布該阿玉什居右翼者曰伊勒都齊曰多爾濟曰瑚噶木什曰桑噶爾扎曰賽布察理曰達什巴圖爾達延號鄂齊爾汗為扎薩克鎮國公噶勒丹達什輔國公諾爾布朋素克車凌三旗祖別有附察哈爾之和碩特亦

其裔也鄂木布號車凌臣岱青為扎薩克台吉羅卜藏察罕濟克濟扎布達瑪璘

色布騰阿喇布坦四旗祖達蘭泰為扎薩克郡王額爾德尼額爾克托克托爾

台吉車凌多爾濟二旗祖巴延阿布該阿玉什號達賴烏巴什為扎薩克台吉

扎布一旗祖別有阿拉善厄魯特一旗亦其裔也伊勒都齊為扎薩克親王察

罕丹津輔國公阿喇布坦扎木素台吉察罕喇布坦三旗祖多爾濟號達賴巴

圖爾為扎薩克貝勒朋素克旺扎勒達什車凌合吉伊什多勒扎布三旗祖瑚

噶木什號額爾德尼岱青為扎薩克貝子丹巴台吉色布騰博碩克圖二旗祖

桑噶爾扎號伊勒登為扎薩克貝子索諾布達什一旗祖賽布察理無嗣達什

巴圖爾子羅卜藏丹津叛逃準噶爾後就擒宥之隸內蒙古正黃旗順實汁弟

色稜哈坦巴圖爾號扎薩克陀音為扎薩克台吉哈爾噶斯一旗祖布延鄂特

歡三傳至阿布子二長達瓦次鄂爾奇達達達達達達達達達達達達達達

達瓦封公品級尋卒鄂爾奇達達達達達達達達達達達達達達達達達達

克四其始祖曰翁罕七傳至貝果鄂爾勒克為扎薩克台吉索諾布喇布坦多

爾濟色特爾布木二旗祖別有土爾扈特部十二旗亦其裔也貝果鄂爾勒克

弟翁貴為扎薩克台吉澤爾扎丹忠二旗祖準噶爾設扎薩克二旗始祖曰字

罕六傳至額森子二長博羅納哈勒為杜爾伯特所自始今駐牧烏蘭固木之

杜爾伯特部十六旗自輝特二旗外年皆杜裔也次額爾斯特達爾漢諾顏為

準噶爾所自始七傳至和多和沁號巴圖爾理台吉駐牧青海為扎薩克郡王色布騰扎

勒一旗祖色布騰扎勒再傳圖絕曰班達哩孫車木伯勒製色布騰扎勒所遺

扎薩克曰卓哩克圖和碩齊為扎薩克輔國公阿喇布坦一旗祖曰溫春子丹

濟拉以來歸封扎薩克輔國公附喀爾喀賽因諾顏部曰價格子策安附喇布

坦號理台吉再傳為其族達瓦齊所繫嗣絕曰噶勒丹以掠喀爾喀為大軍所

敗斃死曰布木號額爾德尼台吉其曾孫即達瓦齊大軍平其部俘至京尋釋

之封親王不列藩部曰多爾濟札布為喀爾喀土謝圖汗察理多爾濟所狀曰

朋素克達什孫噶勒藏多爾濟以來歸對結囉斯汗尋叛為從子札納噶爾布

清史稿

藩部五

二

所殺曰噶爾瑪三傳至三濟札布以來歸授侍衛隸內蒙古正黃旗和多和沁弟曰墨爾根信青子二長丹津號噶爾瑪信青和碩齊孫阿喇布坦以來歸封札薩克郡王附喀爾喀賽因諾顏部次阿海三傳至達什達瓦嗣絕妻重臣哈屯攜衆來歸編佐領置直隸承德府境不設札薩克輝特設札薩克一其始祖曰納木占再傳至卓哩克圖和碩齊爲札薩克輔國公貢格一旗祖厄魯特諸札薩克外設喀爾喀中公札薩克一別有察罕諾們汗授札薩克喇嘛轄四佐領自爲一旗不列諸札薩克盟天聰初蒙古諸部內附厄魯特猶私與明市上以遠弗之禁崇德二年順實汗遣使通貢閱歲乃至七年倍達賴喇嘛等奉表貢八年遣使存問達賴喇嘛以願實汗擊敗唐古特藏巴汗救曰有敕道違法而行者聞爾已懲治之自古帝王致治法教未嘗斷絕今遣使敦禮高寶爾其知之并賜甲胃使未至願實汗請發幣使延達賴喇嘛允之順治二年願實汗子達賴巴圖爾貢馬至奏聞天使召聖僧臣等自富遵奉三年以厄魯特台吉等入甘肅境要糧賞詔所司議勦撫會願實汗奉表貢賜甲胃弓矢命轄諸厄

清史稿

海部上

三

魯特剛開歲輒遣使至厄魯特台吉等附名以達和碩特族曰都爾格齊諾顏曰色稜哈坦巴圖爾曰鄂齊爾汗曰鄂齊爾圖汗曰阿巴賴諾顏曰達賴烏巴什諾顏曰伊拉古克三班第達呼圖克圖曰額爾德尼理台吉曰阿哩祿克三陀音曰噶爾第巴台吉曰瑪賴台吉曰諾木齊台吉曰結克圖台吉土爾扈特族曰羅卜藏諾顏曰楚琥爾信青曰博第蘇克準噶爾族曰巴圖爾理台吉曰墨爾根信青曰杜喇勒和碩齊曰楚琥爾烏巴什曰羅卜藏呼圖克圖以願實汗爲之首五年甘肅巡撫王世功奏青海蒙古駐西甯需索供應請定貢使入關額餘駐關外給口糧許之九年願實汗導達賴喇嘛入覲先奉表聞并貢駝馬方物十年詔封遵行文義敏慧願實汗賜金册印十三年願實汗卒上念其忠勤修貢遣官致祭會青海屬復爲邊患諭願實汗子車臣信青及達賴巴圖爾等曰分疆別界向有定例邇來爾等率番衆掠內地抗官兵守臣奏報二十餘次屢諭不悛今特遣官赴甘肅西甯等處勘狀或爾等親至或遣宰桑來質誣妄之罪各有攸歸番衆等仍納貢蒙古者聽爾轄係前明所屬應仍歸中

國至漢人蒙古宜界與市易隘口務宜詳加察覈分定耕牧毋得越境妄行十五年復諭車臣信青曰前因爾等類犯內地遣官往勸據奏爾等入邊向番取貢輒肆攘奪答自難辭朕悉宥爾前愆但中外本無異視疆圉自有大防爾等向屬番取貢酌定人數路由正口遣頭目稟告守臣方准入邊至市易定所應從西甯鎮海堡川北洪水等口出入毋得任意取道如或不悛爾等具在朕不爾貸也康熙四年甘肅提督張勇奏蒙古番衆游牧莊浪諸境情形臣測請增甘肅西甯駐防兵先是青海蒙古戀西喇塔拉水草饒乞駐牧張勇以其地爲甘肅要隘不容偏處往責之謝罪去因設永固營聯築八寨至是蒙古等復相繼徙近邊上以漸不可啓詔如張勇請五年勇復奏青海雖通西藏不過荒微絕塞朝廷曲示招徠准開市自應鈴東部落各安邊境乃邇來蜂屯祁連山縱牧內地大草灘曾遺諭徙復抗拒定羌廟官軍敗之猶不悛聲言糾衆分入河州臨洮涼昌西甯涼州諸地請設兵備詔嚴防禦仍善撫以柔其心勇等乃自扁都口西水關至嘉峪關築邊牆六年川陝總督盧崇峻奏青海諸頭目偵

清史稿

海部五

四

於八月將入寇因赴莊浪所備之遺總兵孫思克屯南山隘相形勢固守達賴喇嘛尋檄厄魯特諸台吉毋擾內地駐牧黃城兒火草灘蒙古悉徙去獻駝馬等羊服罪請撤駐防兵允之十四年西甯諸鎮兵屯河東勦叛賊王輔臣青海蒙古乘隙犯河西永固營副將陳達禦之陣歿孫思克屯涼州宣示朝廷恩威各引罪出塞會達賴喇嘛使至命傳諭達賴巴圖爾等戢部衆勿爲邊患十六年準噶爾台吉噶爾丹襲殺駐牧西套之鄂齊爾圖汗青海和碩特諸台吉懼挈廬幕數千避居火草灘撫遠大將軍圖海等飭歸故巢十七年西套諸台吉偵噶爾丹將侵青海遣使告和碩特台吉達賴巴圖爾等爲防禦計上聞之諭張勇曰噶爾丹侵青海如遠從達布素圖瀚海而往則聽之若欲經火草灘則令堅立信約勿擾內地尋噶爾丹以從者異志且距青海遠行十一日徹兵歸遺書張勇詭稱其祖多克辛諾顏借願實汗聚青海和碩特族獨據之欲往索以將軍所轄地故不果既而懼和碩特諸台吉襲巴密遣使議婚以女布木妻博碩克圖濟農子根特爾張勇謀得狀奏噶爾丹警青海蒙古議婚後恐復往

侵甘肅當往來衝請增防上報可有巴圖爾額爾克濟農和囉理者巴延阿布該阿玉什子也駐牧西套以避噶爾丹侵乞假內地赴青海許之會噶爾丹屬額爾德尼和碩齊濟拉烏喇特戶畜青海墨爾根台吉聞之遣使詰歸所掠喀爾喀台吉畢瑪里吉哩謠亦以厄魯特掠所部陰偵之告額爾德尼和碩齊和囉理及青海台吉茂濟喇克等游牧額濟內河則未知其爲何厄魯特也十八年遣使諭達賴巴圖爾等曰爾墨爾根台吉將被盜劫掠人察護解送朕甚嘉之夫勸善懲惡者國之法也邇聞厄魯特衆棲處額濟內河爾達賴巴圖爾及墨爾根台吉其照汝例嚴加治罪使至稱茂濟喇克和囉理皆無掠烏喇特事額爾德尼和碩齊爲準噶爾屬已徙牧去詔檄噶爾丹收補之不從二十九年大軍敗噶爾丹於烏蘭布通青海諸台吉附達賴喇嘛表上尊號詔不允三十年甘肅提督孫思克奏噶爾丹集距邊月餘從子策妄阿喇布坦雖交惡恐復合有侵青海舉道必經嘉峪關外肅州密邇青海設兵三千爲備上報可三十一年昭武將軍耶坦奏青海諸台吉私與噶爾丹通問請屯兵哈密絕往

清史稿 海部五 五

來蹤上以噶爾丹自烏蘭布通敗遁後乏邊警且青海諸台吉素恭順屢議噶爾丹尋屯牧巴顏烏爾備內汛詔西甯設戍兵唐古特部第巴陰比噶爾丹詭爲達賴喇嘛奏稱青海諸台吉無異志請徹戍諭曰此爲征勦噶爾丹計非防青海諸台吉也會議勦噶爾丹詔檄青海衆勿驚懼三十五年前親征噶爾丹敗之獲青海通噶爾丹使以博碩克圖濟農及薩楚墨爾根台吉爲所部長遣使齎敕諭曰爾青海厄魯特尊崇達賴喇嘛法教事本朝聘問貢獻恭順有年朕亦頻加恩賚乃噶爾丹違達賴喇嘛法教不遵朕旨朕統軍至圖拉刺而滅之博碩克圖濟農等遣往噶爾丹使爲朕所擒俱言達賴喇嘛脫離已久第巴匿之且噶爾丹詭言青海諸台吉謀與彼同犯中國令噶爾丹亡命西走青海諸台吉如欲仍前修睦其各防守邊界遇噶爾丹即行擒解若知而故縱此後永誓絕之我使至察罕托羅海宣諭善巴陵堪布蓋達賴喇嘛遣理青海蒙古務者也善巴陵堪布召青海諸台吉集盟壇言曰噶爾丹殺鄂齊爾圖汗我等與仇但素奉達賴喇嘛言應遵議時達賴喇嘛示寂久唐古特達賴汗尋約

和碩特八台吉遣使慶捷達賴汗即鄂齊爾汗子也世長唐古特鄂齊爾汗弟自袁布察理無嗣外餘八人皆居青海故其裔稱和碩特八台吉二十六年二月上視師甯夏詔額爾阿喇布坦都統都思噶爾巴林台吉德木楚克西甯喇嘛商南多爾濟等攜青海諸台吉使及貨物往招撫之復以哈密達爾漢伯克額貝都拉內附詔青海厄魯特勿擾哈密境三月阿喇布坦等至察罕托羅海察罕諾們汗迎告曰皇上令青海衆得享安樂永受恩澤何幸如之時顧實汗子惟達什巴圖爾存阿喇布坦等宣諭之達什巴圖爾議遣博碩克圖濟農及額爾德尼台吉代入覲阿喇布坦等語曰皇上駕臨甯夏爾當率衆往朝毋自誤達什巴圖爾偕察罕諾們汗善巴陵堪布及唐古特達賴汗子拉藏等檄諸台吉議欲四月起行達爾寺垂戒呼圖克圖溫都遜寺達賴喇嘛濟勒及囊素通事等咸請從私向使問獅象狀且相謂曰我等往朝殆必以所未見文物相示閏三月阿喇布坦德木楚克自青海歸議諸台吉至若露處未協朝典應令秋後入覲京師詔如議命都思噶爾商南多爾濟留駐領海堡俟之扈蹕諸

清史稿 海部六 六

臣奏青海厄魯特與準噶爾同部聞噶爾丹敗竄咸驚懼皇上定策安集所部身至如歸誠非常舉請行慶賀禮諭曰青海職貢有年來朝亦常事耳可勿賀諸臣固請因奉表賀曰青海向雖修貢未隸臣屬今舉部歸誠噶爾丹益無竄路皇上安內攘外之心自此充恢矣四月諭留糧騎及羊九千餘於達希圖海俟青海衆至給之十一月達什巴圖爾偕諸台吉入覲諭曰朕非威懾爾等前來不過欲令天下生靈各得其所朕何物不備朕之尊不在爾等來否所望爾等各遂安全副朕好生至意耳詔所從諸宰桑咸列坐預宴以御用冠服朝珠賜達什巴圖爾賞諸台吉鞍馬銀幣有差復傳諭曰爾等自祖父來歲修職貢故特優錫以寵爾歸十二月上大閱玉泉山達什巴圖爾等扈駕往觀戰慄失色奏天朝兵威若此何敵不克三十七年正月詔封達什巴圖爾爲和碩親王諸台吉授貝勒貝子公等府有差先是噶爾丹詭與青海喇嘛謀往侵懼大軍討乃寢第巴以策妄阿喇布坦不附噶爾丹陰間之僞爲達賴喇嘛疏奏策妄阿喇布坦將侵青海及唐古特上斥其妄會噶爾丹使至諭曰青海諸台吉奉

貢久儼噶爾丹屬犯青海朕必往討之至是噶爾丹就滅策妄阿喇布坦憾達什巴圖爾等內附詭請大軍征青海討助噶爾丹罪詔曰青海諸台吉聞朕出師甯夏遠徙游牧噶爾丹平定親來稱慶伊等並無過端豈肯據為加兵朕統馭天下惟願宇內羣生成獲安堵豈有使爾等搆毀之理二月上幸五臺山詔達什巴圖爾等從將旋踵召親行輾溫諭遣歸給駝馬三十九年策妄阿喇布坦聲言兵擊第巴遣使赴青海陰規強弱上以策妄阿喇布坦將不靖詔廷臣留意漢趙充國所議五事為防禦計四十二年上幸西安府達什巴圖爾等來朝還置閱駐防兵奏禁卒精練天下無敵外省軍容復如是億萬年可永享昇平賜宴遣歸五十四年策妄阿喇布坦遣兵掠哈密上以鄰青海左翼牧詔兵備之準噶爾敗遁初達賴汗子拉藏偕青海諸台吉定議內附尋襲唐古特汗以第巴私立偽達賴喇嘛襲殺之而自立博克達之伊什扎穆蘇為達賴喇嘛喇嘛喇罕青海貝勒察罕丹津等計其偽妄襲塘之羅卜藏噶勒藏嘉穆錯為真達賴喇嘛喇罕喇罕內閣學士拉都琥往驗尋遣侍衛阿齊圖召青海

清史稿

海部五

海兩翼議徙裏塘達賴喇嘛喇罕以引爭端貝勒色布騰扎勒阿喇布坦鄂木布朋泰克旺扎勒台吉達顏蘇爾扎等會請徙察罕丹津不從將借達什巴圖爾子羅卜藏丹津盟率兵攻異己者阿齊圖疏至王大臣等奏察罕丹津若先攻諸部色布騰扎勒等來奔應置邊內察罕丹津牧距松潘僅四五百程請備兵待詔西甯四川松潘諸路設兵備之五十五年察罕丹津畏罪徙裏塘達賴喇嘛喇罕喇罕至西甯宗喀巴寺阿齊圖奏請積諸台吉定盟以羅布藏丹津察罕丹津達顏等領右翼額爾德尼額爾克托克和爾阿喇布坦鄂木布等領左翼令永陸允之會噶爾丹由沙拉襲青海掠台吉羅布藏丹濟卜等牧畜復謀盜噶斯口官軍駝馬諷曰準噶爾偵噶斯口兵勢稍弱潛來侵擾青海不可不嚴籌之著西安口會青海左翼四川督標兵會青海右翼協力防禦五十六年遣使赴青海測分野未幾靖逆將軍富甯安謀策妄阿喇布坦遣兵赴唐古特馳疏聞上以裏塘達賴喇嘛喇罕喇罕事初定拉藏汗或陰導準噶爾侵青海詔理藩院尙書赫壽諭拉藏汗勿得與察罕丹津羅布藏丹津等構兵

復誠遣侍衛色楞等赴青海曰準噶爾若侵拉藏汗爾即與青海諸台吉等定議協勦務令絕無猜忌不至滋變方善或拉藏汗導準噶爾侵青海爾即察罕丹津等曰策妄阿喇布坦屢抗大軍今拉藏汗與同謀是顯為讎敵也國家始終仁愛保護顧實汗子孫爾等正當奮志報效而行尋察罕丹津等以準噶爾侵拉藏汗告諭內大臣策旺諾爾布西安將軍額倫特等分屯青海要地五十七年拉藏汗乞援疏至詔色楞等會青海王台吉議進兵察罕丹津謀拉藏汗被戕謀誘準噶爾至青海迎擊之準噶爾懼不至先是哈密伯克額貝都拉獻西吉木達里圖西喇郭勒地詔設赤金靖逆二衛及柳溝所聽兵民耕牧五十八年以其地歸青海左翼牧道官借貝子阿喇布坦台吉阿爾薩蘭等勘定界阿喇布坦等曰青海衆倫恩厚何惜隙地可耕者聽給兵民留我等牧地足矣因集所屬宰桑等畫地標識議勿私越時撫遠大將軍固山貝子允禎統兵駐西甯請自索諾木至柴達木路設站五站置青海兵十別令左右翼兵各三百屯近軍地防準噶爾賊從之允禎復遵旨集兩翼王台吉以上意宣諭曰唐

清史稿

海部五

古特部達賴喇嘛喇罕喇罕法教原係爾祖額實汗所設今準噶爾戕拉藏汗離散番衆爾等前稱裏塘羅卜藏噶勒藏嘉穆錯為真達賴喇嘛喇罕喇罕願置禪榻廣施法教今唐古特民人及阿木烏喇喇如爾言皇上為安藏計遣大兵送往唐古特爾等宜率所屬兵或萬或五六千從往其定議具奏兩翼王台吉等會稱願聽命五十九年所部兵從大軍敗準噶爾於下克河齊諾郭勒納瑪喇等處因護達賴喇嘛入藏捷聞詔留兵二千屯青海偵防準噶爾雍正元年諭曰自西陲用兵青海王以下台吉以上各著勞績皇考曾降旨俟凱旋日計功今青海王台吉等歷年效績應各酌加封賞其率兵進藏至駐防噶斯柴達木等衆應令各將將軍分別加賞是年羅卜藏丹津叛命大軍往討越歲而定羅卜藏丹津初襲其父達什巴圖爾親王爾從大軍入藏歸覲為唐古特長陰約策莊阿喇布坦援已復誘青海台吉等四察罕托羅海令如所部故號不得復稱王貝勒貝子公等爵而自號達賴喇罕台吉以統之郡王額爾德尼額爾克托克和爾不從借鎮國公噶爾丹達什來奔上以和碩特族自相殘不忍遽

加兵詔撫遠大將軍貝子延信善慰額爾德尼額爾克托克托爾時兵部左侍郎常壽駐西甯理青海務命傳諭羅卜藏丹津罷兵不從則懲治之羅卜藏詭言親王察罕丹津郡王額爾德尼額爾克托克托爾謀據唐古特諸台吉不服將率兵與決勝負蓋以察罕丹津額爾德尼額爾克托克托爾首不附已欲誣罪因召諸台吉奉已如鄂齊爾汗駐唐古特以遙制青海也察罕丹津為羅卜藏丹津所信繼額爾德尼額爾克托克托爾聚眾至敕川陝總督年羹堯曰羅卜藏丹津自其祖額爾汗敬謹恭順達什巴圖爾慕化來歸晉封親王復令其子羅卜藏丹津襲封自宜仰體寵眷敬奉法紀乃妄逞強梁骨肉相仇欺陵親王察罕丹津郡王額爾德尼額爾克托克托爾等恣行倡亂朕甫聞其事遣使往諭令伊講和修睦式好無尤乃肆意稱兵侵襲察罕丹津額爾德尼額爾克托克托爾以致投入內境是其深負朕恩悖逆天常擾害生靈誅戮不可少緩狀欲大張天威特命爾為撫遠大將軍統領大兵往督羅卜藏丹津罪如敢抗拒即行剿滅其黨有懼羅卜藏丹津勢暫為從者果悔罪來歸即行寬宥有

清史稿

九

能擒斬羅布藏丹津者分別具奏有情急來歸者加意撫恤其不抗拒者毋加殺戮羅卜藏丹津詭罷兵誘常壽至察罕托羅海留之遣叛黨分掠西甯諸路煽賊番等為應副將軍阿喇納自吐魯番馳赴喇斯斷山穆魯烏蘇往藏路副將王嵩參將孫繼宗等擊賊黨於布隆吉爾及鎮海堡中堡北川新城等處四川提督岳鍾琪以雜谷土司等兵勦歸德堡外上寺東策卜下寺東策卜及南川口外郭密諸番復徵前鋒統領蘇丹等協助所至告捷羅卜藏丹津懼送常壽歸請罪諭年羹堯曰伊乃深負國恩與大軍對敵之叛賊國法斷不可宥不得因伊曾封王爵稍存疑慮其與羅卜藏丹津同謀之王貝勒貝子公等既經背叛即宜削爵伊等或來歸順或被擒獲不必更論封爵但視行事輕重可寬宥者從寬應治罪者治罪二年詔以岳鍾琪為奮威將軍參贊軍務鍾琪奉命進勦偵從賊之巴爾珠爾喇布坦自烏爾博爾克通尾擊之至伊克喀爾吉擒其黨阿喇布坦鄂木布道西甯總兵黃喜林山西爾哈羅色赴柴達木斷喇斯路偵羅卜藏丹津走烏爾木和爾鍾琪復分兵馳擊擒其母阿爾泰俘戶

畜無算羅卜藏丹津借賊黨分道竄狩衛達爾等擒丹津理克吉於華海子阿布濟車臣台吉於布哈色布蘇吹喇克諾木齊扎什敦多卜等於烏拉克羅布藏丹津走準噶爾逆黨悉擒送京師詔行獻俘禮是役也以兵拒羅卜藏丹津者親王察罕丹津郡王額爾德尼額爾克托克托爾也不從羅卜藏丹津逆者郡王色布騰扎勒台吉阿喇布坦噶勒丹岱吉諾爾布巴勒珠爾察罕喇布坦旺舒克喇布坦也為羅卜藏丹津脅從者貝勒朋素克旺扎勒輔國公車凌台吉諾爾布也始附羅卜藏丹津尋以悔罪宥者貝勒羅卜藏察罕車凌敦多布貝子濟克濟扎布拉扎布台吉袁布色布騰納罕伊什也其附羅卜藏丹津者首惡曰吹喇克諾木齊阿喇布坦鄂木布藏巴扎木從黨曰巴勒珠爾阿喇布坦扎什敦多布格勒克阿喇布坦巴蘇泰及察罕丹津從子塔爾寺喇嘛堪布話們汗也有中甸者隸雲南麗江府羅卜藏丹津給偽劄令附已大軍至率戶三千餘請降洮岷界外諸番舊為青海屬悉撫其不順者勦誅之阿岡多卜藏瑪嘉錢布納珠公寺喇天堂卓子山基子山先密寺興馬寺阿羅西脫巴上

清史稿

十

篤爾素華藏上扎爾的諸番眾以次底定青海患始靖御製平定青海文立石台學王大臣等遵旨議善後事宜奏青海王台吉等應論功罪定賞罰游牧地令各分界如內地扎薩克例百戶置佐領一不及百戶者為半佐領以扎薩克領之設協理台吉及協領副協領參領各一每參領設佐領驍騎校各一歲會盟令奏選盟長勿私推責期自明年始分三班九年一周自備馬駝由邊入京市易以四仲月集西甯四川邊外納喇薩喇地官兵督視有擅入邊墻者治罪又羅卜藏丹津之吹宰桑及察罕丹津從子丹衷之宰桑色布騰達什等率眾降請各授千百戶等官又喀爾喀青海者勿復隸和碩特族令別設札薩克土爾扈特及準噶爾輝特如之至西番部眾凡陝西所屬甘州涼州莊浪西甯河州四川所屬松潘打箭鎗裏塘雲南所屬中甸等處或為喇嘛耕地或納租青海但知有蒙古不知有廳衛營伍諸官今番眾悉歸化應擇給土司千百戶巡檢等職令附近道廳及衛所轄又青海及巴爾喀木藏衛舊稱唐古特四大部順實汗侵據之以青海地廣可牧畜巴爾喀木糧富令子孫游牧青海而巴爾

喀木納其賦藏衛二地舊給達賴喇嘛班禪喇嘛今以青海叛取其地應令四川雲南諸官管理又達賴喇嘛遣人赴市打箭鎗裝經察木多乍雅裏塘巴塘向喇嘛等索銀有差名曰較租至打箭鎗納稅請飭達賴喇嘛勿收較租打箭鎗免取稅歲給達賴喇嘛茶五千斤班禪喇嘛牛之及西寧各寺喇嘛多者數千少者以五六百易藏奸前羅卜藏丹津叛喇嘛率番眾抗大兵請於塔爾寺喇嘛選老成者三百給印照嗣後歲察二次廟舍不得過二百喇嘛多者百餘少者十餘番民糧賦今地方官管理度各寺歲用給之又陝西邊外河州西寧蘭州中衛甯夏榆林莊浪甘肅等處水草豐美林麓茂密蒙古諸部戀牧大草灘及昌甯湖請於西甯北川邊外上下白塔等處自巴爾托海至扁都口築城堡令蒙古等勿妄據又肅州西洮洮河常地爾鄂敦塔拉等處應募民墾膏腴地庶漸致富饒至甯夏險要無過阿拉善願實汗裔舊游牧山後今或徙至山前請令阿拉善扎薩克郡王額駙阿寶飭所屬歸阿拉善後其山前營盤水長流水等處悉為內地又甘肅西甯界各設營汛令蒙古等不敢覬覦又巴爾

清史稿

卷五

十一

喀木等部衆自魯隆宗東察木多乍雅外諸番目悉給印照視內地土司例又青海屬左格諸番請徙內地阿巴士司頭目墨丹桂等從勦有功請給安撫司銜不隸青海轄又西甯邊內可耕地請發直隸山西山東河南陝西五省遺犯能種地者官給牛具籽種三年後起科如例又甘肅喀黃番應招撫為青海藩離青海諸部令各守牧地不得強據妄掠商賈察汗諾們汗喇嘛願毋得私聚議事遣官齋教往不論秩崇卑王公以下跪迎有背貳者必懲上從其議三年詔以博羅充克地給阿拉善郡王阿寶居之鈐青海族屬越七載始撤歸是年青海和碩特土爾扈特準噶爾輝特喀爾喀及察罕諾們汗各授扎薩克鑄總理青海蒙古番子事務關防遣大臣齋鎮其地轄所部扎薩克岳鍾琪復奏親王察罕丹津鎮國公拉扎布等游牧河東地近河州松潘各路前議市納喇薩喇地地狹恐不給蒙古需請改市河州及松潘河州定於土門關附近雙城堡松潘定於黃勝關之西河口二地并有城屋水草美互市可久又郡王額爾德尼額爾克托克托顏色布騰扎勒等游牧河西地近西甯請改市西甯口外

丹噶爾寺至蒙古歲資牲畜請每年六月後聽不時當易庶蒙古商衆獲利益允之六年唐古特部噶卜倫阿爾布巴隆布爾扎爾爾等叛擾唐古特謀通準噶爾大軍誅之七年上以準噶爾不靖必擾青海及唐古特因決策遣討王大等議噶斯為準噶爾通青海及唐古特要隘請選青海扎薩克兵千五百分屯噶斯及柴達木得卜特爾察罕烏蘇諸路允之會噶勒丹策凌遣使告將獻羅卜藏丹津當有罪復命青海扎薩克備兵游牧聽調準噶爾尋襲科舍圖汛諭青海兵速赴噶斯準噶爾遁九年遣二等侍衛殷扎納傳諭左右翼扎薩克選兵萬屯青海適中地官兵皆賞裝復命所部探買牲畜勿滋擾扎薩克公諾爾布扎拉布等尋從牧叛詔曰朕因準噶爾賊乘西路軍不備盜駝馬因愈青海各扎薩克人衆恐招逆賊侵害諭令派兵防護其探買馬羊者原欲使伊等所有牧畜得變價值可獲利益並非需此區區助也朕曾諭殷扎納一切派兵探買聽蒙古便不可絲毫勉強並慮王台吉等科派所屬諭令嚴行禁約豈肯令

清史稿

卷五

十二

遣往人逼迫蒙古從事乎今拉扎布等無故他徙或殷扎納不能宣揚朕諭使衆心共曉而探買馬羊又不聽從其便以致拉扎布等心懷疑畏漸避差徭特頒旨諭拉扎布等令其速歸本處準噶爾賊或由喀喇沙爾前赴噶斯潛行騷擾或增人衆窺伺青海所部蒙古兵丁尚未齊集器械亦未周備難望捍禦賊鋒亦令官兵善為保護會拉扎布等不奉命諸扎薩克擒獻復集兵七千為備軍械及馬不給上憫之諭廷臣曰朕所以聚此兵者特為保全伊等家口及游牧計非為征伐調遣用也今聞其生計情形朕心深為惻然俟從容料理必有加恩之處所聚七千著選派三千照前所降恩旨官員賞給本年俸銀兵丁賞銀五兩戊卒駐防日久資斧維艱著給茶幣等項及每月所食青稞遺歸兵四千名官員等著給三月俸銀兵丁等著賞銀三兩令各回游牧準噶爾賊或潛擾青海朕意欲將伊等預行從容遷徙令賊由遠路來一無所得不待戰而力盡我官兵與賊交戰時青海三千兵但追襲賊後量力驅賊馬匹所得即賞之仍計馬匹多寡加恩議叙十年以喀爾喀敗準噶爾於克爾森齊老及額爾德

尼昭諭青海扎薩克等曰喀爾喀舊勇勦賊爾等何獨不能各宜鼓舞振興踴躍效命賊衆侵擾青海止有噶斯一路爾等須防守隘口備準噶爾前來務期協力追殺悉行剿除十三年詔徵駐防大軍所部仍選兵二千屯得卜特爾伊克柴達木等汛以台吉達瑪璘色布騰色特爾布木領之乾隆十一年辦理青海事務副都統索佛保遵旨宣諭諸扎薩克歲防汛議以郡王額爾德尼額爾克托克托爾之長子索諾木丹津及扎薩克台吉食布喇布坦色特爾布木多爾濟色布騰薩喇等防得卜特爾汛以郡王寶楚克達什車凌喇布坦貝子丹巴輔國公納木扎勒車凌扎薩克台吉達瑪璘色布騰等防伊克柴達木汛十人爲五班三年一察軍械哈十二年以準噶爾使赴藏煎茶道噶斯復議自伊克柴達木得卜特爾外設汛哈濟爾察汗烏蘇二十年大軍征達瓦齊抵伊犁羅布藏丹津就擒諭曰羅布藏丹津負恩背叛逃往準噶爾偷生三十餘載今兩路大軍至伊無路奔竄仍就擒獲實足以彰國憲而快人心羅布藏丹津俘至告祭太廟社稷行獻俘禮上御午門樓受之以世宗憲皇后有羅布藏丹津

清史稿

海部五

十三

至仍有罪之旨詔免死子巴朗及察罕額布根授藍翎侍衛其戚屬處伊擊者詔勿內徙二十三年大軍勦瑪哈沁偵沙拉斯瑪呼斯賊竄呼爾塔克羅卜諾爾以地近噶斯通青海詔副都統濟福赴西甯宣諭所部集兵千爲備復遣噶斯道者偵賊蹤既而所部兵集扎噶蘇臺詔歸牧聽調勿遽就道濟福遵旨諭之請遣近牧者歸仍量留遠道兵屯烏圖備不虞上鑒其誠詔酌賞遣歸兵久之噶斯無賊蹤乃撤烏圖兵還二十四年陝甘總督楊應琚奏青海得卜特爾伊克柴達木等處設汛屯兵爲防準噶爾計今準噶爾及回部悉底定請撤青海駐防兵從之先是阿睦爾撒納叛大軍分道進剿所部購馬二千駝四百送巴里坤軍詔予值斃者半至是復輸馬七百餘駝三百二十餘請償斃數詔仍如值給二十七年以所部翁扎薩克請給羅卜藏丹津舊牧地楊應琚遵旨往勘奏洮賓河等處係西甯肅州鎮標馬廠及番族牧地不便撥給西喇郭勒及西爾噶拉金東西五百餘里南北三十餘里地曠且距扎薩克等游牧近請給其西爾噶拉金餘河即產礦山場久封禁請飭扎薩克等就近守視詔以西

喇郭勒給之西爾噶拉金河東聽駐牧河西鉛礦勿得越界私採是年復設西甯辦事大臣轄蒙古番子事務所部扎薩克自察罕諾們汗外旗二十有九爵三十扎薩克多羅郡王三一由親王降襲一由貝勒晉襲扎薩克多羅貝勒二一由郡王降襲扎薩克固山貝子二一由輔國公晉襲扎薩克輔國公四一由鎮國公降襲扎薩克一等台吉十六一由貝勒降襲二由貝子降襲一由輔國公降襲附固山貝子一公中扎薩克一等台吉二十九十一月命青海各扎薩克每年輪派兵丁設卡防果洛克三十年九月以果洛克肆行劫殺諭青海各扎薩克協力勦之三十一年六月青海王貝子扎薩克等請留辦事大臣七十五不許七月諭四川禁果洛克土司番人越境掠竊青海蒙古牲畜九月移青海附近果洛克之各扎薩克駐牧地方添設卡兵十月以青海扎薩克羅布藏巴布騰等游牧爲果洛克番賊劫掠革之四十年九月青海扎薩克公禮塔爾以出獵被番賊戕害諭青海辦事大臣福德查辦五十一年九月禁青海喇嘛不領路引私自赴藏分青海納罕達爾濟等三旗兵羅布藏丹津寶楚克二

清史稿

海部五

十四

旗兵駐屯西哩克等處設果洛防卡五十六年九月以青海郡王納漢達爾濟屬人勾引番子戕札薩克沙喇布提嚴飭之並諭各於境內游牧勿容匿番族十二月以大軍進藏征廓爾喀子親往巡查青海新設台站之貝子羅布藏巴布騰貝勒銜鎮國公達瑪林貝子銜仍資預備駝馬之王公扎薩克等有差五十八年循化等處番族佔居蒙古地界命辦事大臣特克慎以兵驅逐之嘉慶四年九月青海郡王那罕多爾濟等呈番子搶擄六千餘戶傷害男女二千餘人詔責辦事大臣奎舒謹置革速以台費蔭代之命廣厚赴西甯查辦十月以松筠奏命青海蒙古王公撫綏所屬母致勾引番子搶劫五年六月青海貝勒克莫特伊什等番子交出牲畜較少諭台斐音下部嚴議九月台斐音以不准青海蒙古報被番子搶劫免以台布爲西甯辦事大臣六年十月以勘定青海卡倫禁蒙古擅出番子擅入十二月台布奏循化番子渡河搶劫諭飭撥兵防護七年二月台布令西甯鎮總兵保青署河州鎮總兵福甯阿撥兵駐守黃河水橋防護蒙旗果爾的等番族均欽遵諭台布責成蒙古設法自衛八月

台布奏番子格爾吉族縛獻犯事賊番撤坐卡官兵四月以循化貴德番子擾
 青海蒙古各旗劫執貝子齊默特丹巴繼辦事大臣都爾嘉賡行查治五月諭
 都爾嘉撫恤青海被擾蒙古命貢楚克扎布會同都爾嘉查辦番案六月都爾
 嘉奏捕獲劫殺青海貝子夫人兇番齊克他勒誅之命陝甘總督惠齡赴西密
 查辦野番撫恤青海被擾蒙古每口加給官茶一分七月命惠齡等妥酌防番
 卡倫章程貢楚克扎布等渡河驅逐野番八月貢楚克扎布奏野番退出占住
 蒙古地方移回番境命曉諭番目尖木贊交還贓畜縛獻賊目並飭定善後章
 程九年九月辦事大臣玉甯復以青海蒙古被番子搶劫之案甚多入告十年
 六月以青海郡王納幹多爾濟呈蒙古窮困諭玉甯遇水旱之災酌量賑濟七
 月諭玉甯飭郡王納幹多爾濟等勿令商人私挖木植大黃九月玉甯奏青海
 番子尖木贊等占據諾們汗等旗命貢楚克扎布赴西甯會同驅逐之十一年
 二月辦事大臣貢楚克扎布奏貴德循化番子此目帶至開門內與西甯總
 兵九十西甯道慶奴傳見曉諭番目尖木贊策合洛等請每年各出羊隻租住

清史稿

海部五

十五

蒙古空閑地方今年三四月間劃定界限設立鄂博每年春季再添會哨一次
 六月貢楚克扎布奏番帳驅逐淨盡請以青海向那克空地安插野番允之二
 十二年十月以青海扎薩克台吉恩凱巴雅爾捕獲劫奪蒙古果洛克番賊子
 花翎二十四年十二月護陝甘總督朱勳奏邊外番目縛獻番賊交出原搶蒙
 古人口牲畜子番目尖木贊四品頂戴道光二年正月以朱勳奏河北插帳之
 循化等處九族野番及鹽池一帶挖鹽番戶抗不回巢又蘊依雙勿兩族勾結
 循化貴德及四川野番盤踞原為貝勒特里巴勒珠爾六旗游牧之助勸蓋克
 克烏蘇地方搶掠蒙旗請增卡防官兵允之命長齡回陝甘總督會松廷相機
 辦理設法驅逐三月長齡奏調官兵八千餘名分途併進追令遷移五月長齡
 以勦捕蘊依等二十三族野番全數肅清奏聞諭飭妥籌善後事宜並曉諭蒙
 古王公等勉思振勵自相保衛六月長齡以貝勒特里巴勒等移居青海已久
 憚回原牧請以克勒蓋一帶令察罕諾們汗移居克烏蘇一帶令阿里克阿
 百戶住牧停向年會哨之兵免究治諾們汗失察屬下勾結野番搶掠之咎允

之尋野番復出劫掠貝子喇特納希第游牧八月長齡以野番一千數百人過
 河殺掠聞命那彥成馳往查辦署陝甘總督責長齡辦理不善撤雙眼花翎十
 月那彥成奏酌設卡隘嚴捕漢奸並謂野番冥頑成性蒙古虐其屬下反投野
 番謀生導引搶掠其主內地欵家奸販潛住貿易無事則教引野番漸擾邊境
 有兵則潛過報信近年番勢日張弊實在此十一月增設西甯鎮鎮海協副將
 都司守備各一大通營游擊一哈拉庫爾營都司一哈瑪爾托亥營都司一
 雙俄卜營守備一千把以下弁兵有差以那彥成請以保衛蒙旗防禦番賊十
 二月那彥成奏察罕諾們汗所部夥同野番勾結漢奸作賊已久此次將糧茶
 斷絕立見窮蹙願歸河南游牧現押令過河上以不勞力不延歲月辦理認真
 嘉之定清厘河南循化貴德番族安插河北番族及易換糧茶章程設千戶百
 戶百總十總管束之封閉野牛溝八寶山等處偷挖金砂窰洞三年查青海被
 擾郡王車凌敦多布等二十四旗青夥三萬石十月允理藩院議覆那彥成奏
 分青海河北二十四旗為左右翼每翼設正副盟長各一每六旗設扎齊克齊

清史稿

海部五

十六

一每三旗設梅楞一每旗設扎蘭一承辦巡防事件每旗出二十五人以五人
 為一班每季更換隨同官兵巡防十八年玉樹熟番內雅希葉布蒙古爾津尼
 牙木錯卡愛爾四族以避果洛克番劫掠奔赴青海右翼盟長郡王恭木楚克
 集克默特願讓游牧內空閒地段住牧西甯辦事大臣蘇勒芳阿派員勘明其
 地東至和達素溝西至奎山口北至烏蘭麥爾河沿南至哈利益邊界于四至
 高阜處設立鄂博分定界址雅希葉布等四族計人戶二百有九男婦大小一
 千一百有八十名口議立交納馬貢易換糧茶各章程盟長等領百戶番目謁
 見蘇勒芳阿議定應行事宜額外苛派九月奏入得旨依議十二月青兩翼正
 副盟長郡王車凌敦多布等呈蘇勒芳阿河南察罕諾們汗一旗被各番賊劫
 掠人戶失散現在催存三百餘戶日不聊生不及原來人戶四分之一請將該
 旗照舊移過河北與察罕洛亥駐防官兵協同把守渡口實與蒙古有益蘇勒
 芳阿奏即飭貴德文武將該旗安分守法之人移過河北交車凌敦多布代為
 管理仍飭留心稽查如有滋事作賊之人不准混淆移過以昭慎重從之二十

二年果洛克番賊竄青海掠蒙古及番族盟長郡王恭木楚克集克默特率兵勦捕俘番賊多名得所掠牲畜贖正獎之二十三年七月以陝甘總督富呢揚阿等奏河北近邊番河南番族畏法酌撤各路官兵予出力左翼盟長郡王貝子索諾木雅爾吉獎分給在事蒙番牛羊一萬四千六百有奇二十四年三月錄斬擒偷渡河北番賊功予左翼副盟長貝勒羅布藏濟木巴雙眼花翎五月番族喀布藏與蒙古挾仇報復蒙兵敗之六月富呢揚阿奏派防兵並蒙古番兵按李于出巡前赴青海南適中之貢額爾蓋地方會哨是年僑居郡王恭木楚克集克默特旗之維希葉布等四番族仍回原牧六平番賊復出劫掠命甘肅提督胡超赴永固勦之飭西甯辦事大臣德興駐丹噶爾六月陝甘總督布彥泰等奏勦黑錯寺番族竄遁酌量撤兵咸豐二年以陝甘總督舒興阿奏飭暫駐永安城之蒙古郡王等回牧裁察罕洛亥等處蒙古兵一牛四年陝甘總督易棠奏于野牛溝三處招募獵戶各一千名開採金砂堵禦番匪同治三年飭山西籌解青海蒙古王公等歲俸以青海勦賊出力子扎薩克王烏爾琿

扎布等獎叙光緒元年九月西甯辦事大臣豫帥奏捕獲柴達木搶殺番目之蒙古人犯諭免扎薩克達什多布吉議處仍飭認真約束四年十一月子青海歷年勦匪出力之副盟長貝勒拉汗多布吉等獎二十三年二月甘肅回匪劉四伏等率潰賊數萬人由南山水峽口竄青海格德地方貝子納木希哩率蒙兵右翼副盟長貝勒拉汗多布吉貝子吹木不勒爾布察罕諾們汗旗及剛咱族總千戶均派兵會合堵勦納木希哩等陣亡尋贈納木希哩郡王銜卹之是月十四十五等日匪竄左翼郡王壽克濟爾噶勒游牧都藍果立地方斃克濟爾噶勒派兵進擊匪遂竄柴達木勢張甚陝西巡撫魏光燾派道員賈金清率馬隊山水峽口尾追甘肅提督董福祥派馬隊從丹噶爾日月山出口會兵海南一帶齊至都蘭果力地方前進劉四伏等竄踞遐力哈淨並腮什唐等地負隅死拒柴達木住牧之左翼盟長貝子恭布車布坦貝勒車琳端多布台吉索木端多布等親率蒙兵迎擊時口外盛雪嚴寒回匪無所得食飢凍斃者大半劉四伏等見勢不支遂向西分竄安西敦煌各境陝甘肅總督陶模派道員潘

效蘇分兵由扁都口進戰西甯辦事大臣李順飭大通住牧之右翼正盟長郡王棍布拉布坦公齊克什扎布台吉丹把台吉齊英特林增阿里克族百戶格拉哈官布等親督蒙番兵丁會合官軍分途兜勦公齊克什扎布手帶鎗傷裏創力戰劉四伏率匪西遁餘賊降於貝子恭布車布坦旗安插管束青海肅清陶模請獎奏入于郡王壽克濟爾噶勒等獎有差陶模等於丹噶爾廳設局以銀布棉茶賑被難各旗宣統二年四月郡王巴勒珠爾拉布坦爲資政院欽選議員三年四月密海左翼正盟長扎薩克貝勒車琳端多布卒廣恕奏以本翼郡王壽克濟爾噶勒暫代之其地有鑛有鹽林木亦富佐領共一百有三

清史稿

藩部六

杜爾伯特

新土爾扈特

和碩特

舊土爾扈特

列傳

杜爾伯特部游牧金山之東烏蘭固木地東薩拉陀羅海納林蘇穆河接唐努烏梁海南哈喇諾爾齊爾噶爾岡山接科布多牧場及明阿特西索果克河接阿爾泰烏梁海北阿斯哈爾河接烏里雅蘇台卡倫本額魯特結羅斯種與內扎薩克之蘇科爾沁右翼一旗同名異族厄魯特舊設四衛拉特杜爾伯特其一也輝特隸之後並稱衛拉特詳青海厄魯特部傳準噶爾台吉噶爾丹諸昆弟子姓兄子策妄阿喇布坦乘之徒博囉塔拉杜爾伯特諸台吉從往分牧額爾齊斯迄準噶爾族亂杜爾伯特內附設扎薩克十有四附輝特扎薩克二統稱賽因濟雅哈圖杜爾伯特部杜爾伯特祖曰博羅納哈勒與準噶爾祖額爾斯墨特達爾漢諾顏為昆弟博羅納哈勒子額什格泰什三傳至達賴泰什子七

清史稿

藩部六

一

長敏珠裔不著次垂因次陀音其裔皆隸察哈爾次鄂木布岱青和碩齊為扎薩克汗車凌親王車凌烏巴什貝勒剛多爾濟三旗祖次袁布次達延泰什次塔爾琿泰什其裔隸各扎薩克達賴泰什弟曰保伊爾登子四長鄂爾羅斯為扎薩克台吉恭錫拉達什敦多克二旗祖次巴特瑪多爾濟為扎薩克貝勒色布騰貝子班珠爾輔國公剛巴圖蒙克台吉額布根五旗祖次額璘沁巴圖爾為扎薩克貝子根敦瑪什巴圖台吉巴爾三旗祖次伯布什為扎薩克郡王車凌蒙克一旗祖和碩特台吉鄂齊爾圖為衛拉特首汗綽羅斯諸台吉隸之順治十四年杜爾伯特台吉陀音遣使哈什哈等自鄂齊爾圖所以貢馬至十五年鄂木布岱青和碩齊子伊斯扎布復遣使額爾克貢馬康熙十四年台吉額勒敦噶木布從齊爾圖使入貢自稱為阿勒達爾泰什族阿勒達爾泰什者垂因子也時蓋為所部長十六年噶爾丹戕鄂齊爾圖遣使告自稱博碩克圖汗因脅諸衛拉特奉己命諭給諸貢使符驗不從詭稱杜爾伯特及和碩特土爾扈特雖隸準噶爾以牧地遠不及給二十四年定四衛拉特貢例噶爾丹使入

關額二百人餘市張口及歸化城其結羅斯自貢之噶爾瑪岱青和碩齊杜爾伯特台吉阿勒達爾泰什及和碩特土爾扈特長如之三十二年台吉巴拜來歸巴拜者陀音子也噶爾丹以附牧強取其威屬巴拜索之不獲畏弗敢爭嗣從噶爾丹侵喀爾喀至烏蘭布通欲棄之降為伊拉古克三呼圖克圖所陰阻至是借從子齊克宗至以上以其習邊外不便駐內地詔隸喀喇沁牧三十六年台吉車凌復來歸車凌為阿勒達爾泰什孫其父烏爾袞從噶爾丹侵喀爾喀為大軍所敗攜屬三百餘竄圖拉河境上聞之諭遣護軍統領瑪喇日爾等馳赴圖拉遣人問故伊等或欲內附懼為喀爾喀阻或力不能至而在彼可收之至如欲往阿勒台則聽之既不內附又不前往則當相機行事瑪喇至偵不獲蹤噶爾丹再侵喀爾喀烏爾袞復從至和扎輝特台吉根敦陳斬之車凌從噶爾丹竄牧巴顏烏爾根致以告詔使諭車凌降不至噶爾丹尋敗遁車凌將乞降我師不知而擊之乃逸其屬結克圖巴圖爾宰桑莽奈哈什哈都喇圖巴圖爾班丹哈什哈宰桑扎爾瑚齊什貢達爾漢宰桑蘇穆齊扎爾瑚齊阿哈雅扎

清史稿

藩部六

二

爾瑚齊畢哩克扎爾瑚齊等率眾百餘內附時巴拜屬從至詔置張家口外巴拜遣宰桑博克請賜所屬遣官察給之巴拜尋來朝請效力察廷諭曰爾先眾來降朕自有加恩之處其仍率所屬駐喀喇沁牧車凌敗知噶爾丹不足恃遣使奏杜爾伯特部自始貢中國至阿勒達爾泰什往來朝請已五世前蒙恩遣巴扎爾傳諭臣屬功格額爾克今臣歸誠許恩待臣遵旨降反為將軍所擊臣復懼逃乞賜恩綸諭曰車凌來歸時我絲營蒙古兵不知而擊之今復遣使奏請理藩院其檄令速降朕將優恤之會遣使招噶爾丹詔以其使從至則車凌他徙其使齎檄往諭車凌遣功格額爾克奉表降自詣大將軍費揚古所告曰烏爾布通戰後臣父烏爾袞降志誠不獲達臣前為大軍擊心甚懼率殘卒十餘奔達瑪爾遇噶爾丹借赴薩克圖固哩克未決句棄之走額克阿喇勒臣知噶爾丹罪與彼伍徒就死聞上撫厄魯特降人咸得所集臣屬二百五十餘戶內徙道踰汗阿林翁吉閱四月始至乞以此情代奏費揚古馳疏聞留其峯屬於張家口外遣車凌親行營詔授散秩大臣巴拜如之明年詔以巴拜

車凌屬察哈爾正白旗編佐領二車凌屬六品官班丹畢哩克及壯丁百餘以功格額爾克爲驍騎校領之巴拜屬五品官戴和碩齊納木喀琳沁額爾德尼達木巴六品官達爾扎巴圖蒙克色稜泰墨爾根伊什德克及壯丁百餘以達木巴領之後巴拜卒無嗣車凌卒子策旺達爾濟嗣五十四年詔招降台吉丹津於阿勒台丹津者鄂木布岱吉和碩齊孫也與車凌爲昆弟游牧阿勒台戶千餘和托輝特台吉博貝請赴阿勒台招丹津降抗即以兵取之諭車凌遣使齎書從比至丹津徒策旺阿喇布坦牧五十九年靖逆將軍富寧安擒台吉垂木伯爾於伊勒布爾和碩蓋是時策旺阿喇布坦假兵力據四衛拉特令諸台吉環牧烏嚕木齊額爾齊斯爲負隅計我大兵因屯巴里坤阿勒台兩路退之偵準噶爾製唐古特詔大軍往討罪復以兵分擊準噶爾境垂木伯爾者丹津族台吉也率屬駐烏嚕木齊設哨伊勒布爾和碩阿克塔斯路富寧安以兵至阿克塔斯設哨賊遁尾至伊勒布爾和碩擊之擒垂木伯爾歸烏嚕木齊衆聞之咸竄乾隆十八年冬台吉三車凌來歸三車凌者曰車凌曰車凌烏巴什

清史稿

卷六

三

曰車凌蒙克統稱杜爾伯特台吉巴約特其屬部也杜爾伯特以車凌爲長車凌烏巴什次之巴約特以車凌蒙克爲長衆族額爾齊斯準噶爾台吉舊有策凌敦多布二大策凌敦多卜善謀小策凌敦多卜以勇聞策安阿喇布坦及子噶勒丹策凌倚任之大策凌敦多卜孫達瓦齊襲殺噶勒丹策凌嗣而自立小策凌敦多卜孫訥默庫濟爾噶勒與構兵各令杜爾伯特族助車凌等欲拒之不敵欲事之莫知所從集族言曰依準噶爾非計也不如歸天朝爲永業計有喀爾喀卒額璘沁達什者爲準噶爾所掠聞其謀脫歸以告詔定邊左副將軍喀爾喀親王成衮扎布俟車凌等至察其誠可納之既而三車凌乘額爾齊斯牧山準噶爾東烏蘭嶺烏英齊而行越旬有九日至博東齊遣使巴顏克什克都圖爾噶等馳赴巴顏珠爾克以降故告而留其衆於額克阿喇勒以待成衮扎布遣守汛者視慮詐檄喀爾喀兵備之以聞諭曰車凌等降非叵測也達瓦齊與訥默庫濟爾噶勒構兵車凌等助之勝負難預定幸而從者勝卒爲人役不若歸降之爲得計也既遣使以情告若仍令處汛外恐遺兵至或有失可卽

徒入內汛暫給牧畜徐議安置事宜先以車凌車凌烏巴什及從至者酌遣數人令其賙仰朕躬朕自優加恩賚遣侍郎玉保齎賞物往諭甫就道上念所部習邊外以未出痘者生身若卽令至內地雖傷一僕從不忍詔俟明歲受朝塞外勿遽來京師負矜恤意負而三車凌懼準噶爾兵襲請急徙入汛且獻馬爲贄成衮扎布納之令暫駐烏里雅蘇臺達瓦齊遣宰桑桑禿木特以兵襲不及乃逸玉保至三車凌伴迎十里外宣諭之詭奏噶勒丹策凌時思內附以衆志未變且法嚴故不獲問今避亂歸思親天顏蒙恩軫念避痘令緩入覲期請先以宰桑等朝京師車凌使日和通巴顏克什克車凌烏巴什使日哈錫塔車凌蒙克使日巴圖明年正月使至詔與朝正諸藩臣宴上所部問道至駝馬疲甚且乏畜產不忍遽遠徒詔視推河扎克拜達里克庫爾奇勒可耕地置之殺種取諸歸化城復賜車凌車凌烏巴什羊各五千車凌蒙克羊三千贈之尋定牧扎克拜達里克車凌烏巴什屬巴啓齊倫等叛逸喀爾喀卒盜車凌屬伊爾都齊馬索不給且射殺之詔喀爾喀扎薩克以鄂爾坤防秋兵百視牧復檄諸

清史稿

卷六

四

扎薩克鄰汛者戈叛賊務獲後巴啓等就擒論罪夏四月曰內扎薩克及喀爾喀咸設正副蒙長董理牧務今新降台吉車凌等攜至戶口悉編旗分佐領其設正副盟長如內扎薩克及喀爾喀例賜養因濟雅哈圖盟名五月駕幸熱河駐蹕避暑山莊三車凌率諸台吉至賜宴萬樹園命觀火戲諭曰杜爾伯特台吉等皆準噶爾渠酋向慕仁化率萬餘衆傾心來歸宜數渥澤錫予封爵以示懷柔至意其各飭所屬令安分謀業勿負朕恩時所部設扎薩克十有三自三車凌外曰色布騰曰蒙克特穆爾曰根敦曰班珠爾曰剛巴圖蒙克曰禱什巴圖曰達什敦多克曰恭錫喇曰巴爾封親郡王貝勒貝子公一等台吉有差後蒙克特穆爾以從車凌蒙克子巴朗叛逃別授其弟額布根爲扎薩克餘仍爵詳列傳秋七月將軍策楞從徙三車凌牧於歸化城青東山時議備兵征達瓦齊諭曰巴朗等甫叛竄若徙之將滋新降欺懼且非辦理準噶爾本意其令安處舊牧勿他徙三車凌之至也告族台吉訥默庫留準噶爾戶千餘剛多爾濟額爾德尼巴圖博羅特如之將乘間內徙至是果借輝特台吉阿睦爾撒納和

額特台吉班珠爾至詔賜牧畜置塔楚鄰三車凌牧十月駕由盛京旋駐蹕避暑山莊訥默庫等入覲復賜宴錫之爵曰訥默庫封郡王曰剛多爾濟曰巴圖博羅特封貝勒曰布圖克森曰額爾德尼曰羅壘雲端封貝子曰布顏特古斯曰蒙克博羅特封輔國公曰烏巴什曰伯勒克封一等台吉凡設扎薩克十詔編旗分佐領如三車凌例分左右翼設正副盟長各一訥默庫者車凌烏巴什兄子剛多爾濟布圖克森額爾德尼羅壘雲端烏巴什伯勒克皆車凌烏巴什曾祖察衮裔布顏特古斯巴圖博羅特蒙克博羅特亦戚族也後訥默庫晉親王子喇嘛扎卜授貝勒以叛除爵布圖克森羅壘雲端烏巴什皆無嗣停製伯勒克卒子多第巴襲多第巴卒子尼爾瓦齊襲尼爾瓦齊卒無嗣以多第巴弟布顏德勒格爾襲布顏德勒格爾卒無嗣停製布顏特古斯卒子舍校襲以叛除爵剛多爾濟無嗣以從子達瓦不勒襲額爾德尼卒無嗣停製巴圖博羅特蒙克博羅特皆以叛除爵故自剛多爾濟外皆不立傳二十年烏梁海降臣察達克招服包沁察獲杜爾伯特屬戶獻詔給所部尋從大軍征達瓦齊三車凌

清史稿

卷六

五

既入覲詔選兵二千以車凌領其一隸北路車凌蒙克色布騰從之以車凌烏巴什領其一隸西路各授參贊大臣訥默庫等繼至請從軍詔隸西路以車凌烏巴什訥默庫皆幼不更事詔調車凌蒙克赴西路軍從車凌烏巴什訥默庫等行而是時阿睦爾撒納為北路副將軍訥默庫其妻弟也固請隸北路軍允之以故借三車凌至者隸西路副將軍薩拉勒隊借訥默庫至者隸北路副將軍阿睦爾撒納隊車凌整裝銀二千車凌烏巴什訥默庫各減十分之二給從軍者羊及餼有差復詔欲車凌及車凌蒙克遣宰桑以善耕卒百赴額爾齊斯蓋杜爾伯特業兼耕牧業視喀爾喀專以牧為產者異將遣綠旗及喀爾喀兵屯耕額爾齊斯以所部識水泉道且善耕命率往導俟大功成遣牧業歸額爾齊斯會北路軍奏至以訥默庫參贊列名詔西路軍奏如之列三車凌及色布騰名次參贊大臣鄂容安後復諭定北將軍班第伊犂定遣車凌車凌烏巴什等率新降諸台吉入覲初議征達瓦齊上以衛拉特諸台吉後先附凡數萬眾錯處內牧非得地眾建之不可詔俟準備定將復設四衛拉特以

車凌為杜爾伯特汗別以班珠爾為和伯特汗以阿睦爾撒納為額特汗以噶爾丹策凌子姓為額羅斯汗車凌等赴軍時輒聞命大兵抵伊犂達瓦齊就擒班第以車凌烏巴什訥默庫及新降之額羅斯台吉噶勒藏多爾濟和碩特台吉沙克都爾曼濟爾特台吉巴雅爾等列入覲初班駕幸木蘭車凌等至召親行帳慰諭之旋蹕避暑山莊御淡泊敬誠殿受朝詔以車凌為杜爾伯特汗諸扎薩克隸之札薩克而下設管旗章京副管旗章京參領佐領驍騎校等職時阿睦爾撒納親轄四衛拉特知不可得叛竄班珠爾以附逆械至噶勒藏多爾濟沙克都爾曼濟爾特台吉巴雅爾仍各賜汗爵統所部眾諭曰準噶爾互相殘殺羣遭塗炭不獲安生朕統一寰區不忍坐視特發兩路大兵進討諸台吉宰桑等畏威懷德率屬來歸從軍自效今已平定伊犁擒獲達瓦齊是用廣沛仁恩酬庸效績準噶爾舊有四衛拉特汗令仍其部落樹之君長其各率所屬務勤養教共圖生聚受朕無疆之福其後額羅斯汗噶勒藏多爾濟叛從子扎納噶爾布戮之所部就滅額特汗巴雅爾以叛為大軍所擒誅和碩特汗沙克都爾

清史稿

卷六

六

曼濟爾武志副都統雅爾哈善殲其眾於巴里坤惟杜爾伯特部恪守臣節世受封爵罔替是年十二月車凌等以乏牧產請徙額克阿喇勒諭曰前議平定伊犁後遣歸舊牧額爾齊斯若額克阿喇勒距額爾齊斯較扎克拜達里克路更邇且附內汛外調所部兵亦易俟擒獲阿逆後仍當遣歸舊牧所部生計既艱其給籽種六百石務令及時耕種毋誤農期至從軍所給駝馬自應交納但念往返道遠牲畜不無疲瘁可姑緩期二載訥默庫之將從征達瓦齊也請徒牧拜達里克北扎布堪河源博囉喀博齊爾至鄂爾海喀喇烏蘇界允之諭勞力成功勿念游牧眾至是以車凌等將徙牧詔往會而訥默庫隱有叛志謀竄就阿睦爾撒納剛多爾濟巴圖博羅特布顏特古斯等阻之卒不賊率眾復乘間劫驛騎戍守汛弁奪運糧商民駝物及賫二十一年春駐防烏里雅蘇臺辦事大臣阿爾泰借車凌車凌烏巴什等以兵擒訥默庫及其孥械至論如律詔不罪逆諸扎薩克各安游牧勿疑懼復諭曰剛多爾濟等屬妄行劫掠應交部議扎薩克罪但念伊等新降未諳內地禁例姑從寬免夏以所部鄰扎沁盜

不戢諭曰伊等生計全賴牧畜若復盜竊相仍不獲蕃孳生計焉能充裕其各
鈴東部衆務期守分安生副朕休養孳生至意有伯什阿噶什者伊什扎布之
曾孫也祖扎勒父車凌多爾濟伯什阿噶什兄曰布達扎卜曰達瓦克什克弟
曰達瓦濟特曰格相巴克衆牧伊犁河西沙拉伯勒境鄰哈薩克牧達瓦齊虐
其衆伯什阿噶什將棄之懼變而寢大軍征達瓦齊抵伊犁第遣使招因獻
籍三千餘戶降將遣從車凌等入覲告哈薩克數掠所部請歸視比抵牧偵哈
薩克集兵遣告且請大軍援諭嘉其恭順會阿睦爾撒納叛逆驚擾伊犁遣和
碩特輔國公納噶察齋救往諭曰準噶爾內亂頻仍各部人衆咸失生業朕爲
一統天下之君懷保羣生無分中外特發大軍往定伊犁方欲施恩立制永安
反側乃逆賊潛懷叛志妄思并吞諸部肆其荼虐罪狀已著畏誅潛遁朕已命
將窮追務期弋獲逆賊一日不獲諸部一日不安爾台吉輸誠歸命果能仰體
朕旨去逆效順或以兵協助阿逆或俟至爾牧擒獻之朕必大沛殊恩爾其奮
勉自效達瓦齊復奏伯什阿噶什及庫木諾顏台吉諾爾布必無異志命遣之

清史稿

卷六

七

書未達而伯什阿噶什徒牧初傳借諾爾布內附久之不至或以居博囉塔拉
告詔將軍策楞等偵之無其蹤時阿睦爾撒納收竄諭參贊大臣侍郎玉保等
偵阿逆赴伯什阿噶什牧即諭擒獻或故縱以兵勦之伯什阿噶什養子博東
齊等偕宰桑諾斯海聚衆至以哈薩克侵牧告宰桑音伯勒克得木齊恩克
濟爾哈爾等踵至告哈薩克迫掠開走乃免詔博東齊以兵迎其父暫置從衆
於額爾齊斯諾斯海護視之音伯勒克或從博東齊往或留牧額爾齊斯惟
其便博東齊將行伯什阿噶什攜戶八百餘抵額爾齊斯請內附烏巴什其族
台吉也從至詔封伯什阿噶什爲扎薩克和碩親王烏巴什爲扎薩克固山貝
子賜諭曰爾誠心感戴率衆投誠前大軍抵伊犁即謁將軍大臣甫欲加恩封
賞旋遇阿逆背叛未獲舉行爾爲哈薩克所掠輾轉遷徙始克內附爾衆甫至
不必簡兵往從大軍亦無須徙內地即游牧額爾齊斯所屬族台吉車凌等將
歸舊牧爾等衆族而處實爲允協不必遠離故土徒勞往返也命甫下伯什阿
噶什等攜衆抵哈達吉勒詔暫留俟明歲歸額爾齊斯牧七月車凌車凌烏

巴什剛多爾濟等以徙牧額爾齊斯請定入覲年班諭嘉其誠悃詔自來年始
定三班前給從軍駝馬姑緩期納示恤九月伯什阿噶什來朝弟達瓦濟特及
兒子丹巴都噶爾布魯特扣首以視牧故各遣宰桑代至賜宴駝馬七百牛百
五十羊三千詔編旗分佐領如三車凌及剛多爾濟等來歸例別爲一盟以伯
什阿噶什爲盟長烏巴什副之丹巴都噶爾授協理台吉伯什阿噶什甫歸牧
其妻卒遣侍衛佛保往醮伯什阿噶什尋卒無子詔副都統唐喀祿賚祭宣諭
以丹巴都噶爾爲扎薩克固山貝子以達瓦濟特爲扎薩克公轄伯什阿噶什
衆聽歸車凌牧及內徙而丹巴都噶爾與佐領色布騰互攘畜產佛保將至牧
駝馬爲所掠詔徹恩命還復諭烏巴什勿驚懼俟事定歸車凌牧後烏巴什卒
停製二十二年車凌以哈薩克不擒獻阿逆諸厄魯特叛擾邊請山額爾齊斯
徙牧烏蘭固木避之時喀爾喀貝子車布登扎布遊旨遣兵勦掠佛保賊牧伯
什阿噶什屬戶給喀爾喀將遣博東齊歸車凌牧族台吉布圖庫班珠爾布林
等挈屬至稱與車凌等析處久請異牧允之布圖庫班等抵汛聞佛保自哈達吉

清史稿

卷六

八

吉勒歸和碩特台吉桑濟復掠諸道遣從卒馳馬迎上聞之諭曰車凌等自歸
誠以來感激朕恩約東屬衆甚爲密諷因叛賊紛起亟請內徙游牧其歸附
之心益堅可允所請并給殺種令爲謀生資博東齊雖與杜爾伯特同族若往
歸之反仰賴車凌等養贖著遣往烏里雅蘇臺交車布登扎布酌徙呼倫貝爾
通肯呼裕爾等處布圖庫班珠爾等迎接侍衛佛保俟至烏里雅蘇臺軍所各
給幣賞之後博東齊及布圖庫班等咸置呼倫貝爾布圖庫班珠爾以內附誠各
授二等台吉而貝勒巴圖博羅特輔國公舍稜不從車凌等徙牧叛應阿睦爾
撒納副都統瑚爾起以兵擒諸輝巴朗山妻孥悉論誅先是杜爾伯特及烏梁
海末內屬錯牧額爾齊斯後杜爾伯特諸台吉至游牧扎克拜達里初徙牧額
克阿喇勒再徙額爾齊斯烏梁海就撫以烏蘭固木地給之車凌等復請以烏蘭
爾齊斯往徙遣都統納穆扎爾勒杜爾伯特及烏梁海牧界車凌復請以烏蘭
固木爲屯耕地而游牧於科布多額克阿喇勒允之詔嚴禁所屬勿攘竊並以
錯牧不便定烏蘭固木爲杜爾伯特牧別以科布多爲烏梁海二牧十四年烏

梁海以科布多產貂不給捕請徒就阿勒台陽額爾齊斯車凌烏巴什等曰
額爾齊斯為爾舊牧今爾移處烏蘭固木烏梁海察達克請游牧額爾齊斯地
向曾降旨爾等若願歸舊牧聽爾便今哈薩克已全部內附伊犁厄魯特賊眾
復熾無子遺若爾果願歸舊牧可即徙往額爾齊斯所遺烏蘭固木自可給烏
梁海處之但哈薩克新附非爾等久為內屬者比務宜嚴飭所屬安靜無事若
爾部眾既遵鈴束而哈薩克反來肆擾可即擒誅之爾等或安土重遷則額爾
齊斯地與其為哈薩克俄羅斯所竊據不若令烏梁海往徙之也車凌烏巴什
等奏察達克所請地係烏梁海舊牧距臣等牧遠且烏蘭固木地肥不饑臣等
游牧久請勿徙以額爾齊斯地給烏梁海詔如所請是年十月以大軍定回部
歲功諭車凌烏巴什等知之十二月偵哈薩克襲烏梁海以兵三百餘擊走得
旨獎賞二十五年四月以所部有溫爾呼爾者貧不給聞其弟居察哈爾牧告
諸扎薩克往就之諭曰杜爾伯特自歸誠以來編設旗分佐領原欲伊等各安
生業若不善恤之漸至析處殊為可憫其各加意撫綏令守分謀生勿至流離

清史稿

卷九

九

失所副朕痼疾一體之懷七月車凌烏巴什等匿蹕行圍奏所部蒙恩安置牧
產漸饒嗣請自備駝上嘉其誠悃不忍驟勞之詔仍官給駝馬二十七年詔左
右翼各設副將軍一右翼用正黃旗蘇左翼用正白旗蘇以敕印軍符給之所
部旗十有六爵如之扎薩克特古斯庫魯克達賴汗一扎薩克和碩親王一扎
薩克多羅郡王一扎薩克多羅貝勒一扎薩克固山貝子二扎薩克鎮國公一
由貝子降襲扎薩克輔國公二扎薩克一等台吉四輝特扎薩克一等台吉
二乾隆四十五年命烏里雅蘇台將軍巴圖查辦喀爾喀侵佔杜爾伯特扎哈
沁等部界址道光二年修科布多崇安廟三月科布多參贊大臣那彥寶奏定
蒙民商民貿易章程杜爾伯特扎哈沁明阿特額魯特均准給票與商民貿易
六年回疆軍興杜爾伯特汗王公扎薩克等獻駝馬助軍十二月以杜爾伯特
汗齊旺巴勒楚克等復輸駝助軍上嘉贊之九年杜爾伯特貝子奇默特多爾
濟呈控科布多參贊大臣額勒錦需索馬匹擾累各部鞠實罷之十八年是部
以兵從烏里雅蘇台參贊大臣車林多爾濟驅逐闖入烏梁海之哈薩克十八

年十二月以烏里雅蘇台參贊大臣車林多爾濟奏科布多參贊大臣管理烏
梁海八部地方遼闊多與訟端允增置幫辦大臣十九年給是部官兵俸賞
行裝銀咸豐二年二月是部汗王公等捐助軍需溫旨卻之同治三年烏魯木
齊等城回匪滋事調是部兵援之尋以不得力徹歸八年以杜爾伯特汗嗣絕
將軍麟興等奏左翼汗旗下舊管十佐領戶一千五百有奇右翼親王旗下舊
管十一佐領戶一千二百上下右翼貝勒旗下舊管二佐領僅一百六十餘戶
以爵而論貝勒較輕以戶口而論不過抵汗三分之一擬親王棍布扎布合
折回承襲汗爵以貝勒巴雅爾扎那承襲親王貝勒一缺如無可承襲之人俟
汗王襲爵定後即將貝勒暫行停襲下所司九年命以故汗密什多爾濟族弟
噶章那木濟勒襲汗棍布扎布等親親王貝勒如故回匪東竄陷烏里雅蘇台
十一月科布多參贊大臣奎昌等奏匪撲烏里雅蘇台地方各台潰散科城街
市商民惶惑調附近之杜爾伯特扎哈沁明阿特額魯特盟長總管等即發兵
來城聽候調遣尋奏杜爾伯特左翼兵四百名右翼及明阿特額魯特兵各二

清史稿

卷十

十

百名扎哈沁公兵及總管兵各五十名均到科城收伍命撥科布多餉銀十萬
兩十一年十一月子辦差無誤之杜爾伯特右翼盟長棍布扎布等獎是月科
布多參贊大臣長順等奏十月十七十八等日匪徑撲本城參將英華督弁兵
登壁迎擊匪始敗退守備賀遐齡等陣亡十九匪復攻撲南關不得達於二十
日由東南山路仍向扎哈沁部落奔竄自後回匪出沒於扎哈沁土爾扈特諸
部之地是部警備益嚴至西路肅清始息警徹成光緒七年以改議俄約增城
科布多之成事定做之光緒二十六年參贊大臣起北路戒嚴科布多參贊大臣
瑞洵議舉辦蒙古團練令杜爾伯特每旗挑選兵丁二百名一半馬隊一半步
隊駐防本旗十月事定裁撤二十八年四月瑞洵以杜爾伯特正副盟長等保
全俄商遺棄貨物毫無損失請准獎叙九之七月賑杜爾伯特右翼公多諾魯
布旗災並給籽種大小麥一百石引渠灌溉豐收什圖那米拉察罕哈克三處
之地二十九年閏五月子杜爾伯特左翼正副盟長副將軍特固斯庫魯克達寶
汗噶勒章那木濟勒等副盟長貝勒納遜布布彥左翼扎薩克郡王圖柯莫

勒右翼正副將軍扎薩克親王索特納木扎木柴三眼花翎左翼扎薩克貝勒納遜布彥等雙眼花翎餘給獎有差是年辦布倫托海屯田渠工以杜爾伯特左右翼助借駝隻均給價銀其後參贊大臣連魁等議開烏蘭固木等屯田宣統二年四月索特納木納不柴為資政院欽選議員二年庫倫獨立喀爾喀四部無梗抗者是部汗噶勒章那木濟勒獨不附聽參贊大臣溥錕節制如故其地雜耕牧有鹽共有佐領三十五杜爾伯特附近之部同隸科布多參贊大臣者曰扎哈沁東扎薩克圖汗部南新疆鎮西四阿爾泰烏梁海北科布多屯田官廠初禱木特額魯特人號庫克辛為準噶爾之扎薩哈沁宰桑扎哈沁譯言汎卒以宰桑領之禱木特守阿爾泰汎游牧布拉罕察罕扎輝其東為喀爾喀有烏梁海界之其西為準噶爾有包沁爾雜準及噶雜特塔本集賽界之包沁為回族準噶爾呼駿曰包以回人司廠故名噶雜特塔本集賽皆準噶爾鄂拓克鄂拓克如各旗佐領乾隆十一年準噶爾台吉策安多爾濟遣禱木特請赴藏熬茶十八年杜爾伯特台吉車凌乘準噶爾來降台吉達瓦

清史稿

滿部六

十一

遣禱木特退之由博爾濟河入喀爾喀汎復逸出諭責駐防烏里雅蘇台達青阿罪明年春達青阿誘擒之詔宥罪遣歸有準噶爾宰桑別號通禱木特游牧講海克卜特爾近索勒畢嶺為布拉罕察罕輝托罕下游禱木特將掠通禱木特為請降計通禱木特覺誘執之內大臣薩拉喇勒特得狀由烏蘭山陰以兵馳至通木特就擒索得禱木特責負恩罪禱木特請徙牧內屬遣扎哈沁得木齊招所百餘戶降薩喇勒禱木特至軍詔仍釋之入覲入覲京師上鑒歸志誠授內大臣賜冠服二十年詔與朝正會宴以通禱木特卒諭禱木特善視其戚屬時議征達瓦齊詔阿陸爾撤納為定邊左副將軍以禱木參贊遣赴軍禱木特密奏曰阿陸爾撤納豺狼也雖降不可往往必為殃上以不逆詐諭之詔授禱木特總管號準噶爾定扎哈沁包沁納賦例比年獻脯問年供牲贖喇嘛遇軍事令助詔如舊例恤免期年賦禱木特與阿陸爾撤納會軍于額德里克德抵伊犁詔晉禱木特三等公爵賜信勇號賞雙眼花翎孔雀翎四團龍服命常服之先是班第侯伊黎定偕禱木特議準噶爾善後事至是班第以禱木特兼

管扎哈沁包沁牧請仍至阿爾泰增喀爾喀藩離允之尋撤大軍還扎哈沁兵三百遣歸牧禱木特以疾留伊犁聞阿陸爾撤納驟叛將脫歸一之兵衛為逆黨哈丹等所遮脅之降不從擒赴阿陸爾撤納所阿陸爾撤納慰之禱木特唾而誓之為阿陸爾撤納殺明年二月定西將軍策楞謀阿陸爾撤納戕禱木特以聞諭曰禱木特年就邁効力行間甚為奮勉今逆賊戕之深為惻惻其係扎木禱令仍襲公爵大軍定伊犁械逆黨至訊得禱木特就死狀上製詩憫之扎木禱乾隆二十一年襲三等信勇公三月以阿陸爾撤納煽烏梁海梗赴哈薩克詔從北路將軍哈達哈勒烏梁海叛賊九月賜牧哲爾格西喇呼烏蘇諭曰扎薩哈沁既與喀爾喀鄰牧即設哨附近卡倫視喀爾喀例支領錢糧以資養贍二十四年從參贊大臣齊努渾追勦瑪哈沁至阿爾齊圖以兵先遇賊哈喇呼山奮擊之屢就擒獎賞幣二十五年扎木禱子門圖什恩躍行圍乞喀爾喀親王成衮札布代請駝馬勿官給上以扎哈沁甫定牧一之生計諭仍官給二十六年理藩院議禱木特歸誠後扎哈沁屬相繼附置佐領九得二千餘口

清史稿

滿部六

十二

雖補總管未給印請以總管扎哈沁一旗總管印給扎木禱轄其眾允之四十年札木禱卒以扎哈沁原非禱木特之阿爾巴圖撤出佐領設一旗屬科布多參贊大臣其札木禱族丁及其阿爾巴圖三十餘戶亦附近科布多之烏裕克齊博多克齊游牧土四十五年五月諭將軍巴圖等不可令扎薩圖汗部侵占扎哈沁之烏英濟等處隙地嘉慶五年以扎木禱之孫托克托巴圖之屬已足百五十丁復編一佐領即以托克托巴圖為總管自後世資表十一年以前科布多參贊大臣恒博招民人開採是部煤密議處道光二年定是部准給票與商民貿易六年回疆軍興是部捐助駝馬同治三年以烏魯木齊失陷調杜爾伯特諸部兵援古城而撤而歸四年以古城陷撤是部南境察罕通古等通古城三台歸沙扎蓋以北五台支應西路各差九年十月回匪陷烏里雅蘇台而去科布多告警參贊大臣奎昌等調是部二旗兵各五十名赴城收伍是部東南通扎薩克圖部南接新縣為兵衝十一年十月回匪由是部犯科布多不得逞仍置是部聚扎盟南境十二年九月匪擾察罕通古台站掠景廉軍營軍裝

餉銀竄新土爾其特以子游牧布拉噶河一帶科城西南兩路台站紛紛逃散
 匪又由巴里坤紅柳峽一帶竄距札哈沁之博東齊十月科布多督辦大臣保
 英率兵敗之於博東齊以西匪竄札盟阿育爾公旗光緒二年四月回匪由布
 倫托海竄沙札蓋地方額勒和布等派官兵勦之全順以索倫各隊扼紮烏魯
 木湖塔城分竄其後烏魯木齊諸城克復是部始息警十二年甘肅新疆巡撫
 劉錦棠以古城屬漢三塘驛來往商賈時有劫案齊科布多大臣飭屬緝匪沙
 克都林扎布因奏漢三塘驛與科城所屬土爾其特扎哈沁等旗地界毗連萬
 里沙漠四通八達更兼自塔山商賈由此經過屢被劫掠又北入站一帶台搶
 劫站之案亦層見迭出請獎札哈沁旗內揀派駐察罕淖爾官兵移駐鄂隆布
 拉克台保安商民搜捕盜匪尤之二十六年卒匪事起邊戍戒嚴參贊大臣瑞
 琦檄是部信勇公策林多爾濟總管三保額魯特總管喇嘛札布明阿特總管
 達什哲克博舉辦團防保護俄商貨物用強邊畔二十九年閏五月一再請獎
 奏入子策林多爾濟貝子銜三保等均二品頂戴三十一年五月瑞洵奏科布

清史稿

卷六

十三

多所轄札哈沁應用之五台尤為大雪封壩復赴阿爾泰必出之路若使絡繹
 地當其衝札哈沁共二旗最為瘠苦公一旗戶口甚稀釐辦大臣英秀由哈巴
 河回科布多臣赴新疆督辦收哈信勇公策林多爾濟調集烏拉奔走恐後保
 其子台吉棍布瓦齊爾請賞二品頂戴允之宣統三年參贊大臣溥錫奏賑札
 哈沁次公旗貧民三百五十六丁口總管旗貧民一千有一十一丁口將賞銀
 五千兩分別重輕散放下所司額魯特明阿特亦與是部同隸科布多額魯特
 本台吉達木拜屬達拜有罪削爵以其眾屬科布多游牧在新和碩特之西明
 阿特本出烏梁海復為扎薩克圖漢部中左翼左左旗之屬乾隆三十年撤出
 設一旗屬科布多游牧在阿爾泰烏梁海之西乾隆五十七年設額魯特明阿
 特總管各一參領以下有差同治十年以防守科城及供大兵西進勞額魯特
 明阿特總管與札哈沁信勇公及總管均予獎兩旗皆無札薩克論者謂此蒙
 部之同於郡縣者也
 土爾其特始祖元臣翁罕姓不著七傳至貝果鄂爾勒克子四長珠勒扎幹鄂

爾勒克生子一曰和鄂爾勒克居於雅爾之額什爾努拉地初衛拉特諸會以
 伊犂為會宗地各統所部不相屬準噶爾部曾巴圖爾琿台吉者游牧阿爾台
 恃其強欲役屬諸衛拉特和鄂爾勒克惡之挈族走俄羅斯牧額濟勒河俄羅
 斯因稱為巴屬順治十二三四年和鄂爾勒克子書庫爾岱青伊勒登諾顏羅
 卜藏諾顏相繼遣使奏表貢書庫爾岱青子朋蘇克朋蘇克子阿玉奇世為土
 爾其特部長至阿玉奇始自稱汗康熙中表貢不絕五十一年復遣使假道俄
 羅斯貢方物上嘉其誠且欲悉所部疆域遣內閣侍讀圖理琛等查往歷三
 載乃還附表奏謝自是時因俄羅斯請於中朝遣所部人赴藏熬茶乾隆二十
 一年所部使吹扎布等入覲稱奉其汗惇羅布喇什令假道俄羅斯三載方至
 請赴唐古忒謁達賴喇嘛遣官護往二十二年自唐古忒還頒惇羅布喇什幣
 物二十三年伊犂平有附牧伊犂之士爾其特族台吉舍稜等奔額濟勒河既
 而惇羅布喇什卒子渥巴錫嗣為汗三十五年舍稜誘渥巴錫攜所部之士爾
 其特和碩特輝特杜爾伯特等人眾於十月越俄羅斯之坑格圖喇納卡倫而

清史稿

卷六

十四

南俄羅斯遣兵追之不及渥巴錫既入國境由巴爾噶什淖爾而進至克齊克
 玉子地方與哈薩克台吉額勒里納拉里之眾相持伊犂將軍令哈薩克毋許
 土爾其特越游牧而行渥巴錫遂向沙喇伯可而進布魯特羣起劫之渥巴錫
 走沙喇伯可之北戈壁無水草人皆取馬牛之血而飲瘟疫大作死者三十萬
 牲畜十存三四三十六年他木哈地方近內地卡倫布魯特始飲兵退將軍
 伊勒因遣侍衛普濟問來意渥巴錫與其台吉喇嘛計議數日始定以投誠為
 詞獻其祖所受明永樂八年濼象敕封玉印及玉器宣密磁器等物先是上聞
 渥巴錫之來命烏什參贊大臣舒赫德往伊犁經紀其事至是因受其降存七
 萬餘眾賑以米麥牛羊茶布棉裘之屬用帑二十萬兩三十六年九月渥巴錫
 等入覲熱河封渥巴錫舊土爾其特卓里克圖汗渥巴錫從子額墨根烏巴什
 固山巴圖爾圖貝子拜濟瑚輔國公從弟伯爾哈什哈一等台吉均授扎薩克
 各編一旗四十七年均予世襲罔替初分所部為四路南路凡四旗曰扎薩克
 卓理克圖汗旗曰中旗曰右旗曰左旗三十七年賜牧齋爾三十八年徙牧珠

水草之租是部金鑛頗著名地雜耕牧有佐領十四東路凡二旗跨濟爾哈朗河東奎屯河接甘肅綏來南南山西庫爾喀喇烏蘇北戈壁渥巴錫族弟巴木巴爾等從渥巴錫來歸三十七年入覲熱河封扎薩克多羅畢錫埒勒圖郡王弟奇布騰固山依特勒貝子盟名亦曰烏訥恩素珠克圖初隸庫爾喀喇烏蘇大臣統受伊犁將軍節制同治末俄人以北路舊土爾扈特取所屬哈薩克馬駝執是部貝子普爾普噶丹為質尋釋之光緒初給撫恤銀一萬兩十一年設庫爾喀喇烏蘇同知兼理事銜釐是部民蒙交涉事件清末俄郡王者帕勒塔管請出洋又入貴胃學堂以本旗事為伊犁將軍廣福勳議處是部共有左領七西路一旗當天山之北精河東岸東精河屯田南哈什山陰西托霍木圖台北喀喇塔拉額西柯渥爾渥巴錫族叔父獸們圖從渥巴錫來歸乾隆三十七年入覲熱河封濟扎薩克濟爾噶喇貝勒賜牧精河受伊犁將軍節制咸豐十年貝勒鄂齊爾以捐餉予雙眼花翎光緒初以被擄予撫恤銀一萬兩十三年設精河同知兼理事銜釐是部民蒙交涉事有佐領四

清史稿

卷六

十七

新土爾扈特在科布多西南當全山南烏隆古河之東東新和碩特南胡圖斯山西與北均阿爾泰烏梁海東南扎哈沁土爾扈特等罕十四世孫舍稜率諸昆弟附牧伊犁為準噶爾屬台吉大軍征準噶爾獲達瓦齊阿睦爾撒納等以叛相次誅滅舍稜獨抗不降竄匿庫庫烏蘇喀喇塔拉境乾隆二十三年詔定邊將軍成衮扎布等剿之舍稜奔俄維斯我軍追及之於勒布什河源舍稜乃詭約降計戕我副都統唐喀祿馳踰喀喇瑪嶺歸額濟勒土爾扈特游牧三十年復誘其汗渥巴錫來歸伊犁他木哈知內備固計無所出不得已隨渥巴錫歸順詔宥舍稜罪三十七年與從子沙喇扣肯入覲熱河封舍稜多羅弼里克圖郡王沙喇扣肯烏察喇圖貝子均授扎薩克舍稜所曰部左翼旗沙喇扣肯曰右翼旗定盟名曰青色特啓勒圖舍稜充盟長沙喇扣肯副之四十八年詔世襲罔替科布多參贊大臣道光六年回疆軍興是部輸馬駝助軍咸豐三年是部王貝子等請捐助軍需溫旨卻之同治三年徵是部兵援古城等城以散潰微之六年於是部之布倫托海地方設辦事大臣以李雲麟為之

七年五月布倫托海兵潰變李雲麟走青格里河諭福濟錫綸前往查辦明瑞棍喇扎拉參曉諭解散七月布倫托海變民竄烏龍古河九月以棍喇扎拉參挑噶爾為喇嘛成軍諭福濟等督率進剿布倫托海變民撥部庫銀十萬兩解科布多為布倫托海勦匪及賑濟難民之用調福濟為布倫托海辦事大臣十月以守科布多城出力予是部郡王凌扎棟魯布親王銜十二月以是部仍屬科布多管轄八年二月以哈薩克圍殺布倫托海變民命是部郡王凌扎棟魯布進剿四月福濟邊烏里雅蘇台將軍文碩代之七月布倫托海變民傷俄國卡兵棍喇扎拉參營于克林河諭福濟等疾籌進剿飭知遵行七月棍喇扎拉參勦變民于和博克托里勝之八月棍喇扎拉參復布倫托海變民降收撫之賊首張恩等伏誅諭福濟等籌給布倫托海難民口食九月命塔城額魯特暫安舊居阿爾泰山俗業居青格里河十月徙布倫托海人眾于爾阿爾泰山子布倫托海在防索倫及綠營官兵銀兩十一月裁新設布倫托海辦事大臣撤回旗綠官兵命索倫額魯特領隊大臣及棍喇扎拉參應辦事宜統歸科布多

清史稿

卷六

十八

多參贊大臣經理改派奎昌辦布倫托海與俄分界事宜十二年九月肅州回匪竄是部貝子旗布拉噶河一帶科布多參贊大臣托倫布等調回駐察罕淖爾之黑龍江馬隊暨蒙古馬隊分赴布拉噶河防剿十一月烏魯木齊領隊大臣錫綸奏七月十六日率所募民勇自阿爾泰山南移營烏龍古河南岸聞東路布爾根河一帶警料科布多屬之扎哈沁及和碩特土爾扈特邊界皆被擾阿爾泰附近之烏梁海台站逃散匪由和碩特土爾扈特等喇嘛營子西竄至青格里河十二月錫綸奏回匪擾及烏梁海部落臣帶民勇民團追匪至噶扎爾巴爾淖爾匪已由薩勒布爾山南竄沙山子即由山北取道布凌河疾馳至霍博克河上游之庫克辛倉探得匪在河下游之科科壘頓林木中紮營五座於夜分潛師進薄賊壘擊潰賊三營又取後一營匪眾敗遁尋由阿雅爾淖爾竄殺來縣之大小拐回瑪那斯科布多督辦大臣保英奏十月十九親率馬隊由吉慶淖爾西行二十七抵土爾扈特之青格里河賊竄布倫托海經錫綸進剿斬獲甚多匪已西竄臣將官兵駐青格里河檄飭烏梁海土爾扈特和碩特

扎哈沁速將軍台移回原處安設其後烏魯木齊瑪納斯諸城克復是部始息
警光緒九年調科城中俄界劃辦大臣額爾慶額安插歸中國之哈薩克以奎
岫山左右暨哈巴河源諸山爲夏季游牧以阿拉別克河東暨果里子克河哈
巴河阿拉克台爲冬季游牧實皆是部地二十九年瑞洵奏創修托倫布海渠
工開辦屯田給土爾扈特王旗貝子旗借用駝隻價銀飭扎哈沁土爾扈特烏
梁海左右翼擇水草較好地從扎哈沁沙紫蓋台起至布倫托海止安設十三
台二十九年閏五月錄科布多所屬各旗保護俄商遺棄貨物有神大局之勞
子土爾扈特正盟長扎薩克郡王密錫克棟古魯布紫額副盟長扎薩克貝子
瑪克蘇爾扎布雙眼花翎三十二年十二月劃科布多阿爾泰分轄之界以部
是二旗及新和碩特一旗阿爾泰烏梁海七旗均隸阿爾泰是部地兼耕牧有
金鑛布爾津河通輪船共有佐領三近是部者有哈喇察克新和碩特乾隆三
十六年和碩特台吉巴雅爾拉瑚之族蒙貸卒率屬來歸願附新土爾扈特貝
子沙喇扣肯之旗詔予一等台吉給半佐領令其附居五十七年移杜爾伯特

清史稿

卷六

十九

近處哈密察克游牧嘉慶元年科布多參贊大臣奏蒙貸妻察彥率子布產克
什克詣言生齒日繁求給扎薩克印不食俸道光六年回疆軍興後至咸豐初
是部皆借杜爾伯特諸部指馬駝指餉助軍同治末回匪北竄是部與新土爾
扈特同被擾著伊犁將軍榮全以商論伊犁事自科布多西行是部設台供支
光緒二十九年錄庚子舉辦防團保護俄貨之勞予扎薩克台克什克布彥額
國公銜三十三年正月卒以子達木鼎第得恩襲初有出缺請旨之例實亦世
襲牧地東扎哈沁南與西皆新土爾扈特北阿爾泰烏梁海有佐領一
和碩特部在新疆焉耆府北東烏沙克塔爾南開都河西小珠勒都斯北察罕
通格山舊爲四衛拉特之一系出元太祖弟哈巴圖哈薩爾有博貝密爾咱者
始稱汗子哈尼諾顏洪果爾嗣之有子六牧青海西套伊犁諸境詳青海厄魯
特部傳其第三子昆都倫烏巴什第四子圖魯拜琿裔番衍圖魯拜琿號順實
汗其裔或稱青海厄魯特設扎薩克二十有一或稱阿拉善厄魯特設扎薩克
一或隸察哈爾旗設府三皆不著和碩特部昆都倫烏巴什號都爾格齊諾顏

子十六長邁瑪達賴烏巴什次烏巴什瑯台吉次多爾濟次額爾克岱青鄂克
綽特布次第巴卓哩克圖次噶布楚諾顏次蒙固次青巴圖爾次伊納克巴圖
爾次伊勒察克次賽巴克次哈喇庫濟次羅卜藏達什次塔爾巴次色稜次朋
素克今和碩特許扎薩克四皆多爾濟及額爾克岱青鄂克綽特布裔崇德七
年昆都倫烏巴什遣索諾木從達賴喇嘛使貢駝馬賜布幣及朝鮮貢物順治
八年貢所產馬及黑狐皮九年復貢駝馬嗣數遣使至康熙十六年邁瑪達賴
烏巴什子丹津瑯台吉遣達爾漢宰桑入貢二十一年復遣杭勒岱等至諸昆
弟遣使從凡百餘人二十四年定四衛拉特貢例使入關以二百人爲額諭所
部知之詳杜爾伯特部傳時準噶爾稍強和碩特族懼其威威奉令後噶爾丹
亂定順實汗諸子姓游牧青海者咸內附噶爾丹從子策妄阿喇布坦偕和碩
特族與同處表請青海復舊業如噶爾丹時將陰謀爲己屬上燭其奸諭責之
令遣和碩特歸舊牧勿私據不從有羅卜藏車凌者多爾濟曾孫也策妄阿喇
布坦以女妻之雍正八年靖邊大將軍傅爾丹屯科布多將擊準噶爾或告曰

清史稿

卷六

二十

噶爾丹策凌以兵萬授羅卜藏車凌遣德哈薩克設汛阿里馬圖沙拉伯勒境
羅卜藏車凌乘之率戶三千餘山噶斯走青海將內附噶爾丹策凌遣宰桑烏
喇特巴哈曼集等追之爲所敗復遣喀喇沁宰桑都噶爾往襲不之及也傅爾
丹以聞詔副都統達爾濟偵防噶斯路侯羅卜藏車凌降遣入覲以兵監從眾置
內汛勿噶詭降計久之羅卜藏車凌不至乾隆二十年大軍征達瓦齊抵伊犁
有善披嶺集賽之得木齊蘇克都爾格齊霍什哈及古里特鄂拓克之得木齊
和通喀喇博羅芬爾伊什克特噶瑪博勒等告舊爲羅卜藏車凌屬獻籍六百
餘戶羅卜藏車凌子曰諾爾布敦多克游牧額琳哈畢爾噶遺長子鄂齊爾馳
降定北將軍班第遣招其族台吉三濟特聞之獻籍三百戶丹津瑯台吉子曰
阿喇布坦有子二長噶爾丹敦多布生沙克都爾曼濟次敦多布車凌生明噶
特達瓦齊善沙克都爾曼濟倚任之小策凌敦多卜孫訥默庫濟爾噶爾與達
瓦齊構兵沙克都爾曼濟擊之殲其孥班第等至達瓦齊竄格登沙克都曼爾
濟乃降有班珠爾者順實汗裔也與輝特阿睦爾撒納異父同母陰比之前避

達瓦齊亂來歸授多羅郡王詔俟厄魯特定將以為和碩特汗時從大軍抵伊犁私奪諾爾布敦多克沙克都爾曼濟諸台吉屬產班第禁之乃稍戢尋定入覲次以沙克都爾曼濟及班珠爾列初班三濟特鄂齊爾次之阿睦爾撒納阻其行詭稱沙克都爾曼濟將叛迎達瓦齊請以班珠爾屯特穆爾圖諾爾護降眾既第斥詞妄班珠爾詭入覲赴塔密爾牧取阿睦爾撒納等謀借遁參贊大臣阿蘭泰擒之沙克都爾曼濟入覲避於山莊上御澹泊敬誠殿受朝詔封和碩特汗授盟長諭董所屬勸養教圖生聚三濟特鄂齊爾繼至詔授三濟特扎薩克一等台吉鄂齊爾開散一等台吉道歸牧定西將軍策楞將以大兵勦阿睦爾撒納詔沙克都爾曼濟往會甫就道謀者以阿睦爾撒納據伊犁告諭遣親信宰桑馳諭所部備兵勿為逆煽而以身從大軍擊賊班珠爾械至禁獄所請遣三濟特鄂齊爾書令和碩特衆分勦阿逆三濟特既得書言諾爾布敦多克沙克都爾曼濟皆鄰牧且族台吉瑪尼巴圖巴蘇泰瑪查烏巴什等庫特圖魯孟克阿穆爾等斯海薩望等皆無異志當以書遣之鄂齊爾稱願歸告父共

清史稿

卷六

二十一

勦逆而我副將軍薩拉爾集伊犁宰桑等定議約諾爾布敦多克及沙克都爾曼濟子圖們以兵至博囉塔拉布爾哈蘇圖勒奇嶺勦阿睦爾撒納諾爾布敦多克圖們各遣使至巴里坤告故諾爾布敦多克表曰臣父羅卜藏車凌前噶爾丹策凌時謀內附不獲聞大軍征達瓦齊臣族班珠爾倚阿睦爾撒納奪臣屬臣願循志勦賊上嘉其誠詔封公府以班珠爾所奪給之班珠爾等伏誅二十一年諾爾布敦多克來歸薩拉爾等既定謀阿睦爾撒納偵知之先備諾爾布敦多克以兵擊諾爾布敦多克之諾羅斯哈濟拜牲不勝借薩拉爾問道行由珠勒都斯至巴里坤時沙克都爾曼濟抵策楞軍詔令遣書其子圖們以兵護牧書未達明噶特附阿睦爾撒納叛脅所部衆圖們不之從羣賊屬抵珠勒都斯請內徙上憫之詔封多羅貝勒賜銀千兩賞雙眼孔雀翎諭由額琳哈畢爾噶往會沙克都爾曼濟有圖什墨勒厄爾哲者從大軍勦阿睦爾撒納中道強取諾爾布敦多克屬詔責之察所取以歸諾爾布敦多克及子鄂齊爾等相繼卒詔以鄂齊爾弟博爾和津豐公爵諭曰諾爾布敦多克舊收哈薩克接壤恐或掠

之若欲徒歸額琳哈畢爾噶惟其便沙克都爾曼濟攜子圖們及博爾和津等由珠勒都斯至巴里坤乞屯牧近地副都統雅爾哈善以聞諭曰沙克都爾曼齊以舊牧之生計跋涉遠至殊堪憫惻準噶爾頻年不靖諸部生計維艱然使台吉等各收其屬安處游牧以耕畜為業善自謀生不數年間可復舊業今沙克都爾曼濟等雖暫處巴里坤究非故土難以久處又喀爾喀附近之和碩特杜爾伯特輝特等俱將遣歸舊牧且諭令各安生業嚴賊盜沙克都爾曼濟等自宜仍歸舊牧但甫從遠道至遽令之歸不免困頓可令暫處巴里坤附近地賞給糧米如戶口數復遣使諭沙克都爾曼濟及結囉斯汗噶爾藏多爾濟輝特汗巴雅爾圖爾等自入覲歸牧後遵朕諭旨約束所屬守分安居已諭一載甚勞遠念今特遣官存問并令齎賜食物佩飾以示優眷逆賊阿睦爾撒納見竄匿哈薩克苟延殘喘朕遣官兵征勦經年時屆寒冬暫行徵還第逆賊狡詐百出僞遣人赴爾等游牧詭計煽惑爾等即行擒獻至沙克都爾曼濟奏請游牧巴里坤附近地已諭酌賜口糧俟明春復賞給籽種耕耨庚集額卜齊布

清史稿

卷六

二十一

拉克地秋收後遣歸舊牧爾等其善自謀生永享昇平之福沙克都爾曼濟等獻所部盜馬者請論罪諭曰厄魯特劫奪成風不可不嚴加懲創爾等擒獲竊賊解送內地甚屬恭順嗣後可自治之復以博爾和津幼不更事諭沙克都爾曼濟留心護視并令其族摩羅及宰桑新登等暫理牧務既而諸衛拉特復不靖巴雅爾圖爾稱沙克都爾曼濟掠所部牧將以兵襲巴里坤噶爾藏多爾濟及兄子扎納噶爾布叛擾邊境有普爾普者以其主沙克都爾曼濟私通扎納噶爾布告諾爾布敦多克之時沙克都爾曼濟設汛哨內防禦遣謀赴巴里坤偵大軍狀子圖們死不以告雅爾哈善召之稱病不至疑果叛背抵其營殲之斬衆四千餘察獲博爾和津奏請安置地詔徙京師停襲公爵沙克都爾曼濟弟桑濟靈從額爾濟斯境掠奉使杜爾伯特之侍衛佛保駝馬佛保奮擊之乃逸杜爾伯特汗車凌遣親王車凌烏巴什等追勦桑濟走死和碩特叛黨始靖而其族多爾濟之裔恭格等有借土爾扈特游牧俄羅斯之額濟勒河境者三十六年從土爾扈特汗渥巴錫自俄羅斯來歸尋入覲詔封恭格為土謝圖貝

勒族叔父雅蘭為阿穆爾哈貴貝子授族弟諾海及巴雅爾瑚一等台吉均為扎薩克各編一旗賜盟名曰巴圖色特啓勒圖餘悉如土爾扈特例三十七年賜牧珠勒都斯四十年設正副盟長各一嘉慶二年恭格從子博騰特克卒無嗣十一月以所管佐領分給貝子鄂齊爾二扎薩克台吉齊業齊三烏爾圖那遜一除其爵道光六年回疆軍興徵是部兵協助收回匪于阿克蘇之渾巴什什河子緞疋銀兩及翎頂各有差自是回疆有事皆借土爾扈特兵應徵調統隸有伊犁將軍同治三年回亂是部被蹂躪戶口林散失大半中路左旗扎薩克台吉喇什德勒克率餘眾避居博爾圖山中竭力保守光緒三年劉錦棠收復托克遜喇什德勒克謁劉錦棠八月進兵以後隨同官軍馳驅於地勢險夷賊情虛實水道深淺具陳實狀師逾開都河遂遷其部於河東欽差大臣左宗棠請獎疏入予花翎先是中旗貝子多爾那齊那木札勒右旗扎薩克洞魯布旺扎勒皆避出至是始歸所牧是部佐領尙呈左宗棠請以其兩旗人眾隸喇什德勒克事尋寢光緒八年設喀喇沙爾直隸同知兼理事銜釐是部蒙民

清史稿

卷六

二十三

交涉事二十二年甘肅回匪竄出關伊犁將軍長庚徵是部貝子棍布扎普派扎薩克台吉貢噶那木札勒統兵駐都木達塔什哈地方扼博斯騰湖通羅布淖爾之徑事定徵歸其地出產同舊土爾扈特南部落佐領共十一

清史稿

藩部七

列傳

唐努烏梁海

阿爾泰烏梁海

阿爾泰烏梁海

唐努烏梁海在烏里雅蘇台之北東南土謝圖汗部南賽音諾顏部西阿爾泰烏梁海西南扎薩克圖汗部北俄羅斯有總管五日唐努曰薩拉吉克曰托錦曰庫布蘇庫勒諾爾曰奇木奇克河康熙五十四年扎薩克圖汗部和托輝特輔國公博貝隨大軍赴推河防準噶爾策安阿拉布坦言準噶爾不靖恃烏梁海障之乞往招若抗即以兵取扎薩克台吉濟納彌達阿里雅及根敦羅卜藏克兵俱習戰請與同往土題其議從之九月烏梁海頭目和羅爾邁率屬降先是和羅爾邁居吹河管以越界射獵為博貝縛獻上宥其罪諭還巢至是將遣子瑚洛處納請降博貝至因遷其游牧赴特斯冬和羅爾邁遁博貝追至呼爾罕什巴爾執之五十九年博貝擒烏梁海逃眾晉貝勒時從征西將軍祁里德

清史稿

卷七

一

軍六十年六月議政王大臣議覆祁里德新收烏梁海二千五百三十名應送至巴顏諾爾克地方居住令車臣汗等旗分派兵三百名並派台吉協同駐紮防守雍正二年諭曰朕詢貝勒博貝管轄烏梁海何以資生據奏在將軍祁里德處借餉一萬八千餘兩買牲分給各得產業今勝於昔所有借項自以貝勒俸逐年扣抵朕思烏梁海俱朕之百姓豈有朕之百姓而借餉於朕之理所借銀兩不必扣還諭祁里德知之三年烏梁海和羅爾邁復遁由阿哩克竄準噶爾界博貝遣子額璘沁由托濟邀擒而自赴克木克木齊克緝叛黨誅之初額魯特與喀爾喀構兵時錯處科布多烏蘭固木噶爾丹既滅喀爾喀西境直抵阿爾泰自唐努山陰之克木克木齊克至博木等處皆博貝及來歸之額魯特貝凌旺布所屬烏梁海游牧雍正四年策旺阿拉布拉克言克木克木齊克舊隸準噶爾乞還上不許慮伺間略烏梁海詔博貝率所部兵千隨前鋒統領定壽駐唐努山陽特斯地方防護之尋諭理藩院曰朕詳思克木克木齊克烏梁海皆博貝所屬和羅爾邁既已就擒交博貝撫恤居之公所但念此等人向在喀

爾喀邊外林木中射獵為生與準噶爾所屬烏梁海接壤又與俄羅斯連界宜令博貝等同大臣前往曉諭令自為預備以防不虞三月命大臣一員帶布帛茶葉貨克木克木齊克地方烏梁海並令揀老成服眾之人作為首領雍正五年額駙策凌等與俄羅斯訂約自恰克圖鄂爾輝圖兩間為界所立之鄂博迤西至肯哲瑪達雀呢音嶺克木克木齊克之博木沙河納嶺循此山梁由正中分中劃界其兩邊各取五貂之烏梁海仍令照舊各歸其主彼此各征一貂之烏梁海自定界之日將各取一貂之處停止乾隆十六年以和托輝特扎薩克貝勒青衮咱卜縱所屬人私出汛界與準噶爾回眾貿易致潛居烏梁海奪貝勒額駙璘沁襲其爵定烏梁海出入汛界例二十一年青衮咱卜脅烏梁海叛大兵至皆棄去二十五年鑄唐努烏梁海總管印給之嘉慶二年烏里雅蘇臺參贊大臣額樂春以需索烏梁海奪職治罪道光三年定禁烏梁海與商民貿易例以山西民人私向烏梁海買取羊隻涉訟二十四年六月烏里雅蘇臺將桂輪勅總管垂敦扎布需索無厭命奪職咸豐年奏唐努烏梁海界址十年與

清史稿

邊部七

二

俄國定界約是部之沙賓達巴哈實為西疆劃界之第一地段同治三年十一月烏里雅蘇臺將軍明誼等奏唐努烏梁海游牧內俄使前開議單載唐努鄂拉達巴哈即係唐努山嶺自沙賓達巴哈界牌起先往西後往南亦據該使呈繪圖誌有順薩彥山嶺至奎屯鄂博所有界限地名我國舊存圖內雖無其地名然據該使所指方向繪經庫倫辦事大臣文盛送雍正五年已定交界圖誌名目雖殊界限大致相似唐努烏梁海游牧雖有被俄人包去之嫌與西二盟游牧無礙明年立界時俟與麟興車林敦多布等妥商辦理四年八月麟興等奏據委員岳嵩武稟報與唐努烏梁海總管凡齊爾馳赴博果素克大場屢勘起沿站按圖詳查行至唐努鄂拉達巴哈核與俄國所畫唐努鄂拉達巴哈邊界相符除薩彥山因無路徑不能履勘其唐努鄂拉達巴哈及邊境應分之珠噶潭爾塔斯啓勒山哈喇塔蘇爾山德布色克哈山數處擇擬立界處所繪會勘圖誌呈閱時俄立界使臣以事不能至九月明誼等以軍務緊急請緩約俄使立界六年俄人遂越界至總管邁達爾游牧內烏克果勒地方建屋種地總

理各國事務衙門照會俄使始由庫倫俄官行文令送之回國是年廷旨促麟興等建立西疆毗連俄界牌鄂博六月專命榮全迅與俄官會立烏里雅蘇台邊卡界牌鄂博八年五月榮全與俄使穆魯木策夫至是部西南之賽留格木山嶺會立牌博於是月二十六日起行順賽留格木嶺至是部西南邊境盡處之博果蘇克壩立第一界牌鄂博科城立牌博於南俄國立牌博於西由此向東北約十里名塔斯啓勒山於山頂立第二牌博又向東北約九十里至珠噶潭爾俄使言只就珠噶潭爾迤北數十里唐努山之察布濟壩止建立鄂博由此直向西北統至沙賓達巴哈路既便捷尤易行走榮全以俄使所指之路俱係是部游牧內地若照俄使所議不惟與原圖大不相符且將是部游牧包去大半向俄使反復開導仍如原圖於珠噶潭爾東南之哈爾根山立第三牌博順潭爾北岸約二十餘里至唐努山南察布齊雅壩立第四牌博沿唐努山南向西過莫多圖河扎勒都倫河烏爾圖河察罕扎克蘇圖河順哈喇塔蘇爾海山至沙克魯河轉向東北約二百五十餘里至庫色爾壩係是部西方邊界

清史稿

邊部七

三

立第五牌博向西北九十餘里至唐努鄂拉達巴哈末處過哈喇河偏西山下楚拉察水流之處立第六牌博向北又東順薩彥山過瑪納湖河蒙納克河浩拉什河由喀喇潭爾至蘇爾大壩約一百五十里立第七牌博向北又東約三百六十餘里山脈連貫直至沙賓達巴哈於舊牌博之東山頂上立第八牌博照原圖至賽留格木山博果蘇克壩上紅線以左為中國地紅線以右為俄國地至六月二十二日竣事而是部阿爾泰河阿穆哈河區域皆入于俄光緒五年烏里雅蘇台將軍以奇木齊克河總管報俄商在唐努烏梁海屬建蓋行棧數處及春季以來有俄人或三五十人或八九十人不等在奇木齊克河北一帶中唐努山內創挖金砂例應禁止咨總理各國事務衙門照會俄署使凱陽德轉飭邊官查禁七年五月烏里雅蘇台將軍以俄人在薩爾魯克地方居住禁立木棚十處附近挖過金砂大小凡一百餘處照會俄駐庫領事迅飭邊界官嚴禁十四年四月烏里雅蘇台將軍杜馨爾奏所轄唐努烏梁海屬地邊外自柏郭蘇克西北至沙賓達巴罕中國設立界牌每年夏季派員會同查閱

其嶺一東一南至烏里雅蘇台即嶺之左歸中國屬載在條約乃俄人竟於沙
賓達巴罕以東雀呢章達巴罕以西唐努所屬爾里黨薩布塔爾都不達果勒
畢爾里克荊格等河岸地方前經查驗過俄人挖金共四十五處至今仍在薩
布塔爾車爾里克兩處附近河岸開挖甚多烏克多倫兩河地方俄人明固賴
等任意開墾地畝長一千三百餘廣尺寬八百二十餘廣尺俄人雅固爾等於
薩拉塔木博木額奇布拉克多倫烏克車爾里克托勒博薩斯多克密崗喀勒
扎庫勒哈達努額奇依斯克木阿瑪阿克河口吉爾噶噶河口吉爾扎拉克等
十五處建蓋堅屋南入我境至數百之多本年派佐領榮昌等往烏梁海吉爾
拉克地方會俄官辦論挖金蓋房種地各案俄官一味支吾執意不辦應由
總理各國事務衙門逐件查復旋由總理事務衙門覆奏請飭將軍等詳勘界
限研究根由援據約章與俄會竭力辨論倘彼堅執或應知照駐俄使臣嚴請
外部妥籌辦法或即佔給蓋房之費令從速遷徙由將軍等就近相機籌定奏
明辦理十月祥麟等奏覆派吉玉等由烏梁海印務處於六月自蔭木噶拉泰

清史稿

海部七

四

起程履勘車爾里克等處往返兩月有餘已將俄人在境內挖金蓋房種地三
事詳細查明繕單入告命總理各國事務衙門照會俄使將越界在唐努烏梁
海挖金蓋房種地之背約俄人遷回本國二十五年八月烏里雅蘇台參贊大
臣志銳以奇木奇克河總管請給印奏入命速順察看情形奏明辦理尋覆奏
以奇木奇克河與唐努總管相隔實在千里之外中間橫亘賽音諾顏部之額
魯特扎薩克貝子達克丹多爾濟所屬烏梁海遇有齟齬文報不通凡事轉報
總管未能直達烏城奇木奇克河實有二千一百三十三戶丁口已幾萬人唐努總
管每年勅派各情亦所恆有他毗連俄界交涉事多既十蘇木連結懇求是
與唐努總管其心已離兩不相下倘有事故亦難收拾若將數十年仰希朝廷
之恩一旦下頒必能自固藩籬為我屏蔽况有東烏梁海請印在前似難以不
符體制為解請仍賞給印信得旨如所請二十六年詔連順等備邊時參匪事
起中外人心惶惑連順檄唐努烏梁海總管根布多爾濟薩拉吉克烏梁海總
管巴勒錫呢瑪托錫烏梁海總管凌魁庫布蘇庫勒諾爾烏梁海總管克什克

濟爾噶勒奇木奇克河烏梁海總管海都布調兵練團嚴密舉辦從布多爾濟
等均能刻日成軍復籌軍食擇要加兵防守善待俄商毋生邊衅二十八年
十二月連順等再請獎叙疏入予克什克濟爾噶勒二品頂戴海都布二品花
翎是年連順以烏梁海向風沐化幾二百年直與喀爾喀蒙古無異我國商民
仍守舊規不敢違禁潛往貿易至俄商之在烏梁海貿易者不計其數建蓋房
屋常年居住每年收買鹿茸狐狼水獺捨利獾貂皮灰鼠為款甚鉅致烏梁來
烏城呈交貢皮時竟至無貨可以貿易惟有變通辦理如在烏城貿易商民願
赴烏梁海貿易者准報官前往勿禁仍由將軍衙門照章酌給六個月限票並
嚴飭守卡官兵認真稽查不准挾帶違禁之物尤之宣統元年烏里雅蘇台將
軍堃岫等以奇木奇克河總管海都布率奏本旗十蘇木公棟海都布長子達
魯噶布音巴達爾琥辦事勤能家心傾服請補總管允之是部天和土腴有灌
溉之利宜麥有金銅石棉諸礦林木亦富遂布邊山產石鹽是部全境及移布
多北部皆資之唐努薩拉吉克托錫三總管各有佐領四庫布蘇庫諾爾總

清史稿

海部七

五

管佐領二奇木奇克河總管佐領十薩拉吉克別名薩爾吉格托錫別名陶吉
總管皆無印庫布蘇庫勒諾爾別名庫蘇古淖爾奇木奇克河別名肯木次克
有印此外扎薩克圖汗部右翼右旗有五佐領一在庫蘇古爾泊北一在華克
穆河東北一在格德勒爾河西一在謨什克河西一在扎庫爾河源賽音諾顏
部額魯特貝子旗佐領十三皆南依鄂爾喀汗山西接阿爾泰淖爾烏梁海哲
布尊丹巴呼圖克圖徒眾所屬佐領三西臨華克穆河
阿爾泰烏梁海在科布多之西東額魯特東南扎哈沁及布勒罕河新土爾扈
特哈爾察克新和碩特南和碩特南和碩特南和碩特南和碩特南和碩特南
淖爾烏梁海分左右翼左翼旗四右翼旗三初屬準噶爾乾隆十八年喀爾喀
扎薩克圖汗等台吉達什朋素克隨北路軍營參贊大臣薩喇爾擒私入科布
多汛之烏梁海人扎木圖等十九年正月命薩喇爾等統兵征入卡之準噶爾
屬烏梁海釋北路軍營誘捕之烏梁海瑪木特等令回部落二月準噶爾烏梁
海庫木來降三月命舒赫德赴卓克索地方會薩喇爾勒招撫烏梁海尋以烏梁

海徙牧額爾齊斯等地令暫撤兵是月以牧撫烏梁海移北路軍營於烏里雅蘇台七月賽音諾顏貝子車木楚克扎布暨班第薩喇勒等擊烏梁海宰桑於察罕烏蘇降之十月班第薩喇勒進兵降阿爾泰居住之準噶爾烏梁海宰桑禩木特及通禱木特收戶口千餘復由阿爾泰赴索爾畢嶺進至布爾漢之察漢托輝額貝和碩地方獲宰桑庫克新等十一月以牧撫烏梁海和碩輝特貝勒吉袋喇卜郡王銜編設烏梁海人戶旗分佐領設授宰桑車根赤倫察克達總管命庫克新於額爾齊斯屯田二十年正月察克達等兵至華額爾齊斯河收獲包沁宰桑等授察達克副都統子烏梁海總管赤倫副都統銜命招撫汗哈屯之烏梁海人眾免烏梁海等貢賦一年二月編察克達赤倫所屬烏梁海為佐領七三月烏梁海宰桑都塔齊以指示投順之人逃竄正法命扎薩克圖汗部扎薩克台吉根敦等駐防海喇圖科布多等處管烏梁海游牧接收降人四月汗哈屯地方烏梁海歸順五月授歸順之烏梁海宰桑圖布新為總管十月以烏梁海出牲畜接濟哈達哈西進之軍嘉賚之二十一年三月以阿逆

清史稿

滿部七

六

煽動烏梁海哈薩克道梗詔哈達哈勒烏梁海叛賊有固爾班和卓者奇爾吉斯宰桑携千餘戶潛赴烏梁海賽音諾顏郡王車布登扎布及車登三不勒邀擒之六月青衮咱卜叛誘新舊烏梁海附已大兵至皆來効順十月以新舊烏梁海等備兵請討青衮咱卜嘉賚之授察克達內大臣二十二年二月命察克達等防範準部叛賊達什車凌等逃入烏梁海四月以額魯特叛賊車布登多爾濟屬人分給察克達等論察克達等俘輝特賊人功予其子侍衛賽圖布慎赤倫洪郭爾等緞茶各有差九月命車布登扎布等防範阿逆等擾烏梁海十月以阿爾泰淖爾烏梁海內附諭授官加賞定察達克所屬烏梁海每戶歲納二貂給俸如內地官吏之半十一月克烏梁海扎沁沁人等歸還馬駝烏梁海博和勒復降仍授總管二十三年二月歸併烏梁海管轄人戶編得沁允新舊烏梁海均于烏爾固木種地於吹阿勒和碩等處游牧移科布多烏梁海徙就阿爾泰山陽二十四年三月仍命郡王車布登扎布總理烏梁海事八月烏梁海副都統莫尼扎布等招降鄂爾楚克人戶附入烏梁海大臣管轄授官

清史稿

滿部七

七

有差是年定阿爾泰山之南額爾齊斯為是部牧地十二月以哈薩克人掠烏梁海諭察達克等防勦二十五年四月以收撫烏梁海原任總管阿喇逃散屬人交察克達等兼管烏梁海總管扎布罕疏脫賊犯上以年幼宥之命察達克派員協同辦事二十六年七月禁烏梁海私向哈薩克貿易二十七年三月允展烏梁海卡坐九月嚴禁阿爾泰烏梁海竊取哈薩克馬匹十月以前經內附續逃入俄羅斯之烏梁海庫克新假我烏梁海名劫掠哈薩克命察克達等領兵捕治之十二月鑄烏梁海左右翼總管印分給察達克圖克慎銷原領阿爾泰烏梁海總管印二十八年正月庫克新就擒戮之以招撫人戶給察克達等分轄三十八年十二月以新土爾扈郡王舍楞與是部散秩大臣烏爾圖那遜為婚諭烏梁海緊接俄羅斯圖靈阿等嗣後詳為留意四十九年六月給阿爾泰台站內大臣察達克轄烏梁海官兵協濟銀兩道光十八年以哈薩克潛闖入阿爾泰烏梁海命烏里雅蘇台參贊大臣車林多爾濟領蒙兵逐之科布多參贊大臣斌書遣科布多主事職銜哈楚日進領兵逐入烏梁海之哈薩克依滿等于烏里雅蘇圖八月追敗之于沙拉布拉克九月又逐再入烏梁海之哈薩克使過于庫克仲阿林子獎十一月車林多爾濟奉前入烏梁海土爾扈特之哈薩克驅逐已俘獲十餘人釋之十二月子烏梁海副都統車伯克達什等花翎以論驅逐潛入游牧哈薩克勞十九年四月哈薩克復入烏梁海命車林多爾濟復調兵逐之八月以阿爾泰烏梁海右翼散秩大臣達什濟克巴調營未到嚴議于驟逐哈薩克安速之阿爾泰左翼散秩大臣達爾瑪阿扎拉頭品頂戴仍下部優叙二十二年科布多參贊大臣固慶奏達爾瑪阿扎拉時常稱疾偷安不善撫馭所任散秩大臣管烏梁海四旗事務煩游牧遼闊且與俄羅斯接壤責任甚重請令離任以參領唐喀祿署之咸豐十五年與俄羅斯定西疆界約同治三年八月科布多參贊大臣廣鳳等奏卡倫以內阿爾泰烏梁海境內奇林河等地方十七處有哈薩克公阿吉屬下之哈濟克居住當分界未終之際未便一旦驅逐倘分界後萬不得已必須內遷宜由塔爾巴哈臺參贊大臣酌擇地方安置十一月俄人闖入是部庫什業莫多及塔布圖地方滋

擾明詔照會俄悉畢爾總督先為查辦來我邊卡滋事官兵俟明年兩國立界大臣會同建立牌博後再派兵駐守四年以伊塔諸城回變命設烏梁海台站遞送科城至塔城文報軍餉十二月塔爾巴哈台參贊大臣錫霖劾廣鳳裁撤烏梁海台站致文報軍餉阻滯諭廣鳳等議處仿令復設五年五月塔爾巴哈台失守領隊大臣圖庫爾額魯特兵移至是部七年三月命奎昌會同俄官建立科布多毗連俄境界牌博九月奎昌等以俄使未到奏俟明年會辦立界八年奎昌與俄立界使臣巴布闊福勒明自科布多東北邊界賽留格木山適中之布果素克達巴哈起向西南順賽留格木山至奎屯鄂拉往西沿大阿爾泰山至海留圖兩河之山轉往南順是山直至察奇勒莫斯鄂拉轉往東南沿宰桑淖爾之邊循喀喇額爾齊斯河岸至瑪尼圖噶圖勒幹卡勒倫分為兩國交建牌博凡二十首曰布果素克達巴哈次曰杜爾伯特達巴哈曰塔布圖達巴哈曰博勒齊爾曰察幹布爾哈蘇曰烏爾達巴哈曰巴哈那斯達巴哈曰薩爾那開曰巴爾哈斯達巴哈曰拜巴爾塔達巴哈曰庫爾楚木曰特勒克梯

清史稿

邊部七

八

曰固洛木拜曰薩拉陶曰薩勒欽庫庫曰特斯愛哩克曰鄂里雅布拉克曰奇音克里什曰察奇勒莫斯末曰瑪呢圖噶圖勒幹自五月二十五至七月三日竣事十月命棍噶扎拉參赴阿爾泰山收集徒眾安插事宜十一月免是部本年例貢貂皮其後伊犁索倫營兵移駐阿爾泰山與塔城額魯特兵皆由棍噶參暫統之十年署伊犁將軍榮全奏以由科布多屬扎哈沁五台以西至霍博克薩里一二千里非就地設台後路必斷令烏梁海章蓋等於西翼設察罕通格托克鄂博德格圖阿滿三台於東翼設多魯圖阿滿額爾奇賽罕烏里雅斯三台自是為科塔兩城孔道十一年調棍噶扎拉參所部索倫額魯特兵赴塔城十二年十一月回匪窟新土爾扈特之布爾根河機是部境台站官兵紛紛逃散烏魯木齊領隊大臣錫綸率所部民勇自阿爾泰山南移營烏龍古河南岸迨至霍博克河下游擊破之匪窟綸來縣北境科布多參贊大臣保英等飭烏梁海速將軍台移回原處安設光緒七年七月以棍噶扎拉參在烏梁海達彥地方收撫哈薩克擄殺頭目柯伯史之子諭錫綸飭棍噶扎拉參即回

籍八年俄人議重劃科塔中俄之界欲占哈巴河一帶科布多參贊大臣清泰等奏俄人數百名突至哈巴河查新定條約內奎峯山即阿爾山任其勘改實有礙礙八月阿爾泰左翼散秩大臣等復呈清泰等以前次界劃烏梁海西北境侵占已多此次若再佔哈巴河蒙民無地自容誓死不能退讓諭清安額爾慶額會商金順升奏妥籌九年額爾慶額借參贊大臣升泰先期馳赴塞上察邊塞衝要辨山川主名以乘哈巴河奎峯山二要地烏梁海哈薩克之眾均無所依與俄官抗爭相特兼旬改以哈巴河以西阿拉喀別河為界得展地百三十餘里分道安設新界牌博既峻事額爾慶額又繞北山道大彥淖爾安插烏梁海兩翼部落以和里木圖河雅瑪圖約洛圖西里布拉克為夏季游牧以罕達蓋圖河塔里雅圖青格里河烏龍古河為冬季游牧而哈巴河仍由塔城置戍以金順奏諭阿爾泰山烏梁海風一帶游牧地方請飭棍噶扎拉參交回安插蒙民十二年七月以沙克都爾扎布等奏復催棍噶扎拉參將徒眾仍回塔城十三年諭劉錦棠等於新疆擇安插棍噶扎拉參之地十五年二月劉錦棠

清史稿

邊部七

九

奏移棍噶扎拉參徒眾子庫爾喀喇烏蘇屬之八英溝讓還科布多借地承化寺就近所招徒眾聽留居其寺哈巴河一帶塔城自借地以來即已派兵駐守未便委去俾俄人得乘便南下從之十八年六月沙克都林扎布額爾慶額魁福會勘奏哈巴河借地暫難歸還以塔城兩次分界後蒙哈不敷分住請將借地展緩三年交割烏梁海困苦擬令塔城哈薩克酌給牲畜並籌安插逃戶派兵駐守允之其後科城屢請收回哈巴河塔城爭之迄未決二十六年邊防戒嚴參贊大臣瑞洵檄烏梁海每旗挑兵二百名半馬半步駐防本旗事定徹之以烏梁海各旗保護俄商貨物安全游牧一再請獎二十九年閏五月子烏梁海左右翼散秩大臣額爾克舒諾三音博勒克均頭品頂戴左翼總管倭齊爾扎布桑敦扎布右翼總管棍布扎布瓦齊爾扎布均二品頂戴左翼副都統察罕博勒克亦子獎二十九年塔城以哈巴城地交還科城三十年五月改設科布多辦事大臣駐阿爾泰山以錫恒為之仍駐承化寺三十二年七月定阿爾泰練陸軍馬隊一標炮隊一營設哈巴河防營委員及沙黎蓋台至承化寺馬

撥十六處每處設蒙古馬兵五名馬十匹開辦承化寺庫克呼布克木哈巴河四處屯牧建城署房屋撥常經費十三萬兩開辦經費三十一萬兩有奇十二月是部七旗劃隸阿爾泰三十四年四月錫恆奏停辦布倫托海上渠下渠距水較近擬再試種一年奇克官木官屯暫撥民辦宣統三年二月署辦事大臣延年奏開距承化寺七十里之紅墩渠安插農民下部知之地兼耕牧有鑛有鹽是部有佐領七副都統暨左右翼散秩大臣均兼一旗總管卡倫自再劃界後南起右翼散秩大臣旗之阿拉克別克而北曰阿克塔斯又東北曰克雜那阿斯曰薩斯曰呼吉爾圖布拉克曰烏松呼吉爾圖轉東曰胡布蘇訖羅蓋布東北至左翼散秩大臣旗之雀洞潭爾止凡八卡倫山之著者西吉克圖山拔拉圖山雀穆達山哈喇溫爾常山水之著者察罕西魯河薩格賽河薩克布多河吉格里河額爾齊斯河阿爾泰潭爾烏梁海在科布多之西北東唐努烏梁海南

清史稿

海部七

十

阿爾泰烏梁海西與北均俄羅斯初屬準噶爾乾隆二十二年九月賽音諾顏扎薩克貝勒車布楚克札布招撫阿爾泰山烏梁海有特勒伯克扎爾扎爾納克者阿爾泰潭爾之烏梁海宰桑携屬至詔車木楚克札布定貢實例宰宣德意十二月授阿爾泰潭爾烏梁海宰桑特勒伯克等為總管二十三年秋烏梁海總管阿拉善思克等叛車木楚克札布勦阿喇善等就擒思克竄哈屯河冬擒之尋定是部為二旗各設總管一歲貢貂皮如例隸科布多參贊大臣道光中查邊之政積茲俄人始築城於是部之吹河我查邊界鄂博者往往不至其地咸豐十年定西疆界約俄國畫界清單遂將是部包去同治六年七月科布多參贊大臣廣鳳等奏俄雅什達喇城衙門給阿爾泰潭爾兩旗總管文言阿爾泰潭爾納羅什拜巴什庫斯吹河均係俄羅斯游牧如有人言係中國游牧拿送俄城又俄人來納羅什拜地方代木已飭總管察罕等善言開導靜候兩國分界大臣將疆界議定換約立界後再按照所分界限遵行此時不可伐木蓋房致滋事端時俄國官兵執去我查閱哈屯河扎薩克扎那扎布及台吉差官蒙古員兵等阻我查邊道路稱是部游牧為俄國地面不許中國人往來十

月阿爾泰潭爾總管莽泰等報俄官取莽泰旗下一百四十餘人及總管察罕旗下一百四十餘人手印九月明詔錫霖博勒果索與俄分界大臣照議單勘分西界是部地遂非清有初議遠是部誠心內附者於卡內而總管莽泰等言兩旗人丁祈全入卡內住牧廣鳳等諗以所被俄國分去地面舊住人丁隨地歸為俄國務令安居故士各守舊業立界後斷不致仍前擾害隨令莽泰等出卡回牧并內徙之議亦輟是部有佐領四

清史稿

海部七

十一

西藏禹貢雍州之域漢為益州沈黎郡徼外白狼樂木諸羌地魏隋為附國女國及左封昔衛葛延春桑迷桑北利模徒那鄂諸羌地唐為吐蕃始崇佛法既而滅吐谷渾盡臣羊同黨項諸羌西隣大食幅員萬餘里唐末衰弱諸部分散宋時朝貢不絕元世祖時置烏思藏納里速古魯孫等三路宣慰司都元帥府仍置管民萬戶諸官撫輯之以吐蕃僧帕克斯巴為木寶法王帝師嗣者數世弟子號司空國公佩金玉印者甚眾明洪武年以攝帝師納木嘉勒藏博為熾盛佛寶國師給玉印置烏斯藏指揮司及宣慰司招討司萬戶諸官多沿元舊以元國公納木喀斯丹拜嘉勒藏等領之尋改烏斯藏為行都指揮司以班竹兒藏為烏斯藏都指揮使自下皆令世襲未幾改烏斯藏為不羅衛為行都指揮司永樂中增置烏斯藏牛兒未塞行都指揮司及必里上印部二衛復分封

番僧為大寶法王大乘法王大慈法王闡教王闡化王輔教王贊善王護教王凡八王比歲或間歲朝貢宣德成化間又累加封號其地有僧號達賴喇嘛居拉薩之布達拉廟號前藏有班禪喇嘛居日喀則城之扎什倫布廟號後藏番俗崇奉又在諸番王之上西藏喇嘛皆紅教至宗喀巴始創黃教得道西藏噶勒丹寺時紅教本印度之習娶妻之子世襲法王專指密咒流極至以吞刀吐火炫俗盡失戒定慧宗旨黃教不得近女色遺囑二大弟子世以呼畢勒罕轉生演大乘教呼畢勒罕者華言化身達賴班禪即所謂二大弟子達賴譯言無上班禪譯言光顯其俗謂死而不失其真自知所往其弟子輒迎而立之常在輪迴本性不昧故達賴班禪易世互相為師其教皆重見性度生斥聲聞小乘及幻術小乘當明中葉已遠出紅教上達賴第一輩曰羅倫嘉穆錯吐蕃贊普之裔世為番王二十歲至前藏宗喀巴以為大弟子年八十四第二輩曰根登嘉木錯在後藏札朗轉世登布達拉色拉扎什倫布講經之坐年六十七三輩曰鎖嘉木堅錯為達賴中最著名者置第巴代理兵刑賦稅弟子稱呼圖

克圖分掌教化時黃教尚未行於蒙古元裔俺答兼併諸部侵掠中國用兵土伯特收阿木多喀木康等部落年老厭兵納其姪鄂爾多斯部碩克濟農謀往

迎達賴勸之東還自甘州移書張居正求通貢饋萬歷年遂納鎖南堅錯之貢子封資達賴應俺答之迎至青海為言三生善緣諸台吉言願自今將湧血之火江變溢乳之靜海俺答許立廟一在歸化城一在西甯於是黃教普蒙古諸部而藏中紅教之大寶大乘諸法王皆俯首稱弟子改從黃教化行諸部東西數萬里熬茶膜拜視若天神諸番王徒擁虛位不復能施號今年四十七四輩曰榮丹嘉穆錯年二十八五輩曰阿旺布藏嘉木錯初西藏其俗稱圖曰圖伯特亦曰唐古特自達賴班禪外有汗則蒙古部長為之時藏之藏巴汗與達賴所用第巴不協額魯特部和碩汗者名圖魯拜號元太祖弟哈布圖哈薩爾十九世孫也後兼併唐古特四部改號顧實汗以青海地廣合子孫游牧而喀木康輪其賦衛地則第巴奉達賴居之藏地則藏巴汗居之第巴桑結與藏巴汗不相能謂其虐部眾毀黃教乞師於顧實汗翦滅之顧實汗遂以藏地居班禪

留長子鄂齊爾汗轄其眾次子達賚巴圖爾台吉佐之皆崇德年事也先是天聰年間大兵取明之東省天現明星祥瑞顧實汗曰此星係大力汗之威力星由是觀之非常人也於是遐邇蒙古共道太宗文皇帝為和爾摩斯達爾德穆圖博克達徹辰汗迨崇德二年奏請發幣使延達賴四年遣使哈土伯特汗及達賴書謂自古所制經典不欲其泯滅不傳故遣使致請云嗣以喀爾喀有不果顧實汗復致書達賴班禪藏巴汗約共遣使朝貢達賴班禪及達言藏巴汗顧實汗遣伊喇固散胡圖克圖等貢方物獻丹書克稱太宗為曼殊師利大皇帝曼殊者華言妙吉祥也使至盛京太宗躬率王大臣逆於懷遠門御座為起迎於門闕立受書握手相見升榻設座於榻右命坐賜茶大燕於崇政殿間五日一宴命王貝勒以次宴留八閱月乃還八年報幣於達賴曰大清國寬溫仁聖皇帝致書於金剛大士達賴喇嘛今承喇嘛有拯濟眾生之志欲興扶佛法遣使通書朕心甚悅茲候恭安吉凡所欲言令察罕格龍等口授復貽書於班禪及紅帽喇嘛濟東胡圖克圖等亦如之是為西藏通好之始於是闡化王

及河州弘化顯慶二寺僧天全六番烏斯藏董卜黎州長河西魚通寧遠泥溪
 登赫沈村寧戎等土司莊浪番僧先後入貢獻前明敕印請內附矣明年世祖
 定鼎燕京混一字內顧實汗復奏達賴功德無量宜延至京令其誦經咒以
 資福佑乃遣使往迎順治四年達賴班禪各遣使獻金佛念珠表頌功德五年
 遣喇嘛席喇布格隆等齋書存問達賴並敦請之達賴覆書許於辰年朝覲九
 年十月達賴抵代噶命和碩承澤王御塞等往迎十二月達賴至謁於南苑賓
 之於太和殿建西黃寺居之達賴尋以水土不宜告歸賜以金銀鞍幣珠玉鞍
 馬慰留之十年二月歸復御殿賜宴命親王碩塞偕貝子順爾瑪洪吳達海率
 八旗兵送至代噶命禮部尙書覺羅朗球理藩院侍郎達席禮齋金册印於代
 噶封達賴爲西天大善自在佛所領天下釋教普通瓦赤喇但喇達賴喇嘛達
 賴歸與黃教重建布達拉及前藏各寺院六十二處又創修喀木康等處廟計
 三千七十七云是時順實汗先卒達賴又年老大權旁落於第巴桑結桑結詭遣
 內安局人冒喇化王貢使實則喇化王久經殘破廢爲喇嘛而屢次進貢仍書

清史稿

卷八

三

王名并請換敕印廉得其質斥之吳三桂王雲南歲遣人至藏熬茶康熙十三
 年三桂反詔青海蒙古兵由松潘入川桑結使達賴上書尼之且代三桂乞降
 及大兵圍吳世璠於雲南世璠制中甸維西二地乞援於藏其書爲貝子章泰
 軍所獲朝廷但駐守中甸未深問也康熙二十一年在布達拉寺寂年六十
 二當五世達賴之卒也第巴桑結以議立新達賴故與拉藏汗交惡桑結既以
 已意立羅布藏仁吉策養嘉錯爲六世達賴乃秘不發喪僞言達賴入定居高
 閣不見人凡事傳達賴命行之自是益橫既和準噶爾以殘喀爾喀蒙古復唆
 準噶爾以鬥中國又外構策妄阿拉布坦內閩拉藏汗遂招準兵寇藏之禍凡
 西北擾攘數十年皆第巴一人所致噶爾丹者亦四額魯特之一曾入藏爲喇
 嘛與第巴噶歸其汗自言受達賴封爲準噶爾博碩克圖汗又喀爾喀蒙古
 以入藏隔於額魯特乃自奉宗喀巴第三弟子哲卜尊丹巴胡圖克圖之後身
 爲大胡圖克圖位與班禪亞凡數十年矣至喀爾喀車臣汗與土謝圖汗構兵
 聖祖遣使約達賴和解之桑結奏使噶爾丹西勒圖往蒙語刺麻坐牀者爲西

勒圖達賴大弟子也而哲卜尊丹巴胡圖克圖亦奉詔莅盟壇與噶爾丹西勒
 圖抗禮噶爾丹使其族弟隨之觀變因責喀爾喀待達賴無加禮詬責之爲土
 謝圖汗所殺噶爾丹遂以報仇爲名製侵其部落喀爾喀集衆議投俄羅斯與
 投中國孰利哲卜尊丹巴曰俄羅斯持教不同必以我爲異類宜投中國興黃
 教之地遂定計東走聖祖申命桑結遣使罷兵桑結使濟隆胡圖克圖往反陰
 嗾之二十九年遂入寇漠南我兵敗之烏爾布通噶爾丹託濟隆代乞和頂威
 靈佛立誓而遁桑結內慚乃託達賴意合青海蒙古及額魯特各台吉上尊號
 聖祖不受詔曰朕與達賴期于撫育衆生而所遣堪布等故違意旨以到喀爾
 喀額魯特兩傷如能令其修和朕方欲加達賴嘉號此皆任事行人不能仰副
 朕心及達賴意致喀爾喀殘破額魯特喪敗朕心實爲隱痛復何尊號之可受
 乎來使貢物其發還屢達京師喇嘛入藏探之三十四年達賴入貢言己年邁
 國事次第乞錫封爵詔封第巴桑結爲土伯特國王三十五年聖祖親征噶
 爾丹至克魯倫河噶爾丹敗竄慰其部下曰此行非我意乃達賴使言南征大

清史稿

卷八

四

吉是以深入上謂達賴存必無是事乃遣使第巴桑結書曰朕詢之降番皆言
 達賴脫縮久矣爾至今匿不奏聞且達賴存日塞外無事者六十餘年爾乃屢
 唆噶爾丹與我樂禍道法安在達賴班禪分主教化向來相代持世達賴各果
 朕世當告諸護法主以班禪主宗喀巴之教爾乃使衆不尊班禪而尊己又阻
 班禪進京朕欲和解準噶爾部爾乃使有虧行之濟隆以往烏爾布通之役爲
 賊軍下日誦經張蓋山上觀戰勝則獻哈達不勝又代爲講欺以誤我追師繫
 爾祖庇噶爾丹之由今爲殄滅準夷告捷禮以噶爾丹佩刀一及其妻阿奴之
 佛像一佩符一遣使資往可令與達賴相見令班禪來京執濟隆以昇我如其
 不然朕且檄雲南四川陝西之師見汝城下汝其糾合四額魯特人以待其母
 悔桑結惶恐明年密奏言爲衆生不幸第四世達賴於壬戌年示寂轉生靜體
 今十五歲矣前恐唐古特民人生變故未發喪今當以丑年十月二十五日出
 定坐牀求大皇帝勿宣泄至班禪因未出痘不敢至京濟隆當竭力致之京師
 乞全其身命戒體并封達賴臨終尸體非像聖祖許爲秘之待十月宣示內外

而第巴使者歸途遇策妄那拉布坦會商噶爾丹之兵復宣言達賴已厭世爾部落兵毋得妄行策妄阿喇布坦哭而歸聖祖以第巴始終反覆持兩端乃追還其使傳集各蒙古宣示密封則像首已墮第巴使驚仆於地桑結忌策妄阿喇布坦盡收準部故地致噶爾丹無所歸奏防其猖獗而策妄阿喇布坦亦奏第巴奸譎及所立新達賴之偽欲藉詞侵藏聖祖以二人皆回測不之許也四十四年桑結以拉藏汗終爲己害謀毒之未遂欲以兵逐之拉藏汗集衆討誅桑結詔封爲喇法恭順拉藏汗因奏廢桑結所立達賴詔送京師行至青海道死依其俗行事悖亂者拋棄屍骸卒年二十五時康熙四十六年也論者謂達摩創法震且有一花五葉之說至六世啓衣鉢之爭故六祖不復傳衣鉢與宗喀巴至第六世達賴之事若一轍天數所極佛法不能違而況第巴詐偽出之以尊己擅權卒釀拉藏汗準噶爾相尋之禍六世羅布藏噶爾桑嘉穆錯於康熙四十七年在裏塘轉世生有異表右臂紋如法輪七歲與衆喇嘛談經均莫能難蓋有夙慧也五十二年蒙古諸台吉等遣兵取道德格迎至青海坐牀初

清史稿

卷八

五

拉藏汗既奏廢羅布藏仁吉策嘉穆錯別立博克達山之呼畢勒罕阿旺伊什嘉穆錯爲達賴聞其名忌之將以兵狀之其父索諾木達爾扎極負走乃免青海衆台吉以不辨眞僞爭詔遣官率青海使人往視拉藏汗奏前解僞達賴時曾奉旨尋眞達賴訪得博克達山胡畢勒罕以班禪言坐牀廷議以呼畢勒罕內幼侯再閱數年給封又以拉藏汗與青海台吉不睦遣侍郎赫壽協理藏務是爲西藏設官辦事之始然猶不常置也四十九年班禪拉藏汗會同管理藏務赫壽奏阿旺伊什嘉穆錯熟諳經典青海台吉信之請給冊印詔依其請而青海實不之信與藏中所奏互相是非聖祖恐其構讒詔羅布藏噶爾桑嘉穆錯徙至京不果行復令送紅山寺繼請送西甯宗喀巴寺青海貝勒察罕丹津等復尼之且以兵脅異己者詔大兵護送乃居宗喀巴寺聖祖以拉藏汗年近六旬一子青海駐紮一子策妄阿喇布坦處就婚恐託詞愛塔羅留不歸勢頗孤危况自殺第巴彼處人難保不生猜忌額魯特秉性多疑又甚疏忽倘事出不測相隔萬里救之不及詔令深謀防範五十六年策旺阿喇布坦遣台吉策

容敦多布等率兵六千徒步繞戈壁逾和闐南大雪山涉險冒瘴晝夜行赴阿里克陽言送拉藏汗長子噶爾丹忠夫婦歸拉藏汗不知備賊至達木始覺借仲子索爾扎拒交戰兩月不敵奔守布達拉始來疏乞援賊誘噶卜倫沙克都爾扎下將小招賊降唐古特台吉納木扎勒等開布達拉北城入戕拉藏汗拘其季子色布騰及宰桑等搜各廟重器送伊犁禁阿旺伊什嘉穆錯于扎克布里廟索爾扎率兵三十人潰走爲所擒其妻問道來奔詔優養之西安將軍額倫特率西寧松潘打箭爐噶斯丹會同青海諸台吉及土司屬下赴援至喀喇河遇伏敗歿賊復誘裏塘營官喇嘛歸藏於是巴塘察木多乍雅巴爾喀木皆爲所搖惑矣尋詔都統法喇移打箭爐兵屯裏塘護呼畢勒罕復令索諾木達爾扎傳諭營官喇嘛將抗不就撫者誅之傳檄巴塘察木多乍雅各籍其土及民數遂進屯巴塘策凌敦多卜懼返所掠而兵自巴爾喀木歸言唐古特有瘴癘浮腫難久處青海蒙古皆憚進藏愈慮達賴奏可隨地安禪興大兵恐擾衆王大臣懲前敗亦皆言藏地險遠不決進兵議聖祖以西藏屏蔽青海川滇

清史稿

卷八

六

若準夷盜據將邊無寧且且賊能衝雪絕險而至今何況我軍策凌敦多卜聞我師至自必望風遠遁俟定立法教後或暫留守視或久鎮其地唐古特衆皆爲我兵準夷若再至以逸待勞何難剿滅安藏大兵決宜前進詔封羅卜藏噶爾桑嘉穆錯爲宏法覺衆第六輩達賴喇嘛命皇十四子允禵爲撫遠大將軍屯青海之木魯烏蘇治軍餉平逆將軍延信出青海定西將軍噶爾弼出四川兩路掃藏藏人亦知青海達賴之眞藏中舊立之贖合詞請於朝乞擁置禪榻詔許給金冊印於是蒙古汗王貝勒台吉各自率所部兵或數百或數千隨大兵扈從達賴入蒙策凌敦多布由中路自拒青海軍分遣其宰桑以兵三千六百拒南路將軍噶爾弼招撫裏塘巴塘番衆進至察木多奪洛隆宗嘉玉橋之險旋奉大將軍檄俟期並進噶爾弼恐期久糧匱用副將岳鍾琪以番攻番計招土司爲前驅集皮船渡河置擄拉薩降番兵七千宣諭大小第巴及喇嘛封達賴倉庫分兵塞險扼賊餉道而青海亦三敗其中途劫營之賊斬俘千計額魯特進退受敵遂大潰不敢歸藏由克底雅北竄崎嶇凍餒得還伊犁者不及半

五十九年九月十五日達賴至布達拉坐牀出阿旺伊什嘉穆錯於禁所發回京師廢之盡誅額魯特喇嘛之助逆者留蒙古川漢兵四千命公策旺諾爾布總統成藏額爾齊斯都統武格參贊軍務以藏遣臣空布之第巴阿爾布巴首向效順同大兵取藏阿里之第巴康濟能截擊噶爾回路俱封貝子隆布奈親身歸附授輔國公理前藏務頗羅能授扎薩克一等台吉理後藏務各授噶卜倫於是裏塘所屬之上下牙色巴塘所屬之桑阿壩林卡石等番次第歸順郭羅克之吉宜卡納務押六等寨先後勦撫矣雍正元年召回允禔等撤駐藏防兵設成於察本多二年青海喇嘛助羅卜藏丹津之叛青海諸寺喇嘛眾各數千卒起騷動章嘉胡圖克之呼畢勒罕拒戰於郭隆寺察汗諾門汗亦黨賊助戰石門寺喇嘛陽稱投順陰肆劫掠夾木燦堪布將竄藏年羹堯等討平之世宗謂玷辱宗門莫斯為甚乃收各寺明國師禪師印并定廟舍毋逾二百僧眾毋逾三百人五年七月阿爾布巴降布奈扎爾能特與達賴姻爭貝子康濟能之權聚兵害之欲投準噶爾詔吏部尚書查朗阿率川陝漢兵萬有五千進討

清史稿

漢部八

七

未至而台吉頗羅能率後藏及阿里兵九千自潘玉口至喀巴先遣兵千餘衝破喀木卡倫與隆布奈兵交綏夜西藏斥候俱歸頗羅能率兵直抵拉薩駐藏大臣馬喇僧格往布達拉護送賴各寺喇嘛將阿爾布巴等擒獻送馬拉所查朗阿至誅首逆及其孥詔以頗羅能為貝子總藏事賜犒兵銀三萬兩留大臣正副二人領川陝兵二千分駐前後藏鎮撫是為大臣駐藏三年一代之始收巴塘裏塘四川設宣撫司治之中甸維西隸雲南設二廳治之是年策妄阿喇布坦死子噶爾丹策零立請赴藏熬茶又聲言欲送還所虜拉薩汗二子詔嚴兵備之移達賴於裏塘之惠遠廟八年遷於泰寧護以兵千每年夏初西藏官兵赴防北路騰格里海之隘以備準夷冬雪封山撤兵蓋通準夷之路有三其極西山葉爾羌至阿里山隔大山迂遠易備其東路之喀喇河又有青海蒙古隔之中路之騰格里海逼近衛地故防守猶要并以頗羅能子珠爾默特策布登統阿里諸路兵保唐古特授為扎薩克一等台吉追念康濟能前勦無嗣以其兄噶錫色布登喇布陣亡阿里封其子噶錫巴納木札勒色布騰

為輔國公尋授噶布倫達賴之父索諾木達爾扎亦授輔國公晉頗羅能貝勒十年拉達克汗德忠納木札納奏臣理國事尊釋教偵準噶爾情輒以告優詔答之準噶爾請和詔果親王偕章嘉胡圖克圖送達賴由泰寧歸藏減戍藏兵四之三章嘉胡圖克圖為達賴請巴塘裏塘前藏以其為達賴所降生諸土司建寺安禪制最宏麗也詔以其地商稅年銀五千兩賜之地仍內屬十一年以頗羅能勤勞懋著預保子襲郡王爵頗羅能子二長珠爾默特策布登病足次珠爾默特納木札勒兄弟互讓而頗羅能愛少子請以次子為長子允之又嘉長子之讓詔封鎮國公仍鎮守阿里頗羅能善服眾為諸噶卜倫所敬事有綏奔喇嘛扎克巴達顏者書其名極詛之事覺頗羅能欲弭變輕議其罪溫諭嘉獎謂鎮壓左道不足思其借達賴協輯唐古特眾準噶爾使再入藏熬茶駐藏副都統傅清等遣員率喀拉烏蘇兵監視頗羅能以暴疾亡以珠爾默特納木札勒襲爵兼理噶卜倫以班第達協理藏務世宗恐其少不更事未能服眾或以綏奔喇嘛扎克巴達顏故與達賴構隙不肯眾起而問之不無滋事虞諭

清史稿

漢部八

八

傳清留意體察而卒有乾隆十五年珠爾默特納木札勒之變時準噶爾台吉策妄多爾濟納木札勒復遣使赴藏熬茶入寺說避痘以已卒守門不令官兵從詔以準噶爾殺其飭嚴防雖歸巢勿稍忽而珠爾默特納木札勒以駐藏大臣不便於已乘機奏藏地靜謐請撤駐防兵廷議以不從撤兵請適足滋疑不如此之信詔可諭達賴勿令準噶爾入藏雖固請弗允珠爾默特納木札勒又詭稱準噶爾襲唐古特至碩翁圖庫爾遣兵備喀拉烏蘇徒達木番眾不數旬揚言準噶爾至阿哈雅克自率兵往備駐藏提督索拜遣旺對赴喀拉烏蘇備之比至無蹤有詔撤喀拉烏蘇兵及達木番歸牧勿惑眾初郡王頗羅能以女妻班第達至是班第達察珠爾默特納木札勒有逆志不之附珠爾默特納木札勒惡之奪其孥駐藏副都統紀山劾珠爾默特納木札勒妄戾請撤其兄協理藏務高宗不允諭紀山善導之勿露防範迹已而珠爾默特納木札勒以珠爾默特策布登布發阿里兵擾藏告蓋計陷之也因諭傅清曰珠爾默特納木札勒年幼躁急性好滋事若果無他故兄欲進兵至藏是特兄弟互相侵犯耳

若其兄並無此事而造言誣構則宜相機辦理十五年珠爾默特納木扎勒以兵戕其兄珠爾默特策布登于阿里詭以兄暴疾聞請收葬并育兄子時其兄子朋素克旺布及珠爾默特汪扎勒皆居後藏珠爾默特納木扎勒以兵往戕朋素克旺布陽稱逃亡珠爾默特汪扎勒依班禪為喇嘛乃免傳清拉布敦以珠爾默特納木扎勒携兵離藏告蓋是時珠爾默特納木扎勒既襲殺其兄復通書餽物準噶爾請兵為外應私携械至後藏誣籍噶卜倫班第達及第巴布隆贊等旋達木距前藏三百餘里擁眾二千餘不歸奏至詔俟副都統班第自青海赴藏討罪復諭四川總督策楞提督岳鍾琪馳兵往會而賊勢猖獗驛道梗塞軍書不通者旬日傳清借拉布敦計不急誅必據唐古特為變召珠爾默特納木扎勒至待諸樓甫登起責其罪曰爾違天子令且忘爾父無君無父罪不可赦傳清趨前扼其臂拉布敦拔佩刀割之諭會從罔治有羅卜藏扎什者趨下呼賊千餘突至聚圍樓集焚遂賴道番僧往護不得入傳清拉布敦死之上嘉憫傳清等靖逆遇害均追贈一等伯特建雙忠祠以祀班第達奔守達

清史稿 卷九

賴集兵拒逆即命班第達以輔國公攝噶卜倫分其權而總其成於達賴設噶布倫四戴琿五第巴三堪布三分理藏務隸駐藏大臣及達賴轄增駐防兵千有五百成藏以達木番歸駐藏大臣轄視內地例設佐領驍騎校各職并於準噶爾通藏隘設汛嚴防二十二年蕩平伊犁始永無準夷患是年達賴在布達拉圓寂時年五十七輩羅布藏降自嘉穆錯羅桑布於乾隆二十三年在後藏拖結熱拉岡出世二十七年迎至布達拉坐牀三十年由班禪班熱伊喜傳授小戒三十三年親至前藏攢招隨登色拉布齊喇嘛勒丹三大寺講經之座四十二年山班禪傳授格隆大戒四十六年頒給勅書金册金印賞達賴之兄索諾木達什輔國公四十八年頒玉册玉印凡遇國家慶典准其鈐用其尋常奏書文移仍用原印五十三年廓爾喀侵犯藏境初第六輩班禪之歿及京歸舍利於藏也凡朝廷所賜賚在京各王公及內外各蒙邊地諸番所供養無慮數十萬金而寶冠瓔珞念珠晶玉之鉢鍍金之袈裟珍慶不可勝計其兄仲巴呼岡克圖悉瑪為已有既不布施各寺番兵喇嘛等亦一無所與其弟瑪爾巴垂

涎不遂憤咬廓爾喀籍商稅增額食鹽糶土為詞興兵擾邊唐古特私和廓爾喀朝廷所遣之侍衛巴忠成都將軍鄂輝總兵成德等實陰主其議令堪布等許歲幣萬五千金於是廓爾喀飽颺而去巴忠等以賊降飾奏諷廓爾喀入貢受封國王五十四年七月廓爾喀遣人至藏表貢並致駐藏大臣書請如前約鄂輝恐發覺私許之欺屏不奏次年藏中幣復爽約五十六年七月廓爾喀復大入寇占據拉木誘執噶布倫丹津班珠爾以歸八月復占據濟隴保秦等邊班禪于前藏廓匪進擾薩加滿遂至扎什倫布仲巴呼圖克圖遁九月都司徐南騰堅守官寨廓匪大掠扎什倫布財物以歸巴忠扈從熱河聞變沈水死鄂輝成德奉命赴藏剿禦皆逗留不進十月保泰等請移達賴班禪於秦甯上嚴斥之而嘉達賴之拒其議命嘉勇公福康安為將軍超勇公海蘭察為參贊大臣率索倫達呼爾兵及屯練土兵進討其軍餉則藏以東四川總督孫士毅主之藏以西駐藏大臣和琳主之濟隴邊外則前督惠齡主之五十七年正月鄂輝等始復拉木二月帕克哩營官率番兵收復哲孟雄宗木地方是

清史稿 卷十

月陷冠之第巴博爾東自陽布回藏唐古特私許歲幣事覺詔以保泰雅滿泰隱匿不奏革責枷號三月授福康安為大將軍連仲巴呼圖克圖于京四月添調川兵三千赴藏閏四月福康安自定日進兵趨宗喀五月克搽木復濟隴是月十五克熱索橋遂入廓境二十四克魯布魯喇卡六月福康安海蘭察等進攻東覺並雅爾賽拉博爾東拉諸處皆克之成德等亦攻克扎本鐵索橋六月廓曾拉特納巴都爾送道大頭人乞降送出丹津班珠爾及前俘之兵七月福康安攻克噶勒拉堆補木奪橋渡河深入廓境七百餘里將迫其都陽布都統銜斐英阿等陣亡成德亦進克利底大山賊卡廓會復呈繳唐廓前立合同獻所掠扎什倫布財物及沙瑪爾之屍八月廓爾喀遣使進貢福康安以廓爾喀屢請投誠奏入奉旨受降時以廓境益險八月後即雪大封山因允所請於是福康安率大兵凱旋撤回藏議定善後章程駐藏大臣與達賴班禪平等噶布倫以下由駐藏大臣選授前後藏番歸我設之遊擊都司節制訓練自行設鑼鼓鑄銀幣設糧務一員監督之至是我國在藏始具完全之主權初達賴班禪

及各大呼圖克圖之呼畢勒罕出世均由垂仲降神指示往往徇私不公為世
 詭病甚至哲卜尊丹胡圖克圖示寂適土謝圖汗之福晉有妊眾即指為呼畢
 勒罕及彌月竟生一女尤貽口實而達賴班禪親族亦多營為大呼圖克圖以
 專財利致有仲巴兄弟爭利咬噬夷入寇之禍而達賴兄弟收仲綏綏等充商
 卓特巴肆行舞弊占人地畝轉奉不敬黃教之紅帽喇嘛令與第穆呼圖克圖
 濟隴呼圖克圖同坐且與眾喇嘛飲取銀兩並將商上物件暗中虧缺來藏熬
 茶人應得路費皆減半發給有傷達賴體制因之特來參見者日減殊失人心
 高宗乘用兵後特運神斷創頒金奔巴瓶一供於藏之大招遇有呼畢勒罕出
 世互報差異者各書名於牙籤封固納諸瓶中誦經三日大臣會同達賴班禪
 於宗喀巴佛前啟封擊之至扎薩克蒙古所奉之呼圖克圖其呼畢勒罕亦報
 名理藩院與駐京之章嘉呼圖克圖或喇嘛印務處掌印掣定瓶供雍和宮而
 定東科爾入官之限嘉慶九年十月達賴有疾命成都副都統文弼帶醫馳往
 看視未抵藏達賴已於是月在布達拉圓寂年四十有七八輩阿旺隆安嘉穆

清史稿

藩部八

十一

錯擺桑布於嘉慶十年在康巴熱曲科轉世年二歲異常聰慧早悟前身奉特
 旨即定為呼畢勒罕毋庸入瓶掣掣十三年九月迎至布達拉坐牀賞達賴之
 叔洛桑捻扎朗結頭品頂戴十八年山班禪傳授小戒時達賴幼穉噶卜倫乘
 機舞弊將達賴莊屋侵占並將辦事人隨事更換發賊自肥公肆劫掠命成都
 副都統文弼西甯辦事大臣玉崑馳查辦并究噶卜倫策拔克與成林互訐
 經訊噶卜倫策拔克率意更定章程四條以內地治理民人之法概行禁止致
 邀眾怨成林挪移庫欸分別斥革發伊犁烏魯木齊効力贖罪此藏事之內潰
 也至外事之勢亂則廓爾喀噶其乃爾與其王被誅逆黨熱納畢各嘯竄逃
 至唐古特又與披楞開戰求達賴班禪助欸布魯克部長曲扎曲勒請賞王爵
 文弼匿不奏聞帕克哩營官勒索其進關貨物違犯擊毀哲孟推部請賞唐古
 特莊田并定邊界緬甸國男婦私與藏中胡圖克圖文件往來藏事已岌岌可
 危矣二十年二月在布達拉圓寂年十一歲九輩阿旺羅布降丹增楚稱
 嘉穆錯擺桑布於道光二年三月晦奏明在大招金奔巴瓶內掣定八月迎至

布達拉坐牀遺章嘉胡圖克圖由京馳藏照料奏定噶勒丹錫瑪瑪第巴
 克什為正師傳噶勒丹舊池巴阿旺念扎及榮增班第達甲木巴勒伊喜丹貝
 嘉木磋為副師傳尋以傳授達賴經典三年有餘其未得諾們汗之榮增班第
 達亦賞給諾們汗賞達賴之父羅布藏捻扎頭品頂戴十四年由班禪傳授格
 隆大成十五年博窩滋事番降設曲木多寺四品番目管官一宿四宗哲伊
 沃有茹寺三處六品番目各一宿木宗普龍寺湯堆批批三處七品番目各一
 藏西南徵外有哲孟雄者唐古特之屏藩也自五輩達賴以來因其崇信黃教
 歸達賴管轄乾隆五十六年駐藏大臣奏哲卜雄作木郎二部落每與達賴班
 禪通書訊惟不聽藏中調遣被廓爾喀佔已有十年經福康安檄令協勦奪
 回侵地藉稱天熱畏懼不前迨聞廓爾喀歸順復思藉天朝威勢斷還六輩達
 賴所定舊界經福康安等駁斥畫分邊界不能自由入藏而夏秋之間該部落
 因地方炎熱仍准其來卓木曲批避暑于七輩達賴時曾將唐古特界內卓木
 曲批迤西奪扎之莊田賞給作為養贍歷年自行征收錢糧青棵卓木之民常

清史稿

藩部八

十二

至哲孟雄往來貿易其部長之妻亦唐古特人常遣人赴廓部長住所距藏僅
 十一站至卓木曲批避暑處在帕克哩以外與藏僅隔一山不三站設有鄂博
 並無要隘相安無事者有年自不准赴藏而始有請求給地之奏及請賞卓木
 雅納紳之民不得已有請賞給帕克哩營官之缺前藏商上向與後藏商卓特
 巴離離時噶勒丹錫瑪瑪第巴克什尤為貪奸不公不法凡後藏代其陳
 請者輒責其貪鄙無知文幹等飭噶卜倫嚴斥謂無妄求管理藏地所屬職官
 民人之理并定八年來藏一次之限廷臣又知詳情尤之文幹等僅行文藏內
 文武嚴查而不敢譯旨欽尊蓋恐一經宣布部長必有理申明也而其部長每
 歲請赴藏熬茶及入藏避暑如故道光四年松廷等始將前奉諭旨專扎
 明示並隨時嚴行駁飭五年班禪據報詳請哲孟雄部長楚普耶結訴稱自
 不准赴界上年人民病斃者一千有餘再達賴坐牀已逾數年各部落俱得赴
 藏朝見而舊所屬之人獨抱向隅實無面目見其部民於是始准其暫居避暑
 仍令帕克哩營官防範稽查在當時文幹誤聽前藏一面之詞不查實情率行

一第 200 丹 貴參四庫 88 反及

具奏文幹等既知困難有失字小之道而猶遠就其詞准其來藏熬茶一次蓋以準噶爾視哲孟雄而哲孟雄離心離德甘為印度屬地至有捻都納之敗而西藏之門戶洞開矣十七年在布達拉圓寂年二十二第阿旺改桑丹貝卓密凱珠嘉穆錯於道光十八年九月朔在噶達轉世二十一年五月奏明在金奔巴瓶內掣定由班禪披髮授戒賞其父策旺額柱公爵十月拉達克部落勾結生番佔踞藏境一千七百餘里奪據達壩噶爾及雜仁三處營寨經駐藏大臣派戴琿等率兵攻勦并將矛手番兵改挑槍兵收復補仁營寨又噶爾布倫等帶兵四面夾攻殄斃森巴及拉達克大小頭目四十餘賊匪二百餘拉達克頭人八底部長乞降公稟投歸唐古特商上願繳所占凡湯及達壩噶爾四處營寨並准堆噶爾本空金番民酌定五百名由前後藏番民內擇精壯派往充當金夫派戴琿一如琿二甲琿二定駐守教習技藝二十二年四月由前藏進東日申寺迎至布達拉坐牀二十四年以濟隴呼圖克圖阿旺羅布藏丹貞嘉木錯為正師傅以降孜曲結喇嘛羅布藏冷竹布為副師傅駐藏大臣琦善

清史稿

卷八

十三

奏參噶勒丹錫塔圖薩瑪第巴克什諾們汗阿旺扎木巴勒楚勒齊木巴什擅作威福貪贖營私所有被控各款訊擬結奏聞經理藩院議得已革諾們汗阿旺扎木巴勒錯齊木洮州夷僧本係入册檔一徵未喇嘛自其前輩歷受三朝重恩在雍和宮傳經旋命赴藏坐宗喀巴牀派充達賴師傅勅封諾們汗薩瑪第巴克什名號遞加衍宗喇嘛教靖遠懋功禪師又加賞達爾汗履頒御書匾額以榮之宜如何清潔潛修公正自矢乃不知知守分膽敢需索番屬財物侵占百姓田廬私拆達賴所建房屋擅用未蒙恩賞輻輳更強據商產隱匿逃人鈐用印信不在公所進呈貢物不出已資濫支濫取任性聽斷恣意侵凌甚至達賴起居不能加意照料房內服侍無人以致達賴頭上帶傷流血不止始則忽而不防繼且知而不問蓋當達賴受傷時隨侍只森琿一人此森琿即為該諾們汗之隨侍近兩輩之達賴每屆接辦印務以前輒即圓寂不得安享遐齡其中情節殆有不可問者即放一扎薩克喇嘛勒取財物盈千累萬猶屬駭人聽聞詔令將歷得職銜名號全行褫革追勒剝黃名下徒眾全行撤出廟內查封

發往黑龍江安置所有財產查抄變價賠償修葺各廟宇旋命釋回交地方嚴加管束復指輪銀兩請回前藏又因廓爾喀軍事請求開復回藏均嚴旨不允迨同治初元病歿土爾扈特王復請指輪銀兩代求轉世始曲允其已轉世之呼畢勒罕得令為僧琦善奏改章程二十八條又奏罷稽查商上出入及訓練番兵成例故事商上出入所有一切布施金銀均按季奏報自琦善奏定後而中國御藏之財權失又駐藏大臣及兵丁俸餉向由廓爾喀經費內撥交商上生息以資公用及琦善議改章程將生息收銷一切由商務供給迨後中國駐藏一切開支藏人漸吝供給而不知當日實有資本發商生息并非向商上分肥總之乾隆所定制度蕩然無存矣是年十二月敕諭第十一輩達賴喇嘛曰咨爾達賴喇嘛朕撫綏寰宇敷錫兆民期一道以同風黃九垓之偏德亦賴洪宣梵義普結善緣導引羣生同參勝果其有能通上乘繼聞正宗使諸部愚蒙悉資開悟者宜加多楛獎元沛寵封茲以爾慧性深沈經文諳習

清史稿

卷八

十四

既著靈蹤於幽歲益堅戒律以壯年承襲以來皈依者眾朕甚嘉之故特依前章達賴喇嘛例封爾為大善自在佛所領天下釋教普通瓦赤拉哩喇嘛達賴喇嘛改受金册爾尚振修黃教主特烏斯本利濟以佑民迷麻祥而護國所有圖伯特事務其悉依例董率噶布倫等妥協商辦報明駐藏大臣轉奏俾圖伯特圖境延益眾蒙福彌勤啓迪用副綏懷茲隨册齋往金銀綵幣磁器皿爾其敬承以光我國家億萬年無疆之休命欽哉二十六年十二月琦善以披楞即英人請定界通商開詔者英以守成約拒之二十七年七月耆英復以英德使請於西藏指明舊界派員前往開諭駐藏大臣斌良密查如無流弊自應照舊奏准允行倘心懷詭譎即當據理駁飭並諭海善派員往查事尋中載二十八年賞公爵策旺額柱寶石頂雙眼花翎咸豐二年達賴親往布賚棚色拉噶勒丹及南海壇科各寺院熬茶講經詔幫辦大臣額勒亨額爾照料尋病歿由駐藏大臣穆騰額奉駐藏守備童星魁前往護送三年達賴以髮逆滋擾各省虔誠念經禱賊匪速滅奉旨嘉獎四年十月理藩院議覆給給奏達賴年

已及歲應宜任事得旨達賴明年既已及歲一切事務交伊掌管所有賞給前輩之玉册玉印凡遇吉祥之事准其鈐用如常事仍用金印以示廣興黃教至意五年正月遵旨掌管政教事務十二月在布達拉圓寂年八十一輩阿旺羅布羅丹貝甲木參稱嘉穆錯於咸豐六年在沃卡堪卓轉世八年正月奏明在金奔巴瓶內掣定九年七月迎至布達拉坐牀賞達賴之父彭錯策旺公爵先是二年四月廓爾喀商人與察木多番商索債起衅聚眾械鬥互有殺傷經駐藏大臣穆騰額照例分別罰款完案嗣因多收稅米阻撓商民藉端與藏邊失和唐古特屢戰不勝宗喀濟囉拉木等處均陷於賊駐藏大臣赫特賀馳往後藏督辦防勦事宜命成將都軍樂斌統漢土官兵繼進廓番聞大兵將至懼遣其噶策來藏上表乞和詔許罷兵唐古特與廓爾喀議定約十條唐古特每年給廓爾喀稅銀二千兩廓爾喀將所占地方交還唐古特商上管理同治元年掌辦商上事務呼圖克圖因減放佈施連同色拉寺與布查棚噶勒丹兩寺閔不勝藏中僧俗公斥之携印潛逃赴京詔黜其名號不准轉世

清史稿

藩部八

十五

命諾們汗汪曲結布協理商上事務汪由結布者原係俗裝曾為噶布倫印俗所謂沙扎噶隆是也因與噶微忤辭官削髮為僧至是復起用乃創修拉薩城垣自西而東工未竣而歿遂罷役初駐藏官兵自遊擊以下均聚居扎什敦布營房時駐藏大臣滿慶以藏中屢不靖命遷拉薩市從此僦屋而居扎什城之營房遂廢三年噶勒丹池巴羅布藏青饒汪曲為達賴傳授小戒際對番久圍裏塘梗塞驛路其酋工布朗結復令期美工布大股逆賊至巴塘裏塘交界之三壩地方劫去糧員行李搶奪由藏發出摺報公文其格吉地方亦有告急夷信工布朗結曾於道光末滋前任川督琦善帶兵往勦並未蕩平以際封歸各土司侵地奏予工布朗結職罷兵至是益無畏懼將附近土司任意蠶食川藏商賈不通兵餉轉運難艱漢番均困駐藏大臣滿慶派番員徵兵借餉並約三十九族調集各處土兵防勦際對西北川督駱秉章派員督飭打箭鎗及巴裏文武同明正土司及大小金川等土司兵進攻其東南而藏中所派之兵甫至巴塘董旋即拍掠詔令撤回至四年事平奉旨將上中下三際地方賞給達

賴管理建廟焚修賞達賴之兄伊喜羅布汪曲承襲公爵七年親至前藏撥招八年捐修扎林噶舒金塔十年親往布查棚色拉二寺熬茶講經十二年親至前藏撥招是年二月遵旨接管政教事務十三年及光緒元年均親至前藏撥招是年三月在布達拉圓寂年二十二世阿旺羅布藏塔布克嘉穆錯於光緒二年五月在達布甲營官屬下嗣賴家轉世至是呼畢勒罕訪獲班禪率同有職各僧俗人等出具圖記公稟懇請駐藏大臣淮松代奏奉旨毋庸入瓶簽掣即定為達賴之呼畢勒罕四年正月在貢湯德娃夫由班禪披髮授戒取定法名六月迎至布達拉坐牀銷去呼畢勒罕名號賞達賴之父工噶仁青公爵寶石頂孔雀翎八年正月由正師傳濟囉呼圖克圖傳授戒十年因撥招各處喇嘛集與巴勒布商人購物起釁將巴商八十三家全行劫毀廓爾喀因索償損失銀三十餘萬兩並集兵挾制駐藏大臣色楞額奏派漢番委員前往開導曉以恩威始允減為十八萬有奇除唐古特商上捐籌及清出貨物抵價外尚不敷銀六萬七千餘兩奉旨由四川撥給十一年親至前藏撥招十四

清史稿

藩部八

十六

年工噶仁青故賞達賴之兄賴柱奪吉公爵是年親往布查棚色拉寺熬茶講經十五年親至前藏熬招當達賴降生之年哲孟雄與布魯克部長因其併印度與哲布接壤漸有窺藏心諭請籌備而廷旨不甚注重謂披楞頭人現向布魯克部長租地修路意欲來藏通商惟布魯克巴與哲孟雄毗連哲孟雄既已認租修路難保不暗中勾結引進詔松准相機開導務令各守疆界勸諭阻回哲人知中朝不知邊情反疑其勾結滋事於是漸昵英人以捻納為英租界英竟視為保護地藏人漸覺英之逼已訟言哲人私結英約屢議伐之哲乃益親英矣光緒十三年藏人於隆吐設卡遂與印度兵戰敗焉朝旨屢諭駐藏大臣文碩令藏人撤卡文碩奏實藏地卡無可撤嚴旨責焉以升泰代之總署與英使議邊界通商戒印兵毋進藏藏番據新圖以隆吐日納宗為藏地堅勿讓文碩據以入告而中旨謂向來西藏圖說藏地與哲布分界處東西一線相齊藏境中並無隆吐日納宗之名今文碩寄來新圖隆吐日納宗在藏南突出一塊插入哲布兩界之內而布藏分界之處恰在捻納修路東西一線之北新圖

以黃色爲藏界而日納管官寨之地註明數十年前喇嘛給與哲孟雄現仍畫黃色正與隆吐山相近難保非藏人多畫此一段飾稱現界也並著升泰詳細確查究竟降吐屬哲屬藏據實覆奏毋得稍有捏飾時樞廷以都察院劾文碩革之而升泰初到任時猶知藏人理直奏稱隆吐山南北本皆哲孟雄地方英人雖視爲保護境內其實哲孟雄布魯克巴皆西藏藩屬每屆年終兩部長必與駐藏大臣呈遞賀稟駐藏大臣厚加厚賚以撫綏之在唐古忒則自達賴喇嘛以次均有額定禮物商上亦回賞銀正銀茶與兩部回信底稿均呈送駐藏大臣查核批准照繕始行回覆哲布兩部遇有爭訟亦稟由藏酌派漢番辦理此哲布爲藏地屬藩實在實情形也執政置弗理藏人知文碩被議不直中朝所爲遂自動思復仇諭升泰嚴止之僉憤藏人誓衆曰凡我藏衆男女誓不與英人共天地有渝此誓衆共殛之乃大集兵於帕克哩將痛擊印軍升泰搜得乾隆五十三年舊哲孟雄受逼於廓爾喀達賴乃以日納宗給哲人今哲私通英人地應收回升泰屢諭不從印兵攻熱勒巴拉山藏兵傷亡數百印兵追入

清史稿

滿部八

十七

微畢各印度政府令勿窮追諭駐藏大臣赴邊界與印官會晤英外部告駐英使劉瑞芬商議和平了結藏人謂英若據有哲地則誓不共立十四年八月印兵大隊收哲孟雄全部攻藏兵於捻都納藏兵敗退咱利亞東朗熱諸隘並失藏萬餘盡潰印兵追噶布倫等於仁進岡與駐藏大臣所遣止戰之武員蕭占先遇占先暨漢字印兵印兵止槍約相見占先約勿窮追印兵官欲擊仁進岡民居占先告以此爲中國土藏番違旨用兵中國當嚴爲處置請勿燒兵兵官諾之要約速辦乃退兵藏兵既大敗失地仍志在復仇升泰屢嚴止之不聽藏人目漢官爲洋黨屢欲暴動終南所憚而止印官以天寒不能再緩升泰即至邊界議約而藏衆以噶布倫中一二人主和有壞黃教羣議投之藏江力要駐藏大臣代索回哲孟雄布魯克巴全境否則傾衆一戰藏兵復集大隊備四路升泰撲藏力阻之仍百計諭藏僧成藏番毋妄動乃馳赴邊界議約時五寒人馬多凍斃抵帕克哩際外藏兵尙有萬人駐仁進岡升泰命撤退藏官言大臣尙未與印官晤未敢遽撤乃退紮數十里哲孟雄部長命其弟來謁言來見

爲印兵所阻升泰與英官保爾會於納蕩英官言哲孟雄與印度互立約已二十七年應歸印度保護藏與印構兵藏既屢敗我兵何難長驅捲藏全土以邦交故按兵靜候並索藏賠兵費升泰督哲爲藏屬從前印哲立約並未見印督照會藏番亦未赴印境滋擾藏費無名英人又在布魯克巴及後藏干湖修路藏人又大震英官要求甚奢升泰力折之藏人漸就範升泰屢要英撤兵英不可而藏衆已成軍之三大寺僧兵及駐仁進岡之兵萬餘皆撤退噶布倫及領神僧官十餘其他番官數十員隨升泰至邊皆駐仁進岡總署派英人赫政赴藏以哲事未能卸竣大雪封山運糧無所亦退駐仁進岡總署派英人赫政赴藏充通譯哲孟雄部長之母率所屬親族連名上稟言英官當年立約不得過日喜曲河哲孟雄租地與英歲應納一萬二千圓英人倚其國勢歲久不給印藏構毀復致殃及伊母子親族實不願歸英乞勿將哲境劃出版圖之外英人既掠哲地全境復押哲部長安置噶倫以重兵駐哲境招印度及廓爾喀遊民闢地墾荒廷議以哲事無從挽救慮梗藏議諭升泰勿布布魯克巴地數倍哲

清史稿

滿部八

十八

孟雄西人呼爲布丹國光緒間尙入貢升泰至邊部長遣兵千七百人護衛升泰慮爲英口實謝去並乞印綬封號升泰允代請諸朝藏哲舊界本在雅納支木兩山其後商人往來之咱利爲新闢捷徑西人稱熱勒巴勒嶺升泰議於咱利山先分藏哲界以符前案其印哲之界在日喜曲河擬於約中注明印哲立約在咸豐十一年無案可稽實勿論哲部長土榮朗思印度稱爲西金玉既被幽於噶倫其母及子尙居春不即英人所稱徵畢也印管假部長書取其兩子赴噶倫細部長母堅不可挈其兩孫至升泰營哭訴巧中朝作主升泰無以援之也英人又欲易置其部長升泰婉止之赫政阻雪久不達十五年二月藏兵盡撤歸升泰請總署告英電印兵速撤三月赫政至邊藏兵盡撤藏人言藏哲本有舊界日納宗既賜哲孟雄其隆吐山之格歷傾倉地實有藏人遊牧場確爲藏哲舊界至咱里山本無鄂博不過上年實於此限止印人耳通商極非所願然不敢違朝命惟咱利以內洋人萬不可來赫政赴營與議英人謂咱利之界萬不可移至哲孟雄與商上及駐藏大臣尙有禮節均可仍之惟西金界

內藏番不得有此權允此方可開議升泰諾焉印兵既撤退英人尙久不訂約升泰奏云聞藏人言與有仇之英議和執若與無仇之俄通好俄人前次來藏我等備禮勸阻俄即退去今英謀吾地偶爾戰勝遂恣欺凌實所不甘查去年俄人有田和崗至藏之請如英再延宕則藏更生心本年蒙古人由草地禮佛絡繹不絕隨來者頗類俄人設藏番私與通款則稽查不易邊事久不定局俄或私行勾結藏番英俄互相猜忌則後患方長乞使電催印督速定藏約十月升泰奏英人擬撤兵之後悉照向章不必辦理通商不必另立新約通商一事本英官初次會議印行提出又屢言西人欲至藏貿易答以番情疑詐萬難辦理然後許至江孜力言再四又許退至帕拉仍復力拒英官意拂然彼時首重通商否則萬難了結臣力諭藏番通商萬不可免始據藏番出具遺結今英人忽不言通商亦自有故當日英人深知藏番於此事力拒數年意謂藏番必不遵行故借以為難今知出結遵辦恐定約以後他國援以為請則藏地不能入其範圍是以忽議中止然英人不議通商藏人實所深願但能不自啟覺端

清史稿

藩部八

十九

未嘗不可暫保無事俄人亦不能有所干求目前亦可免生枝節惟日後防範宜嚴未可再涉疏懈現藏印均已退兵前恐已釋自應彼此立約以昭信守彼族恐一經定約即不能狡焉思逞故任意延緩惟自入夏至今曠日持久虛糜時日萬難再延請速商英使退電印督速行議結哲孟雄部長言願棄地居春不升泰止之十六年二月以升泰為全權大臣與印督定約八款自布坦交界之支英界山起至廓爾喀邊界止分藏哲界線承認哲孟雄歸英保護藏印通商交涉游牧三款俟議定約於印度孟加拉城鈐印後由大臣薛福成在倫敦互換五月給布魯克巴部長印十七年三月升泰奏移設納金要隘八月二泰奏奏改關游歷等部藏番不遵開導請仍在亞東立市下所司知之十九年十月派四川越嵩營參將何長榮稅務司赫政與英國政務司保爾在大吉嶺議定藏印通商交涉游牧條約九款開亞東為商埠聽英商貿易添設靖西廳同知監督之印政府派員駐紮察看商務自交界至亞東任英商隨意來往藏界內英人與中藏人民訴訟由中國邊界官與英員商辦印度遞駐藏大臣文件

由印度駐哲孟雄之員交中國邊務委員驛遞藏人至哲孟雄游牧遊英國定章與原約一律奉行此約既訂藏人以通商事英人獨享權利而游牧事藏人反受限制於亞東開埠之事不肯實行二十一年正月榮增正師傳普爾覺沙布囉為達賴傳授格隆大戒是年草辦商上事務前榮增師傳第穆呼圖克圖因病辭退十一月遵旨接管政教事務二十四年際對與川屬明正土司構辭四川總督鹿傳霖奏明派兵攻取際對成都將軍章恭壽駐藏大臣文海先後奏陳而達賴亦密遣喇嘛羅桑稱勒等赴京呈訴於是朝廷俯順番情命將三際地方仍實達賴毋庸改歸四川管理是年親赴色拉布賽細噶勒丹三大寺熬茶講經二十五年親往歸前撥招二十六年殺其前掌辦商上事務榮增正師傳第穆呼圖克圖阿旺羅布藏稱勒饒結及其弟洛策等第穆所居之闌宗寺財產全行查抄入己並咨請駐藏大臣裕綱代奏將第穆呼圖克圖名號永遠革除是年親赴南海瓊科爾結等處熬茶講經二十九年藏英以爭界故英兵進藏初達賴誤以俄羅斯為同教親俄而遠英雖兩次與英議定條約迄未

清史稿

藩部八

二十

實行俄員某偽作蒙古喇嘛裝束秘密入藏為達賴畫策購置火器意圖抗英英雖偵知之而無如何也至俄方東困於日本不暇遠略英遂藉事稱兵詔裕綱往解之達賴侍俄員為謀主不欲和思與英人一戰乃止裕綱行弗使番民支烏拉夫馬並調集各路番兵西藏番兵以乍了為強然無紀律甫抵拉薩即圍攻駐藏大臣衙署死者數十人後經藏官彈壓開往前敵未交綏均潰變由小路逃去時藏兵屢敗英兵日迫詔解裕綱任尋革職駐藏大臣有泰至藏英軍猶駐堆部約赴帕克里議和照十六年條約辦理願即休兵有泰初與達賴商願自往阻英兵達賴尼之然亦無他策惟日令箭頭寺護法誦經詛咒英兵速死而已既而有泰藉口商上不肯支應烏拉不能啟程僅以李福林往怯不達英軍至江孜盼有泰赴議有泰仍不敢行藏人怨之未幾英人長驅直入達賴聞知大懼先一日以印授噶爾丹寺噶布倫倉皇北遁至青海有泰以達賴平日跋扈妄為臨時潛逃無蹤請革達賴喇嘛名號榮赫鵬既得志因列條約十款迫噶爾丹寺噶布倫羅生夏爾等簽約於拉薩一西藏允遵守光緒十

六年中英條約並允認該第一款哲藏邊界二江收喝大克亞東三處開為商埠三四從略五自印邊該江收喝大克各通商不得阻礙六七從略八印邊至江收拉薩之噶臺山寨一律削平九以下五端非得英國允許不能舉辦(一)西藏土地不准租讓與他國(二)他國不准干涉西藏一切事宜(三)他國不得派員入藏(四)路鑛電線及別項利權不許他國享受(五)西藏進款貨物錢幣等不許給與外國抵押撥兌有泰往見榮赫鵬自言無權受制商上不肯支應夫馬榮赫鵬笑頷之英人即據為中國在藏無主權之證其先有泰電外務部言番眾再大取即有轉機英軍進拉薩圍壓服藏眾及英軍至與藏定約誘有泰洪押朝旨切責之春不暫住英兵俟應償兵費二百五十萬盧比繳清英行撤退朝廷以藏約損失之權太甚命津海關道唐紹儀以三品卿加副都統銜赴藏全權議約時議以藏事危急宜經營四川土司及時將三聯收回諭川督錫良等籌辦錫良擬改土歸流奏請寺喇嘛以兵抗朝命駐藏幫辦大臣鳳全馳往勸辦至巴塘為番眾所戕錫良奏派四川建昌道趙爾豐會同

清史稿

藩部八

二十一

四川提督馬維祺往三十一年六月馬維祺克復巴塘趙爾豐繼至接辦善後事宜並搜捕餘匪全境肅清十一月以裏塘屬之鄉城桑披嶺寺管戕官弁稔惡不法派兵往討翌年閏五月克之擒其渠魁並克同惡之稻壩貢噶嶺詔以趙爾豐為邊務大臣八月至裏塘將裏塘土司改流以防車五營分駐裏巴改流之地十二月鹽井之河西臘翁寺為亂討平之十三年正月草創學務農墾水利橋梁採鑛醫藥諸要政粗具規模設彰化定鄉巴安等縣並將應行興革諸大端次第陳奏得部撥開辦經費一百萬兩三十四年七月會同川督趙爾巽奏設康安道改打箭鎗為康定府設河口縣裏化廳同知稻成縣貢噶嶺縣丞巴安府三霸廳通判定鄉縣鹽井縣并招募西軍三營是秋因德格土司兄弟爭繼奏明往辦十二月至德格匪黨退保維渠卡趙軍進攻至翌年六月降之德格肅清土司請納土改流乃招集百姓議定賦稅九月春科高日兩土司及靈忽土司之耶吉嶺均改流又渡金沙口巡閱春科地方十月二十九族波密內附八宿請改官均撫循之並派兵駐勦類伍齊碩撥多洛隆宗邊壩阻路

之番人遂分兵取江卡貢覺桑昂雜嶺收服之宣統二年正月邊軍越丹達山以西直抵江達是時川軍正擬入藏特為聲援並奏請與藏人於江達畫界設邊北道登科府德化州白玉州同普縣石渠縣邊巡閱年煙袋塘阿足設乍丫委員定鄉兵變派鳳山討平之三巖野番索戰派傳嵩秋討平之設三巖委員二月以巴塘屬之得榮浪藏梗命派兵攻克之設得榮委員并收服浪藏寺北之冷石卡喇逆爾豐督川以傳嵩秋代理邊務大臣五月趙爾豐傳嵩秋以兵至孔撒麻書收其地設甘孜委員並檄靈忽白利倬倭單東魚科明正各土司繳印改土歸流色達及上羅科野番來投六月至瞻對逐藏官收其地設瞻對委員旋返打箭鎗檄魚通卓斯各土司繳印改流又收復咱里冷邊沈邊三土司魚科土司抗不繳印擊破之魚科降於是傳嵩秋以邊地各土司先後改流已成行省規模乃建議以為川邊故康地其他在西設行省曰西康建方嶺以為川滇屏蔽設為以邊務大臣為西康巡撫改邊務支局為度支司關外學務局為提學司康安道為提法司邊北道為民政司自打箭鎗以西至丹達

清史稿

藩部八

二十二

山三千餘里南抵維西中甸北至甘肅西甯四千餘里均為西康轄境既入奏於是年七月崇喜納奪土司先後繳印八月又傳檄察木多乍了兩呼圖克圖改流設理事官於是西康全局遂以底定嗣值鼎革川局又變建省之議卒不果行當唐紹儀之議約也於光緒三十一年正月至印度與英議約專使寶利夏會議多次英使詳言廢約允商訂修改紹儀易其七八費謂無異廢約堅拒焉費雖名全權而約事多主於印度總督冠仁紹儀面揭之費乃允商第九款又力辦主國上國之據發展不讓乃借遼瀋議約事奉命回京留參贊張蔭棠在印接議英仍堅持初議卒無結果會易內閣更易宗旨稍變駐京英使薩道義接英政府訓將條約稿稍有更易命在京外務部商訂政府以西藏與英屬印度接壤歷年邊界交涉爭端屢起中國兩次與英訂約無非以睦鄰之計為固圉之謀英新政府既有意轉圜仍飭該使臣在京續商在我自當早圖結束以保主權因由唐紹儀與英使薩道義訂定藏印續款六款(一)光緒三十七年七月英藏所立約條英又漢文約本附入現立之約作為附約彼此允認切

實遵守並將更訂批准之文據亦附入此約如遇有應行設法彼此隨時設法將該約內各節切實辦理(一)英國國家尤不佔併藏境及不干涉西藏一切政治中國家亦應允不認他外國干涉藏境及一切內治(二)光緒三十年七月英藏所立之約第九款內之第四節所聲明各項權利除中國獨能享受外不許他國國家及他國人民享受惟經與中國商定在該約第二款指明之各商埠英國應得設電綫通報印度境內之利益(四)所有光緒十六十九年中國與英國所定兩次藏印條約其所載各款如與本約及附約無違背者概應切實施行(五)(六)從略以挽救前約之失藏應償兵費一百二十餘萬兩朝廷允代籌還英人始無亂於北京簽押旋有泰被言官彈劾詔五品京堂張蔭棠前往查辦有泰及其隨員均獲罪褫職革職成有差蔭棠入藏三十二年專辦開埠時事時英軍尙駐春不照約俟三埠開妥賠款清交始撤兵故開埠尤亟亟也三十四年政府以光緒三十二年附約第三款內載中英條約所有更改之處另行酌辦等語特派張蔭棠爲全權大臣與英專使章禮敦議訂藏印

清史稿

藩部八

二十三

通商章程十五款其要者(一)劃定江孜商埠界綫(四)英印人民與中藏人爭論由英商務委員與中藏官員會同查訊而議辦法(六)英軍撤退後印邊至江孜一路旅舍由中國贖回所有電綫俟中國電綫接修至江孜後亦酌量售與中國(八)已開及將開各埠英商務委員因往來印邊界文件得用傳遞夫役又英國官商雇用中藏人民作合法事業不得稍加限制(九)凡往來各商埠之英官民貨物應循印藏邊界之商路不得擅經他處(十)英國人民可在便以貨物或銀錢交易任便將貨物出售或購買土產不得限制抑勒此約除中英簽押外並有西藏噶布倫注曲結布隨同畫押實開三方并列先例藏局又爲一變厥後英藏交涉日繁而政府撫馭藏番既有英藏拉薩之約在先其事益臻艱困至宣統季年遂有經略川邊及達賴二次出亡之事自光緒三十年達賴與英人啓衅戰敗出奔後卓錫於庫倫意在投俄而與哲布尊丹巴呼圖克圖不睦經庫倫辦事大臣德麟電奏乞援詔西甯辦事大臣延祉俟過冬後迎護至西甯而達賴又欲在代臣王旗小住廷旨以王旗部落甚小達

賴隨帶人眾恐難供億翌年僑居塔爾寺又與阿嘉呼圖克圖同居一處積不相能陝甘總督升允奏達賴性情貪蓄久駐思歸應否准其回藏得旨俟藏務大定再行回藏而調阿嘉來京以和解之旋由西甯往五台山折而至京覲見於仁壽殿如順治朝優禮有加三十四年十月以萬壽節率徒祝嘏特加封爲誠順贊化西天大善自在佛並按年賞給糜銀一萬兩由四川藩庫分季支發達賴喇嘛受封後即令仍回西藏經過地方派員妥爲照料到藏以後當確遵主國之典章揚中朝之信義並化導番衆謹守法度習爲善良所有事務依例報明駐藏大臣隨時轉奏恭候定奪期使疆宇永保安安俗悉除畛域以無負朝廷護持黃教綏靖邊陲至意旋以國有大喪受封未便舉行達賴仍不服水土請詔令先行起程至塔爾寺受封又值停止筵宴之時未便設饌仍派大臣護送如來時禮節至西甯節節將阿嘉斥革並以此事爲回藏之要挾達賴聘練兵教習十餘人影射蒙古實係俄人多購軍火回藏初張蔭棠以西

清史稿

藩部八

二十四

藏以地當衝要英俄環伺非早籌整頓難以圖存建議以漢員指揮另派北洋新軍入藏分駐要塞以厚聲援駐藏大臣聯豫疏陳藏中情形亦有派遣軍隊之請會川邊藏番擾亂進攻三崖三崖者本巴塘屬地與德格多納兩土司接壤向歸川省管轄乃藏番察台三大寺無端派番官帶兵佔據上崖調渣鴉江卡各土司助兵逼勒崖夷投降并徧肆煽惑打箭鏢一帶均爲震動同時對番官句結德格土司之弟爲亂逐其兄德格文武據報派麻書士千總江文茶查辦均被圍困經川督入奏廷議以三崖德格均係多境番官竟敢糾衆侵逼再事優容恐番焰日張土司解體命川督會同趙爾豐相機籌辦爾豐雷奏力主用兵並稱此次藏番與達賴有關係請飭達賴傳諭退兵乃飭達賴張蔭棠詰問達賴答詞閃爍意涉支吾政府以達賴縱肯戒飭番衆而萬里遺書需時甚久三崖等處被攻正急何能久待遂電爾豐進剿三十四年冬番兵調集益衆近逼鹽井言聲言索戰雖經川軍擊敗番衆仍未退卻揚言阻止趙爾豐入藏政府以藏番舉動顯係有恃不恐藏地介在強鄰之間意存首鼠自非設法

經營無以保我邊圉因思光緒三十四年間聯豫等條陳有善後辦法二十四條創制政督練路鑛鹽茶學務巡警農務工商交涉九局擬印探擇試辦但無兵不敷彈壓多名又恐難相安擬先設兵三千其一千由川督就川兵挑選精銳厚給餉械派得力統領率之入藏歸駐藏大臣節制調遣餘二千由駐藏大臣就近選募另調川中哨弁官長俾任訓練統率之事以期持久聯豫趙爾巽覆奏贊其議遂派知府鍾穎統領川兵於宣統元年六月啓程入藏取道德格繞過江卡至察木多藏番在恩達類烏齊一帶擬聚兵堵截十一月川軍抵類烏齊藏番不戰自退川軍遂由三十九族間道前進十二月抵拉里江達番兵聞川軍且至焚其積聚劫殺漢兵扼守川軍進擊大破之達賴自光緒三十四年山西寧入覲出京回藏沿途逗留又繞道德格等處遷延不進其冬始回拉薩二年正月達賴聞川軍將至乘夜西奔潛赴印度川軍遂轉戰入藏朝廷得聯豫奏報降旨數達賴罪惡革去名號一面責成聯豫趙爾巽會籌防務安輯軍民一面降旨另訪呼畢勒罕以噶勒丹池巴羅布藏丹巴代理商上事宜

清史稿

卷八

二十五

其噶布倫以下各藏官供職如故藏中僧俗亦安堵無事是年三月聯豫請于曲水哈拉烏蘇江達碩般多及三十九族各設委員一三年二月聯豫奏裁駐藏幫辦大臣改設左右參贊以羅長椅錢錫寶爲之會波密事起聯豫遣鍾穎攻之不克旋遣羅倫會趙爾巽軍平之其秋川軍變遂聯豫推鍾穎代之達賴始乘機重回拉薩以此次出奔深賴英人保護態度一變於是遂鍾穎而獨立中英之交涉益紛紜矣班禪第一輩凱珠巴格勒克爲宗喀巴二弟子出世至布五輩羅布藏伊什仍號班禪呼圖克圖康熙三十四年命御史鍾申保等奏敕召來京前藏第巴桑結以未出痘辭五十二年詔以班禪爲人安靜精通經典勤修貢職封爲班禪額爾德尼頒發金印金册六輩羅布藏巴勒墊伊西乾隆四十二年請祝七旬萬壽許之迎護筵宴諸禮概從優異如順治九年達賴來覲例四十五年八月在熱河祝嘏至京居西黃寺是年頒賜玉印玉册以痘圓寂命理藩院尙書博清額爲駐藏辦事大臣護送舍利金瓶回藏第七輩羅布藏巴勒墊丹貝宜瑪五十二年以廓爾喀擾邊命移泰寧革平復歸後藏道

光十五年給金册二十一年以接濟征森巴兵餉加宣化綏疆封號咸豐元年寶七旬壽如六旬所賜次年圓寂年七十三第八輩羅布藏班墊格曲吉札克丹巴貝汪曲年二十九至第九輩羅布藏吐巴丹曲吉宜瑪格勒克拉木結光緒十八年正月迎至扎什倫布坐牀賞其外祖父期差汪布本身輔國公三十一年英人入藏詔班禪留後藏鎮攝十一月班禪隨英皇子游歷印度有泰勳阻不從十二月由印回藏諭以情詞恭順原擅行出境之咎勿治諄令恪供職守張蔭棠奏班禪受英唆使屢與達賴牴牾而全藏實權仍歸達賴替身掌握電告外務部請以恩澤籠絡班禪並囑達賴勿急旋藏既而達賴將由西甯起程班禪請自迎之而實不行達賴抵拉薩班禪即請親諭訓聯豫等班禪來京於藏中情形是否相宜其後達賴獨立班禪亦不克安於藏矣統計達賴所轄寺廟三千五百五十餘所喇嘛三十萬二千五百有奇黑人十二萬一千四百三十八戶班禪所轄寺廟三百二十七喇嘛萬三千七百有奇黑人六千七百五十二戶西藏有爵五輔國公三一由貝子降襲一由鎮國公降襲一定世

清史稿

卷八

二十六

襲一等台吉扎薩克一一等台吉一而達賴班禪之親以恩封者不與凡前後藏官均由駐藏大臣分別會同達賴班禪選補前藏唐古特官喀布倫四人三品爲總辦藏務之官其俗稱之曰四相議事之所曰噶廈其次仔率及商卓特巴各二人皆四品業爾倉巴二人則仔轄二人協爾幫二人碩第巴二人皆五品達率二人大中譯二人卓尼爾三人皆六品仔率商特巴爲商上辦事之官凡喇嘛謂庫藏出納之所曰商上業爾倉巴爲管糧之官朗仔轄爲管街道之官協爾幫爲管刑名之官碩第巴爲管理布達拉一帶齊民之官達率爲管馬廠之官大中譯卓尼爾等爲噶廈辦事之官管兵者曰戴率六人四品如率十人五人五品甲率二十四人六品定率一百二十人七品多東科爾族任之其治理地方者曰管官前藏大管十曰乃東曰瓊結曰貢噶爾曰崑崙曰桑昂曲宗曰工布則岡曰江孜曰昔孜曰協噶爾曰納倉管官皆五品後藏大管三曰拉孜曰練管曰金龍管官皆三品前藏中管四十二曰洛隆宗曰角木宗曰打攷曰桑葉曰巴浪曰仁本曰仁孜曰朗嶺曰宗喀曰撒噶曰作岡曰達爾宗曰江

達曰古浪曰沃卡曰冷竹宗曰曲水曰突宗曰僧宗曰維仁曰茹挖曰鎖莊子
曰奪曰結登曰真谷曰碩般多曰拉里曰朗曰沃隆曰墨竹宮曰卡爾攷曰丈
扎卡曰轄魯曰策堆得曰達爾瑪曰拉母曰拉攷曰嶺曰納布曰嶺噶爾曰
錯朗曰羊八井曰麻爾江後藏中營十四曰昂忍曰仁侵攷曰結侵攷曰帕克
仲曰翁貢曰干殿熱布結曰扎布甲曰里卜曰德慶熱布結曰央曰絨錯曰惹
堆曰魯曰干壩管官皆六品前官小營二十五曰雅爾堆曰金東曰拉歲曰撒
拉曰浪蕩曰頗章曰扎溪曰色曰堆冲曰汪熱曰田錯曰拉康曰瓊科爾結曰
蔡里曰曲隆曰扎稱曰扎布嶺曰扎什曰洛美曰嘉爾布曰朗茹曰里鳥曰降
曰業黨曰工布塘曰達後藏小營十五曰彭錯嶺曰倫珠子曰拉耳塘曰達爾
結曰甲冲曰哲宗曰擦耳曰晒欲曰碌洞曰科朗曰哲喜攷曰波多曰達木牛
廠曰練噶爾曰札茹管官皆七品前藏邊營十四曰江卡曰堆噶爾本曰噶
喇烏蘇曰錯拉曰帕克里曰定結曰拉木曰濟隴曰官覺曰補仁曰博窩曰
工布碩卡曰絨轄爾曰達巴喀管官皆五品每管管官一人或二人以喇嘛黑

清史稿

卷八

二十七

人參任之喇嘛之有游牧者東起乍了達呼岡克圖與四川打箭鎗所屬土司
接其西為察木多吧克巴拉呼岡克圖又西為碩般多喇嘛又西為類烏齊呼
岡克圖碩般多類烏齊之北皆與西藏大臣所屬土司接碩般多之南為八所
喇嘛又南為工布什卡喇嘛類烏齊之西為墨竹宮喇嘛又西為噶勒丹喇嘛
類烏齊之西北為贊熱喇嘛介居西藏大臣所屬各土司之間其西為噶微喇
嘛噶勒丹之西為色拉喇嘛西與布達拉接噶勒丹之南為瓊科爾結喇嘛其
西為丈扎卡喇嘛又西為松熱嶺喇嘛又西為那仁曲第喇嘛又西南為乃東
喇嘛北與布達拉接乃東之西為瓊結喇嘛布達拉之西北為布勒喇嘛又
西北為羊八井喇嘛其西為朗嶺喇嘛西與扎什倫布接朗嶺之南為仁本喇
嘛其西南為江攷喇嘛又西南為岡堅喇嘛岡堅之西為協噶爾喇嘛協噶爾
之西為拉木喇嘛朗嶺之西為撒噶喇嘛又西為維仁喇嘛其直屬於駐藏
大臣者有達木額魯特八旗在喜湯者四旗在湯甯者二旗在佛山者一旗皆
北倚布幹山南與前藏接在格拉者一旗東北濱喀喇烏蘇西與後藏接每旗

置佐領一有三十九族土司曰瓊布噶魯曰瓊布巴爾查曰瓊布納克魯曰勒
納夥爾曰色里瓊扎尼查爾曰色里瓊扎參麻布瑪曰色里瓊扎喇嗎曰本朱
特羊巴曰布米特勒達克曰木朱特尼牙木查曰木朱特利松嘛吧曰木朱特
多嘛巴曰勒遠夥爾曰依戎夥爾移他瑪曰查楚和爾孫提瑪爾曰巴爾達山
木多川曰桑曰嘛拉布什嘛弄曰窩柱特只多曰窩柱特娃拉曰彭楚克夥爾
曰彭楚克彭他瑪爾曰彭楚克拉寨曰益索納克書達格魯克曰沁體牙岡納
克書畢魯曰益沙尼牙岡納克書色爾查曰巴爾達穆納克喜奔益曰納格沙
拉克書拉克什曰洛克納克書貢巴曰三渣曰三納拉巴曰撲旅曰上阿扎
克曰下阿扎克曰白臘扎嘛爾曰上岡噶魯曰下岡噶魯曰上奪爾樹曰下奪
爾樹皆土納馬賦總之以夷情章京山之大者曰岡底斯山即崑崙為東半球
眾山眾水之祖曰僧格山曰耶千山曰瑪加布山曰達木楚克山曰朗布山曰
巴薩通拉木山曰諾莫渾烏巴什山是三山即三危川之大者曰鄂穆河下游
為淵滄江曰喀喇烏蘇河即黑水下游為潞江曰薄藏布河曰雅魯藏布江亦

清史稿

卷八

二十八

曰大金沙江曰朋楚河曰岡噶江澤之大者曰瑪帕本達賴池曰耶噶池曰牙
母魯克池曰騰格理池曰牙爾佳池其物產自靖西東之堆朗至薩馬達一帶
皆有五金煤鐵其金鐵最著者曰爾倉曰噶大克出鹽最著者曰勒牙曰雅幹
凡十三其疆界西接印度之拉克達部西南接洛敏湯作木朗廓爾喀諸部南
接哲孟雄布魯克巴各部及貉倫茹巴之怒江東接四川巴塘之南墩寧靜山
東南接雲南維西東北接西甯所管之邦木稱巴彥諸土司北至木魯烏蘇接
西甯所屬玉樹諸土司西北至噶爾藏骨谷阿爾坦諾爾一帶接新疆和闐沙

車

屬國

有清龍興長白撫有蒙古列為藩封當時用兵中原而朝鮮服屬有明近在肘腋屢抗王師崇德二年再入其都國王面縛納質永為臣僕自此東顧無憂專力中夏順治沼明威震殊方三年琉球聞聲首先請封九年暹羅十七年安南相繼歸附雍正四年蘇祿七年南掌先後入貢蓋其時武義瓊璜陸燿水慄殊國絕域交臂誦膝慕義歸化非以力征也高宗繼統國益富饒帝喜遠略蕩平回疆兵不血刃而浩罕布魯特哈薩克安集延瑪爾噶朗那木干塔什干巴達克山博羅爾阿富汗坎巨提相率款塞通譯四萬舉踵來王乾隆中葉再征緬甸三十四年緬懇乞貢五十七年復征廓爾喀稽首稱藩於是環列中土諸邦悉為屬國版圖式廓邊備積完芒芒聖德蓋秦漢以來未之有也咸同之際內亂頻仍撻伐十餘年巨懸避平而國力凋劫未遑圖遠日夷琉球英滅緬甸中國雖抗辭詰問莫拯其亡而越南朝鮮政紛亂作國家素守羈縻屬國之策

浩 史 稿

屬國傳

不干內政興衰治亂袖手膜視以至越南亡於法朝鮮併於日浩罕之屬蠶食於俄而屬國所產存者坎巨提一隅而已越南朝鮮之役中國胥為出兵而和戰無常國威掃地藩籬撤而室室危外敵逼而內訌起藩屬之繫於國也如此傳曰天子守在四夷詎不信哉作屬國傳

屬國傳

朝鮮

琉球

朝鮮又稱韓國清初王朝鮮者李暉事明甚謹太祖天命四年暉遣其將姜宏立率師助明來侵軍富察之野戰而大敗姜宏立以兵五千降帝留宏立遣其部將張應京等十餘人還國遺理書曰昔爾國遭倭難明以兵救爾故爾國亦以兵助明勢不得已非與我有怨也今所禽將吏以王之故悉釋還國去就之機王其審所擇焉先是明萬曆中日本豐臣秀吉大舉侵朝鮮覆其八道明為用兵七年會秀吉死兵罷朝鮮乃復國故書中及之朝鮮不報謝又出境拒征瓦爾喀之師烏拉貝勒布占泰侵朝鮮帝與布占泰有連誼止其兵朝鮮亦不謝及帝崩復不遣使弔問而明總兵毛文龍招遼民數萬守皮島與朝鮮犄角屢出師襲沿海城寨會朝鮮叛人韓潤鄭梅來歸請為鄉導構兵端時太宗天

清 史 稿

屬國傳

聰元年朝鮮國王李倧嗣位之三年也正月命貝勒阿敏等率師征朝鮮渡鴨綠江敗文龍兵于鐵山遁還皮島遂克義州定州及漢山城屠其軍民數萬焚糧百餘萬長驅而進渡青泉江克安州進師平壤城中官民悉遁走乃渡大同江次中和倥惶遠甚遣使求成阿敏責數其罪二月師次黃州國中震恐求成之使絡繹於道遂逼王京倧勢蹙羣妻子遁江華島來告曰敝邑無所逃罪惟上國命是從乃許其和江華島在開州南海中遣使赴島諭倧而駐軍平山以待倧遣族弟原昌君李覺等獻馬百虎豹皮百綿綢苧布四百布萬有五千於是遣劉興祚巴克什庫爾禪往江華島泚盟三月庚午刑白馬烏牛誓告天地和議成約為兄弟之國初朝鮮之求成也諸貝勒等議以明與蒙古兩敵環伺兵不可久在外且俘獲已多宜許其成而阿敏慕朝鮮國都城郭宮殿之壯不肯旋師貝勒濟爾哈朗及岳託碩託密議令阿敏軍平山而先與朝鮮盟事成始告阿敏阿敏謂己不預盟縱兵四掠乃復使李覺與阿敏盟於平壤城帝馳諭阿敏毋復秋毫擾分兵三千戍義州振旅而還以李覺歸九月從倧請召還

義州之兵并許贖俘虜定議春秋輸歲幣互市二年二月開市中江是年明經
略袁崇煥殺毛文龍於皮島諸島兵無主五年謀乘虛征諸島徵兵船於朝鮮
使其國三日乃見倭覽書曰明國猶吾父也助人攻吾父之國可乎船殆不
可藉也自是漸渝盟六年巴都禮察哈喇等使朝鮮頒定貢額還言倭於所定
貢額止供什一金銀牛角非國所出不肯從七年正月賜倭書責其減歲幣額
并竊殺畜匿逃人之罪欲罷遣使專互市二月遣備郎格等往會寧城互市倭
拒之是夏文龍部將孔有德耿仲明等叛明以舟師二萬人渡海來降帝遣使
徵糧朝鮮並索會寧城瓦爾喀逃人及布占泰之人倭屢書陳辭復加築京畿
黃海平安三道白馬等十二城帝悉數倭負義州互市之約八年春帝欲倭
與明議和倭以書告皮島守將迄無成議冬倭使羅德憲來拒索逃人及互市
詞甚厲且欲坐滿洲使臣於朝鮮大臣之下帝怒却其幣留德憲不遣仍以書
諭倭九年平察哈爾林丹汗得元傳國璽八和碩貝勒及外藩蒙古四十九貝
勒表請上尊號帝曰朝鮮兄弟之國宜與共議之於是內外諸貝勒各修書遣

清史稿

國朝傳一

使約朝鮮共推戴朝鮮諸臣爭言不可且以兵守使臣英俄爾泰率眾奪
馬突門倭遣人迫付報書又以書諭其邊臣戒嚴有丁卯年誤與講和今當決
絕之語英俄爾泰并奪之以獻十年四月改元崇德國號清朝使李廓等來
朝賀不拜賜書令送質子復不報十一月帝以朝鮮敗盟將統大軍親征先遣
其使臣李廓等歸國遣書國王並馳檄朝鮮官民十二月辛未朔命鄭親王濟
爾哈朗居守武英郡王阿濟格多羅饒餘貝勒阿巴泰分屯遼河口備明海
師援襲之路睿親王多爾袞貝勒豪格分統左翼滿洲蒙古兵從寬甸入長山
口遣戶部承政馬福塔等率兵三百人潛往圍朝鮮王京豫親王率護軍千人
繼之貝勒岳託等以兵三千濟師帝親率禮親王代善諸軍進發庚辰渡鎮江
壬午次郭山城降定州安州丁酉次臨津江在國都北百餘里與都南漢江
夾拱王城者也時江冰未合車駕至冰驟堅六師畢濟馬福塔等以是月甲申
潛襲王京敗其精兵數千倭倉皇遣使迎勞城外款兵而徙其妻子江華島自
率親兵逾江保南漢山城大軍入都城多鐸岳託亦定平壤抵王京合軍渡江

圍南漢山城連敗其諸道援師帝至分兵搜剿都城而親率大軍渡江登軍圍
南漢二年正月壬寅擊敗全羅道援兵遣使賚勅往諭朝鮮大臣甲辰大軍北
渡漢江營王京東二十里江岸丁未擊敗全羅忠清兩道之師其多爾袞豪格
左翼軍由長山口克昌州城敗安州黃州兵五百甯邊城兵千載殺援兵一萬
五千至是來會師貝勒杜度送大帳至臨津江冰泮復合如前城圍益急癸丑
倭請成不許己未再請成庚申降勅令山城親觀并縛獻倡議敗盟諸臣是日
倭始奏書稱臣乞免出城帝命多爾袞以輪挽小船由陸出海礮沉其大艦三
十小船徑渡入島城獲王妃王子宗室七十六人羣臣家口百六十有六客諸
別室甲子諭倭速遵前詔出城來見倭乃獻出倡議敗盟之宏文館校理尹集
修撰吳達濟及臺諫官洪翼漢詣軍前帝敕令去明年號納明所賜誥命册印
質二子奉大清國正朔萬壽節及中宮皇子千秋冬至元旦及諸慶事俱行
貢獻禮遣大臣內官奉表與使臣相見及陪臣謁見併迎送饋使之禮母違明
國舊例有征伐調兵扈從并獻輜師禮物母擅築城垣母擅收逃人每年進貢

清史稿

國朝傳一

一次其方物黃金百兩白金千兩水牛角二百對貂皮百張鹿皮百張茶千包
水獺皮四百張青黍皮三百張胡椒十斗腰刀二十六口順刀二十口蘇木二
百觔大紙千卷小紙千五百卷五爪龍席四領花蓆四十領白苧布二百疋綿
綢二千疋細麻布四百疋細布萬疋布四千疋米萬包倭以孤城窮蹙妻子被
俘入道兵皆崩潰離散宗社垂絕乃頓首受命庚午從數十騎朝服出降二月
築壇漢江東岸三田渡設黃幄帝陳儀衛渡江登壇作樂將士擐甲肅列倭率
其羣臣離南漢山五里許步行令英俄爾袞馬福塔迎於一里外引至儀仗下
立帝降坐率倭及其諸子拜天禮畢帝還坐倭率其屬伏地請罪宣詔赦之令
坐壇下左側西向位諸王上賜燕畢還其君臣家屬盡召回諸道兵振旅而西
詔以朝鮮新被兵先免丁丑戊寅兩年貢物以己卯年秋為始如力有不逮臨
時定奪朝鮮臣民樹碑頌德於三田渡壇下四月倭送質子溁漢至五月以朝
鮮兵船助攻皮島功賜倭銀幣馬匹十月遣英俄爾泰馬福塔達雲等齎勅印
制詔往封倭為朝鮮國王十一月倭遣陪臣表賀萬壽冬至貢方物十二月賀

元旦爾凡萬壽聖節元旦冬至皆遣陪臣表賀貢方物歲以為常是年定貢道由鳳凰城其互市約凡鳳凰城諸處官員人等往義州市易者每年定限二次春季二月秋季八月海古塔人往會市易者每年一次庫爾喀人往慶源市易者每二年一次由部差朝鮮通事官二人海古塔官驍騎校筆帖式各一人前往監視定限二十日即回三年徵朝鮮兵從征明誤軍期降詔切責四年六月遣使往封條繼室趙氏為朝鮮王妃東方庫爾喀叛入東海中熊島命朝鮮討之倭遣將由慶興西水羅前浦進師七月執叛首加哈禪來獻賜銀二百兩五年十月諭倭以誕辰恩減歲貢內米九千包六年正月攻明錦州調朝鮮舟五千運糧萬石尋倭奏言軍船糧船三十二艘漂沒無存帝知其飾詞詔切責刻期督催復運糧萬石船百十有五艘由大小凌河口進至三山島途中遭風礁壞船五十餘又為明水師截擊僅存五十二艘至蓋州不能前請從陸運詔以朝鮮三艘漂入明境通信及見明兵船不迎敵又不由水路進嚴斥之朝鮮臣林慶業大懼請冒險山水路帝仍許其改從陸止留精礮兵千斷卒五

清史稿

國朝傳一

四

百餘兵悉遣還既而運糧士馬久不至遣使詰責三月始有朝鮮總兵柳琳副將刁何良等率兵至錦州軍六月倭遣陪臣李浣等獻新羅瑞金奏言咸陽郡新溪書院新羅古寺遺基也居民哀年掘地得瓦罇一蓋刻一千年三字中有黃金二十斤內一斤錫宜春大吉四字優詔答之而原金付還七年錦州大捷明遣使議和帝勅詢倭令陳所見倭以止殺安民上符天意對已復偵有明兵船二至朝鮮界帝大怒並得其閣臣崔鳴吉兵使林慶業潛通明國書往來諸狀逮訊治罪八年九月朝鮮擒獲明天津偵探兵船一解至賜倭銀是月世祖卽位頒詔其國並發救往諭減歲貢內紅綠綿綢各五十疋白綿綢五百疋紵絲二百疋布二百疋腰刀六口龍簾二領花簾二十領十月倭遣其子消奉表進香貢方物十二月倭遣陪臣奉表賀登極順治元年正月諭倭停解瓦爾喀人民五月以破流賊李自成底定燕京宣示朝鮮七月倭遣陪臣表賀貢方物十一月遣世子滄歸國救滅歲貢內蘇木二百斤茶十包綿綢千疋各色細布五千疋布四百疋纈布二千疋順刀十把刀十把其元旦冬至萬壽慶賀貢物

以道遠俱於朝正時附進著為令二年三月遣倭次子溟歸國十一月世子滄卒封倭次子溟為世子三年十月免貢米六年正月以朝鮮年覲原定閣臣尚書各一員書狀官一員代之此後或閣臣尚書一員代覲書狀官仍舊六月李倭薨八月遣禮臣啟心郎渥赫等往諭祭賜諡莊穆又遣戶部啟心郎布丹侍衛撤爾岱充正副使齋語勅往封世子溟為朝鮮國王妻張氏為王妃七年正月溟奏言日本近以密書示通事情形可畏請築城訓練為守禦計遣使往訊慶尙道觀察使李舅東萊府盧協並言朝鮮日本素和好前奏不實詔切責溟視其用事臣李敬輿李景奭趙洞等職九年正月溟表賀昭聖慈壽皇太后加上海號五月國人趙照元等謀逆伏誅遣使奏聞十年三月以朝鮮國王印有清文無漢篆命禮部改鑄兼清漢字印賜之十二月封溟子欄為世子十五年二月以羅利犯邊諭朝鮮簡發烏槍手二百從征十六年五月李溟薨九月遣工部尚書郭科等往諭祭賜諡忠宣又遣大學士蔣赫德吏部侍郎覺羅博碩會充正副使往封世子欄為朝鮮國王妻金氏為王妃十八年聖祖卽位欄遣

清史稿

國朝傳一

五

陪臣進香賀登極康熙元年命朝鮮表賀冬至萬壽節及進歲貢與朝正之使偕行屢年國有大典俱遣使朝賀十三年十二月李欄薨諭禮部李欄克盡藩職可從優給卹典於常例外加祭一次賜諡莊恪遣內大臣壽西特侍衛桑厄恩克往諭祭兼封嗣子李焯為朝鮮國王妻金氏為王妃十五年十一月焯奏言前明十六朝紀一書中載本國癸亥年廢光海君李瑋立莊穆王李倭事誣以纂逆今聞纂修明史特陳奏始末乞刪改以昭信史禮部議不准行二十年正月王妃金氏故遣官致祭二十一年五月遣使封焯繼室閔氏為王妃是年帝謁祖陵焯遣陪臣至盛京迎覲貢方物二十四年焯奏言國內牛多疫死民失耕種請暫停互市禮部議許言妄奏帝以外藩宥之仍令照常貿易二十五年朝鮮民韓得完等二十八人越江探發槍傷繪畫與圖官役讞上斬韓得完等為首六人餘免死滅等發落焯奉表謝罪附貢方物帝以朝鮮王因謝罪進貢宜不收准作年貢嗣後謝罪貢物著停止三十年七月禮臣奏朝鮮國貢使違禁私買一統志書內通官張燦應革職發邊界充軍正使李沈副使徐文

重等失於覺察應革職帝命從寬免革職三十二年正月免朝鮮歲貢內黃金百兩及藍青紅木棉三十六年七月封煇子昀為世子十一月煇疏請於江中貿易米糧允之三十七年正月遣侍郎陶岱運米三萬石往朝鮮以一萬石賑濟二萬石平糶有御製海運賑濟朝鮮記三十九年煇表謝發回漂入琉球船隻恩附貢方物帝諭軫郵漂人卻貢物嗣後有若此例者停其貢四十年十二月王妃閔氏故遣官致祭先是漁採船並貿易人至朝鮮往往侵擾地方至是諭王令查驗船票人數姓名籍貫開明報部轉行原籍地方官從重治罪並諭各撫嚴飭沿海地方官有以海上漁採貿易為名往來外國販買違禁貨物者嚴行禁止四十一年遣員外郎鄧德監收中江稅以四千兩為額四十二年二月遣使封煇繼室金氏為王妃四十二年十二月煇遣官資送被風漂失商船降諭褒之四十五年十月諭大學士曰朝鮮國王奉事我朝小心敬慎其國聞有八道北道接瓦爾喀地方土門江東道接倭子國西道接我鳳凰城南道接海外尚有數小島太宗平定朝鮮國人樹碑於駐軍之地頌德至今當明之末

清史稿

國朝傳一

六

年彼始終服事未嘗叛離實屬重禮義之邦猶為可取四十九年五月朝鮮商人高道錫等被風壞船漂至海州獲救江蘇巡撫張伯行以聞諭令高道錫等由部給文馳驛歸國五十年五月帝諭大學士曰長白山之西中國與朝鮮既以鴨綠江為界而土門江自長白山東邊流出東南入海土門江西南屬朝鮮東北屬中國亦以江為界但鴨綠土門二江之間地方知之不悉乃派穆克登往查邊界十月帝諭免朝鮮國王例貢物內白金一千兩紅豹皮一百四十二張治朝鮮國使沿途館舍是年禮臣覆准朝鮮國與奉天府金州復州海州蓋州相近地方令盛京將軍奉天府尹嚴飭沿海居民不許往朝鮮近洋漁採或別地漁採人到朝鮮並皆捕送五十年五月煇奏謝減例貢恩附貢方物帝命謝恩禮物准作冬至元日禮物是年穆克登至長白會同朝鮮接伴使朴權觀察使李善溥立碑小白山上五十四年禮臣奏瑯春之庫爾喀齊等住處與朝鮮止隔土門江恐往來生事將安都立他木努房屋窩舖悉行折毀嗣後沿邊近處不得蓋屋種地軍民違者重罪之五十七年三月煇表謝賜空青恩附

貢方物帝命留作下次正貢自是凡朝鮮奏謝附貢方物均留作正貢迄於光緒朝不改五十九年十月李煇薨遣散秩大臣查克寬禮部右侍郎羅瞻往弔祭賜設僖順兼封世子昀為朝鮮國王繼妻魚氏為王妃六十一年二月昀疏言臣萎弱無嗣請以弟李吟為世弟以續宗祧帝命其請四月遣使往封昀為朝鮮國王世弟十二月山東漁戶楊三等十四人遭風漂入朝鮮審無信票送回內地帝命嗣後漂風船隻人口驗有票文未滋事者照舊送回如無票文復生事犯法者令王於審擬後咨部具題俟命下行文完結仍報部存案雍正元年七月諭禮部減朝鮮貢物內布八百疋獺皮百張青黍皮三百張紙二千卷朝鮮於九月內進萬壽表文仍照例於十二月與年貢並進昀遣陪臣進香賀登極二年五月昀遣陪臣上孝恭仁皇后尊諡十二月李昀薨遣散秩大臣覺羅舒魯翰林院學士阿克敦往諭祭賜設莊恪兼封世弟昀為朝鮮國王妻徐氏為王妃三年七月吟疏請封副室所生子李緯為世子部議與例不符帝特如所請行八月遣官封吟子緯為世子五年正月吟疏請更正先世臣僚誣逆

清史稿

國朝傳一

七

事部議昀四代祖倥故明天啟三年請封明十六朝紀以纂修書實屬冤誣應予更正俟明史告成後以朝鮮列傳頒示其國從之商人胡嘉佩虧帑以朝鮮國民所負銀六萬兩呈抵令赴中江質明辦理部議吟咨文支飾請按數追償帝命從寬免追又諭吟追擊內地盜賊潛逃朝鮮者倘漏網不獲王將其國防汛之員參處王亦一併議處六年二月減朝鮮歲貢稻米江米各三十石每年止貢江米四十石以供祭祀著為例十日吟請朝鮮盜賊潛入內地諭兵部檄盛京山東邊境官嚴拏究治七年正月世子緯卒遣官諭祭十月諭禮臣朝鮮國距京三千餘里貢使往來勞費嗣後凡謝恩章疏與聖壽冬至元日三大節表同時齋奏不必特遣使臣著為令八月吟為嫂妃魚氏告哀遣使諭祭九年五月奉天將軍那蘇圖疏言鳳凰城邊外陸路防汛之虎耳山諸處有草河變河二水發源邊內至邊外之莽牛哨匯流入中江中江之中有洲名江心沱沱西屬鳳凰城東為朝鮮國界歲有匪徒乘船出入請於莽牛哨設水師防汛帝以詢朝鮮王吟請仍遵舊例從之十年三月吟以先臣李倥被誣事蒙令史臣

改正乙早頒發諭先將明史朝鮮列傳抄錄頒示十三年九月高宗即位頒詔朝鮮諭禮臣曰大臣官員之差往朝鮮者向有餽食儀物之例其照舊例減半著為令乾隆元年二月諭禮臣朝鮮國今年所進萬壽表貢例於十二月偕年貢同進由是歲以為常二年四月吟奏請仍中江通市舊例每歲二八月間八旅臺站官兵貨物赴中江與朝鮮互市帝以旅人有巡守責且不諳貿易改令內地商民往為市及吟奏入從之十一月吟請封其副室子慎為世子時慎甫三歲部議格於例特旨允行三年正月遣使往封慎為世子四年五月吟表謝頒給朝鮮列傳四年十一月盛京侍郎德福等疏言朝鮮漁船被風飄至海界資送漁戶金鐵等由陸路歸國嗣後凡朝鮮民人被風漂入內地者俱給資護送歸國迄至光緒朝撫恤如例八年九月帝詣盛京吟遣使表貢特賜御書式表東藩扁額令使臣與諸王大臣宴十一年九月減中江稅額十三年五月盛京刑部侍郎達爾黨阿奏言十二年十二月朝鮮貢使過萬寶橋奴人士還以馬逸失銀詭稱迷路夜入人家誣執宋二等為盜訊明照所誣罪加三等擬

清史稿

屬國傳一

八

杖徒帝諭從寬免罪又朝鮮國人李云吉誘脅女口越疆轉賣照例擬絞監候仍照乾隆五年定例入於秋審册內擬擬具奏又朝鮮國王咨稱訓戎鎮越江東邊有烏喇民人造屋墾田禮臣議照康熙五十四年定例行令寄古塔將軍確察禁止毀其房屋其違禁民人及不行察禁之該管官照例辦理又奏朝鮮人入山海關所帶貨物如係彼國土產與鳳凰城總管印文相符及出關所帶貨物與本部割付相符免其輸稅此外如別帶物件及不係彼國所產者即照數按則輸稅備有違禁物監督查出報部治罪是年朝鮮國王咨稱日本關白新立照例通使禮臣奏復允之十四年七月奉天將軍阿蘭泰奏言向例朝鮮貢使到邊鳳凰城守尉帶領官兵借主客迎送通事等官至關門稽其人馬車輿輜重各數沿途設館舍嗣兵部侍郎德沛出使其國奏言置館非適中之所貢使人多不敷居住聽來使隨時賃住民居臣以貢使人數衆多若聽其賃住村莊恐多滋擾應請嗣後貢使到關驗入後務令合隊行走照舊例每站設官一員兵役二十人護送令地方官先期代備旅舍以資棲息晝則護行夜

則巡邏或貢使人役需置食物護行官檢其出入人數兵役隨往如內地人民與朝鮮人役生事兵役拿稟護行官付地方官究治至貢使人役惟迎送官與之相習應專責成倘地方官預備不周許護行迎送通事官揭報府尹照違令律議處迎送通事官沿途約束不嚴致貢使人役滋事許護行官揭報禮部照約束不嚴例議處護行官看守不嚴及兵役不足許迎送通事官揭報將軍照縱軍歇役律議處迎送通事官瞻徇容隱致擾居民或護行官縱容兵丁通同狗蔽許地方旗民官各揭報上司衙門照私結外藩例議處奏入報可十五年禮臣覆准朝鮮貢使入邊其行李及貿易貨物報明查驗車馬數目沿途按界委地方官催趨車輛與貢使同按程行走並於報單內註明經過日期如朝鮮員役有託故落後者責成迎送通事官如催趨車輛不力專責其管旗民地方官十九年九月帝謁盛京祖陵吟遣使表貢賞賜如例二十二年六月吟以其母金氏之喪來告王妃徐氏旋卒二十三年遣官諭祭四月大學士傅恆奏言朝鮮久為屬國禮節語言均已嫻熟所設通事官請改為八員從之二十五年

清史稿

屬國傳一

九

正月遣官封吟繼室金氏為王妃二十八年朝鮮世子李愼卒遣官諭祭七月封故世子愼之子祿為世孫二十九年三月朝鮮民人金鳳守金世柱等殺死內地披甲常德部議金鳳守造意應斬金世柱加功應絞至朝鮮奸民屢次越境生事皆王約束不嚴所致應交部議處帝諭金鳳守等從寬改為監候王免議處吟以失於鈐束褫職平安道觀察使鄭淳等職三十年五月吟以越江行竊人犯金順丁等俱入緩決案內疎防各官擬罪從寬遣使表謝三十六年八月吟奏朱璘明紀輯略陳建之皇明通紀載其先世之事因訛襲謬妄含冤請並行刊去禮臣議朱璘輯略浙江巡撫楊廷璋業經銷燬其陳建通紀京城書肆亦無售者若一書彼國或有流傳應令自行查禁焚銷四十一年李吟薨王妃金氏請以世孫算為國王妻金氏為王妃並請追賜故世子絳爵諡及世子婦趙氏諡命諭如所請遣散秩大臣覺羅萬福內閣學士嵩貴往諭祭賜諡曰莊順絳諡曰恪愍封祿為朝鮮國王妻金氏為王妃四十二年帝謁祖陵以不舉筵宴敕止朝鮮朝賀祿仍遣官齎表迎駕御書東藩緇美扁額賜之四十

五年祿遣正使吏曹判書徐有慶副使禮曹參判申大升奉表賀七旬萬壽貢方物四十八年帝謁祖陵祿遣陪臣至盛京迎親所有朝貢宴賓一切典禮特加優渥並賜御製詩章及古稀說四十九年祿疏稱世子暉年三歲請封為世子特旨遣使往封給與誥敕五十年正月舉行千叟宴祿遣正使安春君李彬副使吏曹判書李致中入貢預宴比於內臣帝聞祿好學能詩賞做宋板五經全部並筆墨諸物因諭朝鮮歷年留抵貢物悉行收受以免輾轉積存嗣後隨表貢物概行停止五十一年七月世子暉病故遣官諭祭五十五年禮臣奏言朝鮮國王先因李暉病故今副室生男當即為奏請册封不能拜跪行禮請待其稍長以永方來之福特旨允其國王所請七月祿遣正使黃仁黈副使徐浩修奉表賀八旬萬壽貢方物五十六年有法蘭西教士由中國往朝鮮傳天主教五十八年祿請換買錢貨回國通用部議不許嘉慶元年祿遣使賀太上皇帝歸政貢方物使臣在寧壽宮入千叟宴賜聖製千叟宴詩四年正月遣副都統張承勳禮部侍郎恒傑赴朝鮮頒大行太上皇帝遺詔祿遣使表賀上高宗

清史稿

屬國傳一

十一

純皇帝尊諡貢方物留抵正貢五年遣使敕封李祿子孫為世子適李祿薨即以册封世子之正副使往封李祿為朝鮮國王六年以本國殄除金有山等潛傳洋教頗末臆章入告並稱餘孽未靖恐其潛入邊門請飭沿疆大吏嚴查究辦帝諭已飭沿邊大吏一體嚴查設經盤獲即發交國王自行辦理十年帝詣盛京遣官接駕特賜禮教綏藩扁額十二年十一月朝鮮義州商人白大賢李士楨潛運米至獐子島與邊民朱張兩姓私市王將白大賢等監禁地方官革究並繳進錢文銅鐵等物帝以王恭順可嘉頒賞大緞四疋玻璃器四件雕漆器四件茶葉四瓶以示恩獎諭飭盛京將軍督飭沿邊官弁嚴緝朱張二姓查明內地疏防官員嚴行懲處十七年三月朝鮮義州土賊起派祿成督兵討之遣使敕封李祿之子吳為世子二十三年九月帝詣盛京祿遣使迎親表賀賜御製詩及福字道光元年祿奏言伊曾祖李昉患痼疾經議政金昌集中樞李頤命左議政李健命判中樞趙泰采請以李昉為世弟參決國政而相臣趙泰考等誣金昌集四臣謀逆肆行誅戮幸蒙聖祖准李昉襲封趙泰考等論罪

伏誅金昌集四臣咸獲昭雪而皇朝文獻通考載四臣謀逆事覺伏誅等語乞更正部議通考所載係據李昉奏報非纂修之譌今既顯懇為祖雪究應請刪去此條以昭信史從之二年頒給文獻通考刊正一編祿遣使表賀仁宗睿皇帝升配升附登上皇太后尊號徽號貢方物又因賞賜緞匹頒詔謝恩進皇帝后又為賜祭謝恩進皇帝太后前各貢物前二分收受後三分留抵正貢八年祿遣使表賀平定回疆又為頒給敕書暨加賞緞疋謝恩貢方物俱留抵正貢九年朝鮮國副使呂東植在榆關病故賜銀三百兩十一年祿奏請封嫡孫李俊為世孫帝諭所請遣使齋敕封李俊為朝鮮國王世孫十二年祿奏英吉利商船駛入朝鮮古代島要求通市嚴拒之相持旬餘英船始去帝獎其忠賜緞匹十五年李祿薨王妃金氏請以世孫李俊襲封因為故世子具陳請追賜爵諡及世子婦誥命二月遣使諭祭賜諡宣恪贈故世子吳為國王諡康穆妻為王妃敕封世孫俊為朝鮮國王俊表賀册立皇后暨上皇太后徽號貢方

清史稿

屬國傳一

十一

物十六年俊表賀皇太后六旬萬壽加上徽號貢方物禮部議准朝鮮使臣來京禁從人在館外貿易十七年遣使敕封俊正室為王妃十九年俊表進大行皇后前貢物三分發還二十二年諭禁內地人民私越邊界構舍墾田二十四年朝鮮國王妃薨遣使賜祭二十五年遣使敕封俊繼室為王妃向例派往朝鮮使臣帶通官五六員至是減至一員永為定例是年禮部奏據朝鮮國王咨稱英船屢泊其境量山測水並問答中有交易之詞帝命著英詳詢英使遵照成約婉言開導不得復任兵船游弋致滋釁擾二十九年李俊薨諭祭如例十月命瑞常和色本齋敕往封俊子昇為朝鮮國王咸豐元年昇以伊祖李裨於嘉慶辛酉年間羅入其國邪黨案內為其戚臣金龜柱等誣陷以死恐內府編載其事懇辨其誣禮部奏稱當日諭賢會典所載並無李裨之名昇以先世被誣備陳枉抑實屬為人後者之至情應如所請許其昭雪從之昇表賀上孝和睿皇后暨宣宗成皇帝尊諡貢方物二年遣使敕封李昇妻為王妃昇表賀孝德皇后册立禮成貢方物均留抵正貢帝飭盛京將軍並沿海督撫嚴禁內

地民船至朝鮮漁採三年昇表賀宣宗成皇帝升祔升配並頒給詔書謝恩貢方物命留抵正貢而受其表賀册立皇后禮成貢物四年朝鮮國人張添吉私來京帝命送交其國查辦五年朝鮮國護送美國難民四名至京帝命遞至江南交兩江總督查訊令附該國商船回國六年昇表賀上孝靜康慈皇后尊諡貢方物收受七年禮臣奏准朝鮮帶來紅銅四千餘觔聽在會同四譯館交易帝諭越界之朝鮮人金益壽解送盛京禮部轉解鳳凰城交其國查收訊辦十一年二月帝幸熱河昇遣使奉表詣行在恭申起居帝諭使臣到京後無庸前赴行在禮部仍照例筵宴並賜昇如意緞疋瓷器漆器同治元年昇遣使表賀登極呈進兩宮皇太后貢物二分均收受其賀登極貢物一分又頒詔賜謝恩進皇帝貢物二分兩宮皇太后貢物四分均留抵正貢二年昇表賀上文宗顯皇帝尊諡並上兩宮皇太后尊號徽號暨頒詔賞緞謝恩各貢物五分收受其十一分留抵正貢是年昇奏稱先世被誣懇將謬妄書籍刊正帝諭朝鮮國王先系源流與李仁任即李仁人者族姓迥別我朝纂修明史於其國歷次辨

清史稿

國傳一

十二

雪之言無不備載今昇因見康熙年間鄭元慶所撰廿一史約編記載其國世系多誣願請刊正約編所稱康獻王為李仁人之子實屬舛誤惟係在明史未修以前村塾綴緝之士見聞未確不免仍沿明初之訛今其國奉有特頒史傳自當欽遵刊布使其子孫庶知所信從約編一書在中國久已不行亦無所用其改削著各省學政通行各學查明曉諭凡朝鮮事實應以欽定明史為正不得援前項書籍為據以歸畫一而昭信守三年禮臣奏准朝鮮國慶源地方官議修兩國交易官房越圖們江擇偏僻地採取材木十月李昇薨遣使齋救往封李熙為朝鮮國王倅九世孫也五年俄羅斯兵艦抵朝鮮元山等處力請通商九月法蘭西水師提督魯月率兵艦入漢江抵漢城砲擊數船毀一礮臺而去十月法艦再抵江華島進陷其城掠銀十九萬佛郎朝鮮募獵虎手八百名襲之乃遁先是國王李熙年幼其生父大院君李昰應執國政惡西教下令嚴禁虐待天主教徒至是法國聲其罪無功而還熙表賀文宗顯皇帝升祔太廟貢方物留抵正貢遣使封熙正室閔氏為王妃七年二月侍郎延煦等奏

接見朝鮮委員並查勘鳳凰巖陽兩邊門外大概情形帝諭恭親王會同大學士等公同商議恭親王等奏稱查勘各處私墾地畝已無大段開荒而朝鮮所慮全在民物凋雜欲除凋雜之弊在乎邊境之殷復經親王等會同延煦奕格酌商展邊一切事宜並請飭盛京將軍會同原勘之延煦等悉心查辦帝即派延煦奕格馳驛前往奉天會同都興阿出邊查辦諭曰事當初始必綱舉而目始張且與外藩交涉尤應禁令修明方能垂諸久遠前次延煦接見之朝鮮使臣所設問答均極明晰足見國王深明大體即著禮部傳知朝鮮國王俟報勘定議後務須嚴飭其國邊界官一體遵守九年九月朝鮮國王稱其國慶源府農圃社民李東吉逃往瑯春蓋屋墾田嘯聚無賴願懇查拿帝諭敏福密飭瑯春協領等購緝緝盡數拿獲解交其國懲治是歲朝鮮大雨雹國內荒飢餓卒載道民人冒犯重禁渡圖們江至瑯春諸處乞食求生是為朝鮮流民越墾之始帝諭朝鮮國王將民人悉數領回約束並自行設法招徠嚴申禁令不可復蹈前轍尋有美國商船駛至朝鮮大同江附近擱淺朝鮮人見之誤為法船

清史稿

國傳一

十三

大肆劫掠十一年熙遣使表賀大婚加上兩宮皇太后徽號貢方物是年美國水師提督勞直耳司率二鐵甲兵艦抵朝鮮江華島毀礮臺二座以報劫掠商船之役十二年熙遣使表賀親政加上兩宮皇太后徽號貢方物光緒元年朝鮮國撥舟濟渡凱撤官兵賜熙緞匹熙遣使進香賀登極貢方物俱留抵正貢發還朝鮮進穆宗毅皇帝萬壽聖節冬至元旦令節各貢物照例留抵正貢熙請封世子貢方物帝允所請其進獻禮物准留抵正貢尋遣使齋勅往封李圻為朝鮮國王世子又諭奉省押解朝鮮進香貢物之佐領恩倅驍騎校塔隆阿於五月初三日接領至六月初五日始行起行擅改由水路行走兩月之久尙未到京維保無藉端需索情事恩倅塔隆阿均先行革職並著崇實等查明從重參辦二年熙遣使表賀上穆宗毅皇帝及孝哲毅皇后尊諡又表賀加上兩宮皇太后徽號貢方物俱留抵正貢是年朝鮮與日本立約通商先是同治十一年日本外務卿副島種臣來北京議約乘間詰問總理各國事務衙門朝鮮是否屬國當代主其通商事答以朝鮮雖藩屬而內政外交聽其自主我朝向

不預聞元年日本適以兵力脅朝鮮突遣軍艦入江華島燬燬臺燒永宗城殺朝鮮兵劫其軍械而去別以軍艦駐釜山要盟而遣開拓使長官黑田清隆為全權大臣議官井上馨副之赴朝鮮議約至是定約十二條大要認朝鮮為獨立自主國禮儀交際皆與日本平等互派使臣并開元山仁川兩埠通商及日艦得測量朝鮮海岸諸事三年朝鮮以天主教事與法國有違言介駐釜山日本領事調停書稱中國為上國有上國禮部並聽上國指揮等語日本大詰責以交際平等何獨尊中國如朝鮮為中國屬則大損日本國體朝鮮上其事總理衙門致書日本辨論略曰朝鮮久隸中國而政令則歸其自理其為中國所屬天下皆知即其為自主之國亦天下皆知日本豈得獨拒五年七月軍機大臣寄諭北洋大臣直隸總督李鴻章密勸朝鮮與泰西各國通商諭曰總理各國事務衙門奏泰西各國欲與朝鮮通商事關大局等語日本朝鮮積不相能將來日本恃其詐力逞志朝鮮西洋各國羣起而謀其後皆在意計之中各國曾欲與朝鮮通商僥結此通好修約庶幾可以息事俾無意外之虞惟其國政

清史稿

國朝傳一

十四

教禁令亦難強以所不欲據總理衙門奏李鴻章與朝鮮使臣李裕元曾經通信略及交鄰之意自可乘機婉為開導俾得未雨綢繆潛弭外患六年九月鴻章遵旨籌議朝鮮武備許朝鮮派人來天津學習製造操練命津海關道鄭藻如等與朝鮮齋奏官下元奎擬具來學章程奏聞七年二月鴻章奏言朝鮮國王委員李容肅隨今屆貢使來京於正月二十日赴津稟謁據稱專為武備學習事並齋呈其國請示節略一本內載有領議政李是應奏章頗悔去年六月堅拒美國來使為非計未則歸重於及今之務莫如懷遠人而安社稷等語又索中國與各國修好立約通商章程稅則帶回援照其國軍額極虛餉力極絀誠慮無以自立而所據形勢寔為東三省屏蔽關係甚重現其君相雖幡然變計有聯絡外邦之意國人議論紛歧尚難遽決自應乘機開誠諭冀可破其成見固我藩籬惟其國於外交情事生疏即如與日本通商五年尚未設關收稅並不知稅額重輕設再與西國結約勢必被欺無益有損臣因令前在西洋學習交涉之道員馬建忠與鄭藻如等參酌目今時勢及東西洋通例代擬朝

鮮與各國通商章程底稿豫為取益防損之計交李容肅齋回俾其國遇事有所據依至其節略所詢各例條內惟答覆日本國書稱謂一節僅稱涉含混即於屬邦體例有碍臣查西洋各國稱帝稱王本非一律要皆平等相交朝鮮國王久受我冊封其有報答日本及他國之書應令仍用封號國政雖由其自主庶不失中國屬邦之名也禮部議准朝鮮學習製器練兵等事發給空白憑票徑由海道赴津以期便捷至貢使來京仍遵定例辦理先是光緒初元吉林鄂多哩開放荒田朝鮮茂山對岸外六道溝諸處間有朝鮮人冒禁私墾者漸次蔓延至是吉林將軍銘安督辦邊防吳大澂奏言據琿春招墾委員李金鏞稟稱土門江北岸山下嘎牙河至高龍鎮約一百里有開荒八處前臨江水後擁羣山向為人跡不到之區與朝鮮一江之隔其國邊民屢被水災連年荒歉無地耕種陸續渡江開墾已熟之地不下二千晌其國窮民數千人賴以餬口有朝鮮咸鏡道刺史發給執照分段注冊等語臣等查吉林與朝鮮毗連之處向以土門江為界今朝鮮貧民所墾開荒在江北岸其為吉林轄境無疑邊界曠

清史稿

國朝傳一

十五

土豈容外藩任意侵佔惟朝鮮寄居之戶墾種有年並有數千餘眾若照例嚴行驅逐出界恐數千無告窮民同時失所殊堪憐憫擬請飭下禮部咨明朝鮮國王派員會同吉林委員查勘明確劃清界址所有其國民人寄居戶口已墾荒地懇恩准其查照吉林向章每晌繳押荒錢二千一百文每年每晌完佃地租錢六百六十文由臣銘安飭司給領執照限令每年冬季應交租錢就近交至琿春山放荒委員照數收納或其國鑄錢不能出境議令以牛抵租亦可備吉省墾荒之用其成鏡道刺史所給執照飭令收回銷毀從之十二月鴻章奏言本年正月總理衙門因屢接出使日本大臣何如璋函述朝鮮近日漸知變計商與美國立約請由中國代為主持擬變通舊制嗣後遇有朝鮮關係洋務要件由北洋大臣及出使日本大臣與其國通遞文函相機開道奉旨知照臣維朝鮮久隸外藩實為東三省屏蔽與琉球孤懸海外者形勢迥殊今日日本既滅琉球法國又據越南沿海六省中國已有鞭長莫及之勢我藩屬之最親切者莫如朝鮮日本約令通商復不允訂稅則非先與美國訂一妥善之約則朝

鮮勢難孤立各國要求終無已時東方安危大局所繫中朝即不必顯爲主張而休戚相關亦不可不隨時維持多方調護八年三月朝鮮始與美國議約請蒞盟鴻章奏派道員馬建忠水師統領提督丁汝昌率威遠揚威鎮海三艘會美國全權大臣薛斐爾東渡四月初六日約成美使薛斐爾朝鮮議約官中樞金宏集盟於濟物浦汝昌建忠監之十四日陪臣李應浚齎美朝約文並致美國照會呈禮部及北洋大臣代表未幾英使水師提督章力士法駐津領事狄隆德使巴蘭德先後東來建忠介之皆如美例成約是役也日本亦令兵輪來調約事其駐朝公使花房義質屢詰約文朝鮮不之告乃叩建忠建忠秘之日人滋不悅六月朝鮮大院君李是應煽亂兵殺執政數人入王宮將殺王妃閔氏魯王及世子不得與朝士通並焚日本使館在朝鮮練兵教師堀本禮造以下七人死焉日使花房義質走回長崎時建忠汝昌俱回國鴻章以憂去張樹聲署北洋大臣電令建忠會汝昌率威遠超勇揚威三艘東渡觀變二十七日抵仁川泊月尾島而日本海軍少將仁禮景範已乘金剛艦先至朝鮮臣民惶

清史稿

朝鮮傳一

十六

懼望中國援兵亟建忠上書樹聲請濟師速入王京執逆首緩則亂深而日人得逞損國威而失藩封汝昌亦內渡請師七月初三日日兵艦先後來仁川陸兵亦登岸分駐仁川濟物浦花房義質且率師入王京初七日中國兵艦威遠日新泰西鎮東拱北至繼以南洋二兵輪凡七艘蓋樹聲得朝鮮亂耗即以聞遂命提督吳長慶所部三千人東接便宜行事以兵輪濟師是日登岸十二日薄王京十三日長慶汝昌建忠入城往候李是應滅驕從示坦率是應來報謁遂執之致之天津而亂黨尙踞肘腋十六日黎明營官張光前吳兆有何乘熬掩至城東杜壽里擒百五十餘人長慶自至泰利里捕二十餘人亂黨平日使花房義質入王京以焚館逐使爲言要挾過當議不行義質惡聲去示決絕朝鮮惟介建忠留之仁川以李裕元爲全權大臣金宏集副之往仁川會議卒許償金五十萬元開楊華鎮市埠推廣元山釜山仁川埠行程地宿兵王京凡八條隱忍成約自是長慶所部遂留鎮朝鮮方李是應之執歸天津也帝命俟李鴻章到津會同張樹聲向是應訊明變亂之由及著名亂黨具奏至是究明李

是應乃國王本生父乘政十年及壬年長親政王妃閔氏崇用親屬分是應權是應怨望六月初間閱謙鎬分給軍餉米不滿斛軍人與省役詰門謙鎬囚軍卒五人將置諸法軍人奔訴於是應遂變初九日殺閔謙鎬金輔紘李最應等是應入闕曉諭諸軍自稱國太公總攬國權亦不捕治亂黨鴻章奏言此次變亂雖由軍卒索餉然亂軍赴是應申訴如果正言開導何至遽興大難朝鮮臣庶皆謂是應激之使變即謂此無左證而亂軍圍擊宮禁王妃與難大臣被害兇殘已不可嚮爾李是應既能定亂於事後獨不能遏亂於方萌况乘危竊柄一月有餘春秋之義入不討賊片言可折百喙難逃儻再釋回本國奸黨構煽怨毒相尋重植亂萌必爲後患伏查朝鮮史略元代高麗王累世皆以父子構殺延祐年間高麗王諫既爲上王傳位於其子濞交構諒元年流源於土蕃安置王父俱有前事又至元年間濞子忠惠王名禎亦經元帝流於揭陽縣其時高麗國內晏然徒以宵小浸潤遠竄窮荒今李是應無蒙垂統之尊有幾危社稷之罪較諫頑等情節尤重惟處人家國父子之間不能不兼籌並顧儻

清史稿

朝鮮傳一

十七

蒙加恩勅下臣等將李是應安置近京之保定省城永遠不准復回本國優給廩餼其出入嚴其防閑仍准其國王派員省問以慰其私既以弭其國禍亂之端亦即以維其國倫紀之變帝俞其言乃幽是應保定舊清河道署是年鴻章奏定朝鮮通商章程八條一由北洋大臣札派商務委員前往駐紮朝鮮亦派大員駐津照料商務二朝鮮商民在中國各口財產罪犯等案悉由地方官審斷遵會典舊例三朝鮮平安黃海道與山東奉天等省濱海地方聽兩國漁船往來捕魚不得私以貨物貿易違者船貨入官四准兩國商民入內地採辦土貨照納沿途釐稅五訂鴨綠江對岸柵門與義州二處又圖門江對岸琿春與會審二處聽邊民往來交易設卡徵稅能除館宇餼廩芻糧等費六申明嚴禁之物紅棧一項照例准售酌定稅則七派招商局輪船每月定期往返一次由朝鮮政府協商船費若干八豫計增捐之處隨時商辦禮部奏准停止會審慶原地方監視交易惟本年輪屆會審交易之期恐彼處商民無官約束別滋事端應由盛京將軍奉天府尹吉林將軍就近派員會同朝鮮官妥爲經理熙

表賀孝貞顯皇后升祔恭進慈禧皇太后貢物九年熙表賀崇上孝貞顯皇后
尊設恭進慈禧皇太后貢物其因亂黨滋事出兵東援並派兵衛護謝恩貢方
物留抵正貢十年朝鮮維新黨亂作初朝鮮自立約通商後國中進進輕躁喜
事號維新黨曰政府為守舊黨相水火維新黨首金玉均洪英植朴泳孝徐光
範徐載弼謀殺執政代之五人者常游日本暱日人至是倚為外援十月十七
日延中國商務總辦及各國公使並朝鮮官飲於郵署蓋英植時總郵政也是
日駐朝日兵運槍礮彈藥入日使館及暮皆集惟日使竹添進一即不至酒
數行火起亂黨入傷其國禁衛大將軍閔泳翊殺朝官數人於座外賓驚散夜
半日本兵排門入景祐宮金玉均朴泳孝徐光範直入寢殿挾其王謬言中國
兵至矯令速日本入衛十八日天明殺其輔國閔臺鎬趙壽夏總管海防閔泳
穆左營使李祖淵前營使韓圭稷後營使尹泰駿而亂黨自署官英植右參政
王均戶曹參判泳孝前後營使光範左右營使載弼前營正領官遂議廢立議
未決而勤王兵起十九日朝鮮臣民籲長慶平亂長慶責日使撤兵及暮不答

清史稿

朝鮮傳一

十八

其臣民固請長慶兵赴王宮及闕日兵集普通門發槍長慶疑國王在正宮恐
傷王未還擊而日兵連發槍斃華兵甚夥乃進戰於宮門外王乘間避至後北
關廟華軍偵知之遂以王歸於軍斬洪英植及其徒七人以徇泳孝光範載弼
奔日本日使自焚使署走濟物浦朝民仇日人益甚長慶衛其官商妻孥出王
京朝鮮具疏告變帝命吳大澂為朝鮮辦事大臣續昌副之赴朝鮮籌善後日
本亦派全權大臣井上馨至朝鮮有兵艦六艘並載陸軍登濟物浦以五事要
朝鮮一修書謝罪一恤日本被害人十二萬圓三殺太尉林磯之凶手處以極
刑四建日本新館朝鮮出二萬元充費五日本增置王京戍兵朝鮮任建兵房
朝鮮皆聽命成約十一年正月日本遣其宮內大臣伊藤博文農商務大臣西
鄉從道來天津議朝鮮約帝命李鴻章為全權大臣副以吳大澂與議諭曰日
本使臣到津李鴻章熟悉中外交涉情形必能妥籌因應此次朝鮮亂黨滋事
提督吳兆有等所辦並無不合前據徐承祖電稱日人欲我懲在朝武弁斷不
能徇曲其請其餘商議各節務當斟酌機宜與之辯論隨時請旨進行二月約

成鴻章奏言日使伊藤博文於二月十八日詣行館會議當邀同吳大澂續昌
與之接晤其使臣要求三事一撤回華軍二議處統將三償恤難民臣惟三事
之中惟撤兵一層尚可酌允我軍隔海遠役本非久計原擬俟朝亂略定奏請
撤回而日兵駐紮漢城名為護衛使館今乘其來請正可乘機令彼撤兵但日
本久認朝鮮為自主之國不欲中國干涉其所注意不在暫時之撤防而在永
遠之緩成若彼此永不派兵駐朝無事時固可相安萬一朝人或內亂強鄰
或有侵奪中國即不復能過問此又不可不熟思審慮者也伊藤於二十七日
自擬五條給臣閱看第一條聲明嗣後兩國均不得在朝鮮國內派兵設營其
所注重實在於此臣於其第二條內添註若他國與朝鮮或有戰爭或朝鮮有
叛亂情事不在前條之列伊藤於叛亂一語堅持不允遂各不懌而散旋奉三
月初一日電旨撤兵可允求不派兵不可允萬不得已或於第二條內添叙兩
國遇有朝鮮重大事變可各派兵互相知照至教練兵事一節亦須言定兩國
均不派員為要臣復恪遵旨意與伊藤再四磋商始將前議五條改為三條第

清史稿

朝鮮傳一

十九

一條議定兩國撤兵日期第二條中日均勿派員在朝教練第三條朝鮮變亂
重大事件兩國或一國要派兵應先互行文知照及其事定仍即撤回不再留
防字斟酌酌點易數四乃始定議夫朝廷念東藩日人潛師襲朝疾雷不及
掩耳故不惜糜餉勞師越疆遠戍今既有互相知照之約若將來日本用兵我
得隨時為備即西國侵奪朝鮮土地我亦可會商派兵互相援助此皆無礙中
國字小之體而有益於朝鮮大局者也至議處統將償恤難民二節一非情理
一無證據本可置之不理惟伊藤謂此二節不定辦法既無以復君命更無以
息眾忿亦係實情然我軍保護屬藩名正言順誠如聖諭謂提督所辦並無不
合斷不能曲徇其請因念駐朝慶軍係臣部曲姑由臣行文戒飭以明出自己
意與國無干譬如子弟與人爭鬥其父兄出為調停固是常情至伊所呈各口
供謂有華兵殺掠日民情事難保非彼藉詞但既經其國取有口供正可就此
追查如查明實有某營某兵上街滋事確有見證定照軍法嚴辦以示無私絕
無賠償可議也以上兩節即由臣照會伊藤俾得轉圖完案遂於初四日申刻

彼此齊集公所將訂立專條逐細校對公同畫押蓋印各執一本為據謹將約本封送軍機處進呈御覽恭候批准臣等稟承朝譟反覆辯折幸免隕越以後彼此照約撤兵永息爭端俾朝鮮整軍經武徐為自固之謀並無傷中日兩國和好之誼庶於全局有裨也由是中國成朝鮮兵遂罷歸是年吉林設通商局於和龍峪設分卡於光霽峪西步江專司吉林與朝鮮通商事又設越壑局劃圖們江北沿岸長約七百里寬約四十五里為越壑專區當光緒己卯間俄人以伊犁故將失和遣兵艦駛遼海英人亦遣兵艦踞朝鮮之巨文島以尼俄人既而伊犁約成英人慮擾東方大局冀中國始終保護朝鮮屢為總署言之十二年出使英法德俄大臣劉瑞芬致書鴻章言朝鮮毗連東三省關係甚重其國奸黨久懷二心飲鳩自甘已成難治之症中國能收其全土改行省此上策也其次則約同英美俄諸國共相保護不准他人侵佔寸土朝鮮亦可倖存鴻章覽之上之總署不可議遂疑是年釋李是應歸國熙奉表謝恩貢方物留抵正貢十三年鴻章遵旨籌議朝鮮通使各國體制奏言電飭駐紮朝鮮辦理交

清史稿

屬國傳一

二十一

涉通商事宜升用道補用知府袁世凱轉商伊國應派駐紮公使不必用全權字樣旋於九月二十三日接據袁世凱電稟准朝鮮外署照稱奉國王傳教前派各使久已束裝如候由咨文往返籌商恐須時日請先電達北洋大臣籌覆並據其國王咨稱近年泰西各國屢請派使修聘諸國幅員權力十倍朝鮮不可不派大公使惟派使之初未諳體制未先商請中朝派定後即飭外署知照各國以備接待茲忽改派深恐見疑仍請准派全權公使前往待報聘事竣調回或以參贊等員代理庶可節省經費並飭使至西國後與中國大臣仍恪遵舊制等語辭意甚為遜順臣復加籌度更將有關體制者先為約定三端一韓使初至各國應請由中國大臣挈赴外部一遇有議會交際應隨中國大臣之後一交涉大事關緊要者先密商中國大臣核示並聲明此皆屬邦分內之體制與各國無干各國不得過問當即電飭袁世凱轉達國王照辦茲復准王咨稱於十月杪飭駐美公使樸定陽駐英德俄意法公使趙臣熙先後前往所定三端並飭遵行臣查朝鮮派使往駐泰西其國原約有遣使互駐之條遂未

先商請中國遠以全權公使報聞各國此時慮以改派失信自是寔情既稱道使後與中朝使臣往來恪遵舊制臣所定擬三端又經遵行於屬邦事例並無違礙是年吉林有朝鮮勘界之案十六年總理衙門疏言吉林將軍奏稱朝鮮流民佔墾吉林邊地光緒七年經將軍銘安督辦邊防吳大澂奏將流民查明戶籍分歸琿春及敦化縣管轄嗣因朝王懇請刷還流民咨由禮部轉奏經將軍覆准子限一年由伊國地方官設法收回復因限滿而流民仍未刷還及縱其過江侵佔經將軍希元咨由總理衙門奏准派員會勘乃其國始誤以豆滿圖門為兩江繼誤指內地海蘭河為分界之江終誤以松花江發源之黃化松溝子有土堆如門附會土門之義執意強辯續經希元派員覆勘石乙水為圖門正源議於長水分界繪具圖說於十三年十一月奏奉諭旨咨照國王遵辦在案乃國王不加詳攷遽信勘界使李重夏偏執之詞堅請以紅土山水立界齟齬難合然未便以勘界之故遂置越壑為緩圖現在朝鮮茂山府對岸進東之光霽峪六道溝十八崴子等地方韓民越壑約有數千地約數萬畝此處既

清史稿

屬國傳一

二十一

有圖們江天然界限自毋庸再勘其國遷延至今斷難將流民刷還應亟飭令領照納租歸我版籍先行派員清丈編甲升科以期邊民相安等語臣等查吉林朝鮮界務前經兩次會勘其未能即定者特茂山以上直接三汲泡二百餘里之圖們江源耳至茂山以下圖們江巨流乃天然界限江南岸為朝鮮咸鏡道屬之茂山會審鍾城慶源慶興六府地方江北岸為吉林之敦化縣及琿春地方朝鮮勘界使亦無異說韓民越壑多年廬墓相望一旦盡刷還數千人失業無依其情實屬可矜若聽其以異籍之民日久佔住主客不分殊非久計且近年墾民登以韓官邊界徵租種種苛擾赴吉林控訴經北洋大臣李鴻章咨臣衙門有案現在江源界址既難尅日劃清則無庸勘辦處所似宜及時撫綏擬請飭下將軍遴派賢員清丈升科領照納租歸地方官管轄一切章程奏明辦理於是將軍長順頒發執照韓民願去者聽其自便願留者難髮易服與華人一律編籍為氓墾地納租是年熙母妃趙氏薨遣使奉表來計曰朝鮮國王臣李熙言臣母趙氏於光緒十六年四月十七日薨逝謹奉表計告臣李熙

誠惶誠恐頓首稽首伏以小邦無祿肆切哀惶之忱內艱是丁恭申訃告之禮臣無任望天仰聖激切屏營之至謹奉表告訃以聞訃正使洪鍾永等為懇恩事竊以小邦祇守藩服世沐皇恩壬午甲申之交綱常得以扶植土宇賴以廓清尤屬恩深再造自經喪亂洊遭饑饉民物流離六七年來艱難日甚近又不幸康穆王妃薨逝舉朝哀戚無計拊膺主上念王妃遭兵構憫八域困窮向例喪祭之需出自閭閻者不得不一概蠲免以舒民力故凡喪祭俱從儉約惟念大皇帝欽差頒敕自昔異數時恐星使貴臨禮節儉有未周負罪滋甚與其抱疚於將來孰若陳情於先事況天恩高厚有願必償久如赤子之仰慈父母矣為特敬求部堂俯鑒實情擊奉天降儻有溫諭頒發俾職敬謹肅回免煩星使之處出自逾格恩施不勝急切兢懼之至禮臣奏聞帝諭曰朝鮮告訃使臣具呈懇請免遣使賜奠一摺所陳困苦情形自非虛飾惟國王世守東藩備叨恩禮弔祭專使載在典常循行勿替此天朝撫恤屬藩之異數體制攸關豈容輕改特念朝鮮近年國用窘乏異常不得不於率循舊章之中曲加矜恤向來

清史稿

國朝傳一

二十二

遣使其國皆由東邊陸路計入境後尚有十餘站沿途供億實繁此次派往大員著改由天津乘坐北洋輪船徑至仁川登岸禮成仍由此路回京如此變通則道途甚近支應無多所有向來陸路供張繁費悉行節省至欽使到國以後應行典禮凡無關冗費者均應恪遵舊章不得稍事簡略將此諭由禮部傳諭國王知之九月遣戶部左侍郎續昌戶部右侍郎崇禮往諭祭十九年朝鮮償日本米商金先是十五年秋季朝鮮饑其成鏡道觀察使趙秉式禁糶及次年夏弛禁日人謂其元山埠米商折本銀十四萬餘元責償朝鮮朝鮮為罷式官許償六萬日人至三易公使以爭至是卒償十一萬事乃解初中國駐朝道員袁世凱以吳長慶軍營務處留朝充商務總辦兼理交涉事宜時朝鮮倚中國其執政閔泳駿等共善世凱泳駿閔妃族也素嫉日本而國中新黨厚自結於日人甲申朝鮮之難金玉均朴泳孝等挾資逃日本而李逸植洪鍾宇分往刺之鍾宇英植子痛其父死玉均手欲得而甘心伴交歡玉均二十年二月自日本借乘西京丸商輪船游上海同寓日本東和旅館二十二日鍾宇以手槍擊

殺玉均中國捕鍾宇繫之以詰朝鮮朝人謂玉均叛黨鍾宇其官也請歸其獄自謙許之朝鮮超賞鍾宇五品官戮玉均屍而以鹽漬其首日本大譁乃為玉均發喪假葬執紼者數百人會逸植亦刺泳孝於日本未中日人處逸植極刑日朝交惡且怒中國歸玉均屍四月朝鮮東學黨變作東學者創始崔福成刺取儒家佛老諸說轉相衍授起於慶尚道之慈仁縣蔓延忠清全羅諸道當同治四年朝鮮禁天主教捕治教徒並擒東學黨首喬姓殺之其黨卒不哀泊上年徑赴王宮訟喬冤請游雪不許旋擒治其渠數人乃急而思逞朝鮮賦重刑苛民多怨上黨人乘之遂倡亂於全羅道之古阜縣朝鮮王以其臣洪啟勳為招討使假中國平遠兵艦蒼龍運船自仁川渡兵八百人至長山浦登岸赴全州初戰甚利黨人逃入白山朝兵蹙之中伏大敗喪其軍大半賊由全羅犯忠清兩道兵皆潰遂陷全州會城獲槍械藥彈無算榜全州城以匡君救民為名揚言即日進公州洪州直搗王京朝鮮大震急電北洋乞援師鴻章奏派直隸提督葉志超太原鎮總兵聶士成率蘆榆防兵東援屯牙山縣屯山值朝鮮王

清史稿

國朝傳一

二十三

京西南一百五十里仁川澳左腋沔江口也五月電諭駐日公使汪鳳藻按光緒十一年條約告日本外部以朝鮮請兵中國願念藩服遣兵代平其亂日本外務卿陸奧宗光復風藻文謂貴國雖以朝鮮為藩服而朝鮮從未自稱為屬於貴國乃以兵北渡命其駐京公使小村壽太郎照約告於中國總署復文謂我朝撫綏藩服因其請兵故命將平其內亂貴國不必特派重兵且朝鮮並未向貴國請兵貴國之兵亦不必入其內地日使覆文謂本國向未認朝鮮為中國藩屬今照日朝濟物浦條約及中日兩國天津條約派兵至朝鮮兵入朝鮮內地亦無定限朝鮮亂黨聞中國兵至氣已懾初九日為朝兵所敗棄全州遁朝兵收會城亂平而日兵來不已其公使大島圭介率兵四百人先入王京後隊繼至從仁川登岸約八千餘人皆赴王京朝鮮驚愕止之不可中國以朝亂既平約日本撤兵而日人要改朝鮮內政其外部照會駐日使臣約兩國各簡大臣至朝代其更革風藻復文謂整頓內治任朝鮮自為之即我中國不願干預且貴國既認朝鮮為自主之國豈能預其內政至彼此撤兵中東和約早已

訂有專條今可不必再議而日人持之甚堅時日兵皆據王京要害中國屯牙山兵甚單世凱屢電請兵鴻章始終欲據條約要日撤兵恐增兵益為藉口英俄各國使臣居間調停皆無成議鴻章欲以賠款息兵而日索銀三百萬兩朝論大譁於是和戰無定計而日本已以兵劫朝鮮日使大島圭介首責朝鮮獨立六月圭介要以五事一舉能員二制國用三改法律四改兵制五興學校朝鮮為設校正應示聽命十四日朝鮮照會日使先撤兵徐議改政不許復責其謝絕為中國藩屬朝鮮以久事中國不欲棄前盟駐京日使照會總署文略謂朝鮮之亂在內治不修若中日兩國合力同心代為酌辦事莫有善於此者萬不料中國悉置不講但日請我國退兵兩國若啟爭端實惟中國執其咎遂徧布水雷漢江口以兵塞王京諸門十七日袁世凱赴仁川登輪回國二十一日大島圭介率兵入朝鮮王宮殺衛兵遂劫國王李熙令大院君李是應主國事矯王令流閔泳駿等於惡島凡朝臣不親附者逐之事無鉅細皆決於日人二十二日鴻章電令牙山速備戰守乃奏請以大同鎮總兵衛汝貴率盛軍十三

清史稿

國傳一

二十四

營發天津盛京副都統豐紳阿統盛京軍發奉天提督馬玉崑統毅軍發旅順高州鎮總兵左寶貴統奉軍發奉天四大軍奉朝命出師慮海道梗乃議盡由陸路自遼東行渡鴨綠江入朝鮮時牙山兵孤懸不得四大軍消息而距牙山東北五十里成歡驛為自王京南來大道且南通公州士成請於志超往扼守遂率武毅副中營老前營及練軍右營於二十四日移駐成歡鴻章租英商高陞輪載北塘防軍兩營輔以操江運船載械援牙山兵輪三艘翼之而東而師期預洩遂為所截三輪逃回威海操江懸白旂任掠去日艦吉野浪速以魚雷擊高陞沉之兩營殲焉是日牙山軍聞之知援絕而日人大隊已逼士成請援於志超二十六日志超馳至迎戰失利二十七日日兵踞成歡以礮擊我軍勢不支遂敗志超已棄公州遁士成追及之合軍北走繞王京之東循清鎮州忠州槐山與塘涉漢江經堤川原州橫川狼川金化平康伊川遂安祥源渡大同江至平壤與大軍合師月始達七月初一日諭曰朝鮮為我大清藩屏二百餘年歲修職貢為中外共知近十年其國時多內亂朝廷字小為懷疊次派兵前

往勘定並派員駐紮其國都城隨時保護本年四月間朝鮮又有土匪變亂國王請兵援剿陳詞迫切當即諭令李鴻章撥兵赴援甫抵牙山匪徒星散乃日人無故添兵突入漢城嗣又增兵萬餘迫令朝鮮更改國政我朝撫綏藩服其國內政事向令自理日本與朝鮮立約係屬與國更無以重兵強令革政之理各國公論皆以日本師出無名不合情理勸令撤兵和平商辦乃竟悍然不顧迄無成說反更陸續添兵朝鮮百姓及中國商民日加驚擾是以添兵前往保護詎行至中途突有敵船多隻乘我不備在牙山口外海面開礮轟擊我連船殊非意料所及日本不遵條約不守公法釁開自彼公論昭然用特布告天下俾曉然於朝廷辦理此事實已仁至義盡勢難再與姑容著李鴻章嚴飭派出各軍迅速進剿厚集雄師陸續進發以拯黎民於塗炭蓋中國至是始宣戰也是時中國軍並屯平壤為固守計八月初日兵既逼諸將分劃守界城北而左寶貴所部奉軍豐紳阿之盛軍江自康之仁字兩營守之城西面葉志超所部廣防軍守之城南而進西南隅衛汝貴之盛軍守之城東面大同江東岸馬

清史稿

國傳一

二十五

玉崑之毅軍守之復以左寶貴部分統蒞桂林策應東南兩面志超駐城中調度寶貴駐城北山頂守元武門諸將各以守界方位駐城外十六日日兵分道來撲巨礮逼攻各壘相繼潰城遂陷寶貴力戰中礮死志超率諸將北走軍儲器械公履密電盡委之以去蓋士成以安州山川險峻宜固守志超不聽奔五百餘里渡鴨綠江入遼止焉自是朝鮮境內無一華兵朝事不可問矣二十一年三月馬關條約成其第一款中國確認朝鮮為完全無缺獨立自主之國凡前此貢獻等典禮皆廢之蓋自崇德二年李倬歸附朝鮮為清屬國者凡二百五十有八年至是遂為獨立自主國云琉球在福建泉州府東海中先是明季琉球國王尚賢遣使金應元請封會道阻留閩中清順治三年福建平使者與通事謝必振等至江甯投經略洪承疇送至京禮官言前朝敕印未繳未便受封四年賜其使衣帽布帛遣歸是年尚賢卒弟尚質自稱世子遣使奉表歸誠十年遣使來貢明年再遣貢使兼繳前朝敕印請封允之詔曰帝王祇德應治協於上下靈承於天薄海通道罔不率

俾為藩屏臣朕懋績鴻緒奄有中夏聲教所綏無間遐邇雖炎方荒略不忍遣棄爾琉球國粵在南徼乃世子尙質遠時誠勢祇奉明綸既令王舅馬宗毅等獻方物稟正朔抒誠進表繳上舊詔敕印朕甚嘉之故特遣正使兵科副理官張學禮副使行人司行人王垓齎捧詔印往封為琉球國中山王爾國官僚及爾氓庶尙其輔乃王飭乃侯度協抒乃忠肅慎又厥職以凝休綿祉於奕世故茲詔示咸使聞知賜王印一緞幣三十四匹妃緞幣二十四匹並頒定貢期二年一貢進貢人數不得逾一百五十名許正副使二員從人十五名入京餘俱留閩待命既而學禮等至閩因海氛未靖仍掣回康熙元年勅曰琉球國世子尙質慕恩向化遣使入貢世祖章皇帝嘉乃抒誠特頒恩賞命使兵科副理官張學禮等齎捧勅印封爾為琉球國王乃海道未通滯閩多年致爾使人率多物故朕念爾國傾心修貢宜加優恤乃使臣及地方官逗留遲悞均未將前情奏明殊失朕懷遠之意今已將正副使督撫等官分別處治特頒恩賞仍遣正使張學禮副使王垓令其自贖前非暫還原職速送使人歸國一應勅封事宜仍照清史稿

清史稿

國朝傳一

二十六

世祖章皇帝前旨奉行朕恐爾國未悉朕意故再降勅諭俾爾聞知於是學禮等奉往至其國成禮而還三年質遣陪臣吳國用金正春奉表謝封貢方物四年再遣貢使並賀登極其貢物至梅花港口遭風漂失帝諭免其補進五年質仍遣貢使補進前失貢物帝諭曰尙質恭順可嘉補進貢物俱令齎回至所進瑪瑙烏木降香木香象牙錫迷香丁香檀香黃熟香等皆非土產免其入貢其琉璜留福建督撫收貯餘所貢物令督撫差解來京即給賞遣歸六年貢使仍齎表入覲八年重建柔遠館驛於福建以待琉球使臣是年王尙質薨八年世子尙貞遣陪臣英常春來貢琉球國凡王嗣位先請朝命欽命正副使奉勅往封賜以駝紐鍍金銀印乃稱王未封以前稱世子權國事十年十三年世子貞均遣陪臣來貢十八年貢遣陪臣補進十七年貢舊例貢物有金銀鍍金銀粉匣金缸酒海泥金彩畫圍屏泥金扇泥銀扇畫扇蕉布苧布紅花胡椒蘇木腰刀火刀鎗盔甲馬鞍絲綿螺盤加貢之物無定額十九年陪臣來貢帝俱令免進嗣後常貢惟馬及熟硫磺海螺殼紅銅等物二十年貢遣陪臣毛見龍等

來貢帝以貞當收精忠叛亂之際屢獻方物恭順可嘉賜救褒諭兼賜錦幣十五又常貢內免其貢馬著為例貞疏言先臣尙質於康熙七年薨逝貞嫡嗣應襲爵具通國臣民結狀請封禮臣議航海道遠應令貢使領封見龍等固請禮臣執不可帝特允之二十一年命翰林院檢討王楫內閣中書舍人林麟焄為正副使齎詔敕銀印往封琉球國世子尙貞為王賜御書中山世土額禮成還京奏言中山王尙貞願令陪臣子弟四人來京受學部議前明永樂洪武宣德成化間琉球官生入監讀書今尙貞傾心向學應如所請從之貞遣陪臣毛國珍王明佐等謝封奏言前代封使奉命後每遲至三四年甚有十餘年而後臨臣國者今使臣汪桂林麟焄朝拜命而夕就道且當海疆多故之時衝風冒險而臣國又僻在海東封舟開駕恃西南風以行中道無可倚泊常兼旬經月而後至甚水米俱盡事不可言今在五虎門開洋僅三晝夜而達小國臣遣官迎護親見舟行之次萬鳥繞蓬而飛兩魚夾舟而進經過之處浪靜波平倏抵琉球內地通國臣民以為僅見仰惟皇上文德功烈格天感神且有御筆在船故清史稿

清史稿

國朝傳一

二十七

徵應若此也乞宣付史館以彰嘉瑞又疏請飭令使官收受所辭宴金帝命收受二十五年貢遣官生梁成楫蔡文溥阮維新鄭秉鈞四人入太學附貢使船遭風桅折傷乘鈞飄至太平山修船二十七年二月始至京師十月貢遣陪臣來謝子弟入監讀書恩並貢方物帝令成楫等三人照都通事例日廩甚優四時給袍袴衫袴褲帽被褥咸備從人皆有賜又月給紙筆銀一兩五錢特設教習一人令博士一員督課二十八年貢疏言舊例外國船定數三艘貨物得免收稅今琉球進貢船止二艘尙有接貢船一艘未蒙免稅請照例免收以足三船之數又人數例帶一百五十人萬里汪洋駕舟人少不能遠涉乞准加增禮臣議免入貢船稅人數不准加增帝特令加增至一百人三十二年貢遣陪臣來貢請入監讀書官生歸國賜宴及文綺乘傳厚給遣歸自是二年一貢如常例四十八年琉球國內多災宮殿焚燹颶風頻作人畜多死是年王尙貞薨世子尙純先卒四十九年尙純子尙益以嫡孫立五十一年卒未及請封五十二年尙益世子尙敬立比年遣使入貢稱世曾孫五十七年六月命翰林院檢討海

寶編修徐葆光充正副使往封琉球國世曾孫尙敬爲王五十八年琉球國建明倫堂於文廟南謂之府學擇久米大夫通事一人爲講解師月吉設聖諭衍義三六九日紫金大夫詣講堂理中國往來貢典察諸生動惰籍其能者備保舉八歲入學者擇通事一人爲訓誥師教之文廟在久米村泉崎橋北創始於康熙十二年廟中制度俎豆禮儀悉遵會典琉球自入清代以來受中國文化頗深故慕效華風如此五十九年琉球國王尙敬疏請續送官生入監讀書從之雍正二年敬遣陪臣王舅翁國柱及曾信等奉表賀登極貢方物兼送官生鄭秉哲鄭繩蔡宏訓等入監讀書帝召見國柱等御書輯瑞球陽額賜王並玉器緞幣等物交國柱齎回官生蔡宏訓病卒賜銀百兩交禮官擇近京地葬之並以二百兩贖卹其家三年敬遣使表謝方物帝命准作二年一次正貢四年敬遣使入貢並進謝表方物命存留作六年正貢其六年表文俟八年正貢時併進是年貢使歸附官生鄭秉哲等歸國六年敬仍遣使入貢帝命作八年正貢若八年貢使已經起程即准作十年正貢八年敬遣使入貢疏言請遵舊

清史稿 國朝傳一 二十八

制二年一貢不敢愆期帝諭仍遵前旨行若十年貢物已遣使起程即准作十二年正貢十一年不必遣使乾隆二年六月琉球所屬之小琉球國有粟米棉花二船遭風飄至浙江象山浙閩總督稽曾筠資給衣糧遣還事聞帝諭嗣後被風漂泊之船令督撫等加意撫恤動用存公銀兩資給衣糧修理舟楫查還貨物遣歸本國著爲令三年敬遣陪臣奉表賀登極並貢方物帝命貢使齎回御書永祚瀛瑞額賜王並諭不必專使謝恩俟正貢之年一同奏謝五年敬遣使入貢並進謝恩方物六年禮臣議琉球謝恩禮物照雍正四年例准作二年一次正貢從之五月浙江提督裴斌奏言江南商民徐准華等五十三人遭風飄入琉球之葉壁山國王資遣都通事阮爲標護送歸國帝命禮臣傳旨獎之十五年敬遣通事阮超羣等送回十四年被風失舟之商民吳永盛等四船九十二人其林士興等六船一百三十人先已撥給梳木原銀資送回閩事聞賜敬級正十六年福建巡撫潘恩奏言琉球貢使毛如苞等貢船遇颶飄還本島今修葺補進又前有閩縣遭風船戶蔣長興等常熟縣商民卞長順等三十

九人留養兩年今亦隨船回閩奉旨嘉獎是年王尙敬薨十九年世子尙穆遣使入貢兼請製封二十年命翰林院侍讀全魁編修周煌充正副使往封琉球國世子尙穆爲王二十四年穆遣使入貢並遣官生梁文治等入監讀書帝命所進方物准作二十五年正貢是年資送遭風商民金任之照屋等五十三人回國以後迄於光緒朝凡琉球遭風難民皆撫卹如例二十九年遣官生梁文治等歸國四十九年穆遣陪臣毛廷棟等入覲行慶賀禮御書海邦濟美額賜之並賜玉磁緞匹諸物五十五年穆遣使入貢並進謝恩方物懇恩免抵正貢帝命如所請行五十八年諭軍機大臣琉球貢船現距年節兩月有餘即飭伴送員按程從容行走祇須封篆前到京便與年班各外藩同與宴資五十九年穆遣使謝特賜福字如意思貢方物是年王尙穆薨世子尙哲先卒世尙溫權署國事嘉慶三年世孫尙溫遣使入貢兼請製封是年尙溫建國學於王府北又建鄉學三國中子弟由鄉學選入國學四年命翰林院修撰趙文楷編修李鼎元充正副使往封琉球國世孫尙溫爲王賜御書海表恭藩額五年尙溫

清史稿 國朝傳一 二十九

遣陪臣子弟四人入監讀書七年琉球那霸官民集資請於王建鄉學四八年琉球二號貢船至大武崙洋遭風漂至臺灣衝礁擊碎其正貢船亦同時漂沒福州將軍玉德等以聞帝諭救獲官伴水稍人等照常例加倍給賞貢物無庸另備呈進十二年王尙溫薨世子尙成署國事未及受封病卒七月命翰林院編修齊錕工科給事中費賜章往封世孫尙瀨爲王是年琉球接貢船復遭風沈沒帝命給銀千兩作僱船資用另給銀五百兩卹淹斃六十三人家屬道光二年琉球貢船至閩頭外洋遭風擊碎溺死貢使十名帝命給銀千兩僱商船回國免另備貢物又琉球遭風難民米喜阜等每名日給鹽菜口糧俟回國之日另給行糧一月七年琉球國王尙瀨遣使入貢並謝賜御書恩貢方物呈懇免抵正貢允之十七年王尙瀨薨遣使往封世子尙育爲王十九年尙育遣使謝册封及賞御書貢方物又疏請飭使臣受宴金帝不允今來使齎回初琉球舊例間歲一貢上年改爲四年朝貢一次二十年十一月其國王願請照舊允之其陪臣子弟四人准隨同貢使北上入監讀書琉球國小而皆逼近日本惟

侍中國為聲援又貢舟許還販各貨免徵關稅舉國恃以為生其資本多貨諸日本國中行使皆日本寬永錢所販各貨運日本者十常八九其數數貢中國非惟恭順亦其國勢然也二十六年琉球入監官生向克期回國途中病故郵銀三百兩咸豐元年琉球國王世子尚泰遣使賀登極貢方物懇免留抵允之帝諭軍機大臣曰琉球恪守藩封前以英人伯德令住居伊國久未撤回頻來呼籲當經飭令徐廣縉曉諭文安委婉開導令其撤回文安設詞推諉該督仍當隨時體察情形加意控馭三年賜琉球御書同文式化額四年琉球世子遣使慶賀册立大典貢方物時賊氛逼東南郵傳多阻諭令使臣無庸繞道來京即由閩回國使臣仍懇入都帝命王懿德等俟來歲道路疏通派員護送八年琉球入監官生毛啟祥途中病故賜郵銀三百兩九年琉球貢使到閩帝以貢使遠涉輪誠命王懿德等察看情形如閩省上游及江浙諸省道路已通即派員伴送來京十年琉球入監官生葛兆慶病故管郭張家灣賜郵金如例同治三年琉球國世子遣使賀登極貢方物是年英人與日本構釁將襲取琉球駐

清史稿 國朝傳一 三十

海軍事尋解五年遣使齎敕印往封琉球世子尚泰為王六年尚泰遣陪臣子弟四人入監讀書十年有琉球船遭風漂至臺灣為生番劫殺者五十四人十一年復劫殺日本小田縣難民四人日本大譁既中日立約天津要求痛懲生番郵琉球日本死難諸人且言琉球為日本版圖藉口稱兵臺灣語具外交志光緒元年琉球國貢使蔡呈祥回國病沒山東賜葬費銀五年日本入琉球滅之夷為沖繩縣虜其王及世子而還總理衙門以滅我藩屬詰日本口人拒焉六年帝命北洋大臣李鴻章統籌全局鴻章奏言琉球原部三十六島北部九島中部十一島南部十六島而周迴不及三百里北部中有八部早屬日本僅存一島去年日本廢滅琉球中國體次理論又有美前總統格蘭忒從中排解始有割島分隸之說此時尙未知南島之枯瘠也本年日本人竹添進一來津謁見稱其政府之意擬以北島中島歸日本南島歸中國又議改前約臣以琉球初廢之時中國體統攸關不能不極與理論今則俄事方殷勢難兼顧且日人要索多端允之則大受其拒拒之則多樹一敵惟有暫從緩議因傳詢在京

之琉球官尚德宏始知中島物產較多南島貧瘠僻隘不能自立而琉球王及其世子日本又不肯釋還適接出使大臣何如璋來書復稱詢訪琉球國王謂如宮古八重山小島另立三子不止吾家不願閩國臣民亦斷斷不服南島地瘠產微向隸中山政令由土人自主今欲舉以界琉球琉球人反不敢受我之辦法亦窮等語臣思中國以存琉球宗社為重本非利其土地今得南島以封琉球而琉球不願勢不能不派員管理既蹈義始利終之嫌且以有用之兵餉守甌脫不毛之地勞費正自無窮而道里遠遠實有孤危之慮若憚其勞費而棄之不守適墜人狡謀且恐西入踞之經營掣掣扼我太平洋咽喉亦非中國之利是不議改約而僅分我以南島猶恐進退兩難致貽後悔今之議改前約儻能竟釋琉球國王界以中南兩島復為一國其利害尙足相抵或可勉強允許不然彼享其利我受其害且並失我內地之利竊所不取也臣愚以為日本議結琉球之案暫宜緩允由是琉球遂亡

清史稿 國朝傳一 三十一

清史稿

屬國傳二

越南

越南先稱安南順治初安南都統使莫敬耀來歸未及授爵而卒尋授其子莫元清為安南都統使十六年八月經略大學士洪承疇始奏言安南國遺目吏玉川伯鄧福綬朝陽伯阮光華齋啟赴信郡王軍前抒誠納款十七年九月黎維祺始自稱國王奉表貢方物帝嘉之賜文綺白金十八年敕曰朕惟修德來遠盛代之宏謨納款歸仁人臣之正誼既輸誠而向化用錫命以宣恩褒忠勸良典至重也爾安南國王黎維祺僻處炎方保有厥眾乃能被服聲教特先遣使來歸循覽表文惻忱可見古稱識時俊傑王庶幾有之用錫勅獎諭仍資爾差官欽仁根銀幣衣服等事遣通事序班一員伴送至廣西沿途撥發兵馬導之出疆爾受茲寵命其益勵忠節永作屏藩恪守職貢不承無款欽哉未幾維祺卒子維祺嗣尋又卒子維禧嗣康熙二年十一月維禧遣黎敷等表謝附貢

清史稿

屬國傳二

方物三年二月遣內院編修吳光禮部司務朱志遠諭祭故王維祺維祺五年五月維禧繳送故明王永曆敕印遣內國史館翰林學士程方朝禮部郎中張易賈册封維禧為安南國王賜鍍金駝鈕銀印六年維禧奪都統使莫元清高平地元清奔雲南上疏陳訴帝命安置南甯維祺亦上疏言興兵復讐本末初明正德十一年社堂燒香官陳嵩殺其王莫暲自立暲臣都力士莫登庸討殺嵩立暲兄子諶嘉靖元年登庸逐諶自立諶子黎平據清華自為一國後莫氏漸衰但保高平一郡勢益弱至是帝遣內院侍讀李仙根兵部主事楊兆傑齎敕諭維禧將高平土地人民歸莫元清各守其土盡爾藩職初安南定為三年一貢七年維禧疏請六年兩貢並進帝如所請八年使臣李仙根等齎回維禧覆疏言遵旨將高平府石林廣原上琅下琅土地人民歸莫元清因奏稱黎維禧所歸土地尚有保樂七源二州崑崙金馬等十二總社未還請再敕諭全還帝不許是年黎維禧薨弟維禧權理國事十二年正月維禧以訃告遣陪臣胡士揚等進康熙八年十一年歲貢疏言先王世守安南為逆臣莫登庸篡竊賴

輔政鄭棖之祖剷除恢復莫逆遺孽纂據高平乍臣乍叛至莫元清懼臣討罪潛入內地投誠康熙八年奉命令還高平臣維禧欽奉君命敢不懷遵但莫元清為臣不共之讐高平為世守之土叛逆竊據禍在蕭牆叩懇天恩仍令高平屬歸本國且莫元清尚有誓辭及祭伊父莫敬耀文內有圖逆天朝之語今謹敬呈並貢方物事下部議尋議前維禧退還莫元清高平取有復相和好印結今維禧雖言收得誓書祭文但此文年久誓辭係莫敬耀名或得自敬耀存時或得自元清今日殊難懸擬應飭維禧查明具題再議從之十四年黎維禧卒弟維正權理國事十六年帝諭維正曰逆賊吳三桂值明季闖賊之變委身從賊以父死賊手窮竄來歸念其投誠錫之王爵方且感恩圖報殫竭忠誠詎意以梟獍之資懷狙詐之計陰謀不軌自啟釁端藉請撥移輶行叛逆煽惑奸宄塗炭生靈朕連年遣兵征討秦隴底定閩粵盪平惟吳三桂竊據一隅苟延旦夕今大兵雲集恐其挺走潛竄嶺南茲以王累世屏藩効忠天國亂臣賊子諒切同仇今已遣諸軍大張撻伐平定粵西進取滇黔爾國壤地相屬素諸形勢

清史稿

屬國傳二

王其遠選將士協力殲除懲賞榮褒朝有令典欽哉無負朕命十八年十一月維正慶賀大捷疏言逆賊吳三桂變亂數年阻臣貢路且再三脅誘迫令服從區區愚忠罔敢易節乃有逆臣莫元清與三桂密相締結潛入高平圖為掩襲今願仗天威追禽逆黨明正其罪以固屏藩許之二十一年九月維正遣陪臣甲全等表賀閩粵肅清並進歲貢方物又為故王維禧請卹議卹如例時所貢金銀器皿與本內不符詔免深求其餘貢物的減白絹降真香中黑線香等物二十二年四月遣翰林院侍讀明圖翰林院編修孫卓册封黎維正為安南國王御書忠孝守邦四字賜之同時遣翰林院侍讀郎黑禮部郎中周燦諭祭故王維禧維禧時莫元清已故其弟敬光為黎氏所敗率眾來奔帝命發回安南尋敬光病沒泗城土府莫氏遂絕二十五年增賜安南國王表裏五十著為例三十六年維正奏言牛馬蝴蝶浦園三處為鄰界土司侵佔請給還帝問雲南巡撫石文晟知其地屬開化府已三十餘年並非安南故地移文責之五十七年十月黎維正薨嗣子維禧以訃告請襲封附貢方物五十八年二月遣內閣

中書鄧廷楛翰林院編修成文諭祭故王黎維正兼册封維禱為安南國王雍正二年維禱遣陪臣表賀登極附貢方物賜御書曰南世祚四字三年雲南總督高其倬奏言雲南開化府與安南接界自開化府馬伯汛外四十里至鉛廠山下小河內有逢春里六寨册載秋糧十二石零康熙二十八年入於安南又雲南通志載自開化府文山縣南二百四十里至賭咒河與安南為界今自開化府至現在之馬伯汛止一百二十里即至鉛廠山下小河亦止一百六十里是鉛廠山小河外尚有八十里內設都龍南丹兩廠為雲南舊境雖失在前明但封疆所係均應一併清查委勘立界帝諭都龍南丹等處明季已入安南是侵佔非始於我朝安南入我朝以來累世恭順不宜與爭尺寸之地維禱尋疏辯嗣總督鄂爾泰疏請於鉛廠山下小河離馬伯汛四十里立界維禱復激詞陳訴五年諭維禱曰朕統馭寰區凡茲臣庶之邦莫非吾土何必較論此區區四十里之地但分疆定界政所當先侯甸要荒事同一體今遠藩蒙古奉諭之下莫不欽承豈爾國素稱禮義之邦獨違越於德化之外哉王不必以侵佔內

清史稿

國朝傳二

三

地為嫌拳拳申辯此乃前人之誤非王之過也王惟祇遵諭旨朕不深求僥意或遲回失前恭順則自取咎戾懷遠之仁矣豈能倖邀王其祇哉無替朕命維禱感悔奏謝帝因以馬伯汛外四十里賜維禱仍以馬伯汛之小賭咒河為界六年三月遣副都御史杭奕祿內閣學士任蘭枝往安南宣諭略云王今自悔執迷情詞恭謹朕特沛殊恩即將馬伯汛外四十里之地仍賜國王世守之尋諭鄂爾泰曰朕既加恩外藩亦當俯從民便此四十里內人民若有願遷內地者可給資安插演省毋使失所其願居外藩屬安南管轄者亦聽其便十一年十一月黎維禱薨王嗣子維禱以計告請襲封附貢方物十二年二月遣翰林院侍讀春山兵科給事中李學裕諭祭故王維禱册封維禱為安南國王二十三年黎維禱弟維禱權理國事乾隆二年維禱以計告請襲封遣翰林院侍讀嵩壽修撰陳倓諭祭故王維禱册封維禱為安南國王二年九月維禱遣使奉表賀登極並貢方物九年九月兩廣總督馬爾泰奏粵西奸民葉葵私出外夷誘教為匪安南饑民流入甯明諸處帝命演粵界接安南關隘嚴行稽查毋釀

事端嗣兩廣總督馬爾泰廣西署撫托庸提督豆斌奏言南甯府屬邊陲土筒之板蒙等隘太平府屬恩陵土州之叫荒等隘鎮南府屬下雷土州之下首等隘共三十餘口岸俱逼近安南宜疊石建柵添卡撥兵各土司帶領土勇扼險守巡并飭地方官每年冬月查修通報安南驅馳地方為貨物聚集之所最與由隘相近從由隘出入向設閉禁開之實便商民應設客長稽商民往來並責地方官慎察查至平而水口兩關通太源牧馬等地宜設立鐵鍊橫江攔截逢五十日開一而以通商從之初廣西思陵州沿邊與安南接壤巡撫舒裕請裁竹以杜私越悉祥思陵土目有乘機侵安南地者交人不甘恆與爭鬪十六年總督蘇昌奏聞帝諭舒裕下部察議安南搖匪盤道鉗成玉等謀亂造黃袍黃旗木印句結內地民夷何聖烈等散割招匪謀攻都龍安北宜經等處為安南兵目偵知獲何聖烈等盤道鉗等竄匿山箐間十九年安南八寶河沙目黃國珍誘獲盤道鉗鄧成玉雲貴總督碩色訊得實奏聞正法初廣東土匪李文光與順化土豪阮姓謀踞祿賴桐柘等處為亂番官捕獲繫諸獄二十一年械

清史稿

國朝傳二

四

送李文光十六人於福建閩浙總督喀爾吉善奏言安南僻處蠻陬不敢將李文光擅自加誅送歸請示足徵懷服之忱應將李文光等照交結外國例分別處治從之二十二年六月安南番船失風飄泊永甯汛撥兵守護給資送歸並收貯其軍械歸時給還帝諭收械貯庫殊為非體可頒諭沿海提鎮知之二十五年閩浙總督愛必達奏言安南邊境沙匪與交目蘇由為難闖入漫卓馬鹿二寨搶掠滋事已咨其國王禽解矣帝以平日巡防不嚴臨時追捕不力切責之二十六年黎維禱薨王嗣子維禱以計告請襲封遣翰林院侍讀德保大理寺少卿顧汝修諭祭故王維禱册封維禱為安南國王維禱欲以彼國五拜事天之禮受封德保等執不可隨如儀禮成顧汝修既出境以安南王送迎儀節未周遣書責之廣西巡撫熊學鵬以聞汝修坐革職二十七年三月帝諭禮臣曰安南世為屬國凡遇朝使册封至其國自應遵行三跪九叩頭禮乃國王狂於小邦陋見與册使商論拜跪儀注德保顧汝修指示成例始終恪遵外藩不諳體制部臣應預行宣示嗣後遇安南册封等事即將應行典禮並前後遵行

手... 卷一百一十 漢文內

拜跪儀節告知正副使令其永遠遵循著為令三十四年安南莫氏後黃公續居南掌猛天黎氏逼之率屬內投維禰請索回處治移檄責之四十三年安南解竄匪入關賜維禰緞匹四十六年維禰遣使謝恩貢方物帝命收受下次正貢一牛並命嗣後陳謝表奏毋庸備禮五月諭禮部本年安南國貢使到京命堂官一人帶往熱河瞻覲四十九年帝南巡安南陪臣黃仲黎有容阮堂等迎觀南城外賜幣帛有差特賜國王南交屏翰扁額五十一年安南阮氏變作初明嘉靖中安南王黎維潭復國實其臣鄭氏阮氏之力自是世為左右輔政後右輔政乘阮死幼孤兼攝左輔政以專國事而出阮氏於順化號廣南王阮鄭世仇構兵及黎維禰權益下移僅同守府輔政鄭棟遂殺世子據金印謀篡國而忌廣南之強乃誘其土酋阮岳阮惠共攻廣南王滅之於富春阮惠自為泰德王鄭棟自為鄭靖王兩不相下維禰無如何也安南所都曰東京即古交州唐安南都護治所而以廣南順化二道為西京即古日南九真地黎維潭起兵之所與東京中隔海口世為廣南阮氏所據兵強於安南至是鄭棟

清史稿

國朝傳二

五

死阮惠以鄭姓專國人心中不附乃藉除鄭氏為名攻破黎城擊滅鄭棟之子鄭宗阮氏復專國維禰犒以兩郡且娶以女五十二年維禰卒嗣孫維禰立阮惠盡取象載珍寶歸廣南使鄭氏之臣貢整留鎮都城貢整思扶黎拒阮乃以王命率兵奪回象五十而阮岳亦於廣南要奪其輜重阮惠歸治城池於富春使其將阮任以兵數萬攻貢整於國都整戰死維禰出亡阮任遂據東京四守險要有自王之志五十二年夏阮惠復以兵誅阮任於東京而請維禰復位維禰知其叵測不敢出忠知民心不附盡毀王宮挾子女玉帛舟回富春留兵二千守東京有高平府督阮輝宿者護維禰母妻宗族二百口由高平登舟遠遁至博淦溪河廣西太平府龍州邊也冒死涉水登北岸其不及渡河者盡為追兵所殺兩廣總督孫士毅廣西巡撫孫永清先後以聞且言推固子奪惟上所命帝以黎氏守藩奉貢百有餘年宜出師問罪以興滅繼絕先置其家於南甯遣其陪臣黎佃阮廷枚回國密報嗣孫時安南疆域東距海西接老撾南與占城隔一海口北連廣西雲南有二十二府其二府為土司所居實止二十府共十

分三道此時未陷者清華道四府十五縣宣光道三州一縣興化道十州二縣又上路未陷下路已陷者安邦道四府十二縣山西道五府二十四縣京北道四府二十縣太源道三州八縣其上路已陷下路未陷者山南道九府三十六縣海陽道四府十九縣惟廣南順化二道本阮曾巢穴又據高平道一府四州諒山道一府七縣以捍遏內地帝命孫士毅移檄安南諸路示以順逆早反正時維禰弟維禰維祉皆外出避難維祉死宣光城維祉由京北波蓬廠來投孫士毅以維祉有才氣欲令權攝國事帝慮其兄弟日後嫌疑不許乃令土田州岑宜棟護維祉出口號召義兵會阮廷枚等以嗣孫復書至乞轉奏於是安南國土司及未陷各州官兵爭縛偽黨獻地圖而關外各廠義勇亦皆乞餉團練請為嚮導時阮惠兄弟亦叩關請貢以其國臣民表至言黎維禰不知存亡請立故王維禰之子翁皇司維禰主國事並迎其母妃回國帝知阮惠欺維禰愚懦易與狡計緩師命孫士毅嚴斥之安南進兵路三一由廣西鎮南關為正道一由廣東欽州泛海過烏雷山至安南海東府為唐以前舟師之道一由雲南

清史稿

國朝傳二

六

蒙口縣蓮花灘陸行至安南之洮江乃明沐成出師之道孫士毅及提督許世亨率兩廣兵一萬出關以八千直搗王京以二千駐諒山為聲援其雲南提督烏大經以兵八千取道開化府之馬白關踰賭咒河入交趾界千有百里而至宣化鎮較沐晟舊路稍近雲貴總督富綱請行帝以一軍不可二帥命駐關外都龍督餉連十月末粵師出鎮南關詔以安南亂後勞瘁不堪供億連餉由內地演粵兩路設臺站七十餘所所過秋毫無犯孫士毅許世亨山諒山分路進總兵尚維昇副將慶成率廣西兵總兵張朝龍李化龍率廣東兵時土兵義勇皆隨行聲言大兵數十萬各守隘賊望風奔遁惟扼三江之險以拒十一月十三日尚維昇慶成率兵千餘五鼓抵壽昌江賊退保南岸我兵乘之浮橋斷皆超復直上時天大霧賊自相格殺我兵遂盡渡大破之張朝龍亦破賊柱石十五日進兵市球江江闊且南岸依山高於北岸賊據險列礮我兵不能結筏諸軍以江勢線曲賊望不及遠乃陽運竹木造浮橋不必渡而潛兵二千於上游二十里溜緩處用小舟宵濟十七日乘筏薄岸相持適上游兵已繞出其背乘

高大呼下擊聲震山谷賊不知王師何自降皆驚潰十九日薄富良江在國門外賊盡伐沿江竹木飲舟對岸然遙望賊陣不整知其衆無固志乃覓遠岸小舟載兵百餘夜至江復奪小舟三十餘更番渡兵二千分擣賊營賊昏夜不辨多寡大潰焚其十餘艘獲總兵侯伯數十黎明大軍畢濟黎氏宗族百姓出迎伏道左孫士毅許世亨入城宣慰而出城環土壘高不數尺上植叢竹內有甌城二則國王所居宮室已蕩盡矣而黎維祚匿民村是夜二鼓始出詣營見孫士毅九頓首謝捷聞初王師之出也帝慮事成後册封往返稽時致王師久暴露於外先命禮部鑄印內閣撰册郵寄軍前孫士毅遂以二十二日宣詔册封黎維祚爲安南國王並馳報孫永清歸其家屬維祚表謝請於乾隆五十五年詣京祝八旬萬壽帝命侯安南全定維祚能自立許來朝是役也乘思黎舊民與各廠義勇先驅嚮導又許世亨張朝龍等新自臺灣立功皆善戰之將故得以兵萬餘長驅深入不匝月而復其都時雲南烏大經之兵尙未至也詔封孫士毅一等謀勇公許世亨一等子諸將士賞賚有差時阮惠已遁歸富春孫

清史稿

國傳二

七

士毅謀造船追討孫永清奏言廣南距黎都又二千里用兵萬人設糧站需運夫十萬與鎮南關至黎城等帝以安南殘破空虛且黎氏累世孱弱其興廢未必非運數也既道遠餉艱無曠日老師代其搜捕之理詔卽班師入關而孫士毅貪俘阮爲功帥不即班又輕敵不設備散遣土軍義勇懸軍黎城月餘阮氏謀知虛實歲暮傾巢出襲國都僞爲來降者士毅等信其誑詞晏然不知也五十四年正月朔軍中置酒張樂夜忽報阮兵大至始倉皇禦敵賊以象載大礮衝我軍衆寡不敵黑夜中自相蹂躪黎維祚挈家先遁滇師聞礮聲亦退走孫士毅奪渡富良江卽斬浮橋斷後由是在岸之軍提督許世亨總兵張朝龍官兵夫役萬餘皆擠溺死時士毅走回鎮南盡焚棄關外糧械數十萬士馬還者不及半其雲南之師以黎臣黃文通嚮導得全返黎維祚母子復來投奏聞帝以士毅不早班帥而又漫無籌備致挫國威扣將士乃褫職來京待罪以福康安代之阮惠自知賈禍既懼王師再討又方與暹羅構兵恐暹羅之乘其後也於是叩關謝罪乞降改名阮光平遣其兄子光顯齎表入貢懇賜封號略言守

廣南已九世與安南敵國非君臣且蠻觸自爭非敢抗中國請來年親覲京師並於國內爲死綬將士築壇建廟請頒官銜設號立主奉祀又聞暹羅貢使將入京恐受其媒孽乞天朝勿聽其言福康安先後以聞帝以維祚再棄其國並册印不能守是天厭黎氏不能自存而阮光平既請親覲非前代莫黎僅貢代自金人之比且安南自五季以來曲矯吳丁李陳黎莫互相吞噬前代曾郡縣其地反側無常時憂南顧乃允其請卽封阮光平爲安南國王册曰朕惟王化遐覃伐罪因而舍服侯封恪守事大所以畏天鑒誠懼於荒陬賈其既往沛恩膏於屬國嘉與維新責茲龍命之頒勗以訓行之率惟安南地居炎徼開十三道之封疆而黎民臣事天朝修百餘年之職貢每趨王會舊附方輿自遭難以流離遂式微而控愬方謂與師復國宇小堪與圖存何期棄印委城積弱仍歸失守殆天心厭其薄德致世祚訖於終淪爾阮光平起自西山界斯南服向匪君臣之分獲成婚媾之仇數啟交訂情殊負固抗顏行於倉卒雖無心而難掩前愆悔罪各以湔除願革面而自深痛艾表箋願請使先猶子以抒忱琛獻悵

清史稿

國傳二

八

來躬與明年之祝嘏自非仰邀封爵榮藉龍光曷由下蒞民氓安茲鳩集況王者無分民詎在版章其土字而生人有司牧是宜輯寧爾邦家爰布龍綬俾憑鎮撫今封爾爲安南國王錫之新印於戲有與有廢天子惟順天而行無貳無虞國王咸舉國以聽王其懋將丹款肅矢冰兢固圉以長其子孫勿使過滋他族悉心以勤於夙夜罔令逸欲有邦益敬奉夫明威庶永承夫渥典欽哉母替朕命其黎維祚賞三品銜令同屬下人戶來京歸入漢軍旗下卽以維祚爲佐領又令阮光平訪問維祚親屬護送進關其前安插內地之西南夷人有繫懷故土者並令阮光平善爲撫綏以示矜全五十五年阮光平來朝祝釐途次封其長子阮光縉爲世子七月入覲熱河山莊班次親王下郡王上賜御製詩章受冠帶歸其實光平使其弟冒名來光平未敢親到也其譎詐如此五十六年擊敗黎維祚及萬象國之師來獻捷帝優賞之五十七年議定安南貢期舊例三年一貢者定爲兩年六年遣使來朝一次者定爲四年九月阮光平在義安病故世子阮光縉權國事以訃告五十八年正月遣廣西按察使成林諭祭加

設忠純並頒賜御製詩於墓道勒碑以表恭順封光續爲安南國王帝以阮邦新造人心未定阮光續尙幼且阮岳尙在廣南吳文楚久握兵柄主少國疑恐有變特調福康安總督雲貴備邊並令成林密偵其國成林旋以國事猶定聞乃止八月署兩廣總督郭世勳奏安南添立花山市先是安南通市平而水口兩關商人在其國之高懸鎮牧馬庸立市由隘商人在諒山鎮之驅馳庸立市分設太和豐盛二號並置廢長市長各一人保護監當各一員而從平而關出口之商必由水路先抵花山計程僅二百餘里且花山附近村莊稠密至是添設行舖其市長監當各員即於驅馳鎮內派往客民中有由陸路前赴牧馬者仍聽其便嘉慶元年福州將軍魁倫兩廣總督吉慶先後奏言獲烏船船海盜有安南總兵及封爵勅命印信等物初阮氏據廣南以順化港爲門戶與占城眞臘暹羅皆接壤西南瀕海有商船飄入海者阮氏輒沒入其貨卽中國商船亦倍稅沒其半故紅毛占臘暹羅諸國商船皆以近廣南避爲戒阮光平父子既以兵篡國用虛耗商船不至乃遣烏船船百餘艘兵十二人假採辦軍餉

清史稿

阮國傳二

九

多招中國沿海死亡命喚以官爵資以器械船隻使嚮導入寇閩粵江浙各省時浙師禦海盜值大風兩雨中有火燬入賊舟悉破損參將李成隆率兵涉水取賊贖並搜獲安南勅文總兵銅印各四枚稱差精隊大統兵進祿侯倫貴利而教諭王鳴珂獲三賊一詭爲瘡者一名王貴利訊云卽倫貴利也同時閩中獲艇賊安南總兵范光喜供述阮光平既代黎氏光平死傳子光續時與舊阮構兵而軍費又苦不給其總督陳寶玉招集粵艇肆掠於洋繼而安南總兵黃文海與賊官伍存七有隙以二艇投誠於閩今閩中造船用其式也倫貴利者廣東澄海人投附安南與舊阮戰有功封侯以巡海私結閩盜來閩浙劫掠安南艇七十六艘分前中後支倫貴利統帶後支其銅印凡四貴利自佩其一餘三印三總兵曰耀曰南曰金者佩之耀已禽斬南金則均溺斃於海云巡撫阮元磔貴利而以供辭入奏帝命軍機大臣字寄兩廣總督照會安南國王冬十二月阮光續呈覆略曰小番世蒙天朝恩庇曠格逾涯無能酬報思以慎守疆宇永作屏翰祇以本國極南沿海農耐地方有賊渠阮種竊據其地嘯聚齊梳盜

夥數爲海患本國整飭海防問收船客以離賊黨且助海面帆柁之役倫貴利者前居本國隨同商伴巡防詎料伊包藏禍心私瞞小番竟敢潛約匪船越赴內洋肆行劫掠又擅造印劄轉相誑誘情罪重大實爲法律所不容小番不能先燭其奸疏於鈴束仰蒙聖慈普鑒洞悉肫誠訓誨有加天日垂照恭譯聖諭且感且悚謹當遵奉彝訓靖守藩封令本國巡海人員嚴加警飭密施鈴勒斷不容結同匪夥越境作非務期桂海永清以上副聖天子懷柔之至德是所自勉也帝以國王不知赦之二年兩廣總督奏稱安南國王阮光續差委官弁丁公雪等帶領兵船拿獲盜犯黃柱陳樂等六十餘名解送內地帝降敕褒賜並頒賜如意玉山蟒錦紗器以示優獎初阮光平既攻滅廣南王阮某其爲黎王婿妻黎氏有娠逃於農耐農耐爲水眞臘舊都卽嘉定省今之西貢也黎氏生子曰阮福映本名種潛匿民間及長奔暹羅暹羅王故與阮光平夙仇乃以女弟婦福映助之兵攻克農耐據之勢漸強號舊阮而稱阮光平父子爲新阮亦曰西阮舊阮以復仇爲辭奪其富春舊都時嘉慶四年也六年十一月安南

清史稿

阮國傳二

十

僞總兵陳天保携眷內投始知安南與農耐兵爭事七年八月農耐攻昇隆城阮光續敗走被禽八月阮福映縛送莫觀扶等三名來粵並獻其攻克富春時所獲阮光續封册金印奉表投誠莫觀扶等皆中國盜犯受安南招往投順封東海王及總兵僞職者帝以從前阮光平款閩內附恩禮有加阮光續嗣服南交復頒敕命俾其世守勿替乃數奸窩盜肆毒海洋負恩反噬莫此爲甚且印信名器至重輒行捨棄潛逃罪無可追其命兩廣總督吉慶赴鎮南關備邊俟阮福映攻復安南全境以聞十二月阮福映滅安南遣使入貢備陳構兵始末爲先世黎氏復仇并言其國本古越裳之地今兼併安南不忘世守乞以南越名國帝諭以南越所包其廣今兩廣地皆在其內阮福映全有安南亦不過交趾故地不得以南越名國八年改安南爲越南國六月命廣西按察使齊布森往封阮福映爲越南國王蓋自阮光平篡黎氏十九年復滅於阮福映嗣後修職貢者爲舊阮子孫矣九年遣編置佐領及安插江寧熱河張家口奉天黑龍江伊犁等處安南人回國資銀有差並許黎維那歸葬十一年越南興化鎮日

請以臨安府所屬六猛地方外附檄諭王自懲之阮光續遺族阮如權避捕投內地兩廣總督吳熊光奏請發交阮福映帝嫌其為屬藩禽送通逃不許亦不許其通留內地十四年阮福映遣員至諒開齋送乾隆六十年錫封南掌國王敕印帝嘉獎之阮福映之得國也藉嘉定永隆兵力居多乃取二省為年號曰嘉隆在位十七年而薨子福映嗣道光元年遣廣西按察使潘恭辰齎敕印往封阮福映為越南國王九年越南使臣請改貢道由廣東水路部議駁之十九年帝諭向來越南國二年一貢四年遣使來朝一次合兩貢並進嗣後改為四年遣使來貢一次其貢物照兩貢並進之數減其半福映改元明命在位二十一年嘗以兵奪高蠻國河仙一帶地分通境為三十省曰富春國都也廣南廣義二省為右圻廣治廣平二省為左圻平順富安廣和邊和嘉定安江河仙永隆定祥九省為南圻河靜海陽廣安清化又安南定廣平興安河內北寧諒山高平太原山西宣光興化十六省為北圻後又以廣義廣治各省過小改為道疆域較歷世為大惟宣光省西北直廣西鎮安府之南有地曰保樂州其酋農

清史稿

國傳二

十一

姓係黎氏舊臣仍念故主不服新王越南僅羈縻處之黎維禰子孫逃居老撾深山中時思聚眾復國所謂黎王後也其餘黎氏疏族好滋事俱安置平順以南各省又自鄙其國文教之陋奏請頒發康熙字典其取士則用元制以經義詩賦考試道光二十一年阮福映薨遣使告哀詔停進貢方物命廣西按察使寶清往封其子福映為越南國王福映改元紹治在位七年道光二十八年薨子福時嗣凡朝使册封歷世只在河內河內即東京其國建都處也及阮福映得國以東京屢燬於兵而其先人世居嶺南遂遷都於富春省改東京為河內省封使至其國仍循例駐節於此阮福時嗣位年幼奏乞天使至其國都由是廣西按察使勞崇光至富春册封焉三十年鄭祖琛奏越南國王阮福時因先後奉到孝和睿皇后宣宗成皇帝遺詔擬請遣使恭進香禮並進香品祭物又齋遞表文貢物慶賀登極帝諭孝和睿皇后宣宗成皇帝梓宮均已奉移陵寢止其遠來進香其慶賀登極方物亦無庸呈進咸豐二年諭越南國明年例著於咸豐三年五月內到京六年諭越南國王阮福時以丁巳年正貢屆期咨

呈勞崇光奏請於何月進關現在用兵諸省分尙未肅清越南國此次例貢著緩至下屆兩貢並進八年法蘭西奪取越南國西貢先是明季有法蘭西天主教徒布教來安南康熙五十九年法兵艦俄羅地號泊交趾士官三人登陸至平順省土人縛而獻之王艦長與教師商以重金贖歸此為法越交涉之始乾隆十四年法王路易十五命皮易甫亞李爾者為全權大臣至順化府謀通商國王不許乾隆十八年越人大戮天主教徒乾隆五十一年越內亂阮岳自稱王阮光平使其子景徽詣法國乞援翌年遂訂法越同盟之約割崑崙島之茶麟港於法未幾爽約嘉慶二十五年法艦來越南測量海口國人激王殺法人狄亞氏道光二十七年法人以兵艦至茶麟港大敗越軍至是年遂徑奪西貢越南第一都會也十年諭內閣劉長佑奏越南國入貢屆期現在廣西軍務未竣道路不寧其丁巳辛酉兩屆例貢暫行展緩同治元年法國拿破崙第三以海軍大舉伐越南奪茶麟港約割下交趾邊和嘉定定祥三省開通商三口賠償二千萬佛郎許其和嘉興省即西貢所在也二年越南國王阮福時因奉到

清史稿

國傳二

十二

文宗顯皇帝遺詔咨請遣使進香表賀登極貢方物卻之三年越南乙丑例貢及上二屆兩貢仍命展緩六年冬廣西太平鎮安兩府土匪蜂起官軍擊之敗遁越南七年國王咨乞廣西巡撫蘇鳳文代奏請兵援剿帝命提督馮子材率三十營討之八年七月二十一日華軍山鎮南關進發八月賊曾吳錕戰北甯傷於銃飲孔雀血死諸賊大懼大兵至遂乞降冬賊曾梁天錫西奔宣光投歸河陽賊首黃崇英是年法人割取越南國安江河曲永隆三省自是下交趾六省悉隸法版九年興化省保勝賊首劉永福太原省蘇街賊首鄧志雄皆來降夏四月黃崇英遁入保樂州白苗界內提督馮子材班師七月師次龍州而黃崇英復踞河陽劉永福復踞興化之保勝鄧志雄復踞太原之蘇街十月降賊蘇國漢乘夜襲陷諒山省城北圻總統段壽死之時廣西候補道徐廷旭因事至諒山城外驅驢庸調兵助越攻城不克十一月賊曾阮四陸之平張十一等復踞高平省越王復懇出師帝命馮子材再督軍出關廣西巡撫李福泰請以廣東候補道華廷傑襄辦軍事十年夏馮子材次龍州四月二十一日總兵劉

王成督諸將出關次北寧九月欽州知州陳某誘禽蘇國漢解送兩廣總督瑞齡誅之其子蘇亞鄧遁入海踞狗頭山道員華廷傑旋回廣東十一年廣西巡撫劉長佑檄道員覃遠璣率勇十營辦太平鎮安二府邊防馮子材亦調回防邊十二年華軍將撤法人突以兵船至河內省國王咨稱華總兵陳得貴派隊押令放入劉長佑據情奏聞命革職提訊法人遂招中國散勇及雲南邊境不逞之徒攻越南各省其守臣多降至太原省守臣招劉永福相助法兵至永福設伏敗之禽其帥安鄴法人敗退河內省與王和遣其臣阮文祥與議法人遂建館河內並於白藤海口設關收稅初賊首黃崇英為吳鯤中表劉永福亦吳鯤之黨吳鯤死其弟吳鯨合家自殺黃崇英劉永福素不相能永福降越南王授以三省提督之職黃崇英踞河陽為盜自若十三年劉長佑遣劉玉成將左軍十營道員趙沃將右軍十營由鎮安府出關討黃崇英是年法人逼令越南王公布天主教及紅河通航二事紅河即富良江也旋又以保商為名派兵駐守河內海防諸地且求開探紅河上流曠山光緒元年趙沃連克底定縣

清史稿

屬國傳二

十三

襄安府各處保樂州土民及白苗皆約降崇英率眾來拒旋遁去趙沃督諸軍攻克河陽老巢賊黨陳亞水降七月禽黃崇英戮之二年春班師七年劉長佑移督雲貴知法人志在得越南以窺演粵上疏略曰邊省者中國之門戶外藩者中國之藩籬藩籬陷則門戶危門戶危則堂堂震越南為演粵之唇齒泰西諸國自印度及新加坡檳榔嶼設立埠頭以來法國之垂涎越南久矣開市西貢據其要害復通悍賊黃崇英規取東京眾兵謀渡洪江以侵諒山諸處又欲割越南廣西邊界地六百里為駐兵之所臣時任廣西巡撫雖兵疲餉絀立遣將卒出關往援法人不悅計告通商衙門謂臣包藏禍心有意敗盟賴毅皇帝察臣愚忠乃得出助剿之師內外夾擊越南招用劉永福以折法將沙曾之鋒廣西兩軍左路則提督劉玉成趨太原北寧右路則道員趙沃由興化宣光分擊賊黨直抵安邊河陽破崇英巢穴殲其渠魁故法人寢謀不敢遽肆吞併者將速一紀然臣每詳詢邊將知法人之志在必得越南以窺演粵之郊而通楚蜀之路狡焉思啟禍近切膚乃入秋以來法國增加越南水師經費其下議院

議借二百五十萬佛郎經理東京海灣水師其海軍卿格羅愛逐日籌畫東京兵事俟突尼斯案一結即可進行竊歎法人果善志而潛謀嗜利而背約也竊聞造此謀者為伯朗手般在越南西貢為巡檢司開埠之後招入土夷客民衆至百萬民情漸洽物產日增東埔寨所招商民亦逾百萬運米出洋歲百萬石所徵賦稅入西貢庫藏者歲計佛郎二百五十萬東埔寨本荒蕪開成通衢車路方軌溝渠修濬東埔人感法恩德至願以六百萬口獻地歸附故伯朗手般以越南情形告其總統富良江一帶法已駛船開市議上溯以達瀾滄江通中國之貨結構方諸夷以窺演粵邊境築西貢至東埔寨鐵路以避海道之迂繞越南四境皆有法人之迹政治不修兵賦不足勢已危如累卵今復興兵吞噬加以東埔之叛民勢必摧敗不可支柱同治十三年法提督僅鳴礮示威西三省已入於法人之手而紅海通舟地險復失所立條約惟不肯與以東京國勢岌岌恃此為犄角若復失其東京即不窮極兵力圖滅富春已無能自立矣臣以為法人此舉志吞全境既得之後必請立領事於蒙自等處以鑲山曠金錫之利或取道川蜀以通江海據列邦通商口岸之上游況演南自同治以後平定逆回其餘黨桀黠者或潛竄越南山谷或奔洋埠役於法人軍情虛實邊地情形盡行洩漏故時有夷人闖入演以觀形勢儻法覆越南逆黨又必導之內寇逞其反噬之謀臣受任邊防密邇外寇不敢聞而不告奏入不報時駐英法使臣曾紀澤以越事迭與法廷辨詰福建巡撫丁日昌亦疏法越事以聞帝命與北洋大臣李鴻章籌商辦法並諭沿江沿海督撫密為籌辦八年二月法人以兵艦由西貢駛至海陽謀取東京直督張樹聲以聞帝諭演督相機因應三月移會國荃督兩廣法攻東京破之張樹聲奏令演粵防軍嚴守城外以剿辦土匪為名藉圖進步並令廣東兵艦出洋遙為聲援五月演督劉長佑遣道員沈壽椿帶兵出境與廣西官軍連絡聲勢保護越南並奏言探聞法人破東京後退駐輪船日日添兵增招羣盜懸賞萬金購劉永福十萬金取保勝州又法領事破城後劫掠商政衙門傳示各商出入貨稅另有新章現仍調取陸軍趕造拖船為西取保勝之計越王派其兵部侍郎陳廷肅接署河內總督遣吏部尚

清史稿

屬國傳二

十四

議借二百五十萬佛郎經理東京海灣水師其海軍卿格羅愛逐日籌畫東京兵事俟突尼斯案一結即可進行竊歎法人果善志而潛謀嗜利而背約也竊聞造此謀者為伯朗手般在越南西貢為巡檢司開埠之後招入土夷客民衆至百萬民情漸洽物產日增東埔寨所招商民亦逾百萬運米出洋歲百萬石所徵賦稅入西貢庫藏者歲計佛郎二百五十萬東埔寨本荒蕪開成通衢車路方軌溝渠修濬東埔人感法恩德至願以六百萬口獻地歸附故伯朗手般以越南情形告其總統富良江一帶法已駛船開市議上溯以達瀾滄江通中國之貨結構方諸夷以窺演粵邊境築西貢至東埔寨鐵路以避海道之迂繞越南四境皆有法人之迹政治不修兵賦不足勢已危如累卵今復興兵吞噬加以東埔之叛民勢必摧敗不可支柱同治十三年法提督僅鳴礮示威西三省已入於法人之手而紅海通舟地險復失所立條約惟不肯與以東京國勢岌岌恃此為犄角若復失其東京即不窮極兵力圖滅富春已無能自立矣臣以為法人此舉志吞全境既得之後必請立領事於蒙自等處以鑲山曠金錫之利或取道川蜀以通江海據列邦通商口岸之上游況演南自同治以後平定逆回其餘黨桀黠者或潛竄越南山谷或奔洋埠役於法人軍情虛實邊地情形盡行洩漏故時有夷人闖入演以觀形勢儻法覆越南逆黨又必導之內寇逞其反噬之謀臣受任邊防密邇外寇不敢聞而不告奏入不報時駐英法使臣曾紀澤以越事迭與法廷辨詰福建巡撫丁日昌亦疏法越事以聞帝命與北洋大臣李鴻章籌商辦法並諭沿江沿海督撫密為籌辦八年二月法人以兵艦由西貢駛至海陽謀取東京直督張樹聲以聞帝諭演督相機因應三月移會國荃督兩廣法攻東京破之張樹聲奏令演粵防軍嚴守城外以剿辦土匪為名藉圖進步並令廣東兵艦出洋遙為聲援五月演督劉長佑遣道員沈壽椿帶兵出境與廣西官軍連絡聲勢保護越南並奏言探聞法人破東京後退駐輪船日日添兵增招羣盜懸賞萬金購劉永福十萬金取保勝州又法領事破城後劫掠商政衙門傳示各商出入貨稅另有新章現仍調取陸軍趕造拖船為西取保勝之計越王派其兵部侍郎陳廷肅接署河內總督遣吏部尚

書阮正等抵山西與黃佐炎等籌商禦敵之策各省巡撫布按大半與黃佐炎
劉永福同願決一死戰嗣後統領防軍提督黃桂蘭報稱劉永福馳赴山西道
經諒山來見比曉以忠義感激奮發據稱分兵赴北甯助守保勝萬不使法人
得逞但兵力不足望天朝為援其河內探報云法人恐援兵猝至當釋所獲之
河內巡撫交還城池倉庫巡撫不受稱法人違約弄兵以死自誓乃轉交按察
使宗室阮霸復以火藥轟燬東京以免越人復聚且省兵力分守其輪船或東
下海陽或分駛廣南西貢俟添兵既集從事上游伏查法人焚掠東京狡謀叵
測越南諸臣決計主戰山西為上通雲南要地越軍能悉力抵禦微特滇粵邊
防可保即越南大局亦尚有振興之期而粵督與總署所議以滇粵三省兵力
合規北圻一策更可乘勢早圖以杜窺伺然越國受制法人已久人心惟怯此
次決戰山西期於必勝稍有撓敗則大局不堪設想蓋山西有失則法人西入
三江口不獨保勝無復障蔽而滇省自河底江以下皆須步步設防益形勞費
以事機而論中國有萬難坐視之處且不可待山西有失始為事後之援旋召

清史稿

國朝傳二

十五

長佑入覲以岑毓英著演督劉永福者廣西上恩州人咸豐間廣西亂永福率
三百人出鎮南關時粵人何均昌據保勝永福逐而去之遂據保勝所部旗皆
黑色號黑旗軍永福既立功越南授三省提督職時時自備餉械剿匪而黃佐
炎皆匿不上聞越臣亦多忌之永福積怨於佐炎佐炎為越南駙馬以大學士
督師督撫均受節制馮子材為廣西提督時佐炎以事來見子材坐將臺令以
三跪九叩見佐炎銜之次骨越難已深國王阮福憤極決戰責令佐炎督永福
出師六調不至法軍忌永福故越王始終倚任之先是劉長佑命藩司唐炯率
舊部屯保勝曾國荃至粵命提督黃得勝統兵防欽州提督吳全美率兵輪八
艘防北海廣西防軍提督黃桂蘭道員趙沃相繼出關所謂三省合規北圻也
時法人要中國會議越事諭滇粵籌畫備議法使寶海至天津命北洋大臣會
商越南通商分界事宜吏部主事唐景崧自請赴越南招撫劉永福帝命發雲
南岑毓英差遣景崧乃假道越南入滇先至粵謁曾國荃聽其議資之入越見
永福為陳三策上策言越為法逼亡在旦夕誠因保勝傳檄而定諸省請命中

國假以名義事成則王此上策也次則提全師擊河內驅法人中國必助之餉
此中策也如坐守保勝事敗而投中國此下策也永福曰微力不足當上策中
策勉為之三月法軍破南定帝諭廣西布政使徐延旭出關會商黃桂蘭趙沃
籌防李鴻章丁憂奪情回北洋大臣任鴻章懇辭至是命鴻章赴廣東督辦越
南事宜粵滇桂三省防軍均歸節制鴻章奏擬赴上海統籌全局法使寶海在
天津議約久不協奉調回國以參贊謝滿祿代理劉永福與法人戰於河內之
紙橋大破法軍陣斬法將李成利越王封永福一等男徐延旭奏留唐景崧防
營效用並陳永福戰績帝促李鴻章回北洋大臣任並詢法使脫利古至滬狀
令鴻章定期會議脫利古詢鴻章是否助越鴻章仍以邊界剿匪為辭而法兵
已轉攻順化國都迫其議約鴻章與法新使德理議不就法兵聲言犯粵廣東
戒嚴總署致法使書言越南久列藩封歷經中國用兵剿匪力為保護今法人
侵陵無已豈能蔑視倘竟侵我軍駐紮之地惟有決戰不能坐視帝諭徐延旭
飭劉永福相機復河內法軍如犯北甯即令接戰命滇督增兵防邊唐炯迅

清史稿

國朝傳二

十六

赴前敵備戰並濟永福軍餉旋命岑毓英出關督師法兵破越之山西省粵勢
愈急以彭玉麟為欽差大臣督粵師彭玉麟奏法人逼越南立約欲中國不預
紅河南界之地及許在雲南蒙自縣通商顯係國我滇疆冀專五金之利不特
滇粵邊境不能解嚴即廣東天津亦須嚴備時越南王阮福時薨無子以堂弟
嗣法人乘越新喪以兵輪攻順化海口入據都城越南嗣君在位一月輔政阮
說啟太妃廢之改立阮福昇至是乞降於法立約二十七條其第一條即言中
國不得干預越南事此外政權利權均歸法人逼王諭諸將退兵重在逐劉永
福也滇撫唐炯屢促永福退兵永福欲退駐保勝黑旗將士皆憤怒副將黃守
忠言公可退保勝請以全軍相付守山西有功公居之罪歸末將永福遂不復
言退徐延旭奏言越人倉卒議和有謂因故君未葬權顧目前者有謂因廢立
之嫌廷臣植黨構禍者迭接越臣黃佐炎等鈔寄和約越誠無以保社稷中國
又何以固藩籬越臣輒以俟葬故君即行翻案為詞請無撤兵劉永福仍駐守
山西嗣王阮福昇嗣位具稟告哀並懇準其遣使詣闕乞封越國人心渙散能

否自立尚未可知並將法越和約二十七款及越臣黃佐炎來稟錄送軍機處
兩江總督左宗棠請飭前藩司王德榜募勇赴桂邊扼紮十一月法人破興安
省拘巡撫布政按察至河內鎗斃之進攻山西破之劉團潰永福退守興化城
十二月嗣王阮福昇暴卒或云畏法逼自裁國人立前王阮福時第三繼子爲
王輔政阮說之子也徐延旭奏報山西失守北甯斷無他虞帝責其誇張十年
唐景崧在保勝上樞府書言滇桂兩軍偶通文報爲日甚遲聲勢實不易連絡
越南半載之內三易嗣君臣庶皇皇類於無主欲培其根本以靖亂源莫如遣
師直入順化扶翼其君以定人心而清匪黨敵愾幾稍戢軍事亦易於措手
若不爲藩服計北圻沿邊各省我不妨直取以免坐失外人否則首鼠兩端未
有不歸於敗者也劉永福謁岑毓英於家喻關毓英極優禮之編其軍爲十二
營法軍將攻北甯毓英遣景崧率永福全軍赴援桂軍黃桂蘭趙沃方守北甯
山西之圍桂蘭等坐視不救永福憾之深景崧力解之乃赴援景崧勸桂蘭離
城擇隘而守桂蘭不從二月法兵攻扶良總兵陳得貴乞援北甯師至扶良已

清史稿

國傳二

十七

潰法兵進逼北甯黃桂蘭趙沃敗奔太原劉永福亦坐視不救徐延旭老病與
趙沃有舊偏信之趙沃庸懦其將黨敏宜奸欺蔽延旭敵犯北甯敏宜先遁陳
得貴爲馮子材舊部驍勇善戰子材曾劾延旭延旭怨之并怨得貴及北甯陷
乃奏戮之敏宜亦正法延旭調度失宜帝命革職留任三月命湖南巡撫潘鼎
新辦廣西關外軍務接統徐延旭軍黃桂蘭懼罪仰藥死帝諭徐延旭株守諒
山僅令提督黃桂蘭道員趙沃駐守北甯遇敵先潰殊堪痛恨徐延旭革職拿
問黃桂蘭趙沃潰敗情形交潘鼎新查辦以王德榜署廣西提督德榜辭不拜
唐燭革職拿問以張凱嵩爲雲南巡撫北甯敗後徐延旭以唐景崧護軍收集
敗殘申明約束時唐仁廉署廣西提督法軍由北甯進據興化別以兵艦八艘
駛入中國海窺廈門及上海吳淞口沿海戒嚴於是中法和議起四月李鴻章
與法總兵福祿諾在天津商訂條款諭滇桂防軍候旨進止鴻章旋以和約五
款入告大略言中國南界毗連北圻法國任保護不虞侵佔中國應許於毗連
北圻之邊界法越貨物聽其運銷將來法與越改約決不插入傷中國體面之

語朝旨報可予鴻章全權畫押既而法公使以簡明條約法文與漢文不符相
詰帝責鴻章辦理含混輿論均集矢鴻章指爲通夷法使既藉端廢約帝令關
外整軍嚴防若彼竟求犯即與交綏命岑毓英招劉永福率所部來歸潘鼎新
奏法兵分路圍犯谷松屯梅二處桂軍械缺糧乏恐不可恃帝以其節卸責之
法兵欲巡視諒山抵觀音橋桂軍止之令勿入法將語無狀遂互擊勝之奏入
諭進規北甯責法使先行開礮應認償令告法外部止法兵並諭我軍如彼不
來犯不宜前進法使續請和議帝諭桂軍回諒山滇軍回保勝不得輕開礮法
將孤拔欲以兵艦擾海疆法使巴德返留上海不肯赴津乃改派曾國荃全權
大臣陳寶琛會辦邵友濂劉麟祥隨同辦理諭言兵費郵款萬不能允越南須
照舊封貢劉永福一軍如彼提及須由我措置分界應於關外空地作爲脫
雲南通商應在保勝不得逾值百抽五六月法將孤拔以兵艦八艘窺閩海欲
踞地爲質挾中國議約何璟張佩綸以聞法艦攻臺灣之基隆礮臺臺撫劉銘
傳拒守曾國荃陳寶琛與法使議約於上海國荃許給撫郵費五十萬奉旨中

清史稿

國傳二

十八

斥約議久不就乃一意主戰諭岑毓英令劉永福先行進兵規復北圻岑毓英
潘鼎新關內各軍陸續進發以法人失和不告各國七月法公使謝滿祿下旗
出京帝乃宣諭曰越南爲我封貢之國二百餘年載在史冊中外咸知法人先
據南圻各省旋又進據河內戮其人民利其土地奪其賦稅越南閭閻私與立
約並未奏聞挽回無及越亦有罪是以姑與包涵不加詰問光緒八年法使寶
海在天津與李鴻章議約三條當與總理各國事務衙門會商妥籌法人又撤
使翻覆越之山西北甯等省爲我軍駐紮之地清查越匪保護屬藩與法國絕
不相涉本年二月間法兵竟來撲犯當經降旨宣示正擬派員進取忽據伊國
總兵福祿諾先向中國議和其時法國因埃及之事岌岌可危中國明知其勢
處迫逼本可峻詞拒絕而仍示以大度許其行成特命李鴻章與議簡明條約
五款互相畫押諒山保勝等軍應照議於定約三月後調回迭經諭飭各防軍
扼紮原處不准輕動開礮諸軍將士奉令維謹乃法國不遵定約忽於閏五月
初一初二等日以巡邊爲名直撲諒山防營先行開礮轟擊我軍始與之接仗

互有殺傷法人違背條約無端開釁傷我官兵本應以干戈從事因訂約通好二十餘年亦不必因此盡棄前盟仍準各國總理事務衙門與在京法使往返照會情喻理曉至再至三閏五月二十四日復明降諭旨照約撤兵昭示大信所以保全和局者實屬仁至義盡法人乃竟始終怙飾橫索兵費恣意要挾輒於六月十五日佔據臺北基隆山礮臺經劉銘傳迎剿獲勝本月初三日何璟等甫接本領事照會開戰而法兵已自馬尾先期攻擊傷壞兵商各船雖經官軍焚燬法船擊壞雷艇並陣斃法國兵官尙未大加懲創若再曲予含容何以伸公論而順人心用特揭其無理情節布告天下八月諭岑毓英督飭劉永福及在防各營規復北圻並諭潘鼎新飭各軍聯絡聲勢分路並進提督蘇元春與法軍戰於陸岸縣敗之十月內閣學士周德潤奏官軍進取越南宜以正兵牽制河內之師別用奇兵由車里趨老撾走哀牢以暗襲順化募用滇邊土人必能得力得旨交演督詳察籌辦是月蘇元春與法人戰於紙作社陣斬法兵官四人十一月王德榜軍大敗於豐谷蘇元春不往援唐景崧與劉永福丁

清史稿

屬國傳二

十九

槐軍攻宜光力戰大捷優詔褒之十二月十九日法兵攻谷松王德榜以豐谷之敗怨蘇軍不救至是亦不往援蘇軍敗退威坡諒山戒嚴帝命馮子材幫辦廣西關外軍務二十九日法軍攻諒山據之潘鼎新等退駐鎮南關龍州大震唐景崧劉永福丁槐攻宜光月餘不能下諒山失守岑毓英慮景崧等軍斷後援令勿拚孤注景崧不可馮子材與法軍戰於文淵互有殺傷十一年正月初九日法兵攻鎮南關轟毀關門而去提督楊玉科戰歿潘鼎新退駐海村帝命戴罪立功元春退駐幕府王德榜自負湘中宿將屢催援不至鼎新効之落職所部歸元春轄法軍攻劉永福於宜光永福軍潰唐景崧退駐牧馬欽廉防急彭玉麟請調馮子材軍防粵朝旨令鼎新議鼎新素不協於子材乃命子材行子材以關外防緊不肯退玉麟乃令專顧桂防鼎新師久無功褫職以李秉衡護理廣西巡撫蘇元春督辦廣西軍務法兵既毀鎮南關逃軍難民蔽江而下廣西全省大震子材乃力為安輯子材久駐粵西素有威惠桂越民懷之人

扼守計自率所部駐之而令王孝祺勒軍屯其後為犄角法兵揚言某日犯關子材逆料其必先期至乃議先發制敵鼎新止之子材力爭徑率王孝祺軍夜犯敵壘殺敵甚多法起諒山之眾撲鎮南關子材誓衆曰法再入關吾有何面目見粵人必死拒之士氣皆憤法攻長牆急礮猛烈子材勸諸統將屹立接戰遇退後者手刃之戰酣子材自開壁率兩子相榮相華直衝敵軍諸軍以子材年七十奮身陷敵皆感憤殊死戰王孝祺陳嘉率部將潘瀛張春發等隨其後王德榜軍旁至夾擊之斃法兵無算慶戰兩日法軍子彈盡大敗潰遁子材率兵攻文淵法軍棄城走諸軍三路攻諒山孝祺德榜戰尤力連戰皆捷二月十三日遂克諒山法悉眾遁子材進軍克拉木逼攻郎甲王孝祺進軍貴門關盡復昔年所駐邊地越民立忠義五大團二萬餘人皆建馮軍旗幟西貢亦聞風通款自海通以來中國與外國戰惟是役大捷子材之功也法兵六千犯臨洮府復分兩隊一北趨河嶺安平一南趨緬旺猛羅演督岑毓英命岑毓英李應珍等扼北路王文山扼南路而自率軍當中路皆有斬獲法軍遂合趨臨洮府

清史稿

屬國傳二

二十

滇軍拒戰南北路迴軍夾攻之陣斬法將五人法軍大潰時法兵艦據海灣之澎湖諒山既大捷法人力介英人赫德向李鴻章議和言法人交還基隆澎湖彼此撤兵不索兵費鴻章奏言澎湖既失臺灣必不可保當藉諒山一勝之威與締和約則法不至再事要求朝廷納其議立命停戰臨洮之戰乃在停戰後電諭未達前也鴻章遽請簽約令諸將皆退還邊界將士扼腕痛憤不肯退彭玉麟張之洞屢電力爭帝以津約斷難失信嚴諭遵辦法人要求逐劉永福於越南張之洞乃擬令永福駐思欽永福堅不肯行唐景崧危詞脅之朝旨嚴切乃勉歸於粵授總兵馮子材奉督辦廉欽邊防之命約既成越南遂歸法國保護焉

心始定乃於關內十里之關前隘跨東西兩嶺間築長牆三里餘外掘深塹為

清史稿

屬國傳三

緬甸

暹羅

南掌

蘇祿

緬甸在雲南永昌府騰越廳邊外而順寧普洱諸邊皆與緬甸界順治十八年李定國挾明桂王朱由榔入緬詔公愛星阿借吳三桂以兵萬八千人臨之李定國走孟良不食死緬酋莽應時縛由榔以獻遂班師緬自是不通中國者六十七年雍正九年緬與景邁交關景邁使至普洱求貢乞視南掌暹羅雲貴總督鄂爾泰疑而卻之緬密遣人至車里土司探知景邁貢被卻則大喜揚言緬來歲亦入貢旋興兵二萬攻景邁而貢竟不至緬地互數千里其酋居阿瓦城城西瀕大金沙江江發源野人番地縱貫其國中南注於海沿海富魚鹽緬人

清史稿

屬國傳三

載之湖江上行十餘日抵老官屯新街蠻寨市邊內外諸夷人皆賴之而江以東為孟密有寶井產寶石又有波龍者產銀江西湖廣及雲南大理永昌人出邊商販者甚眾且屯聚波龍以開銀鑛為生常不下數萬人自波龍迤東有茂隆廠亦產銀乾隆十年葫蘆酋長以廠獻遂為內地屬然其地與緬犬牙相錯十八年廠長吳尚賢挾緬自重說緬入貢緬酋麻哈祖乃以馴象塗金塔遣使叩關雲南布政司等議卻之而巡撫圖爾炳阿遽以聞帝下禮部議如他屬國入貢例其冬緬使還至順寧聞自古部酋撤翁起兵攻緬緬兵敗麻哈祖逃至約提朗為自古所得沈之江撤翁據阿瓦五年而緬屬之木梳頭目蠻藉牙復起兵攻走自古自據其地令頭目播定鮮等以兵脅諸部役屬之既而蠻藉牙死子惜洛立未幾亦死弟惜駁立貴家者隨永明入緬之官族也其子孫自相署曰貴家據波龍廠探銀其酋官裏雁不附於蠻藉牙約木邦酋攻之兵敗逃入孟連而孟連土司刀派春奪其孥賄為官曾妻囊占所襲殺雲貴總督吳達善誘官裏雁至則坐以擾邊罪肆諸市而木邦曾罕莽底亦兵敗走死惜

四
八
四
書

駁立其弟罕黑由是緬人益無忌明萬歷時巡撫陳用賓因永昌府近緬設八關控之八關者萬仞巨石神護銅壁鐵壁虎踞天馬漢龍也其定八關皆無險阨可守山箝間小徑往往通人行自永昌迤邐而南為順甯又南為普洱其邊袤互蓋二千餘里永昌之蓋達蘭川猛卯芒市遮放順甯之孟定孟連耿馬普洱之車里數土司外又有波龍養子野人根都狝狉漢夷雜錯而居非緬類然多役於緬土司亦稍致餽遺謂之花馬禮由來久矣暨緬人內訌禮遂廢粵藉牙父子欲復其舊諸土司弗應乃遣兵擾其地而普洱獨先有事二十八年劉藻為雲南巡撫額爾格圖為提督是年冬緬人先遣刀派先之兄刀派新自阿瓦還至孟連徵索幣貨又遣頭目卜布拉木邦罕黑至耿馬責其禮普洱之三板納者本車里土司地雍正七年鄂爾泰總督雲南招降之始割其地置府至是緬人亦來索米永順鎮總兵田允中普洱鎮總兵劉德成知府達成阿檄土司各率兵禦之殺其頭目卜布拉罕標等餘眾潰走孟良本緬屬距普洱千餘里土司召孟容與弟召孟必不相能召孟必之子召散譜召孟容於緬緬人執之其子召丙走南掌尋入居於三板納之孟遮召散因令素領散聽素領散撰素領黨阿烏弄等犯打樂分枝九龍江檄攪壩車里土司遁去賊入據其城總督劉藻檄大理順甯營兵七千往勦遊擊司邦直先進為賊人所圍會參將劉明智至夾攻破之乘勝復車里土司城進攻猛籠猛欽猛混猛遮諸壘連破之然賊往往竄伏屯聚未肯即退藻議益以曲尋楚姚兵二千未至而參將何瓊詔遊擊明浩等聞猛阿為賊所攻遽率兵過滾弄江束器械以行不設備入山遇賊兵敗皆論斬時乾隆三十年也三十一年正月詔大學士楊應琚自陝甘移督雲南降劉藻湖北巡撫藻自刎死是月己亥應琚至雲南楚姚鎮總兵華封已平打樂猛臘參將哈國興已平大猛養合勦孟良召散通官軍得其城而劉得成與提督達啟及參將孫爾桂攻整欠亦克之普洱邊外悉平叭先捧者車里土司之所屬蓋徵者也願與其妻咸以從軍自劬斬素領散撰於小猛崙素領散聽亦為其妻殺死應琚乃請以召丙居孟良叭先捧居整欠均授以指揮使守其地時提督李勳方至雲南應琚令往孟良整欠正經界定賦

清史稿

屬國傳三

載之湖江上行十餘日抵老官屯新街蠻寨市邊內外諸夷人皆賴之而江以東為孟密有寶井產寶石又有波龍者產銀江西湖廣及雲南大理永昌人出邊商販者甚眾且屯聚波龍以開銀鑛為生常不下數萬人自波龍迤東有茂隆廠亦產銀乾隆十年葫蘆酋長以廠獻遂為內地屬然其地與緬犬牙相錯十八年廠長吳尚賢挾緬自重說緬入貢緬酋麻哈祖乃以馴象塗金塔遣使叩關雲南布政司等議卻之而巡撫圖爾炳阿遽以聞帝下禮部議如他屬國入貢例其冬緬使還至順寧聞自古部酋撤翁起兵攻緬緬兵敗麻哈祖逃至約提朗為自古所得沈之江撤翁據阿瓦五年而緬屬之木梳頭目蠻藉牙復起兵攻走自古自據其地令頭目播定鮮等以兵脅諸部役屬之既而蠻藉牙死子惜洛立未幾亦死弟惜駁立貴家者隨永明入緬之官族也其子孫自相署曰貴家據波龍廠探銀其酋官裏雁不附於蠻藉牙約木邦酋攻之兵敗逃入孟連而孟連土司刀派春奪其孥賄為官曾妻囊占所襲殺雲貴總督吳達善誘官裏雁至則坐以擾邊罪肆諸市而木邦曾罕莽底亦兵敗走死惜

稅附入版圖為久遠計然召丙為人儒不能安輯其人必先捧不敢至整欠退
棧於猛猗四月召散之黨召猛烈召猛養以次被獲其弟僧召龍亦自投首惟
召散通逃未得應現見夷人之易於摧殄也遂上奏云臣兩月以來訪問召散
踪跡逃往阿瓦已飭土司繕寫緬文索取不獻當即興師問罪臣查緬甸連年
內亂篡奪相尋實有可乘之會臣謹選人潛往阿瓦將地方之廣狹道路之險
夷詳悉繪圖探明奏報現已備可調之兵布置練習密修戎器以待進行疏入
帝諭曰應現久任邊疆必不至輕率喜事如確有把握自可乘時集事勉日奏
功倘勞師耗餉稍致張皇轉非慎重籌邊之道務須熟計兼權期於妥善以定
行止是時諸將希應現意爭言內附李勳以猛勇猛散告劉德成以猛龍補哈
告華封以整實景線景海告率修言夷地廣輪或二千里或二千餘里為邊外
大都應現一一奏聞以其頭目為千總守備緬甸通判富森言木邦人殺緬立
土司罕黑奉綏勉團為主願求內屬永昌知府陳大呂亦言蠻暮土司被緬殘
虐久願歸誠請發兵為助應現乃往駐永昌而遣副將趙宏榜將永順騰越兵

清史稿

屬國傳三

三

三百餘人出鐵壁關屯新街為蠻暮捍蔽宏榜抵關遇大呂所遣使羈之而白
受蠻暮土司瑞剛降大呂肅訴應現應現曲解之是時騰越知州陳廷獻招猛
育猛英猛密陳元震招妥鳩允帽結妥富森招狝狝而宏榜又招孟養乃瑞竹
孟岳十六寨諸夷先後遣人來約降應現又為文檄緬修言天朝有陸路兵三
十萬水路兵二十萬陳於境以待速降不然則進討緬甸乃大出兵緬人素不
養兵有事則於所屬土司諸寨籍戶口多寡出夫名曰門戶兵自甕藉牙據阿
瓦善勝兵萬人一人給以餉四十兩其餘派夫如故每戰則以所派土司漢夷
居前勝兵督其後而以馬兵為左右兩翼戰既合兩翼分繞而進往往以此取
勝若自度不可勝則急樹柵自固而發連環槍礮蔽之比煙開則柵木已立入
而拒守其兵法如此九月賊先以兵出落卓攻木邦綏勉團不能守入居遮放
又以兵溯江而上抵新街宏榜相持兩日勢不支燒其器械輜重及傷病之兵
退回鐵壁關駐守而蠻暮土司亦借其母走入內地應現憂甚疾遽作詔兩
廣總督楊廷璋赴滇代治應現軍並廉宏榜兵收狀又遣侍衛傅靈安挾御醫

診應現病又命其子江蘇按察使重英湖南寶慶知府重毅赴滇省視之應現
所調兵一萬四千名將集令永順鎮總兵烏爾登額頂進勦木邦永北鎮
總兵朱崙由鐵壁關進駐新街而令提督李時升在杉木籠山中調度崙至
榜木突遇賊戰四晝夜賊退走追擊之擒馘之弟卜坑及其舅莽葛沙節速詭
求和言願頂經喫水頂經者以經加於首呪水者取水呪之分與其眾飲蓋
夷人盟誓之禮也議未定賊已擁眾越神護萬仞關入掠蓋達圍遊擊馬拱垣
於蓋達江上分兵入戶撤遊擊邵應泌亦被圍劉德成在千崖有兵二千人坐
視不救時升因檄崙還守鐵壁又聞賊欲從庫弄河出關後崙復引兵卻駐守
隴川賊勢張甚應現數以檄促德成始擊賊於銅壁關下破之賊自西而東趨
隴川德成亦由戶撤擊其後時升又檄烏爾登額帥頂兵至邦中山以助聲
勢於是軍威稍振賊人見大兵之集也復來乞降崙以報應現命許之賊伺我
軍懈遂走犯猛卯與木邦親木邦之降猛卯實左右焉賊怨故蹂躪之時三十
二年正月丙寅朔也副將哈國興帥兵二千五百人趨猛卯比至見賊勢盛乃

清史稿

屬國傳三

四

入城與土司堅守賊攻城緣梯而上城上矢礮交發賊不敢近圍八日癸酉副
將陳廷蛟遊擊雅爾爾阿各以兵至城中出合擊之賊大潰而烏爾登額久不
至故賊得浮猛卯江而逸朱崙乃造浮橋過宿養渡由景陽暮董偕烏爾登額
進勦木邦是月丁丑楊廷璋至軍見賊未易遽平遂奏言應現病已痊臣當歸
粵帝召廷璋還京師時賊入關侵擾應現皆不以聞僅言朱崙殺賊幾萬人賊
震懼乞降欲以新街蠻暮與之而時升亦言猛卯之捷誅其大頭目播定酢皮
魯布奏入帝視應現所進地圖用藍筆分中外界而猛卯隴川均在藍線內疑
之以為如果殲賊萬餘及大頭目賊當遁走不暇何以朱崙輾轉退卻賊敢蔓
延內地土司之境降旨駁詰而傅靈安先奉詔廉訪軍事具言趙宏榜棄新街
朱崙退守隴川及李時升未經臨敵情事與帝所駁詰者悉合應現復劾劉德
成烏爾登額逗留貽誤於是逮李時升朱崙劉德成烏爾登額趙宏榜而普楊
崙為提督且以應現欺罔乖謬不能任事乃召明瑞於伊犁以將軍督軍雲南
遣額爾景額為參贊大臣從巡撫湯聘於貴州以鄂爾代之上年冬緬人已據

整賣景綫召散遂率以攻孟良召丙懼出奔賊延入打樂思茅同知照之以聞時湯聘未聞上命楊重英方至自江蘇乃借赴普洱奏言總兵華封密珠安坐普洱失勦禦請革職治罪奏入華封密珠與遊擊權恕司邦直都司甘其卓皆被逮調開化鎮總兵書敏總統進勦頃之鄂密亦至普洱奏言上年九龍江外兵馬以瘴死者不可勝數官弁夫役死亦大半此時正盛瘴發生湯聘乃稱嚴飭將卒尅日進勦懷詐塞責實無誠款奏入湯聘以革職逮治應据見前所招撫土司復陰附緬其土司頭目夷人千百為羣皆蕩析離居而緬賊時出沒為患邊事日棘鄂密復奏應据貪功啟釁為朱崙等諱飾又不令湯聘傳德安與聞邊務及隱沒遊擊班第守備江紀陣亡各狀應据懼乃奏請是秋大舉征緬調兵五萬五路並進兼約暹羅夾攻帝下其議廷臣皆斥之詔逮應据至京賜死四月明瑞至永昌時楊密軍木邦餉道為賊所斷潰退滿河永北鎮總兵索柱及烏爾登額亡其印信明瑞以聞楊密亦被逮調譚五格為提督詔派八旗兵三千四川兵八千貴州兵一萬雲南兵四千赴邊進討綠營馬匹皆本營

預備惟八旗兵三千人每兵例需馬三匹合官員所用計馬幾萬匹明瑞議撥廣西馬一千廣東馬八百四川馬五千八百貴州馬六千湖南馬二千每兵裹兩月糧計六斗馱以一馬馬馱少購牛代之糧不足可殺牛以抵共用馱馬牛八百餘其糧於大理鶴慶蒙化三府撥六萬石又於永昌順甯買二萬石兵行之道自宛頂木邦進者為正兵明瑞身統之烏爾登額譚五格則由猛密分進至新街水路時方暑雨難造舟宜削木枋沿江流下疑賊以牽其勢奏入帝嘉之悉從其議九月諸路兵皆至永昌馬牛亦集甲寅明瑞率軍啟行值大雨路江舟少以次待渡而溝路陰仄輻重壅塞於道軍士立雨中竟夕十月甲申抵帕兒帝復遣參贊大臣珠魯訥至軍而參贊大臣額爾景額楚姚鎮總兵國柱相繼病歿賊偵知毀津渡橋梁且伐大樹扑之又兩多道壞軍行遲滯明瑞乃選銳兵一半帥以先驅領隊大臣觀音保由孟谷出木邦之右十一月丙戌抵木邦城賊先挾夷民以去獲其糧貯留珠魯訥以兵四千守之進至錫箔江江寬架橋以渡行四日至天生橋橋南有賊砦相偪會商人馬子團言橋之東三

十里水淺可涉且岸頗平乃以兵繞出其後賊復棄砦去遂進至蠻結賊依山立十六柵以待明瑞抵柵下親冒槍礮督兵進攻觀音保麾眾先據山左哈國興等三路登山俯薄之呼而逼其壘貴州步兵王連睨柵左有積木礮之以登躍入柵內八十餘人繼之賊恆亂莫知所措多被殺遂破其一柵旋復攻破三柵而十二柵之賊悉乘夜潛遁捷聞普封明瑞誠嘉毅勇公以恩澤侯與其弟奎林特擢王連為遊擊餘俱交部敘功然夷境益峭險其草率綠竹王芻之屬馬乏食多致斃而牛行遲滯鑿之以登死者尤眾賊燒其村寨斂積貯而窖埋之掠食無所得軍糧垂竭進至象孔迷失道明瑞度不能至阿瓦約烏爾登額等軍由猛密入其地近孟籠有緬屯糧且可與猛密軍相合乃議向孟籠果大獲糧而烏爾登額等趨猛密出虎踞關聞老官屯有賊意輕之先率眾往攻賊固守弗能下軍士多傷亡陝西興漢鎮總兵王玉廷亦中槍卒珠魯訥守木邦有夷數十人來降疑其偽悉誅之而遣索柱等往錫箔江設臺站以通明瑞軍信息索柱等至蒲卡聞賊至以兵少退守錫箔賊踞之戰歿賊遂傳木邦城下

絕管南水道糧運之從宛頂來者賊又截之軍士皆飢渴火藥亦盡賊審其困佯為好語求和珠魯訥不得已遣楊重英及守備王呈瑞往報賊人留之且誘軍士出汲斷其後皆不得還二十三年正月益兵攻城丁未夜兵亂珠魯訥自劉死普洱鎮總兵胡大猷亦歿賊之圍木邦也珠魯訥屢促鄂密救援而永昌兵盡行無可調發已而促之急始令遊擊袁夢麟等率駐宛頂兵三百人以往遇賊皆不知所之知府陳元震郭鵬翀持參贊印先三日逸出鄂密捕得之磔死明瑞既就糧孟籠諜知烏爾登額未至猛密而諜者報大山土司瓦喇遣弟羅旺育來迎且率其子阿隴從軍而緬自去冬象孔改道後獲官軍病卒知糧盡不向阿瓦即悉眾踞官軍後官軍且戰且行每日先以一軍拒敵即以軍退至數里外成列待軍至則成列者復迎戰明瑞及觀音保哈國興更番殿後步步為營每日行不三十里正月丙午至蠻化營於山巔賊即營山半明瑞曰賊輕我甚矣不一痛創之不可時賊誠官軍軍號每晨吹波倫者三而起行賊亦起次日五鼓復吹波倫三乃盡出營伏箚中以待賊聞波倫聲爭上山來迫萬

槍突出四面兜擊賊潰墜者趾頂相藉坑谷皆滿殺四千餘人明瑞休軍蠻化數日取所得牛馬犒士又自蠻化至邦邁虎布蠻移小天生橋獐子壩大小數十戰永順鎮總兵李全歿於陣又稍稍聞木邦失守明瑞恥是役之無功也二月己未至猛育距宛頂糧臺二百里賊蟻集數萬明瑞乃令軍士乘夜出而自與領隊大臣及巴圖魯侍衛數十人率親兵數百斷其後及晨血戰萬賊中無不一當百俄明瑞鎗傷於脇呼從者取水至飲水少許而絕觀音保扎拉豐阿皆戰死者凡千餘人是夕也星隕如雨餘軍先後潰歸宛頂明瑞自蠻結破賊後懸軍深入帝久不得報命戶部尚書果毅公阿里袁以參贊大臣赴邊接應又聞木邦被困命明瑞旋軍而勅烏爾登額撤老官屯之圍往援木邦賊覺扼馬脖子嶺烏爾登額幾不得出而自旱塔抵猛密木邦有差徑頗近烏爾登額以馬盡糧乏紆道入虎踞關經猛卯至宛頂復駐軍明日而明瑞陣亡之信已至鄂寧劾其有心玩誤詔逮至京磔之并誅譴五格於市而厚卹明瑞其後阿里袁募人至猛育求其屍歸於京師以葬是為征緬前一役明瑞之死也緬

清史稿

國傳三

七

人不知震其餘威懼再討五月縱所獲兵許爾功等八人自木邦持緬書來且使楊重英王呈瑞等言憤駁之母得罪天朝欲使憤駁內附重英恐緬書繙譯誤乃譯清漢字各一通益以木邦蠟成頭目苗溫之書苗溫者緬人守土官之稱臘成在木邦南木邦殘破而臘成城在嶺下險可守故苗溫徙居於此緬書云暹羅國得榜國得懷國自古國一勘國罕紀國結裝國大耳國及金銀寶石廠飛刀飛馬飛人有福好善之王殿下掌事官拜書領兵元帥昔吳尙賢至阿瓦敬進大皇帝仁慈樂善我緬王用是具禮致貢蒙賜帛玉器諸物自是商旅相通初無仇隙近因木邦蠻暮土司播弄是非與兵兆釁致彼此人馬互有傷亡茲特投文敘明願未請循古禮貢賜往來永息干戈照舊和好阿里袁以聞帝念明瑞軍入關者尙逾萬所喪亡不過十之一二然將帥親臣皆捐軀異域而緬夷求款未親遺頭目非大舉無以雪忠憤命絕之勿報自後緬人數以書與隨正野人及遮放土司訪問許爾功狀皆置不答而以楊重英偷生阿瓦籍其家並置其子於理時大學士公傅恆自請督師乃命為經略阿桂阿里袁

皆為副將軍明德為總督哈國興為提督八月阿桂詣熱河行在奏言緬賊愆不畏死臣至滇當相度時勢以正天誅不敢函莽滅裂誤軍國大事帝領之既陛辭至襄陽會守備程轍前從楊寄軍陷於賊至是密以書來告言緬人方與暹羅仇殺可約以夾攻帝遣人馳問阿桂奏言官軍會合暹羅必赴緬地若由廣東往則遠隔重洋相去萬餘里期會在數月之後恐不能如期帝以為然蓋自明陳用賓有要暹羅攻緬之說楊應琚楊廷璋先後奏上廷議雖斥之不能釋然也因詔兩廣總督李侍堯詢察之侍堯奏言聞暹羅為花壯番殘破國主詔氏竄迹他所餘地為屬下甘恩勅莫士麟分據花壯番者緬人以膝股為花故云由是約暹羅之議始寢是年冬帝念明瑞所統旗兵勞苦命回京復選旗兵五千人赴滇合荊州貴州四川兵一萬三千人阿里袁乃令副都統福康曲尋鎮總兵常壽帥二千人駐隴川侍衛海蘭察烏爾圖納遜帥二千人駐蓋達領隊大臣豐安鶴麗鎮總兵德福帥二千人駐遮放侍衛興兆巴朗帥一千人駐芒市侍衛王林普爾普帥五百人亦駐蓋達侍衛恒山保永順鎮總兵常保

清史稿

國傳三

八

柱帥三千人駐永昌廣東右翼鎮總兵樊經文帥一千人駐緬寧荊州將軍永瑞四川副都統雅朗阿提督五福帥六千人駐普洱而騰越兵一千令綿康兼轄之防守嚴密邊以無事帝以緬人狡惡思出偏師疑之使其疲於奔命欲出九龍江及舊小皆不果阿里袁乃議勦憂鳩十一月阿桂至永昌聞信馳往會師討之十二月出關焚數寨殲其眾數百人止丹山濮夷團五卒者率四十餘戶來降邊之蓋達三十四年二月經略傅恆發京師帝御太和殿授以敕印或告傅恆曰元伐緬由阿禾阿昔二江以進今其蹟不可考意其為大金沙江無疑前鄂寧言騰越之銀江下通新街南甸之檳榔江流注蠻暮兩江皆從萬山中行石礪層布舟楫不可施若於近江地為舟具使兵扛運至江澗合成之以入於江下阿瓦既速且可免運糧而師期亦較早一二月緬人必不暇設備又以一隊渡江而西覆其木梳舊巢如此緬不足平也傅恆然其言四月丙辰至永昌條奏進兵事宜皆如所議遂遣護軍統領伍三泰左副都御史傅顯及哈國興率夷人賀內往銅壁關外相視造舟地還報野牛壩山勢夾壇樹木茂密

且距蠻暮河一百餘里於入江爲宜乃令常青等率兵三千人督湖廣工匠四百六十餘馳往造辦又使賈丙潛行招撫賈丙者夏鳩頭目賀洛子也是役也續遣滿洲索倫鄂倫理春吉林西雙厄魯特察哈爾及白普洱調赴騰越之滿洲兵共萬餘人又福建貴州本省昭通鎮兵共五萬餘人河南陝西湖廣與在省曲靖各府飼養之馬凡六萬餘匹益以四川工呪術之喇嘛京城之梅鉞箭沖天礮贊叭喇烏鎗河南之火箭四川之九節銅礮湖南之鐵鹿子廣東之阿魏雲南省城製造之鞍履帳幔旗纛火繩鉛藥及鉛鐵灰油麻桌諸船料物悉運往以資軍實乃議分路進傳恒由江西夏鳩路阿桂由江東猛密路阿里袁以肩槍未愈由水路都計新舊調兵二萬九千人其由夏鳩路者滿洲兵一千五百人護軍統領伍三泰侍衛玉麟納木札五福鄂爾齊保參領滿都虎德保領之吉林兵五百人護軍統領索諾木榮凌侍衛占坡圖領之索倫兵二千五百人副都統呼爾起奎林莽克察侍衛塔尼布克車德受菩薩參領占皮納領之鄂倫春兵三百人侍衛成果領之厄魯特兵三百人侍衛鄂尼積爾噶爾領

清史稿

國朝傳三

九

之綠營兵四千人提督哈國興開化鎮總兵永平及德福領之其由猛密路者滿洲兵二千副都統綿康豐安常保柱侍衛海蘭察瑪格喬蘇爾興兆普爾普領之索倫兵一千人散秩大臣葛布舒侍衛額森退領之厄魯特兵三百人侍衛巴朗領之綠營兵四千人曲尋鎮總兵常青永北領總兵馬彪楚姚鎮總兵于文煥領之其由水路者健銳營兵五百人侍衛烏爾圖納遜奈庫納領之吉林水師五百人副都統明亮侍衛豐盛額領之福建水師兵二千福建提督葉相德福建建寧鎮總兵依昌阿領之又令副都統鐵保侍衛永瑞領成都滿洲兵一千二百人侍衛富興蒙古爾岱鄂爾必拉爾海領西雙兵一千人提督本進忠臨元鎮總兵吳士勝領綠營兵二千二百人分守驛站又令侍衛諾爾奔領滿洲兵五百人永順鎮總兵孫爾桂領綠營兵一千人屯宛頂以牽制木邦之賊又令雅朗阿領荆州滿洲兵一千人普洱鎮總兵喀木齊布領綠營兵一千五百人駐守普洱分置略定而賈丙往夏鳩招撫孟拱挾其頭目脫烏猛以來其言曰上年憤駁遺頭目蓋拉機以千人守猛孟孟索煩重土司畏其

偏避往戶工孟拱人苦緬人魚肉久矣聞大軍來皆呀呀喜請由夏鳩濟江出孟拱孟拱米穀多可以佐軍食頭目歸當集舟於江以待傳恒上言孟拱遺大頭目來稱歸備舟以候官兵過渡臣思野牛壩造舟之役賊早有見聞若於西岸設伏沿江拒我未易渡也今忽由夏鳩過江先從陸路據蠻西岸已出賊意計之外且自夏鳩渡後可將舟楫順流放至蠻暮添備東岸官軍過渡如造舟處有緩急我兵在西岸乘舟往來策應亦最便利臣傳恒謹先統兵進發阿里袁阿桂借往野牛壩督辦船工癸卯次盡達分道行阿里袁固請從傳恒庚申出萬仍關八月癸丑次允帽九帽江許也賈丙脫烏猛以舟三十餘來迎丙子次孟拱土司渾覺竄往節東蹤跡之獲其小妻併頭目興堂札願往尋渾覺縱之即日借以來獻象四傳恒令其人持大羶騎以先夷人望見皆驚駭而予渾覺銀萬兩市牛數千頭米數千石以給軍時阿桂以七月戊申次野牛壩舟工畢八月乙酉進次蠻暮初官兵之裹糧兩月也議以進勦爲始而督工時仍令內地饋運總督明德面諾之不爲具及是移檄往促始令騰越州發運泥

清史稿

國朝傳三

十

深道遠經月不能至乃奏糧運遲誤狀降明德江蘇巡撫以阿思哈代之九月壬辰阿桂由蠻暮進至新街舟成將出江口賊人從猛夏來逆戰阿桂伏兵甘立寨賊至水陸奮擊發巨礮沉其舟謀而從之笳鼓競作賊大沮退走先是傳恒在江西文報越兩三日輒一至自孟拱而南信益稀阿桂聞蒼浦蠻岡間有伏戎乃募夷間道以書往訊及伊犛將軍伊勒圖總督阿思哈奉命皆至軍中乃以兵二千屬伊勒圖渡江迎傳恒併令玉麟哈青阿率兵據西岸以待伊勒圖渡江遇賊擊走之柵賊一夕皆遁去傳恒率十八騎以是月戊申抵哈坎是時緬人列船江岸且於沙洲及林莽間樹柵以守十月戊午傳恒及阿桂督水師擊之侍衛阿爾蘇納首先乘小舟衝入衆繼進奪其柵獲旗纛器械無算獲頭目寶啞得諾而阿里袁伊勒圖攻西岸諸柵賊皆棄而走內寅傳恒阿桂循江東岸伍三泰常青循江西岸阿里袁伊勒圖率水師並進丁卯阿里袁以瘡甚卒於舟伊勒圖領其衆已抵老官屯賊柵徑圍三里許柵尾進還屬於江中潞水可泊船柵以巨木深入土中外周二壕壕外橫臥大樹銳其枝末外向蓋

其大頭目布拉莽儂所居也西岸頭目得榜孝榜率船一百三十兵三千起兩
 柵及夕柵木秒皆懸火有頃鼓登登難以管備休離之歌傳呼以達於江西遠
 近相和竟晚乃輟而老官屯南巴窪章薄賊皆築柵以為應援庚午進攻其柵
 經略將軍親摩聖總兵德福中鎗逾日卒乃令舟師絕兩柵中下泊於柵南斷
 賊江中援救發威遠大礮重三千斤子三十餘斤聲如奔雷遇木輒洞以過
 柵不為塌又改用火攻之法先以桿牌禦鎗礮夾背薪隨之百牌齊進踰壕
 抵柵而江自四更大霧起迄平旦始息柵木沾潤不能燃兼值反風遂卻又取
 生革為長繩鉤之力急繩斷乃伐箐中數百丈老藤夜往鉤其柵役數千指
 曳之輒為賊斧斷總兵馬彪乃闕墜藥其中深數十丈藥發柵突高起丈餘
 賊號駭俄柵忽落平地又起又落者三遂不復動蓋柵城進下而地道平進故
 土厚不能迸裂也賊自巴窪章薄來鉛丸火藥糧米卒不得斷絕是以無逃志
 然憤駁聞新街之敗大懼而攻圍日久死傷者多十一月己丑布拉莽儂乃遣
 使求罷兵明日復以憤駁書至傳恒阿桂召諸將問可否諸將皆言憤駁從阿

清史稿

屬國傳三

十一

瓦致書非震悚誠切不出此可借此息兵壬辰作檄答之言汝國欲貸天討必
 繕表入貢還所拘繫官兵永不犯邊境如撤兵背約明年復當深入不汝貸也
 癸巳緬十三頭目來議事乃遣明亮海蘭察哈吉阿明仁哈國興常青馬彪依
 常阿于文煥雅爾美阿等會議申諭所約三事頭目皆拱手聽命哈國興曰汝
 國僻在海裔不知藩臣典禮汝入貢當具表文文首行書緬甸王臣某奉表大
 皇帝陛下與安南高麗各外藩等其管五營頭目得勒溫曰謹受教目左右具
 書以歸丁酉陳錦布毳毯百餘端獻經略將軍而進魚鹽犒軍於是焚舟鎔巨
 礮奏聞以己亥班師甲辰進虎踞關緬人遺頭目率六十餘人送至關上是日
 奉旨以緬地瘴癘命賞其罪令渾覺還孟拱而以所進四象送京師伊勒圖傳
 恒先後還京木邦登暮兩土司走入內地後緬地居緬寧之海臘丁山瑞團
 居蓋達之壩筑其猛密頭人綫官猛亦率眾居緬川戶南山餘邊徙無常處及
 是移緬地於蒙化移瑞團綫官猛於大理各取官莊租贖之而賀丙則從其
 請居於萬仞關外之南底壩其後又以召丙叭先捧等分置於洱洱縣之威箕

壩而大山之姪阿爾允帽頭目之女老安皆屬縣官予以廩給猛勇頭目召工
 整欠頭目召教景海頭目召別威願輸誠進獻二十五年二月因緬人貢使不
 至帝令母許奸商挾貨貿遷以利緬且漏內地消息時阿桂還至省城命核所
 用軍裝馬匹又命總督彭寶檄斥緬入貢使遲滯狀使都司蘇爾相持至老官
 屯布拉莽儂留之阿桂回至永昌察賊狀三十六年三月阿桂奏言登暮木邦
 猛密三土司外始有緬人村落距邊已二千餘里偏師不可深入若出近邊則
 所殲乃漢夷野人與緬無損不如休息數年外約暹羅同時大舉帝以大舉非
 計乃罷阿桂以溫福代之明年金川反溫福阿桂皆赴四川而緬亦方用兵暹
 羅於是暹羅滅於緬四十一年金川平時緬甸先遣孟遮等五人以書呈雲南
 總督圖思德總督繫之歸京師及是命赴市曹觀狀且告之故乃縱使歸緬而
 令阿桂以大學士赴永昌備邊緬懼請入貢願出揚重英蘇爾相求開關互市
 明年出蘇爾相而揚重英不至四十二年暹羅遺民起兵逐緬人復國五十
 一年詔封鄭華為暹羅國王於是緬益懼五十二年耿馬土司罕朝報言滾弄

清史稿

屬國傳三

十一

隔岸即緬甸木邦緬酋孟雲遣大頭目葉渺瑞洞細哈覺控委盧撤亞三名率
 小頭人從役百餘人齎金葉表文金塔及馴象八寶石金箔檀香大呢象牙漆
 盒諸物絨氈洋布四種懇求進貢譯其文稱孟雲乃聖藉牙第四子幼為僧僧
 駁其長兄也僧駁死子贅角牙立孟雲次兄孟魯以聖藉牙有兄終弟及之諫
 僧駁死而子襲非約乃戕殺贅角牙欲自立國人不服亦殺孟魯迎孟雲立之
 孟雲深知父子行事錯謬感大皇帝恩德屢欲投誠進貢因與暹羅構釁且移
 建城池未暇備辦今緬甸安甯特差頭目遵照古禮進表納貢總督官綱等以
 聞帝允所請賞其使而歸之且賚孟雲佛像文綺珍玩器皿五十四年孟雲遣
 使賀八旬萬壽乞賜封又請開關禁以通商旅帝皆從之封為緬甸國王賜敕
 書印信及御製詩章珍珠手串遺道員參將齎往其新都登得列定十年一貢
 自是西南無緬患六十年緬王遣使祝釐進緬石長壽佛貝葉緬字經福字鏡
 金海螺銀海蝶金鑲緬刀金柄麀尾黃緞繒貼金象橋洋槍馬鞍象牙犀角孔
 雀木化石元猴皮各色呢各色花布都十有八種時有二緬盜逸入印度緬人

以五千人迫之突入印度之勢他加境英人領土也英守將爾斯根詰緬人以盜付之嘉慶元年緬王復遣使朝貢總督勒保以緬使甫經回國不宜數來徵雲南司道拒勿納事聞帝諭曰緬甸國王以本年國慶特遣使臣齎表備物申慶稱賀勒保不據實奏聞遽行拒絕致令使臣徒勞跋涉殊失柔遠綏懷之意勒保交部嚴議命軍機大臣擬旨曉諭緬王頒賜蟒錦四端五年緬甸入貢十年冬緬甸復遣使叩關求入貢以是年暹羅伐緬有勅諭暹羅罷兵故也帝以非貢期卻之時緬甸雖失暹羅國勢猶盛其疆城南盡南海北迄孟拱西包阿拉干東聯麻爾古又有擲人之地環其東境舊稱九十九國多為領屬地廣兵強既東失暹羅乃西覬印度之富時思襲取緬西北有曼尼坡部又西有阿薩密部緬管以兵攻二部漸有從西黑特旁侵入英領之勢西黑特居阿薩密南為印度孟加東北境過此即克車部英人所保護也緬人恃其習戰蔑視英人後果侵英邊殺英戍兵擄其人民又南侵入勞他加英人以少兵守內府河口之刷浦黎島道光三年緬人攻守島英兵以寡寡不敵而潰亡數人英人來

清史稿

緬甸傳三

十三

責言緬置不答益輕英明年英人伐緬水師副提督喀姆兒率師進厄勒瓦誦江即大金沙江也次仰光緬人禦諸海口而敗英軍遂登陸攻仰光克曼庭村寨緬兵懼每戰輒奔潰然去必毀其積貯堅壁清野以待英人野無所掠糧運又不繼遂大困緬王乘其敝自阿瓦遣大隊圍攻之英軍固守不動緬人不能勝英軍尋以巨礮反攻緬軍潰逾數月喀姆兒乘間攻克艾報墨爾階兩城與瀕海地那悉林之地然英軍傷病相屬其強壯能勝戰者僅三千人乃移病卒休養於艾報諸城勢復振進攻擺古河口之悉林工場與葡葡牙所築舊堡悉取之又克馬爾達般省緬人懼徵鎮守阿拉干長勝軍回援其帥班都拉健將也班都拉既至急突英軍不得入乃退而集師十一月班都拉以衆六萬攻仰光及克曼庭村寨不克還至丹阿卜掘地營而守喀姆兒於是進攻普羅美其地西距厄勒瓦誦江約三里許明年英軍分水陸進將軍可敦將水師喀姆兒將陸軍會於丹阿卜合力奪地營緬將班都拉中礮死遂長驅入普羅美城時值大雨約各休兵一月以九月十七日為期入夏以來英別將馬

立生攻克阿拉干部並逐阿薩密北部緬人進駐克車十月緬軍三路攻普羅美英守將僅有歐人三千印人二千緬軍不能入十二月英人分擊緬軍緬軍沿厄勒瓦誦江敗退各以一萬二千人分入米投麥龍築壘堅守未幾米投破餘兵奔麥龍緬人力竭求成於英英將允之遣人議和款要以四事一割阿拉干艾報墨爾階與意愛各城歸英轄二阿薩密部與各小部緬人毋得干預其治權三賠軍費一千萬羅比四應準各國代理人駐紮緬京且得以兵五十名為衛英艦之入緬港者毋得勒令繳槍彈船舵議員簽押呈緬王署押緬王不允飭整戰備英將偵知緬王無和意明年一月十九日攻克麥龍城緬人復遣使議和且徵蒲甘兵衛京城英將知非王本意進攻不已緬廷乃使美士道拉意斯持前署押約章並羅比二百五十萬至英軍乞止兵英乃撤兵去時道光六年也約成緬國遂失西偏沿海地數部然緬國上下均不服此約道緬王弗極道為其弟撒拉瓦第所篡撒拉瓦第素主排英尤蔑視前約先是英使臣軍佐白奈駐阿瓦與緬王齟齬而去兩國交遂破英政府撤回駐緬職事人是後

清史稿

緬甸傳三

十四

緬人遇英人頗暴厲英艦至緬者緬人常與其水手鬪英廷遣使詰責緬廷且護以水師比英使至仰光謁其督臣語不合英使遂以兵艦封其港責償前英船所受損失費要緬廷禮接英使仰光督臣在英使前謝罪時緬王蒲甘曼嗣立執不允於是英緬再失和而修職貢於中國如故咸豐二年十一月羅繞典奏緬國貢使入京請變通辦理帝諭軍機大臣曰朕念緬甸國王久列藩封貢使遠道輸誠其徵忱惻惟其國貢使向取道貴州湖南湖北進京現在粵匪未平若令繞道而行殊非所以示體恤即傳旨其使臣此次無庸來京仍優予犒賞委員護送回國是年緬英再開戰南方嚴城要地盡入於英前所交還擺古部亦為英據英將道好西宣言以擺古隸英版圖適緬親王曼同下王於獄自立為王遣使說印督道好西索還擺古英廷命軍佐雅實勿里為擺古行政長官且充使以報借雅實勿里行者為參贊亨利幼兒地質學家倭爾罕挾緬王立永讓擺古之約緬王拒焉久之至同治元年始定約英乃於緬甸海岸設官分部稱英領緬甸即擺古厄勒瓦誦阿拉干地那悉林也以厄勒瓦誦江東支

海口為會城即所謂仰光鎮以溫個那職視巡撫初英人欲覓一自英領緬甸通中國商路苦為緬隔後緬王許英人咸廉遊歷緬境北抵八募又溯厄勒瓦誦江而上至江上流之山峽同治六年緬廷與英人結通航緬境之約又命英人代收八募與其他口岸商稅次年緬王曼同薨子錫袍嗣位復命旅於仰光之英工程師威廉生理學士愛迭生水師兵官暴厄爾與司武華德白恩諸人探訪道路而以軍佐斯賴登率之行且諭八募守臣以兵五十人護行於是安抵八募東北之中國騰越廳境八年緬始開厄勒瓦誦江航路上通八募命水師兵官斯討拉爾駐八募理其事緬王頗注重商務凡克亨山一帶危險地皆設官防護英人交口譽之然緬王雖而多忌廢斥舊臣誅劬兄弟親戚殆盡外官雖有四千六百餘士司皆祿無常俸專賸民膏百姓恆產任意抄沒緬英雖交好而猜忌尤深光緒九年法蘭西由下安南進踞北圻暹羅亦命官分駐老撾土酋各部英據南緬既久洞知上緬寶藏之區甲於南海且慮法人由北圻西趨及緬甸十一年十月三日英首相侯爵沙力斯伯里值倫敦府尹

清史稿

國傳三

十五

大宴時宣布伐緬意假判斷木商歇業為名由印度派兵進攻入蠻得勒擒其王流之於印度孟買海濱拉德乃奇黎島初緬與法蘭西意大利立私約指自主權利英弗善也至是欲存緬祀則私約不能廢遂決計滅之並取所屬擇人地南緬地區部為四曰擺古部曰阿拉干部曰厄勒瓦誦部曰地那那部北緬地區部為六曰北部曰中部曰拉欵山嶺部曰南部曰東部曰喀倫尼山嶺部各部皆設行政長官而隸於印度總督緬甸自是遂亡時出使大臣曾紀澤駐英帝以屬國故命與英外部會商緬事初議立君存祀俾守十年一貢之例不可得旋議由英駐緬大員按期遣使資送儀物其界務商務兩事則擬先定分界再議通商英人自以驟闢緬甸全境所獲已多有稍讓中國展拓邊界之意英外部侍郎克雷稱英廷願將潞江以東之地自雲南南界之外起南抵暹羅北界西濱潞江即洋圖所謂薩爾溫江東抵瀾滄江下游其中北有南掌國南有揆人各種或留為屬國或收為屬地聽中國自裁曾紀澤轉咨總理衙門言南掌本中華貢國英人果將潞江以東讓英宜即受之將揆人南掌均留為

屬國責其按期朝貢並將上邦之權明告天下方可防後患而固邊圉紀澤又向英外部索還八募八募即蠻幕之新街昔時蠻幕土司地甚大後悉併於緬其商貨滙集之區謂之新街洋圖譯音則為八募距騰越邊外百數十里在大金沙江上游之東龍川江下游之北檳榔江下游之南向為滇緬通商巨鎮英人以其為全緬精華所萃不許爭論久之克雷始云英廷已飭駐緬英官勘驗一地以便允中國立埠且可在彼設關收稅參贊官馬格里言八募雖不可得其東二三十里舊有八募城似肯讓與中國日後貿易亦可大興且尤將大金沙江為兩國公共之江如此則利益與彼分之其隱裨大局尤較得潞東之地為勝議未定紀澤旋回國十二年六月總署與英使歐格納議約五條第一申明十年早進方物之例第三中緬邊界應由中英兩國派員會同勘定其邊界通商事宜另立專章約成遷延者五年十七年出使大臣薛福成始申前議奏言英人所稱願讓潞東之地南北將及千里東西亦五百里果能將南掌與揆人收為屬國或列為歐脫之地誠係緩邊保小之良圖惟查南掌即老撾之

清史稿

國傳三

十六

轉音臣閱外洋最新圖說似老撾已歸屬暹羅若徒受英人之虛惠終不能實有其地非計之得者南掌揆人本各判為數小國分附緬甸暹羅宜先查明南掌入暹羅之外是否尚有自立之國以定受與不受其向附緬甸之揆人地實大於南掌稍能自立且素服中國之化若收為我屬則普洱順甯等府邊徼皆可鞏固矣至曾紀澤所索八募之地雖為英人所不肯舍其曾經默許之舊八募者亦可為通至大金沙江張本若將來竟不與爭或爭而不得竊有五慮焉夫天下事不進則退從前展拓邊界之論非謂足增中國之大也臣聞乾隆年間緬甸恃強不靖吞滅演邊諸土司騰越八關之外形勢不全西南一隅本多不其清晰之界若我不求展出彼或反將勒入一慮也我不於邊外稍留餘地彼必築鐵路直接演邊一遇有事動要挾二慮也長江上游為小金沙江最上之源山嶽入演距邊甚近洋圖即謂之揚子江我若進分大金沙江之利尚可使彼離邊稍遠萬一能守故界則彼窺知江源伊邇或凌圖行船徑入長江以爭通商之利三慮也夫英人經營商埠是其長技我稍展界則通商在緬甸

設關收稅亦可與之俱旺我不展界則通商在滇境將來彼且來擇租界設領事地方諸務不能不受其牽制四慮也我得大金沙江之利則迤西一路之銅可由輪船運海北上運費當省倍徙否則彼獨據運貨之利既入滇境窺知礦產之富或且漸生狡謀五慮也凡此五慮皆在意計之中又查中英所定緬甸第一條內緬甸每屆十年向有派員呈進方物成例英國允由緬甸最大之大臣每屆十年派員循例舉行所派之人應選緬甸國人等語當時中外注意專在申明成例惟緬甸何年入貢並未計及所以但有此約而英之駐緬大員向未舉行竊恐久不催問此約即成虛設臣查成案緬甸向係十年一貢自道光二十三年入貢後道路不通至光緒元年始復入貢一次計截至光緒十一年正應緬甸入貢之期若不按時理論彼亦斷不過問此與勘界各為一事未便受其牽制臣擬再加查訪即行文交部請其知照駐緬大員補進光緒十一年應呈方物俟光緒二十一年再按定例辦理萬一彼謂必俟駐緬十年始呈方物則經此一番考覈彼於光緒二十一年之期斷難宕緩矣既而英人不認允

清史稿

國傳三

十七

曾紀澤二端之說謂普洱外邊南掌擇人諸地及大金沙江為公用之江與八募設關也十九年七月福成奏言英人自翻前議難以公法為解實亦時勢使然前議二端既不可恃則展拓邊界之舉毫無把握前歲英兵游弋滇邊以查界為名闖入界內常駐之地則有神護關外之昔董暨鐵壁關外之漢董雲貴督臣王文韶迭經電達總理衙門臣承總理衙門急電照會外部斥其違理責令退兵又屢赴外部爭論英兵稍自撤退滇邊至今靜謐臣又查野人山地絲互數千里不在緬甸轄境之內曾紀澤曾照會外部請以大金沙江為界江東之境均歸滇屬英人堅拒不納其印督至進兵蓋邊外之昔馬攻擊野人以示不顧分地之意臣相機理論稍就範圍於是就滇境東南讓我一地日科干在南丁之說據稱已與印督商定於孟定撤攬場西南邊外讓我一地日科干在南丁河與潞河中間蓋即孟良土司舊壤計七百五十英方里又自孟卯土司邊外包括漢龍關在內作一直綫東抵潞江麻栗場之對岸止悉劃歸中國約計八百英方里又有車里孟連土司轄境甚廣向隸雲南版圖近有新設鐵邊一處

係從孟連屬境分出英人以兩土司昔嘗入貢於緬并此一廳爭為兩屬今亦願以全權讓與我訂定約章永不過問至滇兩老界與野人山地毗連之處亦允我酌量展出其駐兵之昔董大寨雖未肯讓歸中國願以穆雷江北現駐英兵之昔馬歸我南起坪隴峰北抵薩伯坪峰西逾南嶂至新陌計三百英方里又自穆雷江以南既陽江以東有一地約計七八十英方里是彼於野人山地亦稍讓矣其餘均依滇省原圖界綫劃分外部於三月二十三日行文照會前來臣先行文外部訂定大局惟騰越八關界址未清尚須理論外部請待印督所寄地圖又值外部諸員避暑在外稍有停頓前據督臣王文韶電稱漢龍關自前明已淪於緬天馬關亦久為野人所占踞則八關僅存六關現經再三爭論此二關亦可歸中國又前年英兵所駐之漢董本在界綫之外因其扼我形勢逼處堪虞向彼力索外部亦願退讓以表格外陸誼刻下界務已竣商務本不似界務之繁重且已先將大意議明無甚爭論現正商訂條款計可刻期成事尋福成議定商約續爭回鐵壁虎踞二關時二關皆英兵占據也二十年正月

清史稿

國傳三

十八

訂滇緬新約十九條劃定自尖高山起向西南行至江洪抵湘江之界綫大金沙江許中國任便行船劃去八募設關一條於是緬事粗結惟十年進呈方物之例英外部初許待至光緒二十二年照約舉行繼稱英廷已豫備光緒二十一年第一次派員赴中國至是又聲請展緩迄未實行云
暹羅在雲南之南緬甸之東越南之西南瀕海灣順治九年十二月暹羅遣使請貢並換給印敕勅合允之自是奉貢不絕康熙二年暹羅正貢船行至七洲海面遇風飄失護貢船一至虎門仍令駛回三年七月平南王尙可喜奏暹羅來餽禮物卻不受其年議准暹羅進貢正貢船二艘員役二十名補貢船一艘員役六名來京並允貿易一次明年十一月國王遣陪臣等齎金葉表文文曰暹羅國王臣森列拍臘照古龍拍臘馬啤陸坤司由提呀苦埃誠惶誠恐稽首謹奏大清皇帝陛下伏以新君御世普照中天四海隸轡萬方被教化卑國久荷天恩傾心葵藿今特竭誠朝貢敬差正貢使提坤司咨喇耶邁低禮副貢使提坤心勿吞瓦替三貢使提坤司敕博瓦梯大通事揭希典辦事等臣梯航

渡海齋上金葉表文方物進獻用仲拜舞之誠恪盡遠臣之職伏冀俯垂天聽寬宥不恭微臣不勝瞻天仰望戰慄屏營之至謹具表以聞御前方物龍涎香西洋閃金緞象牙胡椒藤黃荳蔻沉香烏木大楓子金銀香蘇木孔雀六足龜等皇后前牛之帝錫國王緞紗羅各六金緞紗羅各四王妃各減二正副使等賞賚有差定進羅貢期三年一次貢道由廣東常貢外加貢無定額貢船以三艘為限每艘不許逾百人入京員役二十名永以為例十二年貢使提坤司咨喇耶遮低禮等至具表請封四月册封暹羅國王賜誥命及駝紐鍍金銀印令使臣齋回誥曰來王來享要荒昭事大之誠悉主悉臣國家著柔遠之義朕懌承鴻緒期德教暨於遐陬誕撫多方使屏翰踰於康又彝章具在渙號宜頒爾暹羅國森烈拍臘照古龍拍臘馬啤陸坤司由提呀苦埃乘志忠誠服躬禮義既傾心以向化乃航海而請封礪山帶河克荷維藩之寄制節謹度無忘執玉之心念爾惻忱朕甚嘉尚今封爾為暹羅國王錫之誥命爾其益矢忠貞廣宣聲教膺茲榮寵輯乃封圻於戲保民社而王業休聲於舊服守共球之職懋嘉

清史稿

國朝三

十九

續於侯封欽哉無替朕命二十三年王遣正使王大統副使坤亨述列瓦提齋金葉表入貢帝諭暹羅進貢員役有不能乘馬者官給夫驢從人給昇夫先是貢船抵虎跳門守臣查驗後進泊河干封貯貨物俟禮部文到方准貿易至是疏請嗣後貢船到廣具報即准貿易並請本國探買器用乞諭地方官給照置辦允之頒賞暹羅之犍始折絹貢使回國禮部派司官筆帖式各一人伴送二十四年議定暹羅國王原賞緞二十四今加十六共表裏五十四十七年貢馴象二金絲猴二是年禮官議准暹羅貢船歷船貨物在廣東貿易免其徵稅六十一一年部議暹羅入貢照安南國例加賜國王緞八紗四羅八緞金紗羅各二王妃緞織金緞紗織金紗羅各二是年國王奏稱彼國有紅皮船二前被留禁請令廣東督撫交貢使帶回帝可其請并諭禮部曰暹羅米甚豐足若運米赴福建廣東甯波三處各十萬石貿易有裨地方免其稅部臣與暹羅使臣議定年運三十萬石逾額米糧與貨物照例收稅雍正二年十月廣東巡撫年希堯陳暹羅運米併進方物詔曰暹羅不憚險遠進獻穀種果樹及洋鹿獾

犬等物恭順可嘉歷船貨物概免徵稅用獎輸心向化之誠六年帝諭暹羅商船運來米穀永遠免稅七年常貢內有速香安息香袈裟布疋等帝以無必須之物免其入貢著為例時貢使呈稱京師為萬國景仰國王欲令觀光上國徧覽名勝歸國陳述以廣見聞帝命賢能司官帶領遊覽並賞銀一千兩遇所喜物購買使臣復稱本國產馬甚小國王命購數匹帶歸允之命馬價向內庫支給復賜國王御書天南樂國扁額緞二十五玉器八珽瑯器一松花石硯二玻璃器二瓷器十四貢使赴廣探買京弓銅鏡等物復詔賞給乾隆元年六月國王遣陪臣朗三立哇提等齋表及方物來貢增馴象一隻金緞二疋花幔一條並言昔賜蟒龍袍祿承恩亭上歷世久遠難保無虞懇再賜一二襲帝特賞蟒緞四疋禮部奏暹羅照不雅大庫呈稱伊國造福送寺需銅懇弛禁議弗許帝特賞八百斤八年詔暹羅商人運米來閩粵諸省貿易萬石以上免船貨稅銀十之五五千石以上免十之三其米照市價公平發糶若民間米多官為收買以補常平社會或散給沿海標營兵糧之用十三年入貢方物外附黑熊一闕

清史稿

國朝三

二十

雞十二太和雞十六金絲白肚猿一十四年國王遣陪臣朗呵派提等入貢錫御書炎服屏藩四字十六年帝諭閩督喀爾吉善等籌辦官運暹羅米法疏陳非便並言不如獎勵商人赴暹運米至二千石以上者予議敘給頂戴從之十八年國王遣使入貢懇賜人獲纓牛良馬象牙及通徹規儀內監禮臣不可帝加賜人發四斤特飭使臣歸國曉諭國王恪守規制益勵敬恭二十二年入貢特賜其王蟒緞錦緞各二閃緞片金緞各一絲緞四玉器瑪瑙各一松花石硯二珽瑯器十有三瓷器百有四三十一一年暹羅入貢賜與前同頃之兩廣總督李侍堯奏暹羅為花肚番所破繳還原頒賜物花肚番即緬甸也當其時緬甸攻暹羅進圍其國都阿由提亞三月陷之殺其王暹羅遂亡緬甸會憤駭既破暹羅恃強侵雲南邊高宗疊遣將軍明瑞大學士傅恒將軍阿桂阿里衮等征之緬甸調征暹羅軍自救阿由提亞之陷也暹羅守長鄭昭方率軍有事東甯樂聞都城陷旋師赴援與緬甸戰構兵數年既以緬甸困于中國鄭昭乘其疲敵擊破之國復陷中國廣東人也父賈于暹羅生昭長有才略仕暹羅既

破緬軍國人推昭為主遷都盤谷領緬緬國日殷富四十六年鄭昭遣使明不彩悉呢霞握撫突等入貢奏稱暹羅自遭緬亂復土報仇國人以詔裔無人推昭為長遵例貢獻帝嘉之宴使臣於山高水長所貢方物收象一頭犀角一石餘物准在廣東出售與他貨皆免稅特賜國長蟒緞珍物如舊制四十七年昭卒子鄭華嗣立華亦材武屢破緬緬曾孟隕不能敵東徙居蠻得五十一年華遣使人貢御前方物龍涎香金鋼鑽沉香冰片犀角孔雀尾翠皮西洋氈西洋紅布象牙樟腦降真香白膠香大楓子烏木白荳蔻檀甘密皮桂皮藤黃外馴象二中宮前無象物牛之並請封十二月戊午封鄭華為暹羅國王如康熙十二年之例制曰我國誕膺天命統御萬方聲教覃敷遐邇率服暹羅國地隔重洋向修職貢自遭緬亂人民土地悉就摧殘實堪憫惻前攝國事長鄭昭當舉國被兵之後收合餘燼保有一方不廢朝貢其嗣鄭華克承父志遣使遠來具見忱悃朕撫綏方夏罔有內外悉主悉臣設暹羅舊王後嗣尙存自當擇其嫡派俾守世封茲聞舊裔遭亂淪亡鄭氏攝國長事既閱再世用能保其土字

清史稿

卷五三三

二十一

輯和人民圍國臣庶共所推戴用是特頒朝命封爾鄭華為暹羅國王錫之誥印尙其恪修職事慎守藩封撫輯番民勿替前業以副朕懷柔海邦興廢繼絕之至意是年粵督穆騰額奏定暹羅正副貢船各一免稅餘船按貨征惟以杜奸商取巧先是緬甸憚國威內附後屢為暹羅所敗五十三年來貢乞諭暹羅罷兵五十四年正月帝賜鄭華敕曰朕惟自古帝王功隆不冒典重懷柔凡航海梯山重譯而至者無不悉歸油膏咸被恩膏爾暹羅國王鄭華遠處海隅因受封藩職遣使帕使滑里遜通亞排那赤突等恭齎方物入貢謝恩具徵忱悃朕念爾國與緬甸接壤往者憎駭齟齬角牙相繼為暴侵陵爾國與師構怨匪爾之由今緬甸孟雲新掌國事悔罪輸誠願求內附已於其使臣回國時諭令孟雲與爾國重修和好毋尋干戈爾亦宜盡釋前嫌永弭兵釁同作藩封共承恩眷茲特賜國王絲幣等物尙其祇受嘉命倍篤忠忱仰副眷懷長膺天寵欽哉明年鄭華咨稱乾隆三十一年烏肚構兵國破君亡其父鄭昭光復故物十僅五六倍有丹老氏麻叻塗懷三城仍被占據懇諭令烏肚歸還以復國土之舊

清史稿

卷五三三

粵督郭世勳以聞帝念暹羅所稱之烏肚番即緬甸前緬甸與暹羅詔氏構兵係已故緬酋情狀非今王孟雲之事丹老氏等三城亦係詔氏在國時被緬甸侵占非鄭氏國土相安年久自應各守疆界今暹羅已輕易世暹羅又係異姓繼立為王更不當爭論詔氏舊失疆土命軍機大臣代世勳擬檄諭止之是年入貢因慶祝萬壽加進壽燭沉香紫膠香冰片燕窩犀角象牙通大海哆囉呢九種帝亦加賜國王御筆福字六十年暹羅破東甬乘取阿可耳及破丁蓬二地嘉慶元年暹羅遣使進太上皇帝皇帝派番字金葉表文並方物正月命使臣與帝壽宮千叟宴賜正使聖制千叟宴詩一章二年遣使賀歸政及登極貢龍涎香冰片等二十四種帝奉太上皇帝命賜鄭華敕曰九服承風建極著會歸之義三加錫命樂天廣估冒之仁舊典維昭新綸用沛爾暹羅國王鄭華屢供王會久列藩封茲於嘉慶二年復遣使臣奉表入貢鑒其忱悃允荷褒揚至以天朝慶重熙倍呈方物具見輸誠效順弗懈益虔國家厚往薄來字小柔遠自有定制第念爾國僻處海陬梯航遠涉其所備物若從節節勞費轉多特飭收受加賜文綺等物嗣後止宜照常進呈一分以示體恤王其祇承眷顧益懋忠純永膺蕃庶之恩長隸職方之長欽哉三年召暹羅使臣宴重華宮五年國王遣使齎祭文儀物詣高宗純皇帝前進香並獻方物廣東巡撫遵旨令使臣毋庸來京悉將方物齎回六年副貢使伯窩們孫吟吟病歿廣東諭地方官妥為照料賞銀三百兩先行回國十年暹羅貢表言與緬甸戰獲捷有詔和解之十二年九月帝諭鄭華不許違例用中國人駕船代運貨物往來以免奸商隱匿致啓訟端倘有違背奸商治罪國王亦難辭其咎特申禁令以嚴諭越之防爾國王其凜遵毋忽十四年遣使祝嘏加賞正副使筵宴重華宮秋鄭華卒世子鄭佛繼立遣使入貢請封遭風沈失貢物九種帝諭不必補進十五年封鄭佛為暹羅王給誥命駝紐鍍金銀印交使齎回十八年冬總督蔣攸銛奏暹羅正貢船在洋焚毀僅副貢船抵粵副使叩察哪不汝知突有疾聞正貢船遭焚驚恐益劇不能即赴都帝命副使留粵調治所存貢物十種派員送京失物毋庸補備且諭曰暹羅國王孑忱納壽沿海申虔即與到京齎呈無異

清史稿

卷五三三

二十一

飭收受加賜文綺等物嗣後止宜照常進呈一分以示體恤王其祇承眷顧益懋忠純永膺蕃庶之恩長隸職方之長欽哉三年召暹羅使臣宴重華宮五年國王遣使齎祭文儀物詣高宗純皇帝前進香並獻方物廣東巡撫遵旨令使臣毋庸來京悉將方物齎回六年副貢使伯窩們孫吟吟病歿廣東諭地地方官妥為照料賞銀三百兩先行回國十年暹羅貢表言與緬甸戰獲捷有詔和解之十二年九月帝諭鄭華不許違例用中國人駕船代運貨物往來以免奸商隱匿致啓訟端倘有違背奸商治罪國王亦難辭其咎特申禁令以嚴諭越之防爾國王其凜遵毋忽十四年遣使祝嘏加賞正副使筵宴重華宮秋鄭華卒世子鄭佛繼立遣使入貢請封遭風沈失貢物九種帝諭不必補進十五年封鄭佛為暹羅王給誥命駝紐鍍金銀印交使齎回十八年冬總督蔣攸銛奏暹羅正貢船在洋焚毀僅副貢船抵粵副使叩察哪不汝知突有疾聞正貢船遭焚驚恐益劇不能即赴都帝命副使留粵調治所存貢物十種派員送京失物毋庸補備且諭曰暹羅國王孑忱納壽沿海申虔即與到京齎呈無異

六二七

例賞物件及救書交兵部發交兩廣總督頒給明年暹羅王聞貢船焚毀補備方物入貢遇颶風船漂散二十年秋正副貢船先後抵粵將收銛以聞仁宗嘉其恭順諭曰暹羅向係三年一貢明年又屆入貢之期此次方物可作二十一年例貢暹羅王復表請准川內地水手駕駛部議駁之道光元年暹羅遠征馬來半島開泰州懸軍深入破沙魯他軍南下服派拉克進與色蘭格耳國戰以軍疲由新格拉而還二年遣使入貢賀萬壽四年鄭佛在位十五年傳位其子鄭福明年遣使入貢請封舟毀貢物沈沒帝免補進仍封鄭福為暹羅王福朝貢益恭十九年三月宣宗以暹羅服事之勤諭曰暹羅三年一貢其改為四年咸豐元年鄭福卒弟蒙格克托繼立中國稱曰鄭明者是也明奉孝和睿皇后宣宗成皇帝遺詔遣使進香並齋遞表文方物慶賀登極又因例貢屆期請將貢物一併呈進文宗命兩廣總督徐廣縉傳知使臣毋庸來京儀物方物悉令齋回至應進例貢現當國制二十七月之內不受朝賀並停止筵宴俟嗣王請封時再行呈遞二年徐廣縉奏暹羅國王遣使補進例貢並請敕封現已行抵

清史稿

國傳三

二十三

粵東帝命於封印前伴送來京應給嗣王誥命俟貢使抵都發給齋回適粵匪亂熾貢使竟不能至入貢中國亦於此止此後暹羅遂為自主之國矣鄭明通佛學善英語用歐人改制度行新政國治日隆稱皇帝復與英法諸國訂約遣使分駐各國同治七年鄭明卒子抽拉郎公繼立廢奴隸行立憲北部亂賊繼起討平之法既吞越南復迫暹羅割湄江東地光緒十九年國王派軍防守法藉口暹羅侵越南出兵占孔格沙丹格托倫格二地復進據老撾之加核蒙隆拍拉朋暹軍收退湄河西岸法復以海軍攻盤谷海港暹人懇乞和既英人疾法日盛不利于己乃與法立約保證湄南屬暹羅暹羅賴以少安致力內政日蒸蒸日上宣統二年卒子馬活提路特立暹羅版圖北緯六度至二十度東經九十七度至一百七度官制設外務內務財政陸軍海軍司法教育農務交通九部佐國王管理國政另設樞密院國王選親貴勳臣充之國之大事皆諮詢而行中央稱畿甸省全國分十七州置總督州下有縣郡村人口八百萬中國人占三分之一軍備仿德國徵兵制常備軍三萬人戰時可增十倍海軍有礮艦

水雷艇數艘製造槍礮廠造船所皆備暹羅鑿出英君政治修明故介於英法諸大國屬地而能自保其獨立也

南掌舊稱老撾雍正七年雲貴總督鄂爾泰疏言南掌國王烏孫遣使奉銷金緡字編蒲表文一道馴象二隻求入貢帝嘉獎其貢道命由普洱府入沿途護送從厚支給八年二月遣使表貢並請定貢期命五年一貢賜之勅諭並文綺等物令使臣齋捧回國九年六月表謝頒勅諭恩乾隆元年賜國王烏孫彩緡文綺八年二月帝以南掌遠道致貢改為十年一次十四年正月貢馴象二隻慶賀皇上五旬萬壽皇太后七旬萬壽准第駕公滿又別備表文一貢象二隻慶賀皇上五旬萬壽皇太后七旬萬壽准第駕公滿後各省巡撫值南掌琉球蘇祿安南等國貢使到境遵委同知通判中一員武弁守備一員伴行長送至京並知照經過各省添派委員護送按省更替貢使回國亦一例辦理從之又奏南掌外藩入貢使臣俱於陳設函簿之日帶領道旁瞻仰天顏備觀儀典今國王准第駕公滿

清史稿

國傳三

二十四

遣使叭哩哩哩門遮昆來京擬於七月初八日聖駕起鑾之期帶領大東門道旁叩見四十七年國王召翁遣使臣叭整哄等四人入貢帝於山高水長連日賜茶果又賜宴於紫光閣三無私殿五十五年國王表貢馴象祝釐並附進例貢帝諭雲貴總督富綱派員護送南掌貢使定於七月二十日至熱河行在與蒙古王公各外藩貢使同預壽筵五十八年諭免例進貢象明年國王召溫猛遣使請封特頒誥敕並駝紐鍍金銀印交使臣齋回六十年國王奉表祝釐進長生經一卷阿魏二十斤象牙四十夷錦四十時召溫猛已播遷越南昭晉州地既受敕印仍未能返國嘉慶四年國王遣使齋表懇求赴京進香帝諭止之令雲貴督臣由驛進呈金葉表文所貢檀香三枝交太常寺十二年國王遣使進馴象四隻象牙四百斤犀角三十斤土絹一疋帝賞賚有加十四年越南國王阮福映遣使恭繳南掌敕印帝諭曰南掌國王召溫猛悞儒不振流徙越南遺棄敕印朕念其流離不加聲責豈能復掌國事聽其在越南居住可也其國事以其伯召蛇榮代辦二十四年召蛇榮子召蟒塔度臘度修職貢願懇再頒

敕印禮臣覆稱前繳印信字畫完好毋庸另鑄准於頒給敕印外再給誥命一道交召蟒塔度臘祇領道光二十二年遣使齎勅封召喇嘛呢呀宮滿爲南掌國王咸豐二年南掌國長召整塔提拉宮滿遣使叩關請入貢帝以南掌貢使向由貴州湖南湖北河南取道進京惟現在粵匪未盡殲除命雲貴督臣吳文鎔等即傳諭南掌使臣此次毋庸來京仍優與犒賞俾先行回國貢物象隻卽由督臣派員送京然自是雲南回匪亂起貢道遂絕時南掌兼貢越南之順化暹羅之曼谷嗣越南衰南掌入暹羅號爲暹羅屬國光緒十一年法人得越南全境以南掌地居湄公江中間爲傳教通商孔道復設法保護之於是南掌又折入於法矣南掌國都曰隆勃刺邦據湄公江左岸江東折南流南岡江自東來會曲注如玦環城在山下當南岡江會流處水穿城而過王宮在城之北背山建屋規制壯麗佛墓寺塔森立城市中瀕江兩岸多花園居民大半老耄種或喀木種老耄種人俗同暹羅不文身雕題性愚而懶奉佛教好生惡殺務耕種畜牧能鑄造紡織其狀貌短小鼻寬而唇厚膚色紅紫剪髮留頂不蓄鬚男

清史稿

屬國傳三

二十五

子衣飾橫布一幅圍腰至膝富貴者以紬緞爲之婦人下裳似裙上服摺蓋於胸髮黝黑鬢垂於後項耳手足皆帶環圈以金銀銅爲飾其房屋率用藤竹縛造富室官衙則用堅木極壯麗常食稷米雜以秬稻中國人教以製酒醴養蠶絲之法家畜象牛供耕田馱貨其物產有五金各礦稻則有秬有稷多包穀少粟麥有靛青漆藤竹麻棉椰葉枕椰甘蔗檳榔荳蔻煙葉芝麻花生而松木楡木尤多其貨幣或用暹羅之體格或印度之魯卑皆銀錢也此外或用銅錢用鐵錢或用銀錠用海貝然用錢頗少以貨易者爲多天氣溫和自二月至八月多東風多雨九月至正月多北風多晴云

蘇祿南洋島國也雍正四年蘇祿國王母漢未母拉律林遣使奉表貢方物五年六月貢使至京貢珍珠玳瑁花布金頭牙薩白幼洋布蘇山竹布燕窩龍頭花刀夾花標檀滿花番刀藤席猿十二種賜宴賞頒敕諭一道令使臣齎回定期五年一貢貢道由福建十一年六月國王奉表謝恩並奏伊祖東王於明永樂間入朝歸至德州病故帝命有司營葬勒碑墓道諡曰恭定留妻妾僮從

十人守墓畢三年喪遣歸今事隔三百餘年所有墳墓及其子孫存留調恤之處懇請修理給復禮部議覆蘇祿國東王巴都噶叭哈答殿長子都馬舍歸國襲封次子安都祿三子溫哈喇留居守其子孫以祖名分爲安溫二姓應如所請飭查王墓所有神道享亭牌坊修理整飭於安溫二姓中各選一人給頂帶奉祀著爲例帝尤之乾隆五年八月蘇祿國王麻噶味呵稟請遣番丁護送遭風商人回內地八年貢使馬明光奏請三年後復修朝貢帝命仍遵雍正五年所定五年一貢之例十九年蘇祿國王麻噶味安柔律請遣使貢方物並貢國土一包請以戶口人丁編入中國圖籍帝諭蘇祿國傾心向化其國之土地人民卽在統御照臨之內毋庸復行齎送冊冊二十八年國王遣使貢方物自後遂不復至蘇祿本巫來由番族悍勇善鬪西班牙既據呂宋欲以蘇祿爲屬國蘇祿不從西人以兵攻之爲所敗獨慕義中國累世朝貢不絕其國小有巉巖之嶺其極南爲石崎山犀角嶼珠池因島環繞海內有珍珠土人與華商市易大者利數十倍此外土產則蘇木荳蔻降香藤條華菱鸚鵡之類戶口繁

清史稿

屬國傳三

二十六

多地瘠瘠食不足常糴於別島土人奉回教與婆羅洲芒佳瑟民結爲海盜云

清史稿

屬國傳四

廓爾喀

浩罕

坎巨提

廓爾喀在衛藏西南與巴勒布各部相鄰巴勒布三汗曰陽布曰葉楞曰廓庫木後皆為廓爾喀曾博納喇赤并吞及小部二十三其國境東西二千里南北約五百里東與哲孟雄宗木布魯克巴接壤西與木朗接壤南距南甲喇爾北連後藏邊境傳至孫拉特納巴都爾年幼嗣位其叔巴都爾薩野用事操國大權乾隆五十三年廓爾喀人至藏貿易以爭新鑄銀錢與唐古忒開釁構兵進侵藏界帝命四川總督鄂輝將軍成德往查以巴忠熱悉藏情令為會辦巴忠遷就議和稱內附帝錫封廓爾喀王爵廓爾喀私責後藏班禪喇嘛賠償銀兩巴忠不以聞既而後藏不能償班禪復與弟紅帽喇嘛沙瑪爾巴不協沙瑪爾

清史稿

屬國傳四

巴因導廓爾喀內侵五十六年廓爾喀遂以唐古忒兵欠款班禪負約為辭遣兵圍拉木唐古忒兵聞風潰進至達木番兵亦敗退八月廓爾喀圍札什倫布將軍成德赴藏援勦帝復命四川總督鄂輝督後隊赴援鄂輝復調金川兵二千雲南兵二千助討九月廓爾喀六七百人攻宗喀陳讓潘占魁等率唐古忒兵固守擊卻之斬首四十六賊退濟隴帝始議大舉往征十月召兩廣總督福康安入京授以方略命為將軍督參贊海蘭察等由青海赴藏總領大軍討廓爾喀十二月成德次拉木四十里戰拍甲嶺敗之明年正月攻克拉木東官寨斬其酋呢瑪叭噶嘶及踏巴等二月以地雷破西北碉寨獲咱瑪達阿爾曾薩野巨酋瑪木薩野之姪也拉木既平進軍濟隴三月福康安抵後藏詔進為大將軍各軍咸受節度廓爾喀築寨據險死守四月福康安偕海蘭察由絨轄拉木進決議先勦擦木濟隴擦木地最險兩山夾峙中互山梁五月六日乘夜兩分五隊海蘭察等居哲森保等由東西山趨賊寨墨爾根保等繞出賊背黎明攻擦木山梁兩石礮克之禽斬二百餘人進至瑪噶爾轄爾甲

濟隴援賊三百據山力拒海蘭察趨進馬中鎗揮軍奮擊盡殲之濟隴賊聞官

軍將至建大寨山岡外扼險築三大碉相倚角福康安檄巴彥泰巴彥薩崙阿長春攻西北臨河大碉桑吉斯塔爾克色保壽保巴哈張占魁攻東北石上大碉哲森保墨爾根保攻東南山梁上大碉蒙興保綽爾渾等攻山下喇嘛寺阿滿泰額爾登保等攻大寨以惠齡為策應之軍海蘭察率騎兵張兩翼截擊逸賊六月初六日哲森保等攻克山梁大碉蒙興保等克喇嘛寺復會攻臨河及石上兩大碉皆克之設礮石上戰一晝夜破其東北隅遂拔濟隴斬級六百餘禽二百獲賊目七當福康安之攻濟隴也先遣成德德岱森保率兵三千出拉木南行牽綴賊勢壁上木薩橋賊築三卡於德親鼎山下建木柵於下木薩橋以拒官軍岱森保悉攻破之於是自擦木至濟隴邊界盡復濟隴西南皆高山峻嶺險惡距濟隴八十里有熱索橋其大河自東來注渡橋即廓爾喀界也賊屯北岸三四里外索喇拉山設石卡一南岸臨河設石卡二官軍進破喇拉山卡迫至熱索橋逸賊甫上橋南岸守橋賊見追兵至倉卒撤橋逸賊皆落

清史稿

屬國傳四

河死官軍隔河施槍河闊不能及乃退還密道阿滿泰哲森保墨爾根保翁果爾海等率土兵東出我緣大山繞至上流伐木編筏以濟時賊與官軍隔河相持不虞間道軍驟至倉皇抵抗不能敵潰而奔遂夷二石卡六月十七日福康安海蘭察惠齡等渡熱索橋進密里頂大山山重疊無路徑乃令烏什哈達張芝元開路以進明日抵旺噶爾山勢險峻瑪爾賊大河傍山南注我軍循河東路逼仄不能駐足士卒皆露宿巖下深入賊境百七十里不見一賊尋偵知旺噶爾西南協布魯克瑪賊樹木城外環石壁城西里許夾河築卡城東三十里環克堆築寨以相犄角二十日官軍由旺堆伐樹建橋城賊居高施彈橋不能成我軍以礮轟其城賊隨缺隨補終不得渡二十二日福康安海蘭察由問道越伯爾噶賊興三大山攻克堆賊阻河以拒日暮大雨我兵伴退伏叢林中夜深偷渡賊壘五斬級三百餘徑趨協布魯克瑪與惠齡等前後夾擊賊驚潰木城石卡俱下協布魯克瑪既克福康安分道而前一由噶多趨東覺為正道一由噶多東越山趨雅爾賽拉博爾東拉為問道海蘭察督桑吉斯塔爾阿滿

泰珠爾杭阿等出間道福康安出正道命台斐英阿等與賊相持於作木古拉
巴載山梁躬率額爾登保等潛趨喇多普七月初六日晨渡河破其礮卡進毀
寨十一木城五殛賊目蘇必達奈新及巴撒喀爾斬級四百海蘭察亦破賊博
爾東拉前山毀木城三石卡七追至瑪拉遇伏擊破之東覺餘賊俱盡兩軍復
合進至雍鴉賊據噶勒拉山梁道路崎嶇士卒履皆穿跣足行石子上多刺傷
又為螞蝗噬兩足腫爛其地多陰雨惟辰巳二時稍見日屆午則雲霧四合
大雨如注山顛氣寒凜夜則成冰雪於是頓兵休息當是時成德軍亦克札木
過鐵索橋進至多洛卡破賊圍圍利底寨八月福康安分軍為三過雍鴉趨
噶勒拉麻爾喀境皆山東西對峙中貫大河自過雍鴉山勢皆南北向噶勒拉
堆補木甲爾古拉集木集諸大山層層環抱橫河阻之我軍須渡河仰攻初二
日破石卡逼噶勒拉山顛木城侍衛墨爾根保圖爾岱參將張占魁擊燬以登
中槍而殞士益奮拋火彈入焚其帳房自辰至未克木城石卡各二殲賊三百
餘斃其目五落崖死者無算乘勝追數十里抵堆補木山口之象巴宗賊蜂擁

清史稿

國傳四

三

出拒袁國璋等陷入陣斃賊百餘復檄珠爾杭阿等攻集木集阿滿泰額爾登
保等渡河撲甲爾古拉賊扼險列木柵長數里阻官軍阿滿泰與賊爭橋中槍
落水額爾登保等奮呼而進遂渡河斬賊目三斃賊百餘大軍競進集木集賊
衆分三道來援殊死鬥福康安躬督戰英貴殞於陣台斐英阿張芝元德榜泰
往來奮擊射死紅衣賊目二賊始收走是役也連戰兩日一夜克大山二大木
城四石卡十一斬賊目十三進抵帕朗古深入賊境七百餘里斃六百餘人廓
爾喀酋震懼乞降初福康安破東覺賊酋乞降福康安不許檄令拉特納巴都
爾薩野躬親至軍并獻禍首及所掠財物賊不應至是拉特納巴都爾薩野遣
大頭人稟請交送札什倫布什物繳出西藏所立條約並獻禍首沙瑪爾巴之
骨福康安海蘭察惠齡合疏入告曰竊臣等秉承廟算統率勁兵自察木進勦
以來連戰克捷邊界肅清遂奪熱索橋深入賊境協布魯東覺博爾東拉噶勒
拉堆補木帕朗古諸處皆保峭壁懸崖大河急溜我兵繞山涉水間道出奇賊
匪礮卡木城悉行攻克所向無前賊匪敗輒奔逃大兵進至雍鴉送出上年被

裹兵丁王剛諸人具稟乞降旋遣賊目噶布黨普都爾噶哩等迎赴軍前悉將
上年被裹之噶布倫丹津班珠爾及兵丁盧獻麟等全行送出稟陳沙瑪爾巴
噶使情形悔罪哀祈臣等嚴加駁飭復進兵至帕朗古移營進逼賊匪益加震
恐即將沙瑪爾巴眷屬徒弟什物等項及搶掠札什倫布銀兩物件皆已遵檄
呈交並繳出私立合同二張不敢復提西藏給銀之事再三稟求聖主逾格施
恩赦其已往以全閩部番民之命茲於八月初八日遣辦事大頭目噶第烏
達特塔巴蘇巴巴爾底曼喇納甲察布拉咱音達薩野喀爾達爾巴拉巴達爾
四名恭齋表文進京並虔備樂工馴象番馬孔雀甲噶爾所製番橋珠佩珊瑚
串金銀絲緞金花緞氍毹象牙犀角孔雀尾鎗刀藥材共二十九種隨表呈進
另稟懇臣代奏當即譯閱表文詞意極為恭順懇至並據第烏達特塔巴等伏
地哀懇叩頭乞命至於泣下跪稱廓爾喀部長拉特納巴都爾部長之叔巴都
爾薩野本係邊外小番曾歸王化渥受大皇帝天恩特加封爵錫賚多珍高厚
恩慈至今頂戴乃拉特納巴都爾年幼無知巴都爾薩野罔識天朝法度因沙
瑪爾巴從中簸弄唆使廓爾喀與唐古忒藉端滋事拉特納巴都爾等輕聽其
言侵犯後藏仰煩大皇帝天兵遠討誅戮頭目人衆三四千人攻據地方七八
百里天威震疊廓爾喀墮落心驚拉特納巴都爾及巴都爾薩野自知罪在不
赦惶懼尤甚從前侵犯藏界之事雖係被人煽惑而孽實自作萬不敢絲毫置
辯諉咎於人惟有仰懇轉奏大皇帝大沛恩施開一線之路如蒙允准免其誅
滅廓爾喀閩部地土人民皆出大皇帝所賜銜威宏施局其有極前立合同混
行開寫各條萬不敢復提一字廓爾喀永為天朝屬下每屆五年期貢之期即
差辦事噶第烏一名仰親天顏子子孫孫恪遵約束懇求大將軍據情轉奏等語
臣等隨諭拉特納巴都爾巴都爾薩野自速誅劬侵擾藏地天兵至此本應滅
爾部落噫類無遺今拉特納巴都爾等敬稟大皇帝天威萬分悔懼屢懇投降
情詞恭順本大將軍不敢壅於上聞當即據實具奏大皇帝如天好生或可仰
蒙鑒察宥罪施恩倘荷聖慈允准從此爾部落惟當遵奉天朝法度不得復滋
事端方可永受大皇帝天恩保守境土此次天兵威力爾已深知若稍抗違即

清史稿

國傳四

四

是自取滅亡後悔無及其頭目跪聆之下戰慄叩頭感懼之誠形於辭色臣等伏思廓爾喀恃其險遠構釁稱兵上年歲事遂就議和兵威未加罔所祇懼是以投誠甫及兩年復行反覆此次大興師問罪仰承聖主指授機宜士卒爭先用命越險摧堅兵到之處屢戰屢勝大半殲擒廓爾喀在西番各部素稱強悍今見天朝兵力精強所向無敵全部震懼遣大頭人來營乞降察看情辭實出誠悃伏查前承明旨諭令臣等酌量情形倘軍臨賊境賊匪心懷懼伏悔罪乞哀或可申明約束俯允所請納款班師仰見我皇上廟算精詳幾先指示義正仁育威德單敷臣等實深欽服今廓爾喀業已悔罪投誠遣大頭人恭進表文請於象馬方物之外虔備樂工使隸於太常附各國樂舞之末並懇定立貢期遣使五年朝貢一次詳察賊情實屬傾心向化不敢再滋事端衛藏全境似可永底敕甯相安無事矣疏入帝允受降諭福康安等籌善後撤兵仍以所獲熱索橋以西協布魯雅鴉東覺堆補木帕朗古各地還廓爾喀熱索橋以內濟噶聶拉木宗喀前屬藏地為廓爾喀所據者仍歸後藏沿邊設立鄂博如有偷越

清史稿

廓爾喀四

五

即行正法遇有遣使表貢先行稟明邊吏允許始准進口八月廓爾喀會遣蘇必達巴依喇巴忻喀瓦斯並親信瑪泌達拉喀瓦斯至營呈水牛猪羊各百頭米二百石果品糖食百筐酒百篋備福康安諭留牛羊各十頭米十石以答其誠敬之意餘皆發還復賞錦緞各四疋廓爾喀益感服受約束二十一日班師十月初三日福康安還後藏五十八年正月廓爾喀貢使噶爾第烏達特塔巴等贊貢物至京師帝賜宴命與朝鮮暹羅各使同預朝賀封拉特納巴都爾為廓爾喀王自是五年一貢聽命惟謹其後英吉利據印度時被侵略迫訂西古利條約廓爾喀始將西界克美恒山地及開利川河流域割於英廓爾喀既為英逼動修國政力保自主之權英雖覬覦之無如何也光緒末猶入貢中國云

浩罕古大宛國地一名敖罕又曰霍罕葱嶺以西回國也東與東布魯特接南與西布魯特接西與布哈爾國接有四城俱當平陸一日安集延東南至喀什噶爾五百里其人長於心計好賈遠游新疆南北各城處處有之故西域盛稱

安集延遂為浩罕種人之名從安集延西百有八十里為瑪爾噶朗城又西八十里為那木干城又西八十里為浩罕城四城皆近納林河惟那木干在河北南北山泉支流會合襟帶諸城之間土膏沃饒人民殷庶其人奉回教習帕爾西語亦布魯特種也其頭目冠高頂皮帽衣錦衣民人戴白氈帽黃褐諸城皆有伯克而浩罕城伯克額爾德尼為之長眾聽命焉乾隆二十四年將軍兆惠追捕霍集占兄弟遣侍衛達克塔納等撫布魯特諸部至其境額爾德尼迎之入城日饋羊酒瓜果詢中國疆域形勢畏慕奉表請內附並上將軍書稱為至威至勇如達賚札木西特之將軍旋遣頭目托克托瑪哈穆等貢馬京師二十五年遣侍衛索諾穆策凌齎敕往諭額爾德尼率諸伯克郊迎成禮是為浩罕屬中國之始浩罕風俗與天山南路諸回部略同而為勇過之有百回兵不

清史稿

廓爾喀四

六

如一安集延之語初大軍追霍集占急霍集占遣使欲投浩罕不報尋霍集占兄弟為巴達克山所殲波羅尼都次子薩木薩克逃入浩罕浩罕藉其和卓木之名居為奇貨和卓木譯言聖裔也回教徒尊之所至景從嘉慶二十五年薩木薩克次子張格爾由浩罕糾布魯特寇邊道光六年張格爾復求助浩罕入寇約破西四城子女玉帛共之且割喀什噶爾其勢浩罕自將萬人至則張格爾已探喀城無援背前約浩罕怒自督所部攻喀城不下率兵背遁張格爾使人追誘其眾歸投者二三千人張格爾置為親兵及西四城破浩罕兵盡得府庫官私之財並搜括回戶殆遍揚芳追張格爾至阿賴嶺遇浩罕伏兵二千軍幾殆鏖戰一晝夜始出險八年張格爾既伏誅其妻子留浩罕欽差那彥成檄令縛獻不從詔命絕其互市困之那彥成並奏驅留商內地之夷且沒入其資產諸夷商憤怒乃奉張格爾之兄玉素普為和卓木糾結布魯特安集延數千人寇圍喀什噶爾英吉沙爾犯葉爾羌雙昌哈豐阿等拒而破之賊悉掠喀什二城遁出邊十一年浩罕聞大軍且至由伊犁烏什喀什三路出師築邊牆拒守又乞俄援俄弗許浩罕念無外援遂遣頭目至喀什請欽差長齡呈訴並請通商長齡遣還二使留其一使令縛獻賊目釋回被虜兵民浩罕報言被虜兵民可釋還惟縛獻夷目事回經所無且通商求免稅並給還鈔沒資產長

齡疏言安邊之策振威爲上羅摩次之活罕與布喇爾達爾瓦斯喀拉提錦諸部部落犬牙相錯所屬塔什干安集延等七處均無城池其臨戰皆恃騎賊然在馬上不能施射礮倘以鳥鎗連環擊之則騎賊必先奔其卡外布魯特哈薩克向受其欺凌爭求內徙而卡內回衆亦恨其虜掠無人理果欲擊罪致討但選精銳三四萬人整軍而出並於伊犁烏什邊境聲稱三路並進先期檄諭布哈爾等部同時進攻則不待直擣巢穴而其附近諸仇部已乘釁並起可一舉而平之矣惟是大軍出塞主客殊形自喀浪圭卡倫至活罕千六百餘里有鐵列克嶺爲活罕布魯特界山兩山夾河僅容單騎兩日方能出山此路奇險勞師遠涉勝負未可盡知今擬遣還前所留來使一人令伯克崔爾敦寄信開導爲相機驅糜之計蓋活罕四城外有二小城曰窩什在東南曰霍占在西南曰科拉普在西北塔什干別爲一部屬右哈薩克亦附活罕稱活罕八城故云所屬七處也奏入詔一切皆如所請活罕大喜過望遣使來抱經盟誓通商納貢焉是時活罕會護哈馬阿里勢頗張既與中國和北結俄羅斯南通印度其人

清史稿

卷五三四

七

有才略而性淫暴徵民女納父妾布哈爾會遣使責之謨哈馬阿里怒覺其使布哈爾遂率衆攻活罕擒斬謨哈馬阿里及其父妾並俘獲姬妾四十車凱旋以伊布拉與留守遣使至中國卡倫告捷時道光二十二年也會伊布拉與虐活罕民活罕叛立西爾阿里布哈爾遣兵二萬來伐有謨蘇滿沽者活罕人謂布會曰此可說而下也請先行布會許之至活罕乃力勸拒守布哈爾兵至攻四十日不克解圍去於是謨蘇滿沽預國政西爾阿里死次子古德亞嗣立謨蘇滿沽妻以女防之甚嚴不使接賓客會塔什干人犯境謨蘇滿沽挾以出征兵交而古德亞逃入敵軍後塔什干平謨蘇滿沽獲之復載回國六月黨人沙特殺謨蘇滿沽及其黨萬餘人古德亞走布哈爾衆立古德亞之弟馬拉又二年黨人基布查怨望謀逆殺馬拉立古德亞從弟沙漠拉古德亞之在外也爲人傭工以塔什干之力得復國後阿林沽作亂又出奔商於外復以布哈爾之力復國時俄兵日南古德亞不能禦敵請和古德亞有子曰那西亞丁願得民心種人謀立之誅其貪吝者於是國內亂古德亞奔俄那西亞丁立率黨人叛

俄以俄非回教國也光緒二十九年俄人滅其國置費爾干省 布魯特分東西二部東布魯特在伊犁西南一千四百里天山特穆爾圖渾爾左右古爲烏孫西部塞種地其部有五每部各一鄂拓克最著者三曰薩雅克鄂拓克曰薩拉巴噶什鄂拓克曰塔拉斯鄂拓克其酋長戴冠帽似僧家毘盧頂甚銳捲末爲檜衣錦衣長領曲袷紅絲緋紅革鞮民人冠無皮飾衣褐先是東布魯特爲準噶爾侵逼西遷安集延乾隆二十年準部平得復故地二十三年六月將軍兆惠等追捕準部餘黨哈薩克沙喇至東布魯特界遣侍衛烏爾金托倫泰往撫抵其游牧珠穆輪地薩雅克薩拉巴噶什兩鄂拓克不自主別推一年長者瑪木克呼里主之年九十餘體碩跌坐腹垂至地不能遠行遣使獻牛羊百頭將軍等燕而示之講武咸詔服天朝騎射之利乞內附於時兼撫定霍素楚啓台兩鄂拓克七月參贊大臣富德復遣侍衛伊達木札布往諭薩雅克鄂拓克阿克拜亦率衆五千戶來歸同遣使入朝其貢道由回部以達京師西布魯特與東布魯特相接在回疆喀什噶爾城西北三百里西接布哈爾國道由鄂什山口踰葱嶺至其地蓋古之休循捐毒也凡十有五部最著者四曰額德格納鄂拓克曰蒙科爾多爾鄂拓克曰齊里克鄂拓克曰巴斯子鄂拓克衣冠風俗皆同東部乾隆二十四年將軍兆惠既定山南追捕逸回道其地其渠長遮道奉將軍書曰額德格納布魯特部小臣阿濟比恭呈如天普覆廣大無外如愛養衆生素資滿佛之鴻仁如古伊子達里之神威如魯斯坦天下無敵之大勇富有四海乾隆大皇帝欽命將軍之前謹率所部自布哈爾以東二十萬人衆盡爲臣僕頭目等以未出痘不敢入中國謹遣使入朝京師兆惠以聞詔受之於是東西兩部皆內附凡布魯特大首領稱爲比猶回部阿奇木伯克也比以下有阿哈拉克齊大小頭目喀什噶爾參贊大臣奏給翎頂二品至七品有差歲遣人進馬酌賞綢緞羊隻商回以牲畜皮張貿易至者稅減內地商民三分之二二十七年阿濟比所屬鄂斯諸部地爲活罕所擾新調大臣諭還之明年別部長阿瓦勒比願以其地供內地游牧帝喜許之賜四品服然布魯特人貧而悍輕生重利喜虜掠乾隆以後邊吏率庸材撫馭失宜往往生變嘉慶十九

清史稿

卷五三四

八

年孜牙傲之案枉誅圖爾第邁莫特其子阿仔霍逃塞外憤編種類圖報復二十九年叛回張格爾糾布魯特數百寇邊有頭目蘇蘭奇入報為章京級善此逐蘇蘭奇憤走出塞遂從賊道光四年張格爾屢糾布魯特擾邊五年九月領隊大臣色彥圖以兵二百出塞四百里掩之不遇則縱殺遊牧之布魯特妻子百餘而還其曾汰列克恨甚率所部二千人追覆官兵於山谷賊遂猖獗於是

清史稿

圖爾第

九

哈臺西界右哈薩克部南界伊犁北界俄羅斯漢康居國地也哈薩克汗阿布賽之告順德納曰我哈薩克之有三玉茲如準噶爾之有四衛拉特也東部者左部也曰鄂圖玉茲謂之伊克準中部者右部也曰烏拉克玉茲謂之多木達都準西部最遠曰奇齊克玉茲謂之巴罕準左部之汗曰阿布賽右部之汗曰脫卜柯依西部之頭人曰都爾遜初阿布賽乘準噶爾平遣使往諭阿布賽投誠適阿陸爾撒納叛走哈薩克阿布賽納之我兵進敗其衆阿布賽大悔密計禽阿逆以求臣於我會阿逆遁歸準噶爾二十二年阿布賽以其兵三萬助攻阿逆陳情謝罪奉表請內附後阿陸爾撒納奔俄而死阿布賽乃禽其黨額布濟齊巴罕以獻其別部和集博爾根及喀拉巴勒特並率其屬三萬戶來附二十四年以後屢遣使朝貢並賜冠服宴費如例右哈薩克在左哈薩克之西二千里東界左部西界塔什干南界布魯特安集延諸部北界俄羅斯東南界伊犁亦漢康居五小王地也其汗曰阿布勒班畢特即阿比里斯其巴圖爾有二日吐里拜曰輝格爾德曰薩薩克拜而吐里拜實專國政乾隆二十二年左部

阿布賽既臣服請招右部會參贊大臣富德方以兵索逆賊哈薩克錫拉至右部時吐里拜方與塔什干交兵為平之乃下於是吐里拜詣軍門納款奉馬進表請歸附二十三年以後屢遣使入朝恩賜宴費如例其貢道均由伊犁以達京師今則自中俄定界後哈薩克已分屬兩國矣 安集延亦大宛國地喀什噶爾西北五百里西至浩罕三百八十里其貢道山回部以達京師乾隆二十四年將軍兆惠檄諭協擒逆回霍集占其伯克以逆回未至彼境即專使齎請入覲二十五年伯克托克托瑪哈墨第等來朝貢賜宴賞費如例 瑪爾噶朗在安集延西百八十里乾隆二十四年伯克伊拉斯呼里拜率屬投誠 那木干在瑪爾噶朗西北八十里其地東北與布魯特雜處東境隴河即為塔什干地乾隆二十四年與浩罕同時輸誠內附 塔什干在喀什噶爾西北一千三百里漢為康居大宛地唐之石國也居平原原有城郭人民奉回教與哈薩克同以三和卓分轄其衆曰莫爾多薩木什曰沙達曰吐爾占舊為準噶爾屬莫爾多薩木什者哈薩克所置和卓也吐爾占逐之與哈薩克構兵乾隆二十二年

清史稿

圖爾第

十

年參贊大臣富德追捕哈薩克沙喇至其地遣使往撫軍於莽格特城外待之時吐爾占方與哈薩克戰河上因諭以睦鄰守土之義皆感悟釋兵和好如初乃遣其屬默尼雅斯奉表求內屬曰臣莫爾多薩木什恭奉諭音若開醬味茲邊末敢備外藩罔或有二心謹以準噶爾什木札布獻之闕下外臣草莽冀瞻聖容躬服紳訓同歸怙冒永永無極額什木札布者阿陸爾撒納兒子也帝宥而遣之吐爾占亦貢馬稱臣遣子入覲塔什干至是自通於中國列藩臣焉嘉慶中塔什干附浩罕為浩罕八城之一同治三年俄人以伐浩罕之師奪塔什干開錫爾達利亞省於是塔什干部遂亡塔什干居納林河流域之中樞扼中亞細亞通道納林河今又名錫爾河西北流入鹹海由塔什干西南行踰錫爾河至薩馬爾罕又踰阿母河分入印度波斯北山阿倫不爾厄越烏拉山脈達歐俄而東行可至伊犁河以通中國故俄人置土耳其斯坦總督駐之塔什干山泉暢流其乞爾乞河卡拉蘇河安噶連河皆發源雪山灌溉農田地宜五穀故人民常有餘糧樹木叢雜多果木宜蠶桑而棉花產額尤鉅云 巴達克

山在葉爾羌西千餘里居葱嶺右偏由伊西洱庫爾西稍南行渡噴赤河至其國有城郭部落繁盛戶十萬餘其酋戴紅氍毹小帽束以錦帕衣錦氍毹衣腰繫白絲維黑革鞮其民人帽頂制似葫蘆邊飾以皮衣黃褐束白絲維黑革鞮亦有黃牛皮者婦人不冠被髮雙垂衣紫氍毹與男子同其國負山險田地腴美築室以居耕而兼牧獵乾隆二十四年八月回曾博羅尼都霍集占兄弟敗奔巴達克山富德率師至其地以博羅尼都霍集占逆狀諭示巴爾素爾坦沙令禽獻時二賊竄入巴達克山之錫克南村詭稱假道往墨克祖爾大肆劫掠素爾坦沙縛博羅尼都而以兵攻霍集占於阿爾渾楚哈嶺霍集占退保齊那爾河不能支傷背及乳禽之囚於柴札布柴札布者繫囚處也素爾坦沙遣使詣軍門投款且報禽二賊富德令獻俘進軍瓦罕城以待是時溫都斯地方以兵臨巴達克山謀劫霍集占兄弟霍集占陰通巴達克山贊國塔爾巴斯會謀洩素爾坦沙遷霍集占兄弟密室以二百人圍而殺之刃其賊以獻並率其部落十萬戶及鄰部博羅爾三萬戶以降二十五年遣額穆爾伯克朝京師貢刀斧

清史稿

國傳四

十一

及八駿馬二十七年再遣使來朝二十八年貢馬犬鳥槍腰刀後其國為愛烏罕所併巴達克山酋所居地曰維薩巴特在喀克察河上噴赤河自瓦罕帕米爾流入境繞其東北喀克察河西流入之下流為阿母河唐書言竭盤陀國治葱嶺負徙多河即巴達克山地也 博羅爾在巴達克山東有城郭戶三萬餘四面皆山西北則河水環之乾隆二十四年既與巴達克山同內附遣其陪臣沙伯克等朝京師二十七年十一月博羅爾伯克沙呼沙默特貢劍斧諸物二十九年貢七首是時博羅爾與巴達克山屢擄殺沙呼沙默特乞援於葉爾羌都統新柱遺諭巴達克山遵約束還俘能兵至是沙呼沙默特以所寶七首進貢謝恩三十四年又進玉櫛雙七首博羅爾人別一種築室而居有村落無文字與諸回部言語不通惟衣帽則與安集延相類人皆深目高鼻濃鬚纒髮男多女少恆兄弟四五人共一妻生子女次第認無兄弟者與戚里共之土牛沙鹵故其人苦貧地多桑取甚曝乾為糧飲山羊乳以馬灌為酒稱其酋曰比以人口為賦稅生子女納其半賣於各回城為奴婢值頗昂每口值八九十金

後亦為阿富汗所併 阿富汗即愛烏罕其國北界布哈爾南界俾路支東界印度西界波斯東西二千餘里由巴達克山西南行約七百里歷依色克米什班因察里克爾諸回部越因都庫什山至喀布爾其國都也因都庫什山者葱嶺山脉右旋之支迤邐而西名伊蘭高原其地波斯處其西而阿富汗處其東本爾賓故國分七大部首日喀布爾部內屬部七日岡大害部內屬部四日射士當部曰愛拉部內屬部二日歐潑部內屬部三日愛乍爾部曰加非利士當部內屬部七西與波斯接壤有沙磧餘皆沃壤其氣候高地多寒近低地則熱物產果木棉花甘蔗烟草之屬人皆土著業農無遊牧工織毛布著名西域戶口約五百餘萬分二十四族每族聚居一地皆自治其長之升降則聽命於王焉其人勇猛樸誠出天性易折循乾隆二十四年大軍追討霍集占兄弟二賊欲假道巴達克山赴阿巴曾中道邀而殺之其屬有奔阿者告以情阿曾愛哈摩特沙將與師巴曾素爾坦沙懼路以御賜燈及中國文綺阿遂罷兵且遣使密爾漢借巴使來納款欲窺中國虛實也二十七年入貢良馬四馬高七尺長

清史稿

國傳四

十二

八尺是為回疆最西之屬國時阿富汗初離波斯獨立自稱算端勢張甚六侵印度北印度大半為所略愛哈摩特沙死國人爭立紛擾者數十年道光六年德司脫談哈美德起兵喀布爾統一阿富汗愛哈摩特沙元孫希耶速的逃印度求庇於英十九年英印度總督奧克蘭德攻阿富汗取乾陀羅哥疾雷遂陷喀布爾立速的為阿富汗王阿人厭速的並起絕英軍歸路英軍敗德司脫談哈美德仍復位二十九年始與英和英之有事於阿富汗也俄人滅布哈爾次第南侵英人以阿富汗為印度藩籬抗之尤力光緒間帕米爾分疆之議起英人復以保護阿富汗為名出而干涉帕事矣帕米爾者葱嶺山中寬平之地供回族遊牧者也帕地有八其中皆小回部錯居乾隆中大部隸屬中國疆廢之使弗絕厥後迤邐北迤西稍稍歸俄迤南小部附於阿富汗東路中路則服屬於中國於是帕米爾遂為中俄阿富汗三國平分之地出帕米爾南輪因都庫什山即達印度故俄人盡力經營之而英人亦遂急起而隱為之備英之為阿爭即不啻為印度爭也初乾隆二十四年高宗平定回疆窮追賊首至伊西洱庫

爾三戰三捷遂成大功高宗御製碑文勒銘渾爾西域圖志所指為喀什噶爾西境外地者也當日喀城邊卡西境之玉斯屯喇圖什卡僅八十里西南之鄂坡勒卡僅一百二十里道光間欽定邊卡西至烏帕喇特卡一百二十里西北至喀浪圭卡一百五十里道光緒間克復新疆劉錦棠始增設七卡於舊界之外十五年又設蘇滿一卡於伊西洱庫爾渾爾北十里是卡距喀城千六百里最為驚遠僅以布魯特回人守之未駐兵也英使之初議分帕也我國嚴拒之未允其請既而俄兵闖入帕地我國責其稱兵越界俄人即引咎退歸光緒十七年英兵入坎巨提逐其頭目其意在覬覦帕地也新疆巡撫馬隊巡歷邊境屯於蘇滿十八年春俄人來言帕地為中俄兩屬未經勘界中國不應駐兵總理衙門遂電疆撫退兵而仍留蘇滿卡倫俄復請撤新設諸卡然後勘界正相持間而英人陰嗾阿兵突至蘇滿脅勒布回而去俄遂進兵與阿人戰於蘇滿其東隊則遊弋於耶庫里湖阿克塔什漸近喀邊總理衙門疏言我國先駐蘇滿之兵不早撤回則俄阿戰事將自我啟之轉難收束阿雖佔地而適

清史稿

國傳四

十三

致俄兵蠻觸相爭原可不必過問但其東駭駭逼近邊境頗為可慮耳蓋阿富汗自乾隆後朝貢不通久置之度外矣至是復一見焉二十一年帕米爾界議始定

坎巨提即乾竺特在葉爾羌西南約一千五百里自葉爾羌西行入葱嶺至塞勒庫勒之塔什庫爾干即蒲犁廳也由是西行踰尼若塔什山口又西南至塔克敦巴什帕米爾為八帕之一由是南踰瓦呼羅特明塔夏兩山口西為因都庫什山東為穆斯塔格山出口順根雜河南行又順河折西抵根雜即坎巨提都城城瀕根雜河北岸西域水道記言塞勒庫勒在葉爾羌之西八百里為外蕃總會之區自塞勒庫勒西五日程曰黑斯圖濟又西南二日程曰乾竺特即坎巨提譯文異耳乾隆二十六年其曾有黑斯婁者始內附即葉爾羌辦事大臣新柱奏稱乾竺特伯克黑斯婁遺子貢金者也其人皆奉瑪罕默德回教其部落東西寬二十里南北長六百里兩山夾立廣大峻削中有大河為入南疆要隘坎部民住河西河東則哪格爾所屬也根雜城大約二里城北有大山

曰溫吉爾河曰崇帶雅所轄村莊二十五城中居民二千餘其在各莊者約五千餘人城鄉大小頭目一百四十土產牛羊馬匹無布帛盡衣毛褐五穀諸果俱備敵國有犯境者民即為兵選精壯者出關禦之人皆業農不納糧不徵稅惟歲與其會耕飲而已每歲貢中國砂金一兩五錢派之民農戶收麥十二斤畜牧家則戶收羊羔一以集此款無他徭也貢使至朝廷賞大緞兩端其貢至宣統間不絕道光間克什米爾國王熱吉苦羅普散令其將布甫山率兵犯境奪坎屬麻雲卡坎會夏孜牌爾敗之追斬七千餘名克什米爾遣使構和年與坎會洋銀一千五百元元重二錢五分坎會以馬二匹細狗二隻報之人謂入貢克什米爾者妄也同治四年克什米爾國王令就貝爾薩再犯境坎王艾贊木復戰敗之蓋至是克什米爾已四犯坎屬矣光緒間俄兵入帕米爾英人聞之率兵至哪格爾並撤坎巨提修平道路備兵進帕地哪格爾首抗英坎會助之十七年英人敗哪格爾直抵坎城賽必德噶里罕戰敗携眷屬潛遁英人遂據其地先是賽會私與俄通上降書押結約俄奪佔帕米爾修築堡壘於黑孜

清史稿

國傳四

十四

吉牙克阿克素陸爾瓦蘇滿三處並建營於包子滾拜子以扼要衝俄人復書報以金幣千元金絲呢布諸貨六缺快曠六桿賽會悖逆無信不恤部眾且狡而好利屢挑釁英俄以求賄視其部為市販其副目歪孜爾素執兵權同惡相濟部民皆深忌之至是率其眾五百餘人將奔俄塔墩巴什頭目窩思滿集眾邀之張鴻鸞拘諸色勒庫爾屢謀突城出不得後解省羈禁十有七年嗣復安置庫車其子米則拜爾及家屬男女五十二人均編住莎車熱瓦奇莊賽會之外產也魯從之眾悉送還部並諭飭賽會之弟買賣提咬孜木代理坎巨提頭目以安民心出使英法義比大臣薛福成與英外部商定派員會立坎會其疏略云中國回疆之外向有疆際各回部惟自成豐同治以來中國內寇不靖未遑遠略俄國既以兵力吞併浩罕布魯特哈薩克布哈爾諸回部而巴達克山魯善什克南瓦罕諸小部則皆服屬於阿富汗邇來阿富汗為英屬國英之大勢駭駭由印度北嚮有與俄國爭雄之意而中國西邊之外遂日以多事坎巨提一部近喀什噶爾南界在葱嶺以南厥地縱橫數百里戶口約近萬人近年

屬回之入貢中國者祇此一部蓋即新疆識略之乾竺特一統輿圖及時憲書之喀楚特同音而異譯也英之印度總督歲貼坎巨提經費以助彼整理防務為名實隱收其內政之權去年夏秋間坎巨提已有赴喀什噶爾告急之舉則以英人築一礮臺俯臨坎境也本年正二月間疊承總督電信以英兵侵坎巨提其頭目連戰不勝率其眾逃詣卡外求援臣以起釁情節詰英外部詢知英兵修築一路直貫坎境北抵興都哥士大山意在扼此隘口以杜俄眾南侵而保印度門戶其頭目與師攔阻為英兵擊敗踞其所居之棍雜城臣與英相兼外部尚書沙力斯伯里晤商據稱並無滅坎之意亦無阻坎入貢中國之意祇以坎曾罪惡甚多輕慢英官不得不示以懲儆也臣與總署電商因坎曾聲名素劣勢難必使復位其部既係兩屬之國與專屬中國者又稍不同祇可酌就外部之辭與之理論外部語言閃鑠其初次存坎之說既甚游移而必欲據坎之心則甚堅朝幸而窺彼隱情頗以俄儀方張亟思聯絡中國不欲飲怨樹敵臣得就此設法磋商英廷近稱選得舊酋之弟買賣提咬孜木可為坎巨提頭

清史稿

屬國傳四

七十五

目擬請中國派員會同英員行封立之禮已由總署電告新疆巡撫選派委員前往臣與外部商訂儀節華員英員共為一班克什米爾係英屬國位次應稍居後行禮之期初訂在十八年閏六月二十三日現展至七月二十五日屆時彼此和衷妥辦即可藏事新疆巡撫陶模即委阜康縣知縣田鼎銘都司張鴻疇前赴坎部會同英員熱布生更立買賣提咬孜木為坎巨提頭目封立儀節華員居右英員次之英屬克什米爾委員居左稍下新酋又次之張鴻疇宣布皇上德意賞給大緞諭令貢金照舊呈進鎮撫部民毋任剽掠其會悉俯首聽命云坎部國於山谷中崇峰疊嶂道路險絕中有喀喇闊魯穆大冰山時至十一月積雪甚厚以長毛牛負囊橐而行明塔夏山口高萬四千四百尺路有巨石蓋古時流冰所經地也出山口里許有一流冰過此即易行再喻數洞兩崖壁立頂有積雪至米斯夏居人皆縫爾韃回教不幕有室廬村各為堡壘石為之性强悍以寇鈔為俗然皆曾所使所劫貨物大半歸酋四出剽掠或遠至庫車雅爾山脈下垂如筵水流其間土較腴美近帕蘇又一流冰其融處高八千

尺光緒十五年英人楊哈思班遊至其部坎酋言我受上帝命親斷父母死罪而殺之并殺其兄弟投於山下遂踐是位其悖逆如此或謂其地立國最古殆周時曹奴氏之所居穆天子傳庚辰濟于洋水辛巳入于曹奴曹奴之人獻天子于洋水之上洋水即棍雜河山海經言洋水西南流注于醜塗之水今棍雜河發源因都庫什山西南流至幾勒幾特城東南入印度河醜塗為印度轉音醜塗水即印度河也